





机警練

#### 圖書在版編目(CIP)數據

儒藏. 精華編. 二〇〇/北京大學《儒藏》編纂與研究中心編. 一北京: 北京大學出版社, 2014. 5

ISBN 978-7-301-11918-1

I.①儒··· Ⅱ.①北··· Ⅲ.①儒家 Ⅳ.①B222

中國版本圖書館 CIP 數據核字(2014)第 086442 號

書 名: 儒藏(精華編二〇〇)

著作責任者:北京大學《儒藏》編纂與研究中心編

責任編輯:沈榮瑩

標 準 書 號: ISBN 978-7-301-11918-1/B • 0604

出版發行:北京大學出版社

地 址:北京市海淀區成府路 205 號 100871

網 址: http://www.pup.cn 新浪官方微博:@北京大學出版社

電子信箱: dianjiwenhua@163.com

雷 話:郵購部 62752015 發行部 62750672 編輯部 62756449

出版部 62754962

印刷者:北京中科印刷有限公司

經 銷 者:新華書店

787 毫米×1092 毫米 16 開本 56 印張 673 千字

2014年5月第1版 2014年5月第1次印刷

定 價:500.00元

未經許可,不得以任何方式複製或抄襲本書之部分或全部内容。

版權所有,侵權必究

舉報電話: 010-62752024 電子信箱: fd@pup. pku. edu. cn

教育部哲學社會科學研究重大課題攻關項目

北京 大學「九八五工程」重點項目國家 社會 科學基金 重大項目 目「十一五」國家重點圖書出版規劃項目・重大工程出版規劃

# 《儒藏》精華編第二〇〇册

首席總編纂 季美林

項目首席專家 湯一介

纂 湯一介

總

編

本

册

主

編

鄧

球柏

龐

樸

孫欽善

安平秋

(按年齡排序)

#### 精華編凡例

則 爲 的 儒 典 家 (籍的 が經典 、中國傳統文化以儒家思想爲中心。 叢 和 編。 反 映 收 儒家思想、 書時限自 體現 先秦至清代結束 儒家經 世 做 儒 人原 藏

一、《儒藏》精華編爲《 儒藏》的 部分,選收《儒

藏 》中的 精要書籍

寫者 互見。 漢文寫作 已收入入選的 分類法分類 土文獻。 中國古籍善本書目》,於個別處略作調 三、《儒 律 出 傳世文獻按《四庫全書總目》經史子集四 的 收其釋文文本。 土文獻 儒學著作,編爲海外文獻部 ,大類、小類基本參照《中國叢書綜 藏》精華編所收書籍,包括傳世文獻和 個 單 人叢書或全集者,僅存目録 刻 爲 韓國、日本、越南 個 部 類,原件以古文字書 類 整。 儒 並 學者用 凡 録 單 注 》和 明 書 部 出

> 編,不改編,保持原書的完整性和 四、所收書籍的篇目卷次,一 獨 仍底本原貌,不 V. 性

選

Ŧī.

對

人選

書

籍

進

行

簡

要校

勘

以

對

校

爲

È

爲 勘價值 確定内容完足、精確率高的 È ,酌校異 的 版本爲校本。 同。 校記力求 出校堅持 規 版 範、精 本爲底 少而 煉 本、精 精 以 選 校 有 īE. 校

例,進行 規範化標點。 專名 號 除書名號用角 號(《

六、根據

現

行

標點

符

號用

法,結合古

籍

標

點

通

落。 外,其他 正文原已分段者,不作改動。 七、對較長的篇章,根據文字内容,適當劃 律 省 略

千字

以内

的

短

文

分段

般不分段。

及其他 及整理 出現順序 介紹作者生平、該 八、各書卷端由整理者撰寫《校點説明》, 有 時 前 關 所確定的底本、校本(舉全稱後括注 情況。 詳 後 略 書 重複 成書背景、主要内 出 現的作者,其生平 容及影 事蹟 響,以 簡 簡 稱 按 要

九、本書用繁體漢字豎排,小注 律排 爲單行。

凡

## 《儒藏》精華編第二〇〇册

子部

雜學類

雜考之屬

日知錄集釋[清]顧炎武撰 黄汝成集釋 ......

1

### 日知録集釋

〔清〕黄汝成 集釋〔清〕顧炎武 撰

六爻言位	互體	卦變 七	卦爻外無别象 六	朱子周易本義 三	重卦不始文王 二	三易	日知録集釋卷一	日知録自記 ················ 一五	先生初刻日知録自序 一二	原序	敘 三	欽定四庫全書提要 一	校點説明 一		金	目 录	
以杞包瓜	包无魚 一六	姤	利用爲依遷國 一五	上九弗損益之 一四	損其疾使遄有喜 一四	有孚於小人 一四	罔孚裕无咎 一三	天在山中 一三	不耕穫不菑畬 一三	不遠復 一二	童觀 一二	成有渝无咎 一一	自邑告命 一一	武人爲於大君 一〇	既雨既處 一〇	師出以律 一〇	九二君德 九

過此以往未之或知也 二五	垂衣裳而天下治 二五	形而下者謂之器 二五	繼之者善也成之者性也 二五	通乎晝夜之道而知 二四	游魂爲變 二三	東鄰 二三	妣	山上有雷小過 二二	翰音登于天 二一	巽在床下 二一	鳥焚其巢 二〇	君子以永終知敝 二〇	鴻漸于陸 一九	艮其限 一八	艮 一八	改命吉 一七	已日 一七
<b>3 3 3 3 3 3 3 3 3 3 3 3 3 3 3 3 3 3 3 </b>	三江	懋遷有無化居 四一	惠迪吉從逆凶四〇	舜典	九族 三六	帝王名號 三五	<b>日知録集釋卷二</b> 三五	卜筮三二	七八九六三〇	孔子論易 二九	晉晝也明夷誅也 二九	序卦雜卦 二九		説卦雜卦互文 二七	易逆數也 二六	凡易之情 二六	困德之辨也 二六

 $\equiv$ 

召誥	之命	周公居東 五九	龜從筮逆 五八	彝倫 五八	大王王季 五七	王朝步自周 五六	百姓有過在予一人 五六	泰誓 五五	武王伐紂 五二	殷紂之所以亡 五二	少師 五一	西伯戡黎 五一	惟元祀十有二月 五〇	胤征 五〇	惟彼陶唐有此冀方 四九	厥弟五人 四八
詩有人樂不人樂之分 ·············· 八二日知録集釋卷三 ············ 八二	豐熙僞尚書 七九	書序 七八	古文尚書 七一	秦誓 七一	文侯之命 六九	罔中于信以覆詛盟 六九	矯虔	顧命 六五	司空 六五	建官惟百 六三	王來自奄	惟爾王家我適 六二	汝其敬識百辟享 六二	節性 六二	其稽我古人之德 六一	元子 六一

日知録集釋卷四 成 仲子 ……… 邾儀父…… 改 三正 魯之春秋 敷奏其勇 天王 ……… 謂 王正月……… 閏月 ..... 春秋闕疑之書 詩序 ..... 魯頌商頌 玄鳥 …… 實始翦商 月 秋時月並書 風敬嬴 爲元 目 録 \_ \_ \_ \_ 二八 二七 二四  $\ddot{=}$ 二七 一五 二四 星孛 邾子來會公 殺或不稱大夫 三國來媵 納公孫寧儀行父于陳 邢人狄人伐衛 及其大夫荀息 禘于太廟用致夫人 許男新臣卒 亡國書葬 闕文 ..... 王入于王城不書 楚吴書君書大夫 公及齊人狩于禚 夫人孫于齊 滕子薛伯杞伯

Ŧi.

四三

四三

四

四

四 刀 四二

四二

四

四〇

四〇

三九

三九

一三九

一三六

三七

趙盾弑其君 一五六	齊昭公 一五六	子叔姬卒 一五六	襄仲如齊納幣 一五五	微子啟 一五五	齊人殺哀姜 一五四	城小穀 一五四	築郿 一五三	星隕如雨 一五三	王貳於虢 一五二	人君稱大夫字 一五二	有諡則不稱字 一五一	大夫稱子 一四九	卿不書族 一四七	姒氏卒 一四七	未踰年書爵 一四七	諸侯在喪稱子 一四五	葬用柔日 一四五
母弟稱弟 一六八	紀履緰來逆女 一六七	所見異辭 一六六	文字不同 一六六	昌献 一六五	地名 一六四	列國官名 一六三	左氏不必盡信 一六三	春秋言天之學 一六三	一事兩占 一六二	天道遠 一六二	以日同爲占 一六二	占法之多 一六〇	五伯 一五九	城成周 一五	子大叔之廟 一五	樂懷子 一五	臨于周廟 一五七

邦饗耆老孤子 一七九	六牲 一七八	稽其功緒 一七八	木鐸 一七七	正月之吉 一七六	閻人寺人一七五	<b>日知録集釋卷五</b> 一七五	穀梁日誤作曰 一七四	王子虎卒 一七四	隕石于宋五 一七三	戎菽 一七三	隱十年無正 一七二	仲嬰齊卒 一七一	爭門 一七一	祭公來遂逆王后于紀 一七〇	鄭忽書名 一六九	穀伯鄧侯書名 一六九	子沈子 一六八
某子受酬	辭無不腆無辱 一九二	主人 一九一	奠摯見于君 一九一	王公六職之一 一九一	邦朋 一九〇	<b>涖戮于社 一八九</b>	用火 一八八	八音 一八七	凶聲 一八七	斗與辰合 一八六	樂章 一八三	不入兆域 一八三	凶禮 一八二	死政之老		造言之刑 一八一	醫師 一七九

目

術有序 二三六	庶民安故財用足 二三五	愛百姓故刑罰中 二三五	庶姓别於上 二三三	婦人不爲主而杖者 二三三	庶子不以杖即位 二三三	爲殤後者以其服服之 二三一	爲父母妻長子禫 二三一	不齒之服 二三一	社日用甲 二三〇	用日干支 二二九	武王帥而行之 二二九	文王世子 二二九	因國 二二八	邾婁考公 二二八	君有饋焉曰獻 二二七	子卯不樂 二三六	同母異父之昆弟 二二五
子路問强 二四四	君子而時中 二四三	未有上好仁而下不好義者也 二四三	財者末也 二四二	桀紂帥天下以暴 二四二	顧諟天之明命 二四一	致知 二四一	以養父母日嚴 二四〇	博愛二四〇	先古 二四〇	如欲色然 二四〇	吉祭而復寢 二三九	妻之黨雖親弗主 二三九	十五月而禫 二三八	親喪外除兄弟之喪内除 二三八	以其綏復 二三八	肅肅敬也 二三七	師也者所以學爲君 二三七

變齊變魯 二五六	夫子之言性與天道 二五四	忠恕 二五二	朝聞道夕死可矣 二五二	武未盡善 二五一	媚奥 二五一	子張問十世 二五〇	察其所安 二五〇	孝弟爲仁之本 二五〇	<b>日知録集釋卷七</b> 二五〇	肫肫其仁 二四九	誠者天之道也 二四八	思事親不可以不知人 二四八	達孝 二四八	三年之喪達乎天子 二四七	期之喪達乎大夫 二四七	鬼神 二四五	素夷狄行乎夷狄 二四四
不動心 二六八	未有義而後其君者也 二六七	梁惠王 二六六	有始有卒者其惟聖人乎 二六五	聽其言也厲 二六五	虞仲 二六四	性相近也 二六三	君子疾没世而名不稱焉 二六三	予一以貫之 二六二	管仲不死子糾 二六一	奡盪舟 二六一	去兵去食 二六〇	異乎三子者之撰 二五九	不踐迹 二五九	季路問事鬼神 二五九	有婦人焉 二五八	三以天下讓 二五七	博學於文 二五六

------ 二六八 荼 ……………………………………… 二八三 自視 飯糗茹草 士何事…… 飲 ------ 二八一 ------ 二八六 ------- 二八 二七八 二八〇 二七九 二七八 13

市

朝

必有事焉而勿正心

知縣 三四八	隋以後刺史 三四六	六條之外不察 三四五	部刺史 三四二	封駮 三四〇	關防 三三九	保舉 三三六	人材 三三五	日知録集釋卷九 三三五	員缺 三三三	銓選之害 三二六	停年格 三二一	選補 三一六	省官 三一五	法制 三一三	更胥 三一一	都令史 三〇九	<b>掾屬</b> 三〇六
後魏田制 三八四	州縣界域 三八三	地畝大小 三八一	斗斛丈尺 三八○	治地 ······ 三八○	<b>日知録集釋卷十</b> 三八〇	禁自宫 三七八	宦官 三七〇	邊縣 三六九	輔郡 三六七	<b>藩鎮</b> 三六三	宗室 三五七	京官必用守令 三五六	漢令長 三五五	刺史守相得召見 三五四	守令 三五一	知府 三五〇	知州 三五〇

目録		以錢爲賦 四二八	<b>銀 四</b> 二三	黄金 四一九	十分爲錢 四一八	以錢代銖 四一五	漢禄言石	大斗大兩 四一二	權量 四〇八	日知録集釋卷十一 四〇八	行鹽 四〇五	漕程 四〇五	驛傳 四○三	馬政 四〇二	紡織之利 四〇〇
	訪惡	人聚	橋梁		街道	館舍	助餉	俸禄		財用・・・・・・・・・・・・・・・・・・・・・・・・・・・・・・・・・・・・・	日知録集釋卷十二	僞銀	鈔	短陌	錢面

開元錢…………………………………………………………… 四 一 五. 

開墾荒地

------ 三八五

錢法之變

蘇松二府田賦之重

鄉原 五二一	耿介 五二〇	重厚 五一九	流品 五一八	廉恥 五一六	名教 五一二	清議 五一〇	宋世風俗 五〇六	正始 五〇三	兩漢風俗 五〇二	秦紀會稽山刻石 五〇一	周末風俗 五〇〇	日知録集釋卷十三 五〇〇	河渠 四八七	雨澤 四八七	水利 四八二	禁兵器 四八一	盜賊課⋯⋯⋯⋯⋯⋯⋯⋯⋯ 四八○
貧者事人 五三九	士大夫家容僧尼 五三八	士大夫晚年之學 五三八	辛幼安 五三七	范文正公 五三七	南北學者之病 五三六	南北風化之失 五三六	召殺 五三六	三反 五三六	田宅 五三五	閽人 五三四	奴僕 五三三	家事 五三一	禁錮姦臣子孫 五二九	貴廉 五二七	除貪 五二四	大臣 五二三	儉約 五二二

一五	目 録
前代陵墓 五九〇	内禪 五五四
厚葬 五八六	追尊子弟 五五四
墓祭 五八○	諡法 五五三
陵 五八〇	漢人追尊之禮 五五三
<b>日知録集釋卷十五</b> 五八〇	除去祖宗廟諡 五五一
女巫 五七八	皇伯考 五五〇
祭禮 五七四	太上皇 五五〇
嘉靖更定從祀 五七〇	繼兄子爲君 五五〇
十哲 五六九	立叔父 五四九
從祀 五六九	兄弟不相爲後 五四八
像設 五六七	<b>日知録集釋卷十四</b> 五四八
居喪不弔人 五六六	書前代官 五四七
喪禮主人不得升堂 五六五	本朝 五四六
君喪 五六〇	降臣 五四五
聖節 五五七	陳思王植 五四四
乳母 五五六	生日 五四三
封國 五五五	父子異部 五四二
御容 五五五	分居 五三九

秀才 六一七	明經 六一七	<b>日知録集釋卷十六</b> 六一七	宋朝家法 六一六	國恤宴飲 六一五	匿喪 六一四	居喪飲酒 六一四	<b> </b>	丁憂交代 六一二	奔喪守制 六一〇	衫帽入見 六一〇	喪娶 六〇八	總喪不得赴舉 六〇八	期功喪去官 六〇五	火葬 六〇一	改殯 五九九	假葬 五九九	停喪 五九三
中式額數 六五一	生員額數 六四五	<b>日知録集釋卷十七</b> 六四五	史學 六四三	經文字體	判 六四〇	程文 六四〇	試文格式	題切時事 六三七	擬題 六三四	三場 六三三	經義論策 六二八	十八房 六二六	甲科 六二五	制科 六二三	科目 六二二	進士 六二一	舉人 六一九

目録	雜流 六八五	武學 六八三	教官 六八〇	年齒 六七九	恩科 六七六	出身授官 六七四	先輩 六七三	同年 六七二	舉主制服 六七二	座主門生 六六八	搜索 六六七	糊名 六六三	北卷 六六一	大臣子弟 六五七	進士得人	殿舉 六五四	御試黜落 六五四	通塲下第 六五三
一七	科場禁約 七一二	破題用莊子 七一一	舉業 七〇九	心學 七〇五	内典 七〇三	書傳會選 七〇一	四書五經大全 七〇〇	記注 六九九	貼黄 六九七	密疏 六九七	三朝要典 六九六	别字 六九五	張參五經文字 六九五	監本二十一史 六九二	十三經注疏	祕書國史	<b>日知録集釋卷十八</b>	通經爲吏 六八六

文人摹倣之病 七四〇	修辭 七三九	文辭欺人 七三八	巧言 七三六	文人之多 七三五	立言不爲一時 七三三	直言 七三二	著書之難 七三一	文不貴多 七二八	文須有益於天下 七二八	<b>日知録集釋卷十九</b> 七二八	易林 七二六	改書 七二五	勘書 七二四	竊書 七二三	鍾惺 七二二	李贄 七二〇	朱子晚年定論 七一四
古無一日分爲十二時 七六六	古人必以日月繫年 七六五	重書日 七六五	史家月日不必順序 七六五	史家追紀月日之法 七六四	古人不以甲子名歲 七六〇	非三公不得稱公 七五四	<b>日知録集釋卷二十</b> 七五四	古文未正之隱 七五二	假設之辭 七五一	文非其人 七四九	作文潤筆 七四八	誌狀不可妄作也比	古人不爲人立傳 七四六	書不當兩序 七四五	古人集中無冗複 七四五	文人求古之病 七四三	文章繁簡 七四一

	七八五 古人未有之格	 七八四   七言之始	七八四   古人不忌重韻				七八〇 詩有無韻		李茂貞稱秦王用天祐年號 七七九   詩題	七七九   詩不必人人皆作	七七八 作詩之旨				七七四   史書下兩	
一九	之格 八〇四	 	重韻 八〇〇	之法 七九四	七九三	中多有用韻 七九二	無韻之句 七九一	無過十字 七九〇	七八九	人皆作 七八八		:卷二十一 七八八	七八七	 日字 七八六		古人

急就篇 八二二	五經古文 八二〇	説文長箋 八一六	説文 八一三	古文	字 八一二	陸機文誤 八一一	郭璞賦誤 八一一	李太白詩誤 八一〇	于仲文詩誤 八一〇	庾子山賦誤 八〇九	詩人改古事 八〇九	書法詩格 八〇八	詩體代降 八〇八	柏梁臺詩 八〇七	次韻 八〇五	詩用疊字 八〇五	古人不用長句成篇 八〇四
都鄉侯	都鄉 八四七	鄉里 八四七	都 八四五	漢侯國 八四四	漢王子侯	秦始皇未滅二國 八四一	郡縣 八三七	六國獨燕無後 八三六	九州 八三二	四海 八三一	日知録集釋卷二十二 八三一	古器 八二九	畫 八二六	鑄印作減筆字 八二六	金石録 八二五	草書 八二四	千字文 八二二

	目 録
弟子名師 八九四	以國爲氏
名父名君名祖 八九四	仲氏 八七二
前代諱 八九三	孔顔孟三氏
以諱改年號 八九三	氏族相傳之訛 八六五
嫌名 八九〇	氏族 八六二
二名不偏諱 八八九	姓 八六一
皇太子名不諱	日知録集釋卷二十三 八六一
已祧不諱 八八六	王亘 八六〇
子孫稱祖父字	張公素 八五九
稱人或字或爵 八八五	生碑 八五八
古人諡止稱一字 八八四	生祠 八五七
古人二名止用一字 八八二	堯冢靈臺 八五五
兩姓 八八二	歷代帝王陵寢 八五二
冒姓	社 八五一
北方門族	亭侯 八五一
二字姓改一字 八七八	亭 八四九
通譜 八七四	圖 八四九
姓氏書	封君 八四八

日知録集釋卷二十四 九〇六	稱王公爲君 九○五 │	生稱諡 九〇三	生而曰諱 九〇二	變姓名 九〇二	字同其名 九〇二	二人同名 九〇一	排行 九〇一	兼舉名字 九〇〇	以夫名妻 九〇〇	以父名子 八九九	以姓取名	假名甲乙 八九八	兩名 八九七	人主呼人臣字	自稱字 八九五	以字爲諱 八九五	同輩稱名 八九四
主 九一六	君 九一五	王 九一四	后 九一三	重言 九一二	豫名 九一二	互辭 九一一	稱某 九一一	妻子 九一〇	哥 九一〇	親戚 九〇九	族兄弟 九〇八	伯父叔父 九〇八	考 九〇八	沖帝 九〇七	藝祖 九〇六	高祖 九〇六	祖孫 九〇六

1111	目録
湘君	火長 九三三
河伯 九四八	快手 九三三
巫咸 九四六	門子 九三二
重黎 九四五	外郎 九三二
日知録集釋卷二十五 九四五	郎中待詔 九三一
人臣稱萬歲 九四四	主簿 九三一
上下通稱 九四一	主事 九三〇
人臣稱人君 九四〇	員外 九二九
稱臣下爲父母 九四〇	比部 九二八
先妾 九四〇	洗馬 九二八
先卿······ 九四〇	翰林 九二五
對人稱臣 九三八	司業 九二四
官人 九三八	相公 九二四
府君 九三八	將軍 九二三
門生 九三六	相 九二一
<b>郞</b> 九三五	閣下 九一九
白衣 九三四	足下 九一八
樓羅 九三三	陛下 九一七

漢書 九七一	史記 九六八	史記于序事中寓論斷 九六七	史記通鑑兵事 九六七	<b>日知録集釋卷二十六</b>	傳記不攷世代 九六五	人以相類而誤 九六五	名以同事而章 九六四	名以同事而晦 九六四	毛延壽 九六三	丁外人 九六三	大小山 九六二	李廣射石 九六一	莊安 九六〇	池魚 九五九	杞梁妻 九五八	介子推 九五五	共和 九五四
舊唐書九八八	宋齊梁三書南史一事互異 九八六	北史一事兩見	隋書 九八五	後周書 九八五	梁書 九八四	魏書 九八四	宋書 九八三	晉書 九八二	史家誤承舊文 九八一	史文衍字	史文重出	作史不立表志 九七八	三國志 九七七	後漢書 九七六	荀悦漢紀 九七五	漢書不如史記 九七五	漢書二志小字 九七四

目 録	荀子注 一〇二六	楚辭注 一〇二五	國語注 一〇二四	爾雅注 一〇二四	考工記注   〇二三	左傳注 一〇一三	姓氏之誤 一〇一三	注疏中引書之誤 一〇一一	漢人注經 一〇〇七	<b>日知録集釋卷二十七</b>	通鑑不載文人 一〇〇六	通鑑 九九九	元史 九九六	金史 九九五	遼史 九九五	阿魯圖進宋史表 九九四	宋史 九九三	新唐書 九八八
二元	土炕	坐:	東向坐	九頓首三拜 一	百拜	稽首頓首	拜稽首	日知録集釋卷二十八	通鑑注 一	韓文公詩注 一	杜子美詩注 一	李太白詩注 一	陶淵明詩注	文選注	後漢書注	漢書注	史記注 一	淮南子注 一
11.	一〇七三	一〇七三	一〇七二	一〇七一	一〇七〇	一〇六七	一〇六六	一〇六六	一〇六二	一〇六二	〇 五 五	○ 五 三			一 ○ 四 九	〇三七	一〇二六	一〇二六

罷官不許到京師 一〇九三	王女棄歸 一〇九三	納女 一〇九二	居官負債 一〇九一	京債 一〇九〇	賭博 一〇八八	酒禁 一〇八五	邸報 一〇八五	押字 一〇八三	職官受杖 一〇八一	省 一〇八〇	寺 一〇七九	樂府 一〇七九	行幐 一〇七八	左袵 一〇七八	對襟衣 一〇七五	衩衣 一〇七五	冠服 一〇七四
吐蕃囘紇 一一三一	樓煩 一一三〇	徙戎 一二二五	外國風俗 一一二三	國語 一一二一	方音 一一二〇	毛葫蘆兵 一一二〇	少林僧兵 一一一八	家兵 一一一八	燒荒 一一一七	海運 一一〇六	海師 一〇九八	木罌缻渡軍 一〇九八	軍行遲速 一〇九七	驢嬴一〇九六	驛 一〇九五	騎 一〇九四	<b>日知録集釋卷二十九</b>

三七	目 録
吴會 一一七六	星事多凶 一一五二
山東河内 一一七五	外國天象 一一五一
陜西 一十三	詐稱太子 一一五○
河東山西 一一七三	妖人闌入宫禁 一一四八
<b>日知録集釋卷三十一</b> 一七三	黄河清 一一四七
蕃俗信鬼 一一七一	人事感天 一一四六
泰山治鬼 一一七〇	星名 一一四六
佛寺 一一六八	海中五星二十八宿 一一四五
古今神祠 一一六五	五星聚 一一四四
正五九月 一一六三	歲星 一一四三
太一一二六一	月食 一一四二
艮巽坤乾 一一六〇	日食 一一四一
建除 一一五九	天文 一一三八
五行 一一五九	日知録集釋卷三十 一一三八
雨水 一一五八	干陀利 一一三六
百刻 一一五六	大秦 一一三六
孔子閉房記 一一五六	三韓 一一三四
圖讖 一一五五	西域天文 一一三三

木刀溝   二〇〇	石城 一一九九	昌黎 一一九七	柳城 一一九五	無終 一一九四	石門 一一九四	夏謙澤 一一九三	薊 一一九一	交阯 一一八九	大明一統志 一一八五	三輔黄圖 一一八五	水經注大梁靈丘之誤 一一八四	徐樂傳一一八三	漢書二燕王傳 一一八三	曾子南武城人 一一八一	史記菑川國薛縣之誤 一一八〇	四川 一一七九	江西廣東廣西 一一七八
徐州	杏壇 一	闕里一	代 一	太原 一	昔陽	九原 一	瑕 一	晉都 一	唐 一	箕一	緜上	晉國 :	潮信	胥門 一	蟂磯	郭璞墓	江乘
一二七	二六	三 五 五	三 五 五	= = =				二〇九	二〇八	二〇七	二〇六	二 〇 五	二 〇 五		 O =_		

目 録	歲 一二三六	語急 一二三四	柰何 一二三四	而	日知録集釋卷三十二   二三二	長城 一二二八	東昬 一二二七	楚丘 一二二六	勞山 一二二五 —	潍水 一二二四	夾谷   二二三	鄒平臺二縣	濟南都尉 一二二一	社首   二二	泰山都尉	泰山立石 一二一九	小穀 一二一八	
二九	幺 一二四六	阿 一二四五	丁中 一二四五	鰥寡一二四四	出 一二四四	信   一二四三	誰何 一二四二	靴 一二四二	姦 一二四一	辱 一二四一	乾没   二四〇	亡   二四〇	不弔 一二四〇	不淑 一二三九	仞 一二三九	里 一二三八	巳	

胡 一二五九	胡嚨 一二五九	桑梓 一二五七	魁 一二五六	終葵 一二五五	石炭 一二五四	宙 一二五四	關 一二五三	<b>考</b> 一二五三	陘 一二五三	豆 一二五二	場屋 一二五二	罘罳 一二五○	量移 一二五○	耗 一二四九	行李 一二四九	寫 一二四八	元 一二四七
禁銅釘 一二八二	禁金銀塗 一二八一	禁金銀 一二八一	禁斷新錢 一二八一	<b>禁用銅錢 一二八〇</b>	禁銅不過嶺南 一二八〇	禁造銅器 一二七九	禁造銅像 一二七九	禁銷金銀箔 一二七六	禁燒金 一二七六	<b>日知録之餘卷二</b> 一二七六	隸書 一二六七	書法 一二六五	<b>日知録之餘卷一</b> 一二六五		雌雄牝牡 一二六二	草驢女猫 一二六一	草馬 一二六一

	=	目録
	母喪薄游	<b>禁鑿石 一二九七</b>
 	母喪宴飲	賜酒獻酒 一二九六
	汙辱宗女	禁種糯 一二九六
	禁中表爲婚	禁酒 一二九〇
一三〇九	圍棊免官	禁茶 一二八九
一三〇九	貸回鶻錢	禁瓷器 一二八九
一三〇八	禁參謁座主	禁賣寶石 一二八九
一三〇八	應募殺兄弟	<b>禁番香 一二八七</b>
一三〇八	禁御狀	禁絹扇 一二八七
一三〇七	更告前官	禁畜鷹鷂 一二八七
一三〇七	告妖言	禁大船 一二八六
一三〇七	妻子告家長	<b>禁馬</b> 一二八六
一三〇六	小校殺本管	禁牝馬 一二八六
三〇五	更告本官	禁車牛入都 一二八五
一 三 〇 五	卒告將	禁錫
00	奴告主	禁兵器 一二八二
一二九七	禁毁淫祠	禁毁錢爲銅 一二八二
一二九七	<b>禁發塚</b>	禁銷錢爲佛像 一二八二

大臣子弟仍放及第 一三一八两都試舉人 一三一七	江南典選 一三一七	吏部令史 一三一七	慈幼局 一三一六	禁饋送 一三一六	禁刻書 一三一六	寒食禁火 一三一四	五品以上妻妾不得改嫁 一三一三	子孫伐墓栢貶官 一三一三	子卯 一三一二	匿忌日 一三一二	忌日行香 一三一二	國忌禁晏飲 一三一二	國喪未期宴樂 一三一一	山陵未成晏飲 一三一一	期功喪不預朝賀 一三一一	婦喪宴飲 一三一〇
禁女冠尼姑 一三四五僧寺之多 一三四四	僧尼之濫 一三四四	僧地没官 一三四三	二十以上不許爲僧 一三四三	僧禁 一三三五	禁與僧尼往還 一三三五	禁鑄佛寫經 一三三五	改佛爲道 一三三四	廢釋道二教   三三二	日知録之餘卷三 一三二二	生員招猺獞 一三二一	禁民往南 一三二一	禁保留官長 一三二〇	優給大臣子孫 一三二〇	倖第并坐其兄 一三一九	宰執子弟不預科名 一三一八	食禄子弟復試 一三一八

貼書 一三六六	老人 一三六六	栽桑棗 一三	種樹 一三六四	廟諱 一三六三	御容 一三六二	風聞言事 一三六二	國史律令 一三六一	徙民 一三五四	日知録之餘卷四 一三五	杜牧杭州新造南亭子記 一三五一	城隍神 一三五〇	潤色梵書 一三五〇	道士隸宗正寺 一三五	許僧道畜妻 一三	人主不可接僧 一三	杖宰相及僧 一三四	造寺寫經並無功德 一三
·	八六	三六五	<u>^</u>				ハー <b> </b>	讖兆	四	斷百官酒肉	校勘斛斗秤尺	#O 華夷譯語 一三六九	40	三四九 喪制 一三六八	三四九	6八	三四五   案牘減繁式 一三六七

### 校點説明

知 下 明 字記》以及詩文集多卷,而平生最著力者 史學、方志、輿地、音韻文字、金石考古、著作有《天 中年,遂全力從事著述。 年(一六八二),享年七十歲。 後改名炎武,字寧人,號亭林。 活 承家訓,輕功名,重實學。 録》。 郡 動 萬 國利病書》、《肇域志》、《音學 失敗後周 曆四十一年(一六一三),卒於清 清初大思想家顧炎武,原名絳,字忠清,明亡 遊南北, 伺機 他治學廣泛,涉及經學、 明亡後,炎武投身抗 恢復,三藩平定,已 青年時 江蘇崑山 五 書》、《金石 期顧炎武 康熙二十 人。 則 爲《 生於 文 至 清 日 即

三十二卷,大旨則爲經世致用,以待後王。其在中《日知録》上篇經術,中篇治道,下篇博聞,凡

流和 的 國思想史、學術史上的輝煌地位,對 巨大影響,海内外早有定評。 我們 的 整理工 作略作説 明 如 現 下。 僅 有 就 清 其 一代學術 版 本 源

二卷。 數行,自餘删句换字,不可遽數」(黄侃《日知 他來删改,既能免遭禁焚之禍,又能最大程度地保 記序》)。 礙」之處加以删改,「所刊落者有全章,有全節,有 熙三十四年刻於閩中,是爲遂初堂刻本,計分三十 家求得《日知録》全部手稿,經再三校勘編輯,於康 知録》八卷,後附《譎觚十事》,是爲符山堂初刻 友人多求抄寫,患不能給,遂於康熙九年先刻《日 書在寫作過 看出,只要一息尚在,亭林就還要寫作下去。 後人根據顧氏遺稿所輯的《日知録之餘》四卷 存先生學術思想,潘氏的功勞自不可没。 康熙二十一年 H 潘氏震於當時文字之禍,不得不對原稿「違 知 潘氏爲亭林入室弟子,深明先生學術 録 程中就已經知名於學術界,顧 》的 寫 顧炎武去世,其弟子潘耒 作 可 以 説伴 隨顧炎武終生,從 氏 録校 從顧 但此 曾 可以 由 本。 因

餘 重 刊本,末附 四 至乾隆六十年(一七 卷。 另 外 後 還 人據 有 乾 顧 隆 K 時 九五),又 遺 巾 稿 箱 輯 本、 録 有 的 道 據 ^ 光 日 遂 時 初 知 《皇 堂 録 之 本 清

經

解

學 誤》二卷。 他 專 知 誤 礙」文字 誤》二卷。 氏(名佚)、 以 知 門 以 者 陳 録 成 録 》給 之學。 集釋 閣 對《 》的 訂( 爲 道光間,學者黄汝成 世 若 潘 補 即 考 日 人 璩、 未之後 》三十二 辨 楷 宋 改 後 提 知 雖 集釋 沈 齊陳 引 潘 又 庵 録 供 然 了《 得 形、錢 》的 申 氏 楊 黄 系統 卷。 》爲 氏)、張惟 遂 陸 氏(名佚)等校語,成《日 氏 H 自 研 筠(匏尊 初 也 此收 整 究 閻 知 大 復 堂 不 理 録 昕、 若 成 得《 以 本, 敢 録了 》的 璩 果 H 赤(南曲張氏)、蘧 康熙遂初堂本爲 楊宁 用「原 H 及 以 但 陸 最 知 道 他 知 參考 來,至乾 氏)校 精善 録 四 /光以 録 的《集釋 》的 寫 家校本, 》原寫本,並 文 之本。 本」中 本, 第二 前 獻 嘉 九 作《續 時 知 這 + 個 成《 對 的 底本, 和 人。 就 餘 E 録 袁 FI] 參 E 使 位 成 E 違 FI 刊 孫

> 光十 黄氏 諱 重 + 訂 的 録 記 重 這次的修訂 記 大量原本的文字,也算是「下真 E 的 印 突 印 ,完成於道光十 的 1 》抄本,雖 知 破。 本爲 四四 據 校語(如 年(此 形 録 卷 E 年(一 式 以 我 校 知 使 補 底本,把 們這次整理,即 對 時 録 記 成果, 然此抄本不是顧 入,而 該 校 黄汝 明  $\approx$ 八三 集釋》由嘉定黄氏 書 符 光宗 IE 的 Ш 黄汝 成 文 六年 爲 四 而 堂本、 整 内 已 朱常洛 據 避 理 及成《刊 免煩 此 -的《續 經 簡 但 研 稱《校 成果, 去世) 刊 遂 以 究 抄 瑣 道 初 誤》、《 出 在《集釋 刊誤 氏 堂本, 光十八年 後 剜 本於「洛」字下 西 對 記 西 迹 的 黄 谿 谿 那 改 × \_ 原 續 汝 此 的 草 草 + 成《 稿, 等」了。 》之後 刊 卷 成 因 四 廬 廬 成 誤 西 即 又 E 但 又 游 果 年 初 》及 得 保 明 以 谿 刊 於 記 做 刻 知 黄 道 於 到 於 留 即 朝 草 録 T 録 校 本 是 侃 光 道 T 注 勘 廬 T 修 新 校

貌的 個本子。 數千

字,

力求成

爲

至

今爲

止

最

完

整

最

接

近

顧

氏

原

諱

闕」二字)一

律

不

取

這

樣

就

補

正

數

百

處,

增

 $\lambda$ 

或

至民國

時

,黄侃從張

繼

手

中得

到

雍

正

間

^

日

知

而

=

局 留 據 對 他 很 顧 不 多 原 校 턥 氏 以 顧 縮 可 引 樣不 諸 强 校 氏 印 能 有 書、《 文 要 及 是《日 阮 記 勘 注 求字字與 全 動 刻 字 + 憑 釋 由 本,《二 時 知 而 Ξ 中 稍 記 於 無 對 録 誤, 憶 經 引 顧 顯 集 兩 原 注 氏 + 用 所 然影響到 釋 只 文相 引 疏 的 而 79 》中 要 以 他 文 大 史》 即 無 用 符, 多 量 仍 大 使 中 驏 用 半 爲 文字 存 文義 顧 只 華 大 中 生 節 在 要 氏 書 義 華 又 的 意思 略 初 局 書 也 奔 及 此 意 錯 \_ 影 局 舛 照 櫽 走 字 不 查 並 印 校 錯 訛 無 南 例 則 括 明 世 節 點 不 出 北 出 界 即 我 我 本 改 校 略 處 們 書 故 保 們

引 所 引 著 號 號 述 以 對 標 必 謮 並 明 大 須 者 參 以以 量 説 難 以 厚 明 便 以 己 括 的 見,一 與 分辨是引他 及 顧 節 點 氏 篇之 是 略 本 的 人 顧 内 引文,我 的 人之文還 氏 話 相 原 相 互 書 品 間 們 大 是 雜 分。 量 也 顧 不 引 如 氏 得 用 不 之 不 前 加 語 用 以 X

隆 六 + 本 年 書 把 重 符 刊 Ш 本 堂 附 初 録 刻 H 本 知 的 録 附 之 録 餘 譎 觚 四 + 卷 事 附 於 及 乾 書

> 爲 (一九一〇)吴 後,讀 事》及《日 方 此 録 的 底 本, 之餘 校 次整 對 面 改改。 校 者 因 理則 本。 》前 本 此 可 復旦 知 各有 從中 本 人整 録 關 採 較 之 大 於引 用 中 參 長 理 鄒 餘 學 存 鄒 悟《日 短 刻 本 文 》的 世 的 福 本更 多 最早的 侯 可 保 整 也 採 知 互 體 重 理 接近 依 用 録 健 資 刻 工 據 較 》的 乾 先生 參 本( 作 原 易 原 隆 IE 書 寫 本 簡 得 特 六 參 作 出 見 面 故 + 稱 此 加 過 的 貌 處 將 年 鄒 説 了《 程 做 鄒 宣 刻 明 刻 譎 本 統二 T 刻 在 ^ 本」), 文 作爲 觚 必 本 H + 要 列 字 年 知

淺 衍 ,在此謹 田 先 此 生 稿 認 經 致 北 真 真 京 審 誠 大 讀 的 學《 感 斧 謝 儒 IE 藏 頗 多, 編 纂 使 與 校 研 點 究 者 中 受 N' 益 的 張 非

其

他

則

於

校

記

首

見

處

注

明

版

本

旧

以 整 有 日 H 黄 校 理 知 知 汝成《 勘《 的 本 録 録 校 陳 》中 校 H 垣 點 集 釋 知 先 稿 的 釋 **%** 録 引 生 完 学中 》本 ^ 的《 成 文 E 之 的 文 盡 知 日 其 後, 録 對《 知 此 口 校 録 我 錯 E 能 注 校 才 誤 知 做 》從 注 看 做 3 録 》和 到 史源 》本 T 出 陳 張 糾 處 文、 學 京 智 探 IE 超 的 華 小 源 角 先 諸 注 而 先 並 度 生 H 還 用 對 的 生

知

本書 成果. 後出轉精,較之《校注》又有所增 爲底本之外,整理者還 優勢,除了以臺灣 密地校勘和考據,在還原顧氏原著的本來 京大學圖書館 本書中。 録校釋 的《校記》。 遠勝 的校樣 於上世 》在《日 對 時 此 所藏鈔本,再綜 而 把 紀三十年代黄侃據雍正 我衷心地對 在勾 知 徐文珊 這 録》版 兩 勒引文出 部 見 書 到 先生整 本 的 了 的 合 重 使 書 \_ 處上,確 要校 添。 其 向 理 用 的 他 的 不 整 Ł 版 勘 理 所 爲 雍 占 以 實 本 者 間 人 有 成 正 面 我 做 果 表 鈔 知 間 加 絶 目上 示 補 在 到 本 以 的 鈔 對 咸 看 所 縝 充 T 北 本 的

做

校 點 者 欒 保 羣

謝。

一三年

四四

月

補

記。

到

ĮЩ

# 欽定四庫全書提要

皆論 風 卷 略 + 名 注 或 録 武 有 古 七 至 以 也。 所 譔 餘 義,二十五 類 藝文,二十二卷至 卷皆論 十二卷皆 年 人 得 是 ^ 四 日 從。 先我 書中 炎 輒 書 乃成 卷、 知 記 武 前 録》 木 大 有《左: 而 科舉,十 十 五 之,其有 有 卷論 抵 分 有者. 編。 自 三十 論 門 前 記, 卷 政 傳 古事 目 七卷皆論 蓋 論 八 事,十三卷論 則 不合,時復 稱 杜 卷。 禮 <del>-</del> 卷 其 而 遂 解 真妄,二十 削之。 至 制,十六卷、 編 補 自 四 生精 或 次 二十一卷 正 經義, 少 卷 先 朝 改定 讀 積 雜 後 力 已 顧 世 則 所 著 炎

足 若 壻 記 武 或 則 諸 據 末 原 理,三十二卷爲  $\equiv$ 卷 卷 浩繁, 沈儼 當 其 當 璩 人 + 論 病 而 論 博 睥 參 墓 偶 也 引 抨 嘗 不 或 卷 雜 史 睨 以 贍 誌 特 特 擊 知其 否 炎 補 然 論 事 法 而 證 而 惟 武 涉 正 天 亦 著 代,雖 牴 獨 亦 佐 能 炎武 二者。 爲 此 獵,得一義之 象 悟者 特 其 + 於 互. 通 十 重 耐 書 術 書 事 雜考證。 詰 貫 九 七 見 生於 可 王士禎諸 後 Ŧi. 數,三 其 少 於 閻若 短 難 卷 卷 概 /**,**非 筆 + 每 事 序 明 長 論 論 此 之 見 餘 2,要不 中 末,喜 書沾 兵 注 璩作《潛 <del>+</del> 如 炎武學 矣。 於 事 條 若 ; 異 及 書 楊 人尚 書 必 璩 趙 了, 二 十 同, 外國 沾自喜, 慎、 卷 詳 談 足 然 若 博 執 爲 所 謂 信 有 論 璩 知 極 邱 焦 故 其 世 駁 不 羣 作 之 劄 其 竑 引 始 本 地

博。 明 於 達 迹 經 唐 政 材 生 了,賢 於 與 質 制 以 詞 H 然求 後 政 己 章 敘 不明 敏 哲箸 事 文 》,遂 訓 事 志 而 物 : 其 詁 者 而 其 岐 書 述 學 自 坐 襞 度 른 分 勤 大 明 不 大 而 而 績 數 革 爲 體 數 言 都 鴻 誼 破 魏、 以 數 損 達 覯 采 通 醇 碎 家。 及 可 益 用 晉 擇 瓌 焉 之 而 É. 佛老之書 起 之學 傳 異 以 中 節 其 而 之資 記 細 崑 降 峻 善 行 不 本 百 漢 Ш 者, 著 修 出 末 家 修 顧 時 遂 録 處 諸 自 亭 徼 經 號 論 率 儁 貞 始 身 典 林 裔 術 稱 説 隳 生 亮 心, 章 廣 先 繁 之 鉅 時 修 敗

舉、 言 講 哉 善 切 衰 材、軍旅 理 德 奥 離 時 也 至 日 古 ]° |≪ 賾 立言 成 動 至 利 刑 經 已 説 ! 錢 會 而 之本, 弊, 咸 經 其 合 明 史之微 而 言 元、 傳 幣、 譔 通 世 鴻 白 於 不 天 凡 職 頗  $\Rightarrow$ 述 而 其 權 一之事 明 曰:「仁人之言 通 口 下 大 體 綜覈名 不 慨 旨 以 量 關 文大 諸 之至 其 瓌 亂 賢 然著 要 廢 達 者, 家國之制 儒 異 也 餘 水 至 質 義 而 先 之資 賾 實 考 利、 雖 則 其 於 其 文 智 後 又 而 辨 遭 又迂 流 賦 化 良 否 河 力 意 成 不 曰 明 失 裁 税 泰 法 雖 皆 渠 尤 書 而 亦 ·, 其 口 : 執 末 喜 之 善 通 救 瘁 畢 惡 極 田 寡要。 洞 漕 利 喪 空 木 變之道 遷 政 者 百 偏 也,言天 出 賅 悉 畝 運 溥 言 者, 亂 嬗 餘 於 治。 其 務 此 而 哉。」豈 職 鹽 心 卷 遷 體 德之 所 錯 推 先 也 議 性 官 鐵 ^ 禮 下 詞 閎 徙 生 用 由 極 易 辨 之 選 樂 凡 焉 非 尤 盛 人 其 其 廓 流 大 峻

敘

四

於篇 諸 以 矣 以 家 得 既 博、 寒 小 簡 邃 下 桁 IF. 賢 0 暑, 之果 之恉 微 略 失 夥 窺 而 疏 錢 直 卷, 名 賢 然 埃 義 伏 互. 説 不 宫 又 俟 見, 可 先 處 嗚 無 氏 聖 涓 傳 篇 或 能 詹、 得 諸 尊 生 呼 海 里 制 可 流 注 帙 然 潘 不 無 百 楊 信 之 坿 濱 爵 作 上 名 次 重 學 實 少 檢 世 者 體 大令 之 益 物 第 討 爲 爲 少 識 則 見 具 不 也 精 用 海 是 略 世 滲 删 遠 聞 亦 惑 列 古 0 具 四 岱 書 漏 不 所 鷃 飾 不 於 孤 則 制 汝 在 家 而 改 詬 之 諸 羽 元 後 逮 哂 品 四 成 使 崇 易 校 本 翼 病 時 學 先 品 家引 竊 鑽 又 天 本 而 也 者 務 者 深 生 私 慮 閻 揅  $\Rightarrow$ 耆 0 下 輒 矣。 者 淑 循 毛 集 踳 申 徵 是 抑 著 碩 先 曉 用 髮 釋 之 其 辯 君 駮 書 其 愚 箸 條 生 然 書 博 心 唐 證 書 比 討 大 條 且 有 采 沈 凡 屢 於 而 塗 指 妄 識 欲 富 其. 諸 論 鴻 易 儒 Ħ 亦 踚

穴, 明 今兹《 鄭 鬍 遠 爲 詩 文 指 字 康 行 政 口 口 字 詁 閎 時 決 文 異 意 既 既 熙三十 治 專 弦 經 禮 旨 及 擇 集  $\approx$ 記 增 可 先 綜 集 更 史 ^ 經、 後 , 若 者 × 并 生 大 音 誤 釋 綜 刊 無 傳 賢  $\sim$ 勿 箸 儿 綱 顔注 異 Ш 隆 學  $\approx$ 劂 事 菰 文 則 紀 論 所 年, 述 替 駢 徑 五. 東 亦 即 多 中 亦 或忘 述。 閎 諸 漢 間 枝 庭 書 考古録 削 緣 譌 隨 附 吴 視 通 子雜  $\approx$ 史之例 有 爲 筆 諸 江 不 先 凡 彼 識 ^ 諸 潛 異 權 》等 是 潘 郡 引 小 生 所 窾 家, **×**, ≪ 君 百 輿 邱 至 書 檢 問 言 稱 詮 或 書 别 諸 先 討 理 拾 石 諸 學 復 轉 訓 利 引 皆 箸 君 奚 生 道 刻 凡 經 遺 滋 家 浩 病 廣 先 率 啻 藉 尤 元 辨 博 書 考 所 皆 於 至 論 岐 加 生 斷 瓶 纂 博 文 漢 參 × 閩 舛 駁  $\approx$ 篡 鈎 有 博 論 Ħ 智 <u></u>  $\sim$ ^ 稽 中 雖 析 斠 綜 金 學 參 其 唐 亭 用 先 Ŧi. 説 援 無 深 穿 及 經 石 脱 生 哌 林 流 自 術 敘

明。 引 舊 史 私 斯 傳 測 又 異 至 志 逸書 更 義 列 亦 其 類 衆言, 隨 别 文 所 所 史, 可 觸 列之文、 互. 加 諸子百 或 通 之 摭 者 融 實 所據之本, 釋。 悉 家 略 隨 虚 分 諸 先 , 或 見 經 生 少 訓 舍 略 所 殊 纂 事 新 録 鈎 援 徵 疏

甄

以

袪

觗

滯

喻 其 篇 箸 Ы 慙 偏 伍 申 ·,求 筆 書 利 激 張 和 隱 或 害 繆 誠 多未 言尤 亦 咸 不 棟 ·, 皆 生 尚 準 登 買 爲 負 又 雅 慨 正 X 其 轂 全 掉 先 經 馴 簡 論 磬, 書 切。 既 何 生 世之志, 編 立 軱 理 留 殊 惟 間 第 説 舛 勢 區 求 心 陳 今有 世 馳 亦 恐 霿 實 時 箸資治之書, 闕 異 争 失 事 務 孔 發 要 盛 其 爰 疑 明, 領 奏 衰, 雖 竭 真 云 至 議 會 廣 顓 則 於 或 辭 爲 文 幾 愚 論 詞 節 氣 書, 采 深 原 名 録 略 貴 舉 厠 事 曲 仍 其 終 參 措 疏

世嬗歲遷,學者輩出,參考古今,蔚成

者 有 明 凡 殊 宏 所引 二, 既 奚 傑。 繁 略 事 綜 并 其 稱 理 炫 疏 則 論 無 博 列 時 治 醇 ; 至 輒 間 體 疵 至 繳 加 著 要 於考證 既 删 名 繞,今入 道 列 理, 節 其 經 諸 歸 有 凡 術 家,意 不 諸 注 出 文 先 簡 文, 章 廣 覈。 生 主 附 但 論 器 搜 麗 若 取 識 述 語 證 外 雖

儒 治 獲 題 進 易 叔 則 須 義 師 分 滋。 斯 殊 重 詩 用 承 著 以 疏 慎 無 ₩, 然或 至 官 説 録 操 字 軒 宜 重 既 同 ×, 輊 謹 諡 毛 同 時 始 引 百 書 公之賢 籍 材 輯 賈 第上 主 策 則 系 哲 注 逵之説 名 加 少 文, 图 相 難 以 則 變 稱 位 辨 一,氏 地 概 但 其文, 箋 一崇,守 纂言 ·, 其 書 著 稱 自 官 其 某 族 他 下。 既 以 復 名 氏 土 品 不 尊 同 分 異 署 異 爰 事 惟 存亡 了; 恉 「, 淆 别 前 式 康 取 氏 例 先 成 兼 標 百 姑 亦

氏耒,字次耕,吴江人。 康熙間舉

Ŧi.

潘

博 學鴻 詞,官檢 討 元删録本、通行刊本。

閻 氏 若璩,字百 詩,太 原 人。 康 熙間

舉 博 學鴻 詞。元校本。

楊 氏 名宁,字簡 在,江陰人。 拔貢 生,

官 知 縣 元校本。

沈 氏 形,字 冠雲,吴江 人。 乾 隆 初 舉

博 學 鴻 詞。 元校本。

錢氏大昕,字曉徵,嘉定人。 官少詹

事 元校本。

談 氏 允 厚,字厚臣,嘉定人。

胡 氏 承 諾 字 君信,一字石莊,石 門

舉人。

王 處土 錫闡,字寅旭,吴江人。

陸 張 氏 氏 世 爾 儀,字道威,太倉 岐,字稷若 濟 陽

唐 氏 甄 字 鑄 萬,夔 州 舉 人,官

縣

知

陸清 獻隴 其,字 ·稼書, 平湖 人。 進 士,

官 御 史。 從祀 廟 庭

魏鴻 博 禧,字冰叔,寧都人。

康

熙

間

舉 博學鴻 詞

李

文

貞

光

地,字

晉 卿

安

溪

官

大

學 士。

徐 司寇乾學,字原一,崑山人。進士。

朱檢討 彝尊,字錫鬯,秀水人。

間 舉 博 學鴻 詞。

慕 氏 天 顏 , 字 鶴 鳴,静 寧人。 進 士,官

漕 運 總 督。

儲大令方慶,字廣期,宜興人。 進

姜氏 嚴太僕虞惇,字寶成,常熟人。 宸 英,字 西溟、慈溪 官 進士。 編

方侍郎 苞,字 靈 皋,桐 城 人。 進 士

惠侍讀 氏 、源祥,字王谷,宜興人。 士奇,字天牧,吴縣人。 進士。

任

六

康

巸

王. 給事命岳,字伯咨,晉江人。

陳 氏 啟 源,字長發,吴江人。

梅 氏 文鼎,字定九,宣城人。

臧 氏 琳,字玉林,武進人。

邱 氏 嘉 穗,字秀瑞。 舉人。 浙 江人。

楊 編修 繩武,字文叔,吴縣 人。

陳

庶子遷鶴,字介石

「,安溪

顧 司 業棟高,字復初,無錫 人。

陳 文 恭宏謀,字汝咨,臨桂人。 官大

學士。

陳 總兵倫炯,字資齋,同安人。

曹 汪 I 給 事 氏 師 韓,字抒懷,錢 一士,字諤庭,上海人。 塘 人。 官編 進士。 修。

柴 氏 紹 炳,字虎臣 仁 和 人。

謝 中 丞 一敏,字 肅齋,武 進人。

陳 通 政 兆崙,字句 山,錢塘 人。 乾隆

初 舉 博 學 鴻詞 · 庶 吉 士

敘

舉 博學鴻 詞

全氏

祖

望,字紹

衣, 鄞

縣

人。

乾

隆

初

陳鴻 博 黄中, 字和叔,

吴縣人。

乾

隆

初 舉 徐鴻 博 文靖,字位

山,當塗

人。

乾

隆

初舉。

喬氏光烈,字敬亭,上海人。

進士,官

巡 撫

裘文達曰修,字 叔度,新

官尚書。

王方伯太岳,字芥子,定興人。進士。 宫氏獻瑶,字瑜卿,安溪人。 官洗馬。

姚氏 江 氏 永,字慎修,婺源 範,字南青,桐城 人。 人。 官編

盧 氏 文 弨, 紹 弓,餘 姚 人。 侍講

學士。

陸 [中丞燿,字青來,吴江人。 舉人。

七

建人。

進

莊侍郎存與,字方耕,武進人。 進士

及第。

王氏鳴盛,字鳳喈,嘉定人。 光禄寺

卿 進士及第。

黄氏中堅,字震生,吴縣人。

戴氏震,字東原,休寧人。庶吉士。

趙氏翼,字雲崧,陽湖人。貴西兵備

道,進士及第。

姚刑部鼐,字姬傳,桐城人。 進士

柴御史潮生。

胡御史蛟龄。

楊侍郎永斌。

王上舍應奎,字柳南,常熟人。

孫 氏志祖,字頤谷,仁和人。 進士,官

御史。

惠氏棟,字定宇。 侍讀子。

鳳氏韶,字德隆。 歲貢生。江陰人。

> 錢徵士大昭,字晦之,嘉定人。 朱氏澤澐,字止泉,寶應人。

嘉慶

初舉孝廉方正。

梁氏 玉繩,字曜北,錢塘人。

汪明經中,字容甫,江都人。

劉學博台拱,字端臨,寶應人。

莊 大令述祖,字葆琛。進 士。 陽

湖 人。

莊氏綬甲,字卿絒。 大令子。

錢學博塘,字岳源,嘉定人。進士。

桂氏馥,字未谷,曲阜人。 洪氏亮吉,字稚存,陽湖人。 進士,官 官编修。

知縣。

孫兵備星衍,字淵如,陽湖 人。

> 進 士:

及第。 凌氏廷堪,字次仲,歙人。進士,官

教授

雷氏學淇,字介庵,直隸通州人。進士。

張大令雲璈,字仲雅,錢塘人。 舉人。

程方伯含章,字月川,景南人。舉人, 陳同知斌,字白雲,德清人。進士。

巡撫,左遷布政使。

劉氏逢禄,字申受,武進人。進士,官

禮部主事

陸學博珣,字子劭,嘉定人。

管氏同,字異之,上元人。舉人。 沈明經宇,字啟大,嘉定人。

劉明經,字孟塗,桐城人。

嚴氏 如煜,字樂園,溆浦人。孝廉方

正,官按察使

沈學博欽韓,字文起。舉人。吴縣人。

阮閣部元,字伯元,儀徵人。今官協

辦大學士、雲貴總督。

陶宫保澍,字雲汀,安化人。進士,今

敘

官兵部尚書、兩 江總督。

方東樹,字植之,桐城人。

姚大令瑩,字石甫,桐城人。進士,今

官江蘇知縣。

周 濟,字保緒,荆溪人。 進士,今官

教授。

魏源,字默深,邵陽人。舉人,今官内

閣中書。

張生洲,字淵甫,吴江人。舉人,今官

教 諭

施彦士,字樸齋,崇明人。 謝占壬,字□□,寧波人。 舉人,今官

知縣。

徐璈,字六襄,桐城人。 進士,今官知縣

敘録。 道光 左暄,字春谷,涇縣人。 十四四 年 五月嘉定後學黄汝成

九

原

序

其 考其 仲 學 之 章 以 本 在 圃 學。 之學哉 國 而 不 術 明 王 已矣。 根 典 得 足 體 有 博 伯 或或 若 通 以 失之故 適 極 民 厚、 夫 儒 用 王 勦 古 風 之學, 雕 自 魏 時 也 説 明 土 , 宋 琢 鶴 代 而斷之於心,筆之於 而 俗 其言足 通 辭 迄 綜 Ш 無 有 人才輩 ,元元本本, 達 貫 章 元, 當 馬 俗 治 百 淺 綴 以 儒 貴 人 體 家,上 尚 之 出 與 輯 救 易 深 學。 實 之 故 世 不 而 嘗 下 流 學 實 無 同 是 學 有 千 學 不 若 問 著 或 謂 空 同 者 載 洞 書 鄭 遠 高 疏 述 爲 通 悉 談 朝 詳 將 不 漁 俗 儒 無 具

數

簏

自

隨

旅

店

少

休,

披

尋

搜

討

曾

無

侏

者,必 及。 間 簡 遺 天下 天 誦 絶 如 好 疾 有 節 自 大 苦 矣。 失 閔 異之資, 其 見 古 所 號 自 經世 尤留 - , 所至 大。 間 者 利 自 稱 古 人之志, 窮 少 有豪 樹 崑 自 病 博 人 要務,一一 至 源 又或採 心當 若 其 山 通 之 交其賢豪 老 溯 而 潛 如 唐 雋之士,不 顧 少 者 意 ¬, 未 指 本 迄 未 荆 世 心 寧 時 其 諸 嘗 不 古 可 一之故 JII 嘗 討 人 名 得 鼓 掌 屈 華 學, 講 少衰。 先 論 長 楊 成 而 筬 試, 指 質 求 生, 日 者 其 安於 用 年 九 棄其 讀 精 數 所 窮 脩、 廢 長 録 經 書 力 生 考其 當 事 以 約 書。 然 固 諸 奏 長 實 絶 明  $\pm$ 雖 關 然 其 規 以 陃 報,手 史, () 識 世 弇 末 Ш 民 欲 模 出 老。 去 而 族 年 州 ]1 略 古 學 足 生 其 次 無 思 心 風 自 能 第 載 他 跡 或 然 奮 少 鄭 小 嶄 而 人 俗 負 端 書 嗜 半 命 憂 欲 鈔 背 有 而 焉 無

之屬 先 手 游 爲 理 規 歎 得 先 去。 先 顧 當 史學、官方、吏治、 有 藁, 嘗 之, 禮 隨 生著書不 生; 先 代 到 切 生 天 生。 時 教 手 獨 有 文 而 明 較 手 時劄記 墜文 下 之衰遲 辭 弊 畫 人 見 Ξ 勘 授 一, 凡 疑 達。 無 才 疏通 П 百 再 是 援 軼 制 賢 義 誦 士: 年 三,繕寫 書 爲 古 是 種 度 事 久 不 甚 來 傷 其 深 探 反 此《 典 證 而 肖 有 書也, 多 風 源 先 財 切 源 今,必 覆 類 禮 不 俗 流 著 皆 然 生 賦 竟委,人人各得 參考, 日 成 次 知 有 之頹 考正 有 、典禮 没, 意 語 明 知 帙, 成 知 不 者, 也。 暢 惟 先 學 書者。 能 録 復 與 敗 宋、元 其 必 必 學 問 生 其 明 從 先 耒 則 微諸 歸 説 輿 爲 博 則 謬 者 必 生 其 少 其稽古有 影,至 凡 於 ,必質 而 地、藝文 通 而 古 名 之甥 從 斂 家 先生。 經 儒 至 識 稱 後 其 求 先 儒 袵 義 精 先, 也 當 止 於 意 諸 刑 得 生 能 推

> 行 資 之 部 康 補 採 有 立 書 嗚 傳 丽 言 熙 用 整 也 呼 而 尚 稱 攜 元 Z 其 不 ! 未 書 如 述 頓 畀 至 )亥仲 虞集京 魏司 果。 第 爲 焉 説 徐 民 建 先 閩 以 公健 物之責 見諸 陽丞 生 時,《 中。 則 秋 考 馬 二公繼 非 門人 非 據 東 朗 庵、大學士徐公立 葛受箕,鳩 之精 一世之人,此 施行,於世 年 先 水利之策,至異 録》中固 復 者,讀 潘 生 友 没 井田之議,至易 耒 所 · 耒 汪 詳、文辭之博 是書 拜 以 悔 念是 已言之矣。 述 著 I 齋 道 此 而 刻 贈 人心 書 書 憬然 書 世 之 以 非 不 齊, 之意 以 而 實 買 代 辨 口 覺 見用 行 世 異 歎 非 而 Ш 以 謀 世 也 之 服 小 H 後 無 刻

#### 先 生初 刻日 知 録 自 序

故先以 若 之 平 之不博,見之不卓,其 卷。歷今六七年,老而益進,始悔 寫, 而 而 之 其 得 君子 十餘卷,欲更刻之,而 其書已行於世,不可 患不能給,遂於上章閹茂之歲,刻 事 不 所 炎武 之志於道也,不成章不達。故昔日 足以 舊本質之同志。 欲 則 所著 明 有 學 爲 不 , 桁 一日 矜,後日之成不容以 盡 正 正 知 於 是刻 人心,撥 録 中 掩。 猶 蓋天下之理 》**,** 因 疏 未 者。 漸 漏 敢 友 亂 往 自 次 入 須 世 增 往 以 向 多 絶 以 改,得 自 無 爲定, 而 筆 興 日 欲 此 限 窮 有 之 太 學 鈔 八

> 後, 以 是刻之陋 之名 山 而 棄之,則 以 待 撫 世 幸甚 宰物者之求 其 無

## 又與人書十

惡, 錢。 庶幾采山 載,早夜 成幾卷,蓋 於後,豈 曰 廢 而 嘗謂 銅 古人采 又 不 誦 將 一之銅 以 今人纂輯之書,正如今人 兩 古 讀,反復尋究,僅得十 期 充 銅 之以 失之乎? 人傳 也。 鑄 於 而 山,今人則買舊錢,名 世之寶 廢 른 銅。 承 所 春 鑄 問 而 剉 之 某 日 碎 自 錢 知 散 餘條,然 别 既 不 録》 之 來 已

又

存

## 又與人書二十五

徒以 詩文而已,所謂雕 君子之爲學,以明道也,以救世也。 蟲篆 刻,亦何 益

哉 ! 來久絕之傳。而別著《日知録》,上篇 深有所得。今爲「五書」,以續「三百篇」以 某自五十以後,篤志經史,其於音 經 學

術,中篇治道,下篇博聞,共三十餘卷。 有

之隆,而 王者起,將以見諸行事,以躋斯世於治 未敢 爲 今人道也。 向 時 所傳 古 刻

本,乃其緒餘耳。

又與潘次耕書

時自有受之者,而非可預期 字如「不復年」之「年」。 日知録》再待十年,如不及年,此「年」 則以臨終絶筆爲定。 也。

彼

又與楊雪臣書

學業稍進,亦多刊改。 古用夏, 啟多聞於來學, 待一治於後王。 向 ·者《日知録》之刻,謬承許可。 意在 撥 1 亂滌 活汗,法 比 來

# 又與友人論門人書

以酌取焉,其亦可以畢區區之願矣。不爲惡其害己者之所去。而有王者起,得業皆在其中,惟多寫數本,以貽之同好,庶

日知録自記❶

削之。積三十餘年,乃成一編,取子夏 言,名曰《日知録》,以正後之君子。 合,時復改定。或古人先我而有者,則 顧炎武。 愚自少讀書,有所得輒記之,其有不 東吴 之 遂

0 依《四庫全書》本加。 此篇識語原置於目録之首,今移於正文之前。

篇題

Ŧi.

自

記

## 日知録集釋卷

崑山顧炎武著 嘉定後學黃汝成集釋

### 三易

> 裁成 首,以 其後五帝之治,皆因于此。 至此而變,後世文明之象自此而開。 作衣冠宫室以庇身,作禮樂書契以 以授時,❶作杵臼以前用,作舟車以致遠,作弧矢以取威, 黄帝,杜子春之説不可易。 出雲氣,和給天地,且二山相襲,故曰《連山》。 用伏羲八卦之動象,以艮爲首。 辨土性,藝五穀,嘗百藥,鑿井出泉,立市通貨,故其《易 《易》者也。《連山》者,神農氏之《易》也。 Ш 辟卦之象以成,六十四 于是震、兑正于東、西,坎、離 象生八卦,而萬物之理悉函; 帝出乎震」之象以立。 位 而 天地之道,輔相天地之宜,以 進,左旋而位于西北; 時 在東北,立春斗建之所在也。 行爲義,由 體達用之象也。 又以「乾元用九」消息之,而十二 卦之象以 故伏羲爲天皇,神農爲地皇 陰 蓋黄帝之治詳于人,作 自八卦重之,相錯 動 Œ 于 而 艮者,止 著,伏羲氏之所以爲 退,右轉而位于西南。 南、北, 左右民。」即謂 立教,上古朴野之俗 《易・象》曰:「后以 山托于地而 艮本陽卦,其 也,止 耐 神農詳于地 儿 《歸 相 時 親上,能 乃行之 此 首 人象爲 調曆 藏》, 春 陽

● 「曆」,原避清乾隆帝諱作「歷」。後凡「曆」字作「歷

《春秋》」,「宋之《春秋》」,「齊之《春秋》」, 莫可稽考,後人徒從推測得之,亦各存其説而 道 山》、《連山》者,象山之出雲,連山 易,釋其義 陽之書,即 周、燕、齊、宋之史非必皆《春秋》也,而云 也。 反 黄 案〕雷氏用杜子春之説,以《歸藏》爲黄帝易,似 是以坤爲首,以陰爲主,以静 百 禮運 帝 周 而歸之、得其初象、知陽氣之所以能生、實原于此 年,功成之後,深求道 春秋》者,因魯史之名以名之也。 普、无所 爲 猶之《墨子》書言「周之《春秋》」,「燕之 》孔子曰:「我欲觀殷道,得坤乾焉。」注以爲殷 人皇 <u>⊟</u>: 《歸藏易》。 此 不 「《歸藏》者,萬物莫不歸藏于中。 備 即 ...。」與 周 官 而鄭 杜 極,默契本原,于羲、農之《易》皆 》書之所 子 司 春 爲道 農《贊易》亦以 説 謂 不同。 不 ,以柔爲 絶。 皇」矣。 《周易》者,言易 大 用 抵 爲 世 所 黄 歸 代荒 夏日 矣。 **「汝成** 以 帝 藏 時 明 在 遠 連 于 殷 然 陰 體 位

之餘,獲其雄狐。」成十六年:戰於鄢陵。之,曰吉。其卦遇蠱,曰:「千乘三去,三去之,曰吉。其卦遇蠱,曰:「千乘三去,三去

上,如「有以《周易》見陳侯」及「《周易》有之」之類 言《易》。 卜徒父以卜人而掌此,猶《周官》之大卜。 有 射其元王 公筮之,史曰 引據之辭, [楊氏曰]其用《周易》處,必出 一**,** 中 吉。 即 厥 所謂 目。」此皆不 其卦遇復,日 「三易之法」也,「原注 ·用《周 《周易》之名于 而《 易》 南 《傳》不 或 而 蹏 别

## 重卦不始文王

正義 《周易》曰:『隨,元、亨、利、貞,无咎。』」 曰〕《周本紀》及《世表》皆言文王益 遷於東宫,筮之,遇艮之隨。 皆六十有四。」攷之《左傳》襄公九年: 重八卦爲六十四者,不始於文王矣。 言「是於《周易》」,則知 》論重卦之説,王弼以爲伏羲。 「大卜掌三易之法,其經卦皆八, 夏、商皆有 卦,其實非。 以《繫辭》攷之,弼言 姜 曰: 此 是 孔 卦 穆姜 〔梁氏 其 氏《易 一, 而 獨 於 别

知爲伏羲因重之驗。範》攷之,其七「卜筮」,貞卦已見于禹錫九疇之時,則可爲當,十二卦體已具于羲、農、黄帝、堯、舜之世。以《洪爲當,十二卦體已具于羲、農、黄帝、堯、舜之世。以《洪

## 朱子周易本義

百 藝文志》:「《易經》十二篇。」師古曰:「上下經及《十翼》, 《序卦傳》、《雜卦傳》各一篇。〔原注〕《漢書 篇: 篇。 周公作《爻辭》,謂之「經」。 曰:「《太史公論六家要旨》引『天下同 彖》二,《上象》三,《下象》四,《上繫》五,《下繫》六,《文 故十二篇。」孔氏《正義》曰:「《十翼》者,《上彖》一,《下 《繫辭傳》上下二篇,《文言》、《説卦傳》、 言》七、《説卦》八、《序卦》九、《雜卦》十。」 陸德明《釋文》 慮」,謂之《易大傳》。 《彖傳》上下二篇,《象傳》上下二篇, 孔子作《十翼》,謂之「傳」。 周易》自伏羲畫 班 固 謂 卦,文王作《 孔 子 晚 歸 而 經分 好《易》,讀之韋 而殊塗,一 傳 彖 上 分十 下二 辭 致 而

> 前, 其失,而未能盡合古文。 是。又以《文言》附《乾》《坤》二卦,于《坤》亦加「《文言 卦者是,是爲鄭氏本。 始 别,其謂費氏始亂經者妄也。 辭,各附其當爻下言之。」按此,則費氏古經 之意,以爲象本釋經,宜相附近,其義易了,故分爻之象 弼以《文言》附于《乾》《坤 直 行,至後漢諸 編三絶,而爲之傳。 下云:「中閒頗爲諸儒所亂,近世晁氏始正 元晦《本義》始依古文,故於《周易上經》條 曰」之文,是爲王氏本。 於卦爻之下。〔莊氏曰〕朱子發《漢上易傳》云: 則加 、鄭玄、●王 自輔嗣始,則每爻加 「彖曰」、「象曰」之文,猶以傳附 儒始 弼 合經 傳 所亂,取孔子之言逐 即《十翼》也。 至以象附爻,而以彖、象移 傳爲一。」自漢以 「象曰」之文,若今《坤》卦 程正叔《傳》因之,及朱 三卦。」孔 合象、象于經者,自 吕氏又更定,著 氏《正義》云: 前漢 經後、若今《乾 六經 自是經、傳相 來 與 傳皆 以下者 條 爲 「輔 置爻 康 Ξ. 附 費 成 别 嗣

●「玄」,原避清康熙帝諱作「元」。後凡「元」字作「玄」

74

辭 即 爲 可 以盡《乾》、《坤》二卦之藴,而餘卦之説因 健」之下。 之六爻,周公所繫之辭也」,乃《象上 乾元」之下。「象者,卦之上下兩象及兩 類從。」而朱子所定之古文仍復殺亂。 家定本又各不同 《易經大全·凡例》曰: 武 下義,今乃削「象上傳」三字 下義,今乃削「彖上傳」三字,而附於「大哉 取朱子卷次 二氏,亦各自爲 文言」二字而附於「元者善之長也」之下。 以例推云」,乃《文言》條下義,今乃削 文王所繫之辭,傳者,孔子所以 經二卷,傳十卷,乃復孔氏之舊云。」洪 也,後凡言『傳』放此」,此乃《彖上傳》條 初,頒五經天下儒學, 「此篇申《彖傳》、《象傳》之意, 割裂,附之程《傳》之後,「原注 ,故今定從程《傳》元本,而《本義 書。 「程《傳》、《本義》既已並行,而 永樂 而《易》兼用程、朱 中修《大全》,乃 而附於「天行 釋 一傳》條 「《彖》 經之 例 象 以 諸

> 此能知 張十八行,每行十七字,而注皆小字。《書》、《詩 者專讀《本義》,《易》卷 《傳》之多,棄去不讀,專用《本義 蒙引》謂之今所竊刊行《易經本義》。 以程之次序爲朱之次序,「原 改,遂即監版《傳義》之本,刊去程《傳》,而 蓋以程子於諸卦之首 文,同考官楊守阯批曰:「《序卦》,朱子無一言以釋其 治三年會試,❶「物不可以苟合而已故受之以賁」題 所無,復依程《傳》添入。後來士子厭 其「彖曰」、「象曰」、「文言曰」字,皆朱子 傳》者。」而《大全》之本乃朝廷 影並同 》皆作大字,與各 義 本 之而又善作,是用録 前 惟 刊 《易》每張二十二行,每 去程 《傳》,凡《本義 經不同,明爲後 疏析其義已明且 踰八百, 之,以 丽  $\overset{>}{+}$ 知有《傳》者不 激 來 行二十三字,而 〇今《四 注 厲 言 所 所 盡 」虚齋 經 刻 石程 頒,不 故也。 生之不 蔡清 書》版 傳 是 「原 依 今治經 》備 敢 ·數人。 注 易 監 陳 本 《禮 義 矣 本 弘 本 輒 400 版 程

義 記

傳

<sup>0</sup> 者,俱回改,不再出校 弘 原避 清乾隆帝諱作 宏」。 後 凡「弘」字作「宏」

存,其 序》、《 子 幸也夫 者,又添 《仲默《書集傳序》,今南京刊《大全》本,改曰 擅 定 改古書 謬亦易見爾。 īĒ. 經大全序》, 一「《傳》曰 之書竟 宜 〔汝成按〕今御纂《周易折 有嚴 一面 不得見 禁,是學臣之責。 相 此即 引其文,皆今代人所 傳 亂刻古書之一 且 於世 二百年矣。 一, 贵 朱子《詩 中》已 非 驗。 此 爲 一《詩經 惜 幸 復朱子之 經之不 集 也 監 傳 乎朱 大全 0 本 序

舊矣。

貴 之年 各附 六爻 輔 據 經文,宜相 正經之辭。 古經始變於費氏 鄉 嗣 孔 氏《正 公幸 與《 其當爻下, 經 朱子《記 辭之後 知 傳 太學,問 其 附近,其義易了,故分爻之象 義 王 相附 實  $\approx$ 嵩 輔 本 티 : 如 以 Ш 嗣 .... 故 博士 於 杜元 晁氏 自 之意,以爲《象》者 而 康 卑退,不 夫 卒大 淳于俊曰:『孔子作 謂 成 凱 子 卦爻彖象説 也 連 注《 亂 所作象 合 於王 敢干 左傳》,分 經、傳,始 魏 志》:「 辭,元 弼 亂 ×, 本 先 於 經 辭 謂 高 釋 聖 在 此

始矣。 以 後 猶 言》解説上、下《經》。」 《易》無章句,徒以《彖》、《象》、《繫辭 合。 學 康 盡 以 俊 也 日 欲使學者尋省易了也。』帝曰 彖》、《 見 若今之《乾》卦」,蓋 成 。』是則 :『古義弘 不合爲謙,則鄭玄何 對 誠 人 ?』俊對曰: 始 此聖 舊 又 日 便, 《象》 象》, 本 乃《 散之各爻之下,而 :『孔子恐 則 相 人以不合爲謙。」帝 朱子記 康 孔子曷 漢 不 鄭 傳之樣式耳。 深, 成之書已先合之,不 書 玄作 與 『鄭玄合《彖》、《象》於經者 經 聖問 晁 其 爲不 儒 文 注 氏 與 自《 一, 其 則 林 相 説 奥遠, 文 合 獨 傳》云: 連 以 謂 坤 釋 獨 不  $\pm$ 以了 愚嘗 傳附經又不自 **>** 經 存《 而 相 謙邪?」 初 以 非 日 :『若合之於 義 亂, 注 亂 學者乎?』 下 : 乾 臣 以 岩 皆 古 連之,何 費 所 是 其 **\*** É 也。 一卦, 依 制 俊 直 説 能 聖 輔 以 此 時 文 對 Y 推 治 텖 詳 不

六

所 則 之,今《乾》卦「彖曰」爲一 象散於各爻之下,其 條,疑此費直所附之元本也。 爲 見之本也。「楊氏 處耳,非并經連之者。 「象日」者七,此 日〕玩魏主問辭,止 鄭 爲「象日」 玄所連,高 條,「象 亦單 行 《坤》卦 者 是康成 日 貴 鄉 以 爲 餘 注 卦 小 連

古者注

易 復在中,亦不自失也」、《本義》曰:「亦者,承上爻義 言『亦』者,承上爻辭 自作一處,故諸爻之象辭意有相續 曰:「云『亦』者,蓋象 程 《咸》九 傳 三一咸 雖 用 輔 其股,亦 也。」〔原注〕《小畜 嗣 辭 本, 本不 不 亦 與《易》相 言 處 也 其 光 者。 非 二「牽 ^ 傳 比 此 古

秋》尤爲 爛之言,不能 經亡。今之爲科舉之學者,大率皆帖 合爻,以爻合小象,二必臣,五 秦以焚書而 缪 盭 通 以 知 五經亡,本朝 大 彖 義 傳》 者也 合大象,以 而 以 必君 取 易》、《  $\pm$ 陰卦 大 括 而 象 春 熟 五.

> 題,有一 浙江 題,傳 必云 事 爲 《傳》、啖、趙諸家之説以存《春秋》,必有待 意,名雖經題 所鏤程文,乃太簡略 年九月甲辰 者爲射覆之書,而《春秋》亡矣。〔原注〕天 於後之興文教者 朱之書以 句 變 拾瀋之書, 兩 鄉試、《春秋》摘 夕例 無 小人,陽卦必云君子,於是 句 用 爲 爲旨, 窮。 主,經 彼 浙江 實則 存《易》,〔原注〕當 經 考官出 温州 而《易》亡矣。 而 而 射覆。 爲 而 隱此 以 十六段 府永嘉縣儒學教諭 不統 題, 客, 經 乞敕禁 往往棄經任傳,甚至參以 貫。 經之題,於 事之 有 配 以 且《春秋》爲經,屬 作 止。」上從之。 — 題 彼 相 各自 取 經 類 胡 )頭緒 爲 雍懋言:「 是 證 者 此 氏 本。 《傳》 太多。 此 此 合 復程 備 經 經 以 比 詞 順 經 之 爲 者 及 Ξ 己 比 者

#### 卦 爻外 無别 象

聖 人 設計 觀 象 而繫之辭,若文王、 周

《十翼》之中,無語不求其象,而《易》之大 震 説 甚。」不有程子,大義 足,遂及卦變。變又不足,推致五行。 注 人同 指荒矣。 豈知聖人立言取譬,固與後之文 龍 艮、兑,「水流濕、 象,以「同聲相 也。 鳥之象」,本之卦辭,而 澤之外,惟「頤中有 言卦之本象,若天、 公是已。夫子作傳,傳 加 針别 五十 雖 開 則曰 其體 荀爽、虞翻之徒,穿鑿 之大路矣。 涉 象,漢 八、巽四十五、坎七十五、離三十、艮五十三、兑十 於 乾 時尤多,今約 玄 例 爲 虚 何 龍,「風 應」爲震、巽,「同 [原注]王 然 嘗 火就 己 屑 其數 何 物」,本之卦名,「 地、 屑 從虎」則 由 燥」爲 夫子未嘗增設 中 掃《 雷、 ,乾八十二,坤 輔 於 而 更 嗣《略 象 明 易》學之榛 風、水、火、 附 無 坎、離 哉 乎 失其 例》曰:「互體不 别象。 會, 日 氣 坤 相 原 象外 ′汝 王. ,「雲從 百 巧 爲虎 求 弼之 其所 有 十三, 成 喻 案 爲 生 飛 彌

義或有取爾。八,雖皆穿鑿滋生,然《易》理閎深,曲包道藝,觀象玩八,雖皆穿鑿滋生,然《易》理閎深,曲包道藝,觀象玩

多矣。文中子曰:「九 秋》之例月日, 傳》作而《春秋》散。」 易》之互 經説之繚 體、卦變、《詩 師 興 繞 而《易》道微,三 破 之叶 碎 於 俗 韻 ~; ~ 儒 者 春

### 卦變

謂自某 下者 未安。 從程《傳 乾、坤, 之「六三」已言之矣,曰「三人 一人行則得 彖傳》有言剛柔、 ,即取切近相反之卦,非 卦變之説,不始於孔子,周公繫 卦 今考文王之《易》,以 而 無 來者,其法以 所 [原注]蘇軾、王 其友」。 謂 往 自復、姤、臨、 來、上下者,虞翻 相 反 是六子之變,皆出 連之兩爻上下 别取 對 炎皆 爲 諸 次 序 謂 同 他 遯 行 之卦 此 卦 川 説。 而 則損 也。 相 所 來者,當 易 謂 往 江氏 取 《本 來之義 之,似 損 義  $\Box$ 於

八

本 陰 陽 莫明于《泰 此。 來居内,故曰 來居内,故曰 楊 氏日 否》二 〕王雙溪之經説,今皆不可 「大往小來」。 「小往 卦 大來」,泰反爲否,三 彖辭: 《彖傳》所謂 否反爲 泰,三 得 剛 陽 陰 來 往 往 柔 居 居 外,三 外,三 來

### 互體

《左氏》莊公二十二年: 成一 之語當之,非也。 也。然夫子未嘗及之,後人以「雜 至四,有艮象、〔原注〕四爻變故。 否,曰:『風爲天於土上, 同 功 卦,先儒謂之「互體」。 互體之説 凡 而 卦爻二至四、三至五, 異位」, 特 其 就 所 兩 爻相 論 Ш 陳 也。二 較 侯 與 兩體交互, 其 言之,初 艮 筮 四 説 爲 物 注「自 己 遇 撰德 Щ 見 與 觀 是 於 Ŧi. 何 之 各

見稱於世,其文不傳。新安王炎晦叔嘗問《晉書》荀顗嘗難鍾會「《易》無互體」,

卦之旨

即

中央寄王之義

也。

愚所

推

+

辟

卦

之旨,即

六

離; 離居 以 脯 艮、兑。 4. 純 以 以 自 上互兑者,離也; 純乎陰陽,故 王 是漢儒言 體者,至王 家不論 之、王介甫三家《易》,何也?」南 張 坤, 巽、 既 爲 + 相 一伯厚作 有 南 否 艮、兑分乾、坤之上畫 中 震 辟 互,巽、兑又自相互 未 故 艮與乾、坤 軒曰: 卦推之,五 ·以運之,是以下互震而 巽; 則下互 至坤、乾合而爲泰,則下互兑而 濟 無 ※ 鄭 Ŧ, 互. 輔 自 4. 震、巽之合乾、 體。 體 無 康 相 祇 嗣 良而 4. 4 成 就 故爾。」「全氏日 合 鍾 伊 若震、巽分乾、坤之下畫,則上 而 陽 體。 易 耐 士季始力排之,然亦 是 川令學者先看 艮、兑之合乾、 辞以 Ŀ. 注 卦 成 陰 Ч. 若震、 序》, ,斯陰陽老少之交相 陽 巽。 震、 爻配象,未 乃 坤 ,則下 消 始 , 夬、姤 兑 巽、艮、兑分主四時,而 長之迭爲 坎、 也,爲大壯 上互艮者,坎也;下互 發之,謂 與乾、 <u>Ė</u>. 離 坤 ]漢、 近 有坎、離; 于 乎 能 也 坤合而 + 上 王 用 爲 終 晉 純 八 探 爲觀 辟 卦 乾, 其 諸 也。 不 輔 軒 卦 臨 震; 之中, 資 所 能 儒 則 剥 成, 爲 嗣 雖 圃 曰 也。 蓋 以 無 絀 坤、乾 遯 震 耳. 不 復 Ŧi. 伯 然。 E. 也。 不 乾 有 胡 預 厚 則 愚 艮 巽 言 4. 近 陰 坎 坎 翼 辟 坤 而 F 平. 再 又 至 特 互.

漢儒之善于説經者,有自來矣。 還宮之義也。是以朱子晚年謂從《左氏》悟得互體,而

服

律

又 也。 六五 三至五 而言「似 が [原注]又 先儒 云:「卦體似兑,有羊象焉。」不言 朱子《本義》不取互體之説 一成兑,兑爲羊,故爻辭並言羊 所未有,不如言互體矣。 謂《頤》 似 者,合兩爻爲一 初 九 靈龜是伏,得離卦 ,惟《大壯 爻則 大壯 似 豆豆. 然 自 此 之

### 六爻言位

乃其 爻,譬之於人,初爲未仕之人,上 存 士,皆不爲 :乎位」,五爲君位,二、三、四爲臣位, 曰 (變例。 一同 易傳》中言位者有二義。「列 功 其 但 臣 而 取初終之義者,亦不盡 也。 異 位。 [原注]《明夷》上 丽 初、上爲 六爲失位之君 拘 則 故《乾 隱 無 貴賤者 位 淪 之 之 故

> 位,非 定位 成」,曰「《易》六 當位者也。」程子《傳》亦云:「此爵位之位,非陰陽之位。」 當位」。 之「上」 愐 卦之體言之, 略 [楊氏日]朱子以爲未 已, 夫各有 例 》, 但 則 取象於人之位矣。  $\exists$ 不 原 必 注〕王 貴 可通矣。 所當 强彼合此,而謂初、 耐 則 一弼注 无位」,《需》之「上」 位 皆 詳,似 也 常需 謂 而 《記》曰 不 成 之 》上六日 取伊川之説 位 章」,是 此意已 :「夫言豈一端 故 :「處无位之地,不  $\exists$ 見 則 上 六 挂 若 無 於 曰 爻 位 以 陰  $\pm$ 之 陽 弼 時

# 九二君德

湯,咸 以堯、舜 十人,同心同德。」 爲 有 人臣者 其 德。 」武 君 一必先! 故 伊 王之誓 具有人 尹 之言 亦 君之 曰 日 惟 子 有 而 尹 亂 後 躬 臣 暨 口

# 師出以律

也。 可 詐 爲 文,非能擇言者 秋》皆不予之。 〕湯、武行軍,應亦 ·勝」,雖三王之兵,未有易此者也。 而 用 《論語》言「子之所慎者戰」。 敗齊,泓以不禽二毛 ,斯之謂「律」。 以湯、武之仁義爲心,以桓、文之節制 故「先爲不可 有法度,非僅以其仁義也。 律即卦辭之所謂 耐 ,勝,以: 敗 於 楚,《 長 待 配人桓 (楊氏 敵之 勺 「貞 春 以

# 既雨既處

化,不可得矣。 小畜之時 陰陽之義莫著於夫 求 陰畜 如 陽,婦婦 任、 婦 姒 制夫,其畜 之賢,二《南》之 ,故爻辭 以 而 此 不

> 曰〕「猶」當作「唐」。❶ 獨 和 「上」之「既 ,猶可言也,「三」之「反目」,隋文帝之於 孤 后 也; 雨」,猶 既 和 而 高宗之於武 惟 其所爲,不可言也, 后也。 〔楊氏

# 武人爲於大君

腹,一 者,莫敖大心是 其君,其濟則君之靈 是當勉爲之而 之履虎,有咥人之凶 如《書》「予欲宣力四 「六三」,才弱志剛,雖欲有 「武人爲於大君」,非 瞑 而 萬 世 也」。 不 不 可 視 避 也。 示 也,不濟則以死繼之, [原注]《戰國策 方,汝爲」之「爲」。 耳。 知 惟武人之效力於 武人爲大君 所 爲 故有「 益 而不克濟,以 以 斷 憂 社 脰 過 也, 決 涉

❶「猶」,據《刊誤》卷上,原寫本作「唐」。

### 自邑告命

始以四: 是焉 故 以 泰 而 後,一人僅亦 邑,商曰 翼,四方之極」,《 邑於東國洛」,曰 邑夏」,曰「惟 原注〕武王之妃謂之邑姜。《白虎通》曰「夏曰 俟時 祝 用 聃 而 人主所居 井爲邑。 可 師 之矢遂 而 用 不 商邑,周 師,則 己。 豫爲之計哉 而 《泰》之「上六」,政教 邠 守府,而號令不出 臣 謂之「邑」。 中 桓王不 岐之兵直犯闕 附於大邑周 「肆予 不 曰 書》 王肩; , 可。 京師」是也。 日 知此也,故一用 敢求爾 君子處 惟 唐昭宗不 《詩》 尹 下。 於天邑 躬 「原 曰「作 此,當守 Ė 於國門,於 先 知 注》周 陵 然 見 商 此 則保 商 夷 新 於 邑 也, 師 大 正 之 官 夏 西 翼

> 則同,皆聖人之所取 菼」,國人畏之而不敢奔者也。 伐邑」,如王國之大夫,「大車檻檻,毳 樹之風 曰 邑人不誠。」是亦内治修 「告自邑」,如康 聲」者也。 《晉》之「上九」曰 王之命畢公「彰善 而 也。 遠 人服之意 [原注]《比》之「九 其爲 癉 自治 衣 維 如 用

《易》之言「邑」者,皆内治之事。

夬》

# 成有渝无咎

深,放肆之久,而 反也,教之以「成 人之有過不能改之於初,且 「人誰無過,過 以止王心,王是以獲殁於祇宫。」《傳》曰: 有 車 轍馬迹焉。 昔穆王欲肆其心,周 丽 祭公謀父作《祈招》之詩, 能改,善莫大焉。」聖人慮 惕然自省 有 渝 无 咎」, 行 將 猶 天下,將皆必 雖 可 遂 以 其 其 不 漸 非 至於 染 而 之 不

敗亡。 心險,渝即 故 則生於憂患 日 以 就平; [][惟 視 夫「迷復之凶」,不 豫 狂克念作聖。」「汝 ¥ Ŀ 心昏, 渝即 頓 清。 可 成案』《訟 同 平. 則 年 遠 而 於 論 巖

### 童觀

吝也 習者 有 辨 而 則 子之光」, 有大人之事,有 乎喪 弦。 不能 可觀者焉, 佔畢之文。「樂師 其 宗祝辨乎宗廟之禮,故後尸。商祝 「知類 在 禮, 而 政 故 教, 所 通 致遠 後 司 則不 達」,以 主 者籩豆 小 恐 人。J小人則无 人之事。」「 能 泥。二 辨 幾大學之道 是訓 之事 乎聲 故君子爲之則 0 是 詩,故 雖 其 行, 小 在 以 咎 道,必 學術, 北 近天 而 也。 面 所

# 不遠復

貢 庸」; 此 此,故「有不善未嘗不 矣,故曰「復」,其 前、喜怒哀樂之未發也、至一陽之 過」。 慎 《復》之「初九」,動 獨之學也。 夫亦擇之於斯而已,是以「不遷怒,不 見天地之心乎? 回之爲人也,「 知,知之未嘗 之初 也。 擇 自 生 復 顔 乎 子 此 行 而 中 體 動 以

希 所 小 而辨於物」。 息,平旦之氣,其 其在凡人,則《復》之「初九」,「日 苟 其 (知之) 則擴而充之矣。 好惡 與 人人相 近 故 也 日 者 夜 幾 之 復

# 不耕穫不菑畬

矣。 慎厥 之業,集羣聖之大成,而 之聖,但曰:「述而 終。」是故有周之治, 遷於洛邑,密邇王 前 使有始之作之者,而無終之述之者,是耕 曰:「文武之道未墜於地,在人。」是故六經 移」,而康王作《畢命》之書曰:「惟周 菑 之,初菑之,二畬之。」 天下無不 之始,『六二』動之繼,是 人之所已爲 而畬者。 周 始,惟 楊氏 監於二代,郁 □ : 其曰「不耕不菑」, 君陳克和 「原 也。 注》《誠 一室, 既 昔者周公「毖 不 垂 郁 厥中,惟公 作,信 齋易傳》。 無 拱 乎 歷三紀,世 故 所 仰 文 初 一剙矣。 而 哉。」 成 . 耕 耕之、二穫 「 初 則 而 好古。」又 殷 而穫、不 耕 克 無 而 雖然, 九」動 頑 且 公克 成 孔 所 變 菑 民, 風 子 事 厥

> 而 自多也,猶「不富以其鄰」之意 有攸往」也。 弗 種,菑 順 而 中 Ė 「未富」者, 弗畬也,其功爲弗竟矣。 是能 穫 能 因前人之爲而 畬 者 也,故 「利

# 天在山中

也。」故 張  $\Box$ 湛 天 注 在 列 Ш 子》 中 티 : 自 地 以 <u></u>

# 罔孚裕无咎

爲乘田矣,曰牛羊茁壯 也」,而況「初」之居下位 孔子嘗爲委吏矣, 曰 裕无咎」也。若受君之命而 君子 信 而 後 諫,未 會計 長 未 而已矣。」此所謂 信 當 命 則 任 於朝 而已矣。 以 其事,「有 爲 者乎 謗 ? 嘗 己

皆

天

言 安」、《晉》「麗乎明 貞吉」。 官守者,不得 則 去」矣。 樂則行之,故《 〔汝成案〕憂則違之,故《豫》二「不終日 其 職 《晉》初 則去; 「罔孚裕无咎」。 有言責者,不 《豫》「溺 ·得其 是

也

#### 有 孚於小人

時。 不 者 明,有「去邪勿疑」之斷,堅 革 如 使儉 面 此 君子之於小 而 壬之 從 君 者乎 類皆知上志之不可移,豈有 人也, ? 所謂「有孚於小人」 有 立如金 知 人則哲」之 石 信 如 几

#### 損 其 疾 使遄有喜

速 損 初 不 九 善 日 而 己 從 善 事遄往」,「六四」日 1者,莫 尚 乎 剛 莫 貴 使 乎

> 時也 聞。 已矣,何待來年。」 多暇日者,其出入不遠矣。」《孟子》曰:「知其非義, **盱豫則悔遲有悔,損** 爲學者日邁 剛 惜寸陰,皆是道也。 以待旦。」「子路有聞、未之能行、惟恐 合者,仰而 遄有喜」 也 其遄也至矣。 故爲政者玩歲而愒日,則治不 周 0 公思 思之,夜以 而 四 月征 疾則使遄有喜。 之所 兼三王 文王之勤日昃,大禹 ,則身將老矣。 〔汝 君子進德 以 総日; 能 以 施 遄 《荀子》曰 幸而 者 几 修業,欲及 事 賴 得之, ·, 其 其 初 有 成; 成 爲 斯 案 有 之 坐 之 不 速

鳴 疾 敬 而 德。」疾之爲言,遄之謂也。 起,孳孳爲善。」 召公之戒成王曰: 「宅新邑、肆 故 日: 惟 王 其 雞

# 上九弗損益之

有天下 而欲厚民之生,正民之德,豈

天 民 時 食 必 損,益之」,大得志也 福 斧斤以 錢氏曰 弗損 自 除有争。』是故君子不賞 F 威於鈇鉞」,所謂「弗損,益 也 用敷錫厥庶民。」「《詩》 損 ; 益 〕惠而不費,則 數罟 時 以 之 益 家, Щ 不入洿池,魚鼈 人哉? 者 中 林 也。 或 其 材木不可 惠可 爲 「不違農時, 皇建 久,其 人, 曰:『奏格無言 而 其 惠亦可大,故曰 勝 其道 不 之」者也 民勸,不怒 有 可 用 極,斂 穀 勝 也 在 食 不 是矣。 叮 時 也 所 以 謂 勝 Mi  $\overline{H}$ 弗

# 利用爲依遷國

遷 西之言 益地 於 新 在 田 無 而 遷 是 事 之 也 於 或 ; 都 在 是 而 有 遷 也。 事 之國 皆「中行告公」之 韓 而 獻 遷, 子之言 楚從子 而

姤

道與 以前 於是 門, 柅 升 於其世。 俊、八顧、八及、八廚爲之稱首,馬、鄭、服、 論 出 易 何之注,經術爲之大明; 而 降 於其時。 》,修《春秋》,盛矣; 亂 Ŧi. 未嘗以 佛教皆起於東漢之時。」是知 74 删《詩 萌焉,此 經,太學諸 天下之生久矣,一 道 聖 科十哲 人 牽 道士自 原 之所 也。」 **∀**, 注 後 漢立辟 胡 名,至東漢始 書 不 身 陰遇 嗚 三省 生至三萬人,而三君、八 能  $\leq$ 通 呼 除  $\Box$ 定《 六 ٠, Ŧi. 雍,養三老,臨 岢. 而《老》、《莊》之書即 也 藝者七十 治 陽之卦 獨 道 禮》、《 而佛、道之教 有張道 家 邪説之作,與 君 故 亂, 雖宗老子, 子 日 也。 陵、于吉等。 樂》,贊《 盛 小 有二人。 繫于 人之辨 治 孔 白虎 而 子之 之 即 西 周 極 世 金 興 是 漢

日知録集釋

大壯,陰一  $\Box$ 丽 復,意中之望 已 乎 已日 (汝 女壯 也。 成 案〕姤 其詞危矣 初 陰 E 遇 姤,意 也。 外 不 之變 期 而 也 會  $\Box$ 陽 遇。 四 始 初 陽 日

#### 包无魚

昭 收之者矣。 行 民之象也。 年,河魚大上。《五行志》以爲:「魚,陰類 於下,鳥亂於上,而 魚 也。」自人君 在 憂心慘慘,念國之爲 或 于 猶 沼, 水 逆流 也, 亦匪 有 民 求 克 而 猶 上 樂。 人情之所嚮 多於物之心 魚 ,言民不從君,爲 也。 潛 虐。」秦始 雖伏矣, 幺 王之詩 一,於是 必 有 亦 皇 起 魚 孔之 逆 而 亂

以 杞 包 瓜〔汝成案〕「瓜者外延」云云,司馬彪

續

六

漢書・五行志》文、今曰「劉昭」、當是「續漢」二

之誤

以 可爲苞者。 窮,不曲而爲之備,是爲含章。 踰,何有外戚宦官之禍 恩澤有節,器使有分,而 曰 : 之無 尊,如樹 生,勢必 實,女子外屬之象。」一 之道言之,則以道率民,以禮防民,猶之植 杞,山 衛田 淡 所緣 劉 里,是爲包焉耳 惟女子與小人爲 材也,其樹 釋包 昭《五 《詩 杞然,[原注]《詩》「南 延 而 蔓 ¥ 有 上, 故 行志》曰 如 魚 丽 無 樗。」《左傳 」是也,恐未可以言諸 及於上。 踰 (沈明 我里,無折 日 : 以以 難養也。」顰笑有時, 乎 〔又曰〕古苞苴 經 陰 瓜 》所 ! 國之大防不可  $\Box$ 杞包 在 <u>T</u>i. 〕惠氏 謂 者外延, 我 Ш 姚 下, 杞 有 樹杞」,然則 刑部 瓜 以 杞。 杞, 梓 以 瓜,且 如 皮革 包 用 白」以 陽 丽 陸 瓜 離 有魚 諸 杞 事 璣 孔 剛 之 本 魚 變無 植 葉 人  $\Box$ 以 始 肉 使 而 非 杞

#### 己日

《易》之所貴者中。十干則戊己爲中,至於 是也。〔原 改之義者、《儀禮·少牢饋食禮》「日用 己,則過中而將變之時矣,故受之以庚。 之。」朱子發讀爲「戊己」之「己」。 天地之 書・律曆志》亦謂「理紀於己,斂更於庚」 名,自丁甯,自變改,皆爲謹敬。」而《漢 己」注:「内事用柔,日必丁己者,取其令 然後革,而人信之矣。古人有以「己」爲變 庚者,更也,天下之事當過中而將變之時, 化,過中則變,日中則昃,月盈則食,故 即 日不孚,已日乃孚」,以「已」爲「已事遄 《革》:「已日乃孚。」六二:「已日 注 〕納甲之法,革下卦離納己。 王 弼 乃革 謂 丁

> 亦無以 納甲之説,先生所斥,乃欲以此破舊説,徒好異耳。 往」之「已」,恐未然。〔楊氏曰〕按《白 「已者,起也。」〔汝成案〕「已日革之」,程《傳 此訓《革》彖者。 革是改 命, 與幹蠱 異,非 **※** 虎 極 通 過 **》**云: 正大。 漢人 中之

# 改命吉

謂也。

而信之,信不待革也。若既革而信,是未信而動矣。 《革》之「九四」,猶《乾》之「九四」,諸 《 英 》之 「九四」, 諸 《 英 》之 「九四」, 諸

日知録集釋卷一

艮

移 不 ,威武不能屈」,「行其庭,不見其人」 獲其身」也。 毋 意, 毋 必, 「富 毋 貴 固 不能淫 毋 我」,「艮 育 賤 其 不能 也

# 艮 其 限

得 情 夤」之説 如 也 無 施 ,爲學亦然。 蹶 於言,勿求 幾 暓 之 於 趨 也 亂 學者之患 者之 事 也。 與 孔子 ', 有 衆 反 於心」, 君子之學不然,廓 扞 人之滑 「惡果 動 告子 莫甚 格 其 而 心 不 敢 ൬ 乎 性 不 動 孟 而 執 通 而 此 心之學,至於「不 子 室者」,非 焚 則 以爲 耐 艮 和 忿 者, 不 然 其 其弊必 懥 化 而 限 獨 相 生 大公 列 及 處 去 而 其. 將 其 事 蓋 Ŧi.

學,乃

始瞑

目

静

坐,

H

夜

仇

視

其

心

而

禁治

決 物 江 來 河 而 順 沛 應, 然莫 故 之能 聞 樂」, 善言, 而 見 無 熏 善 心之 行

厲

矣

心,以 之也 也。 忠。」 孔 心 爲 乎?』不待言心, 忠 已矣。」不 事謹省,則心自存,不 吾身之主宰, 服 『求放心』之説, 乎 子之教人曰: 孟子不幸當人欲横流之時,始 形 ? 曾子曰 慈谿黄氏 禮存 之老 求學問 錢氏 與 日 心, 朋 : 莊 面 」孟子言: 吾 所 「原注 友 求 則 以 放 交 而 日三 居 二 震。 然 心, 心 治 變 自 而 其言 此 學 有 事 處 待治之而 而 省吾身,爲 貫 不 釋 問之道無 所 而 恭 爲 通 日 · 信 氏 日『君 非 主 之學 鈔 坐 於動 乎 執 治 **\*** 脱 非 然他,求 ? 也 事 日 後 於 立 静 虚 子 人謀 敬, 事 齊一也 之間 傳 忘 單 以 至 其 空 心 放 不 惟隨 之 於 仁 與 以 出 而 者 心 禪 人 存 者 習 齋 治 而 不 ൬

ハ

義、「原 獸,難 謂 其 所 游手 行,無 已先繫之於《易》矣。 陰縣主簿 備之,而欲尤人之不我應,得乎?」「原注》山 息 謂 存心者,存此 之有主 無擾者,勢也,而患心之難 老 不運,心豈空寂 存 子之弊流爲申、韓者,一人之身已兼 謂 夫 浮食之徒,株 心者,攝 及治之愈急 又曰:「夫心之説有二,古人之所 降 注〕詳又見第二十三卷「心學」條 一息不運,人得之以爲心,亦不 廳 心 溺 也,反禁切之,使不 寸心」。 記 於其言,亦將遺落世 迨其 此心於空寂之境也 心於當用之地也。 此皆足 心迹冰 嗚 而 坐攝 無用之物哉! 呼 心 以 愈 ! 念,亦曰 發 亂 炭,物我參商 人 降歟。」「原注 得有爲,其不 明 之有 則 厲 下。 事 日 存 後 熏 『易 心。 心 乃周公 以 世乃 造 世 心 獨 容 化 之 猶 伏 一《省 之 所 有 所 謂 能 求 而 流 猛

#### 鴻 漸 于 陸

也。 九 山》、《湛露》、《菁菁者莪》、《斯干》、《賓之初筵》、《 有《證墜 吉。」安定胡氏改「陸」 其 詩》「儀」字凡 前 是。 计,征 人君,而 而之陸。 説 五」爲陵,則「上九」爲阿。 而 見、《抑》二見。 出 上九, 未嘗 於毗 「雲路」亦非可翔之地,仍當作「陸」 簡》一卷。 漸至 氏日 陵從事范諤昌。」按《宋史 其 不 於陵 以以 古之高 鴻 踐 身則 韻 十見,(原注)《柏 朱子從之,謂合 漸 其 皆音牛 讀之,「陸」當作 而 于 土 與 士,不臣天子 止矣,不 陸, 爲「逵」,〔原 一國之士偕焉而已, 阿、儀相 食其毛 何反,不得 其 羽 可 叶,「菁菁者 。 阿 舟》、《相 也。 可 藝文 以 韻 注 , 不 用 更進,故 大陵 其 與 志 鼂 鼠影、《 爲 非 友 氏 既 日 逵 諤昌 也。 儀 日 阿。 醉 東

爲

各

於

侯

反

爲

鴻居于水澤、飲食游浮者、吉之常也。 亂 用 位 義不可去,叔肸、子臧、子家駒、屈平之倫是也。「上」之 其説並得之。 陵,而復至於陸,以退爲進也,巽爲進退。」 進 象 此 『上九』上卦之極。」故皆曰「陸」。 而之『三』。」楊廷秀曰:「『九三』下卦之極 九三」凶「上九」吉者,「三」居臣子之位,雖不得于君,而 上九」皆爲「鴻漸于陸」,失其所而無所往 (則困,莫能進; 則 固 前 也。 也 所 》,作《春秋》,以遺後聖,是爲吉而已矣 尊, 處乎事外, 吾 以 之道 而 《漸》至『九 朱子發曰:「上所往,進也,所反,亦 居「九五」之上,而與「九三」同 鴻 不 死 則吾進 미 矣。 居卦之終則 〔姚刑部 亂 也。 孔子曰 退豈不綽綽 五』,極矣,是以『上』反 贊《易》,述《詩》、《 曰]漸 「其 窮, 蔑可 羽 以進 然有餘裕 可 若以 甪 進 爲 矣。 爲 德 其羽爲儀,于 之象 「自木自 者也。 儀。」天下 書》、《禮 哉。 故「九 也。 爲陸 雖 無 然 Ξ 妖 雖 應

# 君子以永終知敝

出》之詩,而察 君子可不慮其所終哉 般、閔公之所以弑。 姜氏人」,書「大夫宗婦覿 姜氏於讙」,而 衛有狄滅之禍。 讀《新臺》、《桑中》、《鶉奔》之詩, 1 陳 桓公之所 有徵舒之亂。 讀《宛丘》、《東門》、《 昏婣之義,男女之節, 以 用幣」,而兆子 薨。 書「齊侯 書「夫人 而 月 送 知

# 鳥焚其巢

矣。」故以禹 招損,謙受益」爲 鄭也,而曰:「其君能下人,必能 人主之德,莫大乎下人。 之征 苗,而伯 戒。 班師者,謙 益 費 楚莊 之,猶以 也; 信用 王 一之屋 用 其 師 滿 民

弗許。 謂「有 之占乎? 罪 侯唁矣。 魯昭公之伐季孫意如也,請待於沂上以察 矜,而不聞諫争之論,菑必逮夫身者也。 者,滿也。「上九」處卦之上,《離》之極,所 ,弗許,請囚 鳥 於是叔孫氏之甲 高 鸖 原注 飛,亦傅於天」者矣。 鵒 〕吴幼清曰:「此爻變爲小過,有飛鳥 於費,弗許, 鸜 鵒, 往 歌來哭」,其此爻 興,而 請 陽 以 州次、乾 Ŧi. 居心以 乘亡,

# 異在牀下

者也。 命 恵」也。 勞」也。 也 史以通人于神,巫以 上九」之「巽在牀下」,「恭 盤庚遷殷,反覆三誥,始惕以天之斷命,繼以乃 〔汝成案〕「二」之所處,「剛巽乎 「初六」之「進退」,「 通神于人,「紛若 慎 中 而 而 |即「重 Œ 無 無 而 禮 禮 志 行 則 則

其齊斧矣。以「吉,无咎」也,故曰得中。「上九」之「巽在牀下」,則失以「吉,无咎」也,故曰得中。「上九」之「巽在牀下」,則失祖乃父乃斷棄汝,浮言胥動而不怒,傲上從康而不誅,所

### 翰音登于天

不宜上,宜下也。溝澮皆盈,涸可立待矣。 豚魚之孚,可以及澤,翰音之登,難達于天。 哉 亂,豈非「談空空」、「覈玄玄」者有以致之 孰信,夫人而識之矣。永嘉之亡,太清之 莊周《齊物》之言,翳衍怪迂之辯,其 子,弦歌徧於魯中,若鶴 於大,學而無實者 羽翰之音雖登于天,而非實際。 翰音登于天」,中孚之反也。 乎? 鳴 以視 而 子和者, 車服 飛 〔汝成 傳 鳥遺 其如 孰 於 高 音 案 誕 弟 過

# 山上有雷小過

側 巔 天上」,何也? 至其巔也。 所 Ш 或高 以爲小過 之高 或下,在山之側,而 故《詩》曰「殷 峻,雲雨時 曰:「自地以上皆天也。」 也 然則《大壯》言「雷 在其 其 中間,而 靁 在 不必 南 至 不 Ш 在 其 之 能

妣

是也。 自祖 平公之去邑姜蓋二十世矣。「原注》《儀禮·士 祖 | 烝畀祖妣」、《易》之云「過其 《爾雅 而 母以上 《左傳》昭十年:「邑姜,晉之妣也。」 並言之、若《詩》之云「似 》:「父曰考, 通謂之「妣 」,經文多 母  $\Box$ 妣。」愚攷古人 祖,遇其妣 續妣祖」、 以「妣」 對

> 《易》爻何得 續妣祖 先妣 祖 以特立廟祭之,謂之閟宮。」《周語》謂之「皇妣太 昏禮》: 之明夷」,「 注〕朱子《本義》以《晉》六二爲享先妣之吉占。 禮‧大司樂》注:「周人以后稷爲始祖,而姜嫄無所配,是 昔人未論 姜」,是以 不 過 也。」或乃謂變文以協韻、是不然矣。〔原 - 及其三 其 在 祖,遇 易 享先祖之前。 」,箋曰:「妣,先妣姜嫄也。 君, 此義。 帥 妣 以敬先妣之嗣。」蓋 王用 及此? 其妣」, 先 遇 乎 其臣」, 周 祖 亨于岐 人以 據文義 夫「帝乙歸妹」,「箕子 《周 而《斯干》之詩 臣 姜嫄 Щ , 禮 則 妣當 繼 爲 在 世 妣,「原注 大司樂》 君之下 爻辭 在 主祭之通 祖之上。 祖,先 屢言 或曰 似 》周 享

義》:「我者,文王自我也。」《小畜》卦辭:「密雲不雨,自我西郊。」《本《易》本周《易》,故多以周之事言之。

Ξ

鄰 道 一,則 哉臣哉 馭 彊 得 而 其道 擅 命 則 者 天下皆爲 謂之鄰。 之臣。 「臣 哉 鄰 馭 哉 失 其

鄭 鄰 此 也。」班固《通幽賦》云:「東仏虐 東鄰謂紂。」顔師 説,今遺佚耳 康成《坊記》注云: 謂 商紂 漢書・郊祀志》引此,師古注:「 也; 古 西鄰 注云 「東鄰謂紂國中也,西鄰謂文王 謂 ,古鄰字。」是東漢時實有 周文王也。」「雷氏 而殲仁兮。」應劭 注 國中 云:  $\exists$ 東

#### 游 魂 爲 變

變」,自有 骨 肉斃於下,陰爲野土,其氣發揚於上, 精氣 而之無 爲物」,自 也 無 夫子之荅宰我 而 之有 也 ; 游 魂 日 爲

> 聖人 님 虚 不 也。」張子《正蒙》有云:「太虚不能無氣,氣 土 延 景 爲 矣。」其精矣乎 也。」所謂 或爲肅然悽愴之氣。 發散飛揚於上,或爲朗然昭明之氣,或 魂,附於體貌,而人生焉,骨肉斃於下,其氣無所附麗,則 也。」鄭氏 能 命也。 陵季子之葬其子 昭 「悽 不聚 盡 循是出 明、 愴,使 道 焄 曰:「焄, 而爲萬物,萬 其 若魂氣 游 人慘慄感傷之意。」魯菴徐 蒿、悽 人,是皆 閒 魂 兼 爲 蓋陽氣輕清,故 謂 愴 體 變」者,情 香 。」〔原注〕朱子曰 則無不之也,無 也, 臭也。 不 而 物不 得 不 曰 : 累者 已 蒿,氣蒸 能 而 「骨肉 狀具 升 爲 不 然 加 「, 存 温 氏 上浮,以 然煮蒿之氣 散 日: 也 出 昭 於是矣。 神 歸 貌。」許 而 陽 明 然 不 其 復 爲 露露 從陽 氣 於 至 則 太 爲 氏 光

人 無形,適得吾體。」此之謂 鬼者,歸也。」 張子曰:「氣之爲物,散 歸

迴 之説、「原注」《理究》。〔惠氏曰〕京房《乾傳》: 陳 無己〔原注〕師 道 以「游魂 爲 變」爲輪 精

日

티 : 粹 前 死 滅  $\Box$ 故返 氣 而 燈 「碩果不食,故有游魂。」吕仲 純 長 也 不 · 是 陽 化, 生 爲 道 雲霓 游 而 則 道 魂 不化 鬼 不 而 陸 復 亦 雨 績 本 多 則 位 注 非 人多 矣。 爲 前 爲 游 陰 雨 一, 世 木 夫 燈 極 魂 也 剥 「原 何 盡 注 先 熄 死 以 陽 樸 神。 復 加 容 菴 道 然, ? 有 《易 不 辨 生 可 説 非 長 之 盡

聚 散 散 者 體 者 謂 必 楊 於其 其 是 之 邵 氏 故 氏 物 日 説 所 聚 原 也 散 味 聚。 注 以 僊 而 」寶。 疑 氣 作 無 唯 聚 味 形 變 簡 0 謂 散 也 端 之變。 ),故聚 以 其 録 氣 説 **>** 日 散 不 也 唯 : 佛 必 物 味 於 聚 也 荒 於 其 而 於 散 所 故 有

遺 神 視 使 之 神者,天地 盈 天下 而 天 弗 地 之人齊 見 之 之 閒 聽 氣 者 之 明 而 而 盛 氣 人之心 弗 服 也。 聞 以 體 承 氣 也。 祭 之 物 祀 盛 而 故 洋 不 者 日 洋 爲 口 :

> 神 乎 之情 如 在 狀者 其 上 如 如 此 在 其 左右 \_\_\_ 聖 人 所 以 知 鬼

ĮЦ

去 也 也。 0 維 文王 嶽 此 降 鬼神、 在 神 一之實, 上, 生 於 甫 而 昭 及 誠 申 于 之不 天」, 非 可 非 有 揜 所 有 也 所 託 乘 而

而

生

#### 通 乎 書 夜 之道 而 知

H

往

月

來

月

往

日

來,

贵

前

生

邪

?

之義 夜 111 往 寒 而 往 有 之 Ŀ 大 道 來,大往 日 暑 以 來, 盡 而 逝者. 知 乎 暑 ^ 小 往 如 易》 則 來,一 寒 斯 之 終 夫,不舍晝 來,一歲之晝夜 用 日 世 乾 矣。 之書 乾 一夜也。 日之晝 夜 楊 與 氏 時  $\Box$ 偕 子 也。 通 此 平 行 慎 書 在 小

獨

0 味 刊誤》卷上云: 「原寫 本正 作『昧』。」

夜

也

# 繼之者善也成之者性也

物露生,無非教也」。「維天之命,於穆不已」,繼之者善也。「維天之命,於穆不已」,繼之者善也。是

天之道也。」豈非善乎?醇也。曰:何以謂之善也? 曰:「誠者,醇也。曰:何以謂之善也? 曰:「誠者,「天地絪緼,萬物化醇」,善之爲言,猶

# 形而下者謂之器

器。」非 於師 襄也: 形 :器則 而 上者 道 已習其數, 無 謂 所 寓 之道, 説 然後 在 形 乎孔 可 而 以 下 子之學琴 得其志; 者 謂 之

> 之天 曰:「下學而上達。」 已習其志,然後 縱、未嘗 不 可 求 以 之 得 象 其 數 爲 也, 人。 故 是雖 其 自 孔子

# 垂衣裳而天下治

# 過此以往未之或知也

深,則取之左右逢其原。」 未之或知也。」「居之安,則資之深,資之 大之不助苗長者寡矣。「過此以往, 以之爲學,亦有病於「憧憧往來」者,

### 困德之辨也

以達此也。故曰:「困,德之辨也。」者乎?「不怨天,不尤人,下學而上達」,其孔子之困而亨者乎? 故在陳之戹,絃其孔子之困而亨者乎? 故在陳之戹,絃

# 凡易之情

吉人之辭寡,躁人之辭多,誣善之人其辭 子,人焉廋哉?」是以 游,失其守者其 知之。「將叛者其辭慙,中心疑者其辭枝, 感」,人心之至變也。 「愛惡相攻」,「遠近相取」,「 辭屈。」「聽其言也,觀 於何 聖人設卦,以 知之? 情 以 僞 盡 其 其 情 相 眸 辭

> 有憂患 爲。 先 知人也。 王之所 「夫誠於中,必形於外」,君子之所以 乎?」周身之防,御物之智,其全於 「百物而爲之備, 以鑄 鼎 也。 故 E. 使民 「作《易》者,其 知 神姦」,

# 易逆數也

是矣。

已矣」。 也。 化 之爻象乎? 本於八卦已成之迹,亦安所觀其會通 未至之事,是以謂之「逆數」。 書,以前民 可驗,順以攷之於前 云爲之動,日 聖人神以 數往者順」,造化人事之迹,有常 用。 是以「天下之言性也,則 知 所設者未然之占,所期者 新 來, 而 知 也。 無 以 窮 藏 ,逆以推之於後 「知來者逆」,變 往 雖然,若 作,作 爲 《易》 故 而 不 而 而

啞, 義 陽 離 象雷 庭 吉」,筮 行 見大人」,筮 貞」,筮 亨利貞』, 之『數往者順』乎 順之之義焉。 也,占其未然 理 象 ,不見其人』, 有 而 而 筮得 尚」,筮 象 畫 劉 立卦,發 Ш 風 者 得 得 如 爲 汝 而 象天 艮 震 筮 澤 體 佳 辈 卦 畫 得 得 以  $\Box$ 而 而 得 而 而 也, 爲 者也。 揮於 未然者爲來,來則有逆之之 1: 「天 象 坎 知 知 坤 離 畫 而 筮得 知 震、巽,象水、火 ? 之, 而 『震亨,震 象其已然者 而 『巽, 爲 畫 而 艮 剛柔 知 知 地間 爲 知 艮、兑,此 如筮 因 兑 其 已然者爲 『習坎 乾,象 小 背 坤 其 而 離 而 亨,利 不 元 得乾而 象 知『兑亨,利 利 生爻者也,不 來 理 有孚,維 而 淳,利 地 貞 也。 獲 虩 也, 皆觀 著 往 亨,畜 其 有 而 而 虩 知「乾 爲 聖 注,往 占者, 笑言 身, 攸 畫 畫 變 牝 變以 人 往 心 爲 爲 於 則 貞」, 行 牝 馬 因 利 · ; 元 坎 坤 謂 其 啞 陰 其 牛 有 用

> 之 若 子之書以就己之説矣。」「錢氏日 巽、坎、艮、坤 爲 知 損 以 此 先天之學,其識高於元 也」,數往 二; 而 也, 如 益 逆 皆 知 邵 推 通 可 來 子之説, 知來者 神 將 知 又 者 者 明 來 也。 以 逆 順 之 也。 震、離、兑、乾爲數已生之卦 爲 逆 也;『其或繼 乎 德 吉 推 則 也 明明 孔 ? 因 未生之卦,始不 是羲、文之《易》 類 諸儒遠 子 於 故曰 夫 萬 殷 其 物 禮 殷 順 之 周 一<del>,</del> 所 『易,逆 情 大 數 者 二先生 於夏 已 者 雖 損 往 也 免强孔 益 不信康 己 數 百 禮 可 判 IE. 不 也 世 ) 而 知 所 所 謂 口 節

# 説卦雜卦互文

以 坤 以 脜 之, 藏之。」上 雷 艮 以 以 動 止 之, 四 之, 舉 風 象,下 兑 以 以 散 之, 説 四 之, 舉 雨 挂 乾 以 以 潤 各以 君之, 其 日

切於 便而論也。」得之矣。〔汝成案〕李鼎祚《周易集解 卦」,義雖無異,文則未賅 作「故言卦而餘皆稱物」。「故言卦」句今云「故舍象而言 萬物,於 者,以動撓燥潤,功是風雷水火,至於終始 盛乎艮。」崔憬曰:「艮不 用者言之也。 Ш 義則不然,故舍象而言卦,各取 「終萬: 物,始 言 Ш 萬 獨 物 舉 者, 卦 名 莫

西」者,妄也。

古人之文,有廣譬而求之者,有舉隅西,方之卦而見之也,意盡於言矣。虞仲翔以之卦,「兑,正秋也」,不言西方之卦,舉六之卦,「兑,正秋也」,不言西南方之卦而見之也,意盡於言矣。虞仲翔以方之卦而見之也,意盡於言矣。以入入之,何矣是。不言西南京之卦而見之也,意盡於言矣。以入入之,有廣譬而求之者,有舉隅西」者,妄也。

後言「旅」,以協韻也,猶《楚辭》之「吉日兮「豐,多故,親寡,旅也。」先言「親寡」

辰良」也。虞仲翔以爲别有義,非也

# 兑爲口舌

巫」、「爲妾」而已。以言説人,豈非妾婦之「兑爲口舌」,其於人也,但可以「爲

道乎?

而觀其行」。

「觀其行」。

「觀其行」。

「觀其一」「響」當作「於」。「數奏以言, 之禦臣也,「楊氏曰」「禦」當作「於」。「敷奏以言, 其出而事君也,必至於「静言庸違」。故舜 其出而事君也,必至於「静言庸違」。故舜

於今之人遠矣。

《唐書》言:「韋貫之自布衣爲相,與人

# 晉畫也明夷誅也

序

卦

雜

卦

《損》之「六五」也,其辭皆曰「十朋之龜」。 之,而門人廣之,如《春秋》哀十四年「西狩 然,則非《易》書之本意。 周公已有反對之義也。 皆曰「臀无膚」。《未濟》之「九四」,即《既 《姤》之「九三」,即《夬》之「九四」也,其辭 以 獲麟」以後續經之作耳。 濟》之「九三」也,其辭皆曰「伐鬼方」。 文王已有相受之義也。《益》之「六二」,即 南」,承《蹇》之「利西南不利東北」也。 承《泰》之「小往大來」也。《解》之「利西 爲非夫子之言。然《否》之「大往小來」, 《序卦》、《雜卦》皆旁通之説,先儒疑 必謂六十四 或者 夫子 嘗 卦 皆 是

> 注。 朝而 之時,取彼凶殘而殺伐用張,征誅之事 其大首』,故曰 也。」《本義》用之與「晝」義相對,不切 一言畫,一言誅,取其音協爾。 《易林》及張衡《西京賦 .車服以庸,揖讓之事也。 明夷逢昏亂 蘇氏曰:「『晝日三接』,故曰 誅。」晉當文明之世,羣 》並同。 虞仲 〔原注〕晝,古音 翔 日 : 書;『得 「誅,傷 后 也。 四

# 孔子論易

不可以作巫醫。』善夫!『不恒其德,或承大過矣。」曰:「南人有言曰:『人而無恒,已,曰:「加我數年,五十以學《易》,可以無已,曰:「加我數年,五十以學《易》,可以無孔子論《易》,見於《論語》者二章而

:: O

不在 爲 所以學《易》者,不過「庸言庸 之羞。]子曰: 能者,畔也 手圖 書象 示 數 占而 也。 已矣。」 今之穿鑿圖象以 行」之間 是則聖人之 自 而

矣。 觀其 《易》之事。 《詩》、《書》、執禮者,皆言《易》也。 也。」 故曰 言,凡其體之於身、施之於 乎《詩》、《書》、執禮之常而不越焉, 日 祐之,吉无不利矣。 易 悔吝」、「无咎」之旨特諄諄 有太極」二章,皆言 其所 是 知 「子所雅言、《詩》、《書》、執 聖 象 記者於夫子 而玩 人之情見 以 夫 然辭本乎象,故 與 其 子 民 辭」,觀之者淺,玩之者深 平 日 同 學《易》 乎 患者,必 辭 故 不言 其 數之所起,亦 作《繋辭 之言 若「天一  $\sim$ 焉。 政 曰「君 於辭 易 者, ×, 禮 丽 而 。 皆 焉著之, 人 即 而 地二、 子 無 傳 則自天 大 其 居 象 苟 繼 非 雅 所 於 循 之 則 用

> 學也。 聖人 與朱子異。 其 之學興,而空疏之人、迂怪之士舉竄 之圖,康節之書,道家之《易》也。自二子 父母」,文王、周公、孔子之《易》也。 易》之所 中 寡 以 是故「出 過反身之學去之遠矣。 爲《易》,而其《易》 不 可 遺 以 而 度」,「无 未 嘗 專以 爲方術之書,於 有 象數 (楊氏曰) 師 保 教 迹 希 如 人 此 於 夷 臨 爲

大 所 以 邪』。」《易》六十四 過。 以 蔽 思 之,日「不 「《詩》三百,一言 得 見 夫 有 恒 其德,或 恒 卦,三百 也,有 以 蔽之, 曰『 承 八 恒 十四爻,一 之羞」。 然 後可 夫子 思 以 無 無

# 七八九六

易》有七、八、九、六,而爻但繫九、六

也。 者,舉隅之義也。故發其例於乾坤二卦, 六也。」得之矣。〔錢氏曰〕春秋之世,三《易》尚存 其變,故以其所占者名爻,不謂六爻皆九、 故聖人繫之九、六。 歐陽永叔曰:「易道占 變而「初」獨不變,曰「初八履霜堅冰至」可 獨不變,曰「初七潛龍勿用」可也。 有用「七」用「八」時也。乾爻皆變而「初」 而二爻獨不變,則名之「八」,是知乾坤亦 艮言之,二爻獨變,則名之「六」,餘爻皆變 變,其不變者二、三、上,在屯爲八,在豫亦八。」今即以 卦爲貞,之卦爲悔。 之八」者,非。《晉語》公子筮,「得貞屯、悔豫,皆八」。本 雜用《連山》、《歸藏》,二《易》皆以七、八爲占,故言「遇艮 語》董因得泰之「八」是也。 不變者,《春秋傳》穆姜遇艮之「八」,《晉 曰「用九」、「用六」,用其變也。 占變者,其常也,占不變者,其反也, 沙隨程氏曰:「初與四、五,凡三爻, (原注)杜元凱注謂 亦有用其 坤爻皆

> 睽、明 「八」「九」。「六」「八」之名,惟《周易》有之,若雜以它占, 其以《周易》占,一爻變則以變爻辭占,如觀之否、歸妹之 數,未成卦也。」 『八』。《春秋》内外傳從無筮得某卦之七者,以七者筮之 六變成三百八十四,爻之數。神以知來,知以 「六」也。七七四十九,蓍之數,八八六十四,卦之數。九 「八」者,非《周易》繇詞也。〔又曰〕惠氏棟嘗言之:「蓍圓 則否。「千乘三去」,「射其元王」,不云蠱之「八」、復之 來爲卦之未成者,藏往爲卦之已成者,故不曰『七』而 而神,「七」也,卦方以知,「八」也,六爻,《易》以貢「九」 占,泰之「八」是也。 「八」、「屯貞、❶悔豫皆八」是也。六爻皆不變,亦以彖辭 夷之謙之類是也。 以爻辭占稱「九」「六」,以彖辭占稱 數爻變則以彖辭占, 藏往。 如 艮之 知  $\Box$

爲坤亦稱『八』。」二十八,雖爲乾亦稱『七』;凡得三十二,雖二十八,雖爲乾亦稱『七』;凡得三十二,雖趙汝楳《易輯聞》曰:「揲蓍策數,凡得

楊彦龄《筆録》曰:「楊損之,蜀人,博

● 「屯貞」,據上注文,當作「貞屯」。

=

L、No.T 『七』『八』,損之云:『卦畫七、八,爻稱學善稱説。余嘗疑《易》用『九』『六』而無

也。〔原注〕乾遇「七」則一百六十八,坤遇「八」則一百也。〔原注〕乾遇「七」「八」之合亦三百有六十也。朱子謂「七」「八」之合亦三百有六十十有四」,亦是舉「九」「六」以該「七」「八」「乾之策二百一十有六,坤之策百四

#### ト 筮

夫庶人,至賤也,而猶在蓍龜之前,故盡人鬼謀」。〔原注〕祖伊告紂言「格人元龜」,亦先人後龜。以(詩》曰:「謀及乃心,謀及卿士,謀及庶人,龍及卜筮。」孔子之贊《易》也,亦曰「人謀謀及卜筮。」孔子之贊《易》也,亦曰「人謀。」《詩》曰:「官占,惟先蔽志,昆命于元舜曰:「官占,惟先蔽志,昆命于元

於人事也信而有功,於鬼也嚴而不瀆。之明而不能決,然後謀之鬼焉。故古人之

知也。 知此事。」善哉屈子之言,其聖人之徒歟 又曰:「用君之心,行君之意,龜策誠不能 曰:「欲從靈氛之吉占兮,心猶豫而 《卜居》,屈原自作,設爲問荅,以見此 子之必孝,臣之必忠,此 其所當 爲,雖凶 而 不 王逸序乃曰 可 不 待 避 狐疑。」 1 也 而 故 口

與? 臣 王 所 忠 以教人去利懷仁 義 志 也; 與? 違 義 害 則 就 可 利 . 義 問 也 志 志 也 則 1 否 筮 者, 子 先 孝

果敗 之,遇 依 以 其 之長 皆沐 温 兆 所 而 衛 於 占 以 沐 忠也 『忠信之事 孝 險 ; 也。 黄,中之色也;裳,下之飾 浴 浴 爲後者,曰:『沐浴佩 坤之比,曰:『黄裳元 人 石駘 事 , 與 是以 猶 佩 佩 以 ; 中不忠,不得其色,下不共,不 不善,不得 玉 玉 龜 和 有 仲卒,無適子,有庶 人弟言依於順 嚴君 0 者 爲有知 闕 以 石 乎?』不 也 率 則 祁 平 貞 可 子 之ト 其 也。 筮 了; 信 <u>і</u> 不 極。 沐 雖 然必 筮 也 古, 南 浴 與與 \_ 玉 也, 蒯 且夫《易》不 吉。二子 孰 佩 則 未 人臣 故 敗 將 有 兆。二五 玉 也。」 子六人,卜 也;元, 與 日 執 叛 言依 黄 人 外 服 石 親 子 南 裳 彊 惠 枚 之 祁 人 善 得 者 於 蒯 口 元 内 伯 筮 子 喪

> 忠。 忠孝」之論 而 高 , 其 允 亦 知 有 卜筮 筮 之旨 一者當: 矣。 依 附 爻 勸 以

之,謂德;●吉而恃,凶而 斯 損 () 日: 中鑒〉 「何 「或問 謂 也?』『吉而 卜筮 一; 曰 : 怠之,謂損 濟 德 斯益 凶 而 否 救

之道 人不知者,性也。 天,位在人。修己而 民 無可 言,其受命 死生有 用 也。 也,非以爲 行也,不當問,問 郭璞嘗過顏含,欲爲之筮。 君 子 命,富貴在 是以《少儀》之訓曰 ,將有 也 如 人前 繒, 爲 自有 也,將有行也,問 天不 天」,若是,則 知也。 告其爲 性 亦不 命, 與者,命也; 告也。 無 求 也, 勞蓍龜 毋 前 含日 告 知,非 無 《易》 測 其 可 焉 未 守道 「年在 爲 行 至。 以 而 也 也 人 前 以 而

「德」,《四部叢刊》影明嘉靖本《申鑒》作「益」,是。

《文中子》:子謂

二北北

Ш

黄公善醫,先

0

寢食而後鍼藥。汾陰侯生善筮,先人事而

後説卦。」

吉凶導人而爲善,後世術者,或以休咎導《金史·方伎傳序》曰:「古之爲術,以

日知録集釋卷一終

人而爲不善。」

三 四

# 日知録集釋卷一

崑山顧炎武著 嘉定後學黃汝成集釋

# 帝王名號

也。 亦 事 也 所作,直載其君之名而不避也。」〔閻 日 秋劄子》:「臣聞古者不以名爲諱。 「《詩》、《書》不諱,臨文不諱。」盧植 王皆以名紀,臨文不諱也。 也。」從· 未之免。 。」陳澔 虞舜」,則堯、舜者固二帝之名,而 禮 堯、舜、禹,皆名也。 執文行事,故言文也。」鄭康成注 注 來 要當用《 解 「文」字 「不因避諱而改行事之語、蓋恐有誤 《詩》、《書》不諱耳。 皆 如 此,而 從 古未 注 《堯典》稱『有 來引 [原注]胡文定《修 《堯典》乃 氏  $\Box$ 人楊氏 日〕按 此 有號,故 臨 句 「爲其 文,謂 日」虞夏時 多 虞氏 シ誤 血 (失事 鰥 禮 史官 顧 于 禮 在 帝 承 春 氏 Œ 文 下

也。 亂。 惟其號也。 癸,皆號以代其名。〔原注〕《白虎通》 也。 也 注〕武庚亦是號、禄父乃名也。 經者二,天乙之名履,辛之名受是也。 〔原 甲、沃丁、仲丁、河亶甲、祖乙、盤庚,皆以爲 以生日名子。」自天乙至辛,皆號也。〔原注〕太 桀之癸,商之報丁、報乙、報 舜、禹者,不敢名其君 臣言,則曰「帝」; 亦未有 曰「皇祖」、《胤征》則曰「先王」,無言 格,汝禹」,名其臣 湯 0 號 原原 [原注]《微子之命》言「乃祖成湯」,《多士》言「爾先 夏后氏之季,而 三,頌 諱。 則 注〕孔 臣 商之王,著號不著名,而名之見於 日二武 考之《尚書》, 子 氏 所 《西伯》 得 湯」, 禹崩之後,《五子之歌》則 而 戡 也。 稱 黎 始有 日 也。 故 序傳》: 「成湯 曰湯,曰紂, 堯崩之後 帝 以 伊 自  $\exists$ 十 干 Ť 啟至發,皆名 「受, 紂 丙、 「格,汝 曰 日 書 主 曰:「殷 爲 舜 惟 也。 則 》篇之名 壬、主 湯 號 舜」、 尹躬 與 亦 音 者。 . 堯、 質 號 其 相

H 知 集

立矣。 臣 不 公子癸公。」猶用 美之,於是周 寖乎文,故有 祖 祖 也  $\pm$ 注》、史記 大夫,美惡 前純乎質,故帝王有名而 而 「高祖 成湯 以 成 子之 廟號 歟 追 前 湯 諡  $\Box$ 諸侯 」,曰「寧王」, 」,曰「高后」,曰「中宗」,曰「高 起矣。 曰「大舜」, 皆 義 猶 齊太公世家》: 有 神宗」, 對 皆 諡者少,其後乃皆有諡。」然王 也 用 其 商人之稱。 商 公因 有 名 臣 曰「玄王」,曰 子 人之禮 有 嗚 諡 稱 曰「神禹 呼, 號 而 之。 「太公子丁公,丁公子乙公,乙 而 而 皇 陸淳曰: 制 稱 焉,此 十干 而 此 祖 諡  $\exists$ 德 號繁矣。 無 其 之盛 之號 自 號。 文 《史記》、《世本》厲 所 日 「武王」, 文質之中, 曰「大禹 天子 祖 以爲 者 烈 不 自 季以 達於 有 祖 V. 商 自 日 聖 宗 -, 諡 以 夏 ൬ 「原 1 以 諡 而 卿 以 F 曰  $\Box$ 蓺

#### 九 族

序, 子、 傳 紀, 孫 尼燕 棄 不 小記》 自 父昆弟、己昆弟、子昆弟。』《禮記 命 族 厥遺 以爲 有 可 周 從 重本 童孫,而 」,於母、妻則 宗盟、 居》「三族」之文、康 邦 易 人始矣。 原 可 注 王父母 以三爲 自 者 屬 歷 高祖 之列 知 也 《儀 舉 而 矣。 禮 不言甥 伯父、 輕 五,以 弟」,而 了, 先 ^ 至玄孫之親,蓋本之《 克明 牧 昏 外 日 故 禮》「三族之不 司 誓》數商之罪, 「黨」。 親 舅, 伯 五爲九」之説,而百 後德 姓 爾 不 兄、仲 及 而 此 古 雅 成 外親; 後 仲尼燕居》篇 必 而《昏  $\forall$ 人 並 以 異 虞 謂 有 所 叔、 親 釋 姓 所受之, 注: 於 爲 爲 禮》及《仲 九族」, ; 季 但言 吕 内 宗 先 父、子、 喪 弟、 一故三 刑 後 喪 服 之 幼  $\Box$ 申 昏 世 服 孔 族

與父兄爲異族,故簡去其母,惟取其子。」夫既以 和也 甚乎? 官之稱帝堯舉其 妹、無女子子,則九族不備,皆理之不可通者。 有屬者,而仍數五屬之内爲一族則不辭; 族,妻之母姓爲一族。」此小異者,以鄭駁云:「女子不得 四:五屬之内爲一族,父女昆弟適人者與其子爲一族,己 既云「父義、母慈、兄友、弟恭、子孝」矣,則九族更不 女昆弟適人者與其子爲一族。妻族二: 妻之父姓爲 爲一族。 女昆弟適人者與其子爲一族,己之女子子適人者與其子 疏:「《禮》戴、《尚書》歐陽説:九族乃異姓有屬者。 孔、鄭者,以《傳》文云「修其五教,親其九族」。 注〕左氏桓公六年《傳》注。 非,今本作「并」。 皆外親 姊妹之子、女子之子非己之同族,〔汝成案〕 父、外祖母、從母子及妻父、妻母、姑之子、 本言之,所謂言各有當也。〔汝成案〕《左傳》桓公六年 」注:「三族,父、子、孫也。」杜元凱乃謂「外祖 母族三"母之父姓爲一族,母之母姓爲一族,母 Ħ. 九族之爲 疏 而 〔楊氏 同 有服 遺 姓,經傳之中 其親 日」杜 而 異族者」。 無 氏之所以異 若無姑或 乃 顛 然則 爲 有 倒 教 父族 無姊 · 得 異 「原 明 之 史 注 姓 就 于

氏《正義》謂 自 於九者。而 二宗同爲一世。 Ŧi. 紀親 《傳》曰:「二華,戴 同 此證九族,恐未精細。 九。光皇帝一族,景皇帝之族六,元皇 蓋氏族之族也,不謂顧氏乃有此舛謬。 有三,高宗之族六,中宗之族四,睿宗之族 之族三,高祖之族二十有一,太宗之族 「宗正卿掌皇九族之屬籍,以别昭穆之序, 注〕凡十三公,内除同世者四公。 六官者,皆桓族 證矣。《春秋》魯成公十五年「宋共公卒」, 九而 族 謂 疏之别。 此在玄宗之時已有七族。〔原注〕中、睿 高 止 祖以下。」 也。 五. 〔沈氏曰〕《六典》所言乃同宗之族 「高祖、玄孫 「原 則 世 九 也。」共公距戴公九世。 前説之非,不待辨 注〕杜氏於襄十二年《傳》注 親 若其歷世滋多,則有不止 廟之子孫,其 盡 族也。 ,故經文之言族者, 無相 〔沈氏曰〕《左傳》所言 司城,莊族也。 而《唐六典》 及之理 而明矣。 族 Ŧi. 一十有 又孔 也 日 (原 + 帝 以 以

三八

弟,而 者,如 外 族 其六七世孫。 古 注 大同遇 在 在 元 九 桓 爲 戚當之,其亦昧於齊家治國之理矣。 無一二人同在者乎? 隆 可 族之列 有 六年。 上 高 以 興 代府中尉俊 宋 距弘治之元已一百八十年,秦、晉二府 長 相 叔 爲 洪 短 祖 及,「沈氏曰」高祖之兄弟亦親 從 不 亦何 邁《 o O 如 \_**,** 其 叔 知 後 、晰,年 容 世 祖 高 必帝堯之世,高 魏 明證 齋 有 一, 在 祖之兄弟與 ·近五· 隨 或 延 紹 筆 子 矣。 促 十, 攷其世次, 於孝宗爲 熙 · 言 博士李 疑 不 爲 「原注 其不相 一嗣 可 曾 玄孫之兄 二余 得 祖、玄孫 叔 濮 琰 盡 祖 而 丁未 王 之 無服,恐不 及 見 在 齊 士: 在 所 而 歲,在 者 歆 同 謂 弟 之 慶 以 名 昆

者 上 小 也。 記》 ,此《小宗伯》『三族之别』也。〔原注》《周 殺、下殺 路 夫人生則 史》曰: 、旁殺 親 親 者, 有父, · 而 親 親 親 以 壯 ,治之始 畢 三爲五,以 矣。』是所 則 有子,父、子 也 Ŧi. 謂 爲 禮 九 九 與 族

> 之孫。 之門 服 之祖 禮 齊 玄與曾 五. 之,則爲高祖王父。 玄,是所謂『以 上 則爲曾孫,自己 祖,自己子視之,則 曰:「己之所親 一爲七。 衰三 祖 推以及己之曾、高,下 子。」父者子之祖 小宗伯》: 期 月者,不敢 此《禮》傳之『以 子者父之孫 可 則 《記》不言者,以父子一體, 服,故 曾 「掌三族之别,以 祖 以以 <u>Ті</u>. 宜 祖視之,則爲玄孫。 不 爲 以 大 辨 一爲三。 爲曾祖王父,自己孫 己之孫,自己父視之, 功,高 大小功旁親 九』也。」陳 異 大 大 之也。 三爲 下 上 辨 . 推 其親 推 推 袓 以 祖 之, 之, <u>Ti</u>. 宜 疏 及己 服 孫 小 氏 之服 也。 以 以 其 父三 功 所 及 及 Œ 禮 一之曾、 親 而 故又 室 於己 己之 於 加 厛 皆 年 書 視 平. 謂

者,俱回改,不再出校。
●「琰」,原避清嘉慶帝諱作「剡」。後凡「琰」字作「

麻

句。

麻

服

死

注

子者無 衰; 及,「沈氏日 沈氏 同 月 喪之威,兄弟孔 周 祖 孫 也 尊 於子。 高 而 故 宜 此 曾 日 道 期 曾 期 適 故 祖 親親,至 大 與 服 此 發 孫 此 孫 祖 庶 功 則 兄 玄 , 則 重 父之兄 所 F 父 卑. 小 此 報 宜. 世 孫 弟 孫 謂 其 而 E 功 也 重 以 下 增 叔 之 大 皆 無 衰 子 Ŀ 懷。 旁 宜 者莫如 ; 其 弟 族 亦 在 杨楊 功, 增 緦 故 殺 麻 服 進 殺 族 與 祖 三月, 皆 故 氏 服 耐 麻 父一 從 者 緦 世 兄 尊 日 原注 爲 服 爲期,其 服 此 麻 弟。 緦 世 也 叔 大 庶 尊 世 適 發 月 體 麻 孫 功 叔 曾 適 也 兄弟之子 叔 又 子 句 也 祖 者 祖 則 故故 再 孫 服 宜 祖 疏 此 云世父、 減 之兄 從 **,** 傳 而 疏 尊 同 曾 曾 則 矣, 加 年, 世 所 旁殺者 矣,加 其 於 重 也 曾 進 祖 叔 孫 祖 以 謂 者 弟 日 庶 又 故 而 叔 兄 父。 孫 服 期 故 也 疏 爲 F 月 子 小 父。 服 弟 曾 宜 所 矣」 期 加 つ, 思 故 也 殺 有 期 功 (原 **其** 不 緦 下 齊 祖  $\overline{H}$  $\exists$ 滴

同

服

月

適

殺

至

妣 弟 世 蓋 麻 功 弟 不 旁 從 口 乎二帝 Ŧī. 者也」,宜自爲兩段,至「高  $\Box$ 之曾孫緦 而 之文, 從 之子 殺 服 之 叔 服 發 旁 九 小 父 族 曾 之正 祖 孫 月 者 從 有 殺 功 至 緦 兄弟之孫 祖 麻一 小 同 而有之矣。〔汝成案〕先 Ŧi. 子 加 而 也 親 者 麻,發 而 功,再 也,有 月 之 期 也。 旁殺 丽 也。 期 高 句 了, 皆 期, 父爲子 者, 祖 知 祖 者 同 宗 觀 而 祖 報 從 報 皆 也 此 緦 以 爲 旁殺 祖 於「九族」之訓 族之名、服 也; 爲 兄 其 也 發 麻 加 爲 兄 期, 者 祖 從 孫 弟 猶 也 弟曾 孫 從 兄弟無服」 也 若 有 之子 緦 大 子 兄 而 沈 大 降 夫 曾 孫 古 功 麻 而 旁 氏 弟 功 緦 降 也 宜 日 孫 緦 進 殺 生所 麻 之子 紀之數, 增 此 有 兄 司 之三月 츳 麻 之也 此 者 句,直 發 祖 川 弟 下 云 曾 發 曾 曾 也 宜 之齊 從 品 宜 之 如 此 兄 祖 孫 祖 宜 增 111 九 īfij 兄 與 孫 從 弟 爲 蓋 喪 發 去之。 則 元 叔 沈 月, 衰 旁 弟 兄 兄 子 前 考 非 小 而 再 即 殺 緦 氏 弟

喪 服 功章」從 祖父母,族世 叔即「緦麻章」 族父母。

沈氏此 注既 乖 服 術,又舛 出

爲 古聖人睦族之意而推之者也。 逮玄孫之胄,申宗宴 列 、悉序昭穆爲次,用家人之禮 後 魏孝文太 和 中,一 於皇信堂,不以 詔 延 四 廟之子 此 爵 , 下 由 秩

#### 舜 典

禹,始至 稱 月正元日,格于文祖」之後,而 舜 古時《堯典》、《舜典》本合爲一篇,故 稱 曰」者,以别於上文之「帝」也。 帝曰」,問荅之辭已明,則無嫌 四岳之咨必 至其 也 命

#### 惠 迪吉從逆凶

善惡 報應之説,聖人嘗言之矣。 大禹

> 攜」者 《孟子》所謂「志壹 不僭在 屑屑 故 者,反推而 燠,得於 「天之牖民, 燥,不期然 不善,一 其善惡 豈真有上帝司 善之家必有 之百祥,作 福善禍淫」,伊尹言「惟 言「惠迪吉,從逆 日 焉 誠 也。 人,惟一 如 者 氣之 釋氏 人 之遠矣。 H 天 而 不善降之百 其有不 餘 閒 如 之 道 然,無 之偶 天降 所謂 相 其禍福 慶,積不善之家必有餘 壎如篪, 官長之爲,則 感,  $\widetilde{\boxtimes}$ **,** 企,而 也也 災祥 - 齊, 則 地獄 則 不 如 ·感也 惟 ,如道家所謂 動 水之 上帝 殃」, 在 景響」, 如璋 果報者 若 非 氣 如夏之寒,冬之 德」,孔子 四 日 無不 流 又言 如 不 有 時 報 而 圭,如 濕, · 常 1哉? 湯言「天 之正 鬼神 三《詩》 應之至近 應 作善 惟 火 天 也 言「 司之, 氣 之 神 取 所 殃」。 善 吉 也。 就 與 如  $\vec{z}$ 此 察 積 区 降 道

四

0

君、發財之主多不化之物矣。 儆,而盤庚之誥則曰「不肩好貨」,於是移 世,曰化而 則謂之化,留 轉貨貲。」《索隱》曰:「《家語》「貨」作「化」。」運而不積 注〕古化、貨二字多通用。《史記•仲尼弟子傳》: ·化」之字爲化生化成之「化」,而厚斂之 「不殖貨利」之言,「三風」有「殉於貨色」之 懋 遷 른 有無,化居」。 而 至殷 不 散則謂之貨。唐虞之 人始以貨名,仲虺 化者,貨 也。 「與 〔原 有 時

湖。

者也。 者,必在乎「阜吾民之財」。 乃以來天下之愠 可歌也,謂之九歌。」讀之然後 舜作《南風》之歌,所謂勸之以「九歌 〔原注〕《左傳》文八年郤缺言: ❶「九功之德,皆 知「解吾民之愠 而自阜其財,

> 聞三分。 江、荆谿諸水爲中江,大江爲北江」。 傳》之説非也。 與江通,當禹時江湖何自 況震澤在今之常、湖、蘇 三府地,自隋煬帝 所謂彭蠡也。 陽、合流數百里至湖口、與豫章江會、數千里而入海、即 而人震澤,自震澤復分爲三人海」。 説,其以中江、北江、南江言之者,漢孔氏傳據 之錢塘江也。〔原注〕本郭璞説。〔全氏曰〕三江之 淞江也。〔原注〕「東迤北會于匯」,蓋指固 有中有北 不言南江,而以「三江」見之。 北江,今之揚子江 故前輩謂安國未嘗南游,不諳吴楚地理,是《書 ,則南可知,是爲三江。 然則江至彭蠡并三爲一,未嘗分 班 孟堅《地 而會? 理志》指 也。 且大江又合流 其道則自彭蠡分爲三 按江、漢之水會于漢 「松江 司馬 中江,今之吴 彪 爲 鑿 《郡國志 南江,今 南 江 城、石臼 江,永陽 經 南河,始 入海,未 爲三。 文,謂 》因

八年」,據《左傳》,下引文在「七年」。

四

日

知録集釋卷二

四

之與 之廣 丹陽 之。 北 合。 欲援《水 蓋 胡 東至會稽 爲 即 時 羨 寧 流。 出 司馬 而 地 乃背 國 原 也 江 朏 長 經 丹 地 志》之説 德; 文所 會彭 瀆 有 雖 明 陽 江 陽 貞 是《水經 此 志 廣 之,甚 之在陽 疑 羡。 之,禹塞之以 相 蕪 人 與 經 歷 夫諸 德、 長 、之《索 以 餘姚 謂 接 湖 蠡爲南 書 淡 東 湖 宣、歙 瀆,今之太 松 而 北 尤 縣 水皆 則 》之説又 屬 而 口 傳 縣 羨 合 江 非 西 江. 南 松 東 無 兩 隱 東 也 者 南 地 爲 者 所 江. 江 支流,不足以 諸 境 謂 \*, E 江. 則 也。 入海。 既爲 南 固 言 中 奠震澤; 水,北 至 岷 志》, 出 松 非 可 江、《水 湖 本 水 會 高 焉 乃 荆 江 南 江 吴松, 也 經 通 自 稽陽 故 + 或 又皆 公亦 出 居 其于 江 向 海, 其 不 言《 焉, 曲 謂 其 鄭 則 則 以 經 中 五字,乃 羡縣 同 傅 安得更 中, 當 而 自 有 取 康 中 何不 X 江 地 江 议 高 之。 大江 乃 大江 蕪湖之水皆 堆阜 其. 成 江. 牛 水 理 至石 則 東 分 孔 水 闕 渚 説 云三江 志 奇 爲 書 人 總 從 江 注 焉。 上桐 一間之, 穎 不 安得 》之 中 中 分, 海 城 之,與 水爲 之誤 餘 相 經 但 達 注 : 江 者。 分爲二」, 文明 謂 引 姚 通 不 其 水,過安吉 其 。」康成 既 南 「左合 ,亦猶 之三 江 西 南 混 以 (() 禹 人 知 所 按 流 水 塞 一, 于 桐 北 證 江 海 有 謂 陽 以 分 貢 江 傳, 經 水, 中 流 中 未 漢 道 其 丹 洪 E. 東 羨 ※不 者。  $\Box$ 江 江 合 爲 故 陽 縣 與 元 今 是 水 陽 西 而

《荆 夔峽 之三 分三 中,而 其 所 亦 陽 孔 與 陽 江,則 見 流 江 甚 江 州 括 中 委。 始合, 尋 出 非 遠 孔 爲中江, 名北 分 鄭之説 州 書 地 江. 以 討 道 也 也 」乃不考大江 鄭 徐氏 仍 志 九 記 江. 傳 入海 西 崌 蓋 江,人 而 别 道, 不 而大江 》謂 則《荆 北 Ш ,安得越梁、 者,不 楊 初 而 注 至徐陵 可 然 江 江。 東會 江. 北 學記》又引郭 變之,謂 以 用 其 説 海。 出 言三 江 但 説 發 修 之合至彭 州 過 汶 文》宗之。 于 江 岷 爲 原 因 彭 記 所 頗 此 且俱會彭 Ш 彭 Ш 震 北江 謂 出 蠡 》之説 江,是《書 于 荆而 與 以 澤,經 郡 本 澤 在 江 蜀 至 合 · 《漢 南 有 , 之本 諸 此 尋 至尋 一楚都 蠡又分者? 景純 而 紀之揚? 岷 亦 特 江 蠡,合爲 陽 在 但 注 家 志 蕪 Ш 之南 非 爲大江 不 原 陽, 不 <sup>©</sup>山 震 此 注 求 》舊 湖,名中 遂 山 也。 言 耐 澤, 相 大 仍 廣十 經 南 一之説 海 注 人 江. 通 江 幾 》, 原 合爲 經 賈 之委, 震 況 目。 江. 禹 見江、 江 于下 所 岷 荲 公彦《 則 <u>洋</u> H. 澤 江 亦 人 貢 Ш 出 Ш 未 非 《周 亦 今載 非 耳 名 澥 流、曷 海 爲 東至 紀 思 以 東 漢之分  $\equiv$ 南 也。 周 禮 經 崍 以 大 言 其 江 北 夫 唐 《初 江 疏 江. 》安 Щ 江 禮 爲 江 原 盛 不 至 合 魏 也。 禹 》之説 學 揚 原 者 疏 中 宏之 足 盡 以 向 至 至 至 南 爲 王 貢 不 及 大 復 襲 其 在 E 江 九 尋 徐 泰 考《吴志

衸

白

蜆

江

至彭

蠡

也

則

念志

林

環之」。

夫環吴、越之境

爲

或

者,恰

合《

職

方》「大川

一之旨

南

距

荆

楚

東

盡

於越

中 人 蓋

錢

唐

江

處

Ŧi.

湖

之利者,非

吴也

耶

子 即 舉 海

江

而

何?

善

1乎《蔡

傳

旁

通

 $\Box$ 

: 所

江之文,而

止

求

其

利

病之在

揚

州

四 三

而

又疑之,謂:

子

水既

人大江

即即

從

毗

陵

林

謂

江

至

彭

而

言

則

更

一紕繆

之甚。

據《史

記

正 方

義》,

則

僅

不與《職 以爲三江。

阛

今攷

況

東

婁

朱樂圃、蔡九峰

皆以

爲

奇分

一者也

陸 謂

德明

吴越春秋

》所

東、婁二江至今無攷,則《吴地記》之説 三十里,名三 蠡分三道」,大抵 范蠡乘舟 曾泛舟至吴松,绝 、笠澤江 (僅爲吴 婁江 都 一之語 之説 已引之,守 東 湯 入海 然。 東 東 彭蠡爲 賦 經 江 都賦 北 人 江 江東 П 义 松支港,故 注 而 出 是 , 意者即 但 下三百 海。 尤 婁 注 據 Ξ 又一三 有 非 中 耐 松江 南 江. 諸 節 江 大江 然則 也。 江 庾 上七十 江 即 則 言 書,皆 之口 始主 餘里,名下 又本 是 乃從吴縣 西 之者 不見所 北 指 東江 江 孔 黄 耶 亦 出 南 江 松 其 」,與《水經 也 東 顧 江 仲 云 三 非 里 汶 江、 上七十 説 夷《吴 張 發 南 仍 婁 達 至 也 Ш 不 謂 是 守 東 力 江 屬 已 江. 人 江 丽 江 白 知 東 古 主 海 之會, 江 非 節 虞氏《志 並 П 薛 蜆 里 白 亦 庾、 地 北 不 婁 ;安得 之,謂 季 江 》所 湖 人 謂 婁 至 蜆 而 記 日 足 江 者 海 龍 在 張 即 其 江 不 患 名 信 而 云 太 出 胥 州 乎 必 勾吴,此外 而 江 剡 秋 江 也。 謂 東 江 江 抄 或 争 Ħ 各雄 松 ? 之望 江 吴松 東 江. 之東,與 之説 江 , 吴松乃其 巡 江 語 笠 南 并 然 若 「吴之與越,三江 惟 浦 不 非 江 ൬ 》范蠡 江. 揚子江,又東南吴松江,又東南 不 浦 已 韋 究之别 岷江 必 江. 亦 澤 方,爲 浙 能 舉 曜 水 七十 江 浙江 涉 無 非 即 浙 江 經 與 導 彭 謂  $\Box$ 也。 中 松 相 松江 浦 江 **蠡**,于 也。」《初學記 里 源 與 「吴松 耳。 江 合 揚州三大望, 有 江 與 沔 並 剡 烏 江 中 我争三江 Ŀ 則 北 水中 傷, 大江 是 浙 江. 江 者 則 下

特錢

唐之支

耳。

П. 江

祖 然

吴

越 返 則 以

爲

則

浦 流

江

之附

庸

》篇

引郭

景 使

純

 $\Box$ 

談

引

以

爲

韋

曜

之言。 三江

揚 岷 口 而 春 永 浦 大 得 當

支 三江

流 注

數

百

隨 不

舉 過 或

而 浙

錯

指

之 者

二、 浙

江. 何

浦

陽

江.

爲

江 爲 江

\_, 其

果

江

也

是

欲 婁

之解 之未

不

亦

疑

松江、

東 ?

江

足 而

以

南

及松江,又

南

則

浙

江

又,

東逕

諸暨、

始

寧、

曹

後 南 意

金仁 東 爲 發 Ш 松 失  $\vdash$ 江 記 東 「太湖之下 張 南 氏 婁 原 江 注 而 北 懸 江. 東 揣 説 江. 之, 有 是 謂 H  $\equiv$ 

之尤者

其

以

松

江.

曼

Ш

中

江

出 讀

高

Ш

尚

書

也

試

海

内

湖

,名松江,古笠澤江。

蘇

州

東

南 也。

F.

江

一,亦曰

東

江。

江

江。」是本庾仲初

揚

之吴淞 在,必 既 淳 蓋 陽 庾 中 不 位 則 言之,至揚 禹 斜 何 水之大者 禹 故略之耳 荆 以 ·合明 是夏史官 迹 轉 熙間 一舉三大望 諸 後、若治 舍大江 江 百 張 表荆 無改。」 也 而 水從矣,韋 海、 諸 無 談 北 矣。 知崑 江 西 四 家 江 復、 括 岱 試 朱 П 而 水時 始 莫若 所 載 衆 亦 以 陳 況 是其説最 及 Ш 而 遠 **永**流 謂 南 以 由 不 有 《禹 若 失 淮 沙 縣 諸 録 岷 松江、 江 ·至之理。 浙 專 表 浮子門 揚 邊實 書 謂 趙 不 小 顧 湖 惟 江 貢 者 揚。 尊。 子 諸 寧 法 之揚子江 江 江 徐 人 水之支 應 已該之。 》書法言之: 江 得 作縣志言: 東江 家 人 則 未 也 盡 獨 不 況 而 之。 所謂 聞 具 倘 疑 彭 遺 松 其 知 自 上 焉 疏 又 謂 婁 古 蠡 流 江 浙 不 南 乃有疑-謂 導,不得 有 江 П 浙 著 是諸 諸 所 江 松 言 江 康 之錢 曲 浙 疑 江 謂 漢 之一方,不得 「大海 者已 水 于導 淮 至 江 則 禹 江 朝 從 中 説皆 而 徘 浦 一海千 人 中 合諸 大江 唐 江 宗一之文,江 該 矣 預 海 會 徊 江 則 水 江 江 經 自 之。 惟 稽 頭 可 剡 者 具 鄭 文記 北 侯 Ŧī. 祇 П 西 江 北 揚 又 而 廢 區 百 · 或 江. 于 渒 江 孔 一之列。 揚 浙 江 北 也 里,不 者已 諸 會 公之他 彭 瀆 分 之與 以 南 州 黄 諸 江 耳,不 稽 海 江 水 南 蠡 施 尚 嘗 家 江. Ш 魚 人 既 從 之下, 北 該 不 得 垛 考 即 功 鎮 在 岱 兼 則 所 所 人 矣 應 宋 景 之 所 知 攝 惟 專 漢 謂 由 浦 謂 江

澤, 矣。 池即 其説 湖 也。 康 約 流 秦、 在 南 易 朏 者 以分江 廬 而 純 職 成 爲 導 其 北 云。 明 水 伐 所 東至陽 漢,人凡 方》以 陳 既 楚開 北 景 將 東 本 地 川 東 雖 若 有 謂 氏暢之,歸 不别標 勢南 之文分紀之, 無關 江. 純 Ш 至 水 胡 人海。」《禹 正《漢志》、《水經》之失, 地 姚 者 爲 説,黄文叔 陽 東 谿 朏 以 江 志 羡 刑 北 <u>궁</u> = 揚 間 歷 明 運 羡, 禹 則 固 入海; 部 名 议 既 而 州 之, 烏 糧 非 日 貢》, 愚又 江 由 注 概 之川 熙 程 主 者 ||漢 必 ,其東由 何 者 貢》之二 太 康 至餘 分之,以 一日導 甫 禹 頗 未 漢 吴 況 由 而 湖 成之説 因 貢 皆 不 水,爲 縣 敢 經 東 亦 人 爲 姚,合浙 漾 地 謂 南 此 文中 以 屬 海 太湖 行 定 故 東 語 理 江 江 然。 爲 明 合 不 者 文 中 疏引 志 論 爲 江 然 具 江 江 人海 攷。 在 浙 以 爲 而 江 北 其 以 也 是 江 明 H 中 爲 南 者 漢 愚 其 後季 不 秦 江 據 矣。 分江 指 人 者,安得 説 之均 環 東 蕪湖 江 古 夫 竊 知 先 導 海 漢 大 蕪  $\exists$ 吴、 人 以 非 江 氏图 自 儒 水 合 者 之際 江 江 海; 湖 禹 之水 爲 景 必 出 漢既 古 越之境 發安 岷 爲 東 縣 復言 貢 純 始 瀆 江 似 其 江 城 爲 Ш 南 毗 中 别 学之 之 引之 タ 慶・ 水 揣 其 分於彭 焉 無 等 合,其 中 爲 陵 江 江 有 説 北 耳 也 度 江 庸 湖 後, 江 北 北 下 出 東 之 至 以 爲 人 也 附 是 者 江 江 江 鄭 居 然 至 詞 F 西 不 淮 江 會 闔

**三**江 婁江 其 則 是之後,江水支分, 爲 導 江. 分中 景 世 于導川 縣 韋 乃 人 蓋 導江 謬 下 地 · 豈 以 康 漾 之委,固 皆 海 昭 東 南 松江 始 殆 純 理 今大 成 江. 地 説 ,是 以 北 其 東 易 不 不必 流 志》,莫善 志 之先,其 會 松松 理 流 人 導 乃 足 去之爲 爲 南 東江 江 於 哉 海 不若 石 辨。 以 江 其 再 江. 是 江  $\equiv$ 易 淮 者 彭 城 F 言 會 也 也 其 錢 爲 爲 蠡 而 巢 縣 流 是。 于 辭 淮 故 南 地 也 塘 彭 浦 南 湖 其 言 又 乃 爲 徐 康 皆 分 而 江. 江 志 陽 蠡 爲 堅 而 浦 南 派 成 然 後 北 導 之 也 Ħ. 江  $\Box$ JII 始别 夫以 於闔 此 南 淮 揚 江 有 居 陵 江. 必 荀 非 徒 康 何 先於胡 者 其 縣 成言 州 三江 子之去闔 蓋 以 也 東爲 汝,東 入於海」, 顧 廬, 廬鑿 江 江 南 中,爲中江。」若然 爲之説 此 北 謂 也 信 以 釋《 班 之三 江 人 哉 Ħ. 北 漢東流之注 非 初 也,夏 海 孟 氏 也 流 其 職 《禹貢 江 而 禹跡,何 中 堅 廬 之, 江. 日 矣。 學 論 方 則 近 求之上 未 記 無 口 地 业 荀子》曰: 注 世 自 左 錢 江 於 遠 》之所 》導水經 以 理 湖 胡 且. 出 Ŧi. 其謬 即 海 可 **攻**學博日 一合漢 流,上 至 志 使 Ŧi. 朏 口 湖 揚 蕪 三, "; 則 通 釋《禹 湖 湖 之處, 謂 石 明 州 而 》謂 耶 湖 爲 之處 П 城 著 與 下 文質之: 自夏 鄭 其 西 南 流 江 北 禹 者 分 《禹 蕪 説 疏 川 貢》矣。 南 江. 江. 日 禹 以 爲三 中 江 湖 通 者 所  $\equiv$ 是 墨子 | 云: П 在 所受之大水豈 江 右 貢 十二 利 貢 東 東 水 引 江 以 吴縣 石 猥 楚、 錐 江 》之三江 也。 于 至 迤 之鄭 會彭 城 乃 渚 北 指 自 謂 而

之注 歟?

書 夫説

》, 而

不 而

可

盡見。

禹

者,莫詳於

漢 自

則 見。 北

是

淮

在

石

城

分南

江之後,

蕪湖 蠡

導

漾已言

東匯

澤

爲彭

矣

湮失,人疑

所

不 惜

見 乎 江.

説

乃

日

紛

陽

羨

人 海

海 北 職 耶

皆

揚

州

鄭

康

成

注

尚

書

南

人

江

在

毗

夫浦

不

與

江 言

通,不

當

名

爲

江

純

所 陽

數之三

江

實

即

地

志

陽

爲

江 古

\_, 其

始

謬。

郭

景

純

原

流

猥

短,何

以

名

揚州

之川

?

漢曰

東

滩 П 者北

江 爲

也

湖

以 江

蠡

南

江

岷

而

自

湖

以

惟

北

會于

淮

爲 爲 下 П

中 彭

殆

不

如

康

成 東 澤

之説

原 景

委之分明

也

若

夫庾仲

初

以

江

岷

江

爲中

漢

爲北

江。

夫 經

初學

記

素

知 江

得

誰

氏

之

説

誤

以

委也

導

III

有

北 南

江 江

中 之始。

江

而

遺

南

至

一於東

陵,其

而

邐

流 江

者又會

于

涯

耐 分

後

爲 東

中 流

江. 者

也 迤

而

實

非

是。

今江

合彭

蠡

過

湖

 $\Box$ 

非

北

會

于

淮

也

且.

經

文簡

水,首

受江

者 爲 人

而 尤 彭

在 善 蠡

旲

經言

東

南

江.

其 江.

解 Ĥ

爲三

孔

東 迤

海

言

而

方》之三

闔

廬

鑿

¨, 其

知

之

疏

江.

墨 所

子 爲 荆

越 禹 湖

南

爲 城 庾

江.

漢、

夷之民。

蕪

石 南

> 之 仲

水

漢

水

入江

之

七,而

注

絶

相

背

贵. 非

知

詘

初 此 地

之

蕪湖

水

真

禹

詳 南 南 也 逕 海 海 東 南 水 矣。 江 陵 之谷水 行 西 絶 人 口 南 之經 海 江 入海 中 旲 異 北 而 江. 江 入於江, 0 耐 鄧 耳。 國 者爲中 入海 揆 爲 永 江 由 餘 流 行 一餘姚 酈 百 北 之人 , 誠 耳。 樂 所 姚吴縣之間 南 孟 以 過 道 而 北 會 然孟 矣。 繇 處 爲 堅 時 東 合 不易 4 具 元 道 人 既 海 咸 南 江. 所 此 設 引 海 渚 者 品 而 流  $\Xi$ · 其 言,江 江, 堅 皆 系之餘姚 足 淳 固 之論 桑 爲 今 者 至 文謂 以 流 毗 垻 毗 庄 欽 故 尚 在 與 爲 居 北 蓋 證 固 爲 陵 陵 吴國之南 地 也。 日 過 南 江 酈 有 孟 巢 則 由 餘 在 志 石 以 考 · 行 湖 堅 縣 道 江 其 江 也 陸 ,又系之吴縣 卷 姚 理 城 人 考之《水 口 以 合 南 元 迹。 之實 周 行 人 中 志 海 海 分江 自 荆 以 應合 可 海 實 者 道 東 惟 者爲 鹽 丹 溪 自 國 南 之江 分 有 知 者 + 亦謂 至 盂 水 陽 楊 其 後 鳥 經 爲 江 爲 爲 《景 八 堅 石 北 蕪 行 ,首受江 中 即 爲縣 Ξ, 江 程 》, 沔 中 里 謂 即 也。 城 江 湖 定 江 江 合 密 江 雖 矣。 縣,分 吴縣 餘 南 縣 非 而 建 水白 水自 于 自 築 ,合乎《禹 杭 惟 是 自 江 東 以 康 如 浙 Ŧī. 水 石 然 東 南 從 石 行 北 以 至 康 志 錢 爲 沙 堰 石 江 經 城 自 旲 城 人海 會 江 至 南 成 盂 塘 城 羨 》附 之 浦 蕪 銀 江 堅 餘 縣 稽 東 道 自 諸 東 縣 貢 之江 合 其 者 從 陽 湖 林 流 記 姚 南 陽 人 志 縣 出 北 導 唐 毗 分 以 始 不 人 羨 貴 爲 江 人

二孔 里; 里; 此 里, 溧陽之永陽江 非 可 以 分爲三,共入震澤,豈非 東 中 也。 人 與 江 在 流 景 愐 之名 震澤 北 馬 福 禹 縣 始 漢 《漢志 似 所 又 少 迹。 孔 狹。 貞 以 則 西 吴縣之南 志》三江之中 謂 東 東日 白 此 Ŧi. 年 《史記 牽合爲 元 南 ,與導水之中 若毘陵之北 豪東 垻 魯 餘里, 爲皆 里 和 楊 蓋 Ŧi. 八 陽 剙 分水  $\Box$ 至陽 以 堰 + 漢 索隱 自 Ŧi. 行 入震 宜 者, 一,獨 前 何 江 由 里 臺 密 志 堰 堰,長 羨 此 家 即 興之荆 揚子 濛。 深澤, 銀 將 也。 デ 源 地 堰 誤 江. 已不合矣。 不 松 臺 江 江 林 已 出 十五 江 司 人 其 思大江安 殊 江, 濛 人 後 Æ 堰 即 誤 置 震 北 縣 即 質《元 海、此 溪 爲妄謬。 作 易 乃 九 在 今通 以 堰。 澤,而 里 東 再 今 江 Ŧi. 爲 里; 溧 震澤 西 南 漢 蕪 攷 無 堰 Ŀ 水 岢. 故 和 連 州 然 又 湖 江 涉 之丹 志 流 又 下二 遂 東 縣 志》「 入海 拖 古 入震澤者? 下 水 之 湖 干 且. 漢 Ŧi. 即 以 東 不 輕 城 級 流 ti. 之通 陽 此三 垻 古 鼠 志 當 里 江. 南 之大江,不 東 里 舸 河 石 湖 非 江 當 無易 揚  $\Box$ 流 塗  $\Box$ 饋  $\check{\mathbf{H}}$ 通 臼 江 入震 高 起 皆 州 縣 余 苦 百 糧 而 西 禹 江. 名 雖 淳 家 丹 于 里 人 有 李 西 北 雖 東 遠 有 貢 而 而 之胥 堰, 澤 堰 陽 周 震 江 北 蕪 流 至 垻 乃 在 南 人 長 中 末,並 諸 澤 無 者 湖 人 震 陽 Æ Ę 人 云 震 江. 湖 溪 耶 江 洮 北 也 江 水 大 江. 澤 據 羡 + 之 爲 水。

大

江支流

可

合浙

江

浙

字

注

之「江

水

鑿 錈 東 南 餘 水、

且

與

大江

中 陽

隔

重

塘 人 鑾

江.

與

浦

江

合

于

海

酈

注

云 :

夷

中

人

海

水

經

水

部

字

注

云 :

浙

注 漸

云

江

水

東

襄公三 溝,「于 「楚子西、子期伐吴,及 <水三 稱 廣 千二 水 中 戀 至 誤 水 所 當 Ш 河 萬 疊 浦 漸 禹 德 江 會 出 H 以 年 遺 代 海 無 陽 吴 渠 障 及 作 江 百 貢 與 稽 丹 丹 爲 以 經 人大江 此 江 <u>\*</u> 「楚子重 則 書 水 里 Ш 陽 陽 禹 漸 蓋 斷 禹 上 理 謂 通 出 陰 郡 黟 迹 江 無 江 貢 春 本 此 漸 渠 東 水 之浙 石 南 若 水 相 無  $\cong$ 秋 不 爲 水 天 江 三 城 方 伐 知 鑾 涉 時 東 所 浙 通 本 相 子 江 江 水 縣 江 吴,克鳩 則 矣, 禹 中 若 蓋 連 云 之 出 通 江 首 也 都 出 無 Ŧi. 桐 時 通 事 分 廬 大 Ш 三至 東 而 涉 中 丹 湖 汭 北 溝 塔 受江 江 伐 江 其 漸 谿 人 陽 又 占皆 江 兹 楚 湖 水 脱 過 浙 海 説 無 錢 郡 有 湖 即 Ŧi. 字, · 東 者 又 餘 文 勞 塘 黝 分 本 蓋 淮 至 用 里 長 本 由 日 姚 班 疑 又 疏 稱 縣 江. 不 廬 之 此. 于 伍 輒 蕩 吉 駔 E 氏 思 解 見 西 謂 合 江 此 江 援 有 縣 其 而 V 沔 今諸 爲 其 注 下 貴 强 郭 東 中 無 雖 而 貴 北 南 水與 東 南 東 Ŀ 于 池 江 人 長 璞 至 隔 復 爲 南 相 江. 人 江 暨 江 承 南 水 爲 海 江 池 貫 岷 在 北 餘 寧 斯 海 江. 者 國 南 分 吴南, 姚 江 並 又 水 通 江. 水 流 自 合。 合 分二 江 以 以 江 欲 淞 流 餘 Ŧi. 非 過 廣 派 此 池 人 信 東 故 合分 姚 湖 人 以 毘 德 其 江 又 又 又 派 海 州 攷 蓋 如 太 北 不 西 口 附 别 碐 東 東 浙 附 湖 府 石 此 北 湖 H 東 爲 會 城

所 間 道 衡 員 有 湖

開

胥 即

溪

也

而

後

世

, 自 Ш

是

江

湖

通

夫差

所

開 始

邗

通

漢

志

南

漢

江

中

江.

固 江.

與

姚

入海

過

郡 條

行

漸 志 則

江 南 知

水二

分江

著 其 出 石 城 但 首 漢 州 受 石 諸 江 城 境 二之説 廢 皆 縣 今在 巖 壑 餘 蔽 姚 貴 虧 乃 池 在 縣 此 浙 西 水 t 江 安 + 東 得 岸 里 越

受宣

歙、

金

陵

姑

熟、

達

荆

震

澤。

此

計

開

之。

左 後

傳

哀公十五

年

高

阜

猶 溪

是

代

開

鑿

縣 過 會 江 當 長 H 北 彭 爲 江 闕 瀆 南 | 蠡澤, 漢 三江 分爲 爲 疑。 江 東 志 北 而 注 心》之分 一之説 义 江 乃 于 酈 目 東至 水 具 注 其 江 以 园 則 經 其 石 水 此 遂 説 東 謂 城 沔 水 目  $\overline{Z}$ 因 至 縣 之 水中 與 爲 會 Ŧi. 漢 分 松 南 南 稽 湖 志 爲 江. 江 》篇 餘  $\Box$ 江. 并 東 浙 别 姚 云

至 派 會 分江 東 稽 出 餘 水,今没,不 爲 姚 松 縣 江 東 下 人 海 七 + 以 里 此 分 爲 派

可

復

見

而

所

江 派 志 矣 水 又 》言 何 而 所 其 緣 東 謂 更 者 人 松 江 從 即 江 餘 有 處 者 此 名 姚 貴 本 水 人 海 承 П 由 ? 太 貴 則 湖 乃 池 是 酈 還 何 至 氏 以 安 復

歷 浙 今 與 烏 浦 程 陽 江. 餘 口 姚 合 海 浙 者 江 自 人 是 海 漸 試

合諸 則 隴 之皆 於導水爾。 括衆 汭」,必謂「既」之一 紛紜矣。 定」,又 固 語 而 派 矣。 亂 非 乃 由 侯 流 起下文,而 涇渭乎?」可謂解 黟 震澤, 且「三危既宅、三苗丕敘 計功之地 , 無 〔原注〕程大昌 歙下流,與 事 獨遺 「三江既入」,一 也。 以 「底」之一字實緣上文也 語爲起下文,則 浙 二句相蒙爲文,而 後之解《書》者必 貴池以下 也,特以 頤之論。 江 之理 曰:「弱水既西」,「涇 何 」,豈非相蒙之文乎。 [沈氏日]便是 沙野子? 一,而 弱水未 施 事也;「震 功少,故 會稽 , 必執 一西,其 《禹 謂 其 又 貢》 「既」之 能 説  $\equiv$ 不言 他 澤 憪 屬 越 論 始 江. 底 日 該 渭 秦

# 錫 土 姓

而 裔 蓋 魏、齊以下, 自 儕 今日 錫 於 土 庶 一之法 之天下, 無 朔漠之姓雜於諸 廢 世 人 守 而 人 之 唐 古 無 宋 ; 士, 以 錫 下, 人 夏、失氏族 姓 人 之法廢 帝王之 有 姓

> 有賜 姓, 也。 帝神 黄帝。 伯,賜 夏」,則又似以 之, 胙以天下, 賜 不 之源。❶ 王之後儕于庶人, 蓋古者分北三苗之意。 , 則 知 三 王 姓,不過因 靈,能别知異德,故一 姓曰姜、氏曰有吕。」是 漢 其義者良 黄帝之子二十五 劉 知 原原 唐 其不能 元魏之改姓爲非 李, 注》春秋 前 姓 遂感慨及此 世 顧 多矣。 日 行,故 一之姓 足 姒、氏 法 人,四 後之鄙儒,讀《 傳》言: 而 母之子可錫數姓。 乎? 爲立宗之法。 〔汝成案〕《國 命之,有 此  $\Box$ 13: 自是偏激 有 書確 兩 至. 「允姓之姦、居 夏。 所 無處 굸 生,爲 詁 夏、 胙 朔 矣。 詞 有 因 ĮЦ 若 漠 + 語 也 吕 生賜 岳 之姓 先生 後 · 姓。 禹 「, 皆 堯、舜 國, 世 於 姓 貢 皇 徒 雜 而 以 命 瓜 古 天嘉 欲 惟 州。 以 于 或 時 爲 而 帝 諸 錫 氏 雖 古 惟 侯

# 厥弟五人

夏、商之世,天子之子,其封國而爲公

● 「朔漠」至「之源」,據《校記》,鈔本作「夷狄之種亂於

既 戚,以 티 : 踐 咸 至 弟 侯 亦 孤 會 卒 稽 故 篡 隱 從 立 Ŧi. 「弔,傷 之禍 至 不見 此 ,天下爲家,各親 夏 霸 一滅亡, 以 封 而 哉 諸 奉 也。 建 미 使 而 ! 於 故 侯 守 親 知之矣。 咸,同 其 然與? 廣 い,有禹 經。 禹祀 富 封 戚 並 其兄 辰 也。 建 以 以 言 弟。」 之遺烈,夫亦 茅 蕃 太 周公傷 若乃孔子 + 其親,各子其子」者 土,爲 康 屏 而 餘 周 念之尸 周。」 少 夏殷 世 公 康 或 弔 , 位 之叔 至 「原 封 所 屏 監 於 其 謂 注 世 翰 而 叔 於 越 庶 一大道 杜 有 疏 之 之 太 羿 子 其 氏 康 旬 於 何 厥 親

# 惟彼陶唐有此冀方

是 太 康 僑 或 始 堯、舜、禹皆 河 失 南 河 北 再 傳 而 都 至 <u>Ŧ</u>i. 河 相 子 北 1,卒爲 御 故 其 日 母 浞 以 冀 所 從之, 方 滅。 於 至

> 豐、鎬 其 所 歸 乃 不 殷 封 之天子 之人主不幸 П 心 未 念之哉 附 同 之五遷, 圮於河, 而 變 而 少康 之表 幾 爾 元帝、 嗚 而 失 而 、代宗 復 唐自 呼 其 平 乃 或 高宗遷 失 王 故 得 一者,以 其 玄宗以後,天子屢 都 以 垂 以 幸 都 泣 **;** 東 而 於 未 邑, 旅 不棄長安也。 澆 非 江 有 宗澤還京之奏, 晉 之衆而 之縱欲,不爲 而 敵 左 能 失 爲 一,遂 人之窺 或 雒 興復之計 誅之。 者 以 陽 也 不 , 嘗出 伺, 故 宋 振 民 子 失 周 爾 忠 則 狩 後 心 義 儀 勢 開 失 惟

以 棋 東 羿 左傳 伐 與 距 家 於是使 夏之 棋 南 於 鄩 元 爲 河 年。 都 夏 則 \ 澆 用 原 本 所 乃 注 冀 在 在 有。 處 方之 師 安 澆 今維 殺 邑, 於過 至 地 棋 縣 后 灌 太 人 베 -,(原 相 於 康 原 相 失 羿 畋 注〕今掖 注〕在 遂 國, 矣 於 滅 洛 今壽 依 惟 縣 表, 於 河 原 光 縣 注 以 而

安 兆 可 注〕今虞城縣。 以 制 注〕今在德平縣 於 謀 以 控 東 者 觀 亂 南 方 或 賊 當 亦 處 者 日 難 [原注]襄四年。 豷 在河之南。 矣。 之形 乎 在 於戈, 其 河之東 勢。 合魏 爲 「原 力矣。 絳、 而 注」杜 其 而 少 伍 自 少 時 康 [原注]《竹 氏 員二人之言, 康 河 靡 解 之所 在 奔 以 奔 宋、 内 有 有 以 書 虞, 鄭之間 鬲 布 無不 》謂 ?〔原 德 原 太

爲説。」 梁 州 冀 州 在 冀 其 /",唐 高遠 傳》 州 兮 州 平. 冀 有 爲 古 耳 虞、 日 餘 之 中 州 路 夏、 っ」「楊い 天子常 或 淮 史》云: 原 殷 之 原 注 南 皆 氏 號 注 子 都 日 桓  $\stackrel{\textstyle \searrow}{\sim}$ 居 焉。 × Ŧi. 〕《楚辭》本 ^ IE. 冀 年。 中 楚 義 以 或 州 女 辭 鄭 曰 : 總謂 媧 鄭 近 後 意 「冀 氏 Ŧ 蓋 九 人 同 之冀 畿 殺 州 謂 因之, 歌 姓 者 黑 由 故 \* 之國 州 南 舉 天下 龍 望 冀 遂 覽 以 北 之中 州 也 穀 冀 濟 以 明 以

## 胤 征

<del>Т</del>і.

也。 巡守,其削絀諸侯,必先於不敬不孝。 聖人其敬天尊祖也至矣。 至於動 羲、 和 尸 六 官 師 之誅 慢 天 興 也 故《王制》: 鄰 葛 或 伯 之伐, 不 祀 古 祖

## 惟 元祀十有二月

康

元年即居斟鄩

非

也

袝 蓋 太 袝 甲 湯 一,一伊 湯之崩必以 於廟 之元 惟 元 尹 也 年。 祀 祠 於先 +「原 前 有 + 年 注 王,奉 有二 二月乙 之十二月也。 非 朔 者 月」者,建子之月。 嗣 Η. 祔  $\pm$ 元元元 廟 祇 無 定 見厥 「殷 H 祀 祖 練 先 君 而

0 者 胤 俱回 原 1改,不 避 清 雍 再出校 IE 帝諱 作 允」。 後 凡「胤」字作「允」

時 尹 自 祔 而 乃 桐 廟 歸 明 非有 而 亳,以 言 後 烈 所 嗣 祖 取 子 三祀之十二月 之成 爾。 即 位 [楊氏日]十二月 德 故 以 成之爲 訓 者, 於  $\pm$ 商 Ŧ. 則 正月 適 也。 而 當其 也 若 伊

不待 魯成公以八月薨,十二月葬,襄公以 即 如 周卒哭而 位 生 失乎 葬 即 位猶 而 位者,即先君之位也。 殷 即 祔 練 先 位 君 而 故 之位 如 袝 魯之文公、成公者,其 踰 即 也 年 ), 故 斯 位 即 必 明 袝 在 位 年正月 廟 未 矣。 期 而 年 袝 後, 即 之後 則 原 位。 注 嗣 事 禮 有 子 死 如

也 代之通禮矣。 即 位 練 三年 周 而 也。 祔 喪 畢, 世 祔 變 而 而 愈 即 後 下, 位 踐 天子 而 殷 柩 也。 位 前 一,舜 即 踰 位 年 也 爲 正 後 月 禹

#### 西 伯 戡 黎

燕,宇文氏取 晉 人恐矣 以 加 鬬 中 後 并天下者,必先 滅 晉陽 燕、 齊,苻 而 後 滅 氏 齊 取 於得 故 晉 陽 西 河 伯 而 東 後 戡 黎 滅 秦

取

而

殷

### 少 師

禮 將 是也。 而 也 漢 後 亡,其大師 書 》謂之「小 ^ 儒之傳誤 古之官 論語》之少師 古今人表》亦 比干之爲 師 有 疵、少師 以 職 者也。 有 少 爲 異 大師 微 陽 師 而 《周 子 疵 彊 名 則 故《 也。 少 同 抱 樂官之佐, 官 師 其 史記》言「紂 者 「原 彊 樂器 所 太 注 謂 楊 師 氏 周 奔周」, 而 本  $\exists$ 少 《周 紀》。 孤 師 古

Fi.

家》日 若微子不歸周,金仁山辨之極 今人表》以 儒 亦本于《史記》,而太史公之傳聞 「武王伐紂克殷,微子乃持其祭器造于軍門。」則 擎、干、 練皆 作 紂之樂官。 Ē 〔沈氏 有異同 董 江 日》《宋微 都 也 説 亦 如 子 此 世

# 殷紂之所以亡

之爲君 自出 矣。 孕斮 災」,可謂 仁而亡,天下人人知之。 之令不能行於下,未有不亡者也。 注》、史記 至於「攘竊 令,再變而《微子》之書則小民不畏國 。」即以中主守之,猶不能保,而況以 自 脛 變 蓋 沈流 古 》燕王喜遺樂間書曰: 民 而 國 神祇之犧牷 齊文宣之比 玩 《盤庚》之書則 家承平日久,法 於酒 其 上,而 而 逞 威 牲 「紂之時、民志不入、獄 耳。 一時之威,至 用,以 吾謂不盡 刑 卿 不 制 商 立 大夫不從 廢 容將 之衰 一者矣。 弛,而 紂い 然。 食 也 於刳 以 法 (原 君 紂 不 無 紂 上 囚

> 之論? 不仁 之狂 廢 之興,而謂 必 未得爲窮源之論 矣,故宇文得 於上而政 餘,紀綱粗 宣之惡未必減於紂 壞,故發憤言之,其 甚於文宣 耐 酗 可 與 昏虐,又 清於 言 以 Ì, 則 而 而 至仁伐至不仁」者,偏辭 下 何 而 齊 取之。 祖 實 也。 Ļ. 也。 又 以 湎 或 伊 (有楊) 而 酒 敗 [汝成案]亭林痛明季之典章 亡者,文宣承神 奔告 逞 齊 至 家 一威,國 然則 高 以 愔 之有? 緯, 輩 而不省乎? 强,高緯之惡未 法湯 論紂 爲之佐,主 而國 安 然,皆 得 之亡,武 謂 法 不仁 非 武武之 蕩 窮 也, 也 然 源

# 武王伐紂

乎曩日者,不朝諸侯,不有天下 不 毁,社稷不遷,時殷 武王 伐商,殺紂 而 未 立 嘗 其子武 Ļ 也。 丽 庚,宗 所 른 以 故 異 廟

猶 其 是 武 朏 虚 書序》言「三 庚」。 + 國 則 讀 爲 ,作《大 有 也 殷之亡 城,謂 ·, 在 餘 「原 年,使武 武 殺 注》、荀子》言周 浩》 其天下 武 監 庚之見 庚,遷殷頑 及 庚 又言「成 淮 也 不畔 殺 夷 公「殺管 民 叛 在 於維 蓋武 紂 則  $\pm$ 周 殷 之 邑 公 叔 既 庚 其 自 朝 黑出 相 虚 之存 不 歌 燔 殷 殷 成 爲 無無 國, 命  $\pm$ 墟 矣 殷 而 也 注 者 殺 將

不 地 必 見 孫 侯 王 以 矣。 於宋 所 所 取 也 無 國 其 Ē 其 富 故 武 乃 而 及武 以異乎後世之 是 焉 天下之心,而 或  $\pm$ 都 猶 致 以 克 ,謂大火之祀,商 ,誅其君,弔 封 辟管叔 得 知古 庚既 商,天下大定, 周之臣, 守先 於 聖 畔 商。」武 人 王之 (之故 不 乃 篡 而 其 命 以 弑 庚 仍 民 征 叛逆之事 未 士。 微子啓代殷 其 以 裂 誅 人 殺,猶 而 君者 封 是 士. 也 存 原 武 奠國 因 謂之商 先世 取 注 「, 於 庚,降 ||《蔡 弗 天 疑 一之宗 遷 此 其 下 乃 仲 武 而 其 而 口 之

子孫 是以 於其 其國 之所 少庶子之市 於莊子。《韓 差闕爲深溝,通於商、魯之間。」《莊子》: 也 摇 祀 而 民 滅 曰「天之棄商久矣」,〔原注〕僖二十二年 曰 利以 國 客 0 動 其 焉 諸 萃 知宋之得爲 「孝惠娶於商」,「原注」左氏哀二十四 ,斯已矣。 初 也。 故宋公朝 不 人言之,則以 伐姜,不 侯 而 而 ·, 流 也。 願 不 明 必 自 非子》: 滅姓,古之政 爲 告 風 《逸周書 以 平王 天下 周 萬 善政 封 利子 周 者, 「子圉見孔子於商太宰」、「商 世 原注 其 商 言之, 以 則 以 之所存, 皆 商之臣 遺 也 商」、「原注」哀 王會》篇: 也。」 下,去微 一高 曰 取 胤 故 誘 臣 則 武 天下者 (原 蓋 都 淮 也; 侯  $\pm$ 事 注 之人,公族 南 「堂下之左,商公、 不 || | | | | | | 岢 服 子 子 有 商 周 以 無 注 「商太宰蕩 九年 於周 不 之世 之君 不靖,易 語 人待之,  $\stackrel{>}{\exists}$ 畔 滅 知 点傳 國之 逆 商 也; 吴 「天子不 年《傳》。 遠 太宰 無 疑 世 之 問問  $\pm$ 吾 戀 自 則 其 爲 家  $\vdash$ 夏 使

妄言 毁 林氏 一十 公立 平 心 用 協 商 宜. 楚。 氏 謂之商。  $\mathbf{E}$ 矣」,不曰 m 一, 未 韻 -之意。 協 稱 其宗 宋 亦 宋, 一焉。」《 公子目 古 識 注 四 而 韻 投殷之後 復 當 Ė 年 以  $\Box$ 君 姓 便 古人文字之常。 則 」鄭氏注 廟、遷 棄宋 武王下車 伐 時 封 不 孝 樂 直 臣 彼 夷 齊 與後 立言之意。 稱 記 再 惠娶于商 稱 處 而 以於宋。」 與 日 上下 於 齊、 商 興 ₩: 稱 日 日 宋 (之説 不 其 是 小 即 世 宋 棄商者, 商, 而 稱 商 封微子,更誤 重器者異 商 本 之人 變 商 此本之《吕氏 國争盟 者, 各 宋者,避 也。 二, Œ. 號, 文言姜言 宋 下文「伐齊則 人 宋詩 止 可 Ŧi. 人爲 即 則 今取 宗 意 帝 主 曉 其 禍 下 可 人釁夏 也。」〔閻氏 會。 之遺 定公諱 然 -文「寡 所 鹿 見 也 以 商 矣。 春 矣。 戰 · 無 知 F. 證 聲 宋其亡乎?」 者 利 一之盟 秋 對 宋 武 可,敵宋不吉」,不 人雖亡國之餘」之 取 也。」「天之棄商 也 以 復 蓋 取 魯哀公之言 得 日 王 乃 人之國 以以 原 伐 爲商 與 商 有 自 )按《左 戰 姜, 注〕《樂 人識 E 求 怨懟 周 武 或 文陽、 不 竊 諸 此 時 公 庚 之, 傳 利 恐 侯 人之 處 記 不 之 誅 宋 而 兵 子 故 斷 於 顧

或曰:遷殷頑民於雒邑,何與? 曰:

氏、 之殷 謂 氏、終葵氏 是 者 皆 故 徒 降 己, 仁。 於周,是 棄 也 以 使 非 ٠<u>,</u> 止 之四 頑 也 也 帥 商之世 商之世 施 如 謀 ),(閻 其宗 都 日 東征 蓋 民 氏、繁氏、錡 祝 此 主 使之職 無 裔,故 古 爲 氏 爲 殷 佗 是 連 而 臣大族乎? 氏 臣 之役,其 殷 一人管 先 輯 日 頑 遷。 不 所 坐 商 事 之庶民 大 一是 其 王 於 民」。 於 得 并 謂 俗 分 族 之 魯 以 族 叔 雒 不 誅 而 靡 陶 矣, 用 氏 分 而 豈同 而 誅 將 邑。 遷 之法 所 氏 其 靡 已,下 則 兵 則 其 康 其 者 0 謂 樊 與 施  $\Box$ 醜 Ŀ 之民 也,不 不 叔 · 事 氏 氏 又 頑 乎. 而 氏 宗氏 類 文 而 與 以 不 族 分 繁氏 又 民 以 畔 此 主 又不 饑 而 魯 平 者 殷 忍 者 再 法 原 而 而 殺 分於 公 氏 畔 則 則 錡 民 遷 斥 其 囚 人 以 皆 而 先  $\Box$ 居 口 氏 而 康 言 者 殷 終 七 心 分 公 武 待 儒 以 畔 下 叔 留 樊氏、 民 ', 大 族 葵氏 族 其 者 用 不 六 復 逆 庚 人 解 於 此 獨 尚 即 畔 族 抵 之 陶 殷 忍 世 誤 Щ mi 餆 爲 得 命

民乎?  $\mathbf{E}$ 儲 姓也,古聖王 何 民」知之,不 此 以 不 知 可 其 爲 無 非 畔 與 畔 黨 盡 一國 何以言「 也 ? 或 爲讎者 而 日 遷 讎 : 也 ? 之 以 召 也。 公 非 之 敵 或

武 非 武 以 而 而 殷之後 伯 亦 殘之志,然 也 一,放之而已。 王之不幸 武 已 不 王 夷 且 湯之所以 一之兵 以 所 王始暴 恫 上古以 無餘 爲 以 人 疑 非 斥 周 而 震 恨 言 也。 而 師 待桀者待 無 來, 得 駭 聞 焉。 終 之過。 其 利於其 已也 使紂 其 無 而 仁也 暴 當 非 君之見 不 時 殺 也 ,然後乃安於紂之亡, 伯 其 不自焚,武 能 故 土 八 紂 君 夷 百 無 箕 地 及 之事 時 殺,則 親 子 其 歸 焉 諸 紂 異 之歌 過 而 ,天下於是知 反 侯,雖並 而 也 箕 商之政 於 自 湯 天下之人 王 武 子 ,怨狡童 焚 之 未 疏, 也, 王 於 必 有 封 此 此 不 又 除 桀

《多士》之書「惟三月,周公初于新邑

命 其 主 洛 「卜世三十,卜年七百」,其始基之矣。 而 舊日之名分,殷人 用 自 告 Ľ 稱 或 商 我 之 王 小 民 士 或 而 號 日 之「商 以 以 非 此 天下爲 我 中 王 小 心 士 或 公, 悦 而 而 敢 新 誠 t 不 朝 服。 没 之 殷

## 泰誓

善 洪 文,蓋已 人之口。」又引吴氏 爾 民 〔原注〕蔡氏曰:「《泰誓》、《武成》,一篇之中 泰誓》之文出 \_, 亦 衆 莫 惟 非 1: 作 商 止 見及乎 威 其 之德澤深矣, 其身, 殄 乃 臣 殲 此,特 也。 汝 乃 言, 於魏、晉閒 乃 世讎 讎 至并 武王 以 疑 注 其 尺地 書 家之體,未 其先 何 伐紂 一之晚  $\exists$ 至 「肆 人之僞 莫非 "; 乃 出, 於 世 此 子 或 而 敢 旦 ? 其 非 讎 小 直 選者 似 盡 言 獨 有 子 之,豈 紂 非 當 其 , 夫受, 也 時 盡 之不 誕 僞 之本 出 耳 ? 非 以

讎之。 楊 氏 日 世 讎 言 乃 祖 乃父罹 其 (凶虐, 非 并 其先 世 而

朕 夢 協 朕 ١, 襲 于 休祥 戎 商 必

合吕 説 伐君大事 筮襲于夢,武王所用 衆」者也 氏春秋》載 而 〔原注〕《左傳》昭七年,衛史朝之言 託 夷、齊之言,謂 之乎 也。」是當 ,夢,其 時已有 誰 此 信之? 武 語 丟 揚 夢 殆 克 日 以 即

若 改之曰 爾 崩 也 厥 非 孟 角 敵 子 。」後儒 罔 ¥ 百 引 或 姓 無畏,寧 書 也 雖 **\*** 曲 若 爲 執 王 之説 崩 非  $\Box$ 厥 : 敵,百姓懍懍 而 角 -不可 稽首。」 無 畏 通矣。 ! 今 寧

## 百 姓 過在予一人

責,今我當 有 康食,不虞天性,不 百 姓 順民 有過,在 心 以 子 誅 迪 率典, 人。 無 道 皆 也。 凡 百 我 蔡 姓 氏 之不 人之 謂

> 因下有 民皆 「今朕必往」爲 有責於我」,似 爲 紆 曲 (楊 氏曰〕 一蔡《傳

#### 王 朝 步 自 周

有五路,一是輦車,以人挽之。」此非古車不用 喪與天子同者三,一 車,故字以二夫行車 沈氏 注〕皇 行 則又太遠。  $\pm$ 而 命 步 召 一廟 或 自周 \*: 步 所 計  $\Box$ 帝 ^ 中, 出 在。 武 則 **\***: 辇 」西河毛氏 王 或 鄭 成》: 出 坐 後之人君,驕 朝 門,敬之至也。 不 房, 氏 王 而 但 步 以 見 於廟 見羣臣,非 自 爲一出 朝  $\bar{\Xi}$ 《經問 是乘人。 一爲形 於《 步 宗 也。 漢 朝 \*\frac{\times}{\times} 而 廟 周 自 書 步自 人 周 雍 義 又 恣惰佚,於是 廟 至 「字書輦 即因 録 「原 周 叔 先 皆 于 以以 則 周 孫 步行 禮  $\pm$ 之。」考《雜記 注]馬氏 豐 通 爲步行二十 至 行 一之制 巾 傳》, 言不 于  $\exists$ 于 車 步,謂 征 今按 豐。」 人可 <sub>下</sub> 乃 敢 矣。 伐 有 秦 以 知 一豐,文 書 商 「王后 辇 儀 Ŧī. 乘  $\sim$ 人行 有 也 「原 学言 也。 而 車 里 士:

主在 庭 務 波雜志》。 以 此,作「蹶痿之機」。 自 宫禁之中 御前殿,此勤身之法 佚, 氏 春 命之曰 1秋》: 亦 乘輿 招 出 宋吕大防言:「前 **蹩之機**。」「原 則 辇 以 也。」「原注 祖宗皆 輿,人 注 則 步 枚 周 以 自 代 煇 辇 清 内

幐。 長, 祖之訓遠矣。 。」至崇禎帝,●亦嘗步禱南郊。 宜習勤 每 太 出 祖 城 勞 實 稍 7,使不 録》: 遠, 「吴元 則 驕惰,命 馬 行 年,上 其 内 二,步 侍 以 製 嗚呼,皇 諸 麻 趨 屨 子 其 年 行

## 大王王季

武 王、王季,不 之德,追王大王、王季。」〔莊侍郎 中庸》言:「武王 追 諡 繋 Ŧ 迹所起, 末受命,周公成文、 實則 商 之諸 侯 日〕追 也。 王大 必 尊

> 言未 公未 同。 庸》之意元不 母弟而爲相,一代制 [沈氏日]陳諒直 其告庶邦冢君,稱「大王」、「王季」。《 後 [古公」,猶云 [先王]、「先公」也。 追王大王、王 縢》之册祝曰:「若爾三王。」是武王之時已 退 文王爲 王大王亶父、王 中 也。 」、「遂率天下諸侯,執豆籩,駿 庸》本文,亦只是周 爲 上尊號之先,文已稱 上稱「古公亶父」,下 今按《武成》言「丁未,祀于 大祖 《大傳》言: 得 也。 , 則 指踐阼以 不 云:「武王受命之日,年已垂暮,周 一季,而 〔汝成案〕《詩 以 作,皆出其手,故以成德歸之。」《中 Ŧ 季歷、文王昌」。 武王於牧之野,「既 後,後人自誤會其 公所定之禮如 商 常中 先 王之統 庸》之言未爲 疏 太王 \* Z 稱「文王」,是古 王,而《大傳》之 明 此,不 追號爲 矣。 後 指 周 人楊 世稱 必 耳。 二説 王,不 奔走,追 廟」,而 是 得 氏 前 《解 武 事  $\Box$ 公以 稱 也 Ŧ. 金 不 而 身 據

❶ 「至崇禎帝」,據《校記》,鈔本作「至於先帝」。

伐紂。 臣 文之,非也。」然文王之王,與大王、王季 子之禮,而稱 王. 先生及莊侍郎 傳》之言不爲失也。 稱 稱 稱 文之稱王在 頌,多侈尊號,然或意别始終,則辭分文質,未可 而 公踐阼之後。 王自不同時,而追 王」云者,此是以 史記 元年。 王 稱公者, 元年」云云。 追書之辭。 舉兵之日,已稱王矣,故類於上帝,行 在 滅崇後,而 伯 文王既未 ,此本 夷傳 追王前也。 前 若然,則虞、芮質成,文尚 其生時之事,故言生存之稱 説 天子禮改葬太王、王 沖遠 『有 [原注]疑武王未克商,先已追尊文王 後之儒者,乃嫌聖人之事 稱 亦未區 西伯卒,武王載木主,號爲『文王』,東 蓋 王,而得改元者,諸侯自 道曾孫周王 《書疏》又言「文王斷虞、芮訟 追王之禮斷 王大王、王季,必不在 又攷《詩》、《禮記》疏、多言 別。 仁山 自 一季,非 武 金氏 發」,必 王,至 未 也。 正 티 : 上 于 王 尊 周 其 號、《大 以 詩 非 號 公追 或 後 文 此 人 武 也 周 之 史 天 而 E 追

## 彝 倫

五八

性,盡 徵、五福、六極,皆在其中,不 倫 倫 言人倫而 行、五事、八政、五紀、皇極、三德、稽 敘 略 無遺漏,故曰 矣。 物之性, 倫者、天地 己。 楊 氏 達道 曰]極 則 能 可 盡 人之常道, Ŧi. 以 其 行、 費天 性, Ŧi. 事、八 地 以 之化 至 止《孟子》之 如 政之屬,該以 能 下 育, . 所 盡 疑、 人之 謂 而 彝 庶 五. 人

# 龜從筮逆

國之大事 簭之,即事 用 ,而終以 古人求神之道,不止 先 有 龜 簭 爲 漸 主。《周 而 也,於簭之凶 後 ト。 ご注: 禮 一端,故 簭 則 當 人》言:「凡 止 用 1 不 1 者先 筮 並

下,文 數 不 然 龜》十六卷,而 初 則 以 兆 不 志》有《龜書》五十三卷,《夏龜》二十六卷, (南龜 傳》 廢龜」之論矣。 既遠, 有 如從長。」」注:「物生而後有象,象而後有 驪姬爲夫人,卜之不吉,筮之吉。 拘 之體皆百 而 象,去初 龜 日 乎 象筮數,故象長數短。」《曲禮》正 帝 洪範》有 書》二十八卷、《巨龜》三十六卷、《 推尋 「筮短 此 代 也。 事 既 來, 數,始 近,且 有二十,其頌皆千有二百」,故 龜 大 後 猶 長」。 龜 [原注]《舊唐書 包羅 能 則 有 從筮逆」者 ト掌三兆之法」、「 求 大 象,故 萬形,故爲長。 無 〔原注〕《左傳》: 聞,唐之李華遂有 横」之 以 ト人曰: 『<br />
筮短 爲 「, 則 短 義曰: 兆 也。」 數 知 滋,滋而 凡物 是終末,去 「晉獻公將 自 古  $\sim$ 藝 其 漢 人 龜 初 後 雜 文 Æ 經 古 以 生 有

# 周公居東

主少國疑,周公又出居於外,而上下

安寧, 事,亦 後,周 考之,蓋 地,必 楚山 侯于 鼎銘 故 于 邑,六年 克殷,三年 保文武受命,惟 + 惠 博 此 之誓衆曰「予 年、《書 里。 奄。 施 曰〕《魯世家》:「人或譖周公,周公奔楚。」據 能 見之矣。 在 新楚 日 : ĕ ⊟ : 在 公即 菲 持周公,而名利 周 則 》綜其年數 制禮 無 七年之中。 成 遠涉東都 维 誕 公奔楚,當是 「王在成周,王徙于楚麓。」《左傳》十三年 昔王季 東 踐 州 杜 腹 王 保 征 注: 作 奄,四 萬年縣南 諒 **必受命** 《荀 心 樂,七年致政。」毫 七年。」《尚書大傳 闇 新 上歷葬于 東征之二年,成王 也。 有 ,故言七年, 之患者,二公之力 周 年 且. 子》曰:二公「仁 自 楚,秦地。」《括 亂 建 [莊大令日]《洛誥 公爲冢宰,百官 因 Ŧi. ○書 東 侯 楚 流 十里。 臣 征 》所 福禄與周 言 Ш 衛 十人,同 始 之尾 非 出 謂 而 武 居 謂 封 七 無辟 紀年 小 王墓在萬年 地志》: 樂水器 康 依 年,蓋 日 : 二 感 水叔, 毖 風雷之變 于王季、武 總 居之事。 公齊」。 也 心 雖 Ĕ 己 Ŧi. 成 . 智 且 年 其 終 同 也。 東 以 年 而  $\pm$ 菜。」《 救 電戦 誉 德」,於 聽。 征 惟 縣 南 即 鄭 亂,二 成 不 迎 位 以 以 乃 周  $\pm$ 西 Ш 或 徐 武 · 迓 之九 一之墓 蔽, 謂 後 周 公誕 季 策》, 除 周 南 《詩  $\pm$ 名 周 之 公 喪 洛 婦

之徒 公攝 歎 遭 **公**者矣。 新莽之篡 創 政 爲 稱 邪 元 説 年,及致 緣 以以 飾 經藝, 爲 政 亂 成 臣 侮 Ŧ, 賊 亂 子 而 天常 所 又 藉 改 猶 П 元。 不 此 能 漢 皆尸 悟 儒 襲 佼、 誠 誤 可 承 爲憤 孫 譌 卿

## 微子之命

例 稱 微 問 仲 仲 内 故 以 承 殷 康 子 》云:「微子仍封微,爲子,又改封宋。 或 也 者 終身稱 存 名。 而 祀以守三恪,則既 叔 何 先 微 衍 周 不 不 ? 之 子, 爵 稱宋公,此 子之於周,蓋受國 稱 有 王之祀,不受爵 同 衛 微子也。 繼其兄,繼宋 猶微子之心也。 侯 封 也。」微 也。 而 同 史例 其 稱者、號仲、 爲 子卒, 弟 「原 有然, 周臣,復爲周 衍 未嘗 注〕孔氏《書傳》曰: 猶 非 以示不爲臣 立 、虢叔是 封 康 而 繼 **「沈氏** 其 微 叔 不受爵。 微 弟 改 īfij 賓矣。 爲公,則受爵 也。 仍 封 曰〕毛西 也 衍 衛 稱 侯,亦 微 微 若終身 是 而 仲 之節 仲 微,畿 受國 爲 稱 河 不 終 亦 矣 經經 微 微 同 中 身 稱

> 篇 也; 以國 微仲 也。 封 爾。 也 書言「十有三祀」、《微子之命》以其舊 序》「秦仲」是 大矣,核之命篇之義,似不必然。 戈之士接迹 矣,於是始 上公」,周既命之,微子當無不受之理,此亦是 康王之誥》、《文侯之命 也 其 君 同 攷《春秋》止書「蔡季」、「紀季」,無吴季,毛氏誤 又前沈氏引毛西河《經問》云: 圃 後之經 稱仲,則 宋國 介 有 知武王、周公之仁,不奪人之所 弟 先 原 未嘗同 後 也。 得 V. 稱宋公。 以 於天 生不 稱兄之國 國 皆史例也。」至於衍之子稽,則 既爲國 微 而 或 下 亦 知 坐而 也 矣。 君, 同 號 此義,而 嗚 稱 以爲號、《春秋》書「吳 仍得稱己之字以爲字、詩 然而 稱 者, ~汝 呼, 諡 旲 稱 「《春秋》書『吴季』是 Ħ. 成案]先生之義 康 吾於《洪 太 微 篇 抱器之臣、 仲 誥 伯 中 者 不 旲 明 其  $\Box$ 仲 言 史 範》 稱 雍 臣 建 衛 爵 (季] 是 微 是 誥, 原文 甚正 爾 倒 守 之 也 名 遠 則

### 

酒爲天之降命,亦爲天之降威。 紂以

天威者,後人不可不謹矣。 之幾,其原皆在於酒,則所以保天命而畏酗酒而亡,文王以「不腆於酒」而興。興亡

## 召誥

師 行日 十一日,誤。 未自周,戊申 渡 孟津,凡二十有五日。 三十里,故武 古者吉行日五 , 朝 至 王伐紂,癸巳自周,戊午 於洛,凡十有 十里,故召公誉洛,乙 《漢書》以 四 日。 爲三 師

#### 元 子

元子,兹大國殷之命」,又曰「有王雖小,元誥》則又以紂爲元子,曰「皇天上帝,改厥《微子之命》以微子爲殷王元子,《召

# 其稽我古人之德

事

親。

子哉」。

君謂之天子,故仁人之事天如

不耕而求穫乎? 後聖,其揆一也。 官」,曰「不學牆」 自天」。 之以「稽我古人之德」,而後進之以「稽謀 又求之「殷先哲王」,又求之「商耈成人」, 獲。」武王之誥 而好古。」又曰:「好古敏以求之。」又曰: 又别求之「古先哲王」。 「君子以多識前言往行,以畜其德。」先 傅説之告 及成王之作《周官》,亦曰「學古人 康叔 高宗曰: 画。 不學古而欲稽天,豈 ,既「祗遹乃文考」,而 子曰:「述而 大保之戒成王,先 學 于古訓 不作,信 乃有 聖

### 節 性

之説 不 爾 相 謂 性 近」之説所自 命 ,似先公酋矣。」「命也, 所自出 降衷于下 也。 也。 民,若· 出 節 也。 性 有恒 豊弟 惟 日 性 君子 有性焉, 其 此 邁 一性 俾 此 君 爾 善 子 彌 性

# 汝其敬識百辟享

所 美侯 歌 理 向 亦 謂 也 背,亦當 服之宣 人主 受 敬 能 張 識 以 坐 相 知 謇 百 明 風 1 諤爲 千 辟 四 ; 堂 秋之鏡,聽元 享」也。 底貢 或 而 之 珠 臨 厥 珠戏,以 忠 九 | 奏,戒 姦。 牧 昔者 不 仁賢爲 故 明王之慎德 生《于蔿》之 唐 但 嘉 明皇之致 察羣 禾 器幣。 同 一心之 穎

> 樯,彌 者哉 若 也 徒 江 及 幾 南之貨, 乎王心一 明 而 剥 皇者 薊 易》曰: 亙數 民 門 以 ··, 豈 之亂 里, 奉 廣 蕩,佞諛日崇, 其 非「享多儀」而 「公用享于天子,小人弗克。 陵 靚 作 君者,皆「不役志于享」者 銅器, 妝 矣。 鮮 服, 然 京 則  $\Box$ 和 開 韋 者 綾 廣 民日「不享 堅、 衫,錦 百 運 之潭  $\pm$ 鉷 乃 纜 之 未 牙 致

# 惟爾王家我適

之謂 而 之周 朝 惟 於 覲者 爾 是周 王家我適」。 不 之殷 爲天子 而 而 周 殷 訟 爲 侯 獄 服 者 矣。 不之殷 此

#### 建 官 惟 百

王 年卒,未嘗入元。 來 奄 先 生注 稱爲元儒 者

自

〔汝成

案」王

會之先生,

宋

度宗

咸

淳

+

之説 方》當 孔 篇云「周公曰:王若曰」,是周公尚未遷殷而 踐 成  $\pm$ 興 叛 曰 奄。」而《多士》王 、原注〕元儒王柏論亦同此,但更置太多,未敢信。 一時事。 介而 傳以 周 奄  $\pm$ 伐 是 ,將遷 踐 周 多方》之誥曰:「惟 奄 在《多 奄、蓋 上言 爲 原 公東 武 三年,討 奄 注〕「至于再,至于三」,當從蔡氏説 其 相 庚 再 武 士》之前,後 君 征 既 行 王,因 叛 誅 於 巡 ,乃至於三年之久,《孟子》 日 者,拘於篇之先 其 蒲 狩之事 而懼,遂 誅 昔 君」是也。 姑」是也。 紂 而連言之耳。 朕 五月丁亥, 《書序》「成 來 人 與淮 自 倒 [原注]伐奄,成 奄 「原 其篇 夷、徐 王已踐 後 既克 注》《多  $\pm$ 而 是《多 第 奄之 戎 强 王 來 奄 耳。 方 矣。 並 Ė 既 而 爲

信也。 從, 莫詳 其 建官 則 長」,以名達於天子者不過 佐 其 而 二帝之世遂能 先 黑出 其 多 穆王之命 ,殳斨、伯與、朱虎、熊羆 職之微 以至 、咨而 其 務 陟 寡 惟 成 攷之傳注,亦第以 也; 實。 者 何 王作《周官》之書,謂「唐、 百」,而「夏、商官倍」者,時 州 也 若此 命 ,至於委吏 堯、舜之仁不徧愛人,急親 所 之者二十有二人,其餘 吾以 + 謂 故 以百官該 有二師,外 之懸絕哉?  $\Box$ 爲唐、虞之官不 慎 : 簡 堯、舜之知 乘 乃僚」,而天子 田 内 爲 百 薄 之倫 亦 外 人而 大 之務 且. 四 不 暨 時 海 口 天 而 成成 止 已,其 虞 制 吾 闕 下 代 不 侍 九 一於百, 徐古, 之事 不遠, 宜 徧 官之 不 建 御 而 一<del>,</del> 而 他 Ŧi. 僕 敢 謂

之亂 悉 此 之 州 分 平. 擅 武 其 王 所 政》之書, 於下 史、太守自 而 也 權 È 占 中 未 帝 御史大夫以下皆自置。 侯 夷微、盧烝、三亳、阪 起 補 由 -,後主 州 簿 ,其命於天子者多,故 吏部 有 夏、 也 寖 或 殺 其 又詔 郡 移 百官 商 郡 州 其 則 於 内至於亞 之世 下 郡 故 失政,多有 補 可 趙 制 功 凡 皆如 朝 氏 劉 及 度,罷 曹 佐 知  $\pm$ 廷, 日 鄉官 歷 者 吏 炫 矣。 侯 法 漢 代 自 以 吏職 隋 對 日 御 旅,外至 朝 多 因 别 書 杜 牛 故 自 詳 佞 史大夫以下官。 尹之官, 駕、長史 而 氏《 劉炫 弘 是 外 秩 惟 降 幸 而 不革。 吏不 之後 二千石者,不 及景帝懲吴、楚 倍也。 中旨 丞 人主 對 通 以 一於表 乃 相 牛弘謂: 典》言 爲大小之官 · 得 賜其 以下,皆 命 又虞、夏之 一之職 州 故 洎 精 於天子, 觀於《立 臣 郡 北 有 往 覈, 賣 「漢 百司 辟 齊 日 敕 官 武 得 至 初 刺 侵 由 + 用

> 聽長 今則 曹之事哉 唐、虞矣。 知 之密,以爲 矣。三後之人 内外官,定制爲 州 沈 號爲賢智者, 宅乃事、宅乃 背公向 置 也。 府 既 實 官 綱紀 大小之官悉由 自隋始 辟 濟之議 辟 然 置 郡 用。 私 則 置守 無 也。 亦 求治之君, 者 八見《周 周之所 論 七百三十 多 〔原注〕《唐書・ ,欲令六 周 比 丞, 以 末 然 牧、宅 比 吏 之制 流 東歸 意氣微 部。」 也。 縣 澆漓,夤緣賄 禮 置 以 員, 部 據 令而 品品 此 雖 乃  $\forall$ 恩 選,則 致 此  $\exists$ 其可 政 詳 以 致 準」之外,文 : 『吾以 白 Ξ, 治 書 則 之 其 官 下 朝 天下 者 設 私 其 賂 而 以 志》曰: 所 及 廷之權 感,以 具 官 之風 如 意 天子 此 官 僚 以 僚 此, 之多 待天下 員 猶 則 必 佐 日 不下 致 「初、太宗 盡 甚 長 成 不 而 Ŧ. 而 之 繁 歸 官 黨 賢 即 移 部 異 預 職 屬 苦 不 自 才 援 其 選 許 銓 於 知 辟 敢 事 而 足 門 中 之

户

制

惟

六四

## 司空

居 必 於奠民居,故 空」,虚空即今人所 穴,未有家室。」今河 主穿土 表》注。 而 然 [原注]今人謂 野 司 爲 空 處。」《詩》云:「古公亶父,陶 顏 此 穴 師 孔傳謂 語 以 必 古 伯禹: 有 居 謂 日 所 窯 人也。」〔原注〕見《漢書・百官公 :「空,穴也。 冷 本。 主國 即 作司空」,爲九官之首。 窯 古 東之人尚多 也 易傳》云: 陶」字。《莊子》言「逃 空土 洪 水 以 之後,莫急 古人穴居, 居 上 民 有 穴 古 復 未 穴 陈 居

## 顧命

王 與 其 讀 《顧 羣 臣 命 皆吉服 》之篇,見 而 無 成 哀  $\Xi$ 痛之辭。 初 喪 之 際, 以 召 康

没喪 位 略 疑。 是 之大法,此《書》之所 則 君 畢 康 命 下 繼體之主,而史録其儀 莊、閔、僖三公者矣。 命》、《康王之誥》合爲 禮,知是闕文。 無一 踰 之禮 不  $\pm$ 登遐之事;自 而 即 畢公之賢,反 《春秋》之於魯公,即 不 年之君 書,蓋有遭 朝 即 再四讀之,知 言記及者乎? 當屬之《康 稱 重矣,故即位 位 羣臣,羣臣 君 朝 豈有新 也。 一, 而 諸 侯之事也。 一篇。 此 王之誥》。 又 今《書》曰 時之變, 君已 不 其 而「狄 布幣 以下,記 曰「周卒哭 · 及子 中 朝 於廟,受命於先王,祭 以 康王 自 諸 有 傳 文 而 侯,而 此 設 産、 脱 而 訓 也。 位 見,然後成之爲 當太平之時 明 以 [原注]伏生本 古之人 黼 簡 Ŧ 告,以爲一代 不 則 成 叔 年 上,記 展、 而 麻 《記》曰「未  $\pm$ 行 向, 書,不即 「原 正月上日, 尚 袝 冕 綴衣」 此 八君於 未殯,史官 注 黼 成 誠 禮 不 而 裳 王 以 言 即 《解 今 位 顧 以 如 可

帝見 哉 商  $\pm$ 天子 三年 率 言 也,以宗廟 或 至 論 以 餘 日 記 奉 奉 日 乎 丏 繫之「越七 也 天子 於 Ē 諸 之守 方諸 ? 之喪,以 : 月 而 高 惟 嗣 侯 原 易 卒 廟 不 大 注 元  $\pm$ 七 出 原 思初 侯,畢 奥 其 一》漢 與 注 蓋 祀 爲 月 廟 祇 日 可 中 猶 士: 一蘇氏 + 盡 日癸酉」之下 門 重 成 書 乎? 而 見 循 有 崩 事。 庶 前 有 俟 斯 此 公率 葬 厥 七 脱 亦 孝 不 制 須 是 知 文紀 袓 日 簡 不 同 同 之敬 日: 其 H 是 月 楊 東方諸 之間 敢 示 者 也 軌 己 而後之説《書》者 Z 氏 贵 通 X 也。 此 畢 以 了, 此 袝 E Н. ·, 所 元 諸 以 服 吉祭易 而 唐 至. 之 年 觀孝文十 侯,是七 以 義 以 喪 伊 冬十 公 後 侯 以 爲 商 之 接 服 所 Ŧŀ 問 喪 而 也 何 生 書 所 乎 疾之諸 祭 月 而 祠 制 今太 後 由 辛 月 神 在 月之 有 之 于 乡 儒 原 而 則 傳 先 之 禮 侯 保 注 廟 釋 畢 之 並 而 知 皇

> 説 袓 傳子之世,天 二月 殆 年 非 乙丑 之 傳 人楊 賢 喪 氏 之 一<del>,</del>伊 曰]堯老舜攝 畢 世 下不 尹 舜 祠 天 避 可 干 下 堯 義 無 先王 可 之子 É 君 以 明 故 無 於 奉 天天下 君 南 嗣 惟 可  $\pm$ 河 元 故 以 祇 祀 之 無 堯 見 + 南 君 崩 厥 有

老,燕 臨 事 之説 者 朝 也 也 之事 也。 自「狄 親 É 設 屬 也  $\bar{\Xi}$ 自 四 設 皆 席 王 出 黼 新 者 麻 在 展、 天子 應 冕 朝 綴 門 黼 之所 羣 衣 之内」 裳 臣 以 以 有 聽 下, 以 下 事 政 F 皆 皆 而 事 則 非 陳 廟 養 之 康 中 事 之 或 朝

於先 矣。 T 崩 E 于 王之廟 周之末 (左傳) 榮 葬 景 錡 氏 王。 也 世 昭 不待 其 古 + Ŧi. 日 有 月 期 年: 不 見 庚 待 而  $\Xi$ 辰 夏 見 葬 者,  $\pm$ 見 四 丽 猛  $\pm$ 月 先 見 不 Z 見  $\pm$ Н. 廟 待 子 月  $\pm$ 者 期 猛

位 而 而 行 但 葬景 此變禮 Ē 見 則 也  $\Xi$ 以 子 而 朝之争 已 」,孰謂 國 成、 也。 康 無 然 事 不 言 之 時 即

> 位 故

之以 出 中 萌 傳 簡 視 有 其 氏 文,蓋伏生老而忘之耳。 邑」,則王之至洛可 諸 内即 《顧 門左,南鄉」,此即位之所之一定者也。 也。 爲 定所,有定期。《康王之誥》曰:「王出在應門之内。」應 八月日 1,則武王之志荒矣。」余於《顧命》, 以 又何疑哉? 賓牟賈言:「若非 Œ 命 侯避天子在 爲尚有闕文。 斷千載之疑。 朝。 天子如 路門外,治朝之君 書》之脱簡多矣。 而 爲 即位於此,所以示臣民之有君,定衆志, 是,諸 王不 篇, 路門外庭之左。 天子 書。 侯 七日 亦 〔鳳氏 位。 然。 知。 《洛誥》「戊辰,王 金氏 而 天子諸侯 特天子在 如《武成》之篇,蔡 日〕天子 乃二公至洛,並 殯,「癸酉,伯 然則《顧命》之 以 故《聘 爲其間 諸 路門 禮 《康王之誥 朝 侯 有司 在  $\Box$ 相 外 惟 必 喪 君 命 庭 治 在 敢 即 失 有 1: 直 杜 朝 朝 拳 位 引 其 脱 闕 詳 新 須 門 服 豣 H

E

耐

年

疑

踰年 也,始 當在 期之一 朝,所 殯,而 志變古也。 傳》、蔡九峰《書傳》本之。 材」,上溯乙丑 侯甸羣后 辰,公即位。」喪至于癸亥,則以爲薨于壬戌者然,故 伊 太保畢公率諸侯入應門」之典,而 Ė 終喪,終喪親 殯,殯則 亦 七 ,遲回以 訓 郎 治朝, 月 于 日 子桓 謂 公即 春秋》定公元年:「六月癸亥,公之喪至自乾侯。 》與「見 位。 定者也 是日 書 Ī 示臣民之有君者如此, 咸在」,似 申殯,癸 即 經、傳 位 探衆志,至 嗣 而 不知《春秋》七書「元年 文之正 則 成于文,彼遂習以 位 祖 君 于戊辰,亦殯明 已九 即 政,固 嗣 |者七公,遂謂 聯 白僞《伊 亦無在 位。」夫 西  $\pm$ 月即 即 日,大夫以 文,似 殯 爲 瑜 位 宜 明 殯 位 必 年 廟之文也。 見 訓 即 不知即 即 H 明 先見 者 而 祖; 位 位 始敢 暗 即 H H 僖公薨于十二月乙巳、春 諸侯 E. 必 即 位. 也。 祖。 襲 而諸 爲 在 斂 于廟 行 位 所 故杜 「舜格文祖」之文,又 常 喪無見 周 殯諸 正月公即 日 い か 年 所以 不 而 即位之禮。 《公羊》以《春 云 侯 耳。 公之制 「奉嗣王祗見厥 視 者 受 知 亦 注 死 朝, 即 顧 示 可 「格文祖」者,舜 蓋桓公因 祖 事,不 位, 胡 臣民 命于 推 一之禮。 位 後 也。 文定 「諸侯 此 知天子 111 者,皆 經書之 有 是 數 謂 諸 即 秋》元 君, 日,即 ~春 死 又僞 弑 位 Ŧi. 之 1 侯 祖 H 生 亦 Œ 臨 911 戊 譏 秋 H 亦

宋成 即 嗣 秋 于 非 必 本 服 自 羊 惟 相 出 則子般、宋 ൬ 至後六 傳》又 隱 矛盾 班 純 無 義 非 古 爲之辭 日 君 長 《傳》曰 疑 顧 公立而奉之」,莊三 即 列 禮 嗣 公卒、《傳》曰 曆 用 駁 命 也。 日。 不 雜 君 各 位 祭 麻 》十二月無乙巳, 左氏 引 般即 受 取 顧 釋其 服 非 冕 「立僖公」,莊 而 孔 可 昭 他 顧 康 故隱、 踰 夫天子 黼 命 位, 子 不 純 巡 即 命之禮 王之誥 故 裳 文 故, 年、《左 因 知 用 位 注 亦據元年 天子 以 閔、 而十月《 康 喪 適 X 日 殯 昭  $\vec{z}$ 諸 意通 與 服 服 王之誥》,不 明 公即 莊、 氏》亦 「無事 侯 前 攝 公亦必 祭服, 子 僅 十三年《傳 以 H 大 在 之 以 僖 冠 般、 酌 見 ·正月 傳 抵 喪, 叮 位 於奠祝 正 日 之義。 于《書 有明 吉 非 元 、宋昭 推  $\stackrel{>}{=}$ 迫 而 與 之。 即 即 年 凶 七 夫 葬」。 也 也。 歲 衮冕不 位于 之間 文。 幾 正 賊 位之期之所 書 暮 人 後 未 故不純 夫 之 倒 日 月經皆不 以 「公即 子般 出 隱 踰 故緩 人轉 桓公十 有 莊 朝 成 置耶 立関 喪 同 元 示禮之變 年 康王、定公可 公八 廷 服 年 E 明 位 康 據 至 用 麻 典 嗣 公, 經 文七年 言 者 八 正 吉 亂, 月 · 書即 伊 禮 昧 冕 寶 前 蘇 即 年 月 服, 胡 薨,《傳 蟻 位 訓 雜 爲 関 耳。 當 氏 位 四 《傳 典,從 日 裳 氏 如 位 公二 有 理 直 謂 者 月 四 此  $\Box$ 是 徴  $\cong$ 月 非 所 喪 Ħ. 亦 駆 冕 而 位

> 此以 嫌 而 而 距 喪 拜 顙 位定其爲 然後即 越 上之,與 《之禮 一猝所 而 後 成 也 七 且. 又不可 F 衰 服 大 一對其 日 定, 麻 位, 見新君 ,受册命于大行 。 皆 2癸酉 此 御 君。 不同 癸 遽 或 殯 臣 Ē 此 西 行即 時 稱 古 伯 册 天子無荅諸侯 語 也。 則 名 尚 H 來 相 命 必 服 事 去 位 相 皆 命 則 玄端 有 ·, 于 之禮 既 承 汝成案》《公羊傳 非 ± 荅拜, 覲見諸 所 殯 柩 如 常朝 須 事 本。 前 即 此 材, 但 于 耳。 位 嗣 即 拜 髻 比 情 天子七 已久,故 王 髮 供 也。 之禮 出 于 腰 定 大 攢 見 禮 侯, 位 行 絰 諸 塗 至 而 意 H 侯于 × Œ 列 于 初 耳 也 不 叔 無 主 耐 國 初 向 在 喪 不 所 無 殯,此 喪 治 大夫,欲 棺 之孤 脱 協 以 喪 不 以 朝, 兩 衰襲 喪 者。 殯 次 以 可 楹 然 禮 耐 有 主 也 書 之 既 後 未 以 亦 拜 喪 日  $\stackrel{>}{\mathbb{Z}}$ 閒 畢 殯 反 自 弔 荅 稽 之 無

### 矯 虔

力之義 稱 詐 説 爲 矯 文  $\wedge$ 漢 强 取 矯 爲 孝 從 虔。」《 武 矢 紀 揉 周 **>** 注 箭 語 引 也 注 韋 故 昭 以 有 H 詐 用

#### 본 中 于 信 以 覆 詛 盟

神 皆 鬼責 無 政之窮。 之中,而 帝 物 之 亦或著其靈爽,於是賞 而 蓋 苗 ,亦莫不 事 以 不 矣。 民 折中, 故 起 見 或 詛 矣。 日 則 亂 詛 理 爾 蚩 乃 今 王 盟 無 蚩 然。 斯 於 有 世 命 政 蘇 H 之 政 Ξ, 之氓 是 道之世 咎 之 行 公遇 餘 所 不 小 而 繇 屈 於 君 傳 習 , 其 鬼 得 民 上 子 原 暴 而 地 巾 一,其 神 有 **,** 而 遭 不 猶 聽 獄 畏 公之譖 罰 之往 愬 情 子 有 鬼不 直 之説  $\pm$ 之柄 人自 明 之 蘭之讒 而 所 鈇 明 來 於 神。 取 不 至 常 不 乃 棐 感 焉 於 則 神 得 於 移 復 不 常 應之書 人間 所 申 里 有 以 如 之 則 出 而 謂 巷之 鰥 求 輔 其 冥 告 此 詛 有 者 絶 於 寡 王 畏 漠 盟 Ŧi. 冤

> 聖尊 妄息矣。 地 (),折 夫緣 明 刑之謂 道 行 天 大明 殺 而 理 民 通 此 稱 惟 不 其 之,百 也 度 冀 作 刑 可 者, 不 九 無端之福。 信,不得 福 度 黎 作 蓋 官 如 於 亂 災,於 以 折 德 禮 此 民 畏 不 之世,大 者 邪 而 求 武 己 萬 妄, 刑 人 救 取 民 已 必 於神 之,蓋 劇 惟 矣。 以 施 都 盜 當 服 焉。 如 頓 以 示 無 皆 此 首 胡 以 所 免意外 故 像 所 典 氏 事 狄 設之前 以 禮 書 日 於神 公 Œ 之禍 毁 日 鬼 典 人 矣。 淫 禮 心 神 伯 出 勝, 祠 者, 者 夷 廟 愚 道 也 邪 降 門 民 之 前 折

#### 文 侯 之 命

以

典 耐 小 不  $\pm$ 

之子伯 太子。 弑 師 年 -, 王世 王 伐 及 申 竹 王 盤 九 子 書 子 十 年 「原 紀 宜 注 伯 年》: 臼 申 年 盤 古 出 侯 服 申 聘 奔 申 出出 字 申。 西 侯、魯! 與與  $\pm$ 戎 鄫 三年 盤 八 及 侯、 年, 鄫 字 及 嬖 相 許 犬 王 似 褒 十 男 戎 而 立 姒 年 誤 人 褒 周  $\pm$ 爲 姒 Ŧi.

日

知

録

注》的 王人戍 之功 《左傳》昭二十六年:王子朝告諸侯之辭 會衛 公之立王子余臣,或 嗣 出 自 之耳,並非失致。 立 [楊氏曰]觀《左傳後序》,則 + 侯替之,而 王 爲 申 於 宜 了; 而 今 平 當 侯 並 平 伸。」則 遷 晉文公 臼 書紀年 年,晉文侯殺 鄭 立 於 立 王 於 望 雒 王 建 之志 申 之以 伯、秦 而 申 王嗣 平 既 邑, 而 「平王三十三年,楚人侵申。 不 然 侯之伐,幽 虢 王 立 者矣。 心杜 東 察 殺 而 則 公 於申 伯 元 也 其 攜 復 《文侯之命》,報 氏 翰 年 王子余臣 有  $\pm$ 以 與 以 使 成侯已見《竹 請 - , [原 立 攜 當 之效也 王 見 聞 周 師  $\pm$ 無 王爲伯 王之弑,不 日 乎 東 平 人爲 注 從 子 與 諸 此 弑 徙 申 王 余 韋 服 於攜。」「原 侯 日 也 爲 國 雒 之戍 入於 書》,但不甚信 臣 鄭 蓋 在 鄭 但 邑。 口 攜 三十 今信 於 失之不 晉 公子 其 自 誅 知 口 申 E 成 攜 晉 立 文 其 謂 人 六 .,(原 陽 奸 周 攷 州 注 年 命 許 蘭 侯 侯 唐 虢 冢 非

微矣。 保於 之地, 豈爲能 後 王 之亡,宗廟 列「下下」。《傳》言「平 盡 王 用 鎬京之地 彼而之此之辭,「 美其名爾。 命》於《 非。 一百年 一能 與 之 師 之 雒 繼 《古今人表 人 替 [原注]《葛 天子 書》,録《揚之水》之篇於《詩》, 以後,蓋 文、武 頡 徒 攜 於頏,並 已 以 王 社 綜其 爲 成 得 以 之緒, 之 》以平王 稷 西 藟 敗 有 當日之 除 爲 或 以 盤 實不然。凡言「遷」者 戎 詩 論 所 其 人 與 及 所 庚 序謂 而 Ė 申 不忍言,而 逼 È 諸 而 典 遷 有 惜 侯 東遷」,蓋 情者哉 平 者 章 手 侯 不 與幽 而 王棄 其 0 殷」是 文物 察 無 平 Ξ 棄 平 其 + 異 其 王  $\pm$ 岐 九族 褒 (), 而 年, 蕩 故 之 録《文侯 周 姒 孔 豐 乃 也 然 位 似 其 之臣 遂 又 É 虢 子 七 皆 定 石 亦 得 幺 其 謂 有 申 牛 百 父同 未 盡 存 攜 東 自 子 之 於 Ψ. 王 里 可

<sup>■「</sup>西戎所有」,據《校記》,鈔本作「戎狄之居」。

周 耐 元帝不可 託 之祀幸矣, 始 于讓位之隱 謂之遷 於建 而 ,或亦有微意歟? 康。 望 其 汝 中 成 興 案》《春 哉 ! 秋 起 原 平 注 王 如 末 東 年 晉

## 秦

巴蜀 矣。 非 之興,始於孝公之用商鞅,成於惠王之取 以後,秦蓋中衰。吴淵 王、吴之夫差合諸侯而制 盟主,無論 於秦而存之者,〔原注〕邵子説。 詩,述而不作也。 白自 春 秦穆公之盛,僅 獲麟 秋之秦也 有 蠶食六國,并吞二周,戰 秦誓故列《秦誓》,有秦詩故録《秦 之歲 齊 以 桓、晉文,即 至 始 其 謂夫子逆知天下之將 皇 去夫子之卒也久矣、「原 滅六國并天下二百 霸 穎 西 亦不 天下之柄。 〔原注〕萊。 曰:「秦 戎,未嘗 小之乎 敢 國之秦也 望楚之靈 爲 知 六十年。 春 中 聖 并 秋 或

> 夫子 裳,至沙丘而亡」者,近 世 男 悪知 子, 自 周之必 稱 秦 始 并 皇, 於 秦哉 於圖 人 我 房, 澄、寶誌之流, 若 顛 所 倒 굸 我 後 衣

也。 事 非所以言孔子矣。 也 甘誓》,天子之事 費誓》、《秦誓》之存猶是 並存之,見諸侯之 也;《胤 事 也 可 征 以 学,諸 繼

天

侯

^

古 志 文 》無此 尚 注 書〔汝成案〕原注「師古曰 ,當是《儒 林傳 注 中 書, 中 天子所藏之 者」云云,考

書

也

二誤文。

文經》四 六卷。承韶作傳,引序各冠其 又自有二。 孔安國《書序》云:『凡 漢時《尚書》今文與古文爲二,而 十六卷,爲 《漢書·藝文志》曰 **H**. 十七七 五十 篇。」 九篇,爲 : 篇首,定五 師 尚 古 古文 四 書古  $\exists$ 

八 篇 鄭玄《序贊》云『後又亡

故 + 家。 五十 歐陽 七。 經三十二卷。」「原注」 又曰:「經二十九卷,大小 其 歐 陽 生字 篇 夏 侯 和

師 古 《泰誓》非伏 日 此 二十九卷,伏生傳 所 傳,師 見下。 授者 [。] 〔原 伯,史失其

名。

夏

(侯勝、

勝從兄子建,皆

傳

伏

生《

尚

書

注 一内 生 古并言之,詳 此 今

出 文 與古文爲二 孔 子 壁 中 也。 武 帝 又曰:「古文《尚書》者 末, 魯共 王 壞 孔子 宅,

欲 以 廣 其 宫 耐 得 古文《尚 書》及《 禮記 ×

王 論語 往 入其宅,聞 孝 經》 鼓 凡 琴 數 瑟鍾磬之音,於是懼  $\widetilde{+}$ 篇 ,皆古字也。 共

乃 止不壞。 孔安國者,孔子後也,悉得 其

门,以 「見行世二十九篇之外,更得十六篇。」安國 致二 十九篇, 得多十六篇 「原 注 獻 一師 之, 古

遭 注 師 巫 古 蠱 日: 事 , 未 中 者,天子之書也。」校歐 列 於學官 劉 向 以 陽、大 中 古 [文[原 小 夏

侯

家經文、《酒誥》脱

簡一、《召誥》脱

簡

顯

二十二字者,脱 率簡二十五字者,脱 亦二十二字。 亦二十五 文字異者 字, 七 簡 木

之劉歆《七略》,不 遭赤眉之亂,焚燒 百有餘,脱字數十。」〔原 無餘。 知 中 古 文即 儒 林 安國 注》《志》 傳》 所 獻 》自云此所述者 否。 孔 及 氏  $\pm$ 有 莽 末

文《尚 書》,孔 安國 以今文字讀之, 大 以 起

 $\sim$ 

日

古

其家。 逸《書》得 十餘篇,蓋《尚 書》兹多 於

是矣。 [原注]言此 爲最 多者,明 張 霸 加之以 白 篇 爲

僞。 授 都 遭 尉 巫 朝 蠱 未立 都 尉 於學官。 朝 授膠 東 安 庸 或 生, 爲 諫 庸 大 生 夫

敖 清 0 河 胡 又 常 傳《毛 少 子。 詩》,授王 又傳《左 璜、平陵 氏  $\geqslant$ 常 塗 授 惲 虢 子 徐

真,子 立 · 真授 「原 注 河 傳 南 業 桑 又言: 欽 君 平 長 帝 時 王 <u>寸</u>. 一莽 左 時, 氏 春 諸 秋 學

皆

之,蓋光 毛詩》、逸《禮》、 。」〔原注〕言 武 時 廢。 劉歆者,哀帝 古文《尚 劉 歆 書》。」 爲 或 時 歆 而 師 後 移書太 璜、 漢 書 常博 惲  $\stackrel{>}{+}$ 等 四 Ξ, 博 皆 欲 士 貴 立 無 之安國者,竟 高第,爲 初 解 古文同異》,爲三卷,帝善之。」馬 達傳》:「肅宗好古文《尚書》,詔 世 傳》曰: 古文與 文《尚書》。 文意淺 書 穀梁》、《左氏 百兩』徵 諸 中, 曲 傳古文《尚書》。」又曰:「扶風 1序》爲 家 「原 出 之學 是古文《尚 韶高才生受古文《尚書》、《毛 東 張霸之書 陃 注〕或分析之,或合之。 「孔僖,魯國 講郎 萊 故 作首 林同 張 成 也 以 無 霸 帝時 春 中 給 尾,凡 其 又 1秋》, 書》遂顯 郡賈逵爲之作訓 爲 書校之、非是。」此又孔 事 分析 傳 日 二也。 求其古文者,霸 近 魯 : 雖 百二篇。 而 署。」 人 合二十 世 逵譔《歐陽大小 杜 不立學官, 也。 於世。」又曰:「建 <u>~</u> 融 又采《左氏 林、 所 然 後 作 傳 自安國以下, 則 漢 九 賈逵、馬 篇或 傳, 百百 孔 杜林 篇 書 (原 鄭玄注 僖 然皆 夏 以 以 • 兩 數 /注]《賈 侯 所 詩 傳 儒 能 傳 爲 篇 融 尚 簡 受 古 擢 林 氏 爲 數 書

此

作

攷矣。 元之時 《舊唐書 伏生所傳之二十八、「原注〕一、《堯典》并《舜 顒、❶姜道成注古文《尚書》。 書》十卷,鄭玄注古文《尚書》九 之中。 漢末之亂,無傳。 傳》曰: 安國真「古文」,但 鄭玄則不見安國之傳,而 事,名曰《中文尚 釋文》言 注 三家《尚書》及『古文』,是正文字三百 解 〔錢氏 此 尚 • 藝文志》,「原 陶明《尚書》、《春秋》,爲之訓 馬、鄭 有 則 曰〕杜林及賈、鄭、馬諸 其 孔、 非 書, 所 梅 書》。」「原注」言參用今文、古文 鄭之學又當 賾 注 而 所 二十九篇,則 《新 未 獻之「古文」爾。 若 誉 亡 注〕又 唐 爲之作 書 馬 》作 融 儒所傳「古 有 爲二, 也 姜 卷,則  $\pm$ 注 訓 肅 道 古文《尚 按 亦 盛」。 而 ^ 范 作 文」,即 陸 見 劉 不 無 甯 詁 過 於 餘 陶 氏 開 口

推

0 顒 俱 (),原 旦 避 改,不再 清嘉 慶 7出校 一帝諱 作「容」。 後 凡「願」字作「容」

三、《禹貢》。 慎 徽 以 下 爲 篇。 泉 陶 謨》并《益 稷》爲一

高宗肜日 十一、《洪範》。 四、常甘 西伯 誓》。 十二,《金縢》。 戡黎》。 五、《湯 誓》。 九、《微子》。 十三、《大誥》。 六、《盤 庚》。 +, 篇 七 牧 +

《君奭》。二十二、《多方》。二十三、《立政》。 十八、《洛誥》。 十九、《多士》。 二十、《無逸》。

三 十

+

四

康誥》。

+

Ŧi.

· 《 酒

誥

+

六、《梓材》。

十七、《召

十六、《文侯之命》。 四、《顧 命》并《康王之誥》爲一篇。二十五,《吕刑》。二 二十七、《費誓》。二十八、《秦誓

注〕孔氏《正義》曰: 而《 泰誓》别得之民間,合之爲二十九,「原 「《史記》及 《漢書 儒林傳》云『伏 生

融 ,得二十九篇,以教齊魯」,然《泰誓》非 云《泰誓 》後得」,鄭玄《書論》亦云『民間 伏 生所 得《泰誓》』 得。 按

馬

獨

知録 泰誓》非 》曰『武帝末,民有得《泰誓》書於壁内 伏生所傳,而言二十九篇者,以 司馬 者,獻之」,則 遷 在 武 帝

之世,見《泰 之,云伏生所 誓 出 , 不 出 復 而 得 曲 别 行,入於伏生 分析 ,其實得 所 時 傳 不 内, 與 故 伏 爲 生 史 所 傳 總

舟

等

語

董

仲

舒對策引之。

其所謂

得

多十六篇

同

也。」且

非

今之《

泰誓

×,

〔原注〕有

白

魚

人

於

 $\pm$ 

非 融、 者,不與其 孔子舊書 鄭玄所傳 間 一, 自 也 惟 餘 二十九篇,又雜 《隋書 絶 無 所説。❶ • 經籍. 志》日 [原注]《正義 以『今文』, 馬

七四

十三、《五子之歌》十四、《胤  $\exists$ 、《汨作》二、《九工》九篇十一、《大禹謨》十二、《益稷 德》十七、《典寶》十八、《伊 「鄭氏《書》於伏生所傳之外增益二十 征 訓》十九、《肆 Ť 五、《湯誥》十六、《咸有 四篇、舜 命》二十、《 典 原

命》二十一、《武成》二十二、《旅獒》二十三、《冏命》二十

合於《漢·藝文志》『得多十六篇』之數。 四,以一篇爲一卷,《九共》九篇合爲一卷,通十六卷,以 此即張霸之徒

鄭氏所傳增益 所作僞書也。」與《舊唐書》所載卷目不 二十四篇,爲張霸之徒所 同。 作 者,孔穎達之 ( 錢氏 日 謂

臆説。 晉世祕府所存有古文《尚書》經文,今

無有傳者。

及永嘉之亂

歐

陽、

大小

夏

侯

《尚 保鄭沖以古文授扶風蘇 安國之傳,上之。」「原注」《正 書》並亡,至 東晉 愉愉 豫 授 天水梁 章 義 内 影 史 柳 晉 梅 柳 書》云:「太 授城 賾 始 陽 得 臧

<sup>0</sup> 所説」、《隋書 • 經籍志 》作「師説」。

文,並 曹 帝 傳古文《尚書》,亡《舜典》 篇矣。其《舜典》亡闕,取王 有 取 下之傳續之。 誓》,又分《舜典》,《益稷》,《盤 以合於伏生之二十八篇, 子之命》十九、《蔡仲之命》二十、《周官》二十一、《君 篇十三、《泰誓》三篇十六、《武成》十七、《旅奏》十八、《微 五、《伊訓》六、《大甲》三篇九、《咸 謨》一、《五子之歌》二、《胤征》三、《仲虺之誥》 昭 二十二、《畢命》二十三、《君牙》二十四、《冏命》二十五 康王之誥》,各自 注 王注從「慎徽 篇。」此 建武四年,有 《國語》,杜預 注 授 若稽古帝 汝 云逸《書》。 書東京以 南 梅賾,遂上其書。」又云:「其書亡失《舜 五典」以 [原注]陸 注《左氏》,趙岐 下諸儒皆不曾見,鄭玄注《禮記 姚 增多二十五 舜」以下二十八字,獻之, 下 方 . 爲 爲《舜典》,以 興者,於大航頭 篇 篇 氏《釋文》云: 時 則 以 有一德》十、《説 注 Ŧ. 爲今之五 而 肅 篇、「原注」《大 《孟子》,凡 肅 續 本「慎徽 去其 注 庚》中、 孔傳。」齊明 頗 梅赜 巡 類 偽《泰 孔 得 引 Ŀ 十八八 氏 命 湯 以以 下, 孔 »**,** 章 此 陳 典》 誥 故 氏 禹 書

朝

原

篇,固 授。 《尚 又分《 《史記》、《漢 注,即 受伏生《尚書》二十八篇、《泰誓》後得,大、小夏侯爲二十 言者,傳授經義,非本文,亦或即是《大傳 云伏生使其女傳言教錯 九,歐陽三分《盤庚》爲三十一,馬氏、鄭氏三分《泰誓》: 曰〕《書》有四而僞者二,亡者三。 不如無《書》」,於今日 興,又合而一之。《孟子》曰「盡信《 出於梅賾、《舜典》二十八字之出 今之《尚書》,其今文、古文皆 云伏 餘 學 議 書 篇 顧 冷隋 朱文公亦承 光 咸以 者 雜取伏生、安國之文,而二十五 生 命》出《康王之誥》爲三十四,益以 卷 抱 脯 經籍 異 書 也。 爲 偽 百 (之,劉 孔 篇 非。 儒 志 此 其 藏 安 林 <u>=</u> + 國 所 誤,大背漢 Ш 傳 及江 稱馬 炫遂 《序》稱 中,景帝 以以 》及《藝文志》。 八 篇 爲 融 陵 而益驗之矣。 經 以 注 П 伏 遺 人之言。 文爲 板蕩,其 授經文,不 《尚 列 量 生 日 諸 錯 書》十 失 伏 往 漢文帝使 其 生 有 據 本 业 蓋 從 《書序 本 壁 之三 Ŧ 一卷,鄭玄 文北 第 受《尚 知 誤 經, 一充《論 藏之餘, 於姚 孔 宏 會 孫 書》 洲 所 衛 П 鼂 安 篇 書》二 然 人 國 謂 以 衡 》, 錯 宏 兵 爲 之 中 則 方 則 傳 傳 亦 所 所

+

亦

安國 外 或 篇 數之五十八、《武成》後亡、故云 爲 較 文者,以惑於僞古文也。 壁中百篇之序,遂題曰「古文尚書」。 鄭 以 傳 文《尚書》,杜林得之西 止伏生之書,既從張恭祖受逸十六篇,分爲二十 之異,後漢 之後,稱今以别 文讀之。」當 云「古文經四十六卷」。 盤 冷文, 四十 便 伏生《書 也。 稱 無傳注 古文同異》,於是今文合於古文。 「所傳惟二十九篇,又雜以今文」是也。 一庚》、《泰誓》各爲三、《顧 循 作傳,馬 爲 逸 六篇 誦 唐 故《史記 人疑 故《儒 》增多十六篇、合於伏生《書》二十九篇、 杜林又得漆書古文,賈逵 時謂 劉 氏稱 爲不見古文,惑矣。 古者竹、 向 於古。 \* Z 既 伏生《書》爲今文,蓋 非 林 爲 傳 以 逸 Ì. 中 孔 帛 且. 逸 無 稱 州 而 古文校三 秦時 師 之謂 鄭 異 司 班 氏有古文《尚 命 日 説。 施、篇、 固 馬 氏受之張恭祖 》爲二、《九共》爲九、除序, 漢武帝 改象用 自 謂 遷 Ŧī. 漢 注 從 家 逸 十七篇 孔 卷同耳, 《隋 晉 一爲五 譔《歐陽大小 安國 經 在 末孔 隸諸 穎 而唐人猶謂 在 諸 文脱 達 伏 書》, 孔 + 儒 問問 也。 引 生二十 氏 經 壁 馬、 七篇者 咸 儒 故《藝文志 束哲 皆即 壁中 故 簡 科 而 籍 見 或 鄭 古 脱 斗 安 志 ·四,又 其 以 稱孔 夏侯 文 字 國 九 而 所 此 所 書 ※稱 全 其 内 寫 并 增 文字 篇 不 出 爲 既 以 本 注 書 馬 經 之 言 多 序 分 古 注 今 雖

數 興 字。 古文。 孔傳 見稱 衡》, 蓋絶 存,有 書 古文久亡, 洛,至孔穎 張 篇爲張霸 既 邈 壁 稱 卷,梁五經博 、 北史・ 中 與古不 、采馬、王之義以 霸《書 以 注 至 剿 隋劉 有云 於此 Ŧi. 述,蓋亡於漢 中 書》「 隋 孔 古 一十八篇,引《書 齊姚方興又獻《舜典》, 書 卷。 安國 儒 》詞 文《尚 孔 相應。 炫取 校之, 時 僞《書》,又以鄭氏 林傅 「伊尹死、大霧三日 遂 達 將 也。 陸 可 鄭 無能 爲僞 士 始宅 ᅦ 德 書 河 2》稱 謂 劉 並 非 采會《書傳》又多舛錯 明 列 》經文」,又載 洛 造 以不 也。 行 傳 叔嗣注《 辨 是,乃 殷 諸 稱 日 孔 南 尚 其 譔 \_ 序》以 而 本 漢 永 ·狂爲 北章 傳 真 書 鄭 第,始 嘉喪 Œ. 成 黜 《舜 偽。  $\Box$ 《尚 剿 隋 氏 義》, 帝 所 句 狂。 其 冠各篇之首 晉 典》,舉 書逸篇》二卷。 \_ 亂 甚 鄭 引 時 有 書。 好 故 或格 有 元 微 經 康 而 徐 尚 《胤 孔 乃 劉 霸 張 衆 帝 成 籍 也 鄭 穎 今遺 邈 4. 知 於 時 霸 家 命以 朝 征 書 志 有 注 達 譔 之《書 幾 朝 所 首 集 大異 梅 今考 不同 漸 誤以古文二十 一古 文 妄 議 議 位 厥 作 云 隋 《 史 微。 賾 魏 僅 百 篚玄黄 文尚 並 文理 或 已 晉 咸 通 稱 所 梅 、晉以 經 見 唐 兩 上二 世 》稱 其 不 鄭 賾 江. 以 E 王 篇 亡,古 志 籍 書 一一尚 所 行 沖 時 秘 左 爲 一充《論 書 志 來,未 》有 音 從 + 爲 非 姚 孔 於 所 府 》篇 書 剿 尚 FL 辟 河 八 傳 是 四 文 方 徐 所

矣。 考證 安國問 失其真; 包改「古文」從「今文」,則并僞孔 以 四 而 之,當時不 篇本文存 名爲國 論 帝 放 Ì. 是爲非 尼於梅 人動 **武** 别 帝 尚 影可 爲 、《旅獒》之以 故之文,與 禹 書》 黑白 成 七戹於宋開寶中,李鄂 此《書 賾 證 日 帝 而 能 曰,賴 毋 耳 則以 博考 馬、鄭之注 耐 字。 三戹於永嘉 戹於秦火 若 》中,亦 箴 僞 丹 顯 僞 膏 以 有《孟子》、 《説文》引《周 孔 朱 背 亂真, 肓 證 酋豪爲犬, 古文《尚 傲」,「 鄭 其譌 或 學. 亡於宋; ,則百篇爲 説 删 而 則 者始 者難 舛。 改。 董 禹 鄭學微; 衆家《書 書》, 仲 日 删定 尤可 知 書》「選以記之」,今爲《虞 傳中所存二十 更 如二十 近 舒 子 六 三十 偽 僕。 宋 世: 戹 娶塗 書、《史記》、《漢 《釋文》,則 孔 怪 閻 吴棫、朱文公嘗 於唐 Ŧi. 》及「古 九 傳 也。 若 若璩、 尼於 Ш 之非 有 《胤 開 再 」云云,皆 伏 文」盡 孔 尼於建武 征 元 生二十 真 載 惠棟 并 九篇本 》之以 時 穎 下, 陸 古 達,則 書 4 德 詔 文 文 疑 脱 改 九 明 加 衛

典』」云云,安得謂 書》無《 〕案《左傳》文十八年 竊 虞 疑 書》,而《堯 古 時 之有《 有 明 **夏** 堯 云「《虞書》數舜之功 書 典》亦《夏書》也。 典 無 《虞書 無 舜 典  $\approx$ É 竊 二慎 意古 有 徽 孫氏 夏  $\overline{H}$ 

》俱

非其舊矣

足之。 《堯典》原 《堯本紀》中。 《堯典》之文,而晉人分在《舜典》中者,誤 蓋以二 堯本紀》直至禪 書之前,必親見 殂落,百 案《孟子》「咸丘蒙章」引《堯典》曰:「二十有八 典》,則《序》之别爲《舜 僖公二十四 治古文《尚書 賦納以言」,文公七年 察璣衡,定巡狩 二十有 無容中畫也。 Œ 姚氏 《左氏傳》莊公八年引「皋 元日」以下 典爲《虞書》、《大禹 姓如 不止于「釐降二女」, 旦 喪考妣。 者 班 八載 據《史記 位後二十八年 《尚書》真 年 爲《舜 古 封 蓋 而 引 稱 别 遷 遷 山濬 地地 放 三年, 典》,文氣仍是 有《舜 作 本之作《堯紀》。 》以「遏密八音」以 本,而引之爲《堯典》, 勳 《史記 JII 謨 平天成」, 四 淡 典》 乃 制刑法, 典》者非 姐 引成 而 海 殂 落始 F 》多從安 而今亡之,不 必 遏密 爲《夏 落 至 割 畢, 誅 遏 八 裂。 之用 二 十 國 陶 也。 矣。 四 書 凡 如 音。二孟 而 密 問 上爲《堯 X 业。 今《舜 邁 此 經 謂 八 等 況 故 載 休 必 可 則 文 七 種 音 趙 事 《史 直 知 安 分 在 放 此 年 德 典 孟 氏 國 記 典 古 明 未 敘 方 勳  $\Box$ 堯 引 襄 所 是 13 在 焚 乃 以 舜 止 文

載

也。

事

月

引

公五年引「成允成功」,二十一年、二十三

之事, 成 者必 皆曰《虞夏書 者 邦 内 兹 不 年 記二帝之事 不 聖,事同一 古」,以古爲言, 秋 之史,每帝立一本紀,而 時 》左傳 贅 二,十八 謂之《夏書 史 辜,寧失 兩 文,不無待於後 猶 矣。 如 過 引 而皆謂之《夏書》, 出於夏之史臣,雖 仍 隋 》稱爲《 引一衆非元 舊 念 稱 書 年引「官占 原注》正 家。 不 兹 》修于 以 《夏書》者,典 孔 經, 則言 在 虞、夏同 子 而 唐 明 兹 删 以 何 義》言馬 լ而 定 人者,故篇 非 后 哀公六年 夏 堯 ? 謂之《隋書》,《唐書 題 科。 惟 當日之記也。 之臣 何 爲 謨 可 則後 夫 先 + 原 融 戴 後 傳 以 虞 何 係 惟 蔽 鄭 追記二帝之事 六 書 之自 爲 見 則 夏 后 之目 玄、王 志 者 以夏之臣 引 年 首言 全書也。 舜, 時 ? 非 史官 允 引 以 唐 不若 肅、《别 記 衆 爲《 其 或 | | | | | | | | | 追記 日 出 世 罔 與 此 而 事 若 虞 語 于 皆 與守 兹 其 〔趙 後 更三 潤 而 録 宋 故 書 書 虞 稽 》題 周 在 殺 色 人 追 狂 H IIII

益

都

孫

寶侗

仲

愚

謂

 $\sim$ 

書

序

爲

後

謂之《唐書》也。

内 陶 也 所 《序》分爲 陳,一 承 帝 上文「諸 曰 : 時 來,禹, 之言 兩 篇 侯 者 出 也。 汝亦 · 妄 廟 一 王 門 也 昌言」, 俟 出 在 承 時 Ŀ 應 之 門 文 臯 事 之

## 書序

『命以命 之命》、 傳 爲 『命以《 僞 孔 以 伯禽 子 》定四年 作 《書序》者不知 所 逸《書》之名, () 康 康 必 唐 脯 語》, 録 誥 誥 祝 封 也 **≫**′ 於 佗告萇弘,其言魯 而 而 少皥之虚」;其言 其篇 今獨 封 唐 封 於殷 亦 誥 於 名, 多 夏 康 虚 不 虚 誥 周 而 ; 典。 ~存 不 書》之三 其言 列於百篇之 是 至 丽 也 則《伯 如《左 衛 晉 日『命 書 篇, 也 也 而 禽  $\Box$ E  $\Box$ 

爲《 説 内 百 篇 書》 疏 之 錢 漏 氏 名《 名  $\Box$ 顈 亦 亭 伯 然 未 林 禽 |不信 口 之命 是 信 則 《書序 矣 ×, 不 》,然《書 但 尤 其 爲 解 書 切 序 序 素 當 命 叮 以 口 今録 廢 伯 疑 禽 其. 并

之從 信 所 其 知 Ľ + 也 有 篇 四 八 兄 數 百 正 也 篇 義 也。二 武 二篇之文, 取 與 帝 日 安 象 時 今攷 國  $\overline{ }$ 有 書 + 尚 大 傳 八 乙 書 常 則 : 記 宿 蓼 此 遭 引《 時 謂 侯 秦 篇 書 孔 爲 而 名 惟 信 臧 亦 並 聞 者 然 未 無 漢 不 尚 可 安 初 序 書 盡 知 或 不

後

#### 熙 僞 尚

誤 ൬ 闕 學 疑 Ŧī. 者 經 不 得 其 幸 於 分 而 秦 也 生 火 之 乎 近 餘 世 千 其 之 餘 中 説 載 古 經 之 不 者 後 能 信 莫 無 病 錯 古

焉。 於是 哉 疑 慶 是 求 氏 後 朝 古。 平. 今 本 書 儒 之。 尚 刀 録 也 僊 爲 附 鮮 好 往 存。」 歌 得 又不 猶 秦 舍 異 原 往 洪 盡 傳 日 如 × 惑之。 之, 注 未 夫 博 本 本之 範 載 豐 書 鄞 蓋 或 足, 足 以 詩 士: 經 w 古 徐 以 人言 熙 昔 所 》古文,自 其 也 人 之 職  $\Box$ 書 則 藏 篇。 因 之 福 譯 時 説 寄 貢 # 訓 至 箕 則 舍 李 於 古 行 書 之 已 其 興 於 島 詁 斯 子 中 舍 家 \_, 其 子 時 有 異 日 之 唐 書 上 朝 坊 或 近 坑 書 是 於 而 曾大 久 徐 帝 辭 僞  $\ll$ 鮮 之文,而 代之文, 按 殺 未 説 立 求 人 譔 矣, 市 ^ 典 本 宋 焚 儒 倭 豊. 世 而 之 父 而 倭 歐 又 自 國 生 至《 者 諸 不 必 本 逸《 河 有 葉 或 陽 唐 足 真 子 子 託 求 而 微 小 南 即 本 箕 書 永 及 以 有 占者 尤 之 言 求 百 藴 今 子 子 貢 布 叔 取 詩 其 口 之 家 百 人 **>** 川 古 政 H 封 傳 篇 遠 之 歷 事 日 使 本 海 徐 於 怪 海

**找書之沼不能导,而二千載之** 

之, 代 也 其 書之詔 原 得 注〕宋咸平 之又 不 不 能 中,日 以 得 獻 而 本 之 僧 朝 商然以 千 廷 載 而 鄭 之 藏 康 後 成 之家 注 慶 **参**孝 乃 經 何 得

帝 獻 典》 不言 至《 有《尚書 微子》」,則 至 日 「箕子傳《 不 應 别 書》古文 無 篇 逸 自

其 曰 後 而 附 虚 洪 範 同 **\*** 於 伏生、 篇」者, 孔 蓋 安 徒 或 見《 之所傳 左氏

年 引 襄公三年引 沈漸 剛 克 高明柔克」,成公六年引「三人占, 無 偏無 黨、王 道蕩蕩」。 正 義  $\stackrel{>}{\mathbb{H}}$ 從二 筝

傳

引《

洪

範

皆

謂

之《

商

書

「原

注〕文公五

い角、「一百三十月コンコ・ド 景秀 気」商人、所説故謂之《商書》。」而不知「王」者周人

之稱 之《書》也。 十有 禹 貢 者 家以 周 史之記, 道 Ш 道 不 水 得 移 於 爲 九 商 州 人

學

也,亦

謂之異端

而

른

愚

大

歎

夫

昔

之

君

孔安國 之前,此不 傳 道 知 岍 及 古 岐, 人 先 即 云 經 後 更 理 緯 説 之 所 義 治 也 Ш Ш 首 原 尾 注 所

而

後

道

山道水。

^

五子之歌》「爲人上者,奈

何

謂

章

在

上,是

自

漢以

來

别

無異

文。

**©**史

記

夏

本

紀

亦

先

九

州

禮

改

歌》, 石 謂 不 本之鴻 敬 經《尚書》止今文三 熙又何以不攷而妄言之也? 以 都 其 石 不 經 叶 而 據 改 + 正 之 四篇 義 日 》言,蔡 口 無《五 不 「原 邕 敬 注 子 所 平 泛五 之 書

陶唐,有此冀方」,杜預注並以爲逸《書》。《國語》周單襄成公十六年引「怨豈在明,不見是圖」,哀公六年引「惟彼子之歌》乃孔氏古文,東晉豫章内史梅賾所上,故《左傳》

公引 唐,有 民 可 此冀 近 也 方」、杜預 而 不可 Ŀ. 注 並 也」,單穆公引 以 爲 逸《 書 開 或 石 和 語 鈞 唐 王 王 單 府 襄

則有」,韋昭解亦以爲逸《書》。夫「天子失官,學在

聖 四 道 裔 一,使 古 君子之所 果 有 殘 編 求 斷 之 簡 而 可 惟 以 恐 裨 不 經文 得 者 而 也 助

若乃無益於經,而徒爲異以惑人,則其於

子,遵守經文,雖章句先後之閒猶不敢輒

譔 故 句 元 爲 隔 行 疏 絶 沖 義 有 奉 成 乖 明 書 舊 皇 一本,竟一 之旨 上 進 不 而 用 得 爲 魏 立 張 徵 於 説 所 、學官。 所 注 駮 類

八〇

妄作 及昔 階。 前 安國、鄭康成,況聖人乎? 於宋人,「原注」陸 不 秋》,卓越三家, 之於經傳,其嚴 申之以詔旨 炎。〔原注〕字 句未已也,進而改文字矣。 目之次元 夫《禮記》二 洪範 胤 今不依 人所及,然排 本 征 所承 ··, 刊 非 人遠 乃近代之人,其於讀 箕子之作 顧 得記 章 命》, 甚,又 ,自用名學,謂 無 句,妄生穿 《繫 叔然,漢末人。 而 深 戴 不 未已也,進 不 義 辭》,毀《周 所 難 務觀 多有 無先儒 也 而 能 於議 録,非 而 今 如 曰: 奪 經 自 魏 Ħ. 獨 此。 唐 經生之所 鑿, 慶 禮 徵 況傳 彌 爲 而 得 以 夫 曆 後 》,疑 及國 經, 所 後, 甚 之據 子 以 議聖經 生 故啖助之於《 累 注 此陸游 而 注 《孟子》,譏 代名 諸 遵 乎 初,學者不 所 詭 鹵 史氏 則 ! 儒 徐 删 師 依 莽 辩 守、蓋唐 發 又 趙 防 矣 爲 滅 儒之作 明 況 本 汝 所 而 爲 猶 有 經 裂,不 非 書 談 敢 -之孫 譏 致 更 師 助 其 旨 言 至 議 学之 章 春 慨 X 心 所 其 謂 非 孔

> 知此 惑世 王涖 也。 於未發」者,其必先之矣。 篇》有「周公奉鬯,立于阼階,延 樊並謀反,乃黜 受父,父有弟子 書》「百二篇」,以中 古文《尚書》及海外異書。』荅曰:『與中國《書》不 年,高麗世子禃來朝,宴於中書 之末添多五十二字者。 説 學 五十二字者 [原注]近有謂 誣 政」之語, 莽遂依之, 爲 者 得 民,乃犯 所 理 宜 亦爲 深 輕 戒 得 侮 上作亂之漸 尉 譔 其書。」而 朝鮮本《尚書》,於《洪範》「八政 按元王 , 若 也 道 氏 書校之,非 術, 寖 樊並 豐 漢 省。 惲《中 熙 東 以 光紹存 僞 之 萊 以 問 堂 ,大學之教「禁 稱 逸《 徒 日 張 成 事 居攝 登費 是。 俗 書 霸 記》:「中 「傅聞 其 又 僞 不 書。 • 殊。」是 造《 嗚 日 嘉 汝 足 是 霸 統二 邦 呼 後 尚 論 知 禾 辭 有

此

意

日 知 録 集釋卷二終

# 日知録集釋卷三

崑山顧炎武著 嘉定後學黃汝成集釋

# 詩有入樂不入樂之分

謂之《豳 下十二國之附於二《南》之後,而 篇爲正經。」頌也,《詩》之人樂者也。《邶》 十八篇,「原注」《詩譜》:「《小雅》十六篇,《大雅》十八 之《七月》也,《小雅》正 「《雅》、《頌》各得其所。」 夫二《南》也,《 風》,《鴟鴞》以下六篇之附於《豳 鼓鍾》之詩曰:「以 》,《六月》以 下五 十六篇,《大雅》正 雅 十八篇之附 以南。」子 》, 而 謂 日 豩 於 亦 之 以

小雅》,《民勞》以下十三篇之附於《大

云者、當是「伸毛」之義、非「申公、毛公」也。

樂記

乎失言。 四 厲王」,正用 「前儒申毛」,先生誤作「申公、毛公」。《十月》章箋云「刺 之《缁衣》、《齊風》之《雞鳴》、《秦風》之「同袍」「同澤」,其 札請觀於周樂,而列國之風並奏,不謂之樂而 用,而其屬於樂府,則奏之以觀民風,是亦樂也。 [全氏日]古未有詩 或隨事類而歌,又在制禮之後,樂不常用。」今按:以變雅 雅》。」《正義》曰:「變者,雖亦播於樂,或無算之節 王之變《大雅》。《瞻印》及《召旻》二篇,是幽王之變《大 篇,是厲王之變《大雅》。 公、毛公皆以爲幽王之變《小雅》。 變《小雅 「原 雅》,而謂之「變雅」,《詩》之不入樂者 而 ·未嘗無正聲,是又不可不知 「夷之樂尚陳於天子之庭,況列國之風乎? 播之於樂,如 注〕《釋文》曰:「從《六月》至《無羊》十四篇,是宣 況變風 從《節南山》至《何草不黄》四十四篇,前 《魯詩 衛 亦概而言之、《衛風》之《淇澳》、《鄭風 》説,見《漢 而不入樂者,特宗廟朝廷祭祀燕享不 獻公使大師 從《雲漢》至《常武》六篇,是 書・ 也。 歌 谷永傳 〔汝成案〕《釋文》止 從《民勞》至《桑柔》五 《巧言》之卒章是 注 何? 亭林 則 是以 申毛 所 於是 古 王之 也 用 也

+

之後,《 樂,載 非。 宗 周 用 燕享所 篇,朱子當日 此 子 商 也 女 翢 鄘 Ŧi. 或 溺 夏 廟 卿 、周之《頌》,宗廟 四 也。」朱子曰: 篇,無十七篇。 》以下,則 鄉 南》自 於 [風]之名」,不 燕享之所用 對 原 士之作,以 者,皆淫 周 歌 志 樂也。 儀禮》之《燕禮 注〕大昌字泰之,孝宗時 魏 無 禮 蜡 衛 論已,至 謂 文 或未見。 則 籥 音 侯 之「南 龡 章 太師 於 趨 日 但 琳 魯 言 色而、 陳 立工正 也。」但 雅》之正 「二《南》正 數 : 人楊 人歌 》、《鄉 頌。 氏 所 迎 時 之樂 煩 鄭 氏日 曰〕二《南》、《 寒 陳 而 周 政 風 害於德,是以 志, 暑 音 飲 大 樂,則 」之名之非 别 之得 〕泰之《詩 禮 據 以 也 則 好 戴 雅 立 齊音 淡及 人,著《詩 龡 程 觀 濫 投 T: 内 失。 風,房中之樂 IE. 大 朝 壶 楙 民 至 淫 敖 雅 禮 外 論 昌之辯 變雅 而 風 風」之目 廷之樂也 志,宋音 或 詩 》、《頌 ž 稱 已。 《傳》。 辟 論》 而《 者 祭祀 可 祈 繼 云 喬 耳 歌 年. 愚 》之人 邶 則 「《詩 十七 志。 列 所 者 則 南 弗 非 衰 燕 則 龡 或 見

實

云

乎? 不言 焉。」 然著矣。 二《南》之詩 「二《雅》」、「二《南》」,故生 候,女作 之詩皆得 足以盡之,故言「南 下、《左傳》但 悉矣,見《小雅 人樂又歷 「是其 》之詩 而 或 則 I 無 風 程以 言 風》, 彼 魏 特見 歌 其爲風一 也 與 於境 衛 風 案《吕氏春秋》云: 歷 《南 自 曰 鹿鳴》、《 風 》之《伐檀 不 可 紀 況《吕 》爲詩 蘇 『候人兮猗』,❶實始爲南音, 祁 盡 内 據 國 氏 得 鼓 也。 ※ 至 《 釋 聞 偂 自 胹 於境 覽 」,南指 名,或本於 鍾 騶虞》、《 己。 《齊》則 不言風, 應 鼓 宋 雀 》篇 翢 贵 舉 内, 程 鍾 焉。 且. 傳信之書 或 其 此 大昌 篇 「禹 季 兼 程 云「泱 文 名 地,非 説耳 故 漢 此。 國 札 得 又 以 以  $\pm$ 省南 謂 知 末 謂 之於 聞 概 詩 並 無 有 泱 以 杜 邶 然 耶? 雅 之。 季 蘇 皆不入樂,豈 土 乎. 列。 爲詩名也。 夔 南 南 或 札 氏之謬 议 日 能 大風」, 》、《鄘》、《衛 塗 言 風 觀 》、《雅 或 周 又 覽》言 《南 記雅 山 + 樂, 或 公、 周 之名 氏 日 前 言 召 自 國 召 風 女命妾 门詩 取 南 之名 公取 十三 之名 誤 非 辨之已 變 邶 頌 則 篇 風 不 風 皆 以 妄 》以 伐 說 之 風 往 較 則 據 不 知 爲 而

無

檀 篇

改。 兮猗」. 原作「猗兮」,據學林出版社《吕氏春秋校釋

0

戒,俱 悉。 樂,不必與作詩之本意相 之,或以 存 自 制 厚,樂之教 樂章也 言作詩之意,其 清 、作詩之意同 載於《樂經》,元無 則 廟》祀文王之類,亦指作詩之意而言,其奏之爲樂,偶 》、《書》。」是  $\Box$ 如 以 亦 射、鄉 樂 然詩 無可 詩之相 爲燕享通 廣博 īE. 考矣。 之奏二《 與樂實分一 耳。 立 用 教詩 似 易 四 爲何 億 用,或 良。 教 敘自言詩,不言樂也。 教樂, 煩 以以 集傳 度 南 樂 敘《 是 造 耐 以 教。 温謀,馬 則 1: 教 其 》於 詩》者之贅,及《樂經》今已不 爲之説 爲 兩 弗 詩 時 祭畢 正雅 君 經 及焉。 春 端 教樂,其 不 相 解 秋 臨 同 而 諸 教以 見之奏《文王 殊不  $\stackrel{\sim}{Z}$ 也。 《文獻通考》論 燕,或 詩 即 旨 禮樂,冬夏 《鹿鳴 知 皆 故敘《詩 意歌《詩 詩 不 古 欲 以 之教 同 爲 以 人 澌 也。 樂章 用 受 温 》之法 羣 之甚 者 釐 教 詩 柔 ^ 臣 止 王 於 陳 以 敦

> 《雅》。」又言: 詩 夷樂名。」可 ž 即 「南 注 語觀之,薛君 夷 見 之樂日 |《毛詩 南爲南夷,古義皆然,則 》無《韎》、《任》、《朱離》,蓋 南 南 義 四 我既 同 夷 之樂 而 齊、 惟 程氏説益 南 《詩 可 見 》復 以 齊、魯 列 和 於

#### 四 詩

JL

詩

之有《風 謂 目,然《禮記・ 之本序也。 邶 周 領》爲 禮 之《豳》詩, 》至《 曹 籥章》。 周 几 \* + -南》、《召南 其 . 詩 原 Ŧ. 誤 或 制 原 而 亦 而 爲 | | 注 于 非 謂之雅,亦謂 列 風 宋程 命 左 風 國之《風》附 無 》,南 氏 大師 也。 大昌 ( )、荀 害。 陳 也, 《詩 詩 「楊 南》、《 氏,《王 非 以 論 K 之 觀  $\Box$ 風 謂 焉, 制 頌 民 翢 也 泰之云 無 》之云 風 了厂原 **≫**, 此 國 即 風」之 雅 注 非 《詩 詩 謂 翢 所 自

氏 111 説 而 教 廟

以

爲『文王樂』,俱 》「胥鼓南」,鄭

不

南

又

後

漢

陳

禪

傳

子

氏

釋爲『南

夷樂」,《左傳》『南籥』,

矣。

朱子嘗

盒

陳

仁.

書,言詩之作,本以

言意,非

爲

何嘗以

其

詞哉!

況舍詩

而徵樂,亦異乎古人之詩

作。 相

語甚

當。

及傳 體

○詩

》, 則

會樂章以

V.

義

與

違

不 斯

可

解

也。

汝

成

案

陳

氏 傅

雅

南

説

\* \* \* \*

《文

疑

也

詩

雅

》以《南

》、《任》、《朱離》」,

注

引

韓 引

## 孔子删詩

子不删 以二 段之辭、《揚之水》、《 作, 夫子 以 使 南 觀 善 而 容於没 而 二帝 繫 其 止 或 無 民 有 時 者 淫、 文王 者之並 風 詩 不 孔 而 一也。 前 · 善 子 尚 著 不删,志淫 有 所 非 北 删 之風 兼 存 季 以 亂 治 鄙 上古,固 陳, 詩 札 志 本 是 而 殺 而 而 存 》,所 聽之 故 存 其 也 人 伐 無 以《桑中》之篇,《 風 北 夫 亂 可 之,猶古之太 之聲,文王不能 不能 風 椒 以 之 淫 以 音 子之删 也。 以 也。 聊》 知 觀 存 甚 奔 以 使四 其 之詩,録之不 繋紂 文王之化,被 列 也 爲從沃之語,夫 《叔 可 或 · 必 國之風 方之風 以 之 之風 于 將 師 聽 興 溱 國皆淫 田 存 陳詩 衰 派洧》之 化 也,有 而 南 有 世 也 譽 不 音 於 貞 非 Œ 以

詩人之趣。 也。 奔之 所 之作,而漢代之風畧具 古之陋,歸之正旨,然病 之矣。」真 「原 弘 所 選 其 何 中》之詩明 風》之用於燕享者,惟二《 而 以 删 謂 謂 其 注」《 東 中 夫子之所言正 異 者讀之,「不 門》,不慕 有 作不當録 删 辭 商 也 舊 乎 比 不變者焉 臣 也 《希元《文章正宗》,其 言 唐 《 女 曰  $\wedge$ 淫 弑 書 唐》 其音, 且如《古詩十九首》,雖 奔,東 後 君 高 者《雅》、《頌》,而未及乎《風 乎 於聖人之經,是何 詩《 之 不當 鷄 宗 萊昌 如 色也 . 狗 去 鳴》, 諸 則 南 Ш 飲 其 子傳 載於《春秋 儒,不達 氏乃 亟 有 ; 美 煩 録 而 相警以 乎  $\sim$ 樞 爲 酒 其 列國之《風 且 衡 之 此。 之諱, 》之篇 被 以 濫 黄 門 所選 此 《將 理 氏 者 学,不 勤 今以 服 圃 一爲宗, 日 旨, 》之策 此 ? 指 業 生 神子 紈 詩 異 鈔》云: 爲 願 也 嘗被 希 非 乃 夫子 與 业。 唐 雅 外 ; 不 良 素 太 謂 ×, 元 埽 乎 音 \_\_\_ ≪ 出 之 《國 也 人 之 人 得 子 之 畏 千 淫 1 失 桑

辯。 其説 日》四四 惟 與 淫 以「彤管」爲淫奔之具,以「城闕」爲偷期之所。 古 于飛」之義。 矣。』蓋不欲佐陸、陳之辯 爲代,無乃太甚,豈非執理之過乎 昭明之枉,恐 優劣,必以 詩 ·兔絲女蘿」,情同《車舝》。 、陸子静門辯 奔之具、偷期之所,竊所未安。 古歡, 「當芟落,使徐 》,所以 考亭微知其然,移 而病之,謂以千七百年女史之彤管與三代之學校爲 朝聞見録》云: 説 枉駕 無極,又與 坊淫 詩 》者,不 惠前綏」,蓋 失《國風》之義。 「牽牛織女」,意仿《大 、庾不得爲人,陳、隋不得 正俗之旨嚴 「考亭先生晚注《毛詩》、盡去序文 書 也。 過 陳 求 與 同父争論 其 門 《詩 人 影説 亦《邶》 獨藏 學子講義,今皆毁之 十九作中 Ŧ 爲 其説,不與考亭 霸矣,某未 止 繩 六代浮 齋 詩「 削 荅以『公近 ! 陳止齋得 東 〔錢氏 雖 雄 無 営 注 華 矯 其 雉

> 何 《説文》:「襛,衣厚皃。」引此 茂」。 彼 穠 按《説文》無「茙」字。 矣〔錢徵士曰〕傳: 詩。 襛, 石經 猶 同《韓 戎戎也。」 詩 》作 按

何 ? 即襄公、桓公,二者必居一於此矣。」說者必欲 周莊王之四年,齊襄公之五年,書『王 東周亦與焉。 之王』,齊爲『齊一之侯』,與《書》言『寧王 西周之詩,於時未有平王,乃 王 公元年書『王 其曰『平王之孫,齊侯之子』,攷《春 雖大概美詩,亦有刺詩,不徒西周之詩,而 孫,下嫁於齊襄公,非平王孫、齊 年 莊王爲平王之孫,則所嫁王姬當是姊妹,齊侯之子 《山堂攷索》載林氏曰:「二《南》之詩 當莊 〔原注〕洪氏《容齋五筆》曰: 王之十四年,齊桓公之三年,又書『王 姬 據《何彼穠矣》之詩 歸 于齊」,此乃桓 「《春秋》莊公元 姬 以平爲『平正 歸 于齊」。 王 可 侯子 女、 知 秋 姬 以 歸 莊 年 莊 平 而 公 當 Ŧ

+

女矣。 之女適 文王 車 矣,唐棣之華 肅 其 顧 百 太 蓋  $\pm$ 人 妻,東宫之妹 命,丁 ·, 胡 女、平 師 《 詩 若曰『言其 一汾 義 雝 孫 如 之德, 之所 其子,是 據 公始 》自《 適 不 刺 王 稱 一之甥 詩 齊侯之子。」按 妄 詩  $\pm$ 肅 衛 見於 也。 陳 邶 人 則 何 也 孫 鯔 莊 甥舅 欲言 者 **×**,≪ 經 用 容 , 曷不肅 以 姜, 則 乎 蹶 邢 以 爲 色, 之爲 也 使 原 是, 而 鄘 侯 婚,周  $\pm$ 父之子』, 則 注〕毛氏傳: 去武 人 其 成 姬 古 之姨』,美 其 是 日 化之? 其 燕 以  $\pm$ 人之子 王三十 徒 如 『齊侯 之盛時 一時,齊 難, 王 譏 日 樂 訖 中 有 唐 刺 之 於《檜 有 容 又 用 餘 平, 棣 侯 必 也 詩 美 之子, 孫 則 年, 之爲 矣, 姬 故 韓 色 何 無 太公, īĒ. 於義 一, 則 有 之  $\forall$ 日 之 侯 又 此 疑 按 然 也 必必 事 刺,若 車。 鄉樂, 一何 乎 取 此 衛 必 曹》,皆 王 無 愐 妻 武 未 ? 逮 直 未 以 説 侯 彼 姬 而 E 成 允。 筓 武 女 穠 之 用 之 Ħ. 則 桓 無  $\pm$ Ŧ.

《南》 之爲 墜言 者 詩 章 禾 南 哉 Ŧ. 東 能 王 Ħ. 口  $\wedge$ 后 之取 象箾 姬 莊 也。 所 取 修 方之意 可以存二《南》之遺音, 者 于齊」,亦此 而 射樂, 者, 周 王 謂 焉 下 也, 繼 爲 或 之舊 嫁, 之世、魯、衛、晉、 ,繻葛之戰, 且.  $\forall$ 昏婣 聖 以 日 是 惟 安得 乎? 自 南 用 以 ^ 人 紛 此 典 平王之東, 雅 意。 籥 之 安得 之 樹 詩之所言 紛 , 有 **>** 》、《文王 爲 而 夙 援 原 以 之 篇 蓋 刺 注 容 房 好。 於强 不 幾 ^ ? 説 而 東 一《春 南 色之盛 中 録 릲。 無 周 周 樂 此 秋》襄 之, 且 大 是 鄭 以 以 世 丽 德 必 其 之齊,尋 但 烏 日 ^ 令於兄 後 後 而 以 子 聖人附之於篇 + 春 東 下 日 稱 禮 以 知 之 之 示 Ŧi. 嫁之時 秋 周 鼓 以 其 多 所 節 聖 儒 年 詩 興 故,於 弟 傳 鍾 衰 之後, 謂 容 書 之備 盟 人 者 得 周 矣, **>** 之國 「胥 劉 之 之卒 所 乃 道 府 附 夏 其 猶 之 鼓 於 何 意 疑 逆

八七

八八

之世 矣。 玉。 言其 不 後 也。」故《碩 也 詩之得附於《南》者 國,太公之後,先王以周禮治諸侯之本 之本,昏婣 女,咸高賢姣孋。」 不 《南》? 下之人,以 删 ·? 事 極其形 宗未 要亦 況二 無 容則 即 「原、 日 可 · 嘗 或 唐人爲 貌、貌者、男子之所 稱 注 容,而《野 人》之詩美 德 古 者 不異乎嚮者之説 南 王 此 二洪 無 可 此 漢、 而 **>** 爲 「者婦· 道 氏 之與 知 雅 詩 民 魏間 妃主 之大,下嫁 諱 隸 矣。  $\approx$ 間 之舊 釋 而 有 人 鏖》之 貞 民 以 則 之 其 作 碑文,亦多有 不 載 四 「原 風 此 謡 :已如 以 平 附 郭 君 道 德, , 其 恭敬,婦 注』《説 刺 於《 王 輔碑 乎 夫 此 也 舍是 皆屬 而 以 於齊,甥 亦云「有 來 1 人 南 \*\* \*\*\* \*\*\* 豈若 容 下 苑》引 自 者 人之所 之《  $\approx$ 則 夫 其 别 有 贵 譽其 東周 而 婦 至 宋 《書》「  $\pm$ 舅之 四 以 夫子 遂 宣 人 代 女 無 也 男三 也 風 姣 王. 以 無 倫 姿 以 如 所 好 Ŧi.

> 《書》, 篇 南》,其 而 人《召 故 特 何 附之《召南 南 與《 也。 ? 彼 文 穠 其 江 侯之命》以 矣》以莊 以 歟 此 氏曰〕東遷後之詩,何以不 詩 爲 有 王 王 者之化 平王之 一之事 而 異于《黍 事 附 人《 而 於 附 E 離 風 於 召

## 邶 鄘 衛

之《邶 未久而 子 風  $\Box$  $\exists$ 河内本殷之舊 武庚,命 國之詩 孟 邶、 衛 侯,以 武武王 邶、 鄘、 蔡  $\approx$ 相 統 一崩,三 夾輔 管叔相。』《 叔  $\Rightarrow$ 鄘、 衛 與 於 尹 鄘 或 同 周 之, 都 衛,本 監 衛 風 是  $\approx$ 室 畔。周 也 周  $\Rightarrow$ 矣。 以 遷 作 衛 監 既 雷 邶, 邶 雒 滅 三監之地,自 殷 **%** 氏 采詩 公誅之,盡  $\stackrel{>}{\exists}$ 民 殷, 日 鄘 以 || 周 之民 封 分 原 謂 者猶 武 紂 之『三監 其 注 於 書 子 畿 王克殷,乃立王 以 雒 漢 武 内 其 存 邑。 克 庚; 爲 書 地 殷 其 康 封 故  $\mathbb{H}$ 鄘 舊 或 弟 故 地 叔 邶 康 理 管 之 書 鄘 叔 志 子 立 叔 詩 序 封 謂 號 禄 Ŧ. 衛 尹

東 惟 北

E 封 E 伯

肆 守

於鄴 字,乃 之不 毛 民。 父 之。』《詩 衛 謂之邶, 》亦 置 西 祀 商 鄘 衛 俾 建 東 南 祀 南 同 ŦL 地 在 是 周 甫 鄘 謂 蔡 謂 守 「鄰」字之譌,即 弗 之殷 河 晁 也。 約 殷 監 之説 也 叔 譜 既 武 之 商 都 内 北 于 廟 滅 邶 東 鄘 庚 祀 之西 使 立 霍 案經傳凡 衛。 亦 可 日 鄁 爲 社. 封 殷 東 謂 管 逸 叔 有 知。 鄘 禄 確 之 在 邶 以 建 于 叔 分 殷 謂 武 父 殷, 封 衛 書 九 鄭 即即 管 殷 名 此 其 之衛。」 霍 注  $\pm$ 朝 蔡 域 夾漈 紂 叔 謂 言 漕 而 自 時 以 畿 叔  $\overline{z}$ 歌  $\Box$ 即 志 叔 子 于 殷 武 邑 紂 商 内 是 紂 漢 之南 懷之 則 武 東 侮 霍 相 居 之宗 庚之國 謂 服 也 志》又 定 京 今滑之白 爲 封 中 庚 禄 朝 滅 子慎、 武 叔 師 建 迫 解 殷 衛 以 父 歌, 神 廟 尹 封 國,《 近大河  $\pm$ 庸 蔡 詩 鄭 云 城 也 皆謂之殷 之。 祇 在 Ÿ. 武 惟 南 叔 譜 故 管 王子 一。」《漢 祭 庚,爲 以 殷, 鄘 馬。 禄 南 詩 不 叔 》之紂 霍 牧 成 自 書 謂 父 邶 示 祀」。 東 71 》 風 雍、 故 叔 誓 湯。」又 之鄘 在 紂 殷 此 封 之, 邶 書 容 《周 日 城 于  $\stackrel{>}{\exists}$ 觀 皇 城 則 後。 武 宋 邶 更 殷 以 孔 不 衛 建 書》 扈 甫 庚 而 武 以 伯 置 地 朝 Z 管 注 昏 蔡 俾 庚 前 地 1: 北 又 恭 日 理 歌 如 安 蓋 叔 棄 實 諸 則 謂 分 叔 鄘 監 鄭 監 服 言 志 厥 俾 封 説 路 犚 並 > 其 尹 東 殷

史 邶 邶 地

云

謂

 $\Box$ 

是 爲之歌 之以 夫爲 者,王 監之中 受其 書 而 邶、 十二 監 康 侯之命 處 理 是其 後 遵 邶 衛 制 偽 在既 東, 叔。 東 防 皆武 世 用商之舊 封禄父爲上公,上公九命作伯 鄘 監 年 征 其 殷 祁 有 衛 傳 故 ŦĹ 子孫并 产 監 衛 蠢 卿, 正 都 霍 詩 風 庚 封之後。」 監 叛 注 謂 動 是 月 在 叔, 乎? 是 之封 周 譜 在 于 亦 處 朔 鄘 也。 也; 紂 下 彼 制 方 殷 降 西  $\vec{z}$ 謂 此 監 城 之國 伯 命 車 辟 霍 土 以 之北 使 經 邶 其 迨 有 武 據逸 或 之國, 衛 之始。」注 霍 邶、 之明 其弟爲之監, 武 叔 成 其 所 近 監 庚 土 從 王 封 庚 或 殷 此 鄘 誅 相 日 命 未減。 國三人。 之國 書》、《竹 百 立,三 文, 在 不然 都 都 無 屬之康 後 禄 康 十二年 Ŧi. 則 云: 父 霍 吾 更 叔 無 霍 也 +近 也 則 叔 聞 及 叔 叔 建 可 餘 邶。 霍 書 ※云: 叔 非 管、 書 中 及 非 處 衛 蓋 此 疑 里 四 左 之, 古 則 康 旄 武 日 叔 待 者。 惟 是。 武 蔡 月 故 傳 制 命 叔 或 父 庚 勝 以 相 康 其 E 初 實 尹 管 詩 畔 或 客 霍 其. 者 管 共 叔 以 武 天子 使 與 Ź, 禮, 漢 周 季 餘 分 時 是 叔 地 叔 乃 》之變 武 公之德 康 已有 書 札 孽, 監 又 也 相 而 相 後 叔 叔 公 使 使 方 庚 志 之地  $\Box$ 觀 者 理 不 爲 風 爲 乃 必 其 處 在 伯 共 》 及 邶 如 之 悉 得 監 此 武 乃 叔 首 方 之 地

鄘 即  $\pm$ 

諸

列 而 監

俘篇 辟三 或 也。 名。 殷 氏之墟 前 所以名寓 無 鄘 注 三名以各冠之,而  $\pm$ 小雅·六笙》詩,毛公頗有 邶 畿千里 私天下之心。 可 者,漢儒之誤。 ,爲之歌《邶》、《鄘 》、《齊詩》以爲《衛》, 泂 前 左 叔,始 知。 武 實 内 新 邶 示 始邑 無衛 序》 氏  $\pm$ 武 其義, 聖 鄘 在 凡 克殷,命 庚之封 篇 命 傳 人于 管 名。 在 河 「《黍 康 衛 爲 而 東 叔 内 叔 無 襄 變 衛本 即 河 于 宇 離 者, 百 如 所以 見 鄘 風 公二 以 以 此 于 「 弇以 武 殷之封 續 首 風 外 衛 殷 庚、三叔變 故《周 則 非 總 著 以 列 者通 漢 示後之不 某 墟, 虎賁 宣公之子壽閔 知今《詩》之次序 武 名 此 升降、《黍離》之篇,毛公以 + 》、《衛》, 夫子之舊 此詩之簡 書 丰 者, 篇 名 國,姚姓故宇,其 謂 書》曰 也, • 九 (伐衛、滅之、見《周  $\Box$ 爲《衛 之「東」。 郡 周公之于殷大公 見 年, 靖 而不善, 衛, 國 不 此 者。 建 志》、《水 當 自 曰:「美 季 管 其 也 獨 (又曰 地 **%** 是 淪胥以 札 分 周 叔 兄 多出 河 後 多, 公踐 于 「原 觀 而 某 雖 分 内 經 地 東 作。 始 康 於 殷 在 哉 篇 故 樂 而 Ė, 注 殷 叔 有 漢 河 棋 商 Œ 淵 致 於 分 爲 爲 觀 此 儒 爲 衛 降 蓋 世 水 觀 以 之

王之世 歌《 矣。 職 德 乎 編 是,是其 言之則 邶 可 北 爲之歌 荆楚」 威 鄘》之詩,及幽王之亡而軼之, 向 過 E 猶 • ,憂 宫文子之言, 選 儀 邶 而 如 大,而 「原注 新 殷 一之語 也」。 是, 木 日 已 而 魏 序 衛風乎?」三名 商 《鄘》、《 無 敢 云 衛 曰 未 是 邶、 不 以 日 小念其 廢 若 判 以 爾。 此 《黍 其 衛 是 困 衛》, 爲 然 鄘 據 荆 其 詩 名 者 知 衛 楚 離 衛 漢 名 意 國  $\exists$ 引《衛 實之不 累言之則 今爲《邶》之首 詩 魏 書 風 也 乎? 爲 者西 者 源 故北 一實,連 \* ii 也。 衛壽 平 美哉,吾 殊 日 ·? 例。 毛公分 相 吾 詩》 宫 関兄 遷 周 然名 符 《左氏 猶 聞 文子 邶 而不分,視 是 之時, 而 日 聞 之言「殷 衛 日 邶 此 鄘 則 衛 引 襄 》載 雖 「威 或 之 異 康 康叔、 知 今《邶 鄘 公三 邶 爲 民 舊 季札觀 **魯** 篇 故 叔 衛」之不 儀 於 而 鄘 「爲之歌唐」、 而 傳 武 有 詩 棣棣,不 風 雒 + 武 商 乃 蓋 大 公之德 辭 衛 》必 者 樂, 邑 徒 不 師 邶 公 柏 可 則 列 大 分, 爲 則 也 年 舟 之 之 專 曰 今 於 簡 成

劉

猶

者三 所 内民 與 留。 息君之詩,正以鄭、息同 鄭 麻、彼留子嗟」之詩 于 繫之《齊 當次諸二《南》之後矣。 以不繫之《王》而繫之《鄭》? 瓜》,衛人美齊桓,則繫諸《衛》。 凡采風觀民,各從其所得之地,不從其所詠之人。 大車》、《邱中有 衛 王. \*, 指 崩 留、先鄭 桓 矣》,不以平王 風 于鄶 「莊公死,祭仲將 也。 何事, 同殿乎《王 風,自當同列《王風》之末。 公爲王 一》,而不列入《王風》之首矣。 繫之《鄭》,既 而 離之兩 朝卿士 伯 乃《緇衣 得 有 其 風》。 善于鄶公者, 爲平 麻》之詩,凡爲 (國,旋 傷、較然明矣。 一時,小 所爲作 》爲周 乖 毛以《邱中》、《緇 往省于留」云云,此 ΪĒ 民風各繫本國之例, 爲畿内之國,故與其 以 此異三家者二也。 之王, 惠要結 留 也。 人美鄭武公,爲卿士之詩: 爲 以 考《公羊傳》,古者鄭 則 邱 下 周 《猗嗟》,齊人刺魯莊,則 故《魯詩》以《大車》爲 周 取其 此異於《魯詩》、《公羊 是 Ē, 民詠鄭、息者、皆不 民 鄭《箴 中 東 而《王 (國,而 説 》與 周 衣》二 平王之詩, 而 即鄭 《緇衣 膏肓》述 《國風》之例: 歌 風》 遷 且 爲 之,既 詩 鄭 因 周 桓 》之詩 邱 公 此 焉 故《木 **何** 繫之 所 皆 中 寄 國 而 遂 而 何 知 并 哀 畿 皆 有 努 野 處 彼 不

邶、鄘之亡久矣,故大師但有其名。

傳 而 而 日 譜 作 乎 各自爲風。《匪  $\equiv$ 赏 ? 鄶 或 爲 當 同 「原注 夷王、厲王之時。 風,無 之亡未  $\Box$ 誰 非衛人之作。 久而 風》之篇,其 將 西 歸 蘇 詩尚存 氏 以 是鎬 檜 '', 故 京 西周未亡之 檜原原 詩 尚 存, 别 皆爲 於鄭, 注 故 鄭 鄭

非

也

標其 甚明。 前,存前 成案」三詩皆言 山 河北 爲 也 間 不 時 也。 而 過百餘里。 自 地,是初爲三 邦畿千里,周 邶、 宋陳傅良 立 馬永卿曰:「《邶》、《鄘》、《衛 代後 荆以 其緜 蔡故蔡 此三監, 鄘、衛,三國也,非三監 也。 南,蔡叔監之,管 衛 地 與 |國,非三監明矣 事,故班 廣,不得爲邶、 次國,管 如《地理志》所言 〔原注〕《止齋集 雷 又并武 氏 則分之爲三國, 言正 氏謂之同風,其 則管城,霍 合。 庚 若然, 而 》在《王風 鄘、 叔 爲 則 1,於百 河 不當分爲三名 康 衛 所謂 今其 也。 監 南 叔既 也。」「汝 黍離 · 皆 霍 霍 里之 相 殷 封 学之 之 太 叔 以 非 距

## 黎許二國

聖人「闡幽」之旨、「興滅」之心也。無風,而《式微》、《旄丘》之詩録於《邶》。黎許無風,而《載馳》之詩録於《鄘》。黎

## 諸姑伯姊

以下其衆妾,此所謂「其君之袂,不如其 言「伯父」、「伯兄」也。貴爲小君,而能謙 知也,故有「諸姑」、「伯姊」之稱,猶《禮》之 姓之國。其年之長幼,序之昭穆,則不可 姓之國。其年之長幼,序之昭穆,則不可 姓之國。其年之長幼,序之昭穆,則不可 以下其衆妾,此所謂「諸姬」,猶《碩人》

## 王事

不收「隮」字。「隮」當爲「躋」。躋,升,《釋詁》文,朝 隮 于 西〔錢徵士曰〕傳:「隮,升也。」案許尗重

彼作「陞」,俗字也

禮》「十煇」注,以 雨」、「原注」其 而 雨 止 朝 濟 于 則 雨者 未 西,崇朝其 雨 然。 隮爲虹,是也; 也 諺 蓋 日 虹 (雨」。 蜺雜 東 虹 朱子引《 亂之交,無 謂「不終 晴, 西 周 朝 虹

夢之臺,望高唐之觀,所謂「朝雲」者也。論雨晴,而皆非天地之正氣。楚襄王登雲

王

也。 者 之上。 康 Ш 之《王》。 繫之《邶》、《 元城劉先生之言, 師 之世 皆 陳 之禍,先王之詩率已闕 平王 不 或 詩 詩 邶 其采於列國者 之所 當 雖 乎? 以 「原 鄘、 變,而 儕 以後之詩,此「 觀 注 鄘 於 以 衛 民 惟 亦 列 猶 風 (王)亦 謂 唐 大師  $\pm$ 或 邶 存 衛》,其采  $\pm$ 其 其 列 鄘 周 撫 而 之本名 則各繫之其國。 初大師 采 國之名, 舊 衛 萬 爲之説 本商之畿 也。 於 邦 變 軼, 商 之本名。 於東都者 風 則 巡 之故 先 而 曰 不敢 其 侯 之所 内, 儒 孔 : 始 甸 列 謂 子 故 馬 都 變, 於 序《 永 由 所 則 者 至 而 王 卿 成 Ŧ 此 名 録 驪 繫 則 大 述

爲《風 弗更 此。 風、雅 不行, 諸詩, 尊 之政,被 政 詩 風》之説。 之義,乃以 王,故《 離 同, 離 鄘 春秋穀梁傳 南》,又不可 而 而 不 议 (南》,其 》於《國 無 至其 能 以 作 也,肯降 實 間 《孟子》 故 下, 而 淆 復雅, 1 風 體。 於諸 」義亦 中 列 成、 矣 晚 畿 是 夫王 雅 詩 《雅 外 或 歲 畿 内 康 風》, 繋政 别 曰:「《詩》亡然後《春秋》作。」先 白 序 故貶之,謂之王 侯, 爲 無 節 甚 民 》爲西,以《風》爲東,而 内 後 號 則 自 畿 雅 詩 其後采諸 故 俗曰 南 所 ΙĘ 爲部 廣 猶 畿 并 内 爲 得 誤 》爲《風》乎? Щ 齊王德於邦君。」「原 内 狹。」又繹《鄭志》言: 在, 達於侯國,以爲文、武之世, 平 此亡之。 以以 惟 《風》, 者 矣。 無 雅 Ŧ. 故 譜 誰 風。 附 Т, 初 歸 列 次 則 年. (李文 於《雅》,則有 平、 國之變 降之? 其 作 之《雅》。 國 蓋 翢 東 稱 Á 者, 周 俗 Ť, 桓 遷, 汝 《風 卿 貞 太 化既散,不 則 歸 風。」 大大夫 成 魯猶 風 師 日 則 政 有 及乎 其 而 案 降《黍 猶 見 教 周 本 疏 雅 與 者 小 舉 幽 有 轉 不 既 康成云: 部 初 日 亦 西 曰 儒 《頌》, 雅 舊 注」晉 及 東 之風 厲 離》於 感於 僅 能 周 則 孔 雅 畿 職  $\Psi$ 詩 則 道 以 止 别 比 外, 夫子 蓋 者 者 巡 邶 酷 詩 于 欲 於 范 謡 是 《 國 其 Ľ 平. 守 風 故 虐 以 存 詠 謂 常

子之所不得見也,是故《詩》無正風。秋時,君、卿、大夫之賦詩無及之者,此孔秋時,君、卿、大夫之賦詩無及之者,此孔

《周 焉,是之謂 西 天子之邦 也。成、康之世,魯豈 是晉之《乘》,楚之《檮杌》,魯之《春 之詩也。「王者之迹熄而詩亡」,西周之詩 **穠矣》爲平王以後之詩。** 亡也。詩亡而列國之事迹不可得而見,於 頌》,則固未嘗亡也 周 頌》, 故曰「詩亡」,列國之詩亡 之詩也,至於 二《南》也、《豳》也,小、大《雅》也,皆 西 者,以 周之詩  $\sim$ 詩》亡然後《春 ^ 雅 也。 幽 其餘十二國 **>** 王 以《南》, 無  $\sim$ 而 魯頌 詩,而今亦 止 〔原注〕 》**,**東 也。 秋 以 風 **>** 河,則 其作 作 周 一惟 楙 秋 己亡 之詩 東 《何 影出 也 以 於 周 彼

## 日之夕矣

子當 歸 雞 之時 棲于 也。 塒, 至是 日之夕矣,羊牛下 而不 歸, 如 之 來 何 君 勿

思

也。

於酒 望之矣。 哀,天地之氣 人 路有宵行之禁。 [原注]《説文繋傳》。 **弔之矣。**〔原注〕《檀弓》。 來,則其婦思之矣。 與 德 奔父母之喪 君子以嚮 衰 「原 而 注》《列女傳》。 酣 乖 晦人宴息,「日之夕矣」而 ·而晦 身 故 是 者乎?」「原 長 以 曰:「見星 明之節 夜, 朝 樽罍無卜夜之賓,衢 於文「日夕」爲「遏」。 出 夜居 官 而 亂 邪 注 于 晚 而 作 (曾子 外 歸 行者,惟 而 ´', 則 昏 問 則 夜 其 其 至 罪 友 母: 不

豈. 不 爾

恥 也。 也 雖 速 思,畏子不敢」,「民 我訟,亦不女從」,「有 免 恥 而 且 無

鄭

格

之内 《王》,周 也,故 大師 自 》、《鄘 邶、 惟鄭乃宣 東 邶》至《曹 鄘 次於《王》也。 而 都 **≫**′ 也,晉 列 也。 衛》,殷之故 於諸 王 而謂之唐也,皆 所 何 皆周 國之先者,鄭 以 封,中興之後始立 知 初 桓公之時,其詩 其 都 大 爲 也 師 周 之次序。 次之 亦 西 初 之 王 周 畿 其 之 次 以

> 楚 吴 諸 或 無詩

吴、楚之無詩,以其僭 無 王而删之與?●

矢,以 荆 非 山 也,太師之本 篳 共禦王 路 藍 越。以 事」,而周無分器。 也。 處草莽」,「 楚之先熊 惟 [原注]左氏昭 是 深繹「辟 桃 弧 在 棘

蕝,設望表,與鮮牟守燎而不與盟」、「原注 公十二年《傳》。 岐陽之盟、「楚爲荆蠻、置 茅

以前, 也。 《晉語》。 陳、蔡皆列春秋之會盟,而蔡獨 若乃虢、鄶,皆爲鄭滅,而 未通 是亦無詩之可采矣,況於吴自 中 或 者乎? 滕、薛之無詩,微 虢 無詩,有司 獨 無詩 夢 ;

失其傳爾

0 删 據《校記 》,鈔本作「夷」。

不存

日

知録集釋卷三

,故首《緇衣》也

九五

翗

自《

周

南

至

^

豩

 $\approx$ 

統

謂

之《

或

風

 $\leq$ 

此

其以 作 頌 雅器之聲 等、 笙、 塤、 籥、 簫 祖 章 周 + Ш 頌 於《國風》,周 先儒之誤, 器 有二 - 》之《豳 公追王業之始,作 王 之聲, 之聲 則 或 器 氏 聲 和 爲 龡 逆 合籥 合 聲 爲之齊量,凡 》詩 曰:「此一 周 籥 有 暑 而 爾 以 程 也 不同 也。 公 迎 用 鼓、鍾、 **》**雅 世之國 泰 篪、邃、管、春、 而 凡 眂 瞭 播 寒 之 爾 之辨之詳 作, 爲 和樂亦 詩 祈 琴、瑟四 則 樂器,以 祭蜡 鼗 則 鴟 丽 報 龡 爲《七月》之詩,兼 無 擊 之事。 皆 鴞 如之,此  $\equiv$ 豳 牘、應、 頌 豩 器之聲 用 附 + 則 兴此 矣。 磬、笙磬,凡 以 有二律 於《 也。」(原 龡 詩。 下, 用 非 雅、凡十二器,以 合籥 《 周 豩 《七月》一 楙 栩 太 或 爲之數 祈 也。 **>** 師 禮 四 周 注 頌 年 詩 所采。 器 笙 謂 公之 度,以 詩 於 不 0 師 ·, 特 籥 雖 《籥 雪  $\mathbf{H}$ 屬 以 龡

> 詩 不 非, 以 合樂, 東周 以 然 後 與 列 國之風 ^ 南  $\Rightarrow$ 同 也 一, 故 爲 有 他 周 無 盛 口 時 附

九六

之

#### 言 私 其 豵

足以 訓 侯, 胙土命氏, 畫井 爲之禁。 也 也 天下之公,此所 人之有私 0 ,則曰以公滅 供 自天下 「言私 雨 其祭,使之 我公田,遂及我私」,先公而 非惟 固 其豵 -爲家 情 弗 以 私 之所 禁,且 各親 獻 無將 然 爲王 分田 豜 不 而 于公」,先 從 母之嗟、室人之謫 政 其 能 ,合天下之私 禄 親, 也。 而 免 足 恤之。 矣,故 各子 以 至於當官之 代 私 · 其子 其 先 建 而 耕,田 後 後 以 或 王 成 弗 公 私 親 而

<sup>0</sup> 器。」按播鼗、 凡 四 陳 頌 垣 磬、笙磬各爲 H 知 録 校 注 》於 器也 此 T 注 云 應

非 君 又 子 所 先 王 必 以 之至訓 日 恤 其 有 私 公而 也。 無 此 私 義 一, 此 不明 後代之美言 久 矣。 世之

## 承筐是將

先 嶠 容。 物, 諸 民 前 萬 篚 上 "; 而 一,徑 猶 ,曾無媿色,了 · 非  $\pm$ 書册之間 曆 衣冠 輕 制 若乃拾 君 以後,士大夫交際多用 出 惟盡 示 禮 爲「筐篚」之文者,豈 子 人 懷 而 亦 而 中,交 以 飾之道,亦 爲 [,進自] 遺 重 親 遠財 囊 貨 金 貨 橐之寄, 不關 收 賄 丽 閣 之義者乎? 對 不 ,「東帛 人之手。 假 情 管 所 寧 他 以 朝 古 倚 遠 人,茶 戔 列 非 其 白 財 戔 今則 而 宜 被 禁於未 金 以 而 一,實 囊 有 話 也 此 養 乃 市 親 而 無 坊 恥 然之 諸 猶 然 井 酬 非 呈 民 也。 則 之 筐 温 此 坐 封

## 罄無不宜

了; 宜 烝 嘗 民 罄 一, 于 人 無 也。 公先王」, 不 宜」,宜 吉 蠲 得 室家, 爲 萬 饎 或 宜 之歡 是 用 兄弟,宜 孝 心 \_, 以 享, 事 禴 子

# 民之質矣日用飲食

其

先

王

也

祠

孫

生,而 樸 神 或 降 降 明矣。 (,女童 克壽」。 弗祥」; 福 乎? 姦 民之質 僞 然 有「譸 是故· 有 萌 下 則 起, 起 矣, 皆 祈 有道 信險 張爲 有嘉德, 上 日 天 下 永命 用 之世, 膚」之族, 幻」之民,則 且. 飲 不 食。」 之實 而 相安,神 人醇,工 至治 夫 則「高 必 警香 使 嗣 在 機 奚 龐 王 於觀 感 后 智 自 於 商 图 而 H

生爲 民 而 斲 雕 爲 樸, 其 道 何 由 ? 則 必 以 厚

之生也直」也。「民之質矣」,兼百官與庶人而言,猶曰「人「民之質矣」,兼百官與庶人而言,猶曰「人

## 小人所腓

車 葛 衛 車 廄 魚 箋 卒七十二人, 炊家  $\widehat{\exists}$ 麗之 之戦 前 養五人, 樵汲 , 行 遇 動,如足之腓 闕 腓當作 小人所 止 陳, 即 鄭 相 補,斯已異 扶, 先 芘 原繁、高 腓 偏 · 。 皆 此 五. 後 古 所 未 也。 人。 子十 伍 是。 以 制 伍 渠彌 矣。 「原 [原注]見《司 爲 人,固 步 乘 節 注〕傳 乘 [原注]古時營陳 以 車 彌 制 相 中 守 甲 縫 之  $\Box$ 軍 資 衣 士: 」,卒不 師 馬 奉公, 裝 腓 三人,步 法》。 短 也 Ŧi. 辟 長 也。 隨 爲 隨 调 繻 相

> 保, 變服 後, 率游 敵 任 伍,分爲三伍。」「爲五 車 闕 而 舒 乘車者車三人,五乘十五人。 所 處 者 後 請 步 仍以 專 然後知車戰之爲謀遠矣。 闕 用 ··, 益 卒, 騎 可 四 爲 毁 補闕之車 + 車 射之令,而 用 車 右 輕益速, 以 ·乘」。 補 也。 以 角, 取 爲 注: 也。」《左傳》宣公十二年,楚子「使 周 捷 步不 參 禮 行,五 速, 游  $\stackrel{\scriptscriptstyle{\vee}}{:}$ 爲 丽 陳 後 當騎,於是 車 車 然 左 一敗 世 以 乘 ,補闕者。」大鹵之師 亦 角 相 僕,掌闕車之萃。」 因 爲三伍 今改去車,更以 偏 之。 離, 必 塗 Ш 地, 爲 兩 所 趙 林 」,(原 於前 前 亦 以 武 險 拒 無 取 靈 阻 伍 注 注 Ŧi. 以 勝 之 王 人爲 潘 注 自 於 爲 專 於 地 魏 闕 黨

從之,不亦宜乎? 先王之用 有 殺人之中,又有 斬 首 終春 至 秋 兵,服 於累萬 二百 之 禮 者 四 而 焉 十二年, 車 戰 以 不 廢 此 期 車 而 毒天下 於 戰 首 多 之 功 殺 時 興 前 未 未 也。 民

世, 事 能 旋 之 日 然古 利 宋沈 於 爾 里 捷 人 括對 故 速 所 世 謂 神宗言:「車 今之 謂 兵 之太 車 民 者, 平. 間 輕 輜 車 戰之利 車 車 但 也, 重 叮 大, Ŧi. 施 見 於 日 御 於 無 折 不 歷

## 變雅

之間, 美,斯 明 夫《鹿 傳 其言伐商之功, 雅》之稱文、武,皆本其敬天勤 王 中興之作, 而 止 無 六月》、《采芑》、《車 鳴》以下諸篇,其於君 劣矣。」〔原注〕《正義 「言周室之强、車服之美 不曲 然則 當,而 何以爲 宣 盛矣大矣,不 王之詩不有侈於前 未嘗 「變雅」乎? ĕ El 有夸大之辭。《 攻》、《 「名生於不足。」 臣、兄弟、 過 也 民之意, 曰 合吉日 一會 ^ 采 言其 岂 朝 朋 者 大 觀 清 友 强

> Ļ 乎. 宣 祈 ! 父》之刺 幺 嗚 原 平. 呼 注 此 而 如 而 貪 《韓 太子 後 天 見之也 奕》之篇 禍 晉 所 古 以 尤 不 侈。 謂 待《沔水》之憂 É 我 傳 先 而  $\pm$ 周 厲 遂

#### 大 原

帝紀》: 子、「原 涼 陽 Ш 必 敢 其 漢 先求 縣 縣 在 信 地 書 屬 西 也。 薄伐 本 注〕吕氏 安定,在 《禹貢》涇水所出 其 涇 「段熲破先零羌於涇 地理 漢涇陽 以 陽 古之言大 玁 所 《讀 爲 志 狁,至于大原。」 在 今太原 詩 原 縣地,今縣 記》、嚴 州。《郡縣志 而 安定 原 後 者多 氏 陽 大 郡 詩 曲 原 有涇 緝 矣, 西 縣 毛、鄭 並 可 陽。」注: 後 四 者 **\***: 若 得 云。 陽 + 漢 此 縣 而 始 書 皆 里 原 而 明 涇 州 幵 愚 於 不 涇 也 陽 靈 則 朱 平. 頭 未 詳

之備 若 度使 子 陽 過 若晉陽之太 捐 百 歸治平高 治 魏 故 注  $\pm$ Щ 日 唐 平涼。 三,《春 一一 産 之言:「秦 料 一天子 V. 天 里,豈 城 也 漢 書 馬 武 下 民 爲 是 ,必不料之於晉 陽之太原,在大 對 璘 帝 「原 若 潰 于大原」, 表置 原 也 元 叔 始 計周 命我 秋 有寇從 原, 和 州 州 開 畔 向「宣 行 》「晉荀 書 朔 平 了; 亦 然則 則 年 原 地 涼 方 人之禦儼 其 州 城 又徙 郡 亦 郡 南 是 西 禹 外 於靈 治治 大 汾、 亦 彼 是 有 故 取 吴 不 來、兵乃東 貢 治 原當即今之平涼 平高。 雁 秦 臺之百 古 平. 以 朔 過 或 帥 臨 》 既 洮 河 門、 但 涇。 其 方 涼 閩 世 大原之名 師 狁 有 之東,距 雲 地 里城 障 隴 面 越 小必 廣德元年,没 敗 大中 修 中 西 北 非 近 又 大 狄 大 圃 出 在 九 三年 北 〈按《漢 晉 邊 澤, 于大 貞 ^ 原, 原,不 地 不 者 涇 爾。 或 元 周 陽 而 過 乎? 原之間 收 L. 京手 + 以 原 至 爲 語 也 吐 得 郡 復 大 九 書 蕃 處 二**,**及 于 禦  $\forall$ 關 年 原 Ì 耐 面 原, /原 岳 官 Ŧi. 隴 注 大 止 戎 故 示 後 徙 節

> 原。 爲 傳 原 濩 原 関澤 周 高 故 之大 大 則 平涼 平. 延 而 是 H 蔓 高平 亦 原, 太原。」 原 今之晉 有 乎? 者 太原 蓋 謂 古 阮 之名 之太原。」《 人 籍 「原 陽。 之 東 通 注 平. 稱 三司 而 賦 春 也 豈 馬 ×։ 秋 相 口 題 全 長 如 辭 以 氏 風 Ŀ 晉 振 曰 林 厲 高 之大 賦 尚 Ψ. 蕭  $\Box$ 書 條 原 布 太 大 太

克; 戎,至 敗 徙 逋 中 車 黷 不 也 者 率服,於是遷戎於太 蓋始 逋 興 屢 武 三 十 征 吾讀 之兵而 三十 今爲 三十 於 四 於 至 俞 + 九 人 泉, 穆 竹 寇 夷 三年, 爲 年, 年, 年,「伐 書  $\pm$ 而 王七年, 獲 徙 之征 紀 征 馬 伐羌 料民於太原」,其 戎之事。  $\Xi$ 之也。 年 千 犬戎。  $\forall$ 條 師 虢 原。 兀 而 戎,戰於千 戎、 0 公 知 伐 宣 懿、 則 帥 周 原 奔 太 六  $\pm$ 之 是 注 師 原 戎 之 孝之世 師 昔 伐 世 之戎, 111 畝 西 王 七 與 太 有 H 年。 師 原 後  $\pm$ 所 戎 雖 不 之 戎 漢 師 敗 號 内 以 無 禍

非 其世也。 僖 唐 適會其時者也。 書 蓋亦必有所傳, 之表者哉 之世,其患如晉之懷帝也。 騷。」蓋宣王之世,其患如漢之安帝也; 此一百七十六年。《周語》: 之申侯,至與之結盟而入寇。 於是關 帥 西 也 之宣宗, 羌之叛 一日之故,而三川之震,「檿弧」之謡,皆 師 西羌傳》並用 事 伐 中 六濟之戎,王 劣 如 之地, 大畧相 而 而 其 毛公者,豈非獨見其情於意言 [原注]《竹書紀年》自共 前 此。 周 文侈矣。 則好 人 戎 嚴 然則宣王之功,計 似。 得 事者爲之爾 之美宣,亦猶 尤以爲周 以 師敗 0 幺 書不 申 整居  $\pm$ 繒、西 得中 逋。 六年,「命 盡言, 戎之所 「原 其 策 戎方 和 間 蓋 「原 注〕自 魯 以後多可 强,王 不致 是 注」《後 人 亦 而 由 遷戎 以 之 不 伯 继 陜 之言 來, 室 信 論 頌 過 東  $\pm$ 1 漢 方 至

#### 莠 言 自 口

注〕祝 際; 言府,在庫言庫,在朝言朝 敘爲美談。 歡,遂乃告之君王,傳之文字,忘其穢 於小人,謔浪之辭不加於妃妾。 方,人安媟慢,宋玉登牆之見,淳于滅 賦《鶉奔》之詩是也。 倫 (原注) 欽 原注〕原 莠言,穢 無 明 君 郭 連 子 壤。 以至執女手之言,發自 舍 臂 言 人。 而 耐 齧妃脣之詠,宣於侍宴之 也。 或 歌 於是 命 萬 若鄭 隨之矣。 君子 歲 摇 ( ) [原 頭 享趙 ,狎侮之態 在官言官, 而 注 舞 孟 閻 自 八 知 臨 世 而 風 微 喪之 燭 尚 不 在 伯 ,「原 論 之 及 去 通 府 有

餘。

人

0 周 語 此 所引爲《國 語 鄭語》文,「周」當「鄭」之

知 録 集釋

變,何以復 莠言」也 衛 侯其不得 臧 孫 総見 或 !'」以糞土喻其言,猶《詩》之 人矣,其言糞 衛侯于郲, 退 土 而告其 也。 亡 人 而  $\exists$ 不

皇 父〔錢徵-士日 作都於向 事在 幽王 六年, 見

竹 書紀年》。《九域志》「同 州 有向 城 」, 即 此

鄶 縣西有地名向上,在今濟 晉之王衍, 而 室之將 者隨之而 之「多藏」者隨之而 大臣,而營邑于向,(原注 ,則其時之國 先去,以 王 傾 室. 也。 去矣,蓋 方騷,人心危懼,皇父 見中 爲 民 以 勢可 望, 原已亂 鄭 亦 去矣,庶民之「有 桓 源 則皇父實爲之首。 知。 縣界。 知 公之賢且寄孥於虢 ,乃説東海王越,以 一派左 西 然不 戎之已偪 傳》隱十 於是「三 顧 君臣之義 以 年。 柄 有 車 而 或 馬 事 解 之  $\pm$ 軹

> 心, 州 在 弟 外 有 澄 亦 爲荆 江漢之固,青州有負 千 而 吾 載 州,族弟敦爲青州,謂 而 留 符合者乎 此,足以爲三窟矣。」鄙 海之險,卿二 之日 夫之 人 荆

#### 握 粟 出

之糈。 之文, 也。』 注: 記・ 德,豈直數十 〔汝成案〕《日者傳》云 語 一言 爾。 管子》云: 日者傳》:「ト 古時 巫 而問 楚辭》云 〔惠氏曰 咸 將 用 百錢哉」,是問卜者兼用 卜者 下 錢 「守龜不兆,握粟而 巫 〕古者ト 願 未 咸 懷 亦 以 廣 將夕降 椒 用 義 而 《詩 糈要之,使 筮, 先用 置數十 粟。 有不 兮, **>**′< 懷 審 百 漢 筮者屢 精 椒 統 錢粟矣。 鑿 錢」,又云「此 書 不見奪 初 者 糈 之米以 中。 猶 占兹吉 愐 皆 要之」,王 然 此 無 享 凶之事 特 糈 神, 貨 ^ 偏 之爲 泉 史 謂 引

#### 人之子百僚 是 試

私

者乎 狩而 賢 其 周 尊,賤有等威,所 家吏道 公之法盡矣。 也,私人之子皆得進 勝其富」。 道,小德役大德,小賢役大賢。 之衰也,「政 年弱,尹氏之婣 材 i, 慎 縣 古人列之「六逆」,又不 孔 雜 新 至 , 魏 氏 名器,豈非人主之所宜 而多端,未 「原 私 候人 注〕左氏襄公十年《傳》。 是 以 以 人, 卓隸 賄 以 刺 削 而 成 辨 其 有不 而服官,而文、武、周 赤 一,而 材 上 芾 之屬 趨 瑣 賤 下 曹是以亡; 「官之 於危亂 但 而 妨 圃 也。 릲 仍叔、 貴 定 故貴有常 兢兢自 民 師 又其 之子 天下有 自古 者 小小 旅,不 志 也。 不 其 駆 譏 加 守 或

讎

#### 不 醉 反 恥

荃蕙: 度」, 以 同之士,保邦于未危,必自此始 狂,反以不狂 人役 下,有不尤而 敢對紂之失日。 此商 化 彼 也。 而 醉 之所 爲茅」,此楚之所 不臧,不 是以聖王重特立之人,而 一者爲 以亡。 效之者 狂也。 ·醉反 [原注]《韓 蘭 乎 恥」,所 ! 以 芷 以六千里 非子》。 箕子之忠, 變 卿 而 謂 1: 不 芳兮, 況 師 或 遠 中 而 師 苟 爲 非 材 而 皆

不

上  $\Box$ 天 繂,見 栽, 之 謂 《漢書 生. 載 物 ( 錢 徴 也。 揚 雄傳 ± 與  $\exists$ 箋 []《禮 異, 記 蓋 = 中 家 庸 説 鄭 也 註 亦 「讀 作

上天之載, 無 聲 無 臭。 儀 刑 文王 一,萬

於信 人子 何 ? 邦 儀刑文王」 作 乎。」 止 「爲 而 於孝,爲 己。 君 人 子 君 而 所 틴 止 人父止 一於仁 以 其「 事 · 天者 爲 儀 於慈 人 刑 如 臣 文 之何 與 王 止 或 於 ? 也 人交 敬 如 亦 公,爲 之 11:  $\Box$ 

## 王欲玉女

之國 之日 父,從 女,是 而  $\pm$ 聞之者足以 意 不敢 以以 則又不獨王之愎諫矣。 無治 事 用 民 大諫 勞》, 不 戒 臣 均 公 指 焉。 卿 而 本 斥 戒 白 召 怨大夫,所 而 也 猶 至於 執 穆 爲 之 事 公諫 是 岢 轉子 之人,故 言 我 亦 謂言、  $\pm$ 乎 即 監 于 之 ? 爾 謗 恤 之者 辭 謀, 之時  $\Box$ 然 聽 而 王 乃 而 無 我 託 亂 疾 呼 欲 罪 囂 君 威 祈 玉. 爲

## 夸毗

成。 於外 之臣 궁 : 毗,謂 「夸毗 正 爲 位 足 道者爲 重  $\Box$ 無 賢能,以直 以 者 以 以 以 反 賈 以 遺 佞人足恭,善 介直 ,體柔也。」「原注」《後 天之方懠, 怯言爲信。」「原: 凝 謂 自 善 民 强 悔 拱默保位者爲 滯 或 率 毅 尤し。 身 憂 以 及家 職 果 而 爲 言危 立 故 爲進 而 斷 召 静 且 仇 寖 朝 居正者不 天 無 之心屈 退。一天下 慎 敵 行者 以 寡 禍 爲 圃 默 寡 敢言之 注 明 夸 成 兄 積 爲 交 智,以柔 夏 漢 毗 抵 俗 達 教 於 狂 爲 畏 惟 書 侯 疑 中 其 愚, 慎 於 士: 體柔之人, 忌 湛 ^ 崔 故 弟 釋 時 有 大 駰 則 庭 以 白 以 父 順 傳 H 宜 訓 云: 循 職 訓 鮮 中 居 弱 安 當 注:  $\Rightarrow$ 之 事 無 身 易 斷 其 立 執 日 一夸 官 性 廢 方 子 咎 守 者 有 居 常 爲

是 作 化 言 所 苟 而 克 敝 得 書 而 原 長 以 が胡 從 爲 由 消 孔子亦云「吾未見剛者」。 體 慶集 行 口 而 注〗《宋史》本傳。 則 生 旋女》詩 屈 巧言令色孔壬 Ľ 謂 其 不 法者不 曰 與 一, 豈 實 ; 道,無 懇 原 | 沽名; 策 朝 世 切 疾 曰:「天寶季年時欲變,臣 不階於夸毗之輩 多 浮 黜陟之典, 通 楚國 而 羅 變其俗,必 沓 於事 沈 詳 衆皆濁 點 沓 觀三子之言,其於末俗之 盡 之士,謂 則 有 變。 矣。 之 而 日 궁 : 流, 己獨清 後 雖 有 至於佞 是以殿最之文,雖 E 將 量。 備 士保 之 無 使 乎. 而 所 衆皆 不 如 妾人人學 ! 然 容 則 諂 可 行。」「原 脂 則 國之人 容  $\exists$ 否 日 原 喪 默 如 立 注 之福 熾 員 亂之 韋 異。 己 則 樂 轉。」 皆 獨 注 到山  $\Box$ 天

若

居

#### 流 言 以 對

殄瘁, 起,由 宛之 言, 也。 作侯祝」者也。 「百升明月」之謡,以 則 小兒」之誦,所 成案 禁 何 難」,「 叔 皆 寇 中 其心多 君數問 彊禦多懟」,即 地 之流 由 明 賊 而 中 蔑 封 生 好 朝 進 疆 有 ? 所懟 新邪 勳 乎 言 聞 小 胙者 舊 内 以 事 孔氏 外 之徒 多 疾, 謂「流言 事 間 以 傷 於 莫 而 流言以對 於讒 周 小 疏《采苓》曰: 斛 上章所云「 裴度之元勳,而 不 而 怨 則 公 人也。」可 律 謗 獨 詛 假 而卒以 是 光 **\$** 窺 以 流 興 也 也。 之 尹」, 所謂 對 人 乎 言 人之云亡,邦 舊 下 主 以 彊 者也。 不 夫不 將, 一之情, · 矣。 中傷 「讒言之 禦」之臣 · 慎 有 而 根 哉 之, 侯 郤 之 坦 有 如 國

腹

此

汝

# 申 伯〔雷氏曰〕申爲方伯,非伯爵。《嵩高》之四

章 Ħ 爲方伯明矣 鉤 膺 濯 濯 惟 金路 有鉤 膺,上 公 九 命 所 乘,是

之世 焉。 紀年》: 此。 楚縣 已叛。 見黜 甫 徒論二王之得失哉 二舅之於周, 何 作《崧高》之誦。 申 矣。 有? 當宣王之世, ,周衰而 宋左師之告華亥 乃未幾 「宣王四十一年,王 伯,宣王之元 申侯乃與犬戎攻殺幽王。 「原 人亦於女何有?」讀二詩者,豈 注》《左傳》哀公十七年言「楚文王 申以 而爲 功 罪 弱 周 楚 不 舅也。 其孫女爲幽 所 師敗于申。」則 興 日 同 至莊王之世, 病,「 而 而 申以 女 立 其 戍 喪 功 所 强; 申」之詩 於 宣 王 而宗室,於 以 原 Ŧ 周 后 當 注》《竹 之末申 自 而 縣 平 取 申 而 無 申 爲 Ŧ 作 罪 吉 如 侯 書

## 德輶如毛

乎 ? 仁焉。」又曰:「有 言易舉也 我未見力不足者。」 德輶 如 故 毛」,「 曰 : 能 原 一 日 注」即 日 克己 用 輶 車 其 復禮,天下 力於仁 之「輔 矣 歸

## 韓城

號。 完。 口 縣 肅 東南徑韓城東。 有韓 不 日 辨 非  $\pm$ 侯城。」[楊 水經注》: ¬ 今 錫 也。」「原注」《魏 按《史記 韓 涿郡 侯, 氏  $\vdash$ ·燕世家》「易水 方 其 《詩》:『溥 聖水徑方城縣故 據《水經 城 追 書 縣 其 有 貊, 地 注 形志》: 韓 彼韓 奄 則 侯 受 周 城 城 范 東分 有 北 城北, 燕 网 陽 世 或 韓 郡 爲 謂 國 師 方 不不 梁 又 寒  $\mp$ 所 城

周

宣

 $\pm$ 

時

有

韓

侯

其

或

近

燕,

故《

詩

爲築 之。 城縣 之夷,而 子之言,亦以此爲不可 發 北 城 襄公封 在 紂都之理。 可 人」,齊桓 奕 庶殷攻位」, 北 民 界 縣 奕 曹氏 一,掌 竊 0 今順 陲 城者 於近甸 也 梁 之 疑 於 歷 蹶父之「靡 邦 Ш 遠 城 日 天 北 哉 梁 水 日 土 此皆經中 邢 州 者矣。 府 而 也 燕 [: ]武 經 Ш 蔡氏 不 已,豈有役 去 實實 固 量 注 南 召 曉。 安 燕二千餘 地 又  $\forall$ 過宋、曹 以 伯營申 爲 王子 縣 亦 舊 高 攷 遠 或 況「其追 司 爲 明 有 梁 云 説 近, 不 王. 空, 證 此 初 方 ·到」,亦 水 符 以 濕 二千里外之 遷 興 里,即 封 城 出 王 韓 〔原注〕《大全 水 亦 事 於韓 洛 潛 其 或 村 焉 命 或 徑 日 任 之民 夫 (貊) 乃 似 令召 以 在 而《 因 良 即 力, 論 其 謂 燕 是 漢 百 鄉 召 是 人 衆 所 之方 無 亦 公 時 州 縣 韓 東 日 載 誥 謝 + 北 當 爲 謂 > 役 而 召 韓 城 朱

> 城歟? 名偶 水過 世失國」, 遷於西 語》「應、 云 國皆有 」梁 衛 遠 韓 其 普 可 潞 既 Ш 西 耳。 縣 ,故王符 當 爲 韓不在」之説 (雷氏日 從 彼 在 梁山 此則 有 西 韓城 然則韓 有 梁 衛 則 韓 高 沿指其 燕地 Ш 傳 ,故鄭氏誤以遷國爲封國 滿 梁水 城 日 《路史 而 授,今以《水 IE. 所 其 始 之梁 所遷之國,近於《禹貢 燕 注 燕 當 封 地 伐 後 謂 之, 固 》謂 山 師 在 韓 亦 失其近燕之國 安縣之東 水 自 韓 古 遷 西 所 韓 城,至 其 東 有 於 完 也。 居 所奠定 逕 梁 幽 梁 經 海 Ш 宣 王 韋 北 Ш 之世 注 中  $\pm$ 昭 也。 者。 南。 其 時 水 也 謂 》之梁者。 爲定。 後 失國 徙 經 禹 潞縣 韓 漢 韓 封 蓋 注 韓 治 城之梁 於平 失於 時 於燕之方 此 ,今之通 冀 西 去 用 州 韓 鮑 江.  $\pm$ 北 水 **國** Ш 亦 之 邱 氏 而

恒、 州 姓

未

 $\exists$ 

箋 爲 姬 邑 姓 乃 名 云 之 按毛 焉 或 傳, 。」〔原注〕《 也, 梁 Ш 梁 後 一,今左 Ш 爲 左 晉 韓 傳 所 城 馮 》富 滅 皆 翊 辰 不 夏 言: 故 言 陽 大 邘 其 西 夫 地 北 韓 氏 鄭 氏

0 濕 水經 注》卷十三作「漂」,是

武之 官》「 故《 又「其 韓城 傳 説 爲 惟 彼 説 秦 所 立 至 河一,下言 左 鄭 謂 於 於 燕 韓 之不 召公爲 王 取 傳 法》答: 職 溥 也。 穆 或 或 少 貉 肅 燕 僖 燕 也 追其 濊 彼 /梁,始 方》「掌 東 之 隸 以 通 故 公 及韓」、又曰 則 綰 貊 韓 杜 梁 城 + 趙 原 竹 司 穢 氏 貊 用 故 注 城 得 Ŧi. "; 乃 書 商 貊 Ш 空 注 者 解 三,鄭 今韓 年,  $\mp$ 訓 云 紀 爲 但 几 之説 朝 皆 云 孫 古平 燕 説 年 鮮 云 涿 毓 燕 「寇深 夷 城 晉 在 征 師 以 韓,晉 九 真 亦 之地, 侯 郡 東 東 九貉」,[ 所完」, 經、 安時衆民之所 云。 平 (番之利。)《 貉 爲「安」, 可 及 者 矣」,是韓 方 北 北  $\pm$ 秦 即 地 謂 傳 益 城縣之山 不 + 今於梁 夷 伯 明 \_\_ 九 甚 説 可 四 原 戰 所 則 年, 原 文公十年 戰 在 漢 夷 難 于 注 兼 貊 獲 鄭 而 注 書 于 河 韓 晉 也 多 而 通 Ш 日 E 東, 韓 史 人 即 是 實 武帝 非 記 自 而 而 則 而 築完」。 大 亦 滅 ·, 晉 Ŀ 又《 東 非 貊 非 韓。」 漢 用 以 知 言 又 紀 此 一今之 字。 貨 夷 矣 矣 也 時 秋 巧 鄭 燕 其 注 殖 洗 按

公作洛 從」,本 城,王: 文,其爲 貉 自 城 城 此 或 不 爲 服 注 師 也 師 海 爲一北 韓, 縣, Ϋ́. 鎬 所完」,鄭 虔 , 得 子 自 玁 周 則 貊 説 因 ൬ 日 灣言 之。 東萊引《春 殆 符《潛夫論 安 禮 狁 是 謂 往 北 四 謂 於 未 燕 方 東夷 新五 淮 所 而 據 與 至《水 穢 垂 考 方 此 箋 必 師」二字爲 箋訓 夷 荒 民 詩 遷 漢 燕之去 逼 貊 種 然 行 與今韓 末 之韓 在 裔 穀不生」, 世 大 \_, 此 也。 就 如 秋 》亦 經 燕 和 無疑 稍 辰 添 言 鑾 》事例 注 其 會五 韓之北 之耳 韓 在 詩 言 爲 稍 貊 城 爲 矣。 今順 不 説 載 路 宣 其 此 隔遠 東 語 此 之,洵爲 非 安,云 詞 王 肅 亦 服 説 也 北 遷 貊,俗字 追 矣。 謂 云: 天 時 語 高 相 咸 者, 示 魯 其 方 蠻 等。 至 府 有 句 謂 頌 貊 氣 貊 應以 王 因 固 韓 允當。 「古平 陳 「其 麗 此 寒 無 今 亦 燕 肅、 至 也,本 安 侯 氏 又 沃 之證 間 涿 又可 服 淮 遠 貊 以 縣 或 日 與 後 沮 遠 郡 孫 安 魯 錫 夷 於 之南 貊 且 近 近; 奄 # 毓 時 作 方 追 韓 韓, 蠻 傳 溥 爲 非 燕 見 皆 西 城 衆 耳 受 説 貊 東 直 彼 也 義 Ш 民 不 安 近 縣 以 東 康 北 夷 韓 文 不 甫 此 莫 貊 然 得 府 儒 燕 所 窮 有 ジ亦 或 城, 成 謬 城 也 鄭 此 不 用 築 於 命 之 有 韓 爲 也 周周 也 齊 之 連 以 率 氏 完 燕 燕 其 據 侯 燕 大 説

明 爲 而 成

乎 ? 乎? 之。 之。 又周 然所 崧 追 著于 仲 燕 本因 辨 司 司 Ŧ. 居 Ŧ. 其. 高 率之以城 貊 心也,召 矣 穆 家 空則 此 衆爲 謂 空」, 謂 師 時 Ш 又 況 之。 也。 疏 王 六 經 職 司 甫 也。 燕 案 第 召 空 卿 傳 見 屬 耳 載 築 書 命 公爲 既 師 穆 公自食采 而 毛公。 獨 定 召 Ŧ 此 君 並  $\pm$ 韓。 周 主 又 公 康 華 世 牙 不 肅 城 者 無 四 師 書  $\pm$  $\vdash$ 召 可 爲 夏 屬 年。 公歷事 知 語 世 而 Ĥ 公 肅 空, 此 直 詳 身 蠻 宣 召 司 職 吕 謂 顧 謂 朱 不 于 言 是 貊, 見孔氏《書傳 尚 孫 公 徒 者 則  $\pm$ 記、 召 不 傳 與 命 之 畿 燕國之 非 文、 成、 未 毓 時 公爲 見 贵 燕 内。 謂 耐 成 焉 影列 也 朱 石 之説 武 必 松平 康之世 城 韓 其 師 丝 王 傳 經 安 諸 常 典。 司 初 然 若 民 謝 燕 Ŧ 時 皆 成 以 得 天 臣 居 空, 封 以 乎 蘇 則 召 雖 時 謂 燕 作 位 司 朱 子 而 時 ? 康 爲 公率之, 燕 番 公 使 È 召 爲 次, 召 貃 召 空 子 而 司 爲 爲 四 召 公之國, 爲 繕 召公爲司 公子 燕 氏 左傳 之 爲 蒙 之, 空者, 召 穆 燕 汝 司 Ŧ, 治 職, 或 世 注 此 侯 公 或 成 寇 公當爲 鄭 封 則 遂 孫 居 义云 案」 或 説 其 疏 復 已 況 召 受封 韓 所 桓 康 城 此 意 空, 者 之 説 作 公 其 陳 公 有 大 齊 用 云 叔 職 召 號 冢 當 《詩 「聃季 貊 氏 亦 約 先 則 特 之 未 Ŧ. 于 亦 耶 兩 氏 宰 矣 2 衆 爲 人 嘗 爲 在 世 使 當 大 可 命 燕

> 則 #

後 竹 懋 111 乃

至 以 者 諸

燕之與 之韓 焉」。 雷 至 以 志 家 而 曫 涿 燕 蓋 書 城 》所 Œ  $\mathbb{X}$ 往 此 貊 宜矣 既 郡 括 追 八韓路 賦 在 譏 贵 述其 以 近 地 此 云 方 燕 功 今 成 康 古 志 涿 城 是 城 訓 屬 西 亦 北 (先祖  $\pm$ 成 郡 丽 韓 此 縣  $\pm$ 此 役 安, 相 迫 同 司 十· 二 康成 或 誤 命 貊 有 侯 等, 曫 者 事 字, 州 往 誠 以 邑 又 韓 空 年 貊 猶 韓 舛 城 主 遷 侯 亚 似 非 義 誉 而 言 城 理 城 或 鑿 Ŧ. 誤 宣 稽 古 魯 度 惟 縣 勢。 Ш 甚 不 爲 當 王 師 度 土 勤 頌 南 矣。 是 一之時 見要 海 教 封 矣。 功 是 周 + 》傳 燕 經 有 國 護 遠 公作 師 八 攷 是 网 服 然 别 淮 里 非 國 ? E 城 信 以 韓 韓 者 同 有 爲 夷 韓。 率 洛 矣。 或 之先 **令** 貊 州 燕 古韓 曫 以 鎬 役 至 是 也 師 或 去 遠 衆 貊 徐 然 祖 Щ 築 燕 城 國 其 往 於 位 尚 地 韓。 甫  $\pm$ 史 謂 是 地 也 役 Ш 有 Ŧ 城 城 記 武 近 Ŧ. 事 淮 大 若 耐 疑 齊 餘 Ŧ. īfii 夷 燕 肅 而 Ŧi.  $\Box$ 然 里 者 括 燕 之 自 恒 服 行 Z

子。

今

鎬 闕 咸 獨 如

#### 如 Щ 一之苞 如 川之流

地 鎬

如 山 之苞 \_, 誉 法 也 如 Ш 之流 陳

0

謀,且 用 習,心志素定,如山 **Ti.** 陳。 法 之,若決水於千仞之谿矣。 伐 也 八六伐 故 猶 曰 古 作内 七伐 之 師 善 出 政 乃 用 以 以 師 律 止 之不可動 寄軍令」,使之 者 齊焉 • 又 能  $\exists$ 爲 摇 管 不 誉 而 子 愆 然後 耳 霸 後 於 出 目 能 或 几 素 之 伐 而 爲

## 不弔不祥

長,賤 語 不 横,皆國之不祥。 之三不祥 釁焉,妖不自作。」故 鳥獸草木之妖,其小者· 教、幼者不學」爲「俗之不祥」。  $\wedge$ 威儀之不類 荀 而 子》曰 不 也。」而 ·肯事· "「人有三不祥,幼 ·貴 武 ,不肖而 而 賢  $\pm$ 孔子對哀公,以「老者 日 人 勝 也。《傳》曰 月之告, 之喪亡,婦寺 殷,得 不 肯 事 Ш 二俘 而 [原注]《家 賢, :「人無 川 不 之變, 之專 而 是 肯 問 人 事

> 所逮 則 焉 時之士所以 成」、《詩》云 悲 者,皆少正 教 父,弟不聽兄,君令不行,此妖之大者也。 或 子之言,亦 武王避席再拜之。〔原注〕《吕氏春秋》。 妖 周 不學之徒 有 0 岷 見 妖, 也 日 五六 非 山崩  $\Box$ 書 若 見 卯、鄧析之流,是豈待三 其 「乃罔畏畏, 引領 + 滿於天下,而 而 星 或 如 大者也。 年, 國 憂漢哉! 而 有 彼 於 天 妖 哲 泉 雨 俗 咈其 平. Ŧ. 流 血 ? \_ 民 吾國 ,❷繫心於着德 着 無淪 情 《書》曰「 長舊 舉 之妖,子不 俘對 俘 胥 有 如 位 對 稍 以 此 人。」自 日 《書》載 日 有 習 Ш 敗 矣。 : 與 才 竭 也 聽 識 性 而 知 不 余 此 吾 笙

<sup>●「</sup>哲」「據《校記》、鈔本作「明」。
●「俘」、據《校記》、鈔本作「虜」字。下二「俘」字同

日知録集釋卷三

穀, 授 帛之冠,務 馬、野有餓莩而 古之馬政,皆本 方任能」,而 而有坰 魯僖 公儉 牧之盛。 材 訓 有「騋 以足 能 ·於田 農,通 或 用 者 功也。 牝三千」之多。 衛 商 也。 寬 文公大布之 惠工 以 吾未見廄有 愛 敬 民, 教 務農 衣,大 勸 然 學, 肥 則 重

## 實始翦商

也,猶《 之爾。 從有 百餘年,作詩之人特本其王迹 「翦商」之事? 太王當武 康誥》之言「天乃大命文王、殪戎殷 猶《泰誓》之言「命我文考,肅將天威 丁、祖甲之世,殷道未 僖公之世,距 所 基 太王 而 衰,何 侈言 已六

> 同。 無注。 也; 又似未審時勢,遂致諸家紛紜耳 翦商之志、未免以詞害意。 之類,不必深求也。 足以踐禮 成案」「翦」有 基,值殷宗之繼軌,雖天佑岐 知文王三分有二,猶合六州之衆奉勤 勞王事也。 天命未絶,猶是君臣。」「徐 也。」《詩》言太王自邠遷岐,始能光復祖宗,修朝貢之職,勤 人詠祖宗之德,追述翦商之功。] 惠棟曰 也,亦後 去」,于《閟宫》訓 見《左傳 詩》、《書》追原受命之本,每 本朝邵氏《正義》以爲「踐」之通,引 爲訓 人追言之也。 璈 按: 社 數 亦 訓 注者則 「齊」,鄭訓 習氏之義,證以 牽 徒以朱子據以注 强。 爾 雅 削也」、「盡 其 又實之以商道寖衰,周日强大, 周, 餘 斷 釋 張子曰 諸 惟 詁 亦 有溢 訓 璈 不得 雅 也 雖 日 辭, 勤 「勤」義小 于商。 論 ; 習 》訓及惠氏之解 小 : 遽云翦斷矣。 也 《爾 語 此 毛傳于《甘棠 有 「踐修舊好」、「不 鑿 》,爲太 亦「靡有孑遺 輕 齒 當太王之初 雅 釋 重、大 日之間, 異,而郭 를 : 言 王因 剪 一》「齊 意 昔周 汝 訓 氏 則 勤 則

## 玄鳥

讀經傳之文,終商之世,無言祥瑞者。

祖 卵 卵 妖 於郊禖而  $\exists$ 上 而' 而 \*,非 一:「玄鳥,鳦 有 天 生 而 大 而 獨子長之説,其來舊矣。 焉 娀氏女簡 戊 而 修 生 德者· 之祥 慄慄危懼,蓋 契, 可 生契,故本其爲天所 以 不 有二焉 桑 破 一級,配高辛氏帝,帝率與之祈 鳥 亦 。 高 史遷之謬矣。 也。 矯 宗之雊 誣 湯 則 春分玄鳥降。 要毛公之説不可 之甚 之家 知 監 雉 乎 法 於 命,以 楊 惕 也 夏 ? 0 於 氏  $\pm$  $\Box$ 毛 玄鳥 天 湯之先 簡 之 一簡 氏 之 狄 矯 狄 見 至 傳 吞 誣

## 敷奏其勇

謂 問 懼 非 天 也 而 大受之人,驟 錫 失其 敷 之勇 升 奏其 陑 守者,此 矣。 伐 勇,不震不動,不戁不竦。」 夏,創 丽 何 公孫 當天下之重任,鮮 以 未 能之?  $\mathbb{H}$ 有 所以 之 事 有 其二上 而 動 不 疑 心 帝 不 之 恐 苟 口 臨

女,無貳爾心」之謂乎?

如?「震驚百里,不喪匕鬯」,近之矣。「湯、武,身之也。」學湯之勇者

宜

何

## 魯頌商頌

儒謂 也 之形容,以告宗廟。 大 不獨《春秋》也, 禘」,亦同 克作之。」 已,而列之《周頌》之後者,魯人謂之《 爲下不倍」 謂之《頌》,夫 其 夫子尊魯 舊文,述而 原注 詩》之次序,猶《春 | 然春 〕鄭氏 此 秋 義 列 也。 而 國 雖 子 不 卿  $\sim$ 進 襄公時,季孫行父請 六經皆然。 大夫賦 作 孟 安得 春 之爲《頌 子 魯之《頌 也。 秋》書「公」、書 詩, 不謂  $\Box$ 秋 ^ 無 頌 》之年月, 》,是不然。 及 〉》者, 之《頌》乎? 》,頌 其 今人以 此 四 文 命於周 篇 美 則 其 爲 盛 史。 君 夫 頌 而 子 聖 郊 魯 世 而 德 中

稽古 也。 以夏、繼夏以商,三王之道若循環,終則又始,《易 殿 也。 以三《頌》、《春秋》之通三統 終、《春秋》于是始。 待 是《春秋 者于斯,一 濟之義也。 南 于文王。 者之迹所存也。 而 人 鄘 風》先乎《雅》? 者,謂 聖人。 》終《騶虞》,《春秋》之始元終麟 作 》、《衛》、《春秋》之故宋也、《王》次之、《春秋》之新 變雅始于宣王之征 列 院 魯頌》先乎《商頌》、《春 此 書,必有驚 救周之文敝,宜用殷之質也。 Œ 》之通義也。 首基之以 之事 最學者之大病 質一文,當殷之尚忠,敬文迭施,當夏之教 王者損益 世 明 皆 人 王者之迹熄,而采風之使缺,《詩 得 著《詩》、《春秋》之相終始 二《南》、《春秋》之大一統 讀 失, 《春秋》宗文王、《詩》之四始莫不本 欲 孔子序《書》,特韞神恉,紀三代,正 因革之道,三王五帝不 世 伐。 紛 書 等 絶俗之見,此是以私心 百 如 更, 〔原注〕《宋史・張 《春秋》之内諸 也。 秋》之寓王也。 Ŧ 王介 也。 《周 知 也。 來者, 〔劉氏曰〕《詩 甫 南 託夏于 變風 纔 》終《麟 莫不本于《春 夏而 也。 也; 人貢 始 相 魯 頌 外吴、 于《邶 襲,託 赏以 趾》、《召 風 終運 明 ※終 》于是 者, 方平 商 何 繼 也 未 周 之 Ŧ 以 E 周 爲 楚

也。此皆删述之微言大義也。秋》,即莫不具于《詩》。故曰《詩》、《書》、《春秋》,其歸

代之詩,故次之周、魯之後。」「原注」《汲 從魯而謂之《頌》, 之矣:「大師所職者,當代之詩 然而《泮水》之文則 曰「魯詩」,不謂之《頌》矣。 孔子,魯人也, 商 列 何以 國之風,何 在魯之後? 以 此 固 無 如魯史之書「公」也, 日 ···鲁 ? 「魯侯」也。 日 草廬吴氏嘗言 大師 也。 陳之,固 商 則 冢 先 周

## 詩序

書》「伊尹朝獻

商書

|附於《王會解》之後,即

其例

也

詩 也 必皆孔子所正。 一,而 也, 《詩》之世次, 而 次 於後。 次 於前,「召 序 且 者 必不可信,今《詩》 如 不 伯 褒姒 得 營之」,宣王之詩 其説,遂并《 威之」,幽 王 亦 楚 之 未

24

於後; 然也。 茨 藻 矣 》、《采菽》十詩,皆 ^ 信 《 绿 裳 又如《碩人》,莊姜 南 裳 衣》、《日月》、《 Ш 者 st華 ^ × 甫 ^ 田 爲 桑  $\approx$ 刺 扈  $\sim$ 終 初 大 出出  $\approx$ 風 歸 田  $\pm$  $\forall$ 鴛 之  $\approx$ 事 莊 鴦 作  $\sim$ 也 瞻 姜 失 而 恐 彼 ^ 位 次 魚 不 洛

據 公薨後 康 故 公爲太子時作 此 鄭 詩 事 當 氏 也 在《燕 謂 一, 而 燕 + 次 也,而 》之前,下 月 於前 之交》、《 次於後; 篇 此 放 从此。」《 皆 雨 經 《黄 無 渭 有 正 陽 明 鳥  $\approx$ 文  $\approx$ ^ 小 穆 口

州

吁

而

作

也

而

次

於前。

[原注]朱子《日

月

》傳

而

作

燕

燕》,送歸

妾作

`, <

擊

鼓

 $\approx$ 

或

人

恕

耳 旻》、《小宛》皆刺 有 「豔妻」之云,自當是 而《 左 氏 傳  $\Rightarrow$ 楚莊 幽 厲 Ŧ 王之詩、「原注」《十 漢興 王之言曰 之初 師 武 移  $\mp$ 其 作 第

涥

之交》

月 南 補 在 在

年 繹 武 ·」。」今詩 思 我 其 徂 卒 維 章 但 求 日 以 「耆定 『耆、 定」,其 定 爾 爾 六 功一, 功 日 其三 綏 章 萬 爲 邦 日 《武 屢 敷 豐 時

> 《采 王之詩 錯迕者甚多,如《小 前。 越。 虞惇按: 所 而 之交》四 《文王》、《大明》之後。 Ш 綴 《采薇》、《出車 謂 其 厪 》八篇及《黍苗 蘋》、《正 ^  $\overline{ }$ 知今日之《詩》已失古人之次,非 也 儀禮》歌《 而存之,未必皆孔 亭 雅》 爲 篇 林顧 考, ^ 賚 氏之説 義》以 頌》各得 之經 之前。 **\***, 雅 召 其 文及史傳,皆當 篇, 常棣 最爲有見,「三百篇 爲《采蘋》舊在《草蟲》之 南 蓋經 六 應從 靈臺》,民 氏 其 **\*** 爲 》,閔管、蔡,成 之舊矣。 秦火,簡 所」者矣。 (嚴 序 篇, 桓 》陳古 始 越《 作 編 附 至 章 刺 刺今之説。 殘 文 於 草 幽 脱  $\pm$  $\pm$ 次 1 《楚茨 蟲  $\pm$ 時 時 漢 前 復 太 詩 詩 > 非 儒 後 夫子 僕 而 相 也 也 刺 掇 世  $\Box$ 取 隔 厲 1 拾 而 次 而

日 知 録 集 釋 卷 三 终

## 日知録集釋卷四

篇於周太師,後

又亡其

七,夫子因

而

存

之。

使

《魯

春

秋

存,夫子有所取

義

而託

始於隱

,是因筆削

《春秋》,反使

崑山顧炎武著 嘉定後學黃汝成集釋

## 魯之春秋

殷之禮、杞、宋不足徵、夫子惜之。 其盛世之事以爲法,顧獨存其衰世之事以爲戒耶? 之《春秋》皆存,則周 存,夫子因其存者修之,未必 始伯禽,何爲始隱? 周之所以王也。』」〔原注〕《左傳》昭 云〕韓子觀《魯春秋》,此未筆削之《春秋 曰:『周禮盡在魯矣,吾乃今知周公之德與 觀 書於太史氏,見《易象》與《魯春秋》, 春秋》不始於隱公。 初禮樂征伐自天子出,夫子何 疑當時《魯春秋》惠公以上,魯史不 有 所取 正考父得《商頌》十二 晉韓宣子聘魯 義 也。 业。 公二年。〔江氏 使伯 《春秋 禽 不存 以 夏 》當

《春秋》無此文、《坊記》云然者、禮:夫人初至,必書于策 《春秋》曰:『雨星不及地尺而復。』君子修之曰: 『星實 尼修《春秋》,以犯禮明著,全去其文,故今經無其事。」此 若娶齊女,則云『夫人姜氏至自齊』。 卒。」孔穎達 攷。 者,古之良史也。 同、征伐之事 禽之封,以 又夫子《春秋》與舊史不同之一證也。 蓋直云『夫人至自吴』,是去夫人之姓 亦當書曰『夫人姬氏至自吴』,同姓不得稱姬,舊史所 子之言曰:「故《魯春秋》猶去夫人之姓曰吴,其死曰 雨。』此傳文之可據者。 「筆則筆,削 惠公以 《詩》亡,孟子就當時之《春秋 然亦有 前二百 可 《春秋疏 則 攷而 洎 削 餘 皆在 」,魯史之舊本無存,故 年之事皆無 於 知  $\cong$ 中 者,如公羊莊七年《傳》曰: [原注]《孟子》雖言「《詩》亡然後 焉,故 世,當 又有見於他書者。 「《魯春秋》『去夫人之姓曰吴』 》推説耳。 徴, 日 贵 周之盛 「周禮 聖 直 此 人之心 〔左暄日〕《春秋 書 蓋必起自 孟 筆削  $\Xi$ 子初至之時 朝覲、 《坊記》載 」,而成之 吴而 哉 之新義莫 不修 二孟子 迹 伯 書 會 夫 如 熄

不書 大不 書,其 其 勝 者 自 子 所 子 Щi 之義,不可書則辟之,不忍書則隱之,不 自 言 謂 閻 春 書 者 所 書 起 也,惜乎其書之不 惠公以上之《春秋》, 以己意脩之,所謂 謂 懼 隱 之禮 氏 秋 春秋 多于 |者,常 可, 則省之。 不 自 一發凡 日 》作 一述 公以下,世道衰微,史失其官 可 而脩之,自惠公以 一按 所 mj 經,杜 伯 書 書,以 表 後 以 人之所 而 禽」與「成之古良史」哉! 然 杜 言例 目 也,是故《春 亂 辭 辭 不作」者 元 不 其 所 注曰:「此言凡例,乃周 必 有 有 凱 應 輕 所常不忍、常不可 表 不 詭 ,皆周公之垂法,仲尼 據 伯 其 書 , 聖人之所 春 正 īE. 禽至孝公二百 微 ௱ 知 秋 則 秋》 也。 書者,皆隱其所 所 經 所 不當書者,皆 ·存也。 作《 書, 傳集 無空文。 謂 固 重。 上之文無所 禮 自隱公以 以 春秋 夫子所善 解 禁未 所 也。 (莊 序 春 書 Ŧi. 又《左 》, 便 [又日]《春秋》之 然之前 秋 公所制 》上也。 + 知 書其 足 侍 從 辭 大不忍,辟 年 所 菲 若 書 郎 而修之,何 知 日 下, 傳 不 可 可 則 ,於是孔 全 記 不春 禮經 也。 而 ⋛春 隱 事 書, 去之, 改焉 無 去、 之史 從 然 則 秋 紀 凡 以 七 叮 其 也 **一**又 秋 之 則 載 孔 所 見 必 省 所 年

等, 抑 唯 化 恩 焉,于所 其爲東周」,又見于不狃之召; 言《春 辭 内 廩 以 秋 加 不志者,有 辭 (又曰)《傳》曰 言,不如見諸行事之深切著明也」,又曰 舍魯何適」,復見于《禮》之告子游。 廩進 益 吾 春 損之文辭,不 外之治,明 觀夏道。 有屢于一公之策書者, 》緣 。 斷 此 有 廣 Ŧ. 秋 見三 秋》。 禮義以致太平,用 秋》繼「王者之迹」,行「天子之事」,「 十二公之策而列 ; ∰ 升平,于 心焉」。 義 見世 記 愈 也。 世, 曠 等之不著,義將安放? 亂 微 隱,下  $\pm$ 爲邦而兼夏、殷、周之制 而 有 而 所 憂天憫 化之漸 于 其 可 「親親之殺,尊賢之等, 解 聞 見世 所 志者,不可不察 以 春 至 于 四 傳 書 秋》之文益 哀, 世,有 見 聞 人,不得已之心 之, 見 施詳 所 坤乾之義以 有屢于 以 治 世 聞 也,故 則 制 太平,此 見 世 略之文,魯 傳 夏、殷、 + 義 撥 痛 聞 治。 七十子之徒 法 亂 其 也。 Ti. 公之行 年 始 述殷 禍,于 爲 又一 世 故 〔又曰〕《史記》言: 周 故 治 既 之策書 有 分 愈微 吾 道 禮  $\Box$ 劉 百 道 以 若 + 所 義 于 所 皆不 我 所 氏 狀 世 大 告顔 知 是 刺 所 傳 用 而 也 莫不 生 者 我 日》《孟 П 如 其 世 欲 聞 者 譏 聞 夏 足觀,一吾 春 也。 罪 將 行 受其 淵 載 # 有 以 時 由 世 有 褒 秋》之 事,而 我,其 見 著 爲三 之空 是 見 殺 之等 曠 吾 子 也 義 辨 治 其 春 而

統之義以貫之,故其例此通 趙汸、崔 夫使無口受之微言大義,則人人可 漢書》言: 子方何 必 一仲 不 尼 與 没 游 ᅦ 夏同 微言 而彼礙,左支而 識 絶,七十子 惟 以 屬 其 詞 無 喪 張 比 而 事 大義 耐 世 得之。 通 乖。

# 春秋闕疑之書

圭《春秋論》,大約言不以日月爲褒貶,不以爵 闕 得之傳聞 文之誤 聖人之明,千歲之日至 之」,《傳》曰:「不書朔與日,官失之也。」以 大旨 官失之也。」僖公十五年「夏五 冬十月朔,日有食之」、《傳》曰:「不書日 布算,以補 文,聖人不敢益 有三: 孔子曰:「吾猶及史之闕文也。」史之 而 不登 無 日 從 明 其闕,而 於 取 分 史策者乎? Ē 義,二 也。 者 乎? 夫 曰著名實, 《春秋》桓公十七 可 子 坐而 不敢 況於 「楊氏 致,豈 月,日有 也, 列  $\exists$  $\Box$ 號 Œ 或 況 為爲子 〕宋吕大 幾 之事 難 於 微 食 中 攷 耐

筆十 刺譏,爲 聖人取百二十國寶書而損益之,其大致則略同 傳文采於簡牘,簡 《正義》曰:「經文依史官策書,策書所無,故經文遂闕 聞 其 不悉書備載、春 而不作」,述文王也, 游、夏之徒,不能改一字。」蓋魯史記之文本録 秋説》曰:「孔子作《春秋》萬八千字,九月 則 侍郎曰3《春秋》博列國之載,因魯史以約文。 已。《左氏》之書,成之者非一人,録之者非 之記注乎? 且.  $\Box$ 史之所不書,則雖聖人有所 事則去之,不審 春秋之信史也。 義不可斷,皆削之而不書。書則斷之者,斷則審之者,故 其政,遂可以百二十國之寶書增入本 《春秋》,魯國之史也,即使歷 世,可謂富矣,而 而削 八萬世 法,故曰 削 [原注]成公十三年「公會諸侯伐 者以筆見,筆者以 秋 . 牘先有,故傳文獨存也。」〔劉氏曰〕《春 其 存闕文而 盡 非 非記事之書也。 文則 削之,其 述魯也。 存之, 傳 夫子當 不益,實其所不 存什 魯史記之例,常 削 之萬 一于千百,以 見 不 時 或筆一 世 知焉者。 屈 未 聘之餘 而 脯 伸 削 必見 變化, 于所不 内 而 書 不 也。 ,故曰「述 成,以 口 削 而 著微 事 百 秦 亂 略 不審 以 不 必必 **在** 也 審 也 也 或 能

故不能 書族; 舊 不待告,告非其 其 伯髡 城之不名者 義 史之所無 使 頑、楚子 宋殺其大夫山 費一詞 人 深 傳聞 思 也。 (人,雖 而 闕 也 不 自 若乃 麇、 去族 也。 省 勝 言 曹 悟 而不著」。 簡 齊 大夫、宋大夫、司 改葬惠公之類 應 脯 原注〕齊 書,是 侯 問 書字,疑 陽 以 唯 窮 生之 崔氏 以 其 游 皆 奥, 從舊 夏 前 出 實 能 故 奔衛 史之闕 不 知 日 史之 弑 之,知之 馬 書 去 知 而 、 司 名 者 其 文 書 鄭 而 人

也。 以 赴以卒, 待 察也 原 其 注 比之疑獄。」《 弑 邵 也 傳 氏 티 : 聞 云 一赴以 爾 左氏 也 卒則 当出 傳 聞 卒,赴 不 於獲麟 勝 以 簡 弑 書 則 之後 是 弑 以 書 弑 網 而

之解 謂 羅 浩 已有此書,夫子據 經,於所 博,實夫子之所未 不合者 亦多 而筆削之。 見。 曲爲 乃後 之説 即《左氏 之儒 一; 而 者 似 經

> 子 子 不 張 乎,脩《春秋》之法 云 乎: 多聞 闕 疑 亦不 慎言 過 其餘 此 贵 特

公主 而 先壬戌十二日 正 之,而一從周 采 子 列 爲之説 氏未薨 其不出 夏盟,政交於中國 國之史而作者也。 《春秋》,因魯史 一, 平 於 陳侯鮑卒爲「再赴」,似皆揣 正。 王崩爲「赴 人明 自 而 惠 矣。 脩者也,《左氏 「則以 公 故所書 以 以 其 前 庚 謂 列 晉事 戌 國之 賵 則 , (原 仲 閒 史 子 用 自 傳 摩 注 爲 文 夏

### 正正

自 禮 來 物 尚 舜 矣。 「三正」之名, 以 則 前 ^ 知杞用夏正,宋用殷 微 必 子 有 之命》 以 見於《 建 子、 日 Ħ 建 統 誓》。 Н. 承 爲 正 先 Œ 蘇 王 若 者 E 脩 朝 以 其 覲 爲 其

言

,皆郢書

|燕説

而

夫子之不能逆料者

也。

愈

多

而

是

非

靡

定。

故

今人學

春

秋

之

生之論

遂

以

聖

人所

不

知

爲

諱

是

以

新

説

國各 殺 歲 以 汲 兼行之矣。」杜 享,猶自夏焉。』且 守 Œ. 之十二月。 隱公之元年正月也,皆用夏正建寅之月 斗文字,記 致伐于商,改 王 月」,而《傳》在上年之十一月。 十一年,晉 舜典》「協 E 溪《春王正月辨》云: 之正 至曲 其 首 縣 ,則不可 司 有 用建子 ·; 則 世子 編 人 所 沃莊伯 、發其 年。」 朔 時 用 申 正異 貞 爲紀。 也 晉 解。 周 故 預《 IE. + 生,經 今攷《春 界 公劉當夏后 (械,以 之正 日」,即協 或 《周 。 莊伯之十一年十一月,魯 年,里克弑 獨 春 〔原注〕三正之所以 内 晉 禮 起 是晉 舊冢 秋 垂三 「《汲冢 之用 》有正月,又有正 朔,其於本國,自 書「春 自 後序》曰:「晉太康 此 秋》,僖公五 殤叔,次文侯、昭 統。 寅,其亦承唐人之舊與? 不齊之時月。 爲 之世,而「一之日」、「二之 周 得 姬 其君卓,經書「正 至于敬授民 書》云:『亦 古書,皆簡 姓 而《傳》在 之 一歲,周 異者,疑古之分 或 (沈氏日 年, 時 越我周 時二正實 而 用 巡 晉 編 上 用 其 中 狩 Ŧ Ŧ. 爲 夏 年 侯 科 先 水

H

之冬。 夏正 殺其大夫至鄭父,經書「春」, 毛云:[三正 曆》推之,爲魯文公十 老人言「臣生之歲,正 爲「九月、十月之交」。 丙子朔,虢公醜奔京師 而漢初因之、非誤也。」正同。 井」乃「秋七月」之誤〔沈氏曰〕毛云:「秦正 月壬戌。 侯,經書「十有一月壬戌」,而《 曆 驗昏旦,此 以錯 又晉人用夏正之見於《傳》者也 , 何 與《 則 十· 五. 互. 史記》「漢 遞建 如 經、傳之文或從夏正 非用夏正不可。」 以 此 氣 年,晉侯及秦 諸 候 事可 「原注 分 至有 元 通 〕羅泌以爲 而 難 年 月 襄公三十年,絳 齊 冬十月,五 獨 而 僖 年三 也 甲 此 伯 ト偃 公五 推 子 戰 而 《傳 1 測 ,或從周 《傳 偃 傳》則 月 朔 于 對獻公,以 占 》據 以 年十二 驗之事 甲 韓, 》在 鶉 晉 沈 星 史,經 子 以 爲 獲 氏 建 聚 E Œ. 多 朔。 日 長 月 縣 東 用 則

周

所

僖公二十四年「冬,晉侯夷吾卒」。 杜

推

此

例,但 也。 氏 君入國 告惠公之薨,以 人,〔原注〕《傳》曰:「秦伯納之,不書,不告入也。」而 注 得 疑 書列 「文公定 此經乃錯 之日,反 國 君卒, 位 而 爲 上 簡,〔沈氏曰〕毛云:「《春秋 不書列國 而 舊 年 後告。」夫不告文公之 之事 君 即 立 爲 世 君 一之年,非人 今年之事 , 此全經 盡 然。 `, 新 》恒 情 至

者,丘 建酉之月,周以爲冬,宋以 『冬』、《傳》謂 用三正,参差 秋 隱 明作 劉 公六年「冬,宋人取 原 書雜 父曰:「《左氏》日 之『秋』也。」攷宋 不一,往往 取 當時諸 而 爲 侯史策之文,其 長 迷。 秋 月 葛 矣。 用殷正 故經所云 與 (經不 傳》 作 則 口

據者,以夏正紀時也。」來朝」、《傳》作「春」。劉原父曰:「《傳》所來朝」、《傳》作「春」。劉原父曰:「《傳》所

声」。經在九月,《傳》作七月。 文公十六年,●「齊公子商人弑

其

君

春王 事繁,固 夏正六月,禾亦未熟。 有錯誤。《左氏》雖 踐之。」終是可疑。 徒兵,取其 則麥、禾皆未 之麥。秋,又取 隱公三年,夏「四月,鄭祭足帥 周 著書之君子所不能 正 月, 禾 熟。 而 而 成周之禾」。 還」,亦 閒 四 按《傳》中雜取三正,多 發 有 年秋、「諸侯 其例於隱之元 失 注云:「取者,蓋 在「九 於改定者。 免也。 若以 月」之上,是 之師 爲 師 年, 周 文多 敗 取 正 艾 温 鄭

卒。

晉之九月,周之冬也。

(原注)蓋懷公遣人

踰年之告,則國

亂多故,並

從

緩赴,非

錯

簡

也。」當

在

三年之冬。

<u></u>

傳》

曰「九月,

晉

惠

公

❶ 「十六年」,據《春秋》,下引文在「十四年」。

桓公七年「夏,穀伯綏

來

朝,鄧

侯吾

離

### 閏月

過 十二月,螽」,仲尼 申 + 故 月 月 錢詹事云: 推 閏三月爲非禮 月 成十七年,襄九年,昭二十年、二十二年。 禮也」;〔梁氏 有閏,故譏之。 百餘 指可 之,不 ,昭二十年閏 也 ,司曆過也,再 也。」並是魯曆。 七年「十 置閏。 年 西法改用定氣,每 左氏傳》文公元年,「於是閏三月,非 應 來從 「古法用恒 此 不獨宋、元以 兩 不可 無閏十 近曆家置閏,惟正月、十二月罕見。 八月,皆違歸餘于終之例。 月 曰〕《左傳》紀閏者六:僖七年,文元 月乙 示 解。 置 失閏矣」; 哀公十二年「冬 一月、十二月、正月者。」襄 氣,以無中氣之月爲閏,一 閏 或謂 曰:「今火猶西流,司 亥朔,日 氣長短不齊,冬至前後氣 春秋時,各國之曆亦自 也。 前 周之三月,夏之正 即 攷齊、梁以 明 亦 有 有 食之。 閏 獨文元年 來亦多有之。 正 而 月 《傳 閏 月 歲十二 辰 公二 不不 》獨 最 以 + 閏 短 在 曆 理 得 譏

注,杜 月。 記》: 百 歲氣周 分,月行及日,必四 及日,謂之一月。 日月全數爲始,于前更無餘 謂之步 終。」孔穎達曰: 以 有六日。 杜 年 蒯 夫胥童」、《傳》在上年閏 之一證。 有不 履端于始. īĘ. Ŧi. 以爲「從告」,非也。〔錢氏曰〕文公元年《傳 閨 瞶 十四日, 「秦宣公享國 預曰:「步曆之始以爲術之端 自 月。 哀公十六年「春 同者, 有三百六十五 ·曆。」 步曆 月 有 日月之行,又有遲速,故必分爲十二月,舉中 戚 成公十八年「春 也。 餘 [原注]上有「冬」。 入于衛 是少十一日四 經 日,則歸之於終,積 「日月轉運于天,猶 日 之始以 過半者,謂 特 百 十二年,初 行遲,月行速,凡 九十 據 日 四四 衛 爲術之端 魯曆書之耳。 分日之一,其十二月 九分,是過半二十九 侯輒 分,以此 主 分日之一,未得 一日 志閏 正 王正 月 首,謂 皆魯 來 于曆法分爲 月。」此 月 侕 ; [原注]上有 二十 日 首 如人之行步,故 奔」,《 己 爲閏,故言 爲術 月, , 
春之日三百 曆之上元, 九 失閏之證。 卯 各國曆 晉殺 之端首 H 氣 《傳》在 拿衛 | 原 過 九百 周 半 周 歸 法 其 月 世 <del>-</del>+= 惟 今一 四 故 必 推 六 餘 不 細 + 以 + 史 于 而

月。 減其 終 月 四十 九百 十四四 篇 觀 不  $\Box$ 也 氣所在,以 前 + 言之, 史記》、《 開 應 其 周 Ħ 氣 百 則 積成一 有 之日爲十二月, 杜 此 月 後氣相去三十 八 八 四十分,則四分之爲二百三十五分。 H 文説非 文穎曰 每月惟二十 年十二月 十 三 。 預 意 後 朔之與 百二十七分,少一 H 内取二 又得 歲 漢書 説 九 九 當 月, 爲此月之正,取中 只 月。 百 也 謂 取 餘 少 月節 其整日惟有十一 四十分,惟有八百二十七分。 百三十五分,當 》于秦時 則置之爲 有 分三 有 弱 若以律 左 時 蓋秦之曆 餘 餘 九 傳 律 + 日 日則 每 則每月常三十日 百 分三 日 曆 餘, 所 曆 月賸 餘 四十八。 及漢未改 日 廢,不 歸 謂 閏, 百 百 每 廢 法 所 于終,積 四十 不知 前 一十三分不成十 歸 故言 · 氣以 月 以 應置閏 知 H 參 卻四分日之一,餘 朔 餘于 日,又以 差, 然者, 閏 閏, 八。 其 有餘, 後 秦曆 二歸 正月,故言 者 朔 (四分日之一, 而成閏 終』耳。」 謂之後 氣 是 餘 餘 者 相 則當徑謂之十 之前 所 餘分一 漸不正 于終』。」〔又曰 總致之于 去二十 計 月 有 今于餘 歲 並 有 按 餘 是一年 既 九月。」 月及日 早早正 屢 無置 百 師 H H 餘 得 書 九 歸 但 分二 古 也 \_\_ 分 分 歲 後 于 日 之于 閨 師 + 觀 爲 有 日 于 末。 仍 百 中 月 餘 此 古 九 中 在 分 餘 有 百 爲 Ŧi.

> 《傳》文上 所譏 其閏在· 置歲終者移之或 預以爲 三,閏當在十 晦」,昭二十二年「閏月,取 年 此 預當 所 兩閏不在歲終、《傳》有 以 終之解。 閏月,渾 置 注甚明。 自是秦曆,蓋誤以置閏歲末傅會 兩閏皆 文元年,「閏三月,非 月之後,則未知其閏在十 閏 閏當 一十月 「曆法閏當在僖公末年,誤于今年置閏 作 月, 按文元 有 門 八 與? 良夫與太子人」,經、 惠 在 在 春 後 月 Ŧi. 歲終。  $\pm$ 歲 年之閏、《漢志》謂失之前, 月 秋》經、 人乃謂 春或秋,恐亦 下 日, 終 崩」,哀 + 後, 而 有 譏 而 文六年「閏 其 + 月 傳 古法閏在歲終,失之甚矣。 明文。 之也。 在三 五年 餘 月,孔 與? 禮 所 前 八 也 載 無是事 城」、《傳》文上有「十二月 閏 月 閏 0 一月與? 九 十二月與? 穎 春秋魯曆 昭 惟 傳 月,葬 閏 故 月,不告朔 劉 達 三十 也。 成 月, 歸 歆以 上有「冬」字,則 以 傳 + 爲 年 餘于終」之文。 齊景公」,哀 除 七 秦 閏 杜. 爲 日 雖 十二月 閏 襄 年 「是歲 非 漢所 不 在 氏謂失之後 .月,殺 ,蓋時達 俱 九 禮 IE. 八 閏 不 年 傳》 與? , 如 月 書 也 閏 得 月 閏 後 宣 後 曆 未 + 在 Z 以 餘 而 月 姜。 也 師 Ŧi. 僖 九 應 者 杜 + 知 知 冬 卯 依

也。

年

七 + 知 杜 歲

春秋》非之。」則以魯曆爲周 史記 周 襄王 二十六年閏 曆 非 也。 月

而

古 月 此

非

其度。」 子不 平. 曆 書 周及魯曆,其於《左氏》之言失閏,皆謂魯 一蓋本 Ė • 律 班 東遷以 朔。 曆志》「六曆」有黄帝、顓 劉歆之説。 魯 曆 後,周 不 īĘ, 置 朔之不頒久矣,故《漢 [原注]《五 閏 不 得 其 月, 行志》: 頭、夏、殷、 月 大 周 小 衰,天 不 得

## 王正月

鼎 九月」。 得秦權者,亦有『王正月』字。以是觀之, 爲法,不獨魯也。」李夢陽言:「今人往往有 則書『王』,説者謂 月乙亥」、「原注」《集古録》、《博古圖 《春秋》『王正月』必魯史本文也。」言「王」 而 曰『王十月』,是當 廣 而論之曰:「聖人作《春秋 川書跋》載《晉姜鼎銘》曰「惟王十 謹始 時 以 諸侯皆以 IE. 端。 載 此鼎並 今晉 》,於歲 尊 王 人 作「王 作 首 正

> 月。 鎛鍾 「王」之一字爲聖人新意,非也。 古圖》載《周仲偁父鼎銘》曰 者,所以 而不作,信而好古」,亦於此見之。〔原注 銘  $\Box$ 維 别於夏、殷,並 王. 五. 月 辰在戊寅」、《敌敦銘 維王 無他義。 五月初吉丁亥」、《齊侯  $\mathbb{X}$ 劉原父以 子曰 維 述述 Ŧ. 博

以 Œ 告 朔於諸侯,諸侯受之,每月 於 趙伯 廟,所謂 循 曰:「天子常 稟正 朔也,故 以 今年 奉 冬班 月 日 朔 三 王 甲 明 Œ. 子 年

月。

明者、《傳》以一字盡之矣。古人解經之善,後人辨之累數百千言而未古人解經之善,後人辨之累數百千言而未

天子,則謂之「正」,而復加「王」以别於夏、《傳》「一月,周之正月」,猶《豳》詩言「一之日」。已爲「正」、《武成》「惟一月壬辰」是也。〔原注〕未爲天子,則雖建子而不敢謂之

### 殷 春秋》「王 正月」是 也

#### 春 秋 時 月並 書

言月; 之《尚 時 秋 月 不書時」之説 魄」、《畢命》「惟十有二年六月庚午 「三月惟 月壬辰」、《康誥》「惟三月哉 甲中》「惟三祀十有二月朔」、《武成》「惟一 孟 方》「惟 〔則不言時。 津 有 獨 , « 月、 書》, 春 並 《伊訓》「惟 Ŧi. 金 秋 舉 丙 有 月 縢》「秋,大熟,未 **\*** 午朏 如《泰誓》「十 時、 時、 日 其 丁亥」, [原注]朱文公荅林擇之,亦有「古史例 月 他 月 多是義 者 元祀十有二月乙丑」、《太 鍾 並 《顧 多士》「 鼎 以 書,於古未之見 古 例 其. 有三年 命 文 所 爲 》「惟 生魄」、《召誥 穫」,言 惟 多 存,不容於 編 三月」, 如 年 春, 四 之史, 此 朏 月 時 大 哉 會 則  $\sim$ ^ 闕 春 多 有 生 攷 不 于

> 於夫子者,非 不容二年 」爲名 也 自 書「春」,元年乃不書 原注]或 當書 也 時 疑 夫子 且. 如 隱 特 筆, 公二年,「春,公會 春 是 不 是 然。 知 謂 舊 以 史 戎 時 既 冠 于 以 月 潛 春 出

秋

矣。 天 子 以 統。 即 爲 《後漢書 春。」元 建子之月 爲 春, 陰 熊 朋 而 陳 生 來《 書 於 寵 傳》曰 Ŧī. 午 春 經 即 説 : 爲 此 **>** 天 周 日 秋, IE. 人 此 建子 謂 陽 之 之 生 謂 春 於 周

#### 謂 爲 元

或 初 也 秋 無 先 》第一段義,所 《春秋》 此 楊 Œ 意 龜 其 山《苔胡 心。 原 深 注 明 其 此 謂『元者,仁 其 康侯書》 説 本之《漢書 用,當 似 太 自自貴 Ď 支 董仲舒 :「蒙録 離 也,仁,人 者始, 矣, 傳 恐 示《春 故 改 臣 心 元 謹

辭之所 + 紀 故 代 月 初,以 按、《春秋 年『冬十月,隕 聖人不爲 地 五. 忠、質、文之尚 發明 「元」義,亦 成 斗 正月」,不 案」謂 事是 各 起 月隕霜, 三代之時,惟 統,以辰言 行之道也。』周據天統,以 緇 據 其 謂 之端 紀 也。 大也。 一統 中。』其時爲冬至,其 爲 Ė — 謂 日 也。 元 月,故 乃其 連 固 元之意,一者,萬 正 未 年」而 謂 也; 貫 明三統常合而 霜 若 嘗 不 朔 ' '; 循 時 夏爲正 Á 誉 爲 鑿 殺 謂 日 必 夏據 日元 也,不足爲 作 人 室, 元者,視大始 菽」,若以 環 以 星 自 孔 春 紀。 夏 天子 無 織 子 年 秋 人統,以 時 端, 也。 元日」,義必 》 始 謂《 女之紀指 物之所 冠 Ŧi. ,然不 出 三代 不 時言也; 春 迭爲首, 辰 而 異。 夏時言之,則 星 月,如定公元 從始 欲 可 改 秋 爲 起 人 日 īE. 有 事 增 Œ. 周十月, Œ **>** Η. 其 本 也。元者 牽 以 取。 月 朔, 言 損 朔 也。」〔汝 初, 周 商 周 牛 董 耐 也 也 據 環 之 恐 IF. H 如 Œ E

> 秋 >>, 爲時 氏》于 月、二 不可以覿 也 乃 而 夏八月」耶 桓六年「秋八月壬午,大閱」,實夏之六月,農事 ]。] 〔原 夏 使人信,不 王之春 隱元年 月須書『冬』,而三 之八 武,故 注 」熊 大書 月,若 , 而 以 使 Œ 朋 人疑。 不 春 月 來 時 亦 以 亦 王周 書。 月 云 : 夏時 時 若以 乃可書『春』爾。」〔汝 Ŧ. 正月, 如 「若依 之正 謂夏時 夏時冠周 冠 所 月 月, 夏 以明《春秋 也。 時 冠周 當 周 月則 孔子之作《春 月者, 月 日 之説 成 秋 謂之何? 》所書 何不 案》《 + 方 則 盛 月 書 左 Œ

爲 始謂 爲元 自 已 稱 不 先後遠近,莫不以歲月一二數之,乃 [然也。 如 云『一』,而曰『正月』。《國語》言六吕曰 重 元 孔子 年, 事。」徐 ·蓋古人之 此 Ŧi. 常事 代 〔原注〕 ·書元 雖暴 史・ 無 爾 〕元吴萊本此 黨 年爲《春 君 漢 "; 孔 語 注 昏主、妄庸之史,其 本 爾。 曰:「古謂 子 紀》論 未脩《春 1秋》大 及 作 《改元論》。 後 日 世 法 : 歲之一月,亦 秋 人 曲 ,遂以改元 學之士, 其 君 其 理之 記 謂 前 即 事 位 古

吕伯 也。 元 而 首 也。 抵 \_, 其 古 爲 始名之哉 閒 「原 [原注]《書》「月正元日 恭《春 元,始欲深求經旨而反淺之也。 人言數多 謂 大 注 之元 吕 秋 惟 ! 講 元 蓋已 不云 祀 周 説《 義 + 易》 <del>》</del> 日 有 春 久矣,豈 列 秋》者 : 月 一命 不獨 六 Z 命祀 丑。」年 爻 日 乃 孔 謂 日 以 以 言《春 子 年 元、《虞 元,商《 紀 爲 作 初 日 九 元 秋 春 辰 也 》謂 訓 典 秋 之 大

#### 改 月

尚 尚 爲 春 尚 白 黑 正 月 書大傳》之言甚明。 爲正,殷以季冬月 三代改 以 以 原 雞 平 注 鳴 日 Ĭ. 月之證,見 爲 爲 即 ΙË 朔 朔 月。 0 周 殷 夏 於《白 以 以 爲 其言 以 + +正 + , 周 日 虎 月 月 月 以 通 爲 爲 爲 仲 夏 Œ 正 IE. 所 冬 以 色 月 色 色 孟 引

傳

三祀十 「原 也。 也。」 +曰十有二月,孔氏以爲商王之建子月 承十二月而言,即 名十二月矣。 萬 尚 六月,三年  $\vdash$ 月,不名十三月矣。 伊訓》、《 月 日 火出 月矣。 物 注 赤 爲 蔡 一一伊 改月 周 ·有二月 不 Œ 湯 傳 以 于夏爲三月,于商爲四月,于 以 齊 史家皆 -服闋。」未嘗以 崩 訓 夜 之證 踰 太 殷以 īĒ. + 朔。 半 月,太甲 朔改 莫 甲 惟 如 正月也。」「沈氏 爲 傳 月 》「十有二月」之文,以 夏以 十二月爲 適 元祀十 此 而 與 日 朔 月朔不改」,其 書 帥 爲 所 孔 十二月爲歲首。 位,奠 湯以 Œ 統 有二月乙丑 「原 傳 十三月 不 不合,亦未 注 殯 即 元年 以 故 Ē, H 洪 而告。』《太甲 名 二朱 必 + 説 周 是 邁 爲 即 , 伊 正 月 非是。 以 爲 氏 也  $\vdash$ 月 楊 Œ 月,不 名 後 尹祠 Ŧi. 尚 崩, 月 有 左傳 正月,不 爲 氏 書 即 微 至 于先 \_**,** 其 中 胡 日 埤 明 正 此 名 名 之 门秦以 爲 氏 月 》梓 傳 Ŧ. 據 的 惟 月 商 IF. 引 語 亦 慎

月,日 得 年 月之證 漢之十月耳。 事之文皆是追 理 辰星去日率不過一 十月,五星聚東井,當是建申之月。 行朝 耳。 儒 師 後記 注 證 十月」,師 春 也。 所謂 地 古之論亦未見其必然,大抵三代有改月,有 一,師 自 正月壬辰,山 統 則 當當 歲之禮,史家追書十月。」「原注」漢 他 事 爲 然則 胡胡 有質家、文家之別。 古曰: 當以 不 在鶉尾,故太白、辰星得從歲星 皆類 正 者追改之,非 氏失之。 然。 五星以秦之十月聚東井 古曰: 月。 建丑 过改,惟 夫以「七月」誤爲「十月」,正足以爲秦 此。」《 「凡此諸 之月 茌 今此真正 / 漢 兩次,今十月 (沈氏日 縣 此 爲 漢時 言 書 叔 īË 事 黄 • 孫 當當 龍 失於追 | 魏 以 月號 高 尚以十月爲正 見。 通 時 十月爲歲首 月,定曆改年,爲孟 月,當時 而從 志 帝 傳》「諸 本 改, ,皆太初正 于 劉 耳。 明 稱 紀》「春 是 歲 攽 遂以秦之十 也。」按此足明 帝 有司 秦之十月,今七 星於東井,無  $\Box$ 也。 紀 侯 謂 奏,以 不改 按曆,太 羣 之 景 楊 īE. 月,故 元年 曆之 臣 四 即 月 氏 月 夏 爲 人 月 初 朝 月 謂  $\Box$ ĮЦ 改 久 漢 元

> 祠、蒸嘗、巡狩、蒐田 春 月。」此 夏秋冬、孟仲季月雖 魏人之改月者 、分至啟 也。 與 又曰 īE. 歲 閉 不 班宣 「改大 同,至 一時令、 和 于 暦 郊 中 Ы 祀、 氣早晚、 景 迎 初 氣、 曆 礿 其 敬

### 天王

授民事,皆以

正歲

斗

建爲曆數之序

天耳。 氏曰〕吴、楚之王不通于天下,顧 「天」以別之 「天王」,以當時楚、吴、徐、越皆僭 尊」是 尚書》之文但稱 也。 也。 〔楊氏 趙 日 云不 子 因  $\Box$ 諸 王」,《春 稱 氏之言 國之僭,王 天  $\pm$ 非 是。 秋》 稱 者自宜 以 王 故 則 表 ->(楊 無 加 日

# 邾 儀 父

稱,若直書其名,又非 邾 儀 父之稱 字 者 所 以 附 待 庸 鄰 之 或 君 之君 無 爵 也 口

故字之。 於子、男而 曰:「秦仲以字配國者,附庸未得爵 與蕭叔朝公「原注」杜 「原注 進於蠻夷之國,〔原注〕卵犂來、介葛 二《詩 序 □◎車 鄰》,美秦仲 解:「叔,名。」非 命, 無諡 可 也。」孔氏 稱。」 也 卑

界楚荆,絶長補 之費縣; 夏父。夏父五分其國,而 豈. 賦 居郎」,據此,則邾非 子」、《世族譜 邾,肥徙郎」,宋衷注云「邾 子,天子殺顏而立 皆以邾爲附庸國、未確。《公羊傳》謂 克」,而夫子改之爲「儀父」也。 同一例也。《左氏》曰「貴之」,《公羊》曰 「褒之」,非矣。〔原注〕此亦史家常例,非舊史書 不能 六百乘,二國嘗 自達于天子者 西 有訾婁、 》云「夷父顔 短,地方百數十里,有郳、濫以 其弟術。 相 蟲、類,●在今之濟寧; 附庸可知。 難」,且其 有功于周,其子 以濫封 顔别 天子崩, 地 〔雷氏曰〕《左》及《穀梁 《傳》言「魯賦八百乘,邾 封 東 術。《世本》謂「邾 小子肥于 有翼、偃、 術 邾 仍致國于顔 友别 婁 北 顔得罪 , 那, 爲 離姑, 封 爲附庸,此 界于魯,南 爲附 于天 在今 之子 顔居 小 庸 邾

邾儀父稱字,附庸之君也。「郳犂來

來朝 又下矣。「白狄來」,略其君之名,又下矣。 稱名,下矣。 「介葛盧來」,不言朝

#### 仲 子

盧書名。

母仲子也。」文公九年:「冬,秦人來歸僖公 也。」此説得之。《左氏》以爲桓公之母,桓 傳》文。仲子者何? 惠公之母、孝公之妾 注:「妾不得體君,故以子爲氏。」按「妾不得體君」、《儀禮 文宣太后。 成風之襚。曰「僖公成風」者,僖公之母 惠公仲子之賵。 者也。 也。」〔原注〕猶晉簡文帝母、會稽王太妃鄭氏之稱簡 隱公元年:「秋七月,天王使宰咺 《穀梁 國學明教臧燾所謂 傳》曰:「母以子氏、「原 曰「惠公仲子」者,惠公之 「繋子爲稱,兼明貴之所 來歸 注 成

風

曲

子; 娶于齊。」而隱之夫人又是子氏。二傳所聞 四年《傳》:「周公及武公娶于薛,孝惠娶于商,自桓以下 所以然者,以魯有兩仲子:孝公之妾,一仲 之母,惠公之妾。繫妾於君,較之繫母於子,義則短矣。 皆遠於人情,不 未立 不同,故有紛紛之説 惠公之妾,又一仲子,〔原注〕左氏哀公二十 ,而以夫人之禮尊其母,又未薨 ·可信。 [原注]《公羊》亦以 而 爲 桓 賵

人子氏薨喪終之歲,必不疑于惠母矣,是以不嫌同 于桓母未亡之時,必不疑于桓母矣,一書考其宫于君 曰〕魯仲子之有二也,前後異焉。 不言惠公者,承上文而略其辭 不稱之曰「惠公仲子」也。 而猶有如《左氏》見之僻也、聖人所不及料矣。 此 亦魯史原文,蓋魯 **奉** 有 「考仲子之宫 兩 秋》以爲 也。 仲子,不得 (姚刑 書 稱 歸 部

姜」,「衛莊公娶于齊東宫得臣之妹,曰莊之諡,以明所屬。」如「鄭武公娶于申,曰武《釋例》曰:「婦人無外行,於禮當繫夫

不順」者矣。
公、而不得繫於莊公、抑所謂「名不正則言公、而不得繫於莊公、抑所謂「名不正則言公、而不得繫於孝公、成風繫僖姜」是也。妾不得體君、不得已而繫之子。

僖母成風,宣母敬嬴,襄母定姒,昭 所謂「惠公仲子」者,惠公之母 姜,皆不見 君」。 其他若隱母聲子,桓母仲子,閔母叔 惟哀母定姒變薨言「卒」,不稱「夫人」、「小 歸,皆書「薨」書「葬」,稱「夫人」、「小君」。 不書「葬」。昭夫人孟子變薨言「卒」,不書 出姜不書「薨」、「葬」。隱夫人子氏書「薨 姜不書「逆」,不書「至」,文公、成公不書「生」。 文夫人 姜、成夫人齊姜、皆書「薨」書「葬」。「原注 文姜,莊夫人哀姜,僖夫人聲姜,宣夫人穆 「葬」,不稱「夫人」。 春秋十二公夫人之見於經者,桓夫人 於 經。 定母 其妾母之見於經者, 則經、傳皆 也。 母齊 一聲 而

書 别 君 葬,夫人之義從君者也」。《春秋》之例,葬 《穀梁傳》:「夫人者,隱公之妻 左氏》以爲桓母、《公羊》以爲隱母,並非。 禮 則書,葬君之母則書,葬妻則不書,所以 之輕 注謂 二年「十 重也。 隱 弑 有 賊不討 二月 隱 見存 乙卯, ,故不書」者,非。 而 夫人薨,故葬不 夫人 卒而 也。 子 氏 「原 不 薨 書 注

# 成風敬嬴

失自見矣。定姒〔原注〕定公十五年。 則秦芈氏、漢薄氏之稱「太后」也,直 之,舊史書之,夫子焉得 之書「夫人」,書「小君」, 原 注〕劉原父曰: 成 而 風 敬 不 書 嬴、 「姒氏爲哀公之母、定公之妾,哀未成 「夫人」、「小君」,哀 定姒〔原 而貶之? 注 何也? 襄公四 魯 年。 未 在 有 邦 君 書 後 人 齊 定 也。 姒 111 稱 而 歸

不成喪也。
君,故亦未敢謂其母夫人耳。」孟子則并不書「記

#### 君 氏 卒

國,微之,故不名。 伯 氏; 爵,内 也。 之卒也詳,志内諸 之奔,其例也。〔惠侍讀曰〕天子之外諸侯,嗣 也。 者凡五: 亦有不舉名者,又何如? 非一,故繫之君以爲 之,從《左氏》爲是。不言「子氏」者,子氏 」,僖二十三年「杞子」,成十六年「滕子」,皆不名,皆小 或稱其采,則以采爲氏,皆不稱爵。 諸 〔原注〕公羊、穀梁二《傳 若天子之卿, 「君氏卒」,以定公十五年「姒 侯, 隱七年 禄 也,故 「滕侯」,八年「宿男」,莊三十一年「薛 侯之卒也 强而不名者惟 卒 稱 則當 或赴不以名,則書,尹 氏。 略。 别,猶仲子之繫惠 ~作 其王子 舉其名,不但言 外 「尹氏」。 諸 ,而凡四見焉: 侯之卒,微 《春秋》志外 弟, 則 「楊 氏卒」例 也 以 氏 氏 · 故  $\pm$ 而  $\exists$ 成十 子 不 諸 卒 崔 氏 公 杼 爲 稱

稱

君 作

氏

是絕不爲親 卒」、「尹氏立王子朝」、「尹 伯」,始終貶之而不名,則聖人之情見乎辭矣。 傳》曰「夫人孫於齊,不稱姜氏,絕不爲親」,然則 不名。 年「秦 滕、杞、 者尹氏 ,皆有跋 名達也。 微國不名者 君氏」,何 而 故 尹 不名,秦, 不名,故 齊崔 諸侯卒名而葬 伯 薛皆名。 不稱姓」,其 氏亦不名,其卒也以氏卒,一 内 《春秋 一人而 男、滕 扈 一, 昭 也 諸侯之卒者三人: 氏皆 不臣之心,故《春秋》三書「尹 其後晉主夏盟,扶而存之,因得以其名 可 以 》志 Ŧi. 子、薛 也? 른 如 强 乎? 爲 世 年 内諸侯之强 宿 或 内外諸侯之卒,皆臨之以天下 一卿,或 譏。 秦 或 如如 説 也。 傳寫 不 伯 H 三《傳 雖 伯 杞,如 名,卒告而葬不告。 然則 秦伯 氏以王子朝奔楚」; 弑 惟 定 合於《左氏》,然左 訛 譏 **誊**、稻 其 也。 世 外 尹 如尹 薛, 》皆 君,或 九年 杞子,皆不名 卿 諸 氏、王子虎、劉卷, 司 説者謂「君 如滕,皆陵夷衰微,不 侯 也。 氏,外諸侯之强如 名,餘皆不名,貶之 信 秦伯 稱 亂 也,奚獨於尹 爵  $\pm$ 爲此説者,蓋 擇其 IIII 室、《春 氏\_: 告者,告 之母 不名者,又 ,其卒 尤 氏 尹氏、《左 四 善 莊 不 一尹 氏,故 書 秋 年 者 其 稱 而 氏 元 也 達 從 皆 姓 年 氏 秦 稱 於 以 Щ 若君 即 也。 也。 孰是? 之。 薨」,是 來 非 奔 《傳 隱 有 氏 以 禮  $\pm$ 

疑之?

爵

卒。

何

説

稱 周

氏

而

故

伯 四

名

尹氏

名。 天子。

以

伯 故 能

聖人之志乎? 是説,近儒皆如是。 以氏之而不名? 之不奔喪也。 之重臣,故 夫不書卒,此 卷、王子虎, 一喪,尹 赴者,以 〕王子虎 《左氏 《春秋》以 》稱「王子 JI: 讓 是隱公母,則隱二年「十有二月 相 氏 魯何人? 帛之使 《左氏 氏焉得 接,斯 故 È 》謂 貶 其 即 從 喪,王子 脯 當 何 而 虎 叔 以 諸 IF. 》謂同 獨 〔汝成案〕君氏、《左傳》以爲聲子,先 不 即 恩相 以 不 服, 有 主喪? 0 侯 君 吾君主尹氏 公羊子曰: 若爲桓母,桓未爲 卒此二人,蓋 與 僖 書? 名。 玉帛之使 之禮, 《左氏》據國史,二《傳 文元 奔 然不若《公》、《穀》作 外 <u>-:</u> + 虎 及矣,則恩録之乎? 盟乃弔、弔 天王之喪爲常事, 諸 〔莊侍郎 主 古者束脩之問不 年來 公羊子 侯 盟,劉 然不應 九 通。 者 年 而録 會葬者,公、穀二《傳 盟 譏 也。 則 來  $\dot{\exists}$ 卷 曰〕「尹氏卒」,天子之大 春 預 世卿, 翟泉 其卒,則 書,從之可 赴 主會, 秋 書 尹 「天王崩, 君, 則 氏 È 於 者, 世 往弔之,故卒 則 Z 會 耐 故 八 獨 「尹氏」者當也 出境,王室 本 卿 奔 以公奔 經 卯,夫人子氏 年 是惠公之妾。 不 無 È 「卒」之。 喪見 也。 非 書「王 前 書 聞 盟 師 諸 禮 也。 傳, 不 喪録 矣。 諱 似 諸 侯 也 之主 生主 大夫 其説 他 Ŧ. 獨 侯 **又** 左 其 何 年 之 室 劉 不

氏而 年書 何以 不爲大夫也。 夫尹氏,斯更穿鑿。 氏非昭夫人孟子比 母,則君氏爲尹氏決矣。 子氏薨」、《公羊》以爲隱母,此《 貶去其姓明矣。 公之母也。」即 氏 書薨,而 無 冠以君,則言不順 不稱夫人? 哀未君也。」《穀梁傳》曰:「妾辭也,哀 「姒氏卒」、《公羊傳》曰:「定姒者何? ∴傳、 穀 母則不書,又去其姓,不辭甚矣。 定公十五 梁 曷知之,隱不爵大夫,穀梁氏已著其説矣。 隱 淡以 然則莫善於《公羊》説 以攝 也,亦 爲隱之妻。 外 故謙不爲君 大夫不書卒,即 而名不正也。 若以君氏爲隱夫人,隱夫人子 何緣 《春秋 絶 若然, 去其姓? ,從妾辭 》達例 若毛西河解爲 則 隱與 也。 妻尚 也。 俱 隱二年「夫人 而書,亦 哀公之母也 且以 書 歸 子氏爲隱 夫 爲 夫 人、 魯 鄭大 人人之 不 書

國齊有君王后 然則去其「夫人」,即 之,對曰:『君夫人氏 公二十六年: 或 疑 君氏之名别 左 師 爲「君氏」矣。 也。」」蓋當時 見夫人之步 無所見。《左傳》 馬者,問 「原注 有 此 稱 戰 襄

君氏,隱之母,惠公之繼室,妾也,故書「卒」。 夫人子氏,隱之妻,嫡 也,故 書 「薨」。

童子

亦

知

其

不

可

矣。

然

則

 $\equiv$ 

國之降

焉

以 羽,所謂「猶 未遠,嫡、妾之分尚嚴,故仲 層踰 不書 ,於經可見矣。 葬 秉周禮」者也。 者 何 ? 春 秋 子别宫 之 僖公以 初 去 而 後,日 獻 西 六 周

# 滕子薛伯杞伯

少師 子來朝」,張無垢、胡康侯謂貶其朝桓。 之者,言及之則名之,名之者惡之也,惡之 則名之焉,盡之矣。 下猶今也,崔呈秀、魏廣微,天下之人無字 至於名,盡之矣,降其爵,非情也。古之天 桓最迂。 杞侯之降 · 降 滕侯之降而子 貶之者,「人」之可 其 而 尚 伯 書 而子 而 爲 也,薛 也, 貶之乎? 若降其 侍 郎、 侯之降 也, 郎 (少師 (楊氏 中 名之可 而爲太子 「原 員 而伯 日〕貶 注」「滕 也。 其 也 雖

티 : 伊 於諸 何 川《春 ? 侯之政 沙隨 伯 秋傳》略 男 也,而使從公侯之貢,懼 程 而 同 氏 自 以 昭公十三年 貶 爲:「 焉 。」「原注 是三 平丘之盟,子産争承 弗給 一孫 或 明復 者皆 也。」哀公十三 (已有 微 此 国, 説

矣。 邾,宋人請 薛、 解《吕 秋 男,則  $\vdash$ 更貶號曰 如 而 小侯,屬之。 之世 君。 杞猶 故魯史因 滕、薛、郎、吾 氏 將半 春 「原 一, 律 君。」此著於《史記》而 邾以 滕, 是也、「原注」襄公二十七年宋之盟、齊 秋》「衛 注》、史記 皆 成侯十六年, 稱 屬 而 於吴, 不 役也。」則不 嗣 公矣,及 與 書之也 君」曰: 衛世家》 盟。 而 如 定 衛更貶號 邾 「秦貶其號爲 其 公元 惟 以 後 末 自 事 人尚 昭 貶,且 年, 晉。」皆其 也  $\Box$ 公時 城 有 侯。 爲 貶 成 不 君。」夫 大國之私屬 知 周, 而 嗣 證 者。 台 君 也。 侯 宋 彊 Ŧi. 人請 高 仲 滕 年 貶 衛 誘 幾

子; 杞、小邾之上,[原注]齊世子 大 小 或 或 彊 貧 則 則 齊 滕、 世 薛、 子 光列 杞 降 光 於 八會諸 而 莒 稱 邾、 侯, 伯 其五 滕 稱

> 《左氏 小 會 邾 16 Ė 序 諸 》謂 + 侯之下。 以先至 年 再 至 會、又進在莒、邾 而 襄公十 進之,亦託 年 伐鄭 Ŀ 之會,在 辭 時 焉 爲之也。 爾 薛、 杞

### 闕文

年

- 黄

(池之會,子服景伯曰:

「魯賦於吴八百乘,若爲子、

不書首月,杜 無 甲子,桓公三年至 月 昭 鮑卒,甲 而 几 王」之説,竊 人之脱 年 「王」,桓公五 耐 公十年十二月無冬,僖公二十八年冬無 無「月」,桓公十七年冬十 闕冬一時,「原注」《公羊》成公十年闕冬十 有壬 桓 漏 公四年、七年闕秋、冬二時,定公十 -戍有1 也。 申、 氏 《釋例 以 日 1 「原 爲夫子於繼 年 而 Н. 议 注 春正 一<del>,</del> 桓 爲闕 無 九年、十一年 〕莊公二十二年夏 事 謬 公十 ,皆春秋之闕文,後 月甲戌,己丑 隱之後 《穀梁》有 <u>,</u>四 Ĥ 有 年 Ŧi. 至十 有「夏五 朔 而 月無 書「公 「桓 陳 七 事, 而 侯 户 無 年 無 ൬

即 貶 邪 位 則 桓 之志見矣,奚待 去其 王 以 爲

聖

人

豈

爲

之哉!

不然,

則

甲

戊二、

己

丑」、『叔彭

生」、『仲孫忌』又

何

爲者?

後

世,推

不

誠

伯

高之心,是

不

誠

於

後

世

也

若 闕 古 之爵,無所可貶,孰有貶及於天王 i i i 以 已公之矣。 文 商 也。  $\pm$ 人而 其 一使榮 [原注]文公五年,[王使榮叔歸含且賵],同 錫 書 桓 叔來錫桓公命」,不書「天」, 齊侯,〔原注〕文公十五 商 而 臣 貶之,則桓之立,《春 而 書 楚子, [原 邪 年。 注〕文公九 Ŧi. 秋》 等

言「姜」。 宣公元年,「 生」不言「仲」,定公六年「仲 齊」,不言「氏」。 何 ]同,皆闕文也。聖人之經,平易正 僖公元年,「夫人氏之喪至自齊」,不 此與文公 遂以 7 夫 四 人婦姜至 孫 年, 忌」不言 叔 大。 彭 自

之闕

文者,

筆

則

筆

削 ?

則

削

何

獨

闕

其

所

不

闕

文

歟

 $\Rightarrow$ 

春

秋》之闕

文歟?

如

謂

魯

史

日

而

邵

或

·賢〔原注〕實。曰:「『夏五』,魯史之

必

疑,以示

後

世

乎

闕

其

所

不

必

疑

以

示

文也。」 故『夏五』、《春秋》之闕文也、非魯史之闕

年,總 案自襄十 其父爲侯,進大司 而習《公》、《穀》者遂謂紀本子爵, 《穀》尤甚。 「顧司業日」《春秋 戌」、「己丑」,似是魯史之文,故 謂爲夫子之闕 『郭公』、『 論之。 言 爲侯,加封 無 H 范介儒 不言 食 H Ŧi. 於前、 其大者如「紀子伯、莒子盟於密」,本闕 食闕 年 夏 百 朔, 以 里,以 「原 後 書 五』之類,傳經者 食 食於後,而獨 馬、 》文多闕誤,三《 H 晦 疑, 無 注 朔 大將軍 廣孝敬。 日 不 者 守己。 也。 吾 書 凡 H +; 不 言 封 朔 參差不定於 漢世因之,凡立后,先 · 信 朔 本史 者, 爵 後因 《左傳》已 曰 : 傳 不言 之濫 >類 른 贵 失之, 天子將娶於 『紀子 É 多 日, 自 之脱 「原 附 此 有再 此 襄 食 而 至 會 始, 注〕按「田 以 既 獲 穀 赴之説 而 文耳。 前 麟 朔 蓋 伯气、 梁 紀,進 文也 乎? 嘗 近 也 》則 封 百

爵

桓 几 此

稱

十三 責天王,而 之,其三從省文。 從夫喪娶,故俱貶去氏。 貶去姜。」《公》、《穀》又以 姜氏,絕不爲親,禮 之,而《左氏 氏,及去姜存氏、去氏存姜者凡四 年 事 四 討 自 天矣,豈 會葬 乎. 伐 盟於宿」, 《穀 , 況文姜、哀姜之罪 ·不書 省 年 秦」,而十六年「滕子卒」不名, · 贵 年杞成公卒不名,則《左氏》之説 由父母 梁》之説 文爾 朝 七年不書秋冬爲責 則 亦 王爲責桓 於祭、 於前 於王 拘 云 剿日 而八年「宿男卒」不 而 與一公朝 古 非 獨罪 所 不 必責其 召 聖人去天以 也 示 通 而 無 也。」賈逵又云:「哀姜殺」 不 無 宰 胡 甚 ·書名, 王 於王 譏 責 豈 外 陌 氏 矣。 問 諸 乎? 諸 則 待 于「錫 夫去姜存氏,去氏 出 而 合禮與否,無乃 所 侯 去其 未同 侯 Ŧ. 宣 Ŧ 姜不宜 於天王 失刑 示貶。」夫歸仲子之賵 卒 亦篡 桓 而 同 不 名; 桓 盟 稱 姓 闕 Ŧi. 義 反 ,而《左傳 公命」、 弑 也 年「三 氏 成 天者凡六,其三 杞與 書 則 責 成 無貶,於 而 非 \_ 0 而 何以 禮 十三 名 昭十 王. 胡 也。 明 于齊, 乎? 魯 者 案隱 或 氏 「歸 蹈 至 》則 存 1結香 年 年 書 凡 子 此 從 以 拊 夫人不 ·不書 王? 成風 姜,既 罪 +; 元 一夫甥 穆姜 日 隊 數事 必 王 爲 贂 年 輕 以 伐 移 桓 而 會 亦 一冬,定 之襚 示 又獨 史 示 及 王 舅 書 必 桓 王 故 鄭 日 不 僖 諸 史 脱 以  $\mathbf{E}$ 之 之 成 宜. 姜 失 + 失 但 稱 宋 侯

譏

合

詞

則

百

於此不 義所 秦且 失微言 半 學、俞氏皋、齊氏 家之説 張 擊三《傳》,王 之矣,而 氏 嘗 林 鮮 + 説 晦 文定反之,矯枉過 而 穀 矣。 矣。 父於 虞, 昧 氏 穎 圖 有 四 達、 微 於宋之南 存,復理《公》、《穀 元 其 無 年 〔惠侍 〔汝成 復强 於於 德諸 傳 細 戚以定衛」,當日不聞 論 木 詞 皆是偶闕「人」字,而 啖氏 復大熾 事 矣。 書冬,又 皆 示 晉之罪莫大於助 南 儒俱 貶 有 求 有 案」顧 讀 介 助 渡 其 渡, 凡 窒 前 説 甫 、趙氏 以 日 於宋之中 父從之。 関 履 可 此 ĪĒ. 遂 沾 何 豈 後 諸 氏 通 謙 皆《公》、《穀 其 輒 目 沾責 以 非勢之相 遂舉 兼 匡、 論 侯 Ŧī. 以 則 》之故 説 ? 歸 家 春 取 由 或 辨 於諸 陸氏 ·葉者, 其 闕 聖經之斷闕 秋》 黄 是 日 頗 日 伐許、 列 亂 文,則 氏 説 狄 卒, 通 春 公》、《穀 秦伐 爲 卒 淳、孫氏 儒 闕 臣 激 晉; 仲 闢, 蓋 省 而 斷 者 支 立 秋 或 文凡 、伐鮮 使 炎、 益 離 亦 晉 君。 吕 月卒, 然 然 Ź, 稍 鄭 爛 惟 有 張 穿 氏 吕 百 哉 不 不 復 明 虞, 伯 朝 桓 议 故 南 鑿之論 東萊、 而 襄 達二家 氏 有 全者, 於 報 鄭 Ŧi. 射 爲 或 宋 焉。 劉 後 亦 + 大 餘 不不 唐 伐 時 年 來 愚 來 氏 可  $\pm$ 几 「狄之」。 圭 以 葉氏 許 條 皆以 年,「 陳 故 卒,《公》、 師 亦 自 敞 諸 謂 中 義 、「晉 後 列 俾 程 瀏 侯 諸 心 掃 亦 儒 舍 肩 例, 學 者,復 少 爲 學 會 鮑 武 氏 覽 既 其 除 儒 如 藴 宫 精 夫 伐 斷 殊 者 端 諸 而 過 攻 辨 FL 大 未 孫

亂,書 己。 死之日 不 秋 H H  $\Box$ 夕之事。 屍」、《漢書》讀爲「尸」。 乃得 褦 ·得其日 卒之,忧也,以甲戌之日亡,己丑之日 兩 是 亂 其屍 H 時 書「王 故舉二 則 一之間 故惟 陳亂,故再赴,再赴者,一 ,所以辠其臣也。 嫌 也 與 有闕 弑君 室亂 日 王 故《 以 文,吾 室 日,餘不日,兩 春 包 同 也。 秋 列 謂有狂易之病,蜚亡而死,己 未之前 或 如 且 即 「汝成案」《穀梁傳》云: 來告亂 書 其 此 亂 再 聞 義 書日 則 赴之日書之,蓋 也。 告亂,一告 不 則 日 《公羊 直 死而得。」攷 則 書其 以 非 亂 亂 》謂: 事,而 喪 明 非 也。 言君 矣。 示 以 死 朝 不 ^ 知  $\mathbb{H}$ 即 或 書 春 死 兩

# 夫人孫于齊

人復 稱 人姜氏會齊 孫」後「會」,其閒復歸於魯,而《春秋》不 「姜氏」,絶之也。 以 莊 公元 小君 年,「三月,夫 侯于禚 待之, 忘父 二年,「十 復 而 人孫 稱 與 姜氏 讎 有 于 通 齊 見見 也 月 魯 夫 不 先

書,爲國諱也,此夫子削之矣。

闡 命也。 不可 説。 不 迎 歸 義。 傳》引注云: 之義宜與 不慈,襄公不爲不孝。 文姜,不以爲親,乃中禮爾。 齊,不稱姜氏,絕不爲親,禮也。』謂 一發其 爲 而 其父母 善莊公思大義,絶 然則 親 致 得,作《河廣》之詩以自 劉 義 ,何傷於義 孔子論其 齊 原 也,爲嘗 日: 之國。 絶,而 「夫人有 父曰: 可 絶 復 乎? 八詩而 獲罪於先君,不 與殺桓之罪,絕不爲 奔 「《左氏》曰:『夫人孫 及襄公即 有 哉! [(汝成案]説本胡 齊者,乃 罪, 著之,以爲宋 宋襄 故 今文姜之罪大, 日 是 禮 位 之 曲 也。」蓋 悲。 原注 説 一, 欲 母 獲 親, 미 然宋 社 先儒 魏 罪 姬不 得 以 見 書 魯人絶 氏 文定 於 皆主 尊 謂 私 亦 而 父之 文姜 竇 君 爲 于 絶 廢 不 義 ıfri 此 瑗

其母。」趙氏因之,有「哀痛以思父,誠敬以《詩序》:「《猗嗟》,刺魯莊公不能防閑

制。 權 而 此 事 既不能行,後儒復昧 尊,挾齊之强, 能堅持大義,使之復還於魯。 行不登於史策矣。 母之國也,何至於書「孫」 與公之喪俱至。 而 而去者也,「原注 絕不爲親」一言,深 不 」,豈不信夫! 而遂絶之,則臣子之義伸,而 不原其始者也。 母,威刑以馭下」之説。 通《春秋》之義 易》曰: 加 君 〕内諱奔謂之「孫」。 其孫于齊,爲國論所不 子 恣 ? 莊公年少,當國 夫文姜之反於魯,必其 以作 其義,所謂「爲 得聖人之意。 睢 者,遭變事 此 淫 直書而義自 事謀; 佚, 此皆禁之於 遂至 始。」《左氏 文姜之於齊,父 憑 加 異 見者也。 之臣 不 人臣 於 君 日之醜 而 不 母 知其 魯人 子 之 末 口 不 容 於

氏

# 公及齊人狩于禚

故變文而曰「齊人」。 侯,猶可書也。 祝丘」、「冬、公及齊人狩于禚 以爲 莊公四年,「二月,夫人姜氏 「微者」,失之矣。 公與 人之者,讎之也,杜 齊侯狩,不可 享齊侯 夫人享齊 書 也。 于

# 楚吴書君書大夫

盟于召陵,始有「大夫」。 「人」之。二十八 年,日「荆」而已。 名與之也。 「人」也。僖之元年,始稱「楚人」。 春秋》之於吴、楚,斤斤 楚之 年,復 見 二十三年,於 於經 稱 [原注]《公羊傳 也, 荆 始 焉 而 於 其 不 莊 不 欲 來 》謂 四 與 聘 之 以 文公 年, 其 + 其 而

三年。 年。 聘,始有「大夫」。 不 例 年,會于戚,於其來聽諸侯之好 非 九 「人」也。二十五年,門于巢 十年、十 也,始於成之七年, 意,使之不得遽 也,「原注」二十八年。而不書「帥」。 注〕二十七年。 注〕二十一年。 楚子」。 也 通中國 而 年 一, 書 戰長岸,(原注)十七年。 屈 子。 [原注]吴本伯 滅巢,〔原注〕二十四 椒 完 則從四夷之例 固 來聘,「始有 四年,復 然 0 已書氏。 一楊 而 使 救 不書 宜 氏 衛者子玉,戰 同 一爵,《 日 申 大夫」, 疏矣。 稱 二十一年,會于盂,始 然滅 於中夏也。 亦宜。 君」。 來獻 春秋 曰「吴」而 「吴」, 殊 春 秋 年。 州 》降其 二十九年,使札 议 捷者,楚子 敗 來,「原 韋 其僭王,降從四 滅 雞 又謂 爵 宋者子玉 卒,始 城 徐、「原注」三十 父、「原 會 吴之見 己。 亦 而「人」之。 濮者 注 而 「夷狄不氏」, 不 聖人之 不 昭公十三 然。 襄之五 書 也 注二十 ·與其 子 於經 三吴 ),(原 , [原 旲 裔之 玉 來 書 既

> 夫」,《 其會。 陳、「原、 我,〔原 年。 年。 年。 以 之而已,❸至魏、齊、周 不 會黃池,〔原注〕十三年。 皋,〔原注〕十二年。 並 而 得 列之於史。遼、金亦然。❹ 後世之事言之,如 敗檇李、「原注」十 伐越、[原注]三十二年。 會 同 春秋》之不得 注〕八 注〕十年。 柤 終《春秋》之文無書「帥」者,使之終 於 一, 〔原 中夏也。 年。 注 一同 戰艾陵,[原注]十 伐 齊,〔原注〕十 上; 稱「吴」而 四四 已也,政交於中國 劉石十六國之輩,❷略 是 書「晉侯及吴子」而 年。 則不得不成之爲國 會 知 鄫 伐 人 書 , (原 野,口 陳、原 不與其「人」。 年、 此夫子所以 君」、書「大 注〕七 原 + 年。 注〕哀: 注」定 年。 會 公六 公 殊 橐 伐 救 四

<sup>0</sup> 0 劉 商 石, 據 據《 《校記》,鈔本作 校 記 1》,鈔 本作 夷。 五五

略 據 《校記》,鈔 本作

<sup>0</sup> 0 遼金」,據《校記》,鈔本作「金元」。

意,聖人之心蓋可見矣。● 録楚、吴也。 然於備書之中而寓抑之之

# 亡國書葬

情而見諸行事者也。已亡而書「葬陳哀公」,存陳也。此聖人之已亡而書「葬陳哀公」,存陳也。此聖人之紀已亡而書「葬紀叔姬」,存紀也。陳

## 許男新臣卒

「去其師而歸,卒於其國」,鑿矣。
不得其説而以爲「内桓師」,劉原父以爲師」,此舊史之闕,夫子不敢增也。穀梁子称師,葬之以侯,禮也。」而經不言「於

# 禘于太廟用致夫人

明乎 與弑 承元 也。 順 掌乎?「致夫人」也,「躋僖公」也,皆魯道 於大廟而致莊公焉,因莊公而行吉禘,故書曰「吉禘於莊 爲成風,成風尚存,何以言致? 之衰,而夫子所以傷之者也。 祔於姑,至是因禘而致之。 也。 莊公之喪未滿二 郊社之禮、禘嘗之義,治國其如示諸 年「夫人姜氏薨于夷」之文也。 哀姜之薨七年矣,魯人有疑焉,故 二君,而猶以之配莊公,是亂於禮矣。 禘于太廟,用致夫人。」夫人者,哀 [惠侍讀曰]吉禘於莊公,不於大廟,何也 十五月,故書 「吉」以譏之。 不稱「姜氏 胡氏以夫人 亦言之不 哀姜 吉 禘

● 「蓋可見矣」,據《校記》,鈔本作「無時而不在中國也

致。 國之常事云爾。 《春秋 無助祭之事,尊 姜有謚號,何得止言夫人? [江氏日]不言風氏,君母 安得有三? 昭公十有五年,禘於武宫,時禘也。 喪終乃用之,用禘而致夫人,悖矣。 月不可以用郊,致 應吉,故書「吉」。 於大廟用 何 非 者,新主入廟 人之,且必不待八年之久。 《春秋》凡壞法亂紀之事,如 嫌 其君,皆不書於册,曷爲而獨 新宫也 [沈學博日] 僖公非哀姜所 爾? 》屢 書 致夫人」同。 則在 吉禘於 「郊」,不 吉禘、 與 成 大廟 常事不書 先君 用者,謂用 大廟 風 夫人不 時禘,皆春 爲 何 屢 相 疑。 將 致 書 夫人不應致,故書 接,因是而爲大祭,故不 不 可 莊 來 「禘」,惟書此二「禘」,皆 非常然後書。 吴、楚之君葬,以 在 祔 則夫人者,洵 以 叫 公,則嫌莊公不應致, 且以主附廟,亦不可謂 禘也,用禘猶 大廟 指 用 食之地 生 秋壞 書此壞法亂紀之祭 禘。 斥 曷爲不書? 齊 也。 不書禘而書 國之大事,惟郊、禘。 法 大禘則終王,王者 桓 乃 亂 若致哀姜 誅 或 成風 致 用郊 紀 致」。 之,僖 成 臣召君 者 風 也 也。 爲 ·稱宫 褅 有 辟 爲 必 莊 與「禘 之也。 事者 譏 惟 嫌 妾媵 不夫 之用 則哀 與臣 秋九 哉 公不 此 也 也 明 H

以成風稱小君,是亂嫡妾之分。雖

廟之典,故《春秋

》以其非常而書之。

后,而以薄氏配高廟也。然,猶愈於哀姜也。説在乎漢光武之黜

吕

# 及其大夫荀息

Щ, 《春秋》不責之以備也。 不驚,不顧其身者,仇牧 荀息亦可,此如《五代史》之與王子明。 秋》責賢者備。 是故荀息之忠,同於孔父、仇牧。 子也,以臣子言之,則君父之命存焉。(原 注〕古人重父命,伯夷以父命之故,不立而逃叔 斯人一心于所事前定者終不變,孔父、荀息也, 晉獻公之立奚齊,以王法言之,易樹 孔父、仇牧、荀息克以 也 令春 秋 》尚此三人, 亂不 至 節應先王之法 「楊氏」 侍郎 齊 自 Ė 日子 是 猝然 《春 斯 也 L

# 邢人狄人伐衛

春秋》之文有從同者。僖公十八年

得 則 何以不進之於救齊, 衛」是也。《穀梁傳》謂 年荆伐鄭,何以不書人乎?」若惟 國皆來,於文不順,故書『人』字以成文耳。 氏鵬飛曰: 「人」、十八年「狄救 于邢」,並 邢 不然也。 又爲之説曰: 人、狄人伐衛 稱 舉二 「原 人,非進之也。 注 或 〕莊公二十三年,「荆人來聘 而 善累而後進之。」夫伐 」,二十年「齊人、狄 狄亦稱「人」, 臨 齊」,二十一 而進之於伐衛乎? 若但 「狄稱人,進之也」, 狄 書「荆來聘」,則 而 已,則 年, 不然,二十八 文之不 人盟 狄 不 衛 若 稱 趙

越」而  $\Box$ 頓 子、沈子、徐人、越人伐吴」。 凡夷狄與諸侯列序皆稱『人』以便文,但 昭 稱 公五年、「楚子、蔡侯、陳侯、許 「越人」,亦同 此例。 〔原注〕 不稱 君 陸 臣同 氏 《纂例 解。

何

善之有

# 王入于王城不幸

矣。 然則 也。 鄭,他國也,亦既遠而戒矣,孰有入不書哉? 史》之言例之,則是 以《路史》之言例之,則是未嘗出、未嘗入 王室,是乃人臣之極勳,而不書於經,又何以《春秋》爲? 王居狄泉,此畿内地,而其入也,猶且書之,天下之主 所」,文公八年書『天王崩』,未嘗書 五月書 『公朝于王所』,『冬,天王狩 論。 所無,夫子不得 未嘗復國,而 入于王城」,而經不書。 襄王未嘗入也。」 [原注]莊公二十年。 莊王、僖王、 (原注)其説曰:「《春秋》始書「天王 襄王之復、《左氏》書「夏四 王子 圃 Н. 頃 虎爲 益 惠王 未嘗 王崩,皆不書,以《 其 也。 之居守。 出 其文則 嘗 《路史》 崩 不書,其入不書, 入也。 適 于河陽,公朝 也, 鄭 月丁 出居」,後 史也,史之 Ŧ 而 而 以 此 納天子,定 猛 處 爲 鑿 可 居 已, 王 于櫟 乎 皇, 空 襄 四四 于 路 也 ? 之  $\pm$ Ŧ.

諸 仲 邵 故 得之傳聞,安得益之? 仲尼據策 「原 赴 氏 『狄泉』也書,『成周』也書。 侯, 況天王乎? 尼所見之世也。 也,皆未嘗告於諸侯,策所不載,仲尼 注 也。」愚 曰 趙 氏曰 謂 而書之。 襄王之出 此 「《春 特因 秋》王崩三不書,見王室不告,魯亦 舊史之不書,而二者之義 其人也,與夫惠王之出 子朝: 策之所 也, 嘗告難於諸侯, 故 乃若敬王之立,則 奔楚,且有使以告 具,蓋 昭 如 自 也, 雖 見

故 夫子之自言也, 日 事莫大於天王之人,而《春秋》不 「述而不作」。 書,

### 星 孛❶

猶

其所入者。 入于北斗」,不言所起,重在北斗也。 春秋》書星字,有言 文公十四年「秋 其所 七月,有 起者,有言 昭 星 公 孛

惠

及漢,重不在漢也。 十七年「冬,有星孛于大辰」,西及漢,不言

#### 子 卒

能導其 也。 元 書。 襄仲突出而 也、聖人無 也,然則 人所以不書之故 伯 愈于里克、不鄭之徒也、非竟許之也。 無從 夫匹婦之諒,自 〔全氏曰〕惠伯 夫子平日 叔仲惠伯從君而死,義矣,而國 君以 聖 而 從 人不書 附 正者,及其老而耄,以身殉 弑之,是死也,雖 而 見也。 增 而 Ż, , 何 不得,乃 未 其所 也? ᅦ 錢氏曰〕惠伯之死,不見於經 · 嘗 況既 經於溝 傅者,應立之世子,既主喪矣 闡幽 티 : 詆之, 諱 與 其文則史,是 國惡,不書子赤之弑,則 日月争光可 則 及之者, 瀆 # 亂,聖人書之以 也。 圃 若惠伯, 莫之知」 荀 也。 固 息在晉,非 蓋 舊 今求 所 則 史不 所 真 不 謂 者 闕 爲 忠 聖 書

# 納公孫寧儀行父于陳

故 貴 猶言! 自 氏 子復封,成公反國,二子無秋毫之力,而 子者,楚之臣僕矣,尚何功之有! 嗚呼 讎 父于陳」。 《春秋》之罪人也,故書曰「納公孫寧、儀 諫之泄冶,君弑不能死,從楚子而 成成世 臣 .爲之曲説,使後世詐諼不忠之臣得援 解。 」,「靈公成喪,賊討國復,功 有 1 報 孔 罪,絶其身,不絶其世,蓋積貴之繫人望久矣。楚 臣,無以 讎 寧、儀行父,從靈公宣淫於國,殺忠 嗚 使 呼,其 者 杜預 無 立國。 與 申 叔時之言,陳爲楚縣矣,二 亦愈於已爲他人郡 乃謂二二子託 0 春秋世 (沈學博 臣,與其君  $\Box$ 〕陳 楚以 足以 國 相 :輔而 小 君 幸而 縣 報 補 入陳 行者也 弱,不有 0 君 過 之 以 杜 楚 行 而

> 亦因 時之情 陳所欲擇利而歸之耳,後儒責楚者固是,而未悉彼 也

也。 公羊子固已言之曰:「存陳,悕矣。」 與楚子之存陳,不與楚子之納二臣

#### $\equiv$ 或 來 媵

賢之説爲允 注〕宣公元年「夫人至自齊」,即穆姜。 宋伯姬書三國來媵,蓋宣公元 十二公之世,魯女嫁於諸侯 (楊氏日)不 妃 所 多矣, 生。 如 「原 獨 録

庶出之子不書「生」,故「子同生」特

Ø 0 讎矣。 而其主爲僕所弑,盗遂入其家,殺其僕,曰: 九字,今録於左:「有盜于此,將劫一富室,至中途, 報讎者與」下,據《校記》,鈔本有一節正文,共七十 於」下,據《校記》,鈔本有「今之」二字。 遂有其田宅貨財,子其子,孫其孫,子孫亦遂

吾 報爾

ИЦ =:

臣賊子」者,非此而誰邪!」

奉之爲

祖父。

嗚 呼,

有是理乎

《春秋》之所謂『

H

録集釋卷

님 : 人敬 之法焉。 書 姬 [莊侍郎曰〕「子同生」,舉之有禮,名之有義,得殊異于適 歸 「爾乃邁 而喜之,故以書于策,不以父母之惡累其子。 庶出 於宋」特 終克享其國,傳嗣子孫,此不易得之于天者,聖 之女不 迹自身。」蔡仲所以爲忠臣孝子也。 書。 書 (楊氏日 致. 書 不 子 書 同生, 媵 明 故 方將觀 嫌 ○書 伯 也

其後,必先正其始,謹而志之。

配,必 與同 ⊟ : 知嫡庶之分,必先嚴 之分,不 適所出。 母 「東宫,太子所居也。 衛《碩人》之詩曰「東宫之妹」,《正 ·, 見 獨 子 夫人所生之貴。」是知古 故晏平仲致女於晉, 曰 也,女亦然矣。 自女子始矣,所以 繫太子言之,明 端 [汝成案]古者 「先君 其本也 之適 人嫡 義 庶 是 擇

### 殺 或不稱大夫

其專 殺 凡 也。 書 殺 盜 其 殺鄭公子騑、公子發、公孫 大 夫 者,義 繋於 君 而 責

> 其 義 夫」。 胡氏以爲罪之而 輒 不繫於君,猶之盟會之卿,書 文不 [原注]杜 可 氏 曰 日 削其大夫,非 盜 以 殺 盜 大 爲文,故不得言其大夫。」 夫」, 也 故 不 名而 言 大大

成辭」。 殺蔡侯申同此。 知矣,文不可 也。」非 閣 穀梁子曰:「不稱其君,閻不得 弑吴子餘祭。」言「吴子」, 也。 《春秋》中凡若此者,皆趙子所 旦 (楊氏 「吴閽 日 二闡 弑 非名,故不言君 其 君」也。 「原 則 謂 君 君 注 避 其 可 不

### 邾子來會公

君

公。 成,故明年正月復來朝 非 朝 定公十 也,會于大蒐之地 《春秋》未有 四年,「大蒐 書「來會公」者,「來 于 也。 比 蒲 嘉事 邾 不 子 以 會 來 野

氏

(日)不特

雨也,日食之類皆是。但庚辰之葬

無日

食耳

穆

子

傳

影成

姬

之葬

以

王:

戌。

疑

其

Щ

戌

義

陵

原

注〕哀帝。

以

壬寅,皆用

剛

日

杨

「原

注」昭

帝。

以

壬申,

渭

陵〔原

注〕元

帝

以

丙

帝。

以

丙

寅

茂

陵

厂原

注〕武

帝。

以

甲

申

平.

陵

#### 書 爲 後人爲作

#### 諸 侯 在 喪 稱 子

寅,日

中

而

克葬」。

定公十五年,「九月

Т

月

Н,

葬

我

小

君

敬

嬴

雨,

不

克

葬。

庚

春

秋

葬

皆

用

柔

日。

宣公八年,「冬十

葬

用

柔

日

巳,葬

我

君定公,雨,不克葬。

戊午,

H

下

**昃**乃

克

葬」。

己丑、丁巳,所

1

之

日

也

遲

已葬 未 公三年「邾 公十八年「子卒」,僖公二十五 「子般卒」,襄公三十一年「子野卒」是 其父也,父前子名,故 然後成之爲君;未 「原注〕成公。二十八年「陳子」,「原注〕共公。 葬 則子 萴 凡 稱名。 繼 立之君 道畢而 子」「原 先君初没,人子之心不忍亡 稱 一; 踰 注 君道始矣,子而 子, 踰 隱公。 年正 年 稱名,莊公三十二年 則 君 月 乃 稱 是 子 也。 ', 未 書 年「衛子 氏 「原 不名,文 注 踰 即  $\Box$ 注 位 年 二《雜 也。 一謂 定 又

無君 未踰 記》曰:「君薨,太子號 原 注》一白 也,緣終始之義一 年 也。」踰江 一虎通 ₩ E 年則 改 踰年稱公者,緣臣民之心不可 年不可 元,國 待猶 有二君 不 可 也。」鄭 也。」〔梁氏 以 曠 年 無  $\Box$ H 案

於明

漢

人不

知

此

義

而

長

陵

原

注

高

年秋

八 H

月 者與

庚辰

葬宋共公是剛日

一, 其

亦

雨

不克

葬,遲

耐

至

「原

注

巡

文所

書

葬列國之君,無非

柔

 $\exists$ 

者,惟

成

公十五

而

至

於

明

日

者,

事之變也,

非

用

到

日

也

六

成公。 年。 可 會,而不忍使從未成君之例,即以懿公九年爲戴公之元 而 侯」、〔原注〕惠公。 宣公十一年「陳侯」、〔原注 年「夏六月戊辰公即位」,桓公十三年「衛 位」,成公元年「春王正月公即位」,定公元 史記 見人情不甚相遠也。 其身已不及待,其臣 |成之爲君,文公元年,「春王正月公 此朱子《綱目》之例,而不謂古之人已有行之者,政 》衛戴公無 成公三年「宋公」、「原注」共公。「衛 元年, 而 子 故有不待葬而 稱 憫 元年 其經營再 者,戴公亦欲踰年改 造 於 艱 即位, 難 危苦之 侯 即 則 元

公。」得之矣。 世子華之類。 存 之文,而夫子遵之者也。 稱 世子,〔原 君薨稱子某,既葬稱子,踰 注〕世子下仍當繫名,若陳 此皆周公之制, 《公羊傳》曰 世子 一君 魯史 年 款、鄭 稱

國,非

禮也。」蓋不達

此義。

原注〕杜氏《左傳》注:

「衛宣公未葬,惠公稱侯,以

接鄰

原注]定公。

是也。

所

以

敬

守 而

重

社

稷

也

未 葬而名,亦有不名者,僖公九年「宋

> 不得 是 嫌於敬王、王子朝 盆亦在喪。 子」,〔原注〕襄公。 十二年「王子猛」是也,所以示别也。 〔原注 也,所以 獨異。 昭 已葬而不名,亦有名之者,昭 從同 公二十二年,劉子、單子以 也。 定公四年「陳子」「原 「原 注 〕盟會之文,從 王猛居于 注 同 皇 懷 而 劉

者,非。 進 也。 鄭 突 世子忽復歸于鄭」者,已葬未踰年之子 也。 此臨文之不得不然,非聖人之抑 鄭伯突出 [原注]忽、突皆名,别 奔蔡」者,已即 嫌 也 ·位之君 杜. 氏注 賤 忽而 也。 之

也。 曰 : 之君也。 之子也。「里克 楊氏曰〕凡《穀梁》之説失之巧 其『君之子』云者,國 里克殺其君之子奚齊」者,未葬居 此 臨 文之不得 弑 其君卓」者,踰 不 然。 而 人不 子也。」非 年 穀梁 Ė 即 傳》 位 喪

### 未踰年書爵

葬,不 告,亦以 後 鄭 齊侯使國佐來聘」、「原注」頃 或 伯 即 待踰 伐許 (稱之日 位 著其無父之罪 之禮 年而 君」。 一、必於 注 先即 门悼公。 踰 位 春秋之時 年之正 一者矣。 稱 爵者 公。 有 月**,** ,從其國之 成公四年, 宣公十 即 先 君 位 年 E 然

# 姒氏卒

風 後稱之。 稱「夫人」,葬不稱「小君 原 以 注》左氏 下,雖 定公十五 此姒氏之不稱者,本無其事 》謂 以 不成喪者,非。 妾母爲夫人,然必公即 年「 姒 氏卒」,不書「薨」,不 後 世之君多於柩 蓋《春秋》自 位 也 成 而

> 后。 爲皇太后。』奏可。 生,亦以例加之。 命》太子即 前 即 [原注]《續漢 位 ,於是大行未葬,而 H 即 天子 羣臣皆出吉服 · 禮 位 於 妾貳: 儀 柩 志》:「三公奏: 前。 於君,子疑於父,而 請 人 太子 尊 會 如 其 即 儀。」及乎所 皇 母 ~ 帝 尚 爲 位, 書 皇 皇后 太 顧

## 卿不書族

先王之禮亡矣。

略其辭也。 自晉」,「婼至自晉」,一 齊」,「豹及諸侯之大夫盟 叔,盟于折」,「溺 遂以 至 無 至遂 駭卒」,「挾卒」,「柔會宋公、陳侯、蔡 夫 春秋》之文,不書「族」者有二義。 奔 人 齊」, 婦 〔原注〕公羊宣公元年《傳》: 姜至自 僑 會 齊 如以 齊」,「歸 師 事 伐 夫人 於宋」,「 再 衛」,未賜 見,因 婦 父還 姜 遂 E. 意 氏 自 何 氏 以 文 如 至 晉」, 也。 不 而 自 至 稱

名者,省 父還自晉 公子? 左氏》不得其解,於「溺會齊 文。」如 三則 事 日 而 再見者,卒名也。」注:「卒,竟也。 「善之」。 後 人作 史,一條之中 贵 有 師 疾之而 |伐衛|則 再 去族,善之而又去 曰「疾之」,於「歸 見 者不復 竟但 書 姓

小

命

者矣 孫。 也。 故 莊 季友、仲 王父之字爲族也。公子、公孫於身必無賜族之理。 子稱公子,公子之子稱公孫,至公孫之子不復得 原 閔 無 注〕《穀梁傳》「不 如 如 駭 春 無 以 遂、叔 挾 卒,而 秋 下, 隱、 如 肸,皆是以字配名連言之, 則不復見於經,其時 柔, ,直以名行,及其死 桓 羽 之時 父爲 爵大夫」之説近之,而未得 如 溺, 卿 之請 皆未有 大夫 族、「姚 也,則賜 賜 氏 故 氏 氏 無 杜 族 之族 E 者 不 注 者 尚 稱 諸 並 賜 其 以 經之 公曾 侯之 育。 也 云 少, 氏 其

從

通

害

不

大

子; 卿 次國 命於天子。 劉 原 三卿, 父曰:「諸侯大國三卿 [楊氏曰]據《王制》,則小國二卿 卿 命 於天子; 皆命 小 或 三卿 於天

> 之制 實録 宛、詹、秦、楚多稱 度頗有存者。是以魯有 宣子稱晉士起。 無命于天子。 知 其 謂 矣。 略 小國之例,稱 國之卿 應説 王者諸侯之制 曹、秦以下悉無 也。 雖 稱 不 人。 而 能 邾、 故隱、桓之閒,其去西周 ,因復構架無端,以 大國之卿三命,次國之卿 命,其 盡 周 三命以 莒、滕、薛之君 如古, 衰禮 人而 人,至 於 度 廢,强 名 見 王 녆 班 大夫,患其 一朝皆 氏 於經者亦皆當時 爵 其 無駭、柔、挾,鄭 通,再 説者 弱 云 晚 士也。 爾 日 相 節, 飾 命  $\exists$ 不 并 其 時有見者 無不名 , 卿大 益 知 名之, 僞,彼固 未久,制 | 原 其 削 再 注 故, 命 草韓 氏 有 之 夫

之稱公子也,桓賜 公子者,未賜也。 公子者,當時 或曰 **置不稱** 之寵 (原注)劉原父曰:「公子雖 之也。 公子 號。」「原 何 其終隱之篇 與? 注一宣 元年 杜 氏 注 親 不  $\Box$ 稱 置

大夫則得稱名,不得稱公子。」若專命之罪,則直書天下無生而貴者,是以命爲大夫則名、氏得兩通,未命爲

而

自見矣。

身」,此求其説 以 衛 國氏 州吁弑其君完」,未賜 齊公子商 者累及乎上,稱公子者誅 而不得,故立此論爾。 人弑其 君舍」,已賜 氏也。 胡 氏 氏 及 以 也。 其 爲

## 大夫稱子

字。 也。 前 夷伯之廟」,杜氏注:「夷,謚,伯,字。 而 云「叔兮伯兮」,此大夫之稱也。《春秋》僖公十五年「震 【閻氏曰〕案《春秋》自莊十二年衛大夫已稱子,石祁子是 、大夫並以伯、仲、叔、季爲 大夫雖貴,不敢稱子。《 大夫稱子莫先于此。 三桓之先曰共仲,曰僖叔,曰成季。孟 周 制:公、侯、伯、子、男爲 [楊氏曰]伯、叔,大夫士之通 春秋》自僖公以 大夫既卒,書字。」 稱。 五等之爵 〔原注〕《詩

年。 年。 年。 子。 枝也; 《左傳》叔孫宣伯也,又先于豹之稱子。 中 也;〔原注〕僖公二十三年。 子也 孫氏 文公以前 未然、據史舊文耳、觀《公羊傳》自見。 季子,二年書高子,皆《春秋》之特筆。 襄公七年。 蔑之稱子。 父之稱子,見文六年,不待十三年 閻 有樂共叔,然《國語 行氏之稱子也,自 氏曰〕案 知氏 趙氏之稱子也、自衰也、〔原注〕文公二年。 范氏之稱子也,自會也,「原 郤氏之稱子 之稱 [原注]僖公二十八年。 之稱 行 [閻氏日]案《國語》定王八年 叔 國 無 子 父也。 孫 語 稱子者,魏氏之稱子也,自 也,自 子 ~ 氏之稱子也 也 也, 》稱爲樂共子,又先于樂氏之有貞 孟文子,即 [原注]文公十三年。 蔑 自首 自 林 也;[原注]文公十五 缺 父 樂氏之稱子也 〔閻氏 也; 也; 也; **全** 也。 自 傳 「原 「原 曰〕案《左傳》桓 [原注]文公十三 》文伯也,又先 楊氏 晉之諸 閻 季孫氏之稱 豹 有叔孫宣子,即 氏日 注〕宣公十二 注〕宣公十二 注〕文公十三 也; 閔 日 公元年 」特 一季 「原 卿 筆 孫 注 在 自 犨 亦 書 于:

年。 仲 氏 世 之,猶國 見 + 伯 家 有 晉、齊、魯、 韓 昭三 有 四 之,餘 之升降焉。 稱 氏 稱之, 齊 年 叔 车, 閻 子, 子 有子 稱 氏 即即 稱 焉,不 誰 日 君之死 如 則 他 叔 謂 叔 子 齊子、論語 否,不 衛 案 趙 老; 如 不 也 范 敢 之 讀《 孟 臧 敢 有 E 與三家 而 執 氏、 自 敬子,即 與 稱 敢 春 謚 知 政 子 厥 三家 與 有 秋 子 伯 稱 並 亦 稱 巾 卞 者 也。 大 自 公 叔 服 子 並 死 莊 马。 渥 或 也 氏 子。 其 濁 則 也 其 原 他 並 也 注 生 仲 謚 可 國 於 見 也 ; 閻 「原 也 宣 並 忽 之 襄 氏 叔 此 惟 或 見 注 +  $\Box$ 公 諸 而 氏 魯 口 鄭 + + 四 以 案 惟 皆 之三 以 後 間 年, 伯 子 襄 子 年 見 以 叔 公

服 天 其 鼎 子 君 銘 之 之  $\Box$ 春 前 秋 「乃考 前 知 酒, 時 之, 也。 文叔 之諸 大 日 何 夫 獻 以 雖 侯 興 公 知 僭 僭 舊 乃 之 ? 稱 稱 耆 命 公, 子 欲 成 以 而 而 叔 衛 不 不 成 纂 孔 敢 敢 叔 乃 悝 稱 稱 孔 祖 之 於 於

> 是春秋 主日 子,而 之於君 按杜 侯,亦云 子,是君前 叔  $\Box$ 叔、文叔亦是。 也大矣。」知悼子,晉大夫知 成 孟 公文子 子 子 子,而 費 侯、 · 》稱 謚 烝 前 對 卒,其子 時 不 「成季」、「宣 伯、子、男 晉平 莊暴于齊宣 鉏 大 也 謚 得 夫 也; 不 云公者, Ė. 不 稱 猶 孔 戍 得 冷請 敢子 子 性《鼎 稱 子 之臣皆 有 文 益 實 子 謚 先 Ŧ. 卯 孟 叔 者, 謚 于 前 出 也, 銘 是 君 王 不 得 自  $\Box$ E 樂, 孔 述 之 祭 稱 莊 君 閻 君 是 所 也, 原 文子 其 之命 子,誠 其 制 知 賜 君 氏  $\Box$ 注 君 君 悼 是 所 也。 日 存  $\Box$ 莊 子 謂 矣。 賜 君 幸 所 公蒯 左 公, 焉 在 君 大夫之臣 夫子貞 也 前 未 堂,斯 也 傳 こに左 前 其 稱 至 解。 聵 子 子 臣 韓 戰 之 原 名 惠文子。 孫 矣。 厥 其 叔 暄 注 辭 左 或 得 言 爲 亦 H 禮 暄 而 陸 非 子 稱  $\Box$ Η. 於 公公  $\vdash$ 則 也 不 成 晉 其 公 淳 稱 卯

子 又不足言 而 封之爲 君 矣。

二年 子 猶《春秋 洛 唐 孔 計 氏 傳》之言 以 爲大夫皆 子 日 「羣子」也 以 多子 稱 子 越 非 原 御 也 注一宣 事 多

春

秋

自

僖

文以

後,而

執

政

之

卿

始

稱

子。 子,豈皆弟子乎? 淳于髡、告子、慎子、白圭、宋句踐、滕之或人,俱稱之爲 陸大夫、蚳鼃、沈同、留行之客、畢戰、陳相景春、戴不勝 之稱子者,皆師之於弟子,〔原注〕如云「子誠齊 子,子路于丈人亦稱子,豈皆弟子之于師乎? 于季康子四稱子,陳亢于伯魚亦稱子,桀溺于子路亦稱 兩稱子,猶曰亢,子貢弟子也。若夫子于季子然一稱子, 者,皆弟子之於師;〔原注〕如云「非不説子之道」、 得稱之,樂正子、公都子之流是也。「原注 子二人稱子,閔子、冉子僅一見。又其後則門人亦 子,老子、孔子是也。〔原注〕孔子弟子惟有子、曾 稱之爲子,其説尤不可通。 人也」、「子亦來見我乎」之類。 〔閻氏曰〕《孟子》之于平 孟子》「樂正子」注:子,通稱。 衛君待子而爲政」之類。 其後則 匹夫而 至曹交、《集注 [閻氏日]案陳子禽謂子貢凡 爲學者所宗,亦得 亦世變之所從來矣。 故《論語》之稱子 》明謂不容其受業,亦 《孟子》 稱

文,門人之辭也。亦有稱「夫子」者,「夫子《論語》稱孔子爲子,蓋「夫子」而省其

可悟《春秋》書法。凡對君、卿、大夫皆稱孔子。又《季「子」,而加以「夫」,避不成辭也。〔原注〕即此子莞爾而笑」,「夫子憮然曰」,不直曰失之」,「夫子喟然歎曰」,「夫子不荅」,「夫

# 有諡則不稱字

氏》一篇皆稱孔子,乃記者之異

若羽 傳》不稱爲國桓子,而必連其字曰桓子思? 字。 皆諡、康王、靈王、平王是也,其不成君,無 僑? 子産之子參,字子思,諡桓子,是亦有諡矣,何《左 見《國語》,是子産有諡矣,何《左傳》止稱爲子産、公孫 若秦,無諡也而後字之。〔閻氏曰〕子産諡成子, 夫,没矣則稱諡若字。」楚共王之五子,其成君者 之。公子亦然。〔原注〕《玉藻》:「士於君所言 外大夫若宋,若鄭,若陳,若蔡,若楚, 、父,若衆仲,若子家,無 《春秋傳》,凡大夫之有諡者則 諡 也 内大夫 而 後字 不 書 大

日知録集釋

Ŧi.

諡 法 齊 陳之五父,鄭之子亹、子儀是也。 無知 可 而 謂 後字之,子干、子皙是也。 賊 嚴 且 也,則名之。 密矣。 作傳者 他 於稱名之 衛 或 州吁、 亦然

# 人君稱大夫字

諸 伯 謂臧僖伯。 后 年,●「晉侯使鞏 會平王室,王 接之,猶 子之國曰某士,自 父」、〔原 實來」。 侯然也。《曲禮》言:「列國之大夫,人天 籍談爲介,王曰「伯氏,諸侯皆有 古者 注〕鄭厲公謂原繁。 稱 曰「子大夫」,曰「二三子」。 人 昭公十五 其字。 君, 一日「季 於其 朔獻 稱曰 宣公十六年, 氏 年,晉 或 齊 而 陪臣某。」然而 一之卿 「叔父」,〔原注〕鲁隐公 捷 弗 1荀躒. 聞 于周」,王曰 大夫皆 乎 如 晉 周, 成 侯 日 不 以 葬穆 天子 公三 使士 「伯 獨 鎮

> 諸乎」。〔原注〕注: 撫 國之臣,故「平平左右 之後,蓋古之人君恭以接下, 侯國之司 凡命卿書字皆本於此。 失舊,此其稱字必先王之制 下之交矣。 王室」、〔原注〕伯氏謂荀躒。 徒、 司 馬、司 叔,籍談字。 周 空、亞: 公作《立政》之書,若 ,亦是率從」,而 又曰「 周德 也。 旅 而 並 叔氏 [原注]《春秋 雖衰,辭 不 列 敢 於 前 成 遺 王 1 官 不 小 忘

# 王貳於虢

成。」而《左氏》之記  $\Xi$ 叛 叛王 」,若敵 名 不正 孫 者之辭,其不知《春秋》之義 蘇。 則言 以 天王 不顺,言 周 事 一之尊 日王 不顺 而 貮 日 貢 於號 則 事 甚 日 不

❶ 「三年」,據《左傳》,下引文在「二年」。

蔑而 矣。 **貳心」,上下皆可** 悔遁 立靈公」,與 一錢 而 有他 氏  $\Box$ 二此 二,亦 此 用 以 此意 叛 之。 後 義 世 也 同 「 叛 之書 與 法議 楚 詞 背 古人,宋 聲 初 相 既 近 與 儒 ,晉之 子 多 成言兮, 有 背 此 病。 先

## 星隕如雨

或 來至 餘 流 對言:『《春秋》记異,星 始二年,二月癸未,夜過 流 一二丈,繹繹 六月 年 者衆,如 」,皆其類也。 如 日 「小星 織 今再見。』 月 戊午,日 星 癸 雨之多。《漢書 隕 卯 或 流 如 暮及曙 日 日 百 雨 未 夜 枚以 」,言多 達 此 至 〔原注〕《唐書・天文志》:「太 四 四 旦 爲 地 ,有流星大小二百六十餘 方 方流 上,四 得 滅,至雞鳴 流星,大小 也。 <del>Т</del>і. 之。 一隕最· 中,星 星,大 行 面 「原、 志 而 行 大,自魯莊 縱 注 st後 横 隕 」,或 小 止。谷 啖 百 「成帝 代 如 縦 氏 餘 日 之 雨, 日 横 二星 史, 正 和 長 以 永 百 永 余 統 七 奔

> 當是 於甲 乎 有 與 此 ? 傳 異。 申 雨 寫 年閏 偕 汝成案〕此 初誤 不言「石隕」,不 六月 也。 丙 然 下 申 -當 望 則 别 戸見 月食 無 立. 秋 雨 至 既,星 無 而 地 麥 隕 苗 也。 流 竟夕,始 題, 將  $\sim$ 諸 傳 不 本 爲 悟 皆 曰 古 異 時

嘉 矣, 年《傳》曰:「有蜚,不爲災,不 穀, 雖 不 害嘉穀 焉用書之於經乎? 秋,無麥苗,不害嘉穀 亦書。 也。」據 楊 氏 書。」使 日 隐 無 不 公元 麥 害

## 築郿

凡 章議 主 城』。」《舊  $\exists$ 城二十四 引此,謂 築 都一, 郿 唐 邑,惟 無 非 書 日 都 也。 春秋 禮 邑」。 郿一邑書築,其二十三 儀 凡 》 三 百 志 邑 》,太常博 邑 有 E 四 宗 十二年, 築 廟 先 士 都 顧 君 魯 德 之 日

爲當 其 不 公十 邑 可 五. 城 通 年 贵 城 皆 而 曲 漆 有 爲 宗 之説。 漆 廟 是 先 邾 君 [汝成案]陸 邑,《 之主 正 乎 ? 義 氏 新 亦 又 舊 定 知 義

# 城小穀

皆同 井 此 魯 西 繫 日 十三年「公及齊 公以楚師伐齊,取穀」,文公十七年「公及 「: 「小 公禮 北 於齊,疑《左氏》之誤。 小 穀 有 劉 城 按《春秋》有言穀不言小者,莊 故 葬 ·穀,魯邑。」《春秋發微 爲 昭 小穀,爲 小 項 郡 齊 穀  $\pm$ 邑 或 穀 城。」按《史記 侯遇于 濟 管仲也。」 志 城 北 注 穀 影 當 ·穀」,僖公二十六年 城 即 范 據 縣 道 此 甯 》,「漢 經 元《 解《 城 地 **\*** 文,小穀不 日 中 水 穀梁 高 杜 有 經 公二 管 帝 曲 氏 注 傳 仲 阜 以 以

> 孫歸 尚未 穀及管: 管仲 哉 爲 又昭公十一年《傳》曰:「 首 齊 齊邑,今經、傳及 經本作「城 讀《公羊疏》云「二《傳》作 不名小穀灼然矣。 十七年《傳》「齊國 (汝成案)第三十 魯 侯 于 父會齊侯于穀」,襄十九年「晉 邑爾 穀」, 焉,至於今賴之。」 盟 見於天下, [孫氏日]案《春 仲所封 于 穀」,與 穀 四 況 書 注乃 昭 佐殺 卷尚 小穀應屬魯邑、《左氏》不應謬 其 成公五 在 穀 + 後 豈 時 濟 慶克, 秋 有 而 人據二《傳》之文 年 小, 遽 齊 北 》之言穀 小穀 申 以 年「 與 勤 桓 穀 則 書 -無宇言 《左氏 穀 諸 公始霸,管 城 齊桓公城穀 小 知《 叔 叛」,則 者 士匄侵齊至 條 而 侯 穀 尚 孫 īΕ 》異」,始悟《左氏 ,似失删并。 春 以 此之小 僑 合 有 别 齊 秋 而 城 宣 故 如 地 誤 於 + 其 之名 杜 仲 會 穀」,又成 四 加 四 而 穀 注 誤 私 之 之也 年 穀 書 晉 一以爲 穀 也。 一公 功 自 邑 寘 荀 後 耐

# 齊人殺哀姜

哀姜通慶父,弑閔公,爲國論所不容,

罪,必畏不敢討。若父母家又黨庇之,則 而 孫 而請 桓公誅之、是也。 于邾。 失父母之恩,謂 涖殺于衛,當兩得之。 已甚」,非 齊人 也 ′汝 取 爲已甚 而 成 一胡 殺之,義 案 氏日 義 桓此 未違 〕齊强魯 舉 也 也 人倫 使 魯 或 絶、天 失 如 而 臣 齊 陳 子 理 執 女 傳 州 滅

# 微子啟

許 櫬 是。 問諸 從 武 孟 去之後,無復還之理 人而 禮 王 男 티 : 武王 克殷之前, 逢 面 蔡穆 而命之,使復其所。』楚子從之。」何 伐其宗國也。 伯 縛 「按《書》,殷紂 ···, 對 親釋其縛,受其璧而祓之,焚其 銜 侯將 璧, 曰:『昔武王 許 何 大 應 夫 僖 前 公以 心當 衰 意 無道、微子去之、在 絰 此 日 牧 見楚子于 殆 野 而 克殷,微子 之戦 有是 非微子事,而 輿 櫬。 下,亦必 事? 武 啟 楚 城 如

> 縛 之墓,而未及微子,以其遯野,未之獲也。」又曰 縛 逢  $\exists$ 銜璧,亦非其事也。」又曰: 者,必武庚也。 〕金仁山 ·伯之言,特託之古人以 曰:「武王伐紂、非 紂已自焚,故武庚請罪焉。」 計微子 「武王釋箕子之囚 規楚子乎?」 也。 縦微子 · 封 未 銜 | 楊氏 遯, 比 面

微 子 子 武 於 與 子 何 軍  $\mp$ 以 武 未嘗來歸 既 門,武王乃 徐孚遠曰:「《史記》言『微子持祭器 庚 初 立 同 無 武 異 在 庚, 而 也 故都也。 同之迹? 釋微子,復其位 又復微子 厥 然則武王克商, 後 之位 武 . 如 庚 故。 之叛,微 ,則是微 夫 造

# 襄仲如齊納幣

惡 移 如 得謂之禮乎? 公薨 齊 納 經 於十 幣 書 僖 則 公之薨 但 月,而猶 書「冬」。 + 在 二月, 三 十 即 如 Ħ. 杜 而「公子遂 月之内, 氏 之解,

#### 知 録 集釋

#### 子 叔 姬 卒

爲 以 誤 魯 女 趙子曰:「書卒義與僖公九年伯姬同,以其 月庚子,子叔姬卒」,何以 年,魯成公之四年,又出一叔 二年,魯文公之十二年,出 歸,此 也。 時 重 而 君之女,故曰子,以别其 書之爾。 再出之,必無此理,殆 據《傳》,杞桓公在 其本事。 [原注]成公九年,「杞伯來逆叔 且文公十二年,經書 位七十年。 知其爲杞婦乎? 一叔姬 一事 姬。 非先君之 而《左氏》 气,其 其二 再娶於 曰 姬之喪 Ŧi. +

#### 齊 昭 公

文公十四年「齊 侯潘卒」、《傳》以爲

> 疑者。 卒」。〔原注〕孝公。 生昭公」,前後文同,「原注」史記同。 (原注)經不書葬。 不當以先君之名爲謚。 昭公」。 按僖公二十七年, 然僖公十 今此「昭公」即孝公之弟, 七年《傳》曰「葛嬴 疑《左氏》之誤。 經書「齊 先儒無致 反侯昭

#### 趙 盾弑 其君

弑,盾主之也,討穿猶 孔子之言,以 此董狐之巽辭也。 筆也。「子爲正卿,亡不越境,反 楊 義無逃於天地之閒 氏曰 太史書曰「趙盾弑其君」,此董狐 〕司馬昭即誅賈充,仍不免弑君之號 爲「越 傳者不察其指 境乃 一, 而 不 可 . 得 免」,謬矣。 逃之境 免 也。 不討 外乎? 君 而 之直 臣之 穿之 賊, 妄 沭

臨 于 周 廟 [汝成案]哀公二年《傳》文「敢 昭告皇

漢

有

祖

文王」,此

衍

「於」字。

考之人 就 然 焉 祖 祖 不 而 公十二年,鄭伯 廟」,杜氏以爲「文王 厲 鄭子産使祝史徙 則不 祭,義又云何? 封 何 ,伯禽爲文王之孫, 哀公二年,蒯聵之禱亦云「敢昭 文王」。  $\pm$ 而 得、 襄 廟 乎? 之 公十二年,「吴子壽夢卒。 也。 曰 : 廟 或 則得 夫「諸 逆 也, 此 楚子之辭 而 乎? ^ 公廟之設 (傳》 廟 將 況 侯不得 也, 主 於有 何 Ě 始 袥 廟 三 三 : 祭 鄭 非 封 于私家 鄭 于周 也 土者 哉? . آ 桓 之君 祖 祖天子」, 徼 祖 爲 也。 福 ~; 自 厲 廟」、杜氏 乎 於厲、宣 厲王之子,其 昭公十八年, 天下 謂 王」,「原 〔楊氏 桓 之 始 · 有 意 祖 而 告於皇 臨 桓、武。」 也 曰」支子 以 于周 者 無 有 注 孰 特 祖 爲 雖 廟 謂 宣

> 也; 儒,貢 廟,其 國。 愚謂 廟,祭祀多不應古禮。」上是其言,後玄成 考之,自屬多有。 見,高皇帝之神必 注〕漢 立 自 長 先王之廟, 無廟之諸侯王也。 諸侯司之。不然,反不 時 貢、谷, 而況天子巡狩,屬車 周 太上皇、 禹、韋玄成、匡衡等相繼爲公卿。 遺意也。 高帝令諸 有 廟 禮散亡,此必 以 郡 陋 而特 祀 或 儒 孝惠  $\Xi$ 侯王 文王、厲 也, 廟 假 不 不 帝諸 氏 其 廟 然 如 以之人 有大宗伯之明 都皆立 薄 周 食於大王之手,明 郊祀賴其 昭 袁 亦倣 如周公矣。 所過,身後自皆 公之會于東 漢人郊祀, 《與淮南 寢 Ŧi. 王,而 太上皇 廟 廟。 古 皆 駁 罷 厲 而 蓋 文,許令諸侯各 廟 正,古 謂之周 漢 瀆  $\pm$ 都, 蓋 周 爲之歟? 禹 愚 人郡 書》 亂 禮之别 有 建言: 則 謂 丞 亦以天下 白。二全氏 制獲 無理, 廟 Ĕ 别有 韋、 相 國皆立 , 則 廟 議 存, 臣 廟 王 漢 元 罷 各 祊 歟 一之所 是 家宗 高 令同 以 <u>7</u>. 朩 帝 庸 郡 在 | 原 ? 其 或 相 好 皇 所 П

出

於豐 大禘於周公廟。」按二十一年,「 竹書紀年》:「成王十三年夏六月 周 公未薨,何以 有 廟 ? 周文 蓋 へ公 薨 周 廟 魯

所

廟

姓

口 也 大 此 原 注〕「公」字衍 而 知 稀之説 是 則 始 封 之 君 有 廟 亦

#### 欒 懷 子

寅謚 遂 成 子 案 傳於史策邪 好 文,吉射 郤 施 晉 至 人殺樂 益 士 昭 益 多歸 子 昭 見 ? 盈,安得 皆 之」,豈 美謚 或 〔楊氏 語 非 E 有 懷 一其家臣 比 荀寅、士吉射又云何 益 也。 又崔 《傳》言 爲之謚 武子。 ′汝 而 懷

?

## 子 大叔之廟

故 用 及 不 以 游 毁。 立. 氏 昭 公十 之廟 而 乃 無 日: 不 二年,「 庸 將 毁,日 毁 焉 忍 鄭 廟 簡 子 『子産過 也。 公卒,將 大 叔 諾,將毀矣。』 使 女, 其 爲 除 而 葬 問 徒 除 何 執

> 既 此 子 於 道 寢 大 傳》兩存之,而 産 南 蒐 亦 在 如 而 鄉。 道北 及 廟北,曰:『子 將 事 衝 爲 子 子産 其 , 而 ,使從者止之, 蒐 産 庭 記 除 乃 朝, 失删其 小,過 使辟 者或以 過 産過女,而 子 太叔 之。 而 期 耳 티 -怒 爲葬, 三日,使除徒陳 之廟 之。 十八 毁 命速 或 在 除 於北 年 以 道 者 除 爲 方。二 南, 乃毁 南 簡 蒐 毁 於 其

#### 城 成 周

天之渝,不敢馳 任 日 尋 舒、 : 也 盟 韓不信 昭公三十二年《傳》:「冬十 魏子 Н. 詩 必有 如京 城 日 成 大咎, 師,合諸侯之大夫 敬 驅」,況 周 天之怒,不 干 魏 位 敢干位 子 以令大 南 敢 面 一月 以 戲 于 事 作 衛 豫 狄泉, 大 彪 非 事 敬 傒 其

不 爲 幾 糧 周 方 氏》兩收, 以 魏 魏 乎?』」定公元年《傳》: 失諸侯,魏子其不免乎 月也。 議 **令**, 受功者乎? 不受功。」庚寅即己丑之明日,而《傳》分 計 子 舒合諸侯之大夫于 兩 ,以令役於諸 涖 年,豈 丈數 遠 政 邇 義 其 下 拿衛 而失删 流揣 量 量 一有遲 也 彪 · 文 曰 事 高 且 侯。」又曰:「庚寅,栽,宋仲 之兩 大 傒 卑,度 期 其 此 事 日 \_\_<u>.</u> 役不過三旬 計 Ŧ : 月 狄泉 ! 』此是一 徒 厚 「春王正 己丑,士彌 義,必有 周之正月,晉之十 而 將 薄,仞 庸,慮 始 建 栽,宋 天 將 子 財 溝 大咎,晉不 以 月辛巳,晉 而畢矣。 城 用 洫 仲幾 事 牟 而 成周 書 誉 · 《左 物 易 乃 餱 土 成 位

## 五伯

「五伯」之稱有二,有三代之「五伯」,

之光 爲 後一 文。」與 韋 指三代無 晉人言, 彭、豕韋、齊桓 顔 霸  $\vec{z}$ 佐 有 桓 晉文、秦繆、宋襄、楚莊 韋 命 師古 、宋襄、晉文、秦 爲 五,亦不當 。 杜 者,三王之罪人也」, 春  $\Box$  $\frac{1}{1}$ 説 周 明 ·秋之「五伯」。 商伯。」《莊子》「彭祖 、此同 謂 注《漢書 伯, 伯 齊 <u>一</u>五. 元 其 其 桓、晉文、秦繆、楚莊、吳闔 謂 齊 疑。 凱云: 伯之 後 應 夏伯 桓、晉 時 晋 劭 繼 楚 穆、 文。 異姓諸侯王表》,五 八 《 國 風 昆 此 霸 莊 姓 吾, 吴夫差。 同 俗通》亦 文。」「原 夏伯 語 無 《左傳》成公二年, 之卒甫 也, 商 昆 姓諸侯王 伯 伯 吾 昆 勤 趙 而定 大彭、豕 主 É 爲 祝 吾 得之,上及有虞, 此説 臺卿 注 而 二年 虎 表 夏 融 説 於五 撫之,以 通 伯 間 商 》, 五 韋 伯 詩 能 不 並 則 注:「齊 ·, 不 伯 Œ. 以 周 百 ,大彭、豕 昭 也。 據 伯 存 大彭、 義 爲 伯 顯 當 子》后 則 或 昆 齊 「原 引 説 以 役 天 其 遂 佐 桓 齊 吾、 爲 服 注 地 列 對 通 Ŧ. 或 晋 其 大 齊 虔

六〇

於泓 於彭 於 諸 在 踐 宋 文。 傳 下 元 止 據 知 夏后之世 Ŧi. 侯畢 王使 Ŧī. 苗 此 臺 遂 襄 百 國 就 及 昭 若 湖 公四 周 卿 報 佐 者 城 以 並 東 Ŧi. 餘 賀 人賜 時 南 |伯」,李 之前 歷 强 卒 周 孟 以 二,高 列 歲 號 年 但 亦 面 句 吴, ·, 未 稱 前 以 子 椒 有 而 虞、夏 踐 商 亦 誘 霸 而 舉 》所 霸 後 胙, 觀 對 其 注 所 Ŧ 嘗 伯 時 未 天下, Ŧi. 言之, 軌 命 楚子言「六王二公」,亦 有 聞 兵 稱 也。 霸 爲 昆 霸 至 爲 穀 注 異 中 Ŧī. Ŧi. 泗 伯 也。 允。 淮 更 梁傳》「交質子不及二伯 商 吾,夏之伯 「原 伯, 伯之名 上十二諸 南 辭 或 又言 如 起 子 年 彭 注 ^ 宋 嚴 》亦言 而 稱 「原 史記》言 者 | 淮 祖 七 襄 安 越 號 以 也。 也 夏 注 百 名 侯皆 南 求 所 兵 Ŧi. 桓 越 歲。」 鏗 久 横 后 子》「至於 霸 謂 越 伯 公爲  $\pm$ 朝 竞 然 但 矣。 行 桀 世 句 之。 不 指 於 世 是 越 趙 周 踐 家 江 齊 成 臣 也 勝 学言  $\mp$ 子 氏 之 所 昆 淮 桓 原 夫差 然 東 長 旬 傷 衰 注 是 吾 謂 以 則 周 封 晉

> 謂 羞

之五 門,五尺之童 商言之,不列 桓、文及楚莊 則言三代之五 稱。 之數。 王問越王句 孟子》所稱 伯、當列 不然,句 斯 皆 句 得之矣。 踐,董 Ŧi. 踐 踐 羞稱 伯 之伯 亦 闔 句 始 伯 Ŧi. 仲 及句 不 ", 間 践 不 伯 舒 ·必定 出 對 而 踐,若孔子以 句 閻 仲 惟 如 屬宋 以 去 氏 踐 尼 宋 Ŧi. 杜 云」董 宋 伯 襄 後 襄 爲 氏 也 哉 輩 襄。 是 Ŧi. 之説 一仲舒 在 當 一伯,(原) 前 仲 時 Ŧi. 汝 尼之 云: 荀 以 伯 成 言 句 案 一仲 子 蓋 前 注 踐 合夏 江 春 顧 故 尼 爲 以 秋 言 氏 之 Ŧi.

易

伯

#### 占 法 之 多

岱,戊、己,中 Z, 壬、癸,恆山 四海之外,日 以 H 占 以 事 州 北 者 河 ¬, 月 是 濟 不 史 也。 占 記 庚、辛, 以 丙、 時 天 占 華 官 T 事 Ш 書 江. 者 以 **>** 淮 西 甲 越 海

0

知矣。 以「六物不同,民心不壹」,而 大道以多歧亡羊者邪? 以 又 記 於象占之外耳 皋、唐、甘、石書傳凌雜米鹽,在 故有一事而 日月星辰占六夢之吉凶。」則古人之法 見時,月入於畢」是也。《周 鶴館以月宿亢災」、《後漢書》蘇竟言「白 絕書》公孫聖「今日壬午,時 掌其歲時。 今昔壬子,宿 有以月行 日時、風角、雲氣 · 賈誼傳》「庚子日斜,服集予舍」是 漢以 下 合於此者或迕於彼,豈非所謂 所在 觀天地之會,辨陰陽之氣,以 則 在牽牛」、《漢書》翼奉言「白 其 爲占,《 説 遲疾變動,不一其物, 愈多,其占愈鑿,加 故士文伯對晉 史記 禮•占夢》: 加南方」、《史 太 人自得之 史公 龜 策 亦謂 傳 也 侯 可 虹

曰:「一卦六爻,則皆雜有八卦之氣,若『初干寶解《易》「六爻相雜,唯其時物也」

亦然。 《離》,以子位名《坎》。 爻,故總謂之物也。」説《易》如 六親九族,福德刑殺,衆形萬類,皆來發 物」曰:「爻中之義,羣物交集,五星四氣, 王相爲興,休廢爲衰。」解「爻有等,故 名《乾》,乙癸名《坤》也。 見辰戌言《艮》,己亥言《兑》也。 九』爲《震》爻,『九二』爲《坎》爻也。 而大道 隱矣。 以此卜筮,亦必不 或若得來爲惡物, 或若 此,小 或以 以 驗,天 午 數 位 甲 或若 文 於 <u>İ</u>:

吉,叢辰家曰 Ŧī. 帝時,聚會占家,問之:『某日 行 家日 褚先生補《史記•日者列傳》:「孝武 可,堪 大凶,曆家日 興家日 不 可,建 小 |可取| 凶、天人家 除 婦乎?」 家 日 不

<sup>■「</sup>或若得來爲惡物」、《刊誤》卷上據《周易正義》本文

集釋

小 制  $\Box$ : ,太乙家 避 諸 死忌,以 目 大吉。 五. 辯訟不 行爲主。』」 ·決,以 狀 聞

# 以日同爲占

亡,而謂 月 其亡。 法。 戊子,晉 裨 電 毛 此 以 得 君 以 逢公卒於戊子日,而 將 殺毛 日 死。 之同 伯 而代 於古人者爲占, 萇 弘 之是乙卯 以民 吾乙卯 謂今「七 H 又是 以 日

# 天 道 遠

從 裨 昭 ,亦不復火」。 電 公 十 曰 **:** 春 凣 秋 示不 時 年 用 鄭 裨電 吾言, 夏 二十四年,「夏五月乙未 Ŧi. 月、宋、衛、 魯 鄭 梓 又 慎 將 最 火。」 明 陳、 於 子 、天文。 鄭 産不 災。

> 亦有時 朔, 以言天兮,占水火而妄訊。」 月,公如楚。」故 夢襄公祖。 "早也。"秋八月,大雩」。 日 食,梓 而失之也。〔原 梓慎曰: 『君不果行。』 子服 . 慎 張 曰:『將水。』 衡《思 玄賦 注〕昭公七年:「公將適 是 叔  $\exists$ 雖二子之精, 惠 孫 伯 EI: 昭 慎、竈 子 行。二三 曰 楚 顯

## 一事兩占

之星 以有 之。』十一月癸巳天王崩,十二月楚 名 而 曰:『今兹 宋、鄭其饑 旅 也 時 也、宋、鄭 於 襄公二十八年,「春,無冰。 災,陰不 明 土 年 周 虚 乎? 王及楚子 之次,以 而 必 民 堪陽,蛇 饑 歲在星紀,而 耗 玄枵, 皆將 不 害 饑 乘 鳥 死,歲 龍 虚 帑。 何 中 爲 淫於玄枵, ? 也 龍,宋、鄭 梓慎 周、 棄 枵, 其 楚 裨 康 曰 次, 惡 王 電 耗

# 卒,宋、鄭皆饑」。一事兩占,皆驗。

# 春秋言天之學

其説 Ŧi. 日 語 始。」而其所詳者,往往在於君、卿、大夫言 何 星,合之五行,驗之日食、星孛之類 愈多不中。 "「史以天占人,聖人以人占天。」 其簡也。 緯之中但言 動作威儀之間,及人事之治亂敬怠,故 也易知,而 天文五行之學,愈疏 [原注]邵子曰:「五星之説自甘公、石公 春 歲 秋時言天者,不過本之分 其 星, 驗也不爽。 丽 餘 則多中,愈密 四星占不之及, 揚子《法言》 而已。 則

# 左氏不必盡信

昔人所言興亡禍福之故,不必盡驗,

最後。 《左氏》但記其信 盡信也。 ト日 滕其先亡乎」, 征。 也。 四百二十一年。 後始滅於韓。 其後始皇遂并天下。 風》,以爲「其先亡乎」,而鄭至三家分晉之 國未可量」,乃不久而篡於陳氏,聞 三百年」,而 三良殉死,「 至於孝公,而 僖三十一年「狄 渾罕言「姬在列者,蔡及曹、 耐 是《左氏》所記之言亦不 滕 而有徵者爾,而亦不盡信 衛至秦二世元年始廢,歷 君子是以知秦之不 滅於宋王 天子 季札聞《齊風》,以爲 圍衛,衛 致伯,諸侯 偃,在諸姬 遷於帝 畢 賀, - 復東 《鄭 É. 爲

# 列國官名

門尹,鄭之馬師,秦之不更、庶長,皆他國春秋時列國官名,若晉之中行,宋之

六四四

宰、少 豚 尹 尹 所 師 注 箴 注 尹 宋 、鍼尹、〔原注〕宣公四年 尹 無 陳 固 陵 楊 有 有 宰、 武 尹 疑 氏 褚 芋 而  $\Box$ 師 即 尹 城 御 郊 楚 凡 鍼 蓋 而 尹 尹 士、左史、右領、左尹 尹 尤 此 鄭 ,其官名 、樂尹 諸 亦 藍 多, 寢 尹 有 尹 , 有 之。 尹 有 掌其 宮 沈 莫 昭公二年,子 Τ. 有 大 尹、 敖、 箴尹 事 尹 廄 抵 有 克黄,哀公十六年 令尹 清 尹 異 1 官其 ァ、 監 尹 尹 於 皙 地 た、右 他 請 者 莠 芋 馬 司 國。 以 尹 尹 尹 尹 馬 印 爲 「原 「原 囂 連 扬 太 褚

## 地 名

輿 西 諸 丘 輿 北 丘 」與」, 二,注 注 有 左 輿 云 傳 注云「阬氏,魯人 云 城」,又是魯 齊 \* 成 鄭 邑。 公元 地  $\equiv$ 年 哀 年 地 公十 戰 鄭 也 于 是三丘 師 四 鞌 禦 泰 年「阬 0 晉 Ш 輿 南 人 自 爲 城 氏 敗 縣 諸 葬 丘.

> 林」,注 爲 陵 陵 哀 縣 成案」「公及邾儀父盟 十二年「費 注 或 地 地 十七年「 云 云「齊地」。 南 今東 公十三年 \_, 注 也 地 云「曹邑」。 許 有 或 注 也 姑 地。 蔑 云「秦地」。 云「鄭地、今屬 云「莒邑」。 地 衛 城。 陽 文公七年「穆 也。 人北 孫 大 是二重丘 是二棫 即 彌 二十五年「同 蒯 末 此 襄公十 于蔑 庸 田 國 縣」。 姑 于曹 蔑 見 + 人追之, 注 林 成公十六 姑 也。 六 潁 爲二 兀 爲 蔑 隧, 蔑 伯 是二姑 年 Ш 無 年 之旗」,注 如 郡。 ,姑蔑,二名。 注 伐 敗 或 飲 或 次 盟 莒 秦 諸 馬 地 于 地 于 當 年 涖 蔑爲二 姑 也。 于 是二 重 也 棫 是 盟 戰 蔑 丘 重 林 至 云 魯 魯 定公 丘. 于 鄢 于 及 襄 地 或 或 公 越 注 注 棫 陵 鄢 鄢 1.

❶ 「元年」,據《左傳》,應作「二年」。

晉,取 大夫」,今太原盂 城 于盂」,宋之盂 而 几 公、楚子、陳侯、蔡侯、鄭伯、許男、曹伯 \_, 此 年 晉 劉子伐 則 地 衛 邢、任、 盂 有二盂 名 太 當 盂 子 盂,以定 在邢、洺之閒 者 蒯 樂、 :昭公二十八 有五。 也。 聵 縣; 鄗、 獻 王室」,周 定公八年「單 盂 哀公四 逆 僖 于 時、 公二十一 齊」, 年「盂 年「 陰 之盂 衛之盂 齊國 子伐 丙爲 也 年 盂 夏 也 伐 盂 壺 簡 會 宋 十

與 華 注:「州國 、隨、絞、 容 縣 州 東 或 南 州、蓼伐楚師」,注: 有 在 <u></u> 城陽淳于縣。」十 桓 公 Ŧi. 年 一 年 州 州 公 或 如 在 鄖 曹一, 南 人 將 郡

## 昌歡

僖公三十年,「王使周公閱來聘,饗有

音,相 作 年,周 典之誤文不 哀公二十五年,「若見之君將殼之」。 南、北之學,陸、孔 已誤作 俎 今攷顧氏《玉篇》有「敵」字,「 葅 日 歜 也。 : 一散」,《 、, 盛 Ħ 、白、黑、形 而《釋文》:「歜,音在 齊有邴 傳 歜 歜 氣 然則《傳》之昌敵正 敗 爲 廣 怒 戎 在 韻》注曰 自 于 歜 也。 「原 感 邥 天寶、開 ,魯有公父歌、「原 垂。 反,不 鹽 注』《廣 從欠,蜀 諸 :「《説文》從口。」蓋 其音爲 儒 注 成 韻 知 "; 影亦 始 日 與 合 聲。」此昌 : 矣。 感反。」《 誤 觸。」《 彼 有不能 徂 此 作 昌 爲 歌 字 敢 注〕文公十 歜, 同 切, 説 而 Œ 爲 徧 文》 | 歜之 今本 昌 昌 是 唐 異。 通 義 經 知 蒲 蒲

代 但 曰 簡 其 :「此與二十 字則變古爲篆 襄公二十四 紙 以 代練,多 -年 年 日日 歷世代, ,改篆爲隸 頻 月日食,理 有食之」。 轉 寫 書則 謬誤 必不  $\sim$ 正 縑 然。 義 失 以

又北 宅, 其 氏 至 論。 相 本 -真,後 平. 類 ·侯張倉 攷《魏 ,世謂之古文。」自古文以至於今, 尚 書 儒 **≫**, 書》江式言:「魯共 大 獻《春秋 循,莫能改易。」此 春 秋》、《論 左 氏傳》,書 語 **∀**, 王 孝 壞 通 體 人之 與 經 孔 孔

音、 取 不 籀 者,墳籍根本。 而 經者是徐 知 忽吕 乎其言 文字是也。 學《漢書》者,悅應、蘇 書音是其 古之教人,必先小學。 忱; 貌 明《 而 枝葉,小學乃其宗系。」吾 非 史記》 世之學徒多不 《顔氏 許 慎; 者,專 家訓 習賦 而 略《蒼 小學 皮、 日 誦 曉字。 者,信 : 鄒 「夫文 ·之書, 丽 雅 廢 褚 讀 有 字 聲 篆 Ŧi.

# 文字不同

則爲 文乎? 而自 蔿氏 報 ; 不同者,如「桑葚」 Ŧī. 「黮」,「鬯弓」著於《鄭 《左氏》一 「箴尹」或爲 經 念記 中  $\mathbb{F}$ 文字不同 書,其録 書同 鍼 文」,亦言其大略 多矣。 見於《 尹。 楚也 風》而《 衛》詩 ,「遠氏」 有 況 於 秦》 經 鍾 而 《魯》 之中 )則爲 鼎之 或 耳。

其爲

經典之害也甚

矣。

學者,於其所不能通,必穿鑿

而

曲

爲之説,

其傳寫

不知幾千百矣,安得

無

誤 ?

後之

# **所見異辭**〔原注〕已下《公羊傳》。

也。 所 得 襄 則 傳 據 或 聞 其: 所 孔 史 子 所 聞 則 所 生 見 也 又遠矣。 載 於昭、定、哀 以 隱、 補之。 策書之文,或有不 桓、莊、閔、僖 雖 至於 得之於聞 之世,文、宣 所聞, 則 -備,孔 必必 則 所 遠矣, 一、成 將參 傳 聞

異辭」 之。 其日 得 乎? 不書 而 褒諱貶損,不 説,則晦 之一説,則略於遠而詳 孫三也。 非 不書日詳略之分,爲同此例,則 之淺深,有「諱」與「目言」之異, 以 4. 之矣。 矣。 爲 以 異言。 夾之學」。 日 然其 遠 求其信,信 , 同 此三 何 竊疑「 於近 而 此 休 辭」也。 〔原注〕孔子曰: 《漢 義 及口 義。 無 語 見 有 書》言: 所見異辭,所聞 所攷矣。〔原注〕「無駭卒」,「俠卒」, 而章於遠。 可 桓 [原注]鄒氏、 以  $\equiv$ 必 説 書見, 則書之,疑 公二年會稷之《 公子益師之卒,魯史不 此 有 流行,故 闕 釋經,豈 所 孔子 文一 「邦無道,危行言孫。」從前 本 口授弟子。 夾氏無傳。 ٠, 讀《春 於近。從後之二 作《春秋 也 而 則闕之,此 有公羊、穀梁、 不 諱 齊、 異 甚易 秋》者 辭, 惡二也,言 魯 傳 甚 而 夫「喪欲 弟 諸 難 所 以 而 子 儒 有 可 書 以 其 傳 而 實 退 以 述 聞 實 恩 是 所 所 H

> 游 速 舉 貧 了; 死 其 事實之,亦 欲速朽」, 曾子 烏 得 且. 而 聞 明 而 哉 未 達, 故 非 日 子

紀履緰來逆女〔汝成案〕履繻,《左傳》作「《春秋》之失,亂。」

惠

侍讀

曰:「裂古音厲,與履音

相

近。

裂

乎 ? 侯者 自 窮也 也。」富平李因篤曰:「此言 公使公孫 稱主人,以别於宋公之無母 ,以見母 曰有。 何 辭窮者何? 以 壽 不 有則 來 雖 稱 納 不 使? 幣, 通 何 以不 無 則 而 昏禮 母: 其 紀 也。 稱 稱 侯 經所以 不 母 ? 主 有 也。」 然則 稱 13: 人 主 何 ? 紀 母 則 不 書 不 有 不 得 紀 通 母 宋 辭

# 母弟稱弟

道地 見。 以 則 明 由 而 于異母則可,言同父,以 稱 宣公十七年《傳》亦 同父』,言同 史記》:「高祖 當 此 望 此 春秋》變周之文,從殷之質。 以 弟 爲 之 春 百 親 何 齊侯 質,是 詩 秋 以 厚,異於羣公子也。」夫一父之子, 母 郭氏曰:「若如《公羊》之説,則 人美鳲 以 父,以 均 不 使 母 之同 下, 平 同 弟 其 所 明異 日 骨 母 母: 弟 稱 謂 於 鳩 少 明異母 母 年 肉 爲 「凡稱弟,皆母弟也。」( 弟,母兄 弟也。」《索隱》曰 直 兄 均 也。」趙太常云:「言同 衰 來聘」、《公羊傳 親 弟 愛 薄 情 疏 則不可。」何休以 七子,豈 則 此 而 稱兄。」「原 禍 教 徑 亂 之以 時 一行,戎 質家 萌 人至 有 生,  $\overline{ }$ 疏 於 漢 梁 注 親 母 陋之 狄 外 父 鮮 書 氏 左氏 「其 親 以 》作 日 之 異 ? 母: 不 别

> 父也 耳,非 妻,廢 案〕母 加 立 母 親 兄弟 嫡 弟 嫡 子 則 以 稱 立 不謂之兄弟乎?」 同 弟 知 同 庶 母 之 有 重 母 弟之説,其 適 禍 弟爲 母 妻 起 不 丽 矣。 嚴 知有父,是禽獸 加 父統 母 親 弟 也。 也。 日 加 程 同 親, 此 若以同 子 義不明 母: 非 E 弟 爲 也。」「汝 母 蓋 母: 禮 而 也, 以 弟 謂 文 乃 妾 爲 有 嫡 爲 爲

#### 子 沈 子

Ŧī. 者 莊公十年,定公元年。 子冠氏上者,著 云:「子沈子,後師 傳》中有「子公羊子曰」、「原注 年。 辟 隱公十一年《公羊傳》「子沈子曰」, 丽 孔子也。 又有「子沈子曰」、「原 其 其 「子司馬子曰」,(原注)莊公 爲 不 師 明 冠 也 説 子 者, 此意者。 不 注 〕桓公六年,宣公 他 但言 隱 師 公十 子 沈子 也 年 按 稱 注

父、禽父皆是。

後又於名字下係以

「子」,晉悼公周爲周

如

尹吉父、仲

Ш

父、虢石父、

程

伯休父,及閼父、皇父、燮

周以後,始多此稱。

西周以前謂之「父」,係於名氏之下,

子,冉 有爲有子,戰國時 有和子、嬰子,皆是。

## 三十年。「子女子曰」、〔原注〕女音汝。 「子北宫子曰」,(原注)哀公四年。 何後 閔公元年。 師 之多

四年。 歟? 皆不冠子。 五年、二十年、二十四年、二十八年。 「尸子曰」,隱公五年,桓公八年。 「沈子曰」,定公元年。 皆不冠子。《穀梁傳》有「穀梁子曰」,隱公五年。 [原注]又有「魯子曰」,莊公三年、二十三年,僖公 然則 此傳 不盡 出 於公羊子 有「高子曰」,文公 也 明

日

傳》自 浦自稱子張子,王厚齋自稱子王子,則固 稱子孔子、子孟子」? 王孫駱稱范蠡爲子范子,是皆平輩 唐人劉夢得亦自稱子劉子,又先乎此。 稱子公羊子之例也。 而毛西河 考之荀卿稱宋銒 亦以 相 爲 推 難。 重之詞,不以師 不 盡以爲 如宋人張横 是即《公羊 爲子宋子, 尊稱

矣。〔全氏曰〕明莊烈帝嘗詰以「子程子爲尊稱,何以不

者、男子之美稱。 弟 謚 木也。 ,列國卿大夫之稱武子、文子、襄子、桓 氏據《公羊》所言,特其 古人多係於氏,孔、 節 耳。 顔是也。 子是 雷 也。 氏 或 云一子 然東 係於

> 鄭 忽

於「天道」矣。

《春秋》伯、子、男,一也,辭無 鄭忽出奔衛」、《傳 》曰:「忽何以名? 所貶。」傳文

# 穀伯鄧侯書名

攻人君」之説,又有「不月者,失 去魯甚遠,不緣失地,不得皆朝於魯。 人」之説。 朝何? 明。 :「皆何以名? 穀伯綏來朝。 而 何氏 貴者無後,待之以初也。」其 胡氏因之,遂以朝 乃有「去二時者, 失地之君 鄧侯吾 離來 也。 桓 其稱『侯』、 一之貶 「原注 地 桓 朝。」《 公以 君 二穀、鄧 歸之 朝 傳》 義 惡 火

甚

簡

而

伯、 公, 難 曉 王. 子、男。〔原注〕見 者之後稱 李 大 篤  $\Box$ 公, : 其 「初獻六 春 餘 秋 之法, 大國 羽』《傳》。 稱 天子 侯, 小 是  $\equiv$ 

也

或

稱

稱

子。 此 也。 子 公、侯皆稱 則公、侯爲一等,伯、子、 更 産 以 無 今鄭,伯 曰『鄭 其 所降,不 等本 子, 如 伯,男 爵 貴於伯、子、男,故 得 也 宋子、 也」。 不降 伯伯 與子、男爲 而 衛 遭 男爲一等也。 書名矣。 子、陳 喪 未 踰 子 年之 降 之類 名非 等,下 而 君 貶 是 故 稱

## 祭 公來 遂逆王后于紀

忽之辭,故

日『辭

無所貶

此 言 九 自 謂 年 之「王 然之文也。 桓 公八 春 一后, 紀 年,「 季 從 姜 祭公來 猶《詩》之言爲「韓 歸 歸 者 于 而 京 遂 言 師 逆 謂 王 之「季 從 后 逆 于 姞 姜」, 者 紀 相 而

> 知文 之士亦 得不然也。 攸 師」,則王 人之意矣。 傳 皆 猶 拘 成矣」,又以爲「父母之於子,雖 也, 古 「女在 於「 日吾季姜」。 未 有 猶《 知 嫁 在 倒 其 后者誰之女? 其不通,又將 今將曰 國 左氏 而 之 或 而《公羊》以爲「王 稱 冠 而 稱 女, 以 》之言 順 女」之例 在 夫國 者 是其説經雖 「逆季: 途 也 稱 一之號 婦, 息嬀 辭 姜 曰「王后 人 窮矣。 「原 于紀」, 或 此 將 稱 注 者無外,其 巧 夫 歸 臨 人。 隱 公十八 公羊 歸 則 爲 而 文之不 過 公二年 于 天 而 初 非 子  $\pm$ 京 學 聖 不

后

辭

年 陳 傳 嬀歸于京 文 則 有 不 師 同 」,實惠后 者。 左 一氏》莊 蓋

門〔汝成案〕襄公二十三年《傳》文,「臧紇斬

狄 又泉 呼

也泥

河

此

水甚

小,

自春秋至今不涸,猶洛陽城

中之

0

爭

鹿門之關以出」。此脱「以」字。

東北 於爭 後 門、吏門並 用 此水名省文作「爭」 池 傳 也 南 絜静 淨 之。 也。 人以「瀞」字省作 陽之甲,立僖公而 之五泉, 」,而魯之爭門 精 門者是也,或曰 注 公羊閔公二年《 臧 微」,只 自 从水爭 紇 一鹿 南、 流 闕。 斬 作「静 經 鹿 門, 夫子墓前, 北《 聲。 門 按《説文》:「淨,魯 字。 魯 之關 史》以下, 不復知矣。〔原注〕《 「淨」,音才 爾。 士 自 南 城魯。 傳》,「 桂氏日〕案淨 西 耕切。」是 出 城 爭 南 「原 門 東 人沂,俗誤以爲洙水 奔 注》廣 或 桓 至於吏門 門 邾 俱 性  $\exists$ 公使高 也 水發于 是 爲 爭 切 韻 自 才 門 北 也 鹿 莋 而 據 故 禮 性 者 子 即 城 梵 門 埩 <u></u> 魯 記 之 以 門 左 書 爭 是 至 將 \_ 城

# 仲嬰齊卒

友、仲 十七 乃是正法。 脈, 也。 生 也 生 遂受賜爲仲氏,故其子孫稱仲氏。]孔氏 氏,故其子即以父字爲氏。 年,「三月乙巳,仲嬰齊卒」,其爲 也 而 [原注]杜氏注 遂 賜 則子叔聲伯也。 年,「十一 書「公子遂」,其死 於其子也,其生也書「公孫歸父」,其 春秋》從其本 亦同 氏 有 春秋之世,有非 此 非 例。 嬰 禮 月 齊,皆公孫 日 : 「 中 也。 王: 唐 稱,而 以 襄仲子、公孫歸父弟。」成 申,公 禮 以 後, 季友、仲遂 生賜 父 賜 也 字 不 功 族者,華 「原 孫 也。 書「仲遂卒 臣之號 没其變氏 爲 嬰 注 曰:「死 氏 劉 齊 成 仲 皆 督是也。」季 亦 炫日 公十 卒 亦 遂 生 後 此 于 非 後 意 而 賜 于 也 族 其 禮 賜 貍 公 Ŧi. 仲

兄爲父説,殊悖。

此

死也書「仲嬰齊卒」。〔原注〕公子季友卒亦同

惟季友之子不見於經

屢見於經矣。 《公羊傳》:「仲嬰齊者何? 公孫嬰齊、今爲大夫死、見經、爲仲嬰齊。」此漢人齊、今爲大夫死、見經、爲仲嬰齊。」此漢人齊、今爲大夫死、見經、爲仲嬰齊。」此漢人聲伯。故注:云:「未見於經、爲公孫嬰聲相。故注:云:「未見於經,爲公孫嬰聲相。故注:云:「未見於經,爲公孫嬰聲相。以於其傳》:「仲嬰齊者何? 公孫嬰齊

嬰齊、仲遂子,不必至孫始氏王父字。《公羊》創孫 以 也。 倫 猶之叔孫僑如奔而立豹。 立後哉 然嬰齊之爲後,後仲遂,非後歸父也,「原注 矣,非也。 嬰齊爲後 《傳》拘於「孫以王父字爲氏」之説,而 爲人後者爲之子」,此語 「惠 歸 侍讀 且三桓亦何愛於歸 父,則以弟後兄,亂昭 E 〕戰國衛南文子者,子南子 以爲「爲兄後」,則 必有 父而 所受。 穆之 爲之 禰 非 祖

**隱十年無正**〔原注〕已下《穀梁傳》

乎? 位也。 正也。 《春秋》之志,天倫重矣,父命尊矣。 二君之志,位又焉在矣? 承父命; 父之惡」以爲讓,所 故者同 之始年,非他人,隱公也。 禮,無可書乎? 郎曰]五始,大教也。 及甲子多不具,舊史闕也。」得之矣。〔莊 正」者,鑿矣。 書,非有意削之也。《穀梁》以爲「隱 踐其位,行其禮,削不書乎? 元年有正,正隱之宜爲正, 辭,非所以尊先君也。 隱十年無正」者,以無其月之事 君位,國之本也 不誠矣,雖行即位之事,若無事焉,是以不書 曰:公踐其位,行其禮,然後稱元年。 趙氏曰:「宣、成以前,人名 由 隱公、《春秋》之始也,公即位,可 與 · 南 伯 則何以不書? 十年 夷、叔齊異矣。 面者無君國之心,北面者 善乎穀梁子之言,隱公「成 無正, 而不自爲正,不 抑未嘗踐其位,行 讓 隱不自 國誠,則循天理. 成公之讓 嘗得 Œ, 可 國以 而 不自 前 推 與 即 不 H 無 繼 君 其 闕

## 戎菽

哉 ! 説。 既歸,進其蔑菽,有稻粱之味。」則自后稷之生而已 斾」、《傳》曰「荏菽,戎菽也」、《爾雅》「戎菽 謂之荏菽」、「原注〕亦作「莪菽」。 蓺之,不待桓公而始布矣。 山戎,得冬蔥及戎菽,布之天下」而 傳》曰:「戎菽也。」似據《管子》桓 桓公以戎捷夸示諸侯,豈徒一戎菽 莊公三十一年,「齊侯來獻 且《生民》之詩曰「蓺之荏菽、荏菽 《列子》:「北宫子 公北 戎 捷」。 爲之 伐 斾

# 隕石于宋五

《公》、《穀》二傳,相傳受之子夏,其宏

日

知

録集釋卷四

綱大指得聖人之深意者凡數十條。 所以行之者三」,其「散辭」乎?「凡爲天 過宋都」,先數,聚辭也。」「天下之達道五, 辯,其穿 齊、魯之間,人自爲 爲之説者也 龍」,後九也,「九二見龍」,先九也,世 下國家有九經」,其「聚辭」乎?「初 六」而夫子改之「六鶂」 也。穀梁子 史云「五石」而夫子改之「石五」,史云「鶂 為」。 「『隕石于宋五』,後數,散辭也,『六鶂退飛 隕 石于宋五」,「六鶂 退飛過宋都」,此臨文之不得不然,非 整 以 誤 後人者亦不少矣。 師 , 窮鄉多異, 曲 〔原注〕《左氏》、《公羊 九潛 日 Н. 學 然 多 而 如

有無,「其文則史」也。故劉敞謂:「言『是則「有鸜鵒來巢」不月,何也? 夫月日之日,何也?「鶂,微有知之物,故月之。」然日,石無知,故日之。」然則「梁山崩」不

七四

月』者,宋不告 日 嫌 與 隕 石 同 H 書 是

月』以别之也。」

## 王 子虎卒

氏仍《穀梁》之誤 宋、齊、晉之君皆將 爲「叔服」。 敗。」明叔 康公伐戎,叔 入于北斗。 氏》以爲「王叔文公」者是也, 文公四年,「夏五月,王子虎卒」。 服别是 周内 按此 服 日 史 後文公十四年,「有星孛 : 死 『背盟 人,非王子虎。 叔 亂。」」成公元年,「 服 曰:『不出七年, 而欺大國,此 而《穀梁》 〔原注〕 **定** 劉 必 以 胡

## 穀 梁 日誤作日

穀梁傳》宣公十五年,「中國 謹日,卑

> 書法, 三日 上文「當堯之時」以下,皆敘事之辭也。 翼之,使自得之,又從 馹。□〔臧氏曰〕《孟子》「放勛 秦始皇本紀贊》「 音别之。毛晃以爲一字兩音而駁其失,誤矣。 氏《釋文》於九經中遇二字可疑者 **贊賽哉」、《吕刑》「今爾罔不** 日潞子嬰兒,賢也」。 〔原注〕《書・皋 疏 或 「曰爲改歲」、「 「日音馹,或作『曰』,誤也」。 「日月」之「日」,或以爲「曰若」之「曰」,陸 兩 月, 解 讀 唯一曰 閑 甚迂。 者, 夷狄 興衛」,皆當作「日」。 如 若」之「曰」上畫不滿,與 《詩 曰殺羔羊」亦然。 不 按《傳》文「曰」字誤,當作 圃 党贵 日 以 0 而振德之」,孫宣公《音 責 不曰 其 H 日勞之來之, 匡之直之, 輔 戒」,「曰 日 趙氏注亦不以爲堯之言,自 由 古人『日』、『曰』二字同 之孤」、《正 潞 慰 自 即 日 子嬰兒,賢 古 加音切。 「日」字 音 勤」、《易 經 邢 越, 氏 師 疏 義》 所 兩 又 則誤 異 陶謨》「思 傳, 義 E : 存,而 人 又有 耳。 引 大畜》九 栗 讀 史 或 也 日 丁音 反」。 記 故 以 以 日 其 音 字 其  $\Box$

而

日 知 録 集釋 卷 四 级 爲「日

## H 知 録 集釋卷五

崑 山 顧 炎 武 著 嘉定 後學黃 汝 成 集釋

#### 閽 人 寺 人

知 之、禕、允三人」。於是後主欲采擇 曰:「爲治不在多言。」自漢 後 亦誨之齊家者也。〔錢氏曰〕此 色之事。太宰之於王,不惟佐之治國 之人。九嬪、世 世以 體 此義,故其上表後主,謂「宫中 閽 嬖 人、寺 体居 而宫中之事,事 輔弼之地,欲其爲天子齊家,得乎 人屬 婦婦 屬 於冢宰,則 於 以 無 冢 來,惟諸 宰,則 大小 亦冢宰得 内 後 悉 廷 府 葛 宫 無 以 以 中 孔 其 充 俱 咨 明 無 亂 人 一; 而 耳。 後 爲 攸 爲 故 盛 政

世

事,而 知閽 不與 得宣 宫,而終 周 過 慮 召 理 不敢執 乎? 露。 九卿爲密,反 黄 至深遠 寺、嬪御之繫於天官,周公所以爲後 御 禮之效矣。 爲之大臣者亦以爲天子之家事,人 府 門 執不聽。 阜怒,杖吏 吏,問 而問 丞。 魏楊 也 「原 也。 阜爲 後宮人數。 注]《蜀-後之人君,以爲 與 宦 其家之不正,而何國之 少府,上 人 小 一百,數之曰 志 黄 吏爲密乎!」然後 皓 董 吏曰 允 終允之世 疏欲省宫人, 傳 「禁密 此 可 「國家 吾家 以 不 位 爲

乃

能

臣

行

不

則奄寺之官猶隸於外廷也 官令丞,諸僕射、署長、中黄 門、鉤盾、尚 漢承秦制, 方、御府、 有 少府之官,中 永巷、内者、宦者八 門皆屬焉,然 書 謁者、 黄

## 一七六

# 正月之吉

夏正 又以 之《訂 授民 建子者, 寅 朔 宰 而 解 此是古人三正並用之驗。 或 原 雪,始 者 ₩ E 注 注 日。」〔原注〕「凌人」注同。 正歲 , 如 建 太史》: 都 同。 如如 義 時 寅 鄙 大 如 IE. 殺 者。 讀法如初。 左氏桓公五年《傳》云: 亦 司 歲 巡 司 而 「正歲 鄭 正歲,令于教官」,注 稼 則 嘗, 用 狩 徒,正 注云: 鍔 越 以 讀 建 閉 日 烝享,猶自 年之上下 法、三 我周 年 寅 蟄 謂 以 注云:「因 周 而 月之吉, 序 之歲 歲 改正, 烝」之 周 以 事 大計羣吏之治之 建子 出斂法、 IE. 用 頒之于官 州長既以正 此四 爲 類 夏焉。」正 建子謂 月 以 「凡祀, 啟 是 **%** 始和 īĒ. 朔 费年 垂三統,至於敬 時之正重申之。」 也 耐 之年。 日 府 周 JL 則 , ° ] [原: 及 沈 蟄 布 時 月之吉讀 書 公旬 類 都 「夏正 謂 之事 而 氏 事 教 鄙 郊, 此 事  $\Box$ 用 有 注」「大 周 于 三日 有 用  $\pm$ 龍 有 也 月 法 即 邦 月 用 建 用 與 周 見

二 正 直 二月。」〔汝成案〕如王與之之説,是孔子 功。 是。 之類。 歲。 周 禮 十二月爲夏之十二月,則 亦夏時,其説 月 則行夏之時, 之,書四時而 之以序其 者, 與 日』與『七月』、『八月』,即 次舉先後,不失其序, 公》、《穀》咸發其凡矣。 成歲 百十 春暖 **董** 則 建子之正。 爾 也,恐 而 间 然有合用周 知 别歲、年, 《大司 無冰,亦是時之常,不知 太史 皆 爲夏 雅 有二月」 事 īE. \* \*\frac{\times}{\times} 不 也。 Œ 也。』與之案: 時 而建 兼 徒》「正 若 歲與年, 也。 直 月,用時王之正,則 年只 一周 是 時之正,亦有 愐 寅。 翢  $\Box$ 偏 日  $\Box$ 凌人掌 如 月之吉,始和,布教于邦 風 讀 反。 如 IE. 歲 而 年,夏曰歲。』經 如書二一月無冰」,以 • Ē 法、 月之吉」, 《月令》所 次序 正月 七月》一 此 戴氏曰 此義。 十有二月」, 至時、 月之吉」亦 冰 朝 以周 政 其 亦 會 合用前王之正,不 此 等事 事 月、 爲夏之正 歲 孔子作《春 人建 二月 建 建子; 詩 後儒 則 十有二 頒 十二月之事,是 稱『一 知 H 夏 用 子 乃 于 加 或謂 所 爲 作 有 之,歲 時 書四 用 謂 兼 官 歲 周 書 春 之日』、『二 月。 月,令 周 夏 用 府 國 是 以 Ē īE. 「正月之吉 秋》亦 有 秋 IE. 正論之, 時 夏 都 則 明 都 無 月 余謂 不 月之吉. **沙乃兼** IE. 鄙 而 可 夏之十 便 鄙 别 夏 斬 也 不 示 以 兩 于 説 於 冰 亦 吏 不 《周 月 又 Œ 别 則 用 存 之 Œ 事 極 併 以

皆周 月》 月、正 日 H 吉,各屬 徒 日 」、「正歲、令 于 ,殷正月」,「三之日,夏正月」。 正 歲之名 歲,令于 正 篇 其 」,傳 之中 州之民 而 、羣吏 教 事 曰:「一之日 之日 官一、《 凡言月者 木 而 攷 異,其 讀 法 鄉 法。 觱發,二之日 于 大夫》「 八爲二時 司 正 徒 歲, 皆 以 īĒ. 周周 審 則 退」、《州 夏 月 矣。 讀 之吉,受 正月」,「二之 正 教 ^ 法 栗烈,三之 凡言 豩 長 如 教 初 詩《 IE. 法 日 異 月 于 者 七 之 正 可

梁武 梁武 中 對 正 書 祖 梁 中 武 星鳥,以 又云:「『寅 又問 候 帝 此 帝 北 自 問 時 • 問 史·李業興 運 何 堯 殷 正  $\sim$ 衡 堯 何 以 仲 ? 尚 篇 以 上 時 賓 春  $\frac{*}{Z}$ 書 得 業 以 出 書 (傳》: \* = 前 知 興 \_ 典 即 H ?]業 日 對 正 何 不 是二月。 月 曰 天平 月 即 載 月 營始』, E 興 實 是 爲正?」業 此 四 H Œ 所不 年, 夏 此 月 受 故 「案《 IE 使梁。 出 終 知 知 月 尚 文 堯 日 興 夏

> 者」, 典 》, 月 如 日 此 0 : ^ 。」〔原注〕近 雖 何 雖 周 自 得 禮  $\equiv$ 周 云 IE. 》『仲 書, 堯 不 有 時 月亦 同 楚 春 人剙 言, 言 不 夏 月, 知 爲 時 時 用 堯 會 節 建子、舜 何正 者 男 堯 皆 女 之 ? 建 之 H 據 Ή. 業 月 無 夏 之説 興 亦 夫 時 當 家 正 對

## 木鐸

據此闢之,遂

無以

難

焉 王 日 此 原 : 世 其 先王仁 注 貞 鼓 鼓 金鐸 陳 可以 吹 觚 蔡徵 吹,軍 軍 不 樂,有 所 觚 義 爲 識 録 之 以 吏 中 治 》言: 功乃 部 **令** 用 之 民 尚 軍中, 「先 授。」今則文官用之,「原 之道 也 樂 書、啓後 也 朝 之制 世 一器之微 木鐸 非 主借鼓 歟 維 統 總 所 軍 吹。 兵官列 一之官 以 而 後主 **令** 剛 或 營,始舉 不 謂 柔 所 用 中 注 别

一七七

礮

奏鼓

吹

嘉

靖

後

巡

撫

乃放

而

行

之。上士

庶

人用之,

鑼 僧 遵 鼓 恬 起 年,華 奏劾 等 吹 簡 守 矣。 道 祖 物。 文帝 而 用 温 訓 陽 「原 士: 奉 大不敬 如 之, Ŧ. 庶 登 敕 此 吉 阼, 注》晉書 友 切 金革 堚 X 以 責 請 未 一之禮! 遺 後 解 以 千户 科 之 法 嚴 罪 爲 及 禁 ··。 | |今 器 此 迎 司 齎 H 大 行 神 奏赴 弛 徧 司 馬 賽 制 師 庶 馬 於 恬 之具,於王 會 京 雖 桓 爲 反 或 并 并 授 温 御 有 中 鉞 買 屯 史 用 遣 用 喇 中 中 鼓 何 吧、 將 而 矣。 堂、吹 派。 吹 用 者。 兵 亦 號 值 不 警 由 笛 當 景 舉 海 角 此 時 銅 泰 礮 四

先 亂 尋  $\pm$ · 邊 概,吾道竟何之。」粗 而 一之制 高 後 戍皆 魏 歡 所 孝 舉 得 武 兵, 以 用之,故杜甫詩 永 軍 魏 熙 容不 分 中 爲 厲之音,形 諸 入國」也 <u>-</u> 州 鎮 <del>궁</del> 唐 各 自 爲 「萬 給 安 鼓 亂 史之 方聲 吹,

今賣 禮 小 餳 師 詩 原 注 注〕俗 司 有 瞽 漢 作 糖。 箋云: 時 賣 者 餳 所 簫 止 吹 是 編 也 吹 ]。] [原: 小 竹, 竹 管 注 今 則 如 周

鳴

金

# 稽其功緒

太王、王季、文王之緒 (説文): 已成 者謂 緒, 絲 之「功」, 端 也。」《 未竟 記 **>** 者  $\Box$ 謂 武  $\pm$ 緒 纘

## 六牲

歸 美宣 重。 吉 殺 無 湯 犬 之牛 使 故 遺 王也。 「執豕于牢」,稱公劉 故《左氏 豕 不 古之爲 之牛 殺 羊 牛, 豕 而 禮以 羊 ; 至 雞 **>** 用 大 一於鄰 狗 載 大 夫 祭祀燕享,故 而 皆 齊 牲 無 衛 或 或 則 故 戴公之廬 百。 相 之 1 不 通 也 制、公膳 之 殺 ·; 其 於 羊, 則 六 平. 爾 神 于 葛 士 日 牲 牲 伯 曹 止 以 之掌特 無 則具」, 不 於 求 故 或 . 祀 雙 其 君 不 桓

類。 澤 於 雞 而 萊,萊人使正 是 吴人徵魯 中 而 千 古人之重 范 詩 足 **黎** 人言 彘 用 其 百 得 輿子賂之,索馬 賓 六牲 牢。 霸 比 客之設, 越之餘 封 始於貪求,終於 也 君。 如 謀,以 不 此。 孳畜 過 自 兔 4 之權,不 畜 齊 首 皆 Ŧi. 靈 炰 暴殄。 牸, 而 百 公伐 鼈 兀。 在 之

之用, 修肥 此 年, 肩 乃 百 梁武 以 所 自天 索 用用 尊卑有差。 雞 秦德公用三百牢於鄜 以 不 當鶩 事 殺 三牲 地六宗以下 神 曰:「東 · ', 辨 雖 雁 日 天子社 鳥 等 犬 儉 威 潤 慈, 當麋 以 鄰殺牛,不如 三千 稷皆 何 愛 至諸 殊淫暴? 物 鹿。 太牢,諸 餘 禮 種。 小 也 ′汝 畤 鬼 宴享之度, 不 成 侯 後 神, 爾 社 案〕古者六牲 而 西 稷 不 則 鄰 凡千七 王 皆 能 晏 之 莽 少 準 子 備 牢 末 禴 于 豚

此

# 邦饗耆老孤子

《王制》。 老」, 少、存諸 之,而其 者多矣,不 禮之所以 以 勸 以 春饗孤子」, 死 忠 象物之既 孤 他 事之孤 則 可 而 先 爲 르 以 王 養 大 徧 於 也 「原 成。 以象物之方 則饗之,而 饗 國、養於 舉 與 也 注〕《月令》。 事 然 <del>)</del>,故 而 而 天 或 鄉 或 道 老、 生, 「 其 而 中 人倫 他 른 之 庶 以 則 老 老 秋 備 教孝, 「原 養 則 者 饗 焉 注 幼 饗 孤

或

而

在民

矣。

### 毉 師

病 人,亦不活 日深,而 古之時 人,使 卒至於死。 庸 醫 其 殺 人在 人。 夫 不死 今之時 藥 有 不 君 活 庸 臣,人有 之閒,其 醫 不 殺

八〇

停,既 其醫 E 能 則 半 强 一醫不 愈也。 倍 其 弱 事 力 見之不明,而又治之不勇,病 能 深。 以 多 有 而世 制 無 則 君 失。 其 臣 專 今之用 但 食,十全爲上 則 專 《周 以 用 則 有多少 不殺人爲賢,豈知古 禮 藥者,大 其 醫師》:「歲終,稽 效 速; ~**,**有 ,十失一次之, 抵 0 强 倍 雜 弱 則 泛 則 所 厚 以 而 劑 之 不 均 厚 有

爲。 所 孝文,尚謂「時時 是十失三四,古 易》曰:「裕父之蠱 以 蠱 Ľ 嗚 呼, 唐 者,以 也 此 張 爲 「原 人猶 禹 其 注 失之,臣意 之所 〕朱文公《與 人雖 ,往見吝。」 柰 用之。 以 死 亡漢,李 떼 、劉子澄書 而 不 不 淳 出 能 于 何 意 林 於 獨 全 影所 我 也 甫 取 之 論 對 之 之 夫 ĮЦ

+

失二

次之,十失三次之,十失

四

爲

下。

衇 衇 既 唐 精 書 診許 别 然後 胤 宗言: 識 病。 「古之上 夫病 之與 醫 一**,** 惟 藥 是 有 别

君

子湯」,其意亦略

似

此

藥,處 差,諒 又醫 譬 既 官多則亂 九二 偶 韋 能 然李明之、朱彦修諸公則又不 IE. 之於 冀 别 純 相 然當病, 有 衇 病 當 四 齊 由 有 者, 術, 則 獵 不 於 莫 即 ,將多則敗,天下之事 吉, 而 過 立 此 人 識 惟 他 未 切 心《後 愈。 參 數 獲 須 病 居 味 知 單 殿 以 之, 源 種。」夫《師》之「六 相 兔 「楊 甪 别 制,氣 所 漢書》: 術 以 衇 氏 情 之説  $\Box$ 亦 盡 味,直 多 然, 許 疏 臆 勢 發 Д 果 其 胤 矣。 度,多安藥味 「華佗 不 如 人 用 宗之言 攻 何? 則 亦猶 行, 藥或至數 馬, 彼 假 M 病 古 Ŧi. 所 空 精 今人不 令 此 良 \_, 任 是故 於 以 地 矣 + 藥 醫 種 方 難 藥 也 力 遮

字,與下『其力深』爲對文。」今據補。
「其」,原無。《續刊誤》上云:「原寫本『則』下有『其

# 造言之刑

驚朕 而民愚易惑,故造言必始於鄉,惟鄉刑得而治之。 氏掌誅庶民之「作言語而不信者」。 「訛言莫懲」,而宗周滅矣。 〔汝成案〕野曠難 ·造言之刑」,次於「不孝」、「不弟」,而 師。」故 舜之命龍也,曰 大司 徒「以 :「朕堲讒説 鄉 八 刑 糾 殄行,震 萬 至於 禁暴 民 稽

## 國子

國子之倅,國有大事,則帥國子而致於大官,是世子之與國子齒也。是故「諸子掌子以道」而「教之六藝」。而王世子不别置矣。師氏「以三德教國子」,保氏「掌養國矣。師氏「以三德教國子」,保氏「掌養國

於是有内外宫朝之隔,而先王之意失矣。其用乎? 後世乃設東宫之官而分其職秩,子,惟所用之」。非平日相習之深,烏能得

# 死政之老

中; 王臣 傳 加其父五典至兵部尚書。 之於張 其父議郎,遷諫議大夫是也。 若父子竝爲 李同戰死,封其父爲李侯,《後漢書‧獨 》小吏所輔扞賊,代縣令死,除父奉爲 《蜀志 而特加恩遇,如光武之於伏隆,先朝 死國事者之父,如《史記•平原君傳》 Ŧi. 典,❶〔原注〕天啓初,張銓以御史死遼,❷ · 龐統傳》統爲流矢所中卒,拜 又不可以常格論矣。 郎 行

- ●「先朝」,據張京華《日知録校釋》,雍正鈔本、北大鈔
- ❷ 「遼」,據《校記》,鈔本作「邊」。

## 凶禮

外有 之所 于 《記》曰: 服 裁,素服」注 日 又曰:「年不順成, Ŧi. 冠 新 年 M 7,哭于: "「大荒,王麻 縞 庫門之外。《大司 ·木順 宫災,三日 札」之服 非 謂 冠,若晉 大宗伯 死亡、 喪之喪者,緣 凶 太廟。」 成,天子素服 或 禮 以以 曰 : X 也。 亡 伯 者,不 札、 ·· 哭 。 大 [X] 又 宗哭梁山 「大裁,水火爲害,君 衣 ^ 縣 禮  $\exists$ 禍 司 以 君 馬》: 邑,公、卿、大夫 是 烖 哀邦國之憂」, 但 服 朝 衣 此 乘素車,食無 而 軍 朝 於 布 韋 》「大札、大荒、 「若師 起 有憂, 死 一之崩 禍裁」之服 敗 中 搢 也。 亡 無 本。」《周 寇 不 "。」《春 則 采 念記 而 亂 功 衣。 素 Ŧi. 其 臣 樂。」 服 士: 服 是 别 則 日 書》 秋 也 大 之 此 古 有 厭 哭 厭

之首

禮》言 秦, 緣 衣」, 服 氏 記有之日 孟 楚滅江,而 之逆晉侯,「免服衰經」; 無 而 原 原 喪人之服。」先 税服終身」,此兄弟之不幸而哀之者矣。 **通** 降 奉 君 注》吕 郊 注》《漢書 而 王 于 此 主 次 則 屨 「大夫士 縞 议 喪 車 君 弔, 氏春秋》: 素 素 鄉 (食」,: 賑 臣 出 撫諸州 秦 高 師 簚, 總。 之不 無 王 而 春 帝 伯 而 此 去 服 制 紀》「秦王子嬰素車 公孫: 秋 是 降 季 乘 水旱 哭」。 與 之喪, 幸 或, 戰 傳 服之方,固 孫 服 髦 龍對 或 或 蟲災、勞問 × 而哀之者矣。 出 之 馬 素 之不 時 趙 以 次, 此 秦 會 猶 衣,素裳,素 惠 蓄 行 穆 衛侯之念子 荀 幸 Ŧ. 韋 孟 越 此 公敗 諸 萬 日 非 躁, 而 禮。 敗 子》言「三  $\pm$ É 韋 一今藺 邦。] [ 馬 哀之者 疾苦編 吴, 而 之 于 端 若 練 秦 殺 應劭 夫《 離 原 冠 服 而 於 冠 注 M 石 也  $\Box$ 曲 杜 姬 麻 月 徹 禮

#### 不 λ 兆 域

禮 詔 踦 與 其 心 戎 殤 先 者,其人之葬也,不以翣資。」崔本作「翣枚」。 馬 趙 注 人墳 旅 加二 之 日 也 '無入於兆」, 死 簡子所謂 一曰畏」,亦 犀 興言念 墓也。 戰敗無 · 豈 不人 冢 「投生 而 等。 軒 仲 人 ※: 得 與 尼 若敝 兆 此, 而 直 以 勇,投諸 殉 曰 桐 域, 凡 此 世 蓋 此 能 節 而 棺 每 無存 類 俗 ۲, 虧 三寸,不設屬 死 深 檀弓》「死 自古 執干 也。 之徒,不 概。 而 悠歎 孝子之意 死,而 一 整 外 以 罰 之 。 》 之 氏 於兵者,不入 戈以 親 稱 原 隋 難。 推 注》《莊子》: 齊侯 文 達 H. 衛 之三。 而 帝 隕身 人 大義,致命 社 不 辟,素車樸 傷 「三襚之, 廟 稷 **枚音坎**,謂 弔 壽 兆 人臣之 戦 祭祀 者三, 王 童 域。」 元 可 事 而 年 無 汪 死

> 公于北 陽 意。 曾子謂之不 後,戰亡之徒,宜 並立 自 兆 處 不 不 域 廢闕, 又攷晉趙 父之葬,則 郭, 可 也。 孝。 注引 原 何 「兵死不入兆域」。 檀 至 文子 注》《左傳 弓》曰 墳 得 人墓 **坐獨** 罪 與 而 叔 》襄公二十 域。 在 見 譽 即 殺 其 觀 其 可謂 楊 義 外? 者 乎 氏 也 九年「齊  $\exists$ 九 達 亦 與 原, 戰 É 古 致 未 陳 命 人 嘗 今 而 無 遂 勇, 之 以 不 有 志

人

## 樂 章

者

詩 於 所 自 而 是 亦亡。 謂 其協於音者則 漢 乎 樂 以下,乃 詩》 詩 府 三百篇 之 者 與 亦 以 樂判 但 其 謂 擬 皆 所 之樂府。 然 其 賦 可 爲 辭 以 Ŧī. 二,不特樂亡,而 言 被 而 之屬 之 與 宋 音 徒 以 詩 下 爲 而 徒 爲 無 則 别 詩 其

既作詩 作 作 羌 中 歌 於本朝, 之謂 是以 子, 然之律。 心 也  $\Box$ 譜 必 注》《文心 也,未 多 戎 先 和 原諸國 後 詩 詩之作,本言志而 , 其 詩 命 不 雜 登歌 「詩言 有 者其 古 ,從而歌之,然後 以 解。 雅 有 爲 雕 擾 可 詩 人 樂 樂從 樂皆先製 樂 辭 本 龍 7,方音 ^ 以 於是 在上, 以協之音, 也。 而 楚辭 其 [志,歌、 不侈 》言《楚辭 而 而 樂 作 詩 人有 樂者其 以聲依 辭 也。 後 從 樂章, 遞 律 0 ,而音節之閒 以 而 詩 以 不 永言, 變,南 詩 己。 先王之風, 以聲 「原注 堂上 樂 下, 末 相 , 今人以 訛 而 永,以 出 也。」古之詩 諧 和 而 方其 韻 後 律 乎 即 協,且 〕宋國子丞王普言:「古者 名爲 成 實繁」。 堂下之器應之,是 聲依 之。 協 北 志 律 已不 詩 譜 和 者 和 各 也,未有 與 聲, 耐 詩 也。 崇寧以 樂府 舜 諷 永 殊 俗 成 往往 降 必 從 則 樂無 命 曲 誦之教 樂, 大 律 故 盡 樂。 及 樂乃爲 無無 歌 夔 後,乃 抵 異。」 和 合於自 出 自 文 魏 諧 也 乎 歷 聲 以 出 人之 教 古 朱子 晋 及 詩 詩 先 代 「原 異 其 胄 於 人 其 製 者 而 至

> 謂 世之失,不得已而爲之也 蘭》、《仲卿》、《四愁》、《七哀》之類,亦 於 至今不變,於 也。」人有 之「以 徒 横吹》、《郊祀》、《 詩 者 詩 不 矣。 純 從 樂」。 是不 而 原 清 Ŧī. 注 得 商 以詩 音 元 不以 等 + = 稹 詞 言 從 在 Ŧi. 樂, 律 《樂 音正 樂 未 之 志 府 必 非 者 傳 等 盡 古 人 於古 播 題 其 聲, 也 於 除 餘 管 後 者 而 木 絃 鐃

其 造 章,皆郊廟之正 音之調」,是以詩從樂 十九章》之歌 他諸 爲 詩 漢書 安世房中歌》十七章、《郊 詩 賦 略 》: 「武 所 謂 論 \_\_\_\_ 「趙、代、秦、楚之謳 樂, 律 夫 帝 吕 舉  $\exists$ 如「三百篇」之《 也 司 以 略 馬 合 後代樂章皆然 論 相 律 八 如 祀歌》 音 吕 等 以 之 數 + 調 頌 Ť 合 如 作 九 列

吕,以合八音」者也。趙、代、秦、楚之謳,十九章,司馬相如等所作,「略論律

或

之

(風》。

則 有 協 有否 以 李延 年 -爲協 律都 尉, 采其

口 協 者 以 被之音也

志》: 雅 河 製 代之音、撮齊、楚之氣。 白 名,蓋起于此。」又《樂志》云:「漢郊廟 詩賦,以合八音之調,作十九章之歌。」師古 然後 亡矣,於是乎文章之傳盛 名者必合於舞。 以 名其 人,外有上林樂府,皆以鄭聲施于朝 秦、楚之謳。 歌。 樂 閒 姓 舞 也 漸 獻 徒詩 名其 武帝定郊祀之禮,乃立樂府,采詩夜 詩 樂 漬日 雅 桂 府 而 也 華 久,湛沔自若。」《文心雕 不 詩 以 興 中 業 御 李延年 也 曲 而 如 如 故 ^ ^ 樂廢矣。 麗 汲 小 清 至 黯 以 而 爲協律 延年以曼 商 致 垂 不 唐 聲 譏 經 手 名者必合於聲,以 而 于《天馬》。」 都 》、《大垂手》之類 〔趙 舞亡矣,至宋而 清 尉 赤 聲 而 雁》羣篇, 廷,故哀帝罷 多舉 氏 龍 協 角》之類 詩 聲音之用微 ĕ ∃ : 日 律, 歌,内 ]《漢 司 然則樂府 朱、 誦 日 馬 樂府 靡 書 馬 相 有 有 「樂府之 而 之。 以 掖 如 趙、 以 總 非 騷 等 禮 本非 廷 趙 代 典。 聲 舞 聲 然 材 浩 樂 體

> 與樂言之也。 而言之謂之樂。 音 也,合詩與樂言之也。 反魯,然後樂正、雅》、《頌》各得 「興於詩,立 歌者爲詩, 專舉樂,則 擊者、 於禮 對詩 成 拊者、 而 言 詩 於 樂 在 吹者 則 其中 是 所 謂 爲 也 一吾自 其所 ),分詩 樂者 器,合

是

衛

涓。 有自 徒琴之所由 寫之,「閻氏 若 也。〔原 漢文帝「使慎 用,皆與 瑟 乃 延」當作 衛 鼓 鄉飲酒禮》「工四人,二瑟」,注:「二 注 靈 而 歌 鼓 公聽 自 師  $\Box$ 涓 並 瑟, 二師 興 古曰:「倚瑟,即今之以歌合 歌,孔子之「取 夫人鼓瑟,上自 奏,故有一人歌 也 新 延爲紂作 則二人歌也。」古人琴瑟之 則 聲於濮 但 有 靡靡之樂,此以琴寫之者 曲 水之上 而 瑟 倚 無 一人鼓瑟者, 而 歌 瑟 歌 而 此 而 曲 使 也。」亦 是 歌 後 師 是 也 111 延

言詩者大率以 聲音 爲 末 藝,不 知 古 人

六代,而聲音之學遂爲當今之絶藝。 使三代之音不存於兩京,兩京之音不存於後人之學好高,以此爲瞽師、樂工之事,遂入學,自六藝始,孔子以游藝爲學之成。

也。 所以自文其空疏 古之時人人知之,而今日遂爲 舞」,御也。 地 藝而已矣,不知之無害 理 「千乘三去」、「亥有二首六身」,數也。 也。 七月流火」,天文也。 「四矢反兮」,射 「止戈爲武」、「皿 也。 也, 相 也。 蟲 此 絶學,且 爲 其陰 近代之儒 · 蠱」,書 兩 驂 陽  $\Box$ 如

# 斗與辰合

吕來合之,是以《大師》云『掌六律六同,以斗建,與日辰相配合,皆以陽律爲之主,陰《周禮・大司樂》注:「此據十二辰之

焉,而 大梁。 《南齊書・ 辰,躬 注 焉 以 [原注]辰與酉合。 壽星。」 合也。「姑洗, 辰之氣 説十二辰爲六合,寅與亥合,建寅月東耕,取 奏大蔟,歌應鍾,以 鍾,亥之氣 蔟,寅之氣 月建焉,而 建焉,而 合陰陽之聲』。」「黄鍾,子之氣 林 祀天神。」「原 而 耕 鍾 辰 辰 帝 也 故 南吕 禮志》: 藉 在 在 辰 \_: 以 一鶉首。 在 也 鶉 也 辰 奏 ,西之氣 <u>;</u> 祭 元 正 鄭 在 星紀。大吕,丑之氣也,十二 火。」故「奏蕤賓,歌 (姑洗, 太常丞何 Ш 注 玄枵。 注〕今五 月 林鍾 云: 月 蕤賓,午之氣 <u>Ш</u>. 建焉 祀地祇。」「原 建 也,八 元 也,三月建 歌 諲之議《禮》「孟 焉 行家言子 ,未之氣 辰, 故奏黄鍾,歌大吕, 南 [原注]午與 一, 而 吕, 而 蓋郊後 月 辰 辰 建 以 在 與 在 也,五 也,十 馬 焉 也,六月 吉亥也。」五 注〕寅與亥合。 祀 春之月,擇  $\mathbb{H}$ 、未合。 析 娵 函 月 合。 四 建與 木。 訾。 而 而 鍾 月 望 辰 辰 **一,**〔原 日 大大 仲 建 建 在 在 月 故 應 元

焉,而 焉 享先祖」。 吕, 巳之氣也, 四 象天地,其必有以合之矣。 則,申之氣也,七 斗振天而進, 原注〕巳與申合。 奏夷則、歌小吕、「原注〕仲吕也。 前 辰 辰 在 在 [原注]卯與戌合。 降 大火。」故「奏無射,歌 婁。 日違天而退」。 戸 夾 月建焉,而 無射,戌之氣 建 鍾,卯 馬, 之氣 而 《太玄經》所 辰 辰 先王作樂以 在 在實沈。 以享先妣 也, 也,九 鶉 夾鍾 尾。」故 月建 月 謂 建 夷 以

## 凶 聲

之矣。 厲 國之聲,若桑閒濮上」,此則一「淫聲」已該 聲。」凶聲, 而 微 凡 末, 建 以 如 或 象 殷 禁 殺 紂 其 伐之氣」者也。 好 爲 淫 聲、 北 鄙 過 之聲 聲、 所 所 注謂 X 謂 聲、 元 慢

## 八 音

精也。 石少,泗 火不可得 鳧氏爲鍾」,火之至也;「泗 制 器,是以 先王之制 濱磬石,得水之精者也,故浮。 [原注]石生於土而得夫水、火之氣,火石多,水 而 用 五行 也,故 樂 也,具 備 而 寓 八音諧 火於金,寓 五. 一行 濱浮磐」,水之 之氣。 矣。 用天地之情 水 於石。 夫水、

矣。」宋葉少藴《避 匏 音,〔原注〕《舊唐書 之,瓦以贊之」。 語 木刻其本而不用匏,塤亦木爲之。」《元史》:「匏以斑 Ŀ, 》: 伶州 者之音,非 内簧其中。 土 鼓,樂之始 鳩曰「匏竹利制」,又曰 暑録話 今之笙竽,並以 以 ·音樂志》:「笙,女媧 今之大樂久無匏、 悦耳,存 也。 「大樂舊無 陶 木代匏 匏, 其 匏 而 質 祭之大 漆 氏造,列 土二音,笙以 二匏 也 之, 無 土 二 以  $\sim$ 管於 竹 匏 也。 宣 或 爲 音

以

爲 汶陽之竹。 之。」而八音但有其六矣。 則清廉者鮮 於卦爲艮,於風爲融,於氣爲立春。 而乃以匏稱,是所重在匏也。 而清廉忠敬者之不多見」,吾有感於其言。 ⟨原注⟩元熊朋來《五經説》曰:「八音之有笙,宜 禮樂之官者 矣。 漢太學、槐市各持方物 尚 匏 申 音 請 正 而改 則 区正之。」 人思敬 古者造笙,必以曲沃之匏 熊氏謂「匏音亡, 不 ,列磬懸匏。 匏音啾以立清,闕之 IE. 則 忠敬者 八音之匏 以 鮮矣。 竹稱

## 用 火

用之。 之。〔原注〕《菙 五行之木、「原注〕《司爟》。近於人也,故 日 原注》《司 有 明火,有國火。 烜 氏》、《大祝》、《大司寇》。 氏 近 於天 明火以陽 也, 故 或 燧 1 火 與 取 烹飪 取 之於 祭 之 用

行之變。《素問》黄帝言「壯火散氣,少火古人用火必取之於木,而復有四時五

詳見第二十五卷「介子推 人,疾疢之多,年壽之減,有自 也。今人一切取之於石 生氣 4 季春出火,貴其新 條。 其 性 者,少火之 來 猛 矣。 烈 而 「原 不 注 官 義

禮》司 祭以 十二紀删《周書》改火之文,故漢儒解《小正》、《左傳》之 象言火,而言水者恒 空之籍,《小正》亡杼井之文,于是左氏: 主之矣。 也,攜中原之火,迄陳末 有司矣。 紀者,政皆在焉。今治水之官猶 家》:「重黎爲帝嚳火正 『光融天下』者於是乎在。 《語》曰『鑽燧改火』,此政之大者 而 火獨 養,謂之備物,可乎? 邵氏《學史》曰:「古有火正之官。 烜 〔雷氏曰〕自水正失官,商多河 缺 氏所掌及《春秋》宋、衛、陳、鄭 雖然,此火之末 焉。 飲 略。 知 ,能光融天下,命曰祝融。」《 ,閲三百年 周、秦以後,不修水政。 擇水,而 也 〔原注〕《史記 前 亨不 内、 色 或 〔楊氏 轉 外 青,此 《周 也。 「, 庭 擇 夫 傳 日 禮》亡 」晉之東 古 火, 必 · 楚 所謂 燎 日 以 有 則 以 所 唐 天 官

之所以多患也。「出火」、「内火」,不復陳述古義。坎、離之未濟,此民生

## **治戮于社**

季 將 故 戮 賞祖主前,示不 賞于祖,不用命戮于社」,孔安國云:「天子 日 意古人以 社之義也。」《記》曰 親 社 征 平子皆用人於社,而亡曹之夢亦曰「立 一祭勝國之社,則士師爲之尸。 之於社主 ,謂社主在軍者也。」《 ,必載遷廟之祖主及社主行,有功則 有不爲 大司寇》「大軍 赦 城 社爲陰主,若其司刑殺之柄者, 中 前 新 囚 室者,社鬼記之。」宋 專也。 社主 徒,授 旅, 「社所以神地之道。」 陰,陰主 不用 兵殺 書 涖 戮 命奔北者, 豨, 甘 殺。 于 而王莽之 誓》「用命 社 飲 親祖 其 襄 注 血. 嚴 則

栗,謹 名。 人社用 包、周 其容貌,主人正。 所宜木」,古文栗作豪樂。」徐巡説「木至西方戰 其野之所宜,宜松者以松名,宜柏者以柏名,宜栗者以 之茂者,神所憑,故古之社稷恒 菆位。」 菆位者, 社稷也。 必擇國之正壇,置 於社宫」,宰我 木爲兩説,如前 古文《論語》及孔、鄭皆謂 公問主於宰我」,而《公羊》有「練主用栗」之文,故張 有是語,宰我所 木,遂以名其社與其野。 曰〕大司 《淮南 曰〕社之義博,子我僅得其一端,故夫子責之。〔惠侍 韓非子》曰: 宰我對哀公本此。 敬貌,主天正」。 等皆以爲廟主。 齊俗訓》云: 石,周 徒 設 社 「夫社木而塗之、鼠因自託 説 謂 社 稷之壝 植 柏 以 用 「使民戰栗」者本此。 「戰栗」之對有自 木,如 爲宗 猶 栗。」似 「有虞氏社用土,夏后氏社用松,殷 杜 何休用以 泊,親 許叔重云:「《周禮》『各樹 ,而樹之田 《戰國策》: 預 案《墨子》云:「聖王建國營都 廟。 後説主木,兩説相 「用其木以爲社主」,然則 亦 石主 以 耐 必擇木之修茂者,立 依 解《公羊》,云「松猶 注《左傳 不遠,主地正。 始 樹木。 主,各以其野 於殷 「恒思有神叢。」蓋木 也,燻之則木焚 今文《論 》, 劉 周 松、柏、 來矣。 改 兼 炫規其 栗」, 用 乃 栗 栗各以 之 備 其 栗 語 〔楊氏 猶 馬及 蓋古 所宜 所 容 土之 以爲 歟 過 宜 栗 戰 又 想

於載 也。 漢以 抱 祭 謂 以 以後,載 灌 主以 之則 爲 社 社 宗。 用 後或用 田主之木,各以其野之所宜 論 亦 示服。 土 塗 不可 語 主未聞。 者 社 阤 》「夏后氏以 以 故 石歟? 宗 抱 若 者 此 而 患 後 持。 社主 社 《小宗》 世 春秋》: 《祭 鼠 Ŧi. 松,殷 然則社 與 法》孔 尺之石 是古 遷 伯 「鄭人陳 人以 主 樹 主,春 疏 皆 大 主 贵 木 引 載 柏 埋埋 師 爲 陳 許 非 于 秋以 周 立 社 叔 其 宜松 齊 侯 人以 軍 主 重《五 半 車 擁 前 社 者 於 社 者 THI 栗 皆 地,既 爲 肆 也。 加 用 經 一,謂 松 擁 師 塗 木,秦、 異 主,宜 社 秦、漢 焉 義 社 不 師 者 便 È.  $\mathbf{H}$ 所

則以 則古社、 説 邦 矣。 柏 命 但 立 奔 者爲柏主,宜栗者爲栗主乎? 因 社, 松也 然則 得 北 周 其 者 主 各 用 孔 多 戮 栗,便 以 惕 子 用 于社主 其 何 以 木 土 嚴 矣。  $\Box$ 以 所 威,視所奉主不以 責 使 前。 宜 孔 戰 也 之木。 栗。」 傳: 則宰我 一天子 是又 甘 宰 誓 〔汝成 我 戰 是 親 説。 不本 木 栗」之義 征 夏伐同 也。 又 案〕繹 故 其 載 孔 楊 意 7,於師 姓 惠氏 社 氏 而 E 夏 主 日 妄 所 爲 凡 不 后 行 疏 室 > 建 IT. 合 用

福

### 邦 朋

士 師 掌 士之八成」,「七 日 爲 邦 朋

從 表  $\Xi$ 傰

人

爲

傰。

**傰**,古

倍字,皆從人,以

朋

音得

聲

司

農

破

爲

之名 者, 里, 若倍。」晉 朋」、「比德」。 弛於上,而 範》,必「皇建 此太公之所 之譽,千里之交,六大也」,又 太公對武王「民 朋」審 故書朋 失馬 署 命 君 四 省 崩 訝 ,故曰 也 子 方之亂 南 士以 矣。 者 成 里害諸侯,諸侯害 犯禮,小 作 侯 山 音 也 强 邦 傰 古 盜 成之者 本 傰 者爲圈 獄,王 」,鄭 晉 師 有 傰 此 私 謂之「亂獄」、《管子 以 人 灼 宗 古 朋 (惠 其 司 黨 犯法, 」,蘇林 日 無 誅 散 命 顔 音 ,弱者爲屬,圈 農 有十大」, 有 訝 黨, 植 侍 師 倍 讀 華 之焉。 士 極」, 剻 爲朋 讀 無守職 同 古 一,得 於 日 士 成之。 曰川邦 音 道 亦 下, 備 也 陪陪 之。 以 友之朋 剻 爲 而 音朋」, ,又普背反。 奉上之義 朋 晉 從 立 故 屬 《説 傰, 後 天 世 而 音 Str] 邑, 羣徒, 氣 幼官》篇 箕子 下。 庶 文 》: 爲 曰 日 勢,結 衰 黨 蓋本 傰 案 地 是。 民 道 爲 私 名。 民 有背公死 漢 傰 鄭司 之 作 人 微 私 省 相 從 所 則 書 嗟 家 有 朋 交, 邑 署 謂 作 無 陳 漢 八 農 傰 倗 王 平 害 百 置 爲 散 ^ 之讀 功 作 E 注 成 崩 洪 淫 緇 里 臣 故 黨 非 讀 威 羣 尊 云

而 傳

九〇

伽通。《廣雅》否、弗、伽、粃,皆非佳語,亦猶姦宄竊盜「朋」,或作「堋」。《説文》引《虞書》曰「堋淫于家」。 堋與

云爾

王寓政於臧丈人,而列士壞植散羣。」之「六四」曰「涣其羣,元吉」。《莊子》:「文《易・泰》之「九二」曰「朋亡」。《涣》

## 王公六職之一

「天子一位」。職」之一也。未有無事而爲人君者,故曰職」之一也。未有無事而爲人君者,故曰「坐而論道,謂之王公。」王亦爲「六

## 奠摯見于君

合爲一。 年,「仲與公御萊書觀于公,叔孫怒而逐之」是也。 摯見于君」。 案〕《傳》云「遂逐之」,注云「牛不食叔孫,叔孫怒」。 士冠,士之嫡 「原 注〕庶子 子, 繼 不 得見君、《左傳》昭 父 者 也, 故 得 〔汝成 此誤 公四 奠

### 主人

賓,故曰「賓東面荅拜」,注「賓,壻也」,對人,女父也。」親迎之禮,自夫家而行,故壻稱主人。至於婦家,則女父又當爲主人,故壻之人。至於婦家,則女父又當爲主人,故壻

女父 以 人」、曰「賓」、曰「壻」,一 而 見 直 之辭 「禮時爲大」,而義之由内矣。 稱 日 壻 也 至 壻 於 者 賓 對 出 人而 婦 而 之 婦 辭 三異 從 也 則 其 變其 稱 曰 主 口 文

## 辭無不腆無辱

先 非 續之基,故以内心爲主,而 賓不稱幣不善,主人不謝來辱。 文尚質之意焉,故「辭 人之禮而已。 徒以教婦 歸妹,人之終始也。」 先王於此有 德而 已。 所 以 立 無 不 「告之以直 生民之本,而 腆, 不尚乎文辭也 無 辱 信 爲 原 , 注 省 嗣 日

## 某子受酬

《鄉飲酒禮》「某子受酬」注:「某者,衆

禮》注 姓, 哉! 或諡、 者,氏 子、李子」。 子、子服子之類。 賓 人門,稱姓以告,故 姓 其 、或字之稱,與《聘禮》「皇考某子 〔惠氏 也 此之謂。」 爲 也。」古人男子 0 得。 曰〕張稷若《儀 婦人内 鄉 射 如《 亦 夫家, 禮 以姓稱其舅。 [原注]《士昏禮》「皇舅某子」,此 左傳》叔 **>** 禮節 豈 某 無 有 層 解 稱 稱 \*\* \*\*: 某子」注 其 《春秋傳》云『男 孫 姓 舅 同。 者,從 穆 爲 疏之意或 張子、李子 子言 疏 以 : ^ 爲 以 叔 鄉 某 若 女辨 婦 仲 射 子 者 張 新

#### 辯

然後辯殺」、《内則》「子 非「辯察」之「辯」,古字「辯」與「徧」通 言 作『徧』 文言「辯」者非 「辯」,注云「辯衆賓之在下者」。 ^ 鄉 是 飲 酒 也。 禮》、《鄉 \_\_<u>\_</u> ^ 曲 《燕禮》注「今文『辯』皆 禮 学主 射 師辯告諸 禮  $\forall$ 人 其 延 於旅、 客 [婦諸] 食食 此 栅 辯 母 皆 經

記》二十 也。 舍爵 羞 〔原注〕注: 一, 飲 宰辯 史記 於季 死辯」鄭氏云: 而 俟」、《樂記》「其治辯者其禮 告諸男名」、《玉藻》「先飯、辯 「辯,徧也。」《左傳》定公八年「子言 氏 之 禮書》「瑞 廟 「宜讀作變。 而 出」、〔原注〕注"「辯,猶周 應辯至」。 则 「辯」又通於「變」矣。 [汝成案]《戴 具, 嘗

### 須 臾

須臾焉 亞 不移 甸、男、衛、邦伯", 天,顯小民,經德 惟 飲 漏 服 酒誥》之篇曰:「在昔殷先哲王,迪 寡 宗 故故 酒之節,朝不 君 使 工 某 有不腆之酒,請吾子之與寡 稱「須臾」,言不敢 越百 也 以 越在 秉哲。」「越在外服,侯、 姓 請。」古者樂不踰 里居 廢朝,莫不 内 服 罔 百 敢 久 僚 湎 也。 廢夕。」 于酒,不 庶尹 辰  $\sim$ ア,惟 畏 君 而 燕

> 猶其後焉者。 惟 舐爲鄙吝,蓋至是而酒之中于人心風俗甚矣,獄訟繁興 學士大夫又美之以文章風雅之目 亂世者矣。 亂 之制,而 富。」此遭 亂,惟聖人爲 賓、養老外,無 飲 遏 不 即《鄉 酒 其 敢,亦 流,於是制 而不得醉焉 亂 飲 後 自 相 然。 酒 先王 曠 飲 戒免禍之詩也,未聞終 不 不暇。」 禮 酒 達之説起,一 佘小 ·得醉 爲 》所謂 者。 知斯人飲食之欲不可 飲 宛》之次章曰: 酒 是贵 之禮 「無算爵 哉 論 語 時輕 待初筵之規,三爵 記 〔朱氏 也。 孔 獻之禮,賓主百 而 薄 日 子 淑 之徒争 彼昏 日」古人祭 飲 惟 慎 酩 以 無 爾儀 西丁 酒 不知 盡 算 而 相 無 蠲 之君 爵 能 趨 · 壹 量 而 脱 而 拜,終 效, 一, 不 祀、燕 子反 不及 然 思 醉 所 于 及 而 H

### 飧 不 致

日 以

具浴。 《孟子》所謂「廩人繼粟,庖人繼肉,不以 聘禮》:「管人爲客,三日具沐,五 飧不致,賓不拜,沐浴 而食之。」 君 即 日

# 命將之」,恐勞賓也。

## 二年之喪

年之喪,實以二十五月。」「原 年 則 朝 情而著其節,制服二十五月。《淮南子》「飭喪紀」高誘 年之喪,再期二十五月。」《後漢書 矣夫。』子路出,夫子曰: 『又多乎哉,踰 阚 《禮記・三年問》曰:「三年之喪,二十五 而禫,禫之明月可以樂矣。」又曰:「魯人有 縞,是月禫,徙月樂。」 王肅 而 祥而 其善也。』」《喪服小記》曰:「再期之喪三 責於人,終無已夫? 三年之喪,亦已久 畢。」〔原注〕《荀子》同。 也。」《春秋》閔公二年《公羊傳》曰:「三 今人三年之喪,有過於古人者三事 莫歌者,子路笑之。夫子曰: 《檀弓》曰:「 》陳忠疏言: 云:「是祥之月 注》白 虎 「先聖 通 山 祥 注: 緣人 月 而 月

宋武帝永初元年十月辛卯,改晉所用王肅祥禫二十

六月

得。 從鄭 焉, 博士許 尉程猗贊 等以爲:  $\Box$ 時 以 在二十七月,其年四 月積二十五晦爲大祥。 王 月爲二十六月,出 月餘日不數,爲二十五月。 月,三年服闋。」鄭玄謂 篇》云: 紀,數 : 肅 期 則 並見 加 以 異。 氏之説,三年之喪必二十七月。 己 斷 猛扶鄭義,作《釋六徵》、《解三驗》,以二十七月爲 也,二十 隆焉爾也,焉使倍之,故再期也。」今 「禫在祥月,其年二月祫祭。」晉武帝 是象之也。 成 變矣,其 《魏書·禮志》。 湯 是 [原注]魏明 王 庸, 駮 何 以 Ŧī. 月之數-也 元 月 ? 鄭禫二十七月之失,爲六徵三驗! 在 年 祫 太常孔美、博士趙怡等以 帝以景初三年正 月禫祭爲二十七月」,與 ~ 孔 ÷ 祭。」散 天地 딩 : 按《三年問》曰:「至親 然 則 二十四月 天 月崩,至此二十 之中 安國《書傳 騎常侍 何 地 中月而 則已易矣, 以 · 者 王 月 三年 莫不 肅、博 崩至 再期,其 時,越騎 潭 則 「原注」 爲  $\pm$ 更始 Ŧi. 也 太 一樂詳 年 禫 川 空 甲 校 Ē.

葬矣 也。」〔原 大記 之譏 治之也,故 儀,依鄭玄二十 在,爲母,爲妻。」又曰:「期, 朱子所 : 經 於内者,父在,爲 月 : 爲母。」傳 氏 則 **>**  $\Box$ 而 謂 資於事 無 期之喪,十一 敢 曰 : 冠 帶 禫。」注云: 儀 按從鄭 王 注》服 其故 伸其 布 禮 肅 父 縷, 王 葛 議 日 期,終喪,不 t • 問 氏 父以 私 或 帶 在 禮 \_: \_ 説 月 喪 ₩ ⊟ 削 經經 尊 必 而 爲 者,正合於古 反鄭 服 何 杖, 無 後 期 也。」《禮記 此 事 月 母 母,爲妻。」《 除。 之經, 以 篇 玄是 而 母 布帶 齊 年之喪既練矣,有 謂 期 君 練,十 曰 衰 其 食 也。 也 父 服 而 人,王 家 過 期 其 ? 在 肉, 愛同 疏  $\pm$ 於古人一 功衰。」 者 居 無 疏 爲  $\equiv$ 屨, 肅 屈 肅 廬,終 喪 不 衰 雜 月 13: 且 乃 見 也。 尊, 飲 記 期 裳 以 徐 服 也 故 而 無 天 期 此 師 與 兀 酒 0 齊 一之喪 下 祥 喪不 獲 以 無 至 曾 鄭 · 》篇 也。 ^ 制 短 尊 反 父 喪 尊 + 牡 集 既 喪

Ŧī.

曰

在

在

麻

閻

注

除

御

H

曰

以

敕

服

Ŧi.

齊

《喪 焉 ? 行之各從其 天后上表,請 在,爲 之制 年,不待父服 亡,不爲祖 禽 履 年,右 齊衰周 降之禮 衰三年。 而 Ĕ 自今五 服 獸 冰 遭母 ; 亦 " 母, 疏 議 補闕 都 知 心 喪,乃得伸三 所 , 所 爲 持 服 服 邑之士 年之喪,謂 意。 母 是。 請 周 云『父卒 重服 終 以 喪三年,情 盧履冰 並 「父在 復 除 而 明 依《喪 也 無 諸 其 靈,三年 尊 年 不 上爲母服 量 人爭 舊。」上下 賈 賈 卑 Ŀ 一,則 之服 歎 父喪 知 服 年 言 殆 疏 年 異  $\Box$ 傳》文」, 論 己 父。 之内 非 由 心 戎 知 也。 齊衰 申 也。」「汝成 「孝莫大於嚴父,故 是。 此 連 喪。 翟 其 而 聖人豈 尊 而 愐 年 原 也。 禮殺 野 期之喪,母 議 三年」,從之。 庾蔚之云: 誤。 母 然士 高宗 木 禰矣。」今從 注 卒, 人曰 0 決。 左 也。 不 ^ 大 自 案」父卒 俗 F. 仍 散 喪 知 夫議 七 唐 情 元 父 服 則 騎 母恩之厚乎 喪 服 年八 以 膚淺,不 元 「父未殯 期,必 天 常 也。 傳 前 論 年 玄宗開 侍 皇后 父在 母 則 禮 猶 月 + **>** 賈 褚 爲 父 武 何 辛 制 不  $\vdash$ 知 公彦 爲 母: 無 改 而 服 息 卯 月 算 后 父 聖 服 13: 元 祖 既

0 據《校 記》,鈔本作「狄」。 厭

按父在 年。 章事 之髽, 吴 明 13: 13: 姑 所 13 爲 服 人之心, 也 其 榛 上 憂 憂 皆 Ŧi. 爲 父 Ŧ. 皇 期 一》篇 爲 以 母, 起 % 起復爲兵 禮 橚 按《太祖 固 傳 而 齊 爲 期 復 爲 乃 服 復 E 喪 日 日 衰 Ξ. 未 庶 命 慈母 衛 母 崇  $\Box$ 之 笄 守 請 紊 服 杖 叮 子 齊 尉 翰 其 : 實録 禮 喪 期。 依 其 爲 爲 部 衰 篇》 林學士 服 卿 文 長 以 爾 南 上 制 萬 其 斬, 三年, 侍 而 何 而 母: + 而 尺 宫 元 母 郎 世 册 又 誰 衰三年 殺 洪 廢 憂 以 得 敕 常 \_ 宋 而 能 張 從 日 起 縚之妻之姑 皆 武 其 月 終 起 於 行 濂等 期 父 Œ 七年 總 : 斬 實 禮 九 自 復 從 之道 **I**: 在 之? 斬 龄 也? 矣。 衰三年。 制 左 開 八 戌 修 以 爲母 爾 衰之 不 九 以 金 者 朔 元禮 主 也 寸 孝慈 母 今 月 杖 吾 喪事, 爾 惟 憂 齊 書 庚 制 + 從 衛 麻 其 衰 服 張 成 録 寅 起 毋 年, 嫡 將 之喪, 父 服 説 屨 敕 復 然 调 子、 軍 IF. 扈 貴 在 年 中 也 此 Ϋ́. 皇太子 中 其 者 於 妃 韓 義 衆 嗣 扈 爲 書 )° \_ ≪ 則 爲 書 時 ^ 休二人: 孫 母 **令** 古 當 子 鄂 盧 從 喪 夫子 定 侍 爾 婦 謂 氏 蕭 斬 之。 爲 諸  $\pm$ 郎 懷 時 制 服 檀 薨, 爲 衰 邕 慎 嵩 其 百 别  $\pm$ 舅 蓋 誨 己 小 以 皆 則 以 平. 以 改 子 命 有 庶

記 否。」 制,三 於後唐,始定三年之喪。 如 右 所 服 求之人情 夫居苫 定。」下 見 尚 婦 + 録 原 儀 年, 朞 僕射 載 事 居 年 服 在 \_\_\_ 引 注 **\*** 禮 年, 父母。」 青 月 喪 曰 喪 今從 足 婦 唐 河 年 塊之中 魏仁浦等 詳 制 縑 而 今時 是 爲舅 喪 宋史》: 李 以 中 齊 衣, 定 練 服 尊 實 故 府 涪 爲 斬 則 後 傳 婦 判 以 十: 夫 傷 姑 俗 倉 大 論 萬 舅 曹 而 理 婦 官 服 循 俟 奏曰 E 世 姑 唐 乾 人 婦 從 本。 期。 參 夫 月 卑. 被 開 亦 法。 德三 與 之 前 爲 爲 之終 其 舅 軍 而 綺 同 父 元禮 太 舅 夫。 祥 喪 姑 制 蕭 況 紈 近 夫 望 夫 母 年 常博 竊 按 姑 也。 婦 代 服 之 據 喪。 》、 新 之 自 1 與 服 以三 傳 詔 爲 飾 禮 婦 狀 時 判 喪 也 今 Ŧi. 1: 孝 稱: 從 長 習 俗 紀 夫 ? 大 李岩 月 婦 爲 年 婦 禮 明 年之内, 之。 有 多 理 俗 内 而 而 爲 子 夫婦 爲 精 舅 一堂 再 皇 爲 三年 寺 恐 以 古禮 則 禫。 舅 議 舅 義 周 后 稽 婦 重 尹 姑 爲 兄  $\Box$ 姑 姑 齊 -之服 IIII 爲 何 服 拙 几 非 之 禫 有 至 顙 服 體 亦 昭 後 言 女適 孟 齊 禮 服 後 筵 期 竹 憲 望 古。 於 禮 服 哀 尚 年 婦 青 春 開 門 衰 其 如 加 請 太 之説, 存 圖 事 李 樂 元 縑 庭 Ŧi. 舅 按 餘 後 裁 禮 貞 后 餘 舅 禮 E 升 不 尚 》等書 冬序 謂 唐 姑 定。 律 年 院 服 元 百 姑 則 素 布 至 Ŧi. 其: 之 喪 及 +

之服 也。」婦 期。 多 循 過 月 肖 喪期之内 宋人蓋未講服青縑之制故也。 牒,以明 俗。 道,故 者,爲 格言,歷代不敢易。 也,夫者妻之天也 服 適 者企 人、服 愐 制 於古 或 禫 《開元禮》,玄宗所修,布 蓋以 度,婦 而 無容三年。 制 未嫁從父,既嫁從夫,夫死從子。 其父母。」傳曰: 一而及。 詔 人不 ,則夫已小祥久矣。 哀 典章。」李岧之論可謂正矣。」《宋朝 夫以 爲婦 ,亦畏宰 人三也。 ,舅姑之喪,婦從其夫,齊斬三年。 爲 戚之情不至焉,則不如古人遠矣 漬 虚假,喪期之外無曼延,所 (舅姑,及女子適人爲其父母,皆齊 子自有喪,婦自 斬 之道專 而降其 今之學者不本 者 ,婦人不貳斬者,猶 何 以此論之,父母之喪尚止周 我 皆後 也? 父母。 一, 不 「爲 短 父何 青 喪 婦人有三 得自達,必繫於人。 儒 《喪服 在 縑之説 吉服,亦 之譏; [汝成案]古人行禮以 有司, 其 所 以 義, 期 不 》篇曰:「女子子 後 E 也? 從之義, 復何 頒 輕 謂 敢 若 不 世之見 行 重 過 故父者子之天 議 貳 治 嫌? 天下,伏請 紊 乃 者 婦 天也。 遂爲定制。」 謀録》: 亂,寖 俯 無 日 人 非 一歲,舅 也 而 衰,不杖 況 不 故 專 月 但 就,不 以 先聖 十 五. 貮 適 女子 用 誠 雖 大 其 成 姑 Œ

> 十五月 有子蓋 有終,非謂 禫而後,乃謂之「終喪」。〔汝成案〕三年之喪,二 樂」,孔子曰「獻子加於人一等矣」,於 言 祥,五日彈 鼓素琴,示民 在除服 無哭者, 也一字。 魯人有 踰月則 古 而畢,不必自孔子之言乃禫後 之後。 既 人 已 禫 朝 祥 終 以 琴而 祥 而 也。 其 前 祥爲 有終也。」《檀弓》言: 善 内 而 故《 絲 又《檀弓》文「踰 暮 無 不成聲,十日 屨 喪 喪 歌 哭 而 組纓。」又曰:「祥而 之終,「 服 者,子路笑之」, 者,樂作矣 孟 四 制 獻 **※**言: 月 中 爲終 子禫,縣 則其 月 而 也。 故 而 善 「祥之日 成笙歌 「孔子既 也 祥之日 也 禫 是 孔 而 此 É 自 不 子 則 外 脱 示

之文,謂爲二十七月。〔原注〕注云 爲二十五月。 檀弓》「祥而 王 肅 據  $\sim$ 縞,是  $\equiv$ 鄭 年 玄據 問》「二十 月 禫,徙月樂」之文,謂 彩服 問 Ŧi. 中 中 月 月 月 而 間 而 畢」, 月

以禫 之後 以上 禫 Ŧi. 重情,遵 頗爲持平,不審先生 行之已 也 月終 Ė 則 説 前 服 間 月 或 各 正 而 祔」,又《學 王則 義 <u>-</u> 十 不同 大祥,受以 於 有 之 引 月, 所 輕 大祥之月,(原注)是 日 七 情 喪 矣。 據。 月終 記 而 大祥 服 原 何 反 》云「中 祥 小 注〕中 **「汝成** 而吉,吉 制。 古 以不引。 服 記 1 人 》云「妾祔 素 今約經傳,求 年 案〕祥、 月。 於 祭當 縞 考 面 麻 杜氏 校\_, 除 自《 衣; +於妾祖: 禫 1 徙 《禮記 月。 皆 <u>二</u> 十 之數, Ŧi. 日 月 以 其 樂 遵 月之日 姑,亡 六月 適 中 或於大 小 杜 鄭乃 記》之時 無 中 爲 氏 祥 所 而 可二十 則 過 通 1 禫,受 不 間 中 禮 典》 佩 而 祥 於 而 而

티 : 鳳 故 增 飲 食 倍 碑 漢 字。 菲 五. 人喪服 孝 Ŧi.  $\Box$ ħ. 經 五二十五 隋書 菲 者 援 之制 Ŧi. 居 神契》曰 姚 喪非 Ŧī. 察傳》 月,義 謂 食 縗 》所謂 干 之「五五」,《 杖 : 其 Ŧi. 斷 喪 疏 月 未除 仁,示 非。 不過三年, 也 此 ^ 堂邑 民 取 巴郡太守 原 論 有 注 語 令費 終。」 以 洪 期 丰 氏

夫如

此

求

其

情

面

合乎禮

矣。

樊 制之也。 子制之也。 敏 碑》 爲 父 曰 家 斬 遭離 無 父在,爲 衰 三年 母憂,五 尊 爲 母 而 子 齊 母 Ŧi. 不 衰 齊 斷 得 杖 衰 仁 三年, 自 期 是 專 此 也 此

從

爲后、 慶,乃 者,尊 之疑, 三年 也 子 即 子之志 傳》『王 夫爲妻綱,父爲 用 年 也。 亦期, 此 謂之心 也。 厭 抑 何 傳 父在 而 其 服 文。 唐 也 歲 而 也,從父二也。 息紛紜之説矣 太宗 子 以 言三年 喪。 而 原 爲 假 之服 有三 注 見 貞 母 原 如如 令娶 傳 觀 何 喪者,據『達子之志』而 年 注 元年 日 子 於 後 情 一之喪二 雖降 於三 魏 期, 綱」。 以 正 詔 而 彭 義 父必 處 一焉』, 心 有 城 而 爲 年 乎? 日 Ξ. 云 申 審 期, 喪」之實,未 之内, 據 勰 妻  $\equiv$ 其父之不娶於 此 毁 太子 左 喪達 年 瘠 楊 理 口 氏 然 三年, 與 氏 言 將 有 以 昭 志 7日〕爲日 穆 後 之後 故 公 使 破 所 后 娶, 弗參 并 + 從 爲 嘗 學 所 不 者 謂之 Ŧī. 母: 天 口 之 達 者 夫 謂 不 子 期

三年。聖人所以損益百世而不可改者,

精

外乎? 矣。 爲母 疏 聞之,遂除之。」此 曰: 以 伯 期 爲 夫子聞之,曰: 魚 鯉也。』夫子曰 檀 即 若爲 固 出 此 弓上》篇:「伯魚 「爲父後者也,不服于期之内, 可 母」者 父後者, 見 孔氏出 非。 則 自 妻之説之妄也 於 : 父 \_ 『嘻 出 〔趙 誰 在 母 氏 1,其甚 與哭者?」 之 無 爲 日 服,是 母 浸禮 母 死 之 而 也 并 反 制 ]! 值 出 (哭於 無 期 當 門 期 妻之子 而 之喪 期 然 魚 猶

娶者 其 母 ^ 也 不禫。」山 服 并禫祭不 小記 陰 》曰:「庶子在父之室, 陸 舉,厭 氏 曰:「在父之室,爲未 也。 則 爲

服 元 綱 齊衰三年」,中宗 年十二月 變 唐 五. 時 服 武、韋二后  $\pm$ 以 寅,天后 申 尊 神 母 皆 龍 之義。 上表, 以 元年五月丙 婦 請 乘 故 夫, 父 高 宗 欲 在 申 爲 上 除 1: 元

深釁。 之義 孔 塵。 年。 「原 獻 道 依 丑. 圖 韋氏旋即 也 之言,加 夕之故」,其斯之謂 筵之制遂 請升慈愛之喪,以抗尊嚴之禮。 后 刊 不 門 救 敕 表 夫上元肇 喪 īĒ. 垂拱之末,果行聖母之僞符; 丽 [原注]指 所受。 篤 彼 請 孝和 況 服 何 稱制。 同 與 ,朝令夕更,至二十 且 天 以 品 舅母堂姨舅之服,天寶六載,又令 》舊 周 雖 其 年, 欲 垂 仍 下 數 區之服 公制禮、歷 改作 天后所定。 格條之内,有父在 文。 戒於後。」玄宗 《易》曰 兀 反 年之間 則天已 士 矣。 正,韋氏復效 庶 不 可 臣 聖 臣 制 爲 潛 尚 謂 謹尋禮 秉 於 如 殺其君,子殺其父,非 乎 出 未 此 代不刊; 政, 簡 通 師 ! 天 母 有爲 雖齊 開 用。 晨 而 古。 載初之元,遂啓易代之 將 意, 皇, 鳴。 四 原 元 圖 當 年 斬 防杜實深,若不 天皇晏駕 年,又 而 注 僭 陪 爲 矣。 諸 七 孝和 服 之儀 篡, 爲, 子夏爲傳 盧 年 南 服 母 履 非 不改, 預 非 齊衰 從 八月癸 郊 奈 其 紀 冰 意 自 中 表 何 宜 尊 暴 以 意 祟 朝 宗 ൬ 言 崩 信 加 縚 厭 早. 几

;

00

衰三 輩同。」可 有 而 出 由 太 母 來矣。 年 和 終 謂無禮之尤矣。 三年之服 開 〔原注〕《文宗紀》、《杜 成之世 〔楊氏曰〕宋制: (原 遂 使 注 一惊傳》。 駙 尚主者 詳 馬 《舊 爲 ,升其等 書 禮教之淪 公主 禮 與父行 儀 服 志 斬

母: 安樂公主 二年二月庚寅,「大赦天下, 年」之請,其意 爲者,必 妻各加邑號 自古以 有其 求立爲 來,姦 漸 在 等,無妻者聽授其 乎 人 天后 皇太女, 臨 欲 朝 蔑 父 先王 也 在 内 遂 之禮 故 外 爲 進 中 母 Ŧi. 鴆 公女」, 宗 品 齊 法 於 景 衰 已 而 中 1 龍 É 而

爲 改 嫁 金 世 母 宗 服 喪三年。 大定八 年二 月 甲 午 朔 制 子

王 而 駙 孝 慈 洪 馬 武 皇 俱 七年,雖定爲母 后之喪,次 淺色常服 則 年 IE. 尊 斬衰 旦, 厭 之禮未嘗不 皇  $\equiv$ 太子、 年 之 制 親

> 嫁,不 責以禮之所 朝議禮,於所不安 古,不可依違遷就,使後世 世 用 一不可 也 赴舉,不 改矣。 惟 當 夫二十七月之内,不聽 然則 者 [汝成案]心喪之説 難 服 辭 輒 官,此所謂「心 以 ,文以情之所或 美名 此 通 多附 融 之。 其 間。 ,本之《檀弓 然則 儒 者 喪」, 蓋 多 誠 樂, 人 飾 欲 心 悉 不 古 難 心 知 百 昏 六 復

後者 者 父 也。 在 三年 爲 喪 母 服 小記 也。 鄭氏 此 Ď 曰 : 祖 母 祖 「祖父在 之喪, 父卒,而 厭 則 後 於 其 爲 祖 服 祖 父 如 母:

貮 與 斬 更三年喪,不 也 婦 事 然 舅 而 姑 心 如 喪 去 事 則 父 未嘗 母 不三. 而 服 年 止 矣,故 於 期 不

外飾之以文,是爲情文之稱 不 爲 食 斬、齊、功、 肉, 吴幼清《服制攷詳序》曰:「凡 不處 緦之服 内 者, 其 者,其文 實 也 也 中 徒 有 服 不飲 喪禮 其. 其 服 實 制 酒 而 而

實

年

巾

豈

舅

姑從

夫

斬

齊

並

年

爲

嫂

0

之意

蓋

如

此

後

世父

在

文之

有

所

或

殺

者,

義

之

服

而

居

喪

夫

之父

母:

亦

漬

斬

者

不

貮

夫

嫁嫁

而

移

所

路

之人乎?

古

人

制

禮

之意

奚獨

於兄

嫂

弟

婦

之

喪

而

以

淺

識

窺

也。

夫

實

之

無

所

子

子

在

室

爲

母

期

蓋

曰

所

殺

者

之

服

既

除

則

也

子

服

雖

爲

母

杖

期

贵

之

妻

有

娣

姒

婦

之

服

家

老

服

者

推

而

遠

之也。

然

兄

弟

而

服

兄

弟之妻

不

可

名

以

妻名

以

母之黨

而

服

從

名者,爲

從父從子之

妻之

雖

無

服

必必

不

華

靡

於

其

躬

宴

爲

從

母:

之夫、舅

之妻

與

己

同

爨

者

爾

朋

友

尚

加

麻

鄰

喪

里

殯

猶

無

服

之

人

也

口

爨

П.

服

恕,

制

禮

嘗

謂

服

制

當

增

改

者

皆

溺

其

實

者

謂

無

其

實,

則

殺

服

制

之文

之意者 年之文而 之實 與不 之 期, 父斬, 除 子之所天者 必 乎 薄 天 有 天 子 心 以 也 從 服 其 於 如 期 也 而 爲 於 殺 喪。 周 文,昧 等 夫 夫, 其 之 既 母 其 爲 而 己 公 爾 服 嫁 者 夫, 後 降 之 母 一之禮 有 母 心 則 實 斬 己之 夫 則 居 服 哉 隆 齊 乎 喪 是舅 降其 雖 父,妻之 而 固 一方古之 未 爲 喪 ? 其 亦 衰 之實 爲 後 未 不 除 父 夫 之實 實 除  $\equiv$ 正 父。 姑 蓋 服 爲 嘗 母: 斬 年, 服 之 有 家 以 道 後 其. 殺 而 如 而 婦 所 夫 服 婦 隆 年 無 服 而 而 世 也 也 不 故 期 天 爲 爲 期 已 究 哉 有 人 父 而 而 者 爲 不 父 尊 妻 在 古 而 除 則 所 愚 無 有 女 精 必 恝 樂 幼 舅 者 喪服 母 不 無 此 有 之 妻之黨 類 原 所 妻之 然 於 姑 隆 有 妻名以 是 相 注 俱 引 待 恩者 之 年, 古人 者,仁 在 杵 其 有 也 有 似 百 ~; 類 汎 爨 之 巷 服 服,己 室 以 而 婦 制禮 言之矣。 服 如 歌 婦之黨 從 是 未 己 之至; 緦, 爲 如 無 父之 行 之聲 也; 易

··, 子 恩服 爲父母之 治者,有 以 類 義 是也; 服 者 義者 有 以 名 婦 服

257

其 未嘗 者,喪之文也,表暴於人者也。 有 去何如哉!」 勉者,喪之實也,自盡於己者也,後世 知古者子之爲母,婦之爲舅姑,叔之於嫂 (實,而 服 薄也。 ,爲弟婦亦有服,意欲加厚於古,而不 不究古人制禮之意者也。 愚故曰: 此皆溺乎其文,昧乎 誠 古人所 僞 之 相 所加

## 繼母如母

爲 問》曰: 制之,此類是矣。 統。」夫禮者,所以 母之黨服。」鄭氏 以貴父之命也。 其母之黨服 繼母如母」,以配父也,「慈母如母」, 「母出,則 爲 然於其黨則 注 爲 〔原注〕《喪服小記》: 别 其 繼 曰 : 嫌 母 母 明 之黨服 之黨 微 雖 外親 服 不同 非 聖 則 亦 矣。 母死 「爲慈母之 人莫能 不 無 爲 列則 服 繼

父母無服。」

# 弟之子若子爲所後者之祖父母妻妻之父母昆弟昆

者,非。[原注]鄭以「若子」爲 也。 也。 我之世叔父也,昆弟之子,我之從父昆弟 也,因妻而及,故連言之,取便文也,昆弟, 妻,我之母也;妻之父母,我之外祖 祖,我之曾 等之親,皆當 「兄弟之子若子」之文,當同 《正義》謂一 若,及也,若子,我之從父昆弟之子 此 因爲 祖 人後 也,父母,我之祖 如 「妻之昆弟、妻之昆弟之子」 禮 而 而 推言之。 爲 解 之 「如親子」,但篇末又有 服 所後 也 父 者 母 所 父母 後 有 也 之

## 女子子在室爲父

之「布 是 該 曰:『女在塗,而 「有故二十三年而嫁」,《曾子 也 也 鄭 總,箭 謂 氏 注 許 言 : 嫁 笄,髽,三年」也。 而 在 女之父母死,則女反』 未 行,遭 室者, 父之喪, 關 已 <u></u> 問》「孔 許 内 嫁 亦 則》 當 歸 子 日 爲

### 慈 母 如 母

子。 敢 也。 父妾,父卒,爲之三年,所 自 謂 專其 然而必待父命者,此又 慈 憐 母 其 報 之義 無母,視之如子,長之育之,非 者 何 也。 也 ? 「父命 子 以 幼 先王嚴父 報 妾曰:女以 而 其 母 鞠 死, 育之恩 而 養 爲 於 不

> 斬 主其祭而已,非立爲後也。 母 立 然無祀,非禮意矣。 之以 爲 則 妾 未 後 口 也。 信 也 《喪服 慈母既 〔汝成〕 小 無子,而養育之恩隆 案」「爲 記 慈母 以 爲 後」云 爲

慈

世 或 母 非 有 母,以 慈母 以 忍也,欲喪之。 公少喪其母,有慈母良。 子之素所爲母者何如也。 也 者男子外 謂 不同於母者安在耶? 法也。 )、「原 燕居,吾弗忍也。」遂練冠以 無 如適 無乃 服。 妾爲生母者; 如 禮記·曾子問》篇:「子游問 注〕此與《喪服 母 母,禮與? 不可 也; 若終行之,則有 今也君爲之服,是逆古之禮 有傅,内 繼母 乎!」公曰:「古者 有司以聞,曰:「古之禮, 慈母, 如母」,則如適母矣。 》所言「慈母」不 有 孔子曰 經文「慈母如母」,謂如妾母 何服之有? 以妾爲慈 慈母。 及其死也,公弗 司 二非 母者, 將 君命 同。 書 喪慈母 愐 天子 之以 〔汝成 昔者魯昭 如之云者,視 所 禮 皆 曰 : 使教 也 不 練 遺 案」妾 而 世 耳 喪 冠 後 亂 子

異 於如 母 自 母者矣,而 魯昭公始 孔子以爲 也。」 然但 非 練 禮 冠 以 居 則

有三條 皇子。 母: 妾 母 章所言『慈 之,命爲 服 成 非 之子矣。 庶母 喪服》「小功」 0 無爲母之義,而 ,使妾養之,雖 或 亦無 無 母 太 南 亦有『慈母』之名,師 慈己』者、「原注 筠 武 ,擇賤 妃陳 服 明 史・ 母 引鄭玄説 帝 矣。 異於 子, 母母 則妾子 以 氏 司 者視之,義 如 <sup>《</sup>内 爲不 三年之慈 薨 章 馬 母 服 均 部部 所 恩 則》云:『擇於 筠 服 以 無 然, 曰: 乎 是 深 傳 以 文 三年、《喪服》 止 禮 母,使妾之無子者養 慈 事 也 ҂  $\Box$ 不 卿 同 官 「庶 愛, 事重,故 13: 直 大夫,不 「《禮》言『慈母』 梁天監 保 師 議 母: 也 言 但 保 無 皇 則 慈 嫡 服 服 則 子 諸 其 嫡 而 知 母 以 妻之子, 七 妻子 齊 宜 慈 =13: 其 則 不 小功 年 爲 而 施 母 與 此 無 則 衰 嫡 無 之 之 慈 兹 子 云 口 安 非

> 子得 所 乎 自 三母 是筠等請依制改定 服,以注『慈己』,後 母。』此其明 ? 養,服之五 是 使爲 師 有 鄭玄不 非 保 此 謂 子 之慈 荅, 豈 擇 文言『擇諸母』,是 師 月,貴賤 . 辨 取 非 0  $\equiv$ 非 兄弟之母 其 三年 慈,混 嫡妻之子,母 人致謬,實此之由 師 次 並 保之慈 爲 小功之慈 同,以 慈 爲 也 母 訓 母 爲 擇人而 釋 子 其 永 没爲 無 也 游 制 次 引 服 所 彼 之 爲 父 故 爲 於 證 夫 此 保 無

得 與 服 妾 。 注 盡 母 可 喪 於 不 曰 服 世 : 母者矣。 恩 小 祭 記 也。 所  $\forall$ 不 日 然 及 : 則 故 爲 雖 也 云 慈 如如 母 又 曰 : 之 母」,有 父 母 慈 13: 無

今據改

<sup>0</sup> 0 子」,今據删「太」字。 母子」,原作 皇子」, 原 作 皇太子」、《 「子母」、《 南史・ 南 史 司 馬 司 筠 馬 傳 筠 「母子」, 作

## 出妻之子爲母

傳 尊者爲一體,不敢 連之不誤,經文之例如是也 則爲出母 服也,當自爲 屬。』此傳中 此子夏傳也。 出妻之子爲母 也,當自爲一條,今本乃誤連之。 出妻之子爲母。」此經文也。 無服。」此又經文也。「傳曰:『與 一條。 引 傳 傳 期,則爲外 服 了,援古人之言以 曰:『絶 「出妻之子爲父後者 其 私親也。」」此子夏 族無 祖 父母 施 「傳曰 服 無 證 (汝成案) , 親 服 其 無 者

## 父卒繼母嫁

幼不能自立、從母而嫁也。母之義已絶於「父卒、繼母嫁、從。」「從」字句、謂年

爾。 年; 父,(原注)下章云「妻不 報者,母報之也,兩 原 注 故 二繼母 而 É 其 肅 本 恩 # 猶 「從乎繼而寄育,則爲服,不從則 屬毛離裏之親,以 在於子,不可 相爲 敢 與 八焉 」是· 服 也 以 其 也。 配 不 父而 爲之服 故 服 不 之 不 · 得三 如母 服。 也。

## 有適子者無適孫

復立太孫,非矣。副,故有適子者無適孫。唐高宗有太子而

冢子,身之副

也。

家

無二主,

亦

無

# 爲人後者爲其父母

得 辭 不然,《隋書》劉子 是也。 爲人後者,爲其父母」,此臨 後儒 謂 以 翊 所 云「『其』者,因 後爲父母,而 文 所生 之不 彼之

文忠力 定邪 母,辭 名,妄 争 曰: 也。 爲 母, 能難之者。 者爲其父母,則 言,然不若趙瞻之言 爲聖人未嘗没其父 昆 死則己不得 母 謂 也。」、「楊 上」之義 以以 之名 敬 伯 弟」者、大抵皆私親之辭。 正。《石林 儒爲皇 窮直 亂 相訾難 因服立文,舍父 叔父 「仁宗既下明 詆 原注》《宋史·趙瞻傳 也 厥 氏日 以 死 書, 真。 爲 而 司 爲喪主焉。 伯父,而公深辨之。 母 則 」歐陽 不然 馬 贵. 推之也 是雖 燕語 ,於經未 彼 降 且. 足援 君 明 文 其 紹子 實 因 出 父母 公既 有 知 母 在 以 繼而 引 禮 去婦、 按經文言 濮議廷臣既皆欲 斷 陛下,議 諫 則 據 無 之服 《儀 大義 母之名,辨之至 有所攷, 院 無 於本生 宋 此 啉 辭 禮 \* 出母者,去已 以 父真 獨 甚 也 中 歐 》及《五 (莊 哉 窮直 力 爲稱, 者顧惑禮律所 疏 -書請 一猶稱 陽 斬 言 生 侍 故《 之義 則 服 臣 〔汝成 氏 郎 濮安懿 亦 其 書」爲 非 父母 「爲 敕 請 養之以己之養 Ŧi.  $\Box$ 止 謂 據 自 父母 \<u>\times\_</u> 非 與 〕生不奪其父 代 稱 其 人 也 敢 二尊 此 之廷 · 婦, 皇伯 案」曾子 史  $\pm$ 後 得 ]。] 時 裂 生. 簡 「爲 稱 」、「其 晉 出 前 稱 耐 數 無 辨,以 而 親 人 歐陽 不爲 字 養 言 出 父 未 千 以 當 後 之 之 膽 帝 11: 父 有

是未知 也。 等則 考,立 後者重而 母之服 其 所去。』 本親,故非漢宣 則未嘗 漢蔡義以 名不可 爲人後議》曰: 絶其親. 正統 報』, 非 耐 所出父母之名。  $\stackrel{>}{\exists}$ 足以 也,未有 易 故 īE. 廟。 考於 有以 此出後之身所以有 之號, 者 此 也。 禮 一門 禮 已,非 謂 見於經『爲人後者於其本親 明 ,崇本敘恩,所 皆不 後 則 而 所 禮 極之重,非制 又崔 爲 宣 喪 而 世 輒 有 可 後者 非 帝 也 謂 未 得 帝 服》「齊衰不杖 之矣。 遂以 議 以 凱 者 親 或謂當易其父母之名,從所後者 加 미 嘗 謂考爲皇, 者 廢 此古今之常理,故坦之引以爲 爲重、無緣乃絕之矣。」夫未嘗以 聖 也。 (喪服 諡 以 悼考以 謂 廢 以 其 人制 宜 絶其名,是亦惑矣。 其考妣之稱 其 爲之絶 當變其 以 其 教之所裁; 駮 者。  $\vdash$ 稱 爲降。」 服本親也 後 禮、爲 悼,魏 皇 皇 Ĕ 稱 魏 稱。 其父母 期』章曰「爲人後、爲 親 立 故爲人後者,爲之降 明 妣 「本親 其父母期 也。 廟 則 相 帝 爲 又謂 爲 昔日之名,非 以 知 后。 尤惡爲 稱 親 之名,則 又 曰 : 非 又 有自 爲 謂 父母』之明 後 晉 至 非 人後 宜稱 蓋 嗣 "; 使 尊尊 變, Ŧ 然之恩 人後 于 亦 「情 有 坦 足 尊 則 稱 禮 但 由 之《 親 不 號 未之 名 以 制 者 禁 親 諸 文 親 爲 可 其 謂 古 明 朝 喪  $\Box$ 降 服 有 其 侯 厚 稱 也 屬 之 其 之 猥 其 皇 父 有 父 可 不 所 服 人 考

母

議 加 繼 義

以

得

之辭 謂 禮 £ 帝 據 人主天性 可 者,謂 不 史 母 愐 無祝祭之辭。 父殁之稱 後,所以著其 於其本親稱父母,則 親 證 光光武 之嫌, 無可 者《儀 非 義之準 爲皇考,置太后 不 特禮未之有, ,謂之親 官之記, 謂 順 是 而 私 加考以 之考妣 易 Ę 而已。二胡 則 也 故 皆 禮 則 爲人後 亦謂 罔 者, 故 得 稱父爲皇考,其説近是。 若 然 也。 爲 喪服 非, 皇 者 極之恩 道 遂 則不 臣 則 不 施 載 其 其 號 之父母, 愚 加 者 其 而 子 雖 于 何 氏 尊 實 籍 》之文,不思所 大大義 一之親 謂 位 立 者 禮 非 미 IE. 地? 爲兩 日 以 稱。 以 號 謂 者 必 人 勢不免 廟奉祀,是 二濮 其 一二數。 成文,不 來 情 ,謂之考 欲 不變革其父母之名也。 如 名, 則 見 統二父,其 濮 有 古 惜 議 此 求 隆 于 無典册之文,不立廟奉 豊 朝 議 未之有 明 此 於 龃 經, 其 廷典 之時, 案,以 有 論 當舉 所 據 龉 mj 妣 云「爲其父母 不一 文 見 施于事 未 於 生 如 無當耳。 以 然宣 册之文,有 謂之私 于 可 也 決 太后 典 以 謂 此。 「子無爵 未 于 乎? 前 而 禮 爲 世 者? ĪĒ. 爲 或 罷 帝、 世 古 據 父、叔父者 至 統, 以 考妣 大失,然不 謂 議 當 夫兩 見于 光 也。 使 在 明 一者 父一 爲人後 論 顧言 後 武 時 宗 懷 也 其 夫考者 生不 不及 |乃詞 廟 謂 又 中 貮 統 他 謂 非 祀, 引 之不 進 語 祝 於所 二父 之本 之父 書 書 私 者 可 見 濮 所 官 窮 奪 則 祭 則 及 所

> 不 也 故 也 元之裕宗,未嘗 容 其 若俟太后 説 兩統之説 已之情 多穿 鑿 則 崩 附 毋 於 會。 乃 日 然 禮 太激 爲君 後 無 避 以 憾 私 所 也。 Á 之名, 生皇 不能 若 明之睿宗,猶 考爲定名 而 亂正統,禮之秩序 有 失 禮 明 之 實 唐之讓 示 天下,以 非 愛 古 帝 君 在

後,而 未爲人後之時, 《禮經》『爲 又設 激於當日主 不稱父母 必其 母者,蓋本其 生者降服, 有 而 則 爲 É 至 追本 黄氏 以 人一時 或問 於 命 非 耳。 木 我者 其 口 生之稱 H 濮議之力。公集《 辱 以 常 父母』 則 鈔 然既 並 發 危 一尊 **\*** 人 爲 以 初 É. 稱 身 明之,滔 比 父母。 而 生 無 自宜 明言 兩 哉 邪 名之,非有兩 我 語 父 歐 二上』明矣。 ? 者爲 母: , 謂 因 所後者三 公被 立言者於既 況 滔 其舊以父母 也,公亦何苦力 未 父母 帝 數 陰 濮議》 嘗 王正 萬言, 私 大 ; 年 之謗 父 謂 已 降 母: 四 命之 爲 皆 所 服 丽 也 卷, 人 相 牛 於 以 ITT

父

所

傳

辨

未

後

聞 後 之 知 聖 觀 儒 人 先 制 朝 而 禮 嘉 未 , 别 靖 見 之事 及 嫌 明微 此。 **①** 至 之至 學 於 者 人 也。 所 廟 稱 以 永 宗, 貴 叔 乎 博 而

格

物。

## 繼父同居者

則 恤 爲 下 世,不能使天下無 Ŧī. 轉 歲 喪主者矣。 無 夫物 於 又 之子,則 再適人之婦,且 溝 無 壑 大 之不齊, 而 功 其本宗大功之親 假令婦年尚 른 之 親 孤 物 於是其 丽 有 寡 之 不 前 之人,亦 情 後家、 許 少,夫 母 也 之 所 自當 從 嫁之夫,視 雖 東 不 死 其  $\equiv$ 西 能 爲 而 嫁 之收 家 使 王 有 母 天 之 而

> 我 别 長 人 之 爲之築宫廟」,此後儒 天下之人不獨子其子也。 也。 如 居 而 也 同 名 子 則 爲 居 之 而 齊衰三月, 此 爲 撫 則爲之服 制 之, 何 者,所 ? 以 不 至 以 齊 以寓 不得 得 於 其 衰 不 成 撫育之恩次 期。 其説 若曰二 人, 恤 稱 爲「 孤之仁,而 此 先 而 繼 以其 子 同 爲之辭 之 居 父」矣。 於若 貨 於 而 財 勸 生 後

# 宗子之母在則不爲宗子之妻服也

矣。 雖 舅 祭 老, 統》曰: 殁 「原 則 正 古 注〕夫 義》 嘗爲主 姑老」,〔原 夫 人人亞 謂 祭 母 裸, 祭之人。 年 世. 母 注》 者 未 不 七十 可 内 必 以 則 夫 而 亞 尚 婦 禮 子, 明 與 親 無 故 其 祭, 之。」是 老 不 敬 而 非 與 傳 也 事 祭 故 以

❶ 「先」,據《校記》,鈔本作「本」。

爲宗子之母服,則不爲妻服。

發明。 玄孫 宗子 祖 蔚 不 謂: 『舅殁則姑 疑。』喜荅曰:『有嫡子者無嫡 孫 母 曰 得 服 持 之「原注」《唐 之婦尚 "『假使玄孫爲後,玄孫之婦 爲 母 傳 重,妻從服 杜 服, 氏《通 重 後 以 存,纔緦 而 則 姑 傳 其 典》有「夫爲祖 不服宗子婦。 重 爲 志 >>: 老,是授祭事於子婦; 議」 母 之服,理當 嫡。二 尚存,玄孫之婦 麻。 庾蔚 條,云: 之注 與 近 此條之意 輕 在 喪 以此 曾祖 遠 孔 孫 服 姑 從 重 要記》五 矣。』宋 瑚 服 , 情 一、高 猶 推之,若 又, 若爲 問 期 爲 互. 至 實 虞 祖 庶, 卷。 於 相 庾 有 喜 父 曾

## 君之母妻

與民同者,爲其君齊衰三月也。不與

房 之服 如 民 再拜」是也。 成公九年「季文子如宋致女。 同 也。 者,君之母妻,民 古之卿大夫有 而 妻 之爵 不 服 見 復 服 命,公享之,穆姜出 小君之禮 ,而嘗仕者獨 則 又 君 夫 , (原 八人命 注 爲 於

# 齊衰三月不言曾祖已上

之,是以不容無

服

曾 喪三月。 也 祖 所 而 祭禮祝文,無遠近皆曰 不言,則不服」,是不 祖 而 雖 上 、曾孫,而 宋沈 百 者皆 世 括《夢 故 미 雖 曾 也。 無 成 ノ溪筆 祖 高 王之於后稷,亦 也, 苟 祖、玄孫。 談》曰: 有 自 相 然。 孫 『曾孫 逮 而 者  $\overline{ }$ 曾, 下 或 喪服 則 者 重 稱  $\Box$ 皆 必 也 》但 曾 曾 經 爲 服 自 之 孫 有

孫、適玄孫、適來孫」。《左傳》王子虎盟諸《禮記•祭法》言「適子、適孫、適曾

猶重 曾孫。』《 諸 侯, 曰 : 孫。』《禮記 然宗廟之中竝 原注〕《史記・孟嘗君傳》: 「孫之孫爲 曾 駿 侯 惠我 孫 亦 「原 事 也。 禮: E 蒯 左 五. 注》《信 文王 傳》哀 聵 玄孫之文見於《記》、《傳 及而 自 事 廟 宗 也,於曾祖 孫之子而下,事 南山 ,曾孫篤之」,鄭氏 郊特牲》「稱 玄孫,無 廟 無 **《晉書** 公二年, Ě 自 、此稱。 義: 曾 · 鍾 「白曾祖 有老幼 孫 已上,稱 衛 曾孫某」注: 詩 已下 太 雅 子 以 先 • 何? 傳》元 箋日 至 維 皆 禱 祖 無 者 「原 日爲玄孫。 稱 曾 天之命 文 窮,皆 皆 注 王 孫 曾 如 帝 稱 曾 僖公 得 孫 此 詔 稱 謂 曾 而 稱

父母 於 蓋 Ŧi. 以 ,(原注)後人謂之高祖 是 曾祖 世 丽 者 父母 推 鮮 之矣。 矣。 齊衰三月,而 壽 凡 至 人 八 祖 非 九 孫 經文之脱漏 + 不言曾祖父之 相見,其 而 後 可 以 得 也, 見 至

義

取

於重

孫,

可

歷

世

共

其名,

無

所

改

也

服之祖 數 重,來 間 高祖之宗,「高祖」之名,非起後代也 成 也。 也。 窮。 曾孫之子,百 見矣。人之壽 及于大夫,大夫祭三世,或就大夫言之歟 案〕諸侯祭四 而 孫都 原 苟六世 經 者 知 注」晉 於 立非。 無服」,及《賀循 曾祖 曾 親、曾、高二代可並稱 徐農 祖 丽 有餘 以百年爲 」之名統 觀於祭之  $\exists$ 相 人問 Ŀ 見 年 傳 殷 不言 焉, 而 》謂 仲 曾孫 上. 堪, 限,故 其 稱 高 世 者 謂 祖 服 之子 曾 《喪服 而 曾 已 假 以 不 言之矣。 服 孫 上 如 孫 異 是 之子 Ŧī. 至 玄 \_ 歟 ? ~ 世、 孫 於 而 Ŧi. 不 ±: 六 持 曾 推 禮, 論 世 亦 有 # 高 ′汝 之 祖 世 而 叮 而 繼 無 祖

## 兄弟之妻無服

通 口 乎?」〔原注〕《記 以 以分言之,又有所 母 謂 子 弟 爲 之 比。 ·大傳 妻 以 婦 文同。 名言之,既 者, 嫌 是 蓋言兄弟之 而 嫂 不 亦 有 可 可 所 以 謂 閡 不 之 而 遠 母:

其夫屬 迫 夫外 叔是也; 姒 非 也 服 叔不通問。] 不獨 嫌之故遠之, 婦婦 此 者 而 ,其近于妻道矣。 其 [汝成案] 傳 矣。 以 親之同 日 乎子道者,妻 斷 所以爲聖門之文耳,非未及也。 有從 「原 其 其 「嫂叔、 無服 義 分 注》《大傳 爨 日 於兄弟,夫聖人之所 而 以 親 而 猶 之無 皆 有 大爲之坊、「原注》《曲 其名 名不正則 「其夫屬乎父道者,妻皆母 而 婦 緦 服 道 年 》疏 娣 服 而 也。」言外見昆弟之妻,非 也,此又傳之所未 相 姒 曰 : 也、蓋推 獨 是 嫌 亞, 也。」 有 兄 生,舉彼見此,從容不 弟之妻不爲 故 從 有 存其 而 聖 服 遠之也 人 而 以 (恩於 禮 嫌 無 處 道 服 之。 一嫂 娣 母: 也 及 制 此 嫂

所抑, 也,爲 正言 惟 嫂 嫂 位 嫂 而 叔 , 原 叔 叔 情 雖 之 尊 不 注 「原 所 嫂 制 不 也 檀 服 注』《奔 弓》。 然 可 若 闕 喪 而 兄 何 彻  $\Box$ 公與弟之妻, 也 ? 子 然 無 而 思 服  $\Box$ 鄭 之 是 而 氏 哭 制 爲 則 之 嫂 位 曰

> 服 補 卑遠之。 不 禮 雜記 記 弟 》言「嫂不撫叔,叔不撫嫂」,是兼兄公與弟 》之不 妻於兄弟 公不 及。 爲 「原 位. 者 注〕《檀弓》言 尊 絶之。」 此 嫂 又 叔 足 之 以

能

也。

「原

注》。正

義

₩ ⊟

「兄公於弟妻不

位

### 先 君 餘尊 之所 厭

親,並 雷 也。 或 厭 厭 没,則無 在 恩爲之大功也。 氏 之尊,爲宗廟社 ; ,故公之庶子 尊 後 禮》之明文。 卒,表請 尊尊」、「親 依 不 魏 餘 敵親 本 廣 尊,故 服 陵 解 故 如 侯 州 於 親」,周道 衍 不 邦 其 大 所 稷之主,既 季 厭 爲 詔 人 夫之尊 庶 生之母,不 末 徐 也。 曰 子 陵 此諸侯、大夫之辨 : 州 於父卒,爲其 先 遲, 也。 刺 親不 不 史, 没 君餘 斯 及 得 諸 敵 而 典 諸 侯 所 伸 餘 尊之所 尊, 或 侯, 生 其 有 尊 母: 故 私 既 私 猶

憂, 功 侯 既 表請 親 饒  $\pm$ 解任 陽 之子, 男 · 詔 遥 官 以 宜 餘 左 從 尊 衛 餘 所厭,不 將 尊 軍 之 義, 許 遭 所 便 生 可 大 13:

當以 原注 厭 服 屈 「於禮應服 晉哀帝欲 胡 諸侯者服之也 私 情, 所 省 日 以 爲 緦 以 皇太妃服 帝 麻。」又欲降服 Ŀ 人 後 嚴祖 大宗,則太 考。」乃 三年,僕 妃 期, 乃 服 琅 射 獻 邪國 緦 江 日 麻 母 獻

### 貴 臣 貴 妾

備 者大 生 妾,姪娣也」,皆有相助之義,故爲之服 〈穀梁傳》曰:「姪娣者,不孤子之意也。」古 六禮 賈 夫 及 此 謂大夫之服。「貴臣,室老士也, 之制,合二姓之好,從 亦 爲 有 而 姪 死 娣 *~* 繼 室 左 傳 以 》「臧 其 姪 宣 其 生 叔娶於 紇 女君而 是 緦 也 鑄 貴 歸

> 焉, 祭」,近之矣。 惟夫「有死於宫 緦。」然則大夫之妾雖有子,猶不 姪 大夫尊輕,故服。 娣,故《喪服小記》曰:「士妾有子而 故謂之「貴妾」。 至於餘 中者, 妾, 出 「原 注」雷 自凡 則爲之三月不 次宗 庶,故 日 不 · 得緦 服。 姪 娣 爲之 士 也。 貴 舉 無 而

夫,則貴妾也 比 之夫人,則李亦宜 李晟之服, 元龜》。 妾有子而爲之緦,《開 人,而晟爲之服 愿,韶以爲嫡子。 而 比 晟擅舉復之,頗 也。 唐李晟夫人 今之士大夫緣 朝 「汝成案」詔 廷之贈 服 緦。 皆 王氏 何 爲 及 非 爲嫡子,則 也? 也 當 杜之卒 議者以 飾 無子, 元 時 以 禮 然 新 ±; 所 朝 文 杜. 禮》 誚 廷 則 氏 爲,準《 也, 而 既 妾 有 乃無子 以 無 子 行 「原 杜 贈 杜. 者 是 此 氏 鄭 生. 注 也 禮 之妾矣 服 服 子 生 或 以大 册 矣, 而

府

夫

子

## 外親之服皆緦

矣。 加 母 貳 太子 至 卿 開 姊 傳 故 家 姊 妹 妹 總總 家 不 韋 以 小 元 小 有 百 昔辛 厭 縚請 賓 功 服 徳同 功 同 外 過一 正 + 術 居 降, 客 Ŧi. ; 定 親 有六,三日 而 共 名 從 有 加 崔 月 席 之服 義 等, 内 天 年 了, 堂 外 適 <u>1]</u>: 沔 之禮,故許 庾 有 下 理 祖 制 蔚之云: 伊 以 此 議 姨 皆 齊 定 : 名。」 歸 父 Щ 名 先 曰 令禮官 想。」 斬 本宗。 矣。 母: 堂 此 : 加 王 其 見 「男 服 謂母之兄弟異 舅、 因 不 外 禮 被 外 故 Œ 至 母 女異長,母 易 議 服 髮 舅 名 教之設,本 祖 所 家 大 小 以 之 皆 加 而 母 父 以 功 之道 功 加 服 緦 祭 道 父以 母 服 九 服 之在 一德異 制 。」唐玄宗 「原 於 月 以 至 其 不 尊 室,與 野 尊崇, 名 衵 尊 注 來 名 可 於 太常 舅 者 母: 免 加 久 所 以 服 īE. 其 之 大

古禮。 徵 矣。」 身 亦 戚 親 明 稷之福 運 拏 進 「原注 御 不 日 名上字故 台目, 了謂之九 : E 各 狀 兆 遵 稽古之思 别 ] 韋氏 勤 緣情 貞 論 洙 天 生分 儻 不 以 安積習, 矣。 事 喪 觀 泗 生 及 見 爲 稱 殺 符 而 更 服 之 修 族。 中宗, 類 萬 唐 百 萬 於 圖 一, 發 禮 制 典 上. 輕 典 元。 存 物, 斯 年, 代 故 服 異 重 自 太 獨 立 特 由 今考す 成 人 或 議 則 惟 高 常 及 温 敕 此 沂 斷之 改 開 法。」 命 盡 祖,下 王 人 弘 禮 事 知 舊 其 而 竊 重 元 再 其 最 道 部 及 而 所 向 明 章 僉 茂,改元唐 戎 初 移 愛敬 職 遠,稱 靈 之後 奏依 立言, 了, 特 議 未 方 乎 至玄孫,以 於 漸 方 補 式 詳 外 降 廣 所 郎 累 殁 舊 於 往 别敕, 情 隆 唐 古 族矣,禮 渭 其 以 中 盧 則 定。 願 時 聖討 宗盟 陽 而 元 禮 尊 韋 守 今避玄宗 盡 羣 履 之恩 立 之 及其 尊 陛 先 述 八 議 冰 其 間 哀 親 議 年 社 依 嘗 下 紛

ĮЦ

父 大 成 本 殺 何 舅 子 降 且. 殺 舅 差 不 抑 =以 (功」已 案》《喪 昆 得 服 之 代 其 及 者 其 於 則 名 出 家 義 渦 姨 弟 大 私 嫁 小 無 外 伯 輕 口 加 廢 誤 服 宗。 功 列 也 於 叔 亦 氏 知 重 教 必 禮 殺 先 篇: 九 於 父 尊 者 祖 大 生 循 徇 其 有 遂 今若 爲 服 之 月 若 功 釋 也 所 世 原 情 本 喪 爲 所 紀 人 列 以 九 云 父母 從 家 今 本 無 以 五 原 後 之 外 也 從 所 兀 月 注 之 尊 服 内 者 服 祖 理 祖 務 敵 叔 方 今 期 喪。 並 斬 祖 父母 及 父 不 言 袓 者 及 則 減 是 伯 以 雖 禰 母 舅 踰 父 之, 加 皆 條 末 叔 中 其 蓋 持 則 上 之 更 而 等 服 父 服 13: 流 外 父 母: 外 期。 所 出 重 異 恩 或 加 且. 之 母 尤 期 從 存 於 於 於 祖 以 服 不 百 韋 失 是 伯 Ŧi. 制 之 者 祖 大 祖 禽 殊 則 義  $\pm$ 經 加 述 服 叔 服 相 等 宗 義 Z 服 遠 獸 父 祖 降 不 其 父 有 去 而 本 母 者 也 也 服 從 1 幾 女 獨 1 所 或 服 汝

矣。 女之子 緦 失 其 其 異 録 月 祖 袓 服 父 小 得 從 口 功 矣。 隊 恩 母 減 細 疏 麻 父 不 渦 祖 若 則  $\pi$ 義 愛。 族 先 母 得 於 也 昆 月 理 外 爲 若 王之 皆 Ħ. 者, 曾 過 弟 紊 祖 有 往 曾 之 則 亦 蓋 舉 須 服 祖 於 唐 皆 其 所 昆 聖 制 不 祖 制 宜 本 制 皆 此 太 也 高 小 敘 弟 斷 口 順 父 服 宗 制 於 有 服 而 祖 庸 謂 功 皆 所 得 公者 母 不 矣 報 服 沈 舍 則 之 也 增 Ŧī. 緦 推 合至 氏 可 圃 得 彼 矣 也 外 彝 月 則 麻  $\Box$ 而 非 聖 止 薄 不 堂 曾 倫 堂 事  $\equiv$ 曾 廣 小 族 乎 於 以 然 人 外 則 舅 袓 外 月 祖 ? 之, 則 奉 私 <u></u> 功 祖 出 祖 舊 禮 甥 父 姨 不 苟 祖 以 薄 以 服 於 禮 經 則 外 加 存 13: 既 均 齊 周 外 父 口 其 曾 出 與 至 部 叮 其 高 及 出 衰 ; 旋 加 骨 曾 母 於 祖 員 得 大 大 本 棄 外 於 祖 月 也 肉 孫 高 者 外 猶 族 親 合 功 伯 外 族 而 今言 服 祖 郎 恐 略 背 隳 亦 姪 無 至 曾 九 叔 祖 而 不

宗手 聖 宗 之所 乎 以 魏 楊 厚 則 日 堂 例 也 除 何 具 下條 子 親 等 ? 外 徵 屬 姨 也 ,後學何 仲 深 堂 沿 議 昌 也 御 敕 孔 服 祖 外孫 於宗 念記 路 邪? 子曰 何 舅 父 議 士: 史大夫李 再三,竟 雖 口 舅 袒 庶 除 從 文  $\exists$ 母 (從)? 所 爲 廟 氏 免。 : 猶 貞 母 之。 報,服 加 『先王 竊 不 了, 外 則 賢 然, 例 按《 至大 恐 加 至 薄 景 乎: 宣 今之所請,正 也 此 族 舅 内 況 加 儀 大功, 宗舅鄭光卒, 讓 則 制 昔子 功,豈 也 服 外 於 而 至 禮 所 上言:「人情 禮,行 聖 毋 周、孔 乖 爲 萬 小 以 爲 人 路 序 則 今 輕 乘 小 功 先 不 舅 援 親 鄭 功 本宗 議 有 道 Ŧi. 王 聖 緦 加 事 之人 光 禮 姊之喪 百 親 月 制 舅 疎 也 報 詔 抑 徴 鄭 輟 庶 王、公主 禮 母 奪 「原 皆 罷 情 於 於 論 朝 孫 以 文 倫 緦 之 外 賢 割 貞 日 外 朝 時 不 而 又 注 麻 玄 明 忍 情 用 改 公 數 愛 族 不 孫 如

> 深 讓 仲 與 也 之言, 識 昌之言,可 親 先 優  $\pm$ 一、公 王之禮 詔 可以 報 主 之, 察 以 同 微 而 探 乃 非 本 亦 而 罷 而 H 防 所 兩 尊經 亂 見 以 H 武 别 豈. 親 夫 韋之禍 由 非 疎、 由 崔 能言 韋 沔、 防 述、 思永 僭 之 李 楊 越

始 之禮,後世不學之主,踵 變於 宗 唐 廟 太宗。 之制 ,始變於 皆 率 漢 而 時 明 行之。 之情 帝 服 而 紀 更三代 之制 監

於將

來者哉

## 唐人增改服制

注》新新 增 小 無 功 爲 服 ,太宗令服 唐 Ŧī. 唐 增 書》: 人 月 爲 所議 ; 「初,太宗嘗以 大 嫡 功 服制, 子 小 婦 功 舅 大 似 服 同 功 曾 欲 爨 緦 祖 緦 過 增 父母 而 增 於聖 爲 嫂 爲 期 叔 舊 乃 小 人。 ; 服 無 衆子 功 服 嫂叔 舅 婦 原 與

六

功。」然 學 年 月。 言: 月 無 甥 議 : 自 叔 人未達者 從 又 爲舅 服 是 服 13: 增 「舅 亦 適 以 親 魯文公 「原 П. 舅 王 婦 改 服 子 小 等 爲 律 庶 注 元 0 婦 也。 爲 司 服 母 功 母: 愐 疏 想。」 父在 從 大 亂 緦 Ŧi. 族 異 夫 之子,昆弟 感 舅 於是 母, 舊 功 聖 月 服 之姨 姨 麻 唐 報 人 報 增 則 乃 遂 堂 足服曾 甥, 詔 書 制 舅 以 外 侍 欲 弟 舅 宜 期 服 也,爲 欲 祖 戚 姨 爲 中 張 增 妻 進 猶 他 服 父母 無 柬 魏 舅 1: 同 及 衆 緦。 喪三十 姓 三年之 之傳 之杖 徴 夫 服 子 衵 從 服 齊 兄 舅 13: 顯 婦 禮 衰 免。 期 玄宗令從 齊,是同 同。 報。 服 慶 小 六月。」 三月 部 中 功 何 侍 喪 高 時 舅 而 又 增 者 郎 休 Æ 服 皆 爲 宗 氣 古 弘 姨 **\$** 注 增 以 孫 緦 庶 三十 而 乃 增 狐 文 以 《公羊 無 大 務 母: 夫 吉 Ŧi. 增 德 忌 功 齊 館 爲 飾 緦 M 月 棻 以 服 以 衰 傳 六 直 異 古 其 今 爲 小 嫂  $\overline{H}$ 等

喪之中 三月不 節 學者好 矣。 生, 過 者率情之偏 也 意 服 喪 以以 ¬。」子曰:「道之不 乎三王 三十六月 不 此喪之所 則 ^ 過 庸 解, 太宗、 唐 增 =也 爲 期悲 書 多 者哉 以 年 曲 三年。 爲 哀,三 者 説 魏 禮 猶 示 ! 盡 絀 徴 樂 爲 民 而 賢 年 禮 矣; 所 志》言: 原 者不 悖 憂, 有 明也 人 注 加 終 禮 而 恩 君 知 得過 嫂 之 記 之義 不 親 -<del>,</del>賢 叔 殺 而 不不 日 知 親之殺 禮 切 諸 也。 況 者過 肖者不 煩 之 臨 親 欲 則 始 聖 失 數 時 之 之。」 以 死 王 人 也 得 之 申 大 私 服 禮 元 不 H 殺 夫 意 爲 其 者 感 在 所 不 以 怠 腎 求 之 此 黷 私 於 絀 由 制

祕 也 有 而 ? 閣 天 有 限 校 宋 子 必 理 熈 所  $\Box$ 王 寧 以 以 祖 介 有 Ŧi. 七 上 年 限 自 廟 議 制 中 祖 也 曰 無 書 而 : 窮 門 上 今 夫 下 何 此 夫 物 議 禮 也 自 有 之 不 考 無 所 祧 窮 而 必 以 僖 H  $\Box$ 而 起, 祖 何 曾 禮

薄。

不

探

其

本

而

妄爲

之增

益

亦亦

未

見

其

名

則

叔

孫

通

之以

益

廣宗

廟

爲

大

孝者絀矣;

知

之

有

過

於

王

也

是

故

知

廟

有二

主之非

文,欲

厚

於

聖

 $\pm$ 

之

制

而

人

心

彌

澆

風

化

彌

祖 知之者矣。 祖 又有祖,則固有無窮之祖矣。 而 自 上 曾 又 祖 何 今欲祖其祖 而 也 <u></u> ? 何 必 也 日 ? 不 而追之不已, 必 口  $\exists$ 及 高 聖人 見 祖 則 制 祖 自 聞 爲 之 高 IIII

意

也

之限,此天子七廟

所以自考廟

而上,至

顈

字屬上讀,先生屬下句,非是

世 九族 年也,族之久遠 報 也 祖之外而 以以 乎? 而 斬 至 凶 故 高 何 極之恩爲不足報,則 必 也。 祖 以 祧 而 異 也 喪之三年也,報 止 於是 而 也,皆以 九也,廟之 自 顈 祖 故 禮 喪之 之 無 爲 外 古 窮 之界也, 而 罔 罔 有 而 祧 極之 極 無 七 亦 窮 而 也, 之 恩 Ŧi. 猶

出

而

爲後之人。

皆先王之制,弗敢過焉者也。 非昧於節文之意者哉 節斯,斯之謂禮。』《易》於《節》之《象》曰 君子 [爲太祖之廟,百世不遷,而朱子亦如其議] 貞 以制 觀之喪服,開元之廟 度數,議德行。」」唐、宋之君豈 ! 〔楊氏 諡 E 《記》曰 ,與始皇之 王介 ,此最不可 甫 欲以 解 僖

> 狹 小 先 王 之宫 廷 圃 作 爲 阿房者, 口

報於所爲後之兄弟之子若子「汝成案」「報

言 「所後者」是也。 所後者」,謂所後之親。 鄭 注 衍 一「爲」字。 「所爲後」,謂 「原注」「上

斬

作「及」,因 等。」自小功降爲緦,非 所云兄弟,小功下也。 昆弟,兄弟,經、紀 期 之亦降 大 斬衰」章同 功 降 一爲 也。 爲 人後者,於兄 一等,自小功降而 大功也。「若子」者,兄弟之孫,報 於此條遂增出 兄弟之子,報 康 成 》義 前 注 是以康成 白期 别。 云如 「兄弟之孫」、益乖 降 弟 經 爲大功 親子」是也。 所 注 : 之亦 降 云昆 爲 也。 緦 2弟,期 等 , 降 「族親於兄弟降 也。〔汝 「若子」之義與 記 自 先生解「若 等,亦 親 》義矣。 也。 期 成 降 案 自 爲

庶子爲後者爲其外祖父母從母舅無服

父母 祖 考之祭,故絀 可 與尊者爲 知。 其服 體,不敢 也 以外親之服 言 母 黨, 則 妻之 而 廢

### 考 降

陟 骨 也 人 言「幹父之蠱,有子,考无咎」也。 配 死 肉歸復於土 則 「落」言降也。 天」,「陟」言 考,父也。 神無方也, 魂 升 於天,魄降於地。 也。 既言父又言考者, 可 升也,又曰「放勳 《記》 以 然 兩 而 在 曰「文王  $\exists$ 而 兼言之。 體 《書》曰 陟降 魄 猶《易》 則 降」者, 乃 降。」 禮 徂 何

### 噫 歆

《論語》云:顔淵死,子曰:『噫,天喪予!』《檀弓》云: 其歆我 之辭。〔原注〕《正義》曰:「直云祝聲,不知作何聲。 注 : 故云:「歆,警神也。」 「噫」也。 肩假曰:"噫!」是古人發聲多云「噫」,故 喪之「皋某復」,祭之「噫歆」,皆古人命 將啓户,警覺神也。」《曾 「聲,噫歆,警神也。」蓋 士虞禮》「聲三」注:「聲者,噫歆 凡祭祀,神之所享謂之歆,今作聲欲令神歆 乎? 猶《詩》「顧 子 子 烝嘗」之意 歎息 問》「祝聲三」 知 而言: 此 聲 亦 也。 也 神 鬼 按 公

也。」噫 者,歎息而欲神之歆 既夕禮》「聲三」注:「 興 者,歎 息 而 也 欲 神 之 興 説 也 以 噫 噫 歆

舊

爲

興

日 知 録 集釋 卷 五 終

二八

# 日知録集釋卷六

崑山顧炎武著 嘉定後學黃汝成集釋

### 毋 不 敬

有章。行歸于周,萬民所望。」
云:「彼都人士,狐裘黄黄,其容不改,出言民不與也。懼以語,則民不應也。」《詩》安定辭」,何以安民? 子曰:「危以動,則也,「安民哉」,修己以安人也。「儼若思,何明不敬,儼若思,安定辭」,修己以敬

### 女 子 子

而況於姑乎? 況於女子子乎? 不言從序之子, 富女子者, 别於男子也。〔原注〕猶《左氏》之」是也。此章言男女之别, 故加「女子」之上以明之。下乃專言兄弟者, 兄於「子」之上以明之。下乃專言兄弟者, 兄弟至親, 兄弟之於姊妹猶弗與同席同器, 於「子」之上以明之。下乃專言兄弟者, 兄弟不, 高女子, 衛侯之妻」、《論語》曰「政其子妻侯之子, 衛侯之妻」、《論語》曰「政其子妻侯之子, 衛侯之妻」、《詩》曰「齊之」是也。此章言男女之别, 故加「女子」,謂己所生之子, 若兄弟之

之子曰姪,姪者對姑之辭,男女同。從子,當曰姪,《左氏》「姪其從姑」是也。古人不謂兄弟文,黄氏以爲女子之子,皆非。〔楊氏曰〕對姑而言,不曰文,黄氏以爲女子之子,皆非。〔楊氏曰〕對姑而言,不曰言:「女子子在室,爲父母杖。」然則女子子言:「女子子在室,爲父母杖。」然則女子子

子,不言父,據兄弟可知也。《喪服小記》

=

食。」則不待已嫁而反矣。 《内則》曰:「七年男女不同席,不共

## 取妻不取同姓

空季 踐 也。 之對 官 言:「男女同 天 其 姓者,非 同 納 請 姓 地 不 姓 女于 對曰"「余子長矣。」《詩》曰 不昬,懼不殖也。」而子産之告叔向 子之告公子曰: 及 桓 之 姓之爲言, 介嫡女執 同 公曰:「先王 化,專 天子, 但 無 姓 防 聽 美先盡 姓 嫌, 箕 物 則  $\exists$ ,其生不蕃。」「原注」《晉 生 帚 不生, 備 亦 也。 以 百 以 無 聘 晐 矣, 「異 原原 姓 戒 姓 文。 后 兩 則 於 注 獨 德 於  $\pm$ 則 : 是 相 也。 合 異 宫。 原 左傳》昭 振 生。 生 知 姓 注 姓 三《吴 故《 疾。」 禮 振 而 故 四年: 云:「内 鄭 不 務 公 曲 語 語 郊 娶同 晉 叔 和 史 姓  $\mathbb{H}$ 問問 伯 詹 特 百 司 旬

> 助嗣 牲 異 親  $\pm$ ☆姓。」《I 泛注 也。」「原 御 續之功者微矣。 不 云:「百官、公卿 易》曰 參 注〕《吕刑》「官 : 族」,其 「男女 睽 所 百 以 族 而 以 姓」傳: 下 其 合陰 也 志 通 陽之化, 族,同 百姓,王之 也。」是 族。 以 而

姓 南 兄之子妻之也。 宫縚,「夫子信 鄭氏注 古人以異姓爲昬婣之稱,《大戴 引此 《 周 其仁,以 禮 • 爲 司 異 儀 ~~一時 姓 禮 揖 謂 以 異

説,本 始 本於 耦,其生必蕃。」而 言:「有嬀之後、將育於姜。」又曰 言。」今攷《漢書 不昬。」「原 矣。 ·無所 五行,則 姓之所從來,本於五帝; 五帝 晉嵇 出 注述 惟 康 舊 王莽傳 有 堪 論 唐 輿 相 日 書》吕 經 後世五音族 : ₩, |-配 黄 相 Ŧi. 才序《宅經 者 帝 生之理。 王況謂李焉: 對 行 於天老,乃 有 相 姓 》,謂: 生, 之説 : 「姬、姞 之得 故《 有 故 君 <u>元</u> Ŧi. 自 司 姓 傳 姓之 姓 姓 姓 此

穹,西 爲商。 氏 子孫咸當爲宫。 時 裨竈、史趙、史伯諸人之論大抵相同,不可 百 而 精,承歲星而王,夫其子孫咸當爲角。 大夫子氏之世」。 日 商 虞、田、許氏,不可令此人居太尉、太傅典兵之官。] 五 至今三百六十四歲,君期一 李者徵,徵,火也。」《後漢》蘇竟與劉龔書:「五七之家三 論》言:「凡姓之有音也,必隨其本生祖所出 之説,始見于此,蓋與 「古者聖人吹律定姓,以記其族。」《爾雅翼》曰: 京房傳》:「房本姓李,推律自定爲京氏。」《白虎 猶尚 曰〕人必出于五帝,則 變,音形不易。」此則五姓所以分屬五音之説,與 協名姓,人始 五姓,彭、秦、延氏 王,夫其子孫,咸當爲徵。 ❶「黄帝吹律定姓。」《論衡》言孔子「吹律,自知殷 北 五音之説、《雲麓漫鈔》言:「永安諸陵皆東南 顓頊水精,承辰而王,夫其子孫,咸當爲羽。 地垂,東南有 生,吹律合之,定其姓名。」《易是謀 少昊金精,承太白而王,夫其子孫,咸 則 不得 古人以律推 山 讖記之文同起於哀、平之際。 五帝時其民 西 與焉。」李雲上書: 北 周,當有黄精代見,姓陳、項 黄帝土精,承填而 無 Ш 姓,亦 人都 角 神農火精 音所利 必 無後乎? 謂 有 「高祖受命 也。 其 如 法。 八無本。 「古者司 此。」〔楊 王,夫其 承熒惑 通》曰 大皥 潛 Ŧi. 春 雖 類 秋 當 而 號 姓 宋 夫 宋 姓 地

之説良不可信。〔汝成案〕《易緯》名《是類謀》,注誤。

間 後 語 ,世變風移,可爲長歎也已。 則 及之者。 蕩 春秋時 然無 正 最 存, 猶 重 人 唐 族 姓 亦 人 至七國 最 不 復問 重譜課, 此 時 則 而 百 Ŧi. 絶 餘 代 無 年 以

# 父不祭子夫不祭妻

四 即 條 解,殆似 安,故其當 所不當,而 時之祭,若在喪,則祥禫之祭未嘗不 謂「不多食薑」,同一 説 「父不祭子,夫不祭妻。」 不但名 者 乃蒙 山東人作「不徹薑食,不多食」義, 祭 以 , 則 尊臨卑,則死者之神 上「餕餘不祭」之文 有代之者矣。 謬也。〔原注〕此謂 行。 此 〔汝成 而 别 亦 分有 爲之 案 是 必 平日 不 特

● 「易是謀類」,此下引文見中華書局影宋本《太平御

牲、少 祔 食于姑 牢 -之禮, ,不容别 主 祭 有人執 者 人, 事。 無 似 代之者。 以 鄭 説爲安。 孫 袝 食 于 祖 婦

### 檀弓

於禮 記 爲 陳 初 西 嘉 名 義 語 夏 末,徵 侯 後 巖 太 家 》、《左傳》、《 疏 何佟之爲 傅 》有二 主在 **F**, 者 禮 勝 讀《檀 服 善説 服 講 其 隱 以 爲皇太子 東宫,引 之 十三 弓》二篇及《曾 去 ^ 士: 悉 論 唐《 禮 國子 鄒 雷 喪服》等 服 語 而 部。 魯之風 開 次宗詣 辨 st助 王. 蕭 諸 元 之明 禮 昔 元 教,爲諸 四 望之從夏  $\pm$ 服 之大 義 規 未 京邑, 部 講 如 授 子 遠 爲 書  $\wedge$ 皇 此 問 學 也。 魏孝文帝親 儒 喪 目 王 築室 太 士: 有 **≫**, 服 侯 講 ^ 子。 , 親 乃 故 專 勝 漢 於 知 喪 蕭 喪 經 以 問問 授 書 鍾 宋 望 喪 服 古 服 禮 之 論 爲 齊 Ш 元 服 傳 人

> 喪禮, 豫 判 抱 士; 府 材、孔 興 羣 今宜爲《厚陵 之書,謂之《凶 賓、朱異之言,以「慕悼之辭,❶宜 原注〕梁、陳、北 初、五禮 或 太常 素等 X 深然之,於 王 臣 高宗崩 恤 事 志約 講《 憺 删 寺,建言: 討 **\*** 異 薨, 論 以 儀 而 於 喪 舊 篇者 時 皇 注 集禮》,以 去之,故 是 事 儀》。 李 服 昭 肖 無大行 室 悉 齊各有皇帝、皇后、太子、王侯已 白 創 删 **>** 凶 明 義 矣。 前 於清 爲 唐 禮 不幸 愐 代 夫以至尊在 太子命諸 府 貽 [X] 之。」《宋史 開 爲 焚之。」《裴 相 「原 儀, 萬世。』從之。 之言「不 元纂 豫 遇 沿 徽 備 注》舊 守 古古 事 堂 修禮 真 X 則 [X] 事 與 守真 捃 畢 臣 書, 同 唐 章 而 舉。 摭 非 豫 御 時 共 書 衡 墜 以 傳 ^ 臣 博 不 傳 M 梁 一残, 茫 太常 議 子 或 1: 李 ∀: 終 所 事 書》 恤 韋 義 爲 宜 廢 博 服 從 無 煕 叔 府 下喪 太 言 士: 言 而 講 所 夏、 明 月 寧 傳 常 篇 蕭 初 去 始 求 Ш 爲 輔 義 禮 博 楚

宋孝宗崩,光宗不能執喪,寧宗嗣服,

<sup>● 「</sup>辭」、《梁書·昭明太子傳》作「解」

熹〔原 侯 袓 見 有以 已 文,傳云『父殁而 祖 云: 承 更 史 而 而 + 爲 待 父 胡 ,[原注]謂承重者。 鄭 後 後 孤 本經,未詳何 服 祖 が折之。 者』條下,疏 爲 有 注)君 禫 期 也。」 紘 準《五 七 後者」條 則 祖 兩 言 月之重 年喪,欲 廢 太上 母 前 詔 月,不 疾,不任 臣名。 後 服 後讀《禮記 侍從、臺 孫 聖 者三 年 服 據 爲 因 大 知 躬 月格 爲祖 中 上議,以紘 祥畢 自 祖 法意 或 用 亦 年, 而 所引《鄭志 但《 識 服 已 政,不任 諫、給舍集 陛 何 》**,** 斬 後者服 更服 甚明。 於本議 正 下 康 典 E 可 小記》云『祖父卒, 義 禮 復,於宫 過 以 衰三年,嫡 又行之,是 网 巡言 爲 期 ? 傍 喪事』之問 斬』,然 之末。 月。 喪服 而《禮經》 》, 乃 矣, 照。 若 議 非,而 中 日 議 監 有『諸 小記》 至『爲 而 其 時 孫 喪 自 嫡 者 察 不 略 未 無 爲 朱 有 孫 欲 御

《儀 以 已, 文 草 曾子、子游之倫,親受學於聖人,其於節 謂 荅之。心常不安,歸來稽攷 趙 之變,辨之如 謂 無 經》之文,誠 得無疑。 重 大 F. 商 一讀 清 野 約 古 鄭 者 此 禮• 喪 問 切 之中, 書未到康成,不敢輕議 經定 奏 談 康 且. 苔。 吾 喪服》篇「不杖」章「爲君之祖父母」下,疏 時 不 成 時 而 以 無 知其哀而 方見父在 爲之討 制 乃知學之不講,其害如此, 禮 干王政,是尚不足以 則 無文字可 當 明白證 有 律言之。 此 禮 此 闕 字不 事 壞 其 略,不 究, 終 樂 驗 而 已,以 詳 檢,又 未 可 而 承國於祖之服 崩 也 漢儒 但 亦 無 有 增  $\exists$ 之後,於古 ! 有 以 待 所 損 空學 禮 以以 無朋 今之學 禮 疑 於 斷 ,始見此 也 此。 吾 父 後 律 一。」〔原注〕昔 決。 而 友可 闚 知 在 人。 人 議 嗚 漢 其 者 情 人 不 不 呼, 説 朝 而《 之 生 亦 儒 當 敬 向 可 大 向 章 引 之 遺 於 文 若 使 禮 意 而 承 故 H 人 此

里,而何以升孔子之堂哉!

之間 而 曰:「兹,斯,此也。」今攷《尚書 斯 此 此 」、《大學》以後之書多言「此 者 \_ 卷之中言「此」者十有 ,而世代之别,從可 論 《檀弓》之言「斯」者五 一而已。《大學》成於曾 語 之言「斯」者 》多言「兹」、《論 知已。 七 九。 + +, 「原 有 氏之門 語音 注 三,而 而 語 不 輕 爾 》多言 雅 重 言 言

# 太公五世反葬于周

薨 葬于周」! 丘」喻之,亦 史之所言,已就 大 而 薨 葬 太公,汲 於 而 周, 葬 已謬矣,乃 夫齊之去周二千餘 不 人 事 擇 也。 封 未 地 於 可 聞 齊 之 知 矣,其 云 常 文王作,然後 比 爾。 使其 復 及  $\sim$ 里,而 有之,亦古 記》 人 Ŧī. 爲 世 以「首 太 歸 使 師 周 其

> 公無 不於墓 勞民 不祥; 西,以 胡公,太公之玄孫,未嘗反葬於周 水 則 虞,於生者爲不 皋之墓, 豈 葬會稽,其後王不 見天子則不 送葬,曠月淹時,不 之葬者祖於 E 葬日虞,弗忍 降 化 デ 有 <u>Ti.</u> 傷 之骨, 葬於 胡公 知 若其 一, 聖 世反 財 氣 則 陵、「青 一人所 古人 在 封 跋 度 孤 葬之事 不惠。 庭 上 守 不行 履 塴 以 州 故 故 孝。 不 日離 之 離 Ш 刺 知 達禮 從,而 於墓,反哭於其寢,故 外, 而 其喪次, 獲遵 Ш 史 明 此 古 幺 且. 傅 矣。 也 數 之事其 於 明 使 弘 觸 樂之義 也入周之境, 五月之制,速 者 殺之南 之故 死 1 卿 冒 [原注]《水 言 使齊之孤 者 無 攝 而 寒 得 爲不 先 也。 之 以 暑 銅 哉 人 陵 則 衰 而 棺 有 經 於 自 隸 然 絰 叮 不 書 注 體 夏 反 東 則 廟 恭 見 而 重 處 太 魄 后 禹 則 不 趼 徂 而 而 淄

#### 扶 君

其得禮之意者與! 僕從罔非正人,綴衣虎賁皆惟吉士,與漢 子不死於婦人之手」也。 三代之世,侍 高之獨枕 一宦者卧異矣。 僕。」射人師扶左,君薨以是舉。」此所謂 令官屬以時營東堂,堂成, 公薨於小寢,即安也。」魏中 扶君, 卜人師 扶右,〔原注〕注:「卜當爲 《春 輿疾往居之。 Щ  $\pm$ 秋 傳》 袞 疾 日 病, 御 男

### 一夫人相爲服

之妻與謂吾舅之妻者相爲服也。上不言從母之夫與謂吾從母之夫者相爲服也,舅「從母之夫,舅之妻,二夫人相爲服。」

「以紂爲兄之子」言之。不可以成文也。聞一知二,吾於《孟子》妻之姊妹之子,下不言夫之甥,語繁而冗,

# 同母異父之昆弟

衰。 祀,尚爲之期,以比同胞,豈有絶道?」 之子大功。 竟無服也。爲父三年,則爲昆弟期;爲繼父期,則爲繼父 問也,以其爲大賢之所許也,然則魯人之 行之,後人踵而效之。今之齊衰,狄儀 宜大功也。」晉淳于睿曰:「游、夏文學之俊,曰大功,曰 〔汝成案〕子夏謂「未之前聞」,是未聞其服之輕重,非謂 前固未有行之者矣。 則爲之齊衰」,則多此 「我未之前聞也」,此是 二者推之,明非 同母異父之昆弟不當有服。 似合經例。 無服 魏王肅曰: 與總可 是以君子無輕議 Œ 一言矣。 知。 説 「繼父同居服朞,則子 而 父非親,立 又曰「 狄儀 子 夏 魯 從 廟 之 人 曰 而 齊

之,而 尊,不 聖人 矣。 杖、 若堂舅、堂 世 制 齊 母 有 游 三代之末,●沿禮 大功』,魯人爲之齊衰,亦非禮之正 母,古禮之正 喪服經 宁父在 氏殊失考。 衰、 ; 别 服 期 同 制禮 此 ,此後 别 非 則 期 然後 姓之親,厚於異 安游 其 出 雖 以 同 而 教 出 失 姨 異 同母異父之昆弟,子游 爲 升 姓 一家之尊 妻之子爲母期。」此 氏 世之爲,非 在 母 二、異 父之子 以 之類,亦 法。 也。 其 日 乎 則 人倫,使之父子有親, 母 : 姓 不 不 之失而 後 今 孔  $\equiv$ 之 爲 明 禮 氏 年 知統乎父,而 相緣 以 世 親 服 姓; 父 禮 家 喪 之 母 所承 而 爲之者。 母 之正 周公所爲,非 爲 服 出 之故, 而 父在 致 之辨、 後 母,惟 出 傳之禮 升。 世 至 然 也。 母 則 異 也 既 亦 夫 禮 : 曰 服 不 公汝 姓 孔 爲 爲 爲 厭 也。 末失 「爲 有 齊 之服 男 及 統 子 喪 Ż 出 母 降 成 衰 案 也 後 之 服 其 女 昔 之 出 母 服 出

> 遠,後 功,此皆 皆 以 母,厚於同 也 以 父尊 順 情 是 母統於父,嚴 義 世不攷其原,而不能正其失也 而 言 圃 承 母 也。 爲之也。 世俗之失。失之之原,其 姓 ,卑,夫; 則 情義者有 不 尊 於父 得 今子游 而 不 婦 則 降 所 卑, 殺 不 限 欲以 於 得 君 止,不 不 異 尊 意 厭 姓 而 爲 降 口 臣 之大 來寖 夫 於 徧 其 給

#### 子 卯 不 樂

梁傳》。 注 見之也,故「亡國 ||檀 弓下 古先王之爲 欲 其居 稷 而 食菜羹」。 思之 之社 後 世 也,故一 以 戒 爲 也 「原 至 廟 一子卯 矣: 屏 注》《玉 ; 不 欲 樂」, 原 其 注 出 原 而 而 穀

<sup>0</sup> 《禮記集説 「三」,原作 卷 「二」,據 一八引游氏説改 影 印 文 淵 閣 四 庫

<del>-</del> 易。 有志前 依 昔 民敬 敬 爲 道 萇 喪,禮義嗣 存而 周 太史奉之以爲「諱惡」、「原注》《王 長守,邦國 諱 武 是 周 喪 復 弘表昆吾之稔,杜蕢有揚觶之文。 ,先王名,恶,子 鬼 帝天 是以 不忘亡之義 貽之後昆,殷鑒斯在。」「原注〕《春秋》莊 王 亂 年: 日 禮 原原 受命 禮 明 之銘 古。 省 ●「春王 和 在上不驕 事 注 並日月,道錯 興,褒四始於一 儀紊毁,此 於焉乂安。 請 甲子、乙卯、《禮》云『不樂』。 元 停樂, 庶 惟 年五 Œ 崔 矧 卯 聞 琰 月,肆 日。」此君子安而不忘危 伊 也 諫 顓 月甲午,詔 處滿 末 魏 頊 大告。」《公羊傳》作「大省 知 學, 世子田 漢 典茫然,已墜於 廟 爲 故 四 以 言,美三千於爲 能 君之難,爲 不 而 時 有 獵 下人主 溢 承 能 戒  $\Box$ 曾 制》。 ,富貴所 天 忘 盈 朕 : 引此義。 「道德 之器 静 此! 雖 克 鄭氏 自世 庸 地 有 臣 一, 室 地 注 昧 宜 以 和 交 後 行 公

> 何 又大自省敕,得無 休 注 謂 子 卯 有 H 也。 此行乎?」 先 Ŧ. 常 以 此 日省吉事,不 忍舉,

爲陰賊,「是以 文,但言「子卯」。 春秋》諱焉」。 子,甲 ·子也,「卯」,乙卯也。 王 此 者忌子 術家之説,非經義 翼奉乃謂 卯 子爲 禮 經》避之, 貪 古人省 也 狼, 91

### 君有饋焉曰獻

也。 以 曰 : 使,不但曰君,而曰 原 見 寡君」,示不純臣之道 注》《荀 「賓之而弗 注 仕 周 以一君 豐, 子 而未有禄者,君 有 臣,故 而 饋 「周公自言所執 老 爲「饋 寡君,若子思之仕衛、孟子之仕齊是 萊 有饋 子之於 於君」者,非。」故哀公執摯 焉,不 有饋 贄 日 也 賜 而 楚 耐 見者十人。」 「原 王 焉 日 自 獻。 日 注 稱 獻,使焉 其 長 將 樂陳氏 蓋古 命 之

❶ 「二十一年」,據《春秋》,下引文在「二十二年」。

之人 新之號臨 後敬 以 王之訪 尋 大臣 常 君 論 于箕子,變「年」稱「祀」,不 有 矣。 之,恪舊之心,師臣之禮,又不 所不臣,故 尊賢,其所不臣者也。 九經之序,先尊 敢 至 以 若 賢 維 可 武 而

### 邾婁考公

爲 公,其去春秋已遠。 在 弗及,遂 滅徐,徐子章羽 『定』。」按隱公當魯哀公之時,傳至曾孫考 含。」注:「考公,隱公益之曾孫。 寓 魯文、宣之時,作「定」爲是。 公,其尚 邾 城 婁考公之喪,徐 夷,使徐 能 奔楚,楚 行王禮 子 而魯昭公三十年,「吴 處之」。 於鄰 沈尹 君 戍帥 使容 或 是已失 · · · ? 考,或 師 居 救 來 定 或 徐, 爲 弔 而

#### 因國

注: 也。 太公因之」、(原注)昭公二十年。 萴 日 在 齊晏子對景公曰「昔爽 沈於大夏,主參,唐人 傳》「凡 既勝夏,欲遷其社」,又言「武王勝殷」,《左 祭勝國之社稷,則爲之尸」。《書序》言「湯 祝》「掌勝國邑之社稷之祝號」、《士師》「若 「凡男女之陰訟,聽之於勝國之社 、因之,有逢伯陵因之,蒲姑 其地而無主後者」、《左傳》子産對 遷閼 「國爲敵所勝。」《王制》「天子諸侯祭因 有「勝國」,有「因 原注〕《左傳》哀公十三年「今吴王有墨,國 勝國 伯 於商 日 滅之」、「原注」文公十五年。 丘,主辰 是因 . 國。 鳩氏: 商 ],(原) 人是 周 始 氏 是也。〔原 居 禮 注」昭 因之,而 因 此 . \_ , 《喪 公元 媒 地 國之 遷 叔 勝 氏 注 後 年。 乎. 季 實 向 是

### 文王世子

逸,又 起是古人 者 寧三日晏起,自訟其愆。 是以《小宛》之詩,必曰「 孝,亦可以見王季之其勤 初 而 鳴而 如此。〔楊氏日 衣,則爲子者 「文王之爲世子, 何怪乎其子之惰 衣服,至于寢 件事 禮 雞 家都云: 鳴 而 門 朝 外。 于 王 四 起矣。苟宴安自 夙 也。 古人之以身行 舜 支而 興 初鳴,咸盥漱。」早 季, 爲父者 不 夜 獨 寐 不 日 文 王 養 未 也 而 之 道 管 ? 明 雞

### 武王帥而行之

文王之孝,可謂至矣。「武王帥而行

行,而 情,吾惡乎用吾情。」 有所爲 日 膳之節,皆 之,不敢 而 不食,曰:「吾悔之,自吾母 凡後人之立意 而爲之也。 有加焉。」如三朝、食上、色憂、 不 敢 有 故 過 欲以過 樂正子春之母死,五 於 文 王。 於前 此 而不得吾 人 中 者,皆 庸 之 復

### 用日干支

《月令》「仲春 傳》「六月上甲 甲 命樂正入學習樂,季秋 社 用牲于郊。戊午,乃社 日 矣。 」,鄭注謂「春分前後戊日」。 用辛,社 三代以 《詩》「吉日 日 前 用 上丁 · 始 擇日皆用干,《 甲 定 性 惟 于 」,〔原注〕《書 命樂 新邑。」 戊, 一十月 上丁命樂正入學習 既 則郊不必用辛,社不必 IE. 而 伯 習舞釋菜,仲丁 《月令》「擇 上 既 郊特牲》「 甲始繫牲 禱」,《 召 誥 元日,命 子 穀 郊 梁 用 民

用辛 氏始 説 陽 吹, 事 《月令章句》云: 臘」、「三月上巳祓除」〔原注〕張 也。 《巽》九五「先庚三日,後庚三日」之 雩」,《易 謂 티 : 也 是暮春之禊,元巳之辰。」及「正 以 於天用 也 支取亥者 也,周之始郊,日 行此 二月丁亥,萬用 日日 故故 秦、漢 攷之經 月令》「擇元 春 禮之日 以 ,甲至癸也; • 秋 日 · 非 日,藉田,陰也,故以辰。」蔡邕 以下,始多用支,如「午祖」、「 蠱  $\Rightarrow$ 「, 有 文, 值 桂 秋 1 以 》「先甲 日 亥 無 事 入學。」二月不必皆 七月 至,言周 而 辰,躬 用 於 r; 幹 用 辰,子至亥也。 支 之也。 地 上 三日 之證 也。 人以日至郊,適值辛日 用 耕 辛 月 辰 帝 猶 大 後 辰,支也。 剛 衡 0 藉 郊 雩, 有丁亥,蓋夏后 卯 《南 特 此 甲 原 都賦 牲 注〕《夏 漢 盧 之 季  $\equiv$ 郊天, 》言 類 日 辛 儒 植 類 郊之 戌 之 有 説 於 是 是 又 小

#### 社日用甲

義矣。 詔 元 尼《皇太子社》詩 漢用 祭也。」《墨子》云「吉日 新 始也」、《正義》曰 H 酉。」則不但用酉,又用 疑不可信。 年制「更以 移 用 邑」,用戊者,周 午, 甲。」據《 月令》「 社 魏 日 用未,晉 就 〔原注〕《禮》「外事用剛 擇 郊特 九月爲社」,玄宗開 千 元 秋節」,皆失古人用 日, 孟 牲》文「  $\sim$ 公告營洛 用 召誥 西、各日 命民 月 孟 丁卯,周代祝 涉 月。 | | |戊 日 社 初 大 邑位 用 旦,一丁 旬 唐 其 午, 甲, 注 吉 元 武 行 成 卯 乃 + 用 后 H 運 主非 甲之 八 社, 非 社 祀 日 長 惟 常 年 潘 也 之 社 壽 E 于

# 爲殤後者以其服服之

不

齒

之

服

以不純吉而雜乎凶之服。 冠縞武。以其爲自吉而之凶之人,故被之乎凶。惰游之士,縞冠垂緌,不齒之人,玄

# 爲父母妻長子禫

則 其誰主之? 若祖父母、伯叔父母及兄弟, 禫, 爲長子,喪之主也。服除 母、伯叔父母及昆 各有主之者矣,故 固已,妻 禫者,終喪之祭。 與長 子 弟乎? 不禫 何居? 父母 而禫,非夫非父, 曰:夫爲妻,父 之喪, 夫不 · 有 中 祖 月 父 而

父在爲母,則從乎父而禫。

之,而 權也。 服之。」陳氏《集説 子問》:「宗子爲殤而死,庶子弗爲後也。」《喪服小記》: 則長幼之節輕,故殤之服而有時不異 殤,所以示長幼之節而殺其恩也。 父,不以其殤而殺,重大宗也。 兄之子以爲後,則以爲人後之服 大宗之子未及成人而殤,取 父之道,而有爲殤後者,此禮之變 人,不以宜殺之恩而 公,八歲而薨,僖爲之後是已。 ·丈夫冠而不爲殤,婦人笄而不爲殤。 「爲 亦烏有「爲殤後者」哉? 若曰服其 殤後者,以其服服之。」殤無爲 Ĕ: 本服 「男子 虧尊祖 死 云 在 爾、《記 殤 殤者之兄 年 爲殤後者,以 之義,此 (王處士 則 夫禮 若魯 而 無爲人父之 **>** 何 大宗 也 服  $\Box$ 乎成 必 所 之制 之関 之如 弟若 []《曾 其 謂 人 重 服

絶,故 殆爲 處之。 後,不重宗而 故 統之義也。 而 僖公,兄也。 梁氏傳》曰 宜 則爲閔子也。 若殤本服 之爲其主後者,以 非 子爲父之服也。」徐氏《集注 殤者言之,則此當立後者,乃是已冠之子也,不可 道 公二年「八月丁卯 宗不立後,未婚 「子雖齊聖,不先父食。」蓋以 祖閔、 後嗣 日父日祖 ,然亦有 厭 殤 也。 其族人爲之後者,即 必 祭言之也。 禰 而 爲之後。 ,則昆弟之長殤、中 弗爲後。 僖 不俟二十 既 然則宗子 不云 先 重 以兄後弟,尚宜 也。 《公羊氏 冠、既 冠 無父道。 親 殤 文宜 齊 有事 何居 或 陳 而 無爲 笄,則 爲 衰 而 後 氏 日 殤而庶子弗爲後者, 殤 傳 祖 冠 不 祖 于太廟 不言大宗、小 人父之道 陳氏之説非 閔、 後者,大宗子也,大宗不 者 弗 也。」其 杖 雖 閔公之死,慮未必 》據鄭注駁之曰: 爲之子 爲後 爲其子。 殤 期 未婚嫁,亦成 僖 禰 冠 「先禰 大功 之服 僖 繼閔, 則 躋 者,小宗子 義 成 僖公」、《左 所 也。 則 下殤小 服之,不復 也。 人 而 則 ·宗,但 僖 以 且. 也。 也。 後 爲 一関爲 以 尊 宜 愚按《春 人矣。 祖 非 其 禰 閔後,爲 閔 祖 也。 功。 云冠 「後謂 此 也。」蓋 冠,魯人不 禮 無 公,弟 閔 服 重 氏 章 派服之殤. 殤 之常 也。 服 傳 小 故 則 古 舉 以 秋》文 服 之者 ₩ E 喪 爲之 宗可 明 [者小 兄弟 閔 殤禮 不 也; 以 也 主 也 穀 文 後 爲

爲後 也。 祀 ? 繼 雖 祀 則曷爲謂之仲嬰齊? 也。 仲嬰齊卒。 祖、太宗爲二 而 兄 之失禮也。 繇是推之,漢之安帝宜 服服之,何俟主喪 不當言後也。 爲 以  $\Box$ 天子諸侯而已,有家者皆可 僖 弟之相 統 然,此皆 則 喪 重 義重 主,而 後閔, 則 質之《春 爲宗子 所 是 公孫嬰齊則曷爲 左、公、穀氏 生, 無 亦 於此也。 昭 爲 ,何以 則 相 非 權 《公羊氏 而後後之。 然則天子、諸侯兄弟可相爲後乎? 穆 後,著於《春 秋》関、 世, 爲昭穆者、《春秋》之義 于 後 春 也, 況冠笄既 嗣 爲 禮之變 亦 秋 無 而 是以 亦不得日 春 禮固 緣 学之 僖之義,則 後 傳》曰 昭 謂之仲嬰齊? 秋 爲殤 以 爲人後者,爲之子 以 穆 若宗子之子 春 昭 穀梁氏 已 有 秋》者 其 所 爲 秋 穆 則 示 非 後者也,不後 服 父 譏 是 也。 禮 舛 》之義 一仲 殤 後 服之乎? ? 無  $\exists$ 也。 矣。 「躋僖公」之《傳》 也。 戴禮 嗣 - 嬰齊 成 則 祖 祖 不 愐 以 公十五年 雖 未繼 也。 也。 也。 故 譏 朱子《 然則 爲 主 相 者 後 非 雖 不 兄後 喪 爲 大宗 閔、 何? 鄭氏、 統 殤 喪 爲 若不重 殤之説 也。 昭 太 後 氏 主 後 而 而 僖 穆 也。 廟 之殤 爲 三月 交非 然當 後 此 公孫 咸 兄 可 徐 何 曰: : : 昭 鄙 所 和 可 Ĭ: 爲 各 弟 氏 有 紊 以 爲 乙巳 決 言 穆 乎? 兄 嬰 漢 家 以 而 以 譏 後 也 矣。 主 逆 者 後 特 弟 太 X 非 其 相 後 逆

與 昭 世 與庶兄之子,則宗子自爲立後,而 公後閔,其義窒矣 先生 子殤 惠侍讀皆不主《公羊》「仲嬰 帝 以以 書 而君以族人爲之後,古未之聞 族孫後族祖,斯 也。 後先生不繼 固 殤 得 而立孫,蓋從其議。 其變也。 齊 後歸 不必 也。 父」説, 〔汝成案〕此 爲 殤子 又攷漢 , 若 後。 然 惟 宣 一之繼 則 是以 先 處 僖 生 +:

# 庶子不以杖即位

「庶子不以杖即位」。 爲主喪者之用。喪無二主,則無二杖,故 古之爲杖,但以輔病而已,其後以杖

祖同 子。〔沈氏曰〕《雜記》疏:「祖 杖,則其子不以 杖,則其 處,不得以 夫爲妻杖,則其子不杖矣。 孫 杖即 不杖矣。 位、辟尊者。」 杖即 《雜記》曰:「爲長子 位。」〔原注〕其子,長子之 在不厭 孫 ·, 其 父爲長子 孫得杖,但 與

# 婦人不爲主而杖者

無男昆弟,則女子杖。其曰「一人」,明無杖則不成喪,故女子在室,父母死

無二杖也。

而

之喪,故婦人杖。長子削杖」,必其無父也。此三者皆無主長子削杖」,必其無父也。此三者皆無主「姑在爲夫杖」,必其無子也。「母爲

### 庶姓别於上

曰:「子姓,謂衆子孫也。」〔原注〕《玉藻》:「縞冠所生。」《玉藻》、《喪大記》竝言「子姓」,注惡、若注疏之言爲的。《特牲饋食禮》言「子姓兄恐不若注疏之言爲的。《特牲饋食禮》言「子姓兄恐不若注疏之言爲的。《特性饋食禮》言「子姓兄

庶姓 有所謂 年, 受氏之禮,多以王父字爲氏,而亦或有以父字賜氏者,國僑 有 之國,而滕猶以庶姓目之,蓋成周異姓之封,如嬀,如姒,如 姓也。』」魯自周公以至武公皆娶于薛,不可爲非婚姻甥舅 又親於異姓,而三揖之禮由此等焉。」然考《左傳》隱公十一 天揖同姓。〕康成曰:「同姓兄弟之國,異姓婚姻甥舅之國 始祖爲正姓,高祖爲庶姓,意亦不殊,然多此兩姓之目。 於上」者,亦子姓之姓,與《周禮・司儀》之云 生,故云子姓。」故《詩》言「公姓」以繼「公子」,而 玄武,子姓之冠 之,古之所謂 而先代所封,又加以弱小,故降居庶姓之列。 子,則三恪,如姜,則 全氏日》周禮 土揖庶姓」者,文同而 同父」之變文則云「同姓」。 貴姓 無親 "滕、薛來朝,争長。 庶姓? 而始有 愐 勳賢者。」故王昭 姓 庶姓,亦不僅 甚矣康成之謬也,何以解 也。」《正 氏 秋官 原 元臣,皆族類之貴者。 · 司 有 别 義》曰:「姓,生 滕曰: 『我周之卜正也。 儀 以 禹曰:「異 親 ĕ ⊟ : 所指異也。 桓 疏言 七 「土揖庶姓、時 此所云「庶姓别 穆 也。 姓 也。 《大傳》? 是 若同 親 薛雖太皞之裔 氏 於庶 然則 [原注]注以 孫是子之所 也, 姓 非 姓 揖 蓋嘗攷 異姓 則 薛,庶 異姓 同 姓 安得 也 因 姓

> 别有所别之姓,而所繫者出 不可通者也。至于《大傳》所云「别姓」,竊疑非即下文「繫 耶,則正姓并不出于始祖也。 父、叔牙、季友,實三桓之始祖也。 始祖爲正 氏,叔孫氏之後又分而爲叔仲氏,季孫氏之後又分而爲公 固可以言姓,太史公又何譏乎? 已紊,故混書曰「姓某氏」,儒者譏之。若如康成所云,則氏 也,而要之皆不可以言姓。 之類是也,或有及身賜氏者,仲遂之類是也,不必高 别」,始指所受之姓而 姻窮于下,故疑若可 姓」之姓。 庶姓之小支也。 公子所受之氏爲正姓耶 [汝成案]康 不窮。 氏、公甫氏。諸侯不敢祖天子,大夫不敢祖諸侯,則仲慶 以三桓言之,仲孫氏之後又分而爲南宫氏、子 姓者,生也。 成注:「玄孫之子,姓别於高 姓固如 言。 以 庶姓即 是之不一 ,則正姓即 通嫁娶 康成合而 太史公承秦、項喪亂之餘、 始 若敬叔諸家所受之氏,是又 衆生,蓋 祖 而無害。 況姓 而足耶,此康成之言之必 所 庶姓 别者 之,遂謂繫姓之外 謂支屬别於上,婚 定而不易,氏遞出 祖 至下文「繫姓 倘仍 出 Ŧi. 姓 高 世 將 祖,姓矣 以 而 姬 無 祖 無服 姓 爲姓 以 始 服 學 弗 又 有

鉏

丽

隱公」下,原有「二」字。 》滕薛朝魯争長事在十一年。 檢 隱 公在 今據删「二」字。 位實僅十一年

0

矣。 賢者,或包異姓説,魯自周公至武公娶于薛,至隱公則親 别姓、繫姓爲二也,此尤誤之顯然者。 之,繫姓之外,别出别姓」,不知康成實未嘗别出, 别于上」、「繫之以姓而弗别」,義甚明白。 全氏亦知其説之 掌定繫世」,非云以氏爲姓也。 庶姓爲子姓,與先生言合。 辨昭穆。」又《司 姓世所由生。」又曰:「姓,正姓 云繋姓始指所受之姓而言」,已失經義,轉譏康成「合而 不可通,欲申其辨,乃云「别姓非即下文繫姓之姓,下文所 疏誤合姓、氏爲一。全氏以此駁康成,過矣。且經文「庶姓 姓,蓋以氏異其世,以姓繫其本,故曰「繫之弗别」,曰「小胥 姓 無親」者。 ,繫之弗别,謂若今宗室屬籍也。 故杜氏注曰「非周之同姓」,孔疏亦引康成《司 全氏始日 '儀》注:「庶姓,無親而勳賢者。」其義正 「薛因 特出高祖者、雖别以氏、仍繫以 弱小,降爲庶姓 也。 以三桓七穆爲庶姓者,此孔 《周禮》小胥掌定世 始祖爲正姓,高祖爲庶 至庶姓謂無親 義 ,而己則分 或 儀》注云 公當也 而 疏 指 勳

## 愛百姓故刑罰中

復

云「姓有貴賤、不以親疏

」,則多窒閡矣

人君之於天下,不能以獨治也。獨治

醇,科條之簡,有自來矣。《詩》曰「君之宗 權之,意論輕重之序、慎測淺深之量以 者約矣。 帥 之而刑繁矣,衆治之而刑措矣。古之王者 之」,吾是以知宗子之次於君道也 兼于庶獄」,而 下之宗子各治其族,以 焉得而不中乎? 之,悉其聰明、致其忠愛以盡之,夫然刑 善之萌,莫不自化於閨門之内,而 父兄治之,一族之間,宗子治之。 其有不 不忍以刑窮天下之民也,是故一家之中, 教者,然後歸之士師。 然後原父子之親、立君 民自不犯 是故宗法立 輔 於有司。 然則人君之所治 人君 之治, 而 臣之義 刑 猶 風 清 俗之 罔攸 有 天 罰 别 以

# 庶民安故財用足

民之所以不安,以其有貧有富。貧者

養矣。 欲 竭 九 乎 ? 不待王政之施,而 言:「不患貧而患不均。」夫惟「收族」之法 至 三物」之所興者,「六行」之條,曰 行,而歲 多爲吝嗇之計,於是乎有争心矣。 本俗六,安萬民」,「三曰聯兄 然 而 族 於 給 乃離,一方相 不 義田,至今裔孫猶守其法,范氏無窮人。 至於《葛藟》之刺 後知先 此所謂均 人之求,爲周 能 時 自 有合食之恩,吉凶 存 王宗 '', 而 無 矜寡 怨, 法之立,其 富者常恐人之有求 貧者,而 且豫矣。 而 興、《角弓》之賦 孤 缾 獨 罍交恥,泉 廢 「原注 有 所 財 疾 弟 通 用有 以 者皆 睦 宋 財 夫子 養 之義。  $\Box$ 圃 范文正 不足 人之 池 有 作, 恤 並 所 鄉 有 而

#### 術 有 序

公蘇州

|學記》「術有序」注:「術,當爲**『遂**』,

爲術, 聘。」《公羊傳》、《漢書·五 溝 禮》作『遂』。 禮》遂人之職,「五家 有六人,旅下士三十有二人。」「遂大夫: 每遂中大夫 遂 聲之誤 「遂」。 人」。又按《月令》「審端: 人:中大夫二人。遂師:下大夫四人,上士八人,中士十 有 爲酇,五酇 術」爲「州 遂」二字 地 也。」《春秋》文公十二年:「秦伯 l。]按《水經注》引此作 域,溝樹之,使各掌其 術十爲 《管子・度地》篇:「 也。 通 爲 ^ 夫間 非 用 鄙, 州 周 也 之證 禮》 Ŧi. 有遂,遂上 術 鄙 爲鄰,五 『萬二千 音 爲 徑術」注:「術 陳 縣,五 遂。 遂 可 政 百家爲里 令」。 有徑。 鄰 大《 行志》 有 此 縣 爲 Ŧi. 序」。 集 古 里,四 爲 [原注]「遂 百 使術 説 里. 徑 遂 並 術 家 《周 ^ 一<del>,</del>小 改 作 來 里 唐 爲

氏《禮書》曰: 周 禮 州 「州曰序。《記》言『遂有序』, 長》:「會民射 于 州序。」陳

長,其爵與遂大夫同 之學亦 何 也 ? 降  $\sim$ 周 鄉 禮 等矣。 》遂官各降鄉 ,則遂之學,其名與 降 鄉 一 等 官 而 等, 謂 之 則 州 州 遂

#### 師 也者所以學爲君

序同可也。」

德博 信 也? 告子夏,而又曰「雍 教之以治國平天下之事。 也,四代之禮樂以告顏 而聖,外而 1,庸行 :「九二曰 見龍 君德也。」「君子學以聚之,問 而 三代之世,凡民之俊秀皆入大學, 子曰:『 化。 之謹 王,無異道矣。其繫《易》也 龍 閑 德 邪 日 在 也 而 存 「見 可 田 其 正 利 淵,「五至三無」 使 誠, 中 龍 南 孔子之於弟 者 見大人」,何 在 善世 面 也。 田 而 利 庸 然則 不伐 言之 以 見 大 以 辨 子 内 而

> 以  $\mathbb{H}$ 之,寬以居之,仁以 利 學爲君也」。 見大人』,君德也。」故 行之。 《易》曰 曰 師 『見龍 也者,所

在

#### 肅 肅 敬 也

人所 舊本悉單爲『施』,恐有少 引《顔氏家訓・書證》云: 然歗也」; 遂兮,垂帶悸兮」,傳 心忡忡然」; 《毛詩傳》有經本一字而傳重文者,如 洸,武也; 也。 將其來施」,傳「施施」 肅」、「雠」,一 改,不 《詩》云「有洸有潰」,毛公傳之曰:「洸 肅 惴 得 肅 「赫兮咺 潰潰,怒也。」即 據以爲疑。 惴其栗」,傳 敬 也; 字而引之二字者,長言之 佩 兮」, 傳 難 玉遂遂然,垂 進之貌」,「條其歗 誤。」然顔 「河北《毛詩》皆云『施 且 「栗栗懼也」。 雝 經、 赫 雝,和也。」《詩》本 、傳每 有 其 明 嘗 德 例 Œ 「憂心有忡 云,河 其 [汝成案]臧氏 文 赫赫然」; 也。 紳帶悸悸 矣 字,釋 北 傳 「臧 本 施一、江 傳 往 .然\_; 氏 者重 往  $\Box$ 爲 南 又 條

\_

文,所謂長言之也

### 以其綏復

事也。 功,有 《晉 書 是「執綏」之「綏」。」以 旄復死,不切於事。 其綏復」、「原注〕注改「綏」爲「緌」、謂旌旗之旄也。 也,「桑弧 設決, 麗 ·祖逖傳論》「災星告釁,笠轂徒招」,用此 男子以車爲居,以 弭飾焉,亦張 如死於道,「則升其 蓬矢,以 于 掔」; 廣 車者男子之居也。 陵 比 射 胡氏曰: ❶「此復魂既 可 葬, 天 也」,以射者男子之 弓矢爲器。 地四方」; 則「弓矢之新、沽 乘車之左轂,以 其死也, 故其 在 「原 車 ·, 當 注 生 以

行 所執轡之總。」「以其綏復」者,象其行也, 聘禮》:「賓死,以 將事 ,所以達其志也。 升車 之禮」矣。 必 正立 棺造朝,介將命。」《宋史·章頻傳》: 執綏。〔原注〕徐鉉曰" [原注]左氏哀公十五年《傳》。 於是有 朝 聘 而 終,以 象其 綏 者

> 者之禮 復之以 奠祭,命接伴 京,斂以銀飾棺 爲刑 部 郎 也 矢」,猶 中。 副 ·具,鼓吹羽葆,吏士衛送至白 使吴克荷護其喪,以 使契丹,至紫濛館 有 殺敵之意焉。 卒。 錦 車 契丹遣内 駕 此亡於禮 橐駝,載 溝。」「邾婁 侍 至 就 中 館

# 親喪外除兄弟之喪内除

子有終身之憂也,不以禫而 哀未 者,如其日月 忘,故 親 喪外除」者,祥爲 中 而 月 止 而 禫。 〔汝成案〕「親喪外除」,所 止 惟待禫乃外除 「兄弟之喪 喪之終矣, 也 内 而 謂 除 其 君

### 十五月而禫

「期之喪,十一月而練,十三月而祥,

❶ 「廣陵」,按胡銓爲廬陵人,「廣」當爲「廬」字之訛

親喪外除 月 備 口 「十三月而 月當大喪之再周, 以 則 Ŧi. 禪矣,故曰「十五 可 祥 月 以 節 而 又加 練 也 禫 然矣,故 祥」。 兩 蓋 孔 月 氏 以 「原 日 焉 日 + + 月 踰 注 : 月 則 □必言: 而 月 當 此 與 禫 則 月 大 大 言 + 喪 可 喪 而 父 之中 以 之 月、十三月 練 在 祥矣,故 爲 月 周 13: 以 同 踰 亦

詩 妻 亦 但 當 以 父 + 在 周 爲母,其禫也,父主之,則夫之爲 Ŧī. 而 月 畢 而 ·, 蓋 **禪矣**。 不 數 晉孫楚《除 禫 月 婦

以  $\exists$ 十一月 其 他 齊衰 而 期 練 喪 十一月,皆 ,十三月 祥 禫 之祭,皆 而 可 以 除 出 可 不 弔。 知 在 己, 故 鄭 則 氏 亦

#### 妻 雖 親 弗 主

姑 姊 妹 其夫死; 而夫黨無兄弟,使夫

> 者矣。 矣,則 意蓋 姊妹之夫之喪 之。」此文以 也。 家、 居 攝 已 人主喪,妻之黨 里尹 前 逆 或 别 之 後 内 曰「主之而附於夫之黨」,是惡 事 知 家、 姑 外,定嫌 後 , 而 而 姊妹 世 不 也。 東 篡 使 必 西 漢 有 發端,以 妻之黨爲 夫寧 疑,自天子至於庶人, 家 雖 家 如 親 之統 王 使 弗 無 莽 疏遠之族 戒 主 有 **前** 之主 假 人 母 則 豫爲之坊 不 夫 一, 聖 后之權 里 若 口 人之 X 主 尹 無 知 與 主 姑 族

鄰

行

### 吉祭而

禮

非 鄭 雖 禫 注 也 之後 己 禫 明 禫 而 即 從 必 吉祭也 而 御 待 孔 吉 四 氏 ,豈有未 時 乃 祭 之 以 而 祭訖, 吉 復 祭 寢 復 爲 寢 然 四 互. 而 後 時 先 復 之 之也 御 祭, 婦

#### 如 欲 色 然

人少則慕父母,知好

色則慕少艾。」

矣。 色、取其甚也、於文無妨。」 之顏色,鄭何得比父母於女色?』馬 能以慕少艾之心而慕父母,則 吾未見好德如好色者。」是亦比色於德。』張融云:『如好 〔原注〕《正義》云:「王肅解: 「欲色,爲如欲見父母 昭申云: 『孔子曰: 其 誠 無 以加

#### 先 古

古之人」,亦謂 古。」先古,先祖也。 「古」,故周人謂其先公曰「古公」。 、祭義》:「 其先人也。 以 事 《詩》 天 地、 百 以 近 曰 山 川、社 似 「先」,遠 以 稷、先 續 日 續

#### 博

就養無方」,謂之博愛。 「先之以博愛,而民莫遺其親。」 「左右

## 以養父母日嚴

『戦 後,而 後,吾知免夫」,敬之終也。 寒,疾痛苛 至於犬馬皆能有養,不敬,何以 然後能嚴。子曰:「今之孝者,是謂 提之童,知愛而已,稍長,然後 雞初鳴而衣服,至於寢門外」,「問衣 戰 兢 敬 故親生之膝下,以養父母 兢,如 扶持之」、敬之始也。 養而敬抑搔之,出入則或先或 臨 深 淵 如履 「日嚴」者,與 薄 冰。』而今而 「《詩》云: 知 别 日嚴。」 敬。 乎 ·! 故 能養。 知敬 燠 孩

愛

四〇

## 日

致

知

致知」者,「知止」也。 〔原注〕 董文清 槐以

爲人君止於仁,爲人臣止於敬,爲 父子、國人之交,以至於「禮儀三百,威儀 之謂「止」,知止然後謂之「知」。至君臣、 於孝,爲人父止於慈,與國人交止於信,是 三千」,是之謂 知 止」二節合「聽訟章」爲「格物」傳。 物。 知 止 人子止 者 何 ?

之荅,皆是物也。故曰「萬 子》曰:「舜明於庶物、察於人倫。」昔者武 王之訪,箕子之陳,曾子、子游之問,孔子 《詩》曰:「天生烝民,有物有則。」《孟 物皆備於我

惟君子 爲能體天下之物,故《易》曰

H

知録集釋卷六

君子以言有物而行有恒」,《記》曰「仁人

不過乎物,孝子不過乎物

末矣。「知者無不知也,當務之爲急。」 聽訟」者,「與國人交」之一事也。

以格物爲「多識於鳥獸草木之名」,則

顧諟天之明命

有動 德,自作元命,配享在下。」 而劉康公之言 之子,邦之司直」,而以爲「舍命不渝」,「乃 曰:「民受天地之中以生,所謂 不在厥初生,自貽哲命。」又曰:「惟克天 「永言配命,自求多福。」又曰:「若生子,罔 日 書》之訓有曰:「顧諟天之明命。」又曰 用而不知」,「莫非命也」。故《詩》、 「維天之命,於穆不已。」其在於人, 作禮義威儀之則 了; 以 定 命 命也。是以 也 ]。」「彼其

之所 謂 如 則子之孝,臣之忠,夫之貞, 性 之人,懷昬 命,而 求命於冥冥之表 人受之爲 婣 也 性 而 者 以 汀則 也 爲 一, 故 示 離 婦 而二之矣 之 日 知 信, 天 命 命之 此 天 然

自 至 氣氣 天」。 子 亦 至 匪 迓 焉 正 續 之行,而 乃命于天」,人 是以「含章,中 「天命不 事 祐 Œ 也 而 理 之所 有 隕

# 桀紂帥天下以暴

暴 此 辜 小 此 徒 紂 罪 桀 。」《多方》篇 大, 民之從暴也 民之從暴 古之人所以 乃 好 仲虺之誥 图 草 恒 竊 獲 姦 日 也 》篇 宄 : 「骨訓 小 日 ^ 叨 故 微 民 卿 : 懫 日 子 1: 方 簡 告、胥保惠、 日 》篇 幽 興 師 欽 賢 師 附 , 劓  $\Box$ 厲 相 非 勢,實 賱 爲 割 度 殷 則 敵 夏 胥 凡 凶 邑。 繁 民 讎 教 好 有 不 有

> 之詩 其 不 無禮 徧 誨 可 爲 過 下 不 日 皆 爾 而 致 「民之質 不 德 祝 無學,賤 審於民 使民之 其 君以 然 矣, 則 俗 陷 民 受福之辭 人君 哉 日 興,喪 於 用 邪 爲 飲 僻 無 國之存 食。 者 日 而 矣 何 要 羣 八。」《天 哉 亡 黎 其 計 指 百 保 姓 歸 H

### 財者末也

農 太常,一 也 更 六 官冢宰,而 財 名大司 掌 鴻臚、七宗正 之職 師 財 古 古 農。 人 日 在後,少 光 以 周 大司 禄 六 九 財 官 勳 卿 少 農 爲 府 無 供 府。 財 末, 軍 掌 大 專 衛 賦 國 ·天子 八農、「原 故 任: 尉 之 之用,少 原 焉。 "; 四 舜 事 注 之私 命 應 注 太 府 漢之九 九 劭 僕,五 皆領之於天 以養 武 官, 財 H 帝 又 太 天子。二大 少 未 卿,一 最 初 廷尉 有 元 年 理

宰相 部、度支二曹至以宰相判之。 化、後財貨之義矣。〔錢氏曰〕唐末年重財用 屬 至於大司徒教民之職、宰相實總之也。 府,大略與漢不殊。 正、五太僕、六大理、七鴻臚、八司農、九 唐之九卿,一太常,二光禄,三衛 官 「, 故 ,廢司徒,以六部尚書爲二品,非重教 與吏、禮、兵、刑、工 而户 部不過尚書省之 並 列 尉, 而 爲 几 而户 六。 罷 太

# 未有上好仁而下不好義者也

婦; 之君,用不 故欲使民興孝興弟,莫急於生財。 人人親其親,長其長,而天下平矣。」 恩情之薄,則耰 治化 之隆,則 畜 聚斂之臣,則 遺 鉏 秉滯 箕帚之色加於父母 穗 財 之利 足而 及於寡 以好仁 化行。

謂

#### 君子而時中

惟 故《易》曰: 是故先王之制禮也,不可多也,不可寡 之爲尊,外之爲樂,少之爲貴,多之爲美, 祭,不必有餘,此之謂稱也。」「古之聖人内 交,義也。 桀,武王伐紂,時也。 宜次之,稱次之。 〔原注〕舜之大孝,文王之無憂,武王、周公之達孝,皆所 之事,鬼神之祭,體也。 事,父子之道,君臣之義,倫 時 其 中也 稱 《記》曰: 也。 羔豚 「一簋應有 此 「禮時爲大,順次之,體次之, 所謂 而祭,百官皆足,太牢 堯授舜,舜 「君 子 時,損 天地之祭,宗廟之 喪祭之用,賓 而 也。 剛 時 益柔 授 中 社 八禹,湯 稷 有時。」 者也。 客 Ш 也, 而 之 ][ 放

#### 子 路 問 强

注 愚 洪 懦 範 不 **>** 六六 毅爲 極 弱。 故 六日 「子路問 弱 强 鄭 康 成

#### 素 夷 狄 行 乎 東狄 0

悖 奉 也 凡 六 中 頌 去 平. 聖 經 人倫乎? 國之道,❷是之謂「素夷 生民有 禮 所 1 文中子 人 素 載,帝 所 記 夷 宋 影明 以 狄 陳 庇, 以《元經》之帝 爲 行 非 司 舜滑夏之咨,殷宗「有截」之 堂之位、《春秋 即 内 乎夷 甫 也 吾君 夏外 謂 處 狄」,然 夷之 丁黄 也」,何 夷 狄 狄 初 魏 防 行 之 則 以 , 謂 其 也 邦 將 平. 来,陵 語 如 會之書,❸ 夷 居 而 |狄||也 之 天 此 中 失 夷 偷 地 其 不 或 几 而 有 嚴 吾 而

> 帝也 常 夷 魯 禽獸也 若之何 矣。 仲 百 原 恭 淹 踞 覬 注 餘 ,盟主也,大國也; 〕楊循吉作《金小史序》曰: 之賢 夫亡 載, 肆 E 。此 , 疏 以 日之安 與 夷狄 日 所謂 有 萬 而 鳥 : 迭代 猶 古之心 獸 異類 (寧於: 偷 爲 夫 無 之時, 也。 由後 夷 此 别 迭 非 胸 若 狄 È, 世 起 所當 者, 而 觀之,則 漢 而 以 雜 山 其 品 主 中 和 居 四 無 當時觀之,則完顏 事之人。」 品 帝 華 中 方 中 夷 以 於 時,侍 國 之 狄也 不 或 異 旦暮乎? 復之日 異 乎 則 ), 盗 而 氣 凡 錯 御 以 賊 民 也 亂 蹲 史  $\pm$ 生 氏

0 0 本收録 狄 按 小 行 原 注 乎 目 四十 的 夷 録 八秋」一 於「子 該 條文字 字。 路問 條,然有目 補 强 條 無文。 後、 全文共三百 鬼神 今據《校 條 五十七 前 記 有 》所 此 「素夷

鈔

- 失不」,二字疑倒 文。
- 疑當爲 盟 字。

6

0 此 H 所謂 知 録 偷也」《校記 校釋》, 雍 IE 鈔 》原作「 本、 北 大 此 鈔 所偷也 本 作 」,據 此 所 張 謂 京

偷

狄不可 俗 狄 天 夷狄」之文,則子思之罪人也已。 子有言:「居處恭,執事敬 論者欲將毁吾道以殉 甚 也也 氣,汙 者導之以爲 棄 若 辱 也。」夫 善 乃 相 人。」 率 是之謂「素 虐 而 夫以 於中 臣 之, 事之, 亂 <u>.</u> 國 此 ,與人忠,雖之夷 辱天 所謂悖也。 而 奉 夷狄 人之世 藉 其 令,行 П 行 於「 乎 素 其 夷 FL 而

#### 鬼神

天 地 察。」修之爲 神 和 先王 下 假 ,列於鬼神,達於喪祭射御冠昏朝 而 國家可 父母 王 事父孝,故 廟 道之大,始於閨門。妻子合、兄弟 焉 順,道之邇 得 丽 經,布之爲 而 人 正 事 鬼 也。 天 饗, 也、卑 明 若舜,若文、武、周 道之遠 政,本於天, 殺 事母 也。 孝,故 也、 郊焉 高 聘, 事 而 也 於 地 天 而

察乎天地。」曰:「君子之道,造端乎夫婦。及其至也,公,所謂庸德之行而人倫之至者也。故

之也。 也。 乎如在其上,如 神 不 後僾然必有見乎其位,然後乃憑工祝之傳 無 而 致 可 方,何其近也? 「原 得 子曰「爲之宗廟, 賚 人之有父母 而 注〗論語 於孝孫。 接,於是或求之陰,或求之陽, 》:「菲飲 在其左右」,由 生而 也, 及其 雞 食 以鬼享之」,此 爲 而 鳴 既 致孝乎鬼神。」[ 父母,殁 問 寢, 而 順父母而 左 其 而 容 右 洋洋 之 爲 就 與 鬼 推 然 養

豎之 日 之。及暮,又至,亦如之。 其有不安節 日 『安。』文王乃喜。 御者 記》 雞 初 曰:「文王之爲 日 鳴 而 今 日 衣服,至於寢 安否, 及日 世子, 中, 何 如 門 朝 又至,亦 ? 外, 于  $\pm$ 内 問 如 内 則

74

之忠, 親之所 於父 忌日 祭也 煖之 以 能 子 惟 王 内 誠,則其殁 原。』應日 明 爲 文王 起 事 季 腎 發 心哀, 母 能 節。 事 復 人,焉能 以 而如 不寐 生而 愛, 明此 饗親」。 之順,而 膳 告 死 :『諾。』然後 食下 姚 然 文 親 也 如 稱 者如 有 事親 而 王。 之或 自 事 欲 後 諱 ·,問 天下 懷 郊 鬼?」是故庸 而 必 色 亦 如 事 如此之孝,故 文王. 二人』,文王之詩 」然,其 所 夫子之告子 無 社之禮,禘嘗之義,緣 見也。苟其 復 見 國家可 生,思死者如 膳。 感通之理 初。 親 色 退。」又曰:「文王之 , 祀之忠也。 文王與? 憂, 命膳 食 得而 上 行 德 路 生無 宰 故 故 殁 治矣 必 不 之行,莫先 亦曰 日 而 不欲 能 在 曰 養 祭 也。」 (詩) 云 惟 正 志 如見 末 視 如 未 生。 履 夫 孝 之 有 此 寒

聞

者

用

迹

帝 在 在 ŀ. 下 位 位 者 者 能 能 順 順 乎 乎. 親 親 而 而 後 後 口 可 以 以 事 獲 天 F: 享

> 程 子 日 鬼 神 天 地 之 功 用 而 造 化

人自 郊社 章,斯 德,其 見, 人死爲鬼, 也。 張 而 以 也 多言鬼神。 有 聽 爲之、豈轉 氏 爲 經言鬼神,皆主 亦 盛矣乎。 知 解《易》「神 陰陽 以 鬼 之而 爲 鬼 鬼 其爲 張 鬼 也 聖 而 切 自 神 神 子 人不忍忘其 聖 後 當。 能 爲 ?有鬼神 弗聞」者,鬼神也,其 鬼神,謂 祭祀之鬼 也 日 消 有 人 精 氣爲 宗 Ę 氣之良 知 祭祀 如二子之説,則「視 鬼神 廟。 豈 爲 今夫子 也 鬼 物」,生 天神 我呼 假 者, 而 親, 之情 天 神者,二 能 鬼神 言。 神 地 統 事 吸 古 妙 狀 耐 乎 也。 示人鬼 1 T. 司 死 但 人 爲 地 萬 之? 而 筮 如 無 人 言 〔錢氏 祭 所 氣 事 故 物 此 也 也。 以 祀之禮 生 言 之 如 義。 而 通 弗 神 人一 可  $\Box$ 有 故 良 游 神 爲 可 見」「 鬼 之而 見可 有 神 興 魂 明 能 言 氣 呼 以 祭祀 焉。 爲 神 而 也 者, 故 該 變, 之爲 後 吸 之 弗 聞 弗 易 示 横 之 有

傳

陽 渠 死

質諸 鬼 神 而 無 疑 猶《 易 乾 文

言》所謂「與鬼神合其吉凶」。〔原注〕《謙》、

《豐》二彖亦以鬼神與天、地、人並言。

# 期之喪達乎大夫

服。 駿奔 服。 問 但 降之而已。此古人重祭之義,後人不知 然尊同,則又爲之服,可以見之矣。 〔沈氏 達乎大夫,謂旁親所降在大功者得爲期 故惟服三年,而 祭,諸侯有山 者,説者以爲期已下之喪,皆其臣屬,故不 貴貴」之義,故云「無貴賤,一也」。 》詳駮之、大略仍從「貴貴」之説 以爲 若天子、諸侯旁期之喪,則不服也。」〔楊氏曰〕本是 在 然制禮之意,不但爲此。古人有喪不 喪服》「自期以下、諸侯絶、大夫降 廟之事,但 「貴貴」而已。〔原注〕《正義》曰: 川社 不 稷宗 服 人數多,不至於曠,故但 期。 廟之事,不可 大夫亦與於其君 而 〔又曰〕諸 以 喪,還著大功之 有 日〕毛西 喪不 侯絶旁親 「期之喪 以曠 ·祭爲 河 《經 無

出,且誤解。〔汝成案〕「貴貴」則重祭之義已包

諸

侯

亦

有

期服,如

一始

封之君不

臣諸

則 且. 父昆弟 不 亦 降 有 大功 ,封君之子不臣 ^ 服 記》特舉 ,如「姑姊 其 大概言之爾 諸 妹嫁於國君,尊 父 (而臣 昆 弟 司

# 三年之喪達乎天子

期喪。 言。然三年之喪,不止父母。 謂 年之喪,達乎天子」一句,此 五年《傳》:「王一歲而有三年之喪二焉」, 達子之志」而言,其實期 穆后與太子、王后。 「父母之喪,無貴 賤 謂之「三年」者, 也。 也」,即解 左氏 舉 是天子亦有 其 重 昭 者 據 而

#### 達 孝

通」者也。〔原注〕與「達道」、「達德」之「達 孝弟之至,通於神明,光於四 達孝者,達於上下,達於幽 海,無所 一同義 明, 所 不 謂

#### 思 事 親不可以不知人

賴賢 亂 而立 之言,而尊定陶共皇, 唐高宗聽李勣之言 爲臣,子游之所以規 「自八以下」, 衆仲之所以 紀 皇后武氏。 人而明者多矣。 而 無豐于 不 顧,可 昵」, 不 不知人之禍 慎 祖 哉 己之所以 文子 漢哀帝聽 對 也。 魯 且. 戒 隱 親 冷褒、段猶 至於斁倫 殷 也; 親 王 之道 以客 也

人

倫之大,莫過乎君父,而

子

夏先之

以「賢賢易色」,何也? 思事親,不 可 以

不明。 不知人」也。 父子之親,長幼之序,男女之别 教人以禮者,師之功 也。 故

師

非

師

#### 誠 者 天之道 也

有禮 也。 之者一也」。 與无妄」,而「先王以茂對 五章哉。 自 故曰「凡爲天下國家有 「天敘有 誠者,天之道也。」故「天下雷行, 我 天討 Ŧi. 典,敕 禮 有 有 罪 "**,** 五. 庸 我 哉。 Ŧi. 刑 典 時育萬物」。 Ŧi. 天命 Ŧi. 用哉。」莫 九經,所以行 惇 有 哉。 德 Ŧi. 非 天

誠

服

秩

物

其

親 之有 矣。 殯 矣。 如 然 甚 故 已矣。」此 矣,不可復見已矣,故哭泣 也 也 膚,於 有 也 ,凡附於身者 如 如 三月 心悵 悔焉 求 疑 Ŧi. 堂 有 拜 밂 而 又 追 稽 人心獨 又 耳矣。」又 而 焉愴焉,惚焉 弗 之 於 求 弗 而 日 顙 葬, 人 得 喪 而 見 弗 : 也 哀 倫 無 「, 必 而 凡 及 也 無 其 戚 也。 附 觀 所 莫 恔 誠 日 故 送 之 人室又弗 得 於棺者 其 不 乎?」此 : 其 必信 往 至 其反哭也,皇皇然 之 仁 愾焉, 本 往 且. 隱 也 也, 也 於 送 辟 ,勿之有 比 也 望 中 也 必 踊 見 於葬 化 人 心 望 盡 心 如 稽 誠 也 者 門 喪 絶 然, 了, 亡 慕,其 之仁 顙 必  $\equiv$ 志 而 而 悔 無 哀 信 汲 隱 觀 焉 日 悲 矣 弗 使 而 愛, 汲 其 喪 見 反 之 耳 11: + 而 而 勿

> 之禮 聲。 見乎 見其 祭之日 也; 志 無 於 H 乎 也 仁 遺 民,仁民 所 其 所 意 耳 是 祭 出 明 食饗之禮,所 思思 矣。 樂 ,心志嗜欲 故 户 位 爲 而 齊 以仁鬼神 發 先王 齊 而 觀 之日 與 其 不寐 故 周 者。 聽, 其 哀 所 而 日 還 之孝 仁 半,饗 愛物 樂, 響 「孝弟爲仁之本」。 愾 出 思 祭之日 也。 不 也 然 户 思 其 忘 而 也,色不 以 ; 肅 必 其 之必樂,已 射 致之,又從 居 仁 自 乎心。」又曰 而 有 所 處, 鄉 此 賓客也」。 然 天下之大 入室, 嗜 之禮 聞 而 必 ·忘乎 思 乎 推 有 其 齊 所 其 僾 之, 至 聞 笑 而 目  $\equiv$ 歎 平 然 經 以 必 「祭之 思之。 日 語 畢 親 郊 哀 聲 息 其 必 有 舉 親 社 不 之 容 思 鄉

明

絶

日 知 録 集 釋 卷 六 終 而

而

黨

此

ĮЦ 九

日

知

録

集釋卷

# 日知録集釋卷七

崑山顧炎武著 嘉定後學黃汝成集釋

### 孝弟爲仁之本

首尾相京 之謂 百姓 本 悌部》、《太平御覽・人事部 明俊德,以親九族,九族既睦,平章百 與」。 昭明,協 應,亦當以「爲人」長也 「孝弟爲仁之本」。 堯、舜之道,孝弟而已矣。」是故「克 有子先言 和 「其爲人也孝弟」,後言「其爲人之本」, 萬 邦。 》引《論 〔錢氏曰〕按《初學記 黎民於變時 語 》,俱云「其爲人之 雍, 姓 此 友

### 察其所安

則擇乎中庸,而不能期月守矣。 尤人,下學而上達」,安之也。 使非所安,「求仁而得仁」,安之也。 「不怨天,不

### 子張問十世

以辨上下,别親 七國之并爲秦,而大變先王之禮。 可 親 民變革者也。 色,殊徽號,異器械,别衣服,此其所得 道始矣。立權度量,考文章,改正朔,易 得 也,尊尊也,長長 《記》曰:「聖人南面而治天下,必自人 與民變革者也。」自春秋之并爲七國 其不可得變革者則有矣,親 疏,決嫌疑,定是非,則 也, 男女 有别,此其不 然其所 古 與 服

雖百世可知也。」 未嘗有異乎三王也。故曰:「其或繼周者,

緯 之能禦也」,此「百世可知」者也。 也」,此「百 而 而 秦 識 之所以亡,漢之所以 自古帝王相傳之統,至秦而大變。然 之矣。 世可知」者也。 不不 仁 而 得 興, 「保民 天下, 則 亦 而王, 未 不 之有 待 莫 讖

#### 媚奥

奥,而 奥,此即竈之神矣。 於朝廷之上,不若逢迎於燕退之時也。」注 奉神於此。 奥。」《仲尼燕居》以奥、阼並 而 牖下」注:「牖下,室西南隅,所謂奥也。」李氏曰:「户 牖 西,户不當中而近東,則西 祭祀及尊者常處焉。」《曲禮》:「爲人子者,居不主 奥何神哉? 時人之語,謂:「媚其君者,將 如 「原 言,是奥本人之所處,祭時乃 祀竈,則 注》《詩》「于以奠之、宗室 南隅最爲深隱,故謂 迎尸而祭於 順 東

二之,未合語意。〔楊氏曰〕奧本非神,此義甚好。以奧比君,以竈比權臣。本一神也,析而

#### **武未盡善**

如哉! 樂。」武王當日誅紂,伐奄三年,討其君,而 禪書》。 至於世變風移之日。 未殄」,視舜之「從欲以 者,象成者也。」又曰:「移風易俗,莫善於 「迪屢不静」,「商俗 寶龜之命曰: 有憾」也,「天下未安而 有憾」,則知夫子謂《武》「未盡善」之旨矣。 猶未治於天下」、「原注」《孟子》。 觀於季札論文王之樂,以爲「美哉,猶 此武之「未盡善」也。 故《大武》之樂雖 「有大艱于西土。」殷之頑民, 靡 聖人之時也,非人力 治, 靡 崩」、〔原注〕《史記・封 利 作於周 四 《記》曰:「 方 П 此文之「猶 惟 風 公,而 賢,餘 動 者 風 樂 何

之所 其 其成功,一也。 夏后、殷、周繼,其義一 人所遇,使舜當武之時,亦須 (與以 能爲矣。 追蠡者何異哉?」 人而天,反而性矣。 〔原注〕劉汝佳曰: 也。」性之反之自其從 征 伐。 以 孔子 揖 是 而論 讓 티 : 征 唐 二誅,自 人之異,及 樂之優劣 虞 是聖 禪

# 朝聞道夕死可矣

不足 有 問 得,弗措也。 曰 "問之弗知, 弗行,行之弗篤 「朝聞道、夕死可矣。」 也, 有 弗學,學之弗能, 俛 焉 有弗 日 弗措 有 ,弗措也。」「不 辨,辨之弗明,弗措 孳 也。 孳,斃 有弗 弗 措 而 思,思之弗 後 也。 知 已。」故 年數之 有 也。 弗

未死之身,則有一日未聞之道。「吾見其進也,未見其止也。」有一日

#### 忠恕

大指 邪 ? 己而 謂 非 合内外之道,使之體用一 舜之道,孝弟而已矣」,人皆足以知之,但 賢之心不若是之支也。 微,非門人所可告,姑以『忠恕』荅之,恐 子荅門人之問,正是發其 爲之末,而 恕,莫非大道之全體。 曰:「夫子之道,不離 借學者 聖人不能爾。」朱子又當作《忠恕説 與此 言則謂之忠,自其及物而言則 若以爲夫子『一以 延平先生荅問 略同。 「盡己推己」之目以著明之,是疑 所以貫之者,未嘗不一 按此 》 [原 乎日用之間 説 雖 如《孟子》言,『堯、 甚明,而《集注》乃 原,顯微 貫之』之旨甚 注 變化 心 門 人朱 爾, 萬 也。」「 殊,於 無 熹 贵 自 間 元 謂 》,其 有 其 晦 聖 則 精 曾 事 盡

然則是二之,非一之也。 忠恕爲下學之事,不足以言聖人之道也。

所 私 之謂 而 以 乃 人之未能 能 克 忠 谿 『一以貫之』者也 此 推己及人之謂 黄 理 以 氏 所 貫 日 在 "「天下之理,無所 通者,己私 斯 能 恕 貫 通 間 忠恕 之也。 故 既 忠 恕 盡 不 盡 . 己 在 己

忠 其 《孟子》 也。 至 己致 大之獄 欲 乎」,又曰『言思 横 色然』,又曰『瑕不揜 也」,又曰『祀之忠也,如 逆 至之謂 《傳》曰『上思利民,忠也』,又曰『小 元 於  $\dot{\exists}$ 雖 戴 由 此 侗作《六書故》,其訓 是 不能 自 數者 忠。 也 忠忠。 反 察,必 一**,** 可 《 語 》 君 而 子 以 仁矣,自 《記》 必 知 以 曰『爲 瑜, 忠之義矣。 自 情,忠之屬 見親 曰 瑜 反 反 人謀 『喪禮, 「忠」曰: 也 不 之所 而 揜 有 我 而 瑕, 愛,如 禮 也」。 反身 必 忠 不 矣, 之 忠 盡

> 哉 ? 子。 之家國 義 子告之,亦以 本 子 也。 達人,施諸己而 者乎?」子曰:「其恕乎 己及物之謂恕,己欲立 而 也。 之道, 忠恕而 誠 子 充是心以 貢問 然後 知 天下, 恕也者,天下之達 終 敬 能 身 曰:「有 其 恕 忠 可 往,達 道 ; 已矣』。 不願,亦 行, 能 夫聖 一言 忠矣, 也。」其 則 乎 ! 」 [原 知 人 四 而立人,己欲 勿 忠 而 道 然後 者 海 施 也 訓 可 也。」〔原注 矣。 者,天下之大 於人,恕之道 注 何 以 以 恕 由 〕仲弓問 以 終身行 貫 故曰  $\exists$ 異 之」之 推 於 達 〕本程 仁,夫 二夫 而 X 而 推 達

之道 忠恕之事 之云「巧言令色鮮矣仁」也,〔原 庸言之信, 也 中 庸》記夫子言「君子之道四」, 何 以 庸 而《 言 行 乾》九二之龍 之 違 謹 道 不 ·遠」? 然 則 注 德, 忠 古古 티 : 恕, 亦 人 語 此 君 惟 無 子

已自 爾。 有二乎! 子》曰:「由仁義行,非行仁義也。」仁義豈 何 恕」,非 或曰《孟子》言「强恕而 也? 申 違 也。 之。 道不 曰:此爲未至乎道者言之也。 盡 遠 豈 [原注]今人謂 得忠恕,方是聖人。 即 可 道 以 也。 此 違 而 「有聖人之忠恕,有學者之忠 禽 疑 獸 行,求仁莫近 忠 不 學者,所以學爲忠恕。 遠, 恕 即 之 禽 有 潤 也。 馬 乎 孟 子

# 夫子之言性與天道

謙受益 書言天道者,皆主吉凶 受血氣以生,有賢愚吉凶。 〔錢氏曰〕《後漢書・桓譚傳》: 盈 自子貢以下不得而 與天道」在其 而 益 夫子之教人,「文、行、忠、信」,而 謙 ,時乃天道」,「天道福 春秋傳》「天道多在西北」,「天道遠,人道 中矣,故曰「不 聞。」注引鄭康成《論 禍 福 而 天道,七政變動之占也。」古 善而禍淫」,《易傳》「天道虧 言。 「天道性 古文《尚書》「滿 命,聖 可 語 得 注: 人所 而 一性 聞 招 難 謂 損 言 性

> 類,故曰 邇 人之於天道也」,正謂虞舜井廩、文王拘幽、孔子戹困 人」,皆論吉凶之數,與天命之性 淫」,「我非瞽史,焉知天道」,《老子》「天道無親,常與 竈 焉知天道」,「天道不諂 「命也」。 自是 國 語》「天道 兩 事。 《孟子》「 賞 善 而 聖 罰

謂 與二三子者,是丘 「夫子之言性與 疑其有隱者也。 乎爾。吾無行而不與二三子者,是丘 「夫子之言性與天道,不可得 子曰: 二三子以我爲隱乎? 天道」,所謂「吾無 不知 也。 「夫子之文章」,無 而 行 吾 聞 」, 是 而 也。 無 隱 不 非

非 子曰:「天何言 爲二,故曰:「子如不言,則 天何言哉!」是故 天 而非天也; 恂恂 也 子貢之意,猶以「文章」與「性與天道」 哉 可仕可 · 四 便便,侃侃誾誾 時 行 止 小子何 焉, , 可 百 久 可 物 無一而 述焉?」 速 生 無

「動容周旋中禮者,盛德之至也」,孟

翟 大 子 不言,則小子其何述」乎? 胡氏以《春秋》爲聖人性命之文,而「子如 L,● 誅 亂 臣 乎《春秋》、《 以 爲 「堯、舜性之」之事。夫子之文章 賊子,皆性也,皆天道也。 春秋》之義,尊天王,攘戎 故

持

之書。 虚 而 無不在於言行之間矣。 爻,「自天祐之」一爻,「憧憧往來」十一爻, 履,德之基也」九卦,所以教人學《易》者 行。」 揆 其 今人但以《繫辭》爲夫子言性 愚嘗三復其文,如「鳴 方, 既 有 典 常, 故曰:「初率其辭 苟 非其人,道不 鶴 在陰」七 與 、天道

辭

説

道乎? 訒。」 而欲 (忠。」司馬牛問仁,子曰:「仁者,其言 其説之高於顔、曾二子,是以終日言 由 樊遲問仁,子曰:「居處恭,執事敬, 今之君子學 而 充之,「一 未及乎樊遲、司 日克己復禮」,有異 馬 牛, 也 與

> 性 與天道,而 不自 知其墮於禪 學 也

者以 學者病 言,本自平易,今推之使高,鑿之使深。」 便説『一 子貢所謂『不可得 盡 守誦習之間。 》。」此皆「躐等之病」。 又曰:「聖 爲 朱子 心』、《易》未看六 在 鈍 貫』,《孟子》未言『梁惠 ⊟ : 一好高。 根,不足留意,其平居道説,無 「聖人教人,不過『孝弟忠信』 《 論 此是下學之本。 而 聞』者。」又曰 語》未問『學 十四四 卦  $\pm$ 便 問 而 近近日 今之學 讀 時習」 利 賢 立 繫 便

借 溺於訓詁,未 以 可 謂深切 談 《黄氏日鈔》曰:「夫子述六經,後來者 禪, 則其害深矣。」〔楊氏曰〕東發憂世之 害 也。 濂洛言道學,後 來

孔門弟子不過「四科」,自宋以下之爲

言

0 戎翟」 據《校記》,鈔本作「夷狄」。

二五六

學者則有五科,曰「語録科」。

是言。 言 ! 猶 如 勒 墟 其 知 荒,爪牙亡 空言,代修己治人之實學。 而 之務,舉夫子論學論政 不習六藝之文,不攷百 昔之清 古 精 之。 口 所 曰「一貫」,曰「無言」。 人,向 昔王衍 不至今日。」今之君子,得不 殺,將死 劉 而 楊氏曰 石石 談 孰 已 遺 知 談 若 亂 丽 〕 衍之言非其實也, 今日 妙 其粗 老 顧 不 華,●本於清 四 善玄言, 莊,今之清 祖 或 而言曰 之清談, ,未究其 尚浮 亂, 虚 神 自 王之 : 之大端 以「明 戮 嗚 比子貢,及爲 州 本 談 有 談 懼後世之責, 股肱 蕩 力以 典,不綜當代 而 談 甚 之 呼,吾曹雖 覆 流 心 先 於 孔 有 惰 宗 見性 切不問, 匡天 辭 前 禍 孟 媿 而 其 代 人人人 而 未 社 乎 萬 下 之 者。 姑 其 得 不 石 丘. 事 爲

#### 變齊變魯

刑」。變齊而至於魯者,「道之以政,齊之」。變齊而至於魯者,「道之以徳,齊之以

禮

以

### 博學於文

《記》 也。 天下, 絶於 叔 母: 「品節 Ě: 地 疏 君子博學於文。」 制之爲 衰,踊 「三年之喪,人道之至文者也。」又 知此者 斯 ,斯之謂 不 度數,發 絶 ,由文矣哉,由文矣哉 地 禮。 自 之 姑 爲 身 姊 孔 而 音 子 妹之大功,踊 至 曰:「伯 容,莫非文 於家、 母: 或

反爲 淺之不同矣。 文」,與弟子之學《詩》《書》六藝之文,有深 乎人文,以 文不在 文。」《傳》曰:「文明以止,人文也。 兹乎! 減 化 而進,以進爲文。樂盈而反, 成天下。」故曰:「文王既 而《諡 法》「經緯 天 地 没, 觀 以 曰

王

以

 $\Box$ 

#### 三以天下 讓

宗祧 下者 自 适謂「稷躬稼而有天下」。 之采藥,往而不反。 王季。」則泰伯之時 自後日言之,則「以天下讓」也。〔原注〕猶南宮 不記其功,彝鼎不銘其迹,此所謂二三 在三世之後, 日言之,則讓 皇矣》之詩曰:「帝作邦作對,自太伯 而讓之者在三世之前 於文王、武王 。 當其時,讓王季 周 當其 日 、時,以 以 强 大矣,乃託 或 也。 讓 也, 也, 有 天 而 而

> 喪,二讓 次子仲雍,次子季歷。 美,皆隱蔽不著,故人無得而稱焉。」 太王殁而不反,季歷爲喪主,一 表,故欲立之,而未有命。 『二一讓』。」〔原注〕鄭康成注曰:「泰伯,周太王之長子, ,文王以與武 :「方太王 天下讓,民 也。 免喪之後,遂斷髮文身,三讓也。三讓之 時, 無 得 太王 以 王,皆泰伯啟 而 與 太王疾,泰伯 見季歷賢,又生文王,有聖人 稱  $\pm$ 一讓也。 季 焉」者也。 而 季歷赴之,不來奔 因適吴越采藥: 王 之也,故 季 《路 以 與文

家》云:「太伯 興,古公王迹。」甚當 雖謂之「以天下讓」可矣。太史公序《吴世 泰伯去而王季立,王季立而文、武興, 避歷,江蠻是適。文、武攸

害武王、《詩》之言「上帝臨 言「因心則友」是也。述文王之事君者,不 莽、操之志 之能言如此。 高泰伯之讓國者,不妨王季、《詩》之 加諸太王, 豈夫子立言之意 今將 稱 泰 伯之德,而 女」是也。 古人 先

基於此。 説,而 朱子之失者矣。 哉 始有翦商之志, 蔡仲默傳《書 朱子 。」仲默,朱子之門人,可謂善於 作 ^ 論 而 語 始得民心,王業之成, · 武成》曰 或問》,不 : 「大王雖 取 翦 商 王 實 未 之

川先生。 間、利 失 膚 狷 聖 公、吴季子之事蓋不 於 禮 矣,其爲至德何邪? 不 工孫, 乎 ,王季受之而不 而 讓國而爲之,則 赴、傷毀髮膚,皆 也。 中 不爲 欲之私 爲 或問》曰:「太王有 泰伯又探其邪志 庸, 其道足以 不孝。 此 所 也。 以 蓋 爲貪,父死不赴、傷 亦 是以 濟天下, 爲 處 非 同 過 日 至 君 賢者之事。 矣。」〔原注〕此 而 : 泰伯 德 臣 而成之,至於父 廢長立少之意,非 太王 不合於 也 父子之 而 去之 非 一之欲 其 有 中 與 變 而 愛憎、 説本之伊 就 立 庸 毁髪 魯 使必 而 不 賢 之德 爲 隱 之 死 不 子

中

#### 有 婦 人 焉

業必藉 亦以 字傳寫之誤,「原注 索。」」方且 人 事,亦必不 太姒、邑姜 誓衆之言, 書 古 有言曰: 爲 文《論 大誥 亂 予有 於婦 臣 語》, 「爽邦由 以 自 亂 乳牝 并數之以足 所 人乎? 爲 用 在 謂 臣 改 雞 婦 宫 + 哲, 十 今文。」 〕漢博士孔衍言: 無 人 壺之内,必不 人, 亦惟 人,皆身 晨 此 爲 同 + 闕 理 紂 十臣之數也。 牝 人,迪 心 之不 疑 罪 雞之晨,惟 在 口 矣,乃 口 知 德 戎 臣 可 Ŀ 也 ·從軍 行 帝 祖 通 周 安國 命 此 者 家之 原 之 或 旅 陳 古 蔡 得 注 功 氏 文 之 而 師

H

知

録集釋卷七

### 季路問事鬼神

成仁。 直 無方」,故其祭也,「洋洋乎如在其上,如 其左右 」,故其死也,「 未能事人,焉能 」。「未知 無求生以害仁,有殺 生,焉知死?」「人之 事鬼?」「左右 就 身以 生 養 也 在

謂 而 以 河岳,上則爲日星」,〔原注〕文信公《正氣歌》。 謂之「知生」矣。「孔 之「知死」矣。 今而後,庶幾無媿」,「原注》《衣帶贊 天 地 有正 氣,雜然賦流形。 日 成仁, 孟 日 下 取 則 可以 義 口 爲

### 不踐迹

「服堯之服,誦堯之言,行堯之行」,所

謂「踐 致刑措,而 人之室矣。 亦 而未學禮,篤實而 則,有一非「踐 以至於《詩》《 二代,郁郁乎文哉」。 學于古訓」、《 能 闇與道合,而足己不學,無 迹 也。 不能成三代之治矣。 治天下者亦然。 書》六藝之文,三百三千之 迹」者乎?「善人」者,忠信 康 先 語》 所謂 王之教, 未日新,雖其天資之美 不然,則以 紹紹 若《 故 聞 説 日 自 漢 衣 命》 周 德言 文之幾 以 所 監 人聖 謂 於

# 異乎三子者之撰

也 貧 徒 賤 與 故曰 , 行 夫子 「如 而誰與」 乎 異乎三子者之撰」。 貧 也。 或 賤 \_•, \_\_\_\_ 知爾」之言,「吾非斯人之 曾 君 點 子 浴 沂 無 詠歸之言,「素 人 而 不自 得

#### 去 兵 去

間 者,此 來 以 所 有 矢,鍛乃戈矛,礪 莫不親其上,死 死 張空弮,羅 食,而不可 孟 而 而 足兵,而 子言「 社 不 以足食,而 以 而 結 可 有 稷,大夫 乃積乃倉,乃裹 物 爲 闕 其 所 此 制 不得已之計 不 食以修兵矣; 糠 棄信 心 不待 雀 志 梃 及備,則 乎? 鼠 不 以 也 死宗廟,至 以 淮 0 撻 待豳土之行也。 其 乃 而 求食矣。 夷之役 秦、楚」,亦 長, 鋒 此 民 豈 耰 也。 餱糧,于橐 又 刃, 無 所謂「 非 鉏 權 貮 於輿臺牧 也。 無 爲 明 白 覈 於 志者,非 古之人有 敢不 政 此 梃 緩 聖 草 是可 苟 之 義, 可 根 急 ·善 人 其事 「備 于 要 以 可 囊」,國 有 幸 則 輕 以 上 道 爲兵, ,以爲 變之 之 之 至 或 乃 金 或 重 無 乎 之 信 於 所 己 賤 待 ? 城 君

於兵之意

二六〇

故曰:「天生五 古之言兵,非今日之兵,謂 材, 誰 能 去兵。」《世本 兵」也

兵。 鑄 兵也 」蚩尤 法》曰「弓、矢圍,殳、矛守,戈、戟、 兵三十餘 五戟。」《周禮 詩爾戎兵」,詰 此 -; 如信陵君得選兵八萬人,項羽將 兵 以金作 也。 無以 萬, 秦、漢 鑄 兵,一弓,二殳,三矛,四戈, · 司右》「五兵」注引《司 見於太史公之書,而 兵」,〔原注〕左氏僖公十八年《傳 此 兵也;「踊 以下,始 謂 躍 執 用 兵之人爲 助是 兵, <u>Ti.</u> 經 諸 用 也 馬 侯 此 無

甲。 一僖公而城魯。」「原 《公羊傳》: 以執兵之人爲兵,猶之以 桓 注 公使高子 関 公二年。 將 被 南陽之甲 晉趙 甲之士爲 鞅 取

立

此

語

也

<sup>0</sup> 此 物」、《漢書 賈 (誼傳》

晉陽之甲,以逐荀寅與士吉射。」〔原注〕定公

#### 奡 盪 舟

也。 **0** 爲兩 斷 則 若丹朱傲」矣,何又曰 間 朱爲兩人 古「傲」、「奡」通 鄩 地行舟」,而後人因之。〔原注〕王逸注《天問》,謂 趙 滅斟鄩氏,奄若覆舟」, 南宫适 可 大戦 氏日 識 人 ^ 也 竹 〕陸氏《釋文》於「丹朱傲」云: 漢時《竹書》未出,故孔安國注爲「陸 也。 所 覆 于維 書紀年》: 引 日 舟 蓋 罔 Œ 用。」宋吴斗南因 禹之規 棋 水行 覆 指 丹 鄩 「傲虐是作」乎? 朱 舟 其 戒若但 亦以不見《竹 「帝相二十七年,澆 所 正, 正 何 舟 與朋淫之人,而非寒浞之子, 此陸 ,滅之。」《楚辭 道取之?」正 作 悟即 傲 地 慢之傲 行 此 「字又作『奡』。 書》而 舟 以 盪舟之界,與 之明 此 知 强 則 丹 證 既 爲 朱與 也。 此 之説。 伐  $\bar{z}$ • 謂 天 棋 奡 無 丹 蓋

> 同。 傳》、《王勇傳》有 顏師伯傳》「單騎出盪」、《孔覬傳》「每 鋭卒謂之「 右盤,十盪十決無當前。」《唐書·百官志》: 《陳書 矢石未交,陷堅突衆,敵因 盪舟」蓋兼此義,與蔡姬之乘舟「蕩公」者不 晉書 ・高祖紀》「盪主戴晃、徐宣等」、《後周書・侯莫陳崇 原 古人以左右衝殺爲「盪陳」、「原注》(宋 • 注〕《左傳》僖公三年 載記 跳盪 直盪 離 Ŀ 都督」、《楊紹傳》有「直 别 健兒歌 帥 謂之「盪主 曰 : 而敗者曰跳盪。」 戰以 「丈八蛇矛左 刀 楯 直 盪 盪 「原 别 將 書 其

## 管仲不死子糾

防, 多所 君 臣 繫者在天下。 之分, 所 歸 者 故夫子之於管仲, 在 身; 華 裔 略 之

- ●「此謂」,據張京華《日知録集釋》,鈔本作「謂此」。
- 「華裔」,據《校記》,鈔本作「夷夏」。下一「華裔」同。

0

二六二

之志 論,並不曾説仲之無罪 夫以君 功,蓋權衡於大小之間,而 其 不 可 死子糾之罪, 知 臣之分猶不敵華裔之防,而《春 矣。 [楊氏曰]夫子於管仲之罪,只 丽 取 其「一匡 以 天下爲 九合」之 心 存 秋》 也。 而 不

不然。 糾 糾 臣 毛 太子諸 之子名在 狐 一,是以 弟 偃 突之子毛 於 此 へ 齊未 爲重耳之臣,而 有謂 王與其臣皆定君臣之分,蓋自古 成 亦强爲之説。❶ 重 管仲之於子糾未 成君,於仲與 敗定君 耳,有年數矣」。 及 偃從文公在 臣 也,可 仲 忽則 (楊氏日 與 成爲 乎? 忽 秦, 原 成 不 〕此程子之言,實 相 注 而 爲 君 得 傳 又謂 〕漢、晉以下、 君 曰「今臣 臣者,子 如 爲 此。 臣 糾之 桓 矣。 若 兄

君臣之分故在也,遂謂之無罪非也。子與其臣區區一身之名分小矣。雖然,其論至於尊周室、存華夏之大功,@則公

## 予一以貫之

者也。 也,而 世 自道 使之「以三隅反」。 仁與不仁 三百之《詩》,至汎 也,而曰「知者觀其彖辭,則思過半矣」。 禮,與其 可 思無邪」。 知。 也。 好古敏求」,「多見 曰「殷因於夏禮,周因 其 然有進乎是者。 而已矣」。 教 奢 百王之治,至殊也,而 門人也,必先一 也,寧儉」。 三千三百之儀,至多也 也, 故 此 顔子 圃 所謂 一子一 而 曰「一言以 十世之事,至 則 六爻之義,至蹟 吅 識」,夫子之所 於殷禮,雖 聞 其 兩端」,而 曰「道二, 以 以 蔽之, 貫之」 一, 而 知 遠 百 H

②「存華夏」「據《校記》、鈔本作「攘夷狄」。 左衽之禍尤重於忘君事讐也」凡十九字。
●「强爲之説」下、據《校記》、鈔本有「夫子之意以被

歸,大人之學舉本以該 既 可與 子 不足 貢切磋之言,子夏禮後之問, 言《詩》,豈 以 觀 其 會 非 通 天 而 末 下之理 高 乎? 明之君 殊 彼 章 塗 子 則 又 句 皆 而 或 之 司 善

其

而

#### 君子 疾没世而名不稱焉

語

德

性

而

遺問學,均

`失聖人之指矣。

士

有 務 「不易乎世,不成乎名。」 名之心哉! 疾名之不稱, 是以 則 必求其實矣, 《乾》 初九之《 君子 傳 豈

吾 惟 非 恐 爲 自 不及也。 利 幼及老,見人所以 古人求没世之名,今人 也。 名之所 苟不求利 在, 則 求 ,亦何慕名 利 當 求當世之名。 歸之,故求之 世之名者,無

#### 性 相 近 也

之義。 免。」〔原注〕「人之生也直」,即 故夫子曰:「人之生也 上帝 ,降衷于下民,若有恒 性」之一字,始見於《商 相近,近於善也, 孟子所謂 直, 罔之生也幸 相遠,遠於善也 性。 書》, 性 善 恒 日 即 惟 相 而 近 皇

矣,乃 可 官百骸人之所同, 辜,肝人之肉,此 論其變也。 斥其非,而 中之一耳,故公都子所述之三説,孟 椒,子文知其必滅若敖氏是也。 以 一而槩萬乎? 人亦有生而 所謂 但 善也。」蓋 若紂 曰:「乃若其情,則可 爲 不善者,如 則 然 炮烙 牛 故終謂之性善 亦 凡人之所 而 有生 之刑 性 與 楚子良 · 盜 而 人 殊 大同 不具者 然 跖 也。 ··, 亦 以 生 日 此 子 子 如 殺 爲 千 而 不 Ŧi. 不 不 善 萬 越

笑 之,吾知其無 且. 而受之者,此人情之變也。 如 見孺 孟 子 論 子入井亦有不憐者 性 是 人也。 專 以 其 發 見 乎情者言之。 若反從 嘑 蹴 之食 而 喜 有

武之不 邪 近 若湯、武之性不善,安能反之以 近 性 之説 乎? ? 善 而 曲 湯、 言。 即 也。 沃 如堯、舜,性者也;湯、武,反之也。 武 爲 衛 若 孔、孟之言 堯、舜,而 蒿 可 性 曰 以 : 有善有不 反之,即 0 孔子 必 也。 待 性善之説。 於反之,即 善 所 謂 其 至於堯、舜 相 可 近, 謂 之相 性 即 湯、 相 以

#### 虞仲

荆 太 鑾 伯卒,無子,弟仲 義之,從而 史記 太伯之奔 歸 之千餘家,立 雍立,是爲吴仲雍 荆 蠻, 爲 自 旲 號 太 句 吴。 伯 仲

> 《左傳》「太伯、虞仲 雍爲 當言虞。古「吴」、「虞」二字多通 虞仲之名 王 有虞國、《詩》 雍 是爲虞仲 伯、仲雍之後,得周 達 封之,乃 雍卒,子 時 ,而虞仲者,仲 卒,子周 虞仲,是祖 或 「滅,而 封 季 · · ; 列 耳。 章 周 簡 爲 所 <del>ें</del> 章 封 立。 ^ 諸 孫 論 周 云「虞、芮質 弟 雍之曾孫 侯。」 同 二、太王 章之弟於其 是 季 語 虞 章 影。 號。 仲 時 簡 按 卒,子 周 於 周 一之昭 此 且. 周 章 武 民 也 則 仲 厥 之 Ŧ. 已君吴,因 虞 也, 仲 叔 克 雍 故 成」者 北 仲 用。 殷 達 雍 **,**般,求 君 墟 故 夷 即 時 立 爲 吴,不 「原 夏 謂 逸 乃 諸 吴 武 仲 仲 侯 而 太 叔

本卷《梁惠王》條 蒿 黄本乃改爲『嵩』。」今據改。 原 全部《日 學 作 嵩。 條 三段 知 四 録 陳垣《日 段注二、十五卷《墓祭》條 注二。 》黄 刻 本 知 録 皆 校注 誤『蒿』 卷潘本 · | | | | | 作『嵩』, 獨 作『蒿』不 衛 嵩 並見 應 作

0

徴矣。 《漢書·武帝紀》引作「不虞不驁」。 有封者,吴仲也」,則仲雍之稱吴仲,固 仲」之誤。又攷《吴越春秋》「太伯曰 大吴、小吴。 楊用修曰:「吴,古『虞』字省文。 注》:「吴山在汧縣西,古之汧山也。 作「吴」。《石鼓文》有「吴人」, 傳》定公四年,「晉士鞅、衛孔 『樝』之省爲「柤」也。」今崑山 「不吴不揚 史記 .虞』、「吴」音相 · 趙世 」作「不虞不揚」。 竊疑二書所稱「虞仲」,並是「吴 家》「吴 近,故舜後 廣 内其女孟姚」、《索隱》曰:「古 亦 《釋名》:「吴,虞也。」《公羊 圉帥師伐鮮虞」,「虞」本或 有浦名大虞、小虞、俗謂之 姓 注曰:「虞人也。」《水 吴。」《詩》「不吴不敖」, 如「虖」之省爲「乎」, 《衛尉 《國語 衡方碑 》所謂虞矣。」 1,其當 , )辭引 有

志》:「太陽有吴山,上有虞城。」〔原注〕《水經注》 太伯,故曰太伯後。是爲虞公。」《續漢•郡國年,伐魏取吴城。。周武王封太伯後於此,〔原注〕吴祖西,上有吴城,〔原注〕《史記•秦本紀》:「昭襄王五十三西, 上有吴城,〔原注〕《史記•秦本紀》:「昭襄王五十三四, 上有吴城,〔原注〕《火經》,

支子,别封西吴」。書爲「虞仲」也。杜元凱《左氏》注亦曰「仲雍亦作虞城。「虞城」之書爲「吴城」,猶「吴仲」之

#### 聽其言也厲

若金之斬割。」曰非。孔穎達《洪範》正義曰:「言之決斷,曰非。孔穎達《洪範》正義曰:「言之決斷,君子之言,非有意於厲也,是曰是,非

可以當甲兵,此之謂「聽其言也厲」。居官則告諭可以當鞭朴,行師則誓戒

# 有始有卒者其惟聖人乎

者也。故曰「約之以禮」,又曰「知崇禮聖人之道,未有不始於灑埽應對進退

卑。

二六六

#### 梁 惠 王

明矣。 《古書紀年篇》: 杜 此。 對 相 哀 疑《史記》誤分 年始至十六年,而 卒,而襄王 襄王之子,惠王之孫 卒,子襄王 惠王 王二十三年乃卒,故特不稱謚,謂之『今 預《左傳 王也,追 然《孟 ^ 史記 [原注]《通 司馬子長 無不稱之爲「王」者,則 子》之書 立。 集 尊父惠王 立。立十六年卒,而哀王立。 魏 解後序》言: 鑑》改《孟子》作「君 惠 襄 世家 惠王三十六年 成 亦知其不通,而改之曰 稱 王 出 之世 爲 元 惠 **\*** 也。 於當 年,與 成 王。」而《孟子》書 王. 惠 以 「哀 惠王三十六年 時,不 卒,即 爲 王三十六年, 諸 何必曰利」,亦 -改元。 王於《史記 非追尊之辭 後 侯 容 王 惠 會 誤 年 王 從一 徐 也 也 也 州 其 LI

> 《十二侯表》以秦哀公、陳哀公爲襄公也 也。 之爲叟,必在惠王改元之十五 耳。〔梁氏云〕觀《孟子》本書,當是晚始遊魏,故惠 即 子襄王立 王』。」「原 位 襄、哀字 三十 注 六年 ,即《紀年》所謂「今王」,無哀 作 書 相 稱王,改元,又十六年卒, 時 近、《史記》分爲二人、誤 未卒,故謂之今王。 六年 間。 以 魏 今按 襄 爲 哀 惠 王 王 而 王 猶 尊

地。 者也 年」、「後七年」也,以《孟子》證之而 書,惠王自言「西喪地 年。」此稱王改元之證,又與魏 史記》所書襄王之年,即惠王之「後 七年,魏盡入上郡 魏世家》:「襄  $\pm$ 於秦七 於秦。」今按《孟子》 五. 年, 予 惠 百里」,乃悟 秦 王 同 河 自 西 Ŧi. 之 明

王卒。其明年,爲魏襄王之元年。又二據《紀年》,周慎靚王之二年,而魏惠

秦本紀》:「秦惠文王十四年,更爲

元

鄒 日 : 以 合。 赧 年 梁,其後二十三年 注〕《史記》及《孟子序説 乃惠王之末,而襄王立,即行,故梁事 多,又嘗爲卿於齊,當有四五 人畔。與《孟子》之書先梁後齊,其事 -, 燕王 惠王之後元年爲 由鄒之任、之薛、之滕 王之元 「孟子遊歷先後雖不可攷,以本書證之,當是自 然孟子在二國皆不久,書 謂孟子以惠王之三十五年至梁者,誤 噲 年,齊人伐燕,取之。 讓 或 齊人伐燕而 於其相子之。 ,而後之梁、之齊。」 》謂梁惠王之三十五年孟 襄王之元年故 孟子在 年。 齊者,非。 又二年, 又二年, 中 若適梁, 齊事 也。口 衛蒿 子至 宋 不 特 皆 燕 原

角王稱臣,見梁王不稱臣。 孟子爲卿於齊,其於梁則客也。 故見

# 未有義而後其君者也

不「遺親」,不「後君」,仁之效也。其

所。 者也。 弗能 愛而 謂 敬,夫和妻柔,姑慈婦聽,禮也。 君令而 儀以亟,言善於禮,不亦遠乎!」子曰:「君 公,不圖其 曰:「禮所以守其國,行其政令,無失其民 姑慈而從, 違,臣共而 利。」又曰:「君令臣共,父慈子孝,兄愛弟 工、賈不變,士不濫,官不滔,大夫不 也,曰:「是可若何?」對曰:「惟禮可以已 景公有感於晏子之言,而 言義何? 女叔 友,弟 禮之本末,將 在禮,家施不及國,民不 用 今政令在家,不能取也; 也。 齊 曰:「魯侯不亦善於禮乎?」 終。 公室 婦 敬 不貳,父慈而 義者,禮之所 聽 而 爲 順,夫 而 四分,民 於 或 婉,禮 此 君 和 乎 難 之善物也。」晉侯 教,子孝而箴,兄 從 而 懼 在 將 食 義,妻柔 生 其 一<del>,</del> 而 及 於 也。 遷,農不移 國之爲 身,不 他,思 有子家羈 屑 屑 昔 而 ·收公 焉 恤 莫 者 陳 IE. 習 其 在 對 不 氏 齊

子之道 於 刑 必 大 未 爲 有 以 之坊, 其道矣。 形 坊淫,命 使民 辟 民 則 以 坊 猶 H 坊 與 遷 踰 ? 欲。」古之明 善 之。 遠 坊 罪 故 民 君子 而 之所 不 王 禮 自 不 所 知 以 足 以禁邪 者, 坊 者 德 也 是

#### 不動心

言不足 始矣。 之時 心。 不義、殺 國尤烈 錢氏 也 凡 信 人 一, 可 我 不 日」王 之 故曰 枉 謂 四 道 動 加 是 十不 安 辜 卿 心 事 石 . 而 不 相 主持 與 難 而 動 得 否 不 新 曲 心」者,不 天 動 法,至 古 心 學 八下,有 者矣。 在 四 於 其 世 天變不 加 較之告子,其 不 動 皆 卿 爲 其 從 相 也」之 足 行行 畏,人 此 行 道 而 禍

#### 市朝

器非 者。 記 刑: 如 行 過 奔 令。 人 類 胥 市 (之事, 而及之文,若「躬稼」本 此 列 市 喪 • 朝 執鞭 即《書》所言「若 小刑 凡 有 朝 亦 可 檀弓》: 「若撻 者,《 入朝 有 者 原 如 但 度 憲罰 市 注 朝 掉 罪 過 之於 而 三司 則 之物。 史記 位 臂 者, 市 巡 · 中 遇 有 不 市》以 故 市 其 諸 撻 無 之。 顧 • 刑 朝  $\Box$ 前 稷, 市 戮 《奔喪》:「 孟 過 撻 狥 ] , [閻] 次敘分地 市 朝 《周 嘗 掌 朝之事 而 于 罰 而 朝。」 索 不 其 市。 亦 君傳》「 罰 氏 隱 大刑 禮 稱 坐 之 云 反 而 古 禹。 經 · 司 曰 : 也 或 哭辟 兵 作 古者 扑罰」, 是 市 日 古  $\exists$ 能 而 出 言 文 注 也 莫之後 市 市 其 體 以 市 鬭 朝 朝 之  $\forall$ 則 衆 謂 朝。 敘 市 又 無 ^ 乃 有 之 之 禮 兵 禁 日 市 撻 肆 連

行列也。」後代則朝列之參差,有反不如市肆

# 必有事焉而勿正心

記・ 致。 知 刺齒肥」、《索隱》曰: 間』當爲『覸』。」《史記 疊二『勿忘』,作文法也。」按《書 當有事而勿忘,既已勿忘,又當 曰:「自時厥後立王,生則 『忘』字作『正心』二字。 而 論 稼 勿忘,忽忘,勿 語》「五十以學《易》」,朱子以爲「五 祭義 一个一个 今人 倪文節 發言 》「見間 艱 [原注]思。 難。 亦 助 以 多 亦 俠 長 是 有 謂 : 刺齒肥,當爲齧肥。」 ·蔡澤傳》「吾持梁 也」。 甒 疊 重 言養浩然之氣,必 」,鄭氏 説 「當作『必有事 一句,而 逸。 傳 句者。 寫之誤, 生則逸,不 無逸》篇 勿助 曰 文 長 愈  $\wedge$ 十 也。 見 禮 有 以 焉

當作「卒」。

此皆古書一字誤爲二字之證。

#### 文王以百里

力哉! 而已。 不過 不止 之言文王曰「大邦畏其力」,文王何嘗不藉 及梁、益、原注 商以前 伐崇伐密,自河以西,舉屬之周。〔原注〕未克 文王自 此言以證王之不待大爾。 上黨、「原注 河 百 湯以 無 里, 内殷 岐遷豐,其國已跨三四百里之地 滅 舉 國者,但臣 〕《戡黎》。 七十里,文王以 周自王季伐諸 而克商,宜其如 墟,其從之者,亦 庸 蜀、 屬 無 羌、髳、微、盧、彭、濮。 而已。 非 周 至於武 地。 戎,疆土 其 白 振 實文王之國 里。」孟子爲 槁 但東方諸 紂 也。 王,而 之所有 一日大。 東 或 臨 西

# 廛無夫里之布〔沈氏曰〕稼堂云:「元本中此條前

人已有删之,今仍存。」

春 凡 官 里二十五家之泉。」《集注》未引《閭 布、罰布、廛 寸,長二尺,以爲幣,貿易物。 夫家之征。』《 布」、《集注 今人遂以 布貿絲』,抱 布。」鄭司農云:「里布者,布參印 田 秋傳》曰『買之百 載 不 有 又廛 耕 師 「夫布」,有「里布」。 州 者,出 布 職》曰:「凡宅不毛者, 舊説,皆未安。 專屬 布』。 人職『掌斂市之絘 此 間 布 師 屋 於里。 也。 玄謂宅不毛者,罰 職》曰:「凡 粟。 兩 或曰:『布,泉也。』 凡民 凡民居區 江 布。 氏 無 無  $\Box$ 《周 域、 布、 《詩》云『抱 [原注]昭公二 職 職 廛 關 書,廣 者,出 有里 總 事 禮 市、邸 無夫里之 師》文, 布、 者 以 地 舍 質 夫 出

> 之别出日 雖 家之征」,以夫家爲一夫百畝之税, 里爲二十五家,又舍《閭 今皆除之,則居廛者皆受惠 仍使之别出夫布, 宅已種桑麻,有嬪婦 賦 則 里 布,見《地官・ 廛 廛 非二十五家也。 世之僱役錢也。 力者,不能赴公旬三日之役,使之出 通 布」。 横取 非非 使之出 謂 謂 , 戰國時 之廛,上 民居,即 市宅 里布。 民,當不至此 謂有宅不 里 也。 布 切取之,非傭 文 《周 是額外之征,借夫布、 間師》「凡無職者出夫布」。 布 猶 里 廛 里謂里居,即《孟子》「收其田里」之里: 禮》「上 者,泉 種桑麻,或荒 後世 布,見 而 不 凡 征」、「 也,亦 地夫 師 地 地 力之閒民,已 也。 耐 皆 官 法 引《 即 有 廛」、「許行 其 · 載 《集 而 錢 載 地 (地,或 不 里布之名 也, 師 注 税 師 家力役之征 廛」之廛 夫力役之泉,猶 布 也。 非 **》**凡 》以 》「凡宅不毛者有 有 作 縷 謂 布 願受一 廛 力役之征 爲臺榭遊 之征 此 無職 閒民爲民 帛之布。 而 是 爲市宅,以 皆民 横 市 **前** 者 廛」之 取 宅, 之常 當時 仍使 出 而 者 觀 夫 後 夫 此 傭

# 孟子自齊葬於魯

孟子自齊葬於魯」,言葬而不言喪。

二七〇

卿 教 卿 問 故 此 自 有 則 1齊葬 漫色, 耳 之位 滕 皇 反 改 若 皇 葬 世 於 於 擁 魯 子 前 如 日 也 楹 齊 也; 哉 奔 則 而 門 知 歎 ! 喪 止 禮 母 人 於 【閻 而 而 既 未 孟 ≫: 還,營 殁 嬴 母 身 氏 得 (於齊 見 日 且. 改 發 之二云 劉 不行 也 言 而 葬 葬 向《列 ,終三年 /,緦。」 充 Z 方 可 三年之喪, 虞 則 女傳 畢 謂 73 喪 知 事 母: 即 得 復至 畢 蓋 孟 月 出 承 百 子 而 齊 間 何 無 赴 處 在 而 除 齊 齊 以 君 齊 而 爲

## 其實皆什一也

故《詩 則 隰 咸 周 曾 則 之疆 古 孫  $\Box$ 來 壤 田 : 理  $\coprod$ 之。 信 後之王者 猶 賦 之制 禹 彼南 我 之遺 疆 Ш 實 不 法 我 始 維 渦 也 理 於 禹 因 南 禹, 甸 其 原 東 之。 注 成 水 其 蹟 土 周 畝 畇 既 禮 而 畇 己。 平, 然 原 小

有遂, 之衆 畝 澮 於畿。」夫子 有 豈 路 則 徑 九 有 爲 司 在 IE. 日 涂。 距 義 徒 爲 乎 其 以 是 者 半 九 百 :  $\prod$ 引 而 注: 遂上有徑。 然 品 萬 畝 其 貢 干 就之,爲此 一王之興,必將 夏 此 田 洫 而 夫有 乎? ·, 故 」,使夏 Ŧī. 知 而 后 則 昔 言「禹 爲 其 助 成 其 十、七十、百 徹 夏少 日 氏 澮, 涂者 蘇 制 間 則 丘 徹 不 五. 澮上 + 洵 原 井 盡 爲 康 必五 始 夫 夫 甸 注 力 + 牧之法 謂 百 在 111 於 煩 之法, 有 有 而 乎 井 虞 而 周 道 擾 溝 爲 溝 周 十,殷 思 爲 不 萬  $\coprod$ 矣。 貢 改 一, 先 洫 官 路 溝 而 禹 溝 夫之地 有 在 畝 萬 之 畛 之所 Ŀ 古然 者一,爲澮  $\mathbb{H}$ 蓋 夫有 無 爲 殷 乎 制 而 必 遂 有 涂、 特 益 Ξ 禹之自 畛 人》: 人 畛。  $\overline{H}$ 爲 成 矣。 Ш 七十,周 丈尺之不 代 於 變溝 者千,爲 七 , 有 + ][ 蓋三 百 凡 井 民 + 孔 取 <u></u> 衆 言 1: 夫 氏 七十、 孟 之 之 民 治 亦 洫 而 有 有 十 二 爲 旅。 信 野, 之  $\mathbf{E}$ 路 洫 事 子 地 必 助 道 移 遂 南 **>** 異 同 濬 以 夫 也 百 洫 道 者 里 Ш 周 乃 畫 間 旅 畎 達 Ŀ

數。 冠皆六寸,而輿六尺,六尺爲步,乘六馬。」 朔,上黑」之下即曰: 周 沈 八寸爲尺。」而 也 氏 故《史記·秦始皇本 日》 通 古之王 鑑 外 田 紀》云:「夏十寸爲尺,商 者必 未嘗易 改 「數以六爲紀,符、 也,故 Œ 紀》於「改年十 朔, 易 服 十二寸 色, 異 皆 爲 尺 月 法 度 什

使

什

三七二

三代之王,其

更制

改

物

亦

大

抵

如

此。

故

王制》曰:「古者

以

周

尺

八

尺

爲

步

一,今以

周

殷、周 利。」豈有三代之王 人 畝 亦 尺六尺四寸 有可 爲二畝,其名 曰:「先王 土易人多,故 夏時 爲 疆 步。」 殊 理 土 而 天 而 其 曠 而 實 下 當 畝 人 爲 矣。 物土之宜 日 是 漸 稀 大 紛 小。 故 時 紛 國佐之對 其 制 無 以 畝 宜 益 丽 夏之一 一之法, 特 於 布 大。 民 其

明。

若分公田

爲

廬

舍,八

家

畝 范

其

説

始

于

班

古 均

而

取 畝 地

何休注《公羊》,趙

岐

孟

子, 各

常 半,

解

穀梁》,

宋

注

樂緯

》,皆因之,非

鄭

義 注

以言九 爲郊 云「郊外日 言 子》又云:「方里而井,井 放,同 也。 在 自賦,是什一之中 「别野 或 故曰 内 郊 而 九 也。 内 即即 九 貢 丽 人」者,别野人之法,使與 養公田,公事畢 野, 取 徹 居 郊 而 夫之穀。 芸而 助,爲 在 内謂之國 則 徹之爲 或 或 助 野 中 什 使 九中 明 人爲 通之二十 故 自 中 言 然 也。 九 而 九百 賦 郊 一, 知 者, 後 通 中 取 之, 外 也。 按 敢 以 畝,其中 也 夫 而 明 助 郊外、 治 什 近國,故繫國言之, 通外 康 也。 私 非 國 野 税二 事 什 成之義 自賦 中 或 内 人 ,, 國中 中 爲公田,八家皆 不 之率, 中,人各 爲 夫,是爲 百 以 非 言 郊 爲 得 别 也 外 什 賦 什 孔 則 野 中 也。」《孟 **爾** 一,乃云 受 氏 爲 則 人 什 田 亦 或 也。 而 什 者。 中 益 可 中 税 百 而

百

#### 莊 嶽

之事

哉

錢氏

曰]鄭康成

注

周

禮

》,當引

孟

子

夫而

税

國

中 有

싐

一一之文。

孔

穎

達

詩

Œ

義

申

其

台

굸

周

制

有

貢

助。

助

者,九夫而

税

夫之田

貢

者

引 而 置之莊、嶽之間」注:「莊、 隸, 齊

年「戰于莊,敗」,注並同。「反陳于嶽」注云:云:「六軌之道。」〔原注〕昭十年「又敗諸莊」,哀六襄二十八年「得慶氏之木百車於莊」,注街里名也。」莊是街名,嶽是里名。《左傳》

# 古者不爲臣不見

嶽

,里名。」

者矣。 以 懷其 之以自媒,勸之以干禄,而責其有恥,難矣。 必有如胡廣被中庸之名,馮道託 爲賢者之過,未合於中道也。 時好,此其所必至者。曾子、子路之言,所 曰「上弗援,下弗推」。 爲末流戒也。故曰「君子上交不諂」,又 禄利,於是望 觀夫孔子之見陽貨,而後 其始也屈己以見諸侯,一見諸 塵 而拜貴人,希旨以 後世之於士人,許 知 然後世 i 仲尼 踰 垣閉 之迹 之人 侯 投 甲 而

# 公行子有子之喪

非是。 喪也,父爲之服斬衰三年,君使人弔,卿、大夫咸 引此文,以子之爲公行子之先,或疑即燕子之,恐皆 家謂之門子、春秋傳》「大夫門子皆從鄭伯」是也。 往弔。〔錢氏曰〕公行子當是爲父後者,其子蓋長子也。 大夫之適長,在國謂之國子,入學與世子齒 子有子之喪,而 《周禮》館、大夫、士之喪,職喪以國之喪禮涖其 | 汝成案〕《荀子·大略》篇云:「公行子之之燕。」楊 孟子》所稱「不歷位,不踰階」之禮,即職喪之禁令也 《禮》:「父爲長子斬衰三年。」故公行 孟子與右 師及齊之諸 馬者也。 往 、禁令。 臣 會馬。 故其 倞 在 注

## 爲不順於父母

《虞書》所載,帝曰:「予聞,如何?」岳

耳。 實 不 官 底 烝  $\Box$ 行,但 子 豫」之後。 順 牛羊,倉廩 烝 嫂使治朕棲」之説亦可信矣。 「原注 者處 於父母, 乂,不格姦。」是 瞽 其 子,父 推 〕與答桃應之問同。 心 見聖人 積 今《孟子》乃 而 備 頑 慮 以以 如 必 母 八之心 窮 事 則 嚚 出 人 舜於畎 乎 帝之舉舜 若 無 後儒 象 謂 此, 此 所 傲 「九男二女, 歸 以 而 使 畝之中。 克 爲 後 ·, 在 天 諧 實 爲 此 下 瞽 以 大 之 非 然 孝 爲 則 孝 事 猶 百 睁

#### 象封有庳

水 謂之鼻亭。。在三苗 經 有鼻,國 所 注 舜 封 都 也 王 蒲 名,在今永 隱日 Ш 阪 下 有 而 應 以 象 陽縣 封 州 廟。」《 誉 南 象 本泉陵之北 道 ,荒服之地 於道 縣 後 北 漢 書 州 袁 鼻 部 譚傳 東 亭 東 誠 平. ※ 注 : Ŧi. E 里 爲 蒼 原 有 傳 今 注 可 鼻

原 親 鹵 營丘 時 原近 其 疑。 又萊夷 太公之於周 鼻亭神。」此爲得之。 + 陵之傳有是名者、活地 古 坂,弟居零陵,陸阻太行,水絶洞庭,往返萬里,親 個 封 成 里。 爲后 如 一人民 中 富 太 之 氏 Ŧ. 是乎? 滅唐 公 原 曰〕《孟子》「欲常常而見之,故 畿 地 在 如《 故 父,功 之地 老傳 又且 邪 偪 今昌 無 之處, 了寡」, 孟 而封太叔焉」是也。 ? 有 處 閒 子》 言 庫之封 欲 了; 其 樂、 必無 土,故 舜 爲 原 而 而《孟子》言其 而 其 所 注 葬 元臣,而 濰 與之争國。 蓋 置之三千餘 功 論 · 必 閒 九 周 源 志 || 云: 至 疑,象 亦大矣, 上古諸侯之封 近 時 土 源 縣界。 薄 在帝 親 滅 口 而 之欲 《竹書紀年》: 姑 來至此,後 「鼻亭神、在營道 封 都, 以 來」, 或 氏 止 源 封 丽 乃 「儉於 而 之滅 史言 夫尊爲尚父, 於此 源 其 今不 封 故也。 里 何 而 僅 貴, 人 之 來」。 以 國。 可 党,豈非 封 其 萬 立 「武王十六 百 外 圃 愛 考 不 營丘 祠, 或 又 縣北 爾。 兄 愛弟者 里, 地 邪 之欲 後 在 左 其 名爲 居 傳 攷 乃 中 瀉 ? 中 蒲 六

舜 武 年秋,王師 王,乃是棄其兄於邊陲近寇之地,與舜之封象異矣 遠,聖人之不得已也。 固 功 ,何與? 不得以 滅蒲姑。」或曰:禹封在陽翟,稷封在 介弟 二臣者,有安天下之大功, 丽 先 「原 之也。 注〕漢 高祖封劉仲爲代 故象之封於

#### 周室班爵禄

以 不明乎此,而「侮奪人之君」,常多於三代 位」之義,則 出於農,等而上之,皆以代耕者也。」是故知「天子一 代耕而賦之禄,故「班禄」之意,君、卿、大 〔原注〕《黄氏日鈔・讀王制》曰:「必本於上農夫者,示禄 夫、士與庶人在官一也,而非 與公、侯、伯、子、男一也,而 代耕」之義,則 爲民而立之君,故「班爵」之意,天子 不 敢肆於民上以自尊,知「禄 不 敢 厚 取 於民 非 無事 絶世之貴。 以 之食。 自 奉。

> 臣舉 之下矣。〔雷氏曰〕周之班爵禄,有本制,有 子》於侯國舉本 加禮而不言本 制 丽 制 不言加 所 以 禮,所 申 Ė 朝 以抑 也 七國 也 加禮。 於天子之

### 費惠公

《孟子》「費惠公」注:「惠公,費

邑之

僖公元年,「公賜 虢、焦、滑、霍、楊、韓、魏,皆 滅之而後屬晉耳。 馮、公子格率鋭師侵費滑」,蓋本一地,秦 滑」,注:「滑國都於費,今河 滑」注:「滑,周地,本鄭邑。」襄公十八年,「楚蔿子 [原注]莊公十六年「滑伯」注同。 十三年,晉侯使吕相絕秦曰 君。」按春秋時有兩費,其 齊乘》:「費城,在費縣 季 [原注]女叔侯對平公曰:「虞 友 姬姓也,晉是以大。」其一 汶 西北二十里,魯季 昭 陽 公二十六年「王次于 見《左傳》成 之田 南缑氏 | 殄滅 及 我 費」。 縣。 費

**庈**父。 季氏 夫,有 謂 而 謂 氏 齊湣 楚人 泗 邑。」〔原注〕《漢梁相 之 功,封費 上 在子 十二 對 後  $\pm$ 曰 頃 而 思 , 因 諸侯 襄王 魯、 僭 時 以 稱公者。 ,滑國之費 爲姓。」按隱公元年已有 者邪? 有「 費之衆臣甲舍于 費汎碑》云: 鄒、  $\sim$ 費、郯、邳」, 魯連子》 其亡 「其先季友爲魯大 人矣, 費伯 襄 稱 殆所 賁 陸 疑 即 子 即 費

諸 計 費子之稱。 孟子》稱 必自據其 侯,不待三晉 仁 Ш 金 小 邑, 氏 蓋季氏專魯,而 或 曰 : 之君、《曾子》 而 如 始 附 費本 然,其 庸 之國 魯季氏 來 矣。 書 亦 自 漸 春秋 之私 亦 大夫之爲 矣。 有 以 費 邑,而 後, 君、

分 國 猶 而 季氏之於魯, 秉周 不 敢 篡位 但 愈 於 出 晉 君 而 衛多矣。 不 敢 立 君, 故 日 但

# 行吾敬故謂之内也

學得其 端 鄉 所 真所謂「告子未嘗知義」者也 自宋以下,一二賢智之徒, 教,至於搥 義之所宜。 心,以爲之裁制。 Ŧī. 達德」、「九經」、「三重」之事 生也。 刑, 而害吾道者幾希 人」、「敬尸」二事,皆禮之用 先王 其出乎身、 粗迹,務矯之以 故孟子 治天下之具,五 提仁義,絶滅禮 自 此 荅公都子言義, 加 道 親 乎 不 親之殺,尊賢之等,禮 歸於内 明,而二氏 民 者,莫不本之於 典、 樂,從 病漢人訓詁之 , 其不 流 於 置之不論, Ŧi. ,而「達道」、 也, 禮、五 此起矣。 厛 空 而 舉 虚 莫 服 異 此 之 酌 非

故言『義』者,合『我』與『宜』以爲一言。以董子曰:「宜在我者而後可以稱義。

日

知録集釋卷七

「我」,兼聲與意。此與《孟子》之言相發。此操之,『義』之言『我』也。」〔原注〕「義」字從

## 以紂爲兄之子

終也」,不言臣妻,「先王居檮杌於四 子貢之明,亦當聞 不言渾敦、窮奇、饕餮。 事上帝也」,不言后土,「地道無成而代有 此古人文章之善。 以 並言之,則於文有所不便,故舉此 紂 爲兄之子,且 以 紅紂爲 弟,且 以 以 以知二矣。 且如「郊社之禮,所 爲 爲君, 君,而 後之讀 而 有 有 王 書者不待 微子 以 子 比 該 裔」, 啟。 干。 彼 以

#### オ

人固有爲不善之才,而非其性也。性

降才」。是以禽獸之人,謂之「未嘗有才」。者天命之,才者亦天降之。〔原注〕下章言「天之

中庸》言「能盡

其性」、《孟子》言「不

乎擴而充之。 能盡其才」。能盡其才則能盡其性矣,在

#### 求其放心

心 問 存者非空虚之心也。夫仁與禮,未有 日 思,無益,不如學也」者,何其不同邪? 孔子之言「吾嘗終日不食,終夜不寢,以 然則但「求放心」,可不必於學問乎? 一人專心致志,惟奕秋之爲聽。 然後 而能 又曰「君子以仁存心,以禮存心」,是所 「學問之道無他,求其放心而已矣。」 明者也。 可以 學問。 孟子之意蓋曰:能 「使奕秋誨二人奕,其 一人雖 求 不學 放 他 與

之,雖 野」之方,悉「雁行」之勢、「原 知 亦 求者也。 必不能從事於奕。 一心 與之俱學,弗若之矣。」 以 爲 然但 有 鴻 知 鵠 求放心 將至, 思 注 而 此 」馬 援 未 融 放 弓 嘗 圍 繳 心 窮 棊 而 而 賦 中 不 射

#### 所 去 三

「免死而已矣」,則亦不久而去矣,故

日

所

去三。

## 自視欿然

其 下」,不敢自 得 自 百 視 人之爲學,不 里之地 飲然,則過人遠矣」,不敢自大也。 小 而 也 君之,皆足以 可 附之以 自 小, 韓、 又 朝 不 魏 諸 可 之家,如 侯 ()有天 自 大。

> 者非 矣。 至爲 兀 而 溝中」,則可 予將以 婦 自 故 帝 有 自 不 小 斯 無 被 則 小 道 謂不 非 堯、舜之澤者,若己 自 覺 小 取 大 也; 斯 於 自小矣。「自 民 吾見其 人者」, 自大,亦 也,思 同 天下之民 則 小 爲 耕 可 也 小 謂 稼 推 人之歸 不 陶 而 今之學 自 漁 内 兀 大 以 夫

#### 士何事

《管子》。〔原 嗣 職 無 之士,固 時,民之秀者 任 爾 多 萬 人 股 士、農、工、商,謂之「四民」,其説 爾。 民 肱, 千 五五 百 純 注〕穀梁成公元年《傳 武 乃 之 其  $\mp$ 收 中 曰 藝黍 作 之鄉序,升之司 百 不 酒 得 工. 稷,奔走 語》之 ゥ 飭 焉。 化 亦 書 八 大宰 云。 事 材 日 徒, 三代 厥考 一以 妹土, 而 始 厥 亦 九 謂 之 於

士,倘 肆,而 奉以 明 問 興 號 游 德之所 矣。」歷山 **茫無措手者,彼徒求空虚之理,於當世之事未嘗** 之學,合之則一貫,分之若兩途。 輕重,文者爲儒,武者 處 大抵 庶 養厥父母」,此謂 長 試 ,其猶近古之意與?〔陳庶子曰〕性命 而 召 士 伯 」,此謂農也;「肇牽車牛,遠服賈,用 或司民之牧,秉國之鈞 不察其風 天下之賢士」。 車馬衣裘,多其資幣,使周游四方, 日 皆 先王之法壞矣,彭更之言,王子 四 君 宜,才之所堪。 多,《 [又曰]蘇子瞻 川,但抒吟咏,而不考其形勢, 民 有 子 各 職之人矣,惡 其爾 俗; 齊語》言「桓公爲游士八十人 自 攬人才,但 爲 典 商也; 若而 鄉之法 聽 曰:「士不以天下之重 而戰 朕 人者,掩 ,俾之因革,委以 爲 肆清談、侈浮華、 有所 教 又 曰 俠。 有平居 哉 國之君 抑 謂 嗚 則謂之士者 「庶士有 閱井 弗彰,無 高言性 春 呼 遂以 **羣萃而** 秋以 調 疆, ! 而 劑 命, 失爲 自 與 但 親 不 墊 ± 游 Œ. 經 臨 觀 任 歷 之 州 越 孝 爲 1: 創 其 而 事 濟

> 肖; 哉 情 不 知 犯 徇 孰利,改革不知誰 夫士 時 陃 之好, 踵弊, 貽 欲 知 即 用 毒已滋 膠 舍 固 必 害,薦舉不識 成 Ĥ 忽然倡 迹,滯古之法,爲 勤 訪 問 建 始 自 其賢,廢 勤 申 訪 論 問 議 患 黜 **设** 不知 必 非 可 自 觸 勝 其 無 戾 道 人 不 事

#### 飯糗茹草

之日始。

依。 以 殷王 禹 能 所 縟之事 注〕干寶《晉紀論 宅天下之至 勝天下之大。 使人。 之聖也 由 者 而 小 享天下之大 周之后妃亦必「服澣濯之衣,修煩 乙使其子武 則皆農夫女工衣 其心不 及周公遭變,陳后稷先公王業之 而「手足胼胝, 貴者,必執天下之至賤。 舜之聖 古先王之教,能 敢失於 福 丁舊勞于外,知小 者,必先天下之大勞。 也 面 物 食之務也」。 而 目 之細, 黧 飯 事 黑 糗茹 人 而 人之 是 此 草 而 後 (原 以 其 後 口

冉 爲 社 皆賤者之事,而古人不辟也。 所 舜之耕稼陶漁、夫子之釣弋、子路之負米、子貢之埋 稷 有用矛以人齊軍 其 以 前 不 道 古 如 濟 人所 舜、禹 天 下, 不 辭 而 也 者 而 樊 平 爲 須 後 雖少,能 世 萬 有若三踊於魯大夫之庭 驕 世 侈 原 帝 H 注 用命,此執干戈以衛 甚,反 王. 一《朱子 之 以臣 祖 語 也 類 子之職 言 ; 馬 況

#### 孟子外篇

鐵 至者 法言 至 日 孟子》曰:「諸侯有王 也 論 一。」又引《孟 有矣,未有無 **》引《孟** • 紂貴 史 人不思之 修身》篇引《孟 記 爲 子》 天 伍 子 爾 被 子》 日 對 意 死  $\dot{\exists}$ 吾 淮 而 子》曰:「夫有 曾 周 。」宋鮑照《河清 於《河 南 禮 至者也。」桓寬 「堯、舜之道 不 若 王 大行 兀 安 廣 夫 引 人》 ^ 知 意 ^ 孟 非 德 注 揚 而 頌 子 鹽 引 遠 之 子 不

也。」《譜》云:「孟仲子者,子思弟子。」蓋

與

《荀子 **念**孟 <sup>《</sup>詩 引《孟 云 : 也。 記索隱 皆無其文,豈所謂 之,孟子曰:「我 書 天命之無 禄,得之若 氏 圭,十圭爲一合。」以及《集 圭」字下注 家 仲 篇。」《風 恐是「舜 處 訓 **》**引皇 × 孟 子 維天之命 子 土 **>** \* = 仲 **\*** 引《孟 孟子三見齊王 極 傳 日 子, 甫 生諸馮 俗 日 其生,失之若 序》引《孟子》曰:「今人之於爵 : 謐 而 通 孟 日 :「《孟子》: 六十 是 千 》傳引《孟 美 子 先 」之誤。 日 子 禖  $\sim$ 載 周 : **\*** 「外篇」者邪? 攻其邪心。」今《孟子 孟 曰 從 宫 之 孟 子》稱『禹 : 聖, 禮 昆 也 子 漢 而 書 仲 作 弟 也 圖 注》中 猶 不 其死。」《 子》目 書, ^ 學 藝文志》: 影 言 正 日 生 中 失 事 義 悶 暮 於 石 外 四 程 「原 形 宫》 紐 也 + 孟 一大哉 門 引 黍 《廣韻 子 《孟子 西 注 子 捎 傳 爲 所 人 ^ 篇。」 三《史 ^ 夷 書 疑 岐 引 引 梁 顏 人  $\forall$ 

孔子以授曾子,豈 託」,今因其僞而僞之,則益淺陋矣 蓋《孟子外書》趙 篇,以爲人性皆善。」是篇名「性善」, 題之謬,可直斷爲僞也。 掇拾子書中所引《孟子》逸篇以成文,詞旨淺 魯人大毛公,大毛公傳小毛公。」〔孫氏曰〕近刻《孟 孟子道性善、性惡當辨、性善又何辨乎? 人李克,李克傳魯人孟仲子,孟仲子傳趙人孫卿,孫卿傳 孟 毛氏取 〔原注〕陸璣《詩草木疏》云:「子夏傳魯人申公,申公傳魏 》四篇,曰《性善辨》,曰《文説》,曰《孝經》,曰《爲 軻共事子思,後學於孟軻,著書論《詩》, 以 爲 説。 邠 有孟子著書 卿已譏其「不能 則又有《孟仲子》之書矣。 王充《論衡》云:「孟作《性善》之 亦以「孝經」名篇之理? 非「性善辨」 閎 深,似後 《孝經》一 陋, 人所依 也。 即 子外 其 īĒ. 書, 且 篇

#### 孟子引論語

仁爲美。」「君薨聽於冢宰。」「大哉堯之爲君。」「小子鳴鼓載於《論語》者八,〔原注〕「學不厭而教不倦。」「里《孟子》書引孔子之言凡二十有九,其

傳於後者多矣,故曰「仲尼没而微言絶」。者。」又多大同而小異。然則夫子之言其不而攻之。」「吾黨之士狂簡。」「郷原德之賊。」「惡似而非

## 孟子字樣

變於魏、晉以下之傳録 體未變、《孟子》字多近今、「原注」如 亦不細矣。 弟」多作「悌」、「彊」多作「强」之類 智」、「説」多作「悦」、「女」多作「汝」、「辟」多作 九 經、《 論 語》皆 以 也。 漢 ,與《論語 石 然則石經之功 經 点爲 》異。 據, 「知」多作 :'「避」, 故 蓋 字

書用「邠」字。年以字類『幽』,改爲『邠』。」❶今惟《孟子》年以字類『幽』,改爲『邠』。」❶今惟《孟子》

北大鈔本作「改」,今據改。「改」,原作「故」,據張京華《日知録校釋》,雍正鈔本

0

「猶」。是知今之《孟子》又與宋本小異。酒」,「見且由不得亟」,並作「由」,今本作不会齊四筆》言《孟子》「是由惡醉而强

### 孟子弟子

東阿 子叔 未達 紨 也。 名 不 孟 爲政」以下,則孟子之言也。又曰:「告子 孟 加 。」又曰:「盆成 不 子就之,故曰:『異哉,弟子之所 子 害,兼 能 弟子:「季孫知孟子意不欲,而 伯、高子泗水伯、盆 而 學於孟 心疑惑之,亦以爲可就之矣。」「使己 趙 純 岐 去。」宋徽宗政 徹性 注《孟子》,以季孫、子 治 子,鄉 儒墨之道者。 命之理。」又曰:「高子,齊 括嘗欲學於 道 和 而 Ŧī. 成括萊陽伯,季孫 未 年,封告子不 明, 嘗學於孟子, 孟 去而 叔二人爲 子,問道 聞 心 學 也。」 欲 他 害 人 使

二等、公孫丑居第三等,萬章、樂正子、告子、高子居第 子去季孫、子叔二人,益以 注 豐城伯,子叔 吾不得而知之矣。 高爲孟子弟子, 議何獨贈爵不及,有不可 君之弟,來學于孟子也。」其爲弟子甚明,不知 年,從太常議,贈季孫豐 弟子列傳》二卷,今不 帝亡其玄珠,使離朱、捷剟索之。」注: 等,並軻之門人。」《廣韻》 丘不擇」,今七篇無其文,弟子與? 言,君子不信。 子門人。」不知其 盡心》篇「公都子曰,滕更之在門也 孟子弟子列傳》,書雖不傳,序稱一十九人,則未嘗依 抱朴子》有彭祖之弟子離婁公。 史記索隱》曰:「《孟 》出,乃始非之,世莫有從趙氏之説者矣。 又《 而 乘 [又曰]案班氏《古今人表》,孟子居第 廣 廣 陽伯、皆以 韻 韻 何 洲注 城 解者。 注 所 伯,子 滕更,適合十九人之數。 謂 詮 本。 子》有 傳 E. 離 至于《史記索隱》以 要爲 叔 0 又云:「 」字引《孟子》「齊 〔原注〕《淮 元吴萊著《孟子 乘陽 孟子弟子 」趙岐 其不謂 朱檢 孟 二人皆黄 萬章、公明 伯。 子 注: 討 門 吴立 之弟 南子》: 自 日 離婁,孟 宋 「滕更,滕 朱子《 故 夫氏 子 無 政 帝 太常之 公明 與? 和 臣。」 有 稽 也 「黄 四 之 考 朱 集 Ŧi.

子,而 爲然。 增之可 傳》一十九人,則 學于孟子,非質言其爲及門 不害,則趙注本曰齊人,未嘗以爲告子。 茅塞」之語,似 謬,未有甚于此者 子、叔高子,趙注、孫 咸丘蒙、屋廬子、桃應,趙注、孫 公孫丑、孟仲 等,徐子居第五等,餘不與焉。[全氏曰]樂正子、萬 子亦恐非孟子弟子,孫疏特漫言之,不知 弟子矣。告子名不害,趙注以爲嘗學于孟子者。 有高行子,乃子夏之弟子,厚齋王氏謂即高子,則亦 廟仍列之,殆 季孫聞孟子之辭萬鍾 害、盆成括,本不見于趙 小弁》之言,孟子稱之爲叟,則非弟子 ,是則謬之尤者 浩生其字,不害其名。 也,仍 朱注之去取是 子、陳 列 詔 乎師戒其弟,故以 此 而 似 也。 Ŧi. 未 仍政 臻、充虞、 Ē 人者,則泥古之過也。 疏所同,而朱注不以 而異之,子叔 也。 故相 至 與? 和 注,但見于 盆 祀 季孫、子 傳明世· 也。 成 典之目 夫浩生不害固 以 徐 括,則 高子 辟、 疏、朱 元吴萊作《孟 爲 中 亦從 叔 孫 陳 而 學 爲弟子,蓋以 在 本非 疏, 代、 曾經罷 矣。 注 他 增 孫 耐 孫疏疑以 祀典 所同 紨 爲 彭 圃 之以 疏 疑之, 是 非告子 《經典 今孟 朱注 而不 然。 亦 更、公都子、 祀, 時 何 氏 也。 但 滕 人,以 終。 趙 弟 以 若 而 浩 廟 亦 更。 序 山 季孫 爲 恐非 今孟 注之 不以 且 子 竟 即 浩 生 其 章 録 列 然 爲 以 其 欲 合 告 不 告 生 徑

> 子》,則又曰告子勝。 子叔爲子叔 (又曰)告子名不害,亦 疑,則 是 據朱 或有二名,否則 見 注 **國** 而 策 增 趙注,又謬中之謬 注 其 而 爲字也 《文選 ≫ 引 也。 《墨

适,嘗爲孔子門人」,尤誤。

晏子》書稱「西郭徒居

布衣之士盆成

#### 荼

 $\overline{Z}$ 茶與《周 而臭味别者,故荼與蓼 陸之異。 草。」依此,則荼與蓼是二物。 分者言之,朱子以其合者言之,非牴牾也。 也 之《唐韻正》。 誰 「茶,陸 謂 「茶」字自中唐始變作「茶」,其説 以薅荼蓼』,陸 茶苦」,苦菜 頌 前後儒者所見似不同。 》之茶 穢。 蓼,水草。 物 按《 而 一物,而 困學紀聞》:「茶有 有苦菜穢草之異。 也  $\mathbb{H}$ 草也。」「陸 ; 朱子《詩 有 『有女如荼』, 有 原 愚謂草木之類,有 水陸之異。 有隰, 傳 》謂 故竝 清 陳氏 獻 IE. 《邶風》之 舉 物  $\exists$ 義 水 日 而 已詳 茅 议 Ξ. 陸 種 有 秀 爾 肅 其 水 穢

今按《 同。 紫色者茶也,青色者蓼也。 注引《詩 同。 者爲青蓼,其長大不苦者爲高蓼。」此與王氏水陸二穢意 謂紫葉者爲香茶,青色者爲 苦苣 成。 謂荼苦,其甘如薺」,疏云:「此味苦可 菜、《本草》一名選, 名。」此二字皆从草从余。 茶』皆云: 但 驗玄圖 疏 ·苦耳。」又曰:「蔈荂荼。」注云: 水陸,當矣,但未詳茶之性 《月令· 茶者,茶委葉也。 而 子所 爾 釋 洲 按《 [》云,苦菜生於寒秋, 細、斷之有白汁、花黄 草》曰:「荼,苦菜。」注引《詩 雅 外,亦不著其形。 謂 茶, 辣 周 蓼,或 孟夏》『苦菜秀』是也。 茶」、「漆」字凡五 禮》『掌茶』及《詩》 茅 秀也。 即 蓼者 一名游 斯草,但 青 其味辛且 案《古今注 蕃虞蓼也。」王 茶。 狀。 蔈 冬。 不當以 亦 爾爾 也, 又 謂 苦,食之明目 經 似 紫者爲紫蓼,青 》云:「茶,蓼也 雅》「蒤委葉 見,而 曰:「凚,虎 荂 苦 冬 菊, 易 肅皆以 菜當 也, 「有 歷 緯 即
方。 堪食, 》「誰 葉 各不 之耳。 其 春 通 食之 女 爲 鄭 似 或 如 乃 挂 穢 别

> 是也。」又曰:「漆、委葉。」注引《詩》「 染 杖。」注云: 云『田 蜀人名之苦荼。」此一字亦 字皆从草从涂。《釋木》曰:「檟,苦茶。」注 非苦菜也。 也。 月》之「采茶」、《縣》之「堇茶」、皆苦菜之茶 以《 今呼早采者爲荼,晚取者爲茗。 云:「樹 云:溱,陸穢草。」然則溱者 日 赤。」疏云:「漆,一名虎杖。 詩》考之,《邶 此荼也。 [原注]《詩》「采苦采苦」傳:「苦,苦菜。」《正義 疏云: 野甚多,狀如大馬蓼, 小如 「似紅草而 陸璣 今《詩》本「茠」作「薅」。 「凚,一名委葉。 梔子,冬生葉,可煮作羹飲 Z: 『苦菜生山 • 谷風》之「茶苦」、《七 麓大, 原 田及澤中 从草从 有 莖斑  $\coprod$ 陶 王 細 蕪 注《 肅 刺 而 穢 得 説 余。 以 名 本 葉圓 之草 霜 此二 可 茠漈 草 詩 荈 以 肥

<sup>■ 「</sup>狀」、原作「壯」、《爾雅·釋草》作「狀」、今據改。

誥 是 而 門 《詩》、《禮》,而王褒《僮約》云「武都買 茅秀之茶也,以 秀穗 茶」,傳曰 也。 茅秀之荼 茶 方陳,白常、白 張 孫楚詩 周 茵 也。」 美,所 ?》「有女如荼」、《 》皆苦菜之茶 」、《考工 載《登成 禮 著 温 唯虎杖之「漈」與檟之「苦茶」不見於 ,茅薍之秀,其 謂 用 又 嶠 云 地 借 茶, 堇 「荼, 萑苕也」、《 也。 茶 都白 |表,貢荼千斤,茗三百斤」,是知 薑 記》「望 官》「掌茶」、《 而 實綏澤焉」、《詩 如 桂 爲 .旗、 飴 良耜》之「荼蓼」,委葉之涤 其白 也。 茶 菟樓》詩云「芳荼冠六清 茶 0 素甲、 或 《内 荈 物 而 毒之茶。 《夏小正》「取茶莠」, 語》「吴王夫差 出 眂 也 相 則 巴 ž 之,欲其荼白」, 而象之。 白羽之矰, 類,故皆名 IE. 儀 蜀」、《本草 濡 義》 禮 豚 • 桑柔 包 日 鴟 《 出 苦,用 既 二謂 鴞 茶 望之如 萬 × 夕 衍義 》「捋 薍之 茶」, 人 其 也  $\sim$ 禮 苦 湯 亦 爲 東 菜

伯

自 秦 人取 蜀 前 後始有茗飲之事

武都買茶」,注以前爲苦菜,後爲茗。 王褒《 僮 約  $\Rightarrow$ 前 云「炰鼈烹茶」,

後云

成風 大。 設茶馬御史。❶ 之法、之具 毋煚性 「茶」字 熊者, 非 》亦曰:「寒中瘠氣, 勾 福 獲益 (唐書 日之利暫佳 `賊破家。」今南人往 減一 時 不飲茶, 近易知 因 回 則 畫 尤 羽 紇 功 爲 陸 備,天 論 「茶」。 入朝,始驅馬市茶。」至 ,害遠難見?」宋黄庭堅《 歸 羽 著《茶飲 而《大唐 復廣著茶之功,其後 茶 , 傳》: ; 下益 力,貽 瘠 著 氣侵 經 莫甚 新 ₩, 羽 知  $\equiv$ 往 患 語》言右 精 序 嗜茶,[原 篇,言茶之原 飲 一於茶。 有 則 ,終身之害 Ė 茶 茶癖, 不 : 矣。 謂 或 釋 補 注 茶災。 尚 明 有 滯 闕 濟 而 自 代 常 茶 斯 茶 消 綦 此

明 據《校記》,鈔本作「本朝」。

0

賦

鹽

贵

壅

知 其 害 此 亦 攝 生者之所 宜 戒 也

鴚

賦》 鴄 史 鵝 慘 而 詩 弋白鵠 西 鳳 左 於冰 東 皇 京 傳》「魯大 鴻鸕 君子偕老》之「珈」、《東山》之「嘉」、 鳴 穆宗紀》「 謂 杜 爾 翔 賦 之鴚 甫 即「駕」字。 雅 於 鵠 連 七 蓬 駕 鴇 駕 作 鵝 夫榮 陼 歌 鵝 鵝 鴫 <u>\_</u>, 獲 駕 舒 兮, 鴻 駕 鵝 雙 太 雁 鵝 駕 前 鸍 鵝, 贵 玄 鶬 「原 屬 , « 鵝」,《 飛 鵝。」 駕 下, 司 經 玉 祭天 注 駕 南 鵝 」,揚雄 馬 ]古[加 • 玄鶴 注: 鵝 方言 裝》次 之 都 相 地 後 賦 能 如《子 並 ℃,《元 鵝 加 「今江 字  $\dot{\sim}$ 與 捷 鶬」,《 反 **→** 讀 鴻 雁 何 如 離 虚 上 鴐 史 鴇 張 自 東 哥 爲 騒》 賦 林 遼 鵝 駕 衡 韻 呼 歸

> 日 : 之誤 駕 未 山 「駕,音 詳 海 猶 爾。 經》 詩 或云 加 》「乘 原 今本 青要之 當 乘锅 注》《漢書· 作『駕 亦 」之誤作 誤 Ш 作 「駕」。 古今人表》「榮駕 鴇 是 多 也 其 駕 今《左傳 从 鳥 馬 者 鵝」, 本 郭 亦 傳 璞 多 師 寫 云 作 古

#### 九 經

唐、

宋

取

士,皆

用

九

經。

今

制

定

爲

Ŧi.

前 紀, 禮》、《公羊》、《穀 時,太常賀循 並 經 人。 代 不列於學官。 秋 儒 而《 通 道 「原 周 儒 荒 注义 禮》、《 未 傳 廢 有 梁 晉 Ŀ **>** 淡及 俱 學 書 能 言: 儀 者 鄭 杜 出 通 禮 荀 一尚 氏 聖 能 易 得 崧  $\approx$ 人, ^ 兼 皆 傳 失 公羊、 通 書 明 省 兼 典 》: 而 被 不 經 時 而 置。 義 符 簡 穀 義 學 歸 省 東 梁 者 又 經 博 之者 不 晉 多 少。 士 置 同 故 博 元 其 也。 傳 《儀 自 帝 Н. 歷 士:

武

宗

紀》「禁江

西、

湖

廣、汴

梁私

捕

駕

鵝

反。 月,置《周 敦 發端 所訂 親 周 謂 所發明,或是《左氏》、《公羊》不載,亦足 於漢朝 辭妙旨,無不精 今宜《周 上疏言: 。」是 其 難 、之衰,孔子作《春秋》,左丘明、子夏造 曲 Ē 準古計今,猶未 不行。 異 雖 禮》,鄭 書根源,誠 多多 置 易》、《儀 趣,宜各置 孔子殁,丘明譔 傳》 禮 「博士 而 臣以 則經 》、《儀禮》二經置博士二人、《 可采用。 旋 置 不 [原注]按《元 玄於禮特明,皆有證 禮 爲三《 博 行 舊 置 究。 》、《公羊》博 也 可深惜。 士三人,其餘 員十有九人,今五經合 一人,合八人。」太常荀崧 《傳》雖 中半。 人,以 公羊 唐貞觀 穀梁赤 帝 其所聞 紀 ±; 高 《儀禮》一 同日《春 傳 《周 》云:「太 九年 親 師 明年 其 徒 受子夏, 爲之傳 易》有 〔原注〕《易 **ਜ**. 學。 Œ 相 興 一月敕 秋 據。 月,王 經,所 傳, 四 遇 鄭 年 諸 微 厀 春 王 而 有 立 氏 九 敦

宗習。 於是下制:「明經習《左氏》及 《公羊》、《穀梁》始將 《左氏》者十無二三。 月 經該 量配 絶。 《儀禮》莊敬之楷模、《公羊》、《穀梁》 詩 許其人第。 記》文少、人皆競讀。 教 司業李元璀上言:「三《禮》、三《傳》及《 於本色内量 「自今以後,明經兼習《周 儀禮》、《公羊》、《穀梁》,並 業。 ,楊瑒爲國子 》、《尚書 備。」從之。 作 事資訓 今明 今兩監 業,并貢 **₹** 減 誘,不可 以此開 經 及州縣以獨學無 周 所 ?祭酒 《 唐 人預 選。」開元 習,務 易》等 並聖賢微旨,生人 勸, 書》: ,奏言:「今之明經,習 因循 廢絶 《周 又《周 試之, 即 在 禮》 禮》若《儀禮》者 開元十六年十二 望 出 請 禮》、《儀 其 日 四 請 年七月,國子 經邦之軌 身, 人通《周 量 學生請 習 海 帖 友, 加 均習 咸 + 周 四 優獎。」 禮》及 以《 禮》 通 禮 停 經 歷 則, <u>Ŧ</u>. 禮 £ 九 殆 代

學 干 乃 並 爲 典. 切 抱 而 四 列《 棄 日 禄 去 Ŧi. 主 廢 遺 經 衰, 之 經 議 之, 者 經 率 春秋》, 而 習傳 而 之 人材 天 義 出 蓋 扶 不 臣 下 有 身免 微 必 學 徇 H 尤 並 而 至 學 當 也 其 下, 存, 任 欺 爲 於 之 時 私 散 心 乖 三《禮 之士 君 非 不 意 自 官。 職 負 理 如 容 漢 遂 此 子 或 此 執 以 **\***, 舉 遂著 之 苟 苦 其 來,豈 莫 各自 歷 H 便己 急, 几 甚 故 於式。 代 平. 經 於 爲 而 不 相 之難 私 書。 家之學 今 此 知 傳 乃 用 之 經 古 習 之 之 經 經 今 人

禮

不

兼《論 之綱 修 存 皆不列學官。 治 者 易》、《書》、《詩》、《 領 禮 語 宋史》: 劄 ||>、《孟| 至 禮 子 元 於 \*: 祐 儀 神宗 脯 子》。 初 法 遭 己。 始 度 秦 復 用 數, 滅 春  $\pm$ 周 周 原 學 秋 安石之言,「士 注 禮 則《 官 左 禮 三是 ×, 傳 儀 時 樂 禮記 禮》乃 書 儀 先 朱 禮 文 壞 古 》、《春  $\simeq$ 公《乞 其 其 一各占 爲 經 秋 禮 頗

> 《儀 去。 來,王 其 義 已甚。」 雖 經 儀 原 禮 罷 皆然。 經 年二月 0 不行 注 有 禮 禮 去。三至: 旨, 記 祖 香 説 周 與 而 宗 》之科 安石 語 不 禮 朝 是 · 士 禮 且 耳 前 禮 順 類 能 禮 有 如 於 則《 記 天學 **》**言: 此 將 變 儀 開 猶 記 禮 儀 「原 明 傳 猶 並 寶 禮 亂 得 記 禮 儀 政 代, • 合 Ϋ́. 通 注 有三 棄 》增 》便 舊 着 蔣 以 儀 禮》 郊 盡 禮 」朱子 經 又 人《禮 超 0 科 禮 制 有 誦 去, 冠 特 請 禮 題 此 之 任 香 習 禮 禮 舊 言 亦 牲 請 記 春 學 廢 義 廢 傳 與 官 當 通 而 課 儀 × 》之處 秋 罷 遂 用 Ŧi. 禮 除 士: 傳 禮 知 禮 ^ 遺 乃 此 經 以 記 絶 之法 去 学究 》是 冠 儀 其 等 題 並 至 》便 自 本 脱 無 義 行, 經, 及 禮 説 燕射 13: (沈氏 宗 有 安 容 八爲之, 增 脱 **>** Ŧ. 等 議 冠 等 禮 定 石 末 諸 **[]**: 介 題 熙 而 》之類 義 記 等 科, H 篇 始 周 甫 介 其 寧 ₹, 獨 》是 春 題, 」康 禮 始 禮 之。 前 秋 禮 失 以 乃 存 部 全 莫 罷 儀 解

議 悖

九

切

<sup>0</sup> 明 代」, 據《校記》,鈔本作「今朝」。

脱 母等 題 原 係 扭 合 與 士子 學業 無 益 相 應 删 去。 以 後

考 止 將單題、合題 酌 出。」旨依

中, 其所 專治 聞 讀 空谷之足音,今時 建之政 未至,遂中 王氏 朱 書聲,人而 子又作《謝 學而 和 人。 獨 紹 視之,《 能爾,異之,即 先君 監 興三年進士 嶽 則 文集 絶響矣。 子 儀禮》也。 尉政 序》, 第。」 和 與 日 俱 行 : 以 在宋 歸, 田 時 謝 間 Ė 方 綽 勉

唐、宋, 禮 學官 寧 以 而 中 ,其存於後 德 也。 於 先生《儀禮 性 制 而 漢鄭 一安石 南 通經之士 度文爲 爲宗,學者便 此 渡 經 變亂 康 以 遂 世 成爲之注,魏、晉以 後,二陸 鄭 廢。 而 舊 無 切 注 無 制,始 不 句 鄙 其 此 疵 講 讀 爲 新 簡 者,獨 起 序》曰: 求 罷 末 易 法之爲經害 於 於 了**,** 事 《儀禮》 金谿,其 有《儀 此 然趨之, 賴 下,至 自 有 不 者 朱 立 熙

能 子 若,篤 害者二也 則 脱 所 經 師 監本脱誤凡二百餘字,并考石經之誤 注 家 + 意斷之,名曰《儀 天 大 君 正 勝 而 後 頒 塾。 \_\_-子 門 之道 義 餘字,作《正 徧者。 言 夫 簡一句, ,以爲定本,而 儒 因 以 徒 采 志 空 力辨 無 時 句 數 而 通 好學,不應科名,錄《儀 賈 虚 方 由 讀 治 百 制 氏、陳氏、吴氏之説,略 一妙悟 若天下之書 沿至於今, 多 以 以 作 人之情 欲修三《禮》之書, 非唐石本之尚存 自 故, 誤》二篇 得之矣。 之原 辨 之學。 擬 禮鄭 其文, 無 此經誤文最多,或 濂洛 能 注 者, 則 ,附於其後, 有 板行之者。 因文 夫子 皆 句讀》。 此新説 濟 而 坐皋 可 出 陽 終 以追 ·所謂 以 、身未 於 張 比 於 識 禮 之 又参定 或 而 阚 三代之 關 其 義 稱 爲 卒 子 讀 後之 鄭 以承 以 岐 藏 中 不 監 此 經 己 氏 稷 Ŧi.

三代之

而 據 者 英, 經術者之責也 姑勸 其 石 而 經刊監 不爲 辛 之以 有之 後 本,復立之學官,以 禄 歎 世 利,使 不 太 發 平之先 於 毋 伊 失其傳,此又治 Ш 倡 矣。 乎 習士子, 如 若 稷若 73

#### 考次經文

注 甚 明。 ,『愛者宜歌商』宜承此。」 日 禮記• 節,●當在「愛者宜 然鄭 此文换 康 樂記》 成 簡 大 , 失其次。 其舊文,不 寬 而静 歌 商 『寬 之上 至「肆 敢 丽 語。 静』 宜· 輒 更, 直 文 在 旧 義 而

蔡氏 成 》,最爲 亦 書・武成》 大 得 其舊 體 而 定是錯 别 序 一篇,爲《今攷定武 簡, 有 日 月 可 攷

其他攷定經文,如程子改《易·繫辭》

拜手稽首」之上。朱子改《大學》「《康誥 誥》「惟三月哉生魄」一節於《洛誥》「周 齊服明矣,不宜移易。 曰」至「止 王省惟歲」一 《詩》云瞻 天一 錢氏曰》《説文》: 必有 論語》「誠不以富」二句於「齊景公有馬千 地二 寢 衣」一 彼 於信」於「未之有也」之下,改 節於「五 淇 「被,寢衣也。 節 節 澳二二節 於 於「天數五」之上、《 蘇子瞻 齊  $\exists$ 必有 於「止於信」之下, 改《 曆數」之下,改《康 長一身有半。」寢衣之非 明衣布」之下。 書 洪 範 論

傳》改正(用[ ]( )表示增删)。二字,今録於左。其中三處字誤,均據《魏書·高允二字,今録於左。其中三處字誤,均據《魏書·高允十

→ 養魏崔浩爲司徒時,著作令史關湛爲浩信任,見養, 並求勑浩注《禮傳》,令後生得觀(王)[正]義。浩寶雖(著作)[注述]六經,並(名)[多]疏謬,不如浩之賈雖(著作)[注述]六經,並(名)[多]疏謬,不如浩之賈雖(著作)[注述]六經,並(名)[多]疏謬,不如浩之賈維(著作)[注述]六經,並(名)[表]疏謬,不如浩之賈維(著作)

《二南相配圖》、《洪範經傳圖》、《重定中庸 時五 矣》三篇於《王風》。 章句圖》,改《甘棠》、《野有死鏖》、《何彼穠 無復 之言」者矣。 辟作福」一節於「六曰弱」之下,使鄒魯之 鳴之什》,而下改爲《白華之什》,皆至當 駟」一節之下,《詩・小雅》以《南陔》足《鹿 書傳於今者,幾無完篇,殆非所謂「畏聖人 五官,互相 福」一節於「五曰考終命」之下,改「惟 可議。 更調。 後人效之,妄生穿鑿,《周 而王文憲〔原注〕名柏 仁山金氏本此,改「斂 作

(大學》之文元無所闕。其説可從。 之四章,釋格物致知,而傳止於九章,則之四章,釋格物致知,而傳止於九章,則二節於「子曰聽訟吾猶人也」之上,以爲傳二節於「子曰聽訟吾猶人也」之上,以爲傳

者、『鳴鶴在陰』已下七節、『自天祐之』一鳳翔袁楷謂:「《文言》有錯入《繫辭》

變化不拘,況六經出自聖人,傳之先古,非以明之矣。」遂取此十八節屬於「天玄而地以明之矣。」遂取此十八節屬於「天玄而地以明之矣。」遂取此十八節屬於「天玄而地以明之矣。」遂取此十八節屬於「天玄而地節」一節之重見,可

日知録集釋卷七終

後人所敢擅議也

#### 二九

# 日知録集釋卷八

崑山顧炎武著 嘉定後學黃汝成集釋

## 州縣賦稅

是 地 州 不 數 異 之轄 或 肥 真定已當 敢 六縣,登州之貧寡,一州七縣,相 也。 千石,真定 議 初 瘠 王 若 耳 草 + 不 性《 草、未定畫 甚 同 州 如真定之轄五 相 七 廣 止 蘇 北 遠 縣 志 之五 方也 十萬 繹 而 無 徵 一之制 曰 論 六千石 而 科 : 河 所 蘇 乃 天下 間 轄 州二十七 至懸 州 之繁富 而 即 糧 賦 其 其 絶 然 税,有 後 者 去 猶 百 廣 縣 相 輪 殆若 南  $\equiv$ 蘇 當 州 萬 之 土 北

省,漢 三萬 莛 也, 道 洮  $\equiv$ 外, 也 猶 <del>十</del> 耳。 累 亦 陽 言之,真定三十 小 一縣之衝 楹 乃 世 無定 兩 輕 各三十四,濟南三十,成都三十 而 順 田 而 六千。 四 里 郡 夫王 中二 相 重 以 順 慶 而 負 萬 外, 不 傳,民皆安之, 估 異 約 河 慶 郭 不 疲, 四 百 者 也。 計,不 州 間 糧 大 何 則 然 + 千。 若 十 制 易 糧 七 猶 於 其 田 里, 若 此 邑 知 萬 四 止 直 懸 以 保 絙 然 之甚 居 在一邑, 也 田 Ħ. 縣之殷 六 隸 絶 矣。 絙 寧 猶 民 西安三 以 千,保 萬 也 量 而 哉 各 山 其 以 步 0 則 漢 官 千, 道 東 不 計 轄 庶, 爲 惟 中 壤 賦 則 步矣; 寧 異  $\mp$ 異 且. 古 是 糧 成 無 視 登 同 賦 止 也。 也 州 以 然, 止 太 賦 定 臨 二萬。 州 以 所 平 數、私 一, 而 開 若 洮 若 乃 不 Ŧi. 西  $\coprod$ 岩. 轄 縣 萬, 封 日 在 在 南 自 + 起 有 州 州 口 充 然 均 口 臨 里 價 平. 覺 松 縣 大

慮

土

理

者,審 沿 若 之 之郡大者千 遼 殆 其 初 府 + 始始 也。 沁 之制 田 元 几 所 蒲 據 Ŧi. 直 也 鎮 之 之非,遂至二三 年 格 Ш 縣 隸 以 州 年 宜令大郡 形 几 江. 艱 而 之州 起 始 西之半。 ,嘉定之六 知 二、太平 勢 州 自 里,屬邑數十, 其 歸 臨 而 徵 分 多因 以 直 古 (小者, 江. 廢 爲 德 科 不過 軍 制 别 隸 則 止 萬 王 府 元 乃 統 爲 Ш 如 四 伯 年 至洪武二年,始以  $\equiv$ 州 舊, 或 百 西 縣 轄 徐 平 淮 ·之利 縣, 爲長者 里, 天下 奏日 度 百 郡 至 行 州 天下之先務,不 向 平 潼 邑 年。 於 省 漢 屬 1者矣。 陽 屢 輻 JII 澤 百 I 名數 初 無 陽、 里。」然 清江 開 之七 員 「原注 次 而 州 定, 縣 路 且 封 以 建 今尚 之 興 縣 可 不 界 日 言,皆 共 有 縣 化 崔 四 閻 則 能 至 轄 税 郡縣 不 有 儼 領 氏 縣 止 悉,奚望 · 銑言: 嘉 後之王 澤、 錢 日 暇 Ŧi. 九 四 靖 可 爲 郴 且. 然 + 宋 潞 縣 給 州 州 今 以 則 户 明 # 州 餘 紹

+

部

江

貫 隨

年,新 <del>-</del> 于原 免以 而 是。 木 九 白 也 産 地 則 苗 修 三十 無田 征 頃 四 額 認 又日 畝大小」、「州 丈 復 糧 米 武 年 輸, 之税 人 至 有 税 议 地 宜 74 縣原 之税 逃 河 奇。 頃 在 其 增 而 百 懷 于 而 有 内 册 萬 卒. 糧 愐 餘 編 增均 是清 地 奇, 慶 縣 是 無以 不增 九千 地 包 石 户 縣 漸 府 高 原 止 嘉 賠 縣 六十里,今併 荒 如 知 于 江 人 安 編 自 t 之, 靖 界域」。 此 而 府 煙 得 原 有 Ŧ. 則 户 安 + 百 顧 紀 此 額 税  $\mathbf{H}$ 也 土 偏 他 七 九 誡 之田 以 無 産 重 百 輕 地 縣 年, + 百 其 疏 閻氏  $\Pi$ 並 者 之利 己 二十 可 頃 九 汝 日 , 高 糧 在 益 爲 新 高 非 知 有 + 成 分 高 注 重 丈 其 安 安 餘 奇 几 案 灑之, 安。 如 附 愐 出 + 舊 里, 是 即 有 頃 下 無 清 先 ± 九 永 西 以  $\mathbf{H}$ 有 經 - 尤合。 今 此 江 怪 萬 生 夫 里 地 城 無 華 無 奇, 界 併 乎 得 糧 此 輕 六 實 縣 縣 税 税 既 懷 爲 T. 嘉 偏 之田 條 宜 他 者 增 原 志 定 説 益 慶 八 六 靖 減 縣 重 清 倍 地 之民 亦 + 見 1. 之 而 于 百 洪 減 兩 \_ 江. T. 皆 其 其 不 武 均 縣 不

Ŧi.

言 所 太 屬 祖 蒲 實 録 解 \* 州 洪 距 武 府 八 闊遠,乞以 年 月 平 陽 府

卷 H 減 類 里 輕 舊 +

明」 據 校 記 》,鈔 本作 或

0

四 行 省 爲 便。」 未 許 \_ 0 至 天 啓 四 年 巡 按

副 治 Ш Ш 兼 運 西 管 城 李 糧 日 以 宣 運 運 判 使 請 兼 兼 以 知 理 府 州 刑 事 + 事 縣 運 下 分 同 户 兼 文 部 清 河 · 户 軍 中 府 部 運

竟 下 寢 Ш 不 西 行。 Ш 西 「原 下 注 河 按 東 漢 河 河 東 東 郡二 下 + 平. JL 陽 縣 府 後 議 漢 二十

城。

魏

Œ

始

八年

-, 分

河

東

之汾

北

+

縣

爲

平.

陽

郡

謂 雒 之 欲 於 製 鍋 千 内 金 之裘 陳、 許 而 與 之 狐 於 謀 大 其 梁 皮 德、 巾 棣 且. 之於 此 商 所

府 濟 南 既 遠 ,潁、亳之於 更 添 可 道 鳳 於於 陽,自 是 有 古 不 府 相 之 統 地 屬 而 去 几

矣。 Ŧi. 其. 昔 司 仲 道 長 者 統《 了, 官 昌 愈 言》 多 而 謂 民 諸 愈 擾 夏 0 職 有 十 此 之 畝 共 由

而 吏 〈傳》亦 之 後 迫 漢 言 遠 州 馬 漢 有 援 曠 傳 制 野 **\***: 宰 不 守 發 既 矌 平 之 遠,  $\mathbb{H}$ 交 户 趾 П 范 奏言 殷 曄 大。」 酷

西

于

縣

户

有

三萬

三千,

遠

界

去

庭

千

餘

里.

宗

者

以

會

治

字伯門、太 許 原 之。』《 注 庭 Ш 華 縣 庭 陽 也 見 或 志 風 請 **\***: 俗 分 通 爲 巴 封 上 郡 溪、 太 疏 言 守 望 但 海 望 郡 「原 境 縣 南 注 ្ន

**令**、 北 四 尉 千 不 能 東 窮 西 詰 Ŧi. 姦 千 [X] 屬 縣 時 + 有 四 賊 發,  $\pm$ 界遐 督 郵 追

案,十二 日 乃 到 , 賊 已 遠 逃 蹤 迹 絶 滅 其 有

究訖 犯 罪 逮 繩 捕 憲 證 未 驗 加 文 或 書 遇 詰 德 訊 令。 從 春 是 至 以 冬, 賊 盜 不 公 能

行,姦 史行 部 宄 不 不 到 絶 + 縣。 太 守 欲 行 請 農 分 桑 爲 不 到 郡 四 \_ 縣 其 後 刺

遂 一爲 巴。一 水 經 注 **\*** Щ 陰縣 漢 會 稽 郡

稽 也 0 至 難 永 建 求 中 得 陽 分 羨 置 周 嘉 遂 上 以 書 浙 江 以 西 縣 爲 遠 朴

東 爲 會 稽 此 皆遠 縣 之害 已見 於 前 事

荅言 往 也 晉 臨 陽 北 水、武 齊 路 書》: 由 安二 是 郡 赫 縣 連 大 去郡 子 問 悦 所 除 遥 不 遠 林慮 便 Ш 守 嶺 子 重 悦 世

九

守 近。 民 楊氏 其能 疾苦,不 車 日 世宗笑 〕幹,郡守所 步 不 艱 敢 徇  $\Box$ 難 以 於 食于郡 私 私 若 卿 潤 而 徒 東 者 負 計 知 屬 心』。」嗟乎,今之牧 民之便者,吾未見 子 便 魏 悦 民 郡 7,不覺 荅以 則 『所言 地 損 平 幹 路 大

#### 屬縣

其

〈人矣。

過 憲 取 安之效不可 州 + 地 ', 河 宗 十縣者。 而 十三,鎮 理 鏡 元 自 中、 志》 古 和 也 郡縣之制, 元 太 屬 州 見於前 縣 年 但 此 原 其 其 之數,京兆、 桂 割 中 大 州 府 屬 事 一二縣之郡 小 各 各 惟 東 乎? 相 十三, + 唐爲得 川六州 維 河 後代之王 多 其 魏 其中。 南二府 寡 他 州 亦 制 有可 相 + 雖 曰 等 大 四 猶 今攷 并。 口 均 無 廣

> 將懲 議 疆 前 以以 一設都,蓋資共理。 事 難以 楚益梁; 宜 有 銷萌 變通 宋氏之規 心。此 在 <u>;</u> 形 防 雖 束 而 壤 時 割 不 紊 制 荆 之言, 爲 亦在 故 郢 亦 賈 稍 經 生之 酌 均。 邦 於

#### 州縣品秩

漢

時

縣

制,

萬

户以上爲令,秩千石

制郡之長策

也

下 舊《 唐則 六百 時 品 而 自 中、中下、下六等,品各 久,户 刺史之秩視之。 羈縻州外,有雄、望、赤、緊、輔、 是 唐 中 也。 書 石 州 州 П 刺 有上、中、下三等,縣 《唐會要》: 地 H 史 減萬户爲長,秩五百石至三百 殷 理 宜以 志 人, **/**唐 Œ 四 實則 開 六典》所 四 萬 元十八年三月十七日 品 户 以 上; П 户 有 己 云 П 下 Ŀ 差。 二上州 上、中、下八等,見 多 州 爲上 寡,分爲 刺 有京、畿、 〔汝成案〕唐制 史一 刺 州二 史 人,正 勑: 上、中、下 萬 人,從三 Ŧi. 太太 儿 石 Ŧ. 新

至

著其 上。 志》有 上,下 别勑 中下、下 員。」「主簿二人從 北 耐 中 原 史者,亦爲上 上、中、下三等,税 州 E. 爲 云京者。 爲上 秩 縣,令一人,正七品 , 非 中 都 、晉陽,令一人,正五品 人,正六品上。 則 則 又「丞二人從七品上」條下注 説 諸 同 州 以 赤 州户 通 唐時 六也。 云。 州下縣,令一人,從七品一 州,二萬户已上爲 Ŀ. -六等, 制 示 晉陽、太原爲京縣。 畿、 攷《六典》云: 州 也。 不 滿二萬户爲 有 都 緊、望、次赤、 州、王去任 滿 蓋 京 又「萬年長安」條下注 太祖 第《六典》成于是 督及畿 縣 本 諸 七 萬 明 諸 者, 實 此。 品 矣。 上。 州 下 内 「萬年、長安、河 Ŀ 糧十萬 後仍舊。」 何以 州。 録 上縣,令一人,從六品 州 上。 中 次畿、 不 先 諸 條 並 州 十七年巡 知 生所 州中下縣,令一人,從七品 其 下注 京 可 岐舛若是? 下。」是唐 八六雄、 新 上、中、中下、下 兆、河 其親 Ŀ 時 是以 云: 吴 Z 石已下 志 州。 云 : <u>-</u> ,則云中州三萬户 縣 元 皇 何  $\pm$ + 陵,又以 南 南、 有京、畿、 刺史之尊 皇 緣邊州 「開元十 任中州 ·望州、 時 年, 以 朝置 洛陽、奉 遺 縣之等有 太原諸 至 朝 . 爲 去京 縣, 定 京 京 奉 Ļ -十等, Ŀ 上 縣 下 縣 暫 萬 輔 先 縣 則 縣 縣, 先、 年 諸 中、 置. 丞三 升 同 户 等 州 故 有 太 以 置 新 州 無 已 京 **令** 其 刺 及

> 調 品 道 秩從 爲 十月,定考劾法, 品 上,縣以 月壬辰,分天下 從七品,丞簿 萬 知 上者爲 邊 簡 前 中 縣 ,主簿從八品 石已下 方衝 四 府 從六 但 三萬 7,秩正 上府, 品。」〔原注〕不知何年始改此 古 要 立 品, 時 (者爲 石 爲 繁簡 以 列爵惟五之意,遂盡亡之矣。 府 中 四品; 縣 繁,不 秩 上 如 以 縣 三萬 丞 之目,才 從三品,二十萬  $\mathbb{H}$ 府 親 中縣之秩。」「洪武六 糧 從七品,主 及 臨 知 爲三等,糧 + 十萬石已下者爲下 此 王 縣 Ħ. 者爲 府 石已下爲下縣 萬石 優 上 正 簡 可 七品 者 已上,州 薄從 軍 調 制。 後 二十萬 馬 繁,不及者 守 石 乃 縣 洪 以 八 禦 Ë 武士 七 丞 品 知知 萬 路 年 齊 下者 石 正 ; 四年 當 石 其 縣 驛 以

府

漢曰郡,唐曰州,州即郡也,惟建都之

創

業

揮

麈

中

成

都

真

都 長

陽

興三 雒

爲 州

七 爲 興

唐

也 希 府 魏

後

烈

傳

魏

州

興

元

也

 $\pm$ 

Ŧ.

州

爲

益

州

爲

以

并

州

地

乃

E

府。 府 以 江 定 年 **\***: 原 升 録 請 梁 爲 武 府。 江 注 至 德 陵 成 爲 府 以 中 大 宋 俊 鎮 > 僭 以 陵 太 曰 河 書 名 都 宋 稱 府 宗 號 州 皆 州 舊 汴 興 南 省 : 府 趙 唐 原 以 府 是 唐 行 爲 奏: 爲 元 府 州 Ŧ. 而 汴 書 創 恒 府 初 爲 德 爲 歸 太 真 幸 爲 州 業 本 州 又 大 肅 次。 上。 IF. 宗 德 祖 定 爲 於  $\mathbb{H}$ 興 開 爲 請 郡 宗 玄 京 朝 大 悦 府 皇  $\pm$ 府 真 李 以 中 其 此 封 都 梁 傳 宗 之 以 多 兆 定 納 興 梁 後 Ŧi. 帝 府。 長 府 \* 地 府 府 稱 岐 初 升 其 以 安, 州 以 原 河 爲 齊 鄆 宜 朱 州 蒲 升 舊 是 餘 爲 注 以 歸 E 爲 後 南 應 升 魏 以 州 滔 則 爲 州 京 皆 府 興 德 在 博 唐 爲 鳳 以 自 天 册 以 兆 爲 鳳 Ŧi. 東 建 爲 翔 州 稱 軍 府 府 府 以 元 经出 府 府 Ψ. 翔 河 賱 府 冀 稱 王 元 都 節 州 爲 魏 府 之 唐 爲 府  $\pm$ 府 龜 府 中 上。 爲 明 之 武 度 上 州 府 首 者 錢 悦 范 載 府 使 清 爲 地 惟 荆 氏 后 合 鎮 河 今 僭 李 陽 稱 宗 宗 升 儲 爲 宣 欽 即 州 氏 防 昇 升 原 Ŧ  $\equiv$ 錢  $\Box$ 嘗 宗 安 嘗 和 , 升 德 位 爲 71. 禦 壽 府 景 氏  $\mp$ 日 政 或

爲 慶 儲 德 爲 元 自 延 使 建 州 建 升 和 安 府 政 儲 軍 岳 鉅 年 定 人 爲 錢 年。 六 升汝 端 安 和 府 州 年 繼 壽 氏 六 鹿  $\mp$ 升 遂 州 爲  $\Box$ 春 防 太 月 錢 郡 年 建 陰 以 建 以 哲宗 宗 爲 大 建 E 禦 府 錢 公, 儲 業 齊 錢 觀 邢  $\vdash$ 邢 肇 太 使 氏 以 寧 紹 E 爲 元 日 州 州 又 州 上 前 É 慶 晉 府 錢  $\exists$ 年。 詔 興 爲 江 知 爲 民 已 元 延 Æ 以 府  $\mp$ 元 潁 祐 加 興 寧 H 信 岳 年。 董 康 升 安 真 即 州 錢 四 討 德 府 政 宗 德 州 世 定 年。 郡 位 王 氏 錢 和 今上 軍 論 爲 府 孫 多  $\Box$ 中 州  $\mp$ 以 氏 六 英 升 徽 順  $\Box$ 勰 進 興 升 壽 爲 年 紹 宗 岳 時 以 宗 神 并 昌 進 狀 興 儲 中 重 王 宗 州 邢 建 升 府 以 州 以 卅 和 言 建 Ш :宗 爲 州 以 康 端 升 0 自 齊 爲 王 元 儲 府 年 年 英 英 岳 建 州 潁 州 以 太 已  $\pm$ 延 錢

年。 爲定州 宗嘗 初 州 江 寧 府 軍 陽 爲 陽 地 思 風 防 軍 或 爲 府 襄 軍 於 , 止 再 又嘗 地 神宗 禦 節 均 爲 陽 公 是 隆 地 高 加 英宗 山 也 使 或 度 東 府 召 是 姚 居 興、 討 改 使 爲 嘗 高 公, 邑。 平 衝 歲 升 博 寧 祖 要。 仁 論 「原 光 爲 嘗 寧 軍 陵 + 時 睦 州 以 朕 並 宗 或 或 安 爲 爲 節 注 故 先 巡 月 州 爲 升 均 高 以 官 嘗 吏 州 皇 公 度 撫 隋 常 興 陽 爲 爲 州 歷 真 氓 觀 州 爲 又 皆 煬 使 郡 試 德 寧 以 遂 府 爲 庶 帝 宗 慶 量 察 刺 詔 所 軍 赦 諸 昌 武 光 大 ; 以 才 爰 嘗 基 使 史, 或 以 境 授 業 又 屆 府 軍 當 鄆 州 爲 内 公,  $\pm$ 又 九 職 列 兹 以 以 以 軍 州 爲 死 化 年 襄 邦 嘗 聖 太 罪 皆 今 升 宜 斯 ; 光 安 詔 此 爲  $\pm$ 爲平江 己 膽 遠 宗 潛 以 H 徽 前  $\Xi$ 慶 州 州 東 111 F 望 代 故 潛 即 嘗 宗 爲 州 升 邸 平. 爲 軍 郊 升 給 博 以 嘗 位 爲 藩 德 慶 堰 襄 所 府 爲 郡 復 渞 陵 之 睦 鎮 爲 遠 擁 哲 安 懷 慶 州 領 故 冠 昔 ;

德,本 本 本 州 陳 本 南 異 統  $\pm$ 州 靖 元 不 或 嘗 旧 事 原 越 州 縣, 初省 永 曹 衡 邛 列 大 , 特 公, 本 與 注]凡 府 封 州 興 州 空 日 觀 然 潞 宣 宋 ൬ 遂 軍 冗 銜 以 崇 異 升 紹 州 州 以 和 省 唐、 眉 寧 官,令州 先 而 或 興 官 年 寧 前 縣 便 元 崇 其 蜀 政 皇 朝 宋 郡 之類 元 和 年。 不 陿 加 寧三 和 涖 紀 名 州 建 年。 州 舊 年. 豆 恩 小 王 六 在 任 立 年 開 者 設 官 爲 年。 年 數 之處 之邦, 刺 元 府 Ψ. 德, 而 潁 之 也 矣。 兼 升 年。 崇 史 猶 州 江. 臨 昌 州 Ψ. 領 本 襲 親 而 遂 慶 安 追 慶, ^ 多 以 陽 本 慶 澶 本 錢 下 並 理 州 玉 思 洪 如 踵 府 源 許 蘇 本 氏 州 行 州 本 本 有 舊 武 民 勝 爲 照 滁 州 杭 州 H 縣 附 晉 兖 本 崇 德 名 初 或 州 州 令之事 郭 事 州 遂 新 沿 政 趙 寧 元 攷 有 并 和 縣 和 建 政 州 Ŧi. 豐 政 宋 其 與 寧 志 至 此 附 又 炎 和 年 時 而 和 最 府 縣 澤、 特 宣 於 郭 年。 年 有 日 六 州 異 州 八 所 詔 和 縣 尹 年。 年 河 升 者 年 不 謂 隸 沁 嘗 元 人 鎮 間 淮 府 親 無 至 年 名 則 州 府 江 紹 京 名 無 寧 興 民 封 徽 宋 本 存 以 郴 興 兆 事 之 郡 蜀 降 瀛 本 濟 實 州 浦 則

本雲州 慶,本 寧,本 寧,本 州 府 真 一汝 本 州 本 嘉 慶 州 潤 軍 定 并 宜 州 劍 定, 德,本 州 元 周 成 淳 隆 咸 府。」攷 節 州 州 年 州 元 又改 案》《宋 康 遂 本 興 熙 紹 建 淳 政 度。 改 年。 嘉 宣 咸 州 + 州 嘉 鼎 定 紹 州 元 和 元 建 爲 祐 淳 和 熙 州 年。 年。 六 州 元 政 Ŧi. 本 紹 唐 康 安 紹 年。 史 Ŧi. 年。 鎮 年。 元 元 慶, 鎮 興 和 府。 元 慶 興 乾 年 年。 年。 江 建 州 年 和 州 元 Ŧi. 元 道 德,本 地 復。 本 英 陵, 咸 慶 + 年 年 寧 元 + 元 理 慶 德, 今 淳 成 燕 舒 百 元 或 Ŧi. 年。 年。 建 и Щ 志》:「 云 慶, 曆 都 楊 州 年 静 本 順 嚴 本 炎 本 年。 本 慶 八 慶,本 氏 四四 江 州 本 本 英 忠 本 潼 寶 慶 明 始 宣 年 曆 本  $\Box$ 真 (慶,本 州 益 幽 州 成 川 年 州 元 崇 咸 改 州 初 八 定 州 後 州 州 置 果 慶,本 元 桂 淳 日 年 慶 置 咸 本 紹 府 乾 荆 年。 尚 州 鎮 州 元 真 淳 梓 邵 初 寶 煕 嘉 宣 元 道 南 州 次 有 年。 置 定 州 祐 和 元 元 慶 州 Ŧi. 紹 寶 蜀 真 府 江 府 年, 年。 真 漢 府 四 四 年。 年 元 慶 興 寧, 州 寶 定 重 嘉 定 路 常 年。 淳 仍 年 年 志 興, 慶 和 府 淳 安 重 煕 隆 木 瑞 之, 改。 年。 鳳 復 Ш 失 元 元 慶, 興,本 路 撫 紹 煕 昇 本 安 元 郡 翔 尋 年。 年。 年。 使, 雲 慶, 慶 隆 四 年 州 秀 太 唐 本 復 本 統 原 中 遠 慶 州 府 年 復 建 洪 建 德 遂 温 統 成

帶 太原 爲緊 平 平. 州 爲 禧 改 錢 德 疏 志 氏 定 原 + 異、攷 而 太 云: 江 江 氏 江 初 府 元 Z 府 而 注 升 府 原 州 升 年, 南, 南 後 Ŧi. 寧 考 雖 名 「太原 名 尚 惟 年 軍 軍 府 者 則 今云 異》云 志 復 復 宋 不 事。」《 實 額 有 到 云元豐 爲 又 注 異 則 爲 紀 仍 任 與 此  $\Box$ 府 殽 所 矣。 建 昇 與 昇 之 何 帶 此 建 繳 攷 炎  $\pm$ 州 年 云 河 州 矣 按南 府 憑 所 康 非 州 爲 錢 異 明 節 始 益誤矣。 東 置 者 必 次 疏 由 \* Z 年 清 氏 度。 復 名 合。 節 此 江 由 唐 州 竊 誤 府,大觀 此 所 改 度。 州 寧 度 志 建 ൬ 天禧 也。 以 條 云「太宗以 「當 建 而 都 已 轉 第 殊 節 升 下 康 縣 太 爲 其 云降 度。 府 嘉 未 金 在 志 元年 注 故 府 元 Ψ. 陵 之 祐 分 宋 宜 實 尚 年 4 興 云 顧 爲 蓋 曉 天 Ŧi. 初 以 仍 有 隸 未 大 或 氏 升 晉 并 禧 年 升 數 矣。 昇 餼 大都 觀 江 四 唐 嘗 於  $\pm$ 州 是 Ŀ. 宋 元 爲 錢 羊 州 年. 寍 元 即 年 距 管 州 江 建 鳯 制 高 氏 之意 爲 督 年 府 Ψ. 位 嘉 太 寧 康 皆 翔 宗 江. 者 升 攝 劉 府 祐 既 宗 開 凡 升 升 府 時 軍 不 江 繼 Ŧi. 於 與 亦 并 府 節 寶 則 元 也 府 數 體 則 寧 年 元 非 後 州 年 唐 州 在 度 八 既 府 統 降 宋 年 楊 由 復 V 天 所 爲 Ħ. 至

連 乖 城 數 + 者 析 而 二之三之, 而 以 州 統 之

惟 京 氏 曰 都 此 乃 即 唐 稱 制 府 也 焉, 贵 不 畫 而 易 遵 乎?

# 鄉亭之職

掌治 安亭長,失官。」是亭長 亭長主之。《史記 二伍爲什,什長主之。 亭,亭有 禁。」《甯成傳》: 是爲少吏。 石。 三老、有秩、「原注」《張敞 是爲長吏。 百官志》: 有丞、尉,秩四百石至二百石。 減萬 其縣 漢 「漢 長。 書 户 制: 〔原注〕《武帝紀》元光六年詔曰:「少吏犯 百 石 爲 萬 爲少吏,必 百官表》:「 、原注〕《宋書》:「五家爲伍 丞一人。 户 長, 秩五百石至二百 建 + 以 以下,有斗食、佐史之秩 亦稱官 元 以 什爲里, 上爲令,秩千石至六百 來侯者年 陵其 尉,大縣二人,小縣 也。 傳》注, 縣 長吏。」大率十 里魁主之。 +表》: 令、長,皆秦官 師古曰:「鄉 〔原注〕《宋 「張章,父爲長 伍 鄉,鄉 + 石。 里 長主之。 一人。 里 爲亭, 有 書 秩

> 舉民 游徼徼 者,嗇夫之類 老,與縣令、丞、尉 以爲三老,鄉一人。 方 賦 鄉佐 税,三老主教化, 百 年五 皆秦 里, 循禁賊 三老掌教化 其 制 十以 也。一嗇 民 也。」《高帝 稠 盜。 嗇夫主争 上,有修行 夫、 則 以 〔原注〕《宋書》:「鄉 · · 減 擇鄉三老一人爲縣三 游 事 , 訟, 游 紀》: 徼。 夫 稀 相 職 教, 能帥 則 徼 「原 聽 主 二年二 曠 姦 注》 復 訟、收 衆爲善, 能」縣 鄉 勿 佐、 宋 繇 亭 一月,令 書 賦 有 亦 戍 大 秩 又 置 如 率 È 有

代明 縣 自 漢 子》書曰: 産之倫 霸傳》: 原注〕三老爲鄉官,故壺關三老茂得 也, IF. 州 王之治 以 長 自諸侯 「使郵亭鄉官皆畜雞豚。」此其 下 所以 以 「擇其賢民,使爲里君。」而《周禮 有 下 治 亦不 鄙 有 兼并之始, 其 師、 黨 國者,莫不皆然。 正 越乎此 酇 長、 族 師、 里宰、 也。 而管仲、 間 Ŀ 制不始於秦、 夫惟 胥、 鄰 書言太子。 長 比 蔿敖、子 「原 於 長, 地 注 則 《黄 鄉 É

之 條 以 陟 長,五 之牧 之中 制 所 中 以 與 蕩 餘 人 多設之監 網 然後 ·, 給 初 倍 所 復 强 分 大督小,從 之一等。」孝文從之,詔 爲 之 復 謹 其 伯 治 在 由來 鄰 於 多 事 官 無 者 職 綱 征 有 中 立一里長,五里立一黨長 是 稱  $\Box$ 之 而 者 司 積 戍,餘若 李 久。欲使 不 算 存 海 況 有 備 鄰 尊 ; 沖上言:「宜 便 近 平 内 託 者 監司之又不 條 長 而 雖 累 及 安之。 及 均 之非 而 法 復 得 重 遠, \*, 且守令之不 民。 之 公 不 事 風 以 詳 夫, 紊。 人 廉 既 如 興 教易周,家至  $\equiv$ 者 後 居 勤 施 身之使手,幹之 訟 曰 然 里長二, 準古 載 足 至 周 平 乎 幹 行 : 息。」 後 蘇 無 於 之吏, 其 任 天 計 鄰 Ŧi. 綽 足 今 愆 上 也 史言 後 下之治 省昔· 家 里 作 日 則 ·; 長 任 黨 鄉 魏 猶 而 立 而 六 世 日 陟 長 黨之 太 立 取 不 下 重 見, 用 總 法 鄰 和 能 切 若 鄉 無 而 立

哭於東市 曆 言 之選 坊 氏 諸 運 都 其 故 之治,始 伯 黨 詔 Ŧi. 後 +使,其 八年 里  $\Box$ 州 督府,其 皆 自 Ħ. 世衰,「原注」《文獻通考》言「唐之初 日 有 族 書 連 爲 專 年,始 有 古及今,小官多者其 諸 九 間  $\exists$ 鄉 通 練 帥 後 Œ 志 使 月癸未,晉州 侯, : ,請獻三十 里 有 兩 則有安撫、提 後則有 於里 相 而 也。 以 載 京 里 IE. 非 有 盡 監 後 司 及 唐 其 胥 Ę 督 直. 罷 節 諸 統。 州 胥,終於天子,其 有 言『監』者, 字, 度、觀 察 之 而 縣 州 州 侯 典 天 男子 之 後 職 刑等官」。 郡 郡 隋 四 子。 而 郭 字爲 開 察、 有 之官 家爲 · 皆 郇 鄉 後 内 文 元 縣大 團 模 請 官。 分 有 + 由 帝 當 鄰 以 練 事。 爲 罷 《唐 道 方 諸 世 麻 此 師 坊 夫, 審 皆 諸 Ŧi. 鄙 使。 伯 而 辮 書 虚 其言 鄰 論 道 心 擇 須 郊 髪 有縣  $\mathbf{E}$ 唐 爲 監 變古, 外 各 宋之初 ,大官多者 之, 灼 止 連 善 代宗紀》: 保, 軍 持 『練』者 柳宗 百 爲 有 然者矣 帥 人, 使 竹 則 大 得 有 村 上、中、下 也。」「 筐 户 里 長 止 天 開 有 爰 爲 夫 元 葦 及 請 以 有 大 下 里 席 之 皇 至 方 而 鄉 村 沈 轉 相

塗 , 禁約 罔 注 不 日 由 此。 里 IE. 兼 楊 課 氏 植 農 曰 桑, 此 催 論 調 爲 賦 得 役。 但 恐 興 不 亡 得 之 其

人耳

掾吏亦 官 夫,治 祠 死 如 農 夫,不 爰延 民 自 又數凌辱 ), 其 愛我。 病病 民 桐 舒 歲 行尤著者,可 而治 桐 鄉 爲 漢 時 知 H. 子 君者, 時 民 外 鄉 祠祭,至今不 葬 死 郡 之, 今雖 ··, 豈 必 嗇夫之卑, 黄 嗇夫, 「原 之 縣。 其 葬 屬 鄉 欲 原 願 皆 其 桐 累 其子 我 重 嗇夫,仁 注 充者不過姦 擢 其 然 其 鄉 原注》 桐 選, 至大官 哉 縣 師 西 日 鄉 注 古 猶 而 一舒 人 郭 : · 絶。 **三**: 後 若 後 得 也。 化大 外, 故賢 漢 縣 猾 輩 我 錢 世 以 之 書 嘗 無 本 故 氏 原 民 子 才 鄉 自 恥之徒 無 謂 必 行 本  $\exists$ 注》《漢 爲 恒 共 孫 出 烝 舉 傳 易 出 桐 漢 官 身之路 嘗之祭。」 爲 奉 民 其 其 之三 地 脯 鄉 書 · 嘗 至 起 中。 而 但 職 린 而 吏, 大 老、 冢 朱 我 聞 安 地 郡 官 循 及 其 立 司 邑 嗇 不 故 能 方 縣 嗇 吏

民

不

佐縣令之治哉

年正 能改過者,許里老、親鄰人相保管,方與除之。」此 曾 泰四 婚 皆 分 擇 實 詞 而 等,越訴答五 懸法象 膀 書,小事 經 置 而 訟 民 録 田 上 例懲 年, 月乙 問 申 土 × 訴 徑 事 間 明 今代縣 斷 詔 不 治。」天 訴 涉 若 鬭 酉,陝西 司 高 「洪武二十七年 不 旌善二亭,民 書猶日 魏」之遺意也。 改 殿 縣 重 户 年 府,謂之「越訴 由 者 常事,里 里 門 官 婚、 者 老人公正 順 老 按 有 十。」此 始 八年 之前 察僉事 此 Ш 司 民 輒 即 之謂 有 赴 老 有 白於 宅、 大書 怠 於 多 月 F: 善惡則書之,以示勸 林時 此剖 惰 先 司 鬭 詔 可 有 越 官。」 盗 不 獄 朝 毆 四 言 任 」,是不 軍 決。 訴 牓 務 今人謂 賊 之舊 訟之繁皆由 者, 生理 事 月壬午, 日 也。 若 之家」四 民之家,有 「洪武 今亭宇多 者 : 者, 不 則 制 然。 原 不 中,天下 由 會 理 誣 許 字 注」宣 里老 多廢. 懲。 於 其 里 里 命 經 亦 告 於 爲 成亦古 此 老 有 胥 太 縣 古 鄉 其 盜 加 依 善 凡 邑 德 門 賊 之 處 祖 官 景 決 司 者  $\equiv$ 惡 户 里 +: 教

其業 門。 以 畫 而 一衣冠 後 後 溪 (,是以 蓋縣令之職 李明府 干 大 異 壞。 戈興 然 章 服 能 後 之 然 賦 延 L. 遺  $\Box$ 則 意。 不 或 猶 鳴 税 命 煩 琴戴 落 煩 惟 不下侵,而 百 圃 日 矣。 其 有 下 星, 無 大 餘 不 小 王 而 有 年 擾 事 之 劉 ·, 迄 小民 天下者宜 相 長 青 唐 於僖 卿 維 得 至 Ш 之《 以 在 大 詳 題 安 縣 有 昭 曆 要

以

處

之矣

弊

漢世之於三老,命之

以

秩

頒之

以

禄

讒言 年 其 使 設 御 威 於 立 福 德 人 民 勸 史 事 何文淵 民 如 「老人」,必 洪 變 肆 八爲善, 或 熙元 何 亂 上 虐 出 黑 輒 有 間 自 言 年 白 令充 鄉 閻 助 隸僕, 二、『太 ·七月 選 間 於 挾 應 争 年 官 或 制 丙 使 規避 祖 高 訟 遇 司 申,一 官 高 有 亦 上 吏。 得 差科。 皇 使 德 司 比 憑 巡 、衆所 帝令天 理 年 官 比 藉 按 斷 所 按 有 官 縣官 几 用, 信 臨 府 犯 下 Ш 下 妄 服 監 巧 不 多 有 州 者 張 縣 進 究 非 益 察

> 吏。」正 争不已者則己爲之和解,故民以老人目之。 政。 趙豫 并 輕 禁 按 問 約 而 一統以 和易 見於景泰三年十月庚戌太僕寺少卿黄 州 權 如 近 縣 後,里老往往 Ŀ 律 亦 民,凡 官 替矣。 命 皆 申 竊 有詞 寘 明 慮 「原注」《英宗實録 諸 保留令丞,朝 訟,屬老人之公正 洪 天 法 下 武 州 舊 縣 制 然 廷因 類 自 有 有 **》言**: 者剖 而 是 當時 濫 仕揚 此 許 里 用 松 之 斷 等 稱 所 老 匪 奏。 尤 爲 有 江. 之 請 爲 良 知 忿

府 選 者

加

已

茂,上 往 所 爲 以 爲 而 禮 稱 義 往 文 之者 老者 道 出 帝之詔,俾之各率其意 帝 書 於 發 明 1,多忠: 其 甚優, 近世之「老人」,● 喪, 戾 間 太子之宽,史 而 信老 是 遂 新 以 城 以 成之士  $\equiv$ 人 收 知 老董公, 天 自 册 下。 則 以 也 好 聽 炳 道 然,爲 役 壺 上 遮 而 民 於官 齃 賢 之 説 人 萬 漢 才 當 所 老 亦 H 而 世 王

0 近 世」, 據《校記 》,鈔本作「本 朝。

三: 〇 四

姓 願 靡 者 爲 事 之者 也 不 爲 其 大 故 與 抵 稍 太 皆 祖 知 姦 設立老人之初意悖 廉 猾 恥 之徒,欲 之人不 倚 肯 勢 爲 以 此 陵 矣 百 而

子。 或 則 患 女 政 陵 閏 多 謂之「公正」,或 包包 各言 名 少 、吉水二 或 十二月, 存而 息 洪 明 至 攬 武 初 + 然 詞 糧 實 中 以 餘 訟 長 未 縣 南 、亡矣。 大 萬 之害, 或 謂之「約 嘗 耆 把 京 户 以 石 民,六 以 監 持 爲 人 「原 是 察 官 謂 糧 E 運 材 」,與 長, 而 御 注〕今州 府 其 年 授 糧 罷 倍 史 庶 四 官。 至 糧 累 掌 人 收 李 月 縣 京 在 長 其 經 糧 安 監 至 官 或 也 禁 鄉 石 者 得 謂之「耆民 察 及 官 之 無 飭 惟 江 朝 德 準 御 異 賦 見 老 史 西 折 Ŧī. 而 税 其 人 子 張 廬 年 天

文 而 宗 集 大德十 特 第 賜 巡 七 檢,即 之敕 年 卷。 Œ 月 () (原 又定 古之游 升 巡 注 爲 檢 洪 考課 爲 武 徼 九 十三 밂 也 之法。 年二 洪 原 月 武 注 「原 T 中 卯 尤 元 注 史 見 重 + 御 之, 成成 Ŧi. 製

> 之於 與 各設 弘 增 年 裁 洲 而總 明 閏 檢 治 置 代累 十二月 總 未 巡 裁 以 督 督 添 來,多 檢 萌 添 則 辛卯。 總 唐 可 總 此 督 總 Ħ 四 督 乾 行 督 巡 大升 添矣。 + 元以 及 撫 裁革 治 ·有 江 兵 降 之於 後, Ŧi. 夏 也 備 節 相 所 侯 原 類 度 「原 E 存 注 周 亂 觀 一崇 注二二十 不 德 何 察、 禎 及 興 者 人楊 防 年 ? 曩 巡 禦 至 年 氏 使 時 視 薊 四  $\exists$ 巡 之設, 州 月。 之 福 檢 巡 半 保 建 自 遏 檢 Œ. 定

## 里甲

州 族 比 有 有 有 長。 常 師 長 熟 Ŧī. 陳 Ŧi. Ŧi. 州 族 比 梅 爲 爲 爲 日 鄉 黨 間  $\overline{ }$ 鄉 黨 間 周 有 有 有 禮 大 胥 IE. **\***: 夫 \_\_\_ Ŧī. 几  $\overline{H}$ 其 黨 間 家 間 爲 爲 爲 大 族 州 比 小

0

第其 之患。 令,舉 年 久 皆得以 而 名 遂 而 盡 小 之專,較之保長、甲 糾 誠 E 擇士之賢 謂 而 甲 之制 大吏 틴 其 之牌 誅 而 闊 儒 輕 而 後 長之人之未善 ,聘之以禮 若 邪 于 禄 捕 重 可 利 有 行 1魏子 位,立 不 事 善 亦 雖 而 統 僻兇惡,達之州 所 頭 保 則 自 然、欲 乎保 賞罰 者 保長 情 治 不 不 爲少矣, 相 兩 甲 得自 才、顧 能者 牌 可 屑 而 幣,告 漢 考 與 進 宜 者 長 知。 頭 而 安之矣。 績黜 如 後魏 則 專,必 爲 爲之。 + 也 卒 民 退 則 寧 是,非 長 惟 单 無 而攘劫之風 在更 鄉, 之以 以 庶 陟 人,又莫不 甲 而更 爲 故舉 以 其 而 民 之法 也 縣 鄉 爲 州 迄 化 使 效 州 之樸 大 欲 奏其 亦 Ę 勸 則 唐 倍 姚大令 縣 慮 行 之初, 儒 縣 分 非 懲,必 Ę 就 之盛 焉。 保甲, 得 若朱 之所 者 士之賢 治 而 直者爲之,保 百 事 保甲之法之不善,爲 不 稱 搢 展 之義 重 後 於 户 必 及功 息  $\exists$ 爲治 紳 其 可 子,名 得 且 其 , 分 明 朝 必 共 聘 心 能 事, 則 擅 感 漳 之初 行 廷 先擇其 議 石户 過 思 教 焉。 而 者爲今之保 德 也。 爲 捕 臣 得 慎 其 之基 才力 泉 己 使 畏 之可 也 之整其 若 著 其 Ę 素 不 其 而 略 額 夫 威 長 「, 則 遇之 自 便 責 稱 蘇 人,求之以 則 定 十人長之. 倣 甲 勝 《周 而 保甲之人 多 者 綽 在 而 其 捕 非 職 權 無 Ę 盜 員 隆 保長、 官 所 大 行 Ę 行 迁 近 無 其 不 則 哉 屬 頻 之 吏。 任 次 鄉 遠 世 甲 必 不 大 屑

保、

原

注

或

謂之都

以

保

治

甲

視

所

謂

不

调

得

乎

愚

故

爲

之説

曰

以

縣

治

鄉

以

鄉

治

:

色

目

繁

猥,又倍

於昔

時

雖

欲

不

叢

脞

其

口

欲

以

縣

令一人之身,

坐

理

數

萬

户

口

賦

税

以

加

矣。

而

要

之自

Ŀ

而

下

所

治皆

不

過

Ŧi.

人,蓋於

詳

密之中

而

得

易

簡

之意,

此

周

家

代良

法美意

也。

後

世

人

才

遠

不

如

古

乃

相

維

輕

重

相

制

緇

舉

目

張

周

詳

細

密

無

得 其 治 耐 州 縣 亦 無 不 得 其 治 今之州 平 縣 官 奉 大 吏之

無

不

照

善善

惡

無

所

匿

從

而

聞

于

州

縣

其

是

非

則

里

黨

行

之善

惡

有

未

詳

保

長

甲

長之所

統

近

而

人

寡

其

耳

H

治

也

州

縣之地

廣

廣

則

吏之耳

目

有不及;

其

民衆,衆

則

用

方

。」「沈氏日

〕保甲

- 之設,

所

以

使

天下之州

縣

復

分

其

甲

千

户

不

得

增

損

何

也

稽

成

數

也

法

?

妨

多

少

何

也

?

因

民

居

也

法

用

員

+

棋

酌

古今之

一端

也。」又曰

:

「一鄉幾保

Ŧi.

人

者

而

加

倍

焉

亦

自

詳

密

亦

自

易簡

此

著,藏 具. 閩、廣之間,山 爲,保甲之法宜 次其户,著籍察之,又日更月易,使注其出 劫之患而 者匿焉。 然行之不善,民間 今功令以 報于官 匿兇慝 E 驅之急,則 恐愚愚 保 甲 常臨 漳、泉、惠、 深 審 爲 頑之民未能若是紛 林密, 時 弭 E 以 度地 奔聚日 多 盜 兵役數千,不 病之。 首 往 變 潮 務 往 2通而 各郡 衆,其 兵 此 東 役 在 南 行之,但 人民,聚族而居, 所 爲隱憂甚大,又 14 能 紛 非 不 北 阻 得 不 能 憚 行 江 師 至 人、生死、 罪人。 之 湖 煩 其 惟 意可 也。 則 或 羣 有 矣。 濱 今欲 强 不 兇 瑩 遷 大 效 常 僅 亡 悍 徙 海 者 以 比

### 掾 屬

辟 故 謂 命 攷之漢 能 於 用 「掾屬皆郡人,可攷漢 之者 朝 知 古文苑》注 碑 廷, 皆然, 方之人情, 即 而 出於守相, 自 曹 不  $\pm$ · 獨 掾 延 以 而 此 壽 下, 爲 廟 而 世 之興 桐 不 無 用人之法」。 蓋 柏 似 非 利 其 廟 後代之官, 本郡之人, 除害。 碑》人名 時 惟 守 其 相

已,其. 史傳。 代之,宜 陽太守 籤 辟 對牛弘,以 首 官 自 世 石之職,州 大 鐔 人 煩苛,代二千石署 一年,罷辟署,令吏部除授品 奏辟。 置 猶 悦 顯 謝 爲 命 防 不能 然。 侕 河 餘 拾 曰 大 以 吏治因之大壞矣 具 捕 \_: \_\_ 全廢 熙寧 成瑨委功曹岑晊,並 至 而 遺 司 上 宋 僚 爲 盜 乎 鮑 於 農,和 史 則 皆 補 臣 也。」 間 重 往 事 牧 長 汝 宣 闕 由 課 任 者 代之,尚爲煩苛,今以 煩 悉 選 官 又其 爲 南 額 州 功 於吏部 罷 舉 自 帝問 而 務 惟 豫州 太 歸 志 曹 辟 臣 場 吏」。 日 置 變也 守宗資 選 \_ 之類 奉  $\pm$ 綱 不 部 在 是 官 牧 宋 涣 宣 紀 給。 知 爲 郡 初 然 以 尋 詔 故 是知署 銓 郡 州 自 郭欽 要 何 又 任 簡 謡 内 書 置 辟 郡 廣 注之法 原 V. 處 外 以 賢 守 達 功 掾屬 佐 漢 而 注 專 職 小 奏其 官。 曹 選能 爲 京 派 法 任: 吏乃二 職 太 隋 范 理 即 師,名標 聽 任 守 改 如 縣 其 天 齊、 文 舉 主, 主 滂, 長 帝 沿 置 時 子 舉 帝 寵 陳 於 開 邊 吏 魏 令 劉 千 錯 掣 南 13 簿 頓 寵 是 兵 得 之 而 炫 皇

乎,治 言 之法未盡泯于秦者,至 他 卒史獨 左馮翊 爲之,三輔縣 用 選人、改薦 者 郡 他 天下者 人。」「沈氏 三百 三百 ,房之 郡 漢縣 京房 石卒 石 在彼 ~舉,紛 有 傳 所 此 史 因 不在 則 丞 謂 日 請 紛 此 尤異者也。」及隋 二陳 兼 更易,盡 如 尉 乃 此 房 此 知 淳 用 諒 也 及 是 愐  $\Box$ 爲 直 他 漢 無 諸 云 破 郡。 魏 以 三輔 時 餘,卒等于秦之速 曹掾,多 私 格 郡 「隋氏罷 掾 弊 〔原注〕《黄 太 郡 屬 防 氏 得 守 杜 天下之人。三 無 任 革 鄉官,革 氏 以 用 不 自 選, 他 霸 本 用 請 郡 通 傳》『補 郡 白 盡 本 得 人 典 一,而 辟 用 郡 除 人 代

常君 言 大 豫 設 作惟 臣 都 乃 唐高 臣 人 以 樹 命 聞 理 后 有 宗時 於 傅 人。 定 王 王 説 君 主 魏 朝 昔之邦 曰 公,承以 \_; \_\_ 自 耳 玄 求 0 同 明 臣 國,今之 秦 爲  $\pm$ 大 佐 并 奉 吏 夫 天 部 各 若 師 下, 選 州 侍 長 天 英賢 不不 道 縣 郎 罷 侯 建 Ŀ 土 惟 其 邦 有 逸 疏

器,所 守。 至 既 人 既 衡 衆 之 ? 之權 如 得 其 用 魏 郡 四 晉, 乃 多 明 掾 行 今 U 來 刀 白 而 筆 史、督 爲 選 者 已 石 漢 道, 夫 直 紊 何 加 可 積 人 一, 亦 久。 以 始 已 氏 司 委 丈尺之量, 所 媿 失 水 所 宜 、擇官 者 量 下 所 大 歸 郵 鏡 之數人之手 當 不 彼 斯 寧 蓋 才, 之, 行 吏 其 廣。 , 力 至 清 爲 多 運 君 從 遷革,實爲 者, 部, 按簿 傅 ? 有 通 ! 獨 事 有所 子 身擇 又以 相 沿 非 子,悉任 遞 見 重 贓 亦 書而、 所及者 況 大 有 上 之 大 相 極 私 將 利 天 官 乎? 比 革 皇之令典 明, 循 祖 竭 下 之於 察 則 居 照 至要。 顧 而 襲, 啟 諸 其 行, 之大 蓋 漢 定 此 有 親 憚 假 牧守。 庸 侯 短 爲 以 以 任 卓 所 疏 改 法令之弊, 使 妄。 ; 得 置 及 窮 然 迄 作 而 何 時 平 +: 鍾 乃 之。 自 之議 於今。 舉 萬 情 銓 人 庾 以 近 爰 置 有 有 如 端 故 權 之 之 代 不 自 州 吏

掌 夏、 選 媚 命 觀 恥 難 也 亦 相 司 析 壑 看 一,擇言 公 其 爵 之日 賤 矣。 不 半 集 列 之於 勢 殷以 九 太 專 , 得 禄 諸侯之臣 淄 位 之 要 惟 天 僕 『慎 . 始 廢 於 卿 澠 撫 而 前 時 吉 無 觀 亦 Œ 祚 置 雜 面 即 措 簡 無 復 -<del>,</del> 行 士 霧 職 必 制 混 大聖, 事 怠。 情 司 乃 增 具 積 然 ,不皆命 度 猶 大 徒、 多 僚 玉 僚 矣 雲 故 多 此 夫 懼 諸 加 石 爲 比 闕 庶 屯 司 無 穆 則 耳 不 官 以 色 難 弊 屋 ^ 品 馬  $\pm$ 以 **令** 於天子 周 唐 分 有 人 厚 擢 口 别掌 周 專 尚 巧言 以 其 了, 用 禮 知 常 流 敘 貌 監 封 斷 以 伯 自 今 歲 員, 及 於 咸 深 興 太 僚 **�** 台 於 二代,焕乎 舍 ; 擇 使 後 一賢 終, 衷 宰、 屬 色 爲 王 去 人 以 下 以 百 之 無定 委之, 司, 詔 留 千 太 朝 ·
吏之 + 爲 險 内 行 便 滋 事 僕 計 庶 不 辟 得 有 其 史 如 九 īE. 官 限 文 口 並立 則 側 失 收 羣 道 能 谿 亦

旁求 品 參得 之州 之以 之體 況 所 鮮 者 Ŧi. 漢 憂 視 有言 是 小 歡 其 薦 於 論 有 衆 府 家 者 分 之意 當 士 敗 除 所 里 利 取 孝友,鄉黨服 티 : 也 任 蓋 尚 而 9字乎? 下 署 辟, 其 事 於 1: 品 猶 告 以  $\pm$ 官 也。 所 智 羣 至 品 之進 尚 Ŧi. 然 諸 命 察 謀 委者 魏 司 人之難 之 九 書 矣。 其 府 六 其 而 品 臣 宋 晉 奏之天子 舉 事 廉 大 當當 而 褒 其 煩 竊 其. 朝 其 州 , 反 者 統 貶 亦 之 先王 謀 而 誠 見 則 耳 ^ 是, 掾 郡 焉 之 未 令 以 信 也 周 後 制 所 屬 積 明,莫 以 猶 舉 事 詳 所 禮 書, 貢 言之尚 用 其 夫 數 而 人 謂 出 之王 失 者 以 故 始 委 每 人之身, 升 功 職 入觀 不 弘 慎 此 精 觀 令三 能 任 官 於 於 勝 多 庭。 各 聖 矣。 所 其 朝 姚 然 學 其 得 責 其 裴 自 舉 朝 能 品、 校 成 弊 其 志 子 後 其 子 求 所 側 居 公 野 新 爲 臨 且. 席 Ŧī. 而 在 論 野 君 其

之選。 得 慮 意 以 惟 不 之德業, 人 而 張 一, 特 納 周 賢 責 源 賢 耳 知賢, 取 爾 舉 潔,影端 今欲 采 隋 即 土之術 陳 人之庸 一多言 之敝 而 猶 餘之賓 望 不 能 務 聖 所 建 若 得 事 人 由 濫 略 用 久 斯,況 實 而 篤 表 客 不 臣 精 依 長 才, 但 IE. 論 厮 周 竊 詳, 之策,爲 口 顧 兼 以 役,皆天下俊傑。』 惑 望 得 .漢 身 不 鮮 神 宜 之。 魏、 릲 之規, 詳 且. 皇之聖 擇 於 舉 濫 晉之遺 無 其 差 伏 主 進 漢 舉 窮之基 失 以 願 一之行 明, 主 書》云 鑒 分 稍 風 疏 貴. 吏 或 流 П 部 彼 聖 奏 家 知

之難 其 資 吏 部 配 於 · 豈 職 尚 玄宗 無 書、 管 不 時 内 得 能 侍 賢 拔 張 郎 歲 (之實。 + 九 當 以 得 龄 選 賢 Ŧi. 爲 者 若 而 ? 左 授 刺 拾 使考才行, 今膠 者 史、縣 遺 也 以 上 令, 格 言 雖 條 可 必 知 得 夫 據 人

> 輔聖 傳》: # 爲 吏 流 擇 部 州 묘 令,非 德 渾 德宗嘗親擇 縣 獨 大 然後送 臣 不 殿 其 陛 當 一賀, 日 最 下所 選 成 京 則 宜 臺 兆 吏宰畿邑,有 無 此 JI 州 今日 帝 承 特 又 縣 大 京 加 慎 化 兆尹 之繁 擇 所 效。 71 職 焉。 舉 當 耳 矣。」〔原 召 求 宰 可 **\$** 陛 以 相 E 1 官之才 所 語 · 當 聽 注 用 皆 細 擇 賀 事 臣 多 柳 輩 帝 寡

渾

得

代 以

#### 都 史

之。 注》續 軌 書 冀 梁 百 傳 Ŧi. 五. 石 則  $\stackrel{>}{\exists}$ 派 都 漢 知 通 與 此 • 學 典 職 謂 左 百 職 頃  $\stackrel{\checkmark}{\sim}$ 參 生. 官 右 之 非 雖 志 桂 政 士: 丞 Ŧi. ×: 陽 求才,未臻 流 晉 要,非 都 總 劉 之所 「尚書令史十八 有 常 知 令史。 尚 爲 都 當 但 書 也。 世 臺 總 都 名 妙 事 舊 武 儒 理 令史八人, 秩二 簡 人,二 用 衆 帝 冀 宋、 人 召 局 詔 百 可 補 常 齊 曰 石。」然 令史 革 亦 輕 乃 以 方 尚 梁

以以 盡 時 彦。』乃 以 都 令史 視 奉 朝 請 其

當。

=

衛

流

慧 語 選 曉 百 重 曉 事 爲 之如 慧 石之秩, 日 吏部 曉 : 此。 日 曉 「六十之年,不復能咨都 郎, 任 而 「都令史諳悉舊貫 彼 間 吏部 己獨行,未嘗與 其 用 所 都 士: 謂 流 令史歷政 爲之。 都令史」者, 可 然南 語 以 令史 共 來,答 帝 猶 齊 參 懷 遣 陸 爲 爲 吏 人 執 慧

通

在

吏矣。

爲 之 部 職。 卑冗,不参官品。 郎 也 。」故當日之爲吏部者,多克舉用 自隋以來,令史之任,文案煩屑 「原注」《金史》: 皇統 八 年, 漸 X

吏,習 史。 定二 用 戊午,上 進 年二月甲寅, 夫儒 1: 其 爲尚書省令史。 貪 者操行 墨, 謂 字豆 至 於爲 清 復用進 潔 官, , 非 『女直進 īĒ. 士爲尚書省令史。 性 禮 隆二 不 不 1: 能 行。 年 可 可 改。 罷。」●《世 以 依漢兒進 政 吏 道 H 興 身 二十三年 宗 廢, 士: 者 紀 實 Ĥ 補 幼 由 省 大 爲 閏 於

> 則品 乎 ? 其言。 張萬公、 唐、宋以 及 賈鉉、孫鐸 省 今乞以 以令史官至宰 彌 《選舉志》言: 臺部 粘割斡特勒 來之所 卑 譯 品官 孫即 權 史、令史、 無者,豈 彌 子 康 執 重 「終金之代,科目得人爲 孫 董 者, 賈 非 師 及 通 因 八柄韶王,乃不在官 益 (終場 移 中、王蔚、 事,仕 謙 時 刺 制 道 舉 皆有傳。 宜 進 人 魏 馬 委 皆 而 子 惠迪 臺 列 以 平、 官辟 漢 於 至於今世 盂 法 Œ 、馬謀、 班。 浩、 爲 用 依 諸 梁 楊伯 F. 據 斯 宫 肅 而 護 者 則 納

是其 爲 爲 枕 直」。句,音勾,是宋人減筆字,今據 序,傳爲 當官 意。 而 腹 卧 舊唐 心,每注官 有令史缑 以 П 語 書》: 平配 實。」嗟 緱 直 爲著令也 「許子 直 乎,未若 ,多委令下 , (原 平配 儒 注 居 選 今日 新、 筆 册 部 由 舊 ·, 子 府 不 書 是 之 元 以 補 龜 儒 以 並 緱 授 藻 仴 īE. 作 之。 一句 直 失 高 鑑

以

終場

舉

人充。』《

李完傳》言:「

尚書省令史

Œ

隆 間

用

此。』《章宗紀

明

昌二年

Ŧi.

月

戊

辰,詔

御

史臺令史並

流

大定

初,

以

太師

張浩

奏請

始

統

取

進

士、天下

以

爲

<sup>0</sup> 年」、《 金史• 選舉志》作「元年」。

之弊 居 目 使之然 以 胥 史之權所 理 庶 也 事 則 以 開 文法省 誠 日 重 布 公 而 而 以 不 徑實清,人材 任 可 大 拔者,任 臣 疏 節 法

### 吏 胥

庸

而

狐鼠

退矣。

古 口 代之」。 故 郭隗之告燕昭王曰:「亡 是所謂百官者虚名,而柄國者吏胥而已。 懼 已 曰「臣作朕股 事之明驗也 乎 天子之所 ! 今奪百官之權 秦以任刀筆之吏而亡天下,此 恃 肱 以 耳 平治天下 目」,又曰「天工人其 而 |國與役處。| 吁,其 一切歸之吏胥 者, 百官 也。

每 宰 簿 相 籍 唐 i', 與 鄭 議 事 餘慶爲 内官典 與 光琦異同者,令涣往請,必 相,有主書滑涣,久司 樞 密劉 光 琦 相 倚爲姦, 中

> 銖者爲 僕射。 客。 陳是 史。 得 矣。」乃以事逐之。 納 餘慶 之君子有媿於唐賢多矣。 之,送知印宰相。 相 大臣,而 財 遇休假,有内狀出,即召銖至延英門付 賄。 及餘 叱 其 非,餘慶怒叱之。 四方書幣資貨充集其門,弟泳官 〔原注〕《唐書》本傳。 中書小胥,其所掌謂之孔目房。 涣 年八月,涣贓污 有「甘臨」之憂,「 處厚惡之,謂 慶再入中書, 事 ·, 甚 重 〔原注〕《册府元龜 之。 由是稍以機權自張, 曰:「此是半 久之, 發,賜 與同 未幾,罷爲 韋 係遯」之疾, 處 厚爲相,有 僚集議 復拜 死 憲宗 太 尚 ·裝滑 夫 子 則今 書 涣 至刺 身 爲 賓 廣 室 湯 聞 涣 左

今日者。● 上自宰輔,下至驛遞倉巡,莫不謝肇淛曰:「從來仕宦法罔之密,無如

❶ 「今日」,據《校記》,鈔本作「本朝」。

**=** 

法矣。 之; 是責 矣 年之成 而 而 以 吏治 胥 虚 一有不 下,則下之人 曹 大 文 規 卒 故 抵 相 之 以 不不 郡 官 所 栅 應 不 縣 應 奉 不 敢 振者,職 行 之 留 則 分 吏 而 者,不過 意 上 亦 毫 京 宵 政 之 不 瑜 官 此 旦 事 胥 · 得 越。 猶 之由 竭 曹 不 已往 口 蹷 又 以 而 切 也 乘 故 上 外 付 惟 之舊牘 一之人 隙 事 吏 H 之 虚 則 而 胥 不 既 繩 文 愈 曹 歷 以 應 LI 其

蘇、松、 胥算 官 詭 遷 爲 皆 轉 姦 又 紹 日 浙 不 也 興 常 江 然弊 人 或 何 爲 朝 可 知之 之, 孔 立法太嚴,如户部官 謂 蠧 目 有? 以 竇, 察秋毫 其 皆 地 今户 多 由 而 賦 吏胥 部 不 税 + 見 其  $\equiv$ 恐 堂 不 司 許 睫 口口 雅

州 言 縣 日 之敝,吏胥窟穴 先 「今天下 生 郡 縣 官 論 無 八 封  $\Rightarrow$ 其 日 建 中,父以 善 而 平 吏 有 葉 是傳子 封 正 建。 則 之

> 皆 身任 所 吏 院 兄 而 知 謂 無 千 其 吏 司 以 治天下之愉快孰過于此 里 養 之,則上下 之 是 所 事 爲 白 簡 以 書 傳 以 天下之大害, 萬 吏,以 矣。官之力 内之人,習 弟 把 虎 持 狼于民間者,將 其 而 掣州 辨 其 官 而 尤 而 而 其 縣 民 足 桀 自 之權 不 志定矣,文 民 以 黠 循 能 事 御 者 其 去 , 而 吏 法。 也 上 則 而 旦 又 之 進 有 昔 法 終 而 使 人 而 餘 人 盡 除 其 明 爲

營業。 逃 售 之,若不生事 以 官者 止 嚇 去 其 留一正 者。 Ľ 射 嚇 又《隨筆 慮數千 而 人錢。 射 尤安民之急務 大 副 即 要 供 端, 勒 又 人。 使 故  $\Box$ 之 在 何 應 餘 恃訟 省 以 役 一邑之中, 役 並 事 自 而 也 罷遣 省 活? 煩 將 恒 刑 六 有 事 苛, 七 令 不 宜 食 间 自 人 利 願 無 每 則 共 而 所 便 役 得 于

### 法制

鞅 然姦 遂以亡。 爲 日 Щ 振。」然 量書,日夜有呈,不中呈不得休息」,而秦 其丁寧後人之意可 慎。」又曰:「庶獄 政》之書曰:「文王  $\exists$ 天下之事無大小,皆決於上,上至於衡石 : 「居敬而 愚 治 法令如 也 僞 闇 法 舜舉十六相,身尊道 則 制 萌 之 太史公曰:「昔天下之網嘗密矣 其 法禁之多,乃 起,其 禁令,王者之所不 君 牛毛。」又曰:「君看燈 本 猶 行 在 簡 以 極 正 庶慎 爲 罔 謂 以 也 人心、厚 臨 未 攸 ,上下相 至矣。 (),文王 所 至 兼 其 何高。 以 于 民。」周公作《 也。 一罔敢, 風 庶言 爲 廢 秦始皇之治 俗 遁,至於不 趣亡之具, 杜 丽 秦時 知于兹。」 而 燭 子美詩 庶獄 非 른 所 任 7 商 轉 庶 故 以

使飛蛾密。」其切中近朝之事乎?

易俗 使之得率其意 令各率其 楊氏日 漢 黎 〕與任吏胥同 文帝詔 民 意 醇 以 厚 此 置 病别發,歸于不 道 而 文景之治 民 三老、孝弟、力 上 焉」。夫三老之卑 擬 於 振 成 所以至於移 耐 Ë 康 之盛  $\coprod$ 常 員, 也 風 而

無 操、吴權 交,人無間言, 寧歲。 諸葛 任 孔明 天下之事,固 法 術 以 開 以 蕞 誠心,布公道, 御 爾之蜀 其臣 非法之所 而 一,猶得 篡 逆 能 而 小 相 防 上下 康 仍 也 之 略 魏

也。 則 雖 夫 有 法 人從法,法 善乎 賢 制 叔 (者,不 繁,則 向 杜元 與子産書 敗 巧滑 凱 能 則 之 自 法從人。」〔原注〕宣公十二年 解《左》 之徒皆得以法爲市 用 曰:「國將亡,必多制 兴此 氏》也, 或 事 之所 티 : 以 法 日 非 而

前人立法之初,不能詳究事勢,豫爲

傳

ĮЦ

已 티 : 能 變 面 弊 更 通 「眊,不 而 革 此 之 愈 不行」,「原注 莫 而 多, 地 明 甚 也。」上下相蒙, 天下 復 後 於 立 有 人 之事 明 三語 承 法 之世 其 出 以 H 《漢 己 救之。 至 弊, 書 以 如 於 爲 董 叢 勾 拘 於 無 一仲舒 軍 脞 於 是 失 舊 傳 其 法 行 祖 章 鈔 究 制 愈 師 不 繁 也 而 古

事 度 削 不 大 收 而 ~源,一 之小 利 又 中 分 用 斂 世之人志慮之所周 藩 有 弱 吏 宋 而 葉 禁 以 雖 鎮之權,盡 ,以天下之大而 無受其大害,遂 地之守,皆人主自 然,豈 適言: 使之矣。」又曰:「今内 罪之微,皆 防 纖 有 悉 或 是 歸 , 特 () 哉! 家 於 與 浹,忽得 先 因 上,一兵之籍,一 畏 古 廢 有 唐、五代 人,是一代之法 故 異 人 法 爲之也。 而 人才衰乏, 以 而 用 外上下,一 待 威 智,自 法 之 之。 柄 極 欲 最 廢 弊, 外 財 爲 官 專 以 極

> 莫報 外 朝 皆 嚬 壞,貧 然 上 下 同 俛 爲 之患 寇 Ŀ 所 泛 首 甚 呻 而 所 所 獨 泛 也 奇 動 人 民 息,上 之才 。 皆 以 制 焉 當 臣 愈 聽 而 憑 命 而 上 無 不 而 於 法 陵 른 不 皆 告,姧 所 敢 則 羣 法 古 獲 而 獨 知 誣 F. 臣 度, 己 莫禦,● 百 盡 當, 之。 也 誠 不 人愈 備 年 ,人之志 面 利 與 之矣, 而 之 雖 又曰:「萬 事 矣。 也 得 其 憂, 讎 然 功 害 志 恥 是 日 百 不 夫 無 如 所 此 墮 年 萬 法 朝 獲 之 所 以 上下之所 之 之 里 之 伸 寄任,天 里之遠, 何 最 風 憂, 之遠 患, ? 密 甚 俗 昏 也 此 Н 然 而

事

立法以

救法

,而終不

·善者

也

亂 柄 倒 後 持 陳 世 亮 於 上 不 下 孝宗 原 藝 其 祖 書 意, 皇 曰 束 : 帝 <u>一</u> 五. 之不已,故 束之於 代之際 上 郡 以 兵 縣 定 財 禍 之 空

❶「外寇」,據《校記》,鈔本作「夷狄」。

虚,而本末俱弱。」

之文及 無聞 州、縣 弊。 不得 果 報 氣,蓄人材; 率不過奉宣職 下 ·便之。 有 爲季報,以 何 大 違 洪 有 者 時 明之時 輕重 政 枉 武六年九月丁未,命有司庶務 論 〔管氏 列 者 力舉 患 業。 ± 皆 從 獄 常 明 持 出 而 不 季報 曰〕明 御 囚 之時 明 清 盡 於所 録 議 之時言官争競,今則 史 即 變之,則 士多 , 今 則 之數 之時 防 明 按 依 俗弊 察 而 講 律 大臣 於理不得 敝 學,今則 司 類 矣, 使 斷 每 專 爲 生於所 事 糾 其 決, 權,今 科 劾 歲 初 聚徒 舉, 其平, 意 不 報 給 則 則 而 結 須 **令**· 事、 閣 主 場 而 社. 部 轉 凡 出 於 御 更 屋 者 更月 府、 督撫 , 天 起 養 策 史 發。 渺 皆 焉 他 ±: ±:

## 省官

令長,招還流民。 光 鄣塞 武 中 破 ·興,海 壞, 亭 帝 内 燧 笑曰:「今邊無人,而 人民 絶 滅,或 可 得 而 空 置 數 7,裁十 太守、

> 難以責 參議 治體 或 設 勝,不勝之極,必復增官, 者主於裁省, 添設添注署職之員,除錢糧重繁者照舊存留 今也文書日 十存一焉。」以 息,天下少事,文書 汝成案〕宋太祖詔 沈氏曰〕嘉靖 及官僚,屢見於 Ę 百 吏治之,如 廉。 知 與 通 其冗員 判、縣 元年 以  $\Box$ 則天下之事 十二月甲 此 繁、獄訟 丞不係 而 春秋素王矣。」以 「吏員猥雜,難以 知 重 史, 費,不若省官而益俸。」此言 省官之故, 調 額設者,悉令回 午,韶革 役,務從 而總之日 日 以多 而 必 ·冗官。 事不 求治。 將 緣 簡 --: 「兵 外 叢 故省 籍 而 各司 於 可爲矣。 寡, 俸禄 其 待 脞 爲之上 缺 少 餘參政 府 ௱ 至 革 并 鮮 取 州 薄 補 乃 既 郡

誅 以 細 事 苛, 寧 不 如 晉 謂省 宥 清 荀 小 所 勗之論 心。 事也」。 失,有好變常以 謂 清心 昔 蕭 以 也。 此探本之言,爲治者 爲 曹 「省官 抑 相 浮 漢,載 徼利 説, 不 者,必行 簡 其 如 文案, 清 省 静 事 其 民

此,可無紛紛於職官多寡之間矣。

## 選補

之謂 異, 民,而 游 是 擇 以 令者數十人。 相 人之陷穽, 異者,是以 徼 二,而耎 畀之初釋褐之書 以 其 尤異 獄 原 請 漢 百里之命 人之材 卒至 吏 注〕如 宣 也。 吏 秩 追 帝 白 弱 習其事 淳 於 而 天 石,又《循 捕 時  $\Box$ 自 子 無 年 而 付 是 有 「壹切 盜 能 許之。 害。 车 以 之 功 漢 賊 而 者 吏傳 效 更代,其弊益 探 闖 生 時 立立 於是煩 且. 無 權 者 籌 一,其 茸 縣 時 起, 居 不 左 上 投 也。 不 令多 勝之 馮 得 其 通 鉤 名 徵 材 翊 壹 劇 曉 趙廣漢奏請 八 尚 爲 張 有 之人,既 之區 患。 取 吏 切 九 三百 選 書 敞 郡 深 矣。 事 比 用 石卒 吏之 丽 者 今 調 拜 遂 之法 令長 輔 膠 不 爲 又不 + 則 補 史 以 尤 口 官 害 不 縣 尤 東 此 安

> 舉之, 非 振 吏, 矣。 則吾又不 宣 然漢 帝 得 時 而 之吏多通 識用之何 用之。 今天下 經 從也 紨 故 儒 張 非 敞 儒 得 吏 而

揚、患· 傳》: 鑑之 逮閭 高 條 爲 爲 來 鏡 里 己 日 聖人矣。 〕富平之爲此,一 不 掣 遠 陋 格 下,各有 可 「先是,大選外官,競爲請 矣。 巷, 翕然稱 籤之法 以 近 地 于慎行《筆 中人 聞 卻 索 各 此 非深識之士, 自 而 照 至於人 所便; 清 法。」〔汝成 有 不 處 圃 視, 託 所 於 時之權宜 誦 時 塵》言:「太 折 準 一才長 地 以 難 · 而 宫 衡 0 吏之職 烏 方繁簡 爲 於 案 中 知 口 乃 也。 不 (短,各 其 從 陳 相 以 託 知其 極 吏足 違, 如崔 鼎 傳 坐 付 哉。 而 丕 東 宰 揣 有 各有 之 揚 無 亮之停年, 非 大 以 富 林 矣。 古 創 也 所 選 於 體 所 爲 列 爲掣 人見 平 宜,資 傳 所 也。 外 籤 秉 至 孫 柰 從 合; 一公,下 籤 官 成 孫 或 杨 公 古 是 何 除 法, 且. 丕 掩 道 格 亦 衡 吏 不 以 氏 分 揚 LI

窮。 調 歸 事 初 主 陽 北 江 籤 丁, 其 用 簡 而 則 西 爲 湖 南 吏 拈鬮法,至萬曆間,文選員外郎 四 陝 然則掣籤不始於富平也,特分地至富平始詳 地 廣 廣 廣 京之廬 四隅。 ,部之有掣籤,自丕揚始也。」攷 西 解缺 西之柳 之鄖 H 東 議 爲 Ш 東 孤、或 掣 陽 西 È 鳳 北 州 附 籤 爲 則 、南寧、慶遠、 而 淮 人浮於缺,又借附 主 北 以 尚 陽 京、 廣 西 書 面 附 南則 西 李 以 Ш 之。 一之梧 河 戴 東 潯州、太平附之。 以 南 擬 爲 東 湖 州 之懷 行 Ì, 南 廣 倪斯 報 平 《明史 則 近之地 而 Л 慶、 口 樂、 南 以 惠條 川 京、 開 孫 桂 河 雲南 選舉志》, 以 丕 封 林 南之汝、彰 上銓 浙 揚 至 附 江. 通 河 云 一於起復 踵 政 籤 貴 之。 南 福 十 法 州 而 建 其 西 八 之 南 行 爲

夫 除 + 宋 寧家之 動 人 銓 涉 驛 政 主 數 政 和 南 費復 之弊, 苟 千 人 六 能 里 + 選 年 一,風 開 不 驛 南 詔 豈 可 誠 者, 土不諳,語音不 知 北 必 量,是率天下 布 九 縣 公, 人 如 百 注 選 此 則 選 里 北 而 自 也。 後 大 雖 此 爲 · 而路 臣 甚 昔 曉, 今之選 遠 至 以下至於 年 公 也。 而 無 舊 邪 赴 過 例 ? 欲 任

> 掌選 掌 選 以爲榮。」大曆十四年十二月己亥,詔 御 遣 中 東 曹 分人 必 京 元 途 儒學傳》: 使 二原 選。 選 官不 迢 在 朝 史 Ŧi. 兩 崔郎 停 同 於 也 品 都 遞 京 官 注 □高宗。 中 往 是東 由 分簡 雒 已 師 遣 「仲子陵,蜀人,典 河雒之邑,天 無 判官》詩 吏 原 注 州置選。 上 者。 御 不 注 擬。 部, 彊 都 史。  $\equiv$ 可信之人, 唐 明 留 新 委都 年 티: 原 清 書》: 掌 放 貞 是黔 八 注 至 選 既 觀 正 督選擇 選 〕杜子美有《送魏司 張 月壬寅 八黔中選 開 官充 下之中 畢, 元 中 也 曹 九 耀 而 分 年, 龄 同 嶺 Ŧī. 銓 元 補。 南 黔 爲 土 領, 赴 南 京 選之處,有 年 桂 選 中 敕 人 始 乘傅 使 京 師 州 使 閩 自 補 詔 以 者 都 嶺 穀貴, 師 過家 0 專 歷 今 督 下 直 授 關 東 南 兼 充 各 委 謂 仍 每 外 西 湘 領 嶺 西 南 令 年 上 閩 之 道 始 不 南 人 南

<sup>●「</sup>年」字上、中華書局校點本《資治通鑑》卷二○二

八

貴 取 弓 盡 此 勞苦,令轉 詔 按 是 廣 亦 江 事 知 曰 日 闕 察 参用 用 之, 日 清 : 江 多 並 嶺之人。」是江 選 知 選 其所 廉, 時 淮 川陝、 興元 歸 代 是 請 人 補 江. 京 吏 唐 選 宗 使。」 舉 舉 不 而 託 淮 不 部 人之法 師 爾 元 補 其 之門 即 能 運 選 今人皆 福 唯 而 知 寇 年 所 使 所 位 赴 舉, 司 74 建 九 也。 知 盜之後, 不 Ш 調 龄 立 改 徵 置 。」今之取 廣 而 仍 又 知 又 乃 1 貪濁 南 「原 格 吏部侍 峴 是 舊。 即 啟 南八路之官罷 銓 也 日 又 就 注 命 使 爲 嶺 受 ; 於 今之 天下 邪 注 建 南 荆 其 吏 滋 財 掌選 洪 炎 罷 之 郎 臣 部 江 南 + 之徑 免其 南 州 人。 議 旱 相 拙 南 節 以 渡 ° | |≪ 夫子 禮 往 也 者 蝗 , 始 於 典 度 掣 ^ 爲 赴選 部 洪 必 李 劉 知 任, 選 江 籤 詔 之告 贵 吏 穀 宋 州 以  $\Box$ 峴 福 滋 人,而 注 陵 部 唐 神 糊 迎 以 價 知 建 : 之, 傳 傳 尹 是 宗 選 名 仲 人 如 送 便 翔 尚

> 之法 者 上 正 御 諸 縣 開 縣 乎 其 戈 則 巧 年, **\*** 膳 Ŧ. 元 令,宜 ? 興 官 統 所 於 吏 及 九 太 E. 知 亦 治 澼 元 人,視 年敕: 諸 常 白選 唐 年 於是 司 而 不 墮 事 具 太宗謂 詔 在 舉 長 + 樂, 明 諸 能 其 「京官五 官 Ŧi. 京 廉 及 吏 可 政 試 守。 乎 内 E 品 臺 善 四 治 潔 乎 月 軍 坊 郎、 以 官 ... 侍 己 品 歌 公 赴 墮 밂 功, 贵 前 Z 有 妓 爲 臣 御 上 官 正 聲 已 則 任 若 卯 除 史 舉 望 上,外 日 責 各 F: 之 及 0 廓 百 者 吏 餞 者十 明 : 自 其 舉 或 賞 後 姓 于 然 敕 書 官刺 達 成 罰 刺 而 雒 子 大公, 畔 + 事 人 濱 效於服 并 人。」「原 韻 史,朕當 史、 監 爲 體 在 詩 沈 其 百 與 供 74 刺 賜之。 張 氏 翰 堪 使 京 所 姓 地 史 府 甚 林 任 官 人 爲 畔 不 Ŀ 注 盛 命 自 開 佐 之 院 御 品 **宣玄宗** 得 尺 則 有 相 宰 賜 選 元 各 相 堂 史 以 H 舉 4 宜 明 干 以 +

<sup>0</sup> 據 張 京 華《 H 知 録 校 釋 雍 IE 鈔 本、 大鈔

之。」夫欲 堪 各 上官、各 任 道 知 掌 縣 道 部 救 者 御 郎 今時之敝 史, 一人,吏 中 員 各 外 舉 郎 廉 必必 部 慎 六 更 如 明 科 加 此 敏 掌 詳 而 科 察 寬 後 給 賢 而 厚 事 擢 愛 才 中 民 用 口

九

降 車

П

得

政理

可

興

也

之所 之間 言 所 也 宜. 暑 糧 往 州 里 舉 īfīi 往 以 日 蔽 則 難 與 藥 必 後 抵 則 已 蠻 多 夫人民 至 曉 自 至。 選 觸 風 均 夷異 須 愁 74 霜 南 之爲 衝 則 居 舟 遐 舉 政 至 冰雪瘴霧 之鄉, 謡 易 波 域之處,或 北 歲 惕 權 則 債 吏,或 馬, 急狀、 月 俗 處 宫 互. 語 所 有 方 力 廬 相 歎 選之後,赴任 言習 期 中 寄 隤 之毒 得 兵 器 易 息 可 燕 州之人 械 曹 崖 到官 而 而 尚 多 之所 落 荆 引 伍 往 之務 思 被 在 越 而 石 歸 ൬ 服 己所覆 用 去矣。 侵 蜀 其 後 猾 其 飲 于荒 加 動 及 Ш 海 而 食之 變 胥 其 行 蛟 外 戒 故 難 壓 邊 土 之人 久 龍 水 萬 具 朝 不 遵 側 其 也 涉 風 里之人用 虺 汝 得 境 奔 ',沙 土 進 而 蜴 不諳 成 所 夜 專 動 風 也 虎 Ш 其 習 莽 案」曾 變 莫 情 氣 豹 品 數 Ē 之馳 精 之羣 候 更 不 于 難 海 安 思 千 語 之 # 得 寒 篇 聚 子

郡

其 與

政 典

修治 憂,而 察,而 廉 施。 長之所 既詳 (史以 他弊 先 以 相 鼻百 之倦 州 郡 明 居已安,所 説之變,利 輿 則 之人 遠 馬 見 具. 生 惠 亦 骩 以 與 宣 以 心愛者 端 論明 省 上 體之所 不 、凌冒之虞,無 私 奪 上恩 法 苟 如 何 遊 各 宣 則 必力,而 不 損 恩 重 Ħ. 不 亦 益 寶,非 布 代 用 盡 歲 選 害得 輕 決 益 有事之宜 出 之有 亦 口 養, 天子 于 而 心 月 可 互選之得 之幾 一害亦 事 平 遂 類 其 民 既 修 省 哉 其 失善惡之條貫,非 E 推 其 如 哉? 及下之仁, 百 土,不 事 遥 傅 鄰  $\widehat{\mathbb{E}}$ 自 任 里 不 匪 有 姓 曾 遐 得 其 斷 皆已習 出 揣 第 省 接 滿 細。 之急。 失 昔 氏 乎其 邑 于胷 邇 淳 在 量 則 定 Ш 則 Ŧ IE. 都 所 何 川 西 唐 委 風 以 今定 樸 其 其 .殊? 合。 坐 而 云 之形, 中 家,父兄 封 曲 土 既 熟 鄉 形 六 之季 其 爲 年, 矣,豈 漓 人 蓋 之先 其 令教授等官 在 興 後 施 動 如 後 情 堂 若昏 其 在 親 ± 東 利 嫌 人 爲 此 于 111 奥。 世 生 不 政 童 六親 境 老 怨 論 累 田 除 先 故 其 可 甚 子 庸 和 老者之所 害 可 易 議 夫 後 能 市 慮 守之法 之所 1: 殊 道 嘗 未 貪 孤 乞近 積 不 井 故 大 專 贖 不 奚 異, 不 定 途 舊 至 暫 客 待 慮 風 聞 必 者 慮 率 選 制 所 易 古 遠 旁 致 謡 之 則 也 地 勤 次 告 艱 祖 以 本 人 即 寓 諮 勤 則 習 耳. 易 除 郡 鉅 此 前 也 之 或 朝 升 舟 除 設 銓 近 久 職 其 俗 H

事 所 爵辛 夕

少

本

能 部 當 之於 法 魚 江 部 使 本 官 識 中 口 節 觀 人,其 所 之 選 而 奏 道 吏 管 往 度 廉 察 雖 補 流 授 若 改 求 使 嶺 纔十 使 Œ. 伏 恥 日 原 能 先 ン, 若 +· =: 才。 之 絃 通 注 非 盧 南 望 部 皆 比 文 者 爲 臣 弊 諳 鈞 矣 干 事 特 書 册 及 非 餘 本 矣。 若 是 州 奏 到 熟 吏 府 堪 循 州 皆 到 餘 下 事 元 攝 任 南 + 文 州 觀 州 經 往 不 官 惟 龜 司 宗 選 處 察 佐 官 几 風 伏 例 久, · 皆 韶 肯 使 貧 自 台 廉 年 縣 開 以 北 今 即 商 參 令。 唐 不 弱 衡 法 慎 有 廣 成 宦 軍 海 才 備 時 難 書 令史, **令** 者 有 積 補 至 可 嶠 五. 閩 之弊 搜 知 此 吏 職 縣 州 聞 債 年 越 擇 施 其 令· 情 求 古 韓 部 地 官 + 吏 行 即 依 是 可 昔 歐 佽 狀 +肥 無 人 注 僚 陽 是 衍 慮 不 前 中 北 瘼 X 與 元 擬 月 詹 敕 許 其 遠 每 用 以 有 和 無 資 江. 百 泉 Ш 中 旨 讀 爲 觀 潮 處 年 Ħ. 嶺 Ħ. 員 \_\_. 淮 爲 泉 州 依 肯 書 敝 察 委 嶺 州 無 吏 臣 不 南 吏 桂

笑。 興 产 之道 試 徐 銓 牧 日 録 老 區 法 雖 人 用 一今州 **学**言 先 麟 爲 既 哉 爲 有 多 坦 于 在 以 或 累 以 任 嘗 行 有 掣 蘄 懷 是 縣 任 此 籤 母: 云 試 爲 江. 州 部 既 待 乎至公,存 立立 楊 洪 不 之 其 用 人 老 選 分 南 府 物 氏 之 以 選 武 得 擇 昔 法 家 E 知 缺 調 居 贵 即 聽 其 川 賢 地 在 未 一今所 唐 爲 扣 府 之不 蘄 唱 年 所 令, 蜀 留 行 皎 能 亦 以 此 等, 之 之 IE. 者 以 俾 爲 無言 致 乃 相 尚 + 避 選 隴 勸 廣 口 月 就 而 信 之八 太平 吏 繼 能 注 可 督 羣 濟 王: 右 知 及 嫌之心 養 撫 褫 與 部 爲 者 之 猶 部 九 臣 辰 其 請 又 之 吴 **;** 斥 地 侍 數 避 者 得 銓 請 母 史 終 者 河 理 擇 嫌 郎 」, 遂 選 至 揀 意 之 而 養 南 哉 書 復 人。 之 發 矣 法 撫 爲 聖 當 以 繁 權 人 府 有 至 夫 ! 注 盡 員 主 詔 爲 言 引 劇 也 知 以 君 自 ^ 錢 到 移 闕 也 之 實 改 府 譏 親 子 之 新 於 IT. 省

督

撫

而

黑

吏

H

甚

日

不

銓

而

信

督

之弊

既 其 顧 營得之者輒 督撫之權 氏但 有舉劾之權,不宜 弊更深且毒 知掌籤 愈 重 不 也。 之不得 惜 而 盈千 州縣之包苴 然則孫丕揚籤掣之法未可 更假 人,而 累 以銓選之法,内輕而 萬之賄,安望其 不知 愈不可禁。 外 有鬻缺之病國 中 每 有 外 厚非,督撫 一缺出,鑽 良 重、恐 吏哉! 一殃民

杜

漸防微之計也

言 壹皆用臣,臣 立王,而今日廑廑施之選人乎? 王之厭紐,盆子之探符,古之人用以 文倣《毛穎傳》爲之。 而庶吉 ,然以之曉 萬曆末,常熟顧大韶作《竹籤傳》,其 士、科道之選,下而 乃得展其材。」此 人,可謂罕譬而 謂籤對主上言:「上 鄉、會試取 憤 喻 矣。 世滑稽之 立帝 夫楚

四 H 言,言辭 ,不得者爲放。」總章二年,司 事皆可取,則先德 •選舉志》:「凡取人之法有四,一曰身,體貌豐偉,二 唐 時 辨正, 所 謂 三曰書,楷法遒美; 銓者,有留有放。〔原 行,德均以 才, 列 才均以勞。 四日 少常伯裴行 判,文理優長 得者爲 注》《唐

> 詔 宋 萬 從愿爲侍郎,皆不畏强禦,請謁路絕,集者 少。」景雲中,以宋璟爲吏部 事 院爲選式」是也。 引集之所,其牓列於院外。」《楊國忠傳》「故事,歲揭 志》曰:「尚書省之南別有吏部選院,謂之吏部南院,選人 放、留者入選、放者不得入選。〔原注〕《長安 儉始設「長 時 餘 中 登科而受禄如持券者也。● 未銓試 按 此法猶 人,留者三銓不過二千,人服其公。 閲,有不可,黜之,故 人毋得堂除 名膀」,宋白曰:「長名 存,孝宗乾道 已定注,則過門下、侍中、 0 元年五 未有若近代之 尚書,李乂、盧 放 者多而留 月 膀 乙亥, 定 版南 者 留

#### 停 年 格

今之言「停年格」者、皆言起於後魏崔

「近」,據《校記》,鈔本作「今」。

0

嗟 後 傳 亮 張 不 正 理 七 在 安 沈 於 解 少 由 應應 之士 愛 以 滯 不 昔 易 博 州 H 怨  $\Box$ 惟 察 調 郡 書 者 得 月 今 而 沙 辨 選者多 莫 太 孝 誰 亮 薦 規 皆 爲 讀 朝 遷 汰 氏 如 不 后 復 廉 亮 乃 才, 斷 亮 庸 廷 稱 吏 之 之 族 **\$** 審 修 奏 曰 才 本 其 部 貢 っ, 前 理 惟 魏 舉 何 武 厲 不 雖 爲 能 下 傳 尚 未 秀 論 名 反 官 晉 考 品, 復 尚 格 殷、 書 才, 雖 精 章 爲 而 行 大 官 書 得 人才 亮 制 未 句, 年 停 知 哉 周 須 循 而 李 依 外 止 時 盡 月 其 不 年 以 此 舅 韶 資 甥 不 求 羽 ·』 亮 苔 又 美 久者 問 亦 格 鄉 屬 循 人 司 至 及 其 林 置 賢 當 塾 常 有 以 足 選 於 空 停 治 新 文 中 則 愚 貢 不 限 銓 擢 書 應 諮 取 日 害 道 IF. 先 士: 得 之 ? 衡 不  $\exists$ + 官 專 議 + ; 後 張 擢 己 之 立 取 收 劉 者 衆 員 宜 以 彝 諦 兩 也 用 之 汝 景 終 停 情 既 改 涂 中 其 六 觀 天 漢

才,無 之尚 割 乘 惟 甚 物 劉 日 下 宜 怪 願 書 所 千 軒 多 何 毅 之 羣 須 言 口 常 礦弩前 異。 選 又武 所 賢 書 昨 乃 異 濫 載 責 又 思 爲 專 有 共 羽 以 之後, 舉 百 以 尚 何 歸 此 深 爵 矣, 管 升 林 書 治 至 者 驅 尚 格 致 舉 人 窺 據 效 人 吏 多,官 書 誰 而 指 也 直 天 選 狀 部 吾 有 是 汝 知 昔 蹤 而 以 乘 由 以 武 所 猶 量 我 有 吾 捕 求 兩 員 時 報 而 謂 夫 哉 人 云 中 謂 至 暰 其 郎 人 徼 明 然。 + 未 崛 授 正 ! 而 博 當 中 少, 之 幸 主 收 曾 起, 職  $\exists$ 哉 爾 鑑 品 古 之 今 設 得 操 而 六 之 今不 不 照 其 恩 Ė ! 欲 七。 **令** 此 爲 忽令 刀 時 察 才 解 爲 究 + 13 而 今 乃 丰 天下 百 書 第 汝 竟 況 人 勳 無 與 其 部 使 垂 計 共 人 遺 時 專 組 今 天 所 本 尚

之變 不報。 魚,執 哉。 不得 徽 下 繫於長吏,若使惟 始 自 君子知吾意焉。』後 叔 格 賜其爵, 不怨哉 春秋》。」吾之此指,其猶是也,但令將 是 官, 無 也。」「原 相 向 限 簿呼名, 既 已而 賢 繼 仲 譏 譟 然觀 以 爲 呼 姑 愚 尼有言:「 之 猶 厚 停 吏部 同 之 爲 注〕薛琡爲吏部尚書,❷上言: 息 以 無官 其荅書之指, 攷其 吾 年 其 貫,涇 此 叛 於前,武人之除 吏足矣。 正 近 耳。 取年勞,不 禄 尚書,利 例。 黨 一可授, 法 面 知我者《春秋》,罪 渭 執,不宜 既 何 昔 今也 何 數 甄 無 不 疑 人而 子 況 簡賢否,義均行雁,次若貫 異 琛、元修義、 别, 其 産 何 見從,是以 一人 E 汝 用,何 便己, 憚 鑄 無 魏之失才,自亮 使 以 復 刑 武 望 陵 時 古 謂 而 事,由 壓之勳 濫 書 人入選, 官, 踵 銓 禮 不復前 「黎元之命 衡?」書 開 以 而 權 城 難 我 行之。 於 救 陽 立 羽 者 權 何 後, 敝 奏  $\pm$ 請 林 來 此  $\pm$ 亦 宜 由

> 之制 "; 乃 以 停年爲 斷 平.

不 用 役 肆 治之重 平. · 得 心 來,專 之所以未久 聖 不 直 日 ; 職 其 均 縱 自 明 月 魏 無劇易,名到授 ·, 發 一,託 人 意,禁制 此 且. 爲 詔 書 以 庸劣之人莫不貪鄙,委斗筲 中外之民相 功 碩鼠以百里之命,皆貨賄是求 調 停 百姓不堪其命故 寢 • 能; 年爲 辛 違 而 而 謬, 雄 雖 銓 不 Ľ 選。 · 遵 ; 傳 煩,不勝其 也 衡之人,以 箕 **\***: 歟 將爲 官 斂 畫 1 1: L. 盈 無善惡, 一疏言: 執案之吏, 亂,❸蓋 門, 之法, 也。」嗚呼, 欲。 簡 人 用 執 由官 懸 自 致令徭 歲 老 滿 以 而 舊 以 久 神 道 授 共 先 龜 此 不 爲 差

次

敘

末

0

0

魏

十」,原作「千」,據《魏 書 崔亮 傳》改

本 薛 傳,薛 琡」,原作「辛琡」,據《北 琡官至吏部郎中, 未作尚 齊書・ 薛琡傳 》改。 又據

<sup>0</sup> 中外」,據《校記》,鈔本作「夷夏」。

郎 乃 魏 ·, 妙 釐 自 改 崔 選 北 前 亮 人 斖 式 以 書 地 。 銓 後 以 充之。 文 擢 選 襄 惟 人 帝 在 常以 紀 得 至於才名之士 **\***: 人。 年 勞 攝 又沙汰 爲 吏 制 部 尚 尚 文 書 咸 書 襄

被

擢

資考爲限 循 小 不 不 書。 降 元 歷 , 或 ·; 以 得 膀, 資 次 + 先是, 格 禄 超 引銓 康俗 初 爲 裴 通 (原 遷,或 年, ,所獎拔惟 者。 近 典 故 行 **\*** 選 阜,求 後 注 行 事 注 儉 又州 遠 , 其 老 司 之法,又定 爲 儉 《新 唐 其 於 注 子 司 唐 才, 進 後 皆 自 縣 官 書 下 列 光 者 往 莫 無 高 本 亦 惟 位 少 往得 庭 衆,選人 定 宗 能 無 傳 視 常 爲 麟 有 制 革 州 等 俊乂任之,士亦 其 伯, 德 侍 初 焉 縣 出 級 人之能 光 中 以 官 吏 身二十 始 , 或 漸 後 部 庭 兼 至 資 設 多 求 始 自 玄宗 吏 高 長 承 人,不 否, 奏 大 餘 部 Ĥ 下 名 總 平. 奮 用 年 或 開 升 章 尚 姓 以 既

> 之聖 下,年資之制,大抵皆本於光庭 事 其 非 間 集 長 其 名 後 ,有司但守文奉式 有異才高 各 負 能 膀, 土 書。 譴 否 人猥 有 乃 者皆 選滿 爲 差 衆 雖 循 等,官 專 行,聽 有 小 資 則 務 升 格。」 有 趨 注 無 常 競 擢 高 凡 降 **鈴** 循資 不次 規 者 限 官 品 庸 選 年 罷 而 枉 愚沈滯者皆 少, 躡 撓。 例 然 滿 掄 級,不得 有 而 才 卑 光 也 以 E 其 之方 者 庭 若干 懲 制 選 之, 自 而 失 喜,謂 多 踰 因 選 宋 無 矣。 越, 行 以 其. 無 而 儉

之救者,皆資格 鮮 職 制 吏之所 吏,資格 之法,其始 業之廢 乎 恥 者,争於資 宋孫洙《資格 以 之人 今賢材之伏於 廢 於官者,資格 終 弛 衆 之失 法 也。 切 格 制 也。 論》 皆 也 之 萬 失者,其  $\dot{\Box}$ 下者 所 牽之也。. 事 : 三代以 民之困 惟 以 之所 「**,** 資 天 頹 之 或 爛 以 格閡 於虐 家資 生 士之寡 決 抗 下 大 潰 之也 賢 政 格 選 而 大 暴 之 白 廉 舉 不

既 死 寡 得 也 争愬矣。 鬭 牽 功 力 也 授 於 取 身 者 德 」, 其行 一之也。 歲 廉 不 非 不 能 貴 不 也 E 也 也 黜 滿 鮮 索 所 足 才 仕 以 而 非 矣,又 實。 足 以 故 惟 恥 有 求 義 愚 振 君 其 以 虎 者,争 今夫計 司 人之有 稱 以 日 也 者 去 子 生 私 甚 吏 躐 故 其 堪 去 市 者 役智者於下 民 所 側 厚 賢材之伏於 劘 位 日 其 之窮 賈 而 於 或 求 身 其 牙 歲 名, 大 任 增 虐 者 懷 資 閥 職 非 而 而 材 黄 累 者 亡 差 小 格 業 木 所 食 大智者 而 將 也。 州 敕 考 幾 拘 之 卑位 於民 也 任 争 使之 也 耳 級 而 級 歲 车 廢 下 爵 也 今小 置 而 · 賢 賢者 來 於 月 者,資格閡之 勞 非 不考德, 則 輔 非 於 得 故 官者 位 而 者 Щ 以 者 之矣。 攝 生 人 以 派  $\vdash$ 防 贓 暴 不度才, 鬱 相 衣 H 戴 累 獨 民 之矣。 · 資 敗 之前 禄 死 夜 不 樂 之 而  $\mathbb{H}$ 邑, 所 至 於 羣 相 格 肖 不 其 丽

職 覈 之困 坐 老 便 決 矯 格之 巖 而 也 世 今資格之弊, 也,後得 光庭,是二子者, 大害 廟 潰 之譏矣。 穴 功 易 也 而 而 列 堂者 法起 實, 守 庸 故 於 而 遵 籍 而 虐 利 昏 不 日 行 也,百品 也。 稱 按 赤子 於後 亦 之者意 者 之救 政 之矣。 氏 吏 萬 職 然 以 也 暴 然 不得愛其 流 事 者 在 是 而 魏 吏者 差 也。 而 漫 千 抏 前 愚 矯 法 行 其 崔 第 而 提 往 弊,百 根 羣 之前 亮, 資 爲 於 而 而 當 雖 日 勘 選 者 結 要 天 廢 更 世 月 不 然, 部 簿 不 格 而 父 滯 之,故 下 而 踵 世 古 吏 復 者 呼 知 復 之人衆 13: 遝 不 不不 易 或 者 廢 爲 已罪之, 銓 亦 行 名 非 巾 然 無 常 行 家 也 弛 敘 以 過 之於 其 而 而 也 焉 小 法 · 法 來 人 是 便 數 也 患 故 授之矣。 利 登之矣。 ,大官大 之者 者 物 + 法 則 方且 不 唐 制 不  $\vdash$ 也 而 爲 大 頹 不 年 待 之 夫 : 簡 失 後 民 小 爛 知 世

者爲 以 功 爲今之急, 爲 下 ,臣愚未嘗聞 别 高 先 相 善 敘, 後, 冒 否 無 誠 用 陳 而 以 宜 以 賢 前 也。 深 大蠲 才 材 而 資 爲 去 弊法, 萬 久考者爲 序 愈遠, 事 次 不 簡 無 治 可 拔 以 優 爲 異 庶 選 積 太 能 功 勤 息 不 智 累 爵 也 愚 勞 熙 以

所 歷 踰 人?」平章 年 以 循資 薦 待 金章宗謂宰 非常之材。」上曰:「崔 八百人,豈皆非常之材與?」 之法, 政 事 張 臣 起 汝霖對 曰 : 於 唐 「今之用 代, 日 示示 如 祐 人, 甫 此 爲 拘 何 太 相 資 以 拘 得

# 銓選之害

序、黜 命 以 上; 陟 葉 皆 不 適 欲 失 論 用 者 銓 天下之所賢者,而 朝 選 之 廷之要 害, 日 務 也 夫 不 故 甄 以 É 别 便 有

功,其 肖 非 也。 薄,其闕之多少,則曰 吏部 源 大 乃立法 官,與之以 天子貴近之臣 而 其不肖者之人。 命,致治之本,由 夫不能 天下法度之至詳, 柄, 己。 乎? 毫不自信 者之地,而消 一人之故。 者 嗚 而 地之遠近,其 以 朝 呼 而 一舉措手 雖 É 付之, 其 廷喉 然 甄 與 束 官 也。」其 縛 人 别 學 是 也。處之以 最 日 舌之處 黜 靡 以 要,其 蔽蒙之,乃爲天 足者 竊怪 士: 幾 此 : 吾 一 曲 官,賦 陟 其 大夫 百 而 資之先後,其 人之賢 賢 折 天下士大夫之柄, 人主 年 : 『是一切有法 出矣,奈何舉天 害最 顧 也; 詰難 才, 勤身苦力, 於是矣,其 無 人 毫不 之立法 其地,任之以 尚 以 甚 甚 以 否, 之至多,士大 者 書、侍郎 俱 於銓選 禄 信 其 下 。 銓選 常常 汝 禄 於 生 事 大弊之 誦 相 也 之法 之 下之 矣。」 民 之 不 説 承 爲 \_<del>,</del> 汝 也 厚 其 罪 不 FL 而

胥上 況 如 消 數 舞 拱 孟  $\pm$ 攷,今之所 『吾有司 今日之法 人之本若 之常道 羣 手 自 此 靡 百 傳 下 唐 動 則 天 年 四 道 ·其手 之具 中 治 下 之 也 顧 先王,未 ,不容於陛 度 弊 是 世 道 之 吏胥, 循 以 也 古 端 陋 以 人 安 與 者 當 視 哉 前 從 才, 奪 汩 之,其 守 及 以 嘗 乃 出 進 没 吏 此法 耐 間 其 其 不 下 退,以 陛 於 其 部 甘 而 衰 知 而 人亦 下 品 日 所 而 用 治 心 亂 所 不 有 已。」嗟 當 之爲 品 敘 人 復 功 以 謂 之 抗 是 之意 壞 天 知之法 也 安 便 治 餘 然 名器, 下, 是官 爛 從 其 道 弊 自 夫, 之法 猶 何忍 者 見 不 耳 辨 **令**, 0 有 肖 爲 岢 噤 非 哉  $\Box$ 舌 以 襲 鼓 其 可 吏 若 百 1

信 選 法 污,適 官 法之弊,在於信 楊 足 故 萬 以 吏 里 部 爲 作 之 吏 選 權 取 法 吏 富 不 論 而 之 在 不信官 源 官 其 而 <u></u> 而 在 篇 不 吏,三 · 足 信 日 : 以 吏 一尺之 爲 而 臣 朝 聞

者,據 行。 於吏 哉 ! 至重 取 之立 之可 也,朝 之意 廷 法 而 意 吏之犯 夫是之謂 廷之權 爲 於  $\Box$ 法 也 一於朝 贵 部 如 否孰決之? 不 吏 法,本以 官 而 案 長 廷亦不 法 真信 是 決之於 輕 吏部之長 法 而 擇 有 貮 也。 執 可 信 廷 於 者 人之 爲 持 筆 非 吏 吏 吏 決 必 自 則 防 牒 如 意 曰 官 也。 而 而 治 閉 具。 是 吏部長貳安得 而 奉 則 吏之爲姦, 信 則 貮 不 不 而 目 決之吏而 信官 而 請 也。 吏 是吏之言 ·信官。 其言至於勝 信官 而 亦 決 以 不可。 所 曰 也 受 曰 於 書 謂 : 也,法 天 賕 吏,非 可 者 我 日 紙 尚 子不 者 今有 而 邪 已矣。 吾 宜 應 士大 尾 書、 勝 必 ? 其 則 夫 奉 而 其 奉 而 Ė 法 於 用 不 侍 未 法 夫之有 法 不 非 已 爲 吏 事 信 赦 法 法 郎 之所 吏之 夫 嘗 而 口 也 朝 而 於 也 信 其 朝 則 朝 且. 何 廷. 無 而 此 求 夫 官 然 權 朝 法 之 則 疑 口 狂 廷.

者 於 權 之遺 吏, 古 始 夕 市 士  $\Box$ 法 爲 法 紙 可 也 彳 之所 一,而 矣, 忽 不 於 大 其 以 而 也 而 故 ·然,長 法 大 忘 吏。 告之日 中 不 歸 夫 退 有 然 用 宜 與 ż, 體 於 不 可, 口 之 端 也 而 而 可 其 長 吏 可 吏 動 吏 是 謹 貮 并 畫 不 其 亦 爲 出 貢 可 摇 日 也 而 不 與 不 取 小 可 積 恃 吏 不 0 矣。 4 決 面 誰 法 知 其 其 也。 之法 也 可 吏部 可 Ħ. 紙 之法, 長 可 歸 諾 也 而 所忽者 有 也 無 然 夫 以 貮 之。 已矣。 長 士 者 漸 改 告之 則 朝 昨 可 無 而 大夫 · 無 不 也,未 夫 貳之賢,而 曷 廷 奪 不 以 退 而 勿 其 請 而 不 爲 可 而 日 詰 其 亟 吏者從 而 之始 所 之長 者, 竊之,此 端 今與, 訶 不 定之論 成 幾 也。 問 以 則 也 可 也 有 而 至 之 至 貮 亦 其 其 植 吏部 朝 伺 不謁 一定 又 既 吏, 也, 此 曰 其 所 病 根 然 長 出 而 日 恃 之 爲 謹 其 之 以 吏 之 在 甚 而 貢 何 4 不

以 退 相 而 不 其 下 於 責 不 郎 選 不 貳之賢者得 法之大意 之,要以 大體之利 餘 次吏,而 大體 · 異 朝 黜 知 止 也 也 可 又曰 果 於 篇 ,此宰相之權 其 哉 於 廷之百官 破 又 止  $\Box$ 懸 謹 也。 亦 不失 使 吏之權 焉 於 吏。 害, : 而 絶 小 不 則 一臣 知 用 謹 릲 以 法 也 且. 異 吾 夫 則 小 擇 小 夫 有 聞 而 朝 之所 於 吏 賢 銓 天下 漸 法之有 法 責 宰 爲, 既 른 吏 部 廷 者 也。 選 輕 大 而 相 部  $\exists$ 長貮 吏者 而 以 何 得 之大 之賢者 已, 體 之 之權 是 吏 任 不 選 以 所 注 吏 與 而 部 故 則 思 法 得 尚 擬 權 體 用 可 何 略 不 莫若 之 書、侍 可 以 之 吏,不 州 漸 否 以 也? 異於宰 小 吏 權 脯 而 以 出  $\exists$ 縣 輕 法 爲 不 略 執 不 初 漸 意 : 不 之百官 郎 尚 肖 異 待 然 吾 筆 今 革 則 害 無 小 而 者, 相 者 夫 於 智 也。 後 之 繫 法 不 夫 自 而 得 進 者 室 亦 決 V 決 於 殆 侍 有 鈴 而

者莫

之怨

·, 不

與

媿不

怨,

吾

真

賢

實

能

廉

潔

之較

選,

是

當

時

之爲

吏

部

今所

謂

應

格

者

而

爲

黄、

散

所謂

銓

量

者

而

爲

黄、

拜

蓋

古之

吏

部

雖

黄

門、

0

乳

臭

者

愚

無

知

媿

與

者

不

格

日

應

格

其

宜

得

者

則

曰

吏

部

尚書,

廓

先

使

人

告

室

行

吏部之職

則拜,不

然

散以下皆委。』

廓

猶

由

是

法

也

又

簿

尉

來

者

則

所

謂

注

擬

, 何

故

 $\Box$ 

吏

部

之權

與

否也;

贊之使

拜

·, 以

試

其

其

能

書

乎

否

也

召

醫

而

視

止

於

止

争

而

已矣,

故

日

亦

吏

部

亦

有

所

謂

銓

量

者

部

注

擬

百

官

一, 而

寄之以

天

力之老

壯

也。

曰

銓

量

賢

不

肖

愚

智

何

别

?

尚

書

而

中

外

品

員

名

所

啟

者,未有 矣, 得令丞 也? 皆 今 而 應 官 上 不 者 守 者、 事 之 雖 日 前 今日 不 上 格 異 É 之 志之士 莫之恤 畢 **貪者、** 難 其不 室 推 日 由 至 庸 於 始入官者 大 至 矣 。 也 於 之 相 於 無 宰 之 科 於 而 升 之 吏 守 簿 異 能者皆得之,得 相 疲煗者、老 守貳 宜 上之, 。 皆 也。 如 階 部 等, 貮 日 所 尉 得 募 不 也, 則 揖 未 不 雖 進 此 者 與 吏 焉 應 得 由 至 侍 退 得 然,吏部 部 未 吏 則 必 夫 書 格 是 者 郎 也 於 簿 非 有 部 准 者 臺 者 <del>,</del>不 矣, 尉, 者 法 幕 其 不 臺 他 之 日 不 士: 也 也 職 應 役 得 雖 者 之 閣 權 É 由 甲 : H 哉 散 以 拔。 視聽 之,以 之,呼 之高 則 相 晉 如 揖 不 下 小 之使 異 爲 徐 騎 否 用 是 之 民之争也 抑 。』羨之荅云:『黄、 皆 之明 於 民 失 羨之曰:『若得 宋 Ш 而 F 探 將 亦 書 以 濤 己 職 由 命 而 吏 其 止 IF. 蔡廓 遂 矣。 暗 吏。 爲 乃 乃 吏 甲 有 以 而 取 取 0 吏 部 乙之, 疾 觀 閱 若 不 筋 今 亦 今 吏 爲 部 而

之所

布

列

者,

之宰

相

而

況

於

吏

部

而官者

科之首

也

朝

廷之百

之簿,

盡

矣,

此

縣

令之

以

止

按

其

役

之

遠

近

而

勞

逸

F

至

於

簿

尉

九

之。 月 百 幾 者之外, 且. 者 書之權 已,欲賢不肖 劇 流 下,及隋之六品 邪 否 爾 而 内銓, 人,則 人 ,才能之長短,惟 之守 天下 ,守貳之寄 ? 不 則 則 而察之也,至 粗 如 其 則古之吏部; 原 丞 歲 貳、 幾 歲 爲 日 亦 到 使 注 簿 之 有别,不可 州 計 尚 不 之得 部 縣 之 宋 ,唐之五 以 間 之而 書 過 以 史 宰 而 注 以 下 者 資 州 注 而 以 擬 蘇 得 歷 而 品 於縣宰之寄 班 數 不 郡 亦 官 擬 幾 紳 察 也。」臣 不 者, 深淺爲先後,有 散 院,古之兵部 皆 傳 精 偶 百 之民 小 縣,一 縣 能 百 更部 則 之於三 絶多 人而 而 宰者 而 官官 察三數 上言: 릲 願 者,豈 得 任 之 其 歲 已矣。 朝 專 幾人, 補 輕 州縣之得人, 能 去 百 之中 以 以 廷 古者 者, 寡 留。 司 不 百 否 六 不 百 稍 但 問 自 月計 今 人 歲 守 亦 旬 居 重 古 而 增 里 È 官 黄 審 簿 職 之  $\equiv$ 貮 者 與 無 之 哉 之 未 重 之閒 散 籍 官 之 能 日 待 民 能 奪 尚 幾 又 數 院 īfii 而

乎天下 得 説 擇千 之日 宗疑 然。 之權 四 豈 有 以 私 不 下 有 前 -之才無 以 後 精 乎 疑 盡 爲 哉 不 復 鼓舞之, 相 昔 ? 矣。 諸 + 起 百 長 擇 重 也 守 官 陸 以 而 窮 也 不 守 具 司 陛下 歷 精 至 則 贄 與 貢 今朝 則 所 此 Ŧi. 才之吏可 僚 鼓舞之道 而 歲 擇 於 將 朝 請 月 !」〔陸清 ?]其 不 舉 較 六 擇相 縣 尚 廷 吏 愐 得 **\$** 彼 能 皆 哉 廷百官 之官 不 宰 書 部 不 舉 臺 以 有 得 亦 能 要在 而 有 長 省 雖 以 則 即 而 情 行 不 獻 猶 限 维 假 貮 登 孰 汰 故 長 不 日〕人才不患其壅 無 出 其 愈 滯 於精 庸 以 之 之 屬 專 臺 官各舉 Ŧi. 私, 之端 乎? 者 非 有 而 或受賂者。 以 注 六 拘 吏,居宰相 限 省長官之中, 勢 天下之治 宰 擇長 泯 之官 柰 之以 與 擬 也 豈 相 或 奪 其屬 何 善 進 給 而 不 (吏,贄 是 日 文 ? 之 用 無 + 擬 滯 獨 惟 才者,患 窮 權 法 Ŀ. 也。 是 贄 猶 者 之才, 疑 則 尚 而 而 一之人 之 諫 德 不 書 庶 豈 使 其 而 口 口 天

吏 皆 宜 不 濫

之中 者,宜令所 滯之患,無 英流間 礙 代 日 送吏部 以 可 嚴 至 當 以 勉 出 此 既 人,使 夕可 核 開 核 鼓 自 于 行 鼓 其 自 升之望 可 朝 建官之少者又莫 選 舞 中。 者 舞 破 僥 科 滌 也 息 廷 得 之,不 倖 爲 選之望,則 勵 法之常, 格之典,使 目 得 得 在 他 姧 所 之門。 一,則 宜 漢 疏 而 超 猾 宜 以 而 越 越 督 外 鼓舞 倣其 法, 通 擢 一之風 廣用 嚴 不見 次 次 撫 患 不 也。 每 以 至于 長 其 有 而 而 丽 無 之道 制 有 不見其 例 登 中才不得越 以 人之途,雖不 歲 官 其 英 升 選 任 今仕. 而 ,令天下長官得 貪污者,不 使 得 委靡 流 各 疏 難 如 子,又有例 以 得馬 士之未 以 之士 越 而 自 通 途之所以 通 遥; 之也 次 郡 其 辟曹 代。 如 自 耳。 才 選 、職業考之、舉其最 而 縣 此 棄。 得 就 升 法 次 選 有 掾, 然三 以 職 時 藝皆 可 尚 鼓 一之變。 轉之途 監 者, 司 而 自 糾 選 及 偏 者 壅者,以 何 舞之道,莫若于 進 辟 亦 古 代之時 參, 有 授 壅 鋒 得 亦 廢,然其 時 令督 有 ,以守選法之常 人才之多 之期 省 滯 得 踊 投 而 雖 凡 文學 而 出 誠 之慮 少 躍 難 用 不 今 撫歲 考 流 身士人爲 不 過 展 雖 于 才俊 課之 中 在 中 有 而 品 功 歲 者 其 遥 己太太 豈 舉 者 府 才 籍 聞 皆 才 名 之 時 無 史 此 者 其 候 循 有 莫 有 而 選 掾 士 尤 冒 雜 雜 所 皆 亦 最 格 如 而 日

乃可

是 謀。

在

也 謂 夕 有 將 無

流

者

上

偂

然。

登

進

矣。

有

科第 今日

無

者,必 見,有 之具者,此 鬱鬱無所遇,又安 殊科, 尺 接其 取之, 執事者之鑒擇矣 以 若夫奇 疏 登進之法,宜 甚 逃而 有觀 寸之法足以短人, 就 有爲, 多 通 ,以收 使數者之中 選 時 其 去耳。 鴻 愐 才 政 察其 之識 釋其 非 人 博 常 之道 智 類 常之用。 取 有 勇 況其 有常 之, 知 議 小 不 無 也。 乃 舉 其 論 能 有 抱 人 館 格 窮 世 可 继 斤 彼 八之歎, 其 非 職 毋 愁失職 共 以 輩 姚 斤 向 以 人 其 常 以 吏 大令 見其大。 於言 耶 趨 之數端 所 矣,責之以 絶 之略者, 員 資 豊 ! 而 挾 奔 格 取 E 執 獨 行 放 持 夫 競 之, 相 後 者, 事 不 稱 浪 者 有 之門; 拘 舉 者 顧 譽之閒 乃 雄 於 大 贵 # 可 世 科 者, 之咎? 至 毋 材 風 取 屑 區 以 不 條 以 絁 塵 甄 人 1: 屑 必 覺 园 得 貲 毁 矣, 拔 智 湖 之 核 從 有 尋 愐 不 之途, 譽 者 途 海 之以 有 常 吾 經 抱 事 獨 足 之中 惑 取 廣 之 遠 濟 以 於 謂 言 不 矣 爲 時 自 名 此 士: 不

實 哉

之手 司 或 著在 家 有 紹 設銓 興三十二年, 令甲 所 謂 選,以 - , 所守 例焉。 聽 者法也。 長貳 羣 吏 吏之治。 部 有遷改, 侍 今升 郎 淩 其 降 景 郎 掌 曹 夏言 於 於 有 胥 替 吏 七

者,法 賂公行 例。 之權 害 良言 尚 移 廢 例 白 比 而 而 而 不 矣。 》,尚 破 而 銓 書 獲 長 不 在 來 以以 法,今之患在於因例立 V. 敘 省 貮 今吏部 取 雖 宋 口 者 故 書 以壞天下之公者也。 法者 平 書之於册,永 姦弊 時 仍 旨者,每 市 雖 知 有 不 諺 有 允 關 於 即 有 强 口 Щ 稱 七 矣。」淳 ,公天下 御 下。 E 滋 至 明 例 決 復 吏部 司 患之, 史 甚。 公 健 事 不 知 宜 臺 世 盡 敏 口 比 事 置 熙 去 嘗觀漢之公府 世 理之 之才 而 以 **%**0 知 Ė 而 例 者不 元 例 相 如 爲之者也。 爲 今日 册 比 年 部」。」 傳 此 命 事 不 例。 車 之爲 能 法, 郎 凡 則 昔之 參 胥 尤 而 復 盡 經 巧 官 知 每 得 雖 是 自 其 復 致 言 告, 申 吏 以 半 操 患 則 政 以 例 可 議 有《 例 請 無 次 歳 在 事 猶 朝 其 索 所 銓 行 伸 者 所 擬 辭 以 政 於 壟 或 引 廷 今 例 网 mi 定, 施 之 於 之 訟 然 之 法 大 茂 貨 口 用 例 而

> 晏從 獨 至 注: 力 杜欽 漢 不 吏 吏 服 列,等 傳 書 部 能 問 過例。」始 然 拔 何 比 哉 武 罪 而 「不爲陛下 也。」《釋文》: 去 傳 多 加 而 之。 人 Ĕ 刑 原 五 作 廣持平例。 注〕古 欲 其 例 喪 「徐邈 除 哉 多 吏, 無 丽 例 先 音 例 服 爲 例 之  $\pm$ Ŧi. 字 一莽傳 科 爲 例 Ŀ. 即 只 附 害 後 作  $\check{\exists}$ 以 下 也 列 一例 防 附 「太傅 請 列 又 字。 託 也 豈 Ψ. 禮

記

卿 室 公 文籍 人 吏 网 司 用 日 足 與 爲 不 使 我 : 相 府 能 Н 進 矣 侵 掌 輩 馬 以 寇 朝 者 萊 對 道 其 惠 步 天 狂 今爲 軍 公 佐 事 下 卿 欲 壞 ,今爲 公問 論 指 爲 財, 用 看 或 È, 揮 新 相 詳 不 政 何 使。 法 , 章 安 衙 制 者 中 才 書 於 官 置 聖 用 而 書 公方 上 IE. 對  $\equiv$ 嘗 例 條 黜 尚 前 由  $\vdash$ 司 之可 語 例 議 須 : 此 條 司 荷 兩 其 温 檢 爾 例 例 也 府 何 事 用 公 例 簿 可 也 例 邪 日 不 司 欲 也 吏 何 ? 馬 有 擇 則 口 忇 惠 使 温 安 公 以

 $\pm$ 員缺」之名,自 晋 時 Ė 有 之。 書

相

傳,至今不改矣。

尹 司 國傳》: 上, 出 十輩。」〔原注〕《世説 直師 時, 缺處當選。」〔沈氏曰〕《史記 藴 補文學掌故缺。」是漢 陳 傳》: 丹相善,臨御史大夫缺,使丹奏,咸爲姦利,請 「梁内史缺。」《漢書》: 咸爲少府,在九卿 遷尚書吏部 》注引《山濤啟 時 高第,陛下所自 已有 「杜業言方進翟方進爲 郎 儒 缺 林傳 名。 事》 每 Ĭ 知 錢 官缺,求 也。 「吏部 能 氏 方進 通  $\Box$ ◎韓 郎 案驗。 藝 素與 京 史 以 曜 兆 安

卒不能 職大,非 佞幸傳》: 缺 則選 有所得,而 庸 諸 材 「其後御史大夫缺。」《薛宣傳》: 所 所 表 能堪,今當選於羣 以 方進果自得御史大夫。」《循 次用之。』《酷吏傳》: 卿, 以 充 後 「御史大夫任重 其缺。」又云 左馮 吏傳》:「公 翊 缺。」

會司隸 魏書• 缺、況恐咸爲之。」則西漢已 元修義傳》: 「遷吏部尚書。 有缺 稱,不始于 時 Ė 晉也。 黨

> 多闕 楊炎爲侍郎,「至分闕 選事,至「逆用三年 六議》,遂有「人少闕 少」之語。 而 崔 員闕」。 湜 原 注三缺 以 悪 中 闕與炎」。 令狐 ·書侍 字 同。 呾 郎 在 多」、「人 知 吏部, 吏部

望。」此亦似今之「截留候選」也 集,不免據 奏:「兵戎未息,仕 舊唐書 闕 德宗紀》: 留 人。 進 嘗 頗 多 歎 0 御 遺才, 比 史 大 來 仍 夫 每 招 至 崔 選 從 恕

憲闕 廷 書 憲 H 成 所 其 爲 者 《大唐新語》:「劉思立爲考功員外,子 謂載能 視,衆口所訾,亦趦 無 河南尉。 行, 載 注名籍。 振 深咨嗟,●以 思立 理風 今日 俗。」自今言之,不過 其 人比 亡,明日 爲名教所不容, 趄而失步矣。 出 選門,爲 選人有索 朝 乃

0 載」上 ,中華書局校點本《大唐新語》有

H 知 録 集釋卷八 郡

中散大夫高居求之。」至唐趙憬《審官

子》曰: 願 勝 以 知 必 用 有 後之持銓衡者常 也。」苟反是 用 謀 由 丁 也。 是心推之,則有其親未死而設爲 奪 得人之慶矣。 憂之闕,亦何至見擯於清議邪? 其 「人能充 人能 處 ,亦人情之所必至者矣。 而 充 無欲害人之心,而 充之,其亦何所不 無穿窬之心,而 以 正風俗爲 心, 義 仁 則 至 不 國 邪 可 機 不  $\Rightarrow$ 家 孟 阱 不 勝 可 !

日知録集釋卷八終

# 日知録集釋卷九

崑山顧炎武著 嘉定後學黃汝成集釋

### 人材

歸 今 能 及 繩 防 度 約 於 日 盡 束 之内 庸 乎 縛 外之事 宋 人 ? 至 葉 懦 材 ·; 故 適言 也 不 宜 陳 , 可 乎 輒 人 湯 動 材 豪 摇 猶 法 亦 手 而 傑 扼 令日繁, 以 人 之 而 腕 之 不 不 士 於文 智 敢 振。」 無 爲。 慮 以 墨 治 今 自 自 吏, 具 夫 與 不 奮 H 而 以 人 能 密 況 而 漢 稍 出 於 之 談 禁 同 於

不 能 發 使 其 枚 文章 乘 相 如 使 而 管 習 仲 今 孫 H 武 之 而 經 讀 義 今 日 則 之 必

> 壞 科 沮 豪 X 條 傑 材之具: 則 而 必 失之者常 不 能 以 運 防 什 其 女好 權 七 宄 矣。 略。 而 得 故 之者 法 令者 什 以 敗

除姦 盜 子工 化 有 衛 將衆則罷怯 則 故 Z 處官 二使治 不中 其 以 社 馬 一,於是 稷 兇, 治猶 於絕纓 見徒法之無用矣。 而 自 則 萬 不 而 而 荒 官 分 肯 爲 曆 暴 機 詐 府 亂 財 而 , 小 以 救 足 則 足 變日 則 又 康 不 君 上 臨 以 以 盜 如劉 不 能 之 財 抑 竊, 侵 增 法 均」,《吕 獲 萬 患。 則 害 揚 令繁一 守 敵之首 蕡所云 曆 貪得 而 間 威 城 以 誠 材 里 福 而 則 後 有 能 氏 列 輔 京謀 者 倍 如 其 日 法 勇 春 近 之 畔 ^ 小人 令存 不 不 減 墨 則 秋 以 嗚 足 足以 使 **>** 子 持 教 呼 (善於 所 其 以 斷 而 **>** 諫 化 鎮 翦 吾 云 獄 所 君 教

朝 御 文華 實録》言: 殿 學 宣 士楊 一德 溥 Ŧi. 等 年 侍 八 月 丙 上 戌 問 庶 罷

治 民 也 求 保其 『近 官 矣。 賢 材 之 之 代 自 終身,不 選 嚴 徒 猶 有 典 出 薦 循 罪 不 何 舉 雖 舉 琢 漢 術 載 亦 堯、 主 精 玉 董 而 考績 難 一之法, 考 而 仲 口 舜 乎? 課 求 舒 之文, 以 亦 言 文 夫 何 盡 不 采。」 朕 以 患 得 「素 能 以爲 而 不 其 以 不 言之 此 得 不 人 教養 ? 成 行 知 養 ? 允 本 ± 薦 上 有 釐 物 之 耐 溥 而 曰 道 之 教 論 欲 欲 對

#### 保 舉

於彼 路 叮 爲 得 求 政 人。 ^ 備 宋 雖 得 ? 史》: 泉、 人 若 故 則 指 變、 孔 治 瑕 元 門 稷 祐 掩 然 以 初 善 契, 几 之才 口 則 各 科 馬 朝 守 取 光 或 無 士: 爲 長 口 官 相 漢 於 用 之人 室 中 此 奏 以 人 而  $\Box$ 數 安 短

自

科 科 顧 知 官 純 遺 則 苟 述 有 淹 相 便 原 人。 州 科 科 問 賢 日  $\Box$ 古 位 嫌 隨 注 或 職 以 原 科 有 智 節 矣。 器 達 於私,若 原 F. 几 可 孤 當 注 原 原 注 操 勇 官 授 官 資  $\Box$ 寒遺 選 注 注 爲 舉 無 原 序 欲乞朝 過 同 方 任 各舉 公 官 官 有 注 同 同 師 Ŀ 人、 正 人皆 官 正 上。 Ŧī. 止 1: 逸 則 同 表 人。 所 聰 而 Ŀ 應 可 可 循 曰 世 可 科 廷 贵 八 +知, 識 職 舉 明 備 資 經 備 無 九 設 能  $\vdash$ 七 H (序未 短 事 獻 術 將 可 原 然 日 可 + 善 練 日 六 周 官 見 精 納 注 棄 帥 善 科 後 備 習 聽 文 日 知 科 狹 必皆 之 通 科 有 治 舉 克 章 監 法 獄 學 ? 尚 士: 官 1 叶 **令**、 財 訟 典 問 口 司 原 才。 無 若 書 士 原 至 賦 麗 備 科 該 注 官 注 盡 有 至 能 專 臣 博 講 舉 人 給 公 舉 莫 公 可 引 恬 斷 備 皆 日 原 有 讀 文 得 若 私 備 可 野 請 行 退 位 注 官 可 知 武 人 讞 俱 實 著 備 無 識 滯 義 使 室 顯 有

子

言 们 聰 罪 情 豈 舉 仍 闕 舉 舉矣。」「沈氏 知 異 科 諫 夫 取當 之罪 有 明 保 僞 足 其 備 科 時 内 議 職 以 格 舉 不 口 舉 萬 行 所 有 酒 朝 寄 自 三人 端 能 隨 郭 備 ? 盡 如 舉 事 狂 試 觀 禄 正 不 所 監 天下 官 所 須 執 域 故 事 有 文 官 H 與 貴 司 舉 姓 條 材, 政 二前 惟 試 仍 臣 效 殿 É 其 議 人 之賢才? 名 之, 惟 涉 者 奏 具 申 明 譴 學 即 開 人重 誠 聽 飭 萬 八 設 循 狀 其 責 隨 執 有 士 游 府 監 曆二 知 九 私 保 + 無 政 至 規 談 恒 人 科 勞 請 儀 之 人 + 任 科 任 案 待 内 所 之言,曷若 厂; 所 授 又著之籍 屬 百 七年 ′;若 嫌 若 以 寬 官 職 籍 制 挾 中 條 舉 採  $\dot{+}$ 舉 宥 私 兼 非 無 書 云: 司 視 每 得 月癸未, 士,其 訪 狀 所 交 所 所 置 至 才。」 則 其 歲 時 ; 毁 賜 舊 不 取 籍 所賞 使 大 不 文不 坐 須 内 能 譽 誥 至 記 南 公 敢 之結 光 以 於 中 無 外 之。 足以 京 狹 命 無 妄 īE 謬 被 則 V + 大 國

明

主

勞

賢,

而

任

人。

^

韓

非

科; 天諸 廩, 之士 等第, 法 日 才 幕府參贊之選 求之,如 屬之選 體 或 稍 科 選 撥 T. 如 選。 人 六書 宋 不 , 則 探 兩 可 足 囊取 取 如 馬 以 京 各 心之曆 異 光 得 或 ,則取之兵法科 爲 物 H 子 + 士: 矣。 象 太常諸 監 科 科。 科; 例 請 得 1 殿 府 或 屬之選 照 禮 閣 州 善 選 官 中 縣 推 貢 則 書 貢 步 訪 則 事 平日 之選 人, 求 取 例 或 州 禮 諸 諳 養之有 次 則 樂律 縣 部 鍾 取之六 九 校 律 與 流 科 考 之全 或 異 欽 而 書 分 學 通

别 陳 盡

之目 夫,晉 之, 遲 登。 已也。」此 矣,登之所 子 崇云: 者 也 言 我 遠矣。 邪 日 : 重 將 中 ? 王 列 以 牟 執 取 襄 也 爲 登爲 舜 + 湯 於 要之論 又 主 中 有 中 有 求 耳 今 中牟令、「原注」《吕 日 大 天 章 天 : 無 而 夫。」 下 下 胥 也 目 功 른 我 選 選 之, 逸 而 其 取 於 於 善 受, 於 相 襄 是 登 衆 衆 乎 室 主 既 君 耳 子 舉 舉 日 日 目 耳 其 氏 夏之告 臯 伊 : 春 人 耳 而 尹 陶 秋 子 終 中 H 而 》作 樊 之 無 未 大 見 任

## 仁者遠矣。

行,若 知 代 然。 年 自 舊,何邪? 日 其才? ·, 除 之人主也。 疑 下 以 人言 畏,推 令臣 吏幾 素 唐書》: 德宗之猜 其不知者,安敢與官?」時 二祐甫 不 卿 至 進 知 八百員,多 對 擬 公以 擬 崔祐 聞  $\exists$ 原 官 庶 注〕《李絳傳》: 忌, 「所問 多 何 官 行 甫 親 繇 而 爲 當 夫 日 舊 得 相 猶 與不 稱 進 除 其 能 允 何 薦 以爲名言 · 當 擬 + 聽 實 德宗問: 邪? 舉惟 耳 當。 數 者 ? 之,愈 非 必 臣 其 帝 帝 悉 對 「多公親 親 乎 以 嘗 未 其 舊 F 近 爲 1 謂 逾 不 孰

璡 杜 所 是 通 絶, 等 知 以 政 恐開 覆 職 陳 正 奏曰 恭言 統三年十一 任 歸 專 銓 私 往往 而 部。 謁 「古者擇任 事 之門,而 體 時 事 月乙未,行 朝 下 0 狂 ·, 行 長 頃 慮 庶 奔 者 在 典 官 競之風 令朝 吏 悉 銓 在 部 者 通 由 尚 臣 未 政 , 乞令 選 盡 各薦 書 司 部 知 郭 左

> 徇 而 人 故 尼 私 良法, 邦 勑 憲 廷 未 昭 臣 見 然 各 誰 其當也。」乞令仍舊,從之。 舉 所 肯 九 知 百 蹈 曰 : 其 ? 法 取士之制 良 今 恭 矣。 聽 流 脱 有

學術 舉之,三府 漢人三府辟 隸 其邑之士自聘之,謂 署爲簿、 無 能 之也,略 薦之也, 丞,于其 定員。 名 之士,閒 一,有道 或 曰: 才能 于 先 吏 生 尉 略 用 近 郎之高 部。 而 歲 得 德 郡 唐 用 郡 閒 之 召之法,参 思 用之。 人 屬 一人,試 古 縣 而 歲 而 自 而 身言書 辟 人 論 不 第得 一人,功 見 在 之, 鄉 願 而 于 京, 之 舉 **>** 學 又 出 仕 世 于 其 脯 師, 里 判之法。 則 校 次 者 部。 者 而 名之 亦 用之。 選之意; 公 之 者 則 不 補 叮 其 卿 設 爲 歸 謂 上者爲 令,次者爲 路 以 縣 聽 人師 以上,仿 其本縣 之官,不 縣 夫天下 無 無 **令 \$** 舉賢 其 乃 失 得 郎 狹 + 有 與 其 而

其

關 防

皆取 之以 此 ! 太祖 率不 學面 者。 孝廉,問 飲憂其學業從 繁,弊益生,士風 寶九 政,即 末流之弊,愈趨 相爲首 雕 之 ? ! 文墨之事 魏 決于方寸之紙 欲 如 牆 故 大者· 黄初 者往 年 詔 未 (姜氏 使 化天下之士,使之不競 後世 以 欲 尾, 濮 隸 能 皇 不以文墨試之,得乎? 中,三 猶 往 兵 州薦孝悌者二百七十人,召問  $\Xi$ 無論賢良、文學、孝弟、 日)後 耐 也 一,亦其 稱 此 而 籍 政 曾 亦日 是,以 素能 而 而愈遠 術 輔 切 皆 廢。 世 皙 、勢然也。 且. 耐 議 ,曾參《孝經 關 號 益壞,然其勢顧有不 習 師 竟不復問 舉孝廉,不復限以 如是之人, 顔 異 防 告 至唐 武 儒 以 刻薄之事 求 撰, 淵 之教不明 試 至于無可 貞 免。 及其甚 不仕 以 觀時,汴、 >, 过过 其立身之本末矣。 亦 騎 不 蓋 日 力田 射 何 起。 不能 也 自 試 雖 如何者也 舉 閔 于 選 必 則 而 則 諸 試 以 行 雖 答。 鄜 得 舉 舉 子 功名,王 顛 于講 臨 聞 巍 經 科,一 于 諸 明 與 不 科厚 11 民,授之 族 辭 弊 宋 極 知 學 州 可 功 失 武殿 一聚試 遂 太祖 法 校 所 徒 于 秩 次 名 是 至 舉 此 益 華

以

復

哉

漆

治

乎

開

宗。 不 唐 後 到 得 心 以 宄 末 外。」此今日 非 刺 閉, 教令,一郡 之徒 郡 爲 歸 世 當 姚合爲武 以 史,凡有出 至 阮從 御 防 人 東 日 隋 長 爲 習 法 平太守。』文王 之 投 則 書 似 容 第 爾 制 間 澆 壞府舍諸 • 在 功 言 居 訛 雖 抵 人,皆封署其門, 酷 清 Ш 義。 尉  $\sim$ 防 嚴 官 隙 世 吏傳 『嘗游 時。」 肅 其《 通 説 閑 而 然愚 無 例, 壁障, **\***: 鍋 日 + 縣 在 所 從 東 甚 防 「晉文王 餘 居 而 不 曠 以 平,樂 其 厙 ,少不禁飭,則 未若今之密 》詩 至。 史 日, 使内 爲, 達 意。 狄 以 之士  $\Box$ 復 但 **僮**僕 ± 長 爲 外 其 沅 騎 親 文 無至公之 異 吏到官, 相 土. 猶 愛阮 驢 騎 爲 朝 無 望, 事 風 驢 去。 且 朝 乎. 敢 貝 爲 然 姧 徑 嗣 ? 贵 出 願 州

封

駮

面 況 於 大 賢 也

令史與 行 前 知 大 悟 開銓 舉 規 之,召問 識 朝 咸 理體 大 門,示 選人交通。 歎 以 唐 服 新 ,莫不首 爲 無所 舊 語 不 制 可。 禁。 伏。 吏 及 姜 竟 曹舍宇 晦 晦 銓 有 初 領 爲 綜 私引置 吏 選 朝 得 悉 部 事 廷 所, 布 侍 以 者 盡 棘 郎 賄 晦 除之, 賂 晦 以 改 性 不 革 輒 防 聰

科 宜. 防 院 上 有 爾 印 左 謂 蝎 記 都 刑 太 者 御 部 防 果 祖 **本** 史 印 正 尚 實 詹徽 記 人 書 以 録 君 俱 唐 絶 》:洪武二十年 銷 等 子,焉 鐸、 欺 日 之,仍移 蔽 工 部 用 防 朕 侍 是 姧 初 文諸 郎 爲 僞 於 秦 八 ? 文籍 特 逵、 月壬 司 自 都 使 今 時 設 申 知 權 察 六 酱

朕

意

抄

, 令 三 出 人主之所 齊景公燕賞於國 一, 而 患, 莫 計莫之從。 大 内, 乎 萬  $\neg$ 唯 鍾 公怒, 者 言 而 令免 莫 千 子 鍾

董賢, 春秋》。 門下 史, 職計 兼 有 射 者 違 曰:「後 塗 駮 Ŧi. 而 數 鼠 「給事中 省, 正 鄭 未 世給舍封 封 而 詔 此「畜君」之詩所爲 令三出 違 勑之不便。」 肅 事 以 還 丞相王 失之掌,著於《六 在漢爲加官 有 爲 詔 韓 一駁本 專 不 書。 伙、 便,得 而 職 嘉 此。」後漢鍾 職 如 韋 士 対還 也 自 袁高 ,至唐屬之門下省,使 温、鄭 師莫之從。 是 以 唐 詔 一、崔 封 封 作也。 制 公輿 書。 駮 典》。 還 離 植 之 凡 意 、之輩 (原注)胡 韋 事 [原注]《晏子 而 詔 爲 漢哀 弘 原 多 之駮 給 勑 尚 並 景、 注 見 帝 事 皆 書  $\equiv$ IE. 以 狄 中 經 於 僕 封 省 唐

рц 0

康季 Ŧ. 時 制 察判 量移 還 宗 勑 宗 節 批 連 制 存 封 末,皇 書 書 赦 主 制 追 白 還 度 勑 誠 之 勑 , 榮擅 官 饒 給 於於 之, 官 聽言之明 書。 使, 紙 者 勑 穆 有 劉 齊 州 一甫鎛 典 事 宗時 總 刺 1: 用 書 不 許 中 犯 宣 節 已命 藩 史。 涇 爲 官錢,給 上方 鄭 贓 奏 垂 而 宗以 可 孟 擢太僕卿,給 及燧 衡 , 授 曰 者 減 公 名 制 者 元 州 容 給給 : 李 内 中 輿 了; 可 奏樂, 出 刺 史傳 訓 和 外 事 封 右 史, 門 事 使 别 即 中 給事中 四 官俸 中 還 中 以 中 金吾 門 使 而 賜 以 於 勑 封 狄 並立 事中 給事 助 不暇 以 之 白 書 還 返 黄 嘉 給 兼 亦 袁高 教 見 助 勑 謩 大將軍 節 紙 事 勞 紙 韋 中 有 給 或 書。 封 Ŧi. 弘景 是 許 執之不下。 别 人 中 用 後 還 事 召 給 代 如 原 孟 懿宗 勑 中 臣 召 批 李 對 給 文狀 封 注 容 事 李燧 廢 憲宗之 書 鄭 事 中 之, 還 執 藩在門下 封 一德 慰 時,貶 肅 弛。 中 詔 中 還 法 使 諭 宗時 宣 也 書。 韓 崔 擢 蕭 爲 吏 詔 宗 之正 右 佽 植 浙 書 請 於 宋 使 倣 嶺 如 何 時 文宗 封 封 東 盧 太 優 封 南 名 别 德 赦 還 還 觀 杞 憲

> 官, 專,不 事 也。 旨 宗 之「科參」。 必 還 得 所 移 書 Ш 胡 駮 人 宗楚客、 居 則 中之品卑而 必下科,其 淳 氏 口 中 ĪĘ, 也 六部之官無 使 其 日 切 馬 化 書 而 勢 門 攷 不 唐 省。 獨 É 池 几 己 李 下 於門 之給 唐之政 難 存六 猶 年 中 林 與 蓋門下 「原 聞 甫 Ħ 事 F 謂 六 有 書 注 輩 塞 議 事堂,宰執 有 權 科 大 月 不 以 宝默者多 門 敢 若 所 省、給 事 封 而 特 戊 便,給 給 爲。 下, 下 還 抗 無  $\Box$ 而 詔 寅 重 事 從 事 科 抄 於 雖 矣。 書 非 明 議 中 駮 中 中 參 出駮 之例,其 始 有 事 事之所 所 代 正。 書 萬 此 所 而 中 封 復 以 議 居 宰 以 曆 雖 之」、「抄 待 執 事, 自 掌 也 駮 給 駮 罷 防 之 舊 取 於 巧 巧 行 之 事 封 正 中 宰 時 門 於 中 過 在 閣 者 到 駮 中 出 持 旨, 相 書 門 舉 下 九 臣 之任 寢 省 權 建 部 F 封 然 志 省 重 故 之」是 之法 也 Ĥ 而 省 後 閣 在 淵 給 詔 封 É 例 臣 後

0

<sup>0</sup> 攉 專 浙 練 東 副使 觀 察 齊 至 總 爲 「刺史」、《舊唐書 衢 州 刺 史」。 宗 紀 》作 浙

<sup>「</sup>明代」,據《校記》,鈔本作「本朝」。

旨: 默 月。一今人所不 旌 賴 母節事,爲禮 泰 抄參之力,「原 多駁 昌 係 以 科 後 臣 科 知 右 或 執 矣。 掌, 給 注〕天啓六年, 論 事 許 紛 中 志 張 紜 吉 惟 險 而 \_ 大理 辭 抄 維 參。 飾 持 寺 辯 禁 具 正 著 疏 許志吉以 止 罰 申 辩。 往 往 奉

赫 最 唯 道 襄 於七八。 詞 夫人,公乃繳 給事 頭 太 然。 封 彈之,未 後 自 行蘇 史見 還 完元 得封 此 詞 此 始。」罷之。 城語録》曰 還詔 子容 殺 乃 還詞 子容,又封還之。 頭 行 祖 辭 書。 頭。 人 宗 與 職 富鄭公知 己 而 德 大 後 次直吕大臨 擢 人遂 : 執 臨 澤  $\bar{\Xi}$ 原 監 筆 百 俱 踵 制 注 察 如 一安石 落 餘 而 譜 行 初 御 清 年 職 日 更奏,復 之。 , 封 者 史 波 養 奉 薦李定 雜 何 朝 再 裹 成 中 劉 :志》: 異 書 從 請 封 行 風 愿 舍 名 還 俗 下 妻 宋 時 唐 繳 遂 舉 制 龃 至 次 陳 或

# 部刺史

强宗 裂 朏 歲 比 倚 四 煩 恤 利,侵漁 而 所愛, 妖妖 像,二千石不奉詔書,倍公向 終 榮勢,請託 擾 疑 陟 權 BIJ 之重 得 刻 獄 豪 能 附 祥 漢 乘 暴 右 否, 武 豪 蔽 訛 百 風 田宅 傳 此 强 言 姓 帝 賢 剥 厲 斷 奏 聚 遣 小 削 治 所 寵 殺 踰 事 通 犬 刺 監。 四 黎 寃 頑 | 斂爲 行 制 條 元,爲 史 相 獄 0 貨 夫 怒 二千 以 周 制 六條, Ŧī. 姧。 秩 賂 以 則 强 行 條 内 卑 百 六 任 陵 割 二千 三條,二千石 郡 石 姓 外 而 條 二千石違 刑 弱 或 損 選 相 所 命之尊,官小 問 政 喜 署不平, 私 疾 以 省 維 ·石子 事 令。」又 一旁諂 衆暴 之意 則 察 山 任 治 公 弟 崩 也 條 狀 令 不 下 怙 苟 石 牟

原

注》元城

語

録

「漢元封

Ŧi.

年,

初

置刺

史,部

十三三

州

以

其

進, 秋分 進。 十三人。 故 秋》之義,用貴治賤,不 史,秦官 史,更置 下大夫,而臨 一數言政 卑 隸 諸 元封五 事 已設 郡 白 高 于 則 行 刺 ·, 置 黑 州 第 御 郡 郡置 史。 其 史記 学 分 國。 牧 成帝 年,初置部 此 事 史 補 部 州 明 中 激 · 監郡 便 薛 , 其 秩 制矣。〔原注〕《漢書 **》**言: 是 秩六百 丞 昂 刺 牧 守、尉、監。」蓋 宜 宣 真 末, 也。 舉 爲 權 , 秩二千石。」 中 史,「秩卑而 二千石,輕 陳 漢 二千石 刺 御 重 奏 公省,丞 石, 咸 材 本 翟 史 史,掌奉詔 則 秦始 部 爲御 而 中 能 則 方 自 刺 得 派 行 相 史、 苟 進、 秦 史中 按二千石 皇分天下 志。 以 遺 位 執 自 郡 重 時 史分 條察 何武 卑 法 Œ 次 派 賞 罷 國二千 守 不 遣 而 · 百 殿 臨 總 九 刺 氏 州。 侯置守之初 而 厚 中, 相 不法 御 朱 州,不 領 尊 卿  $\vdash$ 乃言: 르, 準 官表》:「 石 外 史 州 」刺 以 咸 博 秩六百 其 總 郡 所 出 恐 九 勸 以 請 刺 常 爲 史 部 奏 權 貶 權 置  $\sim$ 三十 監 事 功 卿 功 漢 罷 史 最 石 刺 監 退 重 課 史 春 重 位 效 缺 樂 家 刺 員 武 御 稱 而

帝

郡

鎮

其

監

陵

六

而

第 内 秩

宣

之。」州 焉以 舍人盧 之監 史,以 事,居靡定處 然後 ±. 非其人,則權 牧之設,中 原 原 漢置十三部 萌始大。」「原 , 秩裁六百 糾 夷 善 注 注 刺 〔原注〕《 時 。 姧 知 非 史 者,在於一年一代。 察 俌 任之重 後 唐 按 議 威輕,建 刺 法, 御 漢書 書 察。 軌 重釁 權 刺 史六條 史 《新唐書》 『今天下 自 不勝。」於是罷 材 不 史 秩 巡 不牧人。」合二者之言觀之, 未 劉 監 生 議 此 卑 僅 過 以 注 非 按 而 察 改 焉 任  $\forall$ 循 察 諸 〕唐戴叔倫《撫州 六 傳》: 御 生 始 爲百代 爲 重 强 地方,爲得古人之意矣。 舉 「李景伯爲太子右 資 史 州 牧 條 以 陵 幹弱枝之誼 天下 文学分 分 劉 伯 自 犯 制 靈 隸 傳 昭 非 之釁。 請 都 全,强者 姦 帝 察 不易之良 州 夫守令之官不 法, 之 宄 督,專 車 選 政 百 牧,復 便。」繇 重 論 化 寮, 周 通 刺 臣 衰 籍 巡 願 生 史 流 以 成 以 缺 至專 殺 庶子,與 殿 罷 按州縣。」又 廳 居 是 (法,而 置 中, 帝 爲 四 壁 刑 都 匪 停 其 方兵 記 督 賞 刺 改 都 乘 任 權 有 刺 則  $\stackrel{>}{\sim}$ 史。 太 傳 督。 牧 留 使 裂 州 史 口 從 授 子 御 泰

子所 之國 史乎 之貪 人,以 成 輕 重 大 方 賕 採 又 親 以 王制 風 伯 小 漢 議 不 不 mi 俗 哀之際,見漢治 周 ? 殘 任 百 相 相 權 法 法 弊 變 久 國 年爲 二, 此 年 之 以 維 重 而 生 更 淮 也 此 三人。」金華應 至於秩 「天子使其大夫爲 則易 廢郡 所 者 總乎外 法 限 乎 内 特 望 監 未 īĒ. 使其 也 不 外 明代所 其 輕 臨 有 縣 專 如 止 人之不 相 而 親 夫 之 大 大 者也 · 贵 不 原 七品 至屬 統 而 不 法 任 之無 行。 召 注 之微 夫 以 察吏安 玩 達 不 又 縣 亂 唐 位 故 稱 **派**具矣。 氏 巡方之濁 前 與 口 若 或 李嶠 而 職 意 卑 有 日: 人立 人 漢六百 以 夫 生 民 監 耳。 閶 也 則 請 年 倚 久 監,監於方 里, 事 7 之效已 不 以 方 法之意 也 勢作威,受 督 者。 何 亂 不 敢 臨 州 代 伯者 石 察 病 肆。 之。 以 置 久 而 制 姦 之 御 吾 見於 其 守 停 則 訛 史一 同 制 天 於 而 輕 此 蓋 伯 御 情 觀

> 名所 人,其 按 寶 遣 已 巡 伽 使者 黄 天 下 察 Ŧi. 繇 下 以 几 載 唐 流 門 ·,或名 始 方, 自 風 賢 正 罪 侍 太 也 俗 月 能 已下 朏 郎 念宗 及 進 按 命 陟 褚 貞 黑出 擢 及 察,或 禮 官 遂 觀 陟 免黜 者二 吏。 部 良 官 等二 尚 + 吏。 名 十人, 者 書 帝 年 巡 數 親 十二人, 席 此 撫。 白 遣 豫 自 以 則 人。 大 等, 臨 罪 至 理 巡 決, 玄宗 死 分道 已 以 卿 按 後 者 牧 孫 之 巡 天 頻 七 守 條 伏

使、上 天下 朝 選 採 散 列 訪 城 處 大 玄宗開 柱 置 自 夫、 或 聿 古 使。 盧 檢 求 良 元二十二年二月辛亥,置 絢 校 連 牧 詔 等 率 御 曰 福 ·, 豈 : 史 任 猶 「言念蒼生,心 中 寄 徒 潤 派 Ė 刺 於 深 蝎 察 京 内 師 將 宣 實 委 諭 所 必 兼 輯 賑 徧 + 以 寧 給 歷 於 道

採訪 縣,多數倍,安得守令皆稱其職?」 官 中 須 軫 咸 元 衰 -之義。 ,以俟能者。」〔原注〕唐開元 矯 懷 貫 使。 或白 過 ? 間 通 於理 姚崇奏:「十道 歲已來 必 圭 若令行一 而 在任賢 吏 無 道 或 玷 ~, 益 數 不 庶 州 採 畏 純 道,利 口 訪 失 固於公心。 以 不仁,不安不 猶未 蠲 稔 軌 疾苦之源,以 盡 乃萬人。 中,或 儀 頗 得 郡 致 人,天下三百 請 或 流 選 或 擇 冗 朕 華 便 康 守 髮 所 協 能 濟 令,停 餘 設 不 大 誠 黎 勿 州

屬 差 屬 法 在 有 内 同 内 遣 行 外 不 諸 非 ,唐、宋以 臺 按 法 司 于文定《筆麈》 一,歲以 臺之法也。 有 者 奉 繇 不 行 命 朝 法者監 臺 八月出 出 命 來皆 御 i, 其 按 史劾 Ė: 惟 不 察 體 巡, 及 所 御 歲 輕 之, 「元時 也。」 謂 四 史 丽 矣。 即 更, 劾 月 行 「原 還 臺 今 之,在外諸 風 本 與 在 治, 御 憲之制 注 漢 朝 内道 史者, 唐 御 乃長 遣 中 史 刺 在, 宗 長 總 官 史 司 神

> 龍 御 年, 史 出 造十 當 道 動 巡 摇 察 Ш 使 織 震 詔 慴 州 周 縣 年 小。一本 替。 朝多有其 韋 思 謙 言 0

陟之。 問 使。」(原注 滋 殖 吏治得失。 號 金史・宗雄 故大定之 爲 此此 小 即今按 康。 世宗即 多察使 閒 傳》: 章 宗 郡 位 自 即 縣 凡 位 吏 原熙宗 數 皆 置 歲 奉 時 九 輒 法, 造 路 提 使 遣 百 刑 姓 朏 廉

# 六條之外不察

家雖 冀 或 居無常治 宣王報夏侯太初書 州 而 有刺 刺 已,不當與守令事。 漢 史 史,奉六條 時 東不成 ·, 部 勑 告吏民: 臣 刺  $\Box$ 而 其 史之職 己。 秦時 後 轉 故刺 無刺 更 八爲官 不過 欲言縣 史稱 「原 史,但 注〕《三 司 傳 耳。 車,其 以 有 丞、尉者 郡 故 六 或 守 東言從 條 志 長 朱 吏。 博 察 司 事, 刺 爲 郡 漢 馬

「思」,原作「忠」,據《新唐書・韋思謙傳》改。

0

三四五.

侵,而 郡 史。 言 官 以 史不 縣 不煩苛 一聽訟 或不 察 事。』《翟 吏多 守令始 黄 循守法 所 綬 一带 所 察過 政 方進 察 不 各 條 了; 政 應 口 自 詔 傳 職 條 爲 詣 教 條 **》言:**「 輒 天 舉 煩 郡 舉。」 被 錯 \_\_\_ 碎 下 劾 大大 鮑 遷朔 各 之事 自 以 宣 率 刺 而 其 方刺 爲 · 咎 猶 史之 薛 意, 豫 治 在 宣 史, 州 職 絲 部 上 牧 居 與 下 刺 而 疏

苛 按 貪墨鬻法 求。」 治江 《太祖 西 及 監 實 事 察 録 重 御 **\*** 者 史 洪 如律 花 武 綸 <del>-</del>+ 逮問,其 等: 自 年 今 細 四 事 惟 月 官 毋 得 吏 諭

猶

地

晉

由

棼之矣。

#### 隋 以 後 刺 史

分 刺 州 秦 置 不 御 常 史 置。 以 監 武 諸 帝 郡 元 封 漢 Ŧi. 省 年 丞 初 相 置 遣 + 史

> 之名 諸郡 名,「原注」有 謂之太守,一也。 州,至梁 理 今之知 以下之刺 都 州 此言之,漢之刺 以 志 賦 存 督 刺 政 州 Ĕ 時, 年, 史, 於 而 治 外, 南 一唐 府 民 職 原 時 罷 各 方 非 及 史 職 注 興,高 改 廢 郡 非 二《魏 若 司 直 郡 猶 偏 人。 舊 郡 曩 爲 之地, 祖改郡爲 隸 今之總 後 以 州 守 志 時 史猶今之巡 刺 知 雖 **無** 州 》言: 則 司 魏、 史之職 察之任 謂之刺 遂 州 有 統 復 置 刺舉 州、太守爲 督 刺 縣 晉 也 自 史,有 史, 漢 以 一之任。」 百 而 隋 原 季 E. 下 原 理 七 皆 按 以 以 注 州 刺 注 時 來 後 御 太 自 漢 爲 改 史。 杜 郡 隋 時 之刺 史, 守 新 州 是 氏 刺 刺 而 唐 爲 止 史 之 文 刺 史 通 郡 魏 + 總 典 帝 史 持 耳. 史 间 統

日:

開

節

 $\equiv$ 

рц

六

太守  $\equiv$ 疏 部 言 爲 命 「昔自 真宗 刺 刺 史。 史 咸 秦 以 平. 降 開 領 四 及 郡 之。 年 唐 置 氏 守。 左 É 司 亦 後 漢 諫 嘗 大 以 知 變 郡 天 制 更,曾 爲 下 誥 州 爲 楊 未 以 + 億 舉

矣。 縣 之目 身之使臂, 風 在 詔 臨 與 置 耳 州 數 而 而 贵 分 羣 ,縣及鄉 教 常參官比 刺 廢 年 按 緊、望、雄 又 之出 割 臣 毛 支 史, 又 輿 但 口 又 設 道 郡 覩 欲 理 如 地 以 爲 仍 置 通 置 唐 乞 臂之使指 漕 里,自 之 户 經 舊 出 判 先 使 從 復 由 制 視 之等 運 貫。 於 之 啚 П 久 及 事 是言之,支郡 階 置支郡 唐 之 内 多 之 官 之 而 於 資 <u></u> 制 級 統 今 外 少 訓 時 品 以 員。 府 而 可 品 品 出 多 臨 官 置 哉 爲 處 提 隸 下, 尋。 ,名分 府 命 人更踐 奉 + 其 ? 副 建 綱 秩 省署 以 錢之外, 於 由 或 昔 俸 貳 之 而 至 廉 臣 之不 及 大 近 爲 太 制 禄 有 若 衆 察 欲 此 之 府 州 倫 及 連 平 I 號 率 之 乞 可 省 分 權 職 遠, 張 興 如 令之行 州 府 諸 有 量 周 官 廢 去 F 宜 出 或 舊 譬 以 禄 業 法 以 地 振 通 州 之 爲 巾 章 中 初 米 及 斯 統 判 並 制 自 里 明 領 如 知

入,可 嘗 今後 僕 能 内 白 職 及 竊 無 漢 官 錢 給 以 資 軍 射 見 侵 官 其 並立 有 致 於 公 首  $\coprod$ 一,曾餬 中 百 百 今之結 漁 帝 半 減 用 於家 百 九人之飽,不及 責 門 又 奉 石之人,不 下 官 千 百 以 其 以 僚之師 夫 給 之中 詔 姓 夫 他 半 自 奉 П 廉 防 難 髮 云: 各 唐 禄 之 物 本 之不 隅 自 閤 登 已是 以 末 司 雜 帥 給之, 長,位 矣。」 更 餘 朝 官品 離 又 庶 給 及, 豈代 及漢之小吏。 官 岢 别 除 能 有 周 亂 僕 遂 陳 鬻於 且 並 稽 給 莫崇焉,月 陌 差 勤 之上農; 公 加 力 限 或 親 循 古 定 事 廨 就 吏 又 以 舊 之 市 用 事 其 耕之足云 而 田 切 奉 於 列 常 廛,十 制 意 不 數, 奉 帳 半. 權 充,百 員 哉 其禄 其 著 食 禄 若 既 奉 奉 停 歲 内 本 奉 於 薄 豐 裁 理 所 乃  $\equiv$ 收 錢 欲 也 策 ? 執 也 分 其 官 欲 人 左 得 今 其 -, 不 書 衣 稍 右 郡 課 減 不 其 其 奉 以

餘 於 也 弊 舊 矣 費 觀 楊 氏 此 日 則 俸 之薄 今代 自 所 宋已 循 然,天下 大 抵 皆 所 以 宋 少 之 循

## 知縣

以 觀 華 帶 謂 詩 攝 口 原 原 冬初 中, 軼 陰 注 曰 注 判 官 縣 知 集 唐 知 知 權 知 吏 前 制 令 縣 今朝 之官」 猶 印, 盡 部 鎮 字。 制 管 者 季 侍 凡 或 春 郎 也 選 知 其 非 軍 止 始 ^ 是 日 縣 先 白 名 於 杜 縣 判 是 : 也 後 印 孟 始 **令**, 氏 居 官 遂 冬, 選 華 易 於 夢 爲 集 唐 通 試 終於季 而 法 陰 集》: 貞 四 裹 姚 典 使 大 令卒 時 元 白 **>** 有《 合 調 之 理 春 補 E 憂 所 爲 評 租 擬 知 裴 後 生 謂 武 勉 非 縣 事 不 唐 克 爲 農 皎 選 檢 裴 功 中 其 限 諒 唐 傳 克 補 尉 校 之 ×: 政 初 人 權 皎 事 時 不 尚 亦 作 試 請 貞 知

之言, 調 縣 官 建 内 參 可。 率皆 老不 代 設 奚 正 知 久 知 名。」 令選 宰 隆 用 任 0 佐 永 嶼 外 知 建 京官 縣 任 縣 濟  $\equiv$ 不 官 本 所 宜 知 多以 詔 隆 年,詔 治 是 假 自 驅 授 尤 館 府 屯 則 吏 凡 或 銅 策 猥 此 官 陶 權 令長 部 H 起 年, 曹 幕 頗 墨 誅 始 多 者 下 員 自 知」者,不 選 掾 監 選 有 職 求 非 始 宋 試 外 爲笑。」 察 朝 幕 多 始 簿 爲之。 勤 又 刻 本 以 初 其 郎 爲 御 士: 注 尉 職 績  $\exists$ 職 剥 朝 才 于 史 縣 之 清 官 分治 ^ 官 理 繼 「原 IE. 屬 ^ 王 惟 猥 令。 本 龌 流 爲 宋 爲 , 待 初 之名 徽 邑 迹 朝 祐 所 以 注 版 知 史》言 劇 知 知 事 利 萬 差 故 知 無 鄙 州 魏 有 縣 邑。 縣 也。 臨 實 病 狀 魏 遣 泰 天 薄 郡 能 所 清 下之邑 多 爲 東 立 云 自 至 以 爾 每 楊 大 其 至 軒 闕 資 宋 理 此 優 不 至 於 常 應 閒 筆 方 必 歷 初 録 以 得 參 夢 IE. 諢 昏 普 復 議 周 Ŧi.

後,遂罷令而設知縣,沿其名至今。

縣」,差選 攝 攝 **令**, 富 平.  $\Box$ 尉 麓 人曰『令』,與 知 知 漫 縣 縣 鈔 事』是 事 曰 也。 李 、唐異 唐 翱 制 今差京官 矣。」 任 縣 T 令闕 部 誌  $\Box$ 文 佐 云 知 官

建隆三 縣 事。 于京 四 某官 故 其 知 今則直 與 千 云 本 縣」,文複 縣令不同 户 軍 師 然 非 知 宋 一年,冤句令侯 以 謂 賜 時 云 E 兵 此 某 第 「原 選 某 州 府 結 以 州 以 朝 謂 留 注 銜 而 事 官 府 京、朝 此 之。 民 義 知 以陟以 \_**,** 知 州、此 也。」于慎 Ш 日 小小 舛 分 堂考索》: 官之銜 府」、「某 清 以 矣 命 縣 以 幹聞 朝 三千 某官 縣 某 行 臣 知某縣 之正 官 **筝** 户 擢 出 「藝祖 知 知 州 以 左 守 麈 下 事 拾 列 官 某 某 知 日 , 非 選 開 遺 郡 州二 縣 府 而 基,召 知 京 外 號 縣 官 宋 任 事 事 吏 權 事 知 時 其 諸 也。」如 知 某 ; 大 是 故 軍 鎮 事 也 縣 以 縣 會 知 州

百 里 北 齊 原 注 宰 縣 北 史 多 用 元 文遥 厮 濫 傳 至 Ŧi. 於 代選令,  $\pm$ 流 恥 必 居

罪; 於是 麾 之行 爲之。 都監 金、元 不注 令選。 皆 輕 重 可 窮 以 瑣 庸 久不得 汝 進 (),便 爲己 宜 稱 晝 勸 鄙 瑣 敗 成 設 行 農 者 矣。 1; 徹 或 特 倚 肆 案」五 亦 壞 羅 者,有此 猥之人。 天聖 然 物; 甚 監 而 調,乃爲縣 夜 皆 貪欲 法 鄉 踵 尤 織 自 實 多,則欲 押,始 宋 切 舉 重 其弊。 爲 之獄 惟 甚 代任 問, 沾 不 政 則 之政, 鷹 以 内 財 掌 籍 副 和 輕 訟 下,不 天 虎 以 先 是 以 之 總 官,凡 以 然自 外,遂 牒 令。 自古 其 之暴 職 下 朝 據 生 求 法 後,士 治 則 得 寄 多 敗 臣 不 得 民 郡 宋 人難 不 人數言其 龌星 誉 缺 爲 輕 縣 至 根 政, 嘉 民。」守令之失,略 至 問 齪 縣 谿壑 大夫皆 官 賢 用 田 知 以 道 之 也。 除 元 以 其 勸 無 縣 論 者 以 而 既 來 詞 而 能 其 曲 課 今 事 其 鄙 爲 而 其 極 章俊卿 令選 大 病 直 者, 農 間 己 誅 輕 不 夷 淮 天 以 開 煎 間 多 民,乃詔 威。」又 講。 縣 獄 求 非 桑, 始 1 熬 職 尤 復 古 社 憤 告 令之選 無 市 星 注 굸 吏 猥 參 有 多 激 訐· 民 科 稷 則 廉 爲 下, 治 用 昏 火 戍 之談 見 之門, 罰之 間 「弄 縣 威 不 日 爲 民 以 視 黷 京 兵 此 令,其 慈 又 無 究 舉 貪 吏 出 督 權 官 則 人寄之 矣 )賦, 愛、 難 法 其 庸 同 以 部 蓋 身 前 促 Ŧ 或 兼 是 耄 催 爲 網 握 私 以 明 局 厥 鴈 兩 幕 兵 爲 索 非 懦 重 尤 幹 後 無 州 鶩 馬 庸 于 人 銜 選 重 職

是矣。

## 知州

縮 老 監 太子 Ŧi. 以 文 於 祖 之遠,奉 州 品 城、受詞 緩 宿 總 輕 臣 是 思 太保、 爲 州 急, 衛 兵 其 始 權 宋 靖 也 Ŧi. 戎, 葉 品 權 置 知 天 僕 皆 尊 昔 百 適言: 射 通 下 州 品 日 而 或 在 京 訴 爲 判 原 事 爲 初 判 節 太 朝 城 而 以 知 注 守者 曹 度 餘 른 · 隔 以 廷 使名 爲 宋 文符 翰 Ŧî. 之 並 矣。 監 品 不 敏 以 爲 代之患,專 害 原 爲 諸 觀 求 若 統 知 削 判。 朝  $\Box$ 盡 注 察 州 刺 是 鎮 茅 節 下, 使 即 去 宋 皆 自 史 正 度 監 判 凡 刺 後 而 潁 初 期 束 節 則 史。 當 唯 任 州 而 度 在 分 本 手 會 其 輔 知 若 州 四 塊 藩 其 臣、 是 請 有 夕 禍 爲三 榷 然 不 以 方 鎮 柄 宣 報 刺 命 不 税 四 久 萬 徒 品 徽 品 史, 息 使 ·刺 者 伸 里 歸 管 都 命 蓺 臨

> 用 而 知 别 州 設 知 以 州 權 以 設 之名 代 其 爲 權 經 常 後 之任 則 罷 矣 刺 史 而 專

公 爲 方 人 開 爲 政 鎮 疆恣, 其 刺 新 則 端 史。」 風 唐 矣。 書 化 爲 宋 **\***: 可 帝 祖 成 從容言,使屬 之 元 以 和 帝 京 初 然之, 官 ,李吉甫 臨 制 出 郡 州 郎 刺 爲 縣 吏 史 相 蓋 + 得 趙 自 餘 病

## 知府

年 以 府 字 地 而 己。 以 上 尹 皆 蔡 翰林 充。 後 升爲 唐 陸 京 制 游 爲 無 府 乞 之。 渭 原 繼 京 注 南 罷 者 郡 翰  $\stackrel{\vee}{\sim}$ 集 》: 宋 權 林 皇 乃 乃 初 學 朝 知 稱 設 太 權 1: 政 府 及 宗、 府 知 略 權 雜 ₹: 府 知 置 學 凡 真宗皆 自 至 府 1: 牧 李 若 宋 命 符 待 知 尹 始 府 則 制 嘗 則 必 以 爲 潛 帶 權 待 藩 開 員 發 權 之 制 封 遣

非 所 牧 以 也 以皇子領,尹以文臣充」。 避 京 楊 尹之名也。 氏 日 朝 廷之制, 今則直 代 不 相襲, 是 命之爲 權 即 知 謂 府 知 之 知 府 者, 府

#### 守 今

何

害?

是 治 執 沈約《宋書 治其事,而天子之權乃益尊。 里之宰, 人,而權 而 假 多 者出 大權 萬 而 爲 幾之廣, 所謂 刑 奈 之法 焉,盡天下一切之權 政 論 一命之官,莫不分天子之權,以 乃 糾雜 何? 天子者,執天下之大權者也。 ⊟ : 歸之天子。 以 "理 古 「孝建泰始,主威獨運,空 禁防之,雖大姦有 非一人之所能 難徧通。」而 以天下之權寄之天下之 自公卿 權乃 而收之在上, 後世有不 大夫至 移於法。 操也,「原 置百 所不 司, 於 權不 於 其 · 善 能 注 各 百

之權 勢重 結納 得自 可言 哉。」 權者 陟 豪强,追 奚附? 理,此今日之急務也。 必 子之權 苦不聞於上,安望其致太平而 之尤急者,守令親 相 踰 書》曰:「元首叢 死 得其 與 生 外 措 而賢智之臣 耶 蓋至於守令日 兢 · 莫過於守令。守令無 不寄之人臣, 一,任 戚 施 自古循良,莫盛兩漢,宣仁布化,除 逋 隱恃 效 人而與之以權,庶乎守令賢而 ! 兢 已奪,而國 特漢 己恩 盜 也。 奉 賊,惠威 削考功之繁科,循久任之成效 怨,前 時 重 -法,以 然其 一援,恣行不法,賓客子弟 騎士隸于太守,得 開 胥 亦 史所傳,幾半良吏,抑何嘗 貪贖 脞 達,邊 而 求 非 民之官,而今 無 輕, 哉 寄之吏胥。 無 能 其 殘酷, 忮險卑污,依 [汝成案]法令不修 徼皆安。 過 而 或 股 效尺寸於法之外, 而 矣,尚 胥 肱 自徵發,不失機 믄 權, 史 惰 此 延 日 哉 , 廣 誠 害興 何政令之 或 而 日 於是天子 是 重 法 之尤 民 故 萬 命 倚 利 簡 賄 不 民 則 乎 之 天下 , 德教 事 中 賂 權 由 摧 涓 宜 疾 事 天 ? 無 隋

露,降 察、弘 軟, 短 亦 姦 長, 其 宄 勢 殄 何 調 帶 治 然 除 代蔑 外任 閒 後 也。 始 郡 住 或 有 定 至 其  $\Box$ 綏 條 于 老 初 謐 目 此 吏 非  $\Box$ 胥 此 在 不 疾  $\Box$ 仁. 爲 執 綜 貪、 高 明 致 苛 覈 7; 因 出 細之 仕; E 以 唐 興 酷 事  $\Box$ 條 治 宋 決 爲 才 理,厥 耳 爲 舍, 民; 力 出 不 必 攷 E 及、 後 人之資 盡 前 不 法 削  $\Box$ 明 謹 存 考 浮 初 弊 功 伺 躁  $\Box$ 無 出 繁 吏 淺 罷 攷

科

轉

恐

行法

未

通

法

外

或

畸

意輕

重

也

議 利 蓋 治 自 不 足 金 而 曰 '; 主 以 其 穀,或按 古 得 不 政之當否 之治 幕 雖令之主 得 專 一新 元 今之世 簿掌簿 吴 府 專 辟 僚 郡 郡 淵 用 刑 臨 者 屬 縣 穎 獄 書, 軍 事 每 而 Ĥ 之耳 ^ 卒 不 邑, 己。 是 以 歐 各 辟 尉 得 弗 故  $\equiv$ 有 令 陽 督 日 丞則 歲 今自 出 專 分 守 派 盜 氏 而 議 職 主 於 爲 已去。 賊 急 贊 唐 民 守令滿 錢 守不 就 治 世之大藩 **\$** 郡 命 而 糧 而 章 之事 亦 而 不 又況 掌 煩 悉 解 得 上 不 秩 農 拘 IIII 後 。 皆 勞 與 或 於 用 曾 田 政 亦 序 聞 獨 官 多 出 水 Á 司 人 未

弩,坐 **令** 大壤。 帥 則 留 縣 雖 賜 常 都 賦 權 月 於 或 汝 之家 事 豐 貢 試 <u>+</u> 填 自 贏 古 不 成 大 吏 但 官官 矣 矣。 案」守令胥吏 及於唐,義 近 餘 自 厚 以 部 不自 猶之交易之家不 作擊 知 而 供 塞 故 兼 戍 ,常俸至不 爲 府 惟 送 坐 綰 辭 遠 領 遇 夫辟 姧 1: 刺 食 所 守 使 款 而 既 既 者 皆 任 勾 郡 在 之 留 與六部 也。 事 官、 各 其職 而 勇 樂 爲 稽 縣 所 州 保 用 民 於 自 益 公 客 文 涖 能 調 之 於 今 理, 鄉 度 自 長官之胥吏 堂 軍 T 其. 左 不 墨 政 租 自 遣 則 里 贏 有 右 完署 一**,** 補 而 職 能 税 給 團 尺 官 之人。 理 託 定 餘 而 宋之 以 故 故 敵 以 結 籍 其 甘 然 財 額 疾 事 盡 錢 至 過 相 伍 什 罅 甲 已 多 至 於 緣爲 於 治 盛 客 民 糧 即 符 伍 漏 是 不 兵 奴 贓 於 赴 往 軍 之 爲 發, 時 Z 隸 姧 復 各 吏。 衣 則 唐 塗擦 功 之手, 情 來 否 重 而 歲 郡 繫 裝 有 而 郡 世 不不 治 狀 兵 縣 守 統 郡 弓 兵 廩 有 有 之 歲 吏

之意 古 縣 若 有 之 法之便 而 必必 爲 相 爲。 租 今皆 守 維 税 且 令者 而 又 玩 悉 易, 不 令 況 不 常 得 既 不 而 及 習  $\equiv$ 以 不 故 兵 額 時 專之, ,法令雖 得 農 辟 耕 軍 其 益 稼 無 嫌 職 是 分。 見 礙 若 故 將 食, 例 時 遇 欲 上 口 講 東 歲 議 守 下 面 界,明 言  $\equiv$ 紳 得 四 法 : 者 以 「, 在 宜

之

四

權

彻

武

不

復

皆

不

足

以

其

法

外

丽

議

不

體

統

雖

言 不 或 几 尚 而 用 那 儉,郡 者 何 在 涖 郡 口 西 富 之 以 於 事 縣 或 挾 者 復 H. 權 郡 而 民 倉 水 論 不 事 縣 口 廥 早 權 能 其 言 歸 裕 空 富 不 以 洊 於 虚 治 而 至 或 在 振 郡 兵農 兵 於 救 裕 縣 而 間 而 郡 民 郡 而 里 各 則 之 兵 縣 縣 蕭 坐 得 守 道 權 · 言 無 至 然 其業 **�** 不 哉 農 復 興 流 必 在 1 利 贏 矣。」 稱 於 民 必 蓄 而 菜色, 其 郡 是 也 以 利 職 縣 復 以 待 權

説 書 陳 宋 理宗 求 魯 淳 奏: 祐 八 今 年 H 監 救 察 弊 御 之 史兼 策 大 崇 端 政 有 殿

> 公之意, 爲令之典, 俾縣 直 其 採 達 令得 今 版 於朝 夏 籍 日 以 侯 約約 亦 以 以 激 太 廷 口 究 重 初 其 其妄費,裁其 采 其 心 用 併 氣 而 權 於 宋 省 行 撫 元 州 然 之。 遵 字 嘉『六年 郡 後 光 ٠, 之議 爲 横 武 法 之 擢 藝 斂 爲 IF. 卓 祖 俾 斷 此 其 縣 茂 出 之 爲 數 經 朝

管。 還 兵, 也 者 州 使 朝 爲 鎮 横 刺 爲 命 』從之。 秖 則 將 臣 畔 者 海 史 節 舊 以 領兵事 節 所 哉 職 唐 將 其 奪 管 度 事 大略 書 雖 刺 使。 繇 德、 訖 有 • 所 史、 是 o 鳥 棣、 可見。 禄 以 若 法 上 應 縣 重 Ш 河 刺 言 制 景三 在 胤 令之職 朔 修 史 思 日 州 傳 蓋 各 立 六 明 州, \* 兵 刺 之 得 + 臣 各歸 元 史 兹 並 職 自 年 以 舉 失 **\$** 分, 和 作 能 名分 岢 河 公牒, 其 十 刺 威 拒 能 又 朔 職 史 福 朝 有 能 據 年 是 收 故 命 鎮 反 拒

後 在 也 滄 雖 州 幺 鎮 渞 魏 獨 稟 州 命 以 受 河 代 北 舊 自 風 重 自 胤 相 制 更 置 襲 使

從 吉 請 胜 右 府 勑 · 近 安 賜 邢 詞 府 勑 然 祖 正 訟 爲 宗 知 無 將 繁 廣 從 府 常 朝 之 西 興 之。 許 例 任 流 凡 聰 亦 沈 賊 以 大 成 將 請 攻 廉 府 之任 氏 14 賜 陷  $\Box$ 州 知 兀 勑 城 況 密 年 府 以 邑, 鍾 俾 邇 七 之 吉 知 得 珠 月 生 任 蘇 安 權 州 民 池 多 廉 多 府 宜. 凋 强宗 喉 州 有 亦 處 弊 襟 府 賜 置 豪 勑 特 賜 交 知

# 刺史守相得召見

察 刺 史、 所 行 兩 守 漢 以 相 之 質 輒 隆 其 親 言。 尤 見 重 問 有 太 名 觀 守 實 其 不 所 史 言 相 繇 應 孝 退 宣 必 而 知 考 拜

飾

功

狀

於

文

簿

者

有

親

疏

繁

簡

之

不

可

矣。

守、都 書: 修 城 何 石 餘 君 文 得 共 其 師 而 而 春 也。」 帝 不 也 耳 召 此 Ľ 立立 城之守, 所 丽 秋 尉皆二 蒙 遠 者 千 謂 見 歎 民 以 職 子 **>** ,(原注 其 情 武 季 息 然 石 福 事 在 對 光 或 達 之 千石,今壽 布 愁 也 並 帝 朕 任 武 賜 惟 毋 \_\_\_ 常 恨 行 廢  $\exists$ 賜 仮 前 勞 四 良 璽 以 之 以 稱 能 天 之時 嚴 爲 干 郭 盜 書, 二千石 蘇 視 皆 心 下 潁 日 助 河  $\pm$ 石 伋 賊 111 者 後 之大, 獲 秦 堂 爲 書 東 之重 縱 太  $\Box$ 知 世 簡 都 縦 守。 吾 陛 庶 : 乎 政 横 略 尉 之 於 横 之 民 1 平. , 原 輻 久 不 賢 股 寄 帝 河 甚 不 閒 所 訟 湊 置 不 過 能 肱 耳 潤 不 心 賜 以 注 當 太 理 聞 不 數 太 郡 九 目 稱 安 守 吾 師 H 及 也 問 甚 + 於 里 守 故 在 其 古 故 丘 以 至 太 一, 冀 監 郡 闊 前 田 Z 壽 特 守 吏 去 具 與 連 或 四 司 時 絶 里 大太 職 京 以 我 王. 召 T.

言 之遠 李 宣 命 其 + 宗 君 É 宰 在 奭 時 相 選 唐 如 以 諸 ·, 李 自 諸 時 御 在 司 醴  $\pm$ 筆 行 階 猶 長 泉 餞 前 言 存 官 於 **令** 自 此 有 雒 謝 除 夫 涇 意 聲 濱 之 懷 人 陽 0 望 日 州 主 玄 縣 御 者 刺 宗 而 處 **令** 書 + 史, 欲 開 分 除 + 親 州 海 韻 人 元 皆 民, + 事 州 詩 爲 采 賜  $\equiv$ 刺 刺 之 萬 必 之。 史, 史, 年 自 民 里

其

親

大吏始

牧 臨 謝 尹 也 人 須 勑 守 軒 候 原 求 便 假 時 受 册 注 許 册 進 速 開 命 拜 宰 唐 之任 新 狀 府 之後, 諱 相 除官 特示 民 辭 元 或 李 字 龜 朝 吉 及 適 改 其 皆 恩 **ĕ**: 舊 刺 甫 遇  $\Box$ 授 便殿 禮 制 史等 人。 之 寒 官 憲 舅 食 凡 宗 於 之官 近 П 裴 假 命 假 歲 朝 對 元 吉 復 都 堂 日 賜 雖 和 新 恩 督 於宣政 禮 衣 不 甫 禮 除 册 刺 謝 特 年 蓋 不 河 拜 史 門 以 南 口 並 請 廢 親 皆 外 月 而 少 不

> 分 名 遂 爲 兼 益 陛 刺 爲 史。 辭 貌 絶 而 百 不 有 得 是 命 見 非 天 舊 顔 典. 堂 也 廉 今 内 外 H 之

則

#### 漢 令 長

問 張 掾 佐 陵 陵 人 何 自 能 令詣 磐 吏 詣 隨 脱 令,會課,育第六, 自 拜 數 何 口 曹 牽 行 育爲之請 漢 爲 育 郡 其 後 時 百 也 暇 司 意 先 人 曹, **令** 育 欲 隸 輩 拜 不 長, 爲 案 遂 當 校 謁 爲 與 左 佩 趨 扶風 於 尉 以 車 謙 右 上 刀 太 出 職 下 言 官 父 日 守 育 而 事 怒 欲 友, 所 過 漆 對  $\Box$ 雖 陶 去官 奪 **令** 扶 稱 意 謙 蕭 及 風 育 郭 屬 殊 育 罷 君 爲 如 吏, 徑 舜 親 舒 府 杜 出 課第六, 明 蕭 殿 出 令, 陵 門 傳 日 然 育 男子 曹 詔 見 太 而 官 召 爲 往 守 茂 裁 屬 召 書 責 茂 往

漢 謙 恥 日 ··; 即 時長吏之能 曰 之 舞 同 屈 不 列 舞 可 所 又 嘗 轉 難 自 不 舞 樹 轉 堪 轉 屬 立 則 而 謙 ,可見於此 磐 勝 昔 日 謙 人。」如 人以 不 不 爲 行之上 當 矣。 此 起 轉 事 邪 在 古 今 强

起 與 令相 《宋史 池 挽 惡 **\$** 西 池 司 向 以 馬 偶 公 坐 池 事 論 傳 謁 **\*** 事 **令**, 不爲 「授永寧 令南 少屈 向 倨 主 坐不 簿

# 京官必用守令

官 郡 以 爲 勉 爲 縣 如 郎 爲三等, 郡 唐 通 。」魏 不 縣 張 典》言: 歷 選 九 守 肅 舉 龄言 **令**, 宗 載 繇 時 晋 於玄 不 黑出 來 制 吏 得 陟 共 宗 部 爲 不 輕 有 内 郎 經 日 稱 職 : 中 宰 宜 職 縣,不 辛 改 古 則 者 雄 其 者 人 方 弊 得 刺 思 補 疏 自 史 京

守者 塗,便 官出 詔三 才 朕 墀 究 政 任 都 宋孝宗 人,未曾任 都督、守令,雖遠者 不 宰 楊 **公之本**。 眷 縣 歷 必 近 百 督 百 氏 ||求||? 宰,郡 令者。 試 縣令,雖 里。  $\Box$ 必 臣 姓 省侍郎 刺 臻 時 蓋 爲 而 艱 刺 史,雖 顯 自 致 後 危, 史 通 臣 刺 今 貴。 守人 備 見 澆 宣宗大 缺 理 當 判 後 史、縣令者,宰臣 有 僚 顧 通 擇 之本 有 云「太 風 諫 言: 相 問 治 善政,不 爲 天 爲 嘗 高 久扇 · ; 如 ·; 所 議 人之 監 下 中 第,不 ·, 莫 使 縣 任 守 大夫、給 -利 司 吏 改 無 **令** 刺 不 以 若 術 者 此 病 元,制 · 得 者 事 史者 人 知 + 重 得 重 未嘗 必 道 必 年 任 爲三公, 必 人 親 不 任 守 寖 爲 爲 歷 事 疾 人之官, 郎 任 臺  $\Box$ 令。 口 不 侍 經 消 郡 中、 苦 派 而 1: 「古 外。」從之。 郎、給、舍。 得 官 得 郎 ¨; 頡 守 簿 後 擬 缺 凡 郎 中 何 也 列 知 皆 爲 議 欲 頏 急 者 擇 書 以 不 官 卿 有 郡 噟 清 郎 嘗 歷 軒 使 舍 出

言 付 臣 代 差等。 死 開 三年 銅 之庸 曰 : 者 歸 墨。 綸 元、乾道之吏治所 書之坐 半。」〔原注〕《風 爲 之俗吏矣。 扉之地,●必 任, 於是字人之職 未 朕思 、, 常 右 歷 非 乎? 親 祖宗以 切 經 民,不宜 痛 漢諺. 兩 取 俗 心。 任 百 通 詞 以 有 輕, \* 戰得天下,今以 不 林 獨 驟 後之人君, 云: 而 , 名 除 擢 高 而 於 宋神宗嘗 監 簿 在 取 書錢 察 因 近 丙 官漫漫,怨 定 代 御 科 其 穀 也 史 知 之司 以 謂 始 州 縣 郡 斯 室 分 明 此 以

彊 令、刺 皆 繇 或京官不稱 行 者 二千石高第人爲宰 妙 選賢德,欲有 才術 貞 史 觀 爲中 頗 初,馬 擢 輕 職 者, 郎 其 始 周 選。 將 + 所用, 上言: 出 不 其 補 又 相 能 次 外。 刺 必先試 「古者郡守、 乃 史 今獨 補 折 多 所 邊 衝 武 重 以 以 果毅 州 夫 臨 内 百 勳 人,或 官 縣 姓 身 而 臣 未 力 縣 以

> 人 有 安,殆繇 主荷欲 此 於 則 親民 此 知 重 夫 必 内 以 先 邨 太宗 親 外, 牧民 自 之 政 古 之官,而 之 而 所 馬 口 後 唐 患。 太 猶

#### 宗 室

平之功可冀矣。

宗室爲 吏,舉 宗室爲宰 樂 劉 孝 宰 ·輔、出 辟 昭 衛 漢、 吏者,皆令舉 廉 始 相 彊 尉 佐史,補 唐之制 者,西 元二年 劉 居 牧 長樂,皆 孝 京 廉, 伯 只 平. 四 皆 屈 者, 各 元 百 以宗 以 氂 從 石 宗 始 爲 而 無 本 已 秩。 代 室 光 親 元 東 不 與 禄 無 (原) 年 而 都 有 在 庶 大 依 注 亦 詔 廉 夫, 二師 位 姓 不 宗室 吏 者 數 參 楊 古 遷 辟 Ē. 數 氏 用 一之爲 彊 舉 見  $\exists$ 言 爲 也 漢 守 茂 佐

漢

長

才

爲

0 明 作「本朝 代 據 張 京 華《 H 知録集 釋 雍 IE 鈔 本、 北 大

鈔

乎 觀 從 宋 弟 辛 效 不 諒 踰 每 見 在 官 叔 Ŧī. 者 岢 志 推 武 從 節 慎 在 時 慮 州 前 丑. 公族 例 得 與 於 先 司 詔 參 進 弟 奉 九 恩 隔 命 補 七子, 名數 委宗 人。 日 盟 軍 尉 雒 天 族 有 四 親 豊. : 承 朏 陽 **令** 百 既 薄 違 秉 疏 司 不 卿 五 石 古 則 至 嗣 尉 知 選宗 睦 道 於 惟 冀 勤 精 多 可 遇、 公之用, Œ. 漫常 四從 唐 他 清 皆 從 平. 于 藉 擢 玄 升 爲 授 子 之操, 人。 六 姪 几 德, 章 名 以 宗 内 叔 有 聞 義 臺 從 鄭 從 百 於 清 舉,量 常 開 知 才 蓋 本 期 弟 無 省 縣 叔 姓 八 要, 兼 者。 元二 Œ 縣 無 寡 於 私 官 尉 酸 前 人。 致 等, , 0 遷 偏 右 於 帥 及 瞻 棗 凡 能 祁 遠之資。 宗 + 黨; 元 五. 職 王 先 今 <u>~</u> 于 光 考 咸 法 丞 縣令志遠 IE. Ŧi. 書》不 法 臺 良、五 懿 膺 官 行 有才 以 從 勵 惟 薦 年 閣 戚 是 歷 勸 我 修 善 京 姪 四 Ŧī. 選 云 任 朕 從 從 身 將 所 縣 前 月 風 其 可

> 略同。 嗣 之。 П 終 張 鹽 虢 理,委宗正 詔 俗  $\pm$ 叔 不 鄭 房 唐 父, 膺予 薛 經 鐵 欲  $\pm$ 皇 深 有 王房 之世 制 轉 昭宗 獨 則之爲左金吾大將 Ŧi. 王 適之, 德宗貞 宜 之宜 用 等 運等使。 知 有 自 有宰 吴王 乾 外 程、石 柔 以 簡 寺 勉 寧 戚 , 當 下 元二年八月,以 求 揀 房 兼 相 二年 ,故選宗室子 以 福 有 擇 親 擇 户 制 + 匪 副 峴, 小 聞 及 部 通 日 六 私 明 惠 鄭 薦 九 公言。」 人,「原 才 : 月丁 尚 宣 吾 Ŧ. 「支度牢籠之務 廟 太子 房 1宗,示 書 軍 「原 俾 有 子 判 天 亥 房 勉 注〕憲宗 謂 繼 注 有 睦 孫, 有 度 朔 寶 宰 夷 成 張 才 郇 王 知 が簡、 支, 有 臣 柔  $\pm$ 績 以 行 府  $\pm$ 元 年 宗 房 兼  $\Box$ 材 室 京 者 長 和 閔 有 IF. 二年 而 學 僉 諸 兆 獎 史 林 恒 故 舊 甫 弛 道 拔 朕 嗣 政  $\vdash$ 尹 Ш 詔

九

<sup>● 「</sup>蓋」、今據改。
作「蓋」、原作「益」、中華書局影印本《册府元龜》卷

與 來,當 崇禎 爲 爲 親 之所 間 兄 知 史》贊之曰 斷 無 牧、郡守、古之方 之不肖者,俗 而 原 寇退 弟 禮 宗 勉 術 \_,(原 親 注 行 之, 未 時,始 名曰 正 並 義 屬 用 以 或 0 宋子 統 注》《六 據 者 賢 有 詔 見 大 + 天 至 呼 之 止 大 或 而 有 四 行 之。 臣 爲 而 枝, 其 道 京 抵 年, 딘 長 代 卓 换 宗 皆 潑 我宗之英, 貧 以 論 皆 大理 晚 實爲 也 世 授 然 撒 畏 室 伯 者 矣。 爲 溺 先 太尉 之法, 者 樹 惟 寺 避 子 犯 正 於富 諸 棄 派 周 一官之績者。 則 本 京 而 弟 薛 後 然 有 侯, 物。 師,詔 游 朝 不 瑄 曹 而 則 曾 王 貴, 明 日 奏: 手 唐 不 敢言,至 或 教之無素, 台 親 其 當 無 臯 諸 原 逐 妄 任 立 賢 比 所 宜 王 可 日 注 食 自 原 此 人 或 率 謂 擇 並 之 人 一宋 不 注 諸 兵 驕 格 不 用 數 「今之 三百 事 뱹 靡 天 鹽 時 勤  $\pm$ 嗣 矜, 疑 凡宗 最 王。 事 忧 子 舉 廁 乎 古 曹 賢 不 州 是 Ŧ. 之 或 得 獨 其 人 年 已 者

鎮

法

而

二三人,召 來參 預 大 議 E. 輔 聖 明 一帝  $\Box$ 示 必 召

注: 已下,恩澤 紀 者 蘖 西 不 四四 但 而 京 聞 光 「永平 有 不可 姓,樊氏 昭 其 故 武 加 續 烈 與 意 中 靈、獻 九 教 同 封 乘 宋之二王 於宗 年, 興, 郭 之 訓 年 之以 氏 爲 徒 典 而 實 之世 屬 四 陰 語 賴 稱 先 姓 者。 而 氏 矣。 小 諸 於 帝 航 無 馬 荆表、 侯 四 劉 于 然 氏 舉 海 開 姓 之 蜀 賢 奔 而 立 其 學 小侯、原 力 之 益 親 子 若 校, 焉 弟 詔 疏 乃 顛 置 號 並 即 各 敗 木 E Ŧi. 明、 用 注 1 經 之 專 位 而 一川明 侯。」 師 章 有 猶 己 方 不

帝

後

其 以 後 有 諸 感于宗 唐 王不 末 出 屯 閣,不 枝 田 之不 郎 分房 中 振 李 蓋 自 衢 乎 永 作《 ? Ŧ. 璘 「原 皇 駆 注 室 兵 維 史 而 人 言 城 主 É 録 玄宗 疏 忌

振

由

三五九

<sup>0</sup> 0 天子」 有 明, 據《校 據《校 記 記 》, 》, 本作 本 作 本朝

<sup>8</sup> 寇 據 《校記》, 鈔 本作「虜」。

有

其兄 手 臣 也 問 弟 鼎 矣。 錯 天下 使 而 得 + . 爲 自 六 牧 樹 宅 師 功 諸 亦 名 王. 何 如 並 至 曹 殲 大  $\pm$ 盜 於 臯 覆 逆 者 都 豎 之 彊 Ŧī.

書 統 遂 學之所 人朱 而 取 王 其 鈽 之。 永 始 慎鉴,列 起 明宗室自 光 致 館 家 其 選  $\Box$ 也 庶 他 時 吉 名奄案,爲宗人羞。 崇禎 ', 尚 士,官 天啟二年開 换 既 授 미 有 中 甚 以 以 至 得 中翰, 多 宗生 南 進 然當 京 士十 科, 爲 即 或 疑 可 板 <u>:</u> 人, 子 得 以 此不 監 蕩之際, 進 吏 庶 祭酒 部 惟 常。」 教 士 尚 朱 不

俊言, 科 除 試 者 環 以 , (原 衛 張 在 所考合格宗室 邦 京 注》 師 基 裕 者 陵 别 Ŧi. 墨 雜 爲 始 莊 俎 玉 以 附 漫 牒 非 正 所 録 宋 奏名殿 籍 袒 **※**言: 時 免 宗 至 補 試 室 紹 散 興 外 或 處 其 + 官 朝 後 各 宗室 郡 雜 年 繼 縣 進 從 有 諸 人 程 科 例 登 籍 克

才

略

無

聞

又除了 子 之事,❷ 汝愚一人。 寒素 崧 子 徽 等, 櫟。」 與 猷 而 然 宋 閣 宦 乃 未 績 待 相 靖 有 轍 制 業 康之變, 爲 亦 繼 侍 相 望 而子 從。 不 絶 已不 書。二 淔 宣 亦 和 旋 楊 除。 Ŧī. 踵 氏 年  $\Box$ 八年 相 始 有 ıĿ. 明 除

文帝謂 節 羅 用宗室者,莫如 屬,豈必 子,不鏤 叉,皆有權 昔後 非 鸞 邢 無才 自 力聞 戀 魏 則 雕 元 日 元 鳳 能 望。 魏。 0 志 優 戀曰:「露竹 其 儀、 爲 屈 於庶 此兒 指 在 雒 虔、澄、勰, 其 陽令, 本 餘 竟可。 姓 示 枝 者 可 也。」人主之宗 哉 自 不 盡 霜 是 ! 所 也 避 條, 至 謂 彊 親 楊氏 故 禦。 王 其 多 孫  $\Box$ 王 一能 公 順 勁 孝

之變, 親 其 兄 関 而 弟 管、 抑 蔡之失道 損 此 諸 周 侯,至 之 所 以 於 而 興。 中 作 外 常 懲吴、楚七 殫微,本 棣》之詩 末 俱 或 以

<sup>0</sup> 0 有明 明 據《 據《校記 校 記 鈔 鈔本作「本朝」。 本 無 明

際  $\pm$ 弱  $\vdash$ 之指 故故 此 陛 有國長 下 西 夫 既明管、蔡之誅、願崇唐 漢 惟 之所 聖 人,而天下蒙 人以以 以 至公之心,處 也 原 其 、衛之寄。」深得 注 福 宋 矣 沈 懷 親 文 富 諫 疏 孝 辰 之 武 諫

父欲 此 悲 顧 天 顧 叔 請 欲 已卧 之子 原 贵 者。 下 藉,有 泣 父 副 出 注 之,或 亦未 下 其 〕宣宗遷汴。 議 何言?』璹 疾,求入見哀宗於隆德殿。 也 非後 金史》: -。」 哀 章宗 謂 和 急 ·嘗 天興 朕 則 王之永 代 防 沾 何 宗 訛 其 「密國公璹,世宗子越 投之不測 、初,國 制 ? 溉 或 雖 可 奏日 行。』上慰 刻 家 亡 年 鑒 叔父休矣。』於 削 無 比 一『聞 或 哉 幼 事 兄 之君 事 承 危 恐 弟, 則 平. 急 之日 訛 叔 不 置 時 0 而 曹 父盡 能 叮 之冷 有 其 而 : 辦 原  $\pm$ 何 上問 禍 其言 是 注〕曹王 忠 地 奉 南 大 出 卒 君 王 古 事 質 養 渡 無 至 有 臣 永 ·, 臣 可 然 後, 名 所 於 足 叔 璹 相 功

> 傳而 而 孫,而怨曠之感不 十六矣。」此去開 昏配。』從之。 人,皆未有室家,請 政 宗實録》載:「景泰三年 言,「宗室諸侯微 疏 有 不副 司 明 禄多而 之待 下者乎 言:『秦 自 其意,即 古 親 帝 愈 ! 王  $\pm$ 愍王子 時其長女年 貧 爲 及 部 於 弱 治之道, 誠 其 中爲之沈閣 其 或 得 宗 如 八九 與繫 有 請 故 上 詔 屬 如 名請 庶 聞 七 于 也 漢 + 囚 莫 已 人 月 四十,長 , Ø 軍 哀 晷 年,太 無 先 尚 如 甲 民之家 帝 異」者。 則 於 無不 炌 辰 此 時 位 親 祖 又 子 男 陝 杜 重 親 有 況數 之曾 年 自 女 業 西 而  $\wedge$ 擇 + 英 布 E 愈 而

生 有 訓名,爲 宋史· 趙 人後 希 有 躍 過 傳》:「宗姓 禮, 吏受財 多 無 貧 藝, 而 莫 始

- 0 哀宗 雖 亡 或 之 君 據 校 記 鈔 本 作 金 雖 夷狄之
- 「有明」,據《校記》,鈔本作「本朝」。

0

六二

僻 以 敢 字 上 自 樣,以 陳。」 賜 ^ 爲戲笑。」明 雲 名。 麓 漫 乃 鈔 有 》言 寓 代之弊同 不 : 典之言, 宗 籍 此。 凡 及 袒 取 免 怪 親

結 況 以 王 凡 崇 諸 官 其 下 曰 結 納 宗 有 者 僚,卑哀吏胥,不 以 久 禎 白 王 同 皆 左 千 室 不 所 院 類者。《唐 年 宗室之子固 中 唐玄宗十王宅、 左 右 近 出 請,皆賂 里 令出 來 久 右 唐 屬, 閣, 以 外 圃 而 無  $\pm$ 爲 之 閤 未 得 且. 亦 作 有 倚 藩 就 韓、虢 書》言: 聚 滴 請 必 以 書 鮮 託 班,岳 人 封,二百 居 厚 ],❷述 建 如是則終不得請,不 修 哉? 者, 猶 都 賂 中 飭 而 百 邑,猶 未 德宗初 宦 故 陽等 孫 後 閣 悉 而 褻 官 年 嗚呼,文定之言 事 得。 院, 老于文定之言 命 也。 始 朝 之支屬,有不 爲 不 以 臣 得 政,「諸王 十縣主, 皆在京 憲宗 免於夤 朝 禮 今之懇乞 所 視之若 廷告者 出 請 時 降 師 愈 彼 在 有 非

> 恩; 禁, 媵 官、 降, 農 訓 縛 疏 而 甚於皇族者。 施 王 教 甚 之半 之,所 庸 前 道 規 明 周 親 臣 平 本 П. 羣 替,可 言 限 不 爲 折互支  $\pm$ 制 史 從繼世 ! 藁 耳目 各 謂 而 免 支子之 無 虧。 \_\_ \* Z 不億之麗,宗 錫 維 飢 加 又 (無常 嘉 寒。 城 者 以 日 之所不 嗚 名,以 其 日 今且 之寄, 請。 郡 爲後王之殷鑒矣。 期。 : 即 呼 《杕杜 舊 封 剥 號 封 由 示 漢 絶再 無 月 余繼 窮 啟、 稱 遠 傳 削, 及, 是 禄虧 有 臣之言 雄 者 閻 禎 世 支 》作 襲 也。」又曰: 藩 ,宗派蕃昌 雖 時 久遠。 恩澤 乏, 蔀 屬 之矣。」夫一 之例。 而 支子代有 承 軍 屋 而 議 牽于 祧 餉 一,猶得 日 晉微 者 當 之所不 者, 告 以 文法 有 遂 萬 及名 絀,大 明 禄 親 有 曆 封 〔汝成 太 秩 減 中 立 被雲 白 Ę, Ŧ. 婚 一周,未 角 夫 祖 歲 難 葉 不 無 頭 吏 而 給, 案 蒿 禄、 建 弓》 吁 時 旁 得 僅 恩 雨 老 藩, 推 限 有 及 以 末 王 澤 刺 之 人 之 胄 日 厲 宫 祖 東 束 搋 可

武

皇

0 0

六字。

<sup>「</sup>唐王」下,據《校記》,鈔本有小字注「後爲隆「明代之弊」,據《校記》,鈔本作「本朝之病」。

<sup>418</sup> 

適爲 惜 仰 酷 古 無 憂 (難支,安 殊。 不乏人,其 哉 給 瀆 騎横 其 不 亂 然明 言 賙 縱 之資 恣 前 能 之諸 尤衆,豈皆恩 他 顧 明 日 此 膽 藩 覬 £ 盜 困 藩 封 覦 起 辱之所 在 維 窮 非 蹙之狀 無 位 分 力 勤 親 澤之不 禦 由 自 恪 王 及, 侮 取 或 Œ. 行 而 誅 徒 可 逮 誼 與 戮 法網之所 自 手 孝友、 歟? 先 者 就戮 存 4: 無 郡 所 才 則 論 宗宗 述 Ŧ. 由 封 藝 ПП 唐 以 密矣。 社 禄 通 淫  $\pm$ 爲 至 之厚 美 之言 昏 墟 入者, +殘 尉

## 藩鎮

鎮 故 矣。」文天祥言: 救 要 所 敵 ,金人不 衝 日 分境 明 至 時 峙 代 或 雖 列 之患 内 州 家 足 重 敢窺 爲 則 都 以 鎮 , 0 汴 四 矯 河 本 诗 恃 大略 鎮 州 尾大 城 南, 朝 破, 河 使 受圍 懲 而 與 之弊 北 其 至 Ŧī. 京 宋 以 地 季 師 司 則 爲 然 大 縣 之亂 根 諸 古 力 則 或 本 岳 城 衆,足 以 之 飛 削 或 苟 縣 寖 説 撓 地 馮 除 殘 弱 以 藩 古 或 據 張

> 了; 而 乎 始 於 於 敵 則 黄 約 奔 立 中 敵 巢 命 四 一楊 葉 日 不 者 道 氏 以 齊 難 而 日九 未 降 吾 奮 卻 金 必 民之豪 至 也 公唯 有 其 」。」嗚 非 興 進 不 武 藩 元 無 仙 遂并 傑者 鎮 呼 庶 而 退 之力 幾, 始 於 世 又 餘 建 彼 言 吐 都 伺 九 備 無 蕃 唐 宋 閒 足言 公, 多 至 出 П 力 不 靖 於 於 紇, E 藩 康 其

滅

而

晚

鎮

中

疲

抗

者 得 假 趙 侯 此 唐 諸 之彊 不 而 王 既 魏 弱 命 侯 能 外 尹 首 矣, 此 源《唐 之 焉 以 遂 亂 雄 其 相 未 而 唐 故 者 制 亂 説 久 極 制 然 河 ₩ E 不 於 則 河 北 專 Ċ 皆 理。 易 : 北 順 地 者 恃 而 不 而 世言 而 諸 夫 順 唐 順 聽 治, 弱 唐 爲 而 命 侯維之 唐 唐者 輕 變, 若 雖 所 則 重 古 病 以 「**,** 諸 則 天 之建 Ė, 也 姦 下 何 侯 雄 爲 亦 則 由 或 燕 也 或 亂 不 諸

❶ 「明代」,據《校記》,鈔本作「國朝」。

暴,不 莫敢 之弱 侵伐 也。 之, 年, 侯 絶 歸 不 憲 附 俊、朱滔 河 而 恭 莫 北 宗 其 生 國 終 而 姦 而 先動 卒 之 能 輕 者 及 討 連 敗 起 也 過 乘 不 臣 事 戰 猶 廣 與 蜀 衡 ·成中 據 巢 取 敢 逆 之 德宗 去 明 以 武 之計 平 Mi 況 趙、燕, 、蔡之 窺 子 霸 田 宗 矣。 敗 王 之 争 夏, 興 非 神 專 於 悦 室 世 後 將 之功 義 羅 器 其 或 誅 梁人一 叛 爲 亂 而 討 非 彊 朱 舉 氏 齃 方 勢 蔡 命 於前 名 王 劉 泚、 乎 内 者 爾, 相 東 者 然 夷 而 力 誅 稹 ? 附,王 均 有之, 無 田 也 舉 鄆 及 不 李 , 田 安能 以 之 武 復 承 希 地 而 梁 足,畏諸 氏 如 兵 成 叛 俊 唐 嗣 向 鎔 烈 此 相 代 祖 稟 夷 彊 連 先 順 有 使 守 屬 唐 請 舉 命 始 如 禪 將 四 雖 正 於 魏 以 遂 有 盟 河 是 其 相 王 天 梁 方 侯 方 三鎮 於 於 後 僖 或 其 南 二百 下  $\pm$ 鎮 者 勢 之 承 祖 而 也 僭 之 是 武 昭 諸 勢 有 亂 宜. 劉 相

> 故 於諸侯,而 洄 7,子何 唐之弱 北 之弱 議 者, 也。 广 之 速 渦 以 或 於 平 河 曰: 北 唐 ? 之彊 何 諸 曰 如 : 侯 也 哉 秦、 彊 ; 唐 隋 則 之亡者 之勢 分天子 無 分 之 以

弱 亦 則 以 藩 不 戎翟之禍 獨 鎮 之勢 此 也, 重 烈矣。」 契 也 丹 人 王. 0 大 應 梁 麟 而 日 不 : 能 郡 有 縣 削

之。 下 以 土 言 自 豪 贍 懲 則 『五代之末, 兵 中 爲 宋史》:「 總 節 唐 國 養 衆 師 度 末 未 士 所 出 以 藩 服 嘗 討 由 下 鎮 者 遣 劉 是 之 中 第 平. 事 無 封 盛 騎 或 坐 爲 E 邊 以 多 給 鄜 削 鄙 州 事 卒 則 俸 延 之 邑, 其 兵 遠 禄 兵 虞。 路 惟 歸 征 屯 制 副 柄, 宿 賦 塞 或 太 西 總 衛 所 上 收 方 祖 管 戎 其 定 但 面 爲 將 ); 足 還 뒜 天 有 任 得 上

<sup>● 「</sup>戎翟」,據《校記》,鈔本作「夷狄」。

方李 朝 木 自 本 矣。』 此 鎮 而 靈 夏 彝 彼 州 興 宋 夏 邊 失。 初 仰 靈 方 之事 中 武 世 或 馮 襲,宜 得 ·, 折 戍 繼 守,千 業 氏 失, 異 襲 於 里 足 而 切 此 饋 府 以 亦 州 糧 爲 丽 徙 · 兵 存 後 誤 内 人 繼 以 民 地 之 捧 並 朔

勞者 藩 路 籬 守 之固 臣 爲 賈 皆 昌 首 帶『 朝 帥 爲 安 如 御 撫 河 史 蕃 東 中 部』之名 折 丞, 氏 請 之比, 庶 · ; 擇 陝 西 其 緣 可 族 以 大 邊 爲 諸 有

鑑

也

大率 見 年 年 足 足 ·, 范 以 秋 以 至 害理 如 害 州 蜀公爲 路史・ 是。 事 馬 去年冬,知 懷 而 而 德 欲 封 矯 諫 救 望 建 恩 院,建言:『恩 弊 枉 三兵馬 後論》 之枉 州 之弊常大。 州者凡 劉 練習,安可 常深; 涣、 日 七换, : 冀 「天下之枉 州 天下之弊,未 州 方至  $\pm$ 河 得 自 德恭 北 皇 和 也 之二 諸 祐 一,未 伏 州 Ŧi.

口

略。 之。 折、 況 非 材 家物勢 人,❷非 畏之。❶ 而 屏 之深 復 理 以 西 簣 昔, 勇 靈 討 馮 障 智 朝 北 折、李二 近 武 今不從 縱 江. 暉 慮 謀 必愛吝,分外爲 廷 世襲不克守。 鎮 太祖 之李, 恩信 有 河 他 節 付 其反 可 度 H 一姓,自 重 猶 或 於是俾 其 責 暉 靈 不 勛 與 之極 無 噬,原、 大 辦 卒,太 爽, 武 夫 益 而 治,乞令久 **T**i. 於是二方 馮 也 算 奚 而 其 徒舉三二州爲之, 代 世 陜 暉 祖 防。 重 自 世 來 襲 古 請 乃徙 勛 襲 世 而 則 楊 非 以 帥 設 世 他 有 其 始費 重 任 流 每 昔 禦之足矣。 其 或 有 子 其 謂 勛 俗 者 子 新 叛 孫 地 之 邊 朝 然 淺 斯 河 %换,自 馮 秦, 久遠 寇 事 事 近 東 則 廷 翊 者 聖 内 寇 經 以 勢 之

寇, 據《校 記》,鈔本作「虜」。

0

0 據《校記》,鈔本作「

環 邊。 之實 懸矣。 間 牙 悉 守 + 權 西 之所 滄、景, 知 防禦監 太 則 武 以 慶, 祖 瀛 年 以 軍 因 無 固 之 畀之。 河 知 皆 中 守 封 兹遂失靈、夏。 西  $\pm$ 郭 賀惟 己 議者以太祖之懲五 咸 不 舅 東 也 之政, 琪 建之不 北之虞。 + 彦 進 默 累 南 封 之功 戍晉 餘 昇 啚 厥 忠 建, 又 以 其 兵 載。 居 俱 守 後 洺 馬 而 使 任 姑 特不 可 原, 以 何 陰 議 易 州 ,凡十七年,敵人不 得 **\$** 復。 深 韓 便 用 繼 臣 防 管 自 趙 仍 機 **令** 國之 李 隆 筠 之矣。 宜 禦守 遽 榷 愚 誘 贊 坤 世 密策,蓋 謙 封 從 牧棣 以 之 竊 募 處 鎮 溥 建 與 事 季 西 世 利 而 以 驍 延,董 之名, ·, 是 常 刺 • ,若張美之守 李漢 郡 Щ 襲 李 爲 而 勇 賈 隰 山 巡 不 使人 氏 以二 其 解 不 易之權 超 檢, 便, 以 遵 姚 馬 遂 諸 而 然 事 繇 累 + 爲 誨 敢 齊 移 内 封 將 古 折 之 年 爪 中 瑀 斌 窺 州 建 夫 陝 兵 相 氏

> 其 建 所 不 藩 靖 言之,奚啻冬水之冰 定,以中 天子之兵, 而 学,皆 主 以 世 籬 不 康寇難 之限 每 出,而大臣 知 而 鄭 爾 咎徵、普, 公、韓 爲是尋常苟且之治 或 今, 卒, 長 郡 勢 驅 胡 不 之 力 百 爲 王 得 者 横 而 舍 議 之 以 而 每 潰 不 9 者 不 爲 (`,莫或 · 能 亢 一 有 病本務 齿 直 不 知 之? 唐 原 擣 以 室、 嗚 其 梁 也 支持 帝 一偏 之不 呼,欲 故 故 師 我 王 方之元昊, 自 , 蕩 朝之 之道 遂 知, 寶元、 治 繇 然 以 不 此 之君 責 今日 無 兵 難 封 子 有 康 爲

堂。 超輩 者 也 。 **③** 三代以 使自 黄氏 不 日 使 爲 來 抄》曰 之守 守 待 封 戎 疆 而 翟 者 太 邊 之 久 祖 烽 得 任 時,不 之 未 世 警 有 襲 不 如 渦 接 而 用 我 欲 太 於 李 身 袓 廟 漢

虜」。

0 0

0

戎翟

校記

1), 鈔

本作

寇 敵 難 據 據 校 《校 記 記 》,鈔 鈔 本 本作 作 胡 一醜

制 萬 里 如 在 H 睫 天 下 無 是 理 也

之道 得 諸 中 旅 其 危 師 小 兵 家 或 禹 知 救 Ŧ 甲 不 郡 偁 方 侯 道 人 州 而 敝之人。 在 爾 + 當 餘  $\pm$ 跋 也 抑 藩 上 撤 自 時 言 守 真 年 鎮 Ŧi. 扈 郡 乎 名 武 Ŧi. 「楊 信、監 議 宗 其 之 縣, 既 方 從 備 爲 季 氏日 「《易》 者 咸 如 勢, 太 罷 Œ 宜 以 亂 郡 爲 學《深 設 乃 祖 平 〕天下本 書 軍 太 充 離 而 彊 城 疾 **\$** 法 生 常從。 王 宗 慮 太 榦 州 日 若 救 蕩若 江 各 年 領 論 昭 宗 縣 弱 杜 -無 轉 淮 丗 據 影略 州 王 度。 百 削 濮 枝 之 僭 規 盡 平 諸 城 公設 年 之計 平 任 號 州 久 僞 之矣。 大 不敝之法 郡 不 地 壘 於 則 僭 盜 覬 郡 日 處之又不 是 口 險 弊 僞 夜 望 長 毁 豆 給 雖 蓋 亦 知 膠 之心 天 天 生, 吏, 城 入城 分 以 則 厞 黄 太 而 柱 隍, + 瓜 貴 下 守 救 得 尊 實 祖 州 有 弊 不 百 收 其 得 削 其 京 略 今 王 扶

奪

也

禦侮 夷 ~,然後 ·, 並 徒 州 宸 不 淮 之 完 贵 陸 縣 見 斷 諸 置 非 之 藝 州 士 備 漸 守 許 崇禎 兵 祖 大 衡 也 捉 葺 江 Ę 與 罷 患 所 軍 城 淮 吏 末年之事 財 節 有 軍 謂 壁,繕 士: 諸 免 度  $\equiv$ 不 其 郡 多 爲 剽 服 害 酌 不 城 宋 習 掠 夫 完 至 平 民 過 百 池 之 甲 從 於 户 年 Ŧi. 墮 虞 胄 數 横 也 衆 之利 百 圮 矣 白 寡 人 而 則 年 望 城 郡 嗚 城 閲 而 而 陛 也 池 未 呼 或 習 池 下 不 ; 兵 自 E 有 弓 大 知

劒

小

紆

仗

江

#### 輔 郡

果 兵 疏 以 行 請 崇禎 衛 以 ^ 京 昌 魏 師 書 平、 年 通 奉 自 月 嘉 靈 霸 兵 納 太 部 兀 后 下 州 侍 時 部 爲 郎 几 議 几 申 中 覆 輔 用 郎 懋 事 將 宿 不 重 上 兵

敵 不 深 内 南 寡 百 根 郡 中 弱 亦已事之明 而 古 帶 選 任 本 止。」及 魯 城 ·之計 陽 品 王 郡 澄 爾 也 驗矣 品 奏 西 朱 親 中 築 靈 賢 帶 太 宜 至 居之, 恒 河 后 以 農 陰 將 東 郡 從 配 中 遂 之, 帶 以 北 無 祭 强 以 中 兵 陽 兵 帶 議 郡 拒 者 則 河

史》: 下。 之 其 爲 擊 嵩 叩 地 Ŀ 别 順 事 州 城 此 近 汝 , 均 太祖 縣 索 攻 金 真定、清、 臣 閒 抵 中 都 州 戰 是 等 西 八 都 大梁,貞 縣 年,分兵 身 所 亦 御 但 郊 之 沃、 也 史 是 爲 韋 危 以 大 臺 京 彼 猶 寒 游 又 名、 願 道 祐 言 師 知 心 騎 將 火 陛 伐 東 之 几 也。 京 在 遮 木平、 見 金 下 漸 年 腹 絁 師 兵 於 河 察之。」 德、 也 不 屯 心 北 道 今 踰 兀 郡 邳 攻 路 宿 崤 兵 日 撥 縣 若 京 海 重 澠 取 盡 契丹 置 而 專 州 拔 兵, 師 潼 原 於 + 深 以 分 唯 注 關 原 城 不 手 兵 而 中 城 注 足 都 縱 守 攻 復 重 次 不 元

爲 矣。 縣 之臣 不 絶 安 年 後 敵 關 我 吾 後 日 可 前 中,未 '。」后 改 之守 或 啻 河 亡 以 在 嶺 救 矣。」「原 樹 爲 吾 者 ^ 吾 後 竟 北 可 出出  $\equiv$ 日 深 遼 詩 計中 大業草 則 可 V. 盍 無 州 : 不 河 千 曰 擊 啚 待 人二三千 之四 鹽 東 曰 也。 太 矣。」古 前 注 足 騎 此 盡 創 於 策 祖 不 使 赫 恃 掠 爲 出出 樹 我 士 彼 如 連 斯 以 將 野,大梁之 我 無 人用 今 其 無 衆未 州 疲 以 勃 禦 而 有 專 攻 俾 於 四 之 皮 驍 勃 里, 古 兵 多 調 其 幺 城 奔 騎 稱 待 野 有 之 姚 可 命 帝 州 援 來 風 興 壞 至 城 智 土 興 馳 以 不 既 而 我 諸 之 於 西 彼 有 其 多 亦 無 死 則 生 將 過 出 擊 兵 必 淮 有 郊 游 勸 民 后 獨 其 乎 嗣 并 數 其 時 不 出 食 先 不 也 子 述 斯 力 之 岱 此 去 自 取 年 亦 足 意, 谐 於 雄 律 畏 若。 鍋 之間 猶 弱 我 日 用 救 此 諸 而 夫 氏 中 木 徐 不 前 衆 將 後 謀 踰 則 也 指 而 則 取 及 非 勃 爾 用 不 之 郡 此 明 或 歸 帳 Ш + 擊 Ę. 其. 勃 命

朝 親 當 鋤 屋 同 爲 出 姓 頃 與 河 方 0 名 戚 刻 番 相 社 自 朔 以 文 佩 實 臣 墳 可 人 望 頭 人 相 西 帝 宋 劒 私 皆 帥 墓 致 專 路 廣 元 畫 立 而 社 若 定 千 祐 所 結 虚 又 有 被 備 賞 樵 副 在 透 八年, 州 人。 自 重 邊 邊 其 罰, 爲 者 漏 出 罰 策 相 州 録 弓 器 北 嚴 推 軍 事 箭 知 自 日 如 不 甲 Ш 賊 於 遇 擇 定 韓 爲 社 制 過 自 鞍 坂,飲 及 官 謂 家 有 戰, 州 琦 邊 澶 馬 本 不 府 警 之 資 蘇 縣 事 淵 敵 龐 土 論 頭 軾 武 常 急 食長 以 藉 甚畏之。 强 分 家 講 藝 言 目 其 若 備 擊 番 盜 業 和 寇至。 衆 技 敵 鼓 以 不 巡 高 帶 與北 所 加 或  $\Box$ 漢 集 羅 來 獲 下 0 弓 意 服 鼂 徙 户 先 蓋 其 拊 者 遠 鋪 敵 而 百 今 錯

> 矣。❸ 如崇 於 之 設 其 循 此 不 博 爲 尚 都 閒 變 宋 賞 逮 約 其 與 東 存 統  $\vdash$ 諸 禎 暇 時 罰 往 束 人 今 勝 (楊氏 河 總 部 之末 之 興 舊 賞 号 H 管 塞 多 北 以 和 以 地 外 時 罰 犬牙 箭 駐 E 見 忠 爲 大寧 防 示 課 而 彼 昌 欲 社 有 義 爪 相 懲 處 屯 而 爲 [黎客兵、土兵之策,可 乞 責 今 之 錯 開 率 多 牙  $\mathbf{H}$ 由 勸 此 朝 雖 有 法 平、 河 土 客 耳 出 寓 熱 廷 泉 屯 司 名 户 興 河、 目 深 於 雖 誉 兵 奏 以 立 和 獨 厚 以 之 八 此 承 於 凡 修 法 石 東 具 西 溝 水 用, 平. 農之計 П 開 勝 兩 練 存 誉 草 外 少 平. 舊 有 廢 豐 儲 E. 舊 鄭 而 則 地 於 或 賜 責 弛 美 家 有 衛 備 此 籍 皆 家者 皆 優 其 莊 宜 紅 得之。 其 之紛 又 吾 可 而 於 城 異 不 實 雖 街 牧 增 不 靖 屯 歸 陌 分 報 廠 用 牧 明 損 紛 至 能 康 陳 遺 之 化 列

0 敵 敵 據 據 校 校 記 記 》, 鈔 本作 本作 「虜」。 虜

城

跡

副

品

鴻

Ø 0 崇 禎, 據《校記》,鈔本作「先帝」。

六九

第 供 中 募 外, 閒 路 使 爲 公給屯 -之驍 邊民 灬聊,不 屯 滿 於 使 旂 軍 及 開 人 漢 散 自 軍 捷 (願往 會 同 平 使 若 者 饗勞之需。 者教練 稽 爲 知 故 世 徙之塞下 亦 古,各 守 司 隸 地 守其 有二萬 諸 之, 設 經 爲 衙 屯 (業。 費 給 畫 兵, 門 牧 使, 所 餘 以 疆 閒 復以 耕 Ŧī. 出 使 種 人。 分 各食 散 年 牧之餘 糧 駐 取 之丁, 其 以 牲 此 人 之屯 其 餘 聯 後 等 總 畜,令其 力。 力繕完牆 爲 約 與 領 始 牧 復習騎 應 數 有 其 其 差 每 萬 援 事 收 使 歲 分 有 聚 耕 射 撥 地 堡 見 復 餘 牧之税 食 擊 發 今 分 屯 修 刺 京 内 設 漢 牧 整 之法,名 萬 師 務 軍 П 人,復 戎 即 擇 貧 外 披 府 器 其 窘 以 甲 Ŀ 四

#### 宦 官

列 經 古 有 于《 古 聰 傳 一有之, 識 漢 小雅 者, 和 教 熹 授 丽 ×; 置 鄧 不 宫 博 后 史 ·限其 人。 1: 游《 詔 授 人也。 急 秦 中 經。 苻 官 就 堅 近 »**,** 著 若 選 我 臣 夫 太 奄 於 在 巷 祖 人 東 伯 藝文》。 深懲前 及 觀 能 女 受 詩 隸 讀

 $\bar{\Xi}$ 

之正

内五

人。

内

落 馴 宋 急利 撰,專 代 子 内 宣 名 其 殿 後 而 注 居 原 (授小 大學士 禮 外交錯 翰 不可 〕英廟升 一,而 賈 舍 致 廟 注》實 ,此令不行。 宦寺之弊, 林侍 坐 而 之納 授小内 人, 昌 秉筆之奄, 昧 内 實教 溥 讀學 大體 陳山 使 朝 绿》: 以 遐 復 帝 1: 書 使 謀 **,**典 諫 爲 坐 收, <u>i</u>: ,上薄之。 授 遣 亦 專授 人閣 書。 宣 求言, 錢 種 侍 賤 飲 教 内 命 及者之事 溥 得 局 德 至 小 講 四 宣 宫 其 侍 以 元年 内 局 非 晡 E 内 年 德 嘗 派 尊侔 人,允 其 使 而  $\dot{+}$ 宫 Щj 而 以 内 諫官 Ŧ. 七月,以 中 奉 也。 致 去。 敗 書。」《實 Ė, 豎,倍寺人之數。」當 廷 書 編 命 不 綸 露 仕 歸 於 命 臣 教 以 堂 乃 恭 吴育 修 昔 許 得 老 内 行 劉翀 周 内 未 階 恩禮 有 罪。 録 資 識 恥 隋 書 事 在 禮 閣 有 \* 内 之 禮 東宫, 館 善 蔡 爲 字。 之, 奏罷之。 綸 綸 , 而 書 論 部 厲 行 堂 允 無所及」。 造溥家,執弟 Ш 尚 及此 數 寺 在 乎? 希 堂之設 受學焉 大權 恭爲 爲 書 書 永 翰 人寡 鄙 人》 稱 林 兼 籍 柄 院 疾 謹 學 用 旁 以 爲 起 以 遂 原 則 身 修

凡閹人不授官,不任

事,不

衣

命

服。

後世人臣

有言

立

患大,必

滅宗社而

後

Ë

然絶之甚易也,請

著爲

典,曰

屠 雖

忠良

朝廷空矣,

挾

制天子,干戈起矣。

是三

患者,其

不

神聖蓋亦莫之如

何也已矣。

兒蓄公卿,天子孤矣,

逐

而

小,然剛

明之君

或中

其

一二,法制無

可

加

誡

訓

無

所

益

多

海

稱

馬

理

君以酒 生,求 矣; 中宗, 長,階 近 知 置内侍省、監二員、秩三品、以高力士、袁思藝爲之。 至 埽 時 唐太宗詔 刑 宦 除、 暬御之臣皆是士人,而 明 權臣因之,上 拂 萬、宦官黄衣以上三千員。 官之盛,繇 示 人,則當 色 黄 第 則 稟 以 有 便 衣 四 導 食 内 功死,刑不中,罰不中矣。 進之門,邪 一,不任 君 乃二千 而 侍 隱無不聞,下 以 以 省不立三品官 荒 遠 於宫嬪之多。 游; 以 色爲 ·員。 武 曲進,賢 導 事 后 君以 本。 巧無不 時,稍 玄宗時,宫嬪 惟門 侈 正沮 婦 唐 御; 達 閤 寺之權 ,以内侍爲 矣; 增 此 氏 而 導 ,國之大柄 [原注]玄宗始 守禦、 七患者 日 人主 其 金 君 人則 凡 以 人。 良矣。 惡 閹 大率 欲 廷 「, 其 死 見 人導 下 不 是 内 之 至 患 罪 移 īE.

預

馬,過 臣 V. 宰 人之職司及使視戎事者,殺 相 不言者死,小臣不言者黜 ıfıj 致言, 跪 而 而致言 E. 馬,不得乘馬,抗 立而受言,不 ,跪而受言,不 得 坐焉。 公卿 無 得 赦。 V. 者 焉 遇 斬 凡 百 閹 傳 抗 人傳 官 命 百 于 於堂 官者 道 命 于 流 見 見 朝,見 ൬ 九 大 F

其家法之嚴,五也。」至永樂初,狗兒諸 《大明日曆序》言: 畏法,無敢恃 H 中 洪 中 肺 外 上之績,後以 事,見公侯大 接 武 諸 腑 人 王元美《筆記》曰 夷,而 舊 矣。 大臣,而 有 人,意 鎮 龍以 太監 守者矣。 中 「后妃居中,不預一髮之政。 病民。 中人有票旨徑行 不 Ĺ 倦 鄭和 能 有 勤 臣 寺人之徒,惟給事 朝 無 出 吅 : 王 等以奉 疑 使 事, 一高 首 公者矣。 振 7, 思以 惟 漸寄 帝 時, 謹 時 命率 上 腹 筆札, 者矣。」 西 奄稍 中 原 春秋少, 心參之, 掃 北 舟 外 注 除 戚 大將 師 久 二宋 不 稍 之役 亦循 F 13 見 得 濂

往 Ш 西 或 史 採 天 所 花 載 **詐傳詔旨** 永 樂五 年六月,内使 「擅役 軍民,此 李 即 進

内官楊寶、❶二十 多 弄 之 納 民 京及天下 外 法 至 官 Z 拘 狂 即 石  $\mathbf{H}$ 、採金 使 于 磔 内 未 閒 集 近 位 諱之不書。 内 權 廷之臣交章争之, 涼 死 使 詔 之 差 之 旁 所 所 盡 而 庫 内 從 擾, 漸 書 費 午 撤 其 巡 珠 而 陵 藏 官 之。 几 甚 按 П 出 香 管 敝 其. 虐 有 内 仁 納 出 京 大, 浙 年 貨 黨 猶 官 「原 事 供 宗 13 使 + 江. 事 + 貪 吏 應 注义實 袁 月 面 採 宜 猶 即 監 其 餘 軍 市 ! 癸巳 之 琦 藉 鐵 有 皆 位 至 察 見. 買 民 而 煩。 假 黎 口 至 録 遣 洪 如 取 御 諸 皆斬者 於 無 凡 公 於 着 木 於 内 逼 熙 官 史 П 可 物 詔 官 朝 差 祖 務 + 萬 取 # 元 德 韋 如 九 而 書 宗 爲 廷 出 曆 金 每 惟 崇 年 喬 年 六 何 者 之 名, 太 内 所 + 物 同 中 銀 六 **\$** 高 年 嗚 矣。 御 宗 成 等物 需 臣 年 置 月 有 有 呼 擅 + 史 月 甚 局 實 例 辛 察 宣 採 是 差 可 限 鑛 録 微 勘 西 有 宗 作 月 買 朝 寶 + 以 内 則 税 兩 遣

> 武 歎 不 其 任 哉  $\pm$ 害 奄 不 固 人者。 不容言 泄 邇 端 矣。 0 皇 親 其 楊 見 餘 Æ 逆 諸 E 一端之禍 帝 有 自 明 太 ᅦ 宗 代 卒 仁. 以 如 奄 宗 王 而 人 汪 外, 監 劉 軍 未

有 魏

口

言 : 之。 奏, (,善用 : 中 捕 撫 於 悉 惟 人。」《 一宣 中 官 育 甘 叛 聽 事 如 官 甚 馬 賊 肅 探 德 中 招 典 厚,每 騏 宣宗 黎 總 官 撫 雀 元 兵, 嘗得 利 奪 兵 指 雛 年 以 亦始 實 去, 官 0 本 率 使  $\equiv$ 士 致 -之討 録 都 爾 月 貴 軍 養 於 言 督 乃 勑 己 窮 與 Ŧi. 永樂。 禍 費 妄 亥 賊 責 蹙 百 遺 賊 瓛 執 其 小 交 患 勑 所 人 戰 己 寇,若 低 不 責 嚮 肚 不 見, 仁宗 勁 眉 能 及 中 成 左 利 勇 俛 方 再 功。 參 專 官 早. 善 首 實 遂 政 斷 政 用 111 録 戰 等 陳 死 後 馮 受 軍 心

貴

爲

貴

制

政

實

禽

 $\Box$ 

<sup>0</sup> 寶 中 研 院 史 語 所 整 理 本 明 太 宗 實 録 卷 四

於中 王 來 進 振 討 官,而 之專,土木之難 應 爾 視 擁 仁、宣二宗 其 官 敗 軍 鲄 千餘 此 是 亦 人,坐 非 但 則 其 加 交 之誰 漸 守 胜 平 之失,實 义安, 責 而 不 己。 本 往

年 景 豈不信夫! 下 大 師》之「上六」日 間 至 鎮 泰 今非 ,克平交阯 川 守内臣貪虐,致失人心,竟亡其 交阯 年, 議 吏科 事, 不 己。 ,設置郡縣,夷人服 給事中盧 中 :「小人勿用 官之惡,《實録》不 即 此 祥言:「 數 言, 必 可 亂 臣 以 從。 邦 思永 地 盡 想 也 天 書。 後 樂 見

冕

全軍覆没矣

幾,遂 師 初六」,「一 于多 成祖天威 棄交 魚,《 阯 陰始: 春 秋》 遠加, 齊 生」,而周公戒之。 桓 己 首 志之矣。 無 霸, 思 不 而 服。 寺 故 人 ^ 遏 貂 姤 密 始 **>** 之 漏 未

興 安 伯 IE. 統 徐 九 亨 年正 都 督 月 馬 辛未 命 陳 懷 成 等,統兵出 國公朱勇、

> 軍 爲 劉 境 П  $\Box$ ·, 諸 剃 例 永 亨 是 誠 將悉 同 兀 時 至 出 良 太 + 王 劉 哈哈 爲 監 四 振 家  $\equiv$ 曹吉 所 年 擅 Ц, 衛 制, 陽 權 祥 懷 師 和 勇 乃 出 同 П 無 同 有 界嶺 之戰 太 紀 太 此 監 律, 監 造, 太太 П 但 僧 而 信信 亮 監 而 保 宋 出 郭 後 冒 出 謙 敬 遂 古 太 喜 朱 監 以 北 監 峰

監 以 懲 子 政,依勢作威,王爵天憲, 鎮 之端,國祚有過曆之兆矣。」事寢不行 悉令還内,各守本 之守門傳 奪,任 爲 漢、 i 前 失,宦 心 景 唐之弊,不令預 泰元年閏正 腹 刑餘之人,不 己 命而 官 出 愛 憎 有 監 른 參 邊 職 預 事 又多引 月 邇 朝 · 侍君 Z 者姦監 政 如 皇 政 卯 此 悉出 不 及 上 同 了**,** 工 側 則 令典 臨 監 類  $\pm$ 宦官無 太 部 軍 御 如 其 振 祖 辦 乘 兵, Ц, 之 鎮 郭 高 事 守 敬 初 召 生 機 但 皇 吏 了, 乞 殺 使 徐 專 帝

六 月 Z 西 陝 西 蘭 縣 舉 人 段 堅 論 宦

寺 監 軍 之失

庚 子, 肅 府 儀 衛 司 餘 T 聊 讓 請 禁 抑

宦 寺

匠 餘 T 年 蕭 敏 九 月 辛 陳 内 卯 官苦害 南 京 錦 軍 衣 民 衛 + 鎮 事 撫 司 軍

謀 帝 用 謹 自 官 議 權 中 學兵 不 某 慎 古 與 萬 黑 遠  $\pm$ 人 内 許 皇 播 徽 或 世 天 也 官賢 宗宗社 等言: 順 者 后 内 政 焚關 聞 八 也 官 必 欺 或 年 良 不 弟 先賣 0 侮 、 欲 政 幾 一 正 者 十 姪 陛 許 臣 危 萬 危 便 之以 統 下。 在 請 外 月 宗 無 作 末 外 天順 官 自 丙 社 年,王 姦 是皆 爲 管 人, 與 今以 0 寅, 欺 己 事 内 年 今 功 貽 無 兩京六科 并 間 官 後 日 振 笑於 如 事 置 私 牛 專 曹吉 聞 之 聞 權, 立 相 玉 不 四四 陛 時 陛 交 産 專 下 許 方 祥 使 給 下 似 業 權 將 取 先 將 爲 内 專 事

> 矣。 勢 結 僚 致 陛 内 下 之 廉 内 所 歸 行 爲 者 疑 下 官 前 婢 恥 官 以 威 某 怨 臣 侍 非 此 天 者 勸 便 稱 膝 事 權 歸 等 奉 ,多與之交結 也 稱 縱 以 美 陛 奴 也 聚 H 朝 陛 所 聖 之。 美 爲 下不 顔者,内 姦 重 廷, 必 下, 明 内 以 不 者 養 先 賢 官 勸 有 正 而 恩 驟 許 惡, 古 朝 泄 弟 陛 内 結 踰 内 官便 勺 不 朝夕在 之 大不 家 姪 下 官 宦 顯 爲 在 臣 有 之 以 人 人 不 寺 惑 側 位 與 以 饋 許 阳 張 等 百 禍 聞 陛 爲 以 非 日 而 數, 外 己 文武 起 不 或 授 下 賢 加 金 毁 官 内 矣。 勢。 政 貲 寶珠 職 行 前 浸 者 與 官 朝 大臣不 者 貨 私 任 潤 非 久 勺 内 之 人 此 毁之。 萬 此 事 謁 玉 官 禍 在 屈 未 臣 望 餘 也 倚 免 陛 知 等 交 起 下 加 H

0 於四 蕭」, 華 方 中 研 據 院 《校記 史 語 所 》, 整 理 本作 本 明 四 英 宗 實 録

0

要譽 變生 災 等所 筆 疑 官 等今日 既 雖 置 在 以  $\mathbb{H}$ 也 "; 即 外,内 居 愚 害自然不生。 往 立 貪 連 亦知知 家 言路, 肘 婪 Ŧ 以 臣 命 之所言, 腋,異日 勸 無 頃 産 等 此 外 吏 ,馬繫千匹,内 者 陛 厭 部 雖 三事於方今, 避 相 不 ,姦弊多 此 下 死 禍, 俱調 通 口 不 :之患· 也 而 乃舉 苟 倘或不然, 但 許 而 無 州判 容。 受 陛 内 禍 有 悔矣。」 端 朝 恩 官 F 亂 不 廷之所 若 官。 官 則 朝 果 弟 所 可言者矣。 身 禍 大 陛 廷, 能 Ŀ 姪 由 「原 則 雖 有 亂 下 鑒 責 在 起 諱。 禍 無 在 注 自 此 能 徽等 彼 矣。 外 以 起 内, 然 家 管 疏 行 三人於 不作, 蕭 爲 産 草 `妄言 然臣 此 而 臣 事 李 報 牆 不 等 臣 實 並 所 鈞

平 年, 而 中 監 都之變,宦官價 守之遣 夙沙衛 四 殿 出 殖 以 事之前 綽 外 曰 廷 : 子 車 無 也。 人 殿 甚 或 不 也 師

> 之欲 所 天下 朝 譁 齊 王 亦 者,果愈於宦官乎 朝 可 而 日 不 遂無 二、上心 之辱 爲。 足用 歎 倚 : ±, 士大夫不以 繼 息, ·, 豈 仗矣。 盡 南牙文臣 以 而 昔者 人,而 也。」 也,於是 弗信。 非 思良將之已亡; 贓 張 而 欺 敗。 涉 燎 唐 天子 嗚 图 或 以 爲 原 德宗即 腻 呼, 邪 及 事 儒 乎 故 靡 恥 以 動 <u>.</u>! 暫 又 學 再 宦 吾 · , 且. 撲,過 至 此 將 撤 入侍, 薛邕以 任 官、武 内 於 不 巨 位 恥天下之士 **羣然攻** 之, 宦 誰 廷 是 武 知 萬 涉終 疏 者 屬 既 上 帝 今 而 將 而 乎 斥 咨 不 心 H 而 士 之。 謂 得 Ľ 宦 ? 可 嗟 始 之 大 或 我 以 官 用,外 疑, 攻 大 至 文 夫 可 事 廷 慮 曹 藉 夫, 爲 宦 不 雅 於 濁 親 又 論 名 E 痛 昭 廷 官 亂 登 任 果 臣 知 不 雖

<sup>●「</sup>廷」,據《續刊誤》卷上,原寫本無此字

❷ 「天子」,據《校記》,鈔本作「先帝」。

翼 豫  $\pm$ 者 於 而 則 ,子桑, 多 儲之廣 矣。 必 難 在 之 是 於 有 也 時 以 人 焉。」夫有 而 人 、才矣 ^ 得 材 (傳》曰 賢 非 臣 天 : 之 世 下 助 之 詒 而 者 所 厥 爲 能 孫 子 以 謀 成 孫 其 之 以 養 古 慮 燕 之 先

之。 非 侍 其 或 奔 戰 民 其 柄 人 宦 間 讒 雖 人 南 豎 故 論 以 上因 以 渡 委 軍 母 也 師 號 金 之後 殺 日 臨 將 爲 以 史 多 行 : 責 世 金 機 帥 耳 路 喪 夫 胄或吏員爲之,見《斜卯愛實傳 臺官 蹈 應 目 完 近 失 以 敗 御 又 變, 其 侍 顔 政 暬 差 史。 伺 漏 轍 之 訛 多 哀 御 察 刑 洲 權 可 哀 宗 矣。 治 爲 奉 或 百 。 皆 傳 軍 尤 哉 得 大 官 所 御 **\***: 抵 重 ,既掣之肘, 之不 唐之亡, 牽 在 故 罪 制 軍 「原 劉 奉 蓋 改, 事 中 注 遇 祁 御 官 又 坐 終 方 金 敵 號 即 畫 宗 時 以 又 至 人 採 喜 輒 面 曰 近 近 先 監 之 奏 訪 用 金 侍

例。」 言 : 其 來 侍 著 戎 糾 斬 制 神 意 事 酌 分 在 蓋 或或 了**,** 本 設 郎 0 勤 宫 甚 古 内 太 請 等監 各監 内 王 蔣 仍 慎 崇 深 式 令中 其 鳩 職之外, 祖 預 小心, 官 宫 德 詳 遠 時 今,獨 禎  $\perp$ 慎 高 在 朝 官 璟 察 十 也 及 局 筦 也。 掌 皇 [受考 外 舊 朕 政 疏 四 等 各 於 料 籥 監 嚴 帝 政 言 豊 典 清 年 鑒 衙 司 察 小 理 實 原 事 司 近 明 <u>+</u> 後 宜 於 或 門 局 注 開 宰。 本 局 詳 習之防, 侵 禮 追 違 司 列 庫 法紀 周 天 等職業,不 庫 監 部 越? 月 前 膳 者 啟 職 等 官 古 官 各 於 定 戊 元 即 服 掌 凜 整 衙 聖 常 有 爲 往 年 午 内 勑 以 具 我 持 肅 Ŧi. 門 四 或 典. 定 代 垂 職 年 奏。」 亂 内 太 月 祖 員 法 辦 制 拔 而 不 或 許 官 政 祖 訓 諭 御 文 舉 本 取 滿 典 秩 史 下 禮 參 違 毋 内 禮 高 書 衷 澄 白 如 張 戒 拏 越 禮 部 自 預 外 皇 部 京 捷 调 將 處 都 外 帝 祖 繕 攸 并 右 今 察 疏

與 軍 聽 景 間 内 統 府 世 監 哉 漸 戒 巛 輸 而 几 視者 了; 且 監 尚 無無 泰 中 聞 之 開 聶 品 馬 天 豫 ·, 始 書 大 萬 慶 訓 至 初 以 政 益 俸 且 他 不 于 童 尚 永 世 防 始 有 0 亘 假 典 非 **令** 特 茶 不 謙 樂 太 往 論 無 古不 、給之。 有 率兵討 洪 兵 過 提 祖 遣 事 等 中 諭 平之基 漢、 改 有 分 宗 柄, 督 煕 節 陝 始 易 石 之舊 坐 中 禁 禁兵 唐 此 而 制 西 亦 矣。 + 賊 有 然 已事 所 時 也 河 謹 而 始 暫 防 遣 誉 以 往 事 矣 内 至 州 内 且. 有 往 邊 使 雖 操,分 致 諭 偶 等 正 或 乃 糾 外 守 即 及 而 外 他 異 清 屬 若 之 德 稱 衛 劾 還。 各 + 備 或 番 如 明 中 監 列 所 防 有 坐 省 中 Ħ. 致 南 及 監 於 整 聖 **令**, 鎗 番 邊 終洪 勇 鎮 外 遣 意 京 年 杜 肅 Ι. 族, 者 纘 士: 守 之任 軍 鬍 者 往 曾 焉 假 交 監 之治 承 者。 武 兀 然 甘 民 始 令 遣 竊 通 ·, 宫 衛 仍 之 其 置 Œ 使 淵 有 肅 無 太 Ø

> 見 嚴 移 畏 遡 足 宗 權 諭 無 除 少 會 諭 備 寄 者 敝 内 法 詒 括 害 逆 肅 宜 同 内 外 千古 璫 謀 皇 多 審 臚 察舊 而 耳 而 臣 實 則 録、 帝 列 神 媲 Ħ 事 亦 毋 杜 不 [治亂 侵越 E 毅 章 孫 則 美 蘇 任 旋 豫 亂 使 ·, 將 呈,恭候聖 然 聖祖 於 羅 設 杭 遞 政 政 有 之 不 裁革 後。 織 遷 旋 織 各 事 生。 之 功 源 造、 於焉 啟 止 監 矣。 階 外 易 自 總 局 獨 遵 榷 此 操 111 臣 之稟成 明 無 職 斷 典 臣 縱 實 故 税 毋 每 揆 裁奪。」得旨 竊 掌 於 鑒 章 等伏讀寶訓 開 在 委 行 多 者 柄 著 先, 古 則 握 鑛之遣, 腹 釐 交 之患; 於 也 爲 酌 職 心 結二二 高 我 IF. **\$** 今, 守 則 皇 時 謹 皇 甲 自 申 威 嘗 惟 皆 可 遵 可 帝 F. 暫 語 **\$** 考 聖 福 深 訓 翦 利 以 世

❶ 「國」,據《校記》,鈔本作「夷」。

❷ 「防邊」,據《校記》,鈔本作「征虜」。

矣。 也。 故聖人戒 至 奄 魏 人 之 忠 有 賢 乎 祠 則 作 堂 • 生 俑 而 自 賜 英 祠 宗 之 且. 徧 賜 王 于 天 振 始 下

# 禁自宫

者 以 錦 縣 爲 自 死 來 成 赴 「, 倣 者, 凡 禮 用。 羣 宫 無 衣 民 丁其爲 李堂等十一名,自 罪 衛 部 以 效成 實録 出 閹 故 之民受古肉 投 求 獄罪之,發南 其 割 近畿 進 進 國之蠹害甚矣。」「原注」史臣劉吉 》:「成化 風 死 火者,必俘 者 而 之民 往 自 生之, 朝 往 是 廷 刑 自 畏 以 元年七月丁巳 雖 蓋 海 戕 也 獲 後 宮以 避 暫 其 重 之奴,●或 子 H 繇 罪 身 景 絶 種 求進 之, 積 及 役、希覬 泰 人之世 菜。 月 以 其子孫, 而 累,千 真直 來 罪 祖 終 命 不不 宗 富 收 乃 極 執 隸 貴 H 以 有 忍 百 當 以 送 魏

> 之辭。 務 本之道也。 唐 氏 旦 至 奄 不 人禍 重 奄 烈 人 耐 後禁之,則無及矣 則 無 自 宫 以 幸 進 者 此 除 惡

手人 九年, 旗,民 子 有司 内 即 殘 節 充 + 自宫者以不孝論 位。 九年七月丁 ',爲 者, 軍 豎 經 俱 里老容隱者,一體治罪。 申 法甚 興 子當 令私 犯罪及有 餘冬序録 明。 翼 處死,全家充軍 IE 州 統 奏 左 嚴 自淨 養親 卯,嚴 乞除 弘治 十二年、天 屯 也。 衛 自 可 身者,本身 軍, 五. 軍 永 宫之禁,犯 軍 里 爾 年,自 : 樂二十三年,「原注」仁 籍, 徐 老。 犯 「永樂二十二年 有 順二 罪 翼,有子 ,兩鄰及歇家不舉 子 E 「原 淨 及本管頭目 不 者皆  $\exists$ 處死,家發 一年、成 注》 身者本身并下 能 其禁止乎未 發 『爲 教,自 自 實録 充 宫, 化 軍 父 -,令凡 九年 邊遠 當 總 殘 成 「永 爲 其 教 化 小

❶「獲」,據《校記》,鈔本作「虜」。

殘 年 官 治 身人 南 縣 罪 請 多 鄰 犯 許 德 尚 體 啚 自宫 丹衛 本 謀 淨 民 ,從之。 佑 司 依 投入王府及官勢家藏隱 敢 背 元 八、令巡 年, 年, 進 身 點 徐 舊 希 身及匿 法 親 體 用 人 閘 義 希 軍 制 除 令錦 恩 亦 令自淨 曾 自宫 者 不 進 治 軍 知 非 城 妻 成 經 罪。 籍 絶 在 藏 問 間 不 御 化 衣 及 論 發 其 人 邪 家處 發 + -身人軍民, 史、錦 至 不 幼 有 衛 赦 幼 正 遣 道 邊 以 也 許 拘 子 前 不不 子 統元 遠 赦 死, 出 敗 皆隨 年 容 送 赦 以 衣 充 候 其 壞 而 縱 順 後, 而 求 年 該 衛 軍 收 子 風 獲 月, 貂 天 往 躲 各還 進 閏 管 督 俱 取 免 使 化 璫 + 府 六 總 順 論 逐 罪 其 詔 避 代 + 滿 私 元 月 皆 / 遞 差役。 戒 П 天 以 者 發 軍 朝 年,令先 自 Ŧi. 旗、 伍 原 發元 約 府 不 時 充 役 來京 年 於 於 永 孝 里 刑 軍 金 廣 爾 管 弘 淨 清 部 民 老 官 重 玉 西

> 塞 塗 ,至今日 而 益 盛 然 則 法 果 行 平 ?

家,競 言 童 何 得 常 夭 罪 必 發德音,詳 王 鳳 一幼,真 帝 侍 不 踰 廣 古之 凰 治 陷 求 異 ? 百 四 忍 不 他 世 於 員, 宗 其 員。 召 子,勦 明 以 至 況 今幾 所 刀 言 未 福 繼 爲 王, 重 小 無 矜 鋸 今以 有 權 祥、 法。 條 黄 罪 何 嗣 絶 有 重 況 禁, 罷 門 繼 平 人 ? 祖宗 安 未 人 絶 大 無 内 若然,則 + ? 嗣 權 育 理 宗 人 臣 疾 而 人爾。 罷 臣 時 太 之 進養子 臣 廟 平 夭 殆 以 宦 較 聞 常 愚 世 之策 ? 繇 死 希 官進 天心 之,當 漢 博 以 唐 者 爵 於 有 永平 太宗 士: 爲 今 命 此 獻 罪 必 無 吴 胎 宦 H 夫 之際, 應, 而 先 有 伏 宦 定 有 官 及 卵 童 宫 此 官 制 疾 幼 之 F. 繼 擅 願 刳

日 知 録 集 釋 卷 九 終

者

嗣

宫

濬

傷

幾

無

中

前

何

而

### H 知 録

之中

·, 荒

恒

六

七,

而

較

其

所

得

反 反

不

及

於

前

以 檜

田

耐

不

知湖外

之田

將胥

而

爲

水

也。」於

是

+

年

相 墾

繼得之。

大概今之田

, 昔之湖, 徒

知

湖

中

-之水

可

涸

崑 山 顧 炎武著 嘉定後學黃汝成集釋

地之法,則

必

自此

子曰

無欲

速

,無見小

利

·。」
夫欲

行

井

#### 治 地

傳 和 以 江 而 之人一以 分,秋水多,得 地 功易立而 爲 以 · 而 中 來。 田 鑑 原 田 古 衍 東 湖 其 間之涂 先 之 至六倍。」《文獻通 爲民侵耕 南 在 難壞,年計不足而 王之治 疆 急迫之心爲之,商 淅間 之 理 水 者,隸應奉局。 有所休 九 蕩然。 官田 利 軌 地 亦 有 也, 収其 考》: 息,有 塞。 宋 餘 租 無 政 歲二 道 其在 「圩 棄 原 和 矣。 世 餘 地, 注〕《宋 鞅 田 萬 江. 以 計 水 斛。 東者, 決裂阡 湖 矣。 後 有餘 遺 而 田 政 史 韋 多 111 亦 蔡京、秦 和 起 是 湖 澤 不 間 劉 於 陌 之 占 後 以 盡 政 涸 韐

#### 斗 斛 丈 尺

Ŧi. 周 興 較 斗 記 是 巡 勘斛、 斗 夏 也。 甬 狩 17,正權1 今北 爲一斗者,一鬨之市,兩 月令》「日 而 古帝 斗、稱、尺。 i 一 正 其 方之量,鄉異 於 王之於權 權量,審 概 國中, 之、《虞書 是也 夜 故「 分, 則 法 關 量,其於天 「原 則 度」, 每 石 》「同律、度、量、 百 注 而 歲 和 度 洪 邑不 而 而 鈞 量 武 斗 再正 武 初, 並行 同, 鈞 命三日  $\pm$ 大 衡石 之, 以 禹 至 之 至 有 以 衡 次 禮 其 之 以 造 角

下,

則

五.

歲

三寸。 書》: 死 伋 郡 務 民 四 義考》謂 沈存中《筆談》謂古尺二寸五分當今一 于古尺,宜以古爲正。」是晉時尺度已長于古,亦 故 步 弓有以五 六 士. 原 及諸 律吕不合。 簡 矣。 ·, 此 +地,有 巧 注述大名府志》有以一千二百步爲一 「摯虞論樂、謂今尺長于古尺幾及半寸、樂府用 周尺一尺三寸五分。 而 生, 王棠 程大昌 覈 之謂 周尺才得今六寸六分。 郡 隋 以 墾 後 有 謂 尺爲步,有以六尺、七 畝 守 將作大匠 二百 田 明鈔尺與今裁 書》「趙 漢  $\pm$ 《演  $\bar{\mathbb{I}}$ 者,有 + 頃 者 書 繁露》謂 不 畝 起 餘 几 · 信 陳 及户 人, **煚**爲 十步 以 同 勰掘得古尺,尚 邱 唐尺一 建 度」者 七 權 尺 坐 瓊 П 冀 武 爲 《稗史》謂 白 相 量 Щ 度 年 + 州 近。 三 十 謂周尺比今鈔尺六 尺 畝 而 也。 田 紀。 比 寸八 刺 Ŧi. 者,有以三百 正 夫法不 六 史,爲 不 年, 經 **一**趙 畝者。 步 宋 尺、八尺 朝一 分。 書 河 實, 司 爲 奏,今尺長 氏 詔 南 馬 尺二 周 畝 日)《晉 , 一 則 尚 下 侑 銅 其 尹 下 其 祈《名 不 刻 寸。 斗 獄 爲 張 州 先 步 4 布

> 者乎? 天 鐵 尺,置之於肆,百姓 下 以 爲 常 法 位便之。 儻 亦 미 Ŀ 行 聞,令頒之 於 H

# 地畝大小

增多 小 元 下 由 遠 耕 蓋 白 畝 者 額 攡 或 郊,遠郊,繼代之新科也。 自 四十 地 以 薄 近郭,近郭,洪武 初 金、元之末 取 廣平府志》曰:「地有大小之分者,以 取 少, 近 而 有 合元 駭 郭 奉 步 無 而 於 爲畝 爲上 占 糧 丈出之地 額之數。 H 者,今一 開 而 城 墾, 地 貽 自 邑丘 古以 害 永 遠 之册 反 於民 概 自 不 之爲 墟 多。 是 量 起 來未之有改也 田 故 上行 乃以 出 科 人民 中 也。 有 重 者,有 作 地 司 輕 造 數, 稀 大畝 恐 後 殊 下 少 畝 是 因 墾 也 地 則 該 洿 數 以

獨 輕, 之法 邑。 考 賦 分 賦 應 唐 之 獨 丈 大 取 用 土 之 地 役 地 有 時 重 重 其 折 均 大 瘠 田 一之高 鹵 他 煩 陸 有 天 地 平 由 地 投 彌 重 而 之 簡 贄 開 畝 所 下 蓋 郡 之 以 税 下 相 望 之 高 是 有 初 由 封 反 不 投 不 以 縣 遞 如 懸 殊 荆 言 重 定 以 均  $\equiv$ 下 及 兀 黄 出 之元 增之至八畝 河 榛 末 而 各 + 詳 是 而 册 0 牧 H 南 所 縣 則 起 未 爲之差等, 四 創 守 亦 不 此 額 遣 洪 科 下 原 大 甚 州 制 暇 之 府 後 有 無 武 使 注 行 殘 以 地 之始 之 縣 輕 給 能 從 人 臣 徵 時 敷 解 重 破 丽 以 有 否 按 即 縉 無 派 度 而 懷 意 已 之 故 又 1 以 不 畝 别 大 時 杞 縣  $\mathbf{H}$ 慶 如 皆 見 異 獨 折 則 小 務 庖 之 或 之令、 侕 地 之 此 地 西 各 合 用 地 重 齊 膏 啚 獨 獨 權 糧 封 腴 異 所 於 畝 小 平. 而 之 事 小 宜 科 小 而 在 縣 畝 均 他 畝 中 税 言 爾 也 徭 供 7 郡 糧 糧 而 之 既 以 原 反

之田 差。 於 則 馬 其 步 縣 廣 尺 此 奏 餘 徵 而 而 兩 銀 以以 矣。 天 草 見 狹 參 轍 知 編 長 後 僅 Ŧi. 次之。 下 數 存 其 差 定 均 吏, 口 高 泰 萬 驛 北 而 故《 者, 一, 大 郵 州 餘 者 百 間 丈 久, 準 傳、 井 有 畫 田 兩 之 里 也 分 東 均 九 畝 小 地 加 除 舊 0 之 而 之 議 均 Ŧ 高 攤 昌 不 無 沙 畝 間 而 郵 所 ^ 餘 以 閻 徭 府 於 均 大 頃  $\mathbf{H}$ 規 除 前 茅 度 籍 賦 Æ 畝 風 諸 志》言: 名 里 額  $\Box$ 之 書 人 之, 重 準 賦 不 萬 土 州 徵 府 於 己 甲 不 此 地 江. Ŧi. 齊之額 賦 税 高 銀 縣 以 人 志 Ŧ 都 之 嘗 别 則 四 不 郵 之 餘 之間  $\equiv$ 烟 倣 人 人 鈔 類 萬 著 致 籍 平.  $\blacksquare$ 謂 頃 四 同 江 倍 準 之, 外 敝 悉 州 額 Ŧ 率 得 條 古 南 也 萬 尺, 之 罷 徵 + 餘 七千 例 請 以 而 共 魚  $\coprod$ 蓋 銀 兩 端 切 去 Ŧi. 視 鱗 以 檄 賦 意 百 泰 今 几 貫 餘 糧 縣 州 非 萬 之 미 册 尺 諸 長 年 古 矣 必 頃 而 大 泰 诵 以 括 式 進 州 均 短 北 於 今 地 州 T 額

也。 賦 僅 而 千 重 胆 高 化 小 郵 小 地 + 兩 賦 則 分之一 地 役全 寶 也 畝 應 書 爲一 田 又 賦 內 如 重十 畝, Ŧ. 興 皆 化 餘 未 丽 倍 田二 頃 紫 賦 也, 注 額 輕 萬四 蓋 明 大大 徵 寶 也 銀 Ŧ 地 應 二萬 餘 則 錢 大 頃 數 糧 地 餘 畝 款 額 而 兩 折 項 興 徵 不 化 非 銀 畝 可 寶 小 萬 不 īfīj 地 應

簡

൬

 $\mathbf{H}$ 

畝

大小尤不

可

不明

均 注》 税 州 定方 方法 易, 使 天 百 王洙傳 六十 荒 田 宦 轉 1 有 田 頒 主 凡 步 法 州 者 自 運 П 宋 以以 縣 輸 民 爲一方。」又言:「宣和中, 魯 傳 宋 隱 使 史》言: 洙言 租 間 以 Ш 東 Ė 漏 亦 西 均 , 訴 闔 美 ]然者 是 天下 其 不 南 兼 縣  $\mathbb{H}$ 税。」「沈氏日」《宋・ 則 者 北各千 爲 并 田税不均 使 盡 又不 經界之不 宋 輒 奏除 冒 括 他 加 時 步,當四十 僞 爲 威 ·獨金、元之季矣。  $\coprod$ · 請 悉均 公田 未 刑 制 投 用 嘗考按。」 IE. 牒 郭 不 一、焚民 諸 食貨 公 諮、 李彦置 告 頃 立 賦 他 田 、孫琳千 六十 陳 志 税 州 甽 既 故 之不 。」〔原 指 局 畝 無 原 畝 重 北 汝 注 爲 轉 開

地

注

#### 州 縣 界 域

等縣 之間 之間 越, 皆然。 則大 在 之祥符 屬 可 里 如 廣 者 鄆 小 北 不 自 而 俱 有 有 南 平。 古以 城 大 更 乃今則 不 Ш 鄒 新 宫、「原 有 有城 縣 也 名 可 而 縣 威 河 高 原 來 地 縣 不 併 縣 縣 苑 原 門之外 注 下 州 距 於 注〕屬真 均 書 注〕屬 之 「原 地 屬 邽 縣 大同之靈 府 富 疆 也 間 注 兗 在 所 兗州 七 平. 0 分 州 淮 屬 定。 即 渭 屬 有 里 邑, 真 管 若 安之宿遷 爲 北 鄉 范 冠 定 威 地 轄 可 f: 此 鄰 而 村 必 縣 縣 縣 之 以 之 屬 地 併 相 廣 青 原 原 原 地 省 者 類 於 比 昌二 去 州 注 注 注 縣 清 附 人元 渭 多 之 俱 則 治 屬 屬 屬 河 南 有 縣 有 益 宜 幅 天 東 東 廣 城 平。 昌 昌 層 下 中 開 都 復 美 叮 員 原

封

設

不

百

原

以 訟 Ш 作 域 不 人 西 乃 間 不 民 里 IF. 丽 州 門 通 越 清 也 隸 甚 衰 地 之民户不及三千者皆改爲縣 正 謂 或 而 有 也 於 則 而 河 外 也 相 以 宜. IE. 隔 順 汝 有 風  $\equiv$ 衛 錯 而 經 遣 其 天 ^ 所 陽 如 水 俗 里 佃 界 使 周 封 浸 四 之 沈 濱 之 「原 淳 分 禮 疆 至 即 久 州 宛 丘 地 之地 矣。 屯 注 按 ≫; 而 於 以 縣 原 平. 邑 屬 無 郡 争 補 有 迷 汝 注 民 縣 藪 有 原 形 邑 寧。 鬭 消 其 在 朝 屬 居 注 華 地 姧 方 殺 邑 長 開  $\equiv$ 啚 版 必 改 者 洪 離 氏 誨 封 之 不 四 傷 籍 參 武 寫 或 者凡三十 之 掌 浦 則 + 坍 常 百 相 地 之 距 地 制 則 則 七 錯 里 恒 得 形 縣 年 縣 邦 事 使 如 軍 互不 之外 署 必 八 t 奠 有 庶 變 陝 蒲 民 或 月 州 繇 之 平 以 王 不 西 州 不 可 地 丙 戌 獄 者 地 之 之 與 百 不 糧 Ш 可 口

## 後魏田制

者 姓 畝 耕 乃 攷 汝 以 事 貢 穀 或 均 名 **令** 器 種 魏 成 Ш  $\coprod$ 貢 **\$** IIII 案》 書 物 於 有 任 事 之 於 後 芸  $\exists$ 而 鳥 同 司 是 甫 魏 制  $\mathbf{H}$ 周 爲 七 貢 潤 課 恐 任 雖 墾 禮 以 首 有 之芸 畝 其 誤 畿 商 起  $\mathbb{H}$ 樹 足 周 脱 閶 任 材 以 内 大 大 以 朔 事 書 爲 師 田 0 嬪 之民 又「貢 知 漠 市 增 略 · 言 後 以 任 以 貢 任 事 其 以 世 償 據 其 Ι. 虞 女 草 高 勤 是 法 之。 使 以 貢 材 有 以 事 木 任 惰 飭 祖 爲 者 無 中 貨 澤 材 農 太 貢 率 周 凡 牛 賄 原 事 事 任 以 禁 禮 和 景 布 耕 者 工 作 耕 然 今作 九 飲 使 借 貢 帛 任 穆 種 以 事 其 年 民 太 酒 貢 其 牧 人 餘 餘 墾 其 + + 子 游 各 4: 任 貢 物 以 物 材 材  $\coprod$ 月 標 畜 以 衡 戲 九 監

業。 棗 哉 安。 先王 是  $\equiv$ 田 畝 無 澤,貧弱 Ţ 下之田, 男夫十五 有 深,限 十 未 根 餘 君 一之典, 詔 欲 畝 諸 爰暨季葉,斯 П 民 而 財 今遣使者循 三年 也已。 分、世 桑 年及課 欲 留 非桑之土 日 勸 者 課 田 或 一心民 天下 蒔餘 以 課 種畢,不畢 望 經 争 不 業 朕 上,受露 農 絶 綸 宋林 在 畝 則 事 承 太 之制,唐 桑, 一,夫給 還 百 畔 受 , 種 乾 道 平, 行 廛。 而 動作《本政》之書,而 以 氏 田, 受之限。 桑 在 興富民之本。」 陵 /州郡, 創 奪 儲 亡 百 田 五 替。 位 老免,及 致 百 時 軀 四 + 十樹, 棗五 姓 其 畝 蓄 令地 世之規,其 猶 + 與牧守 豐 或 不 富强者并兼 既 ·畝,婦 有 沿之。 男夫 畢 足, 依 因 積 有 Ŧi. 身 法 之地。」於 饑 遺 年 人人給 均 黎 安 没 課 饉 人二 其 嗟乎 株, 利 亦 蒔 則 給 可 元 以 每 制 還 運 榆 榆 田 + 天 得 棄 永 覽 民 Ш

> 之 同 父以 後」, 爲 贵 非 一必 知言之士 有 英 雄 特 起之君, 用 於

> > 變

# 開墾荒地

等奏: 多是 科 若 佔 即 争者,宜依 田 曠土復古井田之議。 米三升三合,每 地, 爲己業,永不 不 籍 起科,争競之塗終難 無 明 甲 Щ 初, 景泰六 人 方 、之地。 東、 開 本部 承元 荒 河 年 -起科。 耕 所奏減 至正 南、北直 六 洪武 末大亂之後, 糧 種 月 z, 統 丙 「原 中,詔 石科 中 輕 申 即告其 杜塞。 隸 ', 流 注〕是時 起 ·, 户 草二束。 并 有 科 民 順 部 則例 能 不 方孝 Ш 聚 今後但 天 尚 東、 納 開 居 孺 府 書 墾者 税 有 每 河 不 無 張 詔 大 告 南 畝 額 鳳 令 其

❶ 「明」,據《校記》,鈔本作「國」。

1

各州 平 兩 不在 墾 之。 墾 凡 開 斥 或 月。 府 科 制 而 反 永 楊 係 西 鹵 盛京之奉天、 墾,令于 之 絶 以 即 即 脈 侍 勳 共 北近 此例。 砂 無 武 給 郎 地。 地。 户 爲 收 輕 戚 啟 争 鹵 恤 除 E 執 則 怪 膏 過 邊之 Ħ 及 科 後 競 開 照爲業 原 腴 秋 起 糧 民 肅 勸 乎 胡 西 或 都 報 闢 日 收 科 之 約 之寧 地 民 怨, 既 可 御 經界之不 錦 若令 照 天 初 + 之 給 開 端 則 狠 艱 如 史 州 照例 時 餘 墾, 佛 夏 , 早 但 争 帝 事 旦 民 直 地 、緊照 價 萬 子 抑 府 西 必 畝 隸之永 務 端 以 中 不 十年 一澇賦 還 石。 陝 外 寧等 鼓 使野 且. 陜 糧。 招 聽 成 壤 省 舞 原 缺 起 凡 Ė 省 此 而 督 少 地 徠 章 府 平 故故 之 無 注 先 科 已 臣 地 有 沃 彼 助 曠 墾 然 等 法 試 後 磽 宣 隙 利 衍 賦 民 見 此 每 如 土 之成 民 動 瘠 自 倉 可 劾 地 化 鮮 領 水 年 税 實録》成 告 其 難墾之地, 項 以 曠 盡 古 廩 銀 鳳 第或 泉 Ш 酌 地 之不 效 發 許 廣 立法之過 ±. 力。 交糧 豐 四 動 之 本 無 等 借 收 , 投 之大 以 山 所 官 溢 係 銀 竊 積 化 永 不 在 爲 深 銀 沃 均 春 六 民 思 俱 四 不 獻 守 亩 箐 多 此 土 借 借 若 年三 經 萬 人 準 也 有 法 密  $\pm$ 起 祖 從 朔 開 餘 則 承 照 4 秋 民

> 畝 民 熟。 升 行 熟 遇 舍 報 知 承 民 得 還 不得 不足 望上 升科之日 田 科 歉 墾之數,赤 勒 然所 無 以 邊 歲 指 混 河 (論已未) 餬 民之力 報開 不報 墙 坍 如 司 需 即 ,卒歲無資, 日 在 点索, 其 意旨,並 夕, 責之見 奉 1,亦必 墾者, 磽 熟,官 漲不常, 能 升 貧乏食之民 行 則 确 떼 科, 耕 瘠薄 不 民 親勘 即 不 1不得 種 未 在 善 俱 顧 情 III 行舉首除額,免其 Ш 勘 者 不 熟 令州 其地之不 踴 逃亡 流 不升 奪 麓 田 果 躍 必 能 弊 難 縣官 上失業 無 係 預 矣。 成 科。 ιĖ 以 有 資 熟者 報畝  $\mathbb{H}$ 不 灌溉 符 貪 「曹 可 按 禾成 願 幸 矣。 所 數, 目 册 得 報 即 而 下 給 熟 踏 州 脯 之數 惟 處 故 薄  $\Box$ 與 以 事 勘 官 縣不 墾 領 收,完 叮 分。 凡 開 邀 以  $\exists$ 給 也。 銀 以 除 經 急公之名。 熟 内 牛 復 交糧 持久者 至 開 報 免 官不 作 有 種 履 + 新 墾 賦 過 日 荒 向 墾 年之後 勘, 之 官 原 開 以 係 · 足**;** 時  $\mathbb{H}$ 始 以 與 州 還 報 悉 荒 血 應 地 草 逮 縣 利 不 作 糧

# 蘇松二府田賦之重

天下 丘 而 濬《 江. 大 南 學 居 衍 + 九 義 補 以 曰 今觀之,浙 韓 愈 謂 東 賦 西 出

數之中 之田 徵之重,民 縣 以 府 漕 下二千 百 重 餘 餘 百 天 居 又 一,其 下 六 蘇 者 萬 江. 一 一 居 兩 約 蘇 原 頃 州 是 幾 餘 居 南 夏 浙 江. 糧 注 州 天下八十八分之一 九百 此 税 萬 + 南 米 而 居 居 額 府 丽 時 府 九 + 四 秋 力之竭 九 出 天 未立 江 浙 比 藩三 計之,以 也 九 四 百 千 糧 下 西 天下 白 江 太倉 + 餘 以 百 餘 八 布 而 八 考洪 府之地 湖 石 餘 萬 百 八 政 蘇 州 爲 + 口 常 廣 計 萬 石 + 準 川 司 多 弱 萬 武 知 州 松、 者 其 以 石 萬 + 其 南 0 中,「原注 也 九 而 府 歲 總 墾 常、 實 其 百 九 九 餘 直 賦 己。」 今 千 Ŧī. 額 約 萬  $\coprod$ 京 千 隸  $\mathbf{H}$ 七 或 餘 嘉、 居 +Ŧ 之 九 蘇 + 師 租 石 六 之 家 天下十 沈氏 半 内 萬 Ŧī. Ŧ 州 九 税 比 松 Ŧi. 據 湖 都 諸 糧 六 萬 餘 而 天 江. 百 萬 Ŧi.  $\Box$ 燕 可 分之 其 」蘇 於 千 府 臣 此 下 府 頃 儿 府 職 千 科 天 Ŧi. 竊 歲 爲 千  $\mathbf{H}$ Ŧi. + 又

> 弱 也 + 分 **之** 弱 即 八 + 八 分之八 强

錢

 $\mathbb{H}$ 

注》《元· 也。 四 錢 各 半 所 所 之 每 租 下 氏 靖、 Ħ 中 合。 74 乘 元 者多矣。 上下者。 有 初 史・ 税 杜 炎軍 文四 遞 有 田 獨蘇、松 人 畝 或 三合 取 馬 兩 宗 大 天 中 耶 初 分 於 興 浙 均 桓 律 升 爲 民 下 斗。 或 秋 盡 定 楚 隨 之 1 Ŧi. 者, 半 「定天 米八 削 田 張 税 請言 今之糧 材 時 二府 数,  $\Pi$ 洲 合 ', 下 錢 不 傳》。 氏 税 增 氏 原 升。 者 過 撫 益 只 每 義 白 注 亦 如  $\coprod$ 之民 其 下 侍 配之目 至 作 一宋 下 畝 兵 不 此 重 然 二升 中 故  $\coprod$ 於 郎 田 於我  $\equiv$ 過 則 淳 而 去 税 是 周 則 自 1 斗 宋 祐 籍 畝 處 熙、 或 忱 大 天 初 遣 元 . 太 水 上 等。 升 没 錢 之 豐 右 年 書 下 初 賦 每 祖 宋  $\mathbf{H}$  $\mathbb{H}$ 補 者 額 Ŧi. 更 文三 籍 之 中 鮑 里  $\exists$ 重 鷃 高 時 Ŧī. 每 尚 法 升 田 廉 Ξ 民 有 没 有 而 未 皇 升 畝 均 崇、 分 作 永 至 土 大 兆 流 咸 帝 税 畝 而 Ŧi. M 觀 \* 高 琴 豪 虐 去 移 得 其 受 季 浙 原 3 夏 111 象

升

事 升 税 先 志

 $\coprod$ 

失

其

最

命

分。 史》言 斗 運 没  $\mathbb{H}$ 民 萬 縣 致 有 餘 宋 以 輸 而 富 己。 累 人 地 得 末 道 涉 石 爲 JL 一 千 三 至 即 民 洪 之 官 路 罪 年 江 建 之租 Ŧi. 公 今松 量 武 既 炎元. 時 而 拖 湖 後 田 石 初 石 遥, 勞 加 民 依 者。」自 籍 百 變 欠不足。 未 納 年,籍 動 以 員 江. 小  $\mathbb{H}$ 和 益 有 餘 没 私 費 經 上 斛 地 民 以 糧 額 者 洪 石 石 不 租 没 歲 此 府 税 於 武 少。 起 蔡京、 民 者, 爲 故 「原 月 時 糧 元 士. + 事 糧 有 景 當 病 官 有 已 收 豪 初 共 Ŀ. Ŧi. 注 有 Ŧ 定 然 自 司 紹 納 糧 每 言  $\coprod$ 黼 几 處 矣。 之  $\bar{\pm}$ 遇 不 萬 中 二三石 煕 此 者。 等 税 + 際 畝 叔 乃 還 風 體 八 時 莊 而 英 賈 愚 四 其 千 於 租 聖 波 何 以 比 疏 生 萬 按 似 秋 弊 爲 Ŧi. 亦 盜 各 心 納 也 宋 朝 更 官 言 道 苗 宋 二千 斗, 「原 ? 尤 賊 倉 百 多 田 往 將 買 華 11: 輸 者 石 送 輕 餘 有 減 注 七 暮 没 + 亭 田 民 之官 其 者 納 租 石 以 未 百 然  $\mathbb{H}$ П 宋 於

没 + 至 至 下 至 間 蒙 税 重 愚 松 減三分、二分外, 重 石 賦 而 洪 人 大 逃,以 者 江 府 萬 所 歷 木 宣 恩 不 數 租 朱 德 足, 德 武 石 赦 也 觀 百 免 屢 既 與 間 府 或 以 = 往 萬 税 則 降 太 夫 至 自 , 没 迨 税 年 以 來, 珍、 古 石 重 賣 糧 德 誉  $\mathbf{H}$ 永 至 農 又 糧 人 音, 兒 不 管 地 自 樂 韋 季 尚 夫 民 復 折 灣女; 朱 下 明 荒 府 有 年 + 不 原 七 將 不 收 沙 數 清、 等 蕪 田 下 注 税 年, 之 婦 天 能 張 職 百 田 税 張 年 即 糧 又 凍 下 堪 後 錢 士 拖 萬 宣 以 瑄 百 共 僧 至 不 係 糧 而 誠 德 欠 石 來, 兩 田 足, + 於 道 府 織 ħ. 年 官 V 折 後, 奉 萬 年二月 餒 白 九 未  $\coprod$ 是 税 併 年 永 然 收 站 詔 九 皇 年 有 地 諸 糧 至 樂 拖 邨平 後 役 Ŧ 書 而 癸巳 + E. 七 若是之 糧 至 撥 元 欠 齎 不 等 耕 餘 敕 額 憐 餘 屬 有 間 + 年 得 詔 亦 田 石 書 民 萬 財 又 供 不 年 之 白 E 搋

納 宜. 願 由 子 É + 閣 官 於 此 粒 此 觀 八 德 今 F 税 之 轉 年 七 則 者 絲 達 閒 年 或 Mi 徒 皇 家 税 門 以 有 蠲 之, 上; 前 有 攤 重 免、 輕 稽 税 輕 課 拖 折 税 之名 古 其 欠 鈔 收 之 税 重 糧 悉 名 法, 額 停 草 殊 皆 徵 斟 無 又 使 停 鹽 徵 至 酌 有 民 糧 不 取 税 徵 加 之 舍 中 口 税 期 前 實 算 種 之 以 輸 後

官 馬 減 江. 之耆老, 視 廣  $\coprod$ 、崑 還 等 畝 西 又 斗, · 言 項 右 今 出 如 Ш 布 按 田 皆 是 私 私 民 政 宣 云 每 + 租  $\blacksquare$ 租 蘇 使 廟 由 分 畝 畝 \_\_• 例 州 唐 實 官 石 舊 舊 而 盡 等 幹 府 録 税 輸 取 處 取 自  $\forall$ 弊 後 租 八 Ŧī. 人 之。 蘇 政 大 升 也 洪 民 常、 木 没 石 熙 多 且. 小 民 撥 有 + 嘉 元 後 民 所 官 賜 年 逃 分 因 佃 湖 致 公侯、 Ľ 탶 依 而 事 種 等 者 七 私 取 故 富 如 府 月 其 還 駙 租 室 吴 詢 巡

矣。 古  $\dot{=}$ 收 是 各 各 每每 縣 成 減 不 德 抛 私 巡 民 俱 月 易完。」 古 + 荒 乞命 額 法 Ŧi. 家 減 舊 撫 照彼 猶 , 田 一, 沽 庚 額 分之二 年二月癸 之 近 有 侍 十分 不 租 而 申 所 患 額 官 處 科 郎 堪 名 畝 糧 Ŀ 必 朔 司 之三。 糧 田 周 官 要 既 而 舊 悉 詔 命 至 況 忱 將 譽  $\coprod$ 太 小 重 依 額 Ê 行 税 凍 盡 自 言 没 起 民 重 納 糧 五. 在 詔 旧 餒 取 請 川 農 官 科 得 糧 户 年 之乎 永 係 4 罪 民 之田 欲 乞 以 部 松 萬 自 畝 爲 官 之。 弗 各 不 依 安 會 七 ? 江 月 定 税 田 升 處 勝 及 挑 民 斗 生。」下 官 千 府 六 癸 塘 例。 公侯 至 舊 盡 Ľ 議 田 九 華 至 斗 地 巳 不 自 額 取 亭、 起 百 刀口 六 詔 石 税 許 劾 今 官 還 則 不 則 科 部 餘 斗 書 忱 F. 年 年 糧 以  $\coprod$ 官 口 無  $\coprod$ 減 不 七 變 庶 海 Ŀ 爲 起 地 得 以  $\mathbf{H}$ 

者

各

始

科

宣

無

租

給

月

實

矣

年

分

徵

俱

亂

豈 言 先 遂 行 甚 謂 豊 故 本 其  $\vdash$ 下 語 免 皆 念之 者 **\$** 不 尚  $\pm$ 流  $\Box$ 洂 詔 租 朝 貧 知 若 文移 矜 視 安 衣 白 書 頗 狂 其 減 許 然, 胡 吾 毋 此? 得 食 1 萬 姓 繁 每 什 故 咎 濙  $\Box$ 微 忘 姓 循 民 戒 不 則 重 F 之 違 若  $\vdash$ 足 約 朕 是 詔 曷 有 英 何 下 在 耕 濙 民 昨 有 廢 蠲 君 辛 若 以 廟《實 1 昔 詔 作 等 朕 惟 以 有 格 除 司 孰 西 父子 贍 蓋 減 既 邦 昨 皆 蘇 詩 今 詔 租 與 其 有 有 本, 什 勞 以 録 民 上 頓 減 令, 述 賦 足?』卿 親 身。 大 勿  $\equiv$ 勩 官 退 力 首 此 本 租 维 以 而 田 朝 意, 謝 之令, 正 古 弦 行 殷 輸 遏 户 而 詔 賦 嘗 邦 統 之 念 今以 惟 納 等 恩 部 御 此 重 書 聞 其 寧。 元 几 惻 皆 澤 皆 左 亦 服 重 務 爲 外 詩 百 年 苦 示 1: 邦 方 不 子  $\mathbf{H}$ 順 有 在 不 辭 間 閏 姓 日 辛。 均 懷 者 卿 準 門 本 之 苦 必 使 有

議 而 文  $\mathbf{H}$ 福 也 是今之 時 見 H 七斗 勘 至 府 等 月 元 襄 額二 蠲 皆 增 未 事 建 升以 升 縣 處 T 即 蘇 賦 卹 以 寢 請 省 盡 4: 一從之。 如 州 4 至 官 減 卯 賦 耳 不 粟 白 Ŀ. 減 額 奉 蘇 湖 不 者 行 徵 行 者, 上. Ŧi. 額 除 過 面 州 加 廣 用 行 于 + 也 較 石 今 至 增 省 亦 税 是 百 萬 「原 4 減 在 宋 + 郡 與 于 額 以 八 几 有 抵 糧 萬 石 浮 覈 Ŧ. 户 徵 民 作 萬 獨 + 餘 爲 LY 注 有 4 1 至 松 E. 曆 萬  $\mathbf{H}$ 眮 餘 實 變 部 蘇 奇 請 者 者 t 江. 舍 按 也 通 通之説 金 百 萬 奏 **:** 斗 松 倍 命 而 府 曰 嘉 近 歟 均 而 松 減 減 其 財 松 見 靖 0 世 各 萬 糧 比 止 江 而 賦 額 江 + 官 作 作 者 撫 曷 明 元 建 處 猶 不 浙 重 IIII 松 Ł 臣 以 田 亦 或 文 府 過 白 白 地 洲 蘇 江 江 之 年 斗 浮 斗 日 詔 浮 之 斗 每 請 州 亦 册 爲 具. 撫 數 至 + + 七 免 一斗 直 t + 畝 名 或 減 明 Ę 數 浮 餘 萬 升 府 + 家 浮 而 侍 時 也 隸 倍 升 秋 洲 萬 石 之 之 糧 復 餘 雖 是 縣 送 也 糧 郎 根 數 者 于 萬 蘇 H 豈 不 然 蘇 此  $\mathbf{H}$ 部 浮 川 并 本, 相 永 而 重 天下 特 即 在 旨 猶 州 之 額 升 止 磨 斗 松 斗 百 此 宋 有 有 府 當

斗外 于質 民 但 減 于 其 米 豁 有 翻 限 豁 畝 耗 分之惠 而 銀 面 心之租 木 減 獨 國 口 開 加 口 漕 催 耗 止 微 者 庫 31. 石 耗 不 計 督 耗 知 兩 運 非 科 苗 贈 徵 ·, 今 · 每 之里 猶 緩 可 無 Ŧi. 不 贈 其 未插 請 不 不 進 所 折 試 升 今 徴 虧, 能 在 米 行 平. 則 可 以 減 可 將 \* 色 以 以 役, 則 外 即 平. 辦 七 米 可 減 裕 緩 而 何 于 74 銀 下 蘇 水旱未卜, ? 每 升。 在 里 天 乎 乎 救 本 以 石 既 地 米 畝 石 松 ? IE. 儲 百 應 役 年 錢 夫 蕩 有 之 輸 米 時 科 田 之? 督之 年 是 請 īE. Ŧi. 或 Ш 或 Ŧi. 石 則 税 之 計 布 爲 之痼 分。  $\equiv$ 非 \_ 米、 塗 減 又  $\Box$ 中。 今計 豐 編 除 説 等 如 此 所 日 此 斗 歉 月 + 疋 户 周 去 疾 斗。 故 以 者 極 加 早 間 銀, 則 未 以 本 П. 文 有 準 莫若以 徵 明 重 垂 耗 徵之患 通 皆 定 不 内 Ψ. 苟 色、 米 襄 起 折 復 科 科 輸 萬 之害 行 者 變 在 米 色矣。 色, Wi 減 非 遂 則 有 世 則 折 截 議 通 操 浮 蘇 以 石 撫 每 票。 非 色 至 于 每 減 之得 石 斗 分 券 監 數 江 科 次 淺 松 之列。 畝 深 全 于 不 至 則 石 以 可 īE. 南 其 年 派 浮 則 也 也 其 豁 債 督 貲 搋 請 外 額 Ŧi. 斗 糧 本 時 重 小 道 家, 之有 錢 減 難 減 者 如 浮 浮 攤 色 如 以 民 月 或 宿 糧 者 議 有 此 Ŧi. 之天 可 是 每 至 受 糧 人 分 糧 致 Ŧi. 土  $\mathbf{H}$ 升 可 也 奇 甦 搋 削 平. 四 衣 未 難 鲱 + 加 納 4

共

蘇

萬

1

之人 零, 免 錢 折 分 蘇 月 萬 府 蘇 兵 萬 H 虧 是 奉 天下 銀 中 , 户 六千 网 銀 九 州 州 餉 輕 松 松 松 面 萬 百 之内 交納皆 府 減 府 府 徭 額 部 從 日 江. 江. 民 錢 九 九 里、 無 額 免 地 īΕ  $\mathbf{H}$ 府 管 蠲 府 議 府 生 之例 佃 納 Ŧ J 耗 白 徵 加 必 四 理 免 有 州 覆 每 係 户 兩零,松 徵之苦 租 銀 漕 四 九 九 Ţ 至 + 1 蘇 畝 縣 再 光 米 萬 人 項 Ĥ + 百 如 凡 Ħ. + 匠 部 甦之樂 州 以 禄 分。 右 名 等 Ŧi. Ŧi. 餘 萬 事 班 ħ. 每 有 寺 府 F 干 項 萬 頃 合 所 有 六 江. 務 田 額 而 卿 至 查二 隨 減 餘 歲 T 兩 減  $\mathbb{H}$ 萬 次 府 怡 也 爲 之人恩 徵 杭 松 漕 免 网 徵 率, 之人,于 Ŧi. 郡 三分 親 年 地 業户 府 奕 經 米三 江. 白 米 十三萬三千 松 Ŧ. 有 禄 奏 恩免 1 沈氏 費 共 偂 九 應以 等 計 免 銷 銀 減 奏, 江 得 等 四 + 升 + 奏 蘇 之期 賦 額 額 恩 府 項  $\exists$ 郡 沾 萬 請 之 石 七 請 州 米 六十 1. 徵 徵 免 零; 所 Ξ 零 萬 以 實 敕 歲 算。 H 雍 也 額 萬 銀 浮 + 係 此 八 民 Ŧi. 下 地、 徵 īE. Ŧi. 七 兩 條 徵 其 便 T· 欠必 照 百 時 爲 江 百 銀 或 錢 萬 折 錢 Ш 地 П 萬 準 餘 松 年. 條 三 十 蘇 用 南 几 糧 T 減 銀 蕩 百 則 至 Ŧi. 頃 百 折 州 江. 四 無 督 千 數 銀 其 兩 <u>≓</u> † 聖 Ŧ 於 灘 米 府 府 月 毫 撫 六 兩 内 餘 大 + <u>+</u> 兩 恩 此 租 溥 蘇 條 1. 初 釐 零 半。 兩 4 于 等 之 蠲  $\mathbb{H}$ + 是 餘 州 石 之 折 ti. 九

恩,佃 户 亦 分 沾 十三 萬 Ŧi. Ŧ 右 之恩矣」云 云。 奉 旨 依 議

速

行

景 奇 者 與 元 之田 之 祖 孝慶,監 以 起 道 田 年,誅 其 年 皆 Ш 宗 定 主 買 租 少 他 隸 官 四 與 滿 其 限 錢 田 籍 則 抽 田 年,殿 權 焉 多 議 田 磽 石 察 韓 歲 三分 自 倖 , 行 百 爲 者,予二 議, 瘠 有 御 京、 侂 輸 漢 没 功, 三十一 六七 史 胄 之。 中 虧 之 自 米 人 以 王 皆 虞 · 侍 租 兩 七 之 來有之。 明 黼 百 虑 與與 謬 始 買 御 白 十 二 浙 田 年 等 萬 萬 以 史 於 貫 充 及 張 置安邊 江. 莊 佃 斛之人。』丞 五. 七 公田 浙 陳 萬 韋 人負 睎 以 東 《宋 以 1 西六 堯道,右 田 爲 顔 次 西 斗 緡 千 等言:『乞 租 官 史》: 官 得 湖 遞 爲 所, 有 郡 七 而 田  $\blacksquare$ 減 民 石 奇 逃 Ē 百 之 凡 户 凡 千 相 而 者, 言 斛 開 建 侂 在 踰 其 有  $\mathbf{H}$ 賈 萬 른 依 有 官 胄 禧 炎 曹 率 後 畝 似 畝 限 口

> 等 之有 田 紀 取 或 都 志》言: 巳,賜 以 財 慶、 莊 似  $\Box$ 三百 珍。 》言: 處 償 供 撥 賦 總 道 原  $\mathbb{H}$ 妙 傳》: 天 田 管 賜 脱 中 府 管(原) Ŧi. 注 賦 「平江、江 行 莊 脱 宫, 主 提舉 下 + 府 領 元 包 在 松 似 餘萬 六六 籍 也 領 司。」稻 江 Ŀ. 寺 # 注 「原 恢 時 没 故 海 賜  $\mathbb{H}$ 畝。」 陰、安吉、 郡 知 等 明 此 ☆注 ※ 元・ + 苗 朱 脱 宋 之民 爲 平. 田 九 脱 、厂原 田 税 而  $\mathbb{H}$ 江 立 后  $\coprod$ 保。 ,〔原注〕又 者。 皆 督 松 提 平. )史》: 妃 嘉興、 公田 多 注〕清 江. 别 以 領 買 江 領 田 破 元 等 領 賜  $\mathbb{H}$ 所 「天曆二年十月 之 常州、 史 處 宋 家 外 以 領 於 有 派 至 稻 田 矣。」〔原 張 親 復 供 官 鎮 汪.  $\mathbf{H}$ 籍 以 相 至 獨 關 王 原 有 太 肉 江 提 脱 没 īE. 注 多。 躺 六郡 領 刑 及 江. 朱、□ 后 ^ JЦ 脱 從 所 瑄 滿 松 注 淮 新 年 立. 事。 「原 已 火~ 六 江. 財 江 撥 原 籍 買 歷 理 平. 錢 月 田 注 元 注 浙 賦 府 田 明 賜 公 宗 江 E 己

<sup>● 「</sup>一」、《宋史·食貨志上》作「二」。

宗 之數 多 是故 産 販 吴 平 大 王 賜 籍。』 以 者,不養父母,避 年二 之。 之日 南 徧 小 江. 長 珊 僧 賜 田 從之。」皆 白 改 於平 大 故  $\coprod$ 公 影 人,無不 [II] 月, 雲宗  $\mathbb{H}$ 宣 主,寺 堂 平 E 不 御 洲 其 臣 總攝 「原 德 江 江 而 史臺言: 寺 而 刺 等 所 如 注 不 平. 院 七 富 日 所 役 七 署平 院 拜 係 志 郯 年 江 損 蘇 民 而 其 元 縣 諸 如 住 州 在 Ŧ. 民 百白 史 六 之官 田 州 沈 ·章、太 秋 集 Ŧ. 縣 令依例 , 乞追 良 徹 雲宗 月 人 萬 燕 成宗 糧 而 慶、 近 元 戊 田 徹 版 田 帖 收 總 蘇 額 臣 美 紀 子 輸 秃 木 等 圖 尉 又 萬 攝 所受璽 百 州 0 宅,一 租 等,公主 所 等官 多 壽 兒等,諸 又 一一二 之官 亦 知 而《元· 七 又 統 大德 多 二寺, 江 + 按 至 有 府 書 ··, 皆 以 南 宗 銀 時 其 張 七 七 況 括  $\mathbb{H}$ 爲 紀 史》 事 印 年 萬 買 多 出 如  $\pm$ 鍾 租 士: 無 僧 人 七 被 之有 勒 獻 於 如 所 至 白 九 所 簿 誠 不 魯 月 圃 還 千 奏 益 没 之 負 魯 雲 據 以 或 民 大

四 江

之所 復 給 不 布 於 洪 例 田 起 不 石 餘 餘 而 宣 一, 宜. 過 派 於 可 之 是 武 德 畝 猶 科 石 石 此 七年 巡 準 改。 法 是 有 之 之 爲 · 官 官 十五分之一 其 古 而 而 民 撫 糧 於 七 而 Ė 田 官田 糧 其 中 以 而 徵 府 斗。 若 唐 田 月 化 歲 例 民 耕 極 寬 科 忱 起 己未,行 夫 之地 丽 輸 之 百 糧 重 科。 者 官 之 是 有 官 然 爲 其 六 難 止. 猶  $\mathbb{H}$ 額 均 則 Ŀ 也。 田 士; 而 + 石者 税 + 返 在 人 + 從 耗 民 之農 官 而 几 Ļ 之 + 之,命 浸 家 無 倍 之法 部奏: 間  $\mathbb{H}$ Ħ. 租 畝 勢,始 萬 Ŧi. 之 於 慮 久 之 奉 具、 額 矣 夫 Ŧī. 萬 各 不 皆 官 佃 紹 H 詔 直 民 之 處 有 千  $\equiv$ 官 之 車 户 可 熙 於 減 没 重  $\mathbb{H}$ 隸、 千 改 原 九  $\mathbf{H}$ 間 牛 以 景定 官  $\coprod$ 其 也 人 僅 注 則 派 百 松 田 前 於官 也 什 其 江. 以 金 糧 而  $\equiv$ 百 圃 實 之三 訖 者 民 府 俱 或 其 始 定 花 Ŧi. 民 + 七 録 淮 没 也  $\mathbb{H}$ 家 官 於 升 税 而 而  $\mathbf{H}$ 餘 + 此 官

言,將 科 之官 敏 能 木 郁 是, 李 承 景 者,又百 際 者 賦 民 宋 均 奏, 究 莫尋 泰 往 納 敏 īE. 自 ൬ 定搭 竟 史》 俱 而 令所 三年, 量 統 H 均 及 有 行 其 湖 未 金 改 中 往 矣, 派 巡 歸 所 定 (弊仍 之 大 司 州 出 村 嘗 史》 撫 H 以 敢 均 户 併 謂 應 待郎 田 從 都 府 乃 鄙 併 而 舊 配 民 有 官 則 天 所 會 至 也 恃 官 浙 之
氓 扣 不 也  $\mathbb{H}$ 周 作 官 例 至 等 强 算 爲 謂 訟 議, 田 江 日 忱 可 阻 是 民。 官 務 清 府 官官 端 未 相 各 重 布 郁 究 官 滯  $\mathbb{H}$ 四 \$ 理。 使 州 沿 爲 者 復 租 政 嘗 無  $\mathbb{H}$ 江. 民 年, 以 田 以 而 縣 分 執 然 窮 見 H 司 所 田 南 備 之 爲 曰 治 里胥 民 量 小 官 詔 派 册 久 右 册 其 言 而 謂 賦 其 帶 租 田 户 數 民 巡 民 布 賦 罪 户 官 而 多 官 官 版 買 之 係 撫  $\coprod$ 部 政  $\mathbb{H}$ 不 田 徵 田 私 既  $\mathbf{H}$ 籍 從之。 賣 飛 請 官 辦 曰 百 使 輕 理 改 义 之, 者 田 訛 從 豪 糧 因 调 爲 灑 民 隸 楊 租 占 原 其 曰 以 脱 民 御 割 非 猶 嘉 侍 於 移 田 之 瓚 議 據 注 史 税 甦  $\Pi$ 家 是 之 之 昔 疆 靖 郎 换 夫 莫 命 先 貧 徐 起

之贏 之高 之, 「原 代 民,税 者 科 亦 何, 斗 者 此 額 下 松、常三府 各 九 + 注 以 官 長 至 即 自 而 而 治 催 洲 絀 下 然 升 民 六 佃 連 視 不  $\equiv$ 使 當 則 矣。 唐 如 至 年 納 而 田 率 陌 其 代 分 太 斯 日 又 亂 畝 爲 無 之 常 從 跨 數 之 所 嘉 人之害 等 以 絲,不 以 或 科 鶴 此 涯 Ŧi. 阡 而 + 士: 下 微 有 興 則 家 時 之 説 升, 效 大 作 年 知 官 斗 失累代之公田 爲 不 者 租 Ź,  $\mathbf{H}$ 得 武 夫 而 如 田 府 之。 過 七 通 賦 得 進 守二三 切 之多 水 亦 捎 自官 本 亦 升 爲 志 買 以 變, 柰之何一 益 皆 瀛 事 地 其 窮 少者 賣 極 之不 少  $\equiv$ 深 帖 剙 力 錙 於 田 則 百 爲 輕 之盈 然 之七 斗 議 銖 而 勢 惋 而 年 太 之直 平 不 重 起 歎 而 之 所 紙 而 而  $\mathbb{H}$ 倉 可 斗、 虚 無 爲 徵 謂 無 州 莫 不 抑 上之虚 小 畝 進 救 異 人 業 嘗 可 甚 民 科 縣 六 分 而 論 蘇 也 斗 於 事 奈 乃 之 直 È 論 於 多

民 縣

物 市

高

氏

强

奪,於

店

八

+

品

賜

德

行,「原

盡

矣。

猶

執

官

田

者

亦將

佃

非

昔

日

之佃

於

没

人

之

田

本

注》《隋書· 銀半分,官告五 ,以銀半分,官告三分,度 售之物,逼 及宋亡 官 遺 然。」 會子各半。 國。 石 買 河 與 内 林。 李德 租 無 禍 官 而 此 界 册 造 ,遺患猶不息。」亮哉斯言。 給 四 一之説 其 也。 〔原注〕《宋史》: 車 主 分, 舍。  $\coprod$ 域 籍 林 止四 百 駕 直 者,不 傳》: 亦 之不 度牒二分,會子二分半。 而 而 餘 幸 上 + Ŧi. 者 原 以 非 奪之, 俱 晉 命 貫, 百 年 注 昔 乎 陽 求 有 高 牒三分,會子三 銷 畝至三百 過 可 之後 而 以宋史 市 之, ! 祖 H 店 半是告牒 子 動 料 以 以 共 之主 「買 人 至於 還 以 高 ⟨ 》謂: 也 古 Ŀ 至 車 推 公田 價 SII 告 ? 畝,全以 表 已 彗 牛 直 那 本 「其 牒、 今 民 稱 肱 Ŧi. 不 出 而 則 而 重 分 且. 持 則 日 弊 地 衛 千 半 可 皆 夫 況 賦 景 民 會 之 會 Ŧi. 是 國 極 畝 是 《後 之虚計 宗 倍 斗, 以當代之君 制 舊 宋 利 則 概  $\equiv$ 使 而 切 額糧 兩太宗當 者乎 案 謂 明 民 也 損 改 漢 山 宣宗蓋 書》: ノ樂業 之日 行 於 從 七 塘塗 上 而 ? 豊 吴 國 民 年 非 田 此, 而還 當有 非 民 Щ 損 又 田 科 朝 申

多,其

租尤重。

之繇

則

猶

其

子。

及 以

事

成,每

千

畝

度

牒、

而

不得

售, 田 下, 下

· 六郡騒

千畝

以

以

上,以

愁,而

自

亡其

子

虚

名不

官,

而

遂

如

Ш

定之君臣

, 其

還玄家錢。」則知人主以天下爲 及玄卒,天下平定,玄弟慶以 譙玄子瑛,奉家錢千萬於公孫 前代所奪之地價,古 狀 心 詣 固 闕 當 自 人已有之矣。 陳。 如 此 述 光 以 武 Щ 贖 敕 欲 父 又考 所 在

之不違,下 中, 復有行 工蕩 汝成案〕閻氏《潛邱 Ŀ, 去累: 賦 田 有 意 聞 以 命 逐 以 易完,視  $\pm$ 立 在户部之戛戛焉,不克充其仁 於 斗**,** 中 減 而 升以 惟 縣 復 代 百 免, 此 夕行之矣」。 者 學 世之永 矣。 清 Ŧi. 之横 作, 不 田 合計 丈, 升 田 許 ·、 屯 之紹 實 咸 之 有 征 利 定其 録 札 司 者 斗 則 額  $\coprod$ 若 而 故 載 記 而 熙 附 非 璩 乃 Ŧi. 違 其 影 肥 即 立 以 謂: 變 壤 謂 於 升 Ŧi. 作 古 瘠 萬 又 前 但 年 下 册 之 也 捐 謂 何 駭 年 高 1 詔 猶 後 官 壓 減 必 不 之永 Ŧi. 田 下 官 於 使 可 於 官 兩 田 六 唐 爲 衆 而 遣 成 得 祖 太 田

或言 農 之。 條。 其仁 朝 或 + 業 隸 張 祖 以 氏 池 君 租 所 州 悉 民 擊 聞 猶 也 萬 州 凝 不 耕 昔者之 引當是亭林初刻之本、宣宗實録 政 黄 へ、 李 緡 誉 户 除 知 縣 淮 曠 ൬ 子 迄今 除 使 游言: 夕行 朕 部 此 H 南 土 以 唐末, 租 穀之言, 民 歲 其 别 用 義 有 誦 牛 資 甚 H 輸 掠 之者 置 其 此 其 肥 青陽縣苗七八倍於諸縣 國。 課 一苦之。 租 得 詩 而 廬 官 錢 饒 後 中 況 牛 白 牛 悉罷 矣。 口 者,不 何 又 原 帝 是 世 自 他 以 農 總 . 為? 宿 歲 募 而  $\vdash$ 周 是 日 T 器 户 領 原 下 户 户 兵 : 高 若 太 歷 萬 大 猶 部 注 並 不 所 貲 令人 嗚 鹅鬲 數 祖 有 利 部 計 誉 宋 賜 在 隸 户 素 + 爲 呼,以五 之, 紹 在 田 增 及詩 見 感 給 興二十三 州 之主, 年 於民 知 皆 激 大  $\equiv$ 佃 使 口 務 東 縣 今已引 涕 南 其 置 萬 牛 得 者 輸 南 零 唐 以 弊 餘 誉 嘗以 代 也 必 爲 課 猶 錢 其 死 諸 梁 見 户 田 有 之 數 永 用 在 民 而 州 太 佃 縣 閻 知 前

升

私

Ш

畝

科

升五

勺

至

半,科米二分。 爲 宋 齊 E 食邑, 畝 輸 斗 0 後 遂 爲 額。 詔 減 苗 税 分

有

今有 田 田 蘇 地 今存者, 一者,猶 一,佃 州 官 Ш 户 府 惟 亦 是 私 轉 官 衛 惟 Ш 相  $\coprod$ 所 吴 之 典 屯 縣 名 賣  $\coprod$ 南 Ш 京 不 不 學田 官 各 異 曾 Ш 衙 民 均 每 門 勳  $\mathbf{H}$ 爲 畝 所 戚 科 管 欽 則 Ŧi. 草 賜

塲

莊

府 繼 後 圩 田 永豐 年 , 自 撥 , 所 以 進 隸 賜 今高 圩 ±: 政 謂 蔡 租 行 溧 永 和 淳縣之西 米歲 宫 京 水 豐 Ŧi. 知 圩 今 又 年 縣 以 三萬 者 隸 韋 以 ^ 也。 總 賜 湖 永 有 石 所 韓 成 豐 爲 永 ^ 額。 謡 世 田 文 豐 忠 原 獻  $\pm$ 鄉 初  $\Box$ 注 通 弼 者、宋時 **\$** 又 考》: 小永 百 以 宋 原 史 賜 姓 注 豐 一成 亦 請 秦 之 圩 化 建 檜 佃 曹 湖 接 + 康

<sup>■「</sup>畝」、原作「故」、據《宋史·食貨志上》改。

史 以 詩 但 呼 債 作 追 圩 薄 永 官 願 ! 犢 民 租 底 寧 閻 知 作民、 賣 鄉 有 如 禾 千 舊 復 得 當 有 兒 苗 追 傳 租 文 犢 官 日 》言: 在 富家 没 魂 任 T 亦 可 畝 租 官 我 半 賣 時 不 江 官 身 佃 新 邊, 得 有 分 始 君 估 田 即 南 之 租  $\coprod$  $\mathbb{H}$ 於 明年 莫 公 八 苦 樂 貧 里 促 追 債 近 田 悲,東鄰 斗 胥 即 租 納 家 租 日 還得 更 糧 前 告災 未 重 已 租 算 矣。 向 宜 年 足怪 如 息 種 年 減 城 縣 大 賣 此 不 家 官 年 以 中 官 水 犢 算 貸 盡 舊 種  $\mathbb{H}$ 賣 怒 平. 兼 貧 原 母: 將 租  $\coprod$ 黄 4 民 賣 注 讀 結 官 至 無 0  $\stackrel{\smile}{\approx}$ 門, 兒 犢 嗚 厚 此 新 田 而 元

科。

又

不

獨

蘇

松

常

 $\equiv$ 

府

爲

然

+

文。 榷  $\mathbb{H}$ 每 畝 酒 地 · 每 若 約 錢 元 是京官 共 税 微 畝 出 粟 之 只 集 税 + 上 斗 粟 • 司 奏 九 草 文。 職 升 狀 田 **\***: Ŧi. 束 已下 又 合 右 腳 須 其 草 臣 錢 百 諸 四 當 姓 色 分 白 變 州 職 米 百 地 田 + 雇 姓 頭

減

數

少

民 也 是 官 車 0 閒 則  $\blacksquare$ 般 送, 故 有 官 驛 先 抛 田 比 田 朝 之苦 荒 等 量 洪 官 IE. 所 熙 田 税 税 自 召 輕 唐 近 宣 人 重 於 已 德 開 然, 几 中 約 耕 倍 與 不 屢 依 職 始 下 其 民  $\mathbf{H}$ 於 詔 公 田 相 宋、 書, 廨 例 似 田 元 0 起 令

至三 於 亦 石 糧 4 畝 田 九 石,(原 吴 額 之 有 之 八 至 中 九 餘 中 其 費 即 有 4 畝 之 可 當 今 歲 注〕凡 甚 民 而 禁 日 佃 僅 窄, 緡 私 完 限 人 有 言石 秋 租 竭 私 租 而 而 禾  $\mathbb{H}$ 者, 租 凡 而 者 重 收 皆 一**,** 上 溝 歲之力, 明 熟 成 什 者 以 渠 日 之 至 官 田 乞貸 道 H 斛 不 爲 畝 路 糞 得 石二三 之 者 少 所 皆 人 過 壅 得 者 收 佃 并 Ι. 故 不 不 其. 作 不 斗 作 過 過 既 能 税 者

0 先」, 據 校 記 鈔 本作

已 皆 重 大 明 當 恩及 今所 南 即 巳,[原注 如 元 朝宣 所 德八年正月己未詔 ,以十分爲率,普減二 事 輸 與 位 此 史・ 以 富 爲 江 之 行之者 蠲 田 則 德十年五月乙未,❶刑 初,詔 寬 主 特 北 特 室 貧 〕時 成宗紀》: 者,亦 異,貧 其 而 及 恩之蠲,後 者 成宗即 佃 不 田 蠲 漸 户 主,其 被 如 富, 者 今 位。 也 所蠲 及於貧民 佃 歲 至元三十一年十月辛 江 而 富 田 江 佃 是 富 浙 一分,永爲定例。」 科給事中 之數。」從之。 租 人之田,歲 事 民 則 行 者 十分之三。 輸 爲 厚下之政,前 南佃户、私 省臣言:「陛 也。 亦 永 租 年 不 額 如 富亦有 宜令佃 至 之減 故 輸 於 「原 其 則 然 租 此 貧。 租。 請 注 代 前 是 而 太 民 江. 下

内 見 每 税 什五 漢 田 武 一。」唐: 帝時 畝,官税 一德宗 董仲舒言:「或耕豪民之田, Ŧi. 時 升,而私 陸 贄言:「今京畿之 家收 租 有 畝

> 之包租 之也。宗已下則公然號 之徒」,「原注」《食貨 等, 至 假,亦謂貧人賃富人之田 曰:「分田 貧人。」仲舒所言則今之分租,贄所言 望令凡所占 稼,農夫之所爲。 一石者,是二十倍 租猶半之。 也 謂 貧 者無田 然猶謂之「豪民」,謂之「兼 田,約爲條限,裁 夫土 志》「豪民侵陵、分田 耐 而 也。 取 兼 富人田 地,王者之所 於官 爲 劫者,富人劫奪 并之徒,居然受利 田 「主矣。 耕 税 種 減 共火 也。 租 分其 劫 價 其 假 有 降 税 所 務利 \_, 師 則 及 · 侵 收 耕 也 并 中 欺

#### 豫 借

月徴 收 唐玄宗天寶三 ,農功未 畢 恐 載 難 制  $\exists$ 濟 : 辦 每 自 載 今已後 庸 調

陳

費

遽

愈

月

日

納 安 法 苗

耳。 瞻等舉唐 俸」。 各户 安 石 之制 於貧民 其 促 斂 苗 或 月 未 唐行之于季世 至 石所 祖 遂爲 倍 穀 接 用 庚子,「 收收 九 唐、 | 原 唐 爲言。 急,不 弊政。 有 租 行 쨈 月 蠶 其 注 誉 後代 耐 宋 青 者 主 息 取 事 苗錢 本  $\mathbb{H}$ 辨 其 急 以 其 憲 上 税 其 考 + 不 方 及待 豫借之始。 尤 供 息 之法 賣 亦 唐 同 任 司 畝 天 宗 H 興 范 雜 時 本, 艱 日 · ; 税 之 者 下 元 而 鎮 費。 爲 長 示 青 秋 謂 以 亦 錢 已 耗 繩 爲 安、萬 地 和 同。 苗 限 之常平 宋之常 者, 言 《宋 + 凡 其 責 輸 青 方 畝 六 彼則 Ŧi. 唐 有 史 年二 半 既 縑 依 苗 青 年 苗 〔張大令 至 季之制 給 當 平錢 錢 直 嚴 趙 税 使。 青 所 苗 當 代 縣 時 用 膽 青黄 謂 月 民 而 錢 有 宗 無 下 爲 IE. 對 農 間 不 徵  $\Box$ 制 稱 青 神 原 委 吏之 與 官 未 者 以 廣 足 名 也。 之, 功 宗 接之 苗 此 注 置 按 爲 觀 法, 求 德 給 本 言 同 此 未 錢 此 青 威 陸 故 察 以 假 錢, 時 百 者 艾, 故 似 青 苗 與 則 使 新 暴 宣 號 官 年 而 趙 西己 貸 謂 苗 青 錢 宋

錢

E

青

以

七

延

畢。」 足。 之, 載 : 葚,共 起 + 即 以 時 1 韓 供 差 其 乃詔 徵 周 外 科 文 五. 位 軍 近朝 長 向 尤 軍 差 世 公有《游 内 錢 H 也 興 田 是 晚 頗 食 科 宗 離 徴斂穀 起 四 者, 頭 司 莊 知 不 未 顯 叛 至 方 徵 年 樂 愛 足, 宗 德 動 後 員 自 六 社 未 城 是 三年 起 民 雖 八 今夏 万 月 二 借 唐 帛, 敕 神。」 及 南 徵 有 月 閒 便, 莊 河 條 見  $\equiv$ + 身。 税 多 詩 宗 是三 + 南 0 月 月 月 流 於 以 不 H 云 同 不 日 尹 豫 ^ 丙 麥 六 俟 納 或 其 光 得 四 文 起 豫 子,上 借 月 苗 收 足 月 Ţ. 白 節 四 量 獻 徵 借 之令, 穫 含 主 年 之 秋 候 布 抽 通 夏 紡 九 遞 早  $\equiv$ 間 穟 謂 税 滅 長 百 考 秋 績 月 者 月 桑 侍 尚 衫 以 而 姓 而 税 實 之 納 所 明 戊 紫 臣 未 + 下 Ŧī. 生

宗

其

辰

動

領

故

以

月

0 便」,《 册 府 元 龜 》卷 四 八,作

之 未 乏興之憂。」首以 期 V. 咸  $\vdash$ m 半. 淳 率以 春 **糴幾**二十 盧 載,民 174 熊 行 初 年 夏 以以 即 蘇 也 何 初 州 萬斛 出 以 徵 顯 府 堪? 文閣 乃 民 榜 俸人 志 迄 租 × Z 開 後 待 及 免 僉 徵 代 制 順 例  $\Box$ 預 知 其 孫 國勢阽 徵 趙 卷 平 此 謂 順 所 江. 病 供 例 孫 古者 兼 民 助 · 字 行之三十年,不然將 發 危 糴 又甚 運 和 本, + 使。 仲, 非 月 而 矣。❷ 納 若 處州 抑 先 禾稼, 是 口 浮 郡 光 費 沈 今 以 庾 先 氏 繼 赤 有

直. 豫 借  $\Box$ ! 者 詩 || 云: 苗未秀而 食 苗之政 碩 食之,貪之甚 鼠 也,有 碩 鼠 不 無 毆 食 民 也。 我 而 苗 適 今之爲 樂 謝 郊 君

者

乎.

謂 無 往 數 議 调 非 爲 百 虞 + 徭 頃 舊 僧、 謙, 制 畝 役 而 道, 所 遂 餘 徭 洪 木 民 廢 田 役 武 之蠧 未嘗及之。 以 末 請 一楊 均 爲 爲 氏 平. 定制  $\Box$ 今江 杭 民。 此 州 仁 南 府 貧 初 僧 政 寺 知 也 道 是之, 民 院 當 府 無 每 事  $\mathbb{H}$  $\coprod$ 舉 已 人 么 嘗 Ilij 或 建 而  $\coprod$ 往 行

> 虞氏 之,豈 科 後 饒 宫闈、公主卿 時 富。 則 雖 以爲非舊 屢 有是言。 非 不 勃令視 白雲宗總攝 官 復曩之豪富矣 民 制 相, 兩 至 民 遂廢 便 明 凡 þ 乎? 賜 中 復 111 不 葉以 廣侵  $\mathbb{H}$ 租 行 産 者 尋 汝 後, 占, 動 廢不行。 誤 成 Ė 遂 數 案 也 至連 H 百 虞 衰 頃 元 謙 肝 耗 又不 明 時 之 累 崇 初 即 議 陌 奉二 猶 有 輸 是 存 賦 寺 跨 矣 氏 田 其 越 税 風 州 用 朝 而 亦 郡 准 故 日 狂. 當

# 紡織之利

爲: 不 有 H 材 蹙, 獲 力而 今邊郡 紡 延 或 織 安 税 安 之利 日 之民, 於游 府 逋 布帛之價貴 而 惰 既 陳 又 不 文恭 歲 華 知 有 陰  $\Box$ 耕 買  $\pm$ 於 陝 布 弘 西 又 归 爲 安 之費,生 譔 不 自 數 著 知 古蠶 議 織 桑 計 既 雖

宗之君臣矣」。

<sup>0</sup> 0 非 其病民又甚矣」 若同 光 據 校 記 《校記 》, 鈔 本 作 鈔 本 「未若同光之甚」。 作 「其愚又甚於

者也 武 注〕今大同 其 爲 於 餘 萬 將 拙 下 紡 其 食 地,今日 曰 本不 中 Ŧi. 專 織 民 训 自 Ŧī. 夏不 , 其 之惰 室 之具 織 原 Ŧ 爲 外 足 邊民 有 吾 久 若 太 土 餘 之 師 73 mi 廢 郡 人多是 급 爲 景 釋 見 守 弛, 户 更 而 無桑 賣 之 能 以 使 利 賣 複,冬不 吏, 之中。」崔 綢 副 不 儲 殿 糧 織 無 巧 如 土 户 益 帛 麻 食以 煩 峙 此 俗 最 者 教 以 資 手 令有 贵 不 之利 程 于 婦 爲 之者 不 草 不 下 製 作 得 江 人 離 督 衣 知 \_ 師 纏 甚  $\equiv$ 司 機 出 寔《 浙 矣。 宜 窟 耳 緝 一女子, 仰 多?! + 草 身, 依 其 花 乃 , 父子 年 則穿紙袴,真 即 績 政 中 餘 式 家 布 令人 計 紡 今當 ,冬積草 間 以 論 或 萬 鮮 造 來 按 古 延 民 蓋 以 絲 ,民享其 自 夫婦 成 詣 曰 藏 之勤 酸 ^ 安 楚、 教 每 絮 鹽 也 : 雕 + 鼻。 散 州 豫。 民 所 而 鐵 謂 府 伏 僕 惰 給 織 後 縣 内 非 論 利 小 倮 卧 前 萬 里 發 廣 藏 衣 盡 川 原 民 蟲

之,富 覩其 之, 老幼 矣。 而半 之繁庶,勝 禾之土必 也。 人爲 〕吴絲衣天下,聚 浙 萬之益。 致 焉 績 從 而 相 注 者 利 今楚、 萃 其 西 ^ 夜績, 隔 師 利 力 Ŧi. 而 漢 强之效, 爲 後 畔 則 不 靡 有 弗 月 異 蜀 逾 此蠶之可 (志))有 待 教 漢 于 公子 畔 他。 是 載 桑 效 湖, 書 數 民 他 馬, 焉。 以 銀 河 女 而 所。 餇 年 東不 宜 無 雖 東 丽 無 之後 甚 繅 裳 Ι. 一一雙 惇 云 其 平. 入本 及 貴 税 賦 至 桑 之法 矣民 此 桑 至 所 在 龐 矣。 無 重 也。 委積 香 林。 漸 如 海,不 于 荒 傳。 不 木 月 之化, 豈 之惰 之厚 栩 冬, Ŧi. 今,當責 知 窮 近 耐 其 夫蠶桑之地· 以 如 吴越、 穀,無 得 之方, 之 而 厚 無 是 過 三旬 利 民 瓦 民 也 四 分 其 桑之方,人 舊 也。 礫。 方 未 則 之。 閩 既 廩 土不 一之守 亦多 之勞, + 吾 Ŧ. 至 古 給。 難 俗 番 里 DП 于 旲 欲 Ŧi. 而 宜 人有 致 也 令, 有 至 使 北 月 空 南 無 守 其. 外 日 婦 哉 之 桑 不 務 虚 諸 于 于 以 移 農 令 此 鄉 徧 畔 監 逾 海 ! 率 則 桑 務 何 爲 則 JL 室 行 之間 海 凇 島 同 有 **香** 不 所 時 無 歲 省 萬 廬 之者 八 而 内, 之 騎 遠 里 宜 居 之 男 舟 有 皆 唐 南 月 行 時 莫 有 H 同 爲 久 4 楫 E 不 白 來

+

市  $\Box$  載

相

原

鄰,

逾

擇

能

行,履 海 其 内皆桑矣。 絲之多寡。 其 地,察其桑之盛衰,人其室,視其蠶之美惡 昔吾行于長子,略著于篇,可以 多者獎之,寡者戒之,廢者懲之。 取 不出· 法馬 而 + 終較 年

乎 業。 待 所 勠 歲 H 府 有 有 少 民 ? 新 無 之原 藏 之 華 服 力,數年之間 一女,十 束,則 子 侈 使管、晏復 之 無 采 用 楊 急乎 華 益,廢之 女,多者三四,少者 ,豐穀帛之業」。 以 薄 氏 但 覈 崇好,  $\Box$ 彌 萬 禁綺 + ! 上 甚,斵 萬 家 書,欲禁綾綺 一,布帛 無 生 此 禁敕 束 則 豔 繡 損,何愛 救 **無** 姿 矣。 + 無 雕 無 乏之上 者 益 萬 用 爲 必 以 使四 也 謂 : 之 人。 | 樸,意 不 積 易此。」 必 待 飾 而 實 錦 一務,富 人人織 疆之内,同 文 恣民五 今吏 不 有 亦 且. 繡, 暫 綺 清 方 美 口 心 禁, 以二 以 士之家, 貌 今 或 通令户 行 寡 色, 績, 致 欲之學 之會 纂 之 以 者 愛, 生 本 不 心 組 充 惟

者,乃

能收

還

淳返樸之效

#### 馬 政

十九年《傳》。 也。 H 析、 中 因、 先王 而 夷、 出 之所 日 隩, 中 以 先 而 處 王 人」,〔原 廄 之 馬 )所 也 以 注 左 處 氏 人 莊 民

傳 之間 悔 馬 富, 爲卒者,復其錢。」本 卒三人。」〔原注〕師古曰: 地 原注》《漢書・ 千 字。 乃修 亢。 衆 則 唐玄宗開 成 漢鼂錯言: 民 庶 於 羣 馬 「原 間 樓 街 復 食貨 之馬 注》《貨 煩 乘 巷 令。 元 致 志》。 牸 有 傳。 「令民 九年 馬 殖傳》。 馬, 牝 「原 其 文帝從之。 4 若乃塞之斥 者 盛 注 仟 韶:「天下之有 羊 有 「當爲卒者,免其三人。 口 班 伯 復 擯 數千 車 知 卒三人之令。 壹 原 騎 而 注三阡 避 羣。 馬 不 武 故文、景之 墜,(原 也 得 帝 「原 几 陌 橋 會 輪 馬者 者, 注 字 注」古 聚 臺 桃 西域 司 之 致 不 復 敘

本紀》。 又 家之有。 也。 言 直、 色 祖 + 其 以 家 升 士 互. 州 比 市 之。 畏 H 至 欲 馬 畜 曰: 「三五年後 減 縣 聞 永樂 漢文、景時 者 吾、 月丁未, 民 爲 皆 元二十三年 + 曩 延昌 民 罪 有 之有 貨。」「原 欽 白 馬 時 先 間 察、 元 之。 其榜諭 馬 姓 元年六月 以 以 馬 年 契丹 者三取 馬 畏 自 郵 下 價 七 禁 今諸 苦, 遞、 如 注』《唐 等。 騰 原 天下 間 月 免 六 庶 河 戊 此 乃 貴,蓋 注 帖 軍 里 丙 月 南 寅 其二,〔楊氏 州 漢 二《元 多不 書 幾 驛 旅 有 戌, 戊 畜 民 通 惟 民, 聽 • 馬 之 郵 馬 申, 史 河 牝 兵 禁民 悉 魏 軍 上. 漸 • 南 (志》。 役,定户 成羣 勿 畜 馬。 遞 世 人官 牝 民 諭 蕃 本 馬 限 征 括 宗正 畜 不 紀 馬 日 兵 息 〔原注〕《 故 諸 古之人君 有 之禁。 行 一色 民 得 馬 部 路 無 始四 定户 此 目 騎 復 有 私 敢 勿 臣 實 馬 蔭 人 魏 射 承元 禁。」 即 畜 若 元 緣 日 録 謂 書 或 故 與 凡 世 年 無 之 能 以 女

> 未 數 年 納 辛巳,上 人 以 駒 及修漢、唐復馬之令也 禁馬之後,故有 有 來 陜 兀 獻。 西 申 安 俾 諭 此 定 得 兵 則 衛 部 以 小 土 此 餘 令民 爲之 民 諭 力 王 養 間 而 從 私 而 畜官 小 洪 義 馬。 公熙元 效者 畜 馬者 至宣 馬 也 年 蕃 德六 正 息 歲 然 月

### 驛傳

書 里 置 東京、「原注」今陝州至 至 百 官 史記 尸 續 1志》: 鄉 漢 廄 **>** 「凡三十里有驛。」白 置  $\mathbb{H}$ 輿 横 是 服 河 乘 志 也 南 傳  $\forall$ 府 唐 詣 Щ 制 雒 居易 驛 低 亦 陽 馬 路 然 詩 三十 未 漸 原原 平。 至 從 注》唐 陝 里 + 風 至

■「惟」下,據《校記》,鈔本有「夷狄之君忌漢人之强而

於十 達。 達。 驛 故 甲 所 左 馳 及 驛 過 光 七 不 丙 降官 十驛。」其 诗時 弊 寅 隴 過 1 辰 几 四 是 十里 驛 至 盍 百 白 + 而 Ш H 捷 安 也 德 後 也 唐 馳 自 頭 驛 里 里 至夏店驛,五 在 書 禄 + 嫌 考之前 人 制 行 而 驛以 華 至 山 驛 原 古 遲 韓 原 以 載 或 清 赦 行 注 反 騎 注 人 愈 上。」又如 節 九 是也。 宫、原 驛 在 於 書 桑 如 以 詩 在 史乎 費 月 日 十里 時時 維 者 H 范 今代 星 置 翰 之 癸 而 銜 陽。 行 (注)在 流 至公樂驛 對 驛之多 ? 上 説 卯 馳 爲 天 原 命 馬 晉 Ŧī. 在  $\equiv$ + 注〕天寶 寶 高 今臨 倒 Ш 平 歷 百 廣  $\pm$ 原 百 鳳 祖 驛 + 官 東 注 里 次 一, 故 里 平 申 明 言 翔 Ŧi. 潼 几 撫 岑 洮 六 裁 發 H. +  $\pm$ 縣 府 大 聞 則 車 行 載 載 里至 如 併 亂 咸 參 收 敕 梁 通 職 於 馬 谏 又 + 六 詩 陽 西 師 薊 州 距 不 H 行 + 此 至 日 Mi 魏不 州 潞 京 自 之 有 止 在 月 H 暮 =馬 而 而 加 漁 今

> 爲三 陽 里 贵 至 苯 驛。 勞 伏城驛, 驛,亦必 乎? 今以 夏 又如 不 四十里 店、 堪 公樂 其 定 敝 州 至 永 矣 真 定 驛 定 驛 併 府 於 恒 Ŧi. Ш + 河 驛 里 則 至 猶 西 仍 樂 驛 舊 驛 七 貫 + 四 里 使 + 矣 Ŧi.

舍」。 過三舍。 原 然 人 周 鄭 則 注》、史記 禮 漢 古人以 退 而《詩》言「 三舍九十 人之驛馬 遺人》「三十 三 十· 晉世 三十 里 里 一家》注 也 而 ·里爲 三十 我 許 引 服 里 之平」, 賈 里 既 逵 有 舍  $\Box$ 成,于三十 宿 置 ~ 注 ^ 宿 左 司 以 有 傳 馬 有 爲 自 法 路 **>** 來 從 室」。 里 退 楚 矣。 遯

主 時 有 瘠 辰 + 居 儲 儲 民 河 高之聽,皆非後世之所能及矣。 八 貧 畜 或 糧 南 之裕 石 初 遇 新 臣 凡 安 歲 不 上 法 驛 知 及 不 嘉 皆 令之寬 縣 待 登 其 有 陶 報 稱 倉。 鎔 , 借 職 私 ),賢 奏: 給 洪 無 尹 即 措 貧 熙 縣 益 此 民 元 在 下 惟 年 之 事 Щ 千 南 六 權 谷 然 酱 月 七 面 驛 士. 則 明 當 百 丙

後 待 驛 之有 生 M 荒 ,何足以 囏 倉 不,不 伌 實《周 知先王 但 以 供賓客使臣 禮》遺人之掌 一之政 哉 丽 也 亦 帖 所 以 括

字 傳遞,日 遞公文。〔原注〕《金史》: 牌 急腳 今時 行三百 遞。 十里 岳飛奉詔班師, 里。』《大名府 鋪 ?[原注]俗作 志 「泰和六年,初置急遞 日中十二金字牌是也。」 唐 有 銀 舗舗 牌,宋 \_\_ 設卒 熙寧 舖 腰 有 以 鈴

里,至 曰 《史記 郵 孟 杜 亭書 子》所 郵。 **\*** 舍 ^ 白 云 漢 謂 置 起 書 傳 郵 送文書所 既 而 行 黄 傳 霸 出 命」, 傳 咸 止 陽 處。 蓋 注 西 古 師 門 已 古 有 +

### 漕程

里。 程 馬 ^ 水行之程,舟之重 山 日 堂 七 考 + 索》 里, 載 步 及 驢 者 唐 漕 泝 五 十 制 河 里 日 凡 車 陸 三十 行 里, 之

> 直達 秦、漢 利 於 今 人 法 遲 水 而 輕 里 江 病 也 人 其 之 七十 可 速 重 四 江 恐不然矣。 而 ) 與? 畜 過 + 今觀: 用 以 可 Ŧi. 轉 里。 里 兩 車 淮 不 其 制 + 俊 輸之法則 盡 三峽、砥柱之類,不 弊。 驢 然其 卿 過 河 里 餘 轉 所 人馬之力, 日 水 則 洪 述, 運、 贵 餘 效 四 始于 及 必 在 非 水六十 百 可 徵斂、送納,皆 +當 窮 魏、 回空之限 後 睹 Ŧi. Ŧi. 時 H 矣。 人之急 弊 隋, 而 + 之力 里, 而 里 已 里, 亦 如 〔汝成 ; 盛 空舟 此 而 無 沿 江 于 迫 拘 猶 則 唐、宋,然率 逗 後 流 案」漕 準 日 泝 此 云 留 有 止 百 之 轉 其 限 程 河 之 此 里 舟 般 運 節 以 於 几 始 患。 可 意 前 此 至 其 + 有 餘 則 濟 于

### 行鹽

松江李雯論:「鹽之産於場,猶五穀之

蜀 麻, 之,則 如 爲 自 深《大學衍 則 生 雲帆 誦 哉 古 證 今 天 於 詩 下 又 日 通 地 轉 或 三百 之法, 曰 余於 皆 人人 遼 與 宜 蜀 官 又 義 海 民 就 鹽 鹽 授 誦 麻  $\exists$ 補 各 場 兩 稉 法 也 言 久不 杜 利。」 定 之 有 亦 「原 風 詩 行 額 以 引 注 復 此 烟 來 又 政 鹽 子 而 海 俗 渺 論 日 不 地 吴鹽 美詩 不 作 運 税 鑿 吴 界,吴 知 粳 達 鑿 蜀 而 굸 此 擁 天 後 引 可 者 下 故 荆 稻 舟 鹽 蜀 杜 行 不 也 事 皆 來 檝 安 麻 子 問 \_ 東 私 得 美詩 丘 所 通 吴 其 鹽 若 至 鹽 鹽 仲 云 所

食

東

或

商 重 口 米 糧 霧 若令 一 石 洪 如 儲 此 武 畢 自 商 陵 則 即 人 年 斗 縣 轉 以 六 於 者 輸 長 原 月 大 之費 俱 蘆 辛 給 同 進 E 運 引 倉 省 鹽 至 人 自 Ш 而 太 米 赴 西 軍 引 和 所 行 儲 石 嶺,路 引 省言: 在 充 二百 矣。 官 太 司 遠 原 斤 繳 從 倉 費 大

> 之。 貨 而 志 與 八之鹽 此 「明之鹽法 也。 中 鹽 後 之 其 莫 法 法 善 亦 所 于 行 開 于 自 中 内 始 地 開 中 沈 者 氏 召  $\mathbf{E}$ 商 輸 明 糧 史 于 邊 食

擾,故 於彼 之鹽 然 可 或 利 平. 復 海 池 之 有 鹽 貯 置 興 用 不 鹽 鹽 用 唐 轉 但 之, 過 官。 劉 充 霧 度支主之。 IE. 於 晏 矣 官 晏 几 足 時 或 以 於 出 主 其江 + 獲 爲 自 商 商 鹽 而 鹽 之。 萬 其. 許、 轉 絶 之 吏 民 人, 緡 利 嶺 運 之 鹽 汝、 不 鄉 晏 間 任 使 季 貴 汴、 而 不 置 木 以 去 鄭、 其 年乃 民 可 弊 鹽 則 滑 鹽 爲 專 所 不 罷 官 鄧 減 鄉 鹽 之。 用 六 唐、 乏 之 遠 價 吏 收 讀 今 百 鹽 榷 西 霽 者 蔡之東 多 史 自 鹽 H 鹽 萬 者 則 皆 鹽 户 緡 始 轉 餘 法 利 江. 謂 州 所 州 充 口 官 食 之 以 之 縣 煑 皆 由 淮 鹽 縣 河 軍

不

行 鹽 地 分 有 遠 近 之不 同,遠 於 官 而 近 慨

省

不

是

鹽

常

得 或 事 府。 矣。 於私 浙 未 徒 至 虔、汀、 不雜,賣錢二十,以 注〕又言:「虔州 不 興販 而 價 7、或赦 嘗 至 劫 産 纔 福 行 而 宋時 至四 Ĺ 鹽 絶 盜 殺 畢 鹽 建 之 宋 則 、穀帛、 三, 之汀 漳、 屢議 據吴 + 地 也 傷 徒 其 史》言: 恒 民 七 必 罪招 錢 不定,今卒 潮 數 而 不 則 會 州 官 余 興, 掠 民 +民 得 起 鹽 故 嶺 亦 少 循、梅、 多 間 人 百 自 之。」元末 虔 不 爲 南 於 其 與 居 婦婦 江 盜 淮 多 爲 人 鹽 買 食 是 盜 虔接 小 崑 南 盡 販 西 女, 販 羣 販 廣 私 依 運 小 乎 惠、 食 人 一之虔 Ш 淮 東 廣 致 虔 嶺 鹽 與 持 興 盜 鹽 南 鹽 阻 南 之 常 廣 鹵 以 販 巡 虔 甲 賊 鹽。 州 溼 鹽 張 斤 險 既 熟 八 鹽 捕 兵 每 自 雜 多 雖 半 以 要,捕 之 士 虔 買 州 旗 歲 思,輕 弗 地 吏 通 當 而 太平 射 州 間 卒 之 誠 私 州 鼓 秋 善 連 即 刑 利 斤 不 鬭 冬, 渡 地 鹽 今贛 廣 爲 汀 獄 之 以 往 不 及 純 南 斤 兩 世 鹽 能 所 故 游 來 田 則 州 原 É

愐

之格 之所 額 皆 其 一; 此 色 蕃 能 鹽 青 課 掩 禁 黑 耳 以 堅 也 盜 私 緻 視 鍾 鹽 精 官 明 之政 之獲,每 鹽 好 知 爲 其 也 此 善 不 地 季 能 及 若 禁, 利 游 之 干, 而 便 大 爲 設 百 非 爲 定之 巡 或 所 捕 法 食

從之。 課 償 易 時 著  $\pm$ 者 爲 邊 嘉 而 而 經 糴之費, 也 麟 宋 於 官 其 常 嘉 <u></u> 1收租 茶 詔 祐 書 : 弗 法 書曰: 中, 可 復 錢 未 更 以 與 請 著 有 制 疏 所 罷 作 所 歷 利 在 給 佐 變, 世: 以 徵 源 茶 郎 其 之 是 而 算 本 何 説 敝 雖 寬 錢 鬲 歸 口 當 民 榷 縱 = 通  $\pm$ 力。」仁宗 日 貨 安石 之於鹽 袁 班 以 務 户 奉 除 之 以 貿 職

日 知 録 集 釋 卷 于 終

# 日知録集釋卷十

崑山顧炎武著 嘉定後學黃汝成集釋

### 權量

升五 《左傳》定公八年《正義》曰:「魏、齊斗稱,於 杜 古二而爲一,周、隋斗稱,於古三而 三合四勺。 注〕今謂即時。 三兩當今一兩,尺一尺二寸當今一尺。〔原 《隋書・律曆志》言:「梁、陳依古斗,齊以 氏《通典》言:「六朝量三升當今一升,稱 升 三代以 爲 斗,周以 〔錢氏曰〕《六典》所謂大斗、大兩、大尺也 開皇以古斗三升爲一升,大業 來,權量之制,自隋文帝一變。 玉升 升當官斗 爲一。」 升 古

升 各千石,置宫廷中。」百二十斤爲石,千石 成帝紀》:「令諸郡舉力人能舉千五百斤以 皇以古稱三斤爲一斤,大業初 異于錢稱耶?周玉 斤八 十二萬斤。 上者。」《史記·秦始皇紀》:「金人十二,重 人」,三十斤爲鈞,百鈞則三千斤。 初 百斤。」不應若此之重。 二千斤。《晉書 今考之傳記,如《孟 而爲一,或以爲以古稱一斤八兩爲一斤,豈稱他物之稱多 重輕,兩相符 銖錢,實重五銖,計一百文重一斤四 錢,實重四銖三參二黍,其百文則重一斤二兩。 ,觚三升。 依 兩 復 古斗。 爲 合。 《漢舊儀》:「祭天養牛五歲,至 斤。 〔原注〕《儀 則齊與梁並依古稱 梁、 稱 〔沈氏 南陽 四 陳 子》以「舉 兩,當古稱四 禮 日 依 王 ^ 古 案《通 考工 保傳 特牲饋食禮》注:「觚 稱。 兩二十銖。 也。 典》:「 記 百 依 而 齊  $\mathbb{F}$ 自 或以爲于古二 鈞 復 梁 以 兩 <u></u> 爲 晉書 古 半。 較其多寡 齊 武 古 稱 文襄 帝 爵 重 有 稱 稱 Ŧi. 開 則 カ Ŧi.

秋

升。 皆四 日 **麪六十斤。** 貨志》:「食人月一 Ŧi. 獻 此之巨。 簋」、《正義》:「簋,瓦器,容酙二升。」不應若 毛説:「人君以黄金飾尊,大一碩。」「每 曰 矣。』《禮記》:「宗廟之祭,貴者獻 飯,所以實口。 ·前秦紀》有三人食 以 一升少半,婦人三升少半,嬰兒二升少半。 外 食、爲米二斛四斗、麥八斛。」《匈 石,瓦甒五 爵 獻 .升。」《管子》:「凡食鹽之數,一 散 缶 以 一升曰 廉 門内 爵 《趙充國 《周禮 尊者舉鱓,卑者舉 頗 而 傳》: 斗。」《詩》曰 壺,君尊瓦甒。」注: 觚 酬 · 舍人》「喪紀,共飯 以 君用粱,大夫用稷,士用稻 [傳》: 一石穀者。 一飯 觚,一 一升日 石 以一 半。」「楊氏 觶 獻 斗米。」《漢書 我 明江 而 角。 四 姑姑 馬自佗負三十 國公後吴鐵舍,食 升 酌 日 栅 「凡觴一 E 以 五獻之尊 》十六國 彼 則 角, 爵,賤 奴傳》: 米」注 月丈夫 金 罍 食 壺 升 食 大 豆 四 春

多。 數。 之多。 無制 當 禮》「朝一溢米,莫一溢米」注:「二十 所言三而當一之驗。 義》曰: 帝紀》: 水 奉粟六萬。』《索隱》曰 自司徒以下,日廩 『三四升。』《會稽王 溢,爲米 田 康《養生論》: 計一 。」《晉書 田 也。 ,權量之屬,每代遞增。 《靈樞經》:人食「一日 是知古之權量比之於今,大抵皆三而 至 人三百 《史記 「六萬小斗,當今二千石也。」此 數十斛。」今之收穫最 《史記 問: 一升二十四分升之一。』《晉書 傅玄傳》:「白 日食,用糒十八斛。」不 夫田 • 「諸葛 河渠書》: • 孔 七升。」本皆言少, 種者,一 公食 子 道子 蓋自三代以後,取 :「當是六萬 世家》:「孔 . 「可令畝 可 傳》:「國 中五升」。 Ш 幾何?』 畝十斛,謂之良 至魏孝文太 收 多 至 亦 十石。」嵇 斗。」《 子 用 + 應若 不 對 而 居 虚 餘 · 及 · 宣 兩 既 唐 反 曰 竭 斛 Œ 得 此 此 和 H

矣。 式。 下。 升。』《本草》注: 大斗 兩,即今之六錢半 自 歌舞以供其賦,奔走以役其勤。 業三年 廢大斗,去長尺,改重稱,所以愛萬姓,從薄賦,故海内之人 也。」 兹以降 九 「原 [沈氏日]《齊民要術 雖有 小斗、大兩 年,韶改長尺大卧,依周禮制度,班之天 注》、魏 四 ,漸漸長闊,百姓嗟怨,聞於朝野。」隋 此制,竟不能復古。 月壬辰,改度、量、權、衡,並 「李杲曰:『古云三兩,即今之一兩,云二 書• 也。 小兩之名,而後代則不復言 張 普惠傳 時 》 注 云: 珍曰: [古 天子信於上,億兆樂於下。 「其言一 神 龜 中,上 一升即今之二合 至唐時,猶 石,當今二斗七 - 疏言: 煬 依 帝 「高祖 有 古 大

斗小。」 尺。 班 Ш 志 堂 乃 考 云 索 **\*** 其 中 斛之爲 容 十斗, 制 蓋 方 古 尺 用 而 之 深

斗 四 年 ,重四十斤。」以今權量校之,容三斗,重 ·左馮 歐 陽 翊 公《集 造 古録》有谷口 其銘 日 『谷 П 銅 銅 一角,「始 甬 容 + 元

> 斗一升。 九 + 一斤。」又曰:「軹家釜,三斗弱 也。 五. 斤一兩』,今重三斤六兩,今六 氏《考古圖》:「漢 斤。 斗 當漢之一石。」大抵 則三 而有餘,斤則三 好 畤 官 廚 ", 軹家 鼎 是三而 兩 刻 而 當 甑 曰 不 漢 三重 足 當

之 得貨 足枝 弱。 左 首 鳳 錢弱」,傳寫誤也。 又《漢書 重二 半,八分者,今之五分,而二十五銖者,今 日 長 元年,改作貨布,長二寸五 『布』。 [沈氏曰]依後「五銖錢」一條,此 寸六分有奇 布一罌。 長 古以 八分有 兩二銖。 八分, <u>-</u> + 重二十五銖。」頃 奇,廣八分,其圜 間 所謂 四 今稱 廣 銖 二分。 廣一寸者,今之六分有 爲兩。 長二寸五分者,今鈔尺 得 +王莽傳》言:「天 枚, 其 Ŧi. 文右 富 銖 好 當 分,廣一寸, 兩弱」當作「七 平民 徑二分半, 錢 今之一 曰『貨』, + 掊 枚 地, 兩 計

米平, 錢,每 稱  $\overline{Z}$ 沈氏 得 開 比 日 + 百 布政 貨 錢 元 分 通 重 布 寶 司 兩 亦 錢 兩。」是則今代之大於古者,量 等 之 有 徑 每 重 四 八 兩 至 十 輕 分。」杜 四 錢 分三釐。 八分 0 E 者,用 原 通 注 典 又 行等稱。 \* \* : 俗 日 K 開 74 唐 錢二分 行 通 會 等 元 要 爲 即 寶

最

權

次之,度又次之矣。

之規 形 虞 古 其 以 皆 無 儀 地 駮 . 爲 得 容,象物 則 作之也有則,故 IE. 正 所 古尺。 日 算數之紀,依律計分, Œ. 矩 容 晉書 天 及 其 地 則 昔 潘 其 謬 制器,以 無 器 尚書奏: 『今尺長 差 岳 摯虞傳》:「 聖 所 用 也 以 施 人 隱 合宜 之金 爲 有 其 事皆反是。 用 存 以 習 情 之也 時 石 見 用 將作 用。 準正 已久, 天下之蹟 則音 本 以定長 有 不 故參天 於 大 三辰 今尺 徵 韻 不 差, 古 匠 和 宜 Ę, 陳 短之度。 考 長 而 而 則 諧 勰 復 兩 以於古 宜 步 擬 萬 懸 ; 改 地 其 以 措 象 掘 兩 物

尺 者,度量之所繇 惜 簡 物 謂 今 制 而 也。 IE. 有 制 九寸,虚徑三分,爲黃鍾之管,作 志 || 芸: 也 幾於半寸,樂府用之,律吕 之謹 同 不得 乖 兩 少 曆象失占,醫署用之,孔穴乖錯 是多 異端雜 則,示· 尺並 度 臣 而 憲章成式,不 律、 時 周 通 量 以 難 之變, 而 顯德 一, 故 用 不 度、量、衡; 爲 是 變。 人之極。 亂之用 易改 不 同 宜 中,王 人 宜 如 不謹,是 永 所 有 可 生,得失之所取徵,皆 改 者 所 一朴始 謂 常 失其 改 世 今 也。 奏。』」「沈氏日 宜. 之同; 用 而 依 無 凡 仲尼之訓 而 以 八舊物。 周 致 物 謂 從 正 律 法,以 時 而 煩 失於 有 謬 占 準 知 釐 是 長 不合; 以 法,非 多 也 秬 改, 失 變 亦 短 官 謹 季 黍 得, 而 ]《宋史 而 其 非 有 而 校 末 貞 聲 唐 易 權 行 正尺 史官 之 反 變 所 人 荷 夫 改, 不 審 宋 合 簡 所 以 絓 此 邪 而 度,長 度 乾 律 閡 之 用 亦 軌 可 者 之 者 於 絲 之 德 酥

之制 下。 之。 方,凡 峴言: 中,太 命。 累尺校律,亦. 其聲,果下于朴所定管 繩。」乃令依古法以 聲樂之高蓋 又云:「太祖 泉下石尺是 由 是 乾德中,又禁民 馬。 重造十二律管,自 凡四方斗 其後定西 新邦悉 祖 「西京 以 雅 也。 由 受禪 銅望 相 樂聲 頒 斛 蜀、平嶺南、復江表、泉、浙 符合。 于 度 及以 不中式者,皆去之,嘉量之器悉復 此。 '', 詔 泉尺寸 量 高 造 間造者,由 于 朴 有 新 況 詔 遂下 此 其 司 尺,并黄鍾 所定尺比校,短於石 雅音 影 可 有 境, 律。 精 司 尚書省集官 表 校 考 其 和暢。」又云:「宋 古 重 又内 測 古式,作 是尺度之制 僞俗尺 法 加 于 考 天 出 九寸之管,命工 Ē 即 地,則 Ŀ 度 今司 詳 爲 黨羊 納 踰 時 定 嘉 土,并、 管 盡 于 天臺影 判 尺四 量, 衆 頭 律 太 法 復 既平定 議 Ш 以 常 可 制 古 分, 愈同 秬 升 汾 馬。 人校 者 以 表 寺 頒 黍 則 Ψ. 天 夫 74 淮 銅 和

#### 大 斗 大 兩

 $\Box$ "「大斗者,異於量米粟之斗也。」是漢 漢 書 貨 殖 傳 **\*** 黍千. 大 八斗」, 師 時

衡、

已有大斗,但 用 之量麓貨 耳

志》: 張文收鑄銅斛 者。」按唐 太常、太醫 藥,及冠冕之制 爲度、量、權 斗、大兩 容一千二百黍爲龠,二龠爲合,十合爲 寸爲大尺,十尺爲丈。 黍之廣爲分,十分爲寸,十寸爲尺,一尺二 兩,三兩爲大兩,十六兩 十升爲斗,三斗爲大斗,〔錢氏曰〕據《隋書 量皆三之一。」《舊唐 注 「開皇以古斗三升爲一升,古稱三斤爲一 〕應劭曰:「十黍爲絫,十絫爲銖。」 | 十四 凡 唐六典》:「凡度,以北方秬黍 始 權 于 時 衡 隋 用 稱、 權 開 衡 古, 以 量 尺,以今常 皇 者, 秬 間 則 〔原注 ,是古今小大 黍 書 用之,内 調 唐 中 初 社 鍾 用 凡量,以秬黍 代宗紀》: 沿 者 度 律,測 氏 爲斤。 耐 量校之,尺當六之五 百 《通典》云: 不 外 黍 改 官 並 耳。 晷景,合 「大曆十年 之重 凡積 司 斤。 悉 + 「貞觀中 、太史、 中 爲銖 中者 用 斗 者 秬 銖 則 律 升 大 爲 湯 爲 黍 曆 大

斛

原

物中 南 [h] 貢 府依樣製造 月,❶太常寺奏: 膠二百 陵 人參二 亦 郡 有 貢 白 石 小斤,鹿角膠三十 用小斤、 斛十 小 ௱ 兩 行。』從之。」《通 小斤, 一諸 小兩 高 平. 州 同 郡 者,然皆湯藥之用。 府 陵郡 所 貢 小 用 Ĥ 户, 臨 貢 典 蚪 石 石 載 英 稱、當寺給銅 斛二十 Ŧi. 封郡 諸 + 郡 貢 小 士. 小斤。」 网 石斛十小斤 他 貢:「上 濟 有 蚪 此 陽 稱 司 則 郡 黨 皆 郡 州 貢 百

用

今。

久則

其今者通行,而

古

者

·廢矣。

二斤。」可見漢時斗、稱之制已大于古 則古之五纔當今之一也。 鑄 今十三 甚 時 云:「漢之一斛當今二斗七升。百二十斤爲石,當今三十 小,其數可攷者,大約漢二斗七升當今五 權 渾 斗 Ĺ 量 儀,求秦、漢以 宋沈括《筆談》曰 又大於 升九合,稱三斤當今十三 弱。 彤 以 唐 司 等 也。 親 [又曰]漢 來度量,計六斗當 (沈氏 較 · 子 之。 日 「趙 權 受詔 閻 有 氏 重 百  $\Box$ 四斤者,實 考鍾 詩 兩。 升 ||《筆  $\bar{z}$ 74 合。 談 今之 古古 是 律 义 宋 及 當 然 量

院 小口斛。」又言:「世祖 《元史》言:「至元二十年,頒 取江 南 li', 命 行 宋 輸 文思 米者

> 則 止 元 用 之斗 宋 斗 斛又大於宋也 斛,以宋一石當 今七 斗 故 也 一。」是

#### 漢 禄 言 石

權之極 四銖爲 言 : 可。 爲 弟子以 上,皆效之子之。」是 論語》: 之極數爲量之極數,殊 名。 則 「豆、區、釜、鍾,各自 斛 趙氏曰 古時 數。 兩十 乃量 萬 原 「與之釜,與之庾。」《孟子》:「 至十龠 注》韓 一之極 云石 制 六兩爲斤,三十斤爲 鍾。」皆量 本權 禄之數,皆 數。 爲合,十合爲升,十 非子》: 時 衡之 乃 即 歧誤。 俗 也 數 以 以 王 也。 石 五斗 制 漢 然漢時 Į. 用 因 鈞 禄。 爲 漢 收 承 几 斗 斛 四 吏 以以 秦 米穀之量已 (史記 斛。 鈞 ·升爲 律 璽,白 兩 爲 制 曆 斛 登于釜。」 斗,十 石。」是石 志 • <u>《</u>左 爲 三百 始 燕 石 世 以 傳 以 4 石 是 養 家 石 以 爲 乃 E 石

0 舊唐書 代宗紀 》作「四」。 權 斛

石重 計, 石,月 級 用 Ŧi. 載,「月奉之數,則 斛, 民 石 百 几 石、比千石、六百 志》字悝之論曰: 讓國子之,自 云,則斗斛之以石計,自春 之差 斛 石、百 十斛,以 ,是以權代量。 白 如二千 斛 故有 一百二十斤,與 斛即 得 石、三百石、比 歲 百 而 所謂二千石以至百 是一 凡得一千四百四十石耳。一今人以十斗爲 Ŧi. 畝 石 石,而三公號萬 中二千石、二千石、比二千石、千 릲 + 吏三百 至斗食奉月十一斛」,又未嘗 畝 六 斛,歲 石 取 百 「原 \_ 石 後世 凡得 石以上,悉予之。」又《漢書 石 之類 注』、汲 夫田 石、比六百 斛之數不 然考《續 ,則人有三十石。《國 大將 Ŧi. 秋、戰國 千八百 三百石、二百石、比 是也。 斗爲斛 百畝,每 黑音 傳 軍、三公奉月三 石。 石 甚 又《管 時 》注,如 漢 Ħ, 石者,但 兩 相 畝 石、四 Ë 斛 遠。 歲 然。 百二十斤 二千石,月 子 爲 淳 收 百官志 古 H 又案古 策 禁藏 百石、比 石 時 石 以 真 , 宋 + 半二云 爲 · 斗 爲 食 》篇: 二千 燕 得 時 時 百 所 爲 不

> 醉, 量 各千石」,「撞萬石 圭 「衡石程書」之類、皆權也、非量 石,本於此。 爾 傳》「穀長石斗」、《淳于 石 亦 醉」,對斗言之,是 不 知秦時 之鍾 所 三,「縣 謂 髡傳》「 金 移 石 人十 也。 權之名 鑄 一 斗 鍾 惟《白 於 亦 重

皆然。 而 爲 以今準之,酒之醇 石 以 斗,十斗爲石。」以 鈞爲石。千二百黍爲龠,十龠爲 六豆爲銖,二十四 始見之。 石 醨者多至於十五六斗。 穀百二十 ,酒之多 · 非 葉夢得《巖下放言》:「名生 以 量名 石本五權之名 斛 少 爲石,不知 斤 也。 本 【銖爲 之取 爲 不 兩十 一楊 者, 斛止 係 斛 名 氏 穀數,從 賦 猶 六 E 禄,如 起 一一説 兩 之可 合,十 漢 爲斤,三十 何 取 若以穀百二十 苑 制 時 七斗 其取 二千 也。 合爲升,十升 重 自 <del>-</del> 於實,凡 百二十斤 - 斤爲 或六 之醇 石之 - 六黍 若 漢 酒言 鈞, 以 爲 斗, 類 醨  $\overline{Q}$ 物 來 爲 四

以 錢 代 銖

以斤 石 及弓弩較力,言斗言石,此乃古法。 又 酬」之説準之,良然。昔人未詳此義。 者爵容一升,十爵爲斗,百爵爲石。」以《考工記》「一獻 言石者,未嘗有定數 穀百八九十斤。 二十斤,一斗十二斤,一升十九兩二分。」酒 斤 名,則當爲酒十五六斗,從其量名, 爲斛 有 , 麪亦未必正爲麥百二十斤, 而麥之實 大小 爲 别 、、沈氏日 虚 而 實。 世反疑之,乃知名實 []《左 進退兩 然沿襲至今,莫知 一傳》襄 也。 十七年疏: [原注]謝肇 無所合。 至於麪言斛 古 淛 是漢 從 則 爲非 謂 何常 打 其 斛 斛 硾 酒 權 百

裘千石。」變「皮」言「石」,亦互文也。 而 輕者 (史記 ',則以皮計', 麤而重者',則以石計。 貨 (殖傳 **∀** 狐貂裘千皮,羔羊 凡細

銖

難

中曰:「今蜀部亦以十參爲一銖。『參』乃古之『絫』字。」 笑。《唐書》: 數家之正名、「沈氏曰」猶今北方買米者、不言升,但 積十錢重一兩,得 八分,重二銖 重六錢。」簿領用之可耳,今人以入文字 言碗也。〔又曰〕《通典・選舉三》注云:「弓用一石力,箭 有「錢」之名。此字本是借用錢幣之錢,非 銖」是也。 銘》「重十斤九銖」、《軹家甑銘 曉,故代以錢字。 四絫者,今一 古算法,二十四 近代算家不便,乃十分其 「武德 錢之 輕 [沈氏日]今一 [原注]「絫」或作「參」。 四 重 重大小之中。」所 銖 年, 也。 爲 兩。 鑄 後 開 学重 人 錢之重,當古七 通 漢 以 元 軹 其 四 寶 兩 謂二 家 斤 沈存 而 徑 可 而 廿

四  $\pi$ 

錢,而 殊,積 虚 趙宋改銖 多寡爲重 遞揣,丈尺可知,自 權之數 斤,三十斤 斤,其名近古。 千二百 É 合 兩 度、 云 自 何 一輕,其 ·泰, 爾 亦 爲 異 量 兩 錢, ? 以 下皆以 爲鈞 重 以 數 1. + 亦 + 難 上 錢 猶 起矣。 (汝成 龠 齊, + 爲 則 H 至 四 法 网 是 起 斛, 絫 鈞 萬 案 以 數, 面 亦 分,象限九 百 爲 兩 百 漢 斤與 度 可 **一黍**爲 之爲 絫干 惟 石。 量 制 等 鈞 加。 權 起 銖, 石 算 錢言 以 兩 則 + 今人改銖 二十 皆以 如 權 至於 以 通 初 始 + 銖 四 秬 其 于 則 六 黍 彊 銖 龠 萬 起 金 兩 龠 弱, 爲 算 則 由 树 爲 爲 容 而 盈 雖 變 4

釐 繫 家 度、量、衡。」 月 **一,**錘 權 爲 萬 詔 通 邦 □: 衡 鉤 宋史· 之定 規。』事下 咸 爲姦,害及 义, 書》云「 所 式。 律 九 以 暦 賦 <del>·</del>有 建 如 志 是 黎庶 協 司 或 聞 \* 均 時、月, 經 秬 「太宗 監 而 黍 顧 宜 内 V. 之 令詳 出 藏 IE. 淳 民 制 納 庫崇 化 H 極 定 於 或 三年 也 有 同 稱 儀 差 法 律、 司 使 毫 或

取

一稱之法。

其

衡合樂尺一尺二寸,重

稱

,各懸三毫,以

星

準

之。

等

一錢

半者,以

毫爲絲 皆以 尺 就 爲 法蓋 重。」 黄 至十 而 起 自 珪 劉 氂,十 黄鍾 於 取 蒙、 寸 而 金、必自毫釐 成 重 銅 絫 黍 广 取《 求 ,從其大樂之尺, 加 遂尋本末 爲之。 析 之管 劉 則 氂 圃 整, 術 參定, 漢 爲 絲 成 + 凡 承 幊 爲 於寸。 黍 志》『子穀 珪 原 Ŧi. 以 忽。 生 分。 爲 原注 言 也 注 而 + 氂 絫, 則 析 自 計之。 度 權 别 + 絫 謂 + 寸爲分,析 者, 丈尺之總 積 **絫爲** 以 太府 忽爲一絲,十 術 制 造 衡 輕 秬 黍 秬 謂 法 銖,二十 原注〕秬 黍 之 重 黍』 而 以 式 物。 錢 寺 中 尺 制 無 取 分爲 自 者 舊 半 黍 爲 準 絫 名 益 而 爲 絲 季,黑 錢 四 至 則 銅 氂,析 及 ,厂原 求 分 爲 銖 爲 景 始 謂 式 氂 寸 外 爲 廣 精 大 黍 德 余。 輕 毫,十 氂 兩 注 兩 樂 則 府 也。 + 備 自 爲 重 中 一從 尺之原 傷 藏 絫、 毫, 大 之 黍 樂尺 積 毫 制 錢 度 以 其 於 受 承 銖 爲 析

四十八星等二百 草、行三體淳化 五十氂」。 尺四寸, 初毫星 初毫 絫 至 了, 分 絫」之「絫 末 之數 Ħ. 一 絫,都等六十 梢 銖 至 兩 毫 中 斤 列 準 原 六 74 列 則 梢 者 稱 重 至 毫 + 注 + 半 銖 Ŧi. 等 梢 當當 布 亦 至 案, 銖 銖等 錢 每 Ŧi. 錢 星 氂 錢 爲 半 梢 計 作 銖 斤 之, 之。 則。 之則。 則 絫 銖 千 轉 錢之則。 錢之則。 絲 爲分 則。 自 爲 得 四 以 + 以二百四十、「原 則千、原 忽、絲、毫、 準,然後以 則以二千 謂 氂 毫 銖 自 + 有五斤,爲 百 忽者, 原注]謂皆 以二十四 則百 則十、原 原 枚 倍倍 氂者, 毫 萬 注〕以 者 爲 四 忽至十萬忽之類,定 吐 , (原 注二 百百 氂 絲 之, 氂 定 黍定爲 爲 氂、 分 毛 牛 兩 萬 注 注一 干絲 忽。 也 則 尾 而 忽爲 , (原 錢之則,然後制 原 稱 注 爲 毛 黍、絫、 推 分 + 爲 自 百 注 之則。 謂 也。 一分之則 注 者,始 兩之則。 忽、 忽, 毫 氂爲一 」轉 以二 分, 錢。 爲 絲、 一龠容千二百 曳 相 爲定 銖, 以 微 爲之則 赤 百 一分,以 大 分,以 毫三者 「原 以 其 而 成,十 兩者,以 金 四 取 + 著 各定一 萬 成 等 數 + 法 注 也 絲 絫定爲 萬 絲 言可 稱 文之端 絫 初 百 皆 Ŧ 定 轉 忽定 以 也 爲銖 黍,爲十二 氂 毫 爲 以 斷 以

半,錘

重六

錢

盤

重

几

錢。

+

四

下

别

出

星,

星

等

五.

錢

行,析

Ŧi.

分,分

列

+

氂。

等

分

别

也

錢

之

爲

錢

忽

萬

錢

Ż

故

積

黍

稱之則,

其

衡

合樂尺一

錢,析

成

+

分,

分

列

+

氂。

也。

(沈氏

旦当十

五氂」當

作

百

原

注

第

毫下

· 等 半

錢

當十

Ŧi.

氂,若十

錢

錘

六分,盤

重

Ŧi.

分。

至

梢

總

錢

半,

析

成

+

Ħ.

分

二千

四四

百

**絫**爲

兩。

**⑦沈氏** 

旦」「四

百

黍

中

至

梢

Ŧi.

錢

布

<u>+</u> \_\_

銖

之下復出

星,等五

余。

則

星

等

二余。

「原

注〕布十二

銖爲

五錢

黍

以二

爲

兩

兩

之

則

以

爲

之

也

+

倍

倍

定 驥

爲

**絫**,都等

百二十

兩。

末

毫

定 實 銖 四 絫 爲 一錢者,以二千四百 **絫爲**二

錢

半。

以

御

書

真、

列

十

等

「原

注

一每

星

等

較

尾

爲

定

爲

鉄, 矣。 「原 諸 幣 四 析 也 絫之數 重 錢,二絫四 二十四銖, 十分,則一 上當有「十」字。 三百六十黍之重,列 更代,校計 百 毫 ····, 而 二氂五毫,三黍重一氂二毫五 注 爲 道 四 遂 (沈氏 以以 百 一絲六忽有 È + 太 成 十氂 成 絫 者 氂又得四分,是每 府 其 川 曰」「氂絫」之「氂 氂分二十四 定 矣。 坐 成二十 . 黍 稱 權 爲二千四 争 + 逋 則 爲 訟 衡 則 黍 先是,守 負 每 分,一 稱 舊 爲二 每 四 差 動 而 黍,則 分計二 合 銖 式 氂 爲 必 破 百 爲 黍 失 銖 爲 計 絫二黍重 氂得二黍十分黍之四 一當作 每 數 産 數 準 藏 黍 Ŧi. 四 黍, 氂 兩 + 之重。 一分,「沈日 載 者 得 吏受天下歲 絫,二銖 黍 黍 之則 則 先得二黍,都 四 則 甚 + 因之爲姦, 至是 衆。 黍。 氂 錢 分 五氂,六 銖者, 氏曰三五 每 絫之數 絲, 黍 半 兩 新 又 四 又 百 之 言殊 分 每 制 守 絫 則 黍 輸 成 几 分 黍 爲 爲 每 分 既 藏 故 黍 極 金 異 四

> 今日 權、衡 八 初 元,即令更 定,姦弊無 角 所謂新 印、笏頭 之以 ,皆太府掌 造 制者 + 印之别,所 各 所 分 造,以 措 以 年 也 爲錢,十 中 號 給 印 以 内 外 明 而 外 以 制 官 識 錢 之。 度 司 爲 及 爲 耐 便。」 其 民 防 兩,皆始 問 印 僞 之 有 濫 原 用。 方 也 注 印 凡 度 於宋 是 Ę 遇 量 則 印 改

## 十分爲錢

毫,十 術》: 分爲 緯 文 》: 書 度、量、權、衡, 通 古時 律曆志》: 桂 一寸。」「原 「寸,十分 毫 蠶 驗》: 爲 所 分 氂 吐 ; + 7 絲 也。」《 乃 「本起黄鍾 注〕《淮 以 氂 爲 馬 度 粟 之名, 忽, 尾爲 爲 隋 生。 南 分, 書 + 子 一分。」《 之長。 逆注 十粟 • + 忽 非 律 權 分 同。《 爲 曆 之名。 爲一分,十 秒 爲 以子 志》引《易 説 寸。 孫 + 苑 子 穀 秒 算 漢 説 爲

皆謂之「稱 銖爲 注》《宋 之名。 之長。 元 由 毫、氂、分、錢之數, 等乃取樂尺 云是 + 四 黍 趙 起也。 豐後乃有「等子」之名。 分 鈞 中者, 氏 四 也。 「善市賈,争分銖。」然以十二分爲一 曰〕分、氂、毫、絲、忽、本亦度之名、《孫子算經 爲石。」此則權之名。〔原注〕《史記・大宛 而 銖 一兩,十六兩爲一斤,三十斤 書 今俗權 宋太宗 爲 當 0 淮南子》:「十二蔈 積黍之法 律 黍 劉 志 黍之廣,度之九十分, 為爲 銖,十二銖而 貨物 兩,則 承 韶 》作 此 珪 更定權 一分,十分爲 「標」。 所 者 近代 移 定 日 于 小 稱」, 衡之式,崇儀 域 權 **| 鉄二十** 十 二 於今之爲 衡,于是權 錢、 權 分、 當 应 粟 金 一寸。」此 銀 釐 而 半 而 遂 者曰 使劉蒙、劉 當 毫、 成 衡中 分者多 當 兩二十 其稱 0 爲 等, 忽、 爲 分, 有 鉄,二 粟, 絲 忽、 是 皆 黄 鈞 之所 宋 矣。 承 也。 絲 (原 》所 几 + 度 鍾 初 玤

兩 而 陶 無 隱 分名。 居《名醫别 今 則 録》 以 + 日 黍 爲 古 稱 銖, 惟 六 有 銖 銖

> 又 杲 爲 以一 日 分,四 「六銖爲一分,即今之二錢半 錢 一分爲 半爲 分, 一兩,十六兩爲 則 隨人所命 而 斤。 也 無 」。 此 定 李

#### 黄 金

名

也

成宗即 萬斤」。 會 金二 公主妻欒大,至齎金萬斤。 五千斤, 賜 萬五千四 與 + 漢時 有 位 衛青出塞,❷ 賜 . 餘 至金千兩、 宣帝 百 黄 萬斤。 駙馬蠻子 ∄. † 金 賜霍 兩 上 銀 「原 下 高 帶 七 麗 光至七千斤, 銀 斬 通 注」古 萬  $\pm$ 七 行,故 捕首虜之士,受賜 Ŧi. E 萬 Ŧ 眶 六千 來 兩  $\equiv$ 賞 〔原注〕《漢 者。 文帝 萬 賜 Ŧi. 兩。 之數莫侈 百 梁 兩, 而 賜 其 孝王 定 闊 書 武 周 諸 里 》作 於 帝 勃 吉  $\pm$ 元 黄  $\vec{+}$ 以 思 至 朝

○「出塞」、據《校記》、鈔本作「擊胡」。○「分」、原作「黍」、據《漢書・律曆志》改。

四九

傳 取 爲 斤 下 責 責 將 列 斤 藏 簉 鑄 法 未 董 南 -,錢滿 三 下 侯 黄 嘗 敗 此 Œ 偃 府 黄 齊 銀 金爲 無 蝗, 以 銀 餘 龍 門、 而《 書 八 方 絹 黄 黄 省 下 Ŧi. 黄 以 中 九 黄 百 黄 羽 後 中 金 金 不 倍之。」 龍 鉤 金 蕭 萬 萬 府 充 金一 鐵 漢 黄 得 數 也 盾 冮 穎 張 斤  $\Box$ 斤 軍 帛 Ŧ 金 挾 + 胄 斤, 飛 藏 莫 實 自 光 董 萬 黄 滿 爲 兩 餘 傳 昭 金 府、 有 董 卓 千 武 斤 金 易 此 餅 萬 埋 烈 各 見 死 匹, 君 者 , 輸 粟 紀 中 以 斤 得 土. 百 梁 者 Ŧi. **※**言: 所 長 爲 後, 尚 中 塢 乃 御 益 餅 書 發 沙 百 斛 方 館 白 中 州 府 則 爲 穎 • 寺 斤, 貴 歷 處 之。 陶 有 受 罕 簉 王 胄 賜 相 僧 淦 是民 處 公 金二 尚 日 直 銀 見 業 諸 莽 起 傳 陵 至 各 Ŧ. 主 有 金 於 千 兵 付 富 葛 王 間 有 有 莽 至 滿 近 六 斤。 史。 亮 沃 萬 幸 百 紀 13 稱 亦 天 數 + 其 禁 百

> 以 贖 尚 金 銅 書》 難 得 疏 令 金 漢、 魏 贖 兩 罪 收 絹 皆 + 用 兀 黄 金 今 律 後 乃 魏

小永 是金 畧 糧 JL 年 所 日 用 將 网 折 徴 ·, 造 金金 貫易 口 睹 : 黄 準 愈 樂 收 收 考。 記 米 金 宋 木 當 卷》内 + 每 大 逋 太宗 及《 赤 四 民 兩 時 明 而 一年,令金 賦 兩  $\sim$ 石 金 當 佛 會 後 寶 會 準 問 更 欲 銀 事 典 代 米 鈔 典 然 兩 學 以 未 Ŧi. 遂 十石 所 士 亦 金 每 蘇 洪 興 兩 爲 鈔 是 是 每 鈔 載 ; 故 杜 民 武 每 也 難 法 或 金 兩 金 鎬 木 兩 銀 + 得 卷》 金 貫 準 初 也 八 日 進  $\equiv$ 每 之 價 米 折 兩 年 兩 内 金 米 兩 貨 甚 + 今 價 當 當 銀 云 三十 準 令凡 兩 賤。」今 年, 推 十 如 何 銀 銀 \* 漢 一洪 之, 兩, Ŧi. 石 此 几 也 石 賜 折 其 网 兩 武 銀 石 收 每 亦 以 子 也 重 也 則 每 税 大 對 多 鈔

矣。 崇禎 <u>†</u> 張孝傑爲北府宰相,貪貨無厭 掖 下 皆進金巵,金價漸貴。 足 萬 金 H 十三换」下有 質。 貫 事件 爲宰相 下 下 周 銀 wi o Ŧi. 中 安 兩 七 미 白 省劉内 投珠 逮 期 家。」幼 贵. 文。 見 給 兩 動貴, 當時 雜 换、原原 鹽 非 Ŧi. 金五 以 抵璧之風,將 稿》云: 三十引」,則當 項,于 錢矣。 每錢 承 後賤至六换,而今又十三换」十二字。 時 T. 用 平 注〕天啟中,權 兩 見 《金陀續 行 江. 過 以 貫 萬 每 在 乎物 左至十三换「汝成案」 後 止. 又「令交 兩 推貨務,支銀 曆 值 ·嘗曰:「無百 三十貫。 銀 中 編 何 日 之故 四錢  $\tilde{+}$ 時 赤 事 銀 奄用事, 有紹 阯 金 侈 + 而 每 與 \_-+ 見 兩 止 靡 項 召 ? 金 興 萬兩黄金,不 百官 與? 計 四 矣。 七八 商 萬  $\perp$ 网 準. 年 原 兩 中 獻媚者 卻 錢 朝 自 注 换, 沈氏 元 值 四 每 省 鹽 宫 遼 銀 + 网 行

+ 萬。 銀 也 他 朱提銀 (漢書 銀 原 注 流直 重八兩爲一流,直 方勺《泊 食貨志》:「黄 千。」是金 宅編 \*\frac{\times}{\times} 金重 價 當 時 亦 黄 一斤, 千 五 几 金 五. 兩才直 倍 百 直 於 錢

以

錢六百,朱提銀一 兩才直錢二百

貫,白 銀 也。  $\wedge$ 銀 元 史》: 兩 赤 至大銀 金 錢。」 鈔 兩 是 金 淮 價 至 + 元 倍 鈔

於

Ŧi.

注》至 之金 康日: 注 公羊隱公五年《傳》「百 是 韋賢傳 曰:「諸賜 金重一斤,直錢萬。」《 金」注,李曰: 金 也 重 漢書·食貨志》: ^ 已減於秦矣。 三十 莽傳》: 影賜 一斤,若今萬錢。」 臣 史記 瓚 黄 四 金不言黄者,一 「金方寸重一斤。 日 金百斤,玄成詩 • 故 兩 平 日 事,聘皇后黄 1鎰。]漢 準 秦 一黄 金之魚 書 <u></u> 以 金方寸  $\leq$ 漢書 以  $\Box$ 注: 惠 金 鎰 白 一厥 斤爲 mi • 金,百 一萬斤,爲錢 斤與 帝紀》注, 爲 百 黄金 賜 重 食貨 祁祁,百 金猶 斤 斤。」《莊子》「百 金,〔原 金。 (萬 也。」《 志 百 錢。」 斤。」「原 萬 金 二萬 漢 也 師 泊 是 注 萬。」 館 書 「原 黄 古 漢 古

0 江 左 據《校 記》,鈔 本 作 「南

年, 紅 陽 書 折 服 釋 帝 敗 摇 市 赤 衣 金 原 笮 以 殿 民 御 迦 金 使 注 假 0 表 輒 勑 融 極 間 白 立 錦 圖 敬 古 即 鑄 輸 髻 出 傳 有 大 斤。二 宗紀》: 像,高 來 障 「箔」字。 金 萬 采, 釋 金, 選 以 更 司 起 , \ \ \ 用 銀 Ŧi. 迦 珍奇, 作 千數,令宫 垂 浮 金 寶 以 於 Ŧ 立 齊 孫 Ŧi. 四 啚 銅 之 物 斤。」「天 五 爲 像 代 書 十三尺,用赤 皓 魏書 詔 費 盤 祠 萬 府 級 五 價 金 史 使 度支 九 庫 各. 大寺内 以 如《 皆 東昬 翻 • 塗 尚 釋老志 人著以 重。」 舊 數 銅 閩 修 方 安 長 進 吴志 物,不 猶 倍 爲 清 侯本紀》: 世 以 中,於天宫 銅 一丈六尺,  $\wedge$ 爲 不 人 何 思 家 金 三千 金十萬斤, 相 • 太祖 能 京 » ¬ 院 姬 復 作 黄 撲 劉 邑 新 足。」 傳 斤 周 華 金 繇 已  $\pm$ 酒 興 朝 殿 後 燧、 用, 塗 傳 寺 都 注 光 成 昶 及 金 租 下 ^ 貴 宫 黄 造 步 引 起 昇 薄 唐 皆 用 Ŧi. 元 夕

> 妄。 所。 采。 矣。 紀》: 以 爲泥、寫 千二百四 飾 用 宫 天 几 紀》:「宮 或 1,甍棋 之,凡 尊、 十斤。」 清 金之數 用 此 <sup>《</sup>草 故《南齊書 金屑 臺三 不足,罷 皆 浮 太 建 屠 木 費 欒 上 耗 又言: 大 層, + 藏 飛 殿之飾,徧 亦 子 崇云: 楹 金 聖 老 金之繇 書金字藏 經。』《泰定帝 四 空 不 以 Ŧī. 君 壽 兩。」「原 全. 如 能 黄 像。」 百 萬 繕 以 落 金 武 全 經。」時 四 也 安寺 寫 金 金 計。 數千 帝 雪。」《元 傅 + 宋 紀 》: 金字 注》《吴澄傳 飾 紀》 黄 ·, 佛 杜 兩 爲 於雲南立 真 斤 金, 鎬 泰定二 有 所 金 宗 箔 藏 禁不 像 鑄 之言, 費 奇 經 史 史 作 而 及 寶 無 一造賣 鉅 » 言: , 凡 玉 • 後 得 水 窗 皇 復 億 t 清 世 海 銀 間 以 頗 金 壁 及 再 糜 月 萬 粉 箔 祖 以 陵 昭 金 還 爲 金 皆 元 庚 規 黄 午 百 元 不 金 本 Ŧi. 本 雖 應 始 銀 金

<sup>● 「</sup>級」,原作「緞」,據《魏書·釋老志》改。

紀》: 法,庠 遠 罪。』《元史・仁宗紀 月 月 宫 箔 爲 了了卯 八月戊戌,禁以 丙午,申 人洗 矣。 錠 箔 「大定七年七月 示示 金、織 奏言, ·禁私造金箔。』《劉庠傳》: 0 滌 明 近 金。」而《太祖實録》言: 法 不許以 原 銷 臣 行 注 鎔 日 金 當 : 》:「至大四年三月辛卯,禁民 箔 金 宋史• 得之。』鳴呼, 自 戊 飾 銀爲箔之制。」《仁宗紀 貴 中,禁服 佛 此 近 像。《哲宗紀》: 真宗紀》: 表 始。 箋袱盤 用 從之。」《 「仁宗外家李珣 金線,其 大中 上出 龍 儉德之風 元 金 織 祥符 金也, 史 賣 祐 者皆 • 間 康 犯 元 黄 世 定 年二 製 銷 年 **令** 金 宗 抵 金 九 元 金

銀

屬 并天下,幣爲二等。 而 爲 已,未嘗 唐 飾 宋 寶臧,不爲幣。」孝武始造白金三 用 以 銀 前 漢 下 而 書 通 珠 行之貨 玉、龜 食貨志》言: 貝、銀 皆 錫 以 之 秦 錢

> 九千 於鼓 馬 氏曰 品 江 以 浙西觀察使,奏云:「去二月中,❷奉宣令進  $\mathbf{E}$ 通 品 Ŧ. 兩 北 有 安息國以銀爲錢之制。 爲 四 尋 湘 典 〕按孝武 天天下 鑄,銀 見採 龜 當時 白 廢 梁、益 舊 所 流,直一千五百八十,它銀 餘 不行 謂 銀 直. 兩。 唐 始 有 銀 者 賤 各 造 梁 書 銀之山 丽 其 坑,並宜禁斷。」〔原注〕李德 無 不 用 É 同。 錢 時 ※益於· 金三 初 錢, 原 貴。 貯 唯 注 憲宗元 Ŧ. 備 品 其 生 莽即 今 竟認 謝 京 都 必 乃 銀 餘 人。 肇 無 師 有 真,始 雜 作 淛 州 二三百 兩即 及 銅 鑄 和 銀,非。 郡 銀 其 鑛 流 直 三年 錫 則 漢 天 直千 用 兩。 直千,是爲 爲之, 其文 銀,朱 銀 孟 雜 下 銅 錢 子,計 八 六 然 荆、 以 自 者 矣。 有 此 W 然考之 月 提 Ŧi. 口 龍 即 郢、 用 裕 銀 銀 直 帛 詔 嶺 資 閻 銀 貨 有 漢 錢 爲 重

0

<sup>0</sup> 武 帝 高 紀」,下引 帝紀》。 文「禁不 得 以 金 銀 爲 箔 出 自 南 齊

集卷五《奏銀粧具狀》有「年」字。「去」字下,《四部叢刊》影印明刊本《李文饒文集》記

載: 帛 歲 銀 貢 恩 封 銀。 則 奏狀 交易 + 朱 韓 已外,以 原 兩 ~ 砂、 志 。」於是 注》舊 輸 崖 春 愈奏狀 ൬ 兩 T. 其 賀 唐 交、交、 宋 不 緡 羅 萬 ± 七 度支歲 繒 允 以 州 貢 史 安二十 白 錢 牢 貢 見 唐 爲 綵 鹽 自 有 舊 餘 銀三 亦 廣 書 任 賦 則 竇 帛 計之數,粟 萬 文 貴 言 之 以 巾 例 也。 福 七 端、 哀 横 爲 武 州 州 銀 宗 域 帽 銀 网 帝 建、 常 貢 張 象 屯 交易。 當 則 紀 南 紀 每 銀 以 參 邵 <u>Ti.</u> 籍 各 疋, 瀧 官 緡 **\***: 白 則二千 全 鋌 相 詩 貢 嶺 端 以 兩 錢 救 銀 藤 錢 以 内 廣 Ŧi. 市 買 接。 <u>二</u> 十 昭 黔 金 景 鄂 則 者 庫 海 平. 金 易 + Ŧi. 賣 銀 出 祐 或 琴、 潘 巫 矣。 新 是 百 銀 兩 百 兩 以 原 方 戰 爲 辨、 餘 溪 廉 黨 知 餘 爲 員 騎 注 以 銀 貨 義、 萬 是 前 其 峽 年 萬 高 銀 貨 象 金 州 貫。」 石 銀 幣。 代 唐 杜. 一 干 直 用 龔 柳 銀 江 蠻 史 詔 人 各 氏 0 布 百 未 水 州 皆 以 貢 勤 潯 東 通 自 絹 元 베 嘗 貫 是 市 銀 百 銀 銀 嚴 典 康 食 以 路 巴 稹 唐 有 鑄 用 爲 Ŧi. 綿 t

匹,又 重,其 金。 四 銀 行 以 等 有 11 言 玉 論 云: 成。 IE 遂 知。 珠 海 之始。 大間 價。 之未 龜 秦 綾 改 玉 大抵 IIII 每 縻費 民 文馬, 貝 并天下, 印 鑄 漢 更 無 金 兩 間 銀錫 其 至元 武 飢 北 久, 製 銀 銀 銀 造 民 寒之 宋 直 元 或 折 閻 元 所著 興定寶泉, 名 飢 幣 間 Ŧi. 日 狩 銀 祇爲 千三 氏 光 有 患 錢 白。 白 74 不 爲二 光 承 但 價  $\Box$ 書, 可 撰 年 二年, 截 器 珍貨 食 百 安 以 則 等, 日 按 次 重 飾 貫,公 餘 鑿 造 Ŀ. 寶 是 紹 貴  $\Box$ 銀 寒 八 兩 下 白 不 黄 時 之 興 復 不可 兩 貨, 寶泉幾 市 金 甪 金 用 每 非 雖 口 小,其 歲 寶 者 易。」 其 爲 爲 銀 衣, 爲 幣 不 Ŀ. 貫 銀 私 泉 幣 幣 Ŀ 已 銀二十 文 用 F 當 其 文 龜, 不 鈔 龍 幣 同 而 用 日 銀 兩 此 于 白 計 通 價 在 漢 銀 及 戡 直 餘 見 IIIi 至 不 金 其 今 于 初 之 萬 寶 直 三千 皆 餘 銀 亦 乃 數 把 大 事 网 錢 + 日 民 用 Ŧi. 與 用 之, 鈔 銀 隨 握 矣。 乎 白 絹 E 用 金 錢 兩 但 +; 錫 行 低 次 然 <u>=</u> 珠 田 F 哀 分 所 以 鼂 吏 Įį. 趙  $\Box$ 口 以 何 昂 造 宗 民 用 銀 又 又 五. 以 貴 周 錯 珠 H. 必 萬

至京 又李 盜 得 軍 尚 用 魏 而  $\pm$ 蕭梁 文帝 釋。 1: 未 莽 鑄 西 帛 之用 師 繼  $\Box$ 行 域 又 者 時 慕 金 韜 時 制 厚 不 唐 交 容 既 銀之錢。」此 并 爲 較 適 П 賂 則 彦 廣之域 反 罷 銀 多 勝 并 報 莊 超 復 錢 貨 禁用 數 宗之宦 降 魏 至 此 與 **\$** Ŧ. 全以 作 則 歷 其 Ψ. 銀 錢 民 僞 已 蓋 代 蜀 矣。 貨 官 母: 以 金. 有 銀 用 未 並 楊 穀 得 伶人,并 銀 用 以 《五代史》: 銀 用 行 氏 帛 交易。 之始, 之者。 金 射 銀 善 銀 相 之證 而 利。 蓄 易。 民 Ŧi. 然 賂 財 後 1. 間 然 則 也 劉 但 周 六 萬 後 仍 歲 其 乃 皇 當當 朝 行 唐 時 以 時 餘 齎 后 于 文 則 莊 Ŧi. 民 銀 悉 西 終 宗 邊 錢 獻 銖 間 繼 數 給 河 廢 將 帛 錢 通 皆 韜 + 阚 īfīi 諸 交易 兼 不 敗 考 E 等 萬 中 郡 由 行 用 或 用 是 兩 諭 +:

> 紀 轍

蓋 温

錢 錢 也 糧 今民 間 蓋 輸 承 宋 官 代 之 之 物 皆 名 用 當 銀 時 上 而 下 猶 皆 謂 用 之

銀

可

知

之數 冶 白 之 課 几 或 + 有 初 而 洪 兩 銀 所 武 收 至  $\wedge$ 天 實 +官 下 録 川 德 田 年, Ŧi. 於 賦 年 每 但 未 年 有 則 嘗 之 銀 用 終 +· 銀 記 萬 萬 惟 几 所 千 坑

錢

洋

也

皆 惟

不

百 金。 也 所 數 潛 洋 財 朝 患 色之供 所 鴉 完元 幾 右 九 各 處 千年 以 片 故 换 若 源 順 開 代 祐 +省 派 之明 慕 諸 銀 然 坑 吴 以 治 府 而 制 相 會 流 物, 國 蘭 交 番 銀 七 ,中國之白 六 E 冶 貨 錢 計 海 完澤 平. 行 七 易, 驗 修 易 所 W 日 漸 傷 用之徵 兩 内 録 白 之所 自 陽、麗 産 日 也 年 貨 所 多 之 吾 有 言 金之半。 之貨, · 不 間 歲 在 財 去 民 庸 H 歲 名 凡 金竭 程 求 當 水 歲 人 命 海 調 源 無 必 生, 有 夷 皆 方伯 惟 等 銀 辨 禁 人 竭 來 廢 H 以 耗 船 矣。 以 Ŧi. 銀 止 非 未 矣。 將 而 視 實 或 吾. 自 金錢  $\Box$ 出 設, 則 縣 Ŧi. 中 中 止 兩 見 銀 此 財 П 〕天下大利在 鑛 家 萬 六 流 國 或 税 汝 數 交易 銀 見 禁 源 礫 爲 爲 七 萬 弊 所 法 成 土 止 + 古 額 海 市 急, 之 之極 干 每 興 网 案 必 率 地 進 年 於於 至. 之後 井 銀 不 歲 需 兩 之後 所 帶 F: 八 貿 近 民 恃 示不 中 而 不 萬 産 光 F 每 易 來 力 或 宣 原 絶 七千 下 洋 則 相 面 銀 元 歲 多 之 可 Ħ 民 歲 尚 德 數 尋 注 洋 跡 番 輸 史 以 不 金 間 有 約 耐 以 百 無 不 1 Ti. 銀 舶 按 爲 值 外 惟 納 盡 盛 幾 大 爲 年 萬 所 見 之 百 之 害 成 宋 其 T. 或 乏 無 爲 行 何 金 妨 銀 兩 用 洋 萬 是 金 宗 蘇 内 外 亦 銀 復 奏

塞 錢

在

是

本

本

採 月 穴 統 不 矧 地 納已 傷 戳 弦 戊 潦 而 印 闌 年, 寅 六萬 闊 銀 歲 # 朔 照 自 贵 人之 七千 以 絶。 紋 易 復 採 銀 津 開 數 必 例 邏 辦 百 有 不 福 八 擾 采 體 + 過 建、 竊 嚴 此 民 兩 意 Ŧi. 禁。」夫 説 浙 因 始 而 千 勢 乃 善爲 江 有 罷 惠 法 倉 銀 威 餘 高 制 銀 糧 場 峻 下 隨 課 <u>ì</u>. 折 者矣。 俗 九 輸 原 閉 煩 封 年 注 縱 擾 變 閉 閨 至 空 是 柔 賣 滋 坑 īE. 七 年. 读

無

不

以

銀

後

遂

以

爲

常

貨,

蓋

市

舶

之

來

若 罪 年 許 詔 鈔 錢 是 秋 易 民 ^ 糧 之 有 金 絹 歳 太 間 告 及 銀 嚴 代 解 祖 不 在 發 以 輸 也 税 得 實 者 進 倉 今 課 録 以 所 年 錢 st九 就 金 Ŧī. 儲 租 鈔 年 以 銀 洪 月 税。 通 其 JL 己未 有 爲 武 會 月 物 貨 道 八 十九 其 詔  $\Box$ 給 交 里 年 數 之。 易, 丑. 險 户 年 一,許 月 除 遠 部 違  $\equiv$ 存 難 辛 月 者 民 其 留 致 西 以今 己 以 立 治 者, 朔 E 銀 法 其

> 之 悉 法,雖 折 收 金 暫 銀 行 布 而 絹 交易 鈔 之禁 定 輸 亦 京 少 師 弛 矣 此 其 折 變

貴買 京支給。 隨 官支給 銓 得 米 江 不 直 行 Ш 江 金 隸、 , L 奏: 江 得 帛 土 實 在 西 不 蘇 賤 侍 實 用 官 産 IF. 西 納 通 「原 松等府。 **本** 統 郎 惠 怬 員 折 但 行 舟 南 注义 請 趙 差 兀 俸 收 湖 在 十不 爲 京。 楫 請 年 **令** 新 來 廣 禄 布 各 會 便 者 令該 先是 八 江. 者, 亦 於 絹 衛官 典 及 南 利 設 月 西 言 \* 歲 南 直 將 遇 白 部 庚 屬 齎 京 員 都 米 各 原 浙 金 隸 辰 會 朝 縣 支 金 俸 江 察 注 江. 貴 官 不 議 廷 量 給 帛 赴 糧 院 命 西 是 江 通 俸 歲 收 虚 京 其 於 屬 時 西 江 右 往 舟 禄 費 米 在 布 京 充 費 通 縣 副 南 湖 官 楫 貿 南 返 之 廩 絹 廣 不 津 有 俸 都 租 俸 )數,於 之 易 京 或 勞 禄 糧 貲 之 税 僻 御 布  $\stackrel{\prime}{\boxminus}$ 費 處 物 郊 處 洲 各 史 折 居 政 貨 於 金 不 官 唐 可 收 浙 今 易 撫 深 各 南

斗 尚 户 保 自 後 每 類 原 又行 部 是 鈔 書 注 石 兼 銷 一每 倉 胡 復 户 成 白 廩之積 米麥一石 於浙 貫 濙 部 申 錠 匹 金 等 Ŧi. 前 尚 折 運 百 對 議 書 江. 赴 兩 少 文  $\Box$ 折 黄 民 石 大太 銀二 京 矣 折 折 上 福 亦 几 師 米 日 亦 各隨 錢 便之。」上 石 原 祖 有 Ŧi. 以 分。 注〕已上《 石, 是 皇 祖 所 進 絹 帝 宗 請 官 産 黄 遠 嘗 嘗 兀 員 近 金 實 遂 民 至 行 行 録 折 稱 俸 從 之否 以 於陝 是 》全文 兩 便。 禄 所 爲 石 行 折 便。 西 然 少 在

於是 銀 將 在 京 官倉 存 準 通 税 巡 折 留 糧 政 儲 年二 官 倉 司 撫 積 悉 軍 糧 右 南 有 納 月 俸 七 诵 直 餘 白 甲 糧 + 政 隸、 \_\_ 戍 金 李 行 萬 畛 其  $\equiv$ 有 命 九 在 年 年 願 往 干 兩 Ι. + 四 納 蘇  $\equiv$ 廣 部 月 月 布 百 侍 松、 <u>Ŧ</u>: 甲 福 絹 石 午, 郎 寅 建 常 者 有 周 當 奇, 命 遣 忱 聽 輸 府 糶 賣 奏 南

> 軍 廣 民 西 無 雲 輓 南 運 之 四 勞 111 浙 而 禾 江 陳 庾 免 積 陳 倉 紅 糧 之 患 遂 誠 **\$**

時 之 自 便 折 計 銀 也 之後,不二三

有

水

之

災,而 之例 銀 謂 不,不 復 紛 義 設 知 紛 民 法 其 几 勸 爲 出 借 詔 米矣。 復 至 相 其 千 傳 石 家 至 以 今, 年,頻 H 至 而 景 以 或 泰 賑 家 間 M 所 荒 收 納 之 粟

祟 藏 亂 行 下 粟 在 不 + 帛 · 遂 禎 義 所 +^ 倉 出 七 舉 以 當 免 唐 三年 Ē 及 滯 年 亡 日 書》言: 太 萬 積 耕 1 或 過 諸 租 郡 變 餘 臣 楊 地 或 輕 相 之議 九 「天寶中 或 大祲, 課, 沿 齎 年 忠 H 食。 判 易 内 有 度 久 倉 布 富 類 支,因 今天 海 無 帛 内 京 於 内 見粟 以 實 師 此 下 豐 言 充 外 太 熾 民 踵 天 又 虚 平, 古 子 思 事 悉 州 從 禁 天 者 至 縣 而

等 流 邊 罪 Ŧi. 西 易 按 錢 <u>一</u> 百 米 察 宣 者六兩; 几 德 使 此 其 兩 中 雜 陳 今日 例 犯 正 不 徒 以 死 倫 贖 Ŧī. 九十 邊 罪 之請 鍰之例 0 等 儲 者,納 正 視 以 不 統 下 流 改 給 所 及笞五等俱 銀 搋 於本 繇 而 年 減  $\equiv$ 始 定 八 三兩 + 處 也 爲 月 六 納 納 ; 兩 銀 杖 從 遞 米 減 Ŧi. 解 陜 贖

此 L. 貯,俟青黄 濟 左 納 侍 文 不敷,請 襄 京 郎 IE. 權宜 周 庫 統 忱言: + 以 不 則 變 折 接 官 年 通 銀 之 既 之法 九 各處 糧 際, 不 月壬午, 税 所 損 出 悉徵 被災,恐 以 糶 民 爲 於 亦 本色,於各 巡 民,以 得 撫 預 代 濟 直 備 能 隸、 所 倉 臣 一從之。 得 倉 儲 Ι. 也 銀 收 賑 部

## 以錢爲賦

《周官•太宰》「以九賦斂財賄」,注:

錢、皆 自 運 則 納 明 正 布 於 二十錢。 子 率出 有 財 始。 終不 季以 樂 錢之議,又 · 言: 之供矣。 未嘗 田 П 輸錢。 算。 泉 以 泉、 畝 來、盡 納 除金花外 起運爲率,則 錢 也 也 此 用 小民輸錢,則民間 也。 「原 厚 原 有 則 數 錢。 注」古 任 納 刀 銀 注 唐 以 пj 是故錢之行, 原 銀 七 布 氏 初, 錢 盡 注 錢三之令, 孝惠紀》注: 有 自 錢 錢  $\Box$ 之斂 數納 爲 方 一行 字。 可 租 於 兩 不得 П 賦 是 錢, 出 税 錢 錢價自 鑄 穀 古 必 之法, 以 即 穀 不 法 自 圃 而 今考》不 也 自 納 或 奪 漢 錢 不 行 古 庸 錢。 錢 \_0 銀 惟 行。 準 律, 之 糧 有 出 又 存  $\Box$ 遂 人出 財 始 有 錢 然 之, 順 錢 留 絹  $\Box$ Ł 以 可 不, 此 錢 治 糧 納 説 錢 或 糧 中 納 調 而 而 算 錢 進 中 必 有 錢 爲 漢 賦 出 不 起 算. ^ 則 4: 自 錢 運 惟 繒 律 荀 出  $\Box$ 民 起 É 銀 糧 Á

畝 乎 如 水 斗 火。 繇今之道 孟 米三錢, 子》有言: 菽 粟 而 如 無 輸 水 變今之俗 將 聖人治 火, 不 而 辦 民 天 婦 下,使 焉 雖 子 有 使 不 不 餘 有 寧 糧 菽 民 棲 者 粟

爲 責 者 財 非 宋 ? 任 諸 官 終 所 無 土 臣 不 不 或 口 故 以 每 爲 得 也 致 成 盜 而 歎 賦 賦 賊 阜 夫 於 不 重 ,  $\mathbf{H}$ 錢 銀 民 用 檣 荒 野 奚 德 粟 以 之 之 自 終 帥 而 害, 氓 而 不 用 民 來 山 不 銀 而 哉 得 面 爲 今又 欲 舍 而 商 望 所 ΙĖ 甚 此 有 教 焉 化 不 何 而

之行

風

俗

之

美

無

是

理

矣

者 者 倍 賤 於 者 迫 以 一, 穀 農 糶 蹙 錢 何 稱 H 量 者 不 半 所 以 桑 白 則 價 錢 帛 望 富 足 何 地 氏 易 者, 焉 而 從 長 不 以 以 其 른 桑 慶 足 得 出 償 所 Ш 集 之 ? 地 以 租 浦 有 是 龍 今 不 , 計 充 債 以 罷 則 以 生 策 緡 商 至 夫 穀、 人 赴 銅 錢  $\forall$ 豐 家 賈 乃 望 日 公 ; X 帛 吏 私 以 : 歲 大 遇 程 既 之 胥 家 勤 出 族 夫 X 外, 若 追 不 力 庸 乘 當 賦 年 此 徵 敢 者 時 豐 又 則 斂 鑄 租 う責 射 爲 歲 官 之 息 H 農 業 之 庸 木 利 利 則 限 以

農。 錢 府, 安。 革 差 家 年 納 故 甚 文。 盡 貧 通 反 而 貴 之 以 覆 木 則 流  $\pm$ 思 地 或 則 以 臣 桑 後 農 思之, 務 利 釋 方今天下之 者 至 滯 恐 錢 四 任 兀 本 傷 名 使 勞 耒 地 平 其 穀 於 人交利 甚 丈 土 一鬱,天 者 逸 均 則  $\mathbb{H}$ 而 實 弊 帛 私 輕 之 計 多 致 卒 倚 既 生 其 家。 削 繇 必 之 利 穀 少 力 業 汙 市 懸 貴 價 傷 穀 時 更 帛 載 爲 錢 然 萊 賤 不 若 利 帛 織 甚 轉 虚 利 興 爲 等 後 專, 興 賤 輕 於 運 婦 復 日 室 病 租 調 H 糴 易 之手 則 今日 但 而 而 以 如 相 庸 日 節 人 農 無 其 貨 趨 錢 歲 書 月 懸 誘 減 傷 其 賤 桑 乏 之 以 矣。 皆 末 刀 功 估 罄 徵 耗 之業 則 用 重 石 則 者 弊 錢 欲 重 不 價 取 財 輕 斗 或 農 今 人 П É 甚 投 III 也 成 轉 用 登 若 歲 積 使 力 並 夫 革 F 重 心 杼 傷 不 之 免 降 於 量 時 亦 白 夫 臣 罕 則 侕 足。 弊 税 或 貨 糴 爲 夫 輸 阜 傷 嘗 施 心 刺 游

手 流 軍 籍 於 水 之原 釋 道 流 塗 繋 者 市 肆 人於 미 者 返 包桑之本者 躬 口 於 易 東 業 作 於 西 矣 所 成 謂 託 下 令 迹 於 如

還 觀 弊 綿 出  $\coprod$ 初 重 Ш 年 農 待 上足下 歲暮 使 胡爲 制 力 君 我 求 友》 亚 日 秉 農 土. 衣 秋 亦 不 己 所 食 夏 詩 利 桑 安。 殫 刊 税 無 盡 日 權 顦 不 焉 歲 兵 庸 賤 私 復 顇 强 得 歲 酮 必 糶 家 彼 畎 輸 人 無 算 粟 無 租 所 饑 銅 畝 變 Т 與 錢 寒。 庸 間 難 錢 法 麥 П 鑪 法 兵 租 賤 錢 量 吾 平. 誰 令 息 必 貿 能 人 罪 カ 地 如 革 遂 以 計 或 絲 H 無 貞 此 爲 桑 之 不 與 已 銅

農 者 取 其 官 人 無 賤 李 司 者 賣 所 翶 邪 粟 鑄 集 ? 帛  $\forall$ 有《 粟帛 繇 易 疏 是豪家大 錢 者,農之所 改 税 官 法  $\approx$ 是 商 豊. 皆 篇 出 多 非 · 言 今 積 顛 錢 13 倒 以 使 錢 而

> 不 逐 督 輕 見 重 錢 故 皆 農 納 人 布 日 帛 木 末 業 H 增 請 切

罰 售。 倍 亦 當 害 其 年 役之害, 帛 民 折 上 丽 言 變 皆 下 所 益 折 臣 謂 使 無 賤 變 宋 願 時 民 而 熙 僚 江. 並 聚 轉穀. 有 詔 民 爲 時 所 淮 人情 苦 言 斂 寧 之南 糶 賤 銀 今之爲 折 歲 州 需 民 中 乏 帛 變」。 糶 不 郡 財 賦 錢 窘 銀 古 民 則 於 張 而 售 亦 間 愈貴 上 迫 凡 輸 變 者 貴 者 乏錢 方 絹 止 又 多 原 納 賦 而 折 而 謂 平 者 是 緣 注 **\$** 取 1 取 見 之錢 錢 出 謂 上 穀 則 青 有 景 常 之錢 之, 而 錢 於 愈 疏 帛 錢 祐 苗 大 平 名 倍 難 民 荒 言 初 荒 熟之歲 使 就 折 錢 其 折 之 得 之 助 詔 其 患。」 蘇 「原 糴 所 既 而 役 户 直 穀 比 軾 在 爲 有 有 難 之 注 紹 亦 異 第 重 年 輕 愈 反 錢 言 常 得 法 司 九 時 置 不 熙 公 重 爲 不 等 馬 物 農 干 再 私 歲 民 强 元 相 叮 免 光: 免

許。 州二税。 從 歉 之。 平, 是宋時之弊 價 而 以 真 上 糶。 八宗時 日: 7: 庶 亦 若是 知 於民 與 袁 唐 將 州 無 同 盡 何 傷, 蒙 廢 而 請 於 耕 折 農 或 銀 以 之 矣 金 有 見 折 補 於 本

史者,自

南

渡

後始也

稽 計 柄 年 倉 爲  $\Box$ 必 曰〕凡積穀者皆富 輸 天下 貴 之外 計 其 而 之臣 天 而 如 介價 下 出 之不足,十年計之有餘。 此 要害之處,每 解 只 或 人之際,又不 富 縉太太 税糧 之高 畧 其 須 一受長 益 倣 停 富 餘 下, 而 劉 平十策》言:「及今豐歲,宜 則 當 年 久 人,有穀而 貧 晏之遺 儲 解 糶 至低昂之懸絶,其法之良乎? 益 之利,計 京之銀, 之於 貧,繇 切 銀 歲 盡 解 賤 積 意,量 通 此 徵 京,以 糶者 便 矣。 糧若干。 之善者 都 本 得 皆貧人也。 色。 大 無窮之利。 顧 其 資 邑。 氏 小 歲之豐 之説 民 或 除 也 ]。 ] [楊 民 免 用 漕 而 F. 賤 樂 稱 使 愚 運 糶 X 操 又又 貸 司 以 近 於 京 其 者 氏

> 一舉而三善隨之矣。 之苦,官府省敲扑之煩,郡國有凶荒之備

建、二 幣二 富者 忘 易 私 福 自 始 于 數,爲銀 至金章宗始 仁宗景祐二年,始詔 而 其 而 口 梁 改 民者粟帛 以 建、二廣 等,而 見錢 錢 所 時 而 先生《錢糧論 廣易以銀, 不 菽 微錢 權之。 始 自。 至 粟而 用 用。 有交、 銀 少。 鑄 者, 而 然 鑄 錫 而 른 然自三代 哀宗正 른 銀,名之日 以 而 之 廣 未 然 至于今日,上下 江 署 考之《元 坑 則 以 屬 有 爲 自楊 東 冶 金 施 銀 或 諸 其 日 大 以 于 也。 多 銀 路 賦 门間 交易 : 炎 以 帛。 爲 器 古 之用 而 承 歲 史》, 至 兩  $\sim$ 民 貨之説。 飾 也,不 天下之所 安 海 收 漢 税 于 所以 但 絡錢 不爲 銀, 唐,所 寶 舶 志》言 之法行 嵗 通 以 貨 利 蓋 課 取 得 行 銀 也。 之 宋 秦 市 取  $\exists$ 爲 而

計 權 者 悉 錢 榷 兵 物 倍 銀 糧 過 務 民 兩 原 1 酒 部 收 此 歲 本 輸 從 税 哉 輕 注 Ħ. 削 尚 御 鹽 人 也 穀 宋 等 錢 錢 夫 物 書 以 史臺 舊 利等,悉 必 之數 齊 漸 楊 錢 錢 重 帛 百 唐 錢 是 不 且. 而 於陵 重 邱 書 皆 諸 年 錢 況 教 供 爲 用 天 紬 錢 言 可 易 以 總 穆 也 間 于 之 酌 難 漸 户 之 官 地 絹 布 宗 以 百 輕 E 耳 銀 棄 帛、任 轉 得 以 部 數 間 寮 紀 糧 重 布 農 乎 般 錢 爲 尚 本 也 是 也 銀 議 人 帛 ? 貨 今 土 之 糧 錢 元 逐 書 施 見 則 不 以 輕 所 絲 之 法 行。 也 免 昔 末 非 楊 若 昔 重之議 和 益 産 民 纊 言 賤 耕 物 1. 於 者 也 度 從 人 增 而 之 賣 允 Ŧi. 亦 賦 桑 之。」吴徐 陵 唐 JL 土 而 于 之 求 税 年 而 通 取 鳥 段 所 之 穆 地 並 八 民 天下 論 是 賦 融 錢 必 有 宗 月 議 之宜 便 請 不 乎 諸 爲 取 辛未 則 所  $\exists$ 兩 徵 **\$** 中 之。 時 税 其. 不 民 税 使 知 謂 錢 加 書 見

特 納 其 以 馬 莫 利 間 不 起 自 督 則 不 之, 之徵,不免干 資 古 計 州 于 不 此 便 責 濫 得 百 也 焉 之 于 縣 徵 聞 自 平. 惡 已 以 出 之 凡 不 火。 之賦 倚 此 無 有 以 來 愚 州 銀 唐 難 無 口 銀 蠲 之 火 所 其 縣 有 宋 以 而 而 耗 賦 而 繁 代 而 夫 什 容 之 有 之 瑣 或 其 有 之説 之 樹 E 矣, 富 之三徵 不 乎? 火 于 季 者 細 敝 完 而 虧 穀 或 則 通 史議 諸 户 之 至 錢 而 逋 有 而 商 必 而 臣 是 户 原 取 于 之 價 1: 火 徵 賤 錢 有 者 之下 有 貴, 夫 或 倚 諸 而 于 擇 耗 漸 丈 銀 耗 活 收 耗 酒 民 **�** 人 夫 可 之 與 錢 是 是畜 民 也 之, 之 而 所 府 所 爲 民 而 今 焉 É 盡 之實 食、未 H 所 充 謂 交 由 E 納 F 是不 舉 以 銖 羊 又 悉 盡 生, 之 耗 饑 名 本 而 銖 गां 而  $\vdash$ 矣 也 色, 足 得 以 其 額 是 求 Щ 無 网

藩

司

謂

羨

餘

焉

+

而

銖

之

也

雜

賦

其

所

後

M

雜

賦

之

正

賦

而

厚

于

雜

賦

户

也

雖多

取

其

徵

收

之

數

兩

者

口

以

持

吾

之

短

長

輸

或

之

+

其

取

+

里胥

又

取

其

是

官

取

其

贏

傳

代

增

代,

+ = =, 之不 官重 藉 督楊 贏 者也, 知 Ψ. 至 貢 敢言 也 則 加 加 必 火 + 銀 四 起 諸 天縱 焉 而 焉 薄 正 耗 其 官 Ħi. Ŧi. \_ 于 節 于 民 兩 + 也。 錢 + 賦 銖 于 之名, 地 疏 何 不等。 是 以 若 使, 以 七 Ŧi. 兩 者 多 年 耳 收 Œ 十三 八 于是兩 而 至 īE. 而 謂之常 而 錢 必 目 矣。 爲 矣。 賦 于今。 雜 民 而 H. 厚 豪 則 錢 之 其 巧 之 布 輸 以 此 于 無 糧 有 政 取 所 加 之 + 或 解 薄 窮 法 羨 例 力 銖 ri] 每 先 下 之 干 餘 之 焉 加 Ŧi. 相 于 衙 勢使 之爲 之有 之賊 然 唐 爲 難 吏倍 也 民 責 必 也 金  $\exists$ Ш 0 東,山 至 也 運 之 之 銀 多 州 之 虐者, ? 也 甚 錢 非 木 此 之 犯 銀 易 然 于 則 然 德 也。 未 東 吏 有 者 齎 輕 在 則 無 也 州 有 重 而 則

以 不 得 之民 獨 不 甚 德 爲,護 于 無 州 此 不 則 疾 時 不 者 首 然。 以 矣。 蹙 不 頞 問 可 愚 而 其 破 嘗 訴 故 久 火 圃 則 于 耗 生

門,每

党的收

銀

百

兩 實

加 有

輕 加

明

加

火

耗

錢

衍

汝

成

案

貴

州

提

厭

其

貪

惏

于

是

是

以

不

行收

納。」蓋

不

之賦 之官 火 二萬 耗 又聞 之加,故 1皆賢 九千,二爲 長 者言: 里胥 民 力 皆善人 「近代之貪 銀 紓 于 爲 他 也 日 錢

唐、 宋之時 易 齎 難 ,所以然者,錢 運 則 小 取 之 重 而 以 而

多 廉 名 而 取 今之吏貪 之 丽 猶 以 也 爲 勢 少 使 非

銀 有 之 明 之初, 通 ,錢之滯,吏之寶, 嘗 禁民不得 行 民 使

準 爲 姧 之禁者 惡 論 夫 蓋 用 逆 金 知 銀 其 弊 何 姧

當 時 市 肆 所 用 皆 唐 宋

先

之利 陵 前 税 減 徵 税 出 也 之宜 財賦 或 重之宜。 易、李翺之流 也 ൬ 之利 傳 法 耗 注 絹 獨 遂 甚 幣 泉 制 錢貨者,官之所爲 引 權,守之在官,不以 賤 ,故所入者,惟 六事》,其二言:「凡國之賦 損 成 異 調 奪 于唐之中 貨 失平, 錢 穆宗即 白 宜 舊 (舊章,但 增 已多。二汝成 出 氏 斂散 于 則 弱 靡 唐 繒 價 居 書 而 論 纊 偶 以 丽 易 弛張 位 供 人之交易 布, 買 估 **層** 害 穆宗紀 遷户 辦之 民 而 其: 資 曷 布 葉者矣。 鑄 必 友 金 案」先 所 力 産 生 麻 嘗 也。 難 由 部 造 任下。 興 詩 無 爲 殫 繒 有 難準 今日 易。  $\frac{\mathbb{Z}}{\mathbb{Z}}$ 于是。 尚 三條, 差 纊 減 以 是 于 以 書 生 云,攷 市 以 與 錢 ,又定泉布之法 價 使 所 自 然則 下 助 税、必 舊 國朝著令,租 白 道 E 徴 以 爲 以 蓋 注 原 其 穀 紀 新 其 見 賣 錢 賦 # 御 尚 穀帛者,人之所 注 使 窮 作 ൬ 咨 舊 前 其 穀 者 財 不 所 有 量 른 陸 而 兵 李氏 業,所 陸 所 之大柄 嗟 定 哉 人之力,任 足 故 唐 部 有, 税 贄 贄 僞 太 先 耳 書 未 者 出 Ŀ 翱 今之 物 業 以 唯 録 E 誤 息 白 穀, 《均 增 非 楊 疏 計 爲 節 懼 也 必 居 今 於 兩 又 改 所 庸 爲 或 節 求 邨 物 +:

則

漕

IIII 木 兩

銀

甚 爲 車 也 罷 尖 耗 龃 資 每 米 一必鬻 踢 生 于 時 焉 任 薊門當事書》云: 錢,後爲 爲 ൬ 償 用 网 石 折 論 米 唐、宋之時 之倉官, 斛 病 值 亦 得 收 中 河 用 四 絀 錢 然則 巧 銀 于 每 石。」今則 作 幸 朔 銀 矣。 四 饒。 本米 民 千,今則 户 銀 取 之 兩 而 岢 附 也 部 以 , 則 于 今 間 寧家之斗級, 後 識之,以權 獨 ۰, 外 歲偶不登 石 П. 民之術 去。 矣 所 鳳 使 大盜 注 納納 每 今 銀 也 翔之民, 銀 改 承 名 ·之貪 ! 穀 錢 昔 未 有 爲 Ti. 而 之 俱 贏 兩 時 改 每 乎? 汝 貴 響 縮 值 所 兩 徵 銀 舉 吏  $\vec{z}$ 米 數 成 錢 貴 則 值 馬 睨 倍 車 粟 案」先 白 負 而 於權 貧 石 行 日 日 文 千三百。 者 米 其 穀 民 米 值 于 賤 以 要, 于 生之時 無 亦 在其 而 吾 其 子 銀 以 銀 唐、 道 則 每 當 四 核之 行 未 無 以 爲 農 先 銀 兩 生. 倍 宋 後 前 者 見 淋 火 兄 每 4:

五 錢

銖、

帝

施

皆 北朝 之 之 雖 稱 斤二 計 須 天嘉 南 十三,二兩 按 市 準 稱 初 重 百 北 此 兩 及 則 此爲 三年 Ŧi. 錢 朝 今 實 隋 當 準 私 各 銖 Ŧi. 皆 重 世 Ŧ. 時 閏 鑄 市 置 宜 銖 數。 而 大小 錢 鑄 所 錢 當 濫 稱 稱 月 重 斤 多 Ŧi. 傳 作五 皆 惡 稱 + 甲 以 錢 稱 雜 其 京 JL 之差 相 銖 子 Ŧi. 定 鉛 去不 斤 齊 兩 兩以 錢 懸 銖 改 耳。二次氏 輕 文 以 鑞 邑二市 文 鑄 遠。 錢 於 Ŀ, 上; 重 重 + 襄 Ŧi. 原 並 市 耐 銖 Ŧi. 銖 Ŧ ^ 皆 注 此 不 錢。」「 門 隋 魏 若 蓋依 銖 以 原原  $\Box$ 云 天下 代 聽 書》言 陳 重 者 錢 民 注 Ŧi. 漢 時 用 沈 書 注 不 銖 聽 中 文 稱 間 氏 物 州 7 錢 <u>Ti.</u> 也 人 Ŧi.  $\Box$ 世 通 然 所 鎮 非 銖 典 市 銖 祖 T. 漢 竟 武 用 郡 É 紀 與 重 用 忧 注 未 或 之 縣 定 餘 作 南 川

> 鎔 鵞 陌 邱 鐵

鑄

當

辛卯 不許 文等號 之女 六銖 錢 Ŧi. 錢,又間 眼 Ш 鑄 Ŧi. 及 千 皆 下 Ŧi. 行 錢 而 銖 銖 錢 陳 用 錢 銖 初 私 重 錢 錢 有 + 初 人以 行 輕 初 用 肉 陌 女 錢 兩 面 几 唐 貨 ħ. 重不 承 沈 後 111 以 **錢** 大貨 好 所 鐵 밆 柱 私 銖 郭 還 氏 斤 輕 錫 喪亂之後 唐 在 錢易 當 用 鐵 重 並 六 太平 當 0 置 郭、文 ~ 不 重 意眼 而 益 行。 文 銖 元沈 等。 得, 隋 兼 樣 甚。 鵞 不 錢 通 天子頻 占  $\Box$ 之十。 以 眼 於 並皆 百  $\Box$ 書 鑑 人皆 等, 氏 錢 鐵 粟 至 Ŧi. 至. 輕, Ti. 胡 姓 **\*** 關 日 帛 錢 于 普 定 私 下 銖 或 銖 乃 不 雜 末年 當 爲 不 至是, 平. 省 陳 通 鑄, 詔 不 私 以 貨 而 行 作 高 更 中 書 IIII 宣 \_ 注 而 以 爲 用 大同 如 百、 帝 又 Ŧi. 鑄 祖 古 云: 陌 乃 便。 又 至文帝 重 之 始 非 别 太 樣 鑄 益 錢 0 議 Ŧi. 新 既 以 新 如  $\overline{ }$ 其 梁 鑄 建 交易 者 未幾 大貨 少, 後 盡 銖 鑄 Ŧi. 受 其 錢 價 末 + 兩 天 罷 雉 除 没 代 所 同 有 以 周 文, 帝 錢 六 嘉 銅 種 其 有 志 官 悉 兩  $\equiv$ 在 年 崩 錢 之 襌 銖 肉 ħ. + 私 直 柱 鐵 Ŧi. 秋 禁古 銷 每 面 錢 年 郭 戼 以 家 遂 錢 Ŧi. 錢 銖 百 梁 七 錢 以 肉 改 廢 並 油 多 及 爲 如 鑄 對 fi. 謂 月

24 Ti. 錢

好

天

日

知

録

集釋卷十

者,錢 之五 以 不 作九 上。 」當作 知 有輕重 ",始於 自是 漢 銖 氂以 Ŧi. 每一枚當 制 亦 錢 Ŀ 如 等有 大 齊文襄 何 兩 幣 抵 是 其 大小耳。 始 皆隋 (沈氏 中 重六分六釐、「沈氏曰」「六氂 六十六兩、(沈氏日)當作「九 壹, 有 至 重 物 百 曰 今五 至八分餘者, 隋 也。 姓 漢 文帝 Ŧi. 便之。」是則 銖 銖 按 與 錢 乃行之, 四 隋 亦 IE. Ŧi. 斤二、沈 有重 符 同 此 至 而 改 數 九 幣 氏

隋 仍 氏 用 日 開 古 銖之輕 皇 法 錢 元 惟 年 重 鑄 Ŧi. 隋 尚 銖 如 開 及 古 開 元 至 元 唐 唐 通 則 武 寶 并 德 最 改之矣。 几 多。 年 鑄 佘六 Ŧi. 典 銖 沈沈

# 開元錢

文,不必 楊 氏  $\Box$ 自 自 一今有 宋 宋以 以 乾 後。 後 符 · 皆 錢 唐 則 先 之「開 唐之僖 有 年 元, 宗 號 時 而 有 則 年 後 先 號 有 有 而 錢 後 錢 文。 有 文

分,或 分。 監 + 皆 圖 通 後 以 每 錢 絫 德 録 其字含八分 之文,給事 而 Ė 訛 改要》云實 也,則今錢爲 兩二十 () (沈 流 , 故 重 四 後 九 右讀之。 或云卻當今 也 年 年 有 俗 錢 沈 氏 開 初 四 獨 馬 兩。」「原 年 氏  $\exists$ 謂 鑄 進 銖 元 分有奇,或八九分不等,總十 二此 鑄 皇 號 永 日 蠟 中 之開 開 錢 后。 則 古稱之七 卿 自 及 此 樣, 布 開 歐 兀 如 ^ 銖 錢 曰 隸 注 文德 上 政司等 元錢完好 錢 温公曰: 陽 舊 當 通 通 此 體 重 及 通 古 詢 寶 唐 之多 后 元 銖以 雒 左 開 三銖, 典》云: 銖 掐 制 兩。 錢 書 寶 并 其 者, 半 元 一是時 Ŀ 詞 ,徑八分,重二 錢 迴 詞 甲, 以 一, 比 通 及書, 而 每 食貨志》 下。 環 實后已崩,文德未 又曰 先 計 出 寶 故 明 古 杨楊 錢 讀 1 枚 一千重六斤 蓋 Ŧi. 古 皇 桂 Ŀ 氏 : — 之, 枚 或 銖 後 時 稱 有 紀 等 唐  $\exists$ 重 重 則 比 下 稱 甲 | ] 《唐  $\vdash$ 其 開 今稱 號 至 加 處 二 百 痕。』《 其 兩 重二銖 義 元 偶 皆 次 積 銖 四 聖 錢 零三 三之 錢 兩 相 置 V. 亦 左 川 武 唐 運

耳

錢,復行 寅, 0 改鑄乾 舊 開 唐 書》: 元 封 通 泉寶錢。 寶錢。 「高宗 乾 二年 封 正 元 月 年 几 罷 月 乾 庚 封

> 其 局 爲

頒大中

通 文爲

實錢

大小五 錢。

等錢式。

即

洪

追

通

寶

錢

兩

74

及

平.

陳

友

諒,

命 位,頒

江

四

行

省

置

貨

泉

制凡五等,曰當十、當

五、當三、當二、當

0

當十

錢

重

#### 錢 法 之 變

大中 祥符等 靖等 十 五 新舊 法 氏 幣 兼 於 日三 有 行 應天府,鑄 商 通 通 年九月甲子,巡視五 年代遠近,悉驗收, 税課 使。」「原 明 錢 寶 寶是也 太祖、  $\exists$ 錢,與 是也。 史・食貨志》云: 制錢, 程 錢 實録 歷 祖 百 日 注」成 鈔 大 代 舊 六十 宗列聖及皇 单 中 錢 錢,歷 半 兼 车 化 兼 通實錢。 城御 歲 以便 行 「太祖 來,二錢 元 收 代所鑄 年七 辛丑 史閻鄰等言: 民用。」《 每 以 上所鑄,如洪 鈔 四 初置寶 月 並 百 如 三月, 用 貫 丙 與歷代之 文爲 開 世 辰, 折 源 民 元、太平、淳化、 宗實録 或 局 咸 錢 置 武、 貫,四十文 于 利之。」「沈 詔: ĮЦ 朝 寶 應天,鑄 永樂、嘉 文,無 所 錢 源 通 嘉 用 相 局 錢 靖 錢 拘

> 格。 所鑄。 皆宋物 奎、 凡有道之世,錢俱不甚 二分,所見錢文之重 錢,哲宗紹聖至二錢一 錢二分不等。 通 慶、 局 顧 兩餘 元 並 、范雍言鑄大錢,與小錢兼行,尋盜鑄數起, 司業日 慶曆之錢特重者,以 寶 萬 鑄。至嘉靖 重 宋太宗太平通寶、 曆 雜 遞降,至重一 乾 出 加 錢,又有 唐 仁宗慶 隆四 重 開 半銖, 通 年,於鄱陽 唐 錢 錢 唇重 分。 所 相遠,至濁亂 無 或 二文。 止。 是 踰 其 通 而 鑄 至一錢 時 於 徽宗大觀、崇寧 輕 寶 之錢 各行省皆設寶泉局, 前 方事 此。 湖 重 重 代 余取 得 八分, 餘 準 之錢 錢 姧 元 宋 最爲 旲 與 唐 其 時 佞之朝 分,蓋 開 ᅦ 開 輕 所 神 通 乏軍 通,重 通 至三錢、三 重 覆 精 宗 ,爲公私患。 行 錢 運 較 則 元豐 T<sub>o</sub> 南 需 畧 之 錢舟,錢 不 與 重 唐 同 用 至 李 錢 唐 逾 寶 也。 氏 張 常 或 開 源

- 0 四 」、《舊 唐 書 高宗紀下》作「五
- 0 丙辰」,中研院 史 語 所 整 理本《明 憲 宗 實 録 》卷

九

ĮЦ 三七

用

開皇之法

乎

真 錢 錢 政、 其 啟 驟 閣 市 環 新 Ŀ 兩 良 H 復其 餘 廢 臣 御 崇 多南 局 ●大觀 之 大 大 鑄 之 Τ. 熙寧 平臺 之,於民 劉 皆擯 間 變 變, 祇 之錢 (舊。 類 更 鴻 草字 禎 之錢 召 訓 宋 鑄 也 爲 廣 政 隋 對。 統 奏: 便 無 古 年 姦蠧 彌 不 和之錢 前 置 重 時 而 代 · 便。 口 錢 體 號 多 給 後 昔 「今湖 由 錢 、觀之, 海 盡 事中 澄 不 皆 不 於 彌 時 之窟。 後 重 此 局 内 安 汰 有 銷 用 備 惡 南 乃 由 錢 黄 至 之 石 其 古錢 於蔡京。 書 括 Ш 承 法之 間 北 旋 故 生 廣 然 昊 紹 東、 今 古 原 故 見。 瞭 聖 鑄 有 方 疏 歷 則 注 錢 Ш 然 弊, 嘗 之錢 中 旋 元 大變,天 四 矣。 代 Ŀ 崇 見 舊 以 時 有 論 祐 銷 日 多汴 之 至 陝 禎 重 充 錢 難 銷 可 古 唐 子 元年 西 由 於 寶源、 馬 錢 古 廢 E 徧 皆 卿 錢。 幼 來 於 錢 六 銅 宋 尚 鵝 盡 言 用 惇、 時 出 之 啟 不 欲 月 古 年 眼 是 當 存 用 卞, 錢 於 自 見 寶 以 錢 即 丙 或 是 語 辰 市 Ш 來 凡 泉 天 市 使 而 綖 旬

> 價 年,詔 者,不 熙 用 注》金志 年 以 方 無 古 九 非 地 今者 來, 鎮 平 而 錢 年 既 如 則 裕 初, 自 愛寶 不 如 隋 限 其 則 斷 相 雜 民 》謂之 漢 衣 此 文 尚 太 大 唯 以 新 承 財 用古 Ŧī. 食其 别 和 書 用 小 宋 錢 王 火常 銖 自 近 其 鑄 及 令任 ., 悉 唐 莽 大 專 中 今錢」。 以 年 占 必 Ŧi. 新 舊 觀 用 克 流 來, 聽 聽 銖, 錢。 城 鑄 行 而 錢 古 行 金 行 爐 王 之寶」。 爲 古 錢 Ŧi. 之耳。 盡 之。 《宋史》言 澄 遂 頭 當 至 銖 錢 矣。 歷 變天下之錢,古 上言 有 之 并 如 銷 代 Ŧi. 未有 梁 説 古 乏 宋 盡 用 金 通 考之於 敬 銅 世 明 錢 , 新 矣。 行 官 廢 之患。 宗 帝 帝 請 内 之貨, 吏、 白 錢 古 昔 泰 太 外 大 下 史, 愈 平. 而 Ι. 之 定 始 全 諸 Ŧi. 雜 專 魏 徒 貴 代 元 好 州 原 制 自

0

政 北 宋年 號無崇政、應是「崇寧」之誤。

若

銅

有 無

用 耗

楮 損

唐

憲宗

時

,令商賈

至京師

,委錢諸

路

瞭然, 一交易

兑折 者。

之弊

亦

法

也。 數, 率。

自

古

幣

皆

用

金

民 每 用 錢 至 銀

,勢當用

錢者,小錢

難

于

個

竟

當十大錢

出 官

大錢 小錢

當

小錢

十,其

重

以

兩

爲

愚 用

謂

今後凡

遇

法, 進 增 文字,面 計 則 往 可 至 多 知 贵 爲 用 楮 行 白  $\exists$ 準 來者 矣。 奏院 減 錢 銅之精好 客 或 京 有 爲所欺哉! 本,所費之值 官錢爲本。 爲 形 固 竊謂 謂 百 錢 錢此 大 法之義 商 師 移 以 不必襲楮幣之名 之日交子。 無道 取值, 及諸 納 府 脯 重資至京師者,以 必欲行楮幣之法,須 杜偶 鈔 日 去處設 銀 止 法之廢也久矣,苟 楮 者銷 路 取 張 康 軍 造。 謂之會票, 法 至金、元之鈔,則: 要 之虞,朝廷 諸 煕 券,合券取 詠 而 且鈔易昬爛,不久仍廢,則 不過三五 所 立銀 鎮蜀 使富 使 鑄 其 寶 **一**汝 高宗時,又有會子,始 由 内 爲 4 鈔 **公券司** 起 成 局 鈔, FL 亦不 患 家以 也。 案」以 自 則 背日 此 有歲 道路 蜀 銀, 錢,而 如今之錢 朝 鑄 别 即 鐵 如 輕 然 ·當用 欲其 之以 出 飛 錢 銅 定 收之息 廷 唐 裝 不便,委錢 準 此 直取 人之間 錢 售人千 爲錢 重,不 爲 發 趨 飛錢之制 Ħ. 特 虚 神 圓,取 遺意。 官 四 式 以 薄 料于民,不 明 式 本 方,合券乃 尚 進 易 似 而 便 楮 一變通 ·錢之物 以 爛之紙 位 貿易 亦甚 多 輕 其 稍 量 造號券,令客商 券 富商之家, 宜于 楮 +然後可。 楮 盗 錢 内 取 加 重 - ] 之類 幣之 而 爲 鑄 外 路 纖 重大,鏤 便 各 爲 復 設 民 錢 IIII 毫,不 員 取 費 ,莫若 無 可 處 用 質 # 微 通 以 雖 之 邱 今人 久 布 取 然 劑 即 用 官 息 愚 之 爲 容 以 票 流 至 取 氏 政 П 錢 猶 之 以 號

率。

錢太輕

則

銅

敵 之價

銀

銅銅 值

敵

銀 以

則多 每

費。

錢 銀

太

重

則 爲

京 不

師 敵

黄

《錢,每

六

文準

銀 難

分,亦未爲得

也。

今朝

廷

用

銅

銀

不

敵

銅

則

用。

今之薄

小

低

錢

固

非

法

矣

每

便

便于

收

每

于下,不

·便于

上。

此

由

純

無子母相 于發,不

權之法故

也。 便

明天啟

時

嘗

l 鑄當

1.

錢

也。

識

幣之情

則

知

所

以

用

三幣之法矣。

錢之重

輕

飛 金 通 市 通

與

錢

領有

所

不便,于是乎又代之以楮。

楮 盜

者,

唐 如

之

金之窮也

一,所謂

頓

不如

零也。

千里齎持

賊

險

阻

則

易,則金又有

所不便,于是乎又代之以錢。

錢者

所

以

錢,今之會票,又所

以

通

金與錢

之窮

也

,

謂

重

不 如

輕

不

口

得

而

復

矣。

陸

氏

日

古古

有

三幣,今

亦

有

幣

古之爲

市

以

其

所

有易

其

所

無

皆粟

與

械器

耳

粟

與

", 持

移量算,

有

不

便,於是乎代之以

金。

金者,

以 械

粟與械器

之窮

也,所 所

謂

大不

如

小

也。

物

有

至

微

釐 所

臺

古之三幣,珠

 $\pm$ 

一、黄

金、

刀

布。

今之三

幣

''', 白

金、

錢

鈔

自

當以

錢

爲率。

錢 不

斷 不

當

文

準

釐

日

害 與 實 陸 鈔 司 平 更 氏 則 倍。 議 準 贵 詐 易 均 云善 僞 通變莫善一 會 輸 愈 票, |政? 何 異 會 票原 既 官 家 维 邱 司 不 于 ,既附其言 氏 出 行,必 飛 所 人,百 錢 議 Ť. 弊 生 飛 昔 損 繁 并 錢 法 利 興 疏得 即 益 即 鈔 先 盜 生 法 防 權 論 作 制 之詳 尤 嚴 輿 夥 明 名 矣。 其 異 亦

高 鑄 銖 孝 之於 更 錢,文曰「景 號 物 鑄 不 始 鑄 建 之 得 道 錢,文曰「太和 而 于 錢文 專 變古。 穆 初 史,年號之興,皆自 銷 錢 此 永 乃 爲 鑄 毁之,自錢文之有 者 安 四 以 ,於是易代之君 Ŧi. 歷 孝 和 後之人主不 銖,文 邊 爲 代 銖 建。 \_\_ 爲 通 0 論 Ŧī. 魏孝文 行之貨 曰 今 此 銖」。 兀 廢 據 非 銖 孝 帝 古 知 永 建 景 季 帝 孝 年 · , 雖 世 此 宜 和 世。 號 莊 太 其 易 流 義 載 沈氏 以 和 帝 始 後 姓 通 年 永 年 宋 + 爲 也 而 稍 之術 改 日 孝 號 安二 鑄 勝 九 以 去 一錢 命 武 年 嘗 或 年 載 銖 帝 年 更 之 考 號 何 IIII 几 而 年.

> 者,可 文 七斤 例,每 錢 民 欺 既 以 盗 錢 愚 11: 滋僞。」亮哉 非 内 法 文 銷 八 錢 錢 文重 得 以 人 兩 侍郎 與 近 者 者 四 重 姧 黄 行 照 分。 計 日 民 徒 銅 常 之久 窘行 見 佛 錢 無利 錢,千 六斤 居 減 河 可 今見 倫等, 兀 行 用 遠 + 南 分、 利 制 旅 可 几 之三 銅 文共 而 行 斯 圖 錢 兩 之 奏 鉛 無 陝 如 言 價 四。 改 錢 四 銷 即 重 弊 ^ 術 重 西 鹽 鑄 兩 矣 毁 二分 每 七斤 耳。 改 考 各 之弊 重 造 ! 鐵 而 銀 錢四 務 '古徵 不 自 器 JU 今 論 使 市 「喬氏 錢 等。 叮 Ш. 兩 网 應 輪 分 行 **》**言: 肆 不 今, 所 倣 較 者, 郭 禁自 錢 至 康 之 錢 康 唯 E 周 得 見 熙二 百 四 熙二 Ti. 錢 猾 價 īE. 行 不 除 + 當 中 字字 幣 分 質 值 制 + 今定 僅 相 + 易 乘 錢 止 不 數 年, 見 跡 流 錢 Ξ 過 每 重 此 年, 變 顯 制 年 T. 在 .... 復 通 朗 T. 以 錈 而 之 改 管 钮

重 理

重

法, 炭 鑄 入錢,爲 大錢, 莫不 先 生 四 善 周 錢 銖,爲三銖 于 蓋 法 明 論 變。 之 行 畧 漢 錢 日 爲 承 Ŧi. 莫 秦 考之 3铢,爲 善 半 于 史, 兩 明 赤 景 之 王 錢 兩

൬

其

愚

也

車

一算,船

Ŧi.

丈

以

上一算,是

關

市

以

錢、交子、會子, 大錢,崇寧當 德十帝, ,字文明潔。 人出出 不特 一,錢 變。 爲 便 更 權 僅四 日 馬,此 四 鑄 錢式 算百二十錢」, 布 至 宋仿 輕 出 大 +; 之于下,而 于 鑄 而 錢 每 盜 爲 不 錢 又三百年 以 開 嘉 法 鑄 百 小 法 則 得 彌 定 通 重十 雲起, 後 錢, 之善 用, 有 弊。 舊 當 帝 式, 乾 凡 Ŧi. 亦 有 何 是 來 也 明 封 而 九 鑄 收之于上 哉 西 又  $\Box$ 變。 無 É 1 乾 ? 兩 事 賦 雜 然 所 改 至 洪 起, 元、 人 蓋 其 變 輪 用 唐 萬 操 武 之 以 古 鑄 以 後 廓 曆 至 鐵 重 鑄 錢,下 錢。 錢。 權 畱 所 自 錢 方 券 鍰 以 亦 重

棱,凡

四

開

通

르,

官

令,民

稱

周

正

而

制

益

精

正

上之,賚予 每每 入以 支放 平言「屋 下上,流 募役、 令民 隆 日 ·而不 直 錢。 皆 壅。 慮 萬 公主 占 上,僞 以錢 禄 青 而 税 廬 晉 請 賣 給,慮 苗 不 四 Œ. 以 倣 南 酒 代, 窮者,錢之道 人 百, 錢 税 渡 錢 前 租 息, 則 之所 Ŧ 升 無 代 是 茶 凡 錢 之 萬 几 不 以 契 田 鹽 錢,是 重 制 以 用 爲 斂 宅 税 酒 錢 日 錢。 子 天 凡 奴 醋 售, 贖 下 也。 以 婢馬 榷 重 州 之課 自 死 之錢 錢 酤 則 縣 而  $\perp$ 明之 牛之 是 之 上 制 人 而 率 張 以 錢

銅

萬」,

是鹽

鐵

人

以

錢

商

賈

緡

錢

四

Ŧ

而

算,三老、

北

邊

騎

士

軺

車

算,

商

賈

軺

錢

管子

鹽

筴 》「萬

乘

之

國

爲

錢

漢律

衡

萬

物

之

錢

物

日

重

多 用 銅 乏 銅 如 之患,前 昆吾、 歐 代 冶之類皆 已言之。 銅 江 也 淹 謂 楚子 劒

多 注》《三 誼言: 秦 槨 錢。」吴門 四 收 爲 夏后 守, 賜 風 銅 董 金三 原 【萬斤。 俗 既 天下 柱 安于之治晉陽,公宫令舍之堂 鄭 注 取 攻争 官 之時 品, 質 年 難 伯 重 輔 杜 收 所 銅 甚 漢 舊事》曰: 之兵 氏 金 銅 以 物 求 紛 一楊 黑 秦 世 注:「古 荆 九 九 勿令布 在 候 盟 鐵 亂 鐵 氏曰」「 金 年 始 軻 月 長樂宫門。」《魏 牧貢 甚 曰 Ι. 是 鑄 之擊 皇 銅 蝕 「聚天下兵器,鑄 以 者 歲 易 比 鐵 門 金 作 鑄 不 冢 以銅 無 甚 金 肩 兵 秦王 作 當 人十二, 是 充 以 亦 赤 八器。」《 一, 乃 爲 刀 爲 故 用 鑄 以 而 金 兵。」《漢 歲 劒 一<del>,</del> 中 故 王」之誤。 鑄 兵, 銅 韓 志 》云: 鉤 銅 銅 是 鐔 延 漸 鼎 兵 工 爲 銅人十二,各重 銅 即 銅 以 壽 書 放 染 轉 於 故 稍 槨 傳 「董卓 銅 鐵 柱 效 黄 少, 流 荆 以 絶。 皆 食 足 蓋 尚 人 遷 金 山 鑄 貨 方 之。 鐵 戰 間 壞 以 爲 也 而 之下 是 事 志  $\equiv$ 以 東 二漢 遂 或 始 兵 冢 鍊 鑄 占 郡 金 鍾 成 轉 鑄 皇 銅 至 銅 + 小 原 太 賈

> 宗鑄 三月,造壽安山 無 今者 軌 自 爲 翁 以 是 鑄三 之世 原 非 之 鑄 仲 後 此 注 九 九 如如 屬 鐵,不 黑 之外,寂 州 寶刀、 鼎,不 唐韓 銅 愈 又鑄 金者矣。 鼎 真 器 見 滉 言 昭 爲鎮 定之 絶 能 其 用 寺,冶 烈 銅 黄 少, 鐵、大約 復 5 微 爾 銅 龍 海 首、天下 佛 鑄 「楊氏日 無 銅 軍 Ŧī. 蜀 惟 鳳 Ŧi. 聞 節 建安 銅 + 魏 是 蒲 度,以 + 僅 凰 矣。 六 銅 萬 明 州 止 测元史》: 鑄 各 也 斤 萬 帝 百 佛 之 有 作 鐵 + 考 七 寺銅 鑄 鍊 牛, 0 佛像。」〔又 銅 錢 之 四 百 之 銅 馬、 鍾 丽 於史, 英宗至治 年 滄 精 鑄 武 而 十· 二 州 銅 弩牙兵 利 魏 見 后  $\Box$ 駝、 之 存 號 自 鑄 太 而 斤。 宋 元 獅 於 銅 銅 子 曰 漢 悉 年

之無 以 贍 者 爲 害。 , 在 兵 唐 開 則 乎 陛 元 不 銅 下 中 貴 如 ·何不 劉 鐵 銅 秩 禁於人? 以 貴 H 爲 則 議 器 採 日 : 用 則 禁於人則 者 夫 不 衆 鑄 如 錢 漆 夫 用 銅 禁 銅 不 免

更

罪

取

公

祖

天

月

诵

鑑

買

之。 之者 銅 輕 爲 私 福 甲 除 及 爲 + 器 用 食 器 原 錢 「原 鑄 器 图 辰 七 酒 貨 宋 銅 注》《文宗紀 銅 重 , 禁 志 民 注 高 年三月 鏡 年 宋 肆 器 德 天下 益 之事 外 孝 宗 代 宗 八 器 如 宋史 用 賤 悉 :宗 文 紹 武 月 用 貞 何 不 有 銅 付 宗 興二 1 大 辛 帝 則 銅 ? 元 器 得 惟 銅 鑄 本 Η. 曆 孝 御 巳 錢 九 造 有 Ш 考 紀 一,禁民 楊 錢 + 七年 建三 紫 之 「原 原 禁 銷 鑄 年 禁 嗣 司 任 八年 宸 用 注 注 錢 私 正 然 銅 復 +年 殿 給 作 各 憲 賣 南 月 今 之 民 Ė. 對 七 採 鑄 几 矣 宗 銅 本 銅 史 謂 甲 日 間 月 **令**, 月 以 錢 取 月 器 紀 元 宰 辰 行 己 王: 甲子 不 鉛、 0 唐 古 當 上下 其. 原 和 臣 之, 子 輸 卯 注 原 禁 錫 玄 晉 銅 人 禁 元  $\Box$ 者 注 相 不 高 賣 宗 禁 有 年 禁 及 官 銅 舊 實爲 除。 此 賜 坑 許 可 世 扣 斷 私 價 尺 蒙

鑄

銅

劒

以

銅

開

元

行

人

車

器

0

物

唐

書

無

所

李侍 間 剋 打 鑄 交 而 乾 郎 勒 造 禁 侕 納 僅 私 以 取一云 隆 紱 銅 用 此 得 不 銷 鑄 器之 間 疏言: 銅 之弊 \* 盡 錢 日 器 價; 尚 乙 吏 舖 之錢 書 亦 以 此 胥 錢 若 或 海 絶 鉛 則 法 7 文 然 有 望 銷 乃 Œ 民 錫 人 除 古 力 燬 則 賈 需 法 爐 去 陳 鐵 亦 無 誼 之最 Ŧ. 索 使 即 其 代之,凡 無 氏 所 長 訛 費, 不 化 陳。 所 所 詐。 善 存 便, 爲 述 空 用 者。 之 銅 行 銅器 似 手. 又 又 ൬ 示 之則 當 未 桁 而 疏 銷 汝 盡 皆 歸 交 Ì 可 燬 成 裒 納 官 獻 得 之弊 銅 案 益之宜 名 銅 之官 ൬ 或 器 爲 雍  $\mathbf{H}$ £ 捕 有 散 不 收 IE. 裕 氏 禁 惟 償 布 侵 矣 銅 間  $\vdash$ 蝕 已 Á 禁 其 而

南 必 并 步 祖 通 故 **ず** 是 嚴 頃 居 日 南 秦 通 地 宅 道 之 齊 地 所 處 縣 南 書 嚴 有 掘 鑄 猶 銅 廣 燒 • 道 土 存 Ш 郡 劉 甚 爐 地 深 界 悛 口 鑄 四 鄧 傳 經 蒙 錢 所 蒙 尺, 通 畧 0 Ш Ш 今 從 下 得 去 南 蒙 永 并 蒙 有 南 安 銅 明 Ш 獻 城 城 安 1 蒙 在 有 渡 名 年 青 漢 古 Ш 水 白 衣 文 悛 掘 南 銅 里 城 水 帝 啟 銅 百

言: 歲 鑄 餘 陽 使 七 書 舊 南 斗 鑛 平 片 不 兩 之,遣使 計 錢 李 監 理 青 ; 鑄 井 冶 迹 得 又 年 巽 河 州 錢 銅 韓 商 請 既 銅 及 上言: 内 從之。」《 請 苑 六 Ŧi. 州 洄 斗 尚 鞍 有 人 馬 石 郡 宋 於 燭 萬 有 傳 兩 書 蜀 冶 得  $\Pi$ 跡 王 史 郴 貫 紅 Ш 崔 鑄 取 利 銅 片 屋 州 • 續 曲 郴 崖 册 錢 亮 銅 Ŧi. 齊 平 食 Ш 舊 所 州 冶 平. 爲 木 帳 奏: 府 · 置 兩 州 貨 鑛 江 宜 桂 等 平. 出 州 元 户 Ш 儿 o 魏書 志 商 南 陽 + 開 \_ 陽 銅 古 鑄 龜 部 銖 鑛 恒 山 監 鑪 鑄 計 銅 **\*** 鐵 農 增 高 侍 又 鑄 置 計 葦 坑 並 刀 亭 食 舊 有 郎 郡 爲 斗 錢, 從 鑪 池 元 是 約 兩 洛 銅 饒 貨 七 判 之。 兩 和 得 斗 谷 往 青 州 縣 而 源  $\Box$ 志 度 萬 所 銅 鑛 初 得 百 者 0 界 罷 監 谷 永 ₹ : 支, 貫 八 舊 平. 銅 銅 計 採 鹽 久 有 F. 八 有 江 兩 廢 監 + 淮 F. 唐 官 熙 銅 鐵 銅 從 平 川 而

有

近 之人卒受其 萬 鉛 增 鉛 永 南 銅 成 貪 民 可  $\Box$ 取 1: 貫 平. 唐承 7 市 爲 告 絞、 錫 通 效 鉛 以 歲 公於昔 + 鉛 用 計 己功 爲 官 年 凡言利之人,皆 下 收 有 戒 採 此 旨 Œ. 乃 錫 六 唐 其 絞 錫 無 害。 金 月 皆前 豊. 開 常 而 課 萬 T 便 而 丙 Ŀ. 以 其 宜 可 不 釗 不 蓋 斤 炭 官 子 元 黄 限 效之! 試 以 初 今 府 物 代 塘 錢 給 價 調 買 歲 用 ì 錮 能 錫 産 F 開 銅 軍 于 額 料 閉 民 戕 有 知 也; Ë. 於 今 朝 + 前 猶 採 轉 已 民 黄 最 采 時 饒 Ħ 狂. 衛 足 人,採 之賊 塘者 之 是 六 IIII 運 稍 善 老 取 者 方 縦 取 窮 迹 得 寬 萬 伯 辦 校 信 使 有 ; 考 日 也 之可 售 T 日 恤 歲 斤 銅 Ħ. 張 經 即 等 多 成 成 産 民 額 「原 籌 朕 雲 久 八 詣 詢 州 齊 之心 言 資 銀 則 歲 以 民 聞 息 南 注 或 + 賢 終 鑛 闕 舊 Ш 舒 錢 之 力 鑄 元 用 不 河 廠 鑄 消 谷 訪 銅 面 時 怞 實 錢 以 前 可 南 木 政 不 耗, 萬 録 陳 法 産 求 Ŀ 益 減 江. 代 陝 也 能 ₹: 有 皆 謂 銅 西 州 銅 知 + 得 惟 州 洪 實 價 有 曹 侍 當 地

見 此 口

也

城 臣 採

<sup>0</sup> 内 原 作 南 據 魏 書 食貨 志》改

東 南 銀 +損 有 難

III 始 几

加 有 萬

半.

卯

之鑄

歲

收

息

銀

萬

公貯

錢 餘

而

銅

本

木

足

亦

稍

有

Ŧ

兩

九

年

一之間

遂

積

息

座

加

鑄

錢二十

萬

餘 按 錢 云

T.

備

給

銄

上者,不

可

不

講

也

乾

隆

+ 鑄

八

煉

銅

Ŧi.

六千

觔

銅

越

兩

月 滇

餘

皆

買

諸

是

江

14

浙

江

福

建

湖

北

奏

開

成

宣 由 E. 以

將

來

獲

利

必

倍

七千 之多, 集 近 年. 不 鉛 取 資 年 足 州 四 云禮 外 用 餘 廠 H 4: ??」前 故 可 辦 郡 給 廠 Т. 间 課 東 鼓 + 兩 民 減 裕 馬 本之外 日 數 柴 銅 矣。 硐 後 餼 無 餘 11 鑄 感 耗 也 有 以 嘗 新 無 H 廠 銄 增 需 前 萬。 洲 洋 逾 奮 餘 補 者 遠 伐 多 衆 設 巡 芸 益 其 Ŧ 撫 銅 銅 息 湯丹、 盡 集 歳 改 不 治 撫 自 新 F 何 劉 既 爲 南 此 木 Ŧ. 炭 後 贏 局 ൬ 也 采 年 藻 難 F 後 愛 廠 用 之 雲 今 辨 以 采 萬 價 數 歳 心 衆 銅 息 ti 不 H 11 十二年 又以 又請 亦 蓋 恩 此 獲 H 陝 其 者 于 窮 不 爲 八 半. 給 水 兒 西 表 緩急之實 以 他 T 銅 四 當 見 卯 追 不 Щi 此 銅二 縣 暇 之 鑿 維 謀 籌 理 餘 銅 價 廠 有 · 分 Ŧ 也。 湖 鑛 深 久矣。 數 郵 給 持 間 飽 兩 廠 會 T. 澤 則 北 以 干 人,真 煖, 采 城、 本之不 萬 報 廠 銅 取 不 加 以 加 又 求 獲 四 竊 者 煉 廣 政 給之數 宇 臨 資 湯 積 泛 鑄 而 見 以 加 如 白 東 銅 脈 미 增 大 丹 東 綿 及 安二 采 其. 觔 多,東 足。 此 去 廠 興、大 JII 顯 不 局 諸 買 廣 衍 懽 E 年 民 露 察 至 新 西 誠 呼 而 廠 局 滇 仍 泉 得 之 今 陝 之 舊 也 Ŧi. JII 不 流 翔 此 各 銅 有 銅 秦、 久 西 貴 銅 1. 銅 局 П 踴 數 六 鑄 如 生 加 萬 大 fi. 奏 鑄 州 往 ൬ 義 冬季二 價 楚 以 所 之 + 息 故 砂, 鎬 П Ti. 開 錢 年 九 都 者 未 開 議 謂 尚 半: 氣 廠 ilij T. 期 路 又 嘧 己。 江 采 即 必 減 白 少, 卯 以 餘 多 大 之 П 羌 銅 廠之戽 月 南 矣 核 皆 Ŧ. 以 理 東 又 觔 籌 請 鑛 銅, 即 滇

銅 湯 辦 餘 倍

各

共

千二白

餘

萬

歷

歲

銅

丹

大碌

不

敷 缺

T.

本

W

奏 鑄

允 何

加

價

觔 增

民 集

T.

本

不

敷

出

之

銅

勢

必 京

滇

銅

倘

復

少,京

外 歲

鼓 紫华

所

取

之去昔,近

者十年

·, 遠

者二十

餘

年 辦

所

活,又

益

甚

矣。

而

顧

發

棠之請

銅

本

斯

有

銅

息

有

鑄

斯

有

息

辦 達 集 大 供 給工

Ł 云:

H

萬

及八

九 砂

萬

幾三十

「湯丹、大

水等

廠

開

采之

初

矣。

政

之要,必

寬給

價

給

價

旬

加 1.

4:

卯。

+ 請

年.

年

Hj.

加

亦

開

錢

局

歲 各

息

每

月

每

旬

加

鑄

之錢

法與

銅

政 先 獲

相 後

水

采

銅

錢

之息

與

廠

111

鑄

息

不

敷

加

價

而

後

開 故

采 銅

廣

廣

采

則

銅

多,

銅

名

則

户、工二

部

供

浙

閩

諸

路

供

本

本,以

廣

開

採

也

預

借

雇

值

以 路

H

萬 六 疏

金。

近

年

鑛

漸 百

溥 益

窩

路

H

遠

聚 爐

人

多,

油

米

貴

每

年

JU įщ

其 年.

Á 餘

有 矣

之數

則 銅

此 少

其

獲

息

錢 增

以

益 斷

銅 無

本 減

諸

路

之所

Ĥ

有

與

萬 鑄

衆

皆

有

以

蘇

木 费

不

亦

焉。 之便 又 後 買 減 六千 價 其 又閩 産 觔 銅 西 七千 卯 兩 滇 至 特 奏言 乃 銅 撥 運 採買 省 常 Ŧī. 銅 且. Ŧi. 于 # 逃亡 則 黔 是 H 費 錢 當 萬 觔 百 浙 古 者 則 方 Ÿ. 有十六 數 故 加 雜 繼 當 歲 銅 П 未可 局 此 린 而 情之論 滇 1. 湖 至,是陝 爲 放 物 無 此 支, 則 減 數 與 滇 有 銅 銅 免 故 브 萬 北 常 也 減 買 亦減 七 三十 中率, 路 量。 洋 銅 現 每 之民 及江 嘗 七 逮 者 價 也 而 有 也 銄 兩 銅 少, 廠 萬 積 西 滇 止 此 餘萬矣。 + 等 而 百 並 南 欠之實, 貴 欠已多 脯 銅 E + 是 逋 價 + 萬 加 滇 觔 П 有 以 州 受見價采見 路之采買 故黔之采買 必 江. 欠嘗多。 Ŧi. 頃 矣。 以 銅 停 例 易 本 兩 H 内 銅 各 萬 仍 買 銷 歲 委官 設 見楊 裕 Н. 以 路 九 實 始 舊 之 其 又 也 <del>二</del> 矣。 + 千 安 運 買三十 此 、改買 銀 減 以 買 領 非 者 餘 乾 文定 官 相 洋 74 例 誠 Ŧi. 銅 所 買之滇 惟 萬 亦 爐 隆 亦 自 貼 權 宜 百 使 請 銅 爐 謂 可 П 公始 費 了, + 納 且. 餘 九 核 矣。 放 議 繼 滇 每 減 減 而 六 其 Ŧi. 觔 萬 不 免。 通 而 銅 自 愐 百 又 銅 也。 以 年 及 籌 六 然 六 計 實 抑 勞 實 減 觔 有 加 六 銅 一 二 手 兩 數 百 其 廠 此 有 用 亦 + = 議 且. 不 鑄 價 以 又 四 新 六 者 放 務 無 諸 П 合 今 費 以 則 如 皆 開 商 + 停 免 之 路 + 官 至 者 不 之 + 歲 洋 運 以 + 鑛 萬 年 74 者 年 者 矣。 觔 與 限 買 發 П 銅 Ŧi. 廠 餘 洋 陝 7 萬 =

年, 贍 者, 采 京之額 不 不 復 山 官 由 1 通 少 諸 逮 採 止 銅 者 見許 耳。 之屬 足, 廠 銅 如 月 今 關 廠之官罰 治 固 于 本 預 何 之費 計 尺 計 奪 預 何 追 無 既 借 恃 則 罪 依 之匮 之,將 俸。 給 銅 害 于上官。 ൬ 也 顧 , 衆至千 償 湯州 乎? 子 民 至 經 之 季彙之,廠 1 也 力 每 削 徴 于 數, 使 金至 尋 廠 白 乏 欲慎 廠工 奪; 不 白 近 死 鹽 2支, 預 之進 其 以 官 六 觔 萬, 耐 法 課 Iffi 是又 借 + + 銅 後 尚 或 本 覈 實 以 斯 後 例 之底 將 以 通 所 退 有 幾 少 得 乃 名 銀 少 官 歳 給 誠 以 廠 散 廠 四 恃 萬 藉 狼 懼 Ŧi. 實 不 終 不 完 價 銅 政 欠積 本 厄 而 以 萬 其 者。 狽 規 罹 萬 兩 敢 取 廠 能 欠分數,考 之窮 繼 與 罷 實欠之數 也 調 嚴 八九錢 糾 兩 復 采; 其 之厄 采 圖 至 給 所 至十三 計 其 劾 多 責 所 于 諸 以 謂 然則 久 者 Ħ 是 發 其 限 欲 會 路 欠 遠 加 多 苦、 Ŧi. 接 也 虚 者 誠 價 數 足 非, 之采 結 此 矣。 萬 報 年 濟 今之歲 狀 課 值 可 給 辦 以 時 之油 必 限 銅 顧 謹 銅 杜. 寬 廠 之 而 銅 其 夫 買 要 完。 觔 III 安 按 按 而 廠 廠 政 監 官 出 其 緩 諸 議 米 而 乾 遂 有 所 則 尚 欠 官 其 可 急者, 又借 納 歲之收, 欠仍 乎. 廠 以 嶞 1之考 隆 銅 矣。 轄 古 可 限 以 以 又 爐 實 銅 征 Ŧ 以 所 F. 望 名 借 下 大水 多 户 罰 之罰 無 成 百 1. 然 賴 給 司 平. 惟 虚 而 撥 並 寡 以 Щ V 廠 砂 獲 干 運 皆 出

到 存 閱 之、 加 不 各 八 給 力 引 常 諸 劉 于 迫 又 廠 銀二 以 窮 處 費。」又三 廠 + 萬 價 合 苗 藻奏言: 木 鑛 狹 仿 小 整齊之者,不 自 畏 人 民 出 民 有 甚 作, 廠,奇零 廠 青 惟 須 者, 力 萬 1. 亦 産 亦 自二十 阻 微 龍 借 開 以 而 多 之心 得 月, 鑛 九 等 穿 此 墊 開 採 銅 不 + 藉 砂 得 Ŧ. 年. 中 廠 湊 也 峽 之費 政 獲 挖 新 惟 以 伯 三年 數 價 Ŧi. 預 集,不 外 嘈 廠 成 銅 大 不 乾 無 資 占 年 銀 可 借 鼓 小 能 振 民 堂 鑛 利 預 隆 前 之法 生 兩 極 鑄 不 松平 廠 起 有 白 爲 過 巡 則 萬 月 類 呕 爲 之開 理 較 Н. 者 H 之計。 餘 + 取 撫 + 奉 繁 須 初 也 未, 二 十 由 得 至 月 多 萬 之 明 儿 給 T. 旨 闢 紫 鉅 此 宜 耗 舒 其 德 年 湯 之有 涣 之鑛, 餘 加 年 竊 觀 四 本 E 所 今各 丹、大 數 非 連 散 奏 見 兩 價 幸 累 之適 之 年 獲 面 惟 明 閨 莫 也 斷 而 月 乾 多 至 二 感 餘 小 然 寬 小 裨 + 難 降 紀 言 獲 碌 息 不 戴 廠 息 廠 以 士: 所 廠 益 有 Ŀ 竭 矣。 鑛 者 銀 雲 聖 + 民 必 加 旁 中 歲 非 銅 謂 下 + 蹩 + 近 深 恩 給 六 月 煉 + 求 時 無 務 南 相 求 從 寬 萬 Ti. 年 百 之地 鑛 銅 銅 樂 利 Ш 事。 所 考 洵 年 而 愐 有 獲 九 則 價 輸 爲 高 也 疺 T. 爲 前 以 成 以 Τ. 奇 銅 廠 之 月 羣 脈 官 又 不 萬 非 至 巡 統 誠 惠 낃니 盛 以 畢 官 厚 謀 必 使 而 而 亦 1. 泰 乃 通 無 靡 餘 撫 舒 力 無

之借

本

銷

除

且

盡

獨

油

米之貨

當

以 萬

銅

價

計

而

遲

久

油 薪 效

米,資

其 廠

H 民

用

故

無

惰 以

采。

斯 銅

又 價

接

濟

之效

也

今

月 官

以

虧

廠

官 仍

何

所

洮

罪 繼

是

又

今

H

之隱

憂

也

前

廠

條

Į.

事。

户

部

議

 $\vdash$ 

爐户

貧

民 歲 能

者,猶

且.

歲

加

積

此

不已。

E

官

責 償

其

逋

慢,

坐 未 扣 貸 炭

不 能 南

能

絶

無

逃

欠

若

概 預 JЦ

令 領

經

放 銀

心之員

依

數

完

償

恐 鑛 砂

預 盈 Т,

留

餘

地 齊

自 新

措 開 那

Τ. 七

本

賴

有

官

資

其

攻

采。

硐

絀

不

之氣

不及

愐

猶

賴

以

支 本

延

H.

JЦ , 得 僅

載

此

預

借 雖

底

本

>

也

又

自 前

四

年、三十

Ł

年,先

後

陳

請

備

貯

油

米、

以

資

乃

能

杰

月

受

雇

募

砂

1

而

以

數 逃 所 年

T

兩

74 更

年

限完。

廠

民

價

之外

此

補

助

其 銀 日

寬

裕 萬 逋

不

免

仰

見

聖

明

如

神,

坐

照 多

萬 發

里

而 借

當 网

V

以

較

前

加

迫

恐 寬

承

領

之户

畏

難

觀

望

 $\mathbb{H}$ 

後 時

藉

П

遷

延

ψi

新

舊

易

爲

慮

示

敢

寬

期

月

底

本

七 久 借

多

扣 償

少 宿

廠

民

裕

今 六

借

數

既

少,

扣

數

轉

多,

H.

分

限

銅

以

逋

也

+

年

又

請

借

發

特

奉 攻

諭

日

以 能

從 多 銅

前 得 木

加

借

使

廠

民

氣

力

寬

舒

從

容

采

故

碌

碌

廠 特

Τ.

本

銀

七

萬

Ŧi.

Ŧ

啉

以

1.

年.

限

完

于

季:

發

憚 誠 Ŧ 寬 廠 發 官 轉 之考 妨 銅 成 政 俾 信 得 哉 以 斯 時 言 貸 借 油 可 米 謂 Щi 诵 無 達 虧 大 計 缺 之 者 矣 食

終無 先踵 也? 取, 川 歲 于星 之廢,雖 厚其已集之力,使皆穿 驅之不 費 矣,滇之儲備 建 以 益 什 不及大廠之十 又況盜賣 己 廠 之運 水、蒙 伍 H 息 以 無 當有事半 一火,始 儲 接 錢 油 之籍、又擇其 萬之儲 多 出 所 其 待 去 米 求 備之日 加 依 謂 自 于 地 有 也 薪 盗 銅 内 僥 次抵瀘 未 不成者,寡 僻 諸 實 | 歲之銅 價 炭 鑄,其 而 是 則 權 倖嘗試之爲 人少 又 矣。 Ш 然後 列則 給 功倍者,不 故 虚 兑 則 于 之 者 T. 涣散之衆皆 原朴 爲 小 林 右 矣 緩急之實 宣 夫惟 銅 本 既 示 面 方去 實 漏 廠 威 以 以 無 以 木蔚萃,採 矣。 ൬ 瀘 石破峽 巵 # 由 持 寬 約 乙歲之銅 復 霑 部 可不 州 廣 無 以半 于 東 重者爲之長。 丽 又不知 若 而 走 局 開 益 之旋收 鑛 此 者 廠 粤, 更開 運者既 以 諸 - 亟圖 以 董以 採 有繫屬, 也, 官 歲之期 也 待 Ш 伐 安 補甲 者 誠 幾 徒 求 貨 鑄 之 旋 曲 課 既 也。 銅 見 招 進 何 棄于 坐 爲言 來, 銅 靖 兑 此 程 便 運 久 會 徠 小 守 歲之運,又將 哉 Ш 不 今廠 也 是 略不 之 于 ± 炭 廣 之鑛 作 П. 廠 地, 抽分之課 然後 復 常 在 移 西之鑄 著之民 是 小 其 倚 亦 不 滇 走 民皆徒 莫之惜 有 停 滇 牒 方 爲 假 廠之銅 易 之生 可 瀘 黔 而 趣 境 餘 息 振 恒 以 得 轉 州 無 、之氣 苔 運 路 業 貯 局 底 外 爲 馬 聯 有 則 以 半 手 較 也 本 也 南 急 雖 歲 掠 V 後 1 大 而 涂 LI 此 2 大

于是滇 安 勞 江 甸 瀘 隆 觔 後 運 以 遞 Ł 前 價 4 廣 廣 取 脯 告迄 又以 尋甸 陸運 往 州 七年 供 驛,又以牛三百 遞運,少者數十頭,多 西、廣南之間 南之板蜂, 雇 凡 並 浙 又有催督之令, 運 而 轉 既 募。 籍考之。 半. 依 廣西 之銅 之正 又官 T. 閩 官之至者,皆 東 運 昭 威 曲 數 川 及 每 面 陸 通之鹽 寧 解 一停鑄 之由 耗四 買 既 湖 會 至夏秋,觸 亦 舟 永善、 運 京,是 馬 始雲南 過 北 部 抵 可 **华** 經由 行 百四四 昭 威 議 永 達 t 以 井 合其 湖 通 運 黄 寧,又 爲 寧 改 + 製 口 達粤 渡 永 南 之鑄 十餘 草坪 1. 何 加 鎮 始 寧 運 八 以 車 者 Œ 冒 九 爲 運 廣 雄以 也, 滇 頭 時 設 西 11] 通 錢 耗 瘴 廳 萬 東之 以 年 而 銅 兑 之百 舟 亦 傳 車 霧,人 Ŧi. 餘 州 運 乃 下 則東川 達 悉 遲 發,次第 威 行 由 縣、各 乃 百 京 銅 分二 之水亦 額 以 哉 永寧 曲 寧之羅 至 色 抵 東 百 也 停 銄 馬 東 4: JII 瀘 七十 之運 百 百 廣 者 並 Ŧi. 以 JII 而 曲 皆 千二百 若夫籌 矣。 起 74 八 百 地之遠 通 尋 尚 停 經 後 廣 病 八輛 星 行 + 之 + 銅 甸 運 買 迤 14 渡 于 鑄 + 4: 故 九 分 萬 邏 府 既 永 百 歸 分 運之法 四 又 並 是 萬 八匹 常 寧。 H 運 由 近 陸 無 人 年, Iffi 設 通 滇 大 東 尋 畏 先 漢 運 水 坐 以 運 九 T 111 則 運 Įį. 分 阻 期 以 守 金 至 甸 小 驛 江. 萬 京 設 餘 轉 達 沙 後 達 嘗 尋 抵 乾 不 給 雇 而 之

官 也 盛

熟户 買 也 其 蜀 1之買 小小之 之馬 鮮 羊 法,滇 既 半. 馬 更 須 至 頭 逕 昭 雇 一,東 車 È. 牛 往 諸 遠 諸 久,官 抵 通 今 多間 領 以 運 廠 客 涉 宣 與 運 時 路 遠 瀘 之 馳 常 運 銷 烙 産 委官 廠 銅 臨 之勢 矣。 旁 威 州 阻 14 各 遲 雖 皆 輛 以 民 前 其 安 既 郡 矣。 皆 火印 皆 借 逐 以 也 乏, 有 相 借 是 而 踵 後 縣 路 習, 就 銀 分 運 地 恒 呼 以 故 義 行 之牛, 然 庶 廢 垣 期 H 至下 之遠 六 南 往 之矣, 扣 借 應 都 部 委官 曠 有 東 雖 之 歲 兩 飅 買 銷 既 牒 4. 以 時 濟 Ш 青 定 有 井 銅 銅 關 近、 既 常 數 難 保 買 乎? 守 月 空 龍 議 使 比 皆 盡 居 昭 皆 下 價 黄 候 自 由 銅 乏 尋 其 又 諸 運 其 通 滇 草 之多 有 歷 雇 大 是 則 而 以 近 而 載 甸 之馬 然 彌 銅 常 每 大 坪 時 理 以 Ĥ 义 雲 農 廠 及 運 無 半。 勒 猶 之 以 侣 以 借 今 寡 南 運 府 在 縣 事 逋 爱 4 冬 有 與 則 馬 之。 經 年 之報 轉 而 水 威 之竹 4: 逃 咸 難 有 雲 夏之杪 雇 半. # 發 始 撥 寧 紀 馬 焉 募 赴 會 南 給 DE 故 之司 亦 之。 出 議 皆 杰 與 黔 者 之法 廠 袁 無 白 借 府 官 得 雇 其 境 出 尋 有 暇 色 領 村 以 銀 價 受 者 勝 採 計 諸 運 粤之買 運 所 甸 定 運 下 七 之 以 夏 然 買 雇 常 數 路 者 先 規 而 治 之 之 之 H 兩 後 待 秋 皆 運 慮 之 皆 委 分 扣 由 議 黔 廠 見 銅 官 撥 委 遲 瘴 登 策 4: 官 銅 行  $\mathbb{H}$ 有 存

此

月

憂,委官 舉 西 運 分 奔 村 其. 府 而 發 走 誠 時 比 廣 以 以 緣路 矌 實 使 南達 有 于 收 知 善 減 以 廢 置 安 發 府 備 之時 郡 諸 缺 開 白 郵 責之巡檢 綜 矣。 縣、各募 路 銅 之樂。 色, Ħ. 之采 不, 哉 夏 發 並立 秋 運 能 買 如 盡 Ŧ 運 以 若 如 運 又 其 撤 户 更 時 mj 是 錢 暇 運 借借 依 給 盡 歸 則 之舊 時 臨 買 運 委官 運 農 以 安 又 錢 停運 迤 官 间 之制 即 本, 14 分 路 至 非 運 運 諸 輒 南 則 運 多 京 之 廠 尋 買 人馬 以 貯 之 買 之 銅 甸 運 諸 竹 銅 銅 馬 銅 去 路 盡 袁 無 之半 4, 耳 亦 瘴 陸 貯 貯 村 加 之雲 之失 癘 按 運 <u></u> 之 速 竹 2 復 由 站 之

價

有 袁 南 也 然

接

廣

于

並

驗

器 銅 朔 逵 過 論 言 期 器 及 刑 0 寺 有 隱 佛 敕 寶 通 差。 觀 若 像 源 立 鑑 局 鍾 , 不 監 鑄 Ŧi. 磬 原 輸 採 錢 十 注 鈸 乏 銅 唐 Ŧi. 日 銅 洪 鐸 鑄 世 斤 武 内 之 請 宗 錢 9 以 類 悉 + 顈 郡 上 自 聽 年 縣 德 其 丰 几 雷 收 輸 兀 月 兄 罪 縣 外 官 年 間 死 Τ. 官 廢 其 九 部 給 法 銅 不 右 餘 月 其 物、 以 侍 及 民 丙 直. 資 郎 者 間 軍 寅 鼓 秦

者

遠

白

舟

猶

0 元」,《 資治 通 鑑 》卷二九二作「二」。

持 責,必 天下 則 以 謂 化 侍 鑄 楊 天道 上 Ψ. 布 氏 佛 人 臣 前 廢  $\exists$ 至 , 苟 施 邪 之難  $\Box$ W 銅  $\Box$ 毁 廢 唐 有 器 志 忱 者 武 若朕 限 鑄 物 卿 Ħ. 於 錢 唯 以 宋 斯 輩 本 周 吾 輸 善 \$ 徽 身 以 武 勿 官 皆 聞 可 帝 便 斯 袓 出, 以 其 民 佛 耳。 道 以 爲 毁 奉 有 今欲 而 在 濟 民 惜 佛 佛 司 攻 害 利 民 其 急 釋 爲 矣。 甚 取 降 人, 於 矣。 疑 民 與 年 亦 奉 廢 元 不 雖 彼 承, 非 夫 姑 銅 永 魏 得之。」 以 銅 所 頭 佛 小 太 盛 鑄 民 像 武 惜  $\exists$ 以 績 錢 同。 迫 岢. 猶 也 善 F. 不 於 朕 究 0 捨 所 道 謂 其 恐

王 兀 時 昭 市 遣  $\wedge$ 遣 銅 尚 Ŧi. 使 於 代 書 者 高 史》: 水 貢 麗 部 黄 以 員 銅 高 鑄 外 Ŧi. 麗 郎 萬 錢 地 斤 韓 産 顯 彦 銅 德 卿 銀 六 以 年 帛 唐 高 數 世 宗 千 麗

## 錢 面

自 古 鑄 錢 若 漢 Ŧī. 銖 唐 開 元 宋 以 後

兩

重

少

無字

謂

之

陽

有

字

謂

之

陰。

儀

按唐 處者 陽。 立 名 書 底 陰 各 曰 原 户、「工 鑄 之 : 年 注 柳 與 遂 會昌 錢, 有 古 號 仲郢 一廢 自 此 漫 天 者 錢 款 昔 之。 京 同 傳 亦 中 等 啟 鑄 識 作 義 師 以 皆 謂 大錢 金 之「幕 也 爲 淮 字。 錢 模 爲 京 南 沿 之 面 始 貨, 凡 襲 錢 節 錢 有 有 鑄 近 見 既 器 度 其 밂 字 字 年 使 久, 未 漢 物 益 陰 處 乃 幾 兩 書 李 之 雜 則 爲 遂 有 紳 面 識 字 紀 陰 武 而 以 西 别 請 無 ,崇禎 宗崩 域 天 漫 或 必 鑄 無 天下 字 傳 下 處 號 書 字 字 亦 爲 於 宣 以 錢 於 如 處 儲 亂 舊 背 其 州 有 漫 鏡 爲 泳 唐

疏: 爲 多 錢 則 重 筮法, 少 錢 九 爲 也 古 原 單 ; 注 = 用 錢, 多爲 凡 木 單 言「多」、「少」 書 錢 交錢, 地 則 今 七 交 則 也 錢 用 皆 兩 錢: 則 歸 少 六 餘 也 之 數 多

乃 陰,陰卦多陽」之意 爲交爻,爲陰;二字 此 爲 字,以一 錢之背 拆 [原注]今人用 錢,拆錢 字爲主, 也 則 碑 故 一漫,以 錢 八也。」今人以錢 之背 錢 爲拆爻。 以 以 筮,以三 亦名 有 漫 猶《易 字 一漫爲 爲 爲 處 主,故爲單爻; 陰 爲 傳 重爻,爲 陰 所 統 云 者 是 陽 陽 知 猶 卦 字 如 多 漫 字

+

E

#### 短 陌

錢 王 偶誤耶? 鐵錢之故,商賈浸以 以 錢,不復計 嶺 容齋以「自破」爲 氏所言 東,八十 以 以 東、「汝 隋 + 非 愚核 爲 數, 書 也 爲 百。」《容齋 愐 成 兩 白 而 惟 食貨志 句 書文義,「自破」二字無屬上爲句之理 案』《隋 破 論 ,寧人乃讀 好許自 名 嶺 貫。 無 日 書》原 筆 此 商 **\*** 破,嶺以 東 地 日 旅 名, 作『白 錢 更其 文云: 姧 詐, 破 梁 東」云 破 文日 因之求利 江 「交易者, 或 人領以 大 郢 同 Z o 庾 梁 東」,豈 以上,七 後, 武 一字之訛  $\pm$ 帝 以 氏 自 自 時 傳 破 車 云: 以 破 寫 嶺 載

以

詔

指田之阡陌當从「阜」、《漢志》或从「人」,蓋古字 犯,男子謫運,女子質作,並三年。] 沈存中 暮三,衆狙 注》《梁書 九陌 者,借陌字用之,其實 三十五 下 長 爲 」字皆从「人」,今俗書作 豈 自 而 錢 百 今可 直 錢 貫 人 或 陌 皆喜。 名 武帝紀》: 有 中大 不從, 通 減 爲 異 日 除 用 則 百。 政,乃至 足 物 名實未 西 同 陌 貴 錢 錢。 十文」。 中大同 錢,令書 元 唐憲宗 陌 只是百 陌 家 虧, 年 足 益 有 京 則 而 阡 元 殊俗 乃 少。 字,如 行 物 師 喜 年 陌 元 賤 後 詔 七 怒 以 而 月丙 和 宗 爲 百 通 什 至於末 徒 九 至於遠 皆 用 中 日 長 與 亂 用 从 Ė +寅 伍 爲 Ŧ. 慶元 頃 詔 足 「阜」,非 爲 「百錢 期 耳。」「仟」、 制 方 京 聞  $\Box$ 陌 年, 百 H 若 無 外 師 通 年 謂之 猶 益 更 間 朝 也 用 用 遂 名 原 有 民 滋 多 Л

陌

伯

甚。

用

財。

錢,每 成 錢 每 以 貫 宜 陌 所在 每 纔 貫 八 用 至 頭 十五五 一例, 昭 錢墊 宗 末, 除 陌 河 墊 不一,勑 京 南 八十,以 師 府 以 以 穆 八 内 八十爲 白 外公私 九百二十文 Ŧi. 十一爲 陌 給用 原

以 陌 爲 百。 詳 旅,凡 +; 制 隱 錢 同 名男子斡魯補 食貨 宋 獨 |今市 還 ,謂之短錢。 爲 錢 帝 事 百。』《金史》言:「大定中,民 舊 出 初 志》: 有買賣,並須使八十陌 + 百者。 諸 無後唐 時, 肆交易,並 唐 人 者 出 爲 州 書 凡 抵 「唐同 短 七十七,謂 入皆以 「王章爲三司 私 莊宗事 陌 輸 哀 陌。 如 太平 用 帝紀 官 此 遂爲 光二年,度支請 以八十五文爲陌,不 者上言 ',寧! 者, 官用 八八十 則是 則 ·興 人未 天 而 定 各 或 亦 之省 足陌, 爲陌, 晉 隨 祐 見薛 抱 制 中 用 錢。」《 使, 謂 。」衰 其 時已有之,不 朴 八 年 史 官 詔 榜 陌 俗 子 四 H +也 謂 聚 章始令入者 示 \_\_ 所 \* <u>\*</u> 司 月 季之 知 得 府 至 或 斂 丙 之 (王氏 所 間 在 ^ 録 更 州 辰 宋 》致短 八 刻 有 長 有 以 用 以 縣 朝 史》言: 改 勑 + 急。 以 鎮 錢 取 錢 八 七 云 移。」 河 陌 軍 . 始 與 皆 + + 四 五. 人 南 事 薛 民 舊 漢 府 大 於 亂 當 爲 爲 長 七 +甚 商 史

> 梁 數 兩 每 貿易議錢, 百,近又減至三十 趙 當 銀 氏 也 云」高 之令矣。 錢 絶也 直 今京 好 江 百 ・邨《天 錢七十文、低 實 師 三十五文已是七十文,于古七十爲 文。 則 錢 禄 用 按京 以 識 Ŧi. 餘 +; 師習俗 錢 + 謂: 續 爲 百 「京 通 四十 陌 以 考》記 師 官板 以三十 文,是: 亦 錢 嘉 宜 靖 前 禁 三文爲 當 明 止 年 兩,凡 百 詔 有 0

鈔

不

甚

懸

緡 重 即 患 示不 錢 如 之重,乃立 今之會票也。 鈔 三年爲 便貿易,於是設 法之興, 界而 因 此 於 法。 宋 换之。 前 質劑 張 代 唐 詠 憲 未 之法。 天聖間, 鎮 宗 以 蜀, 之 銀 爲 以 飛 遂置 交 鐵 錢 錢 而

0 亦宜 禁止」 據《校記》, 鈔本作 視梁之季年 部 啟

司

終

不

可

行

而

啃

其

亦

未

察乎古今之

初

禮 務。

科

恵世

揚

及崇禎末有蔣臣者,復申

其説,擢

爲

户

卒不

能行。

及乎後代,

銀

日

盛

侕

鈔

日

微

行鈔法,至禁民間

行使金銀,以姦惡

而

若正言之,猶紙錢也,乃以爲文,何邪?」故洪武

法,特官券耳。

不

知

何

人目

爲

「楮幣」

遂入殿

試

御

題

初

欲

勢

不

兩

行

·', 灼

然易見。

乃

崇

禎

(之末,

倪公

兀

一路掌

户部,必

欲

行之,「原注」行鈔之議始於天

爲沿邊

羅買之計

比

錢

齎

擎、民

便

之。

稍

有

以來,皆未嘗

有。

宋

紹 銄

興

初

餉

不

繼

造 甚

此

以

誘

商

旅

交子務。「原注

》《元史》劉宣言:

「原交鈔所起,漢、唐

礙

即

用

見錢,尚

存古人子

母 易

相 於 軍

權之意。

H

增

月

益

其

法 滯

趙

孟

頫

亦言:

一古者以米

民生 乃宋時

所須,謂

之二實

之,謂

無

錢

爲

本,亦不

能

以

空文行。

今日

上下皆

銀,

輕

裝

易致

而

楮

幣

自

無

所

用

原

注

周

·必大《二老堂雜誌》:

近歲用會子,乃四川

交子

郡,金

人襲

而

用

之、皆

出於不得已。」

然宋人已

嘗

論

銀、錢 **寝弊**。

與二物

相

權,謂之二虚。

鈔 絹

所創,施

於

邊

义、 之。 **デ明** 用銅 俸米折支鈔者,每石增五貫爲 子,禁用金銀矣。三十五年十二月甲寅,命 者,掠治其罪,十倍罰之。 錢交易,每鈔 三年五月庚寅,禁使銅錢。 賈所有 請 者,故詔禁之。 貫」云云。 花 以 闌 出 兩。」考之《實録》,二十七 桑穰爲料 史・ 其等凡六,日 榜禁約、令錦 横題 錢矣。 百文。 議 銅 食貨 錢,有 者 若 其 每 額 其 但言洪武間鈔 志》 Ŧi. 貫折 《大明會典》:「洪武二十 可 鈔 制 (原注)其時即 百 日 衣衛、 收歸 「大明通行 方高 洪武 文 貫, 銅 則 質, 錢二文。 官 畫 Ŧi. 八 準 上從其請。三十年三月甲 尺, 年,造 錢 城兵 依數換鈔,不許行使。」「正 Ŧi. 時 錢 丁 文爲 百文、四 寶鈔」,中圖錢貫,十 鈔 廣六寸,質青色, 馬 監 既 有 文、 大明 法 司 Ŧi. 察御 以 不行,而 年 巡視, 銀 串 錢 通 寶 百文、三百 史蔡 白 八 鈔, 餘 行、「沈氏 十貫。 兩 七年,令軍 六十折 有 月 如 市 命 愈 四 以 廛 其 丙 民 濟 銅 外 貫 制 亦 以 文、二百 間 戌 錢交易 仍 串 爲 鈔 準 而 是 爲言 日 通 横 以 統 民 黄 搋 爲 或 禁 行 貫 案 + 商 金 減 文

四 五三

年正月 行。 屯戍。 禁金銀交易 初 世 貫朽爛 至於 以 允 能 而 賞。 造 鈔 行 興 行 於是 ,利之臣,慎 滯 輭 之不 也 鈔 其 不堪 戊午,詔自今有犯交易銀兩之禁者,免死,徙家興 蓋昬 兩 閣 熟 之後,不 相 [原注]永樂元年 犯者準姧惡論。 有姧惡 易 利 用 交易 爛 「原 者五十九 而 敗之物,宜其 倒 注〕正統十年, 而 并 無言 换出 過 之條 錢 人自 萬三千 數 禁之,廢 此 入之弊,必至於此。 年, 首者,免坐,賞 四 ,充賞之格, 有 可 月 能 錠 矣。 Ш 丙寅, 弗順 而 首 有奇。」勅令焚燬 西 堅 其 捕 布 以鈔 者 政司 剛 於 法 以 與 人 可 法 E 而 奏 所 首 情 久之貨 不通,下令 漸 交易 卒 捕 庫 可 亦 壞 而 金 貯 乃 不 不 卒 後 州

給 烹鮮之理,就揚沸之威,去冬日之温,用 民 民,父死以 で多易 事 中 自鈔 而 T 執之者矣。 法 環,●奉使 銀 行 誉 圃 葬 獄 具, 訟 至 「原 而 滋 四 注 坐 多,於 JI 並 以 永樂二年三月 遣 徙 是 親 邊 吏 者 有 以 矣。 江 夏 銀 秋 有 縣 舍 誘

> 飭。 茶之密。 事 知 而 凡 平. 可 幾也。 1 爲 然其不達於天聽,不登 也 ? 天子 《孟子》曰:「焉有仁人在位 若鈔法者,其不 亦 知 其 拂 於 於史 人 情, 爲 (書者, 图 而 民 爲 之 一岡民 之戒 又不

肆 納 收 流 德 又 贖 欠羊皮、魚 注 二永 元年十 令 鈔。 鈔 門 罪 通 樂 倒 鈔 攤 元 Ŧi. 於是 又詔 法, 月 死 課 原 文史》: 年 乙亥。 注〕二十二 虧  $\equiv$ 程 鰾 凡 月 陳 欠 收 賞 世 甲 課 瑛 翎 又令塌 馬 鈔 中。 賜 毛 程 祖 祖 馳 0 年 宜. 等物 之,請 至元 等畜 「原 + 又 贓 多 坊、 月 詔令答 罰 注 給 並 癸 + 並 果園 等物 卯。 洪 通 幣 輸 七 輸 熙 計 帛 年, 鈔 杖 鈔。 又 元 悉 户 舟 年 **\$** 課 定 中 輸 「原  $\Box$ 車、 īE. 權 等 程 書 又 鈔 月 注 令各 食 宜 裝 庚 增 輸 省 沙沙 「原 寅 鹽 多 議 市 鈔 載 官

<sup>● 「</sup>環」、《明太宗實録》卷二九作「琰」。

三年 癸卯 罰 老、旗 罪 其 以 追 並 ¨, 有 鈔 關 重 納 五月辛丑 萬 萬 鈔 閉 鈔 有 甲 不 貫 0 貫 舖 而 阳 知 用 入官, 店、 原 鈔 滯 知 情 鈔 注 而 鈔 不 情 潛 不 四四 愈 法 全家發戍邊遠 行 不 ·首,依 自 貫 年 不 者 首 六 「貿易 者 於 ()令有 月 미 罰 罰 <u>I</u>: 行矣。 是 千貫。 犯 及擡 寅 納 制 司 者 千 爲 今之鈔 於 高 貫 阻 所 原 貫 物 原 注三 滯 關 犯 罰 價 親 注 始 鈔 人 ĬĔ. 之 鄰 百 此 年 法 每 六月 統 貫 貫 里 之 欲 1.

燬 鈔 兩 統 已造完者, 當鈔 元 委 年,黄 宣 Ŧ 官 天子 餘貫 德三年六月己酉,韶口 福 選 疏言 不能 悉 揀 收 堪 與 洪 庫 用 萬 武 間 者 不 物 銀 争 備 許 兩 權 放 賞 當鈔三五貫,今 信 支。 賚 夫。 停 不 其 造 「原 堪 在 新 者 庫 注」正 銀 鈔 燒 舊

船 鈔 大明 至 宣 會 德 典 間 **\*** 始 設 或 鈔 初 鍋 止 有 夫鈔關之設, 商 税 ,未嘗有

> 爲 罷 所 本 謂 利 矣 藉 國之一 「以待來年」者乎? 以 原 收 注 鈔 如 孔 而 果 通 袁 而 鈔 菜 因 遠 法 仍 之征 也 不 革 未 鈔 0 久 既 前 贵 罷 停 非 戴 乃 則 盈 猶 歸 以 宜.

見鈔 苟 官 璞 寺議:「今後文職官吏人等,受枉 千二百貫之上,俱發 絞者,有禄人估鈔 至正統五 吏受贓 非 累奏: 直之低昂矣。 更革 宣德中,浙 「洪武 ,刑必失重。 年十一月,行在刑 枉 法 八十貫 初 江 鈔 八百貫之上,無禄 按察 北 重 律絞。 乞以 方邊衛充軍。」 使 物輕 林 銀米爲 部、都察院、大理 所 碩 方 今物 以 江 法 [準。] 未行 當 西 臟 人 重 時 亦 估 副 比 定 鈔 可 鈔 律 使石 輕 以 該

# **僞** 銀

今日上下皆用銀,而民間巧詐滋甚,

各減一 之罪 者,過十貫  $\pm$ 淳 省 漢 易 鑄僞黄金,繫當死。 百 錢、僞黄 者,杖一百,徒三年。 專 非 爲盜 一削 一年六月,依 弃市。 ,詔「僞作黄 日 金 時 犯。 造 直 不下 縣 用 此 紿 而 不 等。」其 侯  $\sim$ 夫刑罰 市 黄 種 · 操 金 漢 列 於僞 人, 原 金 僞 以 弃 免國。」宋太 矛 侯 儀 注 物 Ŀ 中 市律」,造僞 且 弧 注 坐 孝 世 金者棄市 劉更 法 黄 武帝元 , 所 書門下奏, 或 耐 景 至 者 既輕,而 金 輕 生 用 累 金 中 在 金 也。 以典尚方,作黄 世 以 一
失
侯 爲 + 六 集 面 少 鼎 祖 重 欺官長。 不 累百 從 衆 年 律 : 重 開 黄 五年、「飲 又不 以 者 視 及 如 + = 決 於 寶 金 而 「凡僞 百 其 知 用 殺 斤 以 鉛 唐 几 與 之, 情 餘 敝 必 \_\_ 兩 月,一 鉛 錫 金不成 文 年 私 濟 行,故 買 及 何 余宗 耐 錫 今 錢 + 鑄 造 殆 南 (使者, 色惡 如 定 錢 僞 交易 月己 少 太 錢 金 所 人 , 劾以 爾 者 民 交 和 府 鑄 銀 如 銀 謂 家

> 必爲 民間 代 斂,爲僞銀,以 金三 朝廷者矣。 偽 銀 者 易,宜比 ΙĒ 史・ 統十 己皆 此哉 兩 慕容 一發邊 0 崩 致也 年三月癸未,從順 前代之法, 真之重辟 銀, 彦超傳 庶 衛 鐵爲 先遣 充軍。」 故 可 以革姧 彦 質而 着 使來言。 超 鐵 至作僞以 而 銀 胎 景泰元年十 包之,人謂之鐵 銀。 而 天府 是則法之不 反樸也。 〔趙氏 射利。 大興 日 縣 月 若 □慕 行 原 知 胎 賞 不 「楊氏 縣 注 遂 銀。 容 能 馬 北 彦 有 市 聰 實 想 蕃 超 日 以 易 録 其 好 此 有 何 時 聚 Ŧi. 造 欺 假

水 職 衡 金」之遺 都 漢 尉 既 其 以 意 錢 屬 爲貨,而 有 辨 銅令丞 銅 之爲品 此 亦《周官》 不 齊 故

日知録集釋卷十一終

❶ 「北蕃」,據《校記》,鈔本作「虜酋」

# 日知録集釋卷十一

崑山顧炎武著 嘉定後學黃汝成集釋

# 財用

平。 幣 月 萬 輕之,故人君斂之以輕,民不 原注 人主之私 之 君散之以 丙 千室之邑必有千鍾之臧 使萬 午 〕孟康曰 古 :詔 也,將 人 藏 制 室之邑 重。 也。 幣 以 經,錢貫也。」齊武帝 以 粟 以 導 《食貨志》言: 凡 必 帛 權 利 輕 有 輕賤,工 而 百 重 萬 布 貨 斂散之以 鍾之臧 之上 之 滅 輕 商失業 足則重之, 永 「民 下 重 明 繈 時 臧 Ŧī. 有 非 百 錢 良 繈 餘 年 萬 則 以 爲 由 九 T 準 故 則

收,歲 當口 場,依 錢 睘 業 時 首 錢 錢 或 單 涸 知 庫 舊 而 也。 元 益 億 法 · 而 錢 五 積 所 估 穆公有言: 錢, 「原 议 傷, 加 + 和 萬 久 Ŧī. 於 時 居 無 優 市價交易。」今日之銀 乃歲 八 廢 流 注 + + 萬 内 評 易策言: 糴 以繼 + 輸 年 通 之 貫 斛 萬 南 府, 納 米 E 年 应 之術 齊 歲 貫, 一。 十 二 上之求 臣 臣 穀、 幣 豫 **令** 以 百 或 月 微 绝民用 章 稍 後, 令京 兩 敕:「以 絲 ,於是銀之在下者至 恐 滯 優  $\pm$ 數百萬, 「今天下之錢 寡 市 評 嶷鎮荆州 穀 綿 其弊 於 然後 者, 收買. 之屬 兆 年 帛 私 以 可 增價 之價 錢 家。 實 府 正 必 **\*** 貯之京 民 布 重貨 以 王 揀 月 更 耐 其 京 猶 帛,每 穀過 轉 窮 取 府 若 又 擇 甚 師 和 之。 經,出 賤 日 猶 而 敕 復 夫 要 賤 於 價 及 庫 以 盜 聽 前 日 便 農 端 今 唐 以 四 塞 起矣。 減 民 月 於竭 而 代 處 出 匹 内 日 桑之 優 方 Ш 以 \_ 0 徵 之 開 庫 黔 出 不 内 視 原 米

四五七

流 静 憤

者,民 民 隱 賈 物 也。 也 也 者 易 知之矣。 有 物 錢 丽 姚 法貸之,而 間 衷,而 無所牟大 京 子 幣 截 也 主 爲 刑 物之不售 平準 師 斂之使 間 Ď: 厭 然三 部 之本爲 獨 潢 不時 絲 禁物 用  $\exists$ 争 者 《詩》曰:「不弔昊天,不宜 郡 擁 汙 物 利 法 以 粒、 利 「百姓 世 國之官 得,有以資之,然後民 無 責以 也。 騰 胡 多 也,計 也 之壑矣。 以 言 滯 京師 而 踊 氏 上 藏 官 可 皆以 息。 瓦 物 資之使 日 尚 伺 斂 下 馬 不足, 自 於 官 臣 賈不 〕周之泉府 美其 其 之, 子 民 内 附 椽 通共之財 分主郡 古 此三 上 賤, 長 府錢 所不 然 非 名。 至 會 無 因 者 以 而 官莫 京 騰 後 匮,皆 法 君 己 堪 貨 來 師 民 乎 國 踊 均 同 被 孰 籠 督以 之官 之,遂爲天下 售 物 ? 無 漢之平準,宋之均 無 異 輸 罪 于 郡 非 有 「, 非 雖 與足?」古人 者, 乏用 滯 之辨,不 于 諸 牟 而 與 貨 重法,不 伺 此 民 漢,不 官 或 路,籠 Ė 利 其 商 以 莫粥。 貴, 亦各 非 無 非 窮 供 賈 也 空 爲 以 以 能 可 物 他 財 于 争 貴 避 使 有 皆 賤 害 我 也; 利 不 自 京 盡 朘 又 富 官 以 故 故 家 贖 知 師 師 以 下 市 是 商 輸 爲 賣 買 泉 輸 也 其 之 知 之 發 抵 使 易 其 大 其 民 之 府 市 ൬

賤

聚 不 整 羞

約, 慮,户 賤 長之志也。 以繩 斂, 富? 嘅矣夫。 羞之,矧天子之貴 之資,奉 齊之。」夫以無欲 也。 淡 而 珰 素 而 品 薄 傳 令其 亡 無益習俗之靡 夏 鹽 封 先海 其貴,察其俗 故 貨 若乃懷 僭 積 鐵、 其言 殖。 鞭箠 兀 民 貯 于 内, 且 酒 夫 君 仿 Ë. 夫人 余謂 物 酤 貪欲 夷 兀 無 效 長。 力 婦 蠻 均 校于物之盈 淫 爲 「善者因之,其次利道之,又次教 主之求 不 凋 乎. 以 以 ·使人徒自患其 而 輸 侈, 心、以禮教 又 雄 然。 見 敝, 競 如 念里巷之徒 略震乎 以 其政,觀 黔 去 恐 大 嗚 蓋子 帝 利 首 廉 失 亂 呼 王之富 者, 恥 其 之故 恨 絀 當 長 敝 爲 而 意。 古 其 恨 世: 見 而 于 術,人胡 逐 曷 財,懷 靡 焉 th 其 物 以 親 逐 利 促 及 極 思 以 時 者, 制 此 些 資 其 知其 取 哉 所 細 促 始 度 天 必 民 什 啜 伺 勝 弗安? 賢 子 促 防 也 之役 逆于 敝, 之, 汁 睨 方 士: 禮 不 不 之行, 牧 秦 此 故 終 用 行 木 俗 能 長 誨之, 始 H 或 爲 之末 蓋 譏 至 于 刻 以 1: 其 皇 之 奚 足 其

此 之中年,「有亂 與其 財 聚 聚於 於上, 人主 政 是 同 謂 位 無 或 寧 之不 具 聚 乃 於大 祥 貝 玉, 臣 不 幸 總 昔 而 於 殷 有

可

1 婦 統 屬乎下者也。

大學》之言理

」財,日

生,曰

食

日

爲

天下同利者,天下持之。擅天下之利者 易》曰:「涣,王居无咎。」《管子》曰: 「寶」,貪濁之風,亦已甚矣。 今天下之人皆知致力,上不 後之有天下者其念之哉 恤災厚下之大政俱不 鉅橋之粟、聚於人主、「原 (税以實鹿合之錢。」 而 數十庫者,有云其説 财 終。」 故 及紂之身,「用 年之事,可 此 · 曰 于宸 出 用 堯 非 用。 而 足,故 圃 天下 衷, 른 之禪 有 過董其 夫生與 周公之繫 而 百 之小 得施 承 量人 盤 志 平 舜 (綱紀 成。」若 爲 〔楊氏 不者。 庚 爲 H 前 故 ,遲之 爲 也 久 永 與 猫 出 X 徒 事 出 त्तां 年之通 耗羨 分考成。 又直 른 美 漢 周 協 爲失時。 家之休暇, 就異日計之,則所入殆不足供所 此 以 之税糧 臣 每年所入三千六百 府無妄費,是節之無不至也,過 冗兵,省冗員,行 急可 則 前 軍 悉,然事無有要于此 贊遠謨,是爲 觀往古 日 開 爲横 征 食與 歸 隸 修 邊外之屯 有上供,有送 得 税 俾 追 今直 (用,權 日 以臣等身荷 征 而 承平之餘,每 水 而 有盈 亦 寬 改 舉 暴 利, 不籌一 止以 然 捐 斂 省 也 負 操 餘, 監 部 有 田 錢 矣。 節 國。 八九九 乎上 之款項 萬、出 餘 臣 以 鹽 糧 何 開源 儉。 使,有留 至請 不 厚恩,備官臺省 然就今日 也? 課 俸 養 者,固 雖 者也。 分爲 以乏財爲 可 今行伍. 有 飾之外, 閒 節 亦三千六百 其 捐 以 散 溢 流之法,爲 臣 準。 事 頃 不 州 道 充公費。 額, 聞 非 至 見 能 計 此 府 無 重 催 思,其 宋 # 是取之亦 存 至 通 臺 則  $\Box$ 默 之, 大員, 虚

鑒也

Ē

天下

謀之。」嗚呼,崇禎末

譬斂」, 鹿臺之錢,

焉,遂變而

成

中興

(之治。

各 臣

省

爲

計,合三十

萬

食

不

可

謂 疏

請 直

定

會

計

内

稱

倒戈,自

. 燔

之禍

至

矣。

曰

几

海

困

窮,天

禄永

注》、史記

殷本紀》:

「厚賦

貨

之規尚

似

未籌乎至計。

禮

Ě:

又久,則 少有窘

切苟且之法

隨

之以

起

乏,則

蠲徵平賦、

供

億浩

繁,損上

益下之念無日

不 供

廑 所

柴御史曰〕理

財

者,使

所

入足

〕崇禎之末,有云見銀尚

有

太祖

之有

天下

也

舉 法 給 愐 斷

數年

-之俸

飹

散

遺

息

也。

以

臣之計

三者行,而

後

良

留 張

至 居

少,

而

Н.

地

T 以 萬

有

īE.

當

國

乃 明

則所

入僅

供

所 明

出

無

不

至

也

過

皇上

一之仁

或

萬 以

世

無

弊之方,是

而

不能少竭

涓

埃

非

弇

昧之見

所

能

科

有

破

分。

即

曆 +

刻覈吝

嗇

矣。 無

唐、宋

籍,

廩

給

枝

官

宫 汰

時

之議

不

過

日

用

不

П

謂

舒 寡

矣。 矣。

枝,不 令其 令前 帑 散 古 卒 此 請 處 必 内 時,已十不及 昌 以 餅 汰兵,行市 力爲之耗 中 Æ. 身披甲 而 外 及漢軍 國之兵 遣 如 給之也。 金,爲之建堡墩 多水 耐 徒 復可資滿 八陸續 更不 有幹 食,男 不使 往 有 資 順 仕 居 明 泉肥 治之時, 靡 不農,仰 前 升 在 略之大臣 之宗室, 出 只 住。 費 四十不得娶,女三十不得嫁。 易、 往。 科 京當差外 旗 今滿 + 美之 則 洲 Ŧį. 神宗思 其 免役 六 莫若令其分地捐資效力; 之生 皆 將 此安頓 惟 蓋 萬。 所 洲 給 地, 此 來 而 宜 耕 起 前 令其 宗 之法 不 計 Ŀ 蒙古、 П. 之田 往,分 設 衍爲 革其弊,于是 近 屋 至 禄。 可 一之弊必 其家之次 仰 滿 廬 法 英宗 農 H 以 其 不 給 洲閒 十; 安 至中 隙 即 道 廷 漢 置 籌 生財, 逐 于 頓 治 操 付爲 耕牛 臣 軍 巡 通 年. 如 官 而 散之法也。 - 葉以 平. 演 理 如 變者 各 1 北 發 而 生 查 而 年 顧 永業,分 農具,令  $\pm$ 有 則 宋之養兵,下 往 果 不 計之艱 沿 國 後 間 餘 安 琮 也。 Ė 軍 數 有可 八 至 邊 事 Т, 等 石 旗 乃 臺 年 何 此 局 É 臣 行保馬之法 共 百二十 之後, 難, 至 之人,養 年 力 各 屯 俱 也 後 其 帶 于 去。 竊 漢軍 之處 ? 篷 扣 能 曾 有 旗 至 視 1. 以 Ŧi. 完 耕 願 滿 請 而 皆 -之弊 奉 明  $\Box$ 康 力 滿 白 萬 八 往 種 洲 居 T. 開 之宗 贍 特 不 天 里 煕 之 成 洲 旗 者 本 者 墾。 除 等 之 之 蕃 足 分 以 或 勁 發 閒 亦

年之前 得 蔽 H 所 勢 見任 爲 帑 此 漢 以 作 餉 散 所 E 地 妄 地丁之外,私徵 大利 分肥 取 奉 流 方之事 庾 軍之法也。 E 數年,以 難 遣 格 勒 將 亦天下之大弊 而 多寥寥。 通 多 有 等官,各 徒 居 上. 例 索則與 此 Ŧi. 虧。 , 京 手 銀 官者,各給以 聽 許 司 年 然向 其 而 自 , 其 官 次散遣, 項 亦 以 出 今請 故 自 出 歸 去,若 後,國 按 者 爲 經營,亦 家産許 不 于 臣 者 公之後, 康 耗 旗之旨。 多 敢 游 火 品 此 不論 煕 本 羨 又按,耗 也。 耗 揚 强。 勒 許 級 帑 帑 無 年 出 歸 之隨 三年之俸銀 索 之節 帶 藏 可 其家之出仕 私徵, 公之 染 其 陸 力 間 其 往 民間之輸 敵 家 之循 亦 指 之人,恐 以 遊 陋 續 羡 賢 者 帶、任其 産,又 不至大絀。 每 後, 省 定 則 客 規 歸 改 康 非 且 年 無 例 吏 與 干 若 熙年 補 公者,天下之大利 能 디 窮。 所 交 此 税 緑 太 有 納 多 者 經 切 出 自 給之餉 其 與 拘 通 染 亦 間 旗 并 比 實 費 弊 旗 即 無居 否 便 則 鍋 指 未 提 于 寶 給 績 後 有 法 其 其 説 概 能 盡 鎮 悉 時 可 無 力 Œ 都 官 制 蓋 則 分 以 端 剔 將 許 年 供 紀 滌 致 以 願 寬 彼 統 不 者 貧富 肥 釐 地 介 弁。 出 以 能 爲 出 脯 貪 略 在 六 統 方 有 則 而 而 旗 者 清 風 下 旗 生 盡 其 年 之財 州 此 各 絲 財 口 與 E 給 之, 給 未 百 -之 俸 毫之 爲 爲 以 用 不 可 縣 在 安 章 不 以 其 年. 泯 失 辦 肯 是 干 頓 京 分 家 故 例 亦 干

然並 周 復採 屬之司 可 也 可 大 不 供 冒 前 則 修治,採買倉穀 其 ),貧民 敢 Ψ. 者採 經費 本地 量 以 忱 噎 項 餘若災傷之有拯 之耗 一之不 或或 永 小 舉 又 加 而 自 不 買 充裕 之用 欺。 道 行 裁 法 道 廢 知 買 有不足,則 則 銀粟 故 開 與與收 停 既 巧 其 減 治 米 食。 逮 穀 墾之當 穀 設官 節 Ľ, 歸 黷之夫, 止 行 善善 也 貴 (核減 兼 貴, 捐 如 唐 爲 則 之價 以 裕 理 收, 分職 並 非 有大役大費 人減 或 正 不 借 度 之權,操之督撫 民 財 移鄰 清 疏 或 行,又值各 恤 支有 項 雖 疑 知 力。 者 值 給 仕 闊 豐 劉晏之船 常平之買 付 此 常 Œ 古 不 Τ. 孤 路 致 省之項 收 侕 經 定 以 供 項 平之行,二千 敷 本 不 逋 貧 本 地 費 亦 如 人民 不 ,皆于 之當 民 負 壇 則 色, 方之實 有資 省 他 此 能 歸 力裕 百 而 廟 料 補 如 督 也 只 耗 俱 IE. 養贍 歉 協 出 此 祠 舅 口 撫 有 蠧 供 濟之。 則 則 而 收 可 内 項 政 合全 宇、橋 路 税 此 致 荒 教 漕 折 動 如 立 廉 部 有 年 皆 河 多 穀 歉 捐 運 化 色, 給 好 鹽 法 謹 不 渠 司 矣, 監 餓 可 省 貴 其 之 賑 梁、 行 不 以 善 課 以 必 水 必 皆 之宜 殍。 舉 之項 也 之溢 稽 繼 懲 土 最 樂 貸 重 公廨 多 行。 仕 可 本 利 察 爲 施 貪 告 加 明 侵 路 充 大 雖 以 Ħ. 地 之 而 之類 之權 額 良 糴 切 當 之當 清 公 或 不 暗 蝕 調 捐 或 之 人 通 法 核 皆 費 財 則 以 雜 疑 興 不 口 昧 浮 劑 監 融

行之事

、之役 馬

捐

己資

既

苦貧 此

窶

請

公帑實

非

容

易。

于

督

撫止 應興

屬 理

員,便

整

頓

地

方

問

興

利

養

也。

臣 州

不 縣

敢

泛引

以

近 便 爲

事之確

鑿有據者言之。

也 是

止 題

料 調

案 請

牘

爲

才

具

兼

優 矣,不

矣,

不

問 其

農

剩;

官 悉

吏之養廉

除 地

分給幕

客、家

T

一之脩 吏

脯

T.

資

出

納

操

内

部

丁之公費,除

官

養

廉

之外

無 Ŀ

F

·之應

酬

輿

蔬

薪之繁費,

外

無

餘

剩

每

地

方 事 既

有

應 接 餘

項 以 治 方 留 别立一 效之成 充各省之公用 公項 臣 請將 任 除 常 事 官 平 者 倉 俸 兵餉之類 無 儲 財 仍 照 用 窘 舊 乏之 照 例 常 辦 患 動 理 用 其 IE. 捐 後 項 監 皆 可

課

爲

地

俾

窮

故故

聖人之法必

改。

今耗

羨歸公之法

勢

無

可

改

惟

耐

口 有 有 日

駁

詩,下

畏身家之賠

累

但

取其

事之美觀

而 畏

無

實

濟

者

于 買 也。 湖 鄭 也。 莫大于

絲

忽

悉取

公帑

有

司

每

辦

事,

F.

户、

I.

部

之

無

所 足 出

出

紛

紜議

論,

究無

局

也

而

他

可

知

矣。

此 糶 無

皆 則 E

曲 採 策

民莫大

于 東

平. 南 云

糶

而

貴 定

糶

則

時

價

不

得

平, 民

戡 究

廣 É

米

接

濟

而

湖岸

一之堤

Τ.

派

官 塞

派 不 從

足

墾

荒

而

廣

東

省,

荒

田

至

頃

無

有

调

民莫大于水利

而

西

北

水

道 萬

疏

濬 百

> 陝 而 足 桑

西 問 民 教 除

二渠,昔

人

溉

 $\mathbb{H}$ 

六

萬

頃,今湮 各省

及 無

溉

餘

頃

奔

走之以

爲

勤

故

日

此

天下

·之大弊

也。

夫

生

民

之利

74 六

鞏 風 當今之要務,無急于此 固 俗 靈 IE. 長之業 教 化 行 猶 而 泰 風 Ш 俗 而 正 四 皇 維之 L. 以 也 敬 勤 臣 之身, 日 夜 思 總 維 其 綱 以 紀 爲

注》《宋· 言 意 其 言 以 廷. 巡 州 師 訪 加 財 注》、舊唐 (費寖多。」 昔・ 察聞 率 者 費 已 愈 府 宋 臣 而 外, 鮮 是 不 弱 奏。」及 火史・ 唐 錢 聚兵京 簿 伏 書 亦 自 在 而 準 領 日 凡 食貨 物 漢 前 行 民 不 纖 裴 Ŀ 金 人謂 師 宋 後 州 兩 人之良 矣, 志 可 垍 **外** 悉 制敕及每 供 帛 府 太 傳 税 振 長 特 州 古 而 悉 祖 法 自 吏 者 無 甚 送 者 猶 乾 法 並 以 留 新 日 成旨條 此 於 藏 同 實 財。 德 後,天 在 闕 唐 也 送 唐 枉 富 書 郡 使,三 在 下 錢 天下支用 法 時 於民 兩 後 或 此 年 計 食 以 矣。 無 下 税留 贓 之人君 貨 不 得 詔 百  $\Box$ 志 仍 州 自 悉出 原 至盡 然 皆 占 諸 》同 留 姓 **令** 注 漢 留 宋 歸 留 州 出 州 輸 使 以 使 元 之 知 辇 司, 之 支 賦 宋 錢 御 後 稹 史 所 朝 外 此 度 京 故 於 原  $\Phi$ 狀 原

> 益 之財 錢 財 是 藏 户 司 上 求 木 次 中 原 部 人 以 既 供 富 藏 少 人 積 丞,奏言: 注 、皆陛 京 京 仁 之 如 木 不 或 自 侍 自 猶 亦 師 繼; 師 宗 , (楊 郎 熙 州 唐 丘 今之布 諫 而 開 時 寧 Ш 郡 徒 弼 則 而 下 氏 先 Ŀ 富 以 成 「天下 言 單 政 止 Ŀ. 府 而 木 供 弼 初 來 可 州 之。 克 疏 兩 委 轉 庫 不 知 郡 可 寧 諫 善 歸 言 \_\_\_ 爲 轉 繼 運 青 者 有 以 以 爲 家 融 朽 利 運 而 司 州 轉 餘 余 爲 金 而 爲 國 之 宋 壤 司 運 何 所 户 户 世 朝 如 者,藏之於民,其 轉 臣 則 既 元 户 非 見 無 部 宗 部 此 廷 部 運 不 足 轉 祐 君 有 益 則 欲 欲 亦 侍 中, 司 知 運 土 明 運 辇 於 雖 則 郎 民 憊 既 本 司 之事 蘇 矣。 턥 郡 青 算 内 户 兼 末 常 木 部 之 縣 帑 州 也 轍 中 御 足。 錢 之 之 别 兩 則 欲 不 爲 外 中

<sup>●「</sup>有明」,據《校記》,鈔本作「本朝」。

亦

止

老

庫

四

白

餘

萬

有

事

口

每

歲

取

鑛

課

Ŧi.

六

萬

用

之儲

庚

辰

滇

滇

藩

亦

不

耳

余

甲

午

參

政

Ш

東

藩

司

糧

儲

來

詢之,

則

云

浙

藩

今

 $\equiv$ 

朝

闕

典

朕

覽

南

至

乏誤

如

此

及

余己

丑.

參

政

廣

西

司

言

不

及

+

萬

矣。」

+

年

廣

西

老

庫

儲

銀

十

Ŧi.

萬

不

啟

戊子 之。 之間 則 已 T 中 亦 每 顧 專 銀 繹 萬 滿 今爲 於 不及十 典 亥 取 臬 備 兩 今太倉 不 歲 藩 **※**言 + 北 末 試 諸 之 順 及 使 積 以 西 司 萬 中 數 造 太僕 上 於 問 慶 貯 人 儲 南 派 萬 III 所 與 + 爲 滕 亦 天 自 即 而 八 用 寺 也 蓄 空 浙 萬 出 浙 藩 + 兵 詢 下 非 師 +成 有 其 之 不 幾 宏 考 令自 濟 所 倭 歲 余 京 Ŀ 此 ៣ # 急 旨 懷 至 所 邊 盡 鉅 諭 世 記 西 馬 Z 操 公狗 疆 變 哱 力 萬 價 未 盡 管 此 之 江 Τ. 亦 今 + 者 銄 部 始 , 所 何 行 奏 曆 不 貮 應 憲 非 雖 上之誠 矣。 H 稽 萬 得 足 時 起 卿 天 臣 臣 都 用 不 以 敉 事 用 解 太 范 下 於 察 揚 日 切 覽 寧 況 今 如 僕 濟 子 方 院 : 則 到 告 州 外 焉 遼 録 此 世 足 清 帑 來 取 京 府 成 時 儲 東 1 兩 察, 爲 奉 殊 者 之 之 等 盡 亦 朕 諭 未 天 至 旧 踰 草 大 疏 非 1 日 處 令 止 則 思 啟 天 復 全 所 小 之 朕 料 庫 所 老 殿 解 大 六 文 啟 照 兵 欠 百 臣 誼 仰 貯 陳 Τ. 年 於 京 庫 Ι. 中 各 數 Т. 補 餉 萬 蓋 也 鑿 四 銀 肇 必 JL 此

故

也

兩

浙

賦

甲

天

下

余

0

萬

蓋

111

中

無

起

運

之糧

而

萬

後

爲

方

伯

止

JL

十

萬

少

松

爲

余言

癸酉

督

學

浙

之

藩

司

庫

儲

八

百

萬

0

原

注

府

庫

莫

盛

於

Ш

中

余

以

.

袓

宗

之

制

也

 $\pm$ 

士:

性

廣

志

盡

外

庫

之

銀

以

解

户

部

蓋

起

都

重

慶

等

府

俱

不

下

+

而

搜

括

之

用

操

江

范

+

年

間

東

百

萬

母

故

也

其

74 云三 模

範

使

察

收

似

兩

前

己

鑿

口

據

項

價

銀

E

興

所

費

月

七

日

俾

後

浩

繁。

若

監 天 餘 即 天 銀 庫 馬 每 墼 X 萬 餘 百 有 操 府 價 萬 時 下 約 兩 魯 年 萬 每 此 行 其 軍 保 又 江. 餘 兩 年 艱 數 有 加 兩 文 有 銀 餉 户 募 銀 連 遺 寄 又 派 速  $\equiv$ 司 刷 2 既 兩 忍 操 科 前 1 兵 + 又 貯 銀 催 皆 卷 難 何 置 上. 江. 貯 + 院 銀 每 鹽 餘 揚 同 察 尚 措 不 以 之 六 寄 庫 除 年 萬 六 院 萬 州 此 盤 哉 在 未 濟 無 約 千 + 餘 萬 支 餘 康 兩 心 口 解 ! 官 鎮 急 用 銷 几 銀 兩 銀 兩 不 據 有 到 北 江 之 用 府 費 范 約 几 又 朕 揚 實 見 ? 0 道 地 下 過 餘 有 濟 萬 何 安 寄 在 收 + 又 刷 Д. 餘 不 爾 銀 七 世 兩 憂 慶 南 任 餘 在 在 卷 天 約 萬 銀 在 T. 所 平 朕 太 庫 應 約 萬 之 御 民 部 奏 有 兩 鼎 府 聞 天 僕 約 約 有 兩 文 史 生 + 備 奉 建 寄 等 寺 得 贵 都 有 有 儿 未 口 財 萬 之 旨 鹽 察 倭 收 府 解 八 十 又 口 據 兩 取 餘 + 故 + 院 應 貯 餘 運 己 殷 渦  $\Box$ 止

宗 魏 魏 按 院 繇 於 者 又 物 搜 扶 E 抗 行 亟 底 聞 括 此 不 忠 同 等 清 F. 忠 加 庫 不 阻 起 委 撫、 賢 言 者 賢 派 貯 南 至 蒙 官 解 廉 察 七 知 庶 矯 爲 宗, 之, 京 蔽 都 按 幹 就 必 大 加 其 而 傳 旨 骩 内 貪 官 不 有 官 罪 著 Ι. 則 派 歸 俱 或 外 取 庫 吏 許 敢 胡 邊 有 南 著 法 當 搜 不 之 庫 奇 進 祖 侵 考 推 良 徇 所 京 已 落 括 何 遵 之 珍 宗 漁 務 滿 避 私 歸 輔 守 之 所 經 照 先 異 均 虚 時 至 嫌 遷 昭 備 令開 管 范 寶, 帝 所 劉 有 必 於 怨 轉 朕 民 如 内 自 衙 濟 諭 藏 攸 須 文 捐 裕 起 臣 力 盜 於 此 隱 門 中 世 金 賴 殫 耀 劉 助 或 解 劉 之 搜 竊 范 若 所 察 所 銀 力 敬 或 敬 恤 不 責 幾 急公, 稽 會 濟 以 括 核 奏 云 珍 等 家 民 至 訖 遲 世 不 寶 的 口 楊 事 所 將 亦 德 有 已 於 則 該 確 或 例 繇 成 不 懷 我 皆 意 用 盡 空 撫 部 瑞 至 許 來 於 爲 徹 祖 之 心 私 速

斛

而

實

元

權

之財 養其 之,其 之, 矣。 之錢當 人,自 筦于上,不復分 司之費,天子不問 矣。」豈不信夫! 也。 費,即 折 民 彼 友 操 直 、廉。 己病 變,微 此 悉 銀 而 天子至封 一上供,其 身, 行 傳 爲 古 原 易 勾 其 猶 暮 貽 檢諸 者。 名 Ŀ 者湯沐之費, 日 注 利 法 夜 一供,上 中 不 害 何,德宗之時, 皆 〕崇禎 也。 者 亦 有 地 道 長國 外之 免 别 歸 使 君 税外 方, 可 盡 傭 唐之山 湯 于 上 供 元 平. 者 白 送使, 取 官 沐 年 力之錢義當 供 著 頗 也。 爲 務 物,悉人户 與 諸 以 家 六月,奉旨: 益 邑 冠 一胡 益 蕭索,不 民 大 豐 亂 畀 JII 其 帶 ൬ 皆 李泌 漢 圃 耐 氏 不 有 諸 體 閒 州 各有 百 制 展 務 飛  $\Box$ 賦 住。 加 司 留 支益 轉 請 者 事 于下 部。 苞 得 財 賦 頗 Ш 私 州 不 唐 留 相 驛 不 當 111 入天子矣, 微 奉 用 以 范 以 非 然 也。 其 州 如 須 篚 抑 遠 養,不 送 濟 此 諸 者 徒 時 後 之外,悉 英 配 聖 池、 則 使、 不 囊 世 不足 州 裴 民 H. 知 以 明 爲 金 知 之賦 必 王 Rul 市 間。 又 財 爲 洎 領 留 限 櫝 之 逢 故 室 莫 肆 州 自 上 有 利 善 又 于 輸 逆 制 帛 之 政 以 天 折 不 貪 以 租 皆 細 之 主 下 小 璫 京 子 以 加 權 送 墨 免 税 給 而 則 而 師 能 之 繼 之 其 使 之 輸 賦 庸 妄 展 4 宜 而 有

> 必 監 知 民

數易 虞。 庭實 之覆 下之民 恐 于 司 何 盡 相 不 金湯 蒙不 得 脅 術 抑 敢 旅 轍 有 愐 取 罪 以 也。 H 配 渝 百 侵 可 之間 處 見 焉 倾 非粟不守 ,而後王道 復檢 盗 所 取 及, 立. 此 其 足其 負 所 亦 國之道 也,必 貨。 寒 察。 故遲 必 多。 以 多,譴 中; 長 使 也。 政 可 吏 也 經 有 留 所 之不善,孰過 行 抑 以 紙之令,使天下之官 1 Œ. 司 費 責 人 以 供 也 配 武 倦 賦 有 君 不 貴 之外 之竇 用 以 于 Ė 餘 躬 重 之 伺 檢 白 民 貨 罷 仍 察 俾 苟 貶 則 間 財 斥 Ŧ 免 賢 以 損 堅 者, 抑 亦 不 者, 此 者 庸 甲 配 多。 木 與 足 謂 錢 亦 利 平. 征 天 皆喪 以 與 其 此 又多 民 民 姧 斂 F 州 好 養 足 熙 益 胥 也 共 廉 用 其 然後 矣。 以 守 多 知 之, 節、天 守 斂 節 備 以 貪 未 杜 姧 E 之 則 制 不

既

面

爲

報

轉

作 限 人 財 之方,而後 與 徵 人之法, 財 糧 開 而 科取士, ,則天下之財 能 而 或 賦 後 者也 則天 税 科 口 目 得 下 日 口 然 之人 加 窘 得 則 收 而 如 也 日 日 設 之何。 也; 愚 吾 必 未 日 有 必 見 ; 有 牛 立 無

富 先生《讀 如 隋 隋 書 然 篇 考之史傳 日 古 今稱 則 未 或 見 計 其 之

之, 平. 此 寬 爲 取 後 側 年 並 絹  $\equiv$ 榷 廢 減 九 有 也 者 半 免 年 人以 年 陳 1 徭 以 繼 詔 則 鹽 十 兀 凱 賦 當 而 爲 以 則 而 然 功 所 河 池 者 爲 旋 史 年 日 並 富 平 文 調 北 江 此 百 仰 鹽 關 罷 稱 租 或 表 減 大 +陳 帝 全 姓 則 賦 井 河 于 之。 帝 税。 受禪 之 免 年 初 餘 行 爲 行 有 税 又 東 邦 于 年 Ψ. 慶賞, Ŧi. 蘇 術 禁,人 而 繼 今年 財 夫 賞 + 一丈,役 給給 之閒 則 + 威 之 也 른 而 之 · 年 酒 賜 之言 其 者 初 大者 討 田 復 榷 自 有 市 于 輸 當 以 然 1 誉 + 江 租 門 功 即 賦 有 庸 也 鹽 宇 周 開 H + 繕 南  $\equiv$ 外 誉 税 而 鐵 停 税 之 分 内 皇 並 征 夾 新 嶺 復 放 自 繼 隋 減 無 時 無 番 市 伐 道 表 都 闊 至 餘 而 者 事 年 所 征 無 十 二 之 開 列 徙 諸 酒 未 開 略 兵 布 嘗 反 益 減 調 乃 居 如 皇 所 皇 州 有

賞 苛 奉 行 其 談 于 民 以 故 履 何 餘 帛 有 大易》 爲 可 或 也 民 긁 之 暗 敝 儉 以 賜 賦 萬 商 有 費 積 也 合 嘗 者 約 殷 復 斂 段 者 漢 制」, 用 聖 以 不 以 富 所 漢、 則 子 達 隨 文 大 大 布 乃 吝 取 睯 而 謂 如 **>** 宫 又 于 令 隋 信 財 袋 師 所 日 其 此 財 如 未 南 加 服 補 節 利 黄 謂 貯 黨 此 嘗 郭 苟 則 且 譴 澣 文帝,皆 或 用 老, 以 乾 遂 0 嗇 善 賢 濯 考 官 時 責。 一之良 以 制 薑 非 倡 後 于 隋 之 理 之 用 有 君 次 度 爲 之 用 文 嗚 以 燕 于 財 衣 度 征 必 規 頒 以 談 財 任 不 享 史, 恭 呼 氈 之 役 給 豐 雖 乘 躬 而 也 ·, 夫 孔 傷 不 空 法 儉 袋 以 亨 則言 以 輿 履 非 所 禮 財 過 律 進 責 糜 然 孟 豫 天 供 樸 迂 夫 費 香 下 也 財 後 不 帝 大 既 下 而 儉 闊 御  $\equiv$ 而 肉 É 之 皆 所 富 取 害 知 有 躬 非 行 而 而 百

耕 甚,豈不 人國家,至其富 《文獻通考》,寧人手鈔之,意欲 惟 誤仞爲顧作,乃以 王不會」之説,飾六藝,文姦言, 終哉 讀 或 錢 隋書 强 氏 日 兵之效,不逮 」爲題,收入集中 〕本馬貴與之説 采 入《日 知 録 隋遠 以 載 潘 誤 次 在

則

下

#### 言 利 之 臣

府 此 天下 小人 其 御 之人君,未嘗諱言 原 史,而 必至於害民 吏 則 注 王 或 得 洪 唐 孟 位 允道言: 武十三年 太 謂 子》曰:「 宗 侍 欲 欲 責 臣 濟 濟 Ħ. 權 也。  $\Box$ 其 月。 私 磁 萬 : 無 財 私。 一君子 者,心存於傷 昔 州 御史周 紀 也 政 臨 之遺 我 」,所惡: 事 欲 水 太祖嘗 則 得位 姓、實録 行 鎮 財 意 道 於 産 也 一, 欲 用不足。」古 者 興 鐵 黜言利之 人害 》不載 了, 心 利者,爲 行 又 其 物。」 存 置 廣 其名。 道 於 爐 平.

> 民爲 愈貧 塞,而 從 冶 好貨」之意 杖之,流海外。 。 上 可 以 民 財 無 、遺利。 知 來,求 意與? 生業已定,若復設此,必 源 或 必損 矣。 日 通 計 : 於民。 利 可謂至 而 「朕聞 亦 爲 且. 愈窘。 之方 有 人 利 [原注]十五年 益 上 不在官 治 一於官; 今各冶數 紛 者 世 深切矣。 然 紛 |天下無遺賢,不 可 則 Н. 則 官 徒 ·五月。 治 數 在 求 多 專 亂 民,民 + 自萬 重 軍 其 利 聖祖 盈 年 擾之矣。」 利 而 需 虚 떼 曆 不 得 則 之 示 不 以 民 中 其 聞 利 乏, 數 肩 斯 生 鑛 利 天

而

税

融 子 開 ·見 度 元中,宇文融始 帝 海 新唐書 方 内 調 完 兵 治 食, 宇文韋楊 偃 故 然 以言利 議 有 取 攘 王 隱 卻 得 户 列 四 幸 傳 剩 裔 費》 田 之 於 心 時 H \_ 0 中 天

0 裔」, 據《校記》,鈔本作「夷」。

費 悲 夫 族 然 億 或 盡 主 不 難 自 征 而 而 之 知 皆 堅 萬 忠 愈 取 欲 夫 利 天 如 也 各以 等 宰 誡 刺 覆 下 不 而 爲 貲 利 帝 天 或 所 相 厲 流 季 天子 爲 人 計 寶 以 欲 説 王 危 Ľ 之 天下 裒 臣 既 爲 以 雖 H 也 私 刻 君 者, 以 於是 充, 能 來 後 開 多 日 -笑。」《 藏 進 喪 得 莫 : 口 於 還 故 外 天 其 韋 罪 以 剥 不 不 前 奉 用 重 所 子 堅、 軀 濟 下 孟 皆 信 官 軍 權 而 怒 恨 有 人 横 益 子 然 哉 楊 累 媢 興 追 甚 得 司 賜 Ŀ  $\forall$ 使 慎 恨 主 多 所 之 以 備 内 前 歲 矜、 而 融 以 晚 謂 嗚 員 尊 蠱 相 車 而 進 天 才 Ľ 呼 顈  $\pm$ 屠 不 艦 Ŀ 覆 不 F 羨 不 猫 其 鉄、 滅 復 妃 烜 芮 下 備 經 緡 所 + 而 或 事 赫 交 費 楊 所 後 大 良 白 未 年 几

+ 年 前 讀 士: 孔 大 孟 夫 之 所 書 不 肯 而 爲 谁 管、 而 今 商 則 之 滔 紨 滔 皆 此 是 几

> 爲 以 錢 重 Ħ. 也 後 攘 穀 爲 爲 懲 義 臂 之 有 有 任 創 而 而 恥 ·, 榷 以 争之。 之 先利,不 人 士: 焉 課 變天下之貪邪 矣。 之司 口 禮 奪 以 上. 義 不 言 昔 行 . 饜。 淪 而 之 人 Ľ, 不 所 則 者,莫 後 盜 言 避 下 之 竊 效之, : 而 則 興 先 競 不 王 羣 乎 作 居 於 所 推 此 宜 苟 是 之 今

史 糟 其 增 宋 方 爲 云 死 制 人諱 其 臘 不 害民之罪 天下 節 • 東 商 然。 數, 忠 擾 先 南 高宗 税 而 義 生 浙 Ł 至今 經 别 嫌 牙 東, 傳》,至于 路 鶴 讀 名 曆 制 税 財 林 又  $\pm$ 宋 有 錢 收 稱 與 分 뒜 玉 史 其 師 經、 繫, 頭 字 露 其 陳 討 事 陳 日 謂 總 子 大 咎 遘 之, 爲 日 亨 遘 之 錢 制 建 于 篇 伯 之減 命 錢 經 翁 史 議 樓 宣 陳 日 以 名 臣 制 彦 店 如 損 和 亨 發 錢 或 以 賣 吾 錢 其 中 伯 運 而 其 酒 辭 讀 其 皆 使 不 嬰 大 愚 原 城 宋 魕 注 盜 旧 後 少 經 以

武

制

内

於

六

民。 之 夫 也 爲 後 于 大 寖 始于亨伯。 初 倣 盧 而 所 患。 兀 叛 天 葉 家 廣 宗 詔 其 是上 婦 下 視宣 以 其 而 將 IE. 廟 罷 法 原 之爲 Ť, 斷 乃可 則 初 初,亨伯之 之。 頗 所 得 謂 又 脰 作 附 特 害 罪 自 和 剥 收 爲 諒 雖 決 軍 益 于 經、 外 有 民 贏 之。 而 而 治 其 腹 興 時 藝 稿 加 斂 已,焉得齒于忠義 焉 總 不 古 權 祖 平 作 焉  $\approx$ 怨, 議 足 守 制 至 謂 太 以以 宜 乃 謂 瞑 俑 者 中 翁 錢 以 禍 之 可 必 也,其兄聞之, 于 宗,下 請 迄 彦 蓋 Ш 而 總 必 望 盡 中 于 再 或 遺 其 而 及子 也 去 制 Щ ,今,爲 施 此 爲 禍 剥 家 得 經 錢 , 不 錢之興, 行 總 十七人 然則 及 民 總 孫。 罪 制 调 之 于 于 靖 州 色 錢 使 罪 兀 宋 生 無 其 哭 縣 H 康

F

者

口

俸 禄

百。」韋 禄薄,欲 下大夫倍 吏不 足 西 禄 帝 年 己 士: 武 去 以 京 泰 下 者 視  $\pm$ 今 昭 雖 廉 養 始三 · 俸 克殷 舊 以  $\Box$ 上 日 詔 下 平. 其 親 制,六 農 + 貪 有 上 一若食 ·則治 士: 俸給之薄 毋 年 施 夫, 庶 取之風 Ŧi. 士: 司 猶 侵 詔曰 惠 增 百石 食 道 中 +: 漁 斛 「原 百 漢 衰。 倍 原原 上 士 : 白 則 注 官 宣 農 「古者 已下,增 倍 禄 所 IIII 注 益 姓 帝 俸 外外 如 今小 五斗。」光武 以 下 無 謂 淳 難 神 士: 膠 分禄 以 其 Ŧ 足 以 吏皆 矣 爵 : 古 贍 干 制 以 德 於 以 律 於 其 右 ≫′: 贍宗族、昬 奉 舊 詔 士: 其 建武 勤 年 家 人 白 秩」。 已上 爵,以 公 倍 益 石 事 詔 諸 心 也 忘 中 俸 <u>一</u> 吏 而 侯 而 日 私 月 姻 減 庸 晋 之 俸 Ħ 昔 不 六

石

萬, 萬 分 ; 食、 其 名 恥 萬 萬 故 不 E. 有 官 Ŀ 也 居易《爲 多, i 在 過 州 餘 13 縣 官足 雜 其 赤 有 令四 唐 糧 其 西京文武 法 知 玄宗天寶十 口 今在 縣 同 用 員 。」其《江 下 議 人之什二三,彼無 馬 盩厔 以 外置者,故 實 正 簿、 州 增 萬 至 秩 位 防 此 庇 員 七 如 吏 Ŧi. 尉 者 身, 閣 尉三萬, 之繇 官 赤 萬 俸 九品已上正 資 品, 》詩 州 加 四 縣 禄 食足 庶 分别言之。 用 司 赤 歲 載 丞三萬 唐 不 僕等, 靡 分。 馬 辇 縣 廩 制 代 時 畿縣、 充, 以 廳記》 轂 令 四 數  $\Box$ 耕 俸 吏禄三百 給 仍爲 : 之下尤 或 百 以 宜 Ŧi. 錢 今後 員官, 家。」 非 「衣食既 貪 萬 上 自 石 千 日 + 上 所 常 Ŧi. . 上 求 縣 贍 : 分 每 今 月 式。 千 州 以 原 簿、 難 不 石 率 月 唐 崇 之 俸 縣 焉 刺 注 足, 己, 取 畿 典, 尉 給 加 制 六 化 得 歲 而 派 史 唐 給。 縣 敗  $\dot{\boxminus}$ 廉 本 七 晏 俸 而 禄 時

> 者矣 之後 給 皇 不 事 甫 取 欲 中 鎛 諸 崔 以 民 變 乎 宰 植 之 ? 相 封 以 還 判 昔 節 度 詔 楊 儉 支, 書, 綰 而 爲 請 可 先 相 減 謂 益 内 達 承 百 外 化 元 官 官 理 載 俸禄 之 之原 汰 俸。 侈

已,故  $\widehat{\overline{H}}$ 謂 禄 禄 百 各 輕,羣 矣。 緡, 代 其 節 史》言: 大 漢 官職 或 書》言: 臣 度 中 比 使 少 爲 而 止三十 北 廉吏。」穆 姦 戾  $\pm$ 漢 受 民, 或 莽 緡, 取 時 小 畢 天天下 賕 民 王 程 自 賂 之 貧 氏 餘 書 以 薄 以 室 吏 Ļ  $\Box$ 有 以 自 相 資 月 共 不 此 爵 給 俸 給 得 之 俸 重 11 m

書 皆 前 有 代 官 밂 官 第 吏 皆 至 第 有 九 職 職 田  $\mathbb{H}$ ,「原 多 少 之 注 普 故 魏、 其 隋 禄 唐

● 「典」,原作「興」,據影印文淵閣《四庫全書》本《白

言: 六石 爲 實 史》: 去官 秫 者 鈔 廢 田 員數,分品、從官 重 當今制禄 春冬衣仗、身人役等,以 不 如 , (原 , 气原 不,不 輕 以 録 趣 「忠信 能 從 夫既厚 · 實 1,(原 從衣裘常苦不給。 禄 其 歲 始 注》實 知 注》《晉 世 漢制 品、從二品。 重 「洪武 ,視前代已薄。 重 百八十 租 注》《宋書》本 禄之, 何 無 禄 祖 則 官 人 ,所以 年 録 以 書》本 至 吏 而 充 最卑者食禄 》、《會典》皆不 餘 責 收 + 元 多 猶貪污不 石 勸 俸 车 職 傳。 吏之廉矣。 元 職 勉 也。 優其力, 士。」無養廉之具, 給 傳。 禄之數。」是 十月辛 頃 兵 田 年 而 俸 沅 興 奉 唐、 原 以 八 皆公田之證 以 朝 法 百 爲 禄, 長之之芒種 注 宋自 歸 月 載 來 而 廷 石、名爲 廉。 置之重 特 酉 品 縣令圭 之上 頒 乙巳, 又 俸 恩 其 如 「潘 制 公田 加 田 Œ 加 數 或 百 而 四 裁省、官於 典,夫復 外, 租 氏 石 陶 韶定 品 責 復 而 初 賜 品 有 ; 而 E 以下 又 也。 人之廉 至 前 潛 但 視 此 百 有 正二品 先 月俸 何 九 官 之 官 太 制 官 職 前 折 ^ 師 京 辭 百 1,秋 萬 田 代 公 祖 吏 元 種 俸 未 H 有 師 斛

百

鈔

從

掌

萬

庚

此

冬二季準給 給養 奮 酌 · 贵 古今,增 廉銀 非 興 全俸, 顧 廉 其 教 禄 名思義 忠 仰 餼 之一 見 臣 體 臣 道 下 羣 下 一臣之厚 哉。 宜 見 優 何 卹 如 汝 意。 感 如 成 奮 此 案 更 其 或 厚, 願 朝 沛 無 常俸 發 不 德 音

感 棋

倍

謀。 米各四 貫。 斗 官 中,月增 ,深知官員折 行 欲 貫。』從之。 四 七 雜 職 年分 政也,豈 以 每 義等力言不可, 百 在户部 斗, 原 宣宗實録》: 及 貫。 注 + 石 給在 無家屬者各斗五升,並 吏 一按 并 分 俸 減 各衛 洪 京 爲 事禮部 三分折 作 鈔 可違之。』〔原注〕永樂二十二 熙 文武官 率,七 濙 + 總 元 俸之薄,故 每 年 小 初 貫 「宣德 閏 旗 及錦 尚 石 與官綿 建議,與 曰:『仁宗皇帝在 七 分 聞 軍 書胡濙, 減 月,尹 衣 力 折 義 舊 八 衛 準 ± 等言 與 將 即 布 年三月 松言 數 俸糧之支鈔者 校 軍、 官 位 少 奏請 折 尉 每 特增 總 絹 人等 官官 師 鈔 乃 JL 小 庚 作 蹇 旗 準 每 員 有 『文武 數 辰 年 俸 米 + 義 鈔 兀 十月 禄以 各 屬 宫 濙 等 淮 Ŧi. 者 Ŧi.

貫

初

小 鈔 ·貫者有之。」則 折 官不足者多矣。」「原注 四四 方米價 是 貴 時 賤 折 不 鈔 同 猶 準 每 三已上 米 石 價 四 Ŧi. 實録 + 白 賁 而 类 者 行 有之,六七

二十 從之。 奏請 省 化 則 武 年正月壬辰,詔 貫爲二十 銀 後 七年二月 文武 七年 是斗 官員折俸鈔。 又 石 石 以 爲 三錢 定 該 時 米 官 + 甚至 大明 官 1. 鈔 甲 Ħ. 舊 布 月 吏 鈔二十貫,每 庫 Ŧi. 貫。 軍 例 錢 法久不行, T 辰,令折 也。 積之市 鈔 貫。 會典》「官 Н. 也 士: 兩 少 京官景泰 兀 先是 十二年 俸 京文武官 H 故 「原 至 糧 小 肆 俸 折 部 也。 是 \* 吏俸 新 注」正 鈔 原 請 過 四 銀 尚 七 鈔 每 以 石 成化二 定 月 者 書 薄 三錢。」是十 折 年 員 七 鈔 二 布 糧 折 馬 不 丙 統六年十 貫, 色俸糧, 百 折 無 鈔二十五貫,後 俸 顧 辰,乃 昂 俸鈔,俱 貫 年 兀 以 石 時 又 給 與 百 準 估不過 奏,  $\equiv$ 給 養 以 減 Ĺ 月 上半年 廉 + 鈔 貫 一月丙 條 折 爲 金 辛 + 每 準給 貫 莫 义 + 折 亥,  $\widetilde{+}$ 云: Ŧi. 鈔 石 石之米 武 其 Wi o 五貫 布 銀、從 一辰,增 折 錢, 再 貫,今增 給鈔,下 因 官 於 減 省 俸 舊 員 此 户 在 天 匹。 每 Ti. 部 給在 俸 鈔 京 户 順 景 石 貫 折 俸 半 糧 裁 文 部 泰 +元

> 之重 二百 布 折 也 者,後遂爲常例 以 鈔 折 足,甲字 年 而 布,布 俸 石 給 ],或折 折 俸 以 貫直 鈔米 買。 僅 蘇 鈔,以 鈔。 之輕者 者 直 木 庫 請 愈 + 兀 多 胡 以鈔、布。 石 以 74 時 其 積 椒。 重 銀 錢,是米 鈔二十五 布 Ŧi. 估不過 綿 後 愈 折 折 錢 至 蓋 布。 輕。 原 鈔 米 也。 是 布, 或 注 ŗ, 不 仍 以 貫,漸 初 É 石 愐 行 百官 時 其 崇 視 部 民 百錢,而 僅 古 估 折 世 禎 尚 弊 直錢 百 減至十貫,是 間 書 鈔 計 ψ, 莫究 丽 所 在 官 例 之 楊 所 代 受俸 二三十文。 糧 俸 於 鼎 折米二十 闊 每 納 禄 其 奏 以 以 + 白 石 之薄 官 源 銀 亦 鈔 貫 布 「京 至 時 糧皆米 流 7,於是 米也, 折 折 石 鈔 未 至是 庫 石 兀 也 銀 法 米 椒 有 則 可 不行 又折 是 先 如 準 木 以 兩 糧 或 麥 此 不

妻子 既 史曹 石、二石,又多 富 隨 泰 IE. 方 穀。」 奏 : 統六年二月戊 「臣聞之、《書》曰 今在 禄 厚 者 折 外 鈔。 月給 諸 辰,巡 戸 九 米 文 載 不 臣 按 之間 過 Ш 去 凡 東監 · ; 仰 家 石 厥 遠 正 薄 任 俯 御

益 罷 育 而 之資 , 俾足 閒 陷於罪者多矣。 居 之用 道 養廉。 路 其 往 禄 來 如 之費 不贍, 乞敕 是 而 仍 廷 則 親 有 臣 不 故 貪 會 問 免 污,懲 議 失 遺 之需 其 量 所 之 爲 守 滿 無 增

赦

。」事下

· 行 在

户

部

格

以

定

制

不

行

知

治

體之言矣。

以 相 不 之。 參 致 者。 其 送入京。 原 「某下賤,<br/>
豈有 解 意, 注 伍 或 審 舅爲太湖 乃曰 相 歎 伯 相 日 蓋 北 竟 或 之役 賞 公欲 如 於私 夢瑣言 不 恥 今之工 :『某每 楊 了, 亦 之, 承 縣 耐 **\$** 爲 然 第 命 伍 外 到 俾 歲六十緡,宜 致 食。 其 延 伯气原 甥 . 麗 任,具達台旨。 歲公税 何 説, 坐, 特 爲 苟 此 官 唐 除 宰相邪 役, 竟 無 與 職 注 畢 選 享六 不 ? 伍 敗 語 爲 相 人 奪 闕 伯 乎臺阜之微皆 除 諴 楊 期 楊 即 +其 **\$** 終 載 今號 家 爲 緡 官。 志 伍 具 身 本 落 宰 事 也。 令堅勉 伯 雜 寒 以 優 籍 此 例 職 累 日 聞 微 渥 錢 邑 行 夫 遣 津 杖

> 務 É 重 安 自 一, 不 游 謂 重 貪澆之積 徼 . 敢 乃 獄 枉 信 吏 法 《漢 秩 妄 習 書》言 百 繫 不 石, 可 留 人, 反 其 而 趙 後 廉静 誠 廣 百 清 漢 石 者 吏 奏 吏 之 清 真 皆 本 差 令

長

知

### 助 飹

人主

之道,

在

乎

不

利

羣

臣

白

姓

之有

討 市 家 以 唐 不 夫 派 人 孝  $\coprod$ 書 利 能 賊 而 馬,以 른 不利 自 行 君 季 • 柳 之有 羔 有 旌 今被 渾 羣 公 表 國計,豈資 討 傳 臣 忠 一, 而 門 吐 百 堂 間 Œ. 蕃 府 姓 姪 , 京 直 浑 庫 之有,然後 伯 一之財 爲 僥倖之徒 先 城 强 開 宰 隋 朝 進 此 相,奏『故 名 可 朝 狀 門, 長 舊 臣 羣 、保矣。 請 恐滋 第,季羔 Н. 其 臣 貨宅, 毁 袓 尚 百 不逞。 姓 父 書  $\sim$ 義 召 皆 舊 亦

矣。 門 仍 永 相 可 從 其 詔 之言, 虧 奏。」 今後 存 獻 王 損 明 錢 不 風 夫 清 富 Ŧi. 受 教 以 記 渡 民 + 伯 也 高 德 萬 不 望 强 與 宗 宗 許 緡 之 少 陳 建 好 獻,後之 責 炎 貨 獻 以 罰 之主 或 年, 嗟 亦 用 夫 人 有 而 口 稍 此 君 懲 湖 集 猶 宋 勸 州 口 能 卻 之所 以 民 聽 之,  $\pm$ 思 室 1

以

復

於

南

積 + 財 末 後 自 爵 年 主 保 非 銅 室 之世 今乃 其 錢 漢 而 銅 而 財 武 六 Ŧī. 署 錢 怵 者 尊 + 其 以 其 之以 矣 1 七 門 直 鐵 不 萬 式 曰 鐵 錢 祥 威 緡 以 錢 六 孰 此 ! 0 風 + 權 甚 房 嗚 戚 天 銅 焉 實 呼 畹 下 比 錢 1 (賣」 之家 或 此 四 ^ 猶 Ľ 南 所 都 是 而 常 諸 謂 唐 城 勸 行 惴 書 之 府 郡 之 至 惴 中 其 以 庫 所 不

書 軍 賊 餉 犯 告 京 絀 師 乃 史 傳 公 檄 口 募 法 富 爲 人 南 出 京 財 兵 助 部 或 尚

戒

民

籍

奉

以

啟

者

財 城 韜 其 委 佐 諸 ; 略 而 出 縣 生  $\Box$ 去之 塞 官 姚 : 本 ± 親 而 者 徼 晉 神 郊 幸 雖 之 京 乃 之圖 辭 多 淪 雍 財 也 喪 容 奚 漢 之 益 然 殆 武 事 哉 於《 百 尚 , 姓 唐 逢 孟 終 宗 1 子 莫 式 尚 > 肯 ٥ 所 有 謂 輸 崇 桐

之,甚 教猱 旨: 業 晋 爲 初, 有 以 者 民 洪 疏 升 遼 無 司 權 武 請 仍 詹 木 事 謂 以 責 + 奄 **\*** 以 靈 告 進 也 **�** 之世 五. 自 晉 鷲 。」命歸 於 急, 贖 年 而 朝 垂 廢 行 還 六 七 有 而 涎 寺 修 本 年 月 議 下 之民 上 賤 理 所 寺 十 二 及 有  $\Box$ 堂 寺 價 存 捐 0 : 此 以 邑 宇 田 規 月 「原 助 論 爲 民 民 畝 奪 者 注》 言 兵 有  $\mathbb{H}$ 得 變 上 寺 利 有 部 朝 掘 金 實 有 業 價 錙 變 主 論 得 録 mi 此 助 口 銖 佃 事 以 朕 黄 旨 之 爲 削 詹 爲 天 金 有

皆

弘

敞。

宋

以

下

所

之苟

且,十

百

於前

此

又

樵

記

中

所

謂

縣之財 遂  $\Box$ 無 吾 以 今日所以百事皆廢者, 爲 其 修 都 舉 新室 之資。 歸之於上,而 惠 延 而 陵 故室美,新牆 正緣國家 季 吏與 子 游 民 於晉, 交困 取 州 卑

H

知

録

集釋卷十二

而 故 牆 高,吾是以 知其民力之屈也。」「原

亦

三代直道之猶存矣。

説 苑 又不 獨 人情之苟 Ħ. 也

者以 者,不勝任 此。 漢 制 汽先 「官寺 自 劾。」 鄉亭漏 古人所 敗,牆 以 垣 百 驰 廢 壞 具 不

舉

治

驛

壁

₹,

乃

知

其

有

秦州

雜

詩

又

知

其

### 街 道

今之驛舍,始於

隸

唐舊治者,其

道治 之道 有 氏 之天下,使 遂 滌 」。至於司險「掌九州之圖 師 路 除 古之王者,於國中之道 以「巡其 道上之狼扈 則 之 有 津 野 道 梁 廬 修」,候人以「掌 相 氏 圃 達 湊,不得陷 使之潔清 之四畿,合 路, 一; 以 則 绝。 其 周 方 有 於 方 條 知 郊 氏 而 之 其 又 達 外 狼

0 派 存矣」下,據《校記》,鈔本有 不得 而 有 勸輸」凡十 一行刼 不 得 而 有

ĮЦ 七五.

路若 之霸 矢。 穢 自 Щ 鍾 天 林 也, 君子 街 塞, 於輦轂。 Ш 力所 不正 澤之阻 亦曰「司 Ш 所 通 無 Ŧ, 履 《詩》曰**:**「 舟 小小人 無 路 而達 梁, 空 不 傾 以 · 蕩 蕩 單 危 、所視。 其道路」。 時 子 塗潦 平. 周道 平平者 以 -易道 睠言 1 徧 如 陳 路」。 砥 於 矣。 則 .顧之, 靈 其直 郊 舟 關,污 之亡。 晉 車 而 澘 文 如 道 所

此 謂 也?』以莊 以 路 室之人曰:『巷其不善乎 知 説 其 苑》: 勤 民  $\pm$ 一之霸, 也 楚莊  $\pm$ 而 伐陳,舍於有 留意 於一巷之溝 ', 何 溝之不浚 蕭 氏

焉

出

涕。」其斯之謂

與

?

往 延 城 祚 奏 後 明 唐 请 制 明 宗 止 兩 長 绝 京 興 車 有 元 牛 街 年 道 不 IE. 官, **2** 許 月 宗 於 車 天 Œ. 牛 津 少 不 橋 卿 許 李 來

# 官樹

樹,以 效。 召伯 槐 産 風 路。』』《釋名》 以 夾溝,以 路、宿息、井、樹 告王 官 相 谣 流恩後 ^ 近 柳 鄭 所茇; 道周之杜,君子來游,固已宣美 周 記里至,以 桃 代 亦 通 曰:『列 禮 政 多 水潦。」古人於官道之旁必皆種 李垂 • 廢 見 嗣。 野 日 法 之詩 ~ | | 街 廬 [弛,任 樹 蔭行 「古者列樹 子路治 氏 或 以 篇 下 **\***: 旅。 語 表 猶 至 人 ¥ 浦 道, 斫 比 隋 是以 「單襄公述 是 伐 ,樹木甚茂; 或 唐 以 立 人存 周 郊 之代, 表 南土之棠 鄙 及 道 道 食 政 野 道 如 舉 以 之 而 周 砥 子 之 官 有 守 制 道

<sup>● 「</sup>明制」、據《校記》、鈔本作「本朝」。● 「斯」、據《校記》、鈔本作「今日」。

史。 原 也 宗 須 梓 矣 彼 注 修之。 先是,路 之 廟 濯 ^ 後 類 濯 路 續 唐 黄 列 漢 圖 寢 而 É 書 側 於 官 • 孝 宫 • 長 道 百 無 寬 韋 室、 里 安 官 側 勿 臨 孝 御 置 0 志 陵 翦 州 溝謂 寬 是 袁 之 傳 之楊 乃 土 昔 土 思 **\*** 將 勒 堠 木 人 溝 民 部 作 謂 古 之 經 爲 鮮 大 内 植 功 有 雨 當 雍 侯 斤 高 專 颓 楊 堠 州 并 掌 旬 毁 於 職 處 刺 樹 之 修 其:

作

桐

茈

若

Ŀ

樹 令 周 詩 天 文 云: 帝 下 里 槐陰 同 後 種 之。 間 陰 知 樹 到 之, 於是令諸 潼 百 關  $\Box$ 里 ~ \ **\*** : 種 \_ 册 岢. Ŧi. 州 府 樹 得 夾 元 焉 道 龜 州  $\forall$ : 獨 原 里 注 爾 唐 種 唐 玄 當 王

維

宗開 街 内 畢 樹 種 果 元二十 奏 | | | | | | 樹 原 注 代 八 原 # 宗 年 注 朝 IF. 故 永 鄭 事 泰 審 月  $\stackrel{>}{\exists}$ 有 於 奉 年 天 使 兩 正 街 巡 京 月 兩 簡 路 畔 兩 槐 種 及 京 木,俗 城 路 城 種 内 中 號 果 苑 六 爲 樹

事

韋 槐 應 衙 物 曲 詩 YI. Z 池 畔 重: 多 楊 柳 1. 亦 衢 號 隱 爲 映 柳 金 衙 張 以 室 H. ~ 成 舊 行 唐 排 V. 也

懷 朝 槐 湊 旲 原 之政 士 陰 湊  $\Box$ 注 傳 成 注 淮 也 **\***: 而 榆 南  $\Box$ 久矣 子 湊 非 》注 官 卒, 九 槐 街 同 衢 之言 樹 之 指 然 缺 玩 樹 則 懷 所 今 而 也 命 日 디 懷 懷 易 之官 之。 植 之 來 榆 ~ 以 人 以 其 周 於 槐 補 無 禮 此 之。 及 口

#### 橋 梁

植

槐

樹

代

之,

既

免

修

復,

行

旅

又

得

芷

每

餘 有 注 原 皆 河 注 皆 原 則 ^ 所 雒 唐 蒲 注 管 則 津 或 六 皆 天 州 太陽 T. 津 典 渭 縣 修 水 **≫**: 永 隨 河 濟 便 陽 時 橋 凡 4 誉 「原 雒 橋 H 天 則 葺 渭 注 滿 下 孝 橋 則 此 義 造 其 海 舉 東 舟 橋 大 京 渭 石 之 都 橋 津 柱 之 木 梁 之梁 無 衝 柱 巨 四 要。 梁 梁 之 JL 其 梁

之徒 年九月 代 空不 償 民 所 遠 害。 水 利 年 甸 給 漲 史》: 令可 忧 民 租 年 荒 船 乞敕巡 能 冒 ,及天氣寒冱,官 修,長 粟 車 潞 陷 蕪 人 丙申, 望 貴 , 橋 河 绝 戚 量 至 如 爲 按 王 周 順 名 渡 其 吏不問 梁 鮮 周 趙 御 治 色, 天府 曳  $\Box$ 子 史 水,從 廢 大 充 其 爲 輪 : 私 嚴 府尹 小 壞 「橋 司修 義 或 勒 造 橋 爲 招 ,亦已久矣。 難 武 禁 渡 李裕 索 枕 舟 雄 造 治 梁 岸 船 易 節 客 此 席 渡船,以 不 湟 勒 言:「本 莫 以 錢, 無 度使,定 從 又當 修 上 取 陿 之間 定 之。 賴 過 往 以 至 便 其 刺 之 . 府 來 今有 師 往 西 況 煩 差等。」 史 人 津 原原 徒, 秋 來。 州 財 過 道 於 渡 章 哉 物 水 之處 注〕成 橋 藉 司 邊 橋 近 劾 也 壞 時 深 爲 之 今畿 0 以 七 陲 爲 無 每 化 至 所 乃 覆 Ŧi. 之 爲 司 民 賴 歲 1

#### 人 聚

法,蘇 ψ, 禍 興 以 爲 翁 其 盛之日,姚、 史之所 髮之老 時化》之篇 뫲 盛 會 亦 欲 衰敝之政 而 軾 然,能不擾亂,故 稽 未嘗至市 也。 太史公言: 戍 在 小 稱, 未 太 烟生 杭 此 民 嘗 州 守 至 唐之所 其 É 奔 作 謂 ·, 狗 大 識 示 宋 詩 古 遺 走官 井。」「原注 郡 曆 日 見,村豎 「人民爲 作 不 風 轍 朝。 漢文帝 以 以 相, 夜 猶 贏 府, 衰 後, 子 得 吠 可 厂原 百 海 也。 兒 少 日 想見。 征 )(史記 姓遂 老 74 童 注 民 内 時 時 不 賦 猶 語 方 《後 不 見 升 音 原 暇 所 純 安。 人民 名 注 好, 見 Ш 平。 漢 律 傷 給 唐 宋 事 書 吏, 書 野之氓 此 自 自 樂 州 年 熙 賦 六七 唐 元 開 寧 元 龐 業。 强 循 里 ф 半 吏 結 役 之 稹 元 眉 劉 化 傳 在 行 有 作 繁 所 詩 全 + 皓 寵 大 城 新

媿

之路 注〕見 後 風 於 訴 小 行 舍 白 必在 教化 俗遂至 枉 其 民 末 首 矣。 《曹縣 造 之人,悉至京  $\mathbb{H}$ 有「家有 不見官長,安於畎 ),役繁訟 袁 口 制 行,風 志 錐 於 徙 民 刀之末,將 此 之産 於 己 ! 垣 俗 城 多 圃 終終 田 可 ,使之甘 今將 郭。 師 Ш ,善乎 頭 ,輦轂之間 有 歲之功 畝,不 又一 盡争之。 静 枕衙 負 百 嵎 其 變而 門眠」之諺。 姓之心 ?,半在 至城 食,美其 林 五十年來, ,易於郊 多 求名之士 中者。 /伏莽, 官府 丽 服 改 「原 其. 坰 遂 洎 而 而

也 則 恒 心 ± 不 聚 地 人 聚 於 闢 可 於 城 得 田 鄉 則 也 野 而 徭 治, 治 役 聚於 欲民 繁 獄 之 城 訟 無 而 多、欲 恒 亂。 心, 民 不 聚 之 於 口 有 得 鄉

鄉

始

僕 郡 從 縣 亦 之人,其 昔 在神宗之世 不過三四,下此即一二舉貢與白 至京師 者 人無 一、大抵 爲 通 籍之官,其 四 海 少 事 糧

> 爲 者 輒 填 行 山 市 解 有 、衣食 爲 不 内 馗 召 人 朝 户 募 、游客 之 我 行 結 溢 生 丽 流 者 巷。 草 生之後 貂 己。 雜 所 干請 涕 矣。 \_\_\_\_ 璫 須 流 至. 蓋 之士 Ŀ 原 其 一於封 幾 公 詩 注 逢 窺 求 卿 於 此 嚬笑, **>** 易 章 古之所 哆 鹽 曰 : 百 給 而 鐵 É П 罹 各 論 「我 薦,投 而 談 0 挾 自 兵, 謂 人主之威 生之 興 彼 \_. 東 言 藝,未 軌 九 其 道 事 初 及 告 門 時 路 既 此 密 之 罕 興 至. 福 贵 尚 中 甚 每 多 Ħ. 廣 無 無

欲 清 辇 轂 之 道, 在 使 民 各 聚 於 其

訪 惡

民, 案致 尹 其 翁 八罪,高 歸 爲 右 至 扶 於死 風, 縣 收 縣 取 收 人 取 必 黠 於 吏 豪 秋

訟之師 之訪 遂借 改 其 而 課 停之,無異 有 此 察惡 自 所 吏 皆得一 爲 新 取 大 罔 人 也 會 民 所謂 也。 中 因 而 以 之事 噎 訪察之。及乎 及 武 收 而 警 0 出 斷之豪,舞 廢 取 百 矯 行 食 人」,即 其 縣 矣 吏 敝 民 不 者 皆 今巡按 濁 \_, 乃 以 文之吏,主 服 亂之時 無 并 恐 事 訪 御 時 中 察

雀 視 也。』」是故誅不仁,所以子 民 如 傳 ₩ El 子,見不仁者誅 : 子 産 問 政 之,如 於 然 其民 鷹 明 鸇 切 之 對 逐 鳥

乎. 足矣。』 老。  $\vdash$ 敢 ,?』曰:『信於令。』曰:『 於不 『安忠乎?』曰 蹇老曰 説 苑 善人。』董  $\stackrel{\smile}{*}$ 曰忠, 董安于 : 『忠 日 安 治 信 於主 于 晉 安敢 曰 : 陽 敢 乎?] 曰  $\exists$ 問 此 董 政 安 安 于 者 于 蹇 :

《鹽鐵論》曰:「水有猵狚池魚勞,國有

强禦齊民消。

# 盗 賊 課

千,口 ì 盜 誅 如 七 起 而 以 府 日 猶 此 文 亦使其 雖 千石以 : 爲 有 辭 法 『 羣 盗 張 (原 有盜 史記 書 Ŧi. 七十 避法焉。」 久 之 敞 + 自 注〕《漢紀》作 不言,故盜 下至小吏,主者皆 處 敝 起不 爲 請 萬 不敢發,恐 • 七人, 閒 Ш 治 酷 以 딘 郡 陽 發覺,發 之。 Ŀ 盡 吏 此 太 ൬ 一,訖計 願 + 傳 漢 此 守 Ì 賊寖多,上下相 以 徙 七人」。 世 數 不 爲 治 覺 勃 所名 言 能 盜 Щ 郡 武 劇 海 而 中 陽 得, 賊 他 死。 内 .爲 ' 盜 帝 捕 矣。 未 郡 課 膠 清 坐 作 弗 其 夫 諸 得 户 東 治 課 沈 滿 未 者 事 九 盜 賊 小 (原 漢 爲 累 命 品 課 ·
吏畏 得 亦 七 萬 賊 若 府 者 法 注 之 略 讨讨

之。 治 於南 起, 寬 紀 天下之道 於 遣 畝 武 而 繡 宣帝之世 ,卒之吏稱 帝 敞 衣 爲 時 之使 太守,郡 有 平. ? 不 持 一,帶 内 然 恃 其 斧 清 # 武 法 斷 職 治。」豈非宣 佩 帝 而 斬 民 犢 之末, 行 于 安其 之徒 者 郡 或 業。 未可 至 帝 岩 驅 之 乃 大 與 是 之 能 盜 用 歸 則 羣 法 刀 勝

後 郡 捕 討 吏 羣 或 仴 幺 也 取 者 爲 雖 盜 縣 羣 效。 獲賊 及以畏 逗 自 追 盜 最 後 四 凡 留 相 討 處 漢 州 其牧守、令長 多 要之首 糾 處 書 迥 尤 到 爲 擿 立立 避、 甚 • 則 五<u>,</u> 殿 起,攻 光 也 解 最 故 武 人共 謂 城 上 散, 縱 紀 課 原 委守 乃 刼 居 者 **∀**: 去復屯結。 坐 斬 注 遣 先 在 Ž, 界 注 皆 使者下 也 建武 所, 内盜 人者, 勿問 皆 殿, 唯 害 不 + 後 蔽 賊 殺 郡 以 除 青、 六 也 聽 若 而 Ę 或 爲 其 年 謂 者 以 不 徐、 吏。 負 罪 課 收 乃 禽 郡 居

> 治盜 帥 罪 馬 之於密,大抵皆然,又豈 之。 放 於 之方 牧, 他 於是 郡 邑 如 門 賦 更相 此 不 田 閉 受 天 追 稟, \_0 下 捕 光 之事 使 賊 武 獨 安 並 盜 精 得 生 解 賊 之於 於 業。 散 課哉 吏 事 疏 自 徙 是 故 其 而 4 魁 失 其

## 禁 兵 器

筆

筐篋之士

議

也

馬,凡 官」。 徙 之有刃者,悉輸於官 兵 月己亥,「敕中外 叉、搭鉤 (興,隕 品、二品官 西 海 王. <u>-</u> 色目 莽 、穳刃之類 身失國。 始 六 人 隋 建 有 許 年 煬 國二 馬者 乘 + 凡 帝 元 皆 年,「 Ŧi. 大 漢民 一,六月戊 世 月 兀 Ξ 業 禁绝之」。 組 三品品 取 辛 禁民不得 Ŧi. 持鐵 至 Ė, 其二,漢民 年 元 尺、手檛 冷申,□ 「括天 制 兀 + 尋 挾 民 括  $\equiv$ mi 下 弩鎧 儿 悉 諸 間 及 年 海 品 杖 鐵 内

員 兵,每 遂平。 天祥 嗚 拘 久 之聖王則 正十七年正月辛卯,「命 人、南人、高 將 Ŧi. 日 以 而 呼 入官」。 應之。 專率義 興 命 ,「予視 興 國 其 以 他 州添 復 或 匹,六品 後代者務 + 時 變, 軍 順 家 既已言之矣。 重 以  $\exists$ 爲 兵 設 鄰 帝 天下 麗 禁藏 甲 籍 判 而 郡 以 更舊 至 兵 及大 以 **羣** 盗 器 事 官 不得 元 愚 矛戟 甲 下皆 致 政,治隱 守 江. 影, 爲 夫 ん長 員,每 樂」。 充斥,攻 南 執 (), 今日 年 愚 行 北 弛 持 匹。 Ш JL 匿 省 婦 諸 兵 命 兵者甚急,天祥 軍 城 縣 東 月 器 故 呼 邑 天 器, 癸 分 陷 能 劉 添 祥 令習 以 多 原 勝 設 省 酉 從 權 文 凡 城 乘 注义 民 知 予」,古 主 專 勢 成 邑。 有 皷 便 本 殺 陳 結 馬 禁 鞞 有 簿 軍 去未 天祥 其 境 事 詩 義 至 者 漢 守 内

弓弩。」吾 Щ 省 禁 漢 武 防。 丘 帝時,公孫弘奏言: 今 壽 陛 Ŧ. 難 下 昭 之,以爲 明 德, 建 聖 禁民 太平,  $\pm$ 務 IJ: 宇 得 教 内 化 挾

> 原 教 二千石之罪, 日 有 鶴 化之原,而 化 注》《舊 方外 膝,户 唐 書 鄉 有 鄭 帥 風。 非 犀 惟 之以 挾 渠」,適 忠傳 然 弓弩之過 爲善保家之道 引 而 盜 足以 吴都賦 賊 誇 猶 也」。 國俗 有 脯 者 不至導 誠 之强 則「家 郡 能 明 或

### 水利

民

以

不祥之器矣

之開, 兵之後, 常 七。 爲令者 而 河渠》一志,亦 以 志之所 号. 百里之官 歐 一,

猶 非 陽永叔作《唐書 堰之立,無不記之其縣之下,實 則以催 太平之世 書、大抵 得 以 而 用 可 科 創 謂 爲 T 在 一,吏治修 詳 方之財 急,而農 年之利 天寶以 而 地 有 興 體 理志》,凡一 而 前 功 矣。 至 民 期 者居什之 水道 於 隱達, 月之役, 蓋 河 有 唐 朔 故 渠 不 時 兼 用

所 有 步 萬

八千 約

丈 有

,其爲

洫

與

代

溝

洫

之利,其

小

原之田夏旱

秋

所

以

爲

世之利 起之土即

也

後

世 道

百

乎

其

小如

此

 $\mp$ 

莽

方古之通

澮

。 距

川

古

也

曰

盡

力

乎

化

魏

潤

亦

言

徐

光

啟

作

書

丈

者

出 洫 矣。

三人,就

地

築

±, =

H

廣

深

满,其長十之,

料 而

T. 畢 首

則

合 家

八家之力

面

先

治

横

溝 T.

 $\mathbf{H}$ 

百

溝

料

T.

H

旬 以

而

半三

旬

而

畢 爲

責三

歲

其 其 計

就

必

矣。

功

之

俱

成

H

而

畢

又

明

年

八

百

家之

力

彌 輪 耕

月 中

悉 間

成。

古之遂

逕

貴. Ψ.

有

異

設

甚

難

之事

也。

斌

觀

删

尺

之

而

即

成 深

者

也。

今

蘇

湖  $\mathbf{H}$ 

九

月

廣二

尺。

其

闊 之田 之法,

之鄉

萬

輪 種

通

、又焉

得

而

聞

也

릲

水

日

書

之不

绝

於册

暇

講

求

者

歟

?

棄之地二百分之一 。』水利修亦致 八十丈,其 特 津 者 溝 無 路,所 潦 慮 聖 自 涂 爲溝  $\sim$ 乾 民 其 巨瀆,今日 詳 水 而 洫 然 人 ,年年告病矣。 乾 者 而 雨 自 傳 弱 棄地之多 而 旱 於 自 畛 九 通之水即 爲 有 時 , 之術 今之爲 也 者 積 **>** 水 乎 土 也,其 大 而 著 天 八尺 딩 : + 利 ? 日 今 曆 禹 有四 於 下 一, 更 也。」夫子之 之學。 積 而 大者官 以 自 以 多 齊 之 崇 吏 新爲之,必 備早 릲 實 া 言 大 至 爲 禎 無 山 則 者, (陳 亦 咸 事 尺 多 所 細 潦 時 澤 數 成之步 而 故 而 爲 也  $\Box$ 同 流 通 水 之 有 濟 已 給 有 也 而 + 溝 知 慮 濬 稱 氣 氣 徵 不 事 年 猶 Щ 輔 洫 日 井 其 通 約 溝 者 遺 於 所 之 中 不 無 皆 事 畎 禹 中 臣 萬 洫 水旱 者, 功 絀 爲之也。 民 矣。 澮, 矣。 麥,必 之難 宜 日 民 計 之步之爲 計 鱗 甽 所 其 二尺 必 萬 而 甽 日 其 接 官 廣 莫 家自 至 即 明  $\overline{\underline{H}}$ 成 世之利 浚  $\mathbf{H}$ 則以 深三 無 數 整 爲 能 其 年 以 者 而 以 年 嚴 一之遂 年 H 齊 田 其不爲 爲也 爲 爲 澮 以 百 而 拯 歲之不時 課 而 洫 而 均 輪 則 利。 旬 生 也 八十家之力治 爲 卹 八 有 半, 後 其 更 之功,分 溝 故 溝 + 即 不 兩 見 人自 小水旱 非 者 百 Ę Ł 澮

DЦ

吾

民

之死

生

飢

飽 必

聽

命

于

不

可

知 無 之

之

或

家

之利

病 無

數

年

而

後

見

近

遑

又

萬

萬

可

爲

者

加

以

民

食 事

盈

蓋

時

無

大

水

早

則

坐 爲 治

視

爲

不

必

爲,

及

洫

之不

治

農

民 洫

莫能

官

П

齊

其

力

而

姓

夫失業則

飢

H

失

穀

殍。

爲

力矣。

乃

終

歲

墾

 $\mathbb{H}$ 

而

仍 則

飢

以

殍 此

則

以

溝

之不

也

歲

之不

時

歲之中,

家修

其

遂, 衆治

其 及

溝

洫

官 Ŧi.

督

可

以

無

飢,十

分

之飢

叮

救

其

故

之提 時 焉。 視 夏 H 地 其 泊 用 歲 其 鄰 田 有 而 名 去 形,人異習, 力。 作 爲 П 灼 不 事 美 方 洫  $\mathbf{H}$ 成 則 先成 使 而 士 見 于 而 點 于 Ŧī. 永 而 以 擾 則 飢 曾 交其簿于受代之人。 蓄 刑 未 利 授 其 久 郡 不  $\mathbf{H}$  $\mathbb{H}$ 日 溝 者 固 民 「, 秋 者 其 守 坐 荒 足 可 獄 洩 通 不 即 + 籍 而 不 廣 之利, 頃 人, 者 恃 及 興 並 之 則 可 而 作 必 責 厦 功 按 時, 溝 也。 領 頃 則 成。 爲 之 聽 存 + 以 Ŧi. 其 之内 而 方尺 勸 洫 防 于 Ħ 任 募 也。 兩 溝 則 年 成 就 此 農 者 故 其 官 今 ,冬作二旬 本業之人民實其 地 而 于 邑 任 食 豫 之圖 百 之職 度 集四 爲 旁 即 共 半 縣 準 力 其 起 救 溝 此 溪谷之外,如 春 畝,令不 近失田 令, 之, 科, 里 而 之 之救 未成者簿志之,至來歲 洫 境之耆 議 凡縣令置 動 而 計 不 策 則 分 救 畝 經界,秋 必 + 仍 聽 日 也。 也 郡 其 + 而 丞、 之夫爲之,官 萬 ·當溝 訪 無 具 Ę, 任 守 而 兩 己之衆, 簿 纖 求 田 即 斌 責 當 圖 于 救 農 田 王安石 毫 于 親 體 議 謂 塗之道 爲 其 以 縣 之 田 + 之 董之, 鄉 遣 訪 救 如 策 溝 兩 官 作 丞、 課 以 耆里 益 使, 畝 荒 洫 令。 之欲 漢 均 有 其 也 郡 以 者 助 人情 主 于 無 于 **\$** 如 其 溝 武 功 簿 長 民 1 其 善 守察之 令或 救 力, 轉 宋 帝 然 續 洫 H 者, 不 者, 策 地 之 有 川 天 荒 梁 而 償 而 作 其 而 春 足 勢 代 禧 輕 貰 業 之 爲 親 總 亦 Ш + 其 畢 廢

之田 其 第 隨 民 必 以 注 稻 不 豆 與 Ŧī. 諸 洫 不 方 而 徒 水 之法 之田 旱 知言水 可 高 轉 爲 故 能半之, 麥、秋 阻 源 州 作 H 不 種 自爲之者,勿憂其 以 者 爲 隨 興 水 也 成 減 耳 深 即 其 下異勢,燥 早 水田 功 成。 民 爲 田 于 則 其 有 地 爲 收禾稻 及 利,不 誠 利 也。 東 溝 利 則 之廣 肥 西 種 下 宜 矣。 能勤 借 有 南 洫 又倍。 産 以 沃 四 北 而 禾 名 今必 小水旱, 修 · 中 無 比 早 遣 種 輪 不 稻 1 溼 且. 行 以 生 而 使,不 以 爲 東 者 既 田 知 什 年之人, 槩 異 爲 相 擾 其 水 欲 南 西 水 數 事 大 佐 亦 度, 伯 有 性。 溝 者 卓 非 以 北 田 倍 之 晚 之塗泥,又奚翅 利 地 此 而 宜 起 洫 分年規 粱 有 者 荆 之利以 難 熟 土 黜 于 豐 故旱 無 徒,不 麥之性 其 也。 備 非 性 東南, 于 揚 而 算 則 種 何 得 古 高燥,宜 蘇 慮 之物 彼 矣。 則 田 者 高 減 凡 之鑿 地, 爲 湖 始 招 歉 西 之不可 地 H. 于 穀之種 石。 之民 利 也。 流 仿 産 之水 而 或 北 穀 東 周 則 空求 也 户 疑 諸 溝 雨 麥 倍 之 原 南 遍 隣 而 澤 宜 爲 善 井 州 宫 视 四 洫 膴 種 禾 焉 植 近 北 利 且. 之意, 粱, 所 水,猶 爲 田 歲 膴, 類 何 氏 其 注 所 必 方之 果 之 者 過, 稻 繁多, 之 大 水 既 則? 日 而 有 行 雍 患 土 比 倍 所 田 廢 小 爲 者 水 在 種 水 南 請 也。 備 脉 遂 冀 人, 害 功 低 欲 惟 厚 西 人 田 北 其 蓄 無 地 春 有 者 力 以 平. 者 洩 所 種 收 復 非 水 而 宜 北 溝 是 之 異 法

制 者以 耳。 可。 年,水行溝中 口 之矣,必 其 遂 之六七,早之爲 意 人之法 其 愐 爲畜 今但 稻 悄 (實皆溝 E 已  $\mathbf{H}$ 獲 以 水 相 不 矣。 溝 列 勢 之所, 其 П 含之而 也。 洫之利 而不泛; 有 地之下者以 觀 所 H 患者十之二三。 疏 揆 周 不 無 矣 先 後 其 禮 行。 水 水少之年,又可畜溝 以 Ŧ 節 故 一爲 澮寫之焉。 是又 爲行水之區,又 遂 闊 以 溝 人》之法 其 瀦畜之,以 不 洫之本意,第 Η, 然。 故遂 不 旱 夫 用 原 人  $\mathbb{H}$ 善 防 與 盡 相 Ŧi. 中 則 復 IŁ. 復 -之水 欲 溝 稻 潦 其 之,以 古 古 之大 之爲 人 使 地 者 之 之最 溝 以 水 多之 小 法 洫 滋 患 遂 亦 之 田 不 者 均 F 不 師

也 記 貯 沃 谷 亦 石 渠 恕 壚 Ш 畝 堰 此 田 所 渠 龍 河 收 整。 門 即 之 貞 + 人 縣 漢 觀 石。 十 三 ,今之河 轉 有 時 所 + 龍 謂 河 年 西 般 年 門 東 築 河 縣 至 倉 津 太 京 + 移 令 東 也 徙 以以 開 守 長 0 南二十三 元 渠 里 孫 番 省 北 有 恕 係 不 弱 三十 年 之 馬 鑿 利 東 置 鞍 策 之漕 田 溉 里 里 塢 者 所 有 有  $\mathbb{H}$ 渠 史 者 以 良 + 瓜

> 之事 天下 能 償 必 無 種 不 難 能 舉 而 之功 過 唐 前 人 人 行之, 存乎 者, 不 其 竟 亦 人 以 誣 而 獲 乎 른 利 謂 是 後 以 知 X

度, 倉 、農爲 之察。 自 誉 棄 嘉 罄 勸 溝 詔 畎 識 此 委 奉 卹 洫  $\Box$ 唐 所 庾 澮 兹 洞 地 之 姜 以 有 連 政 任 公 歲 厥 於 白 懷 師 昔 屬 本 之道 官 欲 微 京 仍 後 功 度 藏 縣 利 史 爲 舊 坻 猶 特 聲 智 爲 過 平. 朕 起 開 之 昧 來 冒 知 形 塵 百 半, 故 發, 暫 溉 饒 榛 風 無 物 未 缺 州 兹 停 漳 缘 棘 績 霜 不 冀令遞 兆 然。 議 刺 巡 鍋 九 之 之所 百 之弊。 爲 用 史。 紛 省 策 輔 列 姓 匪 斯 -, 不 同 如 之重 致 躬 未 頃 多 相 州 鄭 開 徧 畝 開 憚 之 職 今 緣 教 É 元 爲 刺 一,假 金 節 祁 大 原 食 其 誘 秔 史 鑿 恐三農 八 之 農, 寒 乃 稻 田 以 忠 姜 涇 年 所 潤 彌 將 欵 首 之 功 懷 師 +

虚

本

Ш

望

申

天

條

開

口

必

利

月

子》。 功立 書 官 辦 其 籍之 既 婁之野,莊 也 侯 在 百 不 在 也。」於是以 令吾臣皆 時 必 官 然後 兀 取 成 功 其 以 一發 西 魏 事之本。 矣, 地 力 旁, 百 屯 門 衆 是 襄王 豹爲 穿 師 能 熟 畝 原 比 思 知「 不 西 整。 度 注 誉 田 來 鄴 如 知 與 仁 門 鄴 洲册 史起 以 與 無 種 令。 雖 其 召 共 西 獨 如 也 豹 羣 孫 功 者 欲 時 府 之。 可 門豹之爲 人作 口 不 史起 叔 有 臣 加 爲鄴令,引漳 速 兀 以 仁 百 龜 準 州 不 知 敖 金 飲 利, 其 爲 Ì, 無 數 智 有 用 畝 進 決 紫 酒 令尹 屯 本 豹 見 而 給 貧 期思之水 光 亦 曰 : 傳: 是 是  $\mathbb{H}$ 人 王 成 小 未 付 下 禄 量 功 也。 不 田 臣 内 爲 利二 餘 之 欠 大夫, 亦 師 準 也。」〔原 魏氏 智 惡 先 羣 度既 多。 地 水 盡 頃 地 有 也 也 臣 原 之户 溉 畝 好 言 何 之行 讀 賜 且. 而 注 百 祝 鄴 溝 割 帛 依 爲 姓 足 知 漳 灌 此 注 , 自 洫 日 淮 還 所 前 雩 建 詔 注 以 法 而 水  $\mathbb{H}$ 文 南

始

也。

興 富 民 紀 史起之臣 田 事 魏 之 之勤, 元 則 初二年 指 河 此爲 矣。 内 有 īE. 西 授 月 門 原 方 豹 修 注 任 所 理 開。 归 能之略 史 門 記 豹所 爲 人 分漳水爲支渠 "; 不 按 君 後 患無 者,有率作 漢 書 叔 以 安 敖 溉 帝

石,使 《晉書》: 水 約束, 有定分, 漢書》: 杜. 預 刻 公私同 都 石 督 荆 立 召信 利。」此今日 州 於 諸軍 田 臣 畔 事 爲 南 修 以 召信 分水 陽 防 太 紛 臣 守 之制 争 遺 **,**。」〔原 迹, 爲 分 所 民 疆 É 注 作 刻

八 河 奏 縣 集 處。 四 開 天下 Ŧ 洪 吏民,乘 此 武 聖 百 郡 末, 六 祖 縣 遣 + 農 勤 塘 或 民之效 隙 堰 子 處,陂 凡 修 生 治 川 萬 水 人 渠 利 才 九 、堤岸 百 分 八十 詣 Ħ. + 天 千 七 八 下 四 年, 處 + 郡

<sup>●「</sup>作」字下、《漢書・召信臣傳》有「均」字。

宗 四 意 蓋 吾 子 雨 至 此 送 奏 施 澤 徒 給 乃 恤 所 方 也 古 即 佃 其 奏 者 客 勞 事 積 民 以 雨 洪 封 本 視 之政 年 澤 承 龍 武 也 式 進 州 中 於 令天 四 奏章 十月,(原注)仁宗即 平 中 收 通 縣 朕 見 故 海 嗚 日 貯,是欲 政 下 何 此 親 而 其 **令** 之 呼 類 久,率視爲不急之務 奏 司 爲 雩」、《春秋 閱 良 天 留 廣 送 Ŀ, ? 雨 焉 太 法 下 心 猶 給 澤 美意 民 祖 上之人終不知 之人 州 自 吾 事 者, 事 原 起 今 中 縣 莊 注〕今《大明 如 自 四 何 收 長  $\mathbf{H}$ 欲 位  $\forall$ 今州  $\equiv$ 此 側 貯 方 吏 繇 前 書 兆 通 微 所 知? 月 知 上 縣 民 政 當 不 奏 奏 水 會 曰 升 時 之 也 司 雨 典 旱 雨 雨 雨 : 衆 又 請 長 爲 澤 永 美 澤 之 欲 章 以 祖 以 樂 丰 猶 天 如 載

> 隱 祈 以 年 雍 雨 望 澤 言 IIII 歲 莫 之 民 者 奏 達 疾 苦 遂 然 民 以 後 而 親 里 寢 知 而 廢 老 聖 或 · 天 亦 治 主之意 得 有 災 詣 格 以 闕 也夫 而 有 自 不 不 陳 聞 但 於 民 後

得

世

#### 河 渠

爲 泗 河 伾  $\Box$ 無水災,此 梁、楚之地 上 元 : 一,名曰 ; 光 害幾及千 同 自 北 武 中 黄 爲 塞 调 帝 河 宣房後,河 《史 宣 逆 河 洚 自 載 復寧 記 防。 河, 決 之《 车 臨 水 • 瓠 ·, 至 入于 河 禹 復北 發 子, 無 導 渠 閻 貢 卒 于 書 氏 決于館陶,分爲 水 河 海  $\leq$ 東  $\exists$ 數 大 災。」 之文, 北 南 按 萬 者 陸 東 行 此 注 自 人 ; 過 若 説 其 又 鉅 塞 《溝 復 洛 漢 大 故 屯 非 一之,築 北 野 禹 至 汭 洫 氏 道 唐 舊 志 河 復 播 通 至 也 禹 跡 則 宫 于 爲 河 于 舊 續 地 跡 其 大 不 淮 漢 九 而 之 理

單、鄆 于梁 蚡言: 決 東。」《宋史》:「熙寧 運 應天。」此老成謀國之言。 禹 而 旺 故 武 海,至周 宣 志 沮 變也。 海 元封後,宣帝地節前 帝 迹,而 于 于 蜀 南 元年 魏 塞河之役,其實非公論 地節元年壬子以 矣,元 澶州 「江河之決,皆天事,未易以人力彊塞,彊塞之未必 淮 Ш Ш 郡館 Ŧi. 定王五年河 也。 Ŧi. 古今大事, 張 湖 大臣力主回東之議。」「原注」《宋史 州之境,●環梁 陶一下 曹 月 澤 雖 連, 豐以後,又決而北。 合北 丙辰 不知 濼 村 注 瀰 云河 徙 的 而亭林 北 前 清 滑 漫數 分 在 從 河又從勃 事。 流 何年, 河,人于 當時 鄴 爲 水别出 八 斷 州 也 亦未考及耶? 縣 余嘗謂禹之時,河自碣 二派 年七月乙丑 百 绝, 河 山 ·惡蚡者謂蚡奉邑在 要 東 <u></u> 里,河乃 北 武帝 海 爲屯氏河, 決,浸汴、曹、 ,合于汶水,與南 Ŧi. 河道 郡 人海,此 海。 代 章武縣入海,此 元 , 史》: 合南 封二年 南 議 河 **錢** 東北 徙, 一, ❷ 河 自 者 又 變 氏 清  $\pm$ 也。 至章 北 晉開 欲 自 東 河  $\Box$ 申 濮 河 石 復 北 後 大 東 滙 而 田 又 漢 孟

> 其決 泗,清口以下奪淮,凡三奪 元,其 於天地之氣運,未必不有所 堂之議 今歲久,河身日 古之河矣。 姦臣 塞 渠志序》曰: 屢 者 決, 建 勢日 既 以 議, 至 視 爲 必 南 趨 白 自中 欲 利 其 渡 於 П .滑臺、大伾嘗兩經汎溢,復禹 而 不 奪者以 高,淮、泗 後, 之,俾復故 南 牟 獨 貽 而 以下奪汴,徐州以下 以 其 不 爲常, 禍 害民 可 流 於 又不 挽, 金源氏。」降及 竭 鰯 司 生,妨國 而 天下之力以塞之, 也 故今之河 水之臣 能容矣。 後 注 蹟 于 計 矣。 又 金、 海 奪 非 乘 廟 M

屢 時 河

丘 仲深《大學衍義 補  $\sim$ 禮 **>**  $\Box$ 

<sup>0</sup> 0 「八」、《宋史・ 五月」至「之境」、《五代史· 州 河 决,漂注 河 曹、 渠志》作「十」。「乙」、《宋史 濮、 單 耶 諸 晉本紀》 州之境」。 作「 六 月 丙 河 辰

<sup>0</sup> 今, 繇於地脈哉」數句凡三十一字。 「所關也」下,據 志》作「己」。 首 顧居下,足反居上。 《校 記 》**,**鈔 鸣呼 本有 雖 自宋之亡,以 事使然, 豈得不 至於

之地 爲: 今之 允治 作「沁」,誤 几 人淮 涓 今 以 海 狹 存 而 注 雖 梁 瀆 河 前 受黄 治 甚 其 滴 焉 於 是 禹 實 故 視 以 Ш 之滲 廣 功, 者 , 河 禹 水 之治 録 爲妄行。」曩 淮 等 江. 元 河 者 泗、沂三水 自 所 載 合 可 侯。』謂 所 人 處 漏 今 河 之全,蓋合二 天 水 人海 處 其 謂 排 處 則 矣 順 猶 , 至 淮 之勢甚 七 盛 之 去 河 以 而 有 於地 年 尚 濟 之瀆 時 矣。 勢 禹 入淮 邵 金景 清 所 河 乃 也 謂 淮 或 能 以 分, 口 易, 平天成,六府 者 輝 水 以 難 遠 賢 而 爲 又 口 言 而 瀆 之 猶 今觀之,其 如 矣 獨 於 所 作 受衆 並 合 歸 東 几 「黄 而 禹 治治 屯 有 求之效甚 河 也 汴 於 而 北 瀆 爲 河 氏 所 水之歸 州 所 之 不 淮 以 所 「原 河 瀦 郡 循 道 赤 求 空 論 也 也 今 其 注 故 之 一之地 所 猶 之  $\approx$ 河 哉 以 獨 如 道 小。 事 元 害 功 以 微 之 鉅 自 人 而 并 木

野

流

原

類

無

有

況

宋

淮

於

乃 要路 今北 今河 水 河 注 其 濟 隨 右 狹 也 吾 相 旋 合 之 自 之 性 盼 於 同 大 吾 有 如 吾之事 比 固 禹 南 在 大 於 意 有 在 地 而 宜 隨 蓋 動 而 而 禹。 臨 伾 杯 地 居 其 其 則 大 吾 山 必 無 況 哉 禹 以 清 者 之 有 掣 梁 東 衝 所之而 無 凡 得 水 之治 上 禹 時 也。 中 衝 肘 容 郡 決之患。 在 禹 無 方 之導河, 決之 故 有 水之在 水 之 縣 大 情 西 尺 使 水, 以 疏之,不 濟 ·, 棊 E 之 所 禹 南 物 乃 水 在 所 寧 隨 患 地 空 不 也 有 能 又 布 地 今夫 杯 處 地 也 自 以 能 南 知, 容之, 宗 之 其 星 之勢 而 者 施 與 大 與 有 水 能 藩 非 列 而 也 尚 功 故 水 伾 争 徐 大大 杯 委 所 水 況 而 難 日 不 其 以 者 官 州 利 無 所 據 欲 蛇 在 他 之 於 能 勢 亭 伾 下 所 皆 空之 吾 今皆 拘 水 故 曲 使 禹 人 民 以 然 拘 之 分 之 左 轉 平 束 舉 水 折 舍 F 也 礙 地 必 顧 漕 地 爲 ? 唐 得 播 況 以 Mi

之論 告 之 恐 清 焉 案〕二文莊之言,自 長 塞 流 河 治 濟 禹 扼 自 利 H 勢 漕 寧矣, 也 之 深 绝 淮 段 嗚 哉 前 故 渠 ; 今則 治 已 異 勢 得 云: 不 之責 不 呼 也 曰 極 水 淮 又恐 及 所 足 賴 繇 羽 則 若 其 至 而 去 臨 翼 於 合 求 之 而 謂 信 於今日 悄 流 壞 其 是 文莊之言觀 何 之 運 清 以 已,安望其 之後 非 愈 前 代之臣 不 徐 功 墊 矣, 漕。 深 也 明 使 人 州 溺 大 治 黄 ··; 而 是 海 力之所 又恐 也。 河 之 於 用 了 不 П 淮 得 淮 不 害 即 決 分背 禹 及 是 失 爲 于 壞 大 门门沈 過 使 之, 溢 數 汴 而 能 河 闢 斯 濟 之菑 皆 矣。 而 者 補 已 矣, 治 民 則 蓋 乃 寧 無 苴 氏 矣 計 與 河 使 此 河 又 而 也  $\Box$ 罅 壞 丘 不 淮 恐 外 無 後 百 水 旁 漏 助 也 邵 方 歲 世 謂 不 南 壞 決 無 河 汝 諸 輿 之 勢 不 之 以 趨 又 及 臨 求 成 公 īĖ. 紀

之性 合 禹 則 貢》 衝 之言 驟 則 治 溢 水 也, 故 别  $\Box$ 而 播 疏  $\Box$ 之, 瀦 所 以 水

不待言 地中 運 使之有 以 嘗 禹之治 可 言 月 去幾二千 河 今之大清 由 言 矣。 物, 之, 殺 刷 蓄 益 漸 不 河 道 洚 防 其 可 |不可 高 南 臨 流惡 所 海 防 行 水、大陸 而 〔錢氏 衝 分乎? 河,釃 決,始  $\Box$ 者 清 勞 而 黄 于 以 之沙 里。 洩 費 使 河 至 也 所 以 河 良 可 天津 節 無 出 也  $\exists$ 之宜 爲一 黄 潘 田 合 播 容 地 圃 以 已 禹 寒 河 其 其 廬 汴 又 季 上; 北 者 九 Á 而 渠, 之治 計 其 阜 合 宜 馴 舍, 遂 溢 條 河 泗 北 是 唐 支 合不宜 固已左矣。 爲 欲 爲國 不 民 之水 且 疏 則 至 也 也 流 師 其無決 同 播 淮 水 與 宋、 爲 爲 季 爲逆 以 家之大患 也 束之使 爲 而 城 既 九道 馴 東 季 暴, 分 平 金, 人 爲 大 漢以 使 百 九 溢之害,不 馴 河 于 ılıj 南 矣。 人之言 皆 野 由 古 治 以 姓 河 然 順 海 릲 條 歸 後 地 人云: 河之法 曲 人 既 其 水 矣。 之 Ŧ 矣,其 後 與 中 此 海 是 性 河 夫清 之性 利 瀦 禹 道。 行 鍾 者 非 由 河 而 也 亦 川 兩岸 河 馬ュ 欲 導 不 就 古 水之當 難 金、 干乘人 爲 無 美 繇 是 藉 人 之 雍 之故 有 過 乎 下,不 北 所 之隄 海 可 河 是 也 旁 注 是 面  $\Box$ 元 條 謂 之 水之力 之間 海, 以 海, 迹,今 言 之 防 而 而 今之 清 使 П 歲 Щ 也 也 豐 必 蓄 興 何 古 水 由 增 相 即

不 河 海

存

人 水

海

清

徒辨 下

地

埶

疏 河

之,其

數 能

適

九。

占

地

既

廣

淤

益

澄

流

益

清

秠 于

水不

不濁

與

使

人

海,

孰 寬

若

留

培

兖

州

夫去河二十五里之隄,視今日

所

謂

谣

相

去

遠

金隄

盡

而

九

河

接,其

游

波

衍

固

可

知 隄

矣。

大

者

河

盡 Щ 衍 歸

蓄

必就下, 禦、又糜國 人必多。」謂 載之高 於河,不 肾主 下爲妄用 知河 治者、當謹 載之高地 一,所以 不 全力以 根 疏 也。 與 暢, 輒 務 偂 而下 以 地 + 易 是 伏 地之高下 激之也。 渟 吾 問 水 取 解以 以 流 下 \_, 何 行 季馴之法, 其 河 ·有辨。 攻 播 歸 實 節 可 不 河 建上 人 所 力 不 伏 沙, 也? 墟。 信 塞 無 而 爲 知 海 水 於 宜 以 慎 九 敗。 也。 之, 行 也, 數 濁 也 是 此 潰 分,而 無 載 數 用之。 河 則 + 日 而 疏 矣。 耐 但 禹 用 僥 义 水者 敗 一周 守之百 四 愐 里 同 功 駛 爲 之 知 海 倖 必 也。 增堤 面 其 水性者 後 爲 河 之所 逆 九 地 濟 之水 若 成 辨 地 皆 要 清 逆河 至 無 河 河 功 曰 厮 高 水 也 Ŧi. 無 爲 尤 以 大邳 則 之説 與 一,而 以 十年 則 而 不 渠 禦之, 海 在. 禹 可 , 所 而 人于 輕 永 中 所 驟 水之高 往 水 行 節 復 官 載 以爲治 厮 而 者 久 以 下,後 南岸 起 往 就 所 地者 下 海」。 吏 之高 丽 揚 也。 也。 澄 尖淤、 與 距 下之性,不 埶 轉 其 之也, 渠, 下。 朝 河 濁 水 將 受 Ш 效 必 迅下 也 夫水 水性 潰 近 地 之水 則 也,是 埶 浸 無 以 如 重 善以 兩 海 世 溢 重 盡 百 淫 山 引 賞 此 旁分 之力什 言 之處 西 之 就 隄 復下 而 相 涣 其 故 性 謂 治 使 地 爲 迫 其 下 此 不 平。 散 墜 河 洩 之 非 固 河 逆 徑 大 平. 而 能 或 人歎 年 平,河 使 是 矣。 者,其 陸 以 爲 挾 則 狹 與 能 ൬ 證之。 因 以 其 其 然則 上

驟

墟

土. H

爲

北

恐人不明于水容之説, 多,是歐中 八其益深. 力省 當當 九河」之指 沙少,是留 必深,深 去執 高 不窄,則 使其落前 埶 全 固 此 當益遠 國之土 人 然也 則 毋 「載 人 海 損 宿 也 人海 猶 海 執長 地之高以就 益 之高 矣。 人海 若 善乎 之尖 廣。 建 無 能 落 即 地 瓴 力 爲 而 淤 度 使 賈 後 也 不 , 尖 可 河 引齊、 讓 以 全 路 能 淤 海 水 河 爲 通 毆 以 狹 短 也 當 常 之水 逆 其 培 而 必 魏 則 使其 高 深 河 海之處下分數益 爲 詞 中 埶 各 廣 一之指 于  $\Box$ 或 逆 E 去河 計 則 深 漸 海 之下 河。 則 **班** 其 淺 水,則 1 則 水 與 所 也。 而 怒 地 淺 而 力 水 + 容 不 全, 則 逆 也 鋪 怒 近 争 Ŧi. 驟 廣 河 澄 行 里之隄 地 則 海 路 減; 之上 此 必 海 ', 又 澄 挾 地 短 即 淺 面 硫 沙 淺 既 則 則 不

之巨

蠧

待者也。 益久,下地 禹蹟不可 今也 益 復覩 高 不 逆 然, 而 河 不 堤之、障 人 知 海 此 將 固 益 禹 暢。 之、偪之、 所 禱 九 祀 河 ൬ 堙 水水 爲平 束之, 計 陸 日 後 тi

之 無 以 容 其 流, 而 不 得不發其怒, 則 其

曹、 汜之間 之先 皆 以 不 不 洩 築 也 而 乙 不 黄 有 得 之於南 生 下 能 由 單 别 欲 民 湖 容,又 陵 朝 丘 地 穿 以 -之間 陂 不 魚鱉之憂殆未已 仲 中 出 徐有 南 病 深 而 以 梁 使之 高 河 民 不 今復 謂 乃 横 绝 得, 貞 Ш 必 而 而 猶 出 其 以 濼」者,將 從 治 并 妨 不 塞 於 於 唯 利 北 而 運 河 趨 之, 蘭 原 以 淮 下 來 人 一道。 猶 陽、 隰 之。 故 受黄 之道 而 也 疏 之 則 道 邳 河 儀 在 間 頻 分水之渠 河 人 之 吾 封 今 自 宿 歲 而 淮 淮 見 在 各 之全」, 古 弘 以 決 河 劉 今 開 無 治 泗 下 於邳 貢 流 淮 日 怪 於濮 之間 六 然 父所 左 狹 總 欲 口 其 年 考 右 宿 於 北 而 然 而

籍 利 讓 之於官 圃 河 占 古 政 佃 之壞 者 然 河 立 後 旁 也, 或 水 汙 起於並 居 無 澤 民 所 之 容 地, 疆 水 愐 理 之 不 横 土 才 民 決 地 之 貪 爲 必 害 吏 水 遺 大 退 賈 之 Ш 而

> 邑,古言 小 犯 溢 之 界 得 日 見 歲 日 有 澤之分, 未之見也。 太守、太守 之爲 説 水水 時, 者也。」《 中 所 人 『善爲 (); 陂 之惑 有 休 梁 時 人 無 舊 澤,方 息, 川 山 瀦 自 所 以 障 水 度 人 川 濼 浸 歸 賦 水 犯 元 泊 卑 水 左右 耳。 者,決之使道。」」 原 僅 矣。 之 之。 史 民 下 數 汙 勢 遂 注》《五 地, 口 • 池 +所 致 民 游 以 此 + 近 河 子 多 里,環之 不 無尺 爲 今起 波, 并 爲 代 里 有 渠 行 及。 爲 害 史》: 一,其虚 汙 Ŧi. 志 Ш \_\_\_ 勢 寸 廬 寬 澤, 代、 壽 家 東 繇 大 不 舍 謂 緩 有 晉 宋、 張 使 言 鉅 所 Ш 耕 此 其 又曰 開 而 隄。 令修 野、 運 觀 據 秋 無 中 金《 不 黄 而 元 之, 百 水 防 年 壽 忽 迫 河 此 往 忘 志 史 多 里 Ŧi. 内 其 張 非 遇 退 臣 +小 月 73 13 昔 諸 泛 餘 黄 涸 親 故 水 Щ 河 丙

傳》: 退 魚之利。」《金史・食貨志》: 於汶水 言 辰 滑 外有八百里梁山 地 甚 州 梁 一廣,遣使安置屯田。」沙灣未築以前 與 河 Ш 決,浸 南 濼,古 旺 蜀 汴 鉅野 Ш 曹、 濼可以 湖 澤 連 濮 綿 軍、軍、軍 爲泄」。 瀰 「黄河 耳 漫 數 數 百 Ŧi. 已 里 百 州 書生之論 里。」《 之境, 移 濟 故 鄆 道, **①**環 徐有 宋 數州 史 梁 梁 · 豊不 貞 Ш 賴 Ш 宦 疏 濼 其 亦 水 蒲 合

城

無

河

濫

海

民

口

笑

也

哉

得 陂 欲 且當 決, 沙,由之地 田 治 以 之法,多爲 日 使賈魯之三法遂 之,非大 陸 瀦 歲 溢 漫波, 文 歲 裕《續停驂 爲之,其勞其費, 決之害 中, 溝渠,足以 棄數百里之地 其 次 而 間 則 潤 録 見, 濱 下之性、必東之 而 **>** 河 日 容水,然後 而 有 之處, : 成,亦 「河患 可 溢 不 之害 勝言 可。 倣 小 有 哉。 頻 浚 江 先 補 其 南 作 歲 耳。 勢 淤 今 圩 湖 有 曰

殺

不 敢 明言 按 文裕之意,即 賈讓言: 賈 「今行上策,徙冀州 讓之上、中二策, 之 而

0

民, 遵 夫,非 之口,而 乃多穿漕渠 立,河定民安,千載 水怒, 十 郭、田 數。 當 里,豈 期 郡 水 河 月自 有 古聖之法, 治 西 衝 如 「廬、冢 創 雖 武 其 薄 出 者 定。 非 隄 帝 非 與 於冀 大 數 常之原者哉 歲 之雄 聖 水 決 墓以 山 年 費 難 人 黎 争 定 州 治 且. 者 法,然 東 陽 才大略 無患 咫 萬 Ш 地 河 萬 將 薄 遮 數,百姓怨恨。]今 尺 Ш 之費, 萬 使民 害 之地 之位 金 ,故謂之上策。 亦 一、及其 : 隄, 亭 岩岩 其 救 得 一, 且 以 哉。 埶 孰 敗 放 大決! 以 如 業 不 能 術 大 河 此, 溉 漢 所 此 能 使 排 也 田 \_\_\_\_ 衆 功 徙 所 敗 遠 方 北 若 多 嗟 分 制 瀕 壞 之 殘 泛

萬

浸 平當使領 汴」至「之境」、《五代史· 河隄,奏:「按經義治水, 晉本紀》作 注

有

諸州之境

詔 或 出 制 決 也 世 后 鯀 野 一於隄、 治 家 湍 所 河 亦 填 陻 教 河 流 載 深 原 淤,水高民 洪 之臣 之使 注 Ш 但 水, 塞二事。 廣 崔 朕 言 誉 ൬ 瑗《河隄謁 爲 皆 汩 每 居 導 無 高 鯀 鯀 陳 閱 隄 河 岸。」今之言 也 也,是以 其 前 至 防 箕子答武 者箴 書 Ŧi. 0 海 雍 非其 詳 行, 塞 隨 「導非 水 之文。」 究 帝乃震 人之願 Ш 不 經 王 治 濬 其導,堙 治 瀆 之訪 水 Ш 宋 而 者 怒 爲 彝 未 開 至 首 非 鯀 計 聞 若 寶 倫 其 堙, 斁 後 之 乃 無 カ 夏

者 明人 大 河 也。 以 爲 故 漕 古曰 者 河 禹 渠 彻 今日 壅 河 河 防 以 爲 漕

淮

季

獨 於 官 河 業 游 決 無 主 者。 閒 聞 所 之先達言:天 耳 無 不 侵尅 食 利 而 之 今年 人, 金 支 錢, 領 無 決 工 所 啟 則 П 食, 不 自 以 明 利 前, 總 則 年 河 自 無 退 其 執 以 人 灘 不 至 事 不 利 填 於 以 利 淤 至 閘 於

> 之中 른 然 日之害,非 ,彼斗筲之人焉足 於是頻 常 得 倍 年 朝 蓰 修 治 而 夕之故 責哉 溺 頫 死 年 者 矣。 衝 特 決 百 或 家 以 之 之 馴 \_ 法 致 使 今 而

史胥: 先 博曰〕元、明二 爲,今日之務正人心, 同 馴 爲 ·德者矣。 義 職 物、未有不 始 黄 徒 事,一差遣,未 而 不獨此也,彼 用 所 奪,流 <u>L</u> 束 後 淮 而 利, 一代,河 刷 不 苟 至 沙 索其 能 終 非 於 法 駛 勢益 不 公 返 導 大 都 栅 洪 普 可 卿 趨 瀦 有 者。 人士,爲 澤 急於 于 于 天率 以 大 不 所 南 洪 大,真 致 注 澤 計 百官 抑 遂 土之人 淮 湖 太平。 其 會 洪洪水 水, 人説 爲 淮 獲 有司 可 引 害 于 謂 者 七 益 也。 心, 安 故 受 分 之 甚 東 事 人 愚 使 司 自 朝 人 陳 清 明 海 之 以 1 府 廷 П 潘 鴻

<sup>0</sup> 0 本作 明人」,據《校記》,鈔 後 世, 一今日 據 張 京 華 ≪ 日 本作「本 知 録 校 釋 雍 IE 鈔 本、 北 大

乃專 下合

恃 淮

以

爲

尾

閭

之洩,

耐 騰

海

П

僅

存

H

之二

如

是

而

欲

河

不

爲

患

是

必

今之治

水

者 又

愈

于

禹 昔

而

後

可

間

蘭

陽

儀

封

之境

尚

各

有

支渠,不

使

行

道。

H

就

1

其:

勢

而

利

中 河

葉 于

河

水東

南

行 舊

愐

宋

分

派

元 州

有 遂

汊 并

明

于

濮

汜

黎 自 流

小陽,以

決

河

水

勢 氏

而

滑

無

水

患。

由

宋

及 古

流

既

歸

又自

中

牟

以

下合汴,

徐

州

以

下

合泗

清

П 今

以 河 之 明 黄 猶

П 于

諸 海

大 П

水

以 以

助

其

、勢,奔

开

激

自

數

倍

于

禹

時

少。

是以

後

漢

有

屯

及

東

郡

渠。

唐

元

和

中

開

以 海 墊

河

湍

悍

故

分

河

以

殺其

、勢,導

河 河

北

行

其

所

人之水

郡

縣歲

被其

害。

又

日

〕禹之治

也

播

九 Ш

河

釃

渠

洪 全

公澤益加

淺

狹

非

東溢

高

寶

即

西 能

注

微

淮

揚

徐

之者。

自

或

初

防

海

寇 多。

軼

人

雲

關

大

于

歸

П

分

列

梅

大

勢

利導,故

奏

功

獨

蓋

自

以

來,

治 年

河

之善

無 亦 束

有

當

廣 1:

闢

海

П

樁

而

海

П

漸

淤,

自

設葦蕩

誉

于 梯 宋

淤

而

海

П

H

塞

自

然

力,内

設

船

疏

濬

運 運

河

深

通

自

是

數

無

患

所 淮

則 也

流 故

當

多 除

欲

刷

黄,

分三

分

 $\mathbf{H}$ 

河

以

達

之江

外外

修

築 +

高

家

堰 水

使

然 數 洪澤

無足怪

邇

年

河

水漲

即

直

注

洪

(澤,于

是

以

自

+

年,下

流之塞

者

益 偂

多

Ŀ.

流之

決  $\Box$ 

H

甚

勢

有

卑下者

湖水入

高

寶

湖

淮

弱

黄

緩

清 地

亦 者

H

壅。

迄

今

相

度形 也。

而

注

黄、

淮二 者

瀆

之水,

湖

身 溢 則

既

不

容,又

黄

水

挾

沙

淤 湖 必 X 引 花 過 謂 有

東 決

不海之鶯 之患

游

然此 民 貽 時 分 洋 害無 河 注,爲力甚易。 任. ,鹽城之新洋、 猶 流 河 린 其 入海之地,今已淤 流 小 之泛 當盡 者。 濫 夫河 舉 又 此 則 葦 數十 性 海 蕩營及 無 П 塞數 里之地 常 既 復 + 黑 南 里 流 而 風 委 已 下 口 開 丽 六 之難 流 及 捐 百 射 维 之 餘 塞 陽 以 撤 年, 之患 施 湖 屯 濱 功 今 聚之兵 亦 聽 皆 南 除 之 昔 河

借 存 定其 南 者。 淤,高 以 封 高 刷 邱 若決 下。 沙 北 于 岸 達之天 北 金 其 與 岸 (封邱 龍 直 矣。 П 隸 津 險 由 水 П Ш 以 大名引 性 東 復 金 犬牙 北 龍 流 而 爲 相 當 故 最 注 錯 道 順 之漳河, 昔 南 當 時 北 北 先 分 合 以 流 滹沱 水平 流 舊 導 蹟 之。 河 諸 測 尚 患 水 量 É 有 河

74 九五

闢之使 獲湖 東,現 者 河 河 義 爲 又 黄 石 惟 順 之河,欲 今之河 減 十字河。 而 支河 何? 矣。 永别 將 閘 其 不使 以 河 即 六塘 達 以 自 者 東 所 河合 以 歸 有 然, 海。 不多 别 于 與 與 爲 歸 謂 更 其 還 亦 裘 頭 小 之 淮 河 大 運 自 于 無 啚 湖 河 改 日 惟 不 淮 文 於 河 īΕ 淮 矣。 其 里 1 河 九 事 達 之舊。 其 害 П 在 最 河 等 清 使 道 分 改 終 非 流 龍 治 流 使 淮 日 黄 或 改 北 舊  $\Box$ 也 其 其 廟 也 之别 人 爲 以 而 者 者 即  $\Box$ 挑 石 至 流 所 河 水 九 其 達 永 淮 于 河 濩 今 亦 1 欲 非 直 人 經 非 龍 之害, 廣 南 駱 之身 淮 無 湖 Ŧi. 將 導 口 河 中 也,縱下 自 下 蘆 廟 别 其 股 馬 尋 患, 丈、 宿 之 治 之 劉 人 河 之河 伊 分 開 身, 河 湖 使 則 遷 劉 也 家 海 濟 其 惟 而 Ш 義 爲 河 自 縣 老澗 深 澗 支、六 茆 運 應 由 在 亦 亦 北 南 也。 拼 直 以 流 治 九 家河 其 其 歸 順 非 股 順 茆 北 多 使 ħ. H 龍 達 南 臀 之道 應 其 河 蓋 其 家 開 固 復 里 丈 直 黄 北 廟 中 河 不 之利 歸 河 宿 自 自 支河 河 F 駱 家 黄 人 股 至 河 身 之道 遷 以 然 至 然 湖 馬 與 河 觜 而 流 中 堵 桃 北 則 西 東 以 也。 之六 湖 水 以 導 别 河 河 築 歸 間 河 導之。 之。 源之史 股 運 境 而 争 之 數 淮, 海 者 劉 殺 故 道 開 支 如 河 九 己。 塘 老 丈 地 其 耐 之由 其 最 開 流 龍 今 此 數 П 由 河 澗 己。 Í 何 家 則 支 近 挑 建 爲 面 策 而 南 石 廟

遷之。 今河 寬,闢 河。 即 其 Ŧ 集 河 河 東  $\mathbf{H}$  $\mathbb{H}$ 兩 城 ൬ 論 如 加 又 北, 堙 與 稍 河 歸 河 南 土 至 Ŧi. 涯 石 即 又 之高 身自 差之。 於 海 舍 白 獲湖之爲 海 又 身 ൬ 流 Ħ. 僅 經 之則兩 网 禹 北 侈之,即 廣 北 州 也 餘 改 由 計 畔 有 河 不 家溝、 頃, 與 貢》之「九 皁 股 清 矣。 北 低 及 間 故 頭 河 大 溝 魏 河 未 村 百 跡 今應將 古 旁居民 集 有 北 江 勝 其 以 改,均 莊 北 經 沈 應始 里, 六十 甚 民 内 而 大 F 也。 等 身 唐 家 北 以 舍。 廣 寬 唐 П 河 古 面窄者 流 集等 地 溝 阜 田 於 應 餘 也, 爲 不 溝 門 至 宜其 Ŧi. 民 溝之北 里,不 仍 河 不 容已 遷 北 夫 馬 以 一所謂 自 至 逆 丈、 舍, 及 委之石 處, 者 復 禹 隄 廠 下 沭 爲南、 河 水之泛溢 或七八里, 十里, 爲 無 導 并 義 以 也 地 陽 較 「廣 湯 湖 數 支、 河 也 近 北 隨 爲 形 近 低 家 濩 北 窄或 廣 其 股 必 南 路 高 於石 村 南 加 而 六 澗 湖。 身,深 合計 股 其 棄 隄 股 挑 河 旭 於 雖 里 不 是 寬 身 穆 者 地, 溶 北 É 僅 近 石 濩 П 河, 夫 爲 之, 者或三 濩 湖 家 之 如 沭 而 當 河 柰 其 輸 石 制 歷 橋 湖 乎? 近 龍 陽 費 是 臀 應 間 其. 何 其 濩 也。 視 年. 里 過 北 溝 張 而 共 所 土 於 中 湖 南 又 以 議 者 四 之 股 湖 廟 將 得 河 開 干 湖 因 今 如 方 然 達 走 者 + 身 軍 數 俱 欲 則 固 之 Ŧi. 南 底 有 萬 徐 大 身 港 大 里 廣 廟 六 股 江. 漣 應 爲 民 四 州 河 港 田

雖

無

〇 日 :

協

未發之時

身窄者,皆 之」之策也。 令爲雁行者十, 之,令高下提 太遠于江,三汛不至横 令二人以足轉 挑,悉以 沙之論 人,五 深之法本於大禹 復增 鐵爲逆 搜沙及土方挑 棄 因 達 異 人 西 南 即 闢 隄 其 海 艘 而 漲 海,又于 者、法 放,以 之, 督 由 П ± 則 潤澤之。 北 鱗,版 之。 河 亦 策 加 **\$** 每 宿 股 庶 俾 身 遭 用 照 相 厚 日 武 遷 河 舟 搜 如 可 淹 海 面 龍 濟 舊 ± 行 弁 河之田 濬 之委受全河 積 土之法,而 邳 行 + 没, 無 方 其 口 四 舟 溢 爲 隄。 舟 督 沙。 Ш 州 不論 里 搜之, 隅 淺 百 用 法 搜 法每 之。 之遺 安 八 艘、各 淤 置 銅 沙。 所 如 挑 其 從 如 實 上下, 之 一鐶,以 九 謂 是 淤 今請 山 艘 舟 制。 得 使 虧 萬 里 患。 己可 "; 又 歲 於秋末、三冬及 用 至 于 近 國 或 廣其身, 之數 世 無 而 行之以 於 狎 帆 河 舵 禹之法不可 前 繫 課 沿 課 無 阻 奏功。 無 此 春、 後置 水兵丁八人,百 風 鐵索, 舵尾二人守 南 何 ? 兩 滯。 疆 河 也 迫 又「深 鞏 推 旁安水 之休 夏、秋三 如 每 溢 凡以 爲 縣 輪, 五尺之版 此 近日 家 是 之患 不 你等處, 常,水 П. 其 其: 使 歲 而 知 也 游 黄 輪 復 臀 法 以 派 春 逆 有 河 之二云 知 各 難 甚 鱗 淮 湖 以 行 爲 身 凡 其 初 矣 Τ. 觸 白 河 者 容 艘 良 自 有 爲 地 水 界,河 兩百 矣。 故,則 下 慮 每 搜 皆 可 及十萬。 至 宜. 蠲 將 名 南 者,其 江 敷 T 年 裁。 流 北 計 南 沂

沙,隨

流

竟版以

龍

搜

矣,今更

白

沙之人與舟 搜沙兵丁 賑,是乃大益國課 無實之額,以 於用 今但將 餘里禾 災及千 艘不過三萬二千 稼 I. H 二年 費 餘 既闢之後 食, 無 解得 里 傷 年 議 不 合用之役,於水 也。 增 毋 賑 宜. 蠲 太 費 穀 不必 并 從 議 難 給 甚?」夫每 栗數 輕。 造 賑 者又曰 所 不 舟 復闢 徙之民 百 然計 修 F 萬 舟 數 涸 斛 年 開 及 所 每 有 百 時 河 謂 治 艘 即 餘 河 萬。 并 員 河 給 可 夫役及百 俸 勞永 力 夫役 而 銀 今 省 興工 河 食 數 永 逸 銀 其 患 百 百 除 兩、不 者 既 其 數 龍 萬 此 息 也 + 役 繁 之 搜 有

爾。

但

用

+

里,以

石

濩

湖

以

銀二十二萬六千 七萬六千 今查 行之既 餘 江 兩 南 效, 六 河 供 百 庫 則 俸 供 餘 新 每 兩二 搶 年 兵 修 搶修 餉 名 名曰 共  $\Box$ 諸 七十 部 外 費 撥 ·萬二 解 可 河 協 省 T. 銀 濟 愐 柴價 者 六 沿 百 約 河 者 餘 銀 冗 兩 約 74 員

沙之費 道 省 每 议 股 遼遠, 年 常 不及十 **芻蕘之言爲可采乎**? 河 額 常 以 七八十 若 額 歸 萬 百 河 海 舟 東河 信 其 萬 不 省 得 足,即 功 庫 帑 其 費之相 及興舉大工之費 又 道 何 倍 矣。  $\sqrt{\chi}$ 如 其 懸 也 數, 而 日 如 三河 六 此。 亦 自 塘 不 河 爲 海 俱 由 及 受 或 П 六 在 <u>:</u> 駱 塘 計 至 馬 鞏 河 民 萬 縣 今 湖 趨 生

水

發

時

沭

陽

安

東、

海

州

常

被

其

今復

合大

運 + 分汶水濟運, 黄 河 Mij 礙 濬 道 以 道 濱  $\Box$ 故  $\mathbf{H}$ 河 河 汶三水合不 於運 州 道 餘 水入北 愐 而 成 也 東 每 恐, 厥 必不 里,不 ~, 必 北 疏之, 北 功 年不 功 陽 此 爲 兼闢河之身 遷 此 也。 明 必 張 皆 匪 信 澤其 河 害 得 以 歷 帝 欲 河流 主大河 易 必 無 秋 尤未易言 旁 彌 容復 淤 然則 已 漢、 永平 蒲 與 亦 甚,奈 汶 疏 南 居 較之由 北 而 臺 通暢 大 水 可 北 , 將 濬 唐 思北 自 民, 河, 益 年 河 之六 由 永 建 而 淺 利 至 何 張 間 以 從 别 無 如 石 南 加 淤 後 深 秋 津、 可 歸 六塘 ? 日 河 何 淺 此 閘 歸 挑 之工 故 運 德 濬 至臨 慶安 周 次策 則 也。 海 道 涸 庶 海 寬 也 河 之, 南 河 由 棣 八 П 可 之 可 脯 深, 由 瀾 清 歸 旺 茆 要 人虞。 之間 則 如 百 由 以 無 言 臨 此 湖 南 此 海 矣。 家 餘 張 不 雖 南 暢 也, 礙 策 清 百 而 古 勞 可 河 汶 年 秋 沂 蓋 費 流, 於 河 欲 北 北 南 但 必 餘 大 引 永 經 水 帑 無 而 南 運 其 播 清 沐 建 里 八河多堙,重 并 不 歸 逸,萬 河 河 河 旺 不 爲 東 爲八, 股 得 有 石 河 共 無 天 皆 能 從 患。 阿 頭 至 而 多 閘, 河 利 礙 已 歸 津 耳。 當 張 南 如 西 即 集 還 世 無 禹 于 而 大 今尋 以  $\pm$ 不 北 秋 旺 引 濟 南 漢 石 之 河, 害 城 運 北 黄 景 僅 迤 可 水 過 至 T 漳、 引 濩 乎? 利 尤 更 之 張 欲 其 因 古 百 南 水 加 乘 以 亦 湖 衛 也 須 **令** 濟 穿 之 多 秋 無 疏 故 故 至 ग्रा 港 無 之

北之河 身既 悦 要。 里。 徙于隄外,不爲過也。 等 外,以 矣。 河 有 富 H 或 Ш 協 底爲低 身皆闢 帑 河 之不溢 潰 人干 矣。 不貲 阜 民 袁 時 力 委多分 廣 齊與 開 決之患? 必 廬舍將若之何?」 不與 今僅十g 故 草 挑, 爲厚隄 舉 無 嗣 也 日 ,策莫良 可 可 雖 木 也, 近隄水亦不深,徧 近河 屯, 水争 趙、 後 於 此 支 以爲河 雜 輸 捐 빞 每 次策 河 根 其 南 故 法 魏 項 地,變 居者,貧民所居尋丈之地 於 即 <del>,</del>不 徒隄  $\exists$ 土於 恐不 於此。 何 在 作 縱 北二 也 水 以 可 横 隄, 處 然 則 落 不足 兩 雖 之得 足以 鞏 隄 復 蟠 岸 張 無俟 日 時 隄 皆 有 曰 :  $\exists$ 狹 結 難 外, 縣 所 秋 堅 恃 内 ? 去 濟, 者 迤 其 近 開 植蘆 皆闢 南 厚 雖 徧 欲成大功 河 爲 也 隄 東之河 河二十  $\Box$ 宜. 河 挑之處, 柰何?」 北 此 有 植 身 石 河 章. Τ. 家 耳。 舉 法 促能 異 身。 闢至十 官  $\Box$ 穏固 而 兩 賦 受 漲 無 柳 亦 河 Ŧi. Д. 大 隄 爲 論 保河之不 不 雜 各 日 身已 隄 近河 不 雖聖人不 里 Τ. 底 近 雖 内 南 河 里 至 木 内 輸 能 原 河 河 之害 柱 不 歸 闢 東 兩 棄民 居 數 同 + 平 其 爲 身十 廣 非 必 迤 北 河 西 隄 年 土 水 里 民 患 地 非 ·決,不 西 河 己 歸 身,非 Ŧ 歲 利 能 内 隄 較 于 運 矣。 T 八 身, 里, 良 有 餘 賦 也。 姑 龍 皆 計 九 四 高 八 見 道 田 里 能 **\$** 門 亦 近 厚 息 爲 Ŧi. 夫 百 里 今 多 Ŧi. 必 其 又 河 以 河 迤 戰 加 不 河 里 通 費 梗

害 災。 大者 肯令之竟去,故 袁 縣 利。 之 ? 矣,是 以 七,洪澤之南 别 不 治 江 以 能 開 激淮 特沿 廬 居 汛 淮 淮 北之水爲患者,河 役 永 挑 含 漲 民 有 之,蓋 無河 得 Ĥ 竊 不 故治 治淮之要,亦 當論 特沿 陽城之潁 大墩之築,藉 將 雖 頻 清 溢 之怒,遏河之南 Ŧi. 河 班: 之地 化 口 焉。 然,河  $\Box$ 害 遭 怨役 其 河 爲 爲 測 黄 河 一築高 水淹 地 即 何 之地享 黄 也,設 魚 淮 被 Ĥ 雖遇 之偏 宜 不 屬官,不令出 愛三 合清 流 鼈 其 ,天息之汝,浚 清 堰 治 治 蠲 所 害 清  $\Box$ 以 尋 爲大,淮次之。 兩 則 Τ. 重 淮 阻 其 賑 其 П 刷黄 至 無 防 即 乎? 常之漲 水 而 淮 害 也 利 無 西 ,築大墩 而 使之東。 淮之決 雲 使 沿 並 無 虚 河 即 起 梯 治 强 河 淮之民 由 至 歲 租  $\Box$ 關 潁 沿淮之民亦無不享别之之 合淮 淮 高高 · 沿 治矣, 儀 漲 鳳 沿 雖 仍 流 ,其害不可 壽,東 其 之睢 則 陽 淮 河 河 淮 夫黄、 亡轉 堰不守,天長、 不外 役之不 疏 雖 亦 沿 東築大墩 身爲 愐 故既治 漲 河 禾 之歸 ± 無 已 隄 近 扶 稼 徙 至 於 既 淮 瘠,前 不 矣。 有 河 河 亦 774 治 治 怨 不 溝 被 海 勝 水 居 河 也。 先 踞 多 可 州 之渦 河。 則 受其 言 勢 直 合之之害 蓋 民 古 者 損 即 淮 數 也 淮 盱 無 抵 河 六合 又 亦 傷。 漲 計 未 + 何 無 不 胎 常 合 皆 中 害 聞 則 去 而 以 事 口 計 流 淮 日 也 以 其 Įį. Įį. 言 不  $\mathbb{H}$ 屢 其. 果 治 不 地

> 故 河 而 有

遷

之策 也。 欲 斯 卒 害 郡 爲 無 Н. 雖 陰 則 詆之, 北 使大墩爲 也 泗 邑 尾 去 去五害,莫如使 秋冬水落 河、 大墩不得不 有 數 加 也。 夫治 祝 愐 間。 州 文達 而 常 底 + 濬 氏 淮 别 東 以 害 止,得不思變計 年。 爲 治 錦 所經 病必 於淮 淮 逼 汝 爲 所 H. 澤 中 害, 州 洪 流 説 末 成 Ŧi. 不 國。 其 先於受病之源,禦寇必 既 案 澤, 如 固 築, 亦 習 爲 則 民輸納 害 故 則大墩之故 壅, 淮暢 之何。 疏 病 河 曲 河 前 陳 Ŧi. 每 日 高 達 源 中 務 合淮之故 年 則 春 氏 治 堰不 也。 流, 海 機 總 莫肯 常 衆 以 河 以 月 П 水 然 水 宜 潘季 欲 開 即 爲之所 此 後 得 之 河、 失 矣。 揆 挑 不 宜. 使 也。 Ŧi. 至 不 城 其 厥 也。 州 馴 淮 大 行。 淮 治 害 説 高 至 , 守 陷 常, 理 束 不 暢 淮 哉 洪 淮 也 遷 分, 百 勢, 淮 水 等 而 河 歸 流 非 禍 於 于 治 中, 龍 合淮 延 刷 德 Ŧi. 有 河 似 吾 所 莫 荒 及 淮 Н. 蒇 搜 害 需於 矣 沙 無 經 如 夫淮 月, 城 官 鄰 汝 不 仍 沙之法 法爲善,錢 遂 , 因 ...以易 知 之地 使 中 署 省。 然 寧 不 大墩 不 外 河 東 Ŧi. 水 費 設 寄 F 可 陳、 季 害 於 流 淮 本 帑 櫃 治 其 無 去 也 馴 之 治 從 敵 病 督 盱 害 所 許

民,

催

四。

泄 諸 淮

胎。

#### 日 知 録 集釋卷十二终

于

江

I. 何 清 河 宿

痛

由 П

ĮЦ 九九

#### Ti. 00

#### 日 知 録 集釋 卷

崑 山 顧 炎 武 著 嘉定 後學黄汝成 集釋

#### 周 末 風 俗

西 王 年, 傳》以是終焉。 之歲,魯哀 之歲,初 虔爲諸侯。 三年戊寅之歲, 蘇 狩 顯 獲麟。 春 秦爲 王 秋 命 公出 齊大 從 + 又一十 又十 終於 長。 Ŧi. 夫 初命晉大夫 又六十五年,威烈 年 奔,二年卒於 四 敬 田 自 1 年,爲 七年,安王 Ŧ. 和爲 此 亥之歲, 三十九 之後,事 貞定 諸侯。 魏 年 + 斯 有  $\pm$ 庚 乃 或 趙 山 元 又 六 申 王 氏 年 可 以 Ŧi. 年 之歲 , 定 癸酉 得 次 + Z 韓 未 而 稱

貪饕險

詖,不閑

義

祀,重 矣。 矣。 時 年, 紀。 秋 春 猶 諸 矣。〔原注〕李康 年 向 許之偽成於七 也,不待 無定交, 侯 一之間。 猶 時 秋 論 謂 史文 于 「原注」《史記・秦本紀》:「孝公使公子少 尊禮 春 自《左傳》之終以至 時 猶 宗 聘 其 逢 秋 有 猶 姓 澤 享, 闕 始皇之并天下, 士無定主, 時 承 赴告策書,而 宴 以 史之闕 氏 重 國。」馴 軼, 攷古 千 朝 猶宗周 會 信, 族 而 王。 《運命論》云:「文薄之敝 歲 賦 七 之衰 而 而 詩 蓋 至 或 文 七  $\pm$ 顯 七 者爲之 西 此皆 則 理。 而  $\pm$ 周 或 或 而 漢 無 而 七 七國 時 則 此 則 後 變 其 七 繼 或 此 而 無 觀夫史之所録 绝 茫 人可 春 或 於 事 凡 暴 則 則 風 文、 一言及之矣。 不 秋 昧 矣。 則 秦之餘 無 不聞矣。 未 漸 言 武 時 百 以 绝 百 有 改。 於 三十 禮 之 春 猶 官 意 不 如  $\equiv$ 矣。 靈 率師 道 秋 言 與 春 + 嚴 弊 推 景 故 信 秋 時 祭 Ŧ. 者  $\equiv$ 邦 春 盡 劉 會

其 曆 末 吾 董 É 無 而 二元 風 是 而 惜 春 生 非 之言 進 俗 以 其 秋 功 祐 東京 知 之 未 名 無 之 光武、 後,至 īE. 勢 純 以 閒 ,亦《春秋》之意也 利 乎 明 誼 爲 之人, 道 人主之功。 明、章果 明 優 東 道」者 也。 矣。 京 筆 而 自 嗟 札 其 有 不 斯 乎. 風 喉 變 余之 以 俗 舌 齊 論 降 之輩 至 稍 所 世 見 復 魯之功 則 以 而 也 乎 斥 宋 不 而 周 致 慶 蓋 如

# 秦紀會稽山刻石

省 業」,如 浄」,在 并天下之事 男女禮順 官 義 秦始 有子 此 碣 皇 而 石 慎 己。 刻 門 而 其言 遵 石 嫁 則 惟 職 凡 云 倍 會 黔首 事 六,皆 稽 死不貞。 男 風 昭 樂 刻, 鋪 層 俗 其 張 内 其 在 疇 其滅 防 外 辭 泰 隔 日 女 靡 Ш 内 六 脩 則 不  $\pm$ 飾 其 清 云

聚」,《 喜其 之餼 生丈 父母 始皇爲之厲禁,而 其 犯,皆輸 稽之後,惟 殺 티 : 豬、盍 老婦,老者 男 禁 義 淫 豚。 巾 秉  $\check{\exists}$ 止 ß: 泆。 意 」。《内傳》子胥之言亦曰 夫,二 有 歸 ! 義 淫 吴越春秋》至 報, 牡 云者, 我艾 罪。 生三人,公與之母。 泆 程 攷 Ш 男 傳 豭。」寄 當 母之也 恐國 之《國 上, 無 壺酒,一犬。 豬 至 丈夫二十 妻爲 其 也。」左氏定公十 女 取 六國 士 時 豭 人之不 絜 。。咸 壯 逃 有 者 語 特著於刻石之文。以 妻。 誠 嫁, 謂 之末 蓋 憂 ₩, 謂 化 欲 句 思 不取,其 蕃,故 子 淫 自 廉 夫 女子十七不 踐 於 民之多 生 者,令游 越 不 清 四 爲 而 他  $\Xi$ 女子,二 年 以寡 得 室。 生二人,公 寄 其 令「壯 旬 傳 何 (): 豭 一, 而 風 父母 殺 越十年 踐 婦 其. 猶 Ш 原 者 不 淫 既 棲 繁 原 壺 在 有 嫁 注 無 復 注 泆 定 無 於 而 酒 邵 罪 罪 爾 此 故 禁 以 调 生 與 其 取 會 不 IT. 史 īF.

П. О

1. 5. 金 雪 釆

矣。 之於 言政 也 與 過 滅 事,急于綜核名實 亦未之深攷乎? 燕、齊 <del>,</del> 何 世之儒 漢 六王、 興 其 以 坊 并天 而 來,承 者言 民 獨 正 著 下 稍 及 俗 用 之事 之於 雜 於秦, 之意 申、 [汝成案]先生 秦 法 越 並 韓之學 古 提 即 以 然 未 而 以 至 則 始 論 爲 頗 今 秦 異 取秦 亡 日 於 之 且. 或 者 任 不 法 其 之 多  $\mp$ 刑 著

# 兩漢風俗

黨 舉 光 於天 而 變。 武 錮 用 大 下。 之流 義 者 有 漢 鑒 未 自 至 莫 (楊氏 其 孝 於 明 獨 非 末 此 武 日〕時 經 故 行之輩,依仁 造, 表章 故 明 新 朝 尊崇節 有 行 莽 六經之後 政 翟義諸 居 脩 昏 之人 攝 濁 義 人,則歲寒之松 頌 蹈義,舍命 或 敦 而 德 師 事 厲 獻 風 儒 名 日 符者 俗 實 雖 非 爲 柏 盛 不 之 也 而 所

勢求

利爲

先」。

至

IE

始之際,

而

浮

誕

游

爲

業

或

1:

不

以

孝

悌

清

脩

爲

首

乃

以

趨

之議 於求 屢 爲 渝 謂 詐 令**,**十 弗 雄 決 强之臣 俗之美,無 有 有 傳論 啟, 治 革 冀 而 「桓、靈之閒 「當今年少,不 迭進,姦逆 五年春令,十九年十二月令,意皆 或 州 未 0 風 「負汙辱之名、見笑之行、不仁不 自 即 息其闚盜之謀,豪俊之夫 用兵之術者」,「原 潰,皆仁人君子心力之爲。」「原 ,崇獎跅 「原 雨 可 中 流 如 ·智以 謂 風 注〗儒林傳論》。 尚 晦 至 知 萌 於 言 弛之士,觀其下令再三, 今,亦何 下, 君 生。 東 雞 · 復 1者矣。 道 京 鳴 以 靡 粃 者 故 不 學 不 僻 E 董 問 不 注〕建安二十二年 審 使後代之主 所以 故 昭 可 朝 爲 其 范 太 綱 本 三代 崩 同 曄之 和 傾 日 屈於鄙 離 專 而 之疏 陵, 而 以 於 更以 孟 論 未 注》左 下 是 孝 德 而 或 循 八 颓  $\exists$ 至 既 權 隙 以 風 交 權 而 生. 月 丽

阮, 攝,放 魏文,非 年乙酉,以傅玄爲諫官,上 人,不可不察乎此矣。 方敗常之俗,孟德 義之防 教,風俗又爲之一變。 人君,將樹之風 世者之不可不考也 貴 (刑名。 **談盈** 騁其智識 於王、 魏 ,光武、明、章數世爲之而 武 朝,遂使天下無復清 魏文慕通達,而 也。 清谈之風, 而 晉 聲 蔑周、孔之書,習老、莊 亡 ,納之軌物,以 一人變之而 矣。 疏 天下  $\exists$ [閻氏曰]按晉世 然其 議。 : 夫以 盛於王、何, 「近者 賤 端端 是致 守節。 經術之治 則 魏武 自 毁 有 文帝 善俗 方敗 好 其後 餘。 未足。 再盛 法 祖泰 始 常 術 綱 後之 於嵇 而 之俗 維不 此 始 而 節 之 作 毁 亦 天 元

敬 倨 法」,貴戚如樊重,「三世共財,子孫 義,常至夜分。 三人,各使守 ,常若公家」。 儻,不及西 光武 躬行 京, 儉 以 約 而 藝, 時 故東 士 功 以 閨 臣 風 漢之世 化 門 如 家 臣 脩 鄧 法, 下。 整, 禹 一,雖 似 有 可 有 講 朝 人 爲 過 才之 夕 子 論 禮 於 世 經

前代。

之哉 移天 采富 士: 其 始 原 君 集 注]宋袁淑 下 子 其仕 而 中 東 京之末, 之 處衰季之朝,常以 交游多,故後人爲立 濫 董卓, 作碑 風 《弔古文》: 氣 頌,則 無 者,視伯喈之爲 節 守; 義 伯喈 衰 平. 卓死 而 日之爲 衒 負一世之名 文而求人。」以其文 文章盛,自 驚歎 一佳傳。 無無 人 人, 可 識 嗟乎, 知 其 而 蔡 戒 邕 轉 觀

### 正始

其 此 將 元 軍 垂 正始,凡九年,其十年 經 曹 魏明帝殂,少帝日 爽,而 典 + 加 年 尚 一時名 魏之大權 老莊, 蔑禮 原 土 注〕史 移矣。 風 則太傅司 法 流 稱 而 盛 齊王。 崇放達,視其 三國 於 馬懿殺 雒 即 鼎 下, 位 立 乃 改

之典 微與 崇敬,以爲「造微之功,足參諸 縱誕 之謂 玠 主 自 玄保曰:「欲令卿 書》言羊玄保二子, 始之音。」沙門支遁 自 如 注  $\pm$ 未 日 之 是 此 弼 此 原 經,習 īE. 以 顛 乎. 以 王 注 臣觀 何 長 後, 何 球 學 然 危 清 始 肅 偃 史 原注 者。 而《晉書 正 若 高 張 書》曰: 中人。」《南 謝 競 Œ 爲 緒有 始之風 鯤 路 相 晏。 始之餘 集 此 是 日 人 袓 : 漢 以 則 Œ 爲 • 一子有 述, 然 之終; 太 卿 「不意永嘉之末,復 始遺 以清談著名於時,莫 虚 儒 講 尚 開晉之始。 論,指 齊 祖 如《 即 少 名 林 明 在 賜 書》言袁粲言 此 風。』《南 陶 林 晉 傳 雖 六 0 演 玄風 名 諸 下 禮 被 序》云: 藝, 書》言王 説 其 日 正 賢 法 於 淹雅 爲 正始」。 老 鄭、 始餘 咸 原注 爲 時 爲 史》言 莊, 後 之 日 流 流 原 人 敦 風 擯 ]干寶《晉 倡 俗 修 粲, 於 ご王 注 篤 聞 見 嚴 企 何 《宋 暢 也 玄 帝 謂 衛 論 目 里 慕 尚 īF. 原

> 笑勤 節信 僭 經 總 0 論 恪。 進 談 君  $\cong$ 者以 一仕者以苟 以 臣 「風 虚 至 屢 薄 俗 或 得 易, 爲 淫 È 爲 僻 辨 貴 而 非 於 恥尚失所。 而 賤 名檢 上 鄙居正 林 下 教 行 諸 當官者以望空爲 學者以 淪 身者以 賢 於 之 下 莊 放 濁 老 咎 羌 爲 爲 宗 通 而 戎 而 而 誰 互. 而 狹 黜

六 紀

咎哉

辨 ? 也,神 所 魏 人 而 殺 之曰:「爲 於晉文王。 於禽獸者也。 謂 、晉人之清談, 至 州 於率 仕 楊、墨之言,至於使天下無 有亡國,有亡 曰 : 陸 沈 潤 紹 易姓 君 其 食人,人將 時 禍 思之久 與 屏 至 改 晉 武 何 居 號,謂 錢氏 天下。 等。 帝 以 私 矣。 門、欲 日〕王安石 亡天下? 革 昔 相 之亡 命之時 者嵇 天 食,謂 亡國 地 辭 或 紹 四 之新 與 不 一時,猶 之父 之亡天 是《孟 父無 仁義 亡 就 而 經 天下 義 Ш 康 亦 君 充 濤 濤 有 下。 子 清 奚 被 丽 寒 消 薦

0

戎 校記》,鈔本作

薄

敗

檢

傷

風

化

古

亦

有

之。

然子

核

其

實,

復

有

與

有

責

焉

耳

矣。

楊

編

修

 $\Box$ 

六

朝

風

氣

論

者以

君

其.

臣

肉

食

者

謀

之,

保

天

下

者

兀

其

故

主

青

衣

行

酒

而

不

以

動

其

心

者

平

? 勒

後

可

也

何

怪

其

相

率

臣

於

劉

聰

石

0

故

知

保

天

下

然

後

知

保

其

國

保

或

者

天

下

之不

韙,

而

不

顧

夫

邪

正

之説,

不

兩

文

使

謂

紹

爲

忠

則

必

謂

王

裒

爲不

忠

濤

者

既

爲

邪

説

之

魁

遂

使

嵇

紹

之賢

H.

績

之

事

而

口

樹

其

忠

名

以

蓋

於

晚

也

?

īF

始

以

來

而

大

義

之

不

明

徧

於天

下

如

罪

平

Н.

其

人

仕

之

初

贵

知

必

有

乘

輿

功

不 時 至 師 品

之

人

亦

已久

矣。

而

蕩

陰

之死

何

足

以

顫

其

非

君

其

未

死

 $\equiv$ 

+

餘

年

之閒

爲

無

也

夫紹

之於晉

非

其

君

也

忘

其.

父

而

Щ

不

知

其

敗

義

傷

教

至

於

率

天

下

而

無

父

息

而

況

於

人乎

?

時

傳

誦

以

名

夫之 爲 不 賤 者 其 事 其 容 犯 父 是 觀 mi Ш 自 敗 浮 可 疏; 之後 及,鄉 彦; 于 氓 辨 及 得 地 薄 維 Ŧ 心 别 及 清 迕,遂有 出 元 者 嗣 志 方之貴言; 冗 議 權 不 持 放 流 人 較 蔑 息 不復 趨 禮 之效 雖 倖 復 達 布 末之品 品 數 量 可 評 而 視 附 法 有 之室, 尚, 事 幣 也 寡 以 貲 人 巷 ᅦ 前 良 日 董、 , ⊟ 重 也 財 陵 廉 圃 心 議 以 È 可 人 時 峻 尤 之重 鄧 乾 轢 名德 凡 名 而 鮮 之炎 或 猶 持 數 痛 可 于 恥 廉 自 足 之寵 節 尊 勢, 瑣 小 兒 1: 清 典 也 恥 是 之輩 此 之 嚴 後 倚 流 恥 相 輕 人 義 、勢,則子 議 忘 也 猶 鬻 之途 以 家 人 意 示 材 高 無 孫 也 祖 婚 則 販 有 諱 寖 爲 而 忌 望 降 風 流 姻 靦 譚 與 敢 雖 多 宗 也 清 輕 失 蓋 H 憚 爲皁 塵 品 不 義 顔 南之左右 Ì. 肆 有 曾, 門 籍 邢 重 矜 絀 當 復 下 不 自 談之流 志 陶、 君 不 而 舊 之族 冒 尚 未 時 隸。 復 故 矢 拜 慎 于 子 顧 族 綱 祖 門 猗 必 1: 亂 于 辨 雖 者 清 氣 無 目 之貲 而 地 式 諱 非 閹 菜 大 族 而 居 超乘,必 所 節 或 流 失。 咸 愈 也 伉 不 此 夫 微 傭 姓 豎 ± 偏 之喪, 執 不 得 密 復 數 儷 雖 之門 氣不 不 市 安之區 慎 不 ൬ 如 爲 徑 持 失 振 嚴 對 者 祖 儈 名 重 抱 朝 敢 不 可 行 倫 之子, 伸 至不 子 補 自 尚 婚 義 鄉 屈 而 議 如 布 歎 妄 其 罵 玄 此 救 姻 直 當 之 之 涇 後 里 參 節 子 貿 也 志。 父, 之 始 虚 也 之 防 所 平. 渭 4: 奔 節 哲 絲 獲 陸

矣

走 名 之 之 莫 庇 朝 FF 無 車平 愈

所

世 以 干 不 有化 進,心 之義 振 ム 末流之委靡,迴狂 而 民 忝 而以 術之壞,于 司 成 民 俗 爲砥 社. 之賢, 名 節奉公; 斯極矣。 教之所 移 瀾 風 于既倒,亦人心風 易俗之志者, 甘嘻笑怒罵之來,而 不 使六朝諸 容 而 出 人 賢 化 其 遺 權 俗之一 亦 風 未 稍 背 惟 泯 留 知 父 救 意 猶 古 母 也 Ŧ 足 寵 桑

## 宋世風俗

此

繒。 中 陽 相 王 Ŧī. 餘 季 修、唐 季 外 憾。 ,變化殆盡。 望。」〔楊氏曰〕金人云:「宋之亡唯李侍郎一人。」蓋 之陋 薦 真、仁之世 難 宋史》言:「士大夫忠義之氣,至於 紳, 藝祖首 介諸賢,以 不 屈 知以名節爲高,廉恥 故 所 所 靖 褒韓 宋之初 在 康之變,志士投袂起 田 錫、 有 直言讜論 通,次 之。 Ŧ. 興、范質、王溥 禹 表 及宋之亡,忠 偁、 衛 倡 融 相 范 於 以以 尚 仲 朝 . , 於是 淹 而 示 猶 歐 節 勤 去 意 有

> 据二帝 下 果」也,陽 丽 無不 爲 東 蒙塵之初 미 京 窮於上,則 變之風 五 五 而 代 言 之可 俗也。 嗚 復生於下矣。 呼, 以 變 觀哀、平之可 剥》上九之言「 耐 爲宋 則 知 以 碩 變 天

姓害 人 子道 起, 流 官, 序辰、王子韶諸姧一 之徒,深鉏異己之輩,鄧 而 自 「十鑽」之目。 但言其農 謂 風 仁 國 乘 「商鞅挾三術以鑽孝公。」《鄧綰傳》: 其 宗在 長。 俗 人君御物之方,莫大乎抑浮止競。 機 事 鄉人曰:「笑罵從汝,好官須我爲之。」干 而 醇 不 日 抵 及 厚, 位 隙 知其 非  $\mathbf{H}$ 神宗朝 四 〔原注〕鑽者,取必人之義。 好尚端 十餘 膏 馴 水 移人心、變士習爲 育之疾 至 利、 年,雖 紹 時 荆 方,論 青 聖、崇寧, 擢用,而 公秉政,驟 綰、李定、舒亶、 苗 遂 所用或非 保 不 世之士 甲 可 以 而 諸 治 士大夫有 頌 班固《荅 黨 謂之 獎 朝 法 王 其 安 廷 後 禍 進 趨 爲 石 宋 之 之 君 大 之 蹇 百 媚 得

之效哉 曆之士 事 害 害 不 而 ', 陷 於 知 不 **>** 其  $\Box$ 義 可 朝 溺 風 反矣。 害 廷 則 人心,至今不 者,歷數 於 毋 主 變 百 教猱 勢 而 李愿 姓 日 爲 升木, 者 + 孤 崇寧者 中 百 口 謂 自 年 如 此 以 知 塗 「, 豈 口 **①** 自 滔 覺。 塗 謂 旦 滔 非 附 知 之勢 而 王 荆 言 更, 趨 安 公教 夫 者 使慶 利 石 而 也 猱 往 其 而 用

言 務崇 淺 軾 掩 貪 在  $\mathbf{E}$ 乎 未 覆 富 風 Ŀ 深,不在乎强 過 强 道 至 俗之厚薄,不在 書言: 府 蘇 失, 德 庫 軾 以 而 傳 未 則 言 厚 祖 或 **\*** 嘗 僅 乎 持 風 家 與 輕 俗,不 足 熙 用 法 之所 弱 改 而 兵 寧 至 ; 乎富 舊 寬,用 曆 初, 無 以 則 願 章 存 餘 數之所 陛 與 + 安 亡者, 貧。 下急於有 出 人 石 攷 徒 而 其 有 創 以長 以 臣 在 九 成 序 行 德 道 願 敗 功 短者 新 澤 專 陛 德之 功 ; 法 在 而 下 務 則

> 者。 之以 之。」當 欲 卿 已成 者 人, 人 人,以圖 愈 望 侍 見 風 從 苛察,齊之以 其 根本之言,人主所宜 少 風 俗 時 一, 巧 俗 多開驟進之門,使有意外之得 末 跬 知 一切 論 之厚,豈 年 北 義 進 新 吏 门, 故 可 速成之效。 之士 法者多矣,未有 多 圖 升 大 , 俾 智能 可 遐 益 循 得 之日 常 多, 哉 事 調 獨 招 未享其 惟 不 之人舉 天 觀 徠 振 陛 而 若 近歲 新 下 舉 三復 下 進 此之深 歸 利, 生非 哀 樸 勇 乃 仁. 也 之 拙 澆 鋭 欲 望。 救 之 公 切 風 之 矯 議

之務 新 而 原 進 兩 注》石林 待 東 而 軒筆 以 宿 燕語 閣 不 望 次。 録》:「王荆公秉 内 舊 外 人 故 要 故 事 議 ·, 在 權 論 時 京職 不 莫 政 協 非 事官 事 新 政,更新 ·, 不 荆 1绝少 進 公遂 用 之 日 選人者 士: 皆 選 天 也 用 下

<sup>●「</sup>愿」,原作「應」,據《宋史·李侗傳》改。

舉。 升資 之後 信者又才不 義 奏。 興 其 卿 例 因 主 崇文院 熙 也 有 卿 請 寧 簿 而 大 不  $\vec{z}$ É 得 驟 自 任 13 雖 初 首 足 既 獄 始 上 知 君 得 選 特 较 平 男又死 『忠不 爲崇 或只與 稍 登 以 不 政 詔 人 書 而 封 第 欲 謂 日 邢 而 ·安,乃 勝 惠 柄 文院 惠 尋 直 以 革 恕 肘 未 口 去資 · 足 合入差 姦 爲 備 卿 卿 荆 足 與 歷 以 有 腋 禁 较 詢 以 故 故 所言 堂 外 出 公 以 格 條 書 訪 盡 傾 射 從 知 除 官 之弊, 任 遣 亳 取 再 矣。」及 差 人 列 奪 羿 胡 去 近 道 與 使 事 信, 州 召 之意 右 地 人 以 荆 荆 時 之 雖 當 始 而 候 試 派 邢 與 歷 公, 難 故 示 公兄弟之 荆 鄧 出 詔 銜 愈 在 尚 任 之立 選 荆 年 日 事 知 知 行 書 公 綰 知 遂 者 而 舉 縣。 諫 取 唯 公 恕 而 事 也 復 反 不 更 江. 到 E 院 以 旨 與 敵 滿 欲 可 相 攻 不 朋 寧 近 河 於是 者,皆 猶以 或 時之士 試 其 \_ 故 失 其 歲 南 附之, 府 可 惠 除 用 蓋 子 承 荆 數 不 府 Ĥ 爲 信 卿 館 人 永安 復 不 慨 雾 黨 謂 吕 公 事 明 太 職 得 用 並 表 遽 以 見 然 機 口 人 是 惠 惠 面 此 選 或 今

> 者,不 利。 臣 速 甚 爲 久 復  $\exists$ 大戴禮 八之,得 其 一、中、下三 : 切 經 者 愉 求 當。 又令 · ; 可 義 罷 原 其 東 惟 叛 進 注 去, 以 後 軒 不 會 人 變 蘇 退 子 判 授 筆 嗣 以 遂 靈 甚 士: 轍 唐 舍 監 日 學者,故 録 王. 人 以 疏 習 觀 有 易。 旋, : 义 图 日 心 使 直 使。」 而 克 惠 風 蠧 其 人 君 相 講 心卿,比 人 日 迹 有 俗 焉 子 民 與 再 其 閒 程 荆 太 終, 爲 容色辭 易 生 鎮 之吕 第 傳 學 發 公  $\pm$ 重 事 甚 金 相 明 以 諸 諸 荆 昔 哉 布 而 巧; 而 亦 陵 爲 生 荆 公在 生 H 劉 己 難 图 之業, 試 公 牢之。 氣 未 幾 之 亦 其 終。」 説 中 情 朞 中 及 不 所 就 其 也 書, 事 納  $\equiv$ 處 饗 信 0 爲 人 書 節 Ŧ 舍 以 作 其 用 其 而 至

者,朝 市 矯 上 新 矣。」 飾 言 廷將 行 以 坐 不 作 虚 次 譽 升 擢 奔 走公 於 是 卿 輕 之門 薄 書

之國。 當 剥。 其 不 石 不 也 陽皆吉,而『六三』凶。『上六』超然於外, 招 説爲兑者,故 『六三』,履非其位,而處於二 不兑,則 日 人之實也,使知其實則去之矣,故 上六』,皆《兑》之小人,以説 故故 M 心 H 而 累於物,此小人之託於无求以 而 難 發。 處 雖 自 蘇 難 曰『引兑」,言『九五』引之而 進者,君子之事也。 卑 苟非 然 來 子瞻《易傳· 兑卦解 然則『上六』之所 知,其 其道光矣。」此論蓋 《孟子》曰:「好名之人,能讓 官 一, 其 也。 :其人,簞食豆羹見於色。」 力辭其所不必辭; 心蓋 曰『來兑』,言『初』與『二』不 爲 其心易 害深。 不知 知,其 而賢之,非 故『 以不 》曰:「『六三」、 使『上六』 爲神宗用 爲害淺,故一 九 爲 陽之閒 光, 既 事者均也 五二三乎 後 顯 何 有 説 了, 宜 至也 以 以 荆 引 厲 其 千  $\pm$ 也 干 八 乘 安 ? 小 而 而 求

風

在 矣。夫子之論 也,人君可不察哉 而 一色取 不 家必聞 復 辭。 0 . 而 矯 行 是 觀人也,曰「察其所安」,又 情 違, 則 干譽之私 欺 居之不 世盜 名之徒,古今一 疑 古 在 有識 邦 必 之者 聞,

納民 下貴 티 : 氏旦」 姻喪葬之費,車 唯在上者力挽之。 俗極粹美。 令各植 玉 猶 , 姬妾 軌 賤 頃 」奢儉之弊,自古歎之,至近今爲尤 未已。 陸游《歲暮感懷》詩:「在昔祖宗時 物 **無** 者風俗流蕩,浮競日 黨, 可 復 衣 等 量 羅 更仆而迭起。 服之華,動竭 人材兼 差。 事 綺 倘築太平基,請 立 吾嘗覽《北 條 今運 始 式 以 屬 創 南北,議論 使 維 滋,家有吉凶,務求 出 歲資,以 儉 新 爲 齊 而 書》有 奇, 中 思 獲 復 中。 蠲 誉 自 更 以 往 日 金 厚 甚。 「禁浮 忘 此 弊,反 過 富。 俗始。」「柴 源 彼 韶倘施 前 習俗 華 又奴 禍 此。 勝 爲 樸還 · 此 麗 異 移 之于 僕 詔 風 F. 帶 婚

金

0 金 源」, 據《校記》,鈔本作「夷狄

代所 其任 者,以 今也 今, 可 而 日 人 所 必 其 卑上下各有 之以貪詐,故 爲 禮 耳 也 日 柱。 侈 不 以 不 重 又 , 宫室衣 則 殊 乎。 倣 者 如 則 苟 以導民 知 教 民 然其 愚 陸 其 覺 而 無 奢靡 學校 法制 之所 古里 亦 以 以 民 知 清 無 曲 所 爲 禮 宜 行 止 慕 服 大 禮 不 獻 盡 掌其 塾 差 以 者導之而 欲反今日之俗,而 選 之可樂, 所 誼 義 宜 乎 日 曉切 靡 體 可。 飲 義 等, 不 方 黨 自 也 廣 不 澆侈。 之可 麗 食之節 古 Œ 及,則 風 庠 册 敢 重 也。 日 若 不 富 有 籍 今惟 俗 有 之 厭 益 則 忠厚必 者炫 重 得 制 道之士,爲州 不 已。 承明 讀 其 核 民之所以 何 縱 惟 耳 踰 廉 可 書 州 其進退,未嘗 初 其 憚 燿 以 以 越 恥 得 有 非 季之衰: 縣 未 則 耳 而 苟 農 服 不 用 日 而 庶 貧 敢 有學,又 賞罰 嘗 不 H 登之隆古,無他, 隙 禮 美 如 消。 爲救 易 者效 謂三 幾 爲。 者, 不 有 教 爲 義 淫 者。 縣之師 儉 人于 宜 定 祭, 其 導 蕩 不 誠 時 有 朴 尤 今民 代之法 審 制 澆侈 之可 足 其 有 止 之賢 宜 其 Ŀ 物物 何 也。 叫 淫 民 及 也 動 所 画 之 長, 興, 怪 間 一蕩、 之習 力既 謂 慕。 于 其 爲 法 當 惟 冠 則 可 民 使 風 重 心 禮 生 貪 定 之所 安 亦 知 俗 其 昏 制 經 \_ 期 學 其 義 徒, 詐 制 絀 其 則 禮 之日 力 喪 爲 制 惟 已 中 之教 禄 校 П 之 之 朴 祭之 以 義 而 朴 使 則 宜 施 以 非 流 者 秩 弭 能 防 董 素 素 尊 繼 定 之

> 不 闊 得  $\exists$ 不 化原于上,公卿大臣 風 忽,良民知 賞罰之,而 望 不 子弟凌父兄,悍 未 上令者 ? 有 也。 去奢從 一其不爲澆侈乎? 勝 俗之本 隨 賞 理 時 簿 愚恐 罰 好者,則 今朝廷之賞 也 書 以 行焉。 儉 原 風 勸 即 其 期 也 返 以 而 賞 俗 會 一樸還 莠民 罰 風 徒 僕侵家長 H 胥吏被文 誠 錢 澆 俗 爲 行 罰 淳、 日 樹惇守 知 宜 穀、兵 之淳 笑于 焉 亦 懲。 侈 勑 耳。 共 舉 綦 有 疵 鄉 〈繡,富 所 師, 登三 而 水嚴 行 素,宣德意于下,寰海 凡 司 爲 里 賞 謂今日之急務者,亦 之, 有 矣, , 今 日 此 考 示 罰 代之盛者, 上者, 以 司 一賈爲 成 而 耐 不 時 不問。 聞 之殿 ,皆所 之急務, 皇 獨 行 訪 雕 有 Ŀ. 于 而 于 所 牆 最 以 以 境 而 奢 欲 未之前 獎 恭 導民之具,而 其 内 其 而 儉 庶 何 勵 儉 從 忠 淳 有 暇 舉 有 之德, 厚 令, 司 澆 將 爲 内 其 如 司 聞 之際 樸 不 理 此 外 尤 不 不 此 問 素 之 倘 敢 者 安 可 迁 有

### 清議

儆 于 有位矣,而又爲之立 古之哲 王 所 以 正 百 辟 間 者 師 設 既 鄉校, 制 存 刑

之禁 晉, 尚 汙 中 恩 蕩 位 Ļ 先 遂」, 先注」,當 有 命 清 H 베 · ', 至 赦 乃 平 或 滌 在 懷 考 議 而 ? 於 洗 錮 凡 不 刑 其 載 微 於 文 詔 煩 兩 九 斯 嚴 之懼 H 除 0 被 生 在 州 並 : 詔 漢 品 風 鄉 子 民 糾 平 原 里 有 論 論 以 禮 書 與 俗 有 中 聞 注 彈 清 此 小 而 來, 爲 之 定 經 犯 衰 在 正 以 付 議 畏 語 人存 晉 之洗 於 玷 更 鄉 **>** 必 下 而 之 清 猶 ; 佐 書 人之多言猶 有 論 鄉 清 設 始 叛 原原 議 循 刑 記 恥 殊 刷 清 卞 而 議 有 亂 注 注 者 此 罰 壺 雖 格 厥 議 民 之 自 鰥 贵 作 齊 終 制 傳 之 之 目。 多 井 即 不 所 後 腻 矣 非 身 梁 風 窮。 失 疆 鄉 廢 犯 以 ^ 凡 汙  $\equiv$ 見 至 不 陳 實 ۲, 0 小 棄 舉 淫 登 然 遇 代 於 詔 宋 教 战 終身, 稱 降 雅 里 盜 庸 遺意 並 非 移 鄉 變 之 武 成 及 於 **>** 云 選 ; 直 風 常 之 論 帝 君 廢 於 ^ 洗 魏 之 之 未 以 之 皆 下 子 畢 道 篡 口 必 郊 而 除

> 官 亦 比 王 治 進 未 之不 凶, 嘗 鄉 不 評 口 不 詢 以 闕 才 于 扶 也 所 芻 或 以 蕘 是 投 儻 畀 然 亦 則 雖 四 崇 聰 月 之所 帝 日 之舉錯 以 先 佐 而 秋

書,言 幾三十 令爲 憂去 出 過 固 之, ,邑子儀 ,文行於 吏 簡「父喪,行 也 家 杜 留 他 陳 與 鄉 一句爵 之, 年」。 賓 職 壽 爲 德 率 黨 設 靈 尼。 曹 女好 時 嶠 其 以 居 黍 · 坐 皆 温 郎 及居 绝 父侍 爲 父 遇 臛 嘗 發 嶠 喪, 顧 裾 南 貶 大 廢 簡 大 玩 詔 而 口 父 議, 伎 不豫 雪, 爲 有 \_ 食 去, 齋 之 憂 以 數 劉 之, 坐 疾, 寒凍 求 會 事 + 謝 迄 司 贈 是 聘 榮 率 使 奏 以 惠 於 空 沈滯 焉 以 宅, 伍 聞 婢 連 崇 遂 使 致 善 Ŧi. 0 一先 詣 丸 謳 貴 清 勸 玩 高 言 謳 者 藥, 者 張 進 議 浚 累 之 者 祖 詩 愛 鄉 率 不 儀 爲 有 + 會 年 品 母 廢 客 **令**, 願 飛 色 以 稽 其 餘 猶 崔 往 頓

貌

遂

父

首

郡

不

氏

阮

見

才,

仕

近古之風

寢 官職、 其 奏, 乎? 之升 然 猶 沈 致 本 世 於 論 鄉 評 服 之與 翼 後 奪, 久 之不 其 猶

以

維

持

至於清議亡

而干戈至矣

天下風俗最壞之地

清

議

尚存,

猶

足

也。 著者 乎 爲 辛 官 私 恶、 至 江 事 徒 Ħ. 以 毁亭舍、塗抹 姦盜詐 · , 而 。 命 時 者,書其 河之日下已。 後之人視爲文具,風 洪武 書之 按 於弼 刑 視, 十 五 部 爲、干 申 教新 罪 名 録 明 年 内 如 姓 於 亭。 八月 名 名者, 外 民之意,若不相 律 申 犯 諸 明 乙酉 此 義、 司 制 亭, 前 監察御 官之 紀之官 有傷 可 代 禮部議:「凡 以 0 鄉 示 犯 + 風 史、 議 懲 但 法 八 俗 鰨 之 以 罪 年 按 戒 及 遺 刑 狀 察 犯 無 儿 惑 名 意 明 月 司 有 臟 +

#### 名 教

之,則 之,至 其 矣; 不足自 日 謂 流 É 賦》謂: 刀 之,至於「吏 廟 : 不 其 鋸之誅者,没於賂遺」。 朝 所大欲。 「千鍾粟」、「 唯 無 束髮讀 廷 司 口 於 無 名 守 巖 衛 「倮蟲 馬 復 臺 官 可 不 穴之士, 遷 制 以 隸 唯 不 君 盜 作《 書之時,所 士: 勝之。 僮 賴 三百 臣 黄 賂 竊 舞 後之爲治者 豎, 史記 詐 一; 而j 上 金 遺 文 無 ,人最 僞, 屋 下 唯 弄 名之所在 不 人 懷 ൬ . 盜 迭 法 歸 人 貨 以 人 利 而 爲 唯 相 皆 於 勸 刻 殖 人 以 而 劣。 竊 嚼 宜 富 僮 章 傳 之者,不 相 日 皆 仲 齧 ,上之所庸 何 厚」,等 ×, 豎之爲矣。 服 爪 長 僞 接 吏 乃 術 官, 敖《 書, 謂 牙皮毛 士 等 遂 以 之 一之爲 前 過 覈 今觀 不 操 成 即 自 而 所 風 求 F 性 澼 F 廊

之俗 於乘 此 以 義 所 名,不能 史》有云: 而 也 名 缺 矯 擯 忠 信 爲 軒 而 僞 故 之徒 服 利 廉 怙 使天下之人 昔 潔者 冕 「漢 楊 侈 雖 人之言 氏 非 貪 世 猶 非  $\Box$ 顯 此 得 〕「三代以 純 +: 愈 榮於 者 莫 務  $\pm$ 於  $\vdash$ 廢 由 脩 之 以 肆 世 名 錮 身,故 風 義 伙 ۲, ; 教, 普 、 於家。 名之 爲 而 唯 亦 利 恐 日 宋 爲 忠 可 其 所 名 以 孝. 利 即 以 而 不 去, 者 節 成 來 好 不 救 猶 名。」 俗 積 使 風 無 上  $\vdash$ ^ 南 之 之 湾 功 衰 至 爲

言 規 仕 科 節 行 衆議 者 義 之 源 必 故 以 臣 舊 標信 , 攷 脩 人 竊 已 唐 崇 貞 窺 定 其 書 勸 古之取 確 其 鄉 ¥ 以 讓 不 高 邑之譽,崇 敦 之風 薛 拔 下 樸 士: 謙 之操 爲 郡 光 實異 士: 先 將 爲 去 最 禮 難 行 於 左 輕 讓 誣 難 以 今。 補 浮 其 以 進 雕 闕 之行,希 厲 曲 蟲 先 己, 直 退 爲 觀 上 故 故 後 名 疏 顈

> 恩。 計 乖 求 詩 驅 第 實 高 自 小 西 彰 百 原 ; 鄉鄉 然 露 慙、 之 馳 喧 行 七 人 貢 注 唯 貪 之賢 之 故 競 或 稱 府 避 Ŧ Ó 希 議 後 仕 一之季, 俗 於 是 道 武 也 寺 亦 欬 木隱 決 爲 之 后 州 以 愚 號 之 消 鄉 睡 小人 府 嫌 性 府 禮 舉 人之 夫 之澤; 門, 名 雖 即 寺 而 彰 利 人, 節 徇 祈 之筆,行 州 詔 雜 所 西 出 之士, 勝 改 厚 則 己 皆 辟。 縱橫 恩 將 河 人 爲 摩 於 顔。 廉 之 之榮辱; 不 稱『 美。 制 王 頂 名 潔 勝 心 今之 敏 脩 TITI 至足,冀 公之第。 是以 覓 之風 纔 於 切 則 德 故 漢 無 舉 出 拜 舉 名 貪 É 代 長者之論 則 李陵 假 薄 伏。 人, 暴 試 脩 勝 求 至 有 荷 覓者, 之 於 遣 才 公之 上 有 間 降 或 是 提 穢 風 搜 利 知 攜 啟 亚 明 里 猶 行 而 敭 扇 自 之 徵 之 府 理 陳 制 策 則 隴 事 推

●「假有」、《舊唐書·薛登傳》無此二字。

之累。 此 庶 施 德 理 夫 賓王,争訟於階 於三 嘉 命 競 蒙 以 由 耿 雖 而 命。 脩 習 榮者必 可 其 附 耿 高 自非 謂 之 會 名 俗 福 異 切 ; 辭 故 叔 中 若 若 附 上 有争利之心,謙 選 風 度 今時之弊矣 開 智,焉能不移? 縱 重 會 化 司 勤 闥 趨 則 謹厚之士 不 補 之 勤 競 置 百 漸, 能 之讓 謗 之門, 姓 挹己 , 喧 議 靡 罹 ; 紛 然 不 一, 則 推 其 黄 則 遜 合 於 由 賢 弊 門 者亦 徼 懷禄者必 禮 兹。 ( ), (),亦不 漸 在於中人, 已 倖 闡 以 貴 名 者 無貪賄 嗟 成 則 皆 州 肯 無 平 風 崇 兆 戚 貢 待 秦

無過于 真 經 儒 爲治 沙學,登 儒 舍仲 東京。 漢 派 用 人以 儒 舒之醇 開 人材衰。 ±, 自 論 名爲 西 由 者 雅 京,其 秦 謂 用 以 明、 治,故人材盛。今人以法 [程編修日]三 平 來 所 章 津之矯僞耳。 由 風 尚 來 氣爲 道 者 祟 漸 之 儒 矣。 代以降,士氣之盛 所 變。 光 積 蓋 武 而 特 自 明、 致 武 不 能 帝 愚 章,遠 擇 立 則 取 Ŧi. 謂

> 學所 不得 苟 黨禍 氣奮 之醇,爲 真行著 須才至急,方其求之之始,下之應也,且 而 承 無術 末 上 蕴 賢 遂 無 矣。 緒 洏 以 興,舉 精 而 又從 者 西漢之所 發 風 擇之,必 明 由 果 俗 濬 武 端 而 無 成, 帝 哲 益 重之,所 人 之君,柄 以 Œ 西襄 雖 П. 于 迄 而 復 舍 人 士 桓 國 抑 成 麥 謂 之屈之, 舉 菽 靈,三百 臣 也 設 明 椓 而 哉 而 誠 1: 空之, 人, 取 而 氣之盛 糠 致 務 余 地 餘 稗。 行之者 論 使 良 年 邐 革 古 可 用 爲 及 或 積 事, 每 而 惜 其 真 之如 兩 從 以 儒 也 宋 積 少 清 東 我 紨 之既 程 而 此 議 京 而 盛 僞 其 在 朱之 國 ± 有 而 多。 厚 下 習 所 家 +

足 不 聖人之權去矣。」 不足畏,爲 -崇,則 恥,天下豈復 宋范文正 爲 人 人 臣 君 豪上 有 者 者 晏 善人乎? 謂 謂 元 八 堯、舜不 獻 元不 書 **\*** 足尚, 人不愛名 日 足法,桀、 四 夫 X 名 紂 則 不 教

急於 信 好學, 勸 今日 學、 至老不 所 獎 以 廉 變 倦,卓 化 事。 人 心 然可當 天 F 蕩 之 滌 方正 ± 污 俗 有 有 者 道 能 之 篤 莫

哉 具 不 不 頒 子 言 遣 知 子 儋 舉 司 處 得 愈 羊 僚 孫 之官 則 自 石 始 E 特 方 當 於科名 世 之 酒 守 而 以 賜 録 收 人 官 塞 業 儲 名 時 負 其 黄 有 皆 之 牧 而 者, 原 爲 流 金 懷 薪 而 能 知 豕 不 以 爵 注 之胤 治 稽 ; 之 除 潔 賜 白 貪 翰 禄 「原 韓 古之榮,没 其 之以 己 學 必 勸 儒 於 林 福 愛民 注 租 自 ; 貨 人,使之干進 原 而 賦 或 遂 # Ŧi. 此 原 賂 注 翁 不 子 使 塗 注 頃 復 以 公公 矣 歸 競 之 始 名 其 世 + 禮 公 孫 於 秩 矣。 高 涿 仰 敖 孫 頃 告 1 贵 科 弘 處 郡 之 遺 徭 老 待 「楊 而 H 而 而 士 之賢 清 地 優 菑 饕 則 聽 扶 而 矣 氏 之 德 孟 利 風 ]1] 其 人 以 家  $\Box$ 澤 者 表 常 之 皆 爲 陳 再 無 庶 出 亦

弘 肱 在 也 位 漢 平. 身行 帝 位 在 元 儉 宰 始 約 相 中 封 邨平 詔 侯 財  $\Xi$ 重 而 : 義 爲 漢 未 布 興 被 有 以 脱 若 來 粟 公 之 孫 股

> 者 虚 率 於 飯 奉 譽 下 制 爵 者 篤 度 關 禄 俗 殊 原 内侯 以 者 科 注 給 也 應 故 食邑三 其 劭 與 人  $\Box$ 賜 内 賓 弘 富 禮 客 百 後 貴 厚 户 無 有 子 而 常 有 孫 外 尊 所 之 爲 衣 餘 次 詭 服 有 見 服 口 品 爲 以 謂 適 釣 減 而

之以 美, 祁 諡 屢 後 田 士: 宋史 若 彪 魏 豫 辭  $\Box$ 並 諡 蕴 口 詔 家 ^ 佳 圖 先 宣 徵 遠 如 表 賜 魏 德 生。 武 言 穀 辟 楊 傍 其 故 志 丘 以 帝 播 **\*** 惠、 司 袁 門 贈 志 余 延 隱 Ŧ 原 空徐 「嘉平 舉 間 所 居 守 昌 康 注 聲 斛 不 人 見, 二存 ·, 近 沖 四 實 以 仕 邈、 帛 歸 年 素 者賜之以 六年 崇 明 旌 至 準 子 詔  $\equiv$ 征 德 著 禎 高 玄 儒 慕 日 + 東 中 晏。 中 節 朝 隱 賜 雖 : 束 先 將 朱 0 嘗 之操 號 廷 生. 無 故 軍 ^ 陛 布 用 玄 諡 之號,殁 追 官 唐 處 胡 靖 宣 巡 告 H 思 爵 六 先 士: 質 爲 深 天 按 貞 清 4: 李 典 者 御 亦 口 下 翰 静 衛 節 是 則 > 林 史 也 賜 嘉 處 尉 之 : 加

五六

院待詔。

爲 獎 尚 孫 生 裔 廉 書 塵 守 之 則 之,若 幼 胡 土 唐 典 淡, 矣。 知隋 孤 書 下 莫善 其子 **\***: 金帛之頒 或 之賜 杜 朝 牛 於 孫 樊 īE.  $\coprod$ 此 僧 亦 鄉 統 孺 廩 至 至今守之。 有 中 唐 隋 賜 禄之惠 以 僕 田 武 百 射 數 進 年 奇 頃 故 則  $\coprod$ 而 章 依 竊 賜 早 猶 公 以 禮 已 其 以 弘 爲 部 爲 之 化

### 廉恥

乎 不 恥 亦 廉 ·, 管 無 恥 恥 或 ^ 所 則 立 之 Ŧī. 生 不 無 之 几 代 人之大 至 所 能 史 維 不 言 況 · 爲 節 JL 馮 爲 人 忧 維 道 大 蓋 不 傳 臣 而 禮 不 張 如 義 論 而 廉 此 無 w/ 或 日 治 則 所 則 乃 : 無 不 滅 禍 之大 所 取 Ľ 禮 敗 不 義 無 亂 取 法 善 所 廉

公孫 之論 於 以 乎 之 叫 甚 馮 或 原 所 有 家 松 棄 不 矯 也 道 日 柏 禮 皆 以 人 無 訓 恥 ! 爲 刻 弘 大 兒, 而 生 恥 後 義 士 然者,人之不 苦 布 然 有 古 則 恥 蓋 矣, 於  $\Box$ 彫 儉 被 閻 不容 廉 年 未 捐 浴,不 無 而 天 云 脱 : 氏 無 乃 於 粟, 已十 爲 嘗 恥 行行 几 下 廉  $\Box$ 立. 僞 恥 歲 〕今人 身之 不 之 恥 叮 機 者 其 無 齊 也 寒 己有 謂 П 吾 變 恥 之 七 有 獨 朝 不 謂 非 動 觀 之 中 雞 節 廉 不 廉 醒 不 故 稱 無 頗 恥 廉 巧 亂 之 鳴 而 而 廉 而 士: 士 恥 \_0 曉 朝 恥 代 恥 更 恥 而 者, 不 至 人 大 夫 矣。」 孟 書 尤 或 事 乃 以 曲 其 已於 夫之 於 也 嘗 根 四 學 夕之故 子 無 家 下 爲 疏 實 悖 心 姓 30] 謂 又 廉 之大德 所  $\Box$ 要 其 + 世 世 風 無 禮 頃 易 吾 日 教 君 用 有 何 面 讀 雨 衰 犯 恥 E 其 人 故 何 恥 不 無 恥 ·, 是 義 道 故 無 恥 難 鮮 顏 彼 恥 不 夫 亡 廉 恥 也 其 之 子 者 昏 謂 可 卑 我 氏 而 尚 之 如

曹 猶 教 語 無 爲 子 爲 及 不 之。 此 寵 彈 也 言 1 愛 EE 嗟 琶 尚 若 乎 吾. 有 由 稍 時 之 此 欲 俯 小 推 業 通 गां 宛》 不 自 解 不 詩 得 致 荅 卿 人 E 以 之 而 相 此 異 意 仕 伏 哉 亦 於 事 彼 不 此 亂 公 電 願 人 世 卿 之 然 汝

朝 恥 則 者 天 廷 下 有 ,士人之美 羅 有 教 仲 風 化 素 俗 則 士 節 教化 人 有 風 者, 俗 廉 恥,士 者,天下之大 朝 廷之先務 人 有 廉 恥 事 廉

遼

東

之事

有

感

媚

於

世

者

能

無

媿

哉

戰,在 慈孝 之以 武 H 吴子》 王 止 義, 廉 欲 古 小足 日 將 恥 人 將 使 : 心故 之俗 治 有三 以 有 凡 軍 守 恥 之道,未 禮 勝 矣。」《 制 則 也 者 國 口 所 治 以 日 夫 尉 以 死 軍 禮 人 有 繚 班 易 將 有 子 不 必 朝 生。 <u>\*</u> 本 恥 教 治 於 之 日 在 軍 而 以 廉 太 大 或 禮 將 恥 而 足 公 必 者 兔 對 以 勵 有

> 來 及 貴 粟 罝 酒 八 奂 漢 芻 邊 奂正 更清 不 枚 恩 書 类 酹 蕘  $\overline{\mathbb{Y}}$ 事 德, 地 以 竊 武 身 前 之  $\Box$ 奂 人 Ŀ 4 夫 張 敗, 並 潔 懷。」 有 皆 馬二十 馬 奂 受之, 己 使 八 有 本 爲 而 馬 都 悉 威 不 於 安定 如 爲 尉 以 而 始 化 兀 文 羊, 暴 率 金 · 先 於 大 召  $\pm$ 屬 於 好 馬 不 主 行 后 貪 或 零酋 百 還 財 以 簿 求 妃 都 之。 姓 貨, 人 於 者 嗚 之 尉 Ę 者 廄 呼 諸 化 哉 爲 羌 羌 又 哉 ? 所 羌 遺 É 性 豪 岢 使 ! 患 前 吾. 占 貪 金 帥 有 金  $\sim$ 於 以 而 如 以 鐻 感 後 淫

使。 終 貯 此 眠 0 莫 材 能 先 木 然 杜 本 ·, 皆 是, 吾 子 成。 觀 作 美 爲 吐 詩 蕃 節 唐 蕃 廉 : 人 帥 欲 書 恥 知 | | | | | 安 遣 成 將 佖 得 人 鳥 貪 潛 廉 蘭 詩 王 載 而 頗 橋 人之 之, 佖 無 將 爲 每 謀, 委 意  $\equiv$ 於 武 於 先 未 軍 河 靈 河 厚 壖 必 同 節 流 溃 先 及 度 星

非 朔 也 子》。 方 郢 然 故 禦 書 後 寇 貪 燕 并 夫 不 説 役 爲 暇 成 或 帥 至 橋 可 今 以 而 仍 治 邊 爲 築 或 城 患 月 乎 \_0 晚 城 ? 開 由 守 (原 佖 之。 得 之 注 見 此 黷 自 意 貨 是 韓

### 流品

其 常 宗 舍 就 任 方 日 後 參 爲 人 席 侍 而 良 中 狄 或 如 征 台 卿 猶 政 故 西 當 書 欲 久 能 宋 將 作 舍 詣 方 權 立 以 被 軍 士 人 太 或 去 重 來, 徵 人,得 王 子 開 竟 還 《宋 尤 詹 弘 時 府 都 不 事 重 爲 儀 就 書 呼 躡 時 同 流 王 太 王 坐 履 右  $\equiv$ 品 曇 蔡 球 祖 到 軍 司 坐 興 所 首 元 興 故 乃 將 宗 0 愛 宗 荆 嘉 雖 軍 傳 遇 當 不 前 州 初 蕞  $\pm$ 敢 刺 判 中 不 爾 道 坐。 史, 耳 謂 書 興 敢 隆

> 若 客 席 其 往 欲 舍 奉 江 時 殷 日 張 我 \_\_\_ 詣 人 詔 義 : 往 坐 陵,人辭,文帝 詶 敷 劉 便 岩 當日 恭就 之。 一 日 狄 詣 赳等 接 傳 「原 無 敷 當 不 球 : 甚 如 注 一. 『吾: 文 先 赳 得 失 歡 周 此 臣 設 帝 可 殷 日 遷 爾 色 赳 景仁、 性 何 求 : 稱 等並 江 \_\_\_ 既 並 而 0 不 牀 令以 旨 夏 弘 而 彼 管 去 劉 耐 學  $\pm$ 已員 Ŧi. 還 就 呼 去 若 要 湛 雜。 義 義 依 後 + 左右 壁 務 席 不 世 外 沙 恭 年 0 並 艑  $\equiv$ 遷 相 事 門, 以 説 郎 撫  $\vdash$ 中 及 雜 載 四 啟 容, 正 敷 矣,何憂不 軍 尺。 沙 會 至, 員 聞 無 同 記 有 0 便 門。 移 敷 郎 所 省 此 室 球 不 紀 赴 吾 帝 多  $\equiv$ 名家 益 舉扇 如 僧 客 敷 假 牀 中 日 軍 事 也 得 還 就 不 書 直. 遠

<sup>0</sup> 0 治通鑑 狄」,《 世 説 下 宋書 》卷一三六《齊紀二》,而《世説 述 紀 張 僧 敷 真 傳 事, 》作 見 秋 於《 南 下 史 狄 》無 江 當」之 斆 傳 狄 與

於公卿 牀非 登榻 文言一人,爲 不知 客!』僧真喪氣 我不得措意,可 得幸於齊世祖,嘗 大夫故非天子所命。』、《梁書 下乞作士大夫。』上 吏,遭逢 「有宦者張僧胤候侃,侃 以 閹 坐定。 禮飭躬,而聲氣及於宵人,「原注」如 人所 上 聖時 壽 東 林諸 坐。」」自萬 斆 ,階榮至 宰 顧 公大玷。 而 自詣之。』僧真承旨詣 執 命 請 稱 退,以告世 日 左右 兒。 曰 : 二。此 此, 曆季年, 搢紳 詩字頒 竟不前之,日 三臣 曰:『移吾 無 而 由 神 所 • 出 祖曰: 江 須 州 於 羊 自 製、 陸 輿 侃 本 惟 阜,至 ]::『我 沈 傳》: 謝 牀 之士 就 縣 斆 綸 遠 武 中 陛 汪

### 重厚

原塗炭

· ●夫有以致之矣。

世道下衰,人材不振,王伾之吴語,鄭

崇重 榱崩. 使在 俚 綮之歇後,薛 之大要也 俊、「原注」《文侯之命》。 念老成,「原注」《大雅 語 ,天下將無所芘矣。 厚之臣,抑 辭 下之人慕其 曲 · 莫 昭 不 · 登 緯之《浣溪 退 風 諸 輕浮之士,此 蕩》。 庸有及乎? 流, 巖 以 廊 播遷之餘 及乎板蕩 爲 沙》, 用 通 爲 脱 李 移 有 輔 邦彦 風 或 之 而 而 弼 | 者 後 棟 易 思 之 登 耆 至 俗 而 折

隱之文:「如 疲,若類之《風 止 人,率同 於輕薄 侯景數梁武帝十失,謂:「皇太子 此 以,賦 病, 麗 詠  $\approx$ 淫 服 不 辭 雅 靚 出《桑中》。」張説 豔  $\approx$ 妝 燕歌 曲 則 罪人矣。」今之 傳 布國 趙舞,觀 門, 論 者 閻 吐 詞 忘 如 朝

0 資治通 世 删 祖, 一「世祖 鑑》卷一三六《齊紀二》作「上」,亦不重。 原 重 文。 南 史・ 江 製 傳 》作「武 帝」,不重;

「塗炭」,據《校記》,鈔本作「左袵」

0

農、工、 漢,以 勸 聞 自 以 傷 侣 北 教者多矣,又有此等書以 所不忍斥言者,彼 哀思,行 明以 人以善,小 亡,作《伴 īfij 正 敗 齊 如 漁色爲風 人 陽 來,又多一 風 寫 見之、是其教較之儒、 商賈無 路聞之,皆悲泣。」〔錢 心 化 俊之「所作六言歌辭,名 而 侣 術。 説專導 宜 賣 不 曲 流 之,在 習 教, 曰小説。 必 (沈氏 與 喪 聞 人以惡,姦邪 盡 陳之將 心 之, 非 相 病狂 誘之、曷怪 [日]唐: 聖 市 以至 窮 形 Ľ, 之 不 釋、 無所忌憚。 氏 兒 小 御 津津 作 書 绝」者,  $\Box$ 童 道 説,演義之書,士大夫、 淫盜之事 史大夫杜 同 其近 古 婦 玉 愐 樂 樹 更 女不識字者, 類 有 道 于 廣 儒 後 誘 爲 子弟之逸 而 禽獸 也。 庭 淹 以 儒 釋、 惑後 焚 『陽 花 E : 殺 平. 釋 釋、 道 人 「齊之 庶 Ŧi. 爲 道 亦 其 道 居 生 教 伴 口 皆 聲 猶 無 好 書

文 出 颺 永 帝 後 人,自 之「行步舒縱,坐立 何晏之「粉白 祚 體 短 扶接者常數人」,後皆誅 貌 促 不 0 重 史皆附之《五 風 不去 尚 何倚 手,行 通 脱 訓謝 是 北 行 靈運 以 顧 志 死 享 影 **\*** 之 或 以 而 爲 魏 每 鄧 不

> 言》曰: 招 知兩君之疾 君子 貌之不恭」。 辱,好 不 輕 言 重 則 輕 則 與 招 則 昔子 不 亂 淫 招 威 夫 憂 貢於禮容俯 學 有 行 則 所 輕 受之矣。 不固。」《 則 招 仰 辜 之閒 揚 貌 子 子  $\Box$ 則 法 而

於前 萌,而 一世 教子弟 蒙之道 言之,可 尾 蠅拂,是王、 説 燒 厚 几 ×, 引之「有 重也 除之。 也。 明 謂 未 薛 ,不當引入 善 得 南 出 「楊氏 其 謝 教 齊 物 謂:「士大 雋 矣。 家 陳 日 永,先習其 物 顯 有 顯 汝 防 達 恒 達之燒麈 語 其 夫子 不 一之域 其諸 須 13 簡 弟 捉 尾 逸 此 子 别是 此。 不 傲 乃  $\exists$ 宜 以 諺 即 使 意,非 Œ 推 之 讀 取 養 麈 是

## 耿介

讀屈子《離騷》之篇,乃知堯、舜所以

行 汙世,則不可與入堯、舜之道矣。 出 乎人者,以其「耿 介。 同 乎 流俗,合

乎此 禮 披 勿 動」,是 非 夫 :禮勿 道 若 則 視 大 謂 路, 之「耿 非 禮 然堯、桀之分,必 勿聽 介」,反 非 是謂 禮勿言, 之 昌 在 非

雄

雲

陋

#### 鄉 原

也,而 斯 爲 也 口口 法言》準 漁父》二篇盡之矣,非不 世 **,** 莽大夫與? 其塵」,此所謂「似是 反 也 老氏之學所以異乎孔子者,「和 義 《論 離 有所 語》、未免妄矣。 騒 斯 **>** 世 其 不 〔梁氏 也, 可 當爲 不 日 善 作矣。 〕揚雄 也。 依倣 斯 而 可 非也。 體例,摹合詞 作《太玄》準《易》,作 知 子 矣。 尋 其言 雲 其 而 此 大指 之可 其 知 1 意,與王 其光, 此 所 生 從 以 義

方

莽; 作,汪 洗。 尼。 疾莽 聖人同 莽之學《大誥》、《金縢 其爲莽大夫也。」 無足論已。 云: 『雄之仕合於孔子無可 篡,揚雄不能 人涼州,爲十二。 此于後人。 一,亦不喜之。 「合箕子之《明 行參聖師」,比之孔子。 或謂 愐 司馬温公以爲 圃 琬 王介甫諸 作; 趣, 跋 《法言》安漢公之言,乃怨家 雖 雄 孝廉翁 或辨其無美新之事,馮 死,又仕之,更 宋紹興 周公、孔子不 傳 人説 然 (夷)。 引 承高嘗云: 大儒 有不 雄 中 Ŀ 楊 | 何 作 一符命、投閣皆谷子雲事,不 莊簡 孟 п 陳公輔 其 州 . 異? 解 無 爲《劇秦美新 餘 能 吴陸 箴 公《子雲祠 者 不可之義。二言出王 譽 過 荀 「漢分十三州刺 \* --疏論 東 之者 \_ 績 蜀 殆 元成 坡 不 《釋玄》謂 秦 王安石曰: 所 譏 甚 抱 足 宓 獨缺 以《美 益; 堂 衆, 朴 其 擬 與 》之文。 記 子 朔  $\pm$ 以 或 III 以以 方, 史, 莽 》言 新 《玄 商 艱 謂 H. 曾  $\Xi$ 書 安石 深 雄 雄 力 子 亦 知 太 一安石 經 文 并 莽之 不 劉 爲 古 方 謂 可 何 玄》 證 朔 以 仕 茶 湔 以 仲 與 淺 子

得

騷》、《九歌》,放言也。

卜居》、《漁父》,「法語之言」也。

《離

Ŧi.

ħ.

儉約

族 乃 也 留 諶 嚴 坐 語 尊 以 後 命 生 豪 冬, 嚴 單 謝 怪 休 人 人 而 俠, 假 經 日 車 日 漢 門 尚 人 爲 或 至德 單 : 汝 歸 書 還 日 熏 去 奢 衰 日 南 不 家。 袁 鄉 紗穀, 吾 灼 所 林 濮 示 : 徒 自安。」 許 叔 輿 之以 門, 憚 將 陽 跣 劭 見 晉 德 服 李 赴 令 吾 爲郡 纔 此 蔡 贵 來 自 儉」, 僧 弔, 高 歸 服 賢,令 餘 北 充 口 駕 候 平 伽 其 齊 功 Ŧi. 從 使 車 好 君子 靈 僧 劉 脩 騎 常 曹。 李 者 許 學, 徒 整, 輿 伽 吾 整 云: 耳 德 數 子 之行 其 反 羞 篤 先 林 遇 有 同 + 車 將 葬。 盛 對 業, 父亡, 雅 見 郡 減 示 騎 服 蔡子 宰 軒 尚 人 袁 奢 之 僕 不 相 博 冕。 得 稍 紹、公 郡 麗 從 體 應 尼 之 陵 時 **\$** 稍 事 嘗 遂 夫 辟 李 崔 正 在 貌 然 減

> 化 莫 惟 使 人 綰 過 玠 錢 李 人 中 中 池 送 不 度 爲 君 騶 音 心 質 數 師 書 館 寧之弟, 伺 邦 子 樂 自 性 以 東 千 從 臺 令 古 候 之能 曹 郭 化 貞 唐 緡 百 減 榭 廉 跋 在 累 大 掾 餘 散 廉 節 子 扈 家富 朝 當 日 氈 以 御 曆末,元 五. 儀 自 典 亦 車 廷 車 憚 時 史 身 分之 勵 有 在 於財 選 即 服 而 子 杜 第 率 中 邠 绿 舉 日 雖 儉 化 黄 派 物 四。 州 輿 載 減 樸 貴 天 乘 裳 崔 以 者 有 自 伏 行 寬 下。 損 爲 寵 儉 如 京 别 寬 居 誉 宅 誅 即 之 率 使 相 墅 此 兆 惟 廟 出 劒 臣 魏 者 聞 日 拜 在 人,天下 留 尹 堂 南 是 命 武 從 潛 到 綰 皇 楊 黎 + 輿 未 以 西 帝 門, 遣 婢 拜 城 綰 幹 騎 服 數 幹 11 居 時 毁 相 之 爲 而 之 日 不 官 未 吏 每 節 南 相 撤 敢 + 敢 寄 出 度 毛 坐 而

0

<sup>「</sup>日」、《舊唐書・楊綰傳》作「月」。

誇,無 禁鄭 師 青 古 衣 襤 人之泰侈,奚必 煩 師 縷 乎三紀。 古 言 折 是 其 相 謀 脩之身,行之家,示 公夫 ,終身不 於三年; 人。 敢 使 變 改 者 雒 節 遽 邑之 歸 之鄉 此 矜 則 告

### 大臣

黨

III

道豈遠

乎哉

詐。 馬 宰 布 之於終,斯 人既 官 君 被銘 庀 臣 無 怪 家 則 相 記 藏 自 器 所 其 正 大 金 季 以 奢 日 爲 得 臣 玉 或 攷 文子 葬 之矣。 始。 公孫 之 其 備 大臣 無 肥 生 重 卒,大 然 無 平. 布 也。 楊 器 法 而 衣 被 而 備 氏 帛 小 之名  $\pm$ 定其 故 夫  $\Box$ 臣 之妾, 陽 説 欲 人 君 廉 黄 實行 一; 直 在 斂 正 子 陸 金之論 官 ~~; 公在 君 是 放 無 士復譏 者 翁 職 以 而 食 之《 相 知 序 粟 惟 位 温 序 季 之 觀 其 時 百 公

之隆 當世 之道矣。 邪 祥 或 忠 外 悉仰 爲 屋 夫 以 别 積 文子之忠於公 成 所 民 孔 廉 華 有 長 調 ! 名賢 薦。 必 都 可 污, 身, 度,隨 於家, 不 尺 贏 誠 人 É 明 有 不 過 寸。 無 財 周 桑 知 生 亦 其 以 則 謂 茂 閻 人臣 不 夫 其 身 自 八 叔傳 미 人 貪 爲 忠 汲 以 氏 若 之 大 怨 百 引。 以 於 衣 有 日 無 乎 負 臣 之一節, 室 ? 詛 株 臣 審 常 貨 負 食, 餘 史 陛 余 死 熙寧 其 稱 也。 家 者 所 擇 賂 饒 分 下。 薄 吕 之日 悉 諸 尤 誠 相 事 爾 也。 初 究 IF. 田 異 仰 葛 獻平 之豐 相 之方 至 而《左 者 也 及 十 知 不 於官 岢. 以 亮  $\equiv$ 夫居 於 郴 Ŧī. 濂 生 卒, 人臣之欺 乃 知 自 州 君 約 使 臣 以 頃 洛 高 而 表 與 人物 氏 矣, 尊 如 内 不 在 ,子孫 用 娟 關 亦 后 後 或 **>** 趙 席 其 别 外 有 爲己 稱 抃 陝 得 於 降 而 而 主 腆 所 治 任 餘 諸 任 及 之 君 之 富 政 衣 無 百  $\Box$ 日 言。 賢 帛 生, 民 化 敗 弗 潤 爲 無 食 私 凡 公 皆

之權 之耶 大臣 子厚 ⊟ : 若 文貞 著 增 獲 相 當英宗之時 主 判 朝 堯夫,恒 太子中允、 張 其 一之龜 大名, 人在 嚴 其 薦 朝 光 亦 子 户 : 行義 字 不 畢公甚 吾 用 能 弟 猶 厚傳 吾 爲 戩 故 以 鑑 相 道 不 遺 示 皆 相 廣 Ŀ 「不然,吾 嗚呼 矣。 不信 何 出 亦 爲 也 踧 監 敀 從 詔 東 疏 韓 于 如 力 薦 嫌 ф 遊 自 踖 察 轉 「言其 爲 而 文貞 極 若 余 哉 排 焉 魏 使 而  $\exists$ 爲 縦 西 御 運 其 因 論 擊 何 公 信二 親 Œ. 史 判 言 亦 京 思 青 市 邵 則 可 詆 議 獻 有 官。」《 問 <u></u> 畏之。 裹 則 或 當仁宗之 又 袁 再 堯 能 苗 寡 侮 古學, 宦 者,不獨得 且. 民 謂 行。 不 日 子 過 者 宅。 夫 傳 竄 法。 出 者乎?」 間 能 畏之,黄門 監 程 之 畢公于 E 雖 任 徐 顧 程 與 神 夫道學諸 皆 難,又 教 伯 後,一 守 E 聞 未 文貞 念人孰 宦 時 宗 正 授 被 淳 忠 云 者 而 叔之薦 者 至 大臣 文 召 傳 外。 便 (當國 薦,公著居 歎 文 尋 從 哉 見, 争 公之人 而 潞 甚。 切 潞 服 無 擢 勝 天子 公之在 而 公則 斯 文貞 以 直 授 私、私 公 崇 畢 用 薦 言,真 潞 負 人 則 学文 慮 亦 政 又 公 事 猶 不 諸 能 日 吕 公 與 其 以 殿 公著  $\Box$ 洛 以 此 故 斬 必 在 君 朝 當  $\Box$ 可 院 司 府 之義 爲 説 害 世 中 無 也 爲 中 言 廷 韓 諸 以 禍 校 馬 專, 言 公,有 路 薦 他 志 書 貴 韓 公畏 字: 書。 爲 魏 Ħ. 使 雅 光 郎 聰 其 共 相 安. 琦 帝 八 皆 沂 敬 爲

> 之敬 則 左 右 大 臣 不 得 與 關 不 其 敬 説 大 臣 不 而 敬 己 矣。 大 臣 敬 則 疑 大 臣 疑 則 則 誠 闍 誠 習 則 則 明 左

右

得

以

竊

其

柄

明

主

故 盧 懷 貧 慎 杜. 則 黄 觀 開 裳 其 元 所 元 之庸 不 和 取 之 臣 名 此 而 相 1 以 而 相 清 以 之要言 貧 富 見獎。 厚 蒙 譏 是

### 除 貪

然 覺 改 唐 輕 主 流 未 猶 元 司 嶺 時 重 發 及 有 枉 南 腻 漢 咸 覺 南 時 左 法 吏 赦 郊 睿宗 多 贓 降 贓 己 除 赦 罪 遐 於 結 之。 文 被 方、 太 朝 IE 兀 每 極 劾 堂 未 官 謪 己 日 元 決 或 結 典 : 官 上 年 殺 死 Œ 鑾 犯 大 几 並 獄 其 徼 贓 繫 辟 月 先 中 者 特 人 罪 制 不 決 宥 或 見 已 在 而 者, 道 徒 下 盧 百 官 此 自 乃長 懷 罪 E 阳 典. 殺 慎 發 無 而

以 紨 重 敗 以 官 是 爲 言 知 亂 夏 謂 書 政 同 **>** 屈 訓 位 法 之必 惠 商 兹 后 殺 作 非 其 正 代 丕 本 之王 刑 寒 **-**源 圣 貪 之

謂

以

反

不

由

此

道

者矣。

樂

中,蘇 惡、故 爲 隅 也。 黥之,得 言:『古者 故 法 掊 州 故 事 例 蓋上 受贓 有 克之吏, 尤 一然懲 子 嚴 天聖 命 口 宋 容判 劫 無辱多士乎?』乃 官 貪墨之罪 初 以 刑不 一有以 殺 貪之法亦 七 以 郡縣 審 以 得 腻 特 + Ŀ 及 刑 後,士大夫 勸 循 論 大夫, 官 院 詔 餘 死, 之矣。 吏 吏者三, 漸 吏 棄 萬 知 以寬 可 皆 承五季之習,贖貨 金州 受 市 開 詔 殺 貸 矣。 贓 帝 則 命, 寶 免 「原注」 張 皆 黥 殺 者 以 三年, 杖 仲 丽 而 于 杖 知 脊, 宣 嶺 不 仲 不 文定「原注 飾 止 44 石 宣 南 原 表 黥 赦 流 枉 董 林 簠 Ŧi. 西己 郊 嶺 法 初 燕 犯 品 簋 元吉 海 外 腻 語 大 平. 官 腻 史言 島 Ш 論 赦 厲民 今 自 慎 其 欲 厲 守 當 煕 子 杖 是 行 死 茈. 宋 徽 廉 盛 遂 容 mi

而

之徒 其 贖 刑 原 統 善哉 太 欲 罪 時 有 不 不 注 初 上大夫,觀 SI] 爲 宣 贓 凝 死 本 浸 毛 遂多特旨 徳中 之 吏 脂 吏者之毋 朝 舉 至 贓 柄 謪 之 \*, 姑 細 吏 於寬,而 密 令戍 息之政 雖 而 故 曲 御 Ē 是輕 不善, 宥 史 其 入邊,宣 萬 以 貪 劉 所 僅 朕 觀 不 當 嗚 甚 謂 不 重 終 坐 呼 得 天下之務, 於 受 胥 大 口 不 復 德 罷 臟 宋 忍 法 臣. 得 中 失之矣。」 究 數 官 加 # 者 不立,誅 也 改 T 前 刑 皆 金 而 爲 敗 朝 論 命 人主 吏 刀 運 小 軍 之 斬 遣 治 筆 蓋 甎 小 之 戍 法 不 1: 筐 既 何 遼 納 自 刑 將 必 也  $\Box$ 東 由 委 筬 米 永 名 口

IF.

而

穢 任 科 鄧 賜 告 西己 州 自 留 敕 貶 北 後 盡 夢 長 嵐 陶 瑣言》:「 流 州 玘 汴 綏 口 州 爲 州 馬 倉 内 0 吏 鄉 後 掌 亳 犯 唐 **令** 書 州 腻 成 明 記 刺 歸 宗 内 王  $\Phi$ 有 尤 李 惟 史 所 悪 鄴 吉 彦 論 墨 珣 以 奪 税 吏。 外 舊 贓 歷

之,希 之子, 免死 又是 驸 上 馬 曰 石 : 敬 \_ 王 瑭 法 親 戚 無 私 王 豈 建 立 미 奏 徇

將

親 贓 , 侍 衛 供 使 張 奉 從 官 貴 1 方 延 便 徽 救 巧 之,上 事 權 貴 曰:『食 監 倉 我 犯

戮 之。」以是在 五 代 中 號 爲 小康之世 厚

禄

盜

我

倉

儲

蘇

秦

復

生

一,說

我

不得。』

並

欵 寺 圖 州 斷 西 理 大 止 平. 册 有 理 縣 贖 府 所 定 銅 令 元 未 罪 李 龜 ¨, 備 盡 敕 商 **>** 載: 旨: 引 爲 古之立 格 百 天 條 李 姓 成 商 告 法,意 四 然 招 陳 年 亦 愆 十 二 不 事 在 公, 有 俱 月 惜 所 在 大 未 理 案 蔡

專 弊 海 從 惟 謀 輕 几 潤 期 换 喪 己 不 星 亂 濫 灰 初 以 常、 聞 皆 來 守 官 告 廉 無 無 不 外 私 恥 公 之 者 之 李 風 少 事 商 每 件 不 朕 革 務 決 從 養 彼 臨 前 民 狀 寰 況

自

列

聖

相

承

溥

天

無

事,

人

皆

知

禁,

刑

遂

曰

下 給 官 可 謂 ! 鄉 州 得 縣 宜 從 輕 篆 奪 重 印 歷 之權 户 任 祇 取 官, 爲 者 物。 行 矣 杖 殺。 遣公文, 據 兹 讀 行 此 而 事 敕 乃 文, 何 將 以 明 印 曆

于閏 名。」 朋 身之義 爲 没 世宗之詔 職 涉。 年之六月 : 刺 心 官 厚 六月 合力,致主文、宣 夫 幸 以 以 贵 贓吏子孫,不得 金 以 庚寅,先三日 贓 贓 非 史》: 詔 亦 貧 死 然 贓 至 漢 乃 未 吏 於獄 窮 貪 死 人 即 大定十二 爲 而 而 X 已 位 愚 過。 爲 錮 ,上謂:「其不尸 後 敗 行 丁亥,李 亦 四 及其子 盜 類,其子 之 甚 + 詳 ^ 賊, 事 四 漢 矣。 舉。」「閻 而 一年,咸 固 日 平 書 孝 蓋 策 丙 | | | | | 免。 似 其 桓 不 戌 必 下,於李、杜 . 得 平 諸 非 即 氏 .李固 無 杜. 尹 릲  $\Box$ 位之詔 惡 子 諸 喬 廉 惡 石 皆 爲 按 清 市 大 桓  $\equiv$ 杜 抹 止 口 尉 即 品品 有 喬 則 其. 除 已 311 不 位 在

頭

又爲

奪

有

主

之莊

田

一,撻

其

本

户。

或

相 次

中 官 吏, 腻 罪 輕 者 決 杖 重 者 處 死

縱 所 帝 刺 牛 以 曰 者 以 : 史 僧 IE.  $\vdash$ 李 用 ,大抵皆 束 孺 有 彼 亂 其才,未 傳 庸 直 縛 不 直 天 × 吏 臣 有才者。 才 臣 下。』帝是其言,乃止。」今之貪 之 坐 者 才吏 有 穆宗 貪 贓當死 必 才, 持 非 也 初,爲 有 禄 朕 安 治 才 取 欲 , 中 世之能 禄 苟 吏 容 貸 御 Щ 之貪。 貴 使之惕 耳 而 史中 人爲之申 朱 臣 用 天子 也 泚 之。 丞 於法 ^ 以 唐 0 制 才 僧 宿 書 理 法 過 孺 州 而

之論 路 敝 明 來 7,然未 哭 矣 姑 邪 息之 者 後 嗟 所 漢 嘗 乎,范、 持 政 書 以 以  $\forall$ 至 贓 爲 稱 文 於 罪 П 袁 正 綱 鞫 實。 安「爲 有 解 言 紐 乃余公 河南 弛 此 皆 皆 所見,數 近 家哭何 尹 此 日 言 政 爲 + 寬 號 如 貽 之 厚 嚴 年

朱 子 ,謂:「 近 世 流 俗,惑於陰德之論

> 贵 爲 多 非 仁. 以 陰德 也 縱 舍 之報 孫 有 叔 罪 邪 敖 爲 1 斷 仁。 兩 頭 此 蛇 猶 而 位 È 至 之 楚 以 行 赦 亦

孫者之法也 本家,死不得葬 不,不 也 唐 貸贓 柳氏 宋包拯 更法。」此 家法:「居官 戒 大塋。」此 子孫: 今日 「有犯贓者 不 今日 士大夫居 奏祥瑞, 士大 不 夫 不 官 教 得 者 度 之 僧 子 歸

法

道

### 貴 廉

禁錮 行 白 貴 疑 惟 禁 者 廉 輕 潔, 賤 止 伏 漢 也。一亡 不 一,海内大化,天下 其 得 元帝時,貢禹上言:「 誅 爲 貪污, 贖 吏。 疑 罪 者 之法。 賞 賈 以 善 人 與 罰 贅 「原 民 · 斷 惡 壻 注〕亡、 獄 及 原 不 孝文 吏 四 注 SH) 坐 百 無同 師 親 皇 贓 古 與 戚 帝 日 刑 故 時 罪 罪

苛 爲 者 者 巧 穀 度 亡 何 財 勇 也 職 並 境 動 足 數 暴 者 異 雄 多 猛 顈 中 起 不 以 H 女 猶 以 者 威 足 Ŧ 謹 書 補 傑 於 而 原 H 軌 復 指 貴 吏, 慎 服 武 光 里 世 注 乃 物 指 不 命 攘 習 處 於官 爲 榮 下 帝 師 勝 是 者 行 自 出 氣 臂 欺 女 於 者 始 古 氣 勇 使 衆 以 爲 謾 見 而 計 H 則 臨 以 何 使 猛 天 切 政 功 而 得 使 故 簿 是 取 以 一 上 天 居 下 之 人。 而 郡 大 於 俗 善 利 勇 爲 禮 下 變, 能 臨 大 府 奢 或 威 世 皆 書 猛 者 故 賢 義 謂 官 侈 位 欺 恐 尊 者 行  $\Box$ 使 能 所 爲, 爲 謂 耳 官 0 上 行 尊 伏 賢 屬 操 犯 壯 遂 居 故 故 之 府 雖 史 其 用 於 切 亂 法 何 士 官 從 黥 府 原 者 犬 書 誅 朝 士 者 百 民 以 注 耆 義 面 劓 彘 姓 孝 右 貧 贖 而 兄 置 諄 以 則 闢 師 欲 而 而 職 者 罪 仕 弟 古 勸 富 家 爲 擇 盜 髡 逆 有 地 高 爲, 宦 日 其 者 鉗 而 財 以 右 便 賊 用 廣 職

> 之保 之本 日 於 實 争 以 治 也。 真 其 弟 書》 實 此 廉 盡 所 國 守 致 父 居  $\Box$ 及 ! 力 以 郡 維 而 太 相 勉 : 然者 爲 有 守 守崇 不 平. 自 天 其 敘 也。」 善 贓 不 張 下 神 子 欽 者 宜 肩 誅 貴 治 皆 宗 財 而 好 除 俗 矣 孝 不 輒 利 必 以 以 人 貨 贖 之 行 弟 犯 行 如 來 心 罪 敗 之 敢 嗚 原 其 法 是 大 賤 之 壞 黷 所 注 恭 呼 誅 得 壞 而 賈 法 貨 致 生. 師 贖 數 乃 後 亡 今日之 古 生 之 也 罪 + 至 口  $\Box$ 但 相 風 進 年 於 以 求 守 鞠 免 有相 今 真 於 是 變 立 Н 選 官 欲 人 賢 此 諸 甚 太 謀 有 舉 不 興 矣 侯 平. 人 其 舉 則 不 至 得 相

後 亡 不 天 得 得 私 禹 仕 下 販 又 宦 水 賣 欲 利 0 **令** 與 此 碾 近 民 議 磑 臣 争 今 利 自 場 亦 諸 渡、 犯 口 曹、 者 行 市 輒 侍 集 免 中 É 無 官 以 萬 不 削 上 屬 曆 爵 之 以 家

# 禁錮姦臣子孫

下, 忠、王 裴 宦。 於朝 敘 師 即 京 任 月戊子韶文,見 人 平, 虔 成、 京 蓋 位 原注》清 言語 官及 通 饕 唐 有 詔 一鉷子 譚 大 等子 太 之矣。 餮 宋 原 稹 蔡 赦 宗 侍 之 注 末 皆 孫不 京、 波 詔 一《宋 衛 舊 孫 象 惟 蒲 雜 唐 不 誤國 禁錮宇文化 童 竊 周 志》。 禄 壽 原 書》。 史 「原 貫、 謂 - 令齒 鼎 庚、 • Ш 注》 害民 「原 宜 章惇傳》。 而 支 武  $\pm$ 黄 令 檮 章 注 黨 新 后 敘 黼 之人,子 唐書》。 萬 惇子 按 杌 令楊 及 新 及、 察司 石子 「原 》之名 朱 李 唐 明 孫 勔 書 素子 注 林 司 至 各 孫 太 亦 孫 貞 楚書 李彦、 甫 馬 德 挥 不 祖 宋高 觀 不 孫 更 中 德 七 楊 得 有 其 得 不 不 戡 年 宗 梁 得 仕 天 仕 收 或 兩 地 古 īF.

> 後 者 之姧臣一二人,王法之所未 了,刻 人之人仕。 其名於獄 九 門之石 刑 不忘, 以以 百 爲 加 世 世 或 難 戒 加 改 而 而 亦 禁 未 先 其 盡

王「樹之風聲」之意乎?

農,人神 草 既 卯 懷 於身後。 重,名教所先,故 不愛七尺之軀,重 成 長 ,芬芳無 陳 詔 蛇 X 天 人倫 下 悖 縣 曰 舊 , : 男 雖 唐 所 遐 「天地定位,君 至 裴 書 之道 疾 绝 復 觀 如 虔通,昔 剖 時 •太宗紀》: 典 異 趙 經 斯 策 能 高 代 心 著 治 百 焚 之殞 明 同 档 亂, 在 年 體 大 憤 不 隋 之命 是 臣 節 , 赴 主 誅 代,委質晉藩 貞 之義 用 況 世,董卓之鴆 於當時,立 或 夷。 蹈 觀 諒 篤 凡 昏 如 二年 以 明 厚 庸 辰 由 歸 彰; 風 小豎 六 州 君 疾 俗 卑 月 刺 清 臣 夫 風 有有 辛 贵. 煬 弘 義 史 風 勁 化

585

● 「明」,據《校記》,鈔本作「我」。

日

知

録

集釋卷十三

自言: 累 郎 州 憤 爵 宜 流 親 帝 將 刺 歲 遷 逢 其 矢 潛 以 高 史 餘 「身 赦 夷 4 舊 脯 元禮,以 配 啚 方裕 死。 宗 **令**, 除 邸 驩 朝 弑 隋室,以 焚首 之 州 口 絳州 唐 逆 宇文化及之黨 竊 情 書・ 特 發 刺 密 「原 啟 免 以 太宗紀 史 特 大唐。 伺 注 極 薛 彰 天 相 間 世 刑 った有 虔 大 下 愛 ,皆除名,徙於 良 隙 通 戮 投 「貞 之 幸 觖 歸 廣 之 招 望 國 惡 州 觀 之色。 但 E 四 結 二年 授 遂 史 孰 年 滁 裔 羣 乃 唐 邊 七 州 。 除 代 云 醜 及 奉 月 忘 總 義 得 戊 異 可 管。 名 長 蔑 申 罪 忍。 虎 時 削 戟 君 牙 萊 恕 钮

冢

懷

楊

弑 事 唐 右 代 蔑 貞 隋 隔 新 請 之 棄 觀 主 兩 語 所 君 四 朝 從屏 子 册 年 親 不 訴 Ħ. 楊 府 正 隋 其 原。 昉 黜 首 元 家 資 月, 爲 龜 親 今其 左丞 爲 以 族 生 奏『宇文智及 弑 爲懲戒』。 亦 者 時,宇文化及子 逆。 衆,下 猶 權 子乃任 配 萬 遠 所 人 紀 方, 司 臣 爲 理 制 死 Ŧ 之 孫理 之。 受 者 治 可 牛 所 無 隋 書 資 昉 宜 可 「原 厚 侍 蔭 判 侍 更 疾  $\Box$ 恩 敘 御 朝 注 衛 一時 史。 廷 了父 萬 而 左 大 以

及

臣

接

胤

庭

雖

人深賞

公論 之釁。 外,況年代未遠 注〕史言 兄 訓 統 仍 幸 諂 素 嫡,寧惟掘 4,昔在 弟 免 常欲從 百 在 ; 佞 楊 元 子 險薄 贵 子竟 生爲不  $\pm$ 之才,惑 禧 元 孫,並 一,恭 忤 禧 本 可 之行 容 張易 蠱之禍 傳 復 朝 族 臨 於 忠之人,死 下, 耳 之,密 不 肩 誅。 亂 萬 早 載 四 遂 得 隨 君 機 目 海 荷 武 成 ; 奏,左 令任 近 斯 之餘 上 上 上 所 誘 殊 門 后 侍 則 存 遇 風 制 扇 貶。 京 離 爲 嘉 褒貶 姦 娲 者 後 日 官 間 不 賢 逆 然 平 主,卒 稟 洂 刑 及 骨 義之鬼。 之謀, 佐 此 ? 朝 戮 凶 侍 於千 隋 肉 制 邪 雖 行 下 自 衛 其 成 尚 之德 加 是 ! 惡 是 楊 載 請 摇 書 當 「原 朕 其 素 之 賊 枝 身 蹯 動 今 時

炭之 畫 宋 末 是 蒲 時 壽 壽 庚 炭 叛 佯 逆 著 之 黄 事 冠 ·, 皆 野 出 服 於 歸 其 隱 兄 Ш 壽

莫 亦 其 作 今之身  $\mathbf{H}$ 中 也 道 居 後 ·, 自 降 Ш Ш 甲 壽 表 林 稱 爲 第 翁 或 庚 處 寂 戎 總 以 欲 士 寞 人 有 功 首 不 蓋 閉 授 自 投 而 知 以 而 門 平 水 外 詩 示 彌 章,富 「原 時 託 者 門 不 章 高 云: 臣 注 潛 水 名 則 貴 出 泉 聲 劒 者 姓 無 冠 州 禽 送 逃 府 戟 亦 而 欵 語 於三 志 時 紛 未 密 皆 於 嘗 紜 爲 而 唆 鳴 時 叛 無 扶 壽 壽 事 都 呼 之 其 主 戕 庚

#### 家 事

筀

矣。

其 鬼 事 木 光 神 治 問 言 輔 范 孔 無 武 子 Ŧi. 於 媿 君 子  $\Box$ 辭 晉 之德 : 以 或 居 爲 子 於趙 無 家 盟 木 理 隱 主 歸 孟 情 也 以 故 , 對 \_\_\_ 治 語 其 日 夫  $\pm$ 口 以 祝 移 ,  $\pm$ 史 夫子 於官 人 日 陳 家 信 之 事 宜 於

> 之 行 乎 理 而 致 晉 或 之 霸 士: 大 夫 居 家

> > 豈.

細

稼,好 産 尊 則 公 取 侈 戮 無 孫 光 業 績 爲 身 家 賤 主 而 故 朝 \_ | | | 力 所 公侯,食邑萬户, Ŀ 約 賈 不 任 富 貨 累 史記 氏 棄 夕 家 重 得 貴 後 殖 積 任 財 非 童 禮 之。』《漢 飲 折 不三 一》之載 漢 課 纖 氏 利 七 田 酒 性 敬 節 書 微 獨 役 歲 百百 畜 食 温 爲 四 常 取 童 倍 人,皆 所 是 載 肉 宣 傳 厚, 儉 書》 貴 隸 若 出 以 樊 曲 而 ·, 各 善。 今 之 公家 有 宏 能 力 然身衣弋 載 以 任 衰 弗 有 法 田 父 殖 替 張 此 氏 得 衣 手 富 度。 畜 士 重 其 爲 安 也 日 其 食 技 者 其 貨 間 : 大 日 世 宜 作 數 (李文貞 誉 富 綈, 公 田 : 里 夫  $\Box$ 世。 富 事 世 畜 理 事 率 知 故 世 夫 於 人 共 産 不 此 能 人 善 大 安 争 故 内 日 業 財 夫 上 將 自 治 世 富 任 争 奢

紡

而

鮮

下

物

子

軍

木,不 存 111 宿 乎 不 無 須 收 其 白 衝 斂約素,和 曳。 人。 年 寒 全 犯 天 盛之 吾 之則 幸 所 閱 家, 其 順 根 鄉 議卑 可 미 人 邦 徼乎 護; 無 舊家, 所 數 譬之爐炎 以護 + 朝著 祖 年 其 澤 平. 顯籍多矣 根 其 不 夷 之 Mij 可 當 宿 恃 運 風 其. 乎? 総 揚 榮 興 之則 也 華 衰 譬 枯 激 一之花 火 隕 極

及

而

者 又 漿 風 鄉 志。 範, 厭 非 有 日 士大夫勢處 大夫門」,此 節 曲 興 必 家者之興 酒 教 日 形 廢。 於是門 也 無 二開 珍 藿 子 容 餘 興 兩 玩 能 枯 家 故 肉 而 家 子 允 成 槁 、廢、當 客借 之道 高 可 其 其 恒 盈 孫 立, 奴 爲 車 非 與 霍 不 籌 此 駟 先 倡 争 論 不 廢 廢 必 不 肖 馬 氏之所 樂 董賢之所 舍 必 也 相 其 道 攷之《僮 白 以 呼 德, 人 炎 故 倚 列 檢 IE. · 霍 廢 擁 登壟 家 炎之勢, 身爲 鼎 如 括 ൬ 短 喬 鳴 夜 醇 以 氏 恒 惟 布 木, 先, 鍾 飲 漁 謹 與 約 單 Ľ 奴 日 以 朝 利 勤 身 將 胂 良 衣, 荜 学 事 也 人 眠 及 儉 來堂 日 相 田 敗 īĒ. 聲 于 者 御 美宅, 埽 縱 伏 而 ? 色 門 也 市 必 地, 構 恣 史 家 貨 興 蓬 廛 〔柴氏 奴 但 萬 化 利 定 歌 府 П 户 從 舞 之。 居 澆 然 方。 兒 不 自 糟 文 以 室 薄 則 賓 欲 舞  $\Box$ 哀 可 致 行 鳴 每 有 糠 荒 女 期 哉 今 客 躢 覘 使 得 見 不 淫 平.

пΓ 不 藉 革 精

自

拘

可

敗

師 乃 知 吾 清 儉 白 甚 吏 有 所 味乎 遺 IE. 言之耳 自 無 涯 而 蕭 相 或 E 一令後 # 賢

夫閒 之不 任 彊 籍曰〕夫教 羽 謀,至於滅族。 者 嚴 其君。 能 除 二官 衣》之曲 、景武之屬 倡 矣。 援 女 情 嫌 講 優 以 戎 《樂,官 贖 有寄,著 疑 拙 其 王 正 慎别,三 坊 即 或 雖 有 秦 聽 以 色 曲 口 吞 流 安 以 里,非 于 不 女 立 小 舟 娼 而 王畏 簡 教 設 得 代以還 而 樂 邨 有 朝之孔 編 唐 心 夫 教 戲 漏 妓 不 先 漢業 坊 室 綱 而 謹 之。 禁  $\pm$ 唱 亡 未 漁 一遂亂。 則 網 牛 ,未有 之 慎 法 必 色 曲 所 以衰。 天下 身安 父, 制 盡 售 馬 能 之霍 成 爲 弛,不 **罜爰書** 姧 如 乃 半 立 帝 事 男 而 是之肅 前 並 得 者鮮 女之 今日士大夫 死 ·, 官 以 寵 光, 豔 代 于 玄宗造《 爲 無 黄 相 而 際 方民 者 罪 尺 沿 而 敗 君 門 楚 無 行 也 子 嚴 陰 ! 往 名 鐵 有 我 懷 條 路 隱 往 П 自 朝 霓 妻 劒 倡 刑 決 章 以 宫 禮 1: 纏 裳 利 邪 禍 丙 贵 曲 杖 假 禁 教 大

注

皆

老

奴。

息,以 千人。 數百 甘 注]潘 奴之。 仕 太 甚 人奴婢, 一家僮 於毀名喪 籍 祖 此輩 岳《西 數涼 至於 混 顔 嗟乎,此六逆之所由 而 今日 奴 乃 氏 征 國公藍 其 家訓 出 競 婢 敗 賦 百 節 用 處 來 而 江  $\Box$ 而 各散 誓 事 門 語 亂 南 湿 不 滿 之 下,謂 玉之罪 默 放 士: 顧 雞 鄴 歸 無 人, 大夫多有 犬而 者。 各 千。 下 其 之投 則 '', 亦 有 識 家 亂 不 奴者主之,主 主 放、各 來矣 家 唐 日 受 靠 人 領 而 時 李 家 多者 其 此 之起 識 軍 競 人 義 家 風, 節 奴 人。 爲 府 ıfıj 貪 制 競 居 一登 露 亦 至 多 積 人。 「原 者 食 於 有 至 布 取

百 官 ^ 已下 漢 書 但 霍 事 . 光 馮 傳》: 任 子 都、 王子 宣言 方等 大 將 軍 時 原

日

知

録

集釋卷十三

之僕 僕始 足,自 也。」及 則 以 常 家奴,姓 小 出 下 色 人 與 人 游守禮、號 遂至 計 殿門進 嚴分宜之僕 必有烝 而 取 顯 馮名子 「楊氏日 升、以 事 之也。 「原 又 於 都。 注 止 原 弑  $\Box$ 顯 此。 妻而 光 注 不 愐 之臣。 日 妻 是 故 永年 失尺寸之人,而 「初、光愛幸監 師 晉 楚 婢 以 寵。 今時 灼 古 寡 也, 濱。 引 欲  $\Box$ ·, 號 居 光 清 士大 漢 清 夫上 1,與子 「原 夫人東間氏殁,立 監 日 斯 語 閨 奴, 注 巡 鶴 門 濯 有 夫之僕,多有 古古 奴之監 坡。 都 爲 纓 漁 奴 馮 詩 必 溺 亂 色之主, 馮 殷 濁 自 知家 張 情 昔 子 則 斯 爲 簡 江 女子 夫 子 有 務 妻。 濯 陵 以 童 都 霍

嚆 矢乎 人奴之多,吴中 爲 甚 原 注 史 言 吕 不

文,嚴

然與

搢

紳

爲

賓

主。

名

號

之

輕,文章之

辱,至斯

而

甚

異

日

媚

閹

建

祠,非

此爲

之

亦字也。

不

但

招

權

納

賄,

而

朝

中

多

贈

之

之地。 婦 皆 婦 後,平 始 屬 婢。 訟 則 奴 티 ; 募 者起,當悉免爲 家 臣 有之, 婢, 不主 事,然後 僮 取 吏 安 簡 大 妾聚 豪 「今之奴婢、古之罪 焉 也 事 辨 如 萬 -民始 夫者,亦 横 奴婢皆是 風 子 中 父兄者,子 人 于 江. 斂 如 惟 淳 士大夫之家 饋 其 Т. 嫪 北 順 傭 得 後 疏 盗賊之子女,乃爲 ', 其 清, 事 專 毐 僕 相 財 焉 仍 世 之例。 家僮 舅 賃 買 犯 坐 官 」,質人,掌民 恣暴横 不受 蓋 弟 必 姑 爲 而 賜 役 嫗 事 以 數千 奴。 也。 自 奴 几 者。」 僕 良 丽 母: 以 婢, 婦 人 飲 制 鄉 之道 助 此 然寒 原 人。 事 而 所 今吴中 也。」《風 及 食 奉 亦 之民 舅 始 於 注 亦 徙之,以 婢 必 用 今吴 奉 養 素 人之質 罪 姑者, 以 人,可 惟吴中 矣。 鑿 鄭 女 其. 罪 儒 僕 隸 得 數 亦 可 燕 妻 金 生 役 俗 中 而 子 役 農 人 陵 諱 劑。 游 IIIj 耳 以 通 仕: 役 必 方 婦 以 之俗 其 》 言: 有 少 惟 宦 安枕。 實 于 侍 周 並 爲 父母 也。 蓋士 名, 之家 便, 戰 過 勉 官。 者 禮 郎 遠 **令** 國、 甚 矣。 謂 亦 縫 中 篤老,子 事  $\Box$ 而 九 古 方 大夫之家 出 有 之家 秦、 占 可 紅 家 E 爲 余 制 至 二人。 空 其 貲 有 厲 補 以 職 官 漢 善。 每 本 無 者 綴 t: 爲 雇 虚 Ŧ \_. 以 奴 無 注 見

> 邑搢 耕 若 農 也 力作之教微 家家 家 ൬ 島 織 不 紳 獸 婦 以 無 家室之子 Щ 供 積 耕 易者矣。 然 戰 耘 貨 遭 士 惰 椎 可 亂 游之風 蘇 羡 女 離 IIII 也。 也 焚剽 佐 汝成案」今日此 劫 男 熾 桴 雖 子 繫 其 則 盜 事之感 力 虜 常 積習相 賊 作 泰 斬 姧 時 然 召 兇 XIJ 沿 風,不特金陵爲 無 雨 無 天道之乘 不 虞 降 已幾于 遺 能 者 脱 蓋 不 履 留 則 其 不 就 除 皆 農 色 叮 功 夫 不 通 改 蓋 野 足 都 形 有 蓋 婦 貪 確 大 骸

### 閽 人

僕 家 + 肅 善 通 接 一, 江 閣 待 敬 餘 飯 ±, 與 於 南 寺 顏 吐 氏 主 無 他 有 深 門 哺 禮 無 家 以 人 如 不停 訓 别 以 此 爲 或以 折 也 輩 接 恥 1實,古 旋 白 È 「昔者」 對 俯 黄 史記 屋 君 賓 仰 門 之士, 寢 所 周 杖 辭 侍 食嗔 貴 公 之。 郎 色 也 鄭 (怒, 拒 裴之禮 應 沐 其 H 當 對 門 失 所 時 握 客 教 莫 見 誡 生 髪, 之 未 門 僮 號

於皇甫規,高 無 禮 皇甫 嵩 至,無貴 武王之《門 則 折 古已言之矣。 節 彪之於馬融 下 賤 士: 無 3銘》曰 門 留 : 門者。」《後 無 觀夫後漢 一敬 留 客。」 謁 遇 賓客 不 而《 面 漢 趙 終 書 大 壹 貴 身 Ż 賤 戴

游 H 所謂 觀第 後漢 内 通 。 皆 書 包」,殆昉於此 鳴 鍾 請 梁冀傳》:「冀壽 吹管, 謝 門 者 或 一, 門 連 繼 者 累 H 共 Ŧ 夜 乘 金。 辇 車 到

不

見,爲士大夫者可不戒

哉

### 田 宅

相 立  $\mathbf{H}$ 田 莊 ,未死之際,豈 業者,嘉 何 で舊唐 用? 書  $\leq$ 貞 比 티 : 見 「張嘉貞在定州 憂 朝 飢 士: 吾 餒 廣 忝 占 歷官 若 良 負 榮,  $\coprod$ 譴 所 責 曾 乃 親 身 雖 任 有 勸 殁 富 或

德宗 亭館 馬廄 奢靡 也。」 馬璘之第 巷無人埽 第 叮 暢 尉 子 也。 若 後 元微之詩: 而 居 0 曹 暢 夫 ,皆爲 也。」〔原注〕白 反 踐 第舍,力窮乃止。 矣。 面 《書》又言: 使其 聞 中 志 承舊業,屢爲豪幸 世 以 垣 晚年 及安 貴 者 ,條舉格令,第舍不得 並, 樹 變 廉 屋 至 蕭相 無 後 歎 猶 人 誤 滿 諷 H 史之亂 凍 財 賴 空 存 逼 人無 服 暢,令 新 深誠 按 牆 餒。 産並 制 子弟 樂天詩: 取 度、然衛 閉 馬 奉至尊,舊居求作奉 此 璘之第經 立 法 戟門。」《通鑑 馬燧貲貨甲 璘 盡 仍 獻 今奉誠園 情 度 可 錐 作 傳 「不見馬家宅、今作 , 身 隋 指 謂 田 彌 之 公李靖 酒 弛 踰 使 袁 邀 險, 始 地 「天實中 一般之後 得二疏之遺意者 色之資, 制 内 中 施 取。 第宅,順宗 者, 堂, 作 家 有 臣 仍 亭館 於 廟 戎 詔 天下 以 費 亦 奉 貴 佛 帥 已爲嬖 諸子 貞元末, 毁 誠 成 錢二十 富厚之名 不 璘 戚 即即 袁 寺, 競 袁 甚 奉 中 勳 可 務 既 义 堂 臣 家 秋 誠 暢 暢 復 不 無 無 萬貫 奢 楊 È 以 及 來 袁 中 慮 賜 舊 室 不 内 氏 爲 古

池亭」,而不曰 官 後每逢令節皆然。」則二馬身後事略同。 元十八年二月朔,賜羣臣會宴於延康里 多於璘之山 劉忠翼之第。 池。 奉 誠 子弟無行,家用尋盡。」《 璘之家園,進屬宫司。 園 也。 雍録》:「奉誠園 故馬 册 然謂之「故 自 府 後 在安邑坊,本 璘 公卿 元 池亭。 龜 賜 馬 「貞 宴 自 璘

財。 薨,有二奴告其子稷改 而 憲宗欲遣 稷後 爲 德 中 使 治 刺 史,廣齎金寶僕妾 東都簡括 父遺 表,匿 ", 以 裴 所 獻 度 諫 家

馬

燧宅,燧子暢獻之。」王

一鍔家

財

富

於公藏,及

行 節度使李全 略 利 其 貨而圖之,教 本 州

止

州

以

見今之大家,以酒色費者居其 軍 作 亂,殺稷,納 其 室 女,以伎媵 處之。 , 以 争 鬩 吾

桓 之子孫微矣」。

破者居其一,意外之侮奪又居其

一,而二三

### Ξ 反

今日 人情有三反, 曰 彌 謙 彌 僞, 彌 親

> 彌 汎, 彌 奢彌吝

召 殺

巧 召殺, 忮召殺, 吝召殺

### 南 北 風化之失

江南 之士,輕 薄 奢淫,梁、陳

也。 河 北之人,鬭 很劫殺,安、史諸 [X] 之

風

餘化也。

# 南北學者之病

好行 北 方之學者是也。 小慧, 飽食終日,無 難矣哉。」今日南方之學者是 所 羣居終日,言不及義 用心,難矣哉。」今日

諸

帝

之遺

其于學 博,奚 掎 益 體 猴 佹 朱,不足當 節衰,染翰操觚 異學,自古然矣。 俗。 也 哉。 人属,義 摭 H 利 即 爲 秦、晉 補 汝 ·殖,不 文章經 精 病 援 復 用 確 成案」疆 引 其一 詆 抓 僿 舍 奥 娸 爲 魯、吴、 摫。 術 賾 欲合漢、宋,先失師 咉, 才 增 ,詞皆掊擊,汗 至. 然止 域 碩 H 或 佐其 損 淵、雲、 益 于 越 以 既 虚 智 舛馳,放效夸詡, 剽 雄 自 土羹木 媮 殊,材質斯 憍之氣,中于 施。 慧自 辨,穿穴 義 惰 甫 理 機 凡 牛充 矜, ή, 胾 明 警 有 託 承; 而 譔 剛 淵 奚 見 異,自 棟, 爲淳 訓 述, 黜 心 微, 能 愎 欲 詁 書 術 是 敵彼 E. 且. 視 非 伸 古 īE. 廢, 或 一聖,尚 用 先 彼 莫斯 其 破 魁 風 攷 有識。 或 微 情 雅,已 許 瓌,多 碎 新 以 言 證 甚矣 性 意,亦 屬 鄭、 楮 雖 精 齊 遂 有 蹈 葉 説 云 而 南 程 民 乃 浩 何 僞 棘 既 氣 北 ±

## 范文正公

庭 君墓表》云:「今兹方面,賓客 天下之樂而 白髮憂邊,對 史言 范 樂」,而 文 正 酒 公「先天下之憂 文正 鮮 樂。 自作《郭郊 豈 如圭 滿 坐,鍾鼓在 而 峰月下 友 憂, 人 Ŧ 後

> 文淵 處亢之正 四 所 愛京師 游之言。 而 倚 海 高 云 浪 泊 少有大志,及至晚年,猶 松,聽長笛,欣然忘天下之際乎 ,中路將安歸」者也。 寧 傳谷 西 與 П ,聖人當之,亦必有道矣 古今同 里, 但 燕雀 知鄉 見飛鳶 翔,不 里 此 勝 壺頭。」阮 站站 轍 隨 ,(原 黄 若夫知 墮 鵠 注〕王 嗣 水 思 飛。 宗《 中, 建 荆 幾之神, 詠 功 公詩: 終思 黄 ]?]馬 邊 懷 鵠 陲 岢 游 少

#### 辛 幼 安

策。 得 省, 志》: 有 大用,晚年 寄 無所道 曹公聞 辛幼安詞 「太史慈, 當 歸 ,但貯當 其 此 多有淪落之感,亦 (名,遺 東 小 非 萊黄 歸。」幼 用 草 慈 舊 姜 人 書,以 曾 也。 伯 安久宦南朝, 呼 約 遠 篋 後 事 志,故 廉 封 立 也 之。 頗 功 於 思 人 ^ 吴 用 發 孫

可知其心事哉。 趙人之意爾。觀其與陳同甫酒後之言,不

# 士大夫晚年之學

則 得閒 是任者,必將 潁 納長生之術,信之甚篤,亦 氏之學。 不 曰 事 大夫,晚 宋史· 州 能 論 雖 僧 『古者三公 广, 正 及, 道於朝,外 殊, 南 īĒ. 顒 方士大夫,晚年多好 吕大臨傳》:「富弼致政於家、爲佛 流 宜 年 而 〔原注〕《蒙齋筆談》: 館 進 於異 多好學 於 孳 以 書 德脩業,以補從 孳 室, 則 無 斯 (端,其 爲 親 職 道 主 零。 接 時 利 事 教 覺斯民,成己以成物, 弟 爲 之心 惟 與 於鄉。 燒 子禮。 夫一 求 煉丹 富鄭公少好道,自言 有 田 則 學佛;北 生仕宦, 德者居之,内 竈 前 大 問 古之大人當 事。 之闕, 臨 而 舍之輩行 守 與之書 亳 已矣。 投 方 時 而 士 老 知 诇

> 易 人 謝之。」以達尊大老而受後生之箴規,良 身者之所好,豈世之所以望於公者?』 變氣,務求長 心之時, 釋,疑聖人爲 今大道未明,人趨異學,不入於莊,則入於 豈以位之進退、年之盛衰 得 倫 也 不 明, 以 道 萬 年,此 自 物 未 任, 顦 盡 顇, 善,輕禮 Ш 振 谷 起 此 避 壞 老 而 世之士 俗。 成 義 爲 大 爲不 之變 若 人 獨 夫 恻 足學。 善 移 隱 哉 弼 其 精 存

可 其 州 各從所好。」並罷官,度爲 文理,是崇道法。 朱陽縣丞郭僊舟 唐玄宗開 元 六 , 投 年, 至 匭 於時用,不 河 獻 南 道士。 詩。 參 軍 敕 切 鄭 日 事 銑、 : 「觀 虢

# 士大夫家容僧尼

《册府元龜》:「唐玄宗開元二年七月

於州 僧尼、道 道 戊 徒之稱。 ,深斁大猷。 徒 申 金吾 縣陳 制 往 E 明 還 士等至家 或詭 牒寺觀 : 加 妻子 \_0 如 捉 託 搦 聞 無 自今已後, 然 襌 白 所 觀,妄 官 避忌。 後 緣 家多 依數聽 吉 凶 陳 以 「原 百官不 一要須 禍 僧 注」今 去。』仍令 福 尼、 設齋 . 得 争 江 道 南 輒 涉 士: 尚 御 皆 容 左 爲 有

門 中 張 不 新 籍《寺宿齋》詩 得 竹 唐制 過 隔 簾 百官 多。 一齋日 云 齋宫 雖在 禁 晚 與 到 寺 僧 金 中,不 相 光 門 見 . 外寺, 得 院 過 院 開 寺

尊 坐 相 其下, 大,杖二百 張 浩、●平章 金史• 失大 臣 海 政 體 陵 事 紀 各杖二十,僧法寶妄自 張 暉 貞元三年 每 見 僧法 ·, 以 寶, 右 必 派

# 貧者事人

, 吾 黨 所 侍 江 貧 里. 者 上 中 之貧 不 喪, 宜勉矣。 以 以 女,常 貨 先 事 往 先 後 至 罷 然 而 未 爲 埽 嘗 助 室 無 布 古 以 席 自 人 陳 致

### 分 居

風

平

也

者 其 家 日 間 乃 而 危亡 27今士 不 七。 宋 孝 口 不 稱 庶 建 大 相 數 人 中 知 父子 夫父 中 宜明 飢 殊 軍 母 寒不 其禁, 産,八 府 在 録 而 相 兄 事 以 家 恤 弟 參 一,忌 易 而 異 軍 其風。」 Ŧi. 疾讒害, 居 周 其 計 朗 甚 啟

- 「右」、《金史·海陵紀》作「左」。
- 「朗」,原作「殷」,據《宋書•周朗傳》改

0

宗乾 情禮 之俗 資財 史》: 産 祖 别 甑 大 月 在 + H 云 蜀 中 辛 分炊 年 父 江 IIII 配 一、父子 令所 母、父母 别 八 異 元元 也 左 太太 植 隸 敏 司 符二 , 禁 飯 籍 之 月 財 慧 雖 磧 居 祖 年 隋 異 7 風 率多 自 在 JII 輕 同 西 異 開 年 玷 四 盧 亥 財 便 州 擒捕 峽 鐺 急,尤足 爨 寶 Ė 在 月 污 思 者 已 送 民 有 各 異居。」《 詔 元 詔 道 者 風 月 禄 如 流 父 論 官 **煑魚。**」 年 111 聘 戊 俗 門 奉 此 母 品 配。」其於教 子 死 六 峽 陳 意 辰 百 數 母 在 孫 者 月 虧 諸 錢之戲 姓 册 及 竈 嘲 詔 出 太 癸亥 耐 不 敗 魏 禁身 州 贍 中 府 宗 南 誘 爲 得 名 書 諸 有 元 地 蓋 人 察 贅 淳 部 人 教 别 聞 • 事 弟 龜 理 詩 亦 民 民 子 壻 化 小 財 裴 奏。」《 親 荆 志 先 曰 染 X 厚 弟 有 而 元 異 植 蜀 **》**言 不 俗之 真 父 決 唐 薄 江 析 年 各 居 民 傳 宋 六 九 13: 肅 於 共 南 别

者,倍其 者,豈 小,果 美談。 記 如 恐 相 路 旌 女同 兒 史 世 意 元 上言「父祖 年 蔡京、 愛 異。 綱《厚 十 難 人 傳 言 子 劾 强 可 則 書之, 能 雖 居,易 章惇「父 娶 月 而 如楊椿、 合 君 謂 其賦」,又言「秦人家富子壯則出分 蔡 德録 異 甚美反成不美。 同 商 袁君 婦 詔 而 攸之各立門户 心 居 子之言 深 不 君 異 協 載 未 Ħ. 相 輒 以 民 生 力, 財 張公藝、 治秦,令民 獨 葬,不 得 乃今之江 在 有父母 篤 求 爲 嫌 Z 自 亦 不 與? 矣。 分異, 當 不 競, IE. 别 每 如 ,挾詐 江. 以 害 故兄 在 論 得 籍 析 爲 别 共 式 見 州 箸 原 居 柴氏 别 異 孝 籍異居者, 陳 弟當分,宜早 義 而 南 有 爲 好 相 注 馬 爲 居 氏 義 財 財 傾 愈 老成之士 之道 善 也。」余 之家,交 日 猶 亮 绝 浦 耳. 異 遼 則 男 倘 累 江 多 爲 史 惡之大者 居 坐 以 滅 其 鄭 至 世 御 謂 此 霏 争 間 有 莫 于 氏 同 義 "。 若 聖 俗 史 之屬 父子 未免 所 相 居 如 家 有 禮 宗 原 定 疾 中 内 自 統 分 謂 人 劉 注 别 外 倘 甚 並 古 和 丞 差 籍 驟 異  $\Phi$ 家 則 安 李 大 于: 爲 見 元 衰 意 至 至 得 汝 寶 陸 裝,賣千 賈 家 預 貧 貧 寶劍 給 唐 劒 生 家 世之意 寒, 吾 子 姚 直 常 於 爲 崇遺令,以「達官 人馬 壯 百 安 好 車騎、侍從 金 分定,將 斗尺之間,参商 也 金 車 則 畤 ,分其子,子二百金, 酒 謂 駟 出 食,極 有 贅, 馬, 其 Ŧi. 以 子 從 者。」後 男。 绝 以 欲  $\Box$ 歌 其 爲 + : 舞琴 身後 是 出 後 或 日 人或 競, 與 所 争 俗 而 瑟 子 汝 使 之敝 欲 更。 孫 謂 侍 令其 約 越 倣 嗚 失蔭, 者 之爲達 得 陸 所 呼 過 + 生 橐 生之 死家 而 汝 産 中 此 陸

統 肯 若吴之陳  $\mathbf{E}$ 原 家 事 注 脩 見 漢 舉 母 愈抱 桓帝之世 秀才,不 當 表,世 朴子》。 奉 表 嫡 謂 爲 母: 當 其 知 將督,兄脩亡 更 世 母曰:「兄不幸早世,表 書 母 一之俗,猶 相 若能爲表屈 濫 察 舉, 孝 廉 以 時 父 後,表母 分 人 居 八爲 情承 别 爲 之語 居 恥 順 0 不

> 嫡 流 居 風 耳 母: \_\_\_ 者,是 矣 由 至 願 母 也。 感 寤 母若不能,直 雍 穆 可 以 見 東 當 漢 出 之 别

族, 之道 門,豈非『名生 統馭之者 之法,富民 行 是其法 故 陳 得 再 流 寖 氏 以 傳 特服 及上 淫 禮 有 此 而 後 子 書 繫 於不足』歟? 不 一, 雖 世 則 紀之律 民 散 習 分  $\pm$ 而 者, 以 公大人亦 居,貧民 民 周 不散 爲 則 而 之盛 딚 俗 人 異 有子 時 莫 間 及 而 之, 宗 有 時 知 秦 則 以 君 有 用 糾 族 出 爲 所 敬 之 合 商 義 宗 宗 以

由

也。 庸 之行 應劭 通 一面 有 《 風 無, 今人以 次 俗 也 通 爲 0 **>** 難 日 讓, 能 「凡兄弟 其 者 哉 下 耳 \_ 0 同 贵 居 非 中 Ŀ.

問 未 之,書『忍』字百 盡善也。 Ŧi. 雜 俎》言: 居家御衆,當令紀 餘 張 以 公藝 進。 九 其 世 綱 意 同 法度 美 居 截 高 然 而

當 女德 薄 佇 争 易弭。 鄭 可 者,鮮矣。 僕 僕妾之爲雀鼠,妻子之爲 慮 氏 不 有 出 顔氏家訓》: 日月 之地 陳 氏 義 輔 使 對 放 口 妻之事 有所 佐 預政,家不可 也。」又曰 如 示 淄 太祖 縱, 耳。』此格 之相 ),使骨 君 雀 譬猶居室,一穴則塞之,一 聽 乃 瀘 子, 怙 鼠 朝 "後 所 婦 逾 可 而 耐 望 之不恤 之言曰 居 言 以 助 肉居之,亦不 甚 「兄弟之際,異於他人,望深則易 益 重 也 爲 行 然者,以 其不足,必 意 放」,是論 于 即 婦 使 而 之 家 古, 論 也。 況以 婦 風 幹 主 況 永 長 言 中 : 私暱之情益 蠱。 也 া 其當公務 然 行 一一三 2者僅 久。 不 饋 風 九 之不防,壁陷 無牝 亦齊家道 陰忮 路 若 聽 雖 雨 如 惟 世 之人, 各歸 甚哉 同 有 何 事 百 平 雞 含默 若 性 聰 酒 居 隟則塗之, 益 愐 晨 世 ! 多,治 成 四 明 使 食 處 執 也。 哉 鳴 又曰 無 海, 才智、識 可 衣 多 侜 私情,處 姑 隱 善 以 楹 他 服之禮 争 感 也。」〔汝 張 惟 家之嚴 昔 婦 淪 乎 忍 致 之地 俗 百 霜 則 惟 姚 禍 勃 出 無 而 怨, 達古今,正 娣 狃 露 刑 也 重 無 浦 爾 不 叮 己 脱 IE. IIII 姒 谿 心此 部 責 能 颓 地 聽 江 輻, 女 救 成 益 相 者 、毀之 以 或 愐 無 親 誡 思 矣。 案 多 婦 鄭 此 奴 事 即 不 懷 間 則

> 無所 蒸梨, 嘻  $\Box$ 日 嗝 君 言 歸 嗃 或虐 爲 ,賢者當反身矣 子以 行 可 可 威 矜 言 以 姑 有物 欺 耳 或 一, 於 移 人,而 丽 適 寵 行 爲 惑,貧富 有 難, 不 恒 可 曲 以欺於家。 容是 性 生. 嫌,贅 質 中 尚 人,變化 」故《家人》之 餘 善 益 乎 憾,不  $\pm$ 伯 厚 特

出 託

言

嘻 象

已上 徴 假 T 有户 差科,謂之「孝假」。 異居,宜令州 其 與與 賦 一者,放兩 即令同籍 高 者也 唐玄宗天寶 免差科。」 丁多,苟 可謂 縣 丁征 共居 按此 「原注 得 勘 爲 元 化民之術者矣 規 會。 後 行 年 一謂 周 以 避 賦 IE. 太祖 應賦 父 敦 其 役,五 月 風 所 之丁,遇 母見 敕 家之中 制 教。 7 若 在 父母 罹 其 己 如 M 賦 上 有 聞 乃 禮 亡 放 + 别 T 百 則 則 籍 姓 不 免

## 父子異部

相毁譽。」今之江、浙之間多有此風,一人《三國志》言:「冀州俗,父子異部,更

彝 謂 曆 大 以 户 惟弔兹,不于 後,三 , 父 泯 亂」者矣。 子 兄弟 數 見之。 各 我 樹 政 人人得 此 黨 其 援 罪 無 兩 天惟 行 不 誼 相 之尤 與我 下 民 所 萬

### 生日

之徒 兒 親 其 並 裝 辰』; 薊 ه ا د PH 若 發 加 飾 : 意 生. 在 飲 哀 生 雖 親 江. H 男 郢 所 食 日 有 南 表 每 一》之放 之 則 之 取 致 風 聚 孤 至 、餽者。 禮 物 用 俗 露 集 此 以 臣,乃 及 弓 ,(原 古 日 兒 驗 大 荅 珍 矢 人 書 生 成 貪 言 注 常 紙 寶 厶: 所 一魏 廉 宴 有 服 筆 初 朞 無 「《小弁》之逐子,始 會 智 度 晉 飲 玩 0 女 ... 間 爲 食 人以父亡爲 置之兒 則 原 自 制 之事 顏 名之爲 注 兹以 刀 新 氏 余 尺 衣 昔 家 後 前 鍼 年 無 孤 盤 説 訓 縷 流 露 試 教 觀 浴 一我 寓

禮 樂,宴 甲 露 禮,無 相 龜 年 以 官,始於唐明皇帝之開元十七年。 崇 反 間 母。 誕 所 生 嵇 幼 志》: 令,布 į. 羊 醇 張 載: 早. 本樂生之意去之遠矣。 康 飾 之辰,嘗設齋講,自 感 説 小 耐 酒 逮唐、 薨後 偏 百寮于花萼樓下。 慶生日 與與 孤 此 傷 月 賀 一大中 率文武 露 于天下,咸 E 露。 唐 Ш + 兩 日 萬 開 巨 Ŧi. 家。」是賀 其 開 歲 一之禮。 祥符五 宋 此 亦 源 元 H 百官 壽 日 + 謂 孝 绝交書》「少 事 帝 以 筵 酒。 七年 之偏 令宴樂、休 皆 亦绝。」 元 後 F. 年 誕 召客 漢書 生 爲 表,請 此 年 + 辰, 八月癸 露 子 終宴,尚 É 供 帝 少 非 唐 内 二, 賦 月 Ŧ. 頓 以 天 加 之時 是 假 殿 賀 亥,以 阮 盂 以 生 八 盧 孤 宴 子 浩 生 詩 此 脩 酣 宰相 H 書 月 露一, 綰 一楊 H 羣 然《送莫氏 H 至 1: 錢 禮 ; 每 降 與 稱 Ŧi. 左 容 暢聲樂, 臣. 也 壽 派 高 H 趙  $\pm$ 誕之日 氏 Æ 於 羣 壽 起 「原 之始 聯 旦 爲 相 八 帝 日 H 彦 臣 唐 庶 於 生 T. 源 句 古 以以 注 深 īī 月 而 以 中 甥 人 齊、 H 秋 乾 H 元元 見 是 大 宗 生 六 有 於 不 節 曜 生 母, 宋 詩 詔 H 置 册 景 帝 H E 梁 無 日 知 著之 賜 史 慮犬 右 酒 府 龍 里 宴 壽 所 Ĥ Ψ. 不 之 羊 載 Ħ 派 張 中 之 有 元 H 生 陳

三十 宣 皇 生 顥 H 康 集 4: 命 生. 爲 臣 麫 官 衙 賜 揮 賜 禮 郡 H 生. 禮 各 叔 H 日 E 生 前 真 皇 皇 志 麈 王宗 荆 禮 物 賜 周 日 俄 H + 相 樂 П 弟 賜 懇 載 伯 録 載  $\pm$ 物 禮 П 宴 世 宴會之始。 又 皇 祚 辭 詔 賜 許 酒 袓 部》, 隱 賜 頵 物  $\Box$ 宣 宗 斛 紹 弟 國 4 不 賜 高 宴 Ŧi. 生 樞 4: 宣 П 赐 眷 受。 生. 興 其 遂 公 密 日 +是 其 H 宣 H 密 賜 十三年 遇 生. 偲 寧 郡 詔 辰 親 壺 禮 禮 南 後 使 魏 辰 則 器 皇 郡 賜 生. 友  $\pm$ 物 物 攷 以 米 渡 自 副 賜 器 幣。 叔 宣 宰 宗  $\pm$ 建  $\exists$ П П 復 廢 麫 宰 幣 Ħ. 參 容 皇 祖 十二月二十三 懿 相 佶 安 禮 晟 宣 宣 有 務 起于 各 相 知 遂 弟 漢 4: 道 齋 生 郡 物 4: 非 始 生 執 政 會 大 東 日 以 日  $\pm$ П H + 日 以 便,奏罷 政 唐 事 近 賜 寧 郡 賜 幼 筆 有 宗 禮 禮 宣 賜 賜 斛。 羊 列 而 郡 嗣  $\pm$ 皇 以 賜 屬 載: 物 綽 物 宴之例 外,又 之。 宗  $\equiv$ 及 濮 Ŧ 叔 不 流 寵 П 生 П **令** 賜 + 丞 佖 瑗 祖 H 離 會 Ξ. 始 藩 宣 宣  $\mathbb{H}$ 諸 皇 É 馮 郎 生. 生 賜 П 宗 華 于 而 鎮 早. 有 禮 也 可 是 宋 弟 暉 H H 原 宰 道 賜 酒 物 喪父母 給 供 賜 賜 咸 賜 矣。 禮 禮 郡 執 生. 臣 在 如 Ŧi. П 東 諫 帳 皇 寧 皇 皇 政 故。 物 物 晉 H £ 秦 代 干 宣 坡 王 弟 禮 郡 叔 宗 叔 檜 爲 天 修 П 至 京 壺 普 物 揚 袓 内 遣 明 不 福 史  $\pm$ 宣 宣 愈 賢辛 例 此 府 验 賜 俣 生 記 米 Ŧ. 安 制 免 使 清 中 大 具

> 相 宣 郡 也 王 似 是 生 宋 日 時 禮 親 物 Ξ. 口 等 宣 生 H 賜 均 濟 有 陽 郡 賜 Ŧ. 禮 曹 物 佾 之 生 例  $\mathbf{H}$ 不 禮 特 物 宰 口

# 陳思王植

公 中 姑 全昱,全忠之兄。  $\mp$ 書 百 發 初 而 ·, 將 瓚 祚 恐不能 臧 假 馬 服 卦 龍 習 縣 爲 順 悲 陳 總 隋 陽 禪 ,(原 陽 哭,文帝 思 朝 高 保,  $\mp$ 雖 名 亭 及 政 祖 注〕字 受 \_0 植 侯 武 何 母 罪 遂 帝 瓚 初 乃 子 恨 弟 流 悲 受 忠。 聞 原 之。 封 全 更 放, 泣 禪 注 召 臨 忠 爲 周 宣 原原 守 菑 魏 稱 不 宣 歎 族  $\pm$ 由 意 志 侯 注 帝 從 帝 日 滅 第 是 不 崩 事 廢 杜 Ŧi. 魏 聞 日 與 移 恕 邪 朏 志 事 弟 魏 宗 高 Щ 傳 乖 通 E 戚 蘇 祖 作 徙 卒 注 之 唐 代 則 飲 廣 人 武 隋 引 子 傳 虞, 漢 博 或 禁 滕 威 Ŧ 晉

爲 散 親 於宫中。 行當族滅,奚 矣,奈何一 盜。 脱 革 ,其賢於裸將之士、勸進之臣遠矣 -命,而 帝 天子 日 酒 日 :「朱三,汝 中 用汝爲 酣, 以 滅 Ė 博 唐 弗 全 三百 爲 願 昱忽 !」帝不懌 四 者,乃在於 本 年社 鎮 以 .碭 節 投 稷,自 Ш 度 瓊 使, 而 民,從 擊 興代 罷 稱 富貴 盆 帝 之懿 中 黄 夫天  $\pm$ 巢 迸 極 1

### 降臣

陳,陳 子。」下及漢、 子不得與焉。」」「原注 府之憲,憲之上 不 將、亡國之大夫不入。」《説苑》言: 「楚伐 軾 記》言:「孔子射于矍相之圃, 賁軍之 西 ^ 門燔 戰 或 魏, 策》安陵 ,使其降 一篇 曰: 而 馬 日 民 君 注 : 磾 或 脩之。 言: 以 于 雖 城 大赦,降 禁之流 先君手受太 降 孔子過之, 人及亡人之 至 城亡 於

宋降

金被斥。

矣。 知 圓 業,不敢與齊 樹 遂 + 以 陵,智計之家或 而 不 無守臣,人無 之媿 則 矣。 人 血  $\mathbb{H}$ 七 爲 「原注 何 年 臣 單 榮 而 之鵠 後 也 終,不敢靦於人世,時之風尚,從 以言遂? 復 齊 滅 世不 一今浙 齊, 民 人 廉 齿 何 殲 植 江 而 弘 恥 知 怪 志云: 紹 于 節 演亡 稱 降 而 此 乎 興 反 其猶存遂也。」故 遂」,●《穀梁 譙 府 城 不 <u>Ť</u>. 義,而 其 有 叟。 顧 亡 而 代之 顔 先是 者 桓公救衛, 種 子 事 宋將 文章之士多 人,謂 此説一行 乎 亦 Ę 讎 樂老, ! 一, 行 焦 娲 傳》曰 之惰 光 於 若 瓚 春 民 部 人 此 王 序 狗 曲 秋 世 類 足 平. 護 蠋 則 彘 **>** 以 爲 者 以 無 僖 或 李 死 口 生 而 賤 叛

傳》, 失其名 楚、漢之際有 嘗 事 項 鄭君 籍 0 7, (原 籍 死 注 見 屬 史 漢 記 高 祖 鄭 當時 悉

「僖」,下引文在《春秋》莊公十七年,應作「莊」。

0

宋, 不 其 逐 君 日 賢 所 鄭 獨 殺 供。 於 君 不 籍 司 少 奉 臣 即 令供狀,書金主 事 天 金哀宗之亡,参政 詔 名 殺 僞 緇 籍 焉 朝 但 於 用 者 是 原 書 狀 注 平 盡 故 爲 謂 拜 主 ! 不 名籍 爲 一有 稱 而 項 「虜 張天 른 王 司 者 而 主。 不 爲 綱 斥 能 嗚 大 其 見 呼 夫 名 屈 天 執 聽 緇 於 鄭 圃

孫 元 己 一人官。」 來,宰輔 唐 肅宗 至 之家不 德 年 爲 Ė 逆 月 賊 大 赦、韶 所 污者 與子 自 開

#### 本 朝

洪 媿 降 與 俛 吴,表言: 刺 仰 古 史周 人 靡 謂 所 浚 所 自 世 書 事 厝。 受 言「吴 之 魏 或 又 恩 爲 不 朝 如 舉 吴 本 能 亡 賢 朝 扶 之後 (良」是 翼 本 魏 朝 也 文 而 蔡 抱 欽 0

> 漢時 易, 顔 室參軍 朝 賜 掾史亦謂 而 旅 而 氏 銀 淪 當 葬 家 猶 没, 百 訓 時 江 稱 承聖末,啟求揚都,欲 兩 郡 上 陵 流 梁 治 下 已於揚州 東 爲 離 爲 先 郭 亦 本 至 本 君 朝 不 朝 此 原 以 先 蓋 注〕之推父協 一之推 爲 小 夫 臣 郊 嫌 子 者 1 皆 仕 之辭 矣。 地 誉 未 歷 燒 遷 還 梁 齊、 無 湘 塼 厝 建 楊 唐 東 業 氏 口  $\pm$  $\Box$ 移 及 值 舊

詔

記 Ш

本

隋

 $\Box$ 而 日 其《 晌 或 于 ^ 家 職 舊 廢 帝 唐 官 時 書 志 監 經 修 **> >** 籍 國 稱 劉 史,所 志 唐 昫 》稱 日 謂國史 譔 唐 皇 0 日 者,《 朝 昫 爲 我 唐 曰 石 書 朝 晉 ٥ 「皇家」, 也 宰 楊 相

宋 元 時 其 0 宋 胡 釋 注 中 地 省注《 凡 理 皆 稱 宋, 用 資 宋 治 皆 州 通 E 縣 鑑 名 本 書 朝 惟 成 — 百 於  $\vdash$ 元 我 九 至

0 作「本」。 據 張 京 華《 E 知 録 校 釋 雍 正 鈔 本、 北 大鈔

百 七 六十八 卷「 遼 東 蓋 城 卷 牟 城 下 順 注 州 下 日 注 下 今大元 日 日 大 大 元 潦 元 順 陽 遼 州 府 陽 領 府 知 學

路

+

曰 懷 柔 陳 密 元靚曰: 雲二縣 大元於錦 古百 八 州 十六 置臨 卷 海 錦 節 州 度 領 下

路 曰 永 樂、 大元建 二百 安昌、 八 州 + 興 領 八 城 建 卷 神 平、 建 水 永 州 四 霸 縣 下 縣,屬  $\Box$ 屬 大 陳 定 大 元 定 靚 府

府 路 0 以 宋 無 此 地,不得 已而 書之也

#### 書 前 代 官

定 爲 亡人周 齊 府《 宋 開 臣 陶 龍 府 淵 周 長 藏 乃 明 亡 兼 寺 其 以 人 行 碑 作 宋 隋  $\approx$ 參 誄 元 直 軍 隋 嘉 而 開 九 四 猶 云 門 皇 年 書 有 六 張 卒, 齊 年 晉 公 而 禮 立 徴 顏 <u>±</u> 譔 韓 其 延 偓 末 之 云 自 真 身 齊

> 書《 歲 制 士: 裴 承 朱 誥 郡 氏 旨 昌 君祭文》, 篡 黎 銀 唐 縣 青 已 開 光 八 或 禄 書 年, 男 大 甲 食 夫 猶 戌 邑 行 書 歲 尚 唐 百 書 官 户 户 而 部 不 韓 前 用 侍 偓 翰 梁 郎 林

何 趙 俊 宋 書 史 • 甲 劉 子 豫 傳 不  $\approx$ 書 僭 豫 年 改 兀 豫 阜 亦 無 朝 如 奉

之

郎

年

號

是

日 知 録 集 釋 卷 十 三 終

# 日知録集釋卷十四

崑山顾炎武著 嘉定後学黄汝成集释

# 兄弟不相爲後

王, 謂 : 害尊尊之義, 圃 尊尊,教之大者,罔非天嗣; 禰 知 +六人爲君,至其後 不知自義 其 八 而 陽甲、盤  $\Xi_{\circ}$ 己。」「原 廟 商之世,兄終弟及,故十六世 殷 制 世 率 則 何 如 有二 祖 民將安倣 如。 注 仲丁、外壬、河 庚、小辛、小乙,兄弟四王 世、當 以 徐 祖 親  $\sim$ 邈亦云: 親 商書》言七世之廟, 三宗,若拘 祀不及祖 害尊 哉 典 尊 祀豐于禰。 禮 「若兄弟昭穆者、設 也。 俗 禰。」、「莊 不刑, 亶 Ŧ. 七室,則 爲下士之式,先 甲 義德 知 侍 自 郎 兄 而 遂 日 弟 當 賀 有 替,此 率 兄 親 親 未 祭 循 弟 親

> 失。 元命 禮 甲至小乙,皆兄弟相及。 于 世,又值殷衰,未能 王有不永年者,既 不 修建寢廟。 呢。」昵 미 ,其于父廟, 故于祭成湯之明 不 Œ. 之事 謂 [孫兵備曰]《高宗肜日 《喪服 禰 祀 廟 也 也。 亦 四 嗣 以 必 制》云 修 天位,即爲天胤。 天胤 豐, 日 此 復 繼绝世。」是 , 有 知 廟 圃 盤 ,猶言天之子,言陽甲 古 祀。 雉 世父之廟 庚 禮 雊之祥 既 以 廢 高宗 此 不 殷時 而 岡非 察今, 爲 復起。」《尚 繼父小 陽甲 ,既感祖己之言,乃 不 殷自祖丁之後, 至高宗始 序 天胤 明 猶 V. 世 Ż, 廟,小 典 承 宗 書大傳 已 盤 居 有 祀 實 來, 辛 庚 喪 無 隕 興 之 廢 盡 先 豐 繼 厥

非,以 名。 以 之事,如《殷武》詩所言 云"「武丁思先王之政, 人太廟。」 復祔代宗。 廟,睿、玄、肅、代以次遷。 樂志》:「自憲宗、穆宗、敬宗、文宗 次當遷,而 曰:『昔晉 謂兄弟不相爲後,不 禮官 而議 於世次爲高 元、明之世,已 〔原注〕舊史亦 者言: 寢 成孔安」也。  $\exists$ 但 得 祖,禮官始 至武宗崩, 祧 言禮儀 爲 之主,不 遷 昭 唐 豫 穆, 使,不 兀 書 章、 德宗 覺 世 得 乃 載 潁 復 議 其 祔 禮

Ш 原 注 豫 章 府 君 宣 帝之曾 祖 潁 111 府 君 官 帝 之

也 川 祖 惠帝 位 後 雖 皆 L 崩 復 室. 遷 祔 其 豫 質 章 原原 Ti. 世: 元 注三元 帝 蓋 即 從 帝 位 7 時 江. 協 左 e 以 遷 升 兄 豫 懷 弟 章、 帝, 爲 # 潁 又 川 數 遷 故 潁

從 温 嶠 議 復 故 明 帝 崩 又 遷 潁 川 簡 文帝 Ì. 復 故

发之三,窜置川崩。『原主』開元初,秦中宗列廟,此故事也。』議者又言:『廟室有定數,而無

後之主,當置別廟。』〔原注〕開元初,奉中宗別廟,

升

睿宗爲第七

室。

禮

官

 $\exists$ 

晋

武

帝

時

景

文

同廟,廟雖六代,其實七主,至元帝、明帝,

宗、武宗同 無 廟 常數 皆 + · 室。 也。』於是 爲一 故 賀 代。」「沈氏日」「廟 復 循 日 祔 代宗 : 廟 以 而 容 以 以 主 容 敬宗、 爲 主 限 爲 限 文 而

「廟」下當有「室」字。

中 関 謂 |`(僖當| 昭 「惠公與 穆之序 何 休 同 解《公羊傳》文公二年「躋僖 北 亦 莊 面 從 公當 西 之 上。 而 司 不易 南 據 面 大 矣。 西 祫 上 如 楊 此 氏 日 則 公, 桓 以 廟 頣 左

氏「躋僖公」《傳》攷之,則兄弟相爲後。

之論 禮 人 或 室,古人或已 昭 其 常  $\pm$ 之臆 雖 爲 也 制 所 穆 ,可爲後王之式矣。 先王未之有,可 兄弟 鄞 則 載 》之言, 見 萬 加 也。」《 斯 世 不 相 廟 大本之立 繼 得 室 有 太 之變 記 多。 明 祖 通 主, 堂 **>** 其 而 日 觀《考 也 皆 以 變者 下, 説 : 義 Ŧi. 昭 則 其 協 起 室, 同 I 爲 IE. 諸 也 穆 廟 記 則 不 義 父 廟 而 異 知 然 口 ITI 死 制 室 不 百 斤 則 指 子 協 當 得 賀 亦 爲 廟 繼 誉 循 則 後 之 準 異

#### 立 叔 父

弱。 産 對晉人,謂「私 其父兄立子 《左傳》 昭 +我。」 族 九 於 年: 謀 原 注〕子 而 鄭 立 駟 游 長 偃 叔 親 父駟 卒, 生 是叔 子

此 父 矣。 繼 其 兄 楊 氏曰 子。 宣宗之立,宦官爲之耳。 唐 宣 宗 之爲 皇 太 叔 彼 小人,何 蓋 昉 於 所

# 繼兄子爲君

考于故

哉

意 情 今 雖 者 祠 理 1 太 繼 不 晉 廟,不 世 安。 元 祖 帝 大興三 乃 然於 親 行 執 親 懷、 觴 年 獻 酌 愍 正 0 皇 月 而 口 帝 **令** Z 謂 有 皆 卯 得 北 百 詔 ^ 春 行 面  $\Box$ 秋 : 事 稱 学之 於 吾

# 太上皇

皇。 漢 則 是 以 秦始 爲 死 生 而 皇 號 追 本 而 尊 紀 之 後 **\*** 號 代 並 追 猶 因之矣 尊 周 莊  $\Box$ 襄 太 王 王 爲 太上 也

> 非 得 據 以 基 舉 武 諡 禮 此 概  $\pm$ 也 於二王 曲 則 其 論 爲 禮 漢 追 也。 難 **\***: 高 尊 帝 鄭 先 若 功 딘 於 康 媪 德 夏 孤 太 成 爲 禹 暴 繇 Ŀ 答 昭 貴 之, 殷 皇 趙 靈 不 王 湯 夫 尊 商 爲 迹 人, 而 曰 則 父 興 不 當 不然 作 諡 周 亦 諡 矣。」 道 不 乃 號 爲 之 口 或 而

#### 皇 伯 考

宗。 於光 廟 將 穆 王 彧 遷 皇 光武 神 高 武 表 帝 魏 孝 主 祖 諫 廟 疏 中 莊 於太 之於聖 日 爲 號 興 帝 肅 绝 廟 追 南 漢 服 祖 尊 躬 頓 以 祖 其 高 母 猶 立 親 創 父 祖 春 業, 李 身 實 彭 爲 陵 妃 奉 猶 香 城 之 「伯考」。 爲 子 子 武 街 寢 文穆 道 陛 有 宣 下 太 Ξ. 元 既 爲 繼 帝 上 臨 文 纂 大 之 之 淮

恭王

宜

稱

皇考。」

賀

循曰

「禮、子不敢以己爵加于父。」乃

意矣。

沈

氏曰

通

鑑

**\***:

晉

元帝

太

興二

年

詔

琅

邪

嘉

靖中,

追崇之典

與

此

正

同

襲

典

午

之

稱

相

孝

莊之故

事

蓋

并

非

張

桂

諸

臣

之

初

成

稱

皇

,求之古義,少有依

準。」

不

納。

先

朝

皇

褒

明

功

懿,乃

有

皇

號,終

無

帝

名。

若

去

帝

氏

止 此 前 漢 師 丹 引 禮 以 爲 i, Ini 哀 帝 不聽 者

#### 除 去 袓 宗 廟 諡

降

,世秉盛權,❶景、文二王,實傾

曹

氏

故

義

所奪。

及

金

一德將

興,宣

王

一受寄,

自

兹

Щ

昭

斯

乃

上

後

叔

祖

,豈忘宗

承

考妣

蓋

以

大

洪

緒

贵

宜

加

伯

考

之名

?

且.

漢

宣

之

繼

老

晉

武

繼文祖宣

一,於景

王

有

伯

考之稱。

以

子、 王不 , 下 0 州 后 昭 不 魏 戾 理 刺 靈 祭於下土諸 漢 祭於支庶之宅, 元帝 后 配 郡 派 無 后、武 史高 惠 享 獨 袁 鄴 相 時 帝 礼院 太 · 皆 人, 韋 閶 從 廟, 貢 哀王、 玄成等 表 不 生 叔 禹 必 修 又 奉 侯, 世 孫 以 配 立 后 昭 祖 祠 爲 通 請 議 君 陽 廟 后 哀 之言, 不 及 以 勿 不 廟 后 後 以 應 即 復 祭 成 於 詔 常衛 魏 古 修 天 位 於 鄴 郡  $\vdash$ 明 春 禮 思 臣 地 : 或 追 元 秋 后、 奏 未 高宗 僕之家 永 貴 多 尊 婦 之義 可 爲 嬪 戾 光 置 聞 人 時 外 大 几 有 穆 太 原 杜

臣

並

筵

嫂嫂

叔

同

室

歷

觀

墳

籍

未

有

其

事

罷

又

表

言:

爰 自·

上古, 迄於下葉, 崇尚

君

親

穆

皇

后

稟德

坤

元,

復

將

配

享

乾

位

此

乃

君

超

無

外

/, 肅

祖

雖

勳

格

宇

宙

猶

曾

奉

贄

稱

臣

父

祫

褅

失

序,

致

譏

前

經。

高

祖

德

溢

寰

中

道

年

類

古

恐或

非

儔

又

臣

子

例,義彰

舊

典

廟

盛 魏 書 元 彧

0

宗之 隱、 隱 貴 宗 孝 除 至 政 初 古 莘 中 時 匠 和 元 韋 敬 尊 親 事 平 皇 人 興 帝 人 之至 之 安、 恭愍三皇 順 后 皆 皇 號 曰 罷 或 號 凑 多 元 廟 而 帝 \_0 恭懷 釁 E 順 年 號 帝 去 祖 感 已 順 號 立 言 之。 宗 制 高 是 權 帝 敬 左 廟 非 太 桓 宗,成 古 皇  $\vdash$ 臣 之 后 宗, 移 中 尊 號 經 姒 四 后 後 人除 準 下 廟 母 可 臣 並 郎 義 世 之 帝 漢 桓 禮 懦 安 而 帝 非 下 李 將 之遠 宗 饗 不 帝 和 不合 祖宗之 弱 帝 不 氏 號 IE. 蔡 宜 唐 嗣 號 帝 以 統宗 嫡, 邕 日 尊 開 莫 制 此 高 稱 帝 威 號 爲 恭 祖 稱 議 元 不 能 宗, 穆宗, 乃 宗 宗, 殷 號 使 愍 嫌 母 宗 六 先 合 太 執 勤 平. 而 皇 宋 可 也 桓 又 年 。 各 子 稱 孝 帝 皇 Œ 不 貴 安 罷 於 后 帝 恭 和 弘 所 后 號 以 欲 帝 是 將 人 尊 王 祀 懷 據 以 立 元 皆 褒崇 莽 0 爲 停 作 追 獻 E 母 號 宗 禮 下 諡 請 敬 帝 敬 尊 是 義 大 梁 恭

議 真 不 玉 也 廣 中 帝 古 爲 德 之文、武、言文不 臣 中 立 也 宜 宗 儒 所 皇 制 褒 册 竊 知 臣 E. 爲孝 以 政 禮 獨 愚謹 高 帝,玄宗 不優 命, 陵 木 後 省 請 少 學 在 儀 祖 兵 和 世 中 È 擇 爲 之 宫 文 É 不 列 使、 部 皇 乎, 武 浮 玉 其 皆 帝 士 聖之諡 壼 尚 中 爲 侍 皇 美 吏 册 文 已 蓋 一,始 宗 睿宗爲 皆 郎 帝 質 貶 稱 日 部 所 刊 日 而 從 以 稱 袁 太宗 孝 增 尚 Œ 稱 刻 īE. 勒 其 有 盛 傪 真 上. 聖 明 今 之二云 祖 武,言 書 名 乃 爲 一, 皆 真. 至 卿 加 列 皇帝 不 官 文皇 宗之諡 有 顔 敦 初 皇 至十一 議 者 聖 從 云。 帝 以 真 增 可 諡 本 故 帝 武 諡 初 兵 輕 \_\_\_ 卿 無 Ì 肅 也 其 也 高 楊 號 不 諡 進 字者。 上言 改 上 宗 損 宗 氏 聖 聖 太 稱 玄宗 睿 自 爲  $\Box$ 命  $\Box$ 故 奏言 者 諡 事 文, 廣 天 孝 此 名字 其 百 宗 諡 德 謂 皇 遂 末, 本 宗 宗 官 宣 有 贵 按 上 多 陵 大 玄  $\vdash$ 數 文 帝 集 皇 聖 盛 女好 廟 廟 踰 不 周 元 初 肅 太  $\Box$ 

之廣,諡 臣 不 敢 號 議 之繁, 矣 沿 至 本 朝 遂 成 故 典 而

世 濫 亂象,不可以訓」者 ,始於曹魏之三 稱宗之濫,始於王莽之三宗, 祖。 也 唐王彦威 所 稱 謂 祖 叔 之

亦

## 漢 人追尊之禮

古曰: 古。 帝 守、都尉 悼皇考,孝宣之祖若父也,太子、皇考而 令,光武之高、曾若 言帝也。」又引蔡邕曰:「不言帝,非天子也。」 戾太子、 春陵節侯、鬱林 而 「皇,君也。天子之父,故號曰 太上皇,高 作俑者,定陶 而 不帝,君 帝父也 祖、父 . 共皇一議 而 太 八守、鉅 皇而 不 帝。 也, 皇,不預 不 侯 鹿 也。 此 帝 都 而 皆 尉 治 不帝,太 漢 「原 國 人近 南 注 故不 不 頓 師

### 諡 法

此非 後代 八年,又其一時大臣皆已 家者多矣。 無 知情勢之言 因之,而恩 孝 人 宣 (更言: 即 [楊氏日]戾園之事,去孝宣即位已十 位 泉 思戾、 怨 鳩 相 坐死,反復之報,將 里 尋,反復之報 悼 事 之名, 此 見 不 漢 中 爲 人 於何 隱 醇 於 厚。 施 諱 或 七

侯、鄭 子 恭 昭 以 臣 是 美曰 ,亦但取 自信也,將焉用之?」 孫 許 知之。」 季 皆有 昭 昭 孫問 昭。」按 非 公、 饗或 其習於威儀 昭公,亦無 對 宋昭 於榮駕 周 曰 : 克終之諡 公、 之昭 鵝曰: 「生弗 蔡昭 可 爾。 Ξ, 稱 乃 能 「吾欲 也。 侯 南 **《諡** 啃 事 而 。 皆 征 周 此 法》:「 不 死 爲 然諡之日 見 之甘 外 復, 又惡之, 君 弑 齊、晉、 諡 容儀 昭公 晉 於其 , 使 昭

Б. Ті.

公、《 鑑 殊。 書 諡 賀氏又止取 四 書。」是隱侯所采者止 劉 弑 漢 以 書》、《白 前言諡法者十一 「《大戴禮》及《世 春 帝王世 一卷,取 篇,垂 注 》,以爲後 法》,于古法蓋多所損 熙《諡法》、《廣 孝 罪 秋》此篇雖 蘇 亦 唐 春秋》、《 「雷氏日》《諡法 昭 見 稱 紀 氏 紀》是也,實皆本于《周 虎 周公舊諡 憲于後。 之。 亦 帝,始 殺 注 通》、 二家。 人 謂周公之書 引《 廣 馬 佚、《白 所 至 諡 家、《世本》、《竹書》、《大戴禮》、《今文尚 禮 本》諡法,約時已亡其篇, 廣 注又云: 諡 亂 **远**及沈約 漢、 楚 以 蘇 記 諡 》舊文,以《乘奥》、《世 故 及五 魏以 家,益以 氏承詔 》本《周書》 爲 昭 虎 、益矣。 諡 反取賀琛 通 木 王**、** 所 美 獨 「俗儒以湯爲諡,以 家。 來,悉 法 影引 學 廣 斷》、 諡, 編定《諡法》,于 一 日 燕 紀 沈 今案《周 《通考》谓: 書》。 》篇名 禮 損 聞 約 條, 劉 新 昭 新 而 益 記 風、《 賀 諡 法 所 有 王**、** 一; 自 唐之昭宗亦 沈 而 深、 者 堯、 而 載 公諡法 約《諡例序 遵 諡 乘 載之。 周公制 秦 與 唯 扈 琛 用 法》 紀 舜 奥》、《春 今本之文 晉以 賀 取《周 之。 蒙,爲《六 所 》之異 昭 禹爲 六條,《 **一** 雖 增 深《諡 《戴記 諡 諡 襄 兩 前 也 名, 見《周 書 》謂 作 馬 一。則 者 秋》、 取 晉 王 一
及 法 見 然 融 通 詗 家 周 爲 以 此

> 故斥 記 世 史》云: 爲 皆不在《諡法》。」蓋漢時 集解 謂之《春 訓 日 俗 湯 影 杜 與桀 儒 禹爲諡 秋諡法》。」即 預 也。 取 紂 周 後《獨斷》取 ,其《乘奥》、《世紀》之説 書 諡 《戴 今《史記正義 乃《廣 諡法》, 記 桀、 刻 諡 納之《釋 、紂、《釋 于學官, 所 增, 》所載 例 不 例 故 影取 見于 者是已。 經 增之以 湯,故《路 傳 戴 可 記 取 湯 史 以

# 追尊子弟

者, 唯秦文公太子卒,賜 古人主但 有 追 尊 其 父兄, 諡 爲 竫 無 公, 尊 唐 其 代 子 弟

## 内 禪

追

、諡其弟故齊王倓爲承天皇帝。

於子惠文王,自稱主父。」此内禪之始。君,會諸侯伐鄭。」《史記》:「趙武靈王傳國君,會諸侯伐鄭。」《史記》:「趙武靈王傳國

位于弟扃。帝扃十年,帝不降陟。」然不可《竹書紀年》:「夏帝不降五十九年,遜

## 御容

考矣。

璵「緣生事亡」、「原注」《韋彤傳》。 兩 也。 御 龜 人之道者乎? 廟 城 容,每日 門郎 宗廟之禮,人臣 二主,非嚴 唐玄宗於别 獨 孤晏奏。 侵早 敬之義。 具 殿 此 安 服 今 不 朝 置太宗、 日 敢 謁 奉 蓋 輕 先殿 議 原原 唐 而 高宗、 書》 注〕見《 未察乎 之 然 所 所 竊 册 睿宗 謂 自 以 府 神 爲 立 王. 元

## 封國

唐、宋以下,封國但取空名,而不有其

宋武 大亮 非 亚 封 晉 内 直 齊書》:「文惠太子子 縣 施 封 府 江 地 南遷, 之民 古 訓 常 名 聚 武 有 寧 侍 高 Ė 準 而孝武 創 封 封 清 明代亦然。❶ 而 業、依 0 淳王 聖 庾 懷 伯 ,代府有 永 事 以爲諸 漢 曇 張 明 隆 柔 清 移 都 隆 一, 而 昌 末 御 伯 伯, 輗 威 擬 咸 啟 年,分樹寵子, 寓 之元,特 封 楊 溧 弛, 金 王 蔣 陽 古典,神 日 禮 順 文 洪 陽 然名 臣 輪 近 舊 羅 安伯 封 Ŧ. 昭 下之封,何也? 封 周 郡 爲 輔 遼 昌 開 不 秀封 玉 秉 定 名邦,多 先 州 爲 平伯,石 母 可 田 曹 府 雒 忠 社 部 弟 苟 有 不 畿 臨 義 伯 封 邑,天子 稷之衛 内,不 之貴 申 海 慎 内 句 順 封 此 有國 私愛, 郡 限 義 豐 容 亨、李偉 皆 趙 Ŧ. 斷 潤 伯  $\pm$ . 復 竊 置 赤 府  $\wedge$ 伯, 食。 宜 韓 有 别 中 畿 南 畿 谷 有 通

❶ 「明代」,據《校記》,鈔本作「本朝」。

者 遵 也 秀 乎 爲 昔 ? 贵 巴 制 陵 有 賜 王 以 茅 神 授 當 皋 土 時 赤 臨 縣 海 出 之 郡 外 名 屬 州 揚 而 州 加 遂 之 王 改 支 畿 封 庶 故 昭

職。」 夏縣 於 美 以 縣 務 此 名 府 0 觀 。 **②** 有明 方 伯 謂 宋 或 初 疏 時 以 無 則 封 封 曲 曾子 州 草 時 或 阜 已 略 定 大 或 開 今仙 殊甚, 無 小之名, 之 以 封 此 曲 縣 例 源 阜 o 0 或 馬 縣 即 縣 名之不 皆 以 郡王 子, 以 有 夏 古 爲 謝 準 陽 縣 封 式 Œ. 司 任 或 或 號, 封 今 伯 莫 之 但 丽 城 而 挂 甚 失 取 或 父 陸 陽

乳母

宣 旨: 舊 \_ 妳 唐 婆楊 書 氏, 哀 帝 可 天 賜 祐 號 昭 年 儀; 九 月 妳 婆 内 Ŧ. 出

> 度。 功,賜 震 夫 高 漢 郡 京 宣 亦 派 後宫之號十 日 氏 帝 : 夫 了, 可 師 順 無 相 齊 一臣 安帝 中 陸 帝 之 裂 爵 號 景 封 宗神龍 功 土 晉 封 令萱,以 聞 保聖 比 郡 龍 今準 一割郡、 封 了; 子 四 室 諸 周 夫 几 乳 母 中 有 制 君 人 孫 侯 年 楊 宋氏 之號 母 元年 宫 興 四位,元帝特置 王。 乾 但 封  $\pm$ 氏 初 第二 職 受厚 尚 311 乳 聖 非 爲 例 封 , 夫人只列三人。 至於列 食 妳 爲 以 爵 母 Ш 改 乳 妳 賞, 高 授 野 陽 胡 邑 SIT 封 婆 母 氏 封 君 組 蘇 王. 于氏  $\pm$ 妾,縱 而 但 爲 郡 君, 中 氏 有 則 郭 擇 無 蓨 君 昭 , 先 保 書 爲 美 亦 致 封 徵 儀, 或 稱 門 平. 尋 名 元 致 漢 卿 爵 帝 夫人, 夫 漢 恩 位 帝 亂 陽 保 下 地 已 郡 制 至 之 震 地 後 養 視 氏 奏 封

<sup>●「</sup>此」,據《校記》,鈔本作「今代」。●「有明」,據《校記》,鈔本作「本朝」。

旒

水

君

 $\pm$ 

典

燕

楊

而

注》 右,豈 室 禮 再, 樂 氏 寢 胙 氏 家 海 君 載 13: 爵 實 權 從之。」「原 中 主 王 望 故 之 録 土 而 九 以 蔣 臣 良 可 位 闡 分茅 失 賜 慙 事 封 州 氏 來 問 列宫 以 氏 有 不 號 乳 於 始 永 之 爲 鼎 嬪 乖 鄙 寖 樂 福 今 自 所 母 雖 内 吴 之日 御 嬪 且. 違 七 則 爲 馮 注 聖 命 於 奉 居 或 之 異 年 ,夫人則 三參 有 之 宣 君 訛 此 氏 高 三月 濕 夫 號 疏 其 功 用 爵 授 弊。 爲 而 祖 推 第 人 增增 封 楊 戊 勞 乳 執 册 乎 後 保 燥 之 辰 氏 安 太 莫 ? 府 榮 亞 母 睿 議 伏 聖 王 例 宗 遣 元 並 望 社 爲 氏 宗 於 若 列 以 賢 官 龜 氏 臣 賜 彰 稷 舊 四 妃 郡 爲 下 此 祭 順 陛 等參 況 望 保 號 嫱, 者 章 乳 夫 燕 詔 保 夫 下 當 昭 賜 母 養之 安 或 人, 詳 得 行 重 保 供 封 有 或 號 儀 聖 夫 聖 玄宗 明 命 康 揆 奉 妳 竊 往 踵 内 不 勤 君 賢 聖 之 自 贅 左 侍 婆 對 意 代 寶 原 順

> 夫人馮  $\pm$ 聖 客 矣 氏 氏 遂 列 與 宗 魏 大 忠 之, 賢 遂 表 爲 裏 成 擅 例 權 其 mi 於 奉 漢 聖 之 夫

#### 聖 節

賢

川

運

歷

乳

封

其 更爲 得 癸未 月 君 生 哀哀父母 l',此子 癸 時 臨 H 亥 無 天下 宴 世 Ŀ 舊 了; 上 所 樂 路 謂 唐 俗 謂 平 以 所 富 書 皆 司 ! 聖 生 降 徒 以 有 lephi: 爲 節 我 誕 長 有 几 大 歡 也 劬 太 孫 日 海 負 樂 泣. 勞 宗 無 米 數 \_0 宴百 玄宗 而 在 忌 之恨 貞 行 奈 承 朕 等 觀 寮 下 何 歡  $\Box$ 開 翻 也。 於 以 膝 + 左 成 元 花 劬 下 ^ + 右 年 傷 今 詩》云 萼樓下 勞之日 七 皆 永 感 H + 年 悲 不 是 八 可 月 今 朕

0 有 明」 據《校記 》,鈔 本作 本 朝

Ti. Ti.

樂,休 閏 悲 事 生 所 鏡 樓 及 人 離 謂 八 祖 百 原 宫 涼 以 此 爲 韻 以 因 起 村 六 寮 注 肅 感 爲 珠 苑 以 月辛 佛 詩 以 下 表 也 턥 史 動 盛 有 囊、 宗 後 假 其 新 不 千 社 請 獻 遂 H 唐 菩薩 上 坐 蓋 又 書 其 縑 卯 名 書 原 秋 會 以 鏡 後 置 元二 其 日 飲 以 制 荒 節 注 彩 節 事 E. 節 及 禮 禮 並 散 每 堙 年 盜 而 適 仍 杜 力 秋 樂 年 Ŧi. 百 部 承 月 之。 就 年 足 起 君 甫 獨 志 編 士 ),陷 景 奏請 官 九 臣 品 露 爲 詩 Ŧ 八 其 爲 爲 上 共 **>** 戒 月 獻 囊 E 网 Ŧ 白 八 餘 詩 秋 月 令」。 爲 於 金 京 甲 而 聲 罷 下 賀 荒 秋 月 節 Ŧi. 千 天 剛 不 遺 Ĥ 樂。 Ŧ 節 申 束 此 1 先 H 足 殿 Ш 秋 賜 下 此 秋 者,玄宗 從之。 帛 考 節 亥 神 傳 當 節 賽 爲 天 天 置 節 諸 四 法, 有 人 F 時 頻 名 白 千  $\pm$ 成 休 渞 品 間 州 用 流 上 故 差 议 傷 帝, 假 秋 塲 地 兵不 俗 召 不 酺 E 御 聞 + 咸 八 八 平 節 復 右 多 月 月 大 以 宴 上 花 報 令 上 息 著 節 爲 傳 來 日 Ŧi. 之 宫 賦 萼 年 宴 金  $\mathbb{H}$ 王 其 之 īfij 其 H

賀。」 停 仍 宗 門 誕 古  $\mathbb{H}$ 中 今月 起 是 獻 命 年 膜 原 原 諸學  $\mathbb{H}$ 此 行 無 百 次注 | (章) 也。 歲 F. 金 永 拜 注 此 德 生 官 禮 復 道 帛、 洲册 宰 六 壽 以 泰 韋 \_0 禮 音 H 詣 ± 命 ±: 穆宗 狀 稱 光 臣 日 爲 及 文 經傳》: 器用、 繞 圃 其 府 以 僧 順 講 賀 是 常, 宗 以 史 年 之儀 兀 門 H 道 考《册、 儒 遺之 龜 論 朕 賀 元 古 + 講 太 自 百 後 (太后, 士 と也。 珍玩 論 於 載 和 綬 無 月 和 其 後 寮 增 府 參 以 開 麟 誕 +事 降 七 至 教 元 命 相 七 然後 元二 之。 又 上 遂 之 Ŧi. 德 龜 誕 同 月 年 寝。」元 婦 名 沿 百 Z; 降 六日 辰 年 異 三: 殿 受 Ŀ 宜 餘 + 次年 馬 此 誕 皇 七月 以 敬 賀 則 是 於 奉 萬 計 月 帝 年. H 齋 稹 宗 玄宗 Ę 穆宗 德 爲 之 光 迎 壽。 I: 寶 慶 醮 Ę 月 Z 宗 禮 故 順 皇 此 + 諸 曆 元 載 時 辰 慶 之 癸巳, 從  $\exists$ 貞 元 年 先 事 誕 太 進 道 集 之。 餘 所 奏 年 七 節 勑: 行 元 進 后 獻 節 萬 有 Ŧ 月 六 罷 起 字. 請 降 + 命 度 名 於 月 庚 秋 賀 之。 臣 以 世 子 參 代 節 以 所 誕 宫 自 使 沙 降 泰 是

未 英 殿 臨 口 僧 便 聽 謂 徒、 革 原 宰 宰 注 道 臣 源 臣 朕 1: 中 路 雖 講 : 爲 隨 置 論 翰 降 等 林學士。 齋 於 誕 奏: 會 产 日 德 惟 設 至 殿 誕 對 齋  $\mathbb{H}$ 僧 王 翼 齋 道 相 源 會 講 承 H 中 已 論 等 本 御 久, 非 暫 都 延

不

人

Ħ

宗 年 館 文 節 蔬 月 百 申 期 曜 中 武 · 宜 爲 + 浚 食 歡 詔 請 或 頗 自 百 曲 延 泰 H 日 教 以 令京 是 江 任 爲 : 慶 寮 爲 法 誕 作 武 陳 不 得 慶 紫 節 慶成 H 宗 禮 其 兆 脯 欲 雲 成 臣 爲 ) E 僖 爲 樓 延 尹 醢 屠 節 伏 節 千 準 宗 慶 英 仍 宰 ,從之。 見 永 秋 ,朕之生 Ŀ 深 陽 許 奉 爲 開 爲 公卿 用 然之。 節 Ę 節 觴 應 常 元 表 天 權 1: 内 宣 重 + 例 好 開 大夫之家 辰 停。 節 宗 外 陽 七 生。 宰 天下 成 宴 。」「原 例 爲 年 又 昭 臣 樂 壽 張 宗 勑 於 自 年 大 於 注〕太 錫 説 爲 江 曲 今 九 以 請 節 宴 頭 會 嘉 慶 月 慶 江 以 源 V. 和 會 懿 會 成 宴 庶 + 昌 甲 乾 亭 九.

總

神

祖

本

則

水

百 曜 節 則 、路隨 代 此 哀 矣。 禮 帝 剙 三人之奏,而 爲 (楊氏日 於 乾 玄 和 〕宋、遼、金無 節 文 宗 後 原 注 遂 帝 成 並 編 不 於 節 於 册 張 府 单 元 説 龜 源 傳 乾 然

表 願 端 之 乎 臣 於 武 玄 風 日 相 ? 午,常 籙 鳥 ^ 相 玉 皇 俗 : 源 請 夕 册 之命 賀 露 帝 傳 乾 臣 粉 比 以 府  $\Box$ 其 曜 陛 追 聞 筵 八 夫 元 星 爽 始 後。 ; 下 聖 月 曲 右 龜 『誕聖之辰 朗 孟 不 贵 樂 人 Ŧi. 水 派 **>** 冠 見 夏 故 百 原 出 載 日 褉 氣 相 於 之 有 年 少昊 則 亭, 爲 金天 合神 其 張 佛 夜 開 而 日 Ŧ 義 説 生 著 語 重 也 元 月 秋 祥 率 之 + 陽 九 流 記 也 節 也。 文武 焉 光 月 供 Ł 射 龍 虹 其 口 照 惟 之感, 著之令甲 年 圃 浴 初 仲 臣 伏 不 百 室 仲 聖 王, 王 等 Ŧi. 春 尚 以 惟 官 之 秋 不 日 爲 清 開 修 商 澤 等 書 期 勝 綵 嘉 日 道 湯 深 明 左 元 上.

線

節

羣

在

大

記。 神。 依 自 勝 荷 窮。 問 進 是 布 凡 卿 皇 我 地 金 H 於 是 來 作 良 天之眷 八 異 鏡 天 獻 節 社 請 古 游 月 域 明 綬 F 甘 日 作 玄天 Ŧi. 占 帶 露 宣 舉 清 咸 命 壽 風  $\exists$ 付 或 醇 無 秋 令宴 士 光 酒 所 越 耐 高 以 當 百 卿 庶 啟 宴 禮 司 興, 天 朕 見 等 樂, 上 樂, 以 大聖,下彰 ; 生 氣 美 請 百 絲 萬 朝 原 休 俗。」 名 辰 推 穀 爲 結 野 歲 注 假 感 令節 爲 方 移 同 承 壽 路 熟 帝手 隨奏不 賽 歡 露 先 酒 或 皇 日 Ŀ,  $\dot{\Box}$ 聖 囊 是爲 萬 大 詔  $\mp$ 化 帝 之慶 寶 獻 人 更 公 羣 垂: 報 以 美 嘉 事 報 相 臣 戚 裕 名 成 靈 表 無 遺 以  $\mathbf{H}$ 里 :

矣。 表 歲 天 之 稱 下 昔 首,天 進賀聖 賀 太祖 唐 禮 太宗 實録 運 亦 節、冬至表箋。 維 宜 謂 新, 之。 生 辰 洪 是父 君 生 武 辰 法 Ŧi. 母 天 Ŀ 年 冬 出 劬勞之日 八 日 至 治 月 Ī. 庚 於 臣 辰 文 下 日 況 繁 爲 罷 進

> 於 之日 制 詩 年 韓 朕 忍受天下賀 不 謹 皇 九 或 者 月乙 身殿 考、 公李善長等累 ,齋居素食, 也 賜 皇 酺 E, , 不 妣 歲 乎 早 E ? 以 齋 逝 御 不受 爲 醮 宜皆 奉先 常。」 表 每 則 朝 Ŀ 於 罷 聖 然 殿 賀。 請 是 之。 受 諭 而 日 然後許之。 朝 所 不 十三年七 自 ·受獻, 云 賀,宴羣 不 是 勝 勉 每 悲 不 從 聖 悼 其 臣 節 中 賦

## 君喪

下 衰 史, 又 曰 三月,而 日 :「令到,吏民 但行 服 世 大 謂 殿 紅 於 漢 中 + 今以三 吏 文 當 民, Ŧi. 帝 臨 三日 日 之 而 者 日 喪, 小 未 故謂 釋服 日 紅 嘗 以 夕 + 概 H 各 。」天子之喪當 之以 四 之 易 + 日 臣 月 Ŧi. 日 子 舉 易月 纖 音。 也 考之於 七 日 也  $\exists$ 齊 詔

平。」是 者,未 之行 後 釋 母: 兄 鮮 薄 庶 以 + H 無 至 河 丽 百官 皆 , 其 卒 矣。 之 定 間 制 纖 於 服 也。」」是 大謬 葬則 未葬 喪, 其 H 葬 皆 原 日  $\pm$ 知 服 以 注 不 漢 臣  $\exists$ 良 原 也。」 之前 服 「原 喪三 欲, 曰 示 皆 不 初 喪紀之 注 子 總 F 喪 不 魏其 未 注 變 爲 衰 而 除 者 ПП 則 者 太 V. 年 孟 劉 除 矣。 制 已葬之後 服 武 服 计 后 廢 「吾宗國 子 0 未嘗 攽 安傳 制 斬 之 及 下 禮 之, 己 後  $\Box$  $\equiv$ 衰。 原 滕 漸 葬 棺 久。 # **≱** 年 然 注 文公》: 以 則 Ξ, 魯先 而 遂 文 漢 |《史記 ·, 爲 謂 史書 H 以 亦 聽 諸 帝 自 變爲 年 欲 H 君莫之行, 帝 制 而 E 易 百 其 宗室 始 「定爲三 易 之 以 自 此 葬 ~ 大 所 月 餘 自 月, 禮 崩 崩 喪 喪 輕 傳 功 記 也 爲 也 H 至 服 行 儀 又 至 服 服 葬 公孫 其 矣 吾 年 不 斷 表 於 哀 而 制 或 之喪 通 自 先 至 有 自 則 能 益 葬 帝 小 以 君 計 E 百 厚 於 始 弘 行 此 又 亦 興 葬 時 餘 葬 功 封 後 或 臣 所 既 崩 者 父 莫 太 之 之 H

禮 矣。 服 袁 血 踰 此 母 潛  $\equiv$ 銚 冢 迫 後漢 H 年 行 或 有 從 期 廬 户 紹 毁 行 於 竟 或 志 眥 家 其 墓 書 父 於後者矣。 生 闕 東 六  $\equiv$ 不出 又 除 本 》 注 之制 厚 年 卒 海 而 次 年 原 大 追 至 傳 服 引 者矣。  $\pm$ 服 0 父 注 復 《英雄 行 廬 服 服 繇 臻 死 起 喪 原 鮑 重 父 寢 喪 漢 練 是 原 及 視 注 記 昂 書 過 服 行 弱 紅 顈 翟 薛 注 弟 服 事 處 • 乎 喪 鮑 年。 冠 名 宣 方進 竟, 本 喪, 凡 蒸 追 漢 後 哀。 制 永 以 紀 京 爲 書 漢 在 除 念 鄉 傳 × 0 毁 羸 韋 爲 師 書 ~ 後 丞 「原 冢 侯 濮 初 原 瘠 瘠 彪 原 身 相 同 傳 母 薛 廬 喪 儉 陽 注 注 骨 備 終,既 父 涉 原 , 弟 父,幼 六 包 長 此 此 年 立 後 母: 母 注 父 漢 劉 年 爲 修 失 從 漢 趙 遭 卒 相 卒 死 服 之前 書 葬 淳 父 游 爲 其 原 小, 13: 翼 俠 于 皆 臨  $\overset{>}{\star}$ 不 = 及 哀 行 薄 原 注 傳 傳 喪 傳 注 哀 者 敢 + 後 毁 菑 遂 喪 而 吐 並

六

萬

漢故 宗、 三十 Ψ. 百 來 雄 律 謂 +: 服 服 令, 原 原 一年,漢 傳 帝 處 固 年 不 少少 弟 姓之譽, 注》唐 注》《漢書》本傳。 事。 肅 時,王 ※注 家持 後 子父 此 爲 H 三人久 爲 能 宗之喪, 文 13: 武太后崩,亦然。 喪 制 帝 書 莽令吏六 是 親 行之者」,兄 病 羣 服。」《漢 門之 母 權 也。 而 臣 廢 其. 行 崔 死 制 死 不 反 祐 所  $\equiv$ , 修 三 十 子 遂 忍 内 若 甫 以 年 文帝 白 書 以 然而 既 改 傳 法官: 六 蒙後 寧三年 而 石 夫 服 葬 訓 爲 H 本 載 以 而 不 及玄宗、 君 厚 弟 乃 之 上皆 哀帝 常 紀 初 除 持 代 我 薄 特 相 喪之禮, 臣 衰之議 **%** · 得 崩之後二十七 略 太宗文皇 0 服, 服 無 各 駁 著之爲令, 庶者 綏 選 「原 肅宗崩,始變天子 盡 而 喪三年。 窮之譏。 不 從 宣 Д 和 云 : 舉 應 注 月 其 ··, 未 謂 口 劭 自 師 帝 禮 一年,詔 意 ·, 修 修 高 崩 言 戰 嘗 占 爲 原 至 宗 者矣。  $\mathbf{E}$ 遺 君 注 唐 以 或 不 遂竟 原 崩 湯揚 詔 斬 日 玄 注 博 年 Ŧ 以 以 漢 喪 如 寍 衰 亦

> 爲二十七 文之作俑 日。 二. 蓋 矣。 變 而 逾 短 一,而 亦 不 無 追 咎 夫

漢

喪禮。 給 矣。』祜乃 年,一旦 法,不亦善乎?』玄曰: 文除之。今主上 曰:『三年之喪,雖 能 賈后 <u>)</u>. 如 者也,不能 二此 行國 禮, 晉書 若因 王之制, 殺 爲 一復古, Ħ. 姑 T; 君之喪,故因 有 •羊祜傳》:「文帝崩,祜 使 此 父子 劉、 人 緣 傅玄之言, 難 革 而 È 石 人主之孝思 行 漢、 天 徒 而 貴遂服 遂 也 縦 更帝, 以 無 魏 服, 。』祐曰:『不 至 徇 而 『漢文以 之薄, 君 孝, 除之。 流 不 所 臣 自 贵 俗之失。 猶 謂 雖 善 非治謀之不 而 天 善乎 奪 推 末 禦 綱 子 除之數 興 服 其 世 之 能 人 先 達。 謂 ? · 實 所爲 淺薄 未幾 道 使天 以 王之 傅 П 虧 玄 行 漢 玄

下

日

不

以

而

興 朝 尚 親 玄、羊祜 之臣遠 書郎李嵩 庶 率先 政 後 秦 天下 (沈氏 羣 姚 Ŀ 臣 興  $\Box$ 疏言 請 13: 孝之 元本作 依 虵 漢 氏 舉 杜 既葬之後 卒 魏 預 也 故 興 之見,其不 興從 事 哀 毁 既 之。 應 過 葬 素 禮 即 及 若 服 吉 姚 傅 臨

此 制 制 恐 四 行 惟 自 日 禮 非 H 祖 人 爲 漢制 之 臣 人臣 宗 而 故 年 宋神宗崩 先王 <del>|</del> + · 無 服 無 大 以 范 服 者 據 祥 來 制 誤 日 不 者 君 禮 外 再 以 既 而 也 服 君 范 廷 期 君 父 小 以 如 遂 祖 雖 服 而 事 祥 古 H 古 不 禹 同 用 又 其 者 爲 典, 爲 期 易 於父 E 大 君 之, 再 而 疏 祥 月之制, 而 年之喪 又 期 又 論 自 臣 斬 小 而 以 喪 漢 原 衰 下 祥 大 月 服 注 以 猶 宫 祥 爲 之 來 年 按 依 中 或 此 制 + 漢 中 實 不 朝 唐

除。 喪,此 然 此 事 議 皆 率 詔 金 此 朔 慘 人 遽 除 月 迄 鞓 於 權 令羣 千 以 情 羣 主 望 純 服 而 未 臣 侂 衰 羣 羣 用 載 大 變 禫 不 葬 有 胄 古 黑帶 服 服 0 臣 H 布 臣 無 者皆 以 又服之。 臣 無 能 純 禫, 枋 在 朝 然 何 窮 紅 易月之後 惜 惟 所 酌 吉 政 公服 上 服 後 之憾。 損 祭之名 禮之所 當 我 不 三代聖王之遺意 , 始 禫 以 佩 ? 真德秀争之曰: 是 孝宗衰 時 佩 造 不 以 以 祔 此 時 不 朝 殯宫 以 孝 先 小 此 廟 禮 序 未 不安 并 非 儀 魚 宗 祥 帝 之不 又 後 仍 釋 定 服 服 何 之服 從 是 崩 禮 即 鞍 也。」 臨 衰 臣 三年 之 傷 吉 吉 以 經 之 轎 慰 服 下 色,今乃 從 ? 者 爲 吉 無 不 寧宗小 執 自 纔 臣 至 惟 而 且. 朝 人主 服 也 議 以 漸 喪 八 羅 立 帶 大 朝 衣 漢 臨 遂 文 之 者 月 祥 一之私 點 會 朝 不 文 喪; 服 爲 繡 禮 祥 止 也 帝 中 等 以 始 治 冠 而 既

619

H

知

録

集

釋

卷十

应

制者。

른 爵 帝 遏 力 役 密 乃 命 此當 之 八 者 殂 楊 音』,禮 事 落 用 也 時 修 , 百 豈 君喪 爲 目 姓 能 不 : 君 皆 如 禮  $\overline{ }$ 下 斬 喪 服 舜 制 庶 衰 斬 考妣。』三 典 人,且 三年, 衰  $\stackrel{\checkmark}{\approx}$ 但 有 禮 遏 農 干 年 也 密 畝 0 有 八音 百 服 姓 兀 載 賈、 海 有 而

之宜 者 盡 蓋 喪 Ħ. 不 如 如 至 父母 父 以 也 事  $\equiv$ 也 一分别 一於其 13: 嫁娶一事言之,則宜 親 年 朱 字 者 事 事 而 而 者, 作《 盡 君 師 貴賤 分有 無服 親 者, 者 蓋 君 死 也 親 情之至,  $\exists$ 臣 親 君 而 師 服 疏 致 比 疏 死 死 當 之等, 議 喪 方 而 而 参度 此  $\equiv$ 於 方 心 日 義 年, 而義 自一月之外許軍 父 : 喪 喪 以 之至 人 「古之所謂 母 三年 情 情 爲 有 之喪 年 前 降殺之節 ¨; 斟 之至 所 謂 謂 情 不 酌 , 義 云 其 得 其 古 或 爾 方 今 哀 之 有 服

> 不 高 後  $\equiv$ 夫 廟 民,三月之外 日。 以 之後 遷官者從 悖於古,無害於今,庶乎其 行 下 吉 許 其大中 禮 大祥之後許 承 焉。 議 許 新 大夫 郎 官 貶 士吏,復土之後許 以 卑 下, 官者 以 而 中大夫 上 差 小祥之後許 從 遣 則 舊。 可 職 並 以 行 事 須 下,各借 如 矣。」 潭祭, 選 高 此 朝 則 者 請 從 吉 然 大 祔 亦

然。 之意 易行 疏 而 人 以 衰 Ŧi. 貴 斬 下  $\equiv$ 服 服 前 所謂 之 於今」之説 賤 有 衰 斬 年 太倉 啚 降 遠 衰 三月,庶 實 文武 [》, 其 陸 殺 爲君斬 近 九月,七 出 道 爲 於魏 亦 臣 略 威 除 不 君 謂 衰三年者,諸 服 原 至 孝 然三代之制 臣之情 品 品品 : 注 之差,庶 悍 文 以 以 嗣 世 格 所 下 下 儀 君 難 斬 斬 云 不 及 行 嘗 幾 至 衰 衰 羣 勳 侯爲天子, , 亦 剙 貌 期 稍 Ŧī. 臣 蓋 戚 爲 焉 近 月 年 未嘗不 各 本 大 於古 相 以 朱子 几 君 臣 绝 親 庶 品 斬 喪

之禮 則 自 以 氏曰 亦 日 子 也,餘以此 爲 卿 弓》曰:「公之喪,諸達官之長杖。」是其所 義》以爲位尊恩重、位卑恩輕之等。 夫居廬,士居堊室。」〔原注〕此言國君之喪。 也,世子不爲天子服。」注曰:「不服,與畿外之民同。」〔楊 有日月。《服問 曰:「王者崩 王者崩 厚俗之一端也。 未 天 别 :「大夫次於公館 ,則總衰裳,牡 其 大 〕此亦如 復 嘗 子 親 大夫爲 或 有異於古。 之外, 疏、明 見 京 君,但 推之。 師之民喪三月 於今日 九族 ,臣下服之有先後何? 其 ₩ ⊟ : 、國君,家臣爲其主,若庶 貴 一齊衰 别 服制、諸侯爲天子之子,則大夫乃其孫 而諸侯之大夫以時接見乎天 「君爲天子三年,夫人如外宗之爲 無 賤者,則 麻 「原 所  $\equiv$ 而 苟 經,既葬 以 何? 月。 謂 人 注 稱 終喪,士 ] 朱子 知 或 情 古 民 尊 君 耐 賤 原 恩有深淺遠 有 除之。 Ė. 君 故 注》(白 制 而 不 練 『百官如喪考 親 服,使三代 等 同 月 而 上之義, 《雜記 虎 威 矣。 歸 而 近 通 已。」又 之辨 人之 故制 正 H 今 檀 大 君

> 地者。 奏事者,各以其長。 月,天下服。 世不封建諸侯,天下 畿外無服。 衰三月,禮 天子爲君,各爲其君服斬衰。 也。 妣」、❶此其 禮》: 『爲君爲父但 爲 大夫之邑以 天子服三年 無 『公之喪,諸 本分。 地雖有遠近、聞喪 二斬 故 四四 服 大夫爲君,大夫以諸 之 其長杖,其下者不杖可 也 統,百姓當爲天子何服?」曰: 斬衰。」君謂天子、諸侯及大夫之有 喪 海 達官之長杖。」達官 遏 民 則 則 密 是畿 諸侯之大夫却爲天子 畿内者爲天子齊 八音」,以禮論之,則 有先後,然亦不過三月。」 内諸 侯爲 侯之國 知。 謂 君、諸 通於 衰三 則 問: 不 服 君 爲 侯  $\equiv$ 後 月, 得 以 過

# 喪禮主人不得升堂

伏哭於柩 人下堂,北 濟 陽 東,賓 張 面 爾 拜 岐言: 入門 賓。 「今人受弔之位 相 北 習 面 以 而 爲 弔 定 位 拜 鮮 畢,主 主, 主 有

●「官」、影印文淵閣《四庫全書》本《朱子全書》卷三三作「姓」。

避 何 知 所 而 其 賓 乎 非 ? 又 者 至,又 女賓 不 知 至, 將 方 何 主 伏 所 人 哭 伏 避 柩 而 之 東 待乎? 否 時 乎? 婦 女 既 主 當 失 在

女内

外之位,又

妨主賓拜謝之節。

考之

後,西 階 於堂上矣。及其 主 人室中 即 喪禮》,主人入坐 位於西階 面 之哭 婦 人俠牀 位 東, 既 也 南 斂 於牀 東 面 而 其 拜之,固 面 殯 拜 東,衆主人在 也,居 賓 此 則 未斂 已不 升 門外, 降 以 待 自 前 其 倚 賓 西

南 廬 南 堂下直 唯 朝夕哭,乃入 上。 東序, 賓 繼 之, 西 面 門 北 而 北 上。 奠。 上。 門 其人門 外 東, 兄 北 弟 也, 面 在 主 西 其

上。 也 位 主 人 於 門 今主 堂 固 , 南 不 西 人 復 北 上 柩 在 者 面 . 堂 東 東 唯 上矣。 拜 上。 婦 伏 人,故 之位,正 四 所以然者, 方, 主 東面 人不 古 · 北 其 主 得 時 升 即 之 堂

> 賓 面 以 主之儀 是 牀 其 東 位 爲 無 也 位 適而 既 主 斂 人 不當矣。」 而 正 殯 位 於 則 此 堂 則 下 直 内 東 外 序 辨 西

爲之。 聲相 妾直 壺以 也。 名曰 京師之俗,有 注 生,使之更哭不绝 代哭。」 Z 號 家禮》本用 亂 靈 三日之後, 哭無時。 南 喪 代 助 史》: 魂 更也。 喪者用僕 哭,當 蓋誤 而 《儀禮 孔 讀 有 聲而 孝子始有親喪,悲哀憔悴, 秀之遺令曰: ●「世 繇喪主不 《文公家禮》「代哭」之文 隸代哭,濟 · 士喪 靈,吾當笑之。」「張 已,人君 周禮 禮》云「乃代哭,不 以官 南城 能 挈 中 淳 ·壺氏 尊 卑,士 人 至, 閒 有 凡 欲 防 而 賤 俗 K 用 其以 以 致 以 以 之者 以  $\Box$ 官 親 此 多 僕 外 聞 疏

## 居 喪不

「父母 之喪 不 事 人。」情有 所

0 孔」,據《南史·王秀之傳》,

位

也

若

依

周

公、孔子之故,未斂

以

前,

則

鄭

傷

難 事 之 有 喪 不 叮 而 原 耳。 繁,有 喪 羣 行 喪,魯人有 而 不 注 孔 猶 弔 立 及 是 哭,不 氏曰: 미 , 不 乎 喪之人不 亦 以 他 必 旅 一若有 不 也 喪,周 待既 亦 行 弔 0 虚 服 ·, 而 孔 能 者 乎?」穀梁子曰:「 葬卒哭之後,或 君 人弔,魯人不弔。」天 子 則 不 況 子 日 出 往哭。」或 朋 禮 : 友 以  $\equiv$ 獨 故 飾 廢 年之喪, 人 疑 情 此 之 末 禮 庶乎 # 喪 有 周 年之 乎 政 練 其 ? 子 所 重

禮

### 像 設

神,於 子》亦 《左傳》言「嘗於太公之廟,麻 古之於 祭 曰「弟爲尸」,而 宋玉《招 也 有 喪 尸 也 魂》始有 以 有 象 重 春 神 「像設君室」之文。 秋 於 而 以 祔 後,不 無 嬰爲尸」、《孟 也 所 有 謂 主 聞 像 以 有 也 P 依

> 七十二 漢 尸 文翁 禮 廢 弟子侍於 成 都 而 石室設 像 事 兩 旁 孔 興, 子 蓋 坐 像, 在 其 戰 4 或 斂 之 蹠 向 時 後 矣。 屈 膝 「原 當 注 前

臨 朱 祭設 子 白 席不 鹿 洞 立 書 像 院 只作 禮 殿 依 開 元

像設 圖 稱 部 宇 外 請 奏: 中 志 》言: 尚 者 革 某 塑 立 重 像在 以以 去。 府、 ~,必 像 廚 修 南 正 書 庫 <u>\f}</u> 統 嶽 洪武三年, 有 某州、某縣 胡 水浸之,泥 則 兩廊者 未幾,又令城 衡 萌 濙 繚 禮 依 年, Ш 見,難 以 以 制 祭 神 爲: 周 巡 合 1,泥在 祀 朝 垣 經 詔 按 在 城 以 Ш 歲 湖 隍 天下 準 或 īE. 附 神 兩 JII 隍 久 之神 廣監 中 行。」今按《鳳 初 以 神有 祇 制 廊 颓 壁 城 更定神號,不 齋室 壁上。 不瀆 度 壞, 上, 隍 察 泥 前 内 塑像 止 御 卻 塑 時 而 築 立 千 史陳 事 書 像 去 爵 神 剥落 壇 陽 下 載 雲 其 號 在 壝 之 縣 除 禮 廟 祚 Ш IF.

甚 於殿 年 陋 習,爲 矣,愚俗之難 ,詔革先 内 添 之 砌 師 變。 孔子 牆 曉 也 , 置 封 後 爵 人 像 多未 塑 於 像 中 7,有司 之知 以 0 塞 依 嘉靖 違, 明 多 九

冠 E 生 主,則 唐 天下 乃 子 面 人法,後 有 有 三之同 安新 以先 瘠,老少善惡 石刻, 吴道子畫 畫本,傳 時盛德之容? 革。」●是則太祖 而 歧 爾 下,像不 宋文恪 賢之名, 廟成,繪 矣。 縦 世莫覺其非 南宋太學之遺 是子 人觀之, 先聖 汪 嘗 六十 讀 貢 使 氏 「原 惟 V. 元姚 土 像、 所 甚 旦]今曲 過 而 其 注」訥。 而爲 非 畫 繪 擇 而 Τ. 牧 也。 人 行 , 晉 神 貴 識 之巧 , 祀 已先定此 之。 庵 像 與二十 脯 者 臣 顧 阜孔林 〔梁氏 明 汴 及七十二弟子 圖 抵 拙 凱 以 郡 國 梁學 之、 其 掌 之重摹,其 是 異 神 四 子 語 隨 縣 無 猶有大塑 儒 記 主,數 聲 殊、不 日 制 監 \* Z 就 于 蓋 無 9 廟 肖 廡 使 碑 『是某也,是 臭之道 之中, 像 信 盡 今人之貌 » 言 獨 百 泥像 像。 畫 其 杭 善, 然耶 Τ. 未 年 狀, 又孔 或 病 亦 州 也 非 陃 通 短 其 贵 像 府 祀 習 夫 行 若 某 爲 曩 聖 或 學 IIII 其 13 H

門

П

聖

韓

是

圖

明

俎

像」,則 李仲 畫像,其 之,見于《國 是,安必他邦之不爲是? 也。」未 考者。 學,畫 像 畫 堂 者韙之。 勑 ,見于《家 豆夫今之人也,其 璇。 像、 Л 修 語 固 門 見 孔子及七十二弟子 孔 來已久。 塑 然興 不 墉所畫 至塑像 其 像、 廟 後漢書• 而 Ĥ 語 語 起 後 和 或 仲 金像、木 敬 碑 朝 堯、 璇  $\equiv$ 于 則 漢孝景時,太守 ± 越 始 邵 Ŋ. 年. 舜、桀、 不 偶 可 他 蔡邕  $\pm$ E. 矣。 仲 于 哉 人與 知 H 像,漢以 命 蘅 桓 璇 其 傳 又 明 T. 像。」此日 帝 . | (左暄 顧 《修 桃 紂, 所 有 張 以 先 歲 永 梗 始 璁令天下 FL 良 周 復 再 來 「靈 壽 前皆有之。 相 子 文翁作 金 祀, 不恭 孔 公 或 見于 曰 語 帝 廟 年 寫 抱成 子 疑 之説 一后 第 光 像議 碑 范 ·史書 肇 于 -學宫 借 IIII 和 稷 自 蠡 石  $\pm$ 第 碑 見 位 元 之 廟 》**,**恐 及金 室, 時。 若孔聖之有 魏 以 Z 中 于 于《國 年 盡 所 狀 兗 朝 刻 有 先 非 撤 鑄 修 州 石 置 而 諸 是 賢, 塑 石 金 之文 侯之 建 改 刺 鴻 策 朝 邦 像 像 人 以 容 4 都 書 禮 如

0 0 論

據《校 據《校記》, 記》, 鈔 鈔 本作「聖」。 本 作

者,考論匡 淳 士: 於度宗 王之道存,理宗之功大矣。〔原注〕《宋史・ 祐 無異習。 「身當季運,弗獲大效。 元 周、程、張、朱 咸淳三年。 年。 |直輔翼之功,實自帝始。| 歷元至明,先王之統亡,❷而先 顔、曾、思、孟 五子 自此之後,國無異 後世有以 之從祀,定於理宗 四子之配享,定 理學 復 古帝 王之治 論,

紀此 中,黄氏所 **哲**〔汝成案〕度宗咸淳三年,官祭酒是 云祭 酒,當指 宜 中。 第攷《宜中 ·傳》,不 陳 宜

子。 有若 曾子曰: 『不可 似聖人,欲以 孟子》言:「他日子夏、子張、子游 所事 ,江漢以濯之,秋陽以 孔子事之。 彊 以 曾

知

録

集釋卷十四

按理宗 震。 若 欲以 欲 人。」似 宗咸淳三年正月戊申,封顓 若不當升而 + 時無及有若可知。 也 暴之,皜皜乎不可尚已。』三慈谿 知《論語》一書,孔子未嘗深許子張。 有若之所可繼 事 ? 雖不足以 哲,衆議必有若也。 曰:「門人以有若言行氣象類孔子,而 有若者也。 事孔子之禮事之。 作《顓 亦不足之辭。 曾子以 孫子贊》,其 比孔 升 孔子自 子張。 而 陸象 據《孟子》此章,則子 止之, ,子,而 咸淳三年升從祀,以 末語 生民 孫 「原 Ш 師 而 祭酒 孔門之所推尚, 天資高 云"「色取 有若之所學何 陳國公,升十哲位。一不 注》《宋史・ 非貶有若也。 以 來未之有, 爲 書, 明,指 行違, 黄氏原 禮志 力 「原注 作 張 心頓 詆 戒 「度 Œ 補 有 非 如 有

0 從祀」,據《校記》,鈔本作「配享」。

至於我朝中国之统亡」。 歷元至明先王之统亡」據 校記》,鈔 本作 「歷胡元

子,議 從遊 子 高 讓 賤、 者。 並 説 德,或以 子」,謬甚。〔沈氏曰〕張 孔子」,而曰「有若似聖人」。 喪,悼公弔焉。 於千載之下 悟 稱, 弟如 論語》首篇 具 于宰我、 哲之祀,允宜 不 南宫子子容、 稱曰「子」,門人實欲以二子接孔 爲支離 陳 題崇祀先賢先儒詳文,謂 論問 傳、記言孔子之卒,哀公誄之,有若之 亦 樂正 蔡 欲人 君 如 冉 而 荅獨詳,亦有 孔 子 子、公都子、 尚 追 門之有 有,當躋之十哲之列」。 從 德, 思之,不必限定十人之數 即 奈何 原 · 邪 事學問,故當斥有 或 録 子子思,或 其 顔、曾、閔 釐 懷 習其 有子之言者三, 獨行 屋廬子、陳子、七篇内 爲魯人所重,又可知矣。 功于 能鱗玉甲視學江 IE. 當 《史記》乃 説 時 君 後學,皆 「先賢 子諸 以孝弟著論, [原注]孟 子之德,皆 之 者不察,而 人也。 論 如 蓋十哲 當 有子子有、 云「有 当不日 如 補 也。 南,謂 孔門 至萬子、公孫 子孝 此 祀 或以 而 之名,第 若 若孟 書 諸 子之傳 與 剙 有 高 總 、宓子子 狀 君 W 法 弟 曾 弟,不 督 愚 攻 悉以 夫子 似 若似 廡 子 之 之 子 按 成 巡 者 孔

> 載鄭 若謂 子優劣何 公西赤志于禮樂,有爲邦之才,不遠優于宰我, 論亦公平 求、我言行不必 先 也。 ,舉胡安定爲教授,教化大行,當與 端 無傳注之功,可 簡 范 如? 文 也 之言曰: Œ 公手授 宜. 遠徵諸 進 「有若之言,四見于《論 祀 援 史傳、論語 二子 中 江都、昌 庸 于殿上, 于 黎之例 張  $\tilde{\mathbb{H}}$ 横 改求、我于廡中。」此 歐 渠 多有之矣,其 也。 陽 語 開 子 》,大類 鍋 香 並 冉 閩 祖 祀 7求乎? 風 (聖人。 筆 兩 視 氣 記 廡 之

# 嘉靖更定從祀

何休、 《舊唐書》:「太宗貞觀二十一年二 衆、杜子春、 勝、高堂生、戴聖、毛萇、孔安 韶:以左丘明、卜子夏、公羊高、穀梁 也,桑之祭先蠶 古人每 王肅、王 馬 事 弼、 必 融 也,學之祭先 祭其始之人,耕 杜 盧 植 預、范甯等二十二人. 鄭 玄、 國、 師 服 虔、 之祭 也 劉 月 赤、伏 賈 向、 <u>I</u>: 也 逵、 鄭 申

徽宗政 都 長 注》《宋史・禮志》: 祀 有 進 功。 並 代 酒 子,則爲二十二人。 又按《唐六典・ 安石子雱臨 卜子夏已在其 人敬學尊師之意者矣。 原注》《太宗紀》無賈逵,止二十一人,今依《禮儀 伯 愈言,以 司業」條云「七十二弟子及先儒二十二賢」,則 1.之者爲王安石 合於聖人,而 · 一荀況、揚雄、韓愈三人。 此三人之書, **\$** 用 韓 迄乎宋之仁、英,未有改易, 配 其 而 和 沈氏 愈 享宣 書,垂於 昌 孟子同顏子 不 车 州 日 黎伯 及 伯, 中, · 封 祠部 一明 董 尼 仲 從祀諸  $\pm$ 而 太祖 廟 並從祀於左 「神宗熙寧七年,從晉州州 安 開元八年勑七十二子並許從祀, 舒。 先儒 國胄。 名有賈 配 無 配享殿上,封 石 堂。」 洪 至元文宗 賢之末。」此封三人,爲 舒 享、王雱從 止二十一人。《六典》「國子 傳注之功,不當祀 武二十九年,上 王,同 達,然貞觀 蓋所以 神宗元豐七年 自今有事於太學, 丘 顔 明等二十二賢之間 至 荀 子、 順 況 報 時 祀 孟 元 蘭陵 納 未祀七十二弟 年, 子 可 其 地 行人司 配 伯 方 學教授 謂 傳 也。 享殿 亦誤 , 揚 進 增 志 得 注 ', 始 副 仲 入從 也。 雄 增 上 古 雖 之 舒 成 原 楊 陸 則

> 聖。 典,不 勑下江 爾。 章 字。 (沈氏 侍讀學士劉定之,請 記集説》,是所謂「代用其書, 以 吕 日 砥 萊之《讀 尚 言 句 祖 今論之,唯程子之《易傳》,朱子之《 ?書集傳》、胡氏之《春秋傳》、陳氏之《禮 張載、程顥、程頤 淳 黜 日 派 元 史・ 朝 知 謙。 集注》、《易本義》、《詩傳》及蔡氏 原 西,考其 西 何 揚雄,進董 祐 康 注 故。 熙 詩記 銘 二成 元 度宗咸淳三年,進 Ŧi. 年,進  $\approx$ 化三年 行 + 理宗 祭祀志 ^ 事 二年,特進 抑 一种 正 以 以 舒。 元儒 Ħ. 又 蒙 聞。 周 寶慶三年,進朱 \*: 月乙卯,①太常寺少卿兼翰 次之, **>** 據 頤、原注 至正 陳澔 亦 南 楊 朱子于十哲之列, 景定二年, 羽 疏,谓 軒之《論 以胡 十九 而《 翼 安國、蔡沈例從祀 邵 〕避光 仲舒: 年,胡 六 太 垂 雍、 於國 經 極 語 廟 先時 熹。 瑜 之作 圖 進 司 諱 牒請 解 **∀**, 胄 者 馬 張 去 配 **穴沈** 未 四 林 享 與 宋 也 光 栻 惇 通 之 東 書 祀 楊 先 氏

「五月」,據《明憲宗實録》卷四三,應作「六月」。

0

付授,講 保守 注〕去 逞 靖 時 惟 改 乎 仲 也。 亦 老於漢 我 盗 統 俑 鄭 存 猶 尼 私 九 之 李 馬 杜 姬 文、 九 衆、 素 雖 也 「戴聖、 俱 侗 妄 年 預 融 短 夫 ]。|[楊 人。 Ŧ 姓之宗祀譜牒, 有大過,亦 盧 武、 説 佛 追 賂 爲 也 議 胡 以 喪 注 雖 植 贈 成 於 權 梁 欲 成 劉 安 釋,各竭其 魏晉 太 其 、鄭玄、 要 冀 氏 化 向 七十子助其 輒 或 中 以 師 冉 康 事 草  $\Box$ 如 初 馬 之時 當宥之, 次之子 不 爲 制 封 蔡 有 奏 何 之 戴 服 劉 融 無 沈 或 之聚 害 禮 可 出 聖 以 虔、范甯 定之議,以 孫 瑕 п Ŧ, 賈 公。」未之從祀 李 而 因 之功 真 閲歷 治 人,殊乖 議 逵、 古 創業者也,二十二經 況小失乎。」又 此二十二人 其 德 雖 以 九 斂 而 傳 Ŧ. 然當 衰 何 秀 待後之學者, 春 江. 祀於其鄉,二十二人之中 注之功,遂 蓋 廢 替 Ŧi. 多不 休、 肅三 秋 爲 亦 111 先 微 其 傳 戰  $\pm$ 古 衰道 弱 生 不 反, 法,子 「左丘 者守 肅、 豐 也 經 國,不亡 名 人之旨。 當 無  $\exists$ 微, 昵 Ξ Ŧ. 爵 之 列聖人之左 所 則 甘. 至 列 一弼、杜 及 之失, 弼 明 從 祀 火 振 其 遺 愚 有 祀。 爲 省 而 以 於 師 於 爲 作 清 客 幸 F 助 竊 明 秦, 預,又 + 則 功 轉 存 尚 經 言 爲 其 以 (原 嘉 而 + 哲 堊 黄 師 殆 相 爲 能 垂:

宋資 乎 賢,七 題 Z  $\vdash$ 也 Ŧi. 性 賢之例,以 師 載 後 衛 而 禮 春秋》。」又請 奏先 굸 讀 躋 等事,皆 疏 道 俎 經 談 ? 萬 矣。 政 並 于 57. 也 中 之義 十子 曆四十六年八 有 天之學,於 儒 殿大學士范仲 請 退 先 棄 庸》二件 又  $\pm$ 范 曹 進 進 聖 大有 漢 而 無 補 仲 端 胡  $\pm$ 先 者作,其 日 委之榛 數 黜 得 淹 于朝: 從 儒 通 安 師 國 白 功 奪 而 從 祀 國 之 于 保 年 胡 議 祀 莫不 且. 朝 側 萬 祀 聖 月 瑗 焉 殘 蔡 孔 淹, 是 謂: 康 俾 曆 典之闕。 道 丁 廟 必 蕪 沈 師 經 熙 卯 守 進 其 我 四 語 所 者 遵 法 衆賢 Ŧi. 朝 仲 餘 亦 † = 注 在 會 也 缺 録 Ш 自 後 + 舒 則 舉 霍 貞 州 變通于《大易》,著褒貶 西 之 書 之 人 四 所 從 近延 年 歷 當 州 明 縣 觀之制 提學 尊 也。 年, 論 代 學 書 功 之。 V. īE. 援 人 胡 E 學校, 所 横 月 ıE. 春 以 瑗 江. 日 道 副 進 之 曹 損 渠 已 而 胡 南 秋 求 人太學 使 楊 也 增 端 有 議 益 學 衆 明 以 乎 煅 吕 時 氏 御 從 也 也 月 院 進 復 祀 純 心 H 從 末 祀。 史 闢 一從 先聖、 余 益 所 如 后 涑 董 進 是 新 祀 流 沈 百 IE. 蒼 其 勉 請 祀 水 定 真 經 以 健 始 而 論 Œ 先 言 以 Ŧ 張 策 傳 之 諸 德 爲 面 進

秀、大學衍

義

書

可

佐

人

È.

治

天下

也

夫

尊

 $\pm$ 

道

傳

公伯 功于

寮等 後

+

二人

則

以

疑

可

法

且 如

IF. 黜

氣 修

詞

見

諸

論

説

者

皆

足

扶

綱 主

常、淑

人

心 純

有 īE.

世

進

而 直 ൬

祀

之,不

爲

過

也

張氏

H

嘉

靖

九

年

罷

聞

藍 朝 ÷

田

吕

氏

之

懿

範 萬

不

祀

൬

此

祀

焉

尤

所

安 未 直 臣 是

言

不

當

後 傅

鄒

浩 古

劉

世 心

而

先

九及;

師

其

教

化

于

鄉,

也

莫 有 于

進

楊

里 也

萬 彼

里

之學,本

誠

意

既 非 逢迎

歡,

而

以

義

其 安

不

可

問

也

如

修 議

者

師

其

書

少 事 著 害 通

時 不 稱 于

爲 在

他

H

直

諫

之節,足以

爲

法

矣

舉 原

棄之,

其

師

法

之地

也。

其

中

劉

向

猶

有

可

鴻 其

寶》之

不

許

改

過 所 當

也

若

歐陽

修之從祀,

相

傳

以

濮

得 而

之,

人

端

而

此

事

不

П

訓

也,

是

以

黜

之,

非

有

憾于

人

以

有 短 È 爲

天下後

世者

也。

天下

後

世

所 書

大 宇

戒 人

雖

其

或

以

他

惡

朏

揚

仕

E

莽

也

黜

 $\mp$ 

弼

莊

也 方

> 朏 卿

杜

預

也 短 也

黜

旲

澄 朏

事 忠

元爲失節

也。

夫言

性惡

崇

異 節

喪

也

馬

融

附

勢

家

也

朏

劉 崇

向 老 也

進

1:

書

于

X

喪

附

權

姧

以 以

殺 其

直

進

方

1:

È

而

失 人

名

皆

非 天 松~

有

私

于

其

人 雄

蓋

其

道

無

H

不

在

人

心

黜

荀 進

性

下

世

者

也

下 書

後 佐

111 人

欲

得

而

師

之

也

而

祀

之

義

師

法

後

Ĵ,

爲 天

È 所

黜

邪

説

以

衛

道

皆

有

Ŧ.

人之書 之祀, 義 矣。 知 論 識 耐 在 諸 鄉 罷 他 附 存 目 分之不 矣 有 理 擊明 宋以 儒實 之, 局 顔 後 更 如 執箸 專 然 如 非 関 矣。 專 從 山 荀 Œ 重 在 是 以 林 如  $\pm$ 可。 來 儒 後之儒 有 況 諸 雖 述有 重: 箸述,以爲 否 宋 雄 當 放 肅 **深漢學諸** 代 心學縱 使亭林 訓 明 答 賢 有 則 以 等 之畫 例 劉 仍 用 況秦 徐 詁 述, 曾 合 無以 寧 前 可 之大 議 向 其 溥 名物之益 也。 箸 于 取 經 篡 復 書, 火以 在 奉 有言: 人 恣之失,及 賈 義 聖 泥 何 其 程、 傷 逆 也 祖 當從貞 今 康 理 人 **(方東** 逵、 垂 書 胡 行 名 策 後 H 此 朱 成 未 安定、 于 揚 教 何 偏 見 गंगं 著, 诸儒 而 不 講 吴 縦 漢 或 雄 叔 休 宕 觀之制 樹 之 得 辨, 澄 世 無 之事 語 胄, 儒 即 人 重 之論 有 薛文清之從  $\Box$ 競 傳 從 以 之忘宋 實  $\pm$ 不 義 未 必 爲 録 己孔 遺 祀 祀 以 箸述 注 弼 有 得 莽 悔 極 空 行 理 知 之所 虚 之 遂 謂 保 非 庭 其 至 疏 復 昭 訓 杜. 戴 偏 車 功,不當 當 仕 乃 殘 荀 從 之病 有 列 言 著 詁 預 聖 與 以 守 蔽 勦 況 重 從 元 之失 功 祀 之 兩 祀 之 議 罪 説 則 報 寬 缺 並 斯 廡 非 俱 揚 É 腻 剙 從 之功 也。 爲 非 楊 必 其 程 假 以 道 學、 從 雄 吏, 唐 無 祀 有 爲 狂. 巡 功 亦 學 也 不 朱 祀 容 以 當 之 功 韓 救 和 行 唐 經 術 馬 П 魏 宜 Ψ. 來 恉 聖 汝 痛 則 愈 敝 顧 等 合 貞 與 祀 有 融 也 反 成 之 又 斥 道 不 Æ 無 茂 觀 苔 人 善 代 于 疵

三人。 史記 夫寮之當黜 誤 書 而 罷 愚 不 謂 待 過 言 而 矣。 廢 之,不 秦 冉 如 顔 過 何 而

五七四

忠端 不 案 矜 有 朝 其 而 久爲 訓 主。 陸 腻 宜 忠 清 詁 罪 黜 誠 劉 陽 獻 升 退 端亮,言合儒 胡 忠介、 如 惲 文 復。 氏 信 子 先生及方氏 忠 人,近 浅 浅之, 居 矣。 以 日 嘉 曾 議 省 靖 復進 戴 欲 博 濮 吾 所 先。 黜 考 聖 袁 黜 譏 尊 其 孫 爲 辨 骩 云 胡 從 儒 夏 之。 世 亦 法 獎 氏 祀 峯、 些 間 雖 義 以 毁 林放、 過 有 湯 傳 爲 復 也。 既 然 其 文 禮 者。 異 實 ĪĒ. 秦 經 失可 徒 劉 舟、 非 奚 唐 從 子 語 傅 原, 陸 祀 顔 逭 性 政 會 直. 宣 名 何 天, 其 雖 經 公 儒 進 過 諫 義 亦 賢, 可 方 明 先 迎 非 法 術 第 專 黄 我 合 ıŁ.

道 荀 出 揚、 也 也 於 在上之私 嘉 出 靖之 韓三子 於 在 從 下 意 祀 而 之私 也 進 安 歐 石 意 進 陽 封 陸 也 修 舒 九 者  $\pm$ 淵 與 爲 配 者 宋 享, 爲 大 人 禮 之 同  $\pm$ 也 進 守

雖 學 統 學 無 行 傳 成 未 化 所 文 純 四 賴 幸 年 亦 有 以 ·, 彭 不 不 專 得 時 門 隊 而 奏謂: 之 廢 師 此 馬 講 「漢、晉· 融 誦 范 聖 之時 甯 經 諸 道

主

一,考妣

居

左

昭

位

· 合

同

祖

之衆,

繼

祖

之宗

## 祭禮

宗 法。 意 厚者 祭 高 合 欲 寓 主 祖 繼 之宗 主 欲 族 禮 曾之宗 以 統 立宗 祖考則 之。 衆 方 下 歲 倣 雖 陸 之意 始 繁 得 詳 族衆 主 道 古 分 仲 整 威 行之,不 則 之。 昭 族 主 分 重 著《思 謂 有 春 祭 穆 之。 食 昭 無 難 法, 則 始 仲 居 世 穆 如 舉 「古人 祭 祖 仲 左 降 夏 辨 居 祭 能 顧 右,合 几 無 法。 則 録》,欲 秋 左 通 惟 凡 代, 差 右,合 等 宗 諸 則 祭三代, Ŧi. 最重宗子, 《文公家 等隆殺 之意, 貧 子 祭 以 服 口 於祭禮 ±; 而 之 同 高 高 有 代 外 曾 袓 祖 以 定爲宗 之 义 官 禮 之衆, 皆 爲 祖 曾 以 之 然 别 爵 與, 之衆 主 祖 宗 祖 中 歲 及 所 爲 爲 祭 愚 富 曾 大 載 繼 几 而

埋

爲 其 轉 其 設 祖 棋 庶 謂

以 始

宗

之祭。 以下, 先祖 主合食 子。 也。 大夫者。 人當爲大宗, 主 謂 之。 至于人人盡 人 而 法 别,似 弟 、考、高 子 瓊 意深遠 不 廟 行 宜 則 繼 則 然始 祭之。 重 之禮。 而 Ш 盡 制 于 皆在 仲冬則 報 邱 亦 當 俗 既 獻 於古 後 禰 祖 祭 失, 氏 主 本 曾, 矣。 遷毁之列 大 可 祭其 物 是何 此 謂 之宗 也 雖 惟 追 而 而 宗 舉 遠 不 則 使 禮 以 我 妄尸宗子之任, 法不 始 分始祖 埋 盡 家 也? 藏 祭一 始 人得 故 隆 誠 助 祖 初 瘞 當 禮 主 主 祖 日 之祭。 之制, 亦 行, 殺 祭, ₩ ₩ 無 祭。 于 各祭 之。 親 古者始死 本以復古 始 廟 代, 不 盡。 有 墓 族 所 祖 而 制 禁, 書 衆離 而 其 等, 自 古 復,宗法行 者,支子不 倍 特 雖 不 皆 藏其 不 其 高、 以 古然矣,不 有 去 祭 在 人 析 惟 主 祭其 立. 宗 考 冬至 曾、 始 而 主于墓所,大宗 祠 自 重 宜 陸 譜 愛 祖 爲 從 適 子 堂 祖 始 百 爲 中 祭,祭 祭 牒 以 禮, 敬 Ė, 主 世 然 再 遷之祖 1: 派 一虞卒 散亡, 考, 得 始 亂 又 後 不 庶  $\Box$ 從 各 祭 俗 家 歸 祖 合 日 改 可 必 乃 人 哭 咎 自 廟 盡 朱子 與 舉 ì. 不 告 爲 必 遠 魏、 īfii 司 爲 制 其 徹 始 歲 自 始 春 知 便 無 于 尊 復 近 其 父 而 第 所 率 晉 重 此 爲 祖 祭 何 干 桃

民

器

祫

嘗

犆

廟

宗 有 袓

餘

昆

以 必

祭,禮 然其 之 高 徙 酌而 則不 禘, 祖 四 分異之後,爲 高 人」句,不言推 推太王、王季之意以及無窮、 世 <u>±</u> 行 ,而冬至祭之,不已 》謂 歲 面 親 祖 制 以 祧 曾 遠 之至 庶 之「大饗王事」, 率 尚 不 祖 主 出之,而 則 烝. F 至隔 人必 犆 子 不 及 或 祖 È, 及 者 祖 烝則 一大者。 得 桃。 孫 乎? 四 以 少 親 府 無 而 給,當治, 爲 矣 親 盡 支子 不圖 隔 嫡 祧 不 高 惟 年 祭之。」 之主者,必大宗之子 士 又何 若 省 天子 長 主合食之禮。 礿。 及 大袷 庶人祖考之意以 或 設 者 今日之又有别解 其 子 小 汰 其 虚 以 越 凡 宗 有 孫 烝袷 犆 祖 始 乃 此 乎. 禮之重 位 Ŧi. 市 之家 高 在 尸 四 礿 立 合羣 1 則 以 年。 其 主。 時 百 奉 曾 袷 埋 祭, 而 之袷, 禰 里 祭 高 廟 中 而于「達 如 主 以 褅 又 祀, 若 宗 數 公羊 而 主 祖 庸 此。 礿 而 上 毁 族 袷 子 + 以 及無 親 不 亦 止 不 也。 孫 所 則 既 廟 兄 爲 》謂 嘗 行 里之外 盡 Ŀ 祧 猶 乎諸 今士庶 不 藏 享 可 弟 立主 而 奉 窮, 之主。 之「大 羣 其 宗 禘 祧 則 也 我 祀之禮 祫 四 百 並 既 法之意 侯 遷 在 廟之主 烝。 室。 故 親, 祭于 堂 禘 支子 則 甚 乃 將 朱子 # 日 大夫及 事 共 則 又 其 人之得 終 耐 雖 每 諸 況 È. 居 太 不 得 奉 得 不 播 蓋 朱 年 于 平. 祭 侯 而 廟 H 禰 奉 祭 遷 使 止 始 幾 士 子 禮 太 礿 袷 埋

殺」、『・ 禮 具. 服 教 服 之 俱 便 與 殺」,是古人於禮,凡 故 大小,而 歸 不 否 原 得 于家 四 Ŧ V 得 始 也 不 制 ſi 注 推 È 民 各 當 閱 袓 ]。] [ 鳳 7,父母 服 可 〕此今律文。 有 《家禮 耐 盡 吾 羣 占 皆 則 凡 1: 行 宜 其 始 世 再 祧 [祭始 皆 殺 人 祖 傳 于 誠 奉 禮 而 有 氏 乎 》之所 皆 廟 之祀 俗 祀 具. 于 以 、 下 义 祭。 祖  $\Box$ ? 皆 也 非 有 亦 服 迷 有 是喪 未 然 大宗 何 服 祭四 大夫 程 以 而 其 三年 此 成 之尊 或 詳 而 如 子 統 不 殺 義 所 不 È 謂 雖 法 日 盡 爲 如 而 禮 謂 ', 而 問 起 諉。 廟 自 當祭之説不行。  $\Box$ 事 : 剙 而 是 己 宗之大小,而 宗 天子 其言原 不 人各 不至于 耳 太 高、曾、 則又必 皆 子 舉 仁孝之念,人 有 高 中 祖 當 者,不 祭其 至 有 等 廟 祖 庸 恐 ^ 隨 本 於 等殺, 越 人以 祭 殺 則 禮 禮 **>** 高 不 知 庶 時 ì 祖 太 禮 制 齊衰三月 其 人, 皆 曾 無 伊 祖 何 考, 犯 加 有 夫不問 果 祭四 人 確 分 JII 況 高 親 昭 補 獨 祖、 損 爲 有 云 不 平. 自 穆 祖 大 喪 於 於 親 親 考, 可 之 \_ 任 皆 宗 宗 易 禮 之 則 祭 上 答 風 爲 廟 有 我 使 之 仍  $\Box$ 與

於祖 士喪 王未 弟 宗以 子主 夫 廟 相 室,始 禮 以 推 數 祠 而 祖 大夫、士之法 儀 必 祖 例 者,五 廟 連 之 大 不 得 各 禮 視官 有 廟 禮 其 繼 廟 大 夫、士祭及高 復宗之, 此 祭庶子, 有門, 神 以 文 於漢明 大夫昭 而 乃 所 庶子而從兄弟、再 祖 人互 喪 示貴異,不 世 之小宗 待義 爵 廟 祭 該 注 廟 則 服 有堂 之卑 穆二 者。  $\Box$ 者 依 帝。 ıfıj 遷。 也。 故 而 起 祖 巡 也 + 同 己。 必 耶  $\Box$ 廟 庶 傳、《大 而 有 高 繼 庶子出之兄弟宗之, 其 祖 祖 繼之爲言 大宗姑弗 知 ? 在 其 小 子 曾 爲 寢 實 則 禰 緣 中 其 廟 經 宗。 文 準。 又 祖 共 其. 周 後 儿 陸 傳 門 悖 具. 非 日 Ŧi. 從兄弟、三 之小 廟。 家 制 之外 È 始 禮 中 几 無 小 世 口, 主 論 仕 大 設 度 變 п 違 水 È 據 宗 宗 小 宦 繁 夫 知。 盤 則 爲 矣。 制 此 祭 繼  $\Box$ 者 尚 īĒ. 記 雖 重 同 士: 於 庶 繼 禰 也。 祭 也 不 至 寢之東 世 子 一從兄 堂異 廟 愚 祖 廟 占 者 高 並 高 難 足 宰 俗 謂 制 廟 親 天子 是 者 祖 繼 爲 言 祖 以 學 于 門 相 室. 已 弟宗之也 爲 士: 主 盡 之小宗 祭 禰 小 大 遵 也 通 之制 具 一之見 則 宗,宗 外 廟 祭 必 不 繼禰之小宗 者, 小 于 行 衢 之 大宗 JЦ 祭 制 有 宗之法 古 世 庶子 古 隙 親, 經 然 尸 又 皆以 僅 何 百 四 脯 自 者 地 其 程、  $\Box$ 者 有 п 爲 其: 爲 廟 建 Z 堂 士: 從 故 知 也 主 朱 大 世 寢 V. 先 異 喪 兄  $\Box$ 主 適 此 徒 愚 111 妣 妣 當 曾 有 右 俟 孫 以 祖 于 不 盛 間 地 大

宮室,不以

僭

逾 閒

爲 有

恥

智

皆

奉 既

主 不

人

祠 人

其

子

不

分

貴

賤

居

然

執

鬯

主

俗

祠 74

堂

依

而

祀 孫

至數

+

世之遠,其

八旁親

不 祭

問

如之。

徐

健

庵

讀

禮

通

考 瓊

載

此

圖

式

中

一之左

爲

高

老

中

之右

爲

曾

祖

考

妣

高

之左

爲

祖

考

妣

曾

之右

爲 祖

考

龕

相

隔

俱

係

南

向 又

時

制

既

協

人

情

亦

安。

若

今

祖 所

居 未

中 安

祖

左

禰

右

邱

Ш

士:

大

大夫家 許 以 上 不 實 封

祭 人

四四 祭

代

者

亦 以

明

初 生

用 人

行

唐 東

0 爲

胡

秉 謂

中

言

庶 四

三代

1:

大 廣

大夫家 其

立

一廟者

少

皆設 右爲 房; 學行 者當 者 兄 伯 繒。 無 八 外 間 間 典 人 祧 宜 禮 古 門, 禮 弟之長 九 廟 叔 廡 東 室。 衡 》品 典. 中 堂南 几 品 夾 爲 奉 量古今,不失禮意。 祖 高 左. 以 以 藏 以 官家祭之禮,居室之東 立家廟 父、兄 室、爲房、階 世 È 會 室 祖 廟 廟 版 筬 遺 間 右 班 殤、 檐 所 于 則 典 以 按輩 奉高 分 衣 附 各 爲 間 共 祧 始 E. 弟 藏 物 一門,房 食 堂, 俱 中 設 中 推 室. 祖 惟 親 行 遺 曾 側 不 殤 子 居 者, 奉高 14 庶 左 歲 墨 盡 物 廣 合。 門 中 姓 藏 子 南 幾 書 右 則 祖 倣 祭 左 級 之成 祭 檐各 姓 變 祧 合 各 器 而 曾 四 古 余 男 右 禰 器 之長 東 而 其 祭焉。 有 高 謂 品 東女西 藏 JL 狹 陳 庭 祖 未 人 祠宇 西 間 稱 賢 至 曾 無 È. 111: 繚; 門 失 于 階 立 殤 廡 考。 七 宗 而 夾 隔 家 其 後 東 昭 各 閒 祖 階 宜 品 在 知 室。 以 中 者 西 級,堂 廟 東 左 正 有 作 岩 Ŧi. 昭 考 禮 垣 殤 牆 序 間 廟 耶 西 穆 貴 兩 級 及 東 穆之外之意 依 從 Ħ. 南 右 向 mj 層 下 序 北 伯 餘 及 昭 衆 有 餘 爲 間 밂 庭 特 殤, 「 汝 成 爲 中 穆 外 建 力 叔 内 妣 如 垣 如 至. 歲 起 東 菛 中 夾 父 序 七 皆 爲 爲 爲 者 以 及 以 西 及 之 品 室. 次 適 品 爲 廟 祠 爲 案》《 妻 又 品品 睯 É 74 廡 門 堂, 公公 Ę 祔 配 以 以 堂, 各 時 先 南 南 親 内 當 廟 īfij 殤 位 Ŀ. Ŀ 殁 會 駆 仲 南 庭 左 爲 爲 有 盡 爲 依 fi. 亦  $\equiv$ 

一之,其 · 中

位 四

以 龕

西

爲

E.

如 櫝 īE.

是

而

E

此

吾

先 外

#

嘗

行

N 儒

仍 准

在 情

Œ. 酌

寢

寢

者,

今之廳

堂

也

或

間 代

或 IIII

理

創

爲

祠

堂

得

祀

高

曾、

祖

考

四

其

爲

龕中 之東

置

櫝中

藏

主

龕

乖

簾

以

Ę.

能

行

大

興 内

住

宅

適

于

廳

堂

一之東

復

有 所

īE. 未

屋,

宜 亦 桌

第

層

自

南 思

屋 嘉

V.

爲

祠

生,

如

》之制

É

Ħ. 今

高

以

至

吾父,

共

爲

四

代。

古

人

或

爲

始

祖

始

遷

之祖

爲

始

祖

始

封

則

受大 之君

夫之命

口

祀

廢

但

既

遵 論

家 至

奉

始

祖

之祀,

後

世 世

酌

行 不

不

必

預

定。

于 禮

説

者

謂

鬼

神

尚 此 子 或

也

但

一今俗

以

1:

死 以

則 西 則 吾 以

又 爲 叮 祖 始 家禮

爲

上

于人

情

何 # 足 族 效 乎 惟 建 爲 柴 祠 氏 堂 日 # 制 近 駔 #

二,飯 之北爲 貢 時 致 以 親 人以 視七品, 侯、 舉。 上,每 讀 行焚黄告祭禮,性  $\overline{\nabla}$ 品、特、豕。 東 香 月 四。 、階上。 告 獻禮 74 男 祝 案一, 薦 監 伯、 女 獻 下 果 如 時 t 吉 生 案俎二、鉶二、敦二、籩六、豆 龕 酒 跪 子 品 朔 成 八品以 節 蔬 ,行禮皆 員 恩、拔、歲 鑪 致 望 聽宣 視 視 新 H 人 以 、 
楽具, 祭。 如 儀 以 Ĩ, 儀。 無 物 八品以 出 割牲,一 畢 時 版 品 È 下, 籩二、豆二。 後 祭儀 春 各室設案各 别 制 每 庶 餕 祝 者 愐 畢,奉主行 跪三叩, 饌 男 秋二舉。 74 案 副 民 ۲, 如 案設香案西,尊 薦 室,奉 按 視 以 不 品 以 貢 八 粢 豚肩, 貢、 輩 所 過 F 品 生視 至三品,羊 IE. 盛 贈 儿 按品 行 寢 禮 監 日 高 八品 器 之爵 書 北馬 生員 九品。 不 三跪 中 , 袝 位 盤 曾、 羹 朔 紙 爲差等。 特。 乃 皆 以 飯 餕。 龕 望 位 肉 有 九 祖 饌 俎 下,春 六。 一、豕 叩禮。 凡恭 爵 祔 殺 食 東 F. 頂 案視 奉 Įį. 疏 食 禰 戴 案  $\equiv$ 視 西 香 七品 高 朔 設 案各 獻 者 在 品 鉶 滌 果之屬 遇恩贈 皆 己 追 望 曾、 改題 籍 舉。 茶 以 祭器,三品 東 其 敦 以 事 以 贈 カ序, Ĩ, 及 行 進 祖 四 焚之。 家 數 妣 Ŀ 世 , 堂 告 禮 74 神 制 士: 世 祭 同 品 時 盥 四己 數 器 事 禰 一爵公、 籩 主 書 舉人 因 祭徧 于 至 南 盤 訖 至 四 行 歲 寢 ÷ 歲 事 羹 服 如 以 設 設

## 女 巫

浩、李順、李孝伯等,多是謀猷之士,少有 若?』曰:『天則不雨,而望之愚婦人,無乃 早,穆公召縣 拜,后肅拜。 祀用女巫。 碩學,所以郊祀上帝,六宫及女巫預焉 東下山東,足爲雄武之主。 疏乎?』此用女巫之證也。 女巫舞旱祭者,崇陰也 周 禮 女巫. 後魏郊天之禮,女巫 杜 子 岐 舞雩,但 而 公曰:「道武 問 曰: 『吾 《禮記 用之旱暵之時 其 漢因 時 欲 帝 升 用 檀弓》: 南 秦滅學, 暴 壇 事大臣 摇鼓、 平 巫 姑 通 侕 臧 儒 崔 祠 已 奚 歲 使

性,道光 令祀典寢頓,禮章殄滅,遂使女巫  $\Box$ 尼父稟達聖之姿,體生知之量 魏書 四海。 • 高祖紀 頃 紀》: 者 淮 徐未賓,廟 延興二年二月乙巳 妖 隔 覡,淫進 非 窮 所, 理 致 盡 詔

以違 制論 自今有祭孔 孔廟颓落,禮典陵遲,女巫 脯 聖道者也! 二月詔曰:「曩者邊埸多事,南方未賓,致令 非禮、殺牲歌舞、倡優媒狎、豈所以尊明神、敬 而已,不聽婦女合雜,以祈非望之福。 制論。」《大金國志》:世宗大定二十六年 開,制 自今以後,有祭孔子廟, 用酒脯而 雜覡,淫祀違禮。 른 犯者 制 以違 犯者 用 酒

土龍。」 又禱孔子廟。帝笑曰:『丘之禱久矣。』使毀時大旱,幹造土龍,自與巫覡對舞,彌月不應。

日知録集釋卷十四終

葬公陵,悼

武

 $\pm$ 

葬

永

陵,

孝

文

Ŧ.

葬

壽

陵。

五八〇

## H 知 録 集釋卷十五

崑 山 顾 炎 武 著 嘉定 後 学 黄汝 成 集

陵

曰

「殺有

二陵,其

南

陵,

夏

后

臯

一之墓

也

古王者之葬,

稱

墓

而

른

^

左

傳

書傳》

亦言:

桐

宫,湯

墓。

周

官

•

冢

墓 祭

者, 一曾子 門,皆以所向之邑名之。 古人 桐邑也。 之邑,即《續漢·郡 可以祭乎?』孔子曰:『祭哉。』『請問 廬墓之始。 《太甲》之書曰:「 問 《韓詩外傳》曰: 『宗子去 國 「雷氏日 志 シ所 在 北曰 「湯葬於徵。」今扶風 云桐 他 王徂 桐 桐門 國,庶子 亭。 與 桐宫, 湯 即 《左傳》 墓 因 無 虞 涉。 無 居憂。」此 城 徴 凡 爵 南 桐、亳 陌 宋 Ti. 而 是 里 城 其 巾 居 諸 有

0 秦本 紀」,據《史記》,此下引文出自《秦始皇本

侯

+

Ŧi.

年

起壽

陵。」《秦本紀》:●「惠文王

三君

之外

無聞焉。

史記

趙

世

家

肅

墓

亦

名虎

f.

· 蓋

必

其

大

Ш

而

高

大

者

故

丘

,趙武靈王墓

謂之靈丘

, 而

吴

王

蓋

間

之

秋以降,乃有稱「丘」者,楚昭王

墓謂

之

昭

人》:「掌公墓之地。」並言墓

不言陵。

及

春

至漢 之名實自漢始。」非也。 始 日 園邑之興,始自彊秦。』《通典》: 有 則 稱 自先秦古 陵者。 無 帝 不 〔原注〕《後漢書·東平憲王蒼傳》言: 書,帝王 稱 陵矣。 墓皆不 「襄陵,有晉襄公之陵。 宋施 宿《 稱 陵,而 會稽志 陵

每

之。」「原 已見 寢 便 殿 也 或 不可 時 此 上祭於畢」,馬融 叔 貞 以以 諸 衣冠象 一, 日 殿 於 古 祭。 如 孫 陵 信 《續 象 事 墓 秦 人 爲之。二《韋玄 之何?』孔 皆 几 日 通 人君前 漢 若宗 注 生之具 側 興 《記》言「古 祭墓之始。 有 之變也。「將 傳 書 上 祭 〕師 袁 西 於寢 **》**言: 食; 寢 有 古 祭 八以薦 原 戎 子 者, 朝  $\Box$ 祀 注 死, ,宗廟之禮 後 廟 承 志 「畢,文 新。二沈氏 子 見 從 成 月 爲 有 秦 不墓祭」。 告於 寢 《漢官  $\Box$ 歲二十 祭 傳》言: 高 原 所 原注》、史記 也 漢 : 祭 E 爲 帝 廟 於 陵 儀 墓 之西京 也 墓 廟 渭  $\Box$ 而 白 廟 寝 地  $\geq$ 以 無 Ŧi. 而 北 爲 名 説 慕 出 宋 藏 時 宋 袁 聞 也。 「宗子去 後 壇」, 祠 衣 者 書 È. 而 書 衣 已崇此 以 祭 中 冠 周 ; 祭 四 Mi 此 爲 冠 爲 游 禮 本紀》「 禮 便 於 各 於家。』 時 緯 禮 古 壇 月 志》 特 志 殿 於 祭 書 便 有 前 0 之 出 起 在 高 之言 祀 殿 寢 禮 廟 武 節 歲 廟 游 寢 寢 權 他 以 後 漢 Ŧ

之。二

維陽

諸

陵

皆

以

晦

朔、

+

川

氣、

伏

臘

JL

有

寢

氏

感先 侍子 每 姓 明 注 於 祠 IF. 帝 光 親 」蔡邕 帝 原 不 武 月上丁,祀 郡 家婦· 一原 即 復 亦 陵 或 記 世,始葬 聞 注 見 平. 計 如 此  $\stackrel{>}{\boxminus}$ 女、公主、 此 元 吏 元 皆 禮, 於 昔 年 會 會陵。 承秦之制 郊 此 14 京 儀 春 廟 帥 師 明 諸 IE. 畢 公 在 帝 卿 長安 月,帝 八  $\pm$ III 故 嗣 以 百 大夫、 上 月 位 黷 時 寮 次 於 陵之禮 就 飲 踰 其 率公卿 1 祭祀 袁 年 禮 西寸 外 陵 陵 不可 如 禮 或 而 臣 此。 始 百 盡 創  $\exists$ 亦 朝 朝 官、 焉。 興。 得 者 īĒ. 下 如 後 聞

也。

原

朝

漢

川

向一、《 禮 記 曾 自子 問 》作

0

傳

許

Ŀ. 宫

疏,有

杜

梁美人。

又

云 有

成

帝

崩

班

仔 戚 禮

正,皆以

後 后

女置

於

園 陵

陵,

, 今 杜

宫 霍

人

數 專

百。一《

外 倢

數

千人填

後宫,及

棄天下,

昭

帝

幼 陵

弱

光

事

不

知

具

盤

水

陳

妝

具。」「原

注

貢

禹奏言:「

武

帝

取

好

女

食

監

典省

「, 其

親

陵

所宫

人

隨

鼓

漏

理

被

枕

及

四

時

祠

廟

H

上

飯

,太官送用

物

袁

**令**、

Ŧi. 八

是以 畢 婜 者 衣别 盛 仰 曆 太后 爲 歸 充 衰 動 目 Ŧi. 言 張修 名 E 奉 軱 也 節 視 悲 H 明 室 帝 爲 安 袁 向 諸 焉 涕 一帝尊 等十 博園 程 傅豹等擅 陵 帳 從 日 侯 年 如 降 ᅦ 故 作 氏 原 E 薨 席 令易 日 平 正 貴 人 母孝德皇 Ł 伎 注 陵 此 於 演 袁 無 人,靈 因 廟之制 前 吉 月 繁露 生 之崇 陵 宜 明 特 留 葬 子, 陸 伏 脂 # 歡 帝 樹 袁 +: 機 遂 明 以 帝 其 又 Ĕ : 御 元妃耿 澤 中 遂 遺 爲 庶 帝 爲 尊 非 過 率 帝 廟 廢 牀 詔 既 文譏之, 哀 妝 母 制 姬 人 魏 之殺 百 而 當 無 令百官 Ŧ. 者。 具。 寤 董 氏爲 之孝,而 武置 蔡邕 起 視太后 但 張 官 袁 謁 氏 敞 寢 良 中 是 也; 悲 不 爲 甘 及 原 宫 廟 書 人,不 人 左右 諸 慎 以 陵 知 言 人銅雀 藏 陵, 故 不 無 采 其 袁 大貴 侯 鏡 禮 官 爲「天子 主 客 能 取 貴 當 史傳之 E 來 昌 皆 夜 名 盒 之瀆 於光烈 袁 臺 人 人 有 寐 以 上 罷。 邑 夢 泣 中 亦  $\pm$ Ĥ 令月 皆 桓 哀 薦。 陵 一,莫 」翼 薨 矣。」而 有 物 先 帝 、皇后 以  $\pm$ 之矣。 事亡 敬 以 即 奉亦 朝 當 帝 陵 尊 歌 爲 能 感 其 案 會 更 + 袁 母: 罷 舞

祭殿。 先帝 殿 也 每 來, 禮 雒 諸 不 是景、文遵旨,至 書 **羣** 臣 繼 履 説 如 壽 公始 敢 ,於是遂 京之舊 節 也。 存之意 事 羣 禮 陵 屋 謁 楊氏 Ė 儉德之志。」及 爲 儉 進 志 皆毁 有 高 無立 並 不 忠。 至文帝 謁 原 也 皆 拜 止 H 遺 不 魏 陵 禮 陵 E 就 Ш 晋 寢殿 以 壞, 得 詔 武 成 拜 辭 古 陵 導 爲 武 宣 至 有 不 帝 帝 謁 省 陵 永 黄 帝 始 導 帝 不 惠 車 時, 之事, 造園 煩 制。 約。 葬 勝 遺 陵 初 謁 以 帝 猶 墓 馬 中 詔 哀 而 再 元 元 復 高 三年 文 祭, 還 戚 宫 帝 帝 晋 蓋 謁 11: 邑。」晉宣王 不 子 子 猶爲 陵 帝 崇陽 陵 亦 睠 書 由 廄 也 皆 可 ·, 乃 以 由 年 弟羣官 口 眷 Ĺ 所 有 是 設 省 陵, 年.  $\pm$ 百 逮 述 布 衣 近 謂 作 詔 詔 導 拜 口 者 衣, 江 友 於 父爲 古 服 白 眷 傳 終 執 皆 陵 左 曰 依 廟。 謁 匪 官 藏 同 `: \_ 初 不 制 惟 率 峻 遺 漢 拜 殆 議 友執 得 「原 孝 府 平. 君 自 情 元 陵 令子 先 者 高 立 曲 謁 又 陵 臣 漢 而 帝 注 陵。」 以 Ĥ 以 臣 帝 陵 者, 陵 舉, 爲  $\vdash$ 崩 愐 然 導 魏 爲 己 後 從 躬 E 弟 F. 以 謂 以 非 遂 於 宋 非

襲而 拜埽 禮 即 代會要》言:「 食上墓,禮經無文,近 罷,不從。」 宗、玄宗亦 茂弘也。 之中者與? 知 舊 退之《豐陵行》曰 注 馬,無宮人,不 景龍末,爲太常博士。 社子 謂 小永爲 制 何 行 此 禮。』蓋但 如。 存諸 之。 也 美 梁武帝、後周 恒式。 開元二十年,敕寒食上 《橋 歐陽公《五代史》所謂 蓋深 書。 而 後 並 許士庶之家行之,而人君無此 陵 陵 唐 行之。 》 詩 : 墓藏 非 莊宗每年 寢 起 「原 一一一臣 代 之也。 亦 居,不進奉, 時 宫 注 相 廟祭 獻、昭、 「原 有 傳,寝 〕胡三省曰: 女 明 寒食 聞 晚 衣 帝 注》《唐 知 若 不 神道 、乾三陵皆日 冠 以 出 曙, 「寒食野祭而 始皆謁陵。 明 可亂,欲言 祭,謂 成 嬪 俗 代 祠 書 尚清静,三代 唐 亦 御 墓宜 官 • 之制 之破 彭景直 庶幾 宜. 朝 之 開 禮 許 祭,景 見 元 制 焚紙 散 編 也。」《五 星。 Ŀ 敕: 得 非 墓, 唐 無 傳 錢」, 其 直 「原 『寒 禮 職 韓 Ŧi. 太 車 後 Π 請

《記》曰:「奔喪者不及殯,先之墓,北面坐古人於墓之禮,但有奔喪、去國二事。

哭盡 之家,爲位而哭。 賓,成踊,送賓,反位,又 歸,則之墓,哭,成踊,東括髮,❶袒,絰,拜 人 也,無舍廟 於墓,皆有 子之於王僚 齊也,「與臧孫 反其國,不哭,展墓而 後之墓。」又曰:「去國,則哭於墓而後行, 家不哭。」又曰:「奔兄弟之喪,先之墓而 墓右,成踊 哀。 主人之待之也,即 哭泣 而之墓者也 也 盡哀。」又曰:「若除 如墓謀,遂行」,吴 復 哀 所知之喪,則哭於宫 傷 命哭墓。 之事 入。」魯昭公之孫 、哭盡 0 是 位 而 哀,遂除,於 則 于墓左,婦 祭者,吉 延州 古 喪 人之 來 脯 禮 至 季 于 而 後 後

廟 獨居三年,然後 以 依神, 孟子》言:「孔子没,子貢築室於場, 無 廬 歸。」曲 墓 一之事 沃 0 衛蒿 門人既 曰:「古人爲 不得奉其

●「東」,原作「東」,據《禮記·奔喪》改。

禮 事 封 猶 體 是 者 者 廟 哉 野 防 未 魄 之 祀 僞 Ė 既 祭 反 禮 知 者 而 反 也 過 之 也。 其 以 但 其 也 圃 置 此 廬 且. ; 神 漢 弟子 於 博 神 孝 其 巾 以 冢 主 孝 如 空 後 來, 上 子之名, 何 曾子 置 而 至。 之 地 乃 以 慤 ', 未 祠 盡 有 者 其 古 堂 其 父 至 以 奉 嘗 人 歟 情 之 13: 於 此 贵 廬 ? 墓 終 悖 有 墓 今 此 廬 而 先 是 次 面 **T** 孔 墓 此 王 視 歟 廬 於 之 之 風 其 禮 ? 慕

禮 侯二《 教 鄉 内 孔 歲 教 於 飲 時 子 後 世 奉 出 洙 冢 大射 世 史記 家》始 祀 於 泗 大 孔 之間 聖 孔 廟 子 尤 人 子 孔 而 藏 家。 不 之 冢 諸 子 所葬之冢 孔 門, 口 世 大 儒 子 原注 於 家 亦 贵 衣 冢 \* 講 頃 **ご史言** 冠 有 上行 禮 在 就 魯 琴、 故 Ŀ 講堂之後 冢 鄉 世 之。 所 冢 車 者 而 飲 世 居 祭 自 相 蓋 書 堂 大 ? 孔 傳 孔 弟 射 子 孔 子 至 夫 子 於 以 留

> 禮 子 (史記 既 业 太 殁 處疑 史 弟 公不 有闕 子 即 文誤字。 達 講 以 堂 爲 而 祭 祀 於 之, 冢 且. 也 0 行 「楊 飲 射 氏  $\Box$ 之

持 於墓 之供 守、 謁 告 重 有 及 人 班 過 郡 節 會, 墓 主 武 事 齊 因 都 伯 者 具者, 帝 於 即 邑 IIII 漢 輒 留 尉 上 之官 1 霍 臨 袁 陵 人 墓 陰 大 宿 以 書 書 廟 者 以 賜 峻 睡 董 官 墓 下 宗 臣 求 策 願 葬 者 是 蘇 夫 上 爲 賢 會 之墓 上 廟 调 成 也。 人 武 供 追 爲 樓 之 先 是 是 故 都 卒 自 諡 侍 者 禮 護 人 是 也 郡 也 有 匈 中 先 興 冢 爲 移 也 1 肅 E 奴 光 主 於 諫 駙 有 父 宗 有 冢 還 大 翼 武 陵 率 庶 大 上 有 馬 祖 使 會 ПП 至 侯 墓 羣 夫, 民 贈 都 冢 冢 宗 Ŧi. 會 詔 湖 寮 而 是 諡 宗 尉 官 而 族 奉 有 使 有 陽 臨 祭 太 故 族 也 中 而 人 郡 詔 官 古 會 幸 賜 上 郎 故 大 臣 或 賢 弔 之 冢 爲 將 懋 有 太 牢 而

賈 服 俗 有 南兮,民 注 其流 之墓者, 小 如 影 民 + 趙 此 相 餘 宣 之弊, 作 亦 聚 年 葬 響。 饗 曹 爲 者 親 其 昭 有 宣 矣。 而 丘 是 陵 如 東 不 墳 也 孝子者數 楊 征 閉 原 0 厂原 倫 賦 注』《陳 娅 人 》「蘧 行 注 隧 情 喪 蕃 文選 所 大 + 於 氏 傳 居 趨 人,皆除 恭 ~ 在 其 陵 遂 城 至 尚 中 者 之東 乃 成 ·, 行 習 市 太

子

舍

人;

而

禮教

於

斯

大壞矣

祧 緣 所 則 在 有 加 漢 還 以 情 司 焚 疑 西 太上皇陵 者 。 妃 詳 安 其 招 此 設冢 議 神 始 昭 魂之葬 裴 墓 靈 於 博 氏 廟 而 槨 后」,二 此 在 奉之 士 渡 之大分, 於 以 矣。 櫟 傅 江 藏 原 陽 古 純 以 形,而 注 欲 晉 北 未 吉。  $\vdash$ 形 東 招 高 原 聞 : 神 帝 海 魂 事之以 送 聖 在 母 之 ^ 葬 王 起 形 東 異 越 越。 兵 而 制 者 輔 時 板 制 凶; 太 往 禮 黄 死 爲 也 元 於 啚 Ŀ 迎 立 帝 以 石 小 黄 精 廟 事 詔 勒 至

> 此。 道 於宗 埋 形 神 神 而 廟、寢 於 之 獨 别 不 是 祭於 • 錯 下 廟、 詔 廟 墓 祊 不 墓 祭非 許。 明 之宜 非 · 違 楊 神 處 氏 之 禮  $\Box$ 所 所 失義 招 處 以 魂 廣 也 耐 莫 求 葬, 大 神 今 是 亂 之 於 謂

者矣 與宗 至 獻 勣 甲 副 於 午 於 破 總 廟 廟 昭 高 管 唐 獻 未 等 陵 高宗顯慶三 麗 蕭 於 嗣 聞 俘 可 昭 許 業 行 獻 高 陵 敬 不 藏 馘 宗言: 擒 0 疑。」此 於 總 年 SII 陵 男 章 十一月, 史 者 建、男産等 元 「古者 那 亦 年 賀 然 所 + 魯, 伊 謂 軍 陛 月 麗 自 凱 下 至京 至 司 我 奉 旋 道 京 作 空 袁 則 行 師 師 李 古 寢 飲 軍

年 唐 几 時 月 辛 碐 寢 未 嘗 詔 有 日 鷹 : 犬 袁 之 陵 奉。 之地 玄 宗 衣 冠 開 所 元

❶「俘」,據《校記》,鈔本作「虜」。

荒 諸 心。 供 游 走 黄 陵 奉 既 凡 彼耕 所 山 非尋 厥 更 有 陵, 備 有 供 象 常 至 司 畋 與耘 奉 所 於 獵 鷹 图 用, ? 料 狗 鳥 不 度, 等 祗 遠 有 H. 事 惟 乖 並 極 增 0 龍 宜 儀 多 哀 馭 頃 即 式 費 慕 每 者 停 損 無 别 豈 以 益 致 飛 昔 崇 鷹 蒼 愛 戒 嚴 狗 爲 禽 而

寒 設 之淺 載 以 子 懷 流 誠 示 `,庶展 後, 猶 衣 庶 教 火 敬 者 寮 俗 之 且 届 天 每 及 寶二 心 ^ 期 令 孝 恩 詩 其 遂 至 游 ; 思 九 私 遺 知 衣 乃 **>** 商 薦 年 著 朕 月 教 於 移 新 風 八 恭 授 意 Ħ. 漢 也 風 事 月 者 改 日, 仲 衣, 0 紀 制 東 律 「原 所 今 夏 況 日 陵,未 薦 二端 歸 成 以 載 注 平 : 衣 存 〇 今俗 獻 申 中 午 深 以 於陵 禋 休 ·標典 之 報 霜 追 孝 事 祀者 澣 露 乃 俗 於 遠 寝,貽 道 無 用 式。 禮 之 有 所 所 + 典 在 感 思 所 文。 月 實 大 謂 於 物 範 自 以 \_ H 千 送 宣 親 傳 今 臣 增 自 展

> 子不忍 便,召 之者。 徐 司 客 寇 今 死 宴會 E 其親 必 廢 武 歌舞 之心 Ŧ Ŧ. 餘 將 歡 年 東 暢 所 觀 通 兵, 可 行 非 之事 異 墟 E. 墓 者,末俗 祭 生哀之情 於 以 畢。 求 流 合 失,或 古 則 耳 經 墓 祭, 假 贵 上 仁. 周 墓 人 有 孝 行

### 厚葬

樹 武 賦 寶 於 綝 注 霸 漢 史記 謂 皆 今 帝 對 書 三分之 杜二陵, 霸 帝 猶 E 享 ^ 曰 台  $\pm$ 問 杜 年 : 有 可 莽 孝文紀》言: 書 久長, 綝 朽 傳 拱 漢 是 供宗 帛 天子 原 儉 索 委 : 注 赤 赤 者 比 二文帝 綝 眉 積 廟 眉 即 漢 耳 崩 發 傳 取 位 「治霸 掘 珠 陵 霸 **\*** 亦 袁 而 陵 供 中 玉 陵 陵 百 茂陵不 年 中 未 賓 物 宣 建 世 惟 陵皆 而 物, 盡 客 帝 霸 之誠。 興 何 爲 杜. 陵 不 復 陵。 中 以 陵 乃 此 杜. 能 天下 瓦 容 充 多 陵 盜 多 完。 物 Ш 邪 減 陵 獲 發 原 一, ", 其 。 按 半 陵 注 音 「原 珍 漢

能 厚 錢者 得 事 亦 張 云,三也 楊 風 祕莫 盡 葬 以 以 氏 俗 湯  $\Box$ 通 矣 除 之 孝 金 知, 傳 》所 非 俗 銀 文 蓋 史  $\approx$ 孝文之不 而 云 金 銅 不 梁 薄 則 史策 雖 得 玉 霸 氏 錫 葬 武 珍 以 録 陵 日 爲 寶 了, 足 薄 帝之世 耳。 能 孝 所 霸 必 葬,亦 飾 盡 景 陵 文之明達 書, 爲 除 \_ 0 蓋 帝 凡 或 後 自 被 而 爲之,不依 三被 未 己 景帝之陷親 發 春  $\pm$ 劉 有 必 掘,二 ◎發,《 之 向《 秋 盜 皆 儉 則。 張 發孝 遺 爲 列 諫 約 也; 湯 于不 詔 實 昌 或 傳 瓦 然 文 H. 晉 器 録 陵 義 以 猶 園 攷 之制 書》所 耳 巾 來 也 疏 之 不 瘞

之爲 死 以 備 始 樂舉,於 ri, 椁 伏 厚 又 葬, 死 益 有 左 而 是 傳》成公二年: 四 用 其 争。 平 RIL 蜃 侈, 不 炭,益 棺 今二 臣 是 有 翰 子 棄 臣,治 車 檜 者, 君 馬, 「八月,宋文公卒 於 君 君 煩 始 子 生 去 惡 用 謂 則 惑 殉 也 縱 者 其 也 華元 何 重器 臣 是

之上 讀 葬 廣 者 葬 溝 不 獨 以 者 無 也,莫如 也 人之要也  $\Box$ 也者, 壑,人 一不以 以以 浦 免也。 不 野 害 有 決 而 掘。 死, 可 也 深 口 生 於 吕 忘 以 不 利 Ш 女 無 人之心慮。 之 肌 害 氏 藏 安死之謂 避 深 孝子之重其 藏 凡 而 骨,性 邪 則 動,莫如 也, 情 狐 生,養生之謂 則 生 審 也 安 秋 盜 此之謂 貍 及 不 知 一於天 慈 者 葬 • 於 賊 之 忍 死, 也。 親 矣, 節 淺 寇 患、水 也。 水泉,故 爲 無 地 以生 孝 聖人 喪 則 重 亂 非 發 所 親 之間, 也, 子 篇》 狐 閉 之難, 此二 珠 重 也,慈親之愛其 泉之 之所 也 之 人之心 貍 故 日 玉 所 無發無 ; 凡 古之人 扣 極 其 者 有 愛,死 : 或 知 贵 溼 葬必 之,「原 慎 也 葬 寶 必 死 審 爲 聖人之 不 也。 之謂 有死 死 動 也者, 知 惑 有 此 於 死 而 知 之義 生, 注 高 莫 慎 棄之 生 哉 則 者 藏 扣 之 所 善 陵 於 如 慮 所 世 聖

厚 猶 其 弟 譽 以 亂 善棺 大 狐 劒 注 也 生 注 一熟 者之體 之主 者 爲 知 以 不 爲 者 貍 之 不 爲 犯 冰 務 以 口 能 椁 水水 若 利 古 陋 也 珠 交 流 置 勝 若 相 禁, 甚 抽 瞽 水 鱗 以 矢, 此 不 愈 泉、 所 慈 魚 數 厚 矜 漿 字。 師 求 非 侈 施 鱗 以 於其 而 以 親 諸 蹈 姦 尚 之 乘 也 , [原 利 慈 其 便 孝 況 避 邪 也 白 中 野 避 養 親 車 葬 死 於 子 爲 螻 盗 玩 刃 注 人 柱 孝子、 生之具 食 今 爲 濫 宣含 或 侈 則 避 蟻 好 之 也 肉 無 涉 賊 故 取 靡 之 彌 心 貨 蛇 珠 無 之心 此 其 血 避 澤 者 寇 非 大, 者 寶 蟲 П 冷 聞 而 之 無 盩 及子 亂 柱 以 實 爲 也 也 徒 不 危 者 肝 也 家 得 鍾 也 爲 乎 之 而 以 從 以 舉 鼎 彌 葬 榮,儉 孫 忍 無 死 患 疾 今世俗 盤 生 者。 求 民 馬 之情 壺 富 親 雖 者 施 此 , 此 觸 之於 者 之。 衣 濫 之 戚 慮 杙 施 之 葬 聖 節 題 被 杙 醜 矣。 玉 (原 也 也 人 兄 誹 大 之 彌 利 者 湊 戈 原 於

爲 之室 厚 寶 壟 慮 之 阼 守 彌 車 百 也 Ш 上 石 安死 慮 者 葬 食 器 Ŀ 則 0 死 也若 其 雖 積 久,生者 中 其 彌怠, 得 也 内 甚 日 則 以 炭 原 /(原 篇 壽 樹 之矣。 多,不 都 注 嚴 不 之若 以 有 情 注 不 **>** 人必 邑。  $\Box$ 此 威 口 瞚 彌 環 似 室 必 過 而 : 重 其 可 也 疏 其 古 林, 於 葬 棹 不 六 \_ 今有 相 以 罪 中 外 不 世 也。 瞬 器 此 相 + 與 此 禁之, 其 生者 之 夫 一之爲 抇 ·,以 當 字。 如 笑之, 觀 題 人 物, 設 死 姦 湊 自 矣, 故 扣 世 於 彌 闕 百 人 丘 猶 古及今,未 復 之必 具 其 示 疏, 此 其 以 與 庭、 累。 以 之 聞 龍 不 珠 富 視 六 無 勢 爲 之, 則 壽 爲 爲 也 可 大富 玉 則 棺 萬 + 窮 古 大 守 石 宫 玩 止 可 傳 椁 歲 其 久 惑 爲 爲 不 者 銘 室、 矣, 好 以 數 有 之 猶 高 世 死 無 安 彌 且. 相 襲 置 矣。 不 世 者 窮 不 以 造 死 財 大 怠 世 之 者 之 若 者 賓 乘 物 過 瞚 此 積

亂

與

扑

事

Ľ

不

而

而

遇奪 之,豈 猶前 矣。 王、楚 便居 之,於是乎 友之大 子,兄之不悌弟,皆鄉 (分之。 之人卒必 或 擊遏奪,又 耳 釜 也 而 「原注 平王 以以 矣,「原注 自 目 也 鬲 祈 不悲 事 於 此 是 所 微 美 燕王 夫 塗。」 聞 髛 故 以 無 聚 衣 扣 哉 有 堯葬於穀林 見 辱 上 一噲。宋、中 不 大墓 羣多之徒, 憚 作 之,日 侈 視名丘大墓葬之 齊、 之,此 所 者 亡之國 書之時,秦初 食 耕 愛所 可。 君 之樂 無 稼 亡 荆、 夜 之不 《史記 不 或 孝子、 采 重 Ш 不 里之所釜 燕 扣 是 薪 不 '', 通 一<del>,</del> 而 以 智 休, 已亡矣, 嘗 并三晉。 令民, ٠ 也 可 之 無 深 巧 忠 Ť. 蔡澤傳 樹 令姦邪 勞, 勝 必 不 Ш 窮 |矣,[原 之。 臣、 而 數 得 厚 扣 廣 屈 父之 不 111 趙、魏 融 其 親 者 之 所 澤 舜葬 皆 肯 者 盜 無 皆 ··, 求 原 注 利 林 墓 不 争 賊 以 官 而 故 韓 注 一齊 藪 也 立上 魏 於 交 老 寇 相 舍 爲 逐 爲 或 韓 人 湣

之

以

之謂 六十四 子意如之喪也。 主人,桓 文公厚葬,故冢被 寡,故宋未 此 左 或 死 節 市 可 而 Ш 注 必合, 乎? 不察 不 從 已亡 莊 林 發 者 葬 變, 年 之謂 公 則 則 死 慮 動 客 變其 於 或 冢 乎? 也, 也,言 合 必 必 也 也。 魯 Ė. 愛人。 安 此 抇 辱 乎 可 季 而 肆。 非 發 無 寧 也。 也 主 孫 Ш 先 愛其 東 儉 故 所 「原 而 Ξ. 興 林, 人 何 禹 有 冢 夫愛人者衆, 則 孝子、忠臣、親父、 冢 子 猶 夫愛之而 注 造 喪,孔 謂 以 抇 之所惡,惟 葬 斯 在 費 不擾 不 若 葬 莊 城 也。 合 ? 璠 、原注 也 於 發, 公名 東,因 於 此 民 非 璵 會 收, 子 陵 也 故 义 收 購 稽 謂 往 〕東冢,文公冢 何 斂 反 惡 隰 ),(原 先 之東 況 僖 是故 也 弔 危 謂 其 不 公之父, 知 死 則 Ŧ 百世 之,人 之, 一勞也 注」此 變 可 者之 一之葬 愛 口 孔 先 交 子 其 之 人 Ŧ. 齊 王. 季平 徒 門 後 此 友 徑 也 者 陵 必 唇 以 以 未 葬 位

隰

於

儉

也

爲

儉

紀

原

五九〇

禮 暴 庭 骸 忇 而 ; 中 趨 雖 原 歷 然 也 級 以 而 原 救 上 注 過  $\exists$ 言 也 必 發 以 扣 寶 徑 玉. 庭 收 歷 譬 級 之 非 猶

### 前代陵墓

使 也 牧 謀 Ŧi. 其 無 冢 愍 楚 王、趙 豎 月 民 除 冢 忌 隱 十家, 其 戊 殘  $\pm$ 耕 「原 漢 践 一、〔原 子 表 暴 注 高 閊 牧 悼 高 詔 亡 帝 樵 其 師 功 楚、 襄 注 十 二 古 祖 日 以 采 上 王 昭 師 日 : \_0 與 魏 古 光 四 非 年 宋武 皆绝亡後 他  $\Box$ 昔 即 武 齊 海 + 大 信陵 事 漢 陵 各 陳 魏 0 帝 高 君 勝 四 + 月 而 尊 魏 永 創 也。 也 墳 家 以其 詔 面 崇 多各 明 初 業 各 陵  $\vdash$ 魏 所 帝 趙 元 與 : 百 崩 光 安 Ŧī. 年 承 景 及 秦皇 步 家 釐 颓 武 秦 代 魏 里 初  $\pm$  $\oplus$ 皇 不 之 公子 帝 童 **\*** 月 興, 帝 得 視 T: 意 兒 年 守 齊

> 義 業 武 懷 門 豎、 者 午 東 世 經 T 節 便 0 遷,晉 聲 0 在 帝 夷 置 南 酉 具 朔 悲 或 天 晉 詔 格 替 詔 條 血 圃 時 盛 稱 甚 監 帝 塋 曰 以 曰 信 亂 不 元 事 埏 負 六 其 諸 壟 聞 朽, 締 寖 庇 陵 路 扆 年 名 陵 欑 舊 晉 遠,宿 構 民 而 榛 宸 賢 人 詔 穢 南 # 或 之始,簡 己 悉 蕪 居 代 墳 先  $\vdash$ 齊 帝 都 哉 封 加 : 徂 哲 墓 草 后 明 邑, 雖 或 修 樹 0 遷 見 未 榛 及 帝 年 功 昔 理 命 文 不 望之悵 遠 優 藩 蕪 建 代 濟 遺 中 修 世 前 王. 并 武 並 殊 · 党 當 望 京 賓 詠 興 代 諸 增 宜 往 時 然, 古 淪 以  $\pm$ 在 陵 直 年 守 灑 或 興 民, 覆 位 守 撫 德 衛 嗟 況 + 嗣 埽 立 懷, 衛 賢 事 鼎 覃 乃 德 而 深 恪 梁 身 傳 牧 月 主 著 酮 松 宜 玉

② 「天監」、《梁書·武帝紀》作「大同」。 ● 「覃」,原作「章」,據《南齊書·明帝紀》

\*\*

宗詔 卞彬 隨 啚 滅 樵 南 曰 樵 所 鞠 日 步 月 前 護 念 : 史。 不 牧 爲 愴 近 牧 面 在 丙 無 見下。 勿令 有 謝  $\overline{+}$ 相 茂 戌 守 然。 諸 前 先賢 修 得 愴 卢 視 趨 草, 暨曆數 詔 卜 面 隋 有 代 樵 於 細 , 蠲 忠 唐玄宗天寶 曆 並. 帝 帝 煬 列 蘇 古帝 懷 塋 貞 民 運 王 聖 王 宋、齊 其 帝 漢 墓 践 口 侵 兆 永終, 推 一,道 啓 墳 雜 大 藉 毁 量 自 堙 因 諸 移 魏 陵, 役 \_\_\_\_\_ 業 給 古 蕪 時 陵, 冠 魏 ..。」 「原 孝 晉 作 年 迹 創 生. 以 以 儿 代  $\equiv$ 高 封 多 隨 世 明 諸 兵 業 民 來 供 年 面 載 諸 見 祖 樹 熙 物 永 帝 注 有 帝 守 + 各 <u>+</u> 陵 君 久,丘 二《文 莫 踐 變, 平. 太 少 陵 視。」 王 Ŧī. 民 . 風 和 辨 藉 元 有 選 陵 + 陵 月 補 建 盛 月 年 各 口口 載 墓 原 壟 遂 步 詔 或 德 使 庚 興言 + 口 七 禁 勤 注 任 殘 充 杳 禮 寅 口 勿 明 焕 月 方 年 加 唐 昉 毁 靄 足 Á 詔 給 淪 尊 聽 敕 平. 詔 百 Ŧi. 守 太 爲

> 淳于 異 事 古 代 修 聖 量 Ш 茸 帝 傳 ×: 陵 明 仍 坐  $\pm$ 必 明 就 爲 立 陵 江. 陰 之修 標 墓 E 記 有 蕭季 護 颓 禁 卿買梁陵 若 毁 其 此 者 樵 中 采。 宜 原 ·樹 令 注 季 古 管 卿 陳 内 人 4 書 免 於 量

言利之害,至於賣 傳 昭 寢 氏 但 日 , 許 宋 陵 喬· 逐 小 宋 熙 民 太 樵 民 寧 木, 祖 請 蘇 何 中 亦 祠 射 翦 之 識 有 廟 耕 伐 修 利 興 , 則 墾。 祭 自 無 利 耕 前 上. 遺 之臣 陵 吁 代 寢 而 導 \_\_ 陵 , 其 墓之 唐 非 之, 建 輕 原 之諸 事 議 詔 靡 注》《宋史 也 朝 存 陵 前 之 又 愛 悉 代 日 故 樹 見 帝 矣。 鄧 宋 之 芟  $\pm$ 潤

削

陵

量

免

待

中

甫

思

楊

傳 間 諸 兀 之世 陵 Ш 乾州 潦 者 金 太 祖 代 罪 後 宗天 縱 Ш 死 爲 楊 間 陵 0 陽 璉 樵 會 七 縣 采。 真 年 遼 伽 年 諸 「原 發 月 陵 宋 注 多 甲 月 ≥ 金· 在 會 詔 戌 此 稽 詔 史 禁 攢 有 無 斡 宫 所 魯 禁 盜 不 犯 古 醫 發 孛 獨 巫 遼 堇

伽 此 爲 自 江 古 南 所 釋 教 無之大 總 統 · 發 變 掘 故 也 所 宋 趙 原 氏 注》元 諸 陵 之 史》: 在 錢 塘 楊 紹 璉 真 興

者,及其

大臣

冢墓,

凡

白

之。 寢, 以 子 鮮 登 時 生 矣 極 命「 周 封 有 詔 實 經 培 百 渭 書 録 兵 步 等 並 每 燹 Ē 内 0 有 而 十一人,分 禁 洪 此 年 崩 人 武 文, 摧 樵 九 遣 者 而 牧, 年八 使 有 有 致 設 視 司 司 月 祭 之能 歷 陵 督 己 代 户 近 酉 \_ 帝 其 留 陵 遣 意 後 之 人  $\pm$ 者 民 守 陵 每 或

僕、九 解 墾 三公及 梁 諸 殖 有 室多故 。」陳文 魏 不逞之徒 列 舊 位 高 + 墓 袓 從 Ŧi. 銘 帝 太 禍 公者 記 步 虐 天 和 圖 見 流 十 嘉 相 黄 存 去 生 門、 九 六 尋 氣, 墓 昭 年 年 兵甲 <u>Ti.</u> 然  $\equiv$ · 八 月 九 無 校 爲 + 月 賴之屬 紛 + 時 步 1 T 紜 步, Η. 亥 尚 所 詔 暴 各 十 詔 書 知 及 年 不  $\Box$ 日 **令**、 者 徂 不 聽

> 魂。 載。 若 主, 哀,性 伐 無 留 隸 子 虧 游 雖 祚 慰 之? 其 負土 故 塋, 光 ,莫不侵殘。 連 復 出出 驪 眇 木運 八經綸 啓 旂 無 江 泉 於 瞻 靈 Ш 左 旗 復五株 無 恭 火德之 之 無 掩 丽 河 共 肇 服 王業, 搢 惟 忌, 墳 零落 期 惟 殣 雒 側 色, 基, 前 ()松柏 · 子 之路。 揖 未 者 宋 之樹,罕見 玉 代 猶行 君 周, 讓, Щ 王 也 孫 祖 侯 杯 紳 丘 者 冥 恒 爰暨 惆 樵  $\Xi$ 得 杞、 民 時 朕 故 守。 滅,手 攸 悵 於 牧 變 望 更 橋 宋 自 所 宅。 於 朕 民 忠 猶 千 移 川 之封 Ш 古 以 惟 閒, 子 躬 衆 年 代 植 陵 之 臣 忠 興 戚 金 之表。 房 何 漆簡 谷 烈, 言 祀 聿 孝 歲 藩 行 或 寄 每 子 修 逾 舊 永 咸 水 墳 親 蘋 丘 傳 車 壟, 祖 位 自 於 皆 何 墓 屬 藻 冢 漢 駕 百 武 天 之 世 翦 世 高 流 弗 巡 被 思 生

0 實 録」 據《校記》, 鈔 本作 朝

發,绝 樵 無後 庶 出 者, 顯 可 咸 簡 暢 0 行 修治, 稱 朕 意 墓 焉 中 樹 木, 勿 得

致祭。 之丘 奏。 以 臣 帝 加 託 始 若稽古 法者矣。 丘 可觀,良宰名 烈士, 寂 稱 壟 研 兹 盛德 朕 每 訪,爰自 墓 口 巡 唐 家手 意。」 加 並 若 識 太宗貞 省 緬 龍 <u>V</u>. 巡簡, · 些 爲 有 載, 言 功 想 朓 是 毀壞,即 封 上古, 卿,清 兆 定亂 顈 往 則 貌 膕 觀 禁, 禁绝芻牧,春 見 册, 行 中 不 而 几 在 緯 亦 獨 塗, 漢 泊於隋室,諸有明王 徽 無 年 英 弭災,安民 者, 興 宜 前 聲 不 祀 九 武 修 王 代 各隨 滅 月壬午詔 茂實,志深襃 經文, 氏 之 補 歷 Ш 諸 秋 選 陵 所 宜 陵, 致 濟 事 即 即 務令周 令所 列 二時,爲之 在 物 條 君 辟 H 北 叮 士: 7,及賢 利 司, : 大夫 遺 爲 録 阜 俗 後 申 聖 普 欽 洂 斯

#### 停 喪

年不關· 戮。」〔原注〕《通 嘉播 反,恬子羡仕宦不廢,論者嫌之。 是以兖州刺 諸 一晉書 魏、晉之制,祖父未葬者 宴樂, 鄭 軍 竄,於是有 人事 停喪之事, 鮮之傳 敗亡,失父母, 慕 容傷 皆 使 齊高 史滕 0 載記》。 典》。 心 鮮之議引 É 不 帝 恬爲丁零翟 喪。 得 古 生 時 而 者  $\mathsf{E}$ 所 未 有 御 楊 烏 無 而 猶然,況 知吉凶者, 犯 史 程 臻七年不除 不聽 自 停 中 **\$** 君子 者 建 所殺,只 丞 服 顧 安 官 昌玄坐父 於 劉 常 廢, [原注]《南 離 1°](原) 喪,三十 不 既 隗 煒 析 喪 小 得 殁 奏 不 人 仕 注 永

進

0 傳。 南史 鄭鮮之傳」,按《鄭鮮之傳》在《宋書》、《南史》 0

咸\_,

原作

「式」,據

《陳書

文帝紀

淡

史

令,俗 之所 之 廣 不 年 鄭 申 葬 棺 左 其 茂 嬉 法 拘忌 制 嚴 者,循皆禁焉 偏 子 順 所 敚 延 非 秀 游 殯 明 南 天 定 祚 爲 安 雄 異 殺 宋 禁 齊 僧 至 多厚葬,及 與 年 者, 之 者 哉 域 方 泰 書 一於數 下 喪 舍 喪 常 哉 日 敢 + 始 「原 葬之期, 聳 垣 ^ 本 而 尸 人 + 中 舊 紀 年 動 地 注 停 而 绝 仕 無 月 11 。」「汝成 ·, 雖 **※新書》**: 唐 猶 久 域 晉 異 有 丙 征 ^ 書 振 真 申 世 不 〔原注〕《河 書 拘 尸 著 册 午 家 不 有 武 卿 葬 此 忌 ٠ 骸 敕 富 在 府 案」今 口 劾 朔方令。 顏 自 禁, 將 可 賀 族 П 不 經 曰 兀 復 軍 請 奏 真 循 往 世 澼 贵 口 龜 反 典 南 之。 尋 卿 Fr. 加 吴俗 往 傳 歲 平. 有 氐羌傳》。  $\approx$ 古 冠 以 母 傳 如 而 是 月、 人 死 停 此 者 後 兄 世 卒二十 先 清 昌 爲 喪不 一爲 非 弟 停 立 安 洁 袓 爲 玄 如 議 名 戰 得 終 時 當 喪 封 太 葬 武 今人 特 休 宴 教。 賀 場 , П 樹 祖 身 九 有 不 康 敕 樂 江 留 循 原

官 令。 父母 亡 職、 搢 終,  $\pm$ 仕 稱 先 庶 成 拘 洎 紳 子 殁, 進 使 墳 家  $\pm$ 忌 乎 則周 州 身 士人不 但 所 奪 於陰 韶 所 張 爲 垂 九 世 未 後 縣官、選人等,今後有 士: 稷若爾 使未葬 職 禮 以 訓 原 俗 貴 祖 由 經 而 , 當 不 陽 绝 . 許 衰 孝子 之韶,魯公之劾,不 遷 司 平. 「原: 便 葬 埽 抱 體 薄 赴 盡 亦 旅 葬 爲 岐 注 其 父 地 舉 兹 恨 不 力。 因 者,其 櫬 采 並 無 風 <del>[]</del>: 親之子 懷 而 ,則天下 之 得 心 本傳。 不 主 化 貶官 祭, 魂,千 皇甫謐 申 宜 歸 陵 非 應 主家之長 舉 頒 尚 或 若 遲 遺 後之王 以 内 劉 解 條 無 口 孫,搢 古 羈 厚 骸 外 之名,作《 昺 送 親 令, 以 不 父 束 無 葬 文 何 叮 兄 告虔; 殁 葬 13: 武 不 用 爲 於 託 不 不 之喪 弟 紳 而 而 警 歸 賢 ? 仕 臣 得 袓 著 不 以 以 多 宋 之 僚 大 宦 篤 負 許 之 禮 輒 父 不 只 但 敠 矣 史 骨 循 終 甲 治 幕 ± 葬 求 13: 以 或 送

襲

不

斂

葬

而

葬

中

喪

葬

月

殯

親

久

論

心

難 雖

葬。 制 之人,必 者 閒 · 而 口 始 而 而 諸 而 斂 踰 得, 以 也 畢 己 皆 喪 治 不 謂 旬 則 其 侯 不 其下 克 也 不 禮 他 葬 之『得 知 而 不 自 字之訛 Ŧī. 元葬者. 殯 以 治 事 具。 有 篇 月 口 久 不 襲 始 則 襲 爲 閒 他 痛 斂 不 而  $\exists$ 而 死 也 葬 不 所 也 事 大 其 也 乎 , 踰 殯 是 : 不 斂 -而 夫 可 各 以 葬 其 斂 徒 葬之大 後 襲, 計 葬 不 三月 相 月 今 自 也 中 也, 視 楊 知 時 · 葬 之 安 而 待 有 者 斂 氏 襲 其 備 貴 猶 習 殯 親 而 不 而  $\Box$ 矣。 人 而 而 悖 力 士: 物 賤 殯 也,皆 葬者 體 於 爲 據《公羊 親 之襲 殯 斂 豐 踰 於 有 侈 者 始 日 苟 死 至 月。 禮 儀 終者 自 時 也 勺 則 於 非 踰 以 必 之爲 也。 謂 傳 殯 拮 日 累 狂 日 不 期 至 先 天 於 》,當是 之 也 据 而 而 子 年 易 口 成 平. 時 先 厚 是 而 殯 怠 葬 喪 故 不 平 至 而  $\mp$ 其 而 不 有 渴

其 不 祖 主 依 已 喪 至 不 以 位 不 而 「蓄哀。」《 非 П 春 餘 月 者 喪 難 忍 所 葬, 未 得 漸 盡 喪 秋 原 者 孔 謂 葬 安 得 即 也 不 反 奪 主 以 注〕父 則 期 者 氏 生 乎 歸 於 亦 除 疑 謂 喪 而 賓 相 則 以 遠 而 不 日 寢 者 服 人子 子 則 歸 之 從 殁 其 得 不得 與 下 : 爲 也 重。 小 持 除 爲  $\equiv$ 也 「久 進 一之者 而 至 安 餘 記 重 安, 之大 父, 年 未 而 之, ^ 張 緦 殯 以  $\forall$ 而 命之日 孔 父 冠 得 憑 不 也 日 皆 妻爲 而 麻 不 以 叢 不 謂 何 母: 服 : 至 得 爲 不 終 葬 E 子 將 忍者 蓄憂。 而 也 者 即 葬 嫁 原 喪 夫,臣 久 身 × 月 葬, · 與 ? 賓 之女 注 謂 於 是 而 主 皆 數 司 與 之, 劉 死 ? 墓 故 有 不 殯 不 使 猶 ? 不 者 者 世 爲 事 葬 賓之也, 不 者 徒 明 得 不 非 不 其 得 君 得 礙 者 得 除 H 子 必 文子問 祥 原 猶 人 親 除 葬, 除 注》 孫 之 除 不 喪 事 之 於 惟 退 天 衆 也 命 爲 得 則 之 客 所 客 主 Щ 所 子 性 之

 $\Box$ 

J.

柱 也。 欲  $\equiv$ 口 無 未 葬 斯 年,不 喪服小記 未 古之人有不 於子 除 何 楣 舉 年 送 以 所 始 葬 及三月者 服 不 何 翦 葬 祥 與與 爲 則 練 得 ? 子 有 屏 月 思 除服。 形 於 虞 ? 而 練 無 焉?」』「原 日 計 未 禫 虞 而 舉。 明 而 所 之禮 及 時 何 往 思 而 毁 月 幸有故一 同實 爲 年 其 廬居  $\equiv$ 練 爲 而 喪 日 成 卒哭與 而 迎 而 月 ,行道之人 心 服 又 而 即 於 後葬 堊 虞,不 也。 者 精 注 「三年之喪未 明 吉 所 既 室. 口 ①司馬 禫 月 不 者,必 而 同 痛,在 除, 以 矣。 祥 祥。 袝 與 得 反, 前 實 温 祥 虞 虞 不 未及 然後 葬 席 再 公《葬 劉 也 故 之 何 H. 則 得 祭。」 於 其 弗 禫 世 也? 三月 禫 卒 爲 爲 舉 明 未 乃 親 論 ൬ 忍 未 注 葬, ·, 又 牀。  $\Box$ ? 哭 虞 禮 》亦 葬, 葬 者 矣。 及三 云: 而 了, 以 以 者同 ", 雖 云。 服 今此 故 何 起 喪 禮 則 袝 安 謂 不 月 雖 爲 於 之 原 爲 乃 其 踰 虞及 虞 之。 練 實 變 注 而 皆 踰 而 既 即 祥 與 知 而 服

> 末 葬 而 可 久 縣 以 練 也 代 其 行 以 而 棺 除 練 祥 之者 之澆 虞,未 親 不 雖 而 而 祥 爲 者,未 之服 葬 封 弗 局 也 風 除 促,猶 可 變 而 )與?] 與 除 以 舉 可 必 之宜 ? 追 卒 以 百 不 償 哭, 虞,未 , 宜 由  $\mp$ 敢 斯 其 之 事。 是言之,則 如 爲 其 而 其 墜 溢 所 可 若 可以 節 制 望 以 也。二 在 以 異 奢 寧 服 必 卒 斯 月 求 斂 官 ·哭也。 有 人子之未 其 以 乎 形 聖人 以 所 其 ? 還 本 至 以 葬, 異 起 反 於 口 歲

子 喪 今之人其無 然 以 緦 者乃 其 之親 至 期 服 月 陳 已下 循葬 猶 ,以主人 可 數 大日 必 足 至緦之親 父母 收 畢之 愐 二、以 藏 除,不 未葬,不得變葛 也 以 制 久 麻 俟送 · 待 矣。 而 且 終月 不 練 主人喪後之除 葬 得 而 數 也 變 祥 者,期 一。」夫未 葛 而 , 故 禫 而 以 服 是 爲 葬 下 麻, 也 之 之 則 至

魏

劉

仲

隔 哭 陳 殷 爲 屋 涼 毁 饑 至 舒 何 不 下 丘 及 , 常 绝 宜. 肯 敗 荒 踰 高 不 死 求 1] 氏 故 泣 不不 仲 祖 佞 冢 覆 禮 亡 祔 立 Fr. 不 日 H 如 繼 血 武 壙 受 爲 葬 别 儉 得 : 出 蔽 以 露 衵 以 屬 禪 武 敗 舍 妻 蔡 奔 陶 「原 風 米 宋 骨 我 括 師 大 **海票** 康 赴 仲 H 不 起 海 數 而 情 之 注 旅 明 更 **令**, 衰裳 二朱 許 武 爲 事 合 虞 不 娶 兄 日 四 原 八 爲 出 子采 會 未 戎 爲 , **令** 告  $\pm$ 子 載 注 綴 會 其 冬不 年 正 申 昭 江 粥 何 绝。 氏, 伯 人《小 孝 稽 絡 妻, 舒 不 子 將 陵 中 興 适 天 太守 不 生 衣 得 及 平. 數 軍 陷 學 帝 不 欲 地 原 進 書 陶 絮, 誉 年 册 13: + 釋 而 注 爲 號 除 夜 善 鹽 葬 1: 甚 罪 葺 吧 年 服 丘 可 行 夏 仲 婁 號 菜 馬 卒 篇 加 人 理 去 弗 訟 氏 末 不 書 泣 武 師 子,子 卒 官 矜 耳 道 夷 就 東 所 夜 於 爲 重 儉 及 路 梁 屋 平. 清 居 號 以 土 哀 IE. <u>IJ</u>:

> 爲 居 父 眠 爲 節 是 喪, 不 廬 席 中 儿 如 不 得 F 書 兄 始 己 停 舍 不 釋服 聞 通 而 柩 齊 覺, 喪, 停 几 始 喪 大怒, 若 載 T 训 冬月,家人密 者 母: 此 喪 之 衣 憂, 者 板 遽 法 不 又 歸 **令** 以 解  $\equiv$ 葬 撤 帶 歲 年 0 之。 X 以 不 未 氊 唐 此 佞 葬 絮 數 歐 元 居 事 孫 置 川 陽 處 瑾 所 年 禮 口 通

情 呼 羊 實 處 變 佩 而 而 ·, 夫 ·, 子 亡 玉 鮮 後 獨 内 服 · 近 以 爲不 不變衣 者 近 習 日 與 不 教 年 : 於爲 夫人 之 動 恭 亦 近 面 難 於 賜 冠 或 有 名 間 衰 名 外 移 也 Ħ. 邪 則 麻 之交 者 久 譏 爾 ? 以 矣。 文 然 知 之 愛其 教 際 聖 存 則 子 禮 日 孝,介 往 而 人 自 必 之 貢 羊 實 來 爲 非 并 士 欲 我 夫 亡 之 大 其 胄 去 愛其 也。 飲 未 賢 弁 文 以 告 酒 克 つ, 中 冕 教 而 如 朔 文存 禮 葬 去之, 武 衣 平 食 之餼 ൬ 肉 之 故 嗚 而 不

者,志 釋 君 終 也 於 子作色而 哀公問 見 而 而 原注》《家 而 後 素 衰 爲 H 子 未 除 韠 孝 而 麻 恥 葬 H. [原注]今吴人喪,除服 不 兮, 焚。 常 , 則 日 子仁人之一 服 則藏之枢旁,待葬 語 存 存 其 對 此 乎 其 我 者。 亦餼羊之猶存者矣。 服 티 -紳 悲哀之心、 樂。 後之議 心 委 而 蕴 此子游 無 章 君 結 非 其容。 甫,有 助 禮 胡 耳 兮, 耐 也, 者 弗 然 服。 則 所 痛 聊 取 聞 焉 益 謂 奚 疾之意, 使 必 與 既 冠 於仁乎?」孔 葬, 衰 爲 其 有 服 子 以 詩 履杖焚之。 服 其 未 衰 能 使 如 故 **>** 以 曰 麻 必 葬 擇 然 必 興 謝 兮。」 苴 於 弔 去 物 有 而 也 杖 庶 客 之 觸 不 斯 服

**禫**後 七 月 孝皇后 乙巳,仁孝皇后忌日 仍 又攷《 素 服 喪,再期。 實 視 録 》: 事 ●永 至 皇太子 几 樂七 筵,仍 以 以 年 未葬,禮 衰 母 七 服 喪 月 甲 未 同 戌, 大 年

> 祥。 H. 行 「原 之,而 注一十 謂 不 年二 可 月 通 葬 於 長 士 陵。 庶 人 夫天子 乎 之子 尚

於是 娶之禮 氏》: 終者 爲 親 白 死 財 告 召南》之女,「 禮 忠信 殫家,遺 子 不婚,露棺累葉」者乎? 斯 「凡嫁子娶妻,人幣純 豐於資送之儀 路日 有反本尚質之思。 侈於 與 掩 之謂 儉,則 其 之薄 藏 殯 : 奢 矣。」 女 禮 埋 也 而 婚者 斂首 滿 之 迨其謂之」,「原 林 亂之首,則 寧 車 何 飾 足 儉。 以時矣; 放 而 至 形, 問 齊 帛 如 而 民 無過 其 禮 武 還 而 民 遂 鹽 正俗之先 之 帝 葬 老氏之書 至 Ŧī. 遂 喪祭之禮約, 亦 馬融有言: 鐵 本, 詔書之云「 网。 而 過矣。 於 至 論》 注」《周 無 不 於 孔 而 之云「送 椁, 舉 不 夫 務 子 一,謂 其 禮 乎? 岢 葬 稱 子  $\Box$ 嫁 斑 禮 其 則 其 之 知 媒

者。 至老死不嫁 源 百 原 知州。 數,葬 注 文傳下 覺裁 《宋史・ 埋之費 婺源之俗,男女昏聘後,富則 者。 車 爲 中 即 (亦率減: 孫覺傳》: 親 -法,使 召其 喪, 什 耆老,使以 貧則不舉,有停其 資 五。』《元史・干文傳傳》: 裝無得 知 福 州 過 禮訓告之,閱 白 閩 干。 渝其 俗厚於昏 柩 (約,有 令下,嫁娶 累 三月 數 一喪,其 育其 世 「爲 而 不 婚

### 假葬

俱畢。

見於此。 於堂 以 衛 志 工,獨 •曹休傳》:「年十餘歲,喪父,時天下亂,宗族 爲 或 除。 文學 北 晉武 不合禮。 與一 壁 今人 年 講 帝太康 客 外 擔 即 堂 下 喪 達離 《 鄭 吉, + 棺 假 中, 餘 葬, 志 詔 謂 年,母 邦 攜 前 用 **\*** 之「假 族,假 將老母 日 太 爲 亡,不 子 征 趙 渡 葬」。 東參 洗 葬 商 江。」「假 馬 異 致 問 郄 軍 (國 「原 喪 詵寄 葬」字 歸 各散 注 禮 主 論 喪 者 止 便 去 魏

> 後代 除 大 備 否?」 荅 巧偽,反 要 亦 曰 有 可 反 以難禮 土 葬者 之意。 ,送親之終。 乎? 三年 翼 假 葬 可 法 得

### 改殯

不 歷 卵 寢 死。 遠」之制。 民 日 慎終之禮 所弑,葬諸士孫之里。 二十八年,崔、慶 世 齊 以 即 以宫廷爲忌,不以兵死爲嫌,古人送往 三年之久。 遠」,今行者豈即遠之謂 有 十二月乙亥朔,齊 古人改殯之禮,必反於宫寢,不 X 其棺 人葬莊 違 其 如 齊莊公以襄公二十五 鄉 尸 死,柩歸 此。 崔 公于北郭。 出 F 杼 于 〔原注〕景公,莊公之弟。 而遷之路寢,爲之改殯, 不 入門。 市。 乎? 人遷莊公殯 二十九年二月癸 夫喪事 夫自郭外之葬, 《雜記 有 一年爲 進 諸 無 拘 侯 張 退 於 崔 二,示 生 行 大 既 即 杼

於家 惑不 奠如 之寢。」 哀矣。 俗乃 亦情、 奉喪 謂 此 此。 於 以爲 之明 於道 墓之墓 寢。」是又改 死 毀宗 人 兩 於 有 如 矣, 之所 大斂 解 如 殯於大宫。」《公羊》定元年: 請 文 道 楹 進無 左 載 而 自 1 此 哀二十 或 Ħ. 之閒 立. 也。 易當 雖 所 闕 以 喪 》襄二十 至, 從  $\Box$ 有孝子 亦 退 於朝以 Z 輲 車 葬 異 左》文 有 者 何 然則 可 而 愐 廟之廟, 然 車 至 也 -六年: 而 於 避凶 禮 莊 也 見 後即 反殯 於 八 何 人 生 慈孫,亦多 公以 待命,許之,取 禮 可 十五. 廟 謂 年: 曾 自 獨 之説 義 之不 「宋景公游於空澤,卒於連 門 位。 出 者  $\Box$ 從墓之墓, 門, 不 子. 起 弑 「齊慶 年 不 洵 也。 不 問 異 邪 講 者與? 報 舉 闕 如 此 Щ 於 毁 葬, 謂 已久。 齊, 者 反, 囿 自 其 生: 喪 牆, 氏 阼 於俗 今人不避 説 傳 柩 特 人歸 邪 兩 非 服 愐 禮 È, 「公之喪至自 階 夫改葬 人 之明 殯之。 不 爲 觀 記 歸 則 宜. 而 適 ᅦ 齊 可 公孫敖之喪 升 也。 反 不 尸 Н. 人之 可 不 所 反, 殯 人遷 文 可 改 適 未 載尸 即 注 得 H. 殯 也 所 ൬ 人 葬 大 則 異 拘 以 可 Ĥ 何 鄭 也 莊 殯。 緦 斂 於 人 於 盡 改 大 反 致 乾侯,正 11 公 氏 Ħ. 中。 殯 夫、 注 葬 門 者 避 殯 生 其 殯 載 然 又 則 惠 此 於 忌, 禮 亦 尸 則 爲 侕 於 古 以 不 大 而  $\Box$ 盂 叔 禮 1 從 爲 V 口 大 今 此 其 大 Iŀ. 棺 T 氏 毁 經 死

> 之物 其 改 何謬之甚 於朝, 忌於柩 ·得, i; 其 事 未寒,置之荒煙 實 境 殯 以 百 情 大悖乎 介 官 於承 爲 無 其 漢 有可矜,不得 即 人子 《傷孝子 將 抑 所 即 兆 和 邪 限 命。 承之 何 古 遠 姓 光宫 帝 者 愚 所 也 之心 至 夫 邪 以 則 顧 誠 以 宜 蔓 柩 於禁 ? 雖 非 梁 又 拘 草 千 椁, 可 自 抑 追 然, 此 古 泥 É 貴 閒 人 止 古之罪 之謂。 又 盡 服 從 者 以 者多 古 鄰 入城 人 甚 大 ൬ 國 爲 喪 人 以 矣。 酷 禁 夫 之朝 若宋 之令, 矣 欺 死 蒙故 制 之, 出 欺 人矣。 殁 誑 丽 又 禁令 聘 其先 殯 以 而 何 則 之高宗 而 蓋 斂 於 爲 不 怪 限 雖 死 避 廟 事 可 附 葬 乎. 欲 之, 人,下 楊 於 有 既 X 人己之寢 柩 歸 身、 禮 寢 義託 氏 斂 既 於 歸 則 殯  $\Box$ 闕 於 今 無 於 不 占 附 以 梓 於 柩 高 則 如 家 欺 乃 古 宫 棺 PH 之 P 所 抑 而 造

哉 骨 愐 無 何 不

嗣 寢 月 丕 遣 ^ 置 宗 册 年 奉 府 正 Ė 元 先 少 月 龜 卿 之 丙 渞 李 載 申 瓊 常 敕 後 往 勤  $\Box$ 唐 曹 送 莊 州 朕 宗 往 顧 簡 之 口 惟 行 光 誠 寡 哀 靡 德 帝 年 怠。 獲 陵

此

貴 寮 慰 結 滯 御 復 爰 而 Ш 日 體 止 咸 自 雪 允 以 陵 情 朽 涿 於梟 彌 懷 若 懷 濡 重 幺 朕 罹 深 驚 興 明 於 哀 虺毒 宜令所 獍。 廟 恭 ), 涉 之恨 慶 感。」 古 念 社 澤 寢 川 遽 昭 静 載 雖 興 爲 宗 以 殞 司 惟 蓋 展郊 有 懼 而 晏 龍 申 規 憂 别 是 增 額, へ駕 制 追 勞 選 禋 命, 惕。 由 · 豈 之辰 委冠 慕 静 旋 袁 是 以 之 或 陵 叶 虔 推 , 少 蕩 劍 年 心 信備 度程。 思 移 曠 滌 於仇 饑 0 帝 改 歲 隊 禮 於 凡 財 登 ト, 式 遷 月 瑕 讎 承 不 百 存 遐 祧 疵 足 託 之 鬱 臣 愴

### 火 葬

范 司 《宋史》: 火葬之俗 「今民 紹 盛 俗 興二十七 行 有 於 所 謂 江 火化 南, 年 ·, 監 自 者 宋 登 時 聞 生 則 鼓 已 院 奉 有

免再 仍飭 穢 至 位 此 又 所 爲 行 葬。」從之。 法 爲 鎮 東 朝 養之具惟 一,獨 舉 下, 正 下, 身 誘 焚 香 美 并 地 著 氣 令 : 寺日 守 後 人空亭約 起 談 州 狹 彰 而 欲言 守 盡 親死 人人衆, 化 之大 投 聞, 臣 臣 撤 以 貧 通 恐 之 人亭狀》曰 措 然 之 其 即 官 未 冤 景定二 濟 無 不 戮 深 置荒 則 舉 職 所謂 發。 錢 雖 魂 至,死 十閒 葬 邪 淵 承 在城 而 也 市 至 其 地 ! 閒 流 親 焚人之亭而 乃 付 Ш 者 年 訴 以 哀哉, 之 之喪 之烈燄,餘骸 外 : 事 宣 數 則 五. 震 罔利,合城愚 照 許 西南 黄震爲吴縣 鍋 皇天 地 燔 化 頃 月 久 悉皆 風 以 爇 六 切 斯 對 給 使貧 使 化 震 官 而 日 痛 人 本 民 民 去之。 里。 焚 地 捐 怒,爲 夜, 何 司 心 理宜 安葬 民 不 棄 棄之。 安 辜 不 久 風 得 畔 以 民 尉,《 本寺 葬 化 例 禁止 悉 绝 以 意 雷 X 而 於 韓 至 者 收 禮 微 4 此 驟 則 爲 有 或 漕 今 琦 河

之尸 平 麇之 之, 受 以 即 所 忌 生 作 者 孝 謂 使 根 莊 小 之大 寺 墨 不 必 前 激 而 府 Ŧi. 此 然謂 之上 師 之 忍 有 未 畀 僧 其 斂、大斂 亭 虐 而 越 蓋 也 殃, 之法, 之 民 孤 之火,慘 者也,此 明 動 爲 至 子 之 亦 邑, 囑 之 焚 日 戮之於 故 殆 既 西 殃 也, 幸 衛 人之 襲 積 葬 以 行 自 戒 商 此 據 侯 則 · 焚 虐 亭 古 用 至 下 Ŧi. 紂 況 亭 寺 不 掘 X 親 死 之極 其 年 其 本 以 殯 可 爲 僧 之 可 褚 煙 可 設 毒 後 葬 來 可 司 0 炮 得 壞 發 思 師 徹 知 也, 所 也 再 雖 烙 覺 定子 誤 而 皆 耳 出 無 勒 於 也 無 也 敵 之 人之 陳 燕 上 復 火 壁 **令** 萬 展 之事 哉 刑 之墓,焚 案 狀 人之尸 之 監 踊 人 死 人 楚 或 禽 焚 掘 邪 吏 道 造 子 皆 爲 者 謂 爲 其 何 齊 謹 生 期 施 之 天 雖 夏 遷  $\mathbf{H}$ 之計 案, 親 之 猶 震 單 欲 實 父 之 駆 其 備 蚩 燒 守 焚 災 弗 於 其 有 尤 親 竊 敢 申

鏤、骸骨 略 刑 灰 後 信 可 也 説 甚 恐 掘 冢 計 矣。 死 베 了、欲燒 H 燒 非 下, 陸 人 畏 者 多 昭 共 燒 以 不 去 信 也 謂 王 誤 然 殺 自 陳 及 忍 并 喪 賈 與 齊 先 則 敵 亂已 愛 幸 其 病 盡 良 之 死 爲 明 昭 人 人冢 漢 焚 也 其 姬 P 等, 之也。 而 來 其 是 信 夢 望 其 仇 廣 身 王 飛 焚如之刑也,豈 P 不然, 漢 亦 旋 昭 之 尉 耳 先  $\Pi$ 家 昭 亡,是死 去。 氏 故 涕 遂 平 佗 亦 人 欲 平、 諸 王. 尹 誅  $\coprod$ 之尸 陵 誅 等 在 泣 與之 去 舉 燒 夫 齊  $\pm$ 單 滅 粤 無 死 至 其 欲 乃 怒 不 淫 爲 爲 思之 地 而 不重 尸 要 不 聞 發 燒 + 掘 虐 淮 餘 有 原  $\mp$ 掘 約 可 漢 子 痛 其 其 尸 倍 注 及 無 揚 Ŧi. 靈 莽 至 聞 孫 掘 哉 尸, 尸 Ľ 都 亦 從 道 年 魏 乃 作 之 猶 者 而 燒 燒 文 尉 日 婢 去 焚 皆 其 仇 事 帝 出 齊 東 取 知 其 所 歸 玉. 之 海 如 燒 燒 以 姬 所 先 破 紁 反 此 痛 柙 人 葬 制 之 爲 深  $\pm$ 昭 之 誅 相 則 詭 燕 憤 金

世

而

之

者

氏

全

痛莫 之不 之門 E 官 有 誅 之 常 忠 反 棄 爲 衣 至 此 亂 甚 隋 悦 之 施 刑 元 殺 仁 掌戮 既 冠 此 人 死 司 暉 一**,** 石 於 開 耳 壽 水 此 之罪 IIII 也 之事非 出 亦 焚之者 亦 o 焚 焚 宫 於 夫 因 勒 凡 其 則 掘 石 吾 之, 人者 役 惟 父 淫 人, 以 剖 尸 勒 實 爲 宋 殺其 其 **□**: 蘇 刑 也,乃全 夫 施 於 之 其 父 天 誅 非 況 矣。 骨 峻 如 親者焚之。」 之極 死 棺 死 酷 瘞 下 素 太 可 法 肉 以 隋 一、焚其 不 道 而 報 子 冢,焚 焚 蔣元 者 施 忠 反 文, 惡之人,「原 非 足 上,楊 忍爲 之! 其 微誅,焚 劭 誣 之 法 又 以 何 F 且. 逆 暉 然 衣 父 太后 其 之 往 盡 此 黨 瀆 不 素 非 冠 母 夫 日 虐 骸 其 往 其 也 忍 耳  $\pm$ 焚 斬 亂 治 : 越 骨 骨。 骨。 Н. 罪 拾 注 鸚 焚 之, 之, 宫 世 之 肉 不 然  $\pm$ 亂 其 也 人, 鵡 囂 法 周 惡 殺 楊 所 遺 平 可 慘 敦 天 禮 也 一楊 嚴 ? 聞 虐 玄 焚 燼 施 之 朱 則 叛 古 F

隋

秋

感

猶

逆

者

宜

越

之法,● 矣。 之, 税 焚 漏 親 識 火 説 空 小 人 念 道 燒 亭,不 澤園 補。」然 死 者 邪? 育 地 以 何 戒 川 者之何罪 , 名 若 芒 爲 而 口 既 更 火 一之設 之痛 或 干 利 今吾 許 興 自 焚 爲 自 自 爲 者 之? 再行 焚 之嚴 火 傷 焚 而 宋 義 惋 乃 所 邪 而 風 葬 也 揚 冢 以 久 以 處 ? 地窄 備 起 0 敗 灰 禁, 欲 來, 習 矣。 2置,其 焚 中 榜 俗 於 以 今之焚 望 其 以 或 焚 人 人 通 待 此 河 子 台 八多,不 莫 今 成 濟 邪 爲 其 風 貧 之 於 慈 孫 俗 此 通 ? 寺 親 佛 故 民 者 H 哀 矜 邪 濟 風 爲 者 盛 法 智 之 死 外 ? 戒 能 生 謂 寺 甚 雷 · 或 葬 慎 民 或 也 徧 火 然 以 僧 宜. 佛 已壞 終, 葬 之 邪? 邪 家 聞 不 天 焚 者 慘 除 每 無 人 孝 幸 之 佛 其 里 相 雖 實 外 益 知 焚 之 罪 有 之 給 率 有 非 廢 或 甚 租

0 國, 據《校 記 鈔 本 作 夷 狄

之事尤爲嚴 骨之弊,發 棺 14 家, 甚 之。 止 五寸之椁 今杭城火災日 而長官不爲禁止, 士大夫不知 其虜也,不憂其係纍,而憂其死不焚也。」蓋 煙上,謂之登遐,然後成爲孝子。」《荀子》言:「氐羌之民 爲 乎 於華夏,●辛有之 埋之,於杖 人於服器之微 秦之西有義渠之國者,其親戚死,聚柴積 洗骨 |廣信 · 安 國 ! 〔汝成案〕火葬之事,杭城至今猶沿其 庶乎 知非 至 使淨 以禮、後王其念之哉 茶毗 路,又 有 ,附身 耐 此火化之魂 通 别, 重, 禮 成 巷 月 教 之教,始 附 訟, 輒 貯 也 蓋 有 被 相 棺 所 以 瓦 焚者。 可 斷 告,往 猶 葬 之具 瓶 謂 興, 貯 埋 内 積 而 不 洗 適 官 埋 爲 必必 骨 怨 往 棄之,況敢焚及於尸 當火起 敢 民 庫。 於 之。 而 伊 兢兢。 葬 誠 致此 投之於火,故 俗 者。 家 沙 動 ]1] 必信 夫古人親死,三寸之棺 是以 門,塞 可 火 色誡論, 時,官民 厲 八發,連 其 乃今至于火葬、 既 厚 争吉壤 也。 勿之有悔 葬二三年 〔原注〕《列子》言: 亦 也 習爲 [又案]近 及數家 預 外之風,被 俗、至爲慘傷。 奔救, 而 者往往 西羌之俗有 見之矣。 焚之,熏則 嗚 故常。 於重 前 後, 莫之能 或 呼 洗 多盗 窀 輒 111 數 柩 而 啓 也 江 +

> 绝哉 葬,火 異? **、葬則焚棄其** 安有仁人孝子乃恬不知怪,相率而爲之,不知 (親,洗骨 葬 則 與 八受傷 身 死 當 官 檢 騐 者

何

葬者。 奏疏。 宗嘉祐 官給六百文,幼者半之。 《後漢・ 宋初又已著令: 壖地葬之,表識姓 於其亡也,乃有 廢 其 漏 宋 神宗亦詔 七年,詔 天禧中,于京城 桓 澤園 法。 以 帝紀 禮教 / 趙 開 「貧無葬地者,許以 之設,起於蔡京,不可 給 封 名, 京 地 <u>Ż</u>. 氏 府 楊 葬 爲 師 日〕按《月令》已 外 國,而 巾 畿 璉 設 見韓 死 DП 内寄 地 祠 者 真伽之事 禅 于 魏 祭。」則後 相 院 74 菆 不 公《君 枕、若無 郊,給錢 買 之喪。 能革 官 地 地 瘞 臣 漢 有 安葬。」見于 無 是 親 相 瘞 Ē 火 掩 È 屬 漏澤之設,不 遇 貧民之不 有 葬 傳 骸 者 骼 以 此 骨 之俗。 制 叮 埋 其 又 每 范 胔 于 能 Į. 百 而 官

而

0 终於戎翟 外之風被於華夏」,據 《校記 》, 本作「被髮之風

自

蔡京始也

,特其名或起于京耳

### 期功喪去官

典 棄官 以 以  $\overline{Z}$ 云: 叔 祖 兄  $\Box$ 義 自 碑 兄 邨 矩 父 子 弟 以 非 <u>×</u> 學。」《 憂, 喪 父 古 喪 服 兄 除 爲 博 安 去 母: X 則 É 去 順 勃 上 不 士 帝 官 於 服 劾 官 喪 弟 海 虞 幸 遷 至 徴 初 不 歸 期 去官 喪 令趙 王 長 0 戴 右 又《 功之喪, 郎 Ę 以 亦 則 得 扶 陳 挂 以 君 中 風 吏多 謂 兄 風 兄 寔 楊 去 以 從 碑》云: 令, 槐 俗 喪 之 憂 職 以 伯 仁 父憂,去官。」 避 里 亦 皆 通 憂 期 父 以 不 以 <u>\*</u> 令, 事 謂 攷 棄官 喪 喪 兄 兄 也 行 棄 之 之憂 去 喪 去 遭 琅 司 官 於 官 ^ ^ 官 去 持 同 邪 徒 范 度 劉 也。 官 書, 服 産 相 楊 賈 馬 滂 乃  $\sim$ 尚 衡 弟 公辟 憂 楊 父 逵 融 譙 如 **\$** ^ 碑 碑 憂, 曹 著 即 以 遭 玄 韋 通

辭 守, 清 碩 士 始 Œ 漢 子 喪 奔 嬣 寵 碑 也 原 北 <u>\*</u> 議 中 之 末 喪 也 歸 史 注 舉 韓 自 遭 飄 ^ 經 自 時 〕古人凡喪皆謂之憂, 去 楊 光 楊 免去職。」 李 陳 : 姊 然 遂 **一**晉 序 而 典 職 · 彪傳》。 少 議 憂, 重 輕 旌 遷 釋 潘 日 仲 傳 • 舉 以 有 雖 多 高 岳 印 則 嵇 去官。」  $\frac{\times}{\Delta}$ 爲 宜 伯 不 陽令, 不 子 紱 《悼亡 尋 ^ 則 紹 孝 貶 母 悉 行 則  $\pm$ 0 之 程 傳 已嫁 廉 變, 服 妻 從 純 舉 遭 晉 喪 氏 又言: 則 其父母 父、 詩 未 服 有 碑 尤異 從 妹 亦 陶 亦 之妹 姊 日 除  $\stackrel{>}{Z}$ 期 拜 喪 兄 從 頗 可 淵 喪則 喪 荀 之喪 而 於 當當 天 沛 徐 兄 有 以 猶 明 : 亦 爽 應孝廉 武 亹 州 謂 相 去官 水 改者。 喪 去 遷 作 謂 拜 引 憂, 亹 而 刺 林 之丁大憂。 太 官 亦 爲 ^ 之憂 據 郎 期 史, ··, 情 行 守 歸 以 會 謂 篤 也 大 月 晉 舉 以 甚 王 奔 去 失 稽 之 義 在 義 周 也 致 泰 博 後 E 其. 駿 來 妹 見 太 忘

之,猶 代 戚 就 之人, 戚 車 彌 當 是 相 恥 躁 削 愍 與 於 0 期 爲 得 又 喪 伍 官 日 既 一,況三 : 周 輕 投 一代聖賢之列 然 於 心 後 持 遵 就 服 朝 官之 , 令 晉 命 證 平 揮 人 涕 見 今 强

除 喪 籍 貶 無 臨 懷 造 從 車 輔 + 之 ir;同 兄 預 太 婦 嫁 騎 喪 傳 友 居 傅 喪, 餘 以 長 服 女 于 詔 晉 人同 叔 之情 楊 史 隗 清 書 自 梁 13: 韓 駿 未 隕 並 風 表 日 會 州 喪 預 方 俗 傅 奏 下 宜 請 赴 刺 咸 彊 而 之。 咸 哀 客 隗 加 史 在 奏 婚 聘 輒 傳 奏 劉 顯 奏 楊 曰 信 其 行  $\forall$ 廬 東 伎 詔  $\Box$ 隗 貶 : 女 欣 造 宿 江 閣 傳 聽 爲 謁 死 惠 以 一夫 水 有 太 祭  $\forall$ 之 妻。 聖 喪 帝 相 守 姊 隆 酒 恩 而 急 之威,兄 時 嫡 長 風 梁 顔 世 喪 未 輔 諂 矜 妻長子,皆 史 子 教 龕 含 司 下 憫 爲 未 媚 \°\\_\\_\ 周 文 明 在 隸 之 中 經 學王 聽 愷 顗 H 叔 弟 荀 敬 īE. 旬 張 使 等 當 父 乃 孔 愷

言 : 魏其 禁 等 衰 章 身 未 服 會 以 書 從 愆 重 杖 春 仲 -,名 不 之。』《 宜 斷 終 居 有 知 而 此 喻 預 武安傳 孺 秋 ¬ 令: 之,不 喪,不 龕 廬 人 哀 譏 宴會 有 以 教 肅 大 唐 服 猶 故 故 焉 有 容 謝 Ŀ 喪 既 之證 杖 時 喪,吉 譏 夫之門,停 安傳 從 挂 紀 周 預 虧 派 陪 索 格 期 當 之禮 彈 隱 相 況 景 宴 預 **令**, 實 語 文 日 衣 龕  $\pm$  $\Box$ 會 會 大 舊 朝 灌 玷 下 未 請 期 冠 有 兀 夫 非 功 唐 期 會 皇 服 日 一夫,暮 隊 效 功  $\equiv$ Ŧ 比 禮 殯宫 喪 書 免 喪 謂 化 之, 年 前 手 之 , 宜. 來 鄉 未 龕 期 吾 不 之喪 經 喪, 舞 朝 議 葬 王 功 遂 官 欲 宴 廢 而 伏 各 之服 足 駔 官 不 樂,王 以 朝 方 朝 召 望 奪 今 仲 削 蹈 不 原 成 祥 既 慶 親 廷 孺 申 俸 則 預 是 侯 注 遵 傳 過 俗 除 朋 公 猶 明 || 史 朝 慢 有 則 田 \_\_. 爵 禮 魏 而 漢 之 違 令 以 之 月 服 説 賀 世 其. 法 時 宴 會 侯 式 憲 爲 以 之 齊 頗 顗

者,至 異 嗚 世 H 端 代之降、大 呼 異 而 有 (歲深, E 乃 人心 髽 抵 宜 踊 禮 者 平 方 H 益 則 板 聞 替, 蕩之哀, 宜於此 衿 法 H 鞶 益 已 弛, 馬變矣。 甚 飾 所 於 以 敗 永 持 禮 嘉 世 「楊氏 一者,俗 之 傷 世 教 H 説

喪,仁 媾; 賜 成 止 委 軍 贍,女弟 東 (佐親 死 頗 馳 觀 。」唐 棄 年 裴庭 .贍不 驛 奏記 駭 母: 賢,不 九 發 出 聽 動 裕 季 月 **\***: 遣 嫁 易 罪 五 逾 楊 敕 其 前 大 守 於千 氏 代 進 原 喪 條 册 日  $\vdash$ 中 之時 庭 州 ± 妻未 章 里,不奉晨 府 朝 司 于 裕 憲 元 有 彊 其 或 瓌,納 馬 及於 可 龜 作 法 買 聶 前 糾 延 猶 店 嶼 裕 半年 鄉 論 涿 重 昏。 宅。 後 貢 見 擢 之日 貶 唐 進 通 從 令本 别 細 康 明 士: 鑑 班 攷 成 詢 州 有 宗 楊 列 異 參 處 姻 行 天 期 仁

臨 陳 爲 册 飛 府 矢 元 所 龜 中 字。 唐 薛 膺 膺 聞 爲 難 左 不 補 闕 及 請 弟 齊

> 馳 居 補 外 闕 馬 野 以 庠 赴, 布 去 巾 河 與 終 南 弟 喪。 縣 褒、 尉 庠 蹈 直. 處 名 弘 教者推 喪 文 如 館 禮 之。 與 褒 膺 去 左 屏

祖 會 喪,棄官歸養。」「吕 年 儉 兄 爲 祖 必 宋 限 謙 欲 史》: 卒。 終 自 期 祖 王 部 喪 儉 法 巖 始 朝 祖 **У**Н 叟 廷 半 儉監 爲 然 從 年 之,詔 涇 史之所 不 明 州 上. 州 推 者爲 倉, 違 官 書, 年 將 違 聞 者 亦 年 以 弟

喪, 史。 於場」,二三子「羣居則絰」之遺意 原 注」《後 則 而 漢 朝 荀 人 漢 廷 有 淑 書 古 以 之卒,李 已許之矣。 師 劉 喪 焉 去官 「原 膺 時 者, 注 其 爲 如 蜀 亦 尚 志 延 子 書 篤 也與 貢 自 並 孔 築 表 見 於 室 師

緦喪不得赴舉

金 服 緦 郭 故 殿 喪 士彌躁進, 稹 等 付 赴 宋 夫 御 舉,爲同 四千三百 舉。」今制: 禧三年 史臺 丽 劾問 風俗之厚不如昔人遠矣。 輩. 人, 正月乙亥,「 所 殿 非三年之喪皆得 訟 見於崇政 三舉, 1 命 典 可 諸 殿 謁 路 保 詰之, 貢 人 時 赴舉, 並 舉 稹 人 顫 引 F

#### 喪 娶

注曰 譏 幣」、《公羊傳》:「納 則 何 : 譏 何 春秋》文公二年「冬,公子 譏 乎 「僖公以十二月薨,至此未滿 爾 喪娶? ? 喪 三年 娶 也。 幣不 之内 書, 娶 不 在 此 啚 三年 遂 何 婚 如 以 二十五 -之 外, 何休 齊 書 納 ?

> 月。 魯莊 嫁 子 行吉禮。 公主將出降長孫氏, 譏,而況於昏嫁乎! 几 除 百 從 臣 史 ൬ 女、祠祀、 者皆在三年之内,故云爾。」 古。 策 十· 五. 下。 啚 姓 無宜情隨 公。如 又禮 具 鄭 婚,二《傳》不譏,失禮明 玄云: 飲酒、食肉。」此 其 而 至 原 載,是非 注 于志寧上 有 先納采、問名、 於 笄,二十 齊納幣」,杜 ]漢文 議 公主 「有故 例 者云: 改。 歷然,斷在聖情,不 帝 服 詔 而 疏 漢 티: 是 心 議者 謂 準 嫁。 言 唐 文創 預云:『母 喪之内,方復成婚 斬 遭 「天下吏民 制,公除之後 高 納吉 衰,縱 喪  $\sim$ 宗永 有 以 制 禮記》 也。』《春秋 故 時 其 故 然 ,二十三而 乃 既 徽 儀,爲 使 册 也。」此 則 喪未 公除, 中,衡 納 禁 Ĕ 服 待 納 幣 取 (),須 隨 問 再 幣 婦、嫁 天 <sup>「</sup>女 例 Ш 猶 此 下 並. 於 則 期

<sup>●「</sup>喪娶」上、《公羊傳》文公二年有「譏」字。

待 家 齊 非 争 本 秋 下 者哉 伏 芳 於 於 嗣 惟 天 年 法 湯 膺 違 願 於《禮 經 無 寶 服 遵 禹 位 翼 虧 地 高 公主 義 宗之 經 然 弘 臨 =獎 故 後 統 令軌 情 仁 亦 守 成 萬 禮 是 禮。 孝 禮之臣 方 略 人 得 之 理 情 畢。」於是詔 <u></u> 日 孝 宜 不 非 文之權 敦崇名 猶 繼 可 有 得 美 或 引 義 伏 之 制 公主 經 教 惟 典 之 或 陛 而

未

遣永康侯徐安等持

節册

封

王

妃

親 反 母 亡 史 不 · 或 聽 不 喪 服 • 云白親。 講 内 章 在 昏 云日 一宗紀 喪 昏 此 娶 書 嫁 娶 聽 世 **\***: 娶。」〔原 聽 楊 離 載 俗 氏 離 「承 澆 法 記 日 漓 法 0 **》言**: [] 今人 ,喪婚敗禮,莫斯 安 注 僭 Ŧi. 七 時 或 有 月 年 勒 石 閏 乘 號 新 三月 癸亥,定居 勒 朝 所 喪 部 下 猶 而 爲國 極 戊辰,定 書, 然, 娶者 矣 人。 禁 調調 祖 今人 或 之拔  $\sim$ 父 妻 金 人

奏: 弟大冶 實 録  $\pm$ IE. 季 統 堧 + 澤  $\equiv$ 武 年 昌 几 護 月 衛 楚 指  $\pm$ 揮 季 同 埱 知

> 翟 煒 翟  $\pm$ 部 氏 未 議 薨 政 逝, 拜受,候 薨之先, 言:「王 妹 爲 季堧 妃。 服 君 應 於崇陽 昏 滿 命 持 期 成 Ė 服, 在 昏 下 王 邇 [。]從 未 不,不 當 節 敢 服 之。 册 成 意 到 期 昏 叔 「原 年 日 学 注 上 合令 緣 陽 正 崇 命  $\pm$ 月 孟 禮 妃 陽

禮 説 與 擇 陽 及 妃,李磐爲 康 書》謂 日 成 郡 之大者。 王 而 嫁娶。」禮 昏 存 王 天 欲 順三 日 而 明 廢 郡 , 父 年 妹 此 主 擇 年 服  $\pm$ 爲 長 喪 俱 潞  $\dot{+}$ 部 内 薨。 平 弟 制 父 侍 月 成 州 郡 喪 妹 郎 庚 親 民 今父喪已 主 (戌,瀋 乞行 婚 未 鄒 李 儀 律 幹言: 終, 不 剛 賓 有 利 長 女 王 乃 明 史 , 乞允於 已受封 越大 爲 佶 惑 禁。 「三年之喪 司 弟 焞 於 啓 奏:「、 今瀋 祥 永 陰 王 册 今年 陽 年 父 之 陰 王. 俾 王. 未

「僭國閨朝」,據《校記》,鈔本作「夷狄之代」。

0

罪 待 也 服 翼 其 成 命巡 禮 按 上 御  $\exists$ 史 : 執 口 是 如 長 律 史不 能 輔 導 之

爲 時 將 九 丘 ", 乃 月後 哉!」不允所 軍  $\pm$ 并 遜烇 十月癸丑 欲爲 成婚。 女臨 日 男 : 女成 城 「所奏第四子、 一,廣 且. 奏。 縣 爾 婚 靈 主, 兄 王 以 初 俱 遜 喪,正 廢 己 烟 奏報, 大禮 薨。 第 哀 Ŧi. 是 癸酉 戚 欲 子 岢. 不 於 俱 暇 所 本 鎮 敕 忍 之 年 靈 或

侍 遺 郎 詔 章 憲廟大婚在 而 上綸有 士大 請 夫多 待 天 來 以 順 春 爲 八 」之奏。 非。 年 之七 故 南 月 京 禮 雖 託 部 右 之

# 衫帽入見

蔡挺 麤 難 傳》:「仁宗欲知 入禁中 唐 書 令戎 李 訓 傳 服 \* 號 契 丹事,召 文宗 王 Ш 人。二《 召 見 對 宋 訓 便殿 史 以 衰

> 黑 者 挺 不 時 與 有 常 敢 父喪, 人 假 無 公 異,是又李訓之不 服 聽 也。 以 衫 今人干 帽 人。 謁 則 官 如 唐 長 平 輒 宋 1 易 有 青 喪

## 奔喪守制

其餘 去官。 喪守 母 以 則 父母、伯 奔 録 人 尊降之禮例 、 兄 ×; 居 喪 於 制 之制 期 官日少 期 一洪 今後 弟 記 服 ,或一人  $\cong$ 喪, 功 叔 武二 不 除 之,妻、適 父母、兄弟皆 之 許 : 俱 先是,百 父母 更易繁數, 十三三 喪 得 奔 奔 連 無 奔 喪 喪。』詔從之。」此出 及 遭數 子喪 年 赴。 有 者 祖 官 閨 父母 宜. 一, 自 不 喪, 去 曠 聞 期 74 至 奔 官 齊 官 袓 或 年 月 是 承 者。 伯 衰 廢 道 服 父 甲 重 吏 以 叔 事 、 若 俱 路 母、 戌 者 部 父、 下。  $\wedge$ 數千 1 太 言 兄 伯 除 汝 弟 於 祖 令奔 叔 期 是 成 可 案 祖 父 實 年 不

三五百里 奔 時 喪 權 紳之士矣。 守 宜 制 之 爲 政,沿習以 禮 法之當然 〔楊氏 日 來, 」 其 , 而 至 、敝總 倍 由 一百年 死忘 于遠 官,若 哀 遂 多 以 近 見 不 在

即即

少曠廢之患矣。

於 憐 卒,時已除 貧 氏 按 隨 人子之情 而許 卒,乞奔 察司 母 實録》又言: 之。 事、監察御 嫁 奔 喪。』許之。 陳 是 固 喪之制, 氏,後年長 聖 未 祖 嘗 史陳 雖 執 依 德文懇請甚至,上 十 德文奏言 德 吏部之奏,而 也 歸宗。 七年 文四 四 歲 至 月 喪父, 『嫁 是 署 其 仍 <del>1]</del>: 北 特 通 母: 家 劉 平

其任 或 竊 者 明 典。 謂父母之喪,自非 惟 年 用 遷 三代 所 著作 服 (沈氏 謂 制 佐 聖 奪 旦 郎,丁父憂去官 情 而 王 起 沈 른 教 復 世 者 化 泊 也 喪 굸 金革,不得 之 亂 如 「案起 事 歐 以 已 , 陽 一而真 其 來 復者,喪 公《晏 僅 宗 浸 起 存 思之,即 殊 已 制 復,著之 神 於 道 未 廢 今日 終,勉 碑 其 墜。 家

家 祭祀 褶。 謁 在 朝。』《暢當傳》: 奏: 年,而 六 上。 服 持 依 如「起 妹、妻、子 所 今人不攷 起復爲淮 品 ,不許嫁娶。 選 外 朝祭,不預 重 洪 知 每當 已下 玄宗開 如 諸 不去官。 宴 復 服 武 有 左 生 會 並 司 慘 雖 例 而 初 其 南 īE. 僕 故, 許 元二十五年 素服 期 旦 發 員 不 祖 年 射 以 俾 通 及 喪不 運 及大功 準 「入公門變服,今期喪已下慘 服 去官者,(原注)唐制: 中 但 著 之 父 慶 緣大禮 使」,及史嵩 佐 式 翼 書 袴褶 治 制 母 必 歲 賀。 + 貮 不 爲 門 解官。 事 考, ), 許 合 起 下 五. 伯 應 <u>+</u> — 攝 ,〔原注〕公服之内仍 以下喪者, 著 平 復 朔 原 月 之。 叔 不 朝 令 朱 望 章 誤 之喪父,「經 月丁亥,御 注 服 官并六品 禫 父 衣 日 事 解 赴 矣。 湯唐 文武 滿 袴 臣 母 後, 未 官 科 褶 趙 書 宋 補 任之官 奔 兄 普』是也。」人人 舉。 復 者,其 制、銜 京官 朝 職 清 爲嫡 史 Ŧ 赴 弟 誉 故 集 官 大夫李 方 1, (原 起 之喪,並 並 庶 Ŀ 制 日 使 許 子 慶 其 復 用 衣 亦 聽 是 並 傳 斬 其 無 麻 以 注 朱 他 帶 是 也。」 不 服 適 》, 衰 之 葛 得 衣 姊 素 書 雖 也 人 袴 之

若夤 仍 期 書 功 緣干 之 喪 申 宴 請之風 明 會 亭,以 作 樂者 ,亦不待禁而 示 清 官 議 員 庶 罷 職 幾 衰 民 士: 德 子 歸 黜 厚。 退

止

矣

部 : 私 以 而 石 過 家 ,鈔二十五 母 ,給三月全禄。」 犯 居者,皆 喪 洪 凡官 者,照名秩給 武 去官。 + 員丁 錠。 有 年二月,❶ 上思之,特遣 憂,已 賜 自後 焉。 半禄終制。 在 凡官以父母 職 + 廣 七 Ŧi. 西 年 年 人賜 布 正 政 在 廉 月, 職 米 使 勤 喪 六 臧 去  $\equiv$ 無 命 年 腻 吏 職 + 哲

#### T 憂 交 代

重 欠 出 倫 庫 半: 未 月 昔 紀爲 補 時 近 見 服 輕,既乖宰物之方,復失使 議 有 翼 必 司 猶 令交代, T 不 父 得 母 歸 憂, 者。 方 許 聞 是 計 離 則 任 奔 錢 喪, 臣 至 糧 之 爲 有 不

> 曆後用] 皆俸 者 事。 禮 而 交代,亦不過應之以 虚文,至於近 而 遄 使,(原注)余家有嘉 糧 無 大 行 亦 掌 知 益 其弊 吏之誅求尤苦 於 足 今則州縣之中,錐 縣印。 無 養 於 以 縣 所 廉 或 贍 之 丞, 爲令者稽其 留 計 爲 由 其用,而 年,天下無完庫矣。 滯,而 案 致孝 盈 始 牘 靖 虚 年買 於 掌 之源乎 之數 不給,庫 亦 虚文,徒 刻 不取 於 地 不 刀 要 削 主 文契,皆用 也。 見有 之末,上 ? 而 太 之庫 簿 無 调 藏 滋不孝之官 嗚 那 税 所 一藏 罄 呼 税 移 課 蓋 與 乏, ! 盡 課 即 故 侵欠之 掌 昔 焉 取之, 可 報 聞 勒 於 者 印 X 令 以 計 又 大 錢 萬

用 庫 錢,父死不 陶 侃 謂 王 貢 奔 日 喪。 : 杜弢爲 卿 本佳 益 一人,何 州 刺 史, 爲 隨 盗

作「十二」。

<sup>0</sup> 「二」,中研 院 此史語 所 整 理 本《 明 太祖實録》卷

之也 弢 而 弢 ,然如此之人作 ? 敗 走。 天下安有 今 日 賊 居 白 官 亦 頭 不能 之輩 賊 乎?」 貢遂來 成 大大半 也 - 皆 如 降, 杜

食,倍流 者 泗 荆 尹 而 帝位,立 順之。 滂沱 鎮,髣髴奉 不 史言: 遺 道前 憂時,爲齊隨 小 七 哀 或 動 廟 行 梁高祖 問, 左 之臣, 月 憤 右。 中 風 丁文皇帝 便投 驚浪,不暫停 再 必 王 然 過 鎮 有 則 劒 西 使 明 每 星 諮 「原注 之各 王 至 馳,❷不 議 孝 展 一高 啃 參軍 治天下, 拜 盡 祖父丹陽 其 常 及 復 情 涕 居 寢 在

道

彰矣。」上然之,故有是命

千 後 母之喪,必待移文原 喪 僉事吕本言: 奔 里 者,不待報,許 喪。 洪 武 且 臣竊 八年 萬 · 近 里。 以 八 月戊辰,詔: 爲中外官 制 即 及 士大夫出 去官。」 籍審覈,俟其 其 文移 更去 時 往 仕 北 百 鄉 復,近者 在 平 官 (還報 或一 外,聞 按 聞 察 父 然 父 母 司

> 憫。 實。 還家,則殯葬已畢,豈 月 屬 棺 遠 陳 柩 庶 於 臣 亦 者半年。 請 人子得 官 有 自今官吏,若遇 不 移文 及 盡 見者。 使爲人子者銜 任 送終之禮,而 所 令其 惟莫覩父母 揆之子 親 奔 喪 朝 情, 許 哀待 赴 廷 容 然 深 孝 **令** 報 體 理 後 其 可 之 覈 家 憐 雖 比

# **武 官 丁 憂**

事 從 非 步 在 王役。」 疆 歸 晉書》言: 埸 廬 險 宋 山 要 岳 之 飛 完元 姚 乞終 所 史》言:「 興 皆 下 母 聽 書: 喪 奔 成宗詔 赴。 將 以 帥 張 及 遭 憲 軍官, 期 大 攝 軍 乃

- 「問」、《梁書·武帝紀》作「聞」
- ② 「劒」、《梁書·武帝紀》作「劾」。

八 者 £ 母 非 官 除 邪 特 年 例 邊 病 0 可 卒, 道同倫 遠 立 出 蘭 限 奏乞 征 州 奔 之義 豊 衛 其 扶 赴。」然 非 指 餘 柩 也。 揮 遇 求 歸 僉 祖 忠 則 葬 事 或 父 今 臣 鄉 入母、 徐遵等, 史言:「洪武二十 制 必 里。 於孝 武 父 官不丁 廷 母 以父及祖 子之門 喪,依 議 勿 許 憂, 民

## 居喪飲酒

龜》。 官 慎 衣 坐 爵 居 餘 華 + 流 服 唐 答 嫡 故 憲 母 循 過 法 四 宗 年 州 喪, 坊 曹 十,忠州 博 四 市 元 陸 與 月 和 賡 文 飲 進 辛 九 男 士 遞 酒 安置 丑. 慎 年 歸 劉 食 餘 四 本 師 驸 肉 貫 月 師 服 馬 與 癸未, 詔 服 宴 都 兄 笞 原 博 飲 尉 各 5,季友 注 四十,配 于 決 文 京 季 四 居 册 兆 +; 喪 友 府 削 府 元

> 唐 唐 流 書 室之所 連 州 本 0 紀 以 于 復振 頔 以 以 禮 也。 不 坊 能 民, 訓 而 子 ', 削 法 行 階 於 貴 原 戚 注  $\neq$ 此 舊

有此 高 爲 以 吾當 懼 天 人,居母喪, 下 姚 而 私 興 逃 是 刃 匿 時 非 斬 有 ,終身不敢見。 爲 之,以崇風教。」遂 彈琴 己 給 任 事 飲 黄 京 酒 門 兆 侍 韋 詵 僭亂之國 郎 高 聞 古 持 慕 而 ?劒求 成 阮 泣 詵 7. ❷猶 籍 日 高 之 每

### 匿喪

記 孟 昇匿 後 唐 母 明 宗 憂,大理 天 成 寺斷 年 閨 流 八 月 奉 敕 滑 州 朕 掌 以 書

❷ 「僭亂之國」,據《校記》,鈔本作「氐羌之朝」。❶ 「八」,《明太祖實録》卷二四六作「九」。

先 失 世 刑 爲 而 被 允 於德 於 可可 是 從 人 乃 儒 重 糾 子 都 人 冠 賜 望 + 昧 以 本 自 職 一,嗣 操 何 各 盡 居 貴 惡 修 堪 三其 有 守 賓 持 難 殿 但 帝 幕 或 瀆 寬。 罰 觀 貪 啚 污 法 比 察 榮 時 將 政 資 以 使、 禄 風 復 必 籌 正 判官、 , 敗 究於化 匿 投 畫 人 荒 母 傷 倫 以 喪 0 録 名 贊 源 而 無 孟 事 教 盤 不 參 如 昇 道 舉 維 軍 身 每 去 Ŧī.

### 國恤宴飲

卒未 子以 此 日 宿 猶 : 于 葬。 戚 戚 叛。 異 燕 春 哉,夫子 之巢於幕 而 秋 懼猶 原 可 傳》言: 注」衛 以 不足,而 樂 獲罪 大夫孫文子 上,君 乎?』遂去之。 「吴公子 於君 又何 又在 以 樂? 邑。 札 在 殯。 自 此。 聞 衛 [原注]獻 夫子之在 鍾 文子 如 (原 聲 晉 注」文 將 聞

> 國。 也。 大不 整 紛 書 萬 傳》「拜尚 葬,楷與 官殷嚴、 臣 解 成 之,終身不聽 魏 一、先帝 |梅 國 葩 光 王 而宴飲 書 门,尚 敬 憲 其兄子成都侯況 奏, 陶 有 絲 或 不道 無大臣 甄 是 河 未  $\pm$ 竹 Ш 曲 者 書 喪 之音 南 也 期 飛 楷 陵 陽 未 左 0 尹 月, 琴瑟。」 傳 君 《漢書 未 派 侯 期 忠 以 丞 診院 等, 原 成 王 聖 奏言: 而 流 慕 根 注 張 公公 宴飲 根 置 一時 聞 之節 主 普 嘗 • 元 漢、 袐 免爲 , 骨 縞 穆 酒 聘 衢 惠等 建 書 者。 后 魏 家 路 素 歌 肅 取 后 社 肉 臨 郎 庶人,歸故郡 以 舞 故 朝 飲 傳 祖 稷 至  $\wedge$ 百 宜 庭 | | | | | 下 晉 掖 明 戲 之策, 特 親 侈 寮 世宗崩 無 加 原 皇 免免 庭 有 書 摩,聲 放 慘 人 不 社 隸 山 帝 女 愴, 問 官 朏 臣 樂 遣 棄 鍾 稷 校 陵 伎 尚 背 雅 是 未 就 Ŧi. 大 尉 未 以 百

❶ 「復」、《册府元龜》卷一五四作「遣」。

禮者,君之大柄,可聽其 貶官歸第」是也。 曖、王士平及曖弟煦、暄坐代宗忌日宴飲, 僚憚之。 紀》「貞元十二年五月丁巳,驸馬都 有國忌而宴飲者。 此 皆故 颓 弛 《舊唐書 事之宜舉行者。 而 不問 乎! • 德宗 尉 郭

# 宋朝家法

職官、 或 所不及,故得繼世享國 不殺大臣及言事官, 宫中自行三年之喪,一也,外言不入于梱 殊不足言。 二也,未及末命即立族子爲皇嗣,三也 者並當取 宋世典常 軍 旅、食貨之制,冗 然 以爲戒。 其 不立 過 一, 政 於前人者數事,如 [楊氏曰]不殺大臣是美事 四也。 事叢脞,一 至三百: 雜 此皆漢、唐之 無 餘 紀,後之爲 年。 代之制 若其 人君

然如蔡京、秦檜、丁大全諸人,則失刑

也

日知録集釋卷十五终

# 日知録集釋卷十六

賦浮淺,不本經

流術,嘉

祐

三年

始復明經科。」今罷

詩賦

崑山顧炎武著 嘉定後學黃汝成集釋

# 明經

六科, 朝 葉石林《避暑録話》: 文宗始專用賦。」 業中始試以 之進士、「原注」《金史・移刺履傳》 法、明字、 隋煬帝置明經、 初 明法,五曰書,六曰算。 唯 今人但以 用進 明算,并前爲六科。」當 日秀才,二日 策,唐初因之,高宗時  $\pm$ 其 以 進士二科,國家因 貢 罷 經 「唐制 明 生爲 義 經 不 取 取 明經, 明 知 士,用進士、明經二科。 者 自 謂 經,三日 時 雜 〔原注〕《大唐新 何 隋 時。 之明 以 以 非 制 箴、 「進士之科 詩 也。 仁 增 經。 銘、賦、詩, 賦 宗 進 置 患進士 取 唐制 秀 士 原 者 才 隋 語 注 謂 本 : 四 有 明 至 大

> 不 又不得其本,則蕩然矣。」今之學者并注 不者,儻有司率情,上下其手,既失其末, 法,令其全寫注疏 而 不能通經。 閻 而 如唐之明經也乎 不觀 用 [氏日]金有經義進士、詞賦進士。 經 唐時人仕之數,明經 , 始於本末俱喪。 義 則 權文公謂:「注 今之 ,謂之帖 進 士; 然則今之進士又 乃 疏猶 最多。 括。 進士中亦分二目。 唐之明 미 議 以質 考試之 者 經 病 驗 也 疏 其

#### 秀 オ

秀才止十餘人,●正倫 中與兄正玄、正 舊唐書 • 杜正倫傳》:「正倫 藏 俱 以 秀才擢 家有三秀才, 第。 隋 隋 甚 代 爲 舉

●「隋」,原作「唐」,據《舊唐書》改。

訪。 道 富 四 方 杜 年 出 六 已。」顯 才科。」 由 約終唐之世,爲常選之最盛者不過 無其人。」〔王氏 人。」〔原 氏《通 《史記・ 等。 品 未 才之舉,未必今人之不 有 是 略 進 時 唐 策 至 廢 四海,于今已四十年,百姓 稱 以 士人 士 绝。 ? 慶初,黄 貞 Ŧī. 美。」《 人之於秀才,其 下 或 注》舊唐 賈生傳》:「年十八,以能誦詩屬 典》云:「初,秀才科第最 觀 條,有上上、上中、上下、 至二十 豈使方稱多 所 爰及 中, 日 原 唐 趨 注 唐 書 八門侍 登 有 | 新 嚮, 時 Ш 秀才 餘 科記》: 舉 職 谷, 唐書 官志 郎 惟 人, 而 則 重 士,遂 劉祥道 明 特 不第者,坐 爲 》則云: 而 如 降綸 尤異之科,不 經、 如昔, 「高宗永徽二年 明 武 秀 此。 經、進士 缺 德 奏言 進 才 「秀才,有 言 書 斯 至永徽 官 士: 止 原 將 其 中上,凡 人 ? 兩科 聞於郡 高, 注 更 薦 寮 常常 州 舉。 秀才字 始 唐已來 審 賢 未 科 或 而 停秀 長。 中 已 搜 請 之 有 家 而 試 每 大

> 年 收 傳 部 部 貼 年已後,復有秀才 之所不敢當 舉之,昌齡以 者,爲進士。」《張昌齡傳》:「本州欲 經已上者,爲 宗 則 旲 士貢舉及第。」是 才、强學待問 舉送 侍郎 獎。 侍 經及雜文之限,反易於進 日 廷尉爲河 御 郎 有 選《 馮 者, 韋陟 應者多落之,三十 秀才異 請 伉, 制 並停。」《 六 始 南守,聞 大 Ŧi. 奏 典 曆 經 等, 也。 請 初 秀才科 時 舉。 明 symp册 無 輒 登 其秀才。」 有 廢 「原 經。 言 府 以 Ŧi. 則 失俊選者 其 堪 此 元 名 經 此 年 注》《册 秀才之名,乃 時 事寢不行。」 龜》又言: 秀才科。 聞 科已久,固 舉 來 士。 以 明 凡 而 進 者,乃令長官特 無 閑 府 登 主 士: 貢 此 儒 時 第 秀才 司 漸 元龜》: 林傳 舉 則 「代宗 爲 者。 務、 而 以 難 是 人 其 秀才 之名 》公孫 嘗 舊 脯 解 至 科 開 朝 舉 精 有 秀 唐 行 天 廢 所 考。 才 元二十 進 博 之而 熟 弘等 楊 乃 書 以 久,不 寶 起 本 綰 秀才 士: 充 識 通 初, 其 之 儒 科 旋 爲 者 進 經 玄 高 廢 禮 常 禮 欲 無 四

Ŧī

<sup>●「</sup>第」、浙江古籍出版社影印《十通》本《通典》卷

耳。 才 後,實爲貢舉科目之最,而 也 士表》:「訪對不休,質疑 休,秀才之目。』」〔原注〕《文選》任昉《爲 趙岊判曰: ? 前 ,至省求試秀才, 又《文苑英華• 不可得 原注」《容 『文藝小善,進士之能。 也。 齋 三筆》謂: 今以 斯在。」是又 今世 考 判 生 功 目 俗以 員 「秀才之名,自 不聽, 》有云: 爲相 而冒呼此名,何 進 輕之稱。」 求 士求 蕭揚州 鄉 訴不 訪 宋、 舉 試 對 魏 作 不 進 秀 以 薦

天府 辰,以 月 揚 Η. 才數千人。 亦嘗舉 洪武二十年二 ļ 州 ,以秀才丁士 尹」是 西,以 府 明 秀才徐 知 初 孝 如《太祖實録 嘗舉秀才。● 府, 廉。 秀 也 尊 才曾泰 俱 生爲 月 此 原 梅 賜 注〕洪 己 辟 爲 冠 翰林 舉 丑. 蘇 帶 爲 〔原 》「洪武 武十 之名,非 州 户 \_ 以 注 應 府 部 〕洪武· 孝 八 奉。 知 年 尚 + 廉 四 十二月 府 十五年徵至 書 年 所 + 李 年 二月 施 德 Ŧi. 童 兀 是也。 於 丙 年 權 月 爲 午。 科 應 丙 爲 辛 秀

> 在 經

廉 目之士。 ※,非也。 今俗 謂 生員 爲 秀才, 舉 人爲

孝

#### 舉 人

寅,臨 者,須 吏部 注》《太祖實録》: 官,不復謂 策試舉人凡九百 宋爲漕試 》舉于 書 榮 再 尚 傳 舉 • 鄉 軒 試 書袁 高宗紀》「顯 **\***: 人者 皆第 試 ,謂之發解 未 之 階 應 以 聿 「許瑗,饒之樂平人。 舉 舉 以 岳 本 修 人 人。 到 會試不第。《贑 牧舉 官 在 仕 人」,「調露 ,第階之解送南宫會試 之人。 也。 慶 尚 判 而 人 書 尚 四 及 不 省 書 年二月乙亥,上 累 是 ^ 第 舉 簡 省 北 也。 木 州 元年十二月 則 至 右 試 齊 府 第 須 正 僕 志 舉 書 登 然 中, 再 人」,《 耳 射 E 科 後 ·, 試 舉 兩 事 有 鮮 則 以 推 不 鄉 「原 甲 親 舊 第 易 除 與 于 恩 駆

0 明 據《校記 》,鈔 本作 國 唐

世

六二〇

鄭珏 中。 第。 宗時 若今人已登科 少 舉 宗宣和六年,禮部 年不第,吴筠舉進士不 士不第,唐 不第者。 時 試 始定爲 焉 舉 而送 謂 許開 科 人 舉進 舉進 進 謂之舉人。 自 但 五代史》亦 之特 爲 ··; 而 士不 南宫者,謂之免解進 入仕之途,則 本 封 云 士數不 士不 一定之名也。 衢 國學舉人陪 奏名,不 舉 傳中 人 中 〔原注〕孟浩然應進士不第,杜甫 應 ·, 李 中,李 進 言之, 進 中,司 然: 試進 鏻 士 有言舉 1: 而 復 「原 振 少 敬 久 , 則 繫 後 代之新制 舉 第, 空頲 士至萬五千人,是 常 翔乾 而 位, 謂 諸 注〕唐文宗開 謂之進 第 進 舉 不 皇甫鎮 鄉 士; 之 第、温 因 唐 進 進 士: 符中舉 舉 不第 進 得 僖 累 舉 士: 士者 《澠水 矣。 免解。」 宗時 也。」按宋 不 士: 咸 進 舉 庭 士 中 未 通、 進 乃 元 進 筠 士 舉 燕談》: 士不 也 有言 成 時 口 賈 大中 士二十三上 不 進 乾 諸 年 亦 緯 知 時 士不 中,鄭 自 符 若 年 科 「原 然。 賜 少 初 天寶 亦 之解 中 「仁宗籍 第八 舉 朝 Ŧi. 應 舉 H 今人 有 注 中 連 至 月 進 進 初 不 遨 廷. 進 中 不 或 1 百 宋 1: 馮 不 應 唐 士: 須 言 中 朝 士: 之 以 巳 徽 不 Ŧi. 玉 昭 中 累 進 再 田

> 進 進 式舉人」,必 也。 舉人者,謂 朔 今人以鄉 士: 士,蓋猶沿唐 勑 〔趙氏曰〕今會試 禮 或有事故不 部 舉進 貢 俟殿 試 院 : 士之人也。 榜謂之舉人,會 宋遺 試 進 及赴殿 後 制 ± 賜 中 舉 進 式者,禮部 人,歲 試 士及第 進 者,尚 士 限 出 放三 是中 即 放 身 試 是舉 榜,但 + 大大舉 同 榜謂之進 人 出 及 人,不若 身,始 人,不得 云「會 第。」 謂 試 進 之 士:

第,其 其 縣 務 得 賢之盛心,苟 通 言:「近年各布 孔 實學。」洪熙 者,皆 數 升之國監。 友諒 設 永樂六年六月,翰林 (中文字 法 領 上言: 清 鄉 圖 理。」是 稍優者,得 薦 元 以 政司、按 「乞將 虚譽,有 年十一月,四 致 冒 天下 名貢 明 前 初 稍能 察司 士子 除 士 院 此 纔 教 下 開 庶 ',不體 競 官 行文、大 第舉 及 舉人之塗,● 吉 Ш 懷僥倖 至 其 士 雙 流 會 人 朝 沈 下 義 通 縣 者 試 廷 升 ··, 不 知 亦 下 未 求 F.

0

明, 據《校記》,鈔本作「國」。

少矣。 于 郡 則 監 壞 按 則 E 籍 間 讀 而 太學、積分法廢、舉 者,多致大官, 分之法 擬 是歲 [邑諸 郡 是歲 書  $\exists$ 御 挾 見 者 其 上興學取 邑 不 制 其 弊 史 於 貢 貢 生之久于學宫 生 詔 可 考 成 放 即 者 官 年 正 資 員 勳 每 格 戚 士書》有云: 復 察 府 化 肆 己 統 每 蓋舉 許 益 歲 公卿 返矣。 歲 武 如 + 所 無 + 下,又 選 以 此 人、 四 恥 貢 屬 人 四 大臣 其 斷 需 省 與 。 **0** 貢 年 者 舉 俊 年, 蓋 皆 鄉 (沈氏 次 生罕 歲 親 (彦者, 「國初 子弟讀 禮部之奏。 游 選 暮 人 待 貢 曲 然 士 説 存 皆 齒 年 間 未 人  $\Box$ 下 也。 貢 特 稱 颓 愐 其 干 省 || 田 書 有 有 於是崇 第 重 入國 貢 監 龄 中 其中,舉 國子 謁 京 故 黜 使 者, 舉 生. 間 其 而 或 子 也 儲 革 之 靡 文 人 非 監 足 所 初 監 至於末年, 集 始 俊 禎 游 猶 爲 爲 而 所 人下 ,設爲六堂積 由 自 充 秀之選 歲 或 朝 中 不 放 監 風 蕩 太 令 崇禎 貢 · 第者 家 廷 生 學 爲 命 俗 巴 於 人 用 又皆 生。 不 起 也 間 之 洲 原 監 人 者 重 家 人

## 進 $\pm$

也。 身」,然後謂 添前字。』《通鑑 者,人人皆 士,已及第則稱 人者,在乎賜及第、賜 一之面。 揖,因之謗議 又 進 試畢放榜,其合格者 廣之 宋政 進士 士,立三舍之法,今賜 既 而 旦 和三年五 即 及第,在 可 前進 諠 之「登 舉 謂 賜 然,遂沈廢終身。」是未及第 建 士。 人中之一 之進 進 州 Ę 《雍録 安與 進 科 士: 月乙酉, 1: 士: 出 出 同 葉京,嘗 身」、「 引 身,而 日 年 所 「原 科, 唐 出 承 臣 人詩 以 賜 游 注 預 其 議 僚 異 賜 遇之於塗 不 進 宣 云 : 唐 試 言 武 郎 於 百 在 士: 人 軍 一曾題 未 於 徐 及 而 平 同 進 宴, 稱 第 禮 陛 第 禋 進 試 士: 進 馬 識 名 稱 下 進 士 之 出 部 士: 監 處 進 E.

也。

相 軍

後

如 者之爲而不待論矣」,凡十八字。 此下 據《校 記》,鈔本有 至 於 、倚勢 病 民則 又不

0

罷

身。」從之。 士出身,於名實未正,乞改賜同上舍出

## 科目

注》《唐· 究, 故 科 龄 歲 11: 而 史,有三史,有 士 謂 進 舉之常選 明經之別 道 有俊士 原注》 之 士: 唐 書 經有三《禮》,有三《傳》,有 侔 科 制 選舉志 伊 困 科 目 學紀聞 有 取 有五,經 也。 則 士之科 明 之類, 原 開 有 法, 注 如 其 元 科 「唐制舉之名多,有八十有六。」 姚崇「下 天子 宋 有 禮, 有 有 而 王 見於史者凡五 明字, 三經,有二經, 秀 安石 無 有道 自 才, 目 ·筆成 始 詔 矣 有 有 舉 罷 日 明 諸 明 章 猶 制 史科。 科。 有 算 經 舉。 沿 :童子。 + 今代 有學 張 有 其 有 此 名 餘 九 原 進

> 偶。 兼之以 其 變其 急也 達 之試,則 中 或 部 見,庶有以見其抱 事,使之論列 經之義疏,比 有 至嚴,而 時 已 家必欲求特達之彦,則宜設 額 案之疑難者,設  $\Box$ 科 上諸 務科 博 法 若是各條 而 表可 一,而分 綜典 其 無 不 待之以 條, 目。 所取之士,量才 妨 此 放 也。 即 無 其得失,是即 附 爲 仍 爲 科,法 愚 以 不 間 今對 其 數 五事, 其 謂 負。 異 於已仕 為甲 八 次 科。 Ŧi. 宜 同 在 股 策之法,必使之昌言 則  $\Box$ 倣 其四日 取 而 其 從 乙之語, 而 明 其 尤足 試 史 授職, 事。 未仕者, 習 質 意 古者史學之科 以 書 日 以 法 而 以鼓 拔萃 富有才華 所載,或 蓋 精 所 行 律 場,務 脯 使之剖 初學之士, 通 科, 疑, 之, 皆 舞 勿 經 其 得 使 略 科 法 如 術 專舉 精 决, 才 遽列 科 就 古 取今之試 在 科, 隨 其 矣。 試 也。 條 試 取 無 選, 時 毋 法 惟 焉 於 古 議之法。 諱 事 定 以 其 至 以 清 而 拘 在 人 詩 制 於童 聲 明 取 要。 已 直 或 取 不 士: 賦, 之以 使 + 者 理 必 律 事 陳  $\exists$ 兼 其 凡 若 廣 對 與 洞 稍 耐 所 數

更 重之弊,積二三百年,非大破 設 數 王. 科 維 楨 以 欲 收天下 於科舉 之奇士。 之外倣 成 漢、 不 格 知 唐 雖 進 舊 有 ± 制 他 偏

謂

之

科

目

非

也。

〔黄氏

日〕今特設

科

以

待

士,是

焉。 就 精 士: 諸 淪外 升調之法亦各不同 士; 史 否 并 給 行取,必首及焉,不數年即 也,繁要之缺必 材 選。 明 事 則 臣 官 重 邱 爲 劾 遇 陸 僚 凡 也,不敢 體 亦 在 橓 然終莫 此可 粲雖 撫字,在 則先舉、 薦 京 州 舉 疏 但 無 劾,不 朝 Z 縣 就 繇 以 疏請 官 長 接 則 常 能 見 「今薦 進 清 吏 待甲 舉 席 監 爲 得 挽 當時 調 變通,隆 要之職, 而 苛 而 用 人 率 偏 而 ,甲科爲縣令者,撫按之卓薦, 坐, 則 甚 科,而 則 戾。 릲 矣。 风 重 重 進 至 先進 爲 尚 甲 甲 比 ± 慶 是 萬 積 姑 矣 · 科 科 得御史、部曹等職。 舉 肩 縦 〔 趙 Z 中 以 息。 曆 習 1: 而 人 有 科 而 閣 爲 而 相 輕 而 皆 氏 立 僅 **訾議者罕** 臣高 積 年 舉 同 沿 鄉 舉、監  $\Box$ 得 不 人 重 舉 賈三近 得 特 牢 拱 遥 難 有 者 嚴 遠 與 詔 不 非 亦 返 明 也 可 非 及 簡 撫 可 有 請 \_\_. 远疏言: 如 焉。 即 憑藉 頭 在 按 科 破 小 代,最 寬 故 脯 百 童 進 官 貢 之 也 也 於 乙科 部 娲 + 者 與 缺 嘉 有 撫 是 外 則 在 進 靖 院 重 豁 不 可 ^ 與 明 之 其 爲 按 同 賢 沈 選 進 士 進

### 制 科

唐 制 天子 自 詔 日 制 舉 所 以待 非 常常

莫不 矣。 之才。《唐 名最 科 任 愚 ,下至軍謀 時 、文學之士,或 īfii 保稷 「文詞 所 而 兼取。 將 自 親 故 好 獨 而 應 博 列爲 率』,『 所應 著。 策之。 漢 孤 也 自 惡 舉 雅 通 常 京 以來,天子 不 麗 也。 州 志 定 墳 「楊氏日 詞 其 師 科 百 所 而 科者 標 詳 典、達 將 **>** 長 應 唐興,世崇儒 爲名 外  $\exists$ 文苑 天 彭 略 也 明 而 才 至 殷 高 又 子 政 樂善 廣 賢 於教 科 翹 州 如『賢良方正、直 目 蹈 又 有 哲 度、 術 常 所 所 鬍 縣 出出 人奇 張 É 應 臨難不 謂 沈迷下 稱 隨 求賢之意 道 化了, 也 可 拔 有 隱 詔 制 制 共 濟 其 以 司, Ш 與 學。 四 所 舉 顧、徇 詔 隱 道 僚 人主 理 其 應 .\_ 科, 淪 侔伊 軍 方 常 者 绝藝奇 也 不 道 人』之類 雖 屠 節 謀 德 選之士 未 能 釣 臨 其 張 吕 寧 其 其 行、 宏 邦 |科, 洞 倚 時 始 自 時 來 科 所 遠 曉 所 科 極 所 達 才 小 君 欲 遠 李 玄 張 應

也。 經 薛 曲 少 江

其

堪

諫

欲

者

能

以

怠

賢

問

又中 素擢 科之類是 舉 爲 後 廉 如 而 父,往往 元 皆 又 讓 劉 成 無 宏 中 科。 費擢 甲 制 進 所 得 材 科 制 科 應 士: 第, 進士 也 科 者。 賀 也 也 偉 再 會見 者。 知 J° CE 調 又 論 如 第, 章 而 長安 中 歸 如 擢 非 行 又舉 天子 文學優 張 崇 進 氏 尉 常之人 在 敬 鷟 弌 日〕唐 賢 殷 其 擢 登 巡狩行幸, 贍 超 良 踐 進 明 羣 科。 方 有 猷 經 所 1 Ę 拔 爲 得 第 亦 以待 舉 閻 類 進 杭 能 博 時 授 科 朝 州 + 直 通 岐 參軍 隱 第 出 之之禮 封 言 墳 有 王 連 後 於 典 極 襌 府 中 得 又 舉 諫 科 參 中 其 太 明 進 文儒 科。 軍, 經 士: 制 間 甚 Ш 有 第 科 異 以 得 孝 馬 優 者 梁 等 制 後 悌 懷 官

大科。 見録》: 增 資、見任職 子之才, 爲六科, 宋 富鄭 初 原 當 注》、葉祖 以 公初 熙 官 承周 大 黄 寧以 科 游 場 顯 名 治傳 衣草 屋 世 德 後 穆伯 之制 屢 · 澤, 今 「太宗歲設大科。」《邵 罷 長謂 以 並 。 設 屢 之日 殿 許 復 三科 試 應 進 進 宋 詔 士 ±: 不 人 不 亦 謂 景 限 足 氏 謬 德 之 前 以 聞

謂

之制

科

達 於内 科。 深、 兼 直 IE. 並 唐 決勝』、『軍 於 茂 言 各 道 許 制 可 外幕 限 從 明 應 極 諸 宋 爲 有 人。 内 徐 政』等六 於體用」、『武 諫」、『博 州 三千 賢 師 度《卻 外 職、 及 謀宏遠 法,詳 良 職 景 本 字 州 方 官 德 司 埽 科。 縣官 通 以 正 解 中 明 編》 前 材 上。 墳 送 吏 楊氏 足安 資 任邊 能 典 又 及  $\Box$ 理、 見 直 達 詔 草 咸 Ŀ : 日」「武足 邊 任、 寄』、 言 於教 澤 平 達 置 吏 或 洞 極 中 中 部 黄 於 朝 賢 明 化二、二 諫 安邊 衣 教 制 詳 對 良 舉 又 韜 草 化 科 經 明 方 賢 詔 御 略 几 澤 凡 學 吏 才 IE. 良 文 試 運 初 字 羨 理 籌 識 能 方 臣 策 優 大

天 到 六 並 館 科 下 聖 許 閣 兩 少 職 七 省 仍 卿 年 事 先 看 復 監 不 進所 詳 詔 曾 以 應 上 犯 業 如 奏 内 贓 策 詞 舉 罪 外 論 理 及 京 + 優 或 私 朝 卷, 長, É 罪 官 進 卷 堪 情 狀 不 Ŧi. 應 理 帶 道 乞 制 輕 應前 臺 科 候 省

等六 罷 選 别 策 正 譽,於部 看 舉,或於本貫投狀乞應。 商 具 口 『茂才異等』三科。 詞 詳 名聞奏。 稱 雜 無玷犯者,即 者,即 道。 科,然未有 題 科 理 類者,并許本 詞 · ; 熙 一優長 而 内 理 試 又 選 以 稍 寧 置 策 差官考試論六首 者具名聞 文卷送禮部, 有 優,即 中悉罷 一高高 應詔者 文學官 納所業策 道。 蹈 處 上 應 之。 丘 建炎閒 轉 轉 草澤 奏。 再 袁 運 運 論十 看詳 州 而令進 委主判官看 司 餘如賢良方正 司 及 縣 1,合格 逐 貢 沈 詔復賢 實。 卷,卷五 體 審察鄉 量 州 舉 淪 士廷 有 有 長 草 X 即 文行 良 里名 行 吏 非 澤 御 道 止 奏 T. 試

今。 内 誥、韶、表、露 雜 南 出 高宗立「博學宏辭」科,凡 渡 六 以 題,分爲三場,每 後 布、檄、箴、銘、記、贊、頌 得 人爲 盛,多 場 體 至 十二題 制 卿 相 古一 穴序, 翰 制 苑

> 召試 宏詞 之過 者。 高宗創舉此 常科,以待天下之才傑,以 詞不足爲也,宜留 後,從石林於卞山 典故、不 亦是 定等而後 也。 非 今之第二場 制 科 略 知 名、三歲 也。 授官 [孫氏日]沈作 倣 平 此 仄 近 心 則 制 子 人 意 者 試, 科 時 亦 稱 詔、 可 T. 欲 博 亦 天子親策之,故 與 謂 而 夫。」據 學 求 誥**、** 喆 皆 之制 制 試 苟 宏 《寓簡》云: 舉 博學 中 詞 簡 科 表 無 式 爲 此 濫 常 也 三題 宏 制 劣,至 則 科 詞 科者, 則 者 謂 宋 子 石 專 異 之制 世 林 蓋 中進 内 所 重 於 日 然 制 謂 科 科 全 初 亦 舉 ± 博 『宏 場 無 必 宋 無 學 科

道

## 甲 科

經 司 爲 杜 氏《通 四 [等,進 · 典》: 士 與明 「按令文,科 法同 爲 第秀才 然 與 秀 明

0 之主 則 專 故 重 一初場 之 過 也 據《校 記 鈔 本 作「上 無 能

文

其 務策五 子有 榜 朱子乃紹興十 甲 進 御 紀》: 進 才之 首 舉人於含元 過 曰 人。」 〔原注〕 《册府元龜 四 後 士 勤 E 第  $\pm$ 超 以 同 也。 以 以其 第。』《楊綰 Ĺ, 有 而 政 科 開 條 制可 授 年 進 進 概 樓 甲 帖 久 録》, 曾 ± 爲 又曰」 右 士: 元 <u>Ż</u> 經殿 稱 試 所讀 有 Z ·題未乾,乙科已大闡。」然則今之 廢 八年 惟 在杭 拾 九 甲 甲 殿 第 宋 試,列 舉 Z 榜之稱,遂以一 遺。」「: 科 年 而 科 勑 王佐榜下五甲 大經,經、策全得爲 州孤 時 科 自 人 四 明 傳 進士三甲之外, 非 日: 名於一二三甲 武 閻 登 月 而 經 山朱子 **\*** 也。 氏日 其登 甲科 己。」《 德 杜 甲 雖 戌, 上 以 天 近 」按≪ 有 甫《哀 祠 趙氏曰〕今世 九十名。 爲乙, 寶 來, 甲 内。 Z 者三人,館 無 舊 唐 )科者 十三載, 甲 Z 又有 也 甲 書 親 明 録 唐 蘇 ·科,朕 而 第 丙  $\overline{Z}$ 策 書 經 以 四 舉 諸 源 汪 1 策  $\equiv$ 舉 甲 人謂 謂 試 惟 進 • 字 明》 得 氏 四 人 + 進 士 玄宗 玄 爲 將 應 元晦 有 日 Ŧi. 四 爲乙 之 試  $\pm$ 科 甲。 宗 詩 之 餘 存 制 丙 爲 帖 時

甲、

Z

丙

科

始

見

^

漢

書

儒

林

傳

爲户。」 父松, Ŧi. 小 名沈郎,小字 兄弟 承 議 郎。 無 季延。 舉。 本 貫 娶 建 年 劉 州 + 氏。 建 九 陽 歲。 曾 縣 祖 外 羣 徇。 祝 玉 氏 鄉 祖 森, 偏 桂 侍 承 下。 事 郎。 父 第

無 Ŧi. 慎,選舉秀才,擢 甲科者矣。 條,考皆爲 ^ 隋 書 李德林傳》: 上。」是則北 第罕有 1甲科。 齊之 楊遵 世 德 彦 即 林 銓 衡 射 多 策 深

中。 乃 科 平 中 爲 補文學掌故。」《蕭望之傳》: 帝時,歲課 郎。」 丙 乙科二十人,爲太子舍人。 科 。」「原注 王 衡 博 傳 」褚先 士弟子甲 **\*** 生 數 補 射策 史記 **科** 四 不 十人, 中, 丙 以 科 射 至 爲 刀口 策 九 甲 + 郎

#### 十 八 房

今制:會試用考試官二員總裁,同者

詞 氏曰》《神宗實録》:「萬曆四十 年 試 爲二十房。 房、《書》三房、《春秋》、《禮記 辰 房,仍止 注〕《宋史》:「各房分經, 十五房。 未二科,以《易》 易》、《詩》仍各五 禮記》各二房,止 臣 俱增一人云。」天啟 ,又添《易》、《詩》各一房,爲二十房。 官 《詩》五房、《易》、《 十二人,科部 仍 十八 復《書》爲 十七房。 崇禎 員 今人 分閲 各 戊辰,復爲二十房。 四 概稱 四 卷多, Ŧi. 人。 至 一房,爲 乙 丑 始 房, 十七房。 經 丙 於 視 書》各 爲 理宗紹 、《易》、《詩》仍各 謂 癸未以 四年會試,同考凡二十 始 戌 添一 + 十八房。 , ~ 爲 之「十八 八房」云。 定二 + 書》、《易》卷 房 四房,《 前 萬 》各一房,爲 + 八 . 曆 一年。」嘉: 減《 七 房。 房」。 庚 癸未 房時 春 書》 辛未 辰 至 靖 秋 癸 各衙 員 復 Ŧi. 丙 并 末 原

少 時 學舉子 戒 庵 漫 業,并 筆》 日 無 刻 「原 本 注 窗 江江 稿 陰 李詡著。 有 書 賈在

點,自 注〕愚 作 司 卯 時 滿 以 其 與 注 篇 利 房之刻,自 有刻文,但 每 會課之作。 文行,學者往 及 唐 每 以 Ħ 東  $\equiv$ 篇 考 順之。 按、弘治六年會試同考官 皆 姻家 日 士 後 湖 試 謄 朋  $\pm$ 行 坊刻 子之文; 書 卷 寫 友 不多耳。 而 子 房 卷,則 院 同 一,余爲 中會 家 坊 仲 萬 錢 矣,亦 刻。 至 往 活  $\equiv$ 往 刻 曆 「原 或二文,或三文。 記 一科房稿之刻 板 元,其 舉人之作 楊子 來 + <u>Ŧ</u>: 誦 有 注〕士 曰 從 方 印 辰《 鮮 世 四 紙 房 抄 臾 Ш 行 種 常 以 風 騙。 稿亦是無 稿 鈎 其 得 「原 講 「原 : 華 未 到 靳 常 注 燈 究 玄録》始。 日 則 選 注 實 聞 文僖批,已 爲 余 熟 薛 窗 日 程 程 多彝。 事」之語 之 + 有 家 應 門 有 下 社 墨, 八 旅 墨 錫 坊 塾 課 數 人 稿 憶 曰 : 驗 房 始 則 閒 門 錢 數 百 有 旁有 中 荆 揀 則 也 則 進 板 白 夢 + 會 ]。[〔原 彼 + 川 其 諸 至 士: 場 時 板 玉 魁 之 瀛 Z 今 幾 批 原 E 刻

取之士 惡。」其 有書 稍出 觀。 不 時 之道棄如 則 此 天 出 子鳴序》: 十八房之讀,讀之三年五年, 目、朝代先後、字書偏 未遠,已謂 謂 ·説學 八房 無 下 之謂學問 於 有 之謬 余蓋 知 之 蘇 昔丘文莊 既 議 司 以 興 不精,數年之後,復俾之主文,是非 命題苟節 之童子儼然與公卿相 論 「営見 種 人 深 杭 而 與 不 流 而 弁髦。」「原注」《宋史》: 歎 惟 1 顧 傳。」 士子有登名前列,不 讀 其 廿 而 元人題其所刻之書,云 此 氏 知 書 周之衰。 言。 當天順、成化之盛 中 IE. 或 嗟 此 愐 之謂 史廢。 同 執偏 爲 夫今世 原 平 物 學,此子 北 ! 可 昔 見臆説,或發 士人, 方之賈 旁者。 余少 以 閔 進 閻 士之業滋 取 子 路之佞, 氏 股 時 马 而 科 日 盛 揖 人市 而 自 舉 他 名, 見 以 按歸 策 理 科舉 而 讓,而文武 盛 宗 天下 用 知史册 書 有 原 而 ,去宋、元 幸登第 六 享 買 太僕 顛 事 朝,姦弊 孔 伯 士 廢 倒 訛 經 富 子 切 以 不 而 而 魯之 逾 舛, 所 之所 送 復 微 去。 古 好 甚 名 不 惟 知 童 愈 書

> 與? 學 故徇流俗之説,而 不利之人。 呵 者, ,以爲 (原注)陸氏曰: 欲 必 通 不 旁 豈 亦 得 經 非 日 顓 而 可以 所 「大人懼違 業 涉 謂 無學。」若 於 古 大 帖 書 衆而失位,心 人 括 則 患 乃國之盛衰 而 父 失 師 將 而 爲 交 惑」者 志惑亂 坎 相 軻 譙

# 經義論策

時

之治亂,則

亦

可

知也已。

進 吕 蟲 四年二月丁 經 於空疏不學之人。 士。」「命中 惠 義 小 卿、王 技, 始 始 今之經義、論、 而 於 巳朔,罷 書 雱等爲之。 宋 非 譔 大義 通 熙 詩、 知 寧 式 賦 古今之人不 中 唐、宋 頒 及明 策, 行  $\pm$ 〔原注〕《宋史》: 經 其 安石 諸 用 名雖 科 詩 所立之法,命 以 賦 能 Œ 經 作 義、 「神宗 雖 而 論 今之 最 曰 策 雕 便 盛 試

元祐八年三月庚子,中書省言:「進士

其

於

此

知

傳》: 八九, 詩、論 今 究 法 數 章 遠 所 Ш 爲 御 朝 試 治 神宗見其所上策,曰: 然竊襲人之語,不求心 試 終 句 陃 爲 試, 廷 ,難於考較 不 百 在 不 答策,多係 談 三題 矣。 o O 變,則 策 能 而 秀 見 年 外 叢》言: 將詩 成 才 不 之後,并 胹 準 行 此 章。 五. 解 文字, 施 魏 備 人才日至 不 後 賦 行 帝 義 鴻 之 全 謂 舉人復試三題, 在 博 請  $\equiv$ 已遠 荆 試 祖 文 日 外 變 多 學  $\pm$ 荆 行 公經 宗 「禧言 矣。 三題。」 四 秀 係 準備之文,工 公悔 前 以 究 通 祖 舊 書 才 者 聲 於 宗三 來之天下 而 義 朝廷 相 制 後 Ŧi. 消 律 爲 原 之日 非 行 半。 經,命 是當 得 注 耗, 學 用 對 題 御試 其 舉 人不 此 經 究 偶 舊 題 學 本 術 言 經 子 宋 時 也。」 法, 以 變士,十 進 是 史 將 術 質 義 非 拙 專 即 少 Œ 也 士: 欲 乎 學 不 日 以 舉 詔 不 誦 其 徐 賦 本 知 至 豈 變 人 問 況 其 經 陳 來 王 E 禧

> 會 其

義

年

該

令春

子

請 變

道。

相

御

且

獄之語 某處起 户、禮、兵 及稱引秦漢以下得失、當代 能 言其 州 員 、《易》、《 陳其所見 試之策概 句 八 秋 股 縣 判 以 試 專才者 之利 六道。 法。 巧 制 ,默書至某處 或設 四 文, 毋 道 書 刑 書》、《詩》、《 論 而考 判 凡 害,鄉 論 對 事 Ī. 凡 童子試 策, 或 道 造 褻 六職 小學, 難之,以 勢 科, 道 , 所 題,使議 使 試 而 治 止,兼 不 人 策 四 占 小學 通才者對 命 道 四 禮 得 經 題 以 書 經 定其 書 論 盡 者 或 其 其 唐人考字、 》所 凡判,必 時 鄉, 罪。 其 古 道,所占 道, 經 占 官 務諸 材 數 人 道 經 爲 會 策 (當國 自 問 凡 論 一,《春 適 试 科經書白 禁。 爲 試 依 經 宋人帖括之意。 於 無 道 策 弟 策 中 事 律,去 實 定 以 凡 子 進 業者 道。 試 用 秋傳》一,令自 鄉 天下 員 命 體 ±: 州 文三 題, 廷 對 試 以 各使 縣 無 會 之利 試 策 偶 救 者 册 短 試 分 其 策二 則 占 策 如 割 長 74 吏 害 道 敗 弟 使 以 讞 書 裂 格

章

才, 趙 陳 鼎 公 言 輔 亦 安 謂 石 設 安 石 虚 使 無 學 之 者 學 不 敗 治 壞 春 人

雜 所

學

氏

後

0 衰弱」。 學 術 E 至 於 荒 俩 據 《校 記 鈔 本 作 中 或 H 至

於

之所 其 蝎 用 自 出 承 新 秋 之安寧,斯 人者哉! 「當擺 處。 故 7,皆杜 豪 義 説 八 事 適 九 謂 不  $\approx$ 爲 可 指 今但令士子作 自 治 皆 偂 時 皆 讀 譔 四 退 注 文, 既 爲 穿 生 無 出 矣。 史 民 方 白 處。」以 之計 鑿 根 之淳 × 則 《金史》: 徒 之語。 破 非 ^ 文,自 無 漢 碎 經 厚,豈 是科 地 而 ≥, 於 無 傳, 注 非 明 [原注]前 是 出 用 名所得, 而 游 昌 舉 處,無 復 非 在 之 元年,令舉人程文,所 習 於 客 非子史,展 卻 州 空言也 根 其 鄉 輩 行 而 里 之語 所 時文無字不 十人之中 欲 則 即 而 爲 不得 求 求 無 以 及 誉 轉 若 天 入文, 前 下 非 求 今 相 經 有

几 孟子》 書 行 省開 義 開 太祖 道 科 各 在 鄉 邇 以《大學》「古 實 愐 道 試 録 求 **\*** 諸遠 原 初 注 塲 洪 人 元 欲 74 節、合爲 武 制 明 書  $\equiv$ 有 明 疑 年 几 德 書 問 於 八 題, 疑、 天 本 月, 問 本 下 一書 者二 經 經 京 疑。 義 師 所言 節 及 及 洪

成式 蓋 百字以 道。」「沈氏 内 者 之士 者,朕將親 博 科 於 便 事 第 平. 餘 而 夫下 舉,以 捷 科 許 通古 九 試  $\equiv$ 年 與 任之以官。』伏 一者矣。 各減 法, 之, , 射 塲 -大指 初 一道 **第**一 上。 非 今, 策 詔 所 起 律 觀 曰 同 亦  $\Box$ 求 見《 塲 四 策 異 以 文 懷 觀 其 騎、射、書、算、律。 判 道。 賢 四 道。 至 其 此 善述祖宗之意 中之多寡,書通 太 于 質 才 語 書 之法 + 即 祖 書義三道 決 義限 抱 廷, 得 Ŧi. 第二 宋 中 七 實 斷。 讀 德 條。 中 時 録 二百 稍 年,「 觀 式 之士 之法。 此 塲 有 者, 其 名 詔 字 第三 制, 文 論 不 以 命 學 實 文有 後 同 辭 經 務 第 上 也 真 禮 識 相 塲 + 於六義, 道 增 義 在 經 第 所 日 部 騎 稱 而 「原 部部 經 日 經、史策 義、 塲 而 四 : 謂 觀 頒 行 『朕 其高 明行 道 論 實 論 注三十 求 其 之二 復 行 其 事 策 算 未 科 實 中 特 馳 以 俱三 **F** 修 道 廢 百 表 選 能 用 通 騙 Ŧi. 舉 Ŧī. Ŧi.

之。 之,後 鄉、 時 不 用 以 各治 出 義 何 略 仙 年二月甲子,儒學 日 問、《大學》、《論語》、《孟子》、《中 年,定科塲事宜,蒙古、色目人第 章句 論譜 言: 拘 程 務 理 以 ボ 三《傳》及胡 題 會試同 「沈氏 曉 限 居官 古 格 氏、 精 内 集注》, 》、《孟子》、《中 近 廢不行 經,《詩 試 明、文辭 體 律。 出 朱氏爲 Ŧi. 用 涖政? 年生 題,不矜 章表四六,參用古體 日派元史・ 例。」「鄉 百 次 第二 改 復以己意結之,限三百字以 字以 氏傳。 人國 年二月 》以朱氏爲主,《尚 員止記誦 主。 典 官 場古 雅者,爲中 乞令天下儒學生員兼習書、 德 生 浮 Ŀ 監 試 已上三 庸 四 禮 员 初 用 藻, 歷 賦 選舉 年 岁内 兼 漢 文字,以備科貢 八 記》用 惟 詔 事 九 習 人、南 (月二十日、二十三日、二十六 設問 Ħ 志 經, 諸 月 誥 選。 務 射 Z 司 初三日、 直 與 章表 古 兼 書》以蔡氏爲主、《周 科目 人第 卯,北 用 第二 第三場策 庸》内 書、算, 述, 注 字 用 塲 朱 疏。 古 畫 經問 限一 内 篇 》: 氏《章 塲 初五 科 麤 京 注 出 塲 限 策 上。 其於字學、算法 俟 疏。 或 拙 千字 Ŧi. 題, 明 「仁宗皇 道 五百字以 日。 道,古 子 其 句 條、《大學》、 算數 經 道 經 **奉** 并 集 算。」上從 監 科 以 經、 義一 以以 每 用 經 注 貢 助 Ŀ 不 賦、詔 秋 一慶二 兼 Ξ 朱氏 疑 時 教 》許 易 成 史、 道 通 L. 其 歲 考 務 Ŧ

> 單 朝

聞中 十 五 七日 于亦 之。 道。」「 策一 古、色目 書 次開 始 殿 傳 無 改 南人試 道,限 改三 期 疑 試,二十 閱文爲日 懷 有 萬 日 明 臚 趙氏日〕宋 武試,不 曆戊戌,御 《會試 挾之弊, 于三月,用 ,後遂爲例。 在 初 人明 一月,遠方士子 道 在三 Ŧi. 策 Ŧi. 爲 五日 **戸**朔。 移 用子、 經二 百字以上 無幾,豈不太促。 本 月 期 道 最 時 傳臚 單 經 議 史 限 條 爲 午、 秋 疑, 日。 · 裌 乾隆二十六年辛巳科改四 然 喬璧星 善 增 試 衣則 既免匆遽,而 政。 卵、 成。」「元統 Ŧ 篇。 增 月 在 本 謝 字 西年。 經 第二場古賦 恩 弊 以舉 八月,春 會 至 以 然終明之世 在 試,而三 可 殿 義。 Ŀ 清。 子重裘而進,便于 本 初 試 成。 中, 御 六日。 朝 易 之期 試 天暖 試 殿 李九我駁之。 漢 復 蒙古、 在二月。 月 = 試 外 稍變 無呵 未嘗 朔 元 月 在四 成 詔 即 南 色 時 初 化 誥、 程 凍之苦, 殿 月二 改 七 月二十 八 在 人 H 式 元 試 章 第 年 也 日 懷 + 月 張 明 減 則 改 表 時 挾 衣 本 幼 大 塲 蒙 Ŧi. 禮 在 初 務 漢

請

四

問 之判語,不過得之記 之,以 四 書 觀 其學 疑 \_,
猶 識 唐 也。 誦 人之判 而 四四 릲 書 語,設 義 苟 學識 猶 爲 今人 疑 事

日 日

賜中式 之 經 取 長,則七篇 一篇,如 術 人才, 則 及殿 何 劉 施 崇 徒 蕡 試第二甲 於國 禎 不 之 以 七 對, 足 記 用 年 第二名賜 爲 誦 止 哉 之顔茂 之多、 難 於 而 進 書 篇 有 ± 猷 出 併 寫 E 者 身。 作 之 足 原注 Ŧi. 谏 亦 經 蓋 何 丽 奉 取 裨 旨 於 + 其 代 特

德經 歎 經 者 来 於 士 庶吉士之制 也。 之士 賜 或 ,得三十 古 子諸 羅 濟之學, 實録 不 綺、襲 僅 使 生中, 實本於 七人。 以 衣、 帖 以 代 「洪武 括之文。 此。 期 選 巾 籲 命 才學 鞾 大 俊 是 之博 · 禮 用 之 + 則 優 四 典 聖 而 遇 稱 極 等 年 惜 祖 甚 但 之 羣 聰 六 所 乎 厚。」〔原 止 日 書 月 明 望 大 於 老 丙 講 俊 臣 於 秀 斯 辰, 偉 諸 明 無 注〕後 才。 之 生 道 詔 口 通

有

奇

平.

百

士 楊 士奇等日 永樂二 <u>+</u> 「朝 年 + 廷 所 月 1 重安百 卯,仁 姓 廟 諭 而 大 百 學 姓

> 辰,禮 子除 房,務 平易之衷。 者,不録 繼茂《敷 乎 此 當 事 校 不 詭 爲 īE. 試 典 ? 失 得 日 不 率。 名 録 獲 雅 乃 通 取 部 蒙 通 教 貢 售, 之詞 (沈氏日 達,一一 硃 試 護 題申 陳科 純 ,怪僻者貼出 墨卷 揭曉 福 舉之行 官 雅合式,不 宜 道理不 局 近 不 者, 飭 有 場 故 其 後 日 出 之臣 合先民 會場 解 事 從 參 〕萬曆二十二年七月己 歲 士習 傾 本部 繇 宜 處 到 風 邪 事 貢 禮 -0 八 明, 牧 而 側媚 得 示 不 敝 會同 猶 宜 條 典 部, 中 靡 守 戒 雜 Ŀ 壞, (型者, 》, 而 過 也。 託 其申文禁 此 之口 逐 收 愚 是 匪 禮 甚 皆 奇 之 四 贵 科 其 则 以 不 人; 今後 收 由 看 僻 · 怪 議。 + 細 仍 祖 可 正 主 肖 詳。 閱 爲 文 議 誕 年, Z 如 會 司 任 制 牧守匪 四 + 險詖 體 罰 海 試 不 〕卯,禮 否 如 + 安民之寄 科 文必 内 爲 而 率七 而 務 主 仍 三年 則 標。 之説 第 崇雅 考, 踵 相 其 雖 其 部 爾 弊 十二月 宜 持 弊 八。 限 才 其 義 必 覆 風 雅 斥 字 情 兩 申 非 御 已 浮, 謂 不 繇 者, 純 京 以 奇 飭 坦 史 灓 如 學 Ŧi. 灩 戊 ± 各 分 夷 純 薛 而

Œ

者矣。 知 辭 請 院 此 道 年 輕 過,便可 於捷得,不過 求其二三塲。 古,主司 ~,竊 歐 而衰, ·,讀書千卷,不 鄙 故 寬 實、略 惡者 其 陽 乃 明 取 率天下 修 日 初 士子之精 僥倖 心 他 閲卷,復護 上言: 限,而  $\equiv$ 文意 術 而 人之文記之,人塲之日 塲 不 於 由 中式,而本經之全文有 前 夫昔之所謂三場,非 之 先試 四 對 顛 「今之舉人以二千 此 爲 能 力 制 書 倒 所 而 欲 初場所中之卷,而 有 0 以策 多 問者,誤 重雜 壞。 速成之童子,學問 此 經之中擬題 專 雖 者,不識 而考之。 於 宋嘉 有 塲 先 引 也。 後 祐 經 事 ·; 抄 游者, 中, 題者,不 人爲率, 擇其文 略 下 而 今 不 知 謄 則 帷 於 無 不 百 諫 讀 深 由 務 + 考 重

> 者,蓋 别,不 改,其説必不行,其弊終 之題,士子早 能 鄉、會試 是已經策 之人,皆以先策論 考之不精,亦當 考,不至勞昏。 者不過千人矣。於千人而 Ŧi. 者,凡此 人,縱使詩 而 然阻之,以爲聖賢之言,不可不尊,士子所 六百。 成文 考之,又可去其二三百,其 過 不少矣。 四 雖 而 書 分三場,實 七等之人先去之,計 以其留者次試以 文而 理識 ė 論 賦 今欲 預 不工 릲 粗 擬。 乖 考而精當, 革 不至大濫。 有 止 其 四 每 誕者,雜 難革 學問 去之矣。 八弊,易 書 亦 塲。 文行之四 可 榜 也 出 以 以 士子 理 竊謂 詩 中 鈔 則 選 犯 論 識 賦、 -選矣。 蓋其節抄剽 所 録 百 盡 比及詩 Ŧi. 宜 舊 誦習, 留 舊 不 論 餘 善矣; 以 百 作, 年 格 策 至 千 又 而 Ŧī. 習, 經 主 幸 (錢 場 乖 如 人 不 則 少 試 賦 文爲 難 司 識 而 屋 考 前 誕 縱 詩 可 氏 而 以 者 得 所 可 曰 之 盗 皆 式 使 易 賦 法 去 第 驟 鑑 必 雋 出

明, 據《校記》,鈔本作「國」。

0

譁

先 弊 取 者 學 勦 均 科 襲 爲 塲 不 塲 去 莫 全不 八 雷 四 亦 同 股之文,不 則 則 急 能 書 自 之弊,庶 |文爲 闇 文 曉 平. 復 此 忠 事 劣 去 兩 第 而 之徒 之人 之 節 漢 得 清 幾 塲 論 諉 抄 舉 稍 也 爲 無 無 息 亦 剽 土 Ŧī. 未 乎? 所 由 經 似 習 之 盜 卷 僥 口 而 之人, 法 帙 如 如 倖 取 進 不 既 此 此 富 則 而 而 得 今 可 蓋 題 研 至者 七 救 已 之有 使 經 目 者 難 等 今 而 童 以 漸 漸 在 日 以 天 年 多 預 少, 之 擬 所 下 新 而

## 擬 題

族, 之中 文言 篇 延 之, 今日 請 場 計 名 篇 屋 初 科 士 恓 場 口 場 價,令其子 試 之病 出 館 所 之 於 習 家 題 莫 本 塾 不 甚 經義 過 弟 將 乎 及 數 此 擬 四 + 僮 題。 數 道 奴 + 之 富 題 且 面 俊 家 本 以 各 慧 譔 經 經 巨

然從風 可 則 篇 年 題 讀 Ŧī. 人 迥 所 者 縢》、《顧 論 睽 湯 檀弓》不 以 記 以 有出《 經之中 殊 記 删 四 不 誓》、《 ×, « 年 》惟 來,《 傳。 讀 之 誦 出 去 少 蹇》、《 , , 四 取 題之篇 文 熟 命》、《 貌 而 訟 詩 盤 讀 書 習 喪 喪 又 抄 惟 本 美 × 篇,披《莊》不 庚》、《 矣。 服 聞 亦 謄 服 經 木 ^ 者 則  $\sim$ 及此 然。 康 **>** 春 人 **>** 嘉 上 否 以 亦 等 多 删  $\wedge$ 場  $\pm$ 卷, 秋 靖  $\approx$ 西 書 試 可 篇 得 去 發 數 业 命題 旅 ^ 伯 **>** 以 以 士子之能 淫 皆 較 館 則 榜 十題 剥 前 戡 不 之 等 記 選。 删 之後 風 × 删 過 》、《文侯之命》 學臣 黎》、《微 讀 題 風 + 挂 變 去 之文 去《 ^ 盈尺。」「原 矣。 遯 天下 兴此 符 不 雅 不 目 簷 五子之 記 讀  $\approx$ 讀 結 八 不 而 命 然 子 曹 否 · 之 士 ^ 讀 子 搆 九 ^ 止 明 者。 便 今 聞 亦 禮 **∀**′ 注 歌 昔 爲 難 記 夷 則 須 即 易 記 等 金 貴 讀 其 并 百 兼 年 靡 易 以 隋

疏

於咸 名, 之以 説 各有 爲 云 請 未 畢 原 發策 春 書 注》《宋 八 讀之經,有 年畢 更 應 方 秋》之三《傳》,以 崔 召 決 其 疑 股之害,等於 引 四 陽 薛 賾 通 者 科」者, 先 之。 書 義 成 經 法 傳 之 謙 貫 才 史 儒 於勦 而 光 Ŧi. 郊 數 經 異 如《易》之鄭、王 凡 傳 經,皆 昔 + 劉 通之於五 説 Œ. 大 所 文, 茫然 人。 恕 四 是 襲, 人所 陃 末 坑 傳 書五 昔 如 條 就 乃 恕 此 者 依 焚 不 得 斷 舉 待 人 寡 以 書 知 此 但 以 舉 於 及 衆説 經之文,皆問 所 其 經。又一經之中,亦 春 己 進 赴 發問 爲何書者 几 假 唐、宋諸 須 年 秋》、《 意 對 而 1: 谏 百 倩 + 、《詩》之毛 而 敗 者 邀 詔 ·, 卒 而 ', 〔原 凡 六 禮 習 年 壞 能 三十 必 時 斷 記 + 講 者 而 人 注〕漢 前 如 儒 以 經 對, 餘 問 疑 材 成 朱 問 故 義 己 不 以 原 義 人 者 所 先 人所 者 注 意。」 子 同 有 愚 其 列 鄭 對 别 也 之 月 所 使 甚 以 所 以 皆 注 奏 謂 舊

專

集

他

不

猶

而

得

鑑

者

也

唐

書

然。」其 之通 業之文,昔人所鄙斥,  $\tilde{\Psi}$ 也。 哉 茁 意 人 可 驗 口 載 所載。 張 唐、宋策 之文抄謄 矣。 經 必,文之工 以 擬 所 庭 今猶 與 **型** 杜 出 而 又不 否 節 人自不得 自 之 其 不出於本 可 抄 靖 題 題 文必 人自 然 得 剽 不 拙 兼問 過 而 盜 . 獻 于 則 限 猶 出 知 不 丽 之 姑 盛 其 於場 先 人之手焉 古 弊。 而 讀 中 其 用 Ŧ. 衰 所 今、「原 式 以 唐、宋 能 单 經 治 自 通 者矣。 爲 蓋 文與否 義 之所 亂 作 鑑 無 題 注 賦 篇 必 可 何 益 矣。 原 作 如《 韻之法 其 亦 其 於 不 擬 使 注 王 表 愈 經 夫 至 而 可 則 人 宋 梅 學 舉 以 得 題 韻 不 溪 文

當 相 老》、《 率 分 扣 讀 經 莊 書 殿 試 不通 檻 諸 士 乞示者。 書 Ŧi. 命 且. 經者, 題 如 唐、 如 今不 必 ^ 宋 巵 不 過 言 之 能 Ŧi. H 世 通 經 出 尚 益 賦 經 有  $\approx$ 以 至 以 不

法,宜 之。 府、州 所 尚 經 時 獨 少 詔 ,專精 何 仿洪 更問 謝 縣、 流 名爲 能 泌笑 内 公武四 其 衛 盡 疑 銓 所 宜 傳 士 經 年會試之例,發題先 獨 義 通 以 曰:「古人治一  $\approx$ ? 書 辨 邪 明 而 亦 并 同 ? 經者補 試, 宋 不 析 焉者不 史》: 過 亦 無 對 先 九 滯 曰 肯後於人, 經 學官,元 經 馮 : 後 Ŧi. 經 書 而 朱 元 經 達 而 己。 檢 而 蓋 授 者 至 則 討 後 自 書 經義、  $\Box$ 皓首,子 四 江 薦 此 所 試試 書 以 陰 百 通 而 書義 學 士: 而 尉 貫 Ŧi. 不 松平 使 之

其 亦 往 之,故終老 科名人,亦 士 一,學者 多遺 教之 往 便 石 , 者 誤。」若今人問答之間, 以 無 林 亦 多 不 不 燕 未 經 先 忘 能 語 必 授 徧 **\*** 雜 之,他 皆 讀 自 舉 \_ 通 Ŧi. 熙 改 Ŧi. Ŧi. 經 經 寧 經 經 經 縱 以 故 術 蓋 讀 余 前 (),亦不 稱 人之教 自 見 雖 以 其 經 幼 前 學 詩 人 書 畫 能 、所習 子 時 雖 賦 IE. 文 者 習 取 無

庶

並

治

矣

爲「貴經」,自稱爲「敝經」,尤可笑也。

多。 不及義之人,而士習 以 法 之人,則少一 清。 而 多 予之以 科 場之法,欲 抑 一攻苦之人, 士: 難,則 子 營求 之 知 覬倖之人少。 患得之人,而 其 可 其 則 難 漸 難 少 不 以 也 欲 正 , 羣 其. 矣 而 居 易, 攻 少 士 終 苦 類 使 H 之 可 覬 更 H 其 漸 倖

其國 而 責 以 將 忠信之士,我將賞貴之。 之士喜,不能 賞貴之。 於若國之士孰 士子 罪 爲 日 必 賤 家也, 曰:『 墨子》言:「今若有 「若此 之。」 以 忠 兼 信 不 之士 問 能 通 者中,不若此 射 九 於若國之士 喜 射 御之士 凡 喜,不忠信之士懼。」今若 孰 經,記《 御 我 懼 之 ? 士: 或 懼 能 通 一諸侯於此,爲 者黜 我 我 敦喜 不忠信之士 鑑 射 日 以 將 》、 **歷** 御 : 爲 。」我以爲必 罪 見凡 之士 孰 必 賤 代 懼 能 之。 我 之史, ? 國 我 射 之 間 我 我 御 將 政

然 好 則 學 也,人主 爲 能 不 文 可 之 之説 ± 可 喜 以 以 無 而 撓 聽 不 吾 也 學 法 者 無 皆 文 之士 不 學 懼 無 也 文

士、明 科 之人 以 問 七 Ħ 之法 年 得 口 經,充選 有 人。 乃 今日欲革 使 行之者。 沈 試 暫停 滯? 晉 則 原 元 此 考 注 科舉 帝 非 昔 〔汝成 試 胡 揣 從 人 本言 數 之弊,必先 孔 論 省 案〕科 停年、 年 坦 也 注 之 偂 舉 長 後 議 緩 得 名 爲 人,視 行 尚 示 聽 之 之, 维 期 孝 以 所尊 全  $\Box$ 然 讀 廉 中。 政 尚 後 書 申 贵 學 古 可 至 進 有

#### 題 切 時 事

安 開 違 懿 封 汝 弼 進 考 王 二之遺 試 稱 士: 『皇』事 賦 題 目 意 題 多 曰 也 英宗曰 有 了孝 規 ^ 宋 慈 切 史 則 時 忠」。 事 張 張 洞 洞 亦 意 時 傳 虞 誳 方 帝 朕。」 議 試 濮 子

禎

者

初

存

題

宰 規 戒 相 遠 E. 韓 則 琦 意 通 進 解。」 鄉  $\vdash$ 校 古之人 之論 『言之者 此 君 無 義 近 罪 立 則 而 聞 盡 争 之 者 諫 官 之 師 足 塗 之 以

天 啟 四 年 應 天 鄉 試 題 今 夫 奕 之

廣

矣。

誅少 祠其父於後室,以 九 於 定 建 乎 殺 舉直 Œ 君 年 士 時 逆 卯 不 工 祠 之視 節 應 當 部 大 案 ,定《三朝要典》爲作· 或 可 天 夫 郎 季 尚 學 也 以 諸 臣 鄉 葉 萬 也 已 魏 口 枉 如 比於啟聖。 試《春秋》題「宋公人 0 燝 此 忠 能 手 以 而 也 皆 其 原 賢 足 使 想 ^ 注 年 沔 可 始 枉 見 則 七 萬 監 水 春 以 崇禎 者 用 先 臣 年 龄 \*開 生 秋》,請 朝 直 事 視 疏 江  $\sim$ 陸 帝 以 也 之 君 鶴 西 忠 萬 遺 聰 年 以 如 Ŀ 鳴 賢 鄉 特 龄 化 媚 應 腹 浙 而 芟除 **>** 試 製 曹 之 請 持 奄 天 心 江. 碑 題 姧 若 以 義 或 諸 鄉 以 鄉 文 黨 猶 是 臣 試 忠 皓 以 試 爲 并 爲

賢

皓

杖

題

數

者,其 疇、 録,語 也 魏 天 比 伯 章 忠 鄉 皇 陽 允 出 多 賢 試 沈氏 上 歸 題 儒 觸 屬 輩 忌 書 日 則 非 以 幾 辭 經 又 魏 所 趙 <del>-</del> 皆 璫 維 宜 題 孫 極 無 寰 人, 言 意 切 《雪廬 「我 彊 將 前 獻 繩 比 大 後 媚 二人共 之, 之漸 焚餘 陳 俱 不 其 如 削 啟 稿 敬 不 陳 奪 \*\frac{\times}{Z} 新 爲 子 亦 (貞), 觸 自 壯 見 天 戸 是 忌 是 方 之 啟 以 以 亦 1. 子 逢 彈 不 卯 科 周 七 曹 年 爲 諸 各 文 公 年 伯 鄉 獻 典. 顧 者 比 順 陽 媚 試 錫 試

平 有 納 天 以 雖 下 奉 景 有 在 迎 泰 之 治 社 初 其 緩 稷 也 或 爲 爲 先奉 |者| 譏者。 重 之 上 節 説 順 皇 蓋 天 至 然 有 鄉 邊 當 諷 試 時 0 意。 題 朝 邊 所 論 臣 謂 即 不 者,獨

江

西

福

建二三

録

耳。

# 試文格式

成 化 經 以 義 後 之 文, 股 者 流 俗 對 謂 偶 之「 之 名 八 也 股 天 蓋 順 始 於 以

> 對 相 各 格 虚 句 過 講 弘 講 句 年 無 前 有 傳 定 排 接 先 治 保 會試 再作 即 經 原 實, 提三 比 四 式, 二句, 九 謂 天 講 義 注 + 年, 股 下, 大 之 謂 數 之文 其 一句, 樂 樂 對 結 其 淺 會試 八 題 復 單 天」, 成 天 本 股 即 不 次 四 講 篇 旬 兩 者 深。 講「責 第 每 股; 過 「責 對 題 而 兀 保 謂 若 之 几 敷 文 不 「原 股; 難 亦 天 復 之 股 長 法 止 演 亦 難 甚 注 恭」, 於 下」文, 之中 題 兩 於 收 傳 亦 於君 中 一亦 大 八 少 君 則 四 復 注 對 股 間 有 謂 旬 四 不 如 者。 聯 過 或 之恭」文, 起 成 之。 則 拘 屬二 股 四 反 再 接 對 其 講 化 每 ; 此 股 作 句 四 或 復 先 故 扇 兩 IE. 大 句 散 四 收 提 + 中 之 嘉 扇 句 結 中 靖 立 間 起 復 初 爲

以

後

文

體

H

變,

而

問

之儒

生

一, 皆

不

知

八

股

<sup>● 「</sup>也先」,據《校記》,鈔本作「虜

之何 矩。」今之爲 謂 矣。 時文者 孟 子 》 · 豈  $\vdash$ : 必 大 裂 匠 規 誨 偭 矩 矣乎 必 以 規

文矣。 子皆然。 在 結 朝 百 末 曆 諸 之唐人賦 大 者,但許言前 之「承題」。 式,是 當時 位之臣 抵 餘 敷 中 止 時 ·, 破 對句 三四 事 字,謂之「大結」。 演 發 應舉文字,有 流論 端 聖人言畢,自 格 爲 亦 止 爲多,此 何 句。 以後功令益 有破題。 〔錢氏曰〕宋季有 畏首畏尾,其象已 然後 句 而 代,不及本朝。 於是 或或 發 破 提出夫子「原注」 承 此 題、 下申 宋人相傳之格。 言,謂之「原 止三句,不用 或 接 攄 四 題、 家 密 其意,作 明初之制 所 魏 句, 之事 小 天應《論 見,或數十字,或 恐有 講 謂 大講、 至 見於應舉之 之「破 图 學繩 萬 起 四 一曾子、子 藉 可及 原 始 Ŧi. 入題 曆 「原 以 尺》一 起。 句 罔 中 題」。 自 注〕本 至 思 終, 原 書 街 本 篇 萬 顯

寫者。 之。 通。 亦然。 爲 者,沿此之例 書 格 注其人 下二格, 聖經反 下二格也。 文則不能 目,又下一 題 五經字,竟從 寫 然日 頂 如 試 後 之名 萬曆以後,坊刻 格 題 次 録 原 來學政苟 寫 用 注 再 文字之體 日 行 格 下, 須 周 於下,而 曰 而 若 不 知 次行 不 歲考之卷, 題 仍 鄭 自 Ŧi. 下, 四 論古今詩文,概以 . 知 Ħ. 古以 經及二三 Ħ 提 交質」,下二格,其行 書 題目 , 首 成 自作反高,於理 寫 起 來,書籍文字首 刻 亦已久矣。 風 盛 頂格 起,依大塲之式 行 . 止 古 下 行, 士子試卷 書 則 塲 下 每題之文, 者 格 第 皆 首 此 亦 格 然。 題 行 行 化 下二 又 塲 次 省 無 目  $\Box$ 其 不 而 爲 卻 行 至 經 所 頂 末 格 異 試 口 不 概 几 論 四 以 題 頂

❶ 「明」,據《校記》,鈔本作「國」。

来之取士以淪策,而於

六四〇

肖 行 時 末 左丘 書 文之面 司 馬 .貌,使古人見之,當爲绝倒。 遷 題 日 變歷 伯 夷 代 列 相 傳」,下二 傳之古書 格 以 其

## 程文

爲準 定開 别 年正月,禮部議: 赴 盡 録,後多主司所 賦官各作程文一道,示爲舉人之式,試 之「程文」。《金史》:「承安五年,詔考試 掩 謂之「墨卷」。「沈氏曰以神宗實録》:「萬 省藏之。」至本朝,先 國 則。」時 初 自宋 至嘉 意。』從之。」「十五年八月,命禮 禮部 靖初 以來,以取 年 尚書爲沈鯉,兼官翰林學士 試 中式文字 録 作,遂又分士子所作之文 程 文宜照 中士子所作之文, 白 亦用 鄉 + 試 餘 部 例 篇 士子程 會 删 刊 同 原 布學宫,以 翰林院,取 卷, 曆十四 文 不宜 刻 後 詞 謂

不足言矣。 文章 無 唐之取 定 格 立 立 士: 以 格 賦 而 而 後 賦 爲 之末 文, 流 其 最 文

> 出矣。 獨出千古者, 之,故日趨 日之文,在毋 成文,又有 復 爲冗 如之。 濫 明之取 宋之取 甚 而 以其 於前 下。 拘 士 之以格 士: 無程文格式也。欲 鼂、董、公孫之對,所 代者,皆以程 以論 以 經 策, 義, 式,而俊 而 而 論 文格 經 策 異 之 義 之才 振今 式 之不 弊 爲 亦 以

#### 判

得五條,場 本。入場時每人止記一律,或吏或户,記 之遺意。 舉子第 至於 中 二場 即 近 可 作 年,士不讀 互换。 判 Ŧī. 條 中式之卷大半雷 猶 律 用 止 唐 鈔 時 録 銓 舊 試

ø

明」,據《校記》,鈔本作「本朝」。

<sup>● 「</sup>删」字下,中研院史語所整理本《明神宗實録

爲 年 代 月丁 者 統 落 事 激 偶 部 以 五. 人 同 , 豈 笑 作 偏 勸 拾 下 南 懲之。」後 暗 人 目 西 最 ),所 談 放 敕 曹關 安 爲 得 判 泗 得 爲 爲 (之盛 平 罪 官 喪 紃 州 通 相 試 可 :。」〔原 今年 1 亂 推 草 貢 弊 笑。 間 傳 判 官 劉 唐 之餘 院 不 寫 槀 謂 侯 語 而 瑩 明 及 注》 擢 濟 淨 之 草 1: 皆 宗天 等 通 行 坐 第 科 判 尚 宋 子 試 同 典 覺 實 既 進 侮 史 判 考詳 羅 公然 令 成 **>** 察 不 不 士: 假 瀆 勘 選 科 三年 太 攻文,只合 此 手 知 公場。 内 狀 所業,南 杖 人 祖 罪 傳 耳. 最 判  $\equiv$ 稱 紀 ·, 中 换, 條 之後代, 無 除 語 ^ **\***: 禮 例 名。 晚 恥 書 至 以 不 宜 開 劉 曹試 逼 : 奏: **令** 合 堂 夫 寶 直 請 試 六 所 瑩 堂 以 書 牓 其 年 判 期 百 其 般 等 吏 示 Ŧi. 司 倩

選

議

籍

書

益

載

於

將 親 試 其 判 起 覆 於 其 唐 車 高 宗 事 0 時 始 取 初 州 吏 縣 部 案 選 牘 才 疑

得

美,又 萃」, 之貢 職」。 文三 縷, 力, 體 科 黄 曲 衆 古 人 便 試 閨 學隱 亦曰『 篇,謂之『宏詞 舉 各 第 義 猥 今國 不 判 其 可 而 但 有 多 》之類。❶ 用 謂 假 斷 盡 欲 通 伏之義 升降 以 假 割 答 使 朝 超 之 設 案 經 Ŧi. 設 绝」。 之 正 甲 牘 而 而 尺 人 甲 制 惟 無 經 Z, 問 籍 淺 觀 選 之童 等], Z, 懼 難 之 之,、一楊氏日 又 近, 其 令其 以 詞 人 人 不 士: 止 能 有 亦 吏 美 不 試 能 其 之 · 足 皆 據 否 部 者 何 格 判 足 判 强 其 能 以 通 律 選 得 以 限  $\equiv$ 斷 爲 記 拙 知 如 爲 吏 文 後 定 人 不 條 未 難 者 也 者 尤 事 令文 問  $\mathbf{H}$ 之 人 拘 既 至 謂 謂 一苑英 月 才 旬 爲 其 法 限 而 乃 乃 佳 而 之 寖 之 徵 日 īF. 意 而 而 能 者 華 來 采 之 拔 大 甚 施 授 試 藍 登 僻 者 經 所

<sup>0</sup> 黄 里 判 華 書 局 影 印 本《文苑英華 黄 润

六四

乎 間 制 行 下 各 而 其 哉 而 實 記 如《 不 廢 可 蓋 通 者 曹 此 行 典》所 此 此 法 互. 之 類 止 相 通 是矣。 <u>云</u>, 可 倒 場 施 换 廣 問 於 衆、 必 選 以 朝 竟 不 時 人 廷 得 日 引 事 之制 己 之 試 疑 久。 而 俄 獄 用 有 頃 令 此 名 宜 之

## 經文字體

約

律

文斷

決

八不乖

經義

者

平

遵 記 也 則 几 法 六 是, 書、字 矍 式 書 四 豈. 相 者 書、 生 立足爲 亦 千字,經 之射 贴, 贴 員 非 合 本 冒 難 才士累?」 出 Œ 經 濫 僅 便 但 體 除 全 之 有 者 文, 名 一千字, 弊, 分爲二場,第 存 Ŧ 者矣。 百 至 第二 夫《 中 中 今 脱誤 無 無 周官》 H 場 或 而 乃考其文義 日 0 本文及字不 也 極 場 教 更 或 **\$** 簡 求 此 求 子 暗 汰 其 通 末 以 節 之 寫 曉 省

> 古 齊 死 情 中 弊 立 理 起立 北 士 課 九千字 六 今一 -,以是 一,猶 教 之方,課 孟 此 齊策 藝,射、 而 爲習所 自 化根 席 制 浪 責 爲 H. 揆,可 後; 孝、秀 之成 以 者, 爲 不 得 以 勝 本, 上; 御 能,則 順 實之效, 全 計 奪 書 之後 勝 席 乃 原 人 避 盛之朝,求 於 洂 情 慨 始 得 患 贵. 脱 朝堂,「對字 濫 漢 退 息 要終, 而 爲 安 繼 復 容 之 世 劣 與天 릲 史。 時 以 有 刀。 者, 隴 掾 六 揣 長 俾 畝 史之 才之主 權文公有言: 下 書 以《 飲 0 摩 其 轡 躬 | |因 墨 有 遠 古 僭 周 處 長 循 何 而 水 脱 霸 休, 馭 今 官 而 於 而 辭之有 漢 誤 者邪 之君 風 求 溷 升; 以 不 童 世 者 俗 濁 之 思 至 子 試 整 老 常 之 除 尚 文 呼 秀 之 書 !

<sup>● 「</sup>奪席脱容刀」、《隋書・禮儀志》作「奪容刀及席」

或

晉 以

書》、南、

北

《史》爲

科,新

舊 兩

唐

書

Ŧi.

代 史》 試

±

<u></u>
左

傳

國

語

史

記

漢

科

因,及 齊志 不問 以 漢 科 班 惡 史、《北史》爲 史書、《史記》爲 貞 -**,** 亞 書 史,《晉 及三《傳》科。 列 觀 ,習《北史》者通 司 唐 并劉 於 政 其 史 而 穆宗 或 馬 要》共 朝 六 書 人 書 | 朝 遷、 廷 經 昭 物 煩 長 自 舊 爲 所 損 碎 班 慶三 爲 高 章 史。 注 \_. 比 益 冗 《 通 古 祖 史,《 莫能 史,李 長,請 范范 志 來 關 年二月,諫 史。」〔原 以 典》「 習《南 後魏、 史 爲 於 下 曄 知 學 當 漢 及睿 三史爲 延 但 者。」於是 史,《三 書》 舉人條 廢 代 注 史》 壽 間 隋 绝, 者 宗《實 朱子亦嘗議 ^ 書 政 爲一史,《後 議 南 者 至 其 志 理 大 例」:「 史》 或 兼 餘 成 立 有 夫 勸 志》 録 通 自 爲 身 敗 善 殷 分年 爲 其 并 宋 史 處 所 懲 侑 切

> 通 甚 爲 達 唐 科,時 政 時 若 體之士,未 務 律 能 曆、 依 地 此 理 必 法 爲 無益 舉之, 科。 於國 + 今史學 年 家也 Ż 間 廢 可 绝, 又 得

之 留。」從之。 凡 當 盛 漢、唐混一 敗之迹,俾 思言:「舉人輕視史學。今之論 際, 課試 世 否,籌策之 而 稍 孝宗淳熙十一年 恥 命 以 談之。 題 之事,三國、六朝、五 加 論 雜 討 疏 策 究,有 密 出 然 爲 諸 屈 其 重, 史,無 補 處 進 毋 十月,太常 取之 兵 或 止 民 家 所 之方 得 以 拘 失, 請 初 代 史者 忌。 諭 場 形 守 以 博 春宫 定 考 勢成 爲 獨 禦 士: 覈 去 之 倪 非 取

嘗 用《史記》、《 請 罷 史言「薛昂 史學,哲宗斥 西 漢 爲 大 語 爲俗佞」。 司 輒 成, 黜 之。 寡學 吁,何近 紨 在 哲宗時 子 有 世

六四三

知

録

集釋卷十六

俗佞之多乎!〔汝成案〕昂,元豐進士。

始主王氏

日知録集釋卷十六终類。諂鄙至是,奚止俗佞,其请罷史學宜矣。

# 日知録集釋卷十七

崑山顧炎武著 嘉定後學黃汝成集釋

# 生員額數

員,取 制 中、下以十爲差。 品 取 下亦以十爲差。」此「生員」之名所始,而明 唐 以上。 亦 三品以上子弟若孫爲之。 書 略倣之。❶ 生員 <del>Ti</del>. 儒學傳》: 品以上。 郡縣三等,上郡學置生六十員, 猶  $\exists$ 官 上縣學置生四十員,中、 四 員,有 「國學始置 ..門學百三十員,取七 定 額,謂之「員」。 生七十二員, 太學百四十

明初,❷諸生無不廩食於學。《會典》

學寄名, 鳳陽府知府 選俊秀待補增廣員缺,一 學四 時每學生員不過數十人,故攷試易精,程 之額,如廩生之數。其後又有軍民子 其後 少,減 曰 十二年,奏準常額之外,軍民子弟願入學者,提 秀「待補增廣」之名。〔原注〕《大明會典》: 五人而已。 言:「洪武初,令在京府學六十人,在外府 廩膳,聽於 (原注)正統六年閏十一月乙未,以 附學」,無 儒學 以 十人,州學三十人,縣學二十人,日 此 多才之地,許令增廣,亦不 則準 訓 楊瓚之言。 導一 民 踵 中其待缺! 間選補,仍免其差徭二丁。」 常 員**,** 生 而漸多,於是宣德 額 補 先是, 廩 一一一 一員 體攷送應試。」按《實録》, 充增 併爲兩 學校自 廣 增額外之生,止謂之人 生矣。 齋, 直隷保安州 歲 此濫矣。 久之,乃 貢 元 依 調 過三人 年定爲 縣 教 臨邊民 . 正 弟 學 此 官 號 異 例 俊 給 從 致 統

- 「明」,據《校記》,鈔本作「本朝」。
- ② 「明」,據《校記》,鈔本作「國」。

六四五

者,雖 學貢 吏,不 古、 課 員。 罰 仲 廣 月 子 積者升充高等生員,以 延 原 四四 膳 俱 爿 祐 爲 庚 色目人孟 易 注 十石 納米 優 試 試之法,有 其 二年 辰韶 吏。」 密 成 者 原 年 經 未 及 生二十人 爲 保 Ŧi. 化 集 注 義 歲 及 定等府 Ŧi. 沈 上等,理 + 以 元 成 「生員 仲 賢 貢 四 年, 後 石 Ŧi. 道 年 學 月 私 氏 化 師軍 年 生 ~, 年, 也。 各 試 士 增 大 者 日 水災, Ŧi. 初, 員 優 試 藤 規 趙 廣納 月 賑 月 遣 四 辭 明經一 亦 元 峽 食廩· 不 矩 孟 試 而 饑,率 禮 復 庚 7 平 用 米三十 還 頫 史 罰 中 策 洪 申 依 人爲額。」是時蓋增置生 者爲中等,每 條 : 兵,始 部 ٠ 問、 禮 讀 旨 其 此 十年, 爲 武二 道,季月試 依此例。 選 奏準,革 部 例 下。 表 書。 吏。 漢 舉 石,免其 令兩廣 廩 尚 章、 廩 + 人 志 書 食 二十七 已 孟 膳 學無成效者, 詔 次 元 至五 四 歲 納 學 Ŧi. 月 攷 而 明 誥 策 充 去附 年 終 米 年 試 校 年 善 問 試 科 不 吏, 年二 通 六 經 篇 等 復 不 者 七 計 果 1. 疑 放 中 議 道 年 道 學生 不 罰 月 月 石 員 巳 行 其 或 仁 生 提 道 中 爲 庚 增 百 多 辭 蒙 子 宗 寧 員

> 調 是 明 豈 各 奉 士 旨準 直隷學校監察 口 祖 用 有 有 歎 制 如 罰 行, 舉 也。 場, 後 仍 日 取 追其 動 之 之 御 世 言 所 濫 史陳煒 如 食 而 遵 且 彼 廩 爲 祖 惰 米。 其 奏 姑息之政、僥倖之人, 制 者 請 少, 而 乎? 「免其 而 課 教 於 (充吏, 官、 之 今人 此 如此 提調 獨 竟 不 於 發 其 爲 肯申 官 取 民 亦 進

之 年 廩 濙 而 德七年,奏天下 司 以下 奉旨: 濫 膳 并 會 多官 提 七 宣 而 - ,追還 德三年三 年 調 尚 「令各處巡 也 以 官、教官,將 未 生 上 所 員三 有 給廩米,黜 提 學 月 萬 學 無 有 戊 按 官 奇。 成,行 成 御 生 之設, 效 史同 其 員 者,發 爲民。」「原注 公同 時 在 布 是 禮 即 政 以 充 考 已 部 司、 吏。 煩 試 病 尚 特 亡至宣 生 按 書 員 六 食 察 胡

官,每處添按察司官 正 統 元 年 <u>Ŧ</u>i. 月 壬 辰, 員, 始 南 設 北 提 御 史 調 學 校 員有闕方補。

今充吏之法不行,而

新

進

附

生

乃

之家,選攷端重俊秀子弟補充。」〔原注〕當

差。」又曰:「生員

有闕,即

於本

處

官

員

軍

民

時

生

生人學六年以上、不諳文理者,罷

黜

爲

民

當

有六年未滿免黜之例,蓋繇此

而

推之也

員。

原注

二十年

四

月,

廣東左參議

楊信民

奏:

有 或 陬下邑,亦有生員 苦之人三,奉坐待 而已爲游手之徒,足稱「五 繇 者 不亟爲之所乎! 漢至隋,未有多於今者。 荷 知俊士之效 百 衣食之人七。」而 [楊氏日]人仕 , , 而 人,即未至擾官害民 游手之患切 蠹」之一矣。 有 天下 之途易 常 今 則 則 以 其 徼 遐 绺

言:

「布、按二司

所至處,自 照例

督

1 攷较。

府、 部,

州、縣

提 胡

調 濙

E

職

掌, 如

徒

爲

人具。

乞罷 隔

之便。」 應提

事

下

. 禮

尚

書

IF.

官,每

月朔

望

宜

詣學, 攷其

勤

惰。

今因

設

問 調

廣

東諸

虚,阻 文

> 江. 上

海,提學官不過

歲 歷

至 至,置

而已,雖

學校

官以

來,監

臨

司,

嫌

於侵

職

巡

所

之不

官投 突將 間 仍追廩米。 政 喪娶妻妾等罪者,南北 吏,免追廩米。 注」正 上官,侵噬 一司發 矣。 統十四年六月丙辰,詔生 僞者生員,幾於魏博之牙軍、成都之 充鄰近儒學齋夫、膳 至崇禎之末,開門迎 故十六年 百姓 若犯受贓、姦盜 〔原注〕 聚黨成羣 直 時 殿 隸 舉 夫,滿 發充兩 試 X 冒 亦 策問,有曰「秀、孝 員 日 有從賊者,故云。 籍 事 一,投 京 原 科 犯 國子監 籍 賊 舉、挾 黜 牒 爲 者生 退 民 呼 者, 妓 膳夫,各 示警, 譟 飲 輕 酒 廩膳 罪 縛 原 布 居 充

汙潢 其中之劣惡者,一爲諸生, 池)。 即 思把 持

僉事

等官

部

議從之,上

不允。

景

泰

元 天

年 提

四

月

Ŧ

Ш 仍 乃

西

絳

縣儒 按御

學署訓

導事舉人張幹,請罷

督學校

御

史 戌 飭 官

之人多,而讀書又美名,此天下所以多生員

也

令巡

史糾舉提學官之不職

者。

十三年

七

月 旨 提

丙

彼

此

推諉,是非設官之過,乃曠

職之咎也。」得

申 學

庚 林

申,

復設

提

督

學

校官。

其 條

例

曰:「生員

食

廩

年

以

上、不諳文理者,悉

發

充

吏。

增

廣

院編修周

洪謨,請裁革各處提學官。

順

Ŧi.

年十一

月

呼,養士而不精,其效乃至於此!

縣學, 請。」 監 清 録、人貲 州 部 人才亦即出其中 云:「近日 讀 縣 右 處 政,遂循 從之,并 書 學 侍 景 生員 北 賑 生 郎 泰 民生 雍 中 濟 員 兼 兀 今 能 納粟一途,人頗輕 古 Ш 左 年 解 伍 詔 之 二 願 出 春 元、會元。」蓋既 未可 四 東 銘 米 人 各 等,願 坊左庶 月 等 八 百 監 己 概 處 年。 百 布 讀 論 酉, 石 正 政 納 書 也 之。 子 〔趙 於 司 缺 者 米 右 有 鄒 然羅 臨 及 氏 糧 此 聽。」此 八 少 幹等奏: 日』《湧幢 清、 途 直 儲 百 監 圭 可 一峯以七 隷 東昌 , 宜 石, 乞人 武 以 府 就 艮、 小 允 試 州、 試 品 時 徐 其 禮 則 不

五月庚申,令生員納米入監者,比前

例

減

 $\equiv$ 

百

石

貢 拜 仕者。 官 河 皆 南 衰 臣恐書之史册,將 開 世 封 一之政 府 儒 乃 學 有 教 之,未 授 黄 取 鑾 後 聞 奏: 世 以 作俑 納 粟 納 之 爲 粟

譏。」部議:「倉廩稍實,即爲停罷。」

徒以 書。 饑,權宜拯濟,令生員 學行 雖云權宜,實壞士 八月癸巳,禮 相勵。」從之。 部奏: 輸 習,請 米五 邇 弛其 大 百 石 濟 **令**, 寧、 監 徐 庶 生 讀 州

正統以後,京官多爲其子陳情乞恩送

天順五年十月,令生員納馬廿匹,•監讀書者,此太學之始壞。

監

生。

馳 何 ? 亂 王之道消,則小人之道 騁, 朝 臣 賊 謂 唐 儒 夕 子 道之不 忠信之陵颓,恥 書》載尚書 之故,其 生 焉。 舉, 臣 左丞 所 弑 四 由 其 長; 者皆取 尚之失 賈 來 君 至 者 ,子弑 小人之道 議 漸 士之失也。 所,末學之 曰 : 矣。 其 父, 漸 夫先 非 者 則

補

<sup>●「</sup>廿」、《明英宗實録》卷三三三作「七」。

捨 梁 是 光 異 鄉 稷 位 興,雜三代之政,弘四 封,逆 之 海 宅,九州 術之學,東 三代之選 近 , 運 教 以子 分景 里 强 術 不 震 代 隋之弊,承 哉 i隕 蕩  $\pm$ 弘 趨 節 祚 臣 孫 舉 仕, 濟 長遠。 攸 九 終 思 擅 不 速 士 士: 都終 同, 厥後 州 彼 得 明 權 義 靡 一之道 顛 任 時。 四 弱 再 阻 之 而 然 夏、 賢,皆 覆 文章 持名 秦坑 享 白 道 域 亂 萌,人心 向 縱縱 燾亭育,合 主外立,母 C, 豈非 或 自 殷、周、漢 而 著 風 竊 節 魏 道 + 咸 1 攷實 亂 儒士,二代 科之舉, 號 一弊,尚 則 致 之行。 促。 至 年 代 興 僭 不 忠 使 木 隋 行, 取 學 位 得 臣 復。 禄 或 徳 天 之業,四 后 人 於 行 四 故 孝 Щ 西 而 家革魏、 至 德 之 浮 專 道 白 京 能 子 有 摇 向 而 地,安 術 侈, 扇扇 義 政 餘 亡。 矣。 呼 近 始 風 比 使 ? 不 載 隩 取 化 禮 化 振 屋 而 戚 而 晉、 修。 有 既 此 於 社 經 漢 淳 觀 讓 竊 口 几

> 公卿 今, 躁 才之本, 競 同 大夫之 斯 而 而 躁 轍 以 競 辱 教 之歸 也 有 化 \_\_ 天下 爲 是 馴 先, 則 至 者, 科舉之弊 庶 於 乎 誠 亂 德 思 賊 風 行 修 自 俗 必 唐 爲 至 m 賢 迄 於

才出

矣

府,自 至 士 有 科 舉。 二三百人。 明 生員之外,儒士 初 0 景 泰 有 間 以 儒 陳 士 循 而 報 奏: 人 科 科 舉者 場 臣 者 往 原 往 籍 謂 吉 之 縣 安 儒

與 先 通 弟,養之于庠 生員 天子 王之道,通 者 而 先生《生員 分 後 何 充之,又課之以二十一 猷 哉 共 序 ? 當 治 之中, 論 世之務, 蓋 者 略 以 也。 使 收 日 之成 出 天 必 國家之所 爲公卿 下之才 選 德達 夫 史與 Ŧi. 大夫, 材, 俊 經 以 明 子 設 兼

❶ 「明」,據《校記》,鈔本作「國」。

焉 數,無則闕之。 科 邑 世 有 之 勿 務 通經之士 而 令部選。 前 養 之于 後 升之,仍 ,其人材 爲 學者,不 如 之師者, 此 而 分 必 或 得 爲 盛于今日 有 州、縣 秀 過 實用之人, 才、 + 以 明 也 禮 人 經 之 聘

之時 篇 之出 以 者 通 經 至 前代之史不讀, (才,而 又易 而 歲 白 當 爲 義 首 月 功 文,舍聖人之經 世之務也。 又曰 論 小變其文,即 每 名者, 銷 視 而 至于 科 策、表判者、欲 : 天 磨 不 國家之所以 下 于 得 士不成士,官不成官,兵不 惟 變**,** 五 或 場 遇 此 而 家之事 屋 今以 讀 而 之中 可 老成 尺 己。 其 典、先儒 以 書坊 童 所 取 其 取 之士 故 以 謂 而 子, 生員而考之以 功名, 明六經之旨 所 敗 爲 少 時 能 之注 既 年 刻之義謂 壞 文 人 生 捷 以 而 誦 0 天 有 數 疏 下 之 得 鈍 時 之 所 之 用 者 文 與

皆

得就試于禮

部。

而

成進士者,不過授

举人

之

法。

其

爲

諸

生者,

選

其

通

之高 縣 功, 郡 唐 己 皆 員 問 明 乘 日 日 日 成 俊傑、 之制 之生員 : 之,敵 博 得 兵, 四 人 日 用 吾 廢 + + 郡 矣。 舉 下 之于 將 天 所 縣之 人 廢 人 而 而 通 或 不 謂 而 下之生員, 薦 也 天 差 而 而 天下之人, 經 達治體之士 外 成 止 廢生員者,非 等,小郡十人,等而 其 之于朝廷 止 次 下之生員, 史及 侮 將, 請 廩之學者爲之限 之,有 得 小縣三人,等 約 用辟舉之法,而并存 夫 當 而 其 然後 勝 世 闕 無問 而 户 之。 則 起于其間 用 之務, 則 П 廢 則 寇 我之所 其 世 補 之多寡,人 生 何 賊 苟 之材 生員 而 員 以 則 而 以 姧 上 額 也, 上之,大 罷 取 收 矣。 必 時 宄 一之,大 與 出 略 有 者 歲 廢 文 得 否 也 材 既 牛 今 ? 故 之 貢 聰 仿 而

賢 其 生員 天下之才日 酌 知 行 者,不煩于教,而 有 舉 官 以 生,則柰何 則人重之,而 文者以補之。 病 三人,然後合 一, 而 者以 乎古今之法,而兹 新 于國中者, 不 而 貪 簿、 不 與 能 率 躁 ,中年考校 人 尉 領 否 之情。 肄 而 仕 爲 親 其 者 業 至 師 ? 皆 民 事 生 于斥 ,有考試 之職 將 得 其 願 而 然 于 其 吾 其設 而 以以 不 無 屬 郡 舉 給 固 退 人 則 無 向 禁 隸 之童生, 衣 守。 之教 而 日 天 者 蘄 亦 耐 窮 所 于 不具論 而 薦 巾 至 而 下之生員少矣, 也 無 知 謂 天下之人無 自 有 仕 之于 此 以 于 官 ,使之皆 成 使 自 聚 不幸 籍 止 老者 諸 進 成 必必 之驟 取 重 徒 朝廷, 也。 士者 生 材 其 合 若 而 罷 聘 中 闕 進 爲之 壅 黨 通 或 則 夫 死 提 其 則 亦 有 學 間 于 當 温 以 經 至 及 鄉 以  $\Box$ 師 少 能 之 取 其 童 參 故 横 衰 或 薦 之 Ψ.

> 佐 士之 人 主 方 理 不 或 特 家 諸 生. 而 僅 途 出 而 于 塗 夫 未 取 有 士: 不 以

# 中式額數

弊者

也

郎,而 然其 「原注 舉 書 不 移 書 代 主 用 心侍郎 禮部 舍人李逢吉知 貢舉于 試 乃 • 武宗時,以 則 時 别 王 以 侍郎。 貢 今人 論 知 别 命 禮部 舉,舊以 也。 命 貢 丘 減 他 舉 大 傳 官 又以 者即 杜. 數 ,以侍郎主之。 臣。 者。 太 科 貢 甫 》: 「開 考功員 爲 常 舉。 詩: 主司 或 舉, 按 德宗 卿 子祭酒 美 唐  $\pm$ 「忤下考功第。」〔趙 穆 後 談, 制 外 多 時 宗時 起 元 郎 蕭 世 以 知 包 知 後 初,遷考 主之。 則 著 貢 佶 昕 貢 廣 以 世禮 知 舉。 之 知 以 舉 中 貢 額 貢舉 禮 亦 書 部 開 舉 於 宣 爲 部 有 元二十 舍人李宗閔 者 知 宗 尚 功 史。 不 盛 貢 氏 時 憲宗 们 書 專 舉 員 日 理 知 以 不 用 四 ^ 時, 塲 開 貢 外 自 年 禮 中 舊 知 舉 務 此 元 始 書 知 以 部 郎 間 始 唐 前 貢 則 侍 舍 中 ПП

不必進 宗閔 年,人稱 挺之傳》:「開元中,爲考功 爲自則天已後,凡數十年,無 濫 由 此 主 又近 科第 試 杜 切 ,每年至數百 有隙 也 覈 使之知貢舉,必喜矣。」是 代别 出 士: 權 其實材,登科者僅 , 杜 身。 出 知 先是,考功舉 命 身 貢 悰欲 後爲兵部 者。 舉 大臣 爲 Ŧi. 主 舊 釋憾, 代 試 唐 侍郎 時,亦 之始 書 [原注]此 E 人請 知知 也 或 李 唐制 禮 以 德 麟 滿 又 託 部 他 傳 裕 員 通計諸科之數 非科第出 唐 貢 百 部 有 如 大 外 舉。 時 尚 文 麟 行 知 丘 郎 (才,而 書、 以 又李 貢 者。」《嚴 身者 蔭 侍 議者 取 舉 典 入仕 郎 德 大 不 士: 爲之, , 亦 臣 裕 由 以 丘 示 頗 得 科 與 有

所

者十 失門 陸贄 注〕此進士登第之數。 生百數十人,雖至 餘人。」此 今人爲 傳》: 平. 知 允。 此,不 皆 貢舉, 登 因 但 科 數年之内,居臺省 減 獲 者 愚者 而 刻 歲 頓 精,昔人之 薄之名,而 選 減 不 士纔 ·爲矣。 二分之一。」 十四四 又 所 清 <u>Ti.</u> 坐 稱 近

原

途填 年, 宋太宗乎? 如 進 選士共止 不 士 每 登其 委,要窒其源,宜 每 歲 歲 登 七十五 數,亦聽。」」文宗之識 四 第 「原 十 者 人。 注义 人 四 其 其 十人。 賈 餗傳》: 改 數 每 過 開 「太和 歲 多 成 限 則 中三 ,豈不優於 放三十人。 乖 年 精 敕 選 禮  $\Box$ 

農 謂「士人猥多,無 風 文教之盛,而 七千三百人。〔原注〕見《曾鞏文集 年 年 進 戰 流 無不 士: 賜 不修,文儒是競。」宋自太宗太平 齊 至 王 進 融爲武帝作《 萬二百 士 趨 諸 於科 士習之偷,亦自 科 甚 六 五. 第。 於今世」。 十人,●淳化 百 人,遽令釋褐, 策秀才文》曰: 葉 適 作《 此 此 雖 制 於 始 年 是 足 科 以 論 至 興 而 弘 代 萬 或 原

四

九

高鍇傳》:

爲

禮部侍郎,凡掌貢

部

<sup>0</sup> 影 印 文淵 閣 四 庫 全 》本《元 類

日: 7 之人,而 服 而 公之好 而 以 || || || || 者 問 爲 魯 公用 以 其 垂 氏家塾記》言:「今士人所 獨 或 畫 或 服 緌 適得 而 有 龍 事 者 莊子之言,號 Ŧi. 儒 一, 其 寸,惰 而 者 丈 千 惰 罪 不 夫 轉 遊 人 好 死。 之士, 萬 儒 遊之士也。」今將 真 耳,可 服 變 於 龍 五. 而 而 此 或 聚 也 日 立 不 謂多乎?」《 多 其 中 而 乎 窮 處 日 説 公 魯 風 在 門 或 莊 俗 乎 求 無 無 便 子 不 楚 儒 公 其 敢  $\Box$ 記》 好。 葉 者 召 儒 道

考官 不 免 楊 玉 永 樂 石 1: 雜 + 奇、金 進,今取 年二月, 幼 孜 毋 會試 日 過 : 百 天下舉 數 人。 科 取 人。 ± 頗 上 諭

必

多 百 衣 衛 收 Ŧi. + 獄 進 天 IE 順 統 人,應天 士 降 Ŧi. 七 四 以 年, 年十二月,始增 Ш 備 府鄉 忠 任 有 州 監 使 試 花 察 百 林水驛驛 御 E 人,他處皆 惡 史 會試 朱 其 賢 干 丞 中 譽 上 量 式 一, 下 言 增 額 之。 錦 欲 爲

賢,降 擇。 鑒未 之寂 之門,咸 既 器 正 崔 加 湊。 御 慎 舉 經 寥。 咸 周 獎 勤 . 弓旌 是白 册 (感、劉 必資 或一 以 史;卿 進。 政 祇 能 府 了; 并 爲 今者舉 膺 樓 1 元 於屢辟。 言可紀,必適 闕 庶六合之内, 灣等, 寶曆 放 愈議 貫。 龜 等所答,咸 試 於 宜 更習 **\***: 聚 懷 別殷 人深 於劒 何兹 學 爰 唐 勒 オ 學。 是以三紀 鑒 ·, 莫 爲本郡充學生之數 命朝賢三事 天 抱 南 乖 意 遠 寶 器 皆少 宿 輪 效 其 可 圖 靡 之 + 舉 力。 轅 望 有 登 然 緬 載 所 人 通。 不 科 慮草澤之 司 邈 於兹, 九 全不 對 風 善 之所 月 策 而 丙 精 朕 其 可 辛 羣 答 以 增 四 羅 懷 申 加 問 卯 材 所 遺 嘉 詳 獨 修 科 材 敕

問

茂

抱

每

輻

日

E

落之 國非 誡 亦不爲姑息之政,斯得之矣。 許 善政 舉人猶 是 東 通 西 也 場 皆 稱 然玄宗不因 其 爲 下 所 第 舉 卿等」,既 也。 官 (錢 各 是 量 而 氏 曰 貶 無 廢 其 殿 峻 此 時 切之文 科 李林 以 且 示 甫 黜 懲 當

# 御試黜落

黜 年姑息之政。 禮 是 或 棄於殿試 之 羣 臣 ,或三人取二,故有累經省試 落, 部 患 親試 朝 奏名進 宋史・仁宗紀》:「嘉祐二年三 臨 建議,歸咎於殿試。● 廷始 時 者。 舉 念治 取旨,或三人取 人免 士: 囚 自 諸 謀 其 張 黜 科 録》曰: 家 元 落始 及 屬 以 第 ,未幾復縱 積 此。」〔原注〕此仁宗 出 舊制,殿 忿降元昊,爲 身八百 嘉祐二年 或 取中 七十 之。 試 月 皆 而 於 取 中 擯 有 賜 末

> 言 : 子 亂,將天下士子無 進 ,爲天下 士: 「以張 與 殿 試 元而 後 者皆 世 罷殿試之黜落 士: 不 子 一不登第 黜 無 落 窮之利 而 是 ○後可。」 ,則懲黄 也 畔 阮 逆 、巢之 之 漢 聞 士

## 殿舉

舉。 舉之數,朱書於試卷,送 科場有去取 之「否」。 注 殿罰之式:「 〕今謂之罰科。 第一 宋 殿五 初 塲 至 第 約 而 舉。 進 周 諸 無 士文 顯 科 三塲 勸 第二、第三場 德之制, 初 懲,故不 理 塲 九否,并殿 + 紕 中 否、(原) 繆, 定貢 書 才之人得以旅 門下。」今之 殿 + 舉條 注 Ŧī. 否, 云不 舉 舉。 通 法 殿 者 殿 及 謂 原

❶ 「殿試」下,臺灣新興書局《筆記小説大觀》影印本《:

進 而言此者,世必 以 爲 刻薄矣。

中

設科取士,大抵爲恩澤之塗矣。 教 業 南 歲 以以 官 北 貢 如 國子監 生員從 待復 英宗實録 例 責狀。」今歲 試 讀 行 書。 在 再 × 翰 不 宣 不中者,發原 林院考試。 中 德十年九月,令天下 貢、廷試 者,發充 亦 吏。 中 籍 無 -式者 住 朏 提 廩 調 送 肄

#### 谁 $\pm$ 得 人

士平。 進 爲 叔爲主作《團 請罷之。」「原注」《公主傳》: 古,鄭覃 士科。』《唐語 得罪,貶 其 唐 以 書·選舉志》:「衆科之目,進 得 雪 經 人 |林||\* 散雪辭 賀 術 亦 州 進 司 位 最 户 宰 士、舉人各樹名甲。 爲 參軍。 帝 相 盛焉。」「文宗好學 聞 , 深 「德宗女魏國公主下嫁王 怒, 門下 嫉進 捕 客 南 蔡南 史等逐之,幾 士: 一浮薄 史、獨 開成、會昌 士尤 孤 屢 嗜 廢 申

> 世 子 相 如 人之才,固 事,臺閣之儀,不 語 此。 弟爲之。 所共患也。」 李德裕尤惡進士,謂 曰:『鄭、楊、段、薛,炙手可熱。』」「武宗即位,宰 然 進 不 何者 士: 能閑習 一科當 教 ? 唐之晚節,尤爲浮 少 而 也。』德裕之論 自 習其 朝 成。 廷 業, 選官 寒 士: 自 1, 須公. 偏 縱 熟 朝 異 有 薄 蓋 卿 出 廷

君之好尚,故人心之趨向然也。」 繇是塗,則自以 於唐、宋,進士盛 金史》言: 爲 取 焉。 慊。 士: 當 「原 之法, 時 注 士: 〕苦簞反。 其 君 子 來 之進 不 此 , 至 時

效 者,其間 失之矣。 下英才皆入 人之盛 也。 宋馬永卿言:「本 或 , 無 名臣,不可 唐 日 如 此 開 不然,以 進士 元 科,若云非 以前,未 一, 至 勝 本朝 數, 有 朝 取 此 崇 嘗 此 士之路多矣,得 榜 進 尚 尚 科 得 士 進 進 不 宰 得 得 士 士 相 人之 和 故 數 明 則 天

之,故當 天下 ト之,可 名 士 時 雜 見矣。」 名 出 士 中 他 此 塗 科 者 開 + 元 常 以 七 後 八。 始 以 尊 此 崇

以

從 選,士之有 今之取 士 之,任官然後爵 之賢者,以告於王, 鄉,論秀士,升之司徒,曰 宋,其科目 士》篇日 原 士之秀者升之司馬,曰 士之秀者,升之學,日 一及第 事於彼,是其取之之寬 注 録, 一詳 餘 榜首 下條。 士 姚 者未 :「古之取 也 黄宗羲作《明夷 不一,士不得與於 賢 嚴 纔得丞、判,是其用之之嚴 便 宋 能 , 其 雖 解 者不 之,位定然後 登 褐 用 士也 而 第 人 士 患於不 定其論 仕, 俊 進 也寬。 仕 寬, 10 選士 也。 士。 待 吏部又 然 其 訪 論 知。 至 此 大 禄之。』唐之 古 司 亦 用 録》,其《取 止簿、 定然 樂 者 馬 司 尚 制 降 復試之。 士: 正 徒 鄉 論 可 也 而 後 論 轉 舉 進 論 『命 也 尉 嚴 唐、 里 官 ± 造 選 而

法邪

?

究竟功名氣節

人

物不

及漢、

唐

出

於探

籌之中者

寧

可

謂

探

籌

爲

取

士:

之

善

之,行之數百

年

則

功

名

氣

節

之

士

亦

自

有

名氣節之士

也

假

使

探

籌

較

其

長

短

而

取

善,不 不得 之老 舍是 功名氣節之士之得 萬 之功名氣 以 其 日 士若 不 寬 人,不 官 朏 然 苟得,上之列 於 其人也。 死丘壑者多矣; 寬於用 落 亦 屈 取 必 用 其 無繇 原、 則 圃 -應功 之又 他 取 節一二出 無 爲 求; 董 士 鄉 遺 而 名氣 何其寬 仲 止 才 流俗之人徒見二百 進,取 不知 貢者,終身 於侍從,下 :舒、司 有 嚴 節之士 科 科第,非 於其中,遂 科第之内 於 之不 也。 舉 馬 用 相 則 塗 獨 嚴 謂 不 亦 如 科 無 不 此 於 復 置 嚴 既 雖 第之能 以 倖 得 取 取 之 揚 乎 在 使 聚 爲 進 郡 雄 解 哉 年 豪 則 此 科 位 之徒 縣 ? 授 傑之 得 則 + 法 以 者 豪 今 是 E 來 多 傑 之 即 功 百 也

學,有· 甚,徒 縣 才哉 塗,有科舉,有薦 佐,(原注)其 上書子 使 則 庸 取 妄之輩充塞天下,豈 之之法 而 法以 用之之嚴附見焉。」 舉,有太學,有任 諸 生掌六曹。 非 也。 我 有辟召, 故 寬 天之不 子 取 士 有 有 之 郡 生 绝

之而 又 得 格 忽 不 僚,則必盡 廣 官,以上、中爲進 下乃爲貢 重 以 間間 進士。 用 可 西、雲貴不以 後已。 破, 推 清 投門户 明 有一二舉、貢受知於上,拔 ' 0 華自 初薦 而 神 生 知 或 力攻之,使至於得罪譴 以 於是不繇 宗 辟 處 缺 考授編、檢, 事 自 而 之法既 以 處之。 大 鄙 庇 士 舉、 來,遂有 壞 缺,中、下爲 夷 貢 矣。 進 資 廢, 外 以 歷 曹。 格 士出身之人,遂不 此 而 官 定 至 與 而科舉之中 爲 衆 於 雖 例。州、縣 崇禎 朋 銓 П 翰 舉 至 黨、二者牢 爲 曹 交譁,有 林 Ĺ 中,天子 方 逐 卿 一定之 缺, 之官, 面 且. 貮 殺 非 最 尤 大 印

> 不入内 任,而 成; 語。 宗雖欲更變,難 書學 謨 李賢奏定修纂專選 科第莫重於明,黨伐亦莫過於明。 微慮始 適從 翰林者居其半、翰林、纂修亦諸 資格 嗚 庶吉 谷 閣 何來,遽集於此 呼 南北 ,有國者其爲變通之計 士始進之時,已羣 以 不與 外 科 矣 曹累 禮部尚 第 朋黨期 進士,由 遷 不 書、 ·與資 似 侍郎 不 是非 一 而 盡 」之
>
> 消
> 。 İ 及吏 格 由 爲 進士 翰 色 朋 永樂初 期 儲 林。 多用。 部 黨之形 , 不入翰 相 右 「原 乎 而 侍 第 年, 資 郎,非 自 畸 注〕唐武儒 然吾 林,非 内 重 天 格 ग्रं ० 順 閣 汝 H 邑 翰 之 久 七人, 成 徐 林 翰 年 案 防 局 尚

非

#### 大 臣 子 弟

使 大 人主 臣 子 設 弟 取 得 士 與 之 其 **科** 間 以 以 待 示 寵 寒 遇 畯 之私 誠 不 宜 而

- 0 明 據《校 記 鈔 本 作
- Ø 天子」, 據《校記》,鈔本作「先帝」。

嚴 故 僕 令。 貶 弟 巢、 侍 翰 文 然 武 烈 文 元 大 合 徽 式 射 所 夫 時 臣 林 相 郎 1 右 人。 格 穆宗 于 學 錢 有 猶 表 竇 甥  $\pm$ 江 亦 原 補 , 物 徽 注 請 易 起 此 士: 鄭 州 知 不 烈 闕 指 黜 奏: 乃 知 原 直 事 此 白 刺 當 朴 議 舊 爲 楊 擿 注 内 貢 落 史, 敏 子 義 唐 使 以 光 汝 尚 東 膀 書 舉 緘 出 也。 中 所 其 子 孝 册 宗 禄 土 都 招 内 題 府 覆 弟 放 弟 文 中 勳 弟 監 関 物 留 鄭 元 會 日 唐 試 進 子 以 非 卿 殷 書 龜 察 守 議 劒 朗 昌 之 重 之。 1: 與 爲 舍 士 落 御 等 牛 州 其 几 試 中 一,皆及 有 寒 人李宗 僧 長 + 史 刺 有 唐 年 子 葉 敕 江 + 慶元 書 楊 史, 落 儒 几 識 登 遣户 陵 權 競 第,爲 朝 收 朗 之言 女 引 楊 汝 節 関 知 進 年 等 弟 壻 政 嚴 例 謂 唯 部 士: 子 度 貢 傳 嚴 源 漸 求 開 禮 放 侍 使 舉 段 壻 魏 ¥ 非 進 試 崔 文 孝 左 江 部 雖 楊 郎 蘇 有

按問 令高 之子; 三十 開 崔 相 弄 及 翰 稱 卿 楊 解 相 奏 原 紬 瑄 其子 知 皆以 爲 平. 文 及 第。 林學 方 注 納 崔 論 至 第 河 出 法  $\equiv$ 魏 卷貢闡 滈 臣 琢 奏 有 中 舊 鎮 簹 共 年 士: 權 疏 原 鄭 節 父兄 唐 今 請 滈 滈 Ŧi. 鄭 故 諫 一承旨、 Ŧi. 不 義 注 在 度 書 便 年 人。 贵 相 下 應 下。 者 使。 月 議 延 策 門 扶之子,及 見 所 叮 **�** 御 進 舊 敕 名 故 大 休等 大 以 勢 爲 狐 放 户 唐 户 居 册 史 士 夫 放 父 其 傾 紬 中 部 書》。 進 府 部 臺 榜 在 舉 重 三人 崔 子高乞應 天下。 子 禮 尚 元 樞 元 官 士三 滈 任 推 在 侍 書 滈 瑄 部 龜 麻 衡 年 傳 大 澣之孫; 皆 郎 實 勘 父 論 所 不 載 相 獨 及 ×։ 中 大臣 + 未 韋 進 有 滈 禮 去 起 綯 放 撓 敢 末, 大  $\equiv$ <del>二</del> 文柄 琮 居 罷 士: 罷 疏 干 詞 進 部 子 選 舉, 中 裴 郎 相 考覆 弟。 留 撓 相 藝 **\$** 1: 弘 + 侍 取 張 作 許 請 中 主 前 薛  $\exists$ 餘 雲 鎮 狐 其 郎 諫 之。 爲 下 之日 年 不 鈞 疏 디 御 議 故 詔 拔 綯 敕 後 魏 時 封 言 登 史 出 大 相 綯 梁 侮 文 罷 放 今 所 彦 扶 喜 便 夫 休 第 罷

者

召

宋

史

索 亦

謂

」此 守 禮 試 有 朕 之子 蒙 年 以 登 訓 侍 **令** 第 此 後 子 翼 擢 秘 人 有 亨, 有 并 郎 部 宰 所 格。 臣 日 閣 進 子 私 世 薛 待 科 邴 具 鹽 相 司 穀 因 守 弟 士合格者 家, 安得登第 廷 問 聞 父 額 落 鐵 李 恬 法 遂 有 下 入謝 珪 覆 介 日 與 使 昉 下 詔 退 罷 而 舉 廣 試 ٥ 男 引 之子 孤 主示 王 : 之 自 而 進 い。」「原 寒 宋 嫌 明 罷 自 + 登 不 Ŀ 士,試 ? 是 競 方 罷 開 之 宗諤, 公 Ĺ 就 者 今舉 用 謂 也 進 注 持 之 子 寶 陶 者。 而 乃 亦 侍 省 扶, 元 命 縱 不 驟 皆 是 Ш 臣 穀 唐 原 轄 年 取者 堂 中 以 曰 也 人 度 政 韓 子 義 而 凡 注》 攷 藝升, 書 等。 支 吕 維 問 Ŀ 索 關 邴 權 古 覆 Ш 使 蒙 聞 嘗 原 下 食 名 知 合 用 試 堂 注 禄 以 許 雍 斤 穀 褽 IE. 至 在 貢 澼 攷 等言. 史,上 宗 難 舉 黨 擢 通 檜 绝 始 屬文,以 是 進 録 清 經 忘 其 以 也 子 患 +波 1: 酒 則

之弟

仲

宣

 $\Box$ 

熙二

斤

猶

之家

邴

復

不

能

第

王

嫌

宜

左

司

太宗

於要 雜 召 搢 熺 源 子 自 薦 疏 先 躁 南 志 季父鐸 ~。」〔原〕 (塗,子 雱 試 紳 禮 安 原 收 **∀**: 言 維 宫 求 孫 奔 列 注 學 部 執 石 放 「紹聖 者 好 塤 三山 競 作 政 榜 侍 士: 注〕《宋史》。 柄 一治 父 自 弟 古 兒 試 相 時 從, 院 或 T 堂 諭 當 億 進 多 嗜 平 避 攷 H. 此 有 近 繇是 辭 知 任 學, · 章 索 士 持 嫌 處 以 時 才 臣 不 愧 不 執 内 如 持 無 筦 前 皆 以 就 《舊  $\Box$ 循 赴 安 政 魁 杜 庫 科 此 爲 牧 南 舉 盞 大 除除 於 習 於 試 唐 省, 不 爲 第 無 不 甚 臣 書 是 何 爲 静 恬 國 就 時 防, 以 勢 避 者 不 而 宰 常 静 退 有 展 似 子 廷 者 親 王薨苦 不 敢 趙 猶 相 守 詩 愁眉 章 監 試 2 之 持  $\overline{Z}$ 今宜 使 援 屼 道 有 文 主 彦 加 應 置 爲 學,善 者 原 説 不 何 簿 注 杜 科 甄 博 旌 親 御 取

存。 宦 出 於 解 可 不 Ш 遊 身 元 有 然則 陰 子 加 明 然 之意 弟 王文 0 不 非 寬 ·令赴 攘 此 進 也 端 人 臂 法 士 仕 會 「原 而 不 之 試 注〕名家屏 就 講 科 **塗** 者, 功 不 名。 又 唐、 而 能 人 ,萬曆中 厲 躋 宋之風 仕 科名 於 百 之 貴 年 輔 塗 之禁, 臣。 蕩 顯 來 雖 子 於 然 惟 不 不 無 中 聞 是 限

字 +帝 Ш 者 不 當 苟 命 ', '誉 無 乃 辨 時 媚 吏 部 禄 爲 菽 朝 大 所 天 謂 寶二 Ш 薊 廷, 侍 集 麥 醜 之「曳白 郎 恩 令, 登 焉 又無 假 一年,是 宋遥 寵 科 有 以 手 崇盛, 張 奭 其 廉 爲 )、 苗 奭 手 時 事 潔 御 判 者 謁 白 持 之 晉 海 帝 花 特 操, 請 於 卿 内 試 大 御 萼 升 考之。 范 晏平, 八怒,遂 無 紙 樓 史 取 甲 陽 時 中 親 舍 竟 科。 節 派 選 試 大 偷 貶 日 遥 度 倚 濫 具 遥 不 與 升 使 會 萬 、奏之。 之子, · 甚 爲 下 第 安禄 晉 下 計 第 武 者 卿

> 於詩 之際,乃 當 貶 舍 太 官嶺 守。 人 太 張 賦 守 外。 烜 諷 詔 以託 晉 刺。 日 監 卿 察御 人。」士子皆 爲 考判 庭 安 闈 史宋昱、左拾 官 康 之間 太 禮 守 部 不 以 郎 復 能 爲 中 貶 訓 戲 遺 裴 倚 笑, 子 孟 朏 爲 朝 起 或 選 淮 居 託 調 陽

名者, 文 以 甲 杲,魯公之兄子,見 公卿子弟多艱 科。 試 IE. 文 不 罷 IF. 石林 遂不敢 中 會有言世禄 爲 相 者皆 相 燕語 方 大 就 再 科 於 唱 **>** 登 試 私 進 日 名 科。 罪, 之家 取 : 知 辭 李 蓋 陶 或 仍 疾 天 内 穀、 不 限 恐 初 不 禧 翰 當 敢 其 以 竇 宗 後 貢 與 兩 請 儀, 諤 立 舉 寒 舉。 托 法 法 亦 已 畯 皆 也 過 未 被 有 慶 争 待 黜 省 備 曆 官 科 范 以

0

0

<sup>「</sup>有明」,據《校記》,鈔本作「國朝」。

子」下,據《刊誤》卷下,原寫本有「湛初」二字。

取 以 者始 來,條 自 令日備 如 矣。」 有 官 人 仍 别 立 額 於 進

公也。 皆 失 敬 廷機 矣。 蘇 修 上 族 列 編 過 制 人,但 坐褫 ,拔之高等, 作 一第者相望不绝, 降爲 取 不得入,其它諸 省 排 稍 之不 爲首卷,二公少同 萬 狀 官 而 密 謝 職。 曆 庚戌之役,湯庶子賓尹素 在杭《 不 頭 ,執政子 心 第二。 其 敢 以爲嫌,李魁天下 癸未,蘇 ,天下不 跡 内 夫韓 就 (五雜 難 弟 殿 而 今 明, 劉 弟多以 之才 其 試 親 俎 顧 制 Ι. 以 原 後 者 | | | | | | | | 卒 其 不 部 父廷 爲 誠 議 至 禁 惟 公私 筆硯,至 濬 私 嫌 慶 高 論 兩 知 宋 也 武 人 唇 不 蠭 敗 貢 與 而 何 囂 而 第 令舉進 起 中 初 舉 江 湯 執 如 亦 人無 相 進 之取 知 取 陵 王 座 耳 政 典 , 可 善 士: 主 韓 李 諸 子 試 以 伯 惜 間言, 也 士, 科 相 未 門 太 子 楊 弟 者 嫌 庸 也 爲 然 中 公 異 用 擢 宗 自 爲 有 牛 法

> 然科 年,大學士王文、 場之法 自 陳 循 是 以 日 其 益 子 鄉 多 試 端 不 矣。」〔原 中 至 具. 奏訟寃,爲

注

景

七

皆準令會試

#### 北 卷

額,南 等所言不允。』」「四 松 日 永樂間 言之,大聖如 不以文,考官將 分,不可 卷、爲中卷。」「景泰二年會試,禮部 質録 科給事中李侃 諸 宣 以今言之,如 府 德、 士取十之六,北 今 不分南北 改。」禮 浙 「洪熙元年八月乙卯,行在禮部奏定科舉 正 制 江 統 周 間 科 江 部 何 公、 所取 等謂: 西 言: 所據? 場 會 靖遠伯王 年 孔 福 試 進 士: 分 會 子, 「鄉舉里 建 分 『北人拙於文辭 ±: 取十之四。」「後又令南北 試, 南 が南、 大賢 且 湖 卷、 命 今豈 驥、左都 北 北 廣 仍 選之法不可 如 方中 分 北 中 廣 可 顏 東 卷 南 奏準取 預 卷、 曾 土,人才 御 謂 北 史 北 向 南 北 思、 中 王朝、王 則 日 中 則 行 士不分 無 定爲 卷 順 卷。」「 孟 矣, 應 其 所 天、 生 皆 天 取 南 各 取 及 一文,皆 原 南 Ш 以 汪 非 北之 士之 士: 退 東 蘇 注 古 若 Æ 侃 南 Ŧi.

注三王 人多求 合北 四。 方。 異。 傳 取 北 所 4. 或 向 乃行之順 廬 Ш 省?』知舉 河 人 得 作 考宋已 求武選 州 臚 ± 時文武有互考之例,亦多 西 東 非 非 拙 率 Ŧi. 此 至 魁 至 河 氏 陝 夫北 江 試 省 於 H 俱 武 府 第 雜 南 揮 開 换文資,而 行之於會試 辭 南之秀。 九 九 ,武夫或求文選,惟選 ,皆增其 天 閳 四 舒 犯 西 鄉 麈 其 令,故 陜 甲 信 不 人而 人, 亦 端 試。 徐、和 録 西 Ŧi. 道 党 復 倣 矣。 額 已 對 黜 日 自 鎛 優 路 中 文 其 南 於順天本省正額之外者也。 太學諸 以 取 則 卷 耳。 蓋 舉 宋 與 閳 後 或 此 三 五 然 州 子, 四 天下 中 南 又别立 人,拙 煕 時 Ŧi. 調 初 Ш 皆 今會試 路 北 神 路舉 寧 生久不第者 是 有 每 即 指外 未 停之術 人用 卷 即 廣 宗 中 混 云「京 例 分數,考 歲 官 年, 西 人 大 於 試 省 已分省,而 放榜 分數 有 南 笑 尤 分 雲 者。 廷 也。 言 文 爲 互. 直 邊 日 南 試 取 用 北 取 多 辭 隸 疏 東 較 蓋 方 而 至 罷 耳。 末名過 貴 略。 則 而 1: 聲 太宗 去從 在 腹 Ŧi. 西 非 此 直 州 南 有 極 路 唐 裹 題 律 人 宋 一隸之貢 黄 少。 造 南 時, 朝 北 舉 武 及 河  $\mathcal{Z}$ 省」, 何 道 專 則 邊 與 就 舉,是 中, 人,以 鳳 浸 安德 文 繇 夫 以 武 六 中 北 日 多 之 陽 吏 上 過 榜 策 舉 監 卷 腹 之

也。 學,先令屬對, 盛 命降 出 方 而 不 参伍 鑑 學書》言: 北 注 通 千 北 事 者,比 不 諸 後 木 於南 得 方則 人 室之邑幾 人全不爲 作 而 得云「金之亂,文學不及 書。」當嘉靖之時已如 間 \_. 諸 及 亦 第 見 蔡 人**,**且 有 南 方 有一二五 不 家之注 Ŧi. 關中 庸 比 虚 甲 也。 全不 能 人 師 也。 末。 齌 此 無 久 士不 辨 窳 不 讀者。 ,故求其 故 猶 矣。 林 疏 況 一二人, 生 愚幼 知《十 讀 今日 此 經 而 是 又 次 朱 欲 人楊 古 唐、宋 崖 刻 注,不 更 此。 速 〔原注〕王 時 通 北 書 氏曰」金以 本, 金 諸  $\equiv$ 〈南人」。 其 習 而 四 其 方有 欲 看 善 經 成,多 比 經 八 書、 以 得 亦 元 令如 《大全 本 學 偶、調 股 注 槐野 多 來 之 失 二患,一 本 绝 今南 訓 之外 儒亡,其文學最 疏》 脱文誤字 相 亂 爲 前 | 與 不 經 詁 古 平. 傳 删 代之人, 性 爲 至 數 俱 之 鄭 文 理 仄 舊 抹 少 儒 於 何 百 讀 無 教 學 日 潭 北 物 小 年 地 皆 全 所 而 通 提

二 三 曰 免於「無田 人 甫 田 非 大有爲之君作 維 莠 驕驕」之歎 加 也 新之,

言 才, 進 藝 不工 舉 方 材 之路。」其 勇 IE. 而 武 , 故 能 猛 漢 河北、 不 者特官之。 直 成 知 限 登第者少,請 帝 兵 陜 以一科之法也。 亦漢人之意也 極 元 法 (西、河 者各各 諫 延 元 者 使 各 年 東 人 七 人。」此 令轉 一人,北 士子,性朴茂 材參用 月 與? 詔 運 宋敏 使 古 邊二 X 内 擇 而 求 大 + 郡 薦 士: 而 嘗 有 有 地 或 辭 建 郡 取 舉 行 藻 可

肅

### 糊

學 是 則 士 也 專 考 或 以 判 攷之 家 防 設 姦 唐 武 科之意,本以 爲 后 初, 主 以 吏部 如 爲 彌 非 試 封 委任之方,罷之。 選,人皆糊名,令 求才,今之立 謄録 一切之制 法

宗問 然 辭》,請 傳: 學 中 「原 側 詩 風 浮 治 知 試 居臺省清 公輔。」 無元 雅 靡 其 豐煮 + 賦 齊 進 注 陸 贄知 其故, 之詞 。」帝然之。 賢 梁 名,皆爲 行 士 ,非令器也 翰 此 初舉 贄 果如 肅 塵 而 以 東 近者十 推 則 貢 知 糊 薦 舉, 進之也。 第 雜 都,吴武 進士,至京師 藝實之士,一 名 對 貢 其言。 公卿 不修 時 肅 一人處之。 餘 已用 考功 日 舉 崔 太。」太 日 : 元 之選 家無 温 : 取 翰、 訪 邊 員外 陵 「原 張昌 庭 昌 之則 崔 人,而 ± 梁 幅 歲選 出 和 龄 注 賴 筠 · 羣 肅 之有 郎 杜 苦 等 「原 初 子 能 龄 後 文藝冠時,贊 未嘗 雖 1: 册 王 禮 牧 人 弟 心 生 華 舉 纔 涿 府 少 注 才 師 用 所 + 士: 裴誠、令狐 絃 硯 勸 而 進 三《武 元 年 行 部 之貢舉。 四 龜 日 賦 翕 士: 席,尤長 少 吹 慕 Ŧi. 者 侍 所 他 陵 然推 %, 實, 之音,爲 輸 《唐 數 四 郎 與王 傳 於 絀 H 心 年 其 房 崔 翰 貞 陛 必 於 書 ·之内 重 於 F 肅 文 公 此 宫 郾 至 林 太 元 當時 畧同 平 蓋 多所 之。 令有 第。 之徒 託,然置甲等者 不 傳 此 然 俊,喜謗主司 綸參定, 原 生 昔 復選 多 注 知 尚 彭 之行 關 之 司 其 譏 未糊 《宋白傳》言:「初 原 李 相 防 年 注 取 擇文行, 詳定考試 「景德 不 諷 諮 多革舊 名 與 本 蓋 傳 士; 憾 可 而 以 蒱 傳。 陸游 焉 爲 圃 雖 故 中 鄉 飲 駆 白 或 白 退之也。 羅 止 彭 程 制 不 老學菴筆記 評 進 後 非 設 條 酣 知 隱 ± 其 較 中 1: 年與 居 專 式。 也 貢 醉 人望。」「原注》《文 有 真宗 · 第。 論 一日之文,亦參之以 。」〔原注〕《 近 務 終 舉 詩 日 陳 侍, 晁 聞 真 防 ·, 惡 《宋 日 名, 「原 之藝, 一皆達 彭 其 宗 迥 閑 本朝 至 爲 其 年 注》 尤 同 史 命 孝, 擢 繇 Ш 貢 爲 舉 長 知 進 • 是 雖 其 彭 堂攷 册 於 舉 人 進 士,初 於 貢 第三 陳 府 累 杜 所 年 獻 朝 條 士: 詠 索 元 朏 彭 年 绝 取 與 通 人。 廷。 亦 》同 史, 制 龜 落 考 不 請 輕 者 戚 請 年 加

> 選 狀 定 貢 唐 洞 罪 H 私,而遵之爲 録 敗,杖脊 官 年 唐 程 베 舉,受詔 惟 文爲去留。」故《 制 之法, 舉之舊。〔原 别 親 開 密 退 幾 呈 詔舉糊 而 以字 之心 **!**°」〔原 試 一; 而 兼 政 日 范 流海 進 採 府 號第之, 即 時 ± 使 人 仲 乃欲 名。 智,不 科 島。 注义 望。 赴 條 材 淹、 有 塲 貢 《宋・選舉 例 畫 其孫逵兄弟發彭 真 院, H 數 隔 司 付 Ŧ. 條 蘇 注 墁 廟 能 衰 封 仍 百 光考其 截 0 録 目 日 時 頌 本傳。 彌 糊名 起 年 試 **》**言: 天 ,旦投之地 傳》言: 之議, 周 官謄寫 志 || 云: 卷 而 後 之 下 安 考校,遂爲 付 「彭年子彦 更張之矣。 之人 素行 惠公起 成 進 夫 編 校 年 「淳化三 士 法 并 排 以 「翰 勘 冢,取 官 Ì, 欲 建 彭 以 日 無 例。 用 博 林 糊 去 罷 □ 『内 御 一年,蘇 年 非 怪 金 彭 漸 守 學士 名 其 彌 書 景 帶 法, 汪 汀 乎 年 卷 有 一人 復 印 德 分貨 州 封 首 易 繁文 翰 四 氏 重 兩 陳 鄉 付 切 簡 /,抵 年  $\Box$ 甲甲 之 恐 漢 謄 得 彭 貫 考 颰 知 以

0

<sup>「</sup>例」《宋史·選舉志》作「制」

所

云

「草卷」,與

一今殿

試

同。

所

榜」,亦

稱

左右

榜,

制 右。

封

墨筆批 甲。 送對 坐而 爲號,每  $\overline{Z}$ 懸賞募人 戢之策。 封彌 未同 出外, 曰 又言: 吏録 **場之卷**,并草卷各 定第 度,蓋自 入場,黄昬納卷。 不自 進 讀 凡 「舉人就試,無故不冠及擅移坐次者,有偶與 者再考之。」「八 前 圭 所,以 「舉人之弊凡 畢, 點畢,取 期 再 本。」宋之謄 謄録 元之「朱卷 名累場 、告捉。 陳者,懷挾代筆傳義者, 半月,於印卷所投納 端平元 者 宋、元 榜用敕黄紙 四 滅裂。 復封 元 元卷 卷與 【送覆 同 年,侍 皆 已詳,并 彌 用 允行。」《元 對 受卷,送彌 Ŧi. 寫 明 多,而 年,始 朱 寶 送 號開 即 卷對 十二幅,於卷首書三代、籍 . ⊟ 覆考官 改 御史李 慶二年,左 書、揭于内 號。 封彌 傳 非 硃 置謄 封 拆,分爲二榜 讀 義,曰 始 送 其考官 卷」,或 官 再定等,編 無 鳴 封所 用印鈴縫,各還舉 謄 自 録 選舉 差, 復等請 并 録 前 諫 其 院,官 前紅門之左右。」 换 用印訖,寫三不 扶 (後置 明。 所,并 人卷, 曰 呈 議 大 所 志 出。」又云: 定之第 避 解貢院考校。 大夫朱端常 封 嚴懷挾之禁, 排官 揭 惟 院, 國 用 易號, 曰 試 「舉人各自 于 姓 彌 乃 朱 閲 其 卷 故 省門 也 封 書 付 分二事。 耳。 親 人。」又 之, 貫 同 謄 念志 舊 凡 之 成 H 奏 卷子 姻 異 録 集 若 此 左 用 字 鄰 年 親 防 稱 未 備

出

字以 考金完顏 内簾官。」簾内、簾 綽、監門、搜檢懷挾,俱 是蒙古及色目人,一 元 出 塲 作三合字。 會 上者,不考。 在外提調 其 ,講問、代冒者有禁。 選舉志》: 試 而 賄 關節爲甚。 供 買 匡, 鑽 給 章 誉, 、監試等謂 考試者用 收 宗 犯 懷 外 掌 御 時 是漢人與南人。 至于科塲之例,有不合式 亦 挾 試 試 名 人情代 白 有定員,各執其 卷、 詩 墨,謂之墨卷。 之外簾官, 元有 廟諱 晚 、彌封、 賦 未納 割 此 及文理 漏 卷傳遞 名 卷、給燭二枝 謄 寫 録、 在 而 詩 明 内 紕繆、塗注乙五 事。」 明 題 頂 對 録用 主考、同 謂之外 主讀 下 選 名 又云: 注 舉 īfii 冒 硃 受卷 志》: 字 貼 籍 考 謂 彌 簾 不 出 弊 之硃 試 内 謂 封 及 取 者。 端 簾 巡 鄉 之 編 日

卷。 號

耳。

白

官

試

并不得 府 狂 月 一兼虧 , 敕自 小吏,一事 册 神送。 禮教 今以 府 元 後,州 龜 不合入清 ,或曾爲官司科罰 如舉送以 **\***: 府 唐 所 憲 流者 後事 送進 心宗 元 發 雖  $\pm$ 和 長 薄 或 如 有 曾任 吏停見 年 洂 詞 + 涉 州 疏

0 第」、《宋史• 選舉志》作「等

焉。 繇 貶 任 追 知 降。」是 及 其 今則藉 已 罪 停 人 也 進 替 也 ۰, 者 不不 口 是 於 殿 教之崇敗行之人,而代 糊 肖之人,考試之官皆有 二年,本 名 一; 而 日 試 官及司 吾衡其文, 功 官 爲 無 并

之則 乎 所 累於子 之主 而 定於胷 薦達,謂 之知者有侯喜、侯雲長、劉述古、韋羣玉 曰 多公而 進 望 無 気執 賢 不然。 司,仍 於 間 執 弟, 中 事 之 齋 事、 矣。 如 之 與 通 四 不 皆常情 未 亦 得 彼 執 筆》曰 ·糊名。 牓。 或 其 之 韓 引試之前,其 司 事 脅 人而授之,所 職 文公《與祠 貢 之 故 所 於權 : 在 士: 所 「唐世 其 不 又有交朋之厚者爲之 乎 者 以 能 取 勢,或撓 得 待 相 免者。 人也, 畏於 知 科舉之柄, 乎 去 部 彼 誠 執 取 謂 陸 於親 者 深 若賢 事之志 高 兩 矣, 員 下 可 得 外 故 譏 謂 彼 固 者 顓 一, (原 或或 議 之 付 在 至 已 臨 愈

舉,賈 與謀 皆出 外 礎佐 然有 舉,放進士二十三人,尉遲 記 膀,共放六人,餘 言》云:『貞元十八年,權 以 司 主 注》《登科記 者 注〗《摭言》作「紓」。 沈杞、李翊登第。 通 貢 司 「, 期 爲美談。』此 》攷之,貞元十八年, 之。 棱等二十二人登第,公與焉。 膀。 焉。 聲。 士: 廣 羣 於 一,愈時 一之才, 求 有 》作 梁舉 原 陸 韓文公薦 馬, 成 其 弘 相 幸在得 則 而 與 八 所 書 待 此 尉遲汾、李 後 以 之足以 末 出 人,無 以,亦 在  $\Xi$ 四 十九年,以禮部侍郎放二 止 告之可 者皆 集 與 + 中,〔原注〕 可 Ŧi. 中 梁 有 人 繇 德 也。 年 收 可 德 不 如 失 梁 於 汾、侯雲長、韋舒 輿 内 也。 紳、張後 所與及第者皆赫 人 以 注 此 者 輿 補 沈杞、 皆 傪 以 當首 貞 望 主 歲 不 闕 捷。」 中 往 其 元八年,陸贄 文, 月。 疑 而 肅、 權 書 者 餘 薦 張 得 餘、李 一以《登记 也 公 陸傪 陸 王 則 而 至 茲、「 按《 才 人知 凡 相 郎  $\pm$ 極 實 科 摭 今 皆 公 翊 論 中 知 原

薦者 劉 三年,又放張後餘 十人,侯喜登 (述古登第。 預 其 七。 第。 元 通 、張弘。 和  $\equiv$ 永 一牓共 元 貞 年,崔 完 七十二人,而韓 皆與《摭言》合。」 年, 邠 放 下 放李紳。 十九人, 所

### 搜索

隄 侍 務 韻》本於牀 及試進 史之囿,亦 得才,經籍 防 郎 索其 言:『主司 士,請 唐 書 ,引貢生謂 不 書策 在 能摘 李揆傳》:「乾元 於 此,請恣尋檢。」」 庭 取士,多不攷實,徒 辭。 殊 中 不 之曰:『大國選士 設 深 知 Ŧī. 昧求賢之意也。』 藝 經、諸史及《 不 至者, 初 兼 居 禮 峻 一,但 切 文 其 部

且. 切 7,因上 宰 . 相 舒 公卿 書言: 元 輿 繇 傳 『自古貢 此 出, 「舉進士 而 一十、未 有 司 見 以 有 有司 隸 輕 於 人待之。 鉤 此 校 昔

> 然狡 乃人。 足 羅 别 愈衆 之所長也 校 法,祇足以 原注》《李戡傳》: 鑒 以 試 棘 五、虽懷 ,桁楊之辱 遮 僞之風,所 赴 0 戡恥之,明 截 科 窮微 場 藏 疑 濟 探 滿 其爲 H 主 此 「年二十,明六經 隱 徑 篋,亦 不 司 在 先 返 足以 姧 之所短,不足 而 輩 無 江 東、隱陽羨里。」又言 有 所 所 復 非 盡辜。 試者 以 不 何益 所 至 有 以 就 **士** 投 ? 求 愈 如 禮 槧 忠 嚴 至露 部 以 故 主 而 試, 吏 直 顯 搜 司 而 出 也 才 真 犯 或 索 頂 唱 之 者 具 跣 朝

私忿,禮 多不省己自修,以圖再 諭禮部 而 防 姦之法 今日考試之弊,在 臣 讓廉恥之風不立。 E. 「近代以來,舉 有 餘。 進、往 原 今後 人不中 往 注 摭拾 乎 〕洪 有 求才之道 此 . 程 武 È 者罪 Ŧī. 可 式 爲 年 細 之。」萬曆 故 有 正 誘毁 月 司 癸 所 不 丑 黜 以逞 足, 末 者,

↑「又言」二字疑衍。
「又言」、此下「國朝」云云一段文字、已非《舒元輿

謝肇 才得 天下 將 乎?」誠能反今日之弊, 君子長者之行應於上。 <sup>寇盗。」</sup>宋元祐初,御 以 ·制言: 者,遇人以君子長者之道,則下必有 小人自爲矣。 而治具張,不難致也。 「上之防士 如防姦偷,❶而旁觀之伺主司 史中 況以 若以小人遇之,彼 丞 而 此 劉摯 以 行 教化爲先,賢 於學校之間 上言:「治 如 伺

依 士 法 口 瑣,去之。」 蓋 一之禮。 防 前 雖嚴,至於解髮袒 濫 《金史》: 泰和元年,省臣奏: 故 ,且不虧禮。」從之。 事,使就 [原注]《移 世宗初年。 沐浴,官置衣爲之更之,既 刺 履傳》:「初舉進 故大定二十九 衣,索及耳鼻,殊 士,惡 「搜簡之 年已 搜 失待 簡 嘗 煩

賊 待 唐之事豈難倣 士,士 而 何 朱子論學校科舉之弊,謂:「上以 ? 亦 嗟 以 夫,三代之制不 盜 而 賊 行之者乎? 自 處。 鼓 譟 미 迫脅,非 見矣,漢、 盜 盜 賊

# 座主門生

所宜. 者。 兩序。 年同 根 必 在焉,人謂楊氏上下門生。」會昌三年 乃率門生出 生。 士呼有司爲 <u>一</u> 日 主」字見《令狐峘傳》。 爲 源 座主。」《楊 自 一, 中 國 行 伏以 自 貢 始於陵 崇風 器 中 舉之士, 謂 書覆奏:「奉宣旨,不欲令及 迎,置酒第中。 或 唐以後,遂有朋黨之禍 門生,遂爲 在 豈可 嗣 俗、義本君親 家 座主,兼題名局席等條 考功, 復傳》: 設文學之科,求 以 懷賞 張籍《寄蘇州白使君》詩: 擢 有 「領貢 浙 東 於陵坐堂上,嗣 司 朋 拔之私 觀察使,李 爲 舉,時 比 然後 座 ? 惠,忘: 主, 父於陵 所 十二月二十 真正之士 師 升 以 而 稷 復與 「原 於 自 時 教 疏進 及 自 「登第 朝庭, 雒 第 諸 注二 第 風浸 化之 稱 人 時 生 來 進 朝 亦 坐 早 座

❶ 「姦偷」,據《校記》,鈔本作「夷虜」。

生拜, 春 家 大 顏、閔、游、夏等並 年 亭子,謂 坐。 制 江 向 議 進謝 壞 新 補 六月 上, 臣 官 貢 朝 大 唐 後 序 其門 酒 韓 書 今日 會 爲 所 主 士 不 數 立 既 以 文公 之曲 節 司 西 · 非 · 中 ,者。」 命 行 朝 得 恩 登 答 何 捷 堦 初,舉 以 春官, 乃 門、 官 聚 江. 列 拜, 下, 則 送 宗 第 書 施 赴期 會。」 後 及 集 元 4: 伯 門 名于慈恩寺塔,謂之題名。 乃 北 爲 師 人既 題 進 和 堪 參 上 集 敘 不 門 下 奉 門 門 長 序 士 名 謁 樹 齒 一受仲 敕 東 及第,綴 奏: 曾教 生。 徒。 及第,任 又 局 謝 慶之間 向。 于, 于 黨背 及 有 恩。 吾 席 自 曲 今後 有司 誨 尼 門 宜 未嘗 È 時 行通 公, 江 遂 土風 人 舉子 稱 之訓 生 依 論 會 升 席 聞 名 た 階 一度參見 門 望 宅置 及 者 \_ 0 以 靡 猶 題 東 有 詣 勒 0 不 生 第 即 後 貢 名 堦 不 登 與 門 È. 至 停。 席。 下 第 舉子 宴。 人 舉 公 唐 由 大燕于 可 此 是 弟 於 卿 宋 不 官 第 西 長 此 李 有 師 子 有司 觀 向 謝 太 得 是 其 臣 爲 興 肇 原 可 門 也 曲 者 祖 恩 注 呼 或 曲 等 元 或 諸 其 原 江 皆 而

書,

相

皡

維 故

史

注

生見 曰 : 生爲主考、同 生。」 喜 翰皆 事。 見主司 謁 顔 嘗 隆 爲 舉 庶 遘 臣 座 作 子。」又《權 劉 座 京教,考 僚 過 傳 官  $\equiv$ 主故 〔趙 詩 皡 師 乃鐸 也。 0 線,不 五代 克 ; 但 曰 : 禮 年 氏 子 房 莊 事。 部 門 日 公見我于 史》: 考官, 用 遘 九 門 師 弟 迎 所 生。こ 姓 爲 璩 月 跋 本 及 浙 不送。 放 將 唐 生 名 傳 「裴皥 王 朝 例 門 進 書 丙 出 陸 H \* : 漕 書 此 鐸 士; 親 初 私 下 辰 帖 師 座 放 所 爲 年, 試 率 第,門 或 以 見 主 權 送 取 詔 問 後 所 恩 翁 不 文學 門 宰 因 至 德輿 ± 之, 門 馬 取 稱 生。」世 門 明 帖 御 相 生 門 知 在 1: 生之見 及 李宗 史 皡 門  $\stackrel{>}{z}$ 及 門生七十 年 謁 生。 貢 與 何 朝 楊 師 外,  $\Box$ 舉,引 第 己 考 久,宰 迎 傳 鐸 雍 関,乃父 門 此 于 座 不 省 建言, 送之有?』 以 同 舉 「余大 我 近 師、 史 爲 出 爲 新 相 Ì, 試 并 人 時 見 一册者 榮 大 相 房 進 馬 科場 故 桑公于 門。 門 推 不 自 ±: 嗣 師 令中 維 常 生 沈 父 也 吕 得 謁 孫 稱 故 此 亦 及 奏 也。 翰 傳 成 著 皡 門 拜 事 爲 桑 門 PH 帝 有 師

《蕭

爲

建

知

生

0 舉子」二字,原脱,據《 册 府元 龜 卷 六 四 補 作

也 士:

及韜 己。 **①** 不觚 激 門下,素執弟子禮。 不受人作門生。二汝 倶 朋 有 蹟,大父則 尋其言,蓋宋末已有「先生」之稱。 覆著作丈』,時猶 公卷子皆出 而 H 黨之禍 明,則遂公然謂之座師,謂之門生,乃 總裁己丑會試, 老 録 然,非以崇厲風 至分宜 師。」《五 謂: 「嘉靖 亦不 當國, 芸上 雜俎 本 減 房 俗 **≫**iii: 始 以 亦不以唐順之等爲門生。」此 成案》《明史》"「 及議・ 一覆伯: 家 稱 前,門 於 未 老 唐 國朝惟 和翁 大禮不合,遂不以 呼 藏 生 時 恭兄』,成公則 座主作『先 大父 其 稱 矣。 厚 霍文敏韜不拜 座 者稱 霍韜舉 主,不 與 〔原注〕王 成 夫子,此 進 過 公往 生」也。」 澄爲 ±, 日 而 主 元 云 蓋 出 先 後 座 至 還 司,亦 美 由私 毛澄 門 生 主。 **觚** 其 拜 於 真 牛 而

唐時風俗之敝,楊復恭至謂昭宗爲

門

生天子」。

其 舉 於傳繼 主 之喪,徒 唐崔 非可 祐甫 步千 也。 議 以 里 歷代莫之非也,「原注》後 爲: 「· 而 行 自 祭,厚 漢 徐 孺 則 子 厚 於故

> 若科 當時 枝蔓 鎔成 之。 爲之颓靡 有 之於舉主,猶 負恩之士,則漢之宗社 遂往 罪負,舉其不令子孫 分,往往 漢 兹或近之。 書 師 即 於是後來之受舉 成就,或 糾 生之分? 場 而不返。」〔原注〕宋 有此説。 樊 連,根 人儵傳 取士,祇 一過當。 ··, 其 資 **》**言: 時 近 柢 與 蒙顧 其 論從 一郡國 至於 日 漢 憑所 或撓 磐 力 不至於亡。」其言 張 互. 人篤交念故之誼 盼 屋孝 耐 荆 , 官方爲之濁 市權撓法,取 試 昔 以 之 我 陳瑩中言:「使王氏之門 與之,通 爲 州 之文,未 竊 人 恩,被話 廉 王 九 率 名位,背 參 且 憲,捨 /佐者, 龄 取 有 可 年 又刻 感。 黨 人 識 少 言之獎, 其 能 又不 比 公死 亂 賄 其 報 親 夫參佐 抑 石 報 之譏 **士** 名, 栖 恩者 恩之 戚之 而 何 恩, 救 遠 習 陶 美 何 有

<sup>●「</sup>先生」上、廣陵書社影印《説庫》本《觚不觚》

貴 父母 哉 少 以 有 師 也。 也 始 主 者 之門户爲門户者固 邪 富貴又重 有之,得 閻 説, 氏 既  $\vdash$ 罪 窺 于 明 於座 門 其 之士夫積 户,有始 黨將敗, 主者未之有 多,不以 習, 附 遂反攻之者,皆惑于富 師之門户爲門户者亦不 Œ 師 人,既 也。 弟 重 門 而 於父子,得 户 與之爲 重 于 敵者 師 罪 弟 于

類 邵 道 有道,不應。 不 狠 發 瓊 怨,國之大事,所當 剖 寶議之日 察,而 太太 者 制 所 自遂。若宫車 喪 符守境, 勸 齊衰。 制 舉、班韶 非 尉 風 服,上 鄧 俗 歸之厚。 0 及逢卒,爽制服三年,當世 通》記 伯條 師 [原注]《漢書 然 喪以 病 勸 荀 民 舉 心 弘農太守吴匡,爲司 耕 晏駕,何以 載 耕 司空袁周 - 訾孟 訾 丽 勤 桑 辇 道於澠 舉 通 恤 車 主服三年 荀爽傳》: 肆 儒 直 還 省 方 而 府」, 於義 陽 池, 過 正 猥 冤 往 舉荀 可 0 兹 疑, 往 顧 聞瓊薨 足責。 論 司 二公薨, 化 私 之日 以 空袁逢舉 慈明有 和 一若此 恩, 爲 論 空 解 俗 「原 者 傲 仇 黄 即

> 三月 小 閥 子 魏 同 除之。」宋庾蔚之以 薄 景 Z 孫 元 宜. 元 報 無 年,傅 在 繼 准 禮, 乎 玄舉 多 衰門。 憪 不 將 此 以 親 僕 情 論 射 義斷 爲 至。 允。 此 陳 公薨, 之,服 又 然 或舉 私 以 則 弔 恩之一 諮 隆 者 服 時 加 情 名 賢 麻 繇 位 П 光 也 乎 斥 禄

落

顯

古今同慨者矣。

鄭

注

贵 宴會。 徒 吏,命婦 士; 而 不 原 ·克備 韓 可 已,恩亦不 注》《魏 令偏積一門?』」是二公者,在人情雖 演 《後漢書》: 每至歲時,延請舉吏入上後堂,❷與 出 在 如 宴。 志 河南 既 此 • 臻以 衛臻傳 而 數 及其家。 志 選 爲 四 「周景爲河内太守,好 末世之俗,非 . 乃 其父兄子 在 「夏侯惇爲陳 造之。 無 私 日 \_: \_\_ 舉吏當 禮之正。」先是, 弟, 贈 我舉若可 留 事 送 太守,舉 什 相 行 物 優 賢 臻計 異 辭 愛 無 共: 司

- 0 漢 書」,應 作「後漢書」、《荀 爽 傳》見《後漢
- 上」,原作「止」, 據《後 漢 周 榮傳

0

有厚薄之殊,而意趣則有公私之别矣。

焉。」 子 士 前  $\overline{+}$ 嗚呼,吾見今之舉士者,交利而 記 有 餘 家, 一趙 生 文 不 子 交 所 利 舉 於晉國管 死 不 屬 已,屬 其 庫 子 之

# 舉主制服

也,可 所 服 命 於大夫者之爲之服 二人焉, 之。 馬爾 不 ^ 盡然之辭 雜 人也。」管仲死 然孔子以 也。」此雖 記 上 **>** 以 曰 爲 公臣 爲 孔子 前 也,自管仲 有 仕 桓 日 曰 : 君 管 公使 : 命 氏 則 其 管 爲之 亦 可, 始也,有 所 仲 以 與 遇 舉 蓋 服 游 盜 亦 主 辟 有 君 宦 而 取

間

高

陽

史恢等,追

惟

昔

日

同

歲

郎

署

 $\sim$   $\sim$ 

孝

### 同年

爲老。 武 公爲 宰相 乃九 同 按 相 令吴斌,與司 又云「與 曰 漢 帝紀》云:「公與韓 :「人於同 歲 識 魏 <u></u> ∠ ,情於何有?」然穆宗欲 廣 生 人已有之。 州四海之人,偶 今人 令狐楚、蕭俛 武故事》載公令曰 漢 漢 得 東萊 敦 太守, 罪於冀」、《 以 煌 同 徒韓 年 太守 長 舉 與 《後 固 史武 爲 演 有 司 蔡 以 「顧 同 漢 同 徒 風 同 情 伯 班 同 遂父同 年。 歲」。 科第 視同 書 長 俗 乎 碑 起 年 ? 史段遼 通 · 李 固  $\stackrel{>}{\stackrel{>}{\succeq}}$ 司 進 歲 \* | | | | | | 唐 中,年 歲 《三國志 士保護之矣。 誅 歳孝 或 對 憲 」,又云「 皇 登 曰 宗 南 傳》云「有 金鄉 叔 有 甫 科 廉。」「原 間 陽 Ŧi. 同 鎛, + 長 歲 然 司 李 Ŧi. 未 河 魏 蕭 世 而 後 年 絳 名

恩結 公。」《 祥符八年乙卯登科,至熙寧九年丙辰薨,先 及見登科新進 又有序先 也 口 廉 《步隲 歲 柳 傳》言 而 舉 「原 敏 晉 注 ・吏。」 後同年者。 公義衰,非 碑 書 〕惟《吴志 與 \* \( \tilde{\triangle} \) 士。 廣 其 陶 陵 此先後同年之所由 云 衛 《文昌雜録》:「太子太師 侃 縣 旌 傳 周 同 同年」,此 世之故矣。 長 × 瑜傳》言 歲 同 侃 歲 當是 蓋 與 「堅子策 犍 防也 陳 即 爲 年 が趙 今之同 敏 屬 齒之年。 與 年爲乙卯 張 氏 同 (瑜同 或 昇,大中 日 郡 趙 年, 近 私 年 又 臺 #

#### 先 輩

罷 人,滿 立太學於雒 演繁露》曰 遣。 先 弟子滿二歲 輩 歲,●試 乃 陽。 同 試 通 通 時 而先得第者之稱。 典 "; 試 慕學者始 經者 通二 『魏文帝 稱 弟 經者,補 詣 子,不 太學,爲門 黄 初 文學掌 通 Ŧi. 程 年 氏 經

> Ī 中。 故,不 先輩一人而已。二今攷《吴志 敘 爲郎中,不通者隨後輩復試,試通 掌 里先輩 唐 舍人。舍人滿二歲,試通 子舍人,不第者隨後輩復試,試 (韋莊集))有題云「癸丑年下第獻新先輩 故。 世 用 凝知貢舉,謂人曰: 『某叨忝文柄,今年榜帖全爲 舉人呼已第者爲 不通者隨後輩 郎中滿二歲,能 通 一丹陽 滿三歲,❷試 者 聽隨 唐固,修身積學。」《薛綜傳》言: 後 輩 通三 復 通 試 先輩 試 五經者擢高第,隨 • 闞 試 經者擢 四 試通 繇 通二 經 澤傳》言: 此 者, 擢 亦 通 乳 經, 高 也。」〔原 亦爲 敘 第, 夢瑣言 亦 用 亦 高 爲 太子 爲 得 司 注 州 故 才 郎 太 空 補

0

零陵賴

恭,先輩

仁謹,不曉

時

事。」《晉書

0

<sup>《</sup>先輩前進士》作「二」。「一」,大象出版社《全宋筆記》第四編《演繁露》卷一

<sup>「</sup>川。「滿」上、《演繁露》有「掌故」二字。「三」、《演繁露》作

弟 先輩。」 致 隆四年,進士第 行在先也。」《澠水燕談録》:「蘇德祥、 第者,其自目 此 杜 羅 而唐李肇《國史補》謂「互相推敬謂之先輩」, 語 ,復問 又後 軫 憲  $\square$ 等。」是先輩之稱,果起 傳》言: 『昔年隨侍,嘗爲宰相郎君。 人之濫矣。 先輩宜 曰前進士,亦倣此也,猶曰早第進士,而 一人登第。 「侍宴 時 敘 「原注」《演繁露》又謂: 華 初還鄉里,太守置宴作樂,伶人 用 林 者, 遠 詔 憲 今日登科,又是狀 漢相 於三國之時。 薦 問 蜀 禹珪之子。 蜀 人常忌 大 「唐人已 臣 其: 建

輩可以行也。」是亦漢末人語。 鄭氏《詩·采薇》箋曰:「今薇生矣,先

# 出身授官

不 則二千人,少 肖 · 恥 不 以 開 文章 猶不減 元 以 達。 後 千人, 其 几 應 海 所 詔 晏 清 而 收 舉 百 士 者 纔 無 有 多 賢

> 過 舉,然後 第者尚未釋裼,或是爲人所 + 於 二年、三年,每年恩賜及第四十人。 二年正月,禮部奏請 敕:「自今已後,每年考試所收人,明 官,莫依。 解 每年進士以三十人爲限,從之。 士不得過二十人。 凡進士 吏 年不獲禄者。 。』《文獻通 褐 一三十人。」「原注》《册府 部 人仕 及第, 始 無 但 得釋褐。」《 一,尚 第 成 有 测則 ₩ ※ ※ 任 方鎮奏請 有 如 曾 「原注 試 無其 + 册 作 吏 州 府 年 人不必要 唐 部 論 縣 判 元 〕東萊吕 猶 時 官 薦,或 官 龜 布 元龜 者,第 士之及第者,未 所 即 關。 第一 衣, 再 滿 放 氏 經不得過一百 唐 應皆 此  $\Box$ 文宗 進 任 貞元十八年五 且. 韓文公三 任 數。」太和 士: 依 中,或 唐 有 未 語 · 每 奏。」 經 時 出 宰 進士 作 臣 藩 1人,進 歲 元 州 方 日 試 便 縣 辟 登 月

寶寺。 Ŧi. 思 原 膀,通 振 注》石 淹滯 自 取八 第 宋太宗太平 林 燕語 百 賜 一、第二等進士及九經,授 人。」皆先賜 》:「是年進 進 士諸 興 科出身者 1: 或 特 绿 二年 取一 袍 百 鞾 . 上 九人,自 Ŧi. 笏 百 初 賜 餘 即 是 將 連 位, 作 開 放

後與其 典》 容易 經 縣 判 廕,故有終身不 注》《宋史》: 下,欲以 於三人五人,而 書》言: 取 擬 監 士 其 一十人,經學五 人 人 尉 同 人 派 在位 而 如 太 第 者 資 舉 寵 得。」 此 弟 「馮延魯子僎,韓 大 侃、儀、 判 將 多 章  $\equiv$ 人 且 臨 得 理 逾二紀,登第 而  $\pm$ 殊 是 等 條 御之後,不 數 用 士之盛 評 禹偁 不 獲 十人,重 宋及第至 第三 異 唐 价 例 百 人 授 事 知 第 Ŀ 時 年 伉 太驟 歷 僥 望 等 疏 没 通 工以諸 入宋, 明 跨 代 求 熙 而 倖 言 殆 百 縣 判 四 씷 載 備於取 越 之心 經 授 餘 不 不 近萬人,雖 未 **哈侯不得** 尉 不 諸 「太祖之世 人也。 繼取 知 經 進 畿 可 前代,榮觀 有 獲 貢 聽 州 出 (舉,放 縣 返矣。 。 欲 士 人,舍 名 也 五. 官。 奏辟,士大夫罕 身, 第。」 其 尉 此 經 有俊傑之才, 速 初 及第 原 短用 每每 薛 太宗 太宗 餘 授 蓋 出 之習 注 除 進 居 皆 又攷《 歲 南 史册 身 緊 覆 長,拔 陸 毓 進 不 + 唐 初 優 正 1,中ツ 德 游 縣 試 1: 及 過 授 等 與 等  $\pm$ 被 (原 尉 亦 + 有 第 南 不 縣 望 通 於 藩 天 黜 川 注 多 得 過 資 IF. 唐

此

也

格

Ŧi. 覩

莫敢 營升 也。二 六 諸 理 之 外 望 参軍 卿 州 文獻 納 繇 其於唐人舉士之初 補 焉。 原 抗 當 禮。 注 賄 甲之除,猶 時 通 唐、 太平興 原 所 以 攷 爲 宋 注 爲 宋之代, 以 史》: + 事 異 謝 國 年 開 者, 數。」至今代 肇 以 間 第 寶 進 後,始 淛 出 八 以 爲 便 士: 之後 日 爲 年, 可 部 其 郡 明 授將作 躋  $\pm$ 制 守, 巡 或 得 屬 卿 嗣 人 朝 , 失之遠 盡 則 人 相 宗 之 望 進 監 爲 崇 棄 爲 州 ±, 淺 **丞**、 兩 清 狀 判 其 浮 人 制 大 加 華 元 學 之 詞 司 人 長 理 貴 未 止 選, 史 評 次 惰 林 嘗 授 之 而 館 事 畿 百 有 秦 驟 以 職 更 即 州 此 職 通

與

不

判

可

尉。

尉

用 黻 名 王 낈 曾 則 前 爾 初 亦 儒 公 皆 後 中 以 林公議》言: 卿 狀 出 第 是 以 貮 元 爲 下 即 郡符, 登 當 登 無 第 得 朝 不 者,不 之 「太宗臨 聳 遷 領 也 觀 擢 太 史 榮 + 雖 每 之 速。 軒放膀,三五 餘 至 殿 職 年 尊 狂 陳 皆 賜 亦 臚 堯 注 傳 望 以 叟、 視 第 朱 柄

務虚 逐出 豪士 之授,權 擁 焉 寒 文而 彊 也,嘗曰:"【狀元及第,雖使將兵數十萬,恢復 自 通 寇,❶凱歌勞還,獻捷太廟,其榮無以 衢 崇 忘實事,即太宗有以 輿於是矣。 。」今代狀 政 殿 出 東 元 華 〔原注〕又言:「雒 及第之榮 門, 開之矣。 傳 呼 甚 加 寵 陽人尹 馬。」二宋之 甲 翰 觀 出 薊 洙 林 者

吏部 今衒 之弊,其一尚存,似宜 文之塗已革,而 宋 初用 也; 人之弊 獻文得旨,召試除 有 | 例用 入官之選尚 二**:**進 唐制 士: 釋褐 官,二也 輕,二者 不 試

不相 子所 可 用,只儒學一選,是其本色,然而溺職者比比 謂 用 而徵索贅禮 八股之人才,而 「賊夫人之子」也。 比于田 糧 吾 使之理煩 |不知 [楊氏日]八股之才, 何 取 于 治衆, 此 也。 此 師 夫 無 生

#### 恩科

宋時有所謂「特奏名」者,開寶三年三

以 軾 簡 無 不 者,不可 此 者 月 而 有一人能自 人,又許例 故天聖之詔 年,遂至九百餘 特奏名恩例 八孔文 過 爲 曹垂老, 所 窮 成風,甚 得 庚 歸計 謂 至 之吏,户 戌 司 州 宜 詔 勝 仲言: 馬 廣 縣 禮 數, 外 别 可 浦 恩 奮 前 自 曰:「狃 部 遞 無 恥 舉 部 等 澤 厲 此始,謂之「恩科 後 以 閲 所 減 「今特奏者 也。\_\_\_ 人。 罹 以 有 恩 此 不 望 進 其 有 百 六 聞 科 知 一, 布 士人恃 于寬恩,遂 知 士, 而 害。 限 舉 於時? 其 吏 命官 元 之 人, 則 在 及 無 部 祐 乃 財 當 州 已及 + 益 此, 以 賜 初, 即 幾 禄 縣 復 Ŧi. 有 有 而 Ŧ 位 本 無 惟 增 隳素業,苟 因 知 四 舉 殘民 限 損 之 科 用 數 循 嘗 貢 百 之官待 務黷 咸平三 初,有 之人, 不學。 出 百 舉蘇 敗 議 Ŧi. 終 身。 人。 官 者 何 貨 + 場

月

可

者,不許再上。不但減 趙孟 多。 具,恐 年至六十者,賜第罷歸,居家授徒,不中式 攘於橋門之下? 德 廉 故 位。 此 其次,謂之恩榜。」 [楊氏 論 庚 凡 <u>.</u> 以勸二三有恥之士。 過 恥 有 如 辰 《語》不云乎:「及其老也,戒之在 五 養陋 之禮 與 此 舉,謂之恩澤,非 持 杖 詔: 次 所 若以 御 服 或 鄉 益 簾進 [原注]《金 之制 戎, 豈 是 絳 識於泥塗,快羶情 特奏名年六十人毋 於 全者乎! 賓 人,穆公之思黄髮,足以 士 儒 可  $\pm$ 以以 林 可 謁 |史||\*: 宜著爲令: 曰〕大定是世宗,章宗以是 使 者 尊 帝之榮,爲 試 況 小 龂 高 而 「章宗大定二十 臣 不 〔原注 百千 五. 齗 年 黜 所 注 而 + 致 於 落 縣 識 所 於 凡 不 止 尉。」《元史》: 〕孝宗淳熙七 黷貨之人,亦 闕 仕之節 傷 閔老 也。」當 升 從 中 里之旁,攘 以 斗。 於 力政 文之高 式舉人, 九 風 쨈 年 日之 裨 勞之 豈 俗 以 得 年五 敕 下 君 者 有 養 定 今 即

後

+ IĔ.

履,明 制: 曾伯 陳知彦進 正三年三 「德祐 榜下 進士 進 如 進士及第 礪榜下進 紀》以史宅之爲太府 一出身,其 Ш E 故。」此 爲 1: 昌 ψ, 長。」〔趙 爲 勛 進士 出 四 出身」,「趙 初 顯 以 月,監 III 身者、神宗紀 1: 謝 禮 後 官 恩 尤累 是也。 及第; 士及第; 宣 出身」是 部 堂 有 補 特 撫使, 氏 知 尚 賜 不 察 朝 承 日 葵同 書 樞 必 韓 所 信 又 進 御 一宋 也。 密 兼 年 胥持國 錫、天德中爲 無 郎 有 兼 1: 史 知 京 時 院 老 成 也 者,又必 影賜 武職賜文進 翰林直學士,特賜 特 少 樞 又 事 湖 而 特 遵 監,史宇之爲 命 密 有 賜 拜 制 亦 奏名例,年 知縣 等 赴進 院 他 置 賜 參知政事,特 請 定爲 同 事 途 者。 大 Ŧ 用 尚書工部 賜 + 進 出 使, 士者。 輔 終 某 廷 身、已爲 ± 同 可 賜 場 神宗紀》「賜 試 老 科 出 將 進 進 下 大定 者 《宋史 同 進 身」是 賜 員外 作 士: ± 第 賜 進 或 士: 達 甲 出 少 出 得 舉 三年 士: 孫 科 郎 監 身 官 身」,「 用 也。 人 如 出 賜 曹 康 特 孟 移 并 布 百 充 而 勛 李 理 榜 賜 刺 金 賜 特 衣 進

同 宗 賜

童入學、[楊氏日][結 六十,去離 漢獻 帝 本 初 土,誊 平 四 同 年 求 ', 詔 「髻」。 糧 資,不得 日 皓首空歸,長 :「今耆 專 業。 儒 年 結 踰

傳 下

吏

獻

胡

書。」 六十 及第 授 聽 農 此 羽 場,才沾 四,王希 令中書門 慰 爲 野 可 官。 四,鄭 寒 此 , 永 進 秘 太子舍人。」「 畯 皆 士 書 科 绝榮 羽 於是 下選 而 前 陳 省 希 年 級, 收 代 光 正 顔 七 望 禮 物 擇新及第進 季 年 字,象、崇、希 年 問 一,朕 十三,劉象年七十, 情 部 朝 齒 五十九。 年 唐 ,非平世之典 甚 侍 已 之政,當 六 昭 郎 愍 高者, +宗天 杜 焉 九, 德 士 韶光問、松、希 喪 不 復 中 祥 其 曹 顔 亂 拘 ,有久在 奏, 元 依 也 可 松 之後, 常 年 科 太子 年 柯 揀 例, 赦 罷 崇 五. 到 文, 者 名 以 較 年 + 新

史、通 部 以 六 衙 科 尚 上及殘 給 書 歷 實 政 胡濙奏:『北 事 事 録》:「宣德二年六月己卯、行 使 疾貌 ·者,請· 中, 司 公同 陋不堪者,皆罷 大理 令六 監 寺、 京國子監 部 官 翰 尚 揀 選, 書、都 林 院 生及 凡 爲 各 察院 年五 民。」上 堂 見 上 + 撥 都 在 從 Ħ. 各 禮 御

> 别見後 吏治 子 下 Ŧi. 年 部 生 民。」「九年九月戊寅,行 知之亦不肯言矣。 生 亦 尚 監 以 九 物 月甲 員 書 凡 讀 鄙 準 上 「廣額 斥 年 書 猥 蹇義奏:『揀擇 及 此 時 j, 四 不 不 去 殘 例。」〔原 」條下。❶ 澄 十五 疾 放 . 諳 中 清 千九· 者 南 文移 之 者 以 注〕次 北 「三年四 效 罷 + 上者攷 百 五 兩 者, 如 歸 Ħ. 吏 年 京國子 此 爲 人, 在 員 皆罷 即 民。」 試,其· 奉旨 + 月 禮部奏:『 年 其 後 三人 丙 Ŧī. 監 爲 澄 南 人不 辰,行 十以上,及 汰 宣 中 民 生 京 天下 還 廟 者 年 或 知 取 鄉 Ħ. 在 精 人 生 子 員 四 即 勤 或 天 爲 + 吏 監

0

條,潘耒重編後漏改。「後」,當作「前」,「廣額」條即本卷第一篇「生員額

中,復·

有三年大憂

及

期

喪

不

得

選

補

之日

+

年,

要

亦

不

過

=

十年

而

닏

三十年之

武 奏」。 家 老 方 不 不 漢 無官之人一 月 官 何 厕 戊辰,命文武官年 聽 許 通 帝 滿 順 銀 法、「原注 補 而 天監 其 應 官 黄 四 帝 宋文帝元 傳。」 記 經,不 常,徒 陽 自 試,三十方許服 之 + **>** 四年,「令九流 嘉 請 列; 不 日 是 儒 切 致仕、「原注」《實録》: 元 : 得察舉,皆先詣公府,諸 得解褐 有 隳 人 年, 死 勒 六十以 嘉中, 士習。 生 四 家之學,故稱家法。 停。 期 用 服 + 將 1 \_ 左雄之言,令「孝 官 日 至, 是 者,皆 限年三十而 官,年至六十, 之日 宜 彊 今則 常 雖 定 尚 選 [聽致 蚤 而 不過 爲 留 突 於古《記 仕; 仕 「洪武十三 中 金 而 年未三十, 文 給 紫之 三十 制 弁兮,已 吏 七十 仕 以 誥 見任 課 生 廉 ž 年二 班 年 敕。」 梁 牋 試 年  $\Box$ 

> 爲賤 可 則 利之身,年愈衰则 令聞日隆,故天下皆以 其稽古之功; 曰〕古之人以其身爲仁義道德之身,年 〕終身出處之事 以 其人在 消 名利之心,而 仕路之日 愚者無所勞其心思,而 丽 力愈耗, 日 齒爲貴。 夕圖之,賢者不 少, 而不能有爲,故天下 息 誉 而 後之人以其身爲聲 競 居 皆 彌 能 之 林 有 寬以 高 驟獲之意。 俗。 下 則 之日 識 歲 一劉 彌 月 遂 進, 以以 以 色 明 多 文又 娲 貨 郊 而 深

 $\Box$ 

學問 輔言 事 有 實才,十無二三。 廢 司 隳, 先 洪 「近年賓興之士,率記 熙 行 日 民 審訪,務 元年四月庚戌,鄭 挂 受其 名 科 弊。 得 或 目 博古通今,行 有 自 而 今各 年 使 纔二 之臨 府 處 誦 審 十者 鄉 虚 政 理 止 試 文, 治 IE. 一; 宜 未 未 端重 民, 求 俞 **令** 嘗 其 職 廷

令」、《梁書 武帝紀》作「今」字。

0

日

知

録

集釋卷十

七

<u>+</u> 芬以 傳 貴 位 成 淳 就 郎。 科, 路 伯 人 未 年 聖 初 傅、 俙,俱 人材 熙元 兵曹, 子科 在 材 跬 果 過二 意 童 一件,并 若 孝宗 文優賜同 幼 設 初 亦同 行 步 麻九疇 而 黄琬 年 而 、厚風 經 嘗 + 劉晏最 杜安號「奇童」,黄 筮 可 誦 厚 +通、韶 童 女 兩 以 此 朝, 多 臧 階 童 歲耳。 風 今 俗 齋。 Ŧi. 科。 神 ,七歲能草書,作大字數尺者。 Ŀ 著。 洪、 童 林 童 俗,難 奏 ,五尺之童便思奔競。 則積習相沿二三百 舍出 者 特 汪 政 若 經童 幼 子 召 罷 封 司 氏 宋 玉 求 和之制 張 年 試 許 身。 孺 馬 日 亦 之制, 求 試 可 童子自 **又** 矣。 人。 朗,皆拜爲郎 〕後漢之法,年 設 令入試。」上 則 試 者 高宗一 神宗元豐 香號 曰〕金大定二十 童子科 中 七十 以 限 至度宗時,李伯 凡士、 [原注]宋李伯 ·書,後 九 誦 年 一黄 年 四 大 朝,童子 自 童」,其 經 庶子年十三以 人。 四 楊 升于禮 八 省 歲 年 丽 多 億、 幼才 挑 其最 者 置 至 任 水試 試 晏殊、姜蓋 尤 載 雖 部, 爲 九年,章 在京小 + 延、 俊 所 玉. 異 玉 奇 嘉 章宗召 最 二歲,惟 又二年 張 謂 誦 者三十 者 欲以 青雲 也 請 者, 納 堪 非 然 拜 罷 學,有 下, 所 文藝 孝宗 宗即 所 書 唐 俱 童 童 見 成 之 子 子 ௱ 以 六 蔡 拜 設 74 曹 號

> 志》: 知矣。 準 人,惟 ± 童 賜 明 出 異 昌 進 學。 敏,三 士第 中 以 身,官尚 「士子未入學者 張秦山尤精篆籍, 來,稱 式 元自成宗大德三 即 此 塲 遷 例後 爲舉 并 書 應奉 神童 通 右 亦 人,不中 丞, 者 翰 者, 不行 林文字。」又《 Ŧi. 四 俾 通 陳 人,後皆無 年 謂之童 方有『經童人 與 式, 元 至文宗至 諸 麟 仍 生 能 生。 候 通 佞 稱, 提學官歲試,合格, 體 性 順 當大比 倖 人 塲, 相」之語。」 獨 理 傳 耳。 年, 九 之年 疇 謂之充 所 骨 能 明 舉 持 自 其 間 凡 樹 塲 選 + 人可 收 <u>Ŋ</u>. 乃 儒 舉 Ŧi. 經

#### 教 官

焉 官 將 史其與中二千石、二千石 通 爲 達 以傳先王 四 或 漢 下 海 成帝陽朔二年詔 體 所 淵 輕 源 故 之業,流化於天 非 謂 宜 之 所 皆 以 博 明 尊 ψ, 於古今,温 티 : 道 雜 德 否 下也。 「古之立太 舉 也 則 叮 學 古 充 丞 者 儒 知 相 博 無 林之 新 士: 御 述

位 者,使卓然可 觀

以 言 忠 也。 廢 今之世 徒 尊之,以教 使 口 而 IE. 上,而名之曰 今天下學官 日 學官 信,亦 者。 矣。 遽 守令求 不 而 則 師 敢 得 不 如 兀仁宗時 亦 爲 子, 若 妄爲 一, 欲 其 此 爲 道 未至乏才也。 不 詭 經 次 而 餬 於其 立 其 過 求 異 則 奇 明 望 П 猥 次之三言, 則 以 成 師 論 駭俗者,確 行 之地, 取 師 (郡邑。 資格 方 善 德 以 者, 衆所 修 鄉 道 有 以 之人 資 人 爲 之立立 貢 司 科 授之, 格 多 教 成德之君子者, 至 ,弗信· 其 而 舉 0 如 授 訓 則 京 徒 敬 能乎? 守 次 取 + 上 原 之 彊 而 師 用 服 先 則 也, 士 注 室之邑, 一言者,或 員 耄 其 罷 儒 求 加 而 周 名 生 之諸 鄙 又次之一 歸 非 經 夫 虞 子 者 今莫 存 之 徒 操 鄉 義 集 通 , 夫 必 弗 而 愿 師 履 身 生 L 書 遂 有 不 當 之 若 之 實 説 師 議 近

鴞

始 準 ·會試 教職, 不 中 式 舉 Ĺ 儒 考 授

明

初

多

由

士:

薦

舉

景

泰二

年,

考選? 學,侵尋老 三,虚 煬言 言,命巡、 謀,豈復 美質,何 調 而 惕 解惑,莫 郡邑學校 學校例考之。 歲 天 飲啖,終也縱 則 糜 順三年 年, 朝廷 人材 有功名之念。 廩 由 按 耋,授 措 禄, 而 佻 師 建學 御 成 ? 日 達 猥瑣 十二月 儒 史同 辭。 哂 城 之官, 以一 立師 羣 闕 至 貪饕, 布、 士習 狼以 師 於 庚 將 官。 真材 是則朝 待 按二司分巡官, 範 生 申,建安 日 次 以 牧 需 如 徒 下 但 實學者 循 陶 求 之 此 矣。」上 廷 知 鎔 資 中 百計 苟 爲 雖 始 縣 + 濫 不 身 百 也 亦 有 老 類 家 是 嚴 聚 升 往 英 ᅦ 無 人 之 受 其 監 照 行 羣 往 1 賀

玩

業

何

明」, 據《校 記》,鈔 本 國」。

0

提

定品 之? 及 於 師 不 於今 者 以 以 期 官 叹 可 師 同 忠 當 謂 會 拜 得 時 庸 爲 道 於 也 或 之才 文章 有 爲 虚 H 矣。」又言: 鄙 靖 職 太 而 非 如 惟 能 倉 尊 巾 充 銜 官 師 品 賤 在 此 尊 德 能,方 之類 在 級, 句 數 事 陸 極 耐 儒 是 而 當 師 爲教 世 天 矣。 欲 鄉 而 而 不 視 風 之 亦 别 下 儀 望人 Œ 則 仍 不 不 知 禮 日 製 不 則 言: 凡官皆當有 即 若使 者 尊 知 以 而 執 知 矣。 振 爲 得 尊 才之多,天下之治, 於 欲 謂 鄉、 尊 不 教 經 謂 古 於 今世 而 之迂樸。 賢 束 知 問 養 之有 之官 至 天下, 國、天 冠 聖 鄉, 聖賢 修 之法 敬 道 其 服 人之徒 天 老 ; 自 品 冠 品級 無 子 郡 在 之道 如 下 ; 厲 服 蓋 級 常 深 黨 學 縣 以 爲 蓋 ()惟教 教官 職 出 則 或 人 師 塾 校 師 亦 以 等。 衣 矣。」 誰 之 之 傅 僕 道 儇 簿 幅 不 亦 則 者, 僕 尊 官 不 捷 師 之 庶 口 無 與 至 師 書 巾

> 之論 先 有 載 舉 多 友 應 亦 按《宋史》黄祖 司, 爲松江 純篤 生 士。 里 科 得 選 即 爲 目 自 已及: 府學教 之。 之意。」「原注》《松 其 者,縣薦之州 須 延 老 卓 聘 是罷 於 此 年 皆 行 授,與 韋 一舜言: 未 極 尤 堂 布。 州 四 異 Ē. 除 里之選,後 十,不 克莊、全希賢同 及 者 州 乞訪 注 抱道 江 州 府 延之 授 得 志 并 以 其 懷 至大官。 **》言**: 任 教 學行 名 庠 德之士 教官。 官 聞 序 官。 一洪 請 修 武 當 是 而 以 本 明、 初 時 昔 朱 表 多 州 亦 楊 分 率 孝 X 鄉 子 鄉 不 教 孟

爲 翰 舉 五 皇帝定天下, 之,間 人, 林 其 人或二人, 侍 職 盂 州 從 而 有繇 縣 四 最 之 志》 人,縣三人,例 書 職 必 詔 舉人、進 於 日 擇 府 朝 : 英宗 經 者 衛 原 明 注 以 士除授者 州、 或 行 後 録 擢 縣 修 縣 人 者署之。 爲 天下歲 始著爲 各立 張 或 淑 子祭 譽 學 譔 貢 而 之 其 酒 有 置 + 至 府 及 能 高 師

子,以 殊始 延范仲 卑 縣 易 斗 而 也 ·, 而 之吏 狎 之 州 才之難就 吏視之, 淹 其禄之也 師 縣 而 而 以 道 其 長 教 止 生 聞 官 氣 徒。 而 及 而 易 其 矣。」「汪 太輕 監 自 得 不 衰 取 Ŧī. 薦 復 司 0 之 代以 擢 崇 之 無 也 即 氏 者 以 臨 來,天下 日 怪 太 有 三史 體 者, 乎 濫 亦 稱 貌 教術之不 學校 其 不 率 晏殊知應 過 能 待 是 以 廢 之也 授 誦 以 簿 //, 興 以 法 其 書 天 興 學 府 太 州 孔 望 升 É

口 成 始 官之考 以 澆 於 養 競 赴 士: 核。  $\pm$ 部 風 者 候選。 之薄 而 考核嚴 也。 興 賢 始於納 有天 梁武 則 矣。〔王給 教官之督率必 下 帝 卷 者 所 就 事日 能 謂 試 反 勤 公欲 驅 ; 此 師 而 迫 端 ± 士習, 道之亡, 廉 風 事 撝 自 當 īE. 獎 斯 嚴

#### 武學

《山堂攷索》言:「武學置於慶曆三年,

設京衛 理,配 從成國 正 武學,不允。 立 亦 又謀去史彌遠 義傳》: 之變,不 知 元 原注 何 武 德 兵 逸 忝 」景泰 建 中, 學,設教授、訓 書者判 爲 武學。 于 寧。 「有武學 公朱勇等奏,以 陳東也 武 聞 錢 Ŧi. 學諭 景 侂 武 寧已 已而 年 泰間 事 胄 武 生華岳,字子西,嘗 Ŧi. 哉 學有禦侮 覺 誅 學, 月 嗾 廢 ٠ ٢ 武 丙 放 武學。 未 ^ 置 武 生 寅, 臨安獄, 還,人學登 實録 幾 導, 學 漸 直. 南 省 者。 兩 天順 生 多 京 講 如 去。 守 京 杖 Œ ,常至欺公撓 朱 如 京 八年 備 死 多勳 第 Ł 統 汪 大 或 東 府 書 寧 熙 氏 † — 爲 六 周 子 市 劾 遠 儒 日》宋 寧 衛 殿 年. 韓 監 上 侯 學之 月 復 前 侂 子 武 任 Ŧī. 疏 丙 學 胄,下 可 弟 禮 史 靖 辰, 月 有 劾 官 法 請 制 • 人 屬 73 選 楊 康 復 忠 革 大

❶「實録」,據《校記》,鈔本作「國朝」

則

不

惟

不

收

其

用

而

反

貽之害矣。

毆

御

史

郭

維

經

掌

都

察

院

張

延

登

奏

朏

清

矣。

崇

禎

几

年

南

京

武

學

生

吴

或

麟

等

公,建 選 文、武 不 勳 祀 謂 號, 儒 録 者,文武 臣 請 果行 士十 汪 尚 若 帝 戚 文 如 直 必 武 洪 主 子 Ŧ 前 人,教 遂 爲 不 以 昭 太 武三十 請 者 孫 異 廟 文 代 享 祖 兼 王. 烈 武 科, 事 襲 故 用 故 舉 去武 也。 祀 實 塗 武 備 武 爵者 武 設 之,則 儀 事 録 臣子 年二月 成 各 , 故 科 備 輕 制 至 求 成 王 立 統 鄉 弟 措 天 於 主 習 廟  $\pm$ 專習者乎 之養 庚辰 試、 歸 與 武 之於 洪 下 事 建 禮 號,罷 周天子 於 會 學, 武 `,命 無 於錦 武 肄 上. 試 人教習。」「原 用 全 業 學 吏 日 用 殿 衣 部 + 嗚 其 才 : 於 試 ? 武 衛 無 設學於虎 用 并矣,加 年 呼 矣 。 舊 悉 者 國 舉 所 太 武 七 純 如 廟 太 子 不 舉 公, 成 進 月 矣 公但 仍 。』於是 古 監 宜 1: 化 踞 注 之 是 之 周 祀 禮 中,太 恩 關 ; 例 選 贵 學 非 被 從 分 之 太 部 宙

建 辟 雍 宋 成成 劉 敞 均 以 與 吴 敦 九 教 書》 化 者, 日 一一一一 危 冠 縫掖之人,  $\equiv$ 代之王

足 仁 猶 相 於 智 而 不 之 瞋 夫 是 上 義 猶 志 居 下 爲 人 武 人 以 殘 馳 者 況 以 懼 文 則 軌 預 之 是 鶩 未 其 也 學 其 其 行 也 有 建 而 登 度 其 所 薄 能 語 之 教 未 忠 序 容 博 於 於 其 信 將 議 善 不 也 雖 乎 科 憂 士 難 禍 其 明 是乎有 信 ? 其 教 , 故 而 私 之 肅 也 而 亂 是 術 堂 按 之 不 後 職,廣 議 而 辩 壹 猶 爲 賤 以 劍 以 詩 能 矣。 成 巷 夫 也 其 以 以 詐 無 縱 而 救 術  $\approx$ 説 縵 民 是 其 容 待 謀 鄙 若 横 弟 疾 ^ 與? 夫 而 胡 知 長, 書》、 政 可 人。 爵 倍之色、 之 有 之 子之員 眎 戰 動 之纓, 所 不 得 者, 司 何 學 師、技撃 或 人以 吾 嚴 底 無 故 不 一之時, 其 者 以 禮 此 所 變 而 及, 吾 吾 日 短 效 之 利 而 德 鬭  $\approx$ 甚惑 所 其 治 之 ! 後 褒 所 無 争之聲。 一之學 然 樂 天 謂 勇 恐 其 俗 之衣 其 貮 人 也。」 下 則 風 雖  $\approx$ 乎 勇 未 可 疾 以 且. 俗 以 有 力 害 競 得 聞 其

思所 以 善 其 後

數 其 錫言 乎 元 以 楹 先 ? 改 孔 禮 爲 子爲 大 成 乞 孔 勳 義 古 化 敕 子。 先 衛 而 者 五. 所 師 子 後 廟 年 周 司 弟 勇 必 不,不 公 掌 如 力 有 改 前 尚 武 學 也。 得 爲 代 不 了, 受成 學國 已 文 祀 或 今本 八廟。」 丽 學 于 子 立 獻 學 祀 學 監 武 周 馘 可 見 監 而 學, 公, 於 謂 有 派 況 中 得 閻 空 仍 唐 太 禮 堂 欲 禹 公 開 宜

雜 流

職 而 授 之以 唐 或 邦 時 子 或 經 凡 儒 九 學  $\sim$ 日 流 六 訓 太 百 典》: 導 學,三 家 之政 之 國 士: 令。 日 子 兀 並 祭 門 附 有 酒 六學焉 諸 四 司 或 業之 日 學 律

H

知

録

集

釋

卷十

學, 五 之權 其 或 公就 師 成 館 法 大 大 文館,凡 河 我 夫 司 家 館 子 帷 張 儒 或 子 **凢**, 北 、墨家、 公講《 重 没 師 成 家 廣 曰 七 階雲 孫自 0 觀 長 端 學。 書學,六 文 春 是 今 此 序 委 禮 坐 享 師 以 書家、 則 來 公侯 可 其 歐 居 南 記 先 長序天 人才 見當 即即 館 陽 于 **≫**∘ **0** 面 師 切 曰 子孫 詹 東 算家,術 席 四 盛 算學。」「原 擯 日 後 貞 門 鱗 直 下 束 小 諸 而 養 自 更 元 講 差 師 修 · 秀 司 橋 藝 士 其 日 + 長 抗 既 彦 成 門 術 之 攢 業 館 命 四 序 牘 行 之外, 自 率 修 制 弁 以 注 南 太 年 太 明,亦 其 屬 筵 天 寬 如 學 經 方俊 學  $\sim$ 寶 館 列 坐 記 星 肆 博 學 長 而 而 九 于 北 乃 載 其 自 造 士 其 廣 教 連 序 日 西 置 面 清 人 + 襟 其 餘 É 卿 而 廣

741

0 日 》作「月 文苑 英 華 卷 六《太 學 張 禮

能 亦 兼 自 廢 棄 不 世 教之日 復 名 其 衰,有繇 業。 於 是 然也 道 器 兩 而 行

# 通經爲吏

守了 《儒 質 隨 詣 開 文 性 而 詔諸司令史,攷滿者限試 史,皆用 法」。 一,使 佳 梁 能 京 敏 吏 者 任 升 雖 師 有 漢 **淪**》, 刀 授」。 幹吏卑末 輒 武 昉 ,受業博士」。 材者張 故漢文翁爲 筆之吏皆 通 有《厲 帝從公孫 令就 以 吳顧 藝以 爲 叔等十 學 吏人講學》詩 ,皆課令習 邵 先 服 上 擇 弘 蜀 王 爲 者。 雅 其 之議,下至 後 豫 餘 郡 博 訓 先 漢 人,親 守 章 經。 陳 唐高 進, 欒 ',「選 竹 太 讀 其 巴爲桂 守 帛 擢 教 宗總 程試 自 昔王 小小 然 郡 之 郡太守卒 置 飭 縣 輔 則 儒 右 章 殿 厲 昔 陽 職 吏 小 亦 和 粲 初 最 之 資 太 作 遣 吏 通 民

> 節 爲 修 吏 「天下未有舍儒 其 者, 舞 皆 文 曾 以 執 而 害政 經 可以爲吏者。」 問 者寡矣。 業之徒 「原 心 注 術 〕宋文 正 而 名 讷

**参孝** 亦給 貢 舉 經章句》」。 博 東京之盛,「自 士, 小 使 授 人 以 貞 學 經。 觀 期門 道 之 則 時 有 羽 易 能 林 使 通 自 之士,悉令通 也 經 屯 者 誉 「, 聽 飛 豈 不 得

然

乎

衆 人 在 其 也。 官 士 殷 而 也 置 周 名之 重其人,則 其 官 輔 輔 • ) 曰 「輔 府 太 宰》 史, 後 人知自 二, 先 鄭 庶 乃 氏 人在 王 施  $\Box$ 重 不 典 矣。 官 敢 于 者。」 殷 以 邦 厮 衆 或, 夫 役 也 遇 庶 而 其 人 謂 陳

猶 官 屬 於 其 歐 何 陽公《 間 其 取 多 士: 邪 集 蓋 古 故 録 通 吏 從 亦 晉 史 清 南 而 修 鄉 盡 其 太 列 之。 守 勢然 碑 當 陰 時

完定・

順帝

紀》:「至正六年四

月,命

受。 不宜 録》: 理 起,扶杖 臣 禄 州 七月丁卯。 惟 Ŀ 無 其 日 左 原 縣 體 吏胥 右 無 則 其 重 時 注〕二十三年八月 小吏, 用爲郡 「大理 『某爲 憲 名 正 。』」❶〔原注〕五年二月壬午。 其 益 朝 元 重 司、 直之人,顧上所 心 綱 官 事 而 寺 於 守。』朝廷是其言,著爲令。」 又詔 術 是 凡 藝文可采,勿舉。」《劉晏 E 屬 悟 歺 利。 初 行,因以 六部 已壞,不許 以《太祖 卿 弛 吏,非 其 有 張 民 吏 憲官,疾,吏 意, 古 「凡選舉,毋 人 壬申。 吏屬 無 間 嘗 心 榮 公家僮 建 俊 杖授吏,吏拱 他 實 進 將 於午 論: 詹唐 秀 應試。」「原 録 日 變, 以 則 「吏 子 書 》言: 陶 見 不不 利 弟, 雖 員 重 後 往 鎔 是 吏, 傳 選舉志》言: 録 鮮 敢 有 於 然 講 候 成 則 吏卒之徒。」 皆 有 科 名。」《英 此 避 謝 之。 注〕洪 習 不急於 「嘗言士 就 手 此 而 得 勞, 舉 令, 之。 之者 卻 嘗 輩 經 預 初 武 嘗 慮 立 憲 與 史。 中 利 而 宗 有 四 選。 設 何 未 傷 吏 羣 者 實 實 爲 年 爵

> 之於胥吏,以奴隸使之,盜賊待之,吏員 如 士人皆樂爲 爾 錢 吏, 氏 云 耐 吏 元 亦 時 知 由 自 吏 出 重 身 Á 者,可 明 中 遂 致 葉 無可 字 以 執 後 薡 者 1: 矣 諫 大 夫 故

效,而 之辨 之以吏胥。 乎其得之矣。 不肖之辨 i i 自 略。 陸子 吏 唐以 育 明 能於 嚴。 静嘗言: 來 習 吏 [儲大令日]用人之途,莫有如吏 分别 出 後 事, 於科 世 科 「古者 之中 有 ij 目 學 流 今縱不專任 於聖 偂 品 無 之分, 寓 流 一賢。 作 品 故 成之意, 之分, 科 ௱ 漢 目 收 賢 但 用 不 而 胥 當 吏 肖 庶 賢 與

科

二品 士 品 三名正七品, 人 出 賜 出身,第一 身。」 衙 大明 進 門 士 都 而 會 出 吏 甲 第 典》: 身。 品 賜 從 進 衙 七品 第三甲 一名從六品,第二名、 「洪武二十六年,定凡 門 士及第。 提 出 控 身 ; Œ IE. 第二 八 七 品 品 品 甲從 二品 賜 出 同 身 衙 七 第 舉 進

0 理」、《明太 祖 實 録》卷七 二作 禮」。

塗, 方正 其 所 生 或 原 初 注〕天 掾 非也。 一, 以 塗 至, 之制,謂之三塗 史、 與 言者謂 也 順二年十二月 而 進 典 [原注]從考試 吏 吏員之與 士不 吏, 其 員 奔 競 甚 冗 庚 밆 塗 相 濫 辰,詔 也。 科 遠 而得者,總謂 衙 無 並 第 門 也 用。 裨 罷 或 高 **\$** 實 舉 以 用 保 下 後 史, 薦 經 也。 科 天 乃 之 舉 明 正 與貢 淵 立 行 進 塗 修及賢 矣。 八 格 塗 品 爲 以 也 監 故 限 出 良

體 其 賓 不 署 生,洪秉等四人由 人 輕 奏 知 塗, 出 吏 廉 身。 視 義 御 部 永 然 IE. 樂 朝 史 事 御 知 不 賓言 廷。 七 張 方 刻 311 史, 年, 循 賓 薄 乃 循 國之司 遂 理 不 車 簡 理等二十四 可 等二十八 黜 吏。 知 駕 南 任 秉等 大 在 京 之。 直. 上 體 北 御 爲 日 京,命 用 必 史之才者 若 序 人可用。 有 人繇 之任 刀 班 用 學 筆 兵部 人雖 識 進 吏 風 諭 召 達 上 自 尚 知 不 來。 問 治 專 監 使 利 書

> 御 史 勿 復 用 吏, 流 品 自 此 分 矣

幾 滿 選 一,歲以千計,不分賢否,一 何, 用 嚴 宣 貪鄙 德 慎, 塞路,其 吏 年 員 月 授 可 丙 官 戌,敕 不 者 精 少。 擇 諭 概 乎 比 吏 録 部 年 用 吏 典 廉 往 能 考 時

賢 江. 陰又 員 史 名, 濯 也 蘇 有 愈 而 都 劉 州 徐晞 本 御 況 道 史 鍾、 以 諸 萬 吏 葛 松 祺 員 伯 至 皆累官 江 衡 侍 由 黄 郎。 肇 子 州 至 威 汝 吏 尚 成 擢 案 書 郡 陜 明 守 西 初 參 楊 馮 并 議 氏 堅  $\Box$ 有 由

典

吏

知 録 集 釋 卷 十 七 終

日

# 日知録集釋卷十八

崑山顧炎武著 嘉定後學黃汝成集釋

# 祕書國史

東京 自言 之。 斿 向 馬 藏 襃 遷爲太史令,「紬石 ( 内則 進 揚雄 「爲郎之歲、詔賜筆墨 故劉 於 則 讀 漢 時 東 班 羣 有延 校 觀 書 歆 天 固、傅毅爲蘭臺令史,竝 書天 譔次 謂 子 \_; 上 閣 外 所 禄 器 禮 廣内、祕室之府」。 藏 則 閣 事。 其能 錢 之 有 六萬, 「原注 書,皆 室 太常、太史、博 而 賜 得 金 安帝 觀 以 匱之書」。 揚 · 令 人 書於石渠」。 雄 袐 永 《答劉 書 初 典 臣 中,韶 之 校 歆 得 士: 而 書。 書》, 副 班 劉 之 觀 口

遷。 肅宗詔 宗命弘文館學 秘 給 博,求爲秘書郎 不 鄧 謁 上 本、褚遂 來,爲甲族起家之選,待次人 書充儉家。 載之史傳。 傳》:「是時學者稱東觀爲老氏藏室、 被薦,黄香之受詔 七志》四十卷。 閣 康 子 廢。 二千卷。 者 續固求不徙,欲編觀閣 書,上給二千卷。 遂薦章 孫 劉珍 香詣東觀,讀所未嘗見書。」晉、宋以 東 工. 左思、 良、 觀 梁 人東觀,爲校書郎。」《黄香傳》 書 及 校 張 〔原注〕 「原 <del>ф</del> 者 顔 博 永明三年,於儉宅開 纘爲 定 王儉、 注 1: 手 師 共 南 Ŧi. 一番 古皆 南齊柳世 秘 元 書 唐則 齊 經、 書 議 左思爲 行 繕 Ŧ. 亦得 張纘之流, 内 郎 補。 儉,遷 郎 沖 寫 爲 諸 圖 魏徵、虞世南、岑文 藏 籍。 秘書監 隆,性愛涉獵,啓太祖 通譔古今書目 秘 《三都 子、 其 至 四 秘 書 居職 焉 府 道 於 傳 書 郎 學士 而 賦 家 丞, 掾 内 有 柳 記 例 咸 蓬萊 (原 館 選五 四 史 依 庫 世 自 數 初 讀 下,此 員, 悉以 十百 注」《實章 Щ 隆 以 竇 Ŧi. 七 除 袐 宋 所 品 至 略 + 而 郎 見 書 太僕 H 齊 四 中 玄 借 以 典 餘 借 譔 便 以 部 不

六八九

樓,而 爲《羣 無 勘 萬 别 廣。 竇威 賢 百 子之書,亦 有 書,求爲吏,隸 司 元 晉書》、柳芳之《唐曆》、吴競之《唐春秋 馬 , 所收. 科 以以 院 年 餘 建 史 代不下,故民閒之書,得上之天子,而 段 爲 又皆 館 遷之《史記 吏, 卷, 崇文院, 成 秘 無 參 書 范 昭 式爲 書 人 多 知 乃 四 仲 置 郎 停廢,天 得 文 南 政 秘書省校 集賢院,竊 得 録 淹 往 秩 直 館 見 宋 滿 等 事 讀 中 往 閣 當 以 、集賢院 嘗 之。 一人領之, 爲 傳之士大夫。 校 以 遷 而 來 書 班 下 爲 理。 秘閣,藏三館 院 陽 固 昔 郎、秘閣書 舊本,藏之秘府, 固 提 中 之 守 原 城 時 不調 書讀之。 之《漢 舉。 注 士: 仁 宗 謂之三 之 陽 取 於是 書 好 ±, 城 籍 學,至 成 且. + 復 書 好 披 六 餘 乎 求 ,藏 自洪 學,貧 年 **学、**干 命 閱 歲,其 真 館。 不 史、三史 書之詔 皆 無 繕 本 於 求 徧 所 知 學 不 寶之 垂三 武 太宗 太 寫 書 爲 不 古 業益 能 Ψ. 天 清 宋 通 籍 校 集 得

> 實録 壁皆 邪 之聖 要、日 禁 而 大學士王 修 正史。」疏 世,天下 太液池、藏真於皇史宬、在朝之臣、非 之,未嘗 肾不 史 又 **燾之《宋長** ! \* 載: 一残,不 無 起 而 曆之 遂 在 於今世,學夏、殷 錫爵等纂修正 疏 從 使 禮部 之士於是 ·禁止。 得見,而 萬曆二十 於 也, 況其下 類,南 覩六經之字。 帷 作 尚書 囊 編 人,工 同 ×, 今則《實録》之進,焚 掌詹事 野 渡 毁,空 乎 並 史,後即 年 以 史、家傳遂 於 九 以 - 焉者 不 府 來,士 月。 藏 當 聞《 事陳于陛,請 知 禮 報罷。」是 嗚呼烯矣! 書 二十二年 今。 時 乎 而 七 大 而 流 ! 無 略》之名; 沈 夫家 拙 得 布 從 豈 雖 於 以 敕 氏 三月 非 纂輯 學 敷 以 日 孤 亦 至 周 夫子 草 密 預 多 教 於 行 神 本 纂 者 於 禮 於 有 冢 於 會 宗 諭 朝

學 宋  $\equiv$ 而 禮 立。 或 語 注 曰 孟 四 小》、《中 丁,則云 一,魏 唐 傳 解 時 一子》則 傳》分而習之,故 則 程、 、《詩》 , 或 時 其先儒 自 禮 何 人。 立之學官則 漢 朱諸 九經,并《孝 本 庸》及進《 記 晏 日 以 趙 》則毛萇 集 **>** 學,今通謂 釋經之書,或 來, 朝因之,而「十三經」之名 則 繫 大儒 岐 解 鄭玄注 辭 注, 儒 魏 孟子》以配《論語》,謂 出 傳、鄭玄箋、《 者 云「九 皆 人。 韓 經》、《 爲 ,始取《禮 相 康 漢 、《公羊》 之注。 九 傳,但 ^ (左氏) 伯 人。《易》 日 也。 經」者,三《 論 注 傳 語 ^ ·, 或 言言「 其 記》中之《 書》 則 **>**′, 晉 周 則 刻 曰箋, 何休學, 禮 杜 則 刻 Ŧi. 爾 石 預 禮 經  $\pm$ 孔 雅 或 注 大 × 始 之 子 儀 論 弼 安 或

> 晉 釋之書,名曰 爾 雅 則 孝 郭 經 璞 IE. **>** 注, 則 義 唐 ,今通謂之疏 穀 明 梁》 皇 御 則 注 范 甯 其 集 後 解 儒 辨 皆

下。 聖久遠,文字 徽中, 三月 古攷定 經書既 宋史 書》、《詩》、《禮記》、《左 Ŧi. 句 經 壬 令天 繁 每 舊 • 賈公彦 義 年 子 雜 Ŧi. 已板 唐書 李 明 疏,凡 經, 下傳習。」《高宗紀 詔 朔 至 經令依此 行, 多 ٠ 傳 或 頒 始 頒 儒 訛謬,詔前 **\*** 子 於 孔 譔 百 學傳》: 惟 祭 天 穎達《五 ^ 七十卷,名 判 酒 下。 周 考試 或 ŦL 禮 氏 傳》、二《禮》、《孝 「太宗 子監 又 穎  $\Rightarrow$ 春 中 **\***: ^ 經 以 達, 時 秋 書 儀 Œ 儒 上言: <u>\*</u> 但 日《 侍 禮 永 與諸 以 義 學多 有《 經 郎 義 徽 Ŧi. 經 **>** 易 籍 於 儒 顔 經 疏 几 門, 去 天 譔 Ŧi. 永 年 ΙĒ 師

義

定

章

0 既 」、《宋史·李至傳》作

六九

寧、右 損 徽 馬 與顏 之書也。 備 講 行,故其分卷 文館學 Ŧi. 書志》云:「徐 經 但知《五 疏、《孝經》、《論語》、《爾 公羊》疏不著 而 嘉 刊 經 崔 疏之卷第遂不可考。 義 年 運 師 刻。』從之。」〔原注〕今所行者、《穀梁》唐楊 頤 論 始布下。」「錢氏日 僕 土 駁 訓 古、司馬才章、王恭、王琰受詔 正 經正 《新 語 射張行成、侍 詔 百 亦 正 攷正之,於是 彦,不 人名,或 孫 中 不 餘 其 ^ · 書門 唐書》穎達本傳云:「初,穎 義》爲孔穎 與 奭、 篇,其 失, 爾 經 知何代, 崔 注 云 雅 雅 詔 下 可 常》宋邢 唐 影七 偓 (中不: 子 更 與 徐 意在貞元、長慶後。」今人 」唐 佺等, 嘗見宋本《儀禮疏》, 自 中 彦譔。 令裁 或 經 宋 尚 達作,不知非一人 昺疏,《 人譔 高 能 以 疏 子三館 書左僕 後 無謬冗。 季 定,未 九 重 未 沈 孟子》孫 輔 刊 經 氏 加 修 本 疏 日」《 博 合 讎 本 就 射 望令 就 注 奭 校 與 廣 于 博 加 疏 每 疏 注 JII ± 志 譔 直 達 增 弘 永 以 士 葉 爲 藏 惟 勛 别

> 見 銜 卅 未嘗合于經、注 注、疏萃見一書,便于披繹,它經 有 詔 有 毛 春 三山 也。 名。 行,每 譔 大宋景德元年校 秋》一 詩 疏 又見北 H 黄 猶遵舊 行廿七字,凡 經,顧 唐 本人山 禮 跋 記 宋 云 : 式。 力未暇, 即 疏 井 刻 南渡 鼎 對 義 本 爾 諒 云 : 一、同 司 五十卷, 如 雅 初 舊 論 姑 校、 前 疏 「足利學所藏宋 刊《易》、《書》、《周 尚 以 語 》, 亦  $\equiv$ 都校諸 有單 貽 》《孝經 經 惟 同 不 編 ~獨闕。 卷 行 志。」 載 彙 卅二 臣姓 本矣 疏 注 可 精 》亦 文。 紹興 至 板 名 證 加 卅 當 《禮記 及 北 讎 蓋 辛 禮 如 七 宋 宰 邢 Æ 亥, 闕 此 時 注 相 叔 īE. 乃 遂 IE. 惜 疏 明 參 末 經 若 取 未 奉 政 義

# 監本二十一史

無 元 者亦罕, 通 刻 四《史》爲二十一 鑑 宋時 本,南、 》,而不及諸書,亦不復采《遼》、《金 故 止有 前 北、齊、梁、 人引 十七 書, 史,但 史, 多 陳、 今 用 遼、 則 周 南、 并宋、 金二《 書》, 北 遼、金 人 史》 史》 間 及 前 傳

傳

妄改 矣。 二十四 張邦 年,錦 大夫 于萬曆 三經》、《二十 對 **\***: 文 付 + 民 祭 以以 修 奇 遂家 衣衛 然校 俊 監 者 + 七 閒 酒 干 年,至三十 補 「李彪謂 行 司 史舊 等 四 古 以 一年 張 業 閒 遼、 世 年, 勘 有 備 偶 表 江 住 本 邦 一之本 至 傳 Ŧ 金二 其 汝 七月成 板 不 進 奇等 舉 四 廿 布。」「又 壁 户 崔 書, 精 攷 部 史》。 沈麟 年 少 挺 博 竣 年 對 議 至 歷 史》 訛 學 崋 也 日 事 請 奏準 ,〔錢氏 日」北 修 萬 有 恐 板板 代之事 İ : 舛 其 校 無 補 文,才 如 曆 滋 校 **式與《十三** 彌 嘉 板 <u>=</u>+ 刻 比 監 板 ^ 中 日》南 勘 仍 煩 甚 板《 靖 魏 史 見 視 猷 史 者 取 擾 迹 十三 書 北 亦 書 賢 書 南 初 且 粲 史》開 雍 購 裕 廣 監 經 子 禮 稍 • 志 有 然 經 南 欲 求 東《 上 行 部 司 謁 工 V 注 崔 於 不 命 彫 文 議 善 差 京 「嘉 宋 刻 疏 帝 使 于 以 孝 知 本 將 人 祭 官 或 而 当 萬 剙 祭 靖 逐 史 芬 閒 + ± 洒 翻 監 購 子 而 曆 始 酒 七

校

刻

蜯 與

板

中

索

監

者

林

笑。〔原〕 刻《北 紀拜。 者 及 陽 添 齊 諭 者,字子囘。」此 末 羣 羣之爲 融 原 印 高 三三字 台 處 列 名。」今本 云 傳 注 殊 遂 才倨 父子 )南、 士鄭 出 答書於 学 優,今當爲 古人用 史》 明 始 (注)南、 名,而 傲,年 彰 袁 珠。」 名 北 事 交,及見印 方 改云「今當 板 淮 甫 ,(原 題。 此 在 同。 後 意 誤 事者非 北板 南 露 改紀 紀、羣之閒 欲 耳 名題, 注 於 「原 袁 版 姓 爲羣  $\wedge$ 羣 同 〕陳羣,字長文,紀之子。 機 齊 「始」字 今 極 鄭 甫 爲 拜紀。』此《三國 注 \_\_\_ 拜 悟 二北 王 字 乃 又 名 諫 绝 而 博 乳 爲 紀。 , 先與紀 公胄 如《 學, 臼 跳 方 板 再 又倒 绝 史 非 無 即即 傳》 绝 乃 行 而 晉 以 羣 . 者 謂 句 别 爲 友,後 陸 末云: 淮 亦 添 書 其 耳 上文所 子 敘其 隱 印 ^ 彰 左 文,此 列 好 • 傳》: 唐 二字 與 僻 日 華譚 學 不 方 羣 書 人 時 志 以 邢 交 云 起 跳 知 魯 鄭 與 鄭 與 今所 紀 傳 卿 更 行 行 邵 或 南 方 書 方 口 陳 老 爲 向 孔

字、「原、 文,而 無人, 此 刻 興」七字。 十 牲 亡。 綏 經 敬 則 有 裕 南 祭酒 矣。 饋 玄 刻 學 姆 亦 原 虞 中 傳 其 食 鄉 辭 書  $\mathbf{H}$ 注 禮 手 而 注〕賴 弟 禮 至 射 儀 **>** 深 雅 日 較 所 貽 元 末 於歷 少牢 影脱 禮 脱 禮 T. 未 後 素 此 有 附 **^** 而 大者合 **>** 或 金 教 來 謂 長 脱 跳 脱 則 哭 敬 鹵 官 舉 志》, 饋 安 臺 之 不 之學 誤 行 玄 士: 莽 秦 止 任 石 觶 食 紀 姗 足 尤 猶 弟 火之所未亡,而 告 經 就 滿 禮 者 聞》 鹿 笑乎 不免誤,終 數 租 據 與 多 此 元 事 Ι. 祭卒 影脱 必 中 以 *\** 處 爲 不 素 曰 畢 以 補 殊 刻 翿 ! 適 士: 爲 禮 賓 此 供 觶 以 不 旌 今 足 之, 「原 昏 也 勝 出 拜 師 書 元 授 堪 以 節 以 以 禮 他 注 生 時 長者答拜 故 以 尸 七 獲」七 讀 本 敬 彰 而 惟 脱 廩 州 充 讎 亡 字 節 其 坐 太 玄 馮 <u></u> 餼 魄遺 縣 注 **`**, 夢 校 陸 於 取 + 壻 十 學 屬 字 禎 疏 監 特 之 刻 文 簞 授 F. 餘 四 遂 爲

理宗紀 之官, 此 本 者 焉 板 而 布 寧 之, 用 反 有 並 監 畫 府教授, 白 存 不 之。 木 出 非 不 勤 司 十七七 其 頗 通 金。 其餽遺 可 閒 後之君子之責 貯 於 坊 可 儒 口 復 有 無 官 校 故 本 或 聞之宋、元刻書,皆 識 兼 訂之,(原注)主 史》諸 精 此 何基, 得 存 下,工 刻之,然祗 而 讎 書 也 建安書 者。 非 而 書 院 易 婺 難 正 多 印 之刻,有三 今學 州 書 也 者不 院 帕 洪 也 聞 矣 行 教授,兼 Ш 而 ; 武 地 闕 而 長。」學 므 不惜 既 數 以 里、 初 而 疑 是 誰 書院 謂之書 供 無 見 書之已 也 麗 則 故 任 歲 悉 費 餽 者謂 田 者 也 澤 善 信 收 書 在 月、 羣 帕。 贐 不 而 則 有 焉 之山 院 而 書 書 厂原 之用 Ŀ Ι. 爲 勘 右 互. 自 Ш 復 好 院, 或 亦 精,二 注 長 萬 山 相 校、 劣 文 長 刻 古 其不 學 當 曆 之 生 昔 長 易 Щ 書, ',今南 徐 以 Ι. 並 宋史 時 則 主 刊 長 後, 無 而 璣 也 人 舊 改 事 傳 主 而 H 建 改 觀

史,如 其文之晦 南 史》、《北 舊 宋、魏 澀 書》病 史》, 當 諸 兼 是 或 其 其例 事之遺闕 既 書 各有《 也。 刻之,爲「二 (新 書 唐 而 書》 + 復 有 病

# 張參五經文字

中, 鬍 《字林》刊正 所 古 大 至於宋 》從今文。」篆籀之學,童 中。 曆中,張 存 未遠,開 經籍志》: 唐玄度增 唐 唐 人,其 原 睿 人以《説 注〕今西 宗書景 參作 元 「天寶三載,詔 謬失,甚 補 去古益 以 ,復作《九經字樣》, 石 前 安 文》、《字林》試  $\stackrel{\cdot}{\sim}$ 龍 府 Ŧi. 未 學。 觀 遠,而 經 改 有功於學者。 集賢學士衛包,改古文《尚 鍾 經文之日,「原 文字》,據《説 而 向 一, 猶帶 習之。 無 爲 板 説 士。 篆 本 日 今西安府 , 分遺 以 閒 其 鑿矣。 注》唐 文》、 開 有 刻 時 法。 成 殘 在 去

> 者,顯 訓 缺 載 乃 補 不 字 無 而 ×, 子 知 别 與 妄 至 此 并 本 添 所 齃 屬 書 可 經外 補 中 諸 特 證。 不同 生 Ŧi. 洗 之字,并及 補 經之文 近 刷 乃 此 代 元石 書 知 有 之闕 近 好 非 其 字 日 事 經 學 有 書 者,刻《九經 以 者之不 所 中 意爲之。 有 汎 者 可 博 識 不

#### 别字

闕

疑

而

妄

作

如

此

悉改爲 作,其中多近 而誤爲 字也,今人謂之「白字」, 用之字;「别字」者,本當爲 [沈氏曰]崇禎十一年,用閣臣言,以 「察」。 「察」義,蓋亦「近鄙別字」之類 後漢書·儒 而今人乃復用「査」。 鄙 别字。」「近 林 傳 》: 「讖 乃一 「査」字 此字,而誤 鄙 「査」字 也 别」音之 一者, 書非 本 係古「槎」字、 無 猶 聖人 今俗 爲 轉。 所 彼

今從 丹。 類 出 紹 也 於 原 興 Ш 寫 凡 〔汝成 爾 本 東 年 萬 雅 玄默 (案)此 曆 , , (原: 刻《 以 歲 金 條 來 注〕八 諸 壯 石 所 本 録 月 刻 並 月 朔  $\approx$ 誤隸 之書,多「牡 爲 \_, 不 於 壯 「张参五經文字」 李 知 易 而 安《 出 改 丹 爲 月 後 之 序 後 牡 之

## 三朝要典

其 惟 歲 宫 日 郎 藏 章 變亂 久 禍 正 觀 中 必 疏 心 司 事 書 宋 致 馬 案 典 攷言 舍 史 相 光等姧惡 淪 刑 牘 人,同 去 失。 蹇序 散 改廢法 八 實 在 年 狀 願 修 辰 有 之 悉討 明明 彰 或 度, 傳 司, 閒 著。 史。 其 **\***: 姧 若 訕 罪罰 蓋 然 臣 不 讀 疏 紹 己 所言 彙 踪 宗 言 : 聖 以以 不 輯 迹 廟 中 可 告 深 所 而 睥 朝 爲 行 存 究 秘 中 睨 廷 起 選 之, 質。 包 前 居 兩

> 之禍 典》,正 世大 官 編 戒。』遂命序辰 類 無 用 序辰之法 得 爲 免者。」 帙, 置 及 天 之二 徐 啓 鐸 中 府 編 纂 類 以 輯 由 示 天 是 朝 搢 下 要 紳 後

形矣。 其信 也。 非 以 者 曰 存 之,則後之君子 奏之文, 去其是者。 其是者 勝 而 0 之。 此 門户之人,其立言之指, 史 其 篡 褊 或 也。 互有 意 修 論 心之輩 且 去 别 || 實 之所 其非 如 崇 有 是非 於是言者之情 ^ 禎 録 如 所 要 以 者,於彼之黨 謬 帝 典》一 執 爲, 未 之法, 加 批 鏡 作 平 繼 筆 講 以 史者 此 書,其 削, 而 惟 官 炤 之爲 百 隱,而 各有 在 於 李 物 兩 世 據 此之黨 明 言 之下 收 書 則 無 事 所 睿 未 而 者 單 存 所 直 借, 之 難 猶 必 辭 其 兆 並立 盡 平 是 得 非 其 存 章 則

<sup>●「</sup>崇禎」,據《校記》,鈔本作「先」。

繩 則 者,今并 勝之會,言人人殊,又有不明白言之, Ŧi. 史闕文》簡端云:「章奏大半皆門户之言 1月事 爲移宫,是年是月 是非 乎 ! 也 存之, 互見。」大哉王言,其 楊氏 爲紅 異 日 日 丸,泰昌 〕《要典》者,一 - 芟削 初 Ŧi. 事。 存其本 元 〔沈氏〕 业 年. 即 論 意 四 挺擊 曰〕亭林 而 萬 + 而 刊 八 世 ,萬 含 其 愐 年 作 糊 借 辛 嘗 曆 九 枝 史之準 詞 西 書 四 月 一三年 葉 可 初 小 朔 其 當 也 紙 事 詞 貞 粘

#### 密 疏

史闕文

訓即

割

補

兩

朝從信

史 或 官啓事 因 奏 : 據,或奏請 取 書 有懲責。 舍存於堂案,或 所 「宰臣 唐武宗會昌 載奏議,罔 自 及公 有記 允 在 恢,必 藩 卿 注。 鎮 元年十二 不 論 見 上 由 與奪形 并 事 表, 襃 此。 , 行 須 稱 必 昭 與不 於詔 月, 近見《實録》多 有 然 或 批 在 所 行 中 敕。 答; 人 論 書 須 耳目 乖 前 門下 有 居要 代 明

> 之志 而 於 遺 其 見 天啓以 曆 不 奏,并須 自 載 於李德裕之私心,然其言不 嚴 唐 議 人 末 載 其 密 大臣之子追改其父之疏 時。 於後 者 斥之也。 年,章疏 不行, 褒貶之言 疏 來, 讒 ,欲使蓋棺之後,重爲 ,言不彰於朝 如 朝廷 未足 故志之於書,俾作史之君子詳 人, 侈先見於前 此 則 共知者 慝 爲信。 一切 理必 弘多,啧言 留 可 1,方得 必信。」從之。 聽 今後 中, 法, 事 事 抄 草, 人皆向 紀述、密 不 ,其爲 彌 爲 實 傳 奮 顯 甚。 而 無 但 録 於當 筆之文, 刻之以 理 公, 誣 罔, 憑 予嘗 所 此 疏 閣 時 愛 并 載 自 雖 甚 逭 欺 親 萬 出 得

#### 貼 黄

章奏之冗濫 至 萬曆、天啓 之間 而 極

幅,貼 封,日 沿至今。」 弗竟也。」可爲立言之法矣。』報聞。」〔趙氏 不 枝 至 及 文之論曰: 本末,艱深要渺之句,隱 下 責 妨 之所由起 注〕崇禎元年三月。 之後,頗亦 省覽之勤,批答之速,近朝 明 -之耳 督撫題刑名本,例 成政 廣 癸亥,禮科給 過 蔓之辭。 宗禎中 肆 于本 不下數萬言。 白 疏 府舉 自 · 而 字,黏 按唐本有貼黄之制、 更 而 後, 所 輔 約 「諫草毋太文,文,上弗 而 也。 (願 臣 略 薦 行之,至于 厭之,命内 事中 崇禎帝英年御宇,●厲精 李國楷奏仿古 與 ıĿ. 數十人,累二三千言不 以 同 有 〔沈氏曰〕《熹宗實録》:「天啓 附 便 官諸 嘗考宋時封 有貼黄,以篇幅繁多,節 數言,省覽甚易 Ė 牘 即 觀 志道言: 語猜謎之習,悉行禁绝。 覽 令本官自 臣 尾,以便省覽。 臣等所以 也。 約, 乃詔 閣 人撮黄之法,以定此 王敬哉《冬夜箋記 今日 事,有貼 疏單 爲 省 敕所用。 愛陛下之精 貼 未 納 也; 撮 時 題 約 事多故 黄之式。 有 黄之例,敷 疏 毋 殊 事,一 日」今刑 便。 宋奏劄意有 其 太多,多,上 中大要, 此 、略別 乃 神, 止 圖 元年三 中 先 事 皇 貼 數 》謂 治 爲 部 陳 臣 直 作 Ŀ 外 「原 黄 月 皆 遂 本 韓 陳 陛 宜 不 實

> 異。 之,或 黄紙, 唐異。 未盡 何  $\overline{Z}$ 于後,是宋貼黄主于詳,今貼黄主于簡 語 「審刑奏案、貼黄上更加 且今奏疏用白 別以 抑知今之貼黄,正 附于正 然宋制 疏後至十數條。 黄紙貼于後,亦謂之貼 文之後。 貼 黄乃 紙 ,貼黄 奏 宋之撮 如 劄 今貼黄 司 所 亦 撮白。」王阮亭謂 馬 不 用 白 温 能 則 白 耳 黄。 公、 盡 紙。 但 者 摘 蘇 ,今之貼黄,又與宋 是宋之貼 按江 取 東 别 奏中緊 坡 開 鄰 不 諸 條 知 幾 件 黄 集 要 《雜志 撮 一, 皆 白 語 書 爲 貼 有 以 與

皆白 謂 略 書 書 有 於後 舉 用 所 之『引黄』。」 事 紙 黄 更改,以紙 宋 有 紙 葉夢得《石林燕語 乃 與 則 意 謂 日 貼 所 之 月 未 者 貼 貼之,謂之『貼黄」。 道 盡 亦黄紙也。 黄,蓋失之矣。 里 , 揭 見 於前及封皮者,又 其要處,以 W E 今奏狀 唐制 其 黄 表 劄 蓋 降 紙 章 别 敕 子 敕

「崇禎」,據《校記》,鈔本作「先」。

0

稍

即 觀 唐 以 非 院 實 明 隨 用 有 政 防  $\Box$ 史職 []《神 修撰 古者左 致 有 **\$** 仗 權 事 太 司 中 调 累 所 宗 便 惟 ,稱爲 起居郎 失 ,多妄論奏,恐史官 宗 古之人君, 朝 罷 議 每 史記 實録 奏辭 廢。 出 通 而 以 修、 日 不 來 曉古典,尤重 示 檢討 畢 但 事 朝 見二 一人執簡記録。 史 右 國 後 自 「萬曆 得備 備 退後,太宗與宰臣參議 文 初設 等官 職 史記言之制。  $\pm$ 左 闕 名 事 起居 一史記 聞機務 略 三年二月 及高宗 更定之後 蓋以記 記 注官,日 即 其 注 其 事 如 載事 直 後 因 丙 事。 之 迨 邇 朝 申,大學士 遂 書 許 後定官 右 者 職 重,故 侍 會 爲故事。」「沈氏 由 失 纂 其 史記 敬 左右, 蘇 朝 是貞觀注 修 ·宗、李 其 端 短 夕 冕言: 設 制 世 言, · 遂 來 記 拱 紀 張 官 乃 宗 録 居 注 加 政 尚 無 及 設 奏 義 所 詳, 言 之 IE. 皇 矣。 翰 事 規 貞 動 申 甫 以 原 林

> 者,即 《實録 直,一 者, 收藏處所,一 或 廢 加 遺 删 而 (), 臣 記注言 欲 有 潤 不 而 事 見 講 采録,又恐失真。 聞 櫽 等 之所 動, 聖之嘉謨嘉猷 括 祇 無 謄 事 成 憑 致也。』云云。」一分管責 録掌管, 總 編 纂輯章奏,一 增 裁,凡 至 于 與 所 ",實多 仗 補 大稗 是 編 修記 前 以 輯, 紀 所 官 柱 啉 録 不 下 注 朝 未 野 體 之語 凡 過 備 之大經大 史之書 例,一 總 九 凡 成 集 章 皆 開 諸 由 海 疏 法 司 設 史 所 内 史 章 館 臣 臣 雖 所 不 奏, 局 侍 及 图

職 敢 傳

爲《 四 若 昌 曰 下 預 左 時 奏不 事 ·所言 右 聞 不 左 政記 時 宣 史 丞同 直 政 舊 日 前 自 璹 惟 軍 進 唐 記 皆當 史不 宰 以 或 得 鳳 自 書 》, 每 爲 相 對 政 閣 璹 當,二日 • 時 要, 鸞 仗 始 史官 姚 史 帝 月 職 臺 也。」「沈氏 承旨,仗下後,謀議皆不 璹 宰 Ė 封 廢 平 立. 傳 無 謨 壞之尤甚 相 送 非 章 從 訓 其 史 事 得書。 不 地 人專 長 日 館 = 者 Ĭ. 自 可 壽 日 永徽 梅溪 知 遂 宰 進 前 乃 譔 年 無紀 《起 殿 相 論 表 不 以 録 居 左右 之 請 遷 立 注 述, 後 譔 號 仗 Ý. 四 史

755

六九九

日

知

録

集釋卷十

七00

悊皇 十四四 卷; 者柱下 帝寶訓》十卷、《實録》百九十七卷,《世宗肅皇 宗敬皇帝寶訓》十卷、實録》二百二十四卷、《武宗毅皇 九十六卷、光宗貞皇帝 嘉悦,命奉安御 卷、實録》十卷;《宣宗章皇帝寶訓》十二卷、實録 帝寶訓》十五卷,《實録》百三十卷,《仁宗昭皇帝寶訓》六 高皇帝寶訓》十五 辰,大學士趙志皋等恭進累朝《寶訓 自 實録》七十卷。 梁 《憲宗純皇帝寶訓》十卷、實録》二百九十三卷,《孝 卷;《英宗睿皇帝寶訓》十二卷;《實録》三百六十 帝實録》八十七卷 卷、實録》五百六十六卷、《穆宗莊皇帝寶訓》八卷 宰 周 相可 翰 史之意乎! 李 以容私,史官近於 宗 前, 諤 通共二千二百四十五卷,裝爲百 卷、《實録》二百 恭備 始 (沈氏 「楊 寶 詳 訓 覽。 又 氏 曰 〕 萬 日」《 四 、失職。 《神宗顯皇帝實録 卷、《 五十 時 曆二十六年 》及《實録》。 實録》八卷; 惟 政 七卷;《成 記》之法 太宗之法,其 帝寶訓》 套。 祖 八 亦 《太 《熹宗 <u>₩</u> 置 月 未 文 Ŀ 皇 祖 百 丙 古 爲

# 四書五經大全

自朱子作《大學中庸章句》《或問》、

生。 書通 明 號道川 軒先生。 官,而諸書皆 氏〔原注〕櫟,字壽翁,號定字 號勉齋先 永樂中 秀,字希元,號西山先生。 於朱子《章句》之下, 四 几 四書附録 論 》,胡氏 書,祝氏[原注]珠,字宗道。 書集成》。  $\Rightarrow$ 語 》,而定宇之門人倪 四 先生。 輯 孟子集注》之後,黄氏「原 生。 命儒  $\wedge$ 書纂疏》,吴氏 釋》。 四 [原注]炳文,字仲 書 有《 合二 臣 廢 集 昔之論者病其 「原 後有蔡氏 論 纂 疏》,趙 書 注 語 修 一有 爲 ~ 名曰《集義》,止《大學》 通 則始 几 汪 釋》, 「原 虎,號 氏 克寬序,至 , 氏 先生。 書大全》,頒之學 〔原注〕模,字仲覺,號覺 注 原 頗 乃仿而足之,爲 自 [原注]士 派雲峰 真 耐 注 有 真氏、「原注 泛溢、於是 子,號 采《 作 先生。 順 注 删 īE. 孫 ^ 榦, 毅,字仲 語 正 丙戌 克 四 號 齋先 字 作《 録 格 書 名 直 **>** 庵 : ] 德 弘 自 發 四 陳 生. 附 卿  $\Box$ 先

喪, 氏 其 秋 行 問 誤 氏 今并有之。 語 所 全 原 此 盛 改 劉 影  $\vec{z}$ 等 大全 0 中 注 ൬ 刻 色 出 特 云「元帝不 夫子 原 大義 賈 瑾《 字 序 則 捐之之言 大學 愚 捐 家 四 1 >,則 学中 德 注》《大學 賢 詩 之對 没 已乖 語 按」二字爲 書 輔, 有 而 者 條 ᆐ 亦 傳 中 通 隱 微言 行 矣。』《 改 隱 增 元 後 全 有 而 通 謂 微, 帝 庸 居不 序 義 其 此 删 襲 已 既 文帝 語 绝,七十子 釋 》, 則 或 輯 佞 中 格 元 不 中 仕 句 釋 問 其 臣 致 》「原 知古書,又不辨 不 輯 失其 汪 人 引 愚 以十年之功 用 章 釋 聽後宮 詳 詩 汪 大全 則 永 事 或問》: 按 影 本 終而 注 氏 漢 其 經 一克寬《 則 全不 樂 〕此 矣。 書 日 漢 簡 幸臣 諍 大 則 中 大義乖」; \_, 及 書 命中 書 劉 臣 全 去 字 異, 與 是 所 之請 或 爲 ~ 歆 胡 杜 其 語 **>** 爲 庸 亦 纂《 此 胡 П 移 則 氣。 傳 所 多 添 傳 而 不 書。 爾 傳 引 又《孔 文 太 而 九 待 安 全 不 廬 纂 閒 川 篡 日 劉 至《 《大全 文 巡 七 成 襲 陵 但 疏 書 有 如 書 疏 歆 帝 夫 章 子 + 春 劉 元 李 改 書 着 倪 舛 大 不 後 或 家 子

宫

但

 $\exists$ 

則

呼 上 行,一 非 廷 緒 成 秩 大 不 氏 而 所 下 骨 全》,頒餐錢 大 更之,亦 日 經 下 可 而 相蒙, 前 鯁之臣 學之 時人士 費 誑 僅 以 人 於國家 其 章 士: 取 也 難 廢 子  $\equiv$ 以 己 已空 乎 盡 代 經 饕 成 當 唐、宋 實 其 棄 者 給 後 教 之書 禄 H 自 於 爲 宋、元以 不 筆 學之功 人 儒 利 力矣 此 建文之代, 知 札, 書成 之時 皆 , 臣 始 抄 凡 而 不 奉 幾。 謄 答 後 莫 有 來 出 見 之 之 是 舊 所 之日 修 百 將 過 君 問 傳 事 ^ 書 而 世 謂 川 子 之實學, 也 乎 制 上 儒 賜 此 亦 書 ? 欲 義 欺 林 書 未 金 Ŧi. 掃 鳴 贵 之 遷 朝 既 經 必 初

#### 書 傳 選

宋 儒 洪 蔡 武 氏 + 書 七 傳 年 四 月 上 丙 以 戌 蔡 氏 詔 徵 書 儒 傳 臣 日 定

正

書成 等 徵 説 從。 正相 論。 謂「 違 今按 之,又采諸家之説 月 有 成王之七 惟周 西 總 天 天 與 五. 當 伯 祖 然所采既 此 賜 下 而 其 番 星 原 葉 È 公誕保 戡 庚 儒 氏。 金氏 注〕又 右 書 陽 運 事 涇 名《 黎 繹 若 臣 鄒 行 屬 年,(原 轉 > 謂 謂 博 陳 渭 如 書傳 于 定 季 與 凡 ", 氏 文武 周 汭 《禹 堯 高 正之,命 友 朱子《詩 櫟 是 蔡氏 」, 主 原 或失當, 典》 當 謂 貢 注 宗之 會 所 武 受命 注 作「君」。 ŦL 古 足 張 選 論 王、原 謂 傳得 傳 陳 厥 氏 其  $\widetilde{\mathbb{Y}}$ 者 間 如 廟」, 賦 氏祥 水 傳 治 惟 翰 天 未 金金 貞 命 亦 北 陳 獄 《多方》「不 者存 林  $\forall$ 七 道。 左 備 注〕金氏 禮 縢 不  $\Box$ 氏 有 厂原 主 年, 院 以 汭。 》同 櫟。 旋 未 部 同 附 蘇 ^ 學士劉 注 之,失者 高 安者, 九 罪 氏 頒 《太甲 公居 皆 日 及 謂 ·克開 軾 爲 金 宗 月癸丑 行 《洛 月五 其 麗 謂 不 唐 氏 東 彤 天 于 賦 易 公輔 遂 他 履 下。 謂 自 誥 皆 民 與 日 吾 祥 之 星 正 注 之 周  $\mathbf{H}$ 孔 П

> 并音 所 自 E 古 體、字義辯之 每 氏以爲東征 降 誅 股 至 至 元 永樂中《大全》作 著 傳之下繫以 有 永 幼 以 〕此等乃全襲取鄒季友《音釋》,非三 書名目 之一會矣。 而 行 樂 來 明 釋 之 臣 而 爲 之 諸 中 古 亦 書 務 節 非是,至《 初 變。 學 修 本 儒 不 雖 必 之 棄,《 年 之學 存 不 俑 具 尚 甚 經文及傳 規 及 矣。 矣。 洪 出 經 詳。 書大全》, 洛 模 先儒 武、永樂之閒,亦 大 處, 亭林 紨 誥 非 猶 全》 愚嘗 X 其 义取 兼 由 在 乃 材 傳 出 而 亦 八 亦 謂 音 東征之説,自 而 於 爲 不 攷 中 尚 股 而 自 其 所 釋,於字 斯 惟 吾 用 發 證 經 有 欺乎? 宋之末 爲 爲 輩 典 古 説 删 功 身之人,故 所 盛 此 於後 故 爲,蓋 去 人 世 書者 音、字 姓 相 異 蓋 道 造 自 牴 已爲 沈氏 説 皆 牾 以 升 族

内 典

者,莊 《書》,以爲此 佛氏 不 而 有 時,而外義者,告子也,外天下、外物、 心 外」,「原注〕《樂記》。 身在出 在《詩》、《書》、《禮》、《易》、《春秋》,其 弟、忠、信,其職 於内之説。 以 教化、刑罰。 不死,人于 古之聖人所以教人之説,其 乎世人之慕嚮者。 處、去就、交際,其施之天 中國,其所言清浄慈悲之説,適 清浄自在之説 先王所 於是高 自老、莊之學行於戰 在 雖其「和 涅 亦有體用之分,然并 灑 梨, 点埽、 以 治天下之糟粕。 明 則 應對、進 順 之士 楊氏之「爲我 而 六朝諸君子 積 極之,以至 中 厭 而 退, 行 薄 下 英 在孝、 ^ 外 或 其文 在 用之 無 華 詩 干 從 之 政 牛 用 發 而

以

以

坦

當報其 衆 崇奉釋氏 此 將 進準宣 内典字見《册 也 氏曰 》 晉書 盛,❶後之學者遂謂其 下之言,不歸 、汝成案〕自「由清浄」起至此,從沈氏校本增。 一之與 此 百數 生 自 内 獲 由 「緇流、 釋 事。 一索《内 譏 沙 ,糜費巨億而不吝也。 超 慈悲 門姓 于世。 ,謝萬譏之云: 而 **技艺** 後 · 何 主語,豈得士人亦云爾乎?❷ 外吾 典 府 經經 一法師 利物之説而極之,以至于普 目 元龜》引 于 充傳 年,師 楊 録 海 時郗愔及弟曇奉天師 甚厚,每共 儒 則 》十二卷。」推其 則 忽來云:「貧道已死 乎? 『二郗諂于道,二何 「性好釋典,崇修佛寺,供 唐 歸 墨 墨,而 會要》: 親友至于貧乏,無 書爲「内 氏之「兼愛」也 論 夫 幽 内 開 佛 明 報 釋 立言之旨,不 氏 成二年二月,王彦 應,便要 道 典」。「 罪. 而 乃 佞于佛。』」王 前 外吾 兼之矣。 福 其傳寖 充 皆不 所 先死 與 給 施 原 弟 沙門 注 遺 天 度 淮 錢

日

知

録集釋卷十八

<sup>0</sup> 其 (傳寢盛」,據《校記》,鈔 本無此 四字。

<sup>0</sup> 徒先王之所必誅而不以聽者矣」。 此自」至「爾乎」,據《校記》,鈔本作 此 左道 惑衆之

之孫 從。 殷仲 説 怪 道 助 義 惟 Ŧi. 載 迁 子 斗 當 賊 珣 堪 米道,凝之彌篤。 如 方人靖 勤 其 超 于周 自 、珉 此 少 修 (拜揚 奉佛。 破 奉 道 矣。」 此 以 天 室 德 州 晉 法護 請 師 以 刺 既不 杜 之所 及 禱, 升 道 史 子恭 桓 濟 僧 設 玄來 出 以 又 過 神 彌爲小字,珣又捨宅爲 世 孫恩之攻會 備 語 精 胡 日 明 傳 攻 諸 人前 心 衰 遂 耳。」言訖 Ŧi. 將 猶勤 事 也 爲 斗 日 神,不吝 彈指 孫 \* Ŧ 道 恩 請 稽,寮佐請 導 吾 不見, 禱 所 云 己 江 害。 當 蘭闍 財 請 左  $\pm$ 時 坦之尋 賄 大 夷 郗 氏 ±: 寺 蘭 爲之備,不 吾 一大夫好 道 愔 # 而 闍 則 事 鬼 事 怠 而 亦 天 兵 張 行  $\pm$ 卒。 導 氏 世 師 仁 尚 相 氏

之學皆 施 心 諸 獨曾子之學專用 章《集注》載 所 身。』語 之治國 以 黄 出 具衆 氏 於聖 平天下。 意 日 尹氏 已足 鈔》云: 理 一人,其 而 矣。 딘 : 心 應 於 孔門未有專用心 萬 『曾子 後 「《論語》『曾子三省』 内,故傳 又載 事 愈 Œ. 遠 守 謝 約故 其 而 氏 之無 心者, 愈  $\exists$ 失 弊。』 動 其 於 諸子 IE. 必求 真 内 夫 欲

亦

好

佛

矣。

之説 也 不 外,自謂得不傳之學。 外人之學,非孔子之真』,遂於《論 Ш 一。」後有 · 傳。 陸 也, 褚 氏 少 諸子是外面入去,今傳於 大 用 孫 朱子,當於《 謂 心 補 『曾子之學是 於 滑 内 稽 近 傳 集 世禪 凡皆源  $\approx$ 注》中 以 裹 學之説 傳記、 面 去此 於謝 出 世 來 雜 耳 氏之説 一者,皆 了, 其 語》之 條。 説 學 七 爲 象

傳》: 外家 非。 緯 聞。」指 寧 秘 而 性 密, 傳 爲 移之釋氏矣 與天 「天道 白 故稱内。」《逸 内學, 六經 今之 ,是以六 謂 張 是習爲 讖 道 性 臶 記。 所 命 不 學 内學。」 謂 兼 聖 經 可 而 小内外。」 民傳》: 内 人所 爲 今百 爲 得 學,則 注 外 内 聞 難 學。 言 舉 也。 世 内 博 也。 鄙 之下 通 又不 學 「原 原 内 東 讖 謂 自 外圖 注》 注》《後 漢 圖 子 之文, 在 曉 讖 貢 儒 一典。」《 後 啚 之書 以 然 者 漢 漢書 讖 下, 皆 魏 書 則 也 之書, 不 歸 志 以 方 可 其 桓 其 之

管

事

得

譚

術

焉耳。 之訓 皆主 也。 章 以 勿 今舜 之之辭也, 之上,所以使之審擇 心 願』於『天禄永終』之上,又所 「危」、『微』、『精』、『一』之語 至於 本 惟 於堯 Ē, 加 所得於堯之訓 堯之命 堯 微 黄 木 堯之命舜曰:『允執厥中。』今舜 『無稽之言勿聽』以至『敬修其 命 説 惟 氏 之『永終』二 窮 舜之辭 精 也,『永終』之戒,反 H 皆 舜 而 惟 鈔 主 永 **>** 於堯之『執 終者也。 舜 解 允 戒,并其平日  $\sim$ 四 而 尚 申之以 執 語 海 能 厥 書 困 而 執 **》**人 中 此 窮,天禄 發 於『允執 中 中 命 戒 以 也。 者 説 <u>.</u> 警切之,使 禹 心 章 之之辭 所嘗用 也 也 惟 語 日 而 永 執 危 厥 蓋 終。 此 加 而 也, 中 中 力 加 此 舜 訓 詳 道 口 發

墮禪 單 其後進 者,治國平天下之本,其 之本旨。 不 子之言曰:『古之聖人 下 陷 心 不 而 心 典》所 心』爲説 〕案黄氏截講 摭 之要,而 以治之之法 之本旨遠矣。 學,舍全章本旨 至 自 於禪學而不自 :; 於永終耳 得之者,盡 『道心』二字, 載 蔡 此 曆 氏 象、 九峰 不 書 世之學者遂指 禪 命 執 當 學者 傳》 官 中一 ·, 豈 雖 以 而 平. 傳 以 蔡 亦 知 於 并 地 爲 借借 而 心 語 而 命 九 以 其 朝 傳之。』可謂 爲 言心 明 獨 直 固 以 禹 峰 是明帝 説 將 刑 者 論 似 去堯、舜、禹 一謂『即心 爲 之作《 以 則 使 典 得 此 設哉 人心、 説 乃 據 禮 理 天下與 失 知 書十六字 古 大 而 其 依 王之心,而 立 書 所 理之正 本 以 矣。 道心, 教 慮後 深得 |傳 是道」, 以 近 矣 人,未 人以 授 執 方 世 庶 即 受天 爲 甚 聖 此 中 述 如 也 艱 言 傳 傳 心 章 而 樹 食 心

761

七〇

諸

大政

傳之萬世,

孰非聖人之心之所寄哉?

聖

人之

日

知

録集釋卷十八

知 謂 尚 若 甚 及 古今皆 愐 密 而 知 微 堯、舜、 欲明聖人之道, 爲 中 心, 中」,子思之作 孟子》曰: 見,绝 當。 覺 古今天下皆聖賢; E 有 夫聖人之教,兢業 甚。」古今神聖 不 出 明 時 者,果何等之一 運 或 發 何 都 使 、禹之意 又謂 病? 道 邪 夫所惡 中 本 動 俞 義理,用 非 慧。 經 與 至 吁 心 權 者 心 合下 先 禽 咈 蓋單 良 獸 若 顯與 也 精 于 否 然 帝中 知 而 而 該 禪 耶 其 同 以 精 心 提 後 一之説 心, 馬者 拔 已,安有人心 切 于 爲 學 庸 如 佛 心 知 中 以 若以爲 本 危微 智 不 以 牆 即 氏 也? 執 輕 庸 微 持 亦 业壁. 是 屬 爲《 塞 愚 也 明 即 重 安 者, 危 中 心 心,又精 源 道 動 精 心 傳 荷 知 精 皆人 若以 以 是 作 度 或 之説 堯、 則 語 亦 子》引「人心 力 子 徼 道 中 則 云爲 然後 又 禁言 ·思之書 īE. 心 倖 之 不 所 舜、 爲 道 雖 謂 者,謂 擇 相 隋 所 屬 皆 于 近. 與 以 皆 有 知 心 微 明 禹 向 心,不 人 道 品 き  $\leq$ 警 在 長 亦 禪 危 心之用。 執 也 處 日 其 黄 孟 心 惕 短 而 精 學 粗 斷 試 下手 之 之危 與 提 以 專 氏 執 子 || 日: 知果 中」之旨 則 不 詰 孔 即 之? 要 灑 事 所 物 撕 如 則 П 所 子 闢 皆然, 要 于 明 然 心 意 今爲 道 告 功 有 謂 斷 謂 之「時 執 于 是 證 心 孔 夫 子 猶 其 當 天 不 心 中, 心 道 也 悟 執 之 K 至 引 之 學. 口 斷 于 心 論 子

則

不可

愚

按,

心

不

待

傳

也,

流

行

天

地

閒

貫

人文理 墜,此 于仁 仁也。 説 在 危 政 政 中 精 與 萬 使人心皆仁而 心,「 自 謂 言 人 八陽明 精 微 在 也 以 語 精 心 在 以 探其本始言之, 此 此 執 切人之心皆全于 也。』是人 擇而守之,以執 然則 欲使同 所謂 陷 爲 則 一端之 執中 密 惟 處。 處。 中 本 闢 賴 溺 察 耳 夫人心本仁, 聖 陸、王 心 傳 有 其 之學。 幾 程、 初 人之道 備 良 心 此 歸 心 精 無 心 心 、朱所喫 几 于 知」,大 者 74 之士、欲 懋 以 不 心 欲,古今聖 亡 德, 也。 言 即 學 修 執 可 夫 其 之教。 日 所 侕 中, 之 性 則 中 有 亡 緊 陷 指 己。 以 略 嘗 知 而 儒 善 可 밂 審 爲 而 爲 異 則 亦 易 溺 試 録 又推以 之旨 節 然固 欲 善 人講 無 欲 歷 墮 而 于 所 皆 論之,以 以 人 引 惡 欲 心。 代帝 失之者 禪 救 所 爲學與 爲 爲 是 于人欲之危,是 邪 不 也 切 學 所 以 道 六 誤 黄 盡 爲教于天下萬世 此 正**,** 全 能人人皆自覺 發 謂 經 者 差 Ŧ 認 精 心 故 E 爲 明 語 道 兢兢守 教,又何 道 微 失 禪家 又 日 即 孔 Ħ. 邊 更 作 心 心 在 分 鈔 嘗 罪 欲 岐 誤 也 墮 孟 日 察 别 病 但 違 以 心 即 之,不 禪之失, 不 人 疑 痛 唐 以 憂 偏 行 不 然 夫 人心 言 心 心 似 仁 聖 乎 失 全 權 政 能 悟 古 孟 于 者,亦 是 道 心 卿 有 之 爲 如 敢 以 人 其 而 不 子 學 道 心 也 事 諸 聖 時 小 失 返 言 既 本 口 此 僭 單 學 俗 下 皆於此乎判。 是 驗 人 徹 不合於理 一』之閒,而 人 書其 · 以理 於 説 國家之用, 傳 非,人之賢 古 所 今而 浸 心 事 物。 所 同 淫 印 爲 一,而 見 障 無 。』❷聖賢之學,自 歷 雖 如 相 心 不 無 否,事之得失,天下之治 賢 千 而 無 此聖人所以致察於『危微 此 傳 者 司 非 獨 者 載 有 「, 所 以 者, 至理之流行,明白洞達, 指 或 過 而 執 以 其 理 不 不 無 中之道,使無一事之 統 也 心 及之偏者 能 間 宗 티 : 者 不 一心而達之天 此 理 ,何傳之云! 襲 『不立文字, 理 具 用 於 而 也。 其語,故 吾 别 0 É 心 精 其. 而

孔 口 酌 門 傳授心法。」亦是借用釋氏之言,不 中 章 句》引程子之言曰:「此 篇 無 乃

0

謂

從 心 所 論 欲 語 不 踰 書言「心 矩」, 日 者 囘 三,曰 也 其 心 一七 月 + 而

> 違 則 夫「從心」,此即 於《孟子》。 心,而 存, 仁,曰 舍則 日 一晝之所 亡」之訓 飽 夫未學聖人之「操心」, 食 終日 爲 所 ,有牿亡之者矣。 謂 門人 「飽食終日, 無 所 未 用 之記 心。 無 而 而 所 獨 驟 語 用 見 操

聞學心; 字,六經、孔、孟 官至吏部 學 耐 心 即 唐仁卿 也 名家著,其冒 文選司郎中。 道 則 古有 也 心 原 而 丽 好 注〕名伯元,澄海人。萬曆甲 學,不 所 已 元 矣。 不道。 焉以居之者 《答人書》曰 不 解 聞 元 也。 好 今之言學者,蓋 聞 心。 古 何也? 有 不 『心學』 白自 學道 少, 戌 然 新 進 士 其 學

言

興

0

賢經 滑 偏 稽戲 者也」下,據《校記》,鈔本有「禪學原於《莊 傳 之言理者皆害己之具也。 劇、肆 無忌憚之語,懼 理之形 故」 彼 醜謬, 段 文字 而 》、《列》 凡 凡 四

此 單 遁 傳心印」下,據《校記 辭付之不可究詰云爾」,凡十八字 》, 鈔 本 有 此 蓋 不 欲 言 爲

七〇八

學者 邪 ? 非 則 外 也 其 己 能 力 意,必謂仁 能 易了,而 曰 多怪元言學 微』之旨 於心 聖 心 事 元 好 也 復禮。』又曰:『終日乾乾,行 「, 以 孳 H 學, 猶 之 以言心, 但 事 孳爲善者,心, 用 危 孔 不 也; 未 必 邪? 元 心爲學 而 在 其 解 哉 防 知 與 亦 況 前 也 復 力於仁矣乎?』又曰:『一 諸 乎 猶 執 禮 可 雖 心 乎 禮, 抑 子, 遺 其 以 雖 事 昨 與 執 乎 也 H 心 心, 防, 上 無 復 事 所 ! 也 事 日 之謂 至 辭 聖 謂 即 孰 心 亦 以 月 未 加 孳孳爲 謂之 判 也; 於 心 若 而 知 學者 心 至 能 敢 吉 邪? 外仁、外禮、 也: 執 其 不 執 焉, 爲學,是以 言 也 不 X 行 事。 不 事 敢 果仁邪? 心 利者,亦未 用 學 謂之不 夫 事 口 責 言 事也。」 别 學 子 力 子猶 行 行 叮 以 也 於 乎 人 日 也 執 不 禽 心 事之 日 學 心 學之 未 元 今 禮 爲 必 又 用 雖 口 許 未 克 有 心

> 心 也。 學,則『以禮 於心 率天下之人而禍仁義,必斯言也 時 性 故 方敢 障與 『求放 也。 心 則 以 此 !」〔原注〕衛蒿曰: 果 是。 心 心 自 能 待 信。 制 則 具 求 我 是, ൬ 心,以仁存心』之言,毋乃 性 所 今之學者, 必 求 病 而 非 乎 心 不 與 則 「從心不踰矩,孔子至七十 心 能 未 我 非 學 使 可 同 ; 與 者, 心 求 類 立 即 心 爲 ൬ 性 欲 則 心 其 也 語 非 求 果 從 爲 求 心 口 心 是

也,擇 所存 無不利」、「無思無不通」而遇之。 日 日 自不亡者,何 之矣。」故 莊 \_; \_ :「仁者心無 **∀**, 而 顧 乎中 論 自不亡,非 列》之言, 諟 語 曰 庸 天之明 **ĕ**: 得一 操則 哉 内 外、 有 者 存, 善, 命 非 遠近、 所 安仁。」《 吾 楊氏 舍 則 理 子 儒 則亡」,不 拳拳  $\Box$ 而  $\equiv$ 之 こ 上 精 自 粗之閒 學。 蔡之説,緣「不 服 集 不 巴 膺 亂 注 之爲 待 而 太 此 謝 存 弗 非 甲 失 皆 而 有 氏

好 試 注 一名 問 甲 誌 E 林 第二名 老前 閩 文 縣 恪 人。 輩 「原 方 永 時 注 游 樂 一材 事 Ī: 鄉 辰 序,爲 進 ^ 或 福 ±: 爲余言 鄉 州 弟 試、 府 子 會 志 林 員, 試 尚 皆 日 即 第 默 : 自 負 殿 原

習 則 其 才當 特 楊 舉子 文 貞、金文 冠 海 業 内 耳 士云。 , 靖二公也。 而 楊、 然攷 金二 其 學 夫 時 尚 士: 試試 皆 默 文 當 諸 章 時 生 宿 者 所

節 取 之,下以是習之, 何 哉 ? 當 是 時 譬作. 世 學 車 出 者不 於一, 出 門 上 以 而 是 知

老

蔚

爲

儒

宗,

尚

默

乃

能

必之二公,若

合

符

欲 利 滴 不 從 啻 誘 四 其 弁 後 方之合 舊 髦 生 説 矣。 一,使 則 轍 從 恐 由 也 其 或 是 學, 學 主 Œ 新 者 毁 德 説 倀 儒 末, 從 倀 先 異 然 其 説 詆 莫 新 傳 者 知 説 所 注 起 則 從 又 殆 以

> 巧; 乎 不 者 ? 忍 風 口 學 遽 勝 嗚 俗同,其 無 棄 呼 道 定 傳 哉 論 注 必 之 也 則 自『大人不 是 懷 游、 故 瑾 己 射 握 夏 不 無 瑜 不 能 定 倡游 能 範 É 鵠 工 馳 必 言 則 騙 況 欲 羿 始 m 道 於 不 不 德 能 人 遇

真, 捷 和 徑 如 士 於終 又 伐 附 日 木 其 南 者 門 近近 而 呼 者 日 其 邪 皆 講 中 許 取 學 實莫之能 之輩 然 榮 徐 名 而 彌 吅 於 省 近 之, 也 是 理 不 而 唱 渦 大 亂 徼 百

其 然 最 義 其 呼 也 蓋 子 著 端 誠 始 ! 肇 觀 明、 , 蓋 東 至 制 於宋 鄉 或 其 窮 舉 摘 由 艾 初 書 業 取 理 南 南 良 中 功 \_ 格 不 英《皇 渡之季, 令嚴密 物 始 聰 過 知』之 之説 爲 明 師 明 禪之説者 才 友 樂簡 而 説 今文待 講 辯 厞 慈湖 之徒 論 程、朱之言 而 便 士: 立 序》 楊 稍 而 誰 厭 教 氏 異 畏 與 曰 明 之書爲 先 ? 繩 : 宗 儒 弗遵 矣。 束, 敬 原 嗚 而

0

吾姑 明, 文, 以言 言 哉 者 業 又 窮 又 之學者。  $\pm$ 未 傳 況 過 始。 知 不 有 理 勿 燈 未 傳. 附 焉 性 格 猶告子曰 『生之謂 以 爲 不 緒 求  $\approx$ 嘗 今其大旨不 詳 會以援 不言 流 宗 陽 物之迂 原 隱 Ш 於 亦 以 於 矜 然 注 於 門 明 其 心 未 彼 重 人 原 心, 則 小 萬 之 姓 嘗 , 若 緒 教 注 制 曆 儒 人 . 糟 今之爲 而 而 名, 以 1 舉 Ш 初 錢 孟子》所 之 己。 去之, 人 未 粕 過 丑. 入制 德 業 説 而 墨 無 科 始 班 洪 三三耳 也 其 爲舉業 又詳 楊 之輩 此者 忌 任 肆 班 舉 猶 起 性 淺 闡 憚 其 元。 然 可 業 以言心而必原 告子 其 一而 深 Z 明 者 自 所 攷 其 誰 欲 也 徒 注 之 之而 天 相 其 嗚 른 矣。 自 此 鄙 爲 龍 日 俑 聰 去 呼 其 師 之始 異 龍 哂 谿 文 者, 中 E 之 冥 不 及 降 衡 H 於 谿 口 遠 説 庸 行 「原 其 得 自 勝 自 使 與 朱 較 之 而 注 之 爲 斯 學 ? 舉 所 於 厭 天 道 氏 其 而

> 性 廢 將 ·, 然 有 大學》所 所 矣。 論 著 以 而 言 姑 心 言 而 其 必 概 日 如 此 IF. 其 學 心 者 口 吾

返

聖 之言,陰 無 題見下。 是 世 所 隆 而 慶戊 又 曰: 底 士子 是年 啃 自 詆 辰 興 舉 程、朱。」 主 化、 科 考 嘉 論 業 試 李春 語 尚 靖 華 文字 中, 程 謹 亭 芳 興 義 守 兩 姚 大 程 化 執 首 江 半 縣 政 開 朱 人。 之 剽 宗 尊 書 竊 無 此 王 門 雖 王 敢 後 E 氏 盛 以 原 浸 學 禪 行 注 於 於 竄 破

於伯 篇 可變體 日 使 羅 文字,破題 果 文毅 其 E安矣。 有 坊 破 剙 刻 此 中 爲 題 中 文, 成 輕 或二句 日 況前 佻 有 化 則 之格。 僞 良 良 或 人 一年進 作 三句 知 作 知 孔 羅 之説 者 破 子,聖 倫 士 必 亦 , 當 盡 廓 致 始 無 一之時 題 於學者 知 於 時 意 此 者 彝正 在 士 體 嘉 也 格 無 靖 也 原 , 不 八 異 物 程 年, 學, 文 始 按 破 È

云:「聖人者,立大中者也。」試録一出,士論譁然。 以

其

爲

先朝

名臣

而

借之耳

## 破題用莊子

子》曰 子》曰: 者,仙也,化也。 化者得變,是物各反其真 鬼,歸也,歸其真宅。」《漢書‧楊王孫傳》曰: 師 久」亦是此意。《黄庭經》曰: 曰:『真者,精誠之至也。』」「原注〕《荀子》「真積力 父》篇:「孔子愀然曰:『敢問 「真,僊人變形登天也。」徐氏《繫傳》曰:「真 死者,終生之化,而物之歸者也。歸者得至, 》篇曰:「而已反其真,而 Ŧi. 經無「真」字,始見於老、莊之書。 「其中有精,其 「精神離形,各歸其真,故謂之鬼。 从匕,匕即化也。反人爲亡, 「積精累氣以爲真。」《大宗 精甚真。」《莊子 我猶爲人猗。《列 也。」《説文》曰: 何謂真?』客 漁 老

从目从し,八,其所乘也。」〔原注〕人老則近於死,故 宗」,玄武七宿改爲「真武」,玄冥改爲「真冥」, 假亦非。 之。」假王猶假君、假相國,唐人謂之借職是也。 《左傳》襄十八年:「使乘車者左實右僞,以斾先興,曳柴而從 異其指矣。〔原注〕今謂真,古曰實。 真秦之聲也。」韓信請爲假王,高帝曰:「大丈 擊甕叩缻,彈筝搏髀,而歌 傳,乃遂與「假」爲對。 四子之書謂之「真經」,皆本乎此也。後世 稱朕。魏太武改元太平真君; 而唐玄宗詔 之名。秦始皇曰:「吾慕真人。」自謂真人,不 寄,以死爲歸,於是有「真人」、「真君」、「真宰 之主,事姦僞之人。」而與老、莊之言「真」亦微 垣曰真定。竇融上光武書曰:「豈可背真舊 夫定諸侯,即爲真王耳,何以假爲!] 又更東 老」字从匕。既死則反其真,故「真」字亦从匕。 宋諱「玄」,以「真」代之,故廟號曰「真 李斯《上秦王書》:「夫 呼嗚嗚快耳 今謂假,古曰 今人之所謂 以 目者 生爲 僞 相

《莊子》之言人之文字。 記》謂:「「無極之真,二五之精,妙合而凝。」太極 真」者,吾又何責乎今之人哉! 聲,非十年不近樂器未可得而绝也。 字,摇筆輒來,正如康崑崙所受鄰舍女巫之邪 禁,而士大夫皆幼讀時文,習染已久,不經之 御河之水變爲赤血矣。 學,首題《論語》「子曰由誨汝知之乎」一節,其 《太真》,則猶未離其本也。 行,非二物也,不當言『合』。」又言:「《通書》未嘗一語及『無 周元公道學之宗,而其爲書猶有所謂 所用,無非釋老之書。 知。《《列子·仲尼》篇:「無樂無知,是真樂真知。」始明以 程文破云:「聖人教賢者以真知,在不昧其心 玄枵改爲「真枵」。 而已。」〔原注〕《莊子·大宗師》篇:「且有真 主攷者厭五經而喜《老》、《莊》,黜舊聞而崇新 《崇文總目》謂《太玄經》爲 彗星埽北斗、文昌,而 崇禎時,始申舊日之 自此五十年間,舉業 隆慶二年會試,爲 〔原注〕 人而後有真 雖然,以 與 羅 「無極之 陰 氏《困 陽、 Ŧi. 知

極。」

子》之「真知」。 今之學者明用《孟子》之「良 教敬,因親以教愛,則 也。」下文明指是愛親 《孟子》言:「所不慮而 必待學 敬長。 知者,其 知」,暗用《莊 前 若夫因 知之者矣。 良 嚴 知 以

## 科場禁約

獨尊孔氏之旨。自 言:「頃者皇上納都給事中張問達之言,正 以 理》諸書 士 正 李贄惑世誣民之罪,盡焚其 宋儒 闢邪,甚盛舉 自 萬曆三十年三月,禮 Ŧi. 所訂者爲 而外,不列於學官,而 經、四書、二十一 也。 準。 人文向盛,士習寖漓 臣 此 竊 即古人罷 惟 史、《 部尚 或 所著書,其崇 經書 家 通 書馮 以 鑑 黜 傳 經 **×**,≪ 百家、 琦 注又 術 性 取

科 式 莽。 燒 文 性 矩 緇 以 非 以 新 始 無。字 董 月,增 試 之。 又 墨 略 實 毁 立 爲 奇 而 以 掃 伏 多 卷 臣 不 贅 爲 程 幟 相 修 厭 乞天 滅 請 者 新 生 疣 空,以空爲 、朱,惟 引 成 近 薄 四 者 今且 附 是 員 奇 ; 坊 書 章 强 平 者 用 朏 非 不 語 以 義 不 有 閒 常 百 佛 竄 革 廉 尊 許 申 世 放言 有 E 引 於 書 南 人 二氏 稍 恥 無 幫 道 飭 切 用 禪 華、 聖 實 漸 原 爲 趨 補 潰 高 去 佛 新 旬 教 斷 言 注〕二十八 廣 趨 纖 以 無 西 於 論 書 説 以名 者  $\equiv$ 在 住 靡 大。 操 詭 竺之語 狂 爲 曲 語 取 必 句 ; 戈。 出 僻 勒 瀾 句 神 議 道 聖 教 纖 行 以 世 取 年 停 者, 奇 爲 住 既 經 靡 E **令** 經 ·, 禮 佛 背 始 是宗 世 桎 爲 不 有 自 降 廩 學 以 地 書 猶 棄 科 科 梏 語 E 踳 古 幾 摘 朏 生 方 言 蕩 孔 附 空 是 駮, 罰 湖 有 不 停 官 爲 心 軼 以 諸 漸 停 廣 競 孟 字 許 仙 中 廩 雜 榛 論 規 紀 鶩 Ŧi. 駆

來 覽 外。 又其 之内 尚 行 非 子 知 主 又 氏 分 餘 實 佛 久矣。 者 檢, 其 ",以自 卿 毁 所 執 詣 之 明 宋儒 等 後 仙 屆 中 後 自 世 其 原 任 復 經 「原 注 則 佛 奏, 南 建 極 其 蓋 安 取 聖 則 原 尊 注 自 極 如 宋 上 解 深 漸 士; 其 學 得 取 亦 李 釋 西 是 如 以  $\Box$ 官自. 至 羣 名 贄之徒。 於 釋 必 節 陳 與 晉 氏之名 異 表 來 白 詆 利 工. 氏 世 不 或 義 以 術 章 沙、 便。」「沈氏日 譏 祖 之 於吾 之精 教 明 家 忠 來,於吾道 宋 £ 孔 德 宗 跡 宜 有 無 孝 汝 法 陽明。 儒 世 子 口 者 維 在 裨 成 道 蕴 益 之 運 案 而 乎 風 之 世 Ш 掃 士 近 口 而 何 必 汝 從 顯 ! 中 》,神宗實録 林 立 滅 世 爲 開 日 沈 成 之外 陰 出 況 不 自 獨 教 案 夫 是 運 校 學 列 朝 附 襲 於 修 之 補 分 道、 非 從 者 别 尊 條 廷. 吾 於 咳 沈 流 兩 尚 爲一 美 有 款 蕩 不 非 道 吾 術 用 唾 即 校 岐 補 奏 棄 但 FL 未 聖 之 道 之 之 能 好 1

護惜 必棄不取,甚者參罰。 有離經畔 知其非,以 非獨士習之陋,亦 三十四年十二月,詔諭禮臣 於末 而 云,而 舊染既深,不能盡滌。 年 士子科名爲陰德,亦 馮 年三月 ·, 詭 疏一 注,穿鑿揣摩,及摭拾佛書、俗書 此取士,士安得不靡然從之? 僻 語不載,何 己  $\mathbf{H}$ 由閱卷官自 彌 下 甚。 書 仍刊布諭旨,豫使聞 也? 云 [沈氏日]《神宗實 曰:「文體敝壞,至今日 納 由 禮 自此 此 部 又在 不 軌 尚 而進,相 甚 稍 書 摘 位之人多 爲 馮 今後房考官見 、隱諱怪 知。 琦之言 發也。 釐 師 録 正。 相 誕 尚,莫 而 萬 詔 極 以 然 至 云

傳 莒」,注曰:「莒,《詩》作『旅』,衆也 曆家一日十二時之時, 民用章」上文「歲月 文王 不失其時也。」第三名襲 注 新學之興, 一怒 九年, 崇禎三年,浙 而 安天下 應天 人皆土苴 鄉 日 江 之民」,内 試 時 鄉 而 題「王 試 無 廣 六經,因 取 題「乂 易」、《傳》 冠 生 文,誤 請 有 本經,刻 大之」 用 以 而 明 謂 以 遏 不 日 徂 至 爲 爲 俊 讀 密 :

> 人 官 科不聞磨勘。 而 得之下,吾恐有竊笑者。 既是眯目 文,誤 侵阮、 以 徂、 ,禮科亦復失睛,天下之人未可盡誣,喪之上 爲 共 春秋莒人之莒,亦得中式 韶令之不行至此。 之衆 也。」第二十三名周 〔楊氏曰 部 天

# 朱子晚年定論

置 熹以 極 康,九淵 『君子小人喻義 熹會鵝 焉 而 爲切中學者隱微深 大 宋史 湖, 極 訪之。 之辩, 論 陸 辯 九淵傳》: 熹與至 利』一章,聽 所 則 學,多不合。 貽 白 書 痼之病。 鹿 初, 往 者至 洞,九 來, 九 及 淵 有泣 至 論 熹 淵 嘗 於 難 守 與 下, 無 講 南 朱 不

論》,今之學者多信之,不 王文成 「原 注 **宣守仁**。 所 · 知 當 輯《 時 朱 羅 子 文 晚 莊 年 原 定

字

所

指

説

差

誤

而

序

所

取《

説

竊

至

於《

有

别 中 取 年 於 者 向 數 真 朱 答 集 恐 Ţ 又變『定』字爲『舊』字, 子 淳 裹者 + 於 黄 無 及 攷 注 斷 然 定論 朱子 酉 斯 答 熙 卷之内 定定 直 嘗 × 晚 非 之 以 其 ·; 以 何 Z 卿 而 欠 與 指 年 何 有《答吕 本』二字,今所 所 或 **>** 未, 書 之 詳 之 年 爲 始 論 擇 間 集 者 書 編 時 爲 得 摘 克 書,監 宜. 孟  $\approx$ 注 而 四 而 朱 定 ? 於 此 有 亦 集  $\forall$ 則 蓋 立 通 東 辯 子 既  $\equiv$ 悟 注 精 ^ 論 莱》 以 以 之矣。 本 + 或 以 年 悟之餘 矣, 偶 爲 乃 其 之 止 問 餘 編 爲 方 中 攷 於 中 却 云 太 或 第 增 書,嘗 條 晚 几 未詳 問》始 得 年 其 也 此 果 不 歲 其 年定 + 此 何 其 是 也 未定之 知 而 論 以 書 有 本 及定 意 凡 向 叔 所 斷 學 前 論 成 六。 來 京 謂 其 皆 書 此 X 所 爲 皆 愚 出 所 則 書 以 他 子 疑 後 亦 + 而 天 詳 自 又 以 爲 説 資 偶 此 不 放 自

後

氏

卒

晚

年

爲

定

論

主

於

牘

見

未

注

欽

順

見,不爲 深, 某固 之説 皆 矣。 卷 然 盡 序 待 無 及 其 古 諸 绝 不 以 於 皆 世 能 也 海 者 未 有 安 沂 不明 信 爲 竊 實 邪 不 與 不 無 無 排 # 敢 相 其 而 證 合。 又 ? 以 體 張 疑 知 諸 請 牴 非 日 往 諸 以 爲 似 南 嘗 何 語 老 牾 若 而 虚 顧 新 往 Ŧi. 爲 T 蓋 益 軒 先生 故 以 不 卷 猶 讀《 語 不 自 揆 經 聖 平. 答 精 精 相 末 此 也。 已 未 獨 見 之於理 四 相 問 明 H 明 朱子 一之遺 似 足 不 灑 子 傳 所 書 的 書, 因 然又 書 也 向 深 爲 之 落 確 疑 文 語 爲 復 内 沛 來 論 執 113 提 處 而 書 集 容 洞 然 然 第 以 恍 取 事 讀 學 綱 未 中 與 凡 有 爲 然 若 若 几 竊 則 所 白 振 而 殆 發 執 其 聖 書 是 獨 無 決 以 有 驗之, 取 領 者 賢 論 其 無 事 亦 第 邪 於 復 悟 執 江 之 尤 朱 孟 無 所 自 事 口 河

日 知 集釋

七

六

子之後 見,決 以 明 者 晚年 經 溪 所 此 昭 取 其 所 调 道 集 知 之云 閒 道 謂 其 百 姑 而 理 注 以 + 後 先 真 即 所 然者 取之以證 以 發 知 與朱子 説,以 積 草 見 得 生之高 如 學 與 釋 特 成 其 非 1,安知 端 力 廬 之。 其 他 氏 庸 吟 其 推 牴 久 的 所 以 附 異矣。 人極 章 草 風 亦每言之,豪釐之差,正 四 牾 與否, 成 而 但 見 明 爲 三十 句 廬 不有豪 弄 + 之 高論 豁 果有合於吾之所 其 未 力於鑽研者不同 純 吴氏  $\approx$ 大 年 月之趣 然 所 ^ 粹, 良未 餘 合 凡 閒 隙 貫 稟,鄰 或 以以 條之後。 釐之不 而 此 哉 鑽 又 通 則 問 易知 所謂 三 十 研 ! 素 者 爲 蚤 是 亦 於 文義之效, 見之尤真, 也? 獲 執 必 又 司 容 先 生 餘 親 事 反 執 蓋 者 得 竊 别 條者 知 謂 精 求 炙 事 耳 蓋 吾 以 爲 我 有 聞 諸 於 雖 昭 在 儒 草 於 祟 心 明 六 濂 殆 於 之 之 又 以 昭 於 昭 廬 而 朱 般

之獲, 子 禮,《 是 誨 父 汸 聞 終又隨 注》 陸 弟 譜 哉 安 臼 莊 各行 静 人之辭,未嘗教人爲陸氏之學也。 書》有 》、《行 而 早 得 往 子》。 爲 對 書 答陸子美書 黄 有 同 來 悔 以 氏 條 彩辯 東莞陳 江 所 而 注釋,斥 日鈔》曰 蹄 晚 書 前 合 詰 狀》、《文 右 知 反 去短 異 札,逐年 古 邪? 尤切 日 叮 六 夫 追 矣」。 之鑽 之實, 「罤」字 辯 君 建 ()條其 得 其空疎 :「朱子《答陸子 咎筌蹄,以 集長」之言、 子策 作《 詰 使 魚 書 太太 研 集 通,兔胃 理 編 其 亦 忘筌,得 杜 學 文 極》、《 **≫**, 有 影 輯 譔。 家 於 合并於晚 :未明 蔀 義 此 譜 云 語 也 而 且 西 通 爲 而 而 集 爲 云如 銘 īF. 壽 爲 類 辩 原 非 不 兔 》, 至 可 豈 具 書》反 之 多 **\*** 注〕此 》,取《 能 朱 近 忘 及 鵝 載 也 日 盡 辯 而 歲, 事 子 再 世 未 與 蹄 人言者 湖 復 甚 以 特 日 耐 然, 之 其 則 朱子 答 東 論 陸 朱 矜 「原 隋 止 明 各尊 喪 其 子 論 項 Ш 可 凡 氏 魚 注 此 謙 答 祭 (原 平 七 兄 微 至 趙 年 平 兔 科 所 之 出 陸

其

于

至

制

其

養

有

朱、 象 或 實 本 精 象 辩 顧 矣。 晚 之 爲 精 然矣。]又曰: 有《朱子晚 敏 陸 政。 Ш Ш 相 專言涵 神 矯 口  $\equiv$ 義 早 而 讀 合者,與《 之説 誣 凡 半, 節 之定論, 必 異 此 書 大 者 二家早晚之實, 此 朱 有 之, 象 晚 終 交 窮 始 子、 養, 皆 契 年 同 Ш 於 焉 焉 理 修 顛 乃 之定 焉 或 誑 之 「朱子 定論》之録, 不可 若 以 是 如 并 道 著《 倒 説 專言 誤 平 冰 致 輔 盡 而 早 後 所 論 編》輔 强 炭 道 其 成 車 有 子 晚 學之深 萌 窮 此 也 矣。 之 知 同 之 近儒 朱子之定 静 芽 理 朱 以 編 相 相 則 身體 專 也 車 主 子 彌 專 或  $\pm$ 反 依 顛 既 敬 之 取 之定 務 縫 陽 分朱、 止言力 倒 中焉 故 説 程 往 力 朱子 涵 之弊, 朱、 虚 陸 明 論 篁 行 今編 矣 Œ 養 學 因之, 論 静 ٥ 陸 陸 墩 議 則 以 象 以 相 , 也 踐 舉 論 早 疑 此 立 Ш 唱 異 年 丽 原

信

司

注

言

子

則

言

異

死

必

生

以

不

和

與

遂

昭

之

適

如

以

憲

晚學小 弊。 之過 元善 之所 欲 陸 佐 》詩 自 同 甚 而 此 百 前 朱 涵 氏 移 至元之治, 而 示 書》,謂 莫 子 必不 其序 彰 豈 無 矣。」又曰: 養 易 子,不肯 東 者 知 可 本 論 者 能 其 可 因 也 不 Ш 此 笑 容 둜 欲 ,同之實 其 輩 察 牽 特 語 適 禍 爲 人之教、 者也 미 不 安 細心 説 天下 先正 章 以 也。 合欺 何 定 所 笑 攷 排 句 頗 時 文 論 以 窮理,妄引陸子静 此 行 人心風 其 ൬ ! 閩 早 魯國 直 姚 書, 於 人之弊 己。 猖 彰 趙 中 而 因 以 異 斥 氏 江 原 狂 朱、 自 許 强 日三元 東 湖 没 程、朱之説 病 俗 不 晚 附 中 注 文正,文實表章程、朱 蓋 欲 間 學, 後 Ш 之 之所繫,不 立 陸 合於 已 損 同 ? 附 按 歸 所云, 虞 乃 藥 以 逆 會 子 平 文靖 。 已 賢 欺 奈何 知 静 乃 臆 之以 也 之説 象 爲 生之未嘗 者之志, 後 有 卒後 人 至 料 非 有 蓋 人宗 而 可 道 Ш 爲 ", 此 説 以 近 其 今 《送李彦 ·, 朱 南 른 誣 同 求 自 之歎 世 後 其 乃 亦 也。 陸 而 成 子 欺 此 非 何 氏 益 會之 咸 《與 指 之學 生 誣 自 方 百 有 近 者 愚 在 邪 棄 信 陸 異 朱 專 闡 詹 仲 見 之 者 Ŧ. H

七

一八

惑乎後 但 明 護 王 教方 者 所 所 中 廷 注 有 以 素、愿中 無 心,儒者之能 郭 ? 象山 作 知 ~,甚於: 此 是 之延 編 法 安 爲 爲 ··, 而 昌 其 書於朱 善 石 傳 無 有 有 此岐途之百 爲宗,而 其 託 而好異之士已復别騖旁驅, 又是時文學修 至 上, 指 法 神 龄 全 皇 執 意 名 趙 于 以 去 沙 哉 明 政 於 陸 事 元 欲 高 無 通 門 欺 也。」按 清 愚 虞公立 晦 二家同 腻 借 爲 紀》,又不 指 瀾 時 謂 人 出 端 吏, 程 朱 也 又 有 也。 鹿 號 主 緒 明,談 近 論 文 治 子 異, 篁 日 爲 明 絳 日 以 靖 宛 如 昔裴 白 以 墩 知《通紀》乃 攷之極爲 馬 弊 此 爲 從 繼 陸 道 欺 平 攻 則 游 政 皆 講 傳 昔 則 陸 弄 孫 宣公謂 延 朱子。 吴文正之門, 藝、各 · 不 在 護 今篁墩 師 學 法 韓 後學,豈 龄 則 閩 承 精 弟 如 法 絳、呂 中,不 源 沙 而 澤 掩 所學 梁 詳 此 有 善 遠 門, 文 興 師 謂 有 神 其 丽 而 H. 畫 事 康 亦 承,洛、 能 者, 爲 末益 世 吾 也 惠 愚 有 儲之弟 惠 非 分 文 有 不 人不 無 ]。][原 Œ 不 以 于 弄 夫 陽 卿 吾 明  $\pm$ 卿 分,無 之學 , 指 閩 必 IE. 彦 子 知 明 陽 代 爲 道 朝 掩 億 之 口 方

策謂: 者,始 曰 : 多見, 但 言、 爲 性 文 士 文之書矣。 此 法 删 求 以 原 恨公多 成 觀之, 厭常 晚 在 孔 天 注 述 「公、人傑 無 以 悔 是 子 不 日 縱 文 接 知、 博 「今之學者偶 》講學耳。 之聖, 休, 多多 成 绝 喜 踵 則 則 問 進 文 與 新 無 世 也,第少 於 學 猶 聞 胡 是 學 約 風 蓋 晚 能 \_\_ 之資, 不 人 欲 端 必 多 吾 在 禮 嘉 自 年 爲 閒 敏 假 | 夫子 以 在 氣之變,已有 是。 見 靖 講 弘 定 世 晚 皆 年 生 致 學。 倡 有 而 以 寧 治、 論 年 · 學 《 早 知 知 鄉 所 如 日 王 後 其 所 端 自 試 之刻, 年 自 IE. 謂 謬 尚 易 敏答 窺 涵 新 博 悔之定 同 之 從 居 德 好 以 書 養 年。 説 文  $\pm$ 則 曰 支 之際,天 古 朱 必 而 原 真 欲 所 朱子 約 氏 鼓 離 敏 子 注 在 某 禮, 自 爲 論 盡 日 而 動 求 爲 主 世 何 謂 必 來。 陽 發 詆 也 好 貞 敢 海 支 敬 端 下 多 生 先 望 明 如 至 朱 古 敏 内 離 儒 之 發 子 舞 以 無 聞 德 效 老 而 敏 公

桀、 之學 之説 蔀 高 亂 喪 望 再 溪 羅 州 言者,盡 行 廢 龄 、〔原 談 之惡小,迷 傳 之學 天 近 紂,以 字 則 異 下,至於焚 溪 而 而 昔范武 逃之 注 傳 論 爲李卓吾、原 出 不 固 主 當 原 傳 爲 而 學 其 而 性 艮 H 注 今 Ŀ 爲 不 而 子 汝 衆之罪 之 命 則 Ħ 世 ; 龍 顧 爲 顔 論 芳。 情 之 書坑儒 借 中 楊 溪 之 者 何 Ш 王 事 鄉 氏 流 農 趙 患 弼 原 也 大。 心 矣。 以 注 貫  $\vdash$ 之 輕 大 注 隱 對 使 何 之言 砥 原 洲 盡 <u></u> 皆 Ŧ 故 而 歷 晏二 人 注 柱 木 發 畿 原 陶 出 先 蘇 王 代之 不 以 知》 矣 均 注 原 於 人之 石 儒 子 門 口 文 之 注 本 之 簣 其 人。 膽 再 高 詰 害 其 名 記 貞 發, 師 謂 罪 傳 弟 重 梁 陃 古。 , ~ 荀 李 原 泰 爲 此 深 汝 间 當 學 注 斯 自 於 兀 龍 爲 州 泰 卿 無 是

成

其

爲

厚

小

録

卷 名 姑  $\exists$ 蘇 ^ 道 志 学言 餘 録 姚 ₩, 榮 專 或 詆 「原 程 注 〕廣 孝。 原 著 注 書 實

> 司 詣

\*\*、本 一,今死 在 説 師 焚棄。」少 亡 世 者 傳 衰 後 言 矣, 少 廣 道 師 其 孝 微 師 無 著 當 友 邪 之才 以 《道 道 張 報 説 餘 德 ·不下 之, 洪 録 又 謂 作 , 但 於文 詆 風 人 之時 每 訕 俗 日 先 見《 成 同 儒 也 道 之日 爲 少 而 餘 君 師 不 子 録 能 於 而 所 鄙 文 行 輒 我

宗 乎 能 册 而 今之學者 冕、石文介珤 闕 府 、公肆 持 ! 朝 何 欲 縣 」「原 獻 澹 陰 此 故 嘉 官 所 論 靖 杖 詆 事 著 注 陳 詆 之, 者 吾 顧 書 賈 訾 燔 盡 成 謂 年 欲 朱 詆 畫 涓 焚 祖 \_ 其 會 毁 以 子 强 其 亦 涓 實 宋 試 書 所 求 之 朱、 録 岢. 而 不 儒 著 售 而 學 同 大 塞 發 書。」當 陸 F: 與? 之, 禁 其 相 終 永 策 之論 怒, 樂二 遠 斥 私 「原 岢. 爲 遣 與? H 之, 見 年 行 究 樂 注 終 江 <u></u> 一考試 在 人 鄱 其 彼 以 河 得 押 朝 禮 陽 至 之 用 不 赴 無 有 之 人 官 官 筆 饒 徑 合 心 朱 蔣 不 世 臣 舉 州 之簡 季 便 文 其 道 有 口 祖 而 會 友 定

與

之責者,可無履霜堅冰之慮。

是也 亂 氏實負王、何之責。」其在於今,則王伯安之良 王、何清談之罪甚於桀、紂,本 年之久者,古有之矣。 介甫之新説。 撥亂世反之正,豈不在於後賢乎 以 一人而 孟 子》曰:「天下之生久矣,一治 〔原注〕《宋史》: 易天下, 朝 其流 王 靖 康 夷 林之奇言:「昔 風 禍亂, 攷其端倪, 王 甫 至 之清 於 百· 談 有 人以 知 王 餘

### 李贄

爲 官 卯 不 吾 1,晚年 · 韋、李 大德》等 吏 禮 隱, 科 神宗 園 削 給 以 書, 髮, 事 實 卓 爲 智謀 中 録 文 近 流 張 君 行 又 問 爲 刻《藏 以 海 萬 達 善 李 内,惑亂 疏 曆 擇 斯 三十 書》、《焚書》、《卓 劾李贄: 『壯 佳 爲 耦 オ 人心。 年 力,以 閏 以 秦 月 始 以 馮 歲 Z 皇 爲 道

> 數 往 知 紳 枕 肆 爲千 財,强捜 子 書,所謂 同 誕 停 出 遵 浴 行 珠,以爲律戒,室懸 士大夫亦 喜其猖 而宿者,一境 不筋, 矣。 孔子家 , 勾引士人 戾,不可 古一帝,以 人婦,同 觀音者,皆士人妻女也。 近聞 狂 與 有誦 法, 放 無 不 贄 肆 良 燬。 妻女人庵講 孔 而 且. 如 於禽獸 相率: 咒念 輩 子之是非 溺 狂。 移 游 尤可 意 至 妙像, 佛 庵 於 煽惑,至於 而 通 又作《觀 · , 院, 恨 禪 不 州 者,寄 之 以 僧 教 挾 爲 法,至有 通 恤 沙 爲 膜 妓女 不 州 音問 門 拜 皈 足 居 後 距 明 邇 手, 者, 依 據 麻 白 都 劫 生 攜 來 不 往 持 小 書 狂 下 衾

0 論 鳴 辯》又曰 於後賢乎」下,據《校記》,鈔 呼 尚 禪 當与陶弘景之詩同録。」凡七十二字。 尚 有之適伊 陸,使 「佛教 禪佛之魂駸駸復返,可爲 入中 川,其 國,常 豫見於百年之後者 有 本 夷 有 狄 之 小 禍。 節: 世 道之憂。』 今 H 學 士大 蔀 诵

殿,郡 之續 死。 髮爲 旨 然 之 官 П 贄 逮 私 Ŧī. 行 司 四 原 而 雖 無 至 藏 司 解 + 城 燒 注 此 將贄 善 僧 一,懼罪 『李贄敢倡 奉嚴 該 里,倘 縣 嚴 忌 盡 燬, 發 謝 亦近于人妖者矣。」閩 待 ,又不居 有 在杭《 拏 搜 望 之。 憚 原 司 科 刊行諸 無 出 治 燒燬,不 勑 籍 而 莫 不 道 擁 Ŧī. 令貽 Ш 敢與 罪 禮 敢 治 人都 傳 食 及 而 寺, 雜 部 出 亂 罪 俎》言: 於 其 死。 各 書, 均 而 人 其 道 禍 叛 茵 書 門,招 有 許 遨 檄 髡首 書籍已 并 惑 伏 後 仍 遊 聖人 之行於 愚按,自古以來,小人 司 存 行 「李贄先仕官至太守,而 人持論之公如 搜 四 檄 生, 訪 留 世 無 坐 方,以 通 簡 致 者,莫甚于李贄。 行 何,人 肩 奏治罪。』已 誣民,便令厰 刻 州 # 蠱 其 興, 人間 兩 如 干權 未 地 惑,又爲 家 道 京 張 畿 有 方官 刻,令所 未 貴,人 此 師 黄 幸 自 及 徒 刻者, 蓋 一甚。」 以 各 若也。● 黨 多 罪 前 將 而 曲 布 麻 畏 後 衛 下 後 得 暬 在 盡 庇 政 李 城 ΠΠ 獄 其 削

天啓五年九月,四川道御史王雅量

門 疏: 士 大夫多喜其 焚 「奉旨,李贄 毁,不 . 許 (書,往 坊 閒 諸 發 書怪 往 賣 收藏 誕不 仍 至 通 經,命 行 一今未 禁 止 巡 滅 視 衙 而

#### 鍾惺

丁父 士。 憂去 天 鍾 啓 惺 字 初, 職 任 伯 尚 福 敬, 挾 建 姬 景 提 妾 陵 學 游 人。 副 武 使 夷 萬 大 Ш 曆 通 而 庚 關 戌 後 節 即 進

❶「人間自若也」下,據《校記》,鈔本多一百五十字.

形者乎? 胡 陽 作 爲 手持數珠也,男 於中國 者乎? 之竊 明、 俑之繇,所以 昔晉 龍 據, 以 溪禪悟 而不 蓋天將 虞 殆亦《五行志》所謂『人痾』者矣。 爲 過 預 之學。 能不追求於王、何也。」 敢 婦 衰 論 於詆 使 賓旅同 周 阮 籍, 斯 之 毁聖 後之君子悲神 人 時。 比 有裂冠 土 之 牀 贤而自 試 伊 而宿也,有 觀 11 左袵之禍,而 今 被 標宗旨 H 州 髮 之 之陸 事 一非 者 以 沉 然 豫 贄 胡 頭 推 出 見 云 盧 也, 所 其 其 Ŧī 遍

保,誰 隸乎 囂]非 注〕錢 自立 《左傳》,評《史記》,評《毛詩》,好行 顧 路 之,「公人而賦」,「姜出而賦」,句也, 『大隧之中』凡 又何怪乎孟堅之史、 譏其文之排 于. 忘其不孝貪污之罪,且列之爲文人矣。 〔原 丁尤,甲子京察。 儈 經 越之孫氏 · 甚至承 於 掃 止文人無行 名 敢僭 氏 有 臯 新説,天下之士靡然從之,而論者遂 地 巡 謂:  $\mathbf{E}$ 鍾 聞 撫 比, 之評《 無聲之義。 偂  $\sim$ 偶;其評《詩 楚之鍾 ❶「古人之于經傳,敬之如 化 加 詩 南 親 門 之評 子 居 歸 左 諱 坐是沈 牆 !」〔原注〕辛酉 衿 益 傳  $\approx$ 昭明之選, 詆 氏。 鷺? 而 尼父之删 成 疏 爲 其 也, 冶游。 劾 》也,于《車 孫之評 市。 錢 書盛 評 它不 廢 有云: 鷺之多,自近代始,而 樹 于 · 具 公然棄名教 述, 桃 訶 行於 書》也,于《大禹 家。 疑爲 論 如蒙童, 福 彼 -攻》則 李堪 白 以「克段」一 將 建 神 世。 操 乃 提学僉事,癸亥 病狂 一明,尊 度 譏 金 選 羞 脯 其 踰 椎 已 揮 歷 以 『選 小慧, 喪心, 之 閑 斥 登 而 而 四句 代 謨 控 傳言 莫甚 如 徒 如 之 評 訓 之 不 駔 Ŧī. 徒 囂 師

敗

壞天下之一人。

《騒》 遞相 其所 聖者無法,是之謂 學臣之鬻諸生,自 孫氏名鑛,今世所傳孫月峯者是也。 析,文理之不 融」、『洩洩』爲序 之神,又何 其于伯敬 師 賦 再作者 述,學 之詩 也。 古 術 通 怪 H 當 耶 事 鍾 頗 侮聖人之言。 讀 如 然丹黄甲乙, 之語 悮 而 其 茶 以 人 其 伯敬始。」當 大 所 肆 心 遂 罪 H 抹 選 之 隧 壞 之日 之中』爲 雖 陸 之 ൬ 衡 其 不及李贄 詩 鴻 世 加 俗 禍 余 于 方 漸 有 筆』。 奉 經 聞 句 以 時之學臣 傳, · 奉 不 爲 斷 閩 可 爲 金科 爲 是之謂 勝言者。 句 而 讀 然 風 利市 玉 以 之不 亦 融

王莽、安禄 考試至于鬻生員,此皆一 亡」、《管子》已先言之矣。 諸書之後。 舉業至于抄佛書, Щ 嗚 劉豫之下,故 呼 四 講 維 代之大變,不 學至于會男女, 書 不 其 張 事 或 于 乃 Ŧi. 在 經 滅

0

錢 (氏」,據《校記》,鈔本作「錢尚 書謙 益

若 下人 而 (莊子 百二尚書》、衛宏《詩序》之類 有 八則有 漢 明 注 人好以自作之書而托爲古人,張 一代之人,其所  $\approx$ 以 何 他 法 人之書而 盛《 晉 中興書》之類 竊 著 爲 書 是也。 己作 無 非 是 竊 郭 晉以 也。 盜 象 霸

衆 别 未竟 能 水》、《至樂》二 不 奇致,大暢玄風。 **漁** 本。 傳 究其旨要。 或定點 於世,遂 而秀卒。 世説》曰 郭象者,爲人薄行,有儁才,見秀義 文 : 篇 竊 句 向 秀子幼,義遂零落,然 「初注《莊子》者數十家,莫 而 秀於舊注 以爲己 唯《 又易《馬 己。 秋 後秀義別本 水》、《至 注。 外 蹄 爲 **≫** 乃自 解 篇 一樂》二 義 注 ", 其 出 妙 猶 ^ 秋 篇 故 餘 有 析

> 《漢 字, 和將爲己説, 珽乃譔《 書 無 今有 以 卷,以發明 後 必必 儁 書訓纂》多爲後之注《漢書》者隱 經 才, 向、 舊 不 解 郭二《莊 如 唐 不 之書,皆隱没古人名字, 書 >>: 舊義,行於 元本,名爲「鈍賊」,何 能 通 姚 作者之意,其 》。」今代之人 珽 嘗 代。 以 漢書紹 吾讀 其 曾 盜 但 祖 辭 有 有 竊 訓 將 察 所 薄 明 四 所 爲 弘 没 成 行

+

名

譔

之

而

治

今人 者,莫病乎其以 不 子勉之,惟 如 所 鈔書。 先 見之書之博 生《鈔書篇》曰 讀 凡今人之學必不及古人也, 書 前 而 人之書改 已 必不及 ! 又曰: : 先祖 古 竄 日 : 「 而 人 也。 爲 凡 作 著 自 作 書 書

日

知

録集釋卷十八

己

説

者

也。

<sup>0</sup> 字同 珽」,原 作 班 據 《舊 唐 書 姚 珽 傳 改。 下 珽

盜 至于今代,而著書之人幾滿 也,朱子之改《通 宋景文之改《舊 也 前 卷,不若得 人之書 班 孟 堅 改《 而 爲 宋 史記 唐 鑑》必 自 人書一卷也。」 書 作者矣。 影必 必 不 不 不 如 如 如 天下, 故得 通 史記 舊 鑑 唐 明 則 也 書》 也 有

#### 勘書

書,而 氏 之後日, 刊」,乃「木刊」之誤,注云:「刊, 之誤,注云:「緒,疑 之人,據 『利』。」失之遠矣。幸其 易 林 凡 猶 勘 舊刻, 遵 雖 臆 書, 有 改 守本文,不 善讀者,亦茫然無 之, 必 有 用 日 則 能 環 文 當 讀 敢 益 緒 作 書 出於前 晦 輒 倚 \_ 之人。 珮 改。 组, 義 可尋 人,雖 益 苟 乃「環 偶 舛 疑 井 如 求矣。 見 堙 當 而 近 不 堵 傳 世 讀 作 水 焦

然則今之坊刻,不擇其人而委之讎勘,以

不爲大害乎!

詩 : 金 檀 書 椎 輔 金 複道 原 椎 椎 銀 一,而 決録》「長安十二門,三 注〕《水經注》同。 輪。 周 載記》「河 向宜春。」是用《漢書· 而 ,樹以青松,爲馳道之麗至 梁 還將貴公主,嫁 以 又甚焉者矣。 又改爲 簡文帝《長安道》詩: 林 唐閻 木,左 西王秃 「褥氊」, 朝隱《送金 今誤作「金槌 出 右 與 髮 比 人,爲 傉 傉 於「金 一塗洞 城公主 檀 檀 賈 「金椎  $\pm$ 往 二, 而 Ш 於此」,《三 開 今誤 根 來 傳》「隱 是用 隱 適 車」之改 抵 之 又 西 作 長樂 改 徑 以 晉 耨 金 以

本作「 草者 石 碩 所 故 莊 通 以 師 子》:「嬰兒生無 用,不 所 蓋 宜作 而 魏、 訛 所」。 石 台 以 其 石 也。 後 作 師 所 人楊 寫 而 者, 書 能 氏 多 言。 日 妄 有 改 石 也 作

誤 禮》正 此 多 不 至 笑于大方者鮮 有宋、元槧本 纪 讀,《孟子》每 儀禮識 《禮記 《釋文 錢氏 ,善讀 書估之議 如不刻之愈也。」是 喜刻書 邻不盡 鯲 》溷 一葉、《金史· 》則 文多脱簡、《 E 者當 一經 誤 人鄭箋、《周 《禮器》、《坊記》、《中 版 然。 論 史當得善 擇而 ·可以 而 章有趙氏《章指》, 岳 也 矣。 陸 珂 略 穀梁 放 取 校 不 又 九 之。 補。 翁《 禮志》、《太宗諸子傳》各缺 校 禮》、《儀 本,今通 南 經 跋 》經 曰〕今人重宋槧本 讎 宋 若日讀 若偶據 錯 歷代陵名》云: 傳 傳 初 文亦 刻 沿 本書散滿天下,更悮學者 禮 行 諸 庸 本已不 》亦 誤書,妄生駁難 革 南 有 本皆缺。 》、《大學》疏殘 本,信以 例 北 有《釋 溷 監 錯 所 能 及 「近世士大夫所 舉 無誤 文》溷 汲 書,謂 《宋史・孝宗 毛 爲必不可易 各 古 詩 矣。 本 閣 其不 一葉,皆 入注 異 必 缺 往 本, 同 張 不 無 往 者 錯 見 甚 淳 可 以 儀

#### 改

鄙 淺 之人 東 坡 好 志 惡 林 多 ₩ E 同 近近 故 從 世 而 人 和 輕 之者 以 意 一衆,遂 改 書

> 敢 猶 使 古 及 輕改書,故蜀本大字書皆善本。」 史之闕 書日 就 文 訛 舛,深 也 ]。 自 可 子 忿 少 疾。 時 孔 見 子 前  $\Box$ 輩 吾

穿鑿、 文,●不知則闕,問諸故老,至於衰世,是 以合其私者矣。 正,人用其私。 文也,今亡矣夫。』蓋 之弊,自漢已然,故 漢 書 藝文志》 故孔子曰:『吾 傷 曰:「古 有 其 行 寖 賂 不 者 Ė 改 猶及 書 蘭 臺 是 史之 必 漆 知 非 口

闕

無

敬 武 臨 風 僞 業計 氏 朝 氣 周 武 但 之變,自此 萬 武 武 氏 曆閒,人多好改竄古書,人心之邪 臨 氏」,不 者 氏 朝 」, 敬 檄》,本 而 未 察 而始。 業起 革 檄 出 命 中 兵在 ^ 所 也 舊 且. 云「包藏禍 唐 如 光 近 書 駱 宅 刻 賓 元 古文改作 其 (王《爲 年 心,睥 日 九 月, 僞 徐

0 者 《漢書 藝文志》作「制 書

摘 熟子 天 敢 賢 几 字 世 子 爲 腉 后 其父武帝也 近 越 后 短歌行》:「長吟永歎,思我聖考。」聖 六年,天授 子,長 自 奇。」《舊 猶 后 明 方 H 廬 神 所 幽 而 言 盛 陵 器 尚 啚 逐 離 悟 知 輒 之 行《詩 王 可 離 而 不 稱 ,乃作《 死 改 日 於 , 哀 制 乃 免, 元年 四 太 唐 其 於 而 别 愍。 是 ,改爲「 摘 文, 乃 子 歸 立 九月,始改國號曰 書》李泌 黔 與二弟 宫 黄 未 摘 抱 鴆 **\*** 相 弘 中。」其言「 其 繆種 臺 篡之時 使 殺之, 蔓 也。 上, 監 王 書,尤 辭 瓜 聖老」,評之日 瓜 爲 歸 Ħ 曰 辭 流傳 對 好 或 \_\_\_\_ 皇 不 : 以 侍 **>**,令 肅宗言 而 故 爲 帝 而 知 再 於 周。 雍 種 四 仁 故 太子 妄誕。 至今未 有 其 摘 父母 樂 王 瓜 摘」者,以 是言 明 其 人, 日君 使 工 賢 黄 賢終 孝 時 天 瓜 之側,不 歌 \_ 臺 爲太子。 不 悌 Ė 魏 廢 之, 稀 下 后 爲 聖 考 論 之 文 中 原 瓜 冀 況 天 天 老 謂 帝 愛 注 有 其 又

> 绝 無 四 忌 子 憚 此 也 者哉 皆 不 以 考 爲 古 非 加 四 肆 之 臆之説,豈 所 能 盡 而 非 改 小 爲 而 摘

#### 易林

著《易 也,以 學。 易 臺。 大 許 譜 + 房 延 沈氏 卦 雨 周  $\mathbb{F}$ 四 傳》曰: 壽 學既 篇 生言: 林 將 召 日义 林 昭 者 集 沛 易 用 帝 後漢 今一 獻 獻 成 始 決 後 林》 或 延壽 Ŧ. 王 爲 延 吉 元二 東觀 汝南 漢 日 在 輔 郡 壽 |X|疑 語 以 永平 以 桂 多占 崔 年 漢記 許峻 史 好 是 載 在 林 周 駰 嗣 察 學得 時 易 昭 東 易 傳 舉, 者,爲《易林》,傳于世。」「梁 已用 驗。」晉 四 卦 或 林 漢 『永平五 載: 幸梁 十年 補 宣 林 日 学。」 以 爲 小 》占之,其 之世,「原 李石 王,王 占 ·薨,當 黄 後 其 是 林 令。」 祖 年 則 人譔 今 \*°\_ , 京 父篆著 續 所 亦 元帝之初 共 按 繇 博 其 Ŧ. 非 傳 師 此 注 E 荆 物 資 東 小 梁 而 漢 公 志 周 用 蟻 雨 林 敬 漢 託 <sup>《</sup>許 **令** 人所 易 元三 封 Ě: Ŀ 影 王 書 之 穴户 林》六 氏 御 氏 定 極 《周 年。 爲 日 焦 箓 雲 京 世 國 意

七二七

《易林》引《左氏》語甚多,又往往用《漢書》 後來有所羼入耳。 其時《左氏》未立學官,今

和 帝元鼎元年; 中事,如曰 結好,昭君是福」,事 「彭離濟東、遷之上庸」,事在武 曰「長 城 既立,四 在元帝竟寧元年 夷賓服,交

太微、登上玉牀」,似用《李尋傳》語, 「火入井口,陽芒生角,犯歷 天門,窺見 曰「新

日

作初 路,使季畏懼」,則又非漢人所宜言也。 又曰「劉季發怒,命滅子嬰」,又曰「大蛇當 陵,踰 陷 難登」,似 用成 帝 起昌 陵 事 左左

傳《易林》當即峻書,而 不可考,峻所著《易林》,范氏以爲至今行于世,則後世所 暄曰〕按《許曼傳》,曼祖父峻亦著《易林》。 人誤以爲焦延壽也。〔又曰〕《易 崔篆《易林》

:》中如 人所著 「劉季發怒」等語,論者謂 則不然。 《史記 高 祖本紀》言「劉季」者 非 漢人所宜言,似漢以

則固漢人所常言也。

後

林

#### 知 録 集釋 卷十 八 终

日

783

# 日知録集釋卷十九

崑山顧炎武著 嘉定後學黃汝成集釋

# 文須有益於天下

日]處 此 紀 物之言,論 己,無益於人,多一篇多一篇之損矣。 之言,勦襲之説,諛佞之文,若此者有 篇之益矣。若夫「怪力亂神」之事,無 者 政 患難者勿爲怨天尤人之言,處貴顯 有益 事 文之不可绝於天地間者, 曰明道 也,察民隱也,樂道人之善也。 學術勿爲非聖悖道之言,評人物勿爲黨同 於天下,有益於將來,多一篇 者 勿爲矜 ( 錢氏 損 己傲 也, 若 稽 於 多 醜

先生《與友人書》曰:孔子之删述六

經,即 以 之所通患而 《春秋》之作,言焉而已,而謂之「行事」 故曰:「載之空言,不如見之行事。」夫 凡文之不關於六經之指、當世之務者, 者,天下後世用以 之注虫魚、命草木者、皆不足以語 空言」而 避 切不爲。 也 伊 ,尹、太公救民於水火之心, 不可 而既 未嘗專指其人者,亦遂不敢 也。 以明道救人,則於當今 治人之書,將欲謂之 愚不揣 有見於此,故 此 而今 也。

## 文不貴多

篇。 而 所著凡若干篇」。 其餘 史之録其數,蓋稱之,非少之也。乃 一漢文人所著绝 不過五六十篇, 惟 董 少,史於其 或十數篇,或三四 仲 舒 至百 傳 三十篇 末 每云

氏 即 今 日 Ĺ 工 今 亦 著 之文 必 作 不 則 集 皆 以 與 有 今 多 之 用 爲 時 於 富 藝, 世 若 夫 其 不 多 拉. 不 則 雜 傳 必 摧 宜 燒 不 矣。 能 將 伊 Ι. 楊 于

詁

書

何

底

實

古

其 爲 十 二 遷 讀 辭 如 枚 相 止 者 善 文 泉 事 中 賦 詩 如 是辭 不二 爲 疾,受詔 賦 篇 自 止 賦 皆 賈 賦 言 文 百 京 八 止 誼 得 + 賦 爲 而 尚 <u>二</u> 十 而 篇 <u>-</u> 家。 其 賦 篇 多 賦 最 辭 遲 止 意 輒 王 其 賦 而 篇 多 九篇, 不 故 七 其 成 褒 不 者 如 頗 篇 故《 尤 所 諸 賦 必 則 相 而 詼 故 嫚 作 , 枚 兒 有 善 止 漢 于《枚 淮 笑, 如 所 戲 少 寬 名 十 也。 乘 書 南 賦 不 而 不 六 賦 文 뒓 其 王 • 者 可 善 臯 其 人,陸 篇 東 賦 止 藝 止 文 多。 讀 于 傳》云: 二篇 漢 閑 骫 文 八 九 者 泉 揚 篇 多 靡 骳 + 志 賈 尚 司 雄 碑 **>** 馬 數 凡 曲 臯 賦 司 賦 司 所 篇 誄 鬼 隋 賦 相 止 馬 止 口 馬 載

篇

諸

而

烈、曹 牙、傅 玄傳 褒、 珍、葛 此下 逵、 序、 經 不 共 延 崔 班 少 應 有 凡 篤 襲、 烈、 必 百 云 毅、 彪、 凡 北 衆 者 論 劭 善 盧 餘 傳 楊 黄 班  $\pm$ 海 百 盧 難之文, 植 香 修 萬 逸、 古 中 也 曹 玄依 劉  $\pm$ + 植 言, 皇 字。 睦 録 劉 朱 朔 崔 劉 陶 六篇, 甫 琦、 毅、 陶、 穆、 其 臨 《論 各 規 通 几 蔡 邑 李 篇 邊 張 胡 又 四 張 人 侯 尤、 語 + 邕、 4 韶 衡、 廣、 其 數 黄 篇 子 頗 九 李 馬 作《鄭 張 應 者 時 騊 孔 香 譏 荀 人 勝 桓 升、 融 奉, 駼 融 崇 沈 Ŧi. 其 爽、 彬三 趙 蘇 蔡 應 馮 重 杜. 氏 其 篇 繁。」是 志 壹、 順 邕 劭 篤 衍 日 經 王 中 篇 劉 侯 曹 荀 崔 八篇 曹 術  $\pm$ 逸 救 多 瑾、 衆、 爽、 駰 褒、 隆 騊 文 各 解 者 而 復 張 曹 夏 荀 崔 鄭 格 駼 百 于 多 經 所 如 朔、 恭 悦 瑗 玄 超 論 多 注 鄭 崔 餘 曹 訓 班 劉 夏 李 崔 賈

昭

新 言 論 秦 但 延 此 説 君 顔 説 曰 之 若 推 堯 稽 典 家 古 訓 篇 **>** 目 所 萬 兩 謂 言 字 鄴 之 「原 下 説 注 諺 + 桓 餘 云

萬

「原注」陸游詩:「文辭博士書驢券,職事參軍判馬曹。」
『博士買驢,書券三紙、未有驢字』」者也。

多方,其書五車」,非 矣。〔原注〕如 代言之,春秋以降 之,東都之文多 曰:「天下無道 文以 少 惠 而 施 - 必皆其 則言有枝葉。」●「楊氏曰」「 盛 五車,其書竟無 于 之文多于六經,而 西 以 自作。 京, 多 而 而 衰。 文衰矣。 一篇傳者。 以 二 《 記 漢 文衰 以 惠 施

子 凶、軍、賓、嘉五禮一千餘卷,贊、序、詔 書》、《春秋》、《中庸》、《孔子 卷,揚雄、劉歆 百卷、《金海》三十卷、《制旨孝經》、《周易》、《毛詩 元帝至五 雖多,亦奚以 卷二卷。 ξ H. 經義記數百 隋志》 卷、《諸 +· \_\_ 王傳》三十卷、《禮大義》二十卷、《老子 而江左梁簡文帝至八十五卷, 載 爲」。 卷, 沈約 各五卷,爲至多矣,他不 古人文集,西 金策 一趙 正言 》三十卷。 氏 至 日 等 []梁武: 一百一卷,所謂 講 簡 京 . 誥等文一百二十 疏 文帝 帝 惟 白 作《通史》六 譔 劉 餘 昭 卷, 向 》、《尚 明 吉 调 六 太

> 《掌上華夷圖》一 二十卷、《諸 《唐登科文選》五十卷、《孝弟録》二十卷、《廣孝傳 《古今同姓名録》一卷、《式贊》三卷、《文集》五 傳》十卷,注《漢書》一百十五卷,《周易講》十卷,《内 繫年録 著書八十一種,又有 袁 傳 卷、《總仙記》一 史著《貢舉事》二十卷、《登科記》三十卷、《 帝王著述之最富者也。 子》、《補闕子》各十卷,《老子疏 要》百卷、《連山》三十卷、《詞 連璧》三百卷。 義》二十卷、《莊子義》二十卷、《長春義記》 誤 考》十三卷、《禮 \*\ \frac{\times}{\tau}. 集》十卷、《李白别集》十卷、《神仙 坐知天下記 <u></u> 百 卷、朝野雜記 仙傳》二十五卷、《宋齊邱文傳》十三卷、《杏 卷、《學易篇》五 》四十卷、《商頌雜録》二十卷、《廣卓 元帝著《孝德忠臣 百四十卷、《太平寰宇記》二百 卷,又編己作爲 《平園 巡 晉葛稚川著書六百 卷,《讀 十卷、《道命録 集 林》三十卷、《玉韜》、《金樓 卷、《誦 》四卷、《懷舊傳》二卷 史考》十 仙 百 傳》各三十卷、《丹 卷 洞 宫殿窟宅記 詩 集 訓 》五卷,《 首 題 心傳 I餘卷。 卷 Ŧi. 卷。 解》二 百 卷、《 卷、《春 卷,《 + 有 舊 卷。 西 周 ₩ Ŧi. 一十卷 《總記 高 宋 典 聞 必大 陽 法 此 秋

0

<sup>「</sup>言」、《禮記・表記》作「辭」

卷、《 《漢藝文志考證》十卷、通 此 訓 學》十卷,《五經傳授》、《尚 定 卷、《詞學題苑》四十卷、《筆 通釋》十六卷,《通鑑答問 卷、、掖垣類稿》二十二卷、《詩考》五卷、《地理考》五 年表》、《唐宰相譜》、《江左方鎮年表》、《晉司馬 卷、《七十二子名籍》各一卷、文集五十卷、奏議三十卷、 四 宋齊梁本支》、《王謝世 七十二候圖》、《陶 文人著述之最富者也 篇》、《小學紺珠 卷。王應麟 録 》七十卷,集解《踐阼篇》、補 .朝史稿》五十卷、《通論》十卷、《南北通守録》三十卷· 編》九百七十八卷 漢制考》四 光十 卷、《辨 有《深寧 卷,《六經天文》六卷,《小學諷 Ť 潛 南 新傳 遷 卷、《玉 , 總目 集》一 録》 表》、《五代將相年表》合爲四 》四卷,《困學紀聞》二十卷,《蒙 鑑地理考》一百卷、《通 》并《詩 書 海》四十卷,《姓氏急就篇 ₩ Ŧi. 海》二百卷、《詞學 白 百篇圖》、《大傳雜説 注 卷,詩 卷,《 《急就篇》六卷,補 卷、《易學》五卷、《春 譜 各三 文 玉 堂 百 卷、《歷 類 卷。 稿》二十 詠 氏 指 鑑地 代宰相 李 本支》、 巡 注 南 燾 Ĩ. 四 理 作

#### 著 之 難

子 書 自 孟、 荀 之外, 如 老、莊、管、商

> **%** 也 世之所不可 而 申、韓, 維南 與? 盡 爲 南 出 書,此子書 》之類耳。 子 皆 其手,必 ×, 自 則 成一家言。 不 無 其必古人之所 不能 之 能 而 自 變 成 後 多,大抵 也。 爲之, 故 至《 取 今人書 吕 諸 如 庶 未及就,後 氏 子 《吕覽》、 乎 之言 春 集, 其 秋 傳 彙

不免。 肓 史要論 於求名故也。 而 後世不可無之書,而 與《文獻通考》,皆 也 愈不傳,所以然者,其視 宋人書如 », 其 若後人之書,愈多 用 力精 〔方東樹 勤, 司 馬 篤 以 志 温 日 如彼,可 其 二按 公《資治通 生 中 如温公書 精 而 小 成 以 愈 有 力成 砭箸書: 書 太易 舛 舛 孫之翰 鑑 之,遂 漏 漏 欲  $\approx$ 速之膏 尚 馬 而 愈 作

唐

急

速

亦

授,先生 伊 111 日 先 「更俟學有 生 晚 年 作 · 《 易 所進。」子不云乎 傳 成, 門 人請

爲

貴

有孳孳,斃而後已。」「忘身之老也,不知年數之不足也,俛焉日

### 直言

達 與 而 在 達 而 下位者之責 在 張 而 上 在 子 位者之責 上 有 芸: [] 位 者 也 之所 民吾 也。 共 司 救 也 胞 民 。」今日 以言,此 救 民 之民 以 事 亦 , 此 吾 窮

盩 袂歌 此 風 校,漢文止輦受言,皆以 有大疑, 卜諸 庚》之誥 厔 意 俗 一一 尉,作《樂府》及詩百餘篇, 苟非 猶 「天下有道,則 存。 蔿 曰 : 盡 》,●玄宗爲 魯 善,即 庶 無 山令元 或 民 敢伏 許 之從 庶 庶 人 德 之 小人之攸箴。」 此也。 人之議 不 逆。 秀 感 議。 遺 動 子産 樂工 矣。 然則 規 唐之中世 白 諷 不 居 數人連 故《 時 政 毁 易 而 教、 事 鄉 盤 或

> 之風 流 聞 ,聽輿人之誦 禁中,憲宗 召 者矣。 人 翰 林。 亦 近 於 陳 列 或

也。 無 豔 如 不 表》有令尹子椒。」如 馬子蘭」; 允膳夫。 有 云」,則皆直斥其官族名字,古人不以爲 楚大夫子 實 曰 平謂何」,如 直 妻 《楚辭• 皇 而容長。」王 煽 斥其人而 詩》之爲教,雖 方處」,如 文卿 聚子内史,蹶 椒」, 椒 離騷》:「余以 士, 專 曰 不 洪 逸《章 佞 番 - 諱者。 「赫赫 興 日 以 維 一伊 杜 祖 主於温 慢 句》 司 一甫《麗 維 宗周 補 慆 徒, 如 誰 趣 謂 蘭 注 兮」,《章句 曰「赫 云 馬 家伯 柔 懷 人行》「賜名 爲可恃兮,羌 褒姒 樗 從,維 敦 《古今人 王少弟 厚, 维 赫 維 威之」, 宰,仲 師 師 暴之 然亦 尹, 氏 謂 嫌 司

<sup>●「</sup>數人」、《新唐書・元德秀傳》作「數十人」、「于蔿」、

月之交》詩人之義矣。 大國虢與秦,慎莫近前丞相嗔」,近於《十

武定之初,私鑄

濫

惡。

齊文

襄王議:「

稱

錢

論 + 廣绝交論》陰譏 此皆古人風俗之厚。 失》之書,韓 孔 稚珪《北山移文》明斥周顒 退 到 之諷 溉,袁楚客規 陽 城 作《争 魏 劉孝 元忠有 臣 学之 標

## 立言不爲一時

制 中 田 數 宅桑榆 無主,皆爲公田,宜 · 奪之。 自 之議,謂:「往者以民各有累世之業, 十百年之後者。《魏志》: 也。 天下之事,有言在 此 盡 而 今承大 及拓跋氏之有中 爲公田 起,迄於隋、唐守之。《魏書》: 亂 以給 一及此 之後,民 授 一時,而 時 而 原,令户绝者 復之。」當 司 口分,世業之 人分散,土 馬 其效 朗 有 世 見 復 業 塘 未 於 難 井

> 行 没官銷毀之。 雖 之市各置二稱,懸於市門,若重不五銖,或 至宋時猶倣之。 曰「五銖」,重 也。 重 文重五 Ŧi. 及 銖 隋 而 銖者,聽 雜 文帝 如 而 鉛 其文,置樣於關,不如樣者 鑞,並 開 之有 人 通 市 元寶之式自此 天 不 用 下, 聽用。」當 天下 更鑄 州 新 世未 鎮 而準, 錢,文 縣

已 等,上寺留僧二十一,上觀道士十四,每 商、汝州各留一寺,分爲三等,上等留僧二 觀,敕上都、東 善之,以爲 降殺以七,皆擇有行者,餘還爲民。』德宗 言道佛之弊: 三十人。天下節度、觀察使治所及同、華 而罷之。」至武 唐書》: 可行之天下。 請 李 都 兩 宗會昌 本道定寺 叔 街各留二寺,每寺留 明 爲 Ŧi. 劍 年,併 韶下尚書 南 爲 三等,觀 節 度 省 使, 天下 1省議 爲 上 僧 寺 等 疏

印,得 歸 寬 之田 其衆 中, 南 至 畜 視 萑 運 大 之法,築堤捍水 一,從 事 糧 東 其 葦之場,海 秦 六 召 『京東數千 中 (成,以 南 爲 竭 而 穆 百 亦 募 以 以 派 之運 授以 不果行。」 稍 餘 護 能 · 等 萬夫長,千夫、百 民 傳 官 相 行 品 袄 種 地之高 子 力 留 脱 地。 以 其 就 水 孫 以 僧 潮 + 脱 歸 紓 所 法。 ·里,北 田 爲 日 航 俗僧 人,下等五 言, 能 民 及 如 儲 下定 及  $\coprod$ 至,淤 千 不 完元 力, 以 修修 軍 給 順 乃 測 餘 尼二十 極 萬 聽 官 以 築圍 爲 **议**. 帝 而 史》: 遼海 人。 夫 富 爲 之法。 禄。 徴 夫亦. 分 至 游 泰定中 耕 民 人。 沃 堰 手 額 Œ. 司 者,授以 欲得 南濱 六 而 京 之徒 十 壤 如 之人各 中, 萬 農 有 年 凡毀寺 如 五年 之。 師 ·, 虞 官者, Ŧi. 明 司 海 青、 皆 此 佩 用 恃 百 三年 於 運 之 有 萬 浙 集 洪 有 口 東 齊, 千 江 不 所 以 符 積 夫 合 人 建 南 武 四

> 者或 其 齊 敬 名 下之事,有其 起,必來 文公之言, 淵,告漢 元,幾三百 夏之時」,固 久,天下之理 議之人所不 存 者,而" 王,猶 也, 爲 口 少 無 農 而 哉 其 師, 戚 取 反 武 獨 識 手 也。 法。 亦未嘗貶 年矣,而 將 歲 以 .及見, 不 也。」若滕 軍 識 古 乃 告 以 然 繼 者不 是 孟子之欲用 大稔,至今水 不 顔 望 則 而 光 爲 出 淵。 之魯之定、哀,周之景、 開 遂行之。 於齊、梁 復 窮 必  $\pm$ 乎 物之功,立言之用 則 修 則 遭 者 此 及漢 變, 之薊 其 也。 師 不 齊 時, 變則 也 可 武 日 孔子之告顔 田 鎮 0 也, 孔 用 帝 遺 而當其 嗚 子 也 通 太 日 是皆 利 有 ,言「行 呼, 初之 王 猶 通 而 時 天 者 告 以 則 立 有

朱子作《詩傳》,至於秦《黄鳥》之篇,

0

殺 賢 以 謂 而 人不 討 歎 而 「其 秦 其 不 忌,至 之衰。 免,論 罪,於是習以 初特出於戎翟之俗,而 於 其 至 如 事 於王 此, 者 爲常, 亦徒閔 政 則 莫 不 知 綱 則 三良之不 諸 其 雖 無 爲 以 三 明王 侯 穆公之 非 擅 賢 也 幸 命 0 伯

伏 歷 E 葬擇 讀 代 正 相 周 近 統 沿 王薨逝 地 四年六月乙 從 至 先 儉約: ~,深切 朝 英 以 痛 廟 西書 省民 悼。 始 革 1與祥 力。 其 存 Ŧ 古之 符 自 H 王 妃 嘗 弊。 有 夫 奏: 人 爝

葬之。 雖 以下 家。』」〔原注〕周 而 有此 亦 不必 朱 蓋 命,及薨,妃鞏 子 上 從 御 詩 死,年少有 憲 極 傳》有  $\pm$ 之初 氏 諱 竟 有 以 自 燉。 即 經 發 父母 以 所 有 其 殉, 著 感 天 有《誠 者, 諡 於憲王 聰 貞 烈 各 也。 齋集》。 以 遣 之奏 嗚 歸 밆 憲 呼 其 禮 Ŧ.

儒 經 世 先 生《與 之 用 人書》 然 此 等故事,不欲令在 日 : 引 古籌今, 亦 付 吾

哉

擊世 紀 膠、萊之運道 害,如欲行沁水之轉般,則 之人知之。 而 所 以 趨 方 轉 移 知 今日之事,興 哉。 人 ,則山 治 心 亂 之關 整 東必 頓 風 亂 必 矣。 河 俗 在 利 南 則 便是添 又 必 心 教 擾; 日 風 化 開 緇 Ħ

#### 文 人 之 多

爲

不

口

闕

經訓 況 識 人 韓文公《符讀 望 不 經 多 術 唐、宋 通 乃 一, 名譽。」 古 菑 今, 畬 以下, 通 書城 馬 古今,而 而 潢 牛 宋 何文人之多 潦 南 而 劉 無 》詩 襟 摯之訓 根 自 日 裾 源 命 「文章豈不 爲 也 行 朝 子 文 滿 身 孫 ! 人者 夕已 陷 古 每 不 有不 貴, 除。

0 據《校記》,鈔本作「我

七三五

子雲所謂「摭我華而不食我實」者也。矣。」然則以文人名於世,焉足重哉。此揚「士當以器識爲先,一號爲文人,無足觀

靖 來 文章提獎後 亦 以爲不平矣。 「原 有此風,而 注〕健。 黄 、魯直言:「數十年來,先生君 告吉士之言,空同[原注]李 生,故華 陸 [原注]見《停驂録 文裕 而 不實。」本 「原注 深 所記 朝 嘉 子 但 · 夢 劉 靖 陽 文 以 用

所 事 及 [政事。 可 文章,惟談 以 宋史》言:「歐 以厲其所短,古人之意非淺薄後 及物。」〔楊氏曰〕永叔長文章,故不言文章而 君謨長政事,故不言政事而 吏 事 陽永叔 謂 文章 與 言文章。一 止 、學者言,未嘗 生 於潤 所 識 身,政 以 掩 其

绝 爲 肅 應 文 每 酬 戒子弟曰:「士當以 人,無足觀 先生《與友人書》曰:《宋史》言劉忠 文字,所以養其器識 矣。」僕 自 器識爲先,一命 讀 而不墮於文 此一言,便

> 篇,而 論》、《 紨 之,蓋止爲一人一家之事 人 泰山北斗矣。 之衰,若但 政理之大,則 也。 平淮 中孚爲其 一切銘 西 作 狀 碑 原 不 概 × 先妣求傳再三, 作 爲 道  $\Rightarrow$ 張 也。 謝 × 中 绝,則 ^ 原 韓 丞 而 文 毁 傳 誠 公起 無 st後 近代之 終 關 争 序》 於 代 臣 經

### 巧言

爲「近仁」。 天下之大勇 賦、碑狀足以悦 言亂德。] 夫巧言不但言語, 凡今人所作詩 子亦曰:「巧言令色,鮮矣仁。」又曰:「 不能不足以 詩》云:「巧言如簧,顏之厚矣。」而 學者所用力之途,在此不在 也。 爲通 故夫子以 人之文,皆巧言之類 人,夫惟能之而不爲,乃 「剛、毅、木、訥 也。 巧 孔

企世 者 是 曹操之禪代,則 有 之推 以 好 幼 好 作亂 故 説 至 而 王莽之篡 **※**言: 亂 也 天下 於 之所由 苟 之 潘 然 推 不仁之人有二: 患 元 弑,則必有 失之, 而 茂 也 作《 二者之人常 生 必有潘勗之《 魏 白脅 也 無 公册 犯 所 揚 上者 命》,人 不 一爲「好犯 相 爲 謂 因 與

冀

媚。 其 以 也 而 消 便 與 爲之輔。 然則 **[作亂]之人,一爲「巧言令色」之人。** 辟 騹 其 不孫弟,以至於弒父與君,皆好犯 原注 兜、 悖 側 學者宜 ]穆王 逆 媚 有苗 故 陵 之習。 作 大禹 暴之心; 如 冏 百 之何 命 爲 謂之「巧言令色孔 ₩, ⊟ 使 肩諂笑,未同 ? 類。 繼 言 無以 雄之《美新 之以 至,皆巧 必 九錫 甚哉,其 先 巧言令色,便辟 動 之魁 忠信 之以 以 皆 訓 **%** 立 言令色 出 誥 孝弟 於世 「原 而 ×, 於 以 可 <u>I:</u> 巧言 上、 百 言 自 其 注 有 去 畏 風 側

茸

術

有子、曾子之言,所以補 修 心 身 而 而 不 治 使 或 不仁 矣。 夫子平日所未及,其間 〔原 者 加 注 乎 記 者 其 於《論 身 語 夫 》之首 次序 然 後 亦 而 口 列

以

本

爲無

意

彼矣。

起日: 臣。 則有 祐 其姦。」《宋 醜 融 者 僅 華 四 初 悖 爲冀章草。」《唐書》言:「李林 裁 嗚 代代 實 方。』乃使林希 能 世 「今日壞卻名節矣! 一二文人代 司 脅 能 言 之 呼 書 馬 邀 爲 秉 辨 魏 計 何代 光作相, 史》言:「章 天 筆 題尺。」又言: 忠賢 也 其 其 (子, 而 而 無 誣 楊氏曰〕希草貶子 爲 郭 初 文 奏太尉 典書命, 之。 用 吴人 不 慎微、苑咸,文士 人, 蘇 知 . 惇 軾  $\wedge$ 有 書, 顧 一高 用 後 李 掌 雲 或 逞 事 漢 固 ,制,所 而 駢 者 毒 以 瞻 書》言: 時 П 上 嘗 於元 制畢, 不 文 甫 , 扶 書, 含 曰 : 可 辭 以 É 天 擲 不 祐 能 緣 肆 之 無 風 筆 憲 諸 鼓 元 澤 囂 學 梁 爲 馬 ൬

知 録 集釋卷十九

日

惟

動

### 七三八

### 文辭欺人

嬰 侍 寺 子 奮 接 宋 則 王 又 楊 罪 之, 與 中 氏 氏  $\mp$ 迫 曰 及其 廬 革 盾 有 劾 維 古 爲 帝 以 以 É 〕廣嘗 命, 陵 來 終 給 平. 僞 興 以 魯 致 盡 王 臨 以 靈 事 事 不 署。 兵 名 連 觖 ご若 義 刑 運 文 中 桓 能 拒 流 恥 望 史 靈寶、不 真 辭 身 又作 與 捕 禄 安 臣 謂 欵 應 爲 欺 "; 乃 徐 又 Ш 本 禄 書 密 欲 冬 元 人 可 廣 詩 自 宴 上 Ш 之 效 時 作 與 者, 勳 其 日 書 江 淵明 陷 陶 忠 政 至 以 詩 之 莫 文文帝 徒 海 勸 元 兩 於 潛 逆,  $\Box$ 後 比 若 於 龔 伐 嘉之際,累 都 爲 晉 : 不 凝 謝 者 河 林 襲 勝 既 忠義 拘 韓 惟 碧 爲 北 無 爲 泉 靈 封 亡 于 何 以 斮 池 餘 宋 之 或 運 普 動 子 文 先 至 侣 矣。 生 臣 次 遷 後 房 義 維 施 君 屢

之士 王 Ш 朝 敘 汙 出 太 郎 賊 天 作 康 憤 之餘、投 丞」,天下 奔, 子 縉 樂、右 人之詩 平 之 行 色 罷 僞 詩 , 朱玫立 請 多 瑜 在 綴 拯 署 中 下 秋 論  $\Box$ 一, 心 削官 允。 : 嘗 護 殺 ·晴 鵷 獄 槐 丞之輩 身 與 鸞 朝 葉落 有 襄 朱 Ŧ. 口 萬 明 を王 異 夫 不 或 以 玫, 襄 高 退 維 也 户 依 姓 丹 名 自 贖 以  $\mp$ 空 人 傷 吾 襄 逼 舊 鳳 駐 安。 詩 汙 兄 僭 至 宫 而 心 如 李 死 王 滿 樓 馬 罪 聞 見 號 僞 裹 擯 仕 生 杜 出 前 拯 長 或 時 於行 ,(楊 凝 其 籍 肅宗 斥 賊 野 甫 奔, 安。」 門, 爲 立 不 朱 愈下 而 不 者 煙 氏 謂 碧 馬 翰 死 玫 爲詩 在 自 容 拯 平 乃  $\Box$ 吟 之 看 林 池 百 秉 唐 託 ? 爲 特 而 其 Ė 學 頭 而 官 政, 乃 僖 亂 宥之,責 曰:「紫 高 文 惟 弟 今 涕 後 士 奏 宗光 何 心 兵 墨 有 人 百 刑 管 發 有 下 H 所 啟  $\pm$ 交 比 終 揆 部 絃 爲 顛 拯 再 殺 干 忠 沛 右 游 及 南 宸 無 既 授 侍 朝 年

其言 之道 孔 其 僞 情 於 能 臣 大 即 是 口 采薇》之篇 大夫,始 甘,亂 ,言之重,辭之複,心 奈 不然,世有 辭 者 世 以 以 也 一,興 取 何, 其言辨之, 枝、失其守者其辭屈。」《 次者,真 末 真 而 之, 世 易》曰 是 感 王之事 也 而 而 人 用 憤 則 付 摇 情 之 餤。」 夫 也。 其 之蒼天者,真 知 車 摇 而 : 彌 ,莫先乎 懷 耐 言 汲 載 夕 巧, 中 將 卒 有 汲 栗里之徵 有 者 魯 叛者其 而 鏡 莫 於 時 連、斗 文 出 捧 如 能 情僞 不 煩意 此 自 焉 檄之喜 而 噎 能 逃 表 不 辭 也 則 量 詩》 自 也 士: 亂 既 慙 暴 屏 慙 其  $\pm$ 止 中 者。 盜言, 而 丽 (人之真 日 淡 而 汨 ^ 古 蠋 而 爲 黍 如 :「盜言 0 然若 其 羅 矣。 有 心 微 言 離 醉 之宗 君子 詞 荷 朝 見 疑 者 者 其 之 僞 以 忘 不 無 賦  $\Box$ 

#### 修 辭

乎 ? 學之 反子貢之言以 Ď. 聞 沫 言。」 生 力 與 從 初 以 天 性 典 不曰 孝經》,此 謨、 道 然 即 爲 善 與 語 出 乎 亦 談 基 則 天 録 辭 爻象, 「言之無文,行 性 游 不 道 氣,斯 夫 人 無 道 定 外 譏 門 子 是理矣。」後之君子,於下 譬 夫 此二 乃 乎 者,多 之曰:「夫子之言性 夫之言 不 遠鄙 猶 子之言 是。 曰 以 築數 帝 文章爲 倍矣。」嘗見今講 不善於修辭, 其 故 日 而 仞 也。 旨 : 王之言 日 不 之牆 : 遠 小 不 遠」乎? 文章 能 有 技 其 一, 而 也 文 德 而 辭 在 與天 或 章 者 浮 不必 文 學 論 乃 曾 埃 而 必

聚

欲

有

性

語

有 捧 檄 之喜」,據《 (校記》,鈔本作「赴僞廷之舉」。

0

先

子

用

乃書其師語以 倍,語録 之、然以弟子記先師、懼失其真、猶 者,遺後 不遠。」出 行則有 儒其行 也。」〔錢氏曰〕釋子之語録始于唐,儒家之語録始于 道 可 德而不必有言矣。 而釋其言,非所以垂教也。 世 行而 得 辭 而 氣不能遠鄙,曾子戒之。 而 雜以鄙言乎? 儒家有鄙倍 俚 聞 俗 謂之語録。 夫子之文章, 之詞矣。 〔姚刑部曰〕「言之無文,行 當唐之世,僧徒不通于文, 宋世儒 有 君子之出辭氣必遠 有德者必有言, 況於説聖經以 取 爾 不 者弟子蓋 也。 可 得 明 7世自著 過 而 教學 而 語 宋 單 效 鄙 而

録 離矣。」 出 楊 而 用修曰: 文 與 道判矣,詩話 「文,道也; 詩,言 出 而 詩 也。 與 語 書者,乃亦效其辭,此何取哉?

可謂知言者矣。 子雲,下法文中,  $\pm$ 元美之《劄記 自 嘉 靖 以 後,  $\approx$ 雖 范 人知語 所 介儒之《膚 得 有淺深之不同,然 録之不文,於是 語》,上 規

## 文人摹倣之病

者乎! 未見其 陵自有連城璧,争柰微之識碔砆。] 夫文章 絀唐人之學,謂之江西宗派。] 金元裕之詩云:「少 瞻云:「今人學杜甫詩, 師裴則蔑棄其所長,惟得其所短。」宋蘇子 文者。學謝則不屆其精華,但得其冗長 湘東王書》云:「今人有效謝康樂、裴鴻 古人,已非極 〔原注〕葉水心言:「慶曆、嘉祐以來,天下以杜: 谢朝 道,猶儒者之末事 近代文章之病,全在摹 華 且古人作文,時有利鈍,梁簡文《與 於已披,啓夕秀 進 治 治 況 此 丽 遺其神 ·, 乃 窺 得其 著 於 欲 述之林, 未 如 理 倣, 振 陸 粗 而 者 即 士 俗 得 甫 衡 而 其 使 爲 益 今且 己。 所 皮 逼 師,始 難 謂 臚 毛 肖 ;

前 者 既恐 必 不 效 《 楚 ·如《七 失之,而 解》者 發 必 其 筆 不 蓋 如《 力 其 復 意 楚辭 不 中 能 先 》,效《 自 有 遂, 七 人 此 發 壽 在

陵

餘子學步邯鄲之説

也

摹 喜。 駰《達旨 之爲《解 東 越 厚《晉問 林》,使人 太 辯 創 方 清 切, 》、 王 句  $\approx$ 意 寫 朔《答客 壯 其 崔 造 洪氏《容齋隨筆》曰 1 一粲《 漢、 後 駰 端 嘲  $\approx$ 其 無 讀 乃 ^ 繼 班 ×, 病 七釋》、 七 麗 新 未 之者 晉 用 難》, 尚 古 與 依 辭 終篇 意 其 諸 有  $\approx$ 賓 腴 七 如 體 文 馳 自 張 旨, 戲 傅 馬 林 前 傅 騁 是 士 往往棄之几格 協《七命》之類  $\approx$ 融 玄又集之以 毅 **>** 之 自得 文 上 同 超 :「枚乘 張  $\sim$ 中 弊 七 薄 七 然 衡 之妙 傑 於 廣 及 騒 别 激 應 出 × 些, 韓 是  $\approx$ **作《七** 立 閒 退之《 曹 機 張 故 》,皆 至 揚 爲《 洗 規 杼 植 衡 於 雄 柳 爲 發 激 矣。 進 崔 章 擬 七 倣 七 七 口

> 辭 學 解》出 之工 拙 ,於是一 論 爾 若其意,則 洗矣。」其言甚當 總不 能 出 然 於 此 古 以

範

韋

之

外

也

人謂之屋下架屋 周 原注》世 書》 如 而 揚 説》 作《大 雄 Ŧ. 擬 隱論 ^ 誥 易 揚雄《太玄》:「雖妙, **>** 而 皆 作《 心 勞 太 而 玄》, 日 非 拙 王 益 者 也 莽 依 古

、立言之本。 《曲禮》之訓:「毋勦説,毋雷同。」此

## 文章繁簡

病。 者 相 辭 襲,從 也 必己出,降 若宗師 韓文公作《樊宗 原 漢 注 之文, 迄今 如 而 《絳 不 守 用 則 能 居園 懲時 乃 師 律 池 剽 墓 記 人之失 賊。 銘 此 以 **>** 「東西」二字平 日 極 後 : 中 而 皆 今 指 又 維 人之 失之 前 古 公 于

古

境。 書 注 注 而 Ē 改 : 此 不 而 八爲 德 可 一辭達 不知近日之學爲秦漢文者,皆「贼七」之類 中 分注於「賊七」之下曰: 甲 自秦、漢 解, 劉七事,大書曰:「七年閏五月,賊七來 辛」, 殆類 而 則是求 已矣。」〔原 以 吴人之呼「庚癸」者 前 簡 可耳,若今日 而 注 得繁,兩失之矣。 「姓劉氏。」舉 〕胡纘宗修《安慶府 矣。 以 作 示人, 作 書 也 書 而 寇 無不 志 子 須 非 江.

簡也,不簡於事 尉語。 之使多。 氏曰〕文有繁有簡,繁者不可簡之使少,猶之簡者 論 書》之簡處。 ¥ 4. 興而 有 《史記 辭主乎達,不論其 .繁簡,謂文未有繁而 《左氏》之繁勝于《公》、《穀》之簡、《史記 文亡矣。 》勝《漢 [原注]《容齋隨筆》論 而 書 《史記》之繁處 簡於文,其所 處 IE. 能 不獨 繁與 T. 者,亦非 此。 簡 《衛 以 也。 通 新 必 青傳》封 病 論 唐 勝於《漢 也 繁簡 也。 書》之 不 П 一錢 之 漢 增

子之言告 齊人有一妻一妾而處室者,其良人出 時 子 孟 大 子, 陳 子 此 而 不 以 須 告 重 孟 見 子, 而 陳 意 子 已 以 則 明 時

> 焉,少 饜酒 此 也 盡 必 乎達,不主乎簡 則 得其所 子 其所哉 之池。校人烹之,反命曰: 也。」」「有饋 校人出 必曰「其妻疑 孟子文章之妙。 産智? 富 饜 而 貴 酒 肉 、則洋洋焉,悠然而逝。』子産曰:『 未嘗 哉 也。 肉 而 而笑之」, 而 !!!此 後 予既烹而 得 有 後反。 生魚於鄭 其妻告其妾曰 反。 其 顯 者來。 所哉 而 問 兩言而 必 使人《新唐書》,於 瞷 其妻問 其 食之,曰:「 !』校人出 須 之」,於子 子産,子産使校 吾將 與飲 重疊 已矣。 :『良人出 所 『始舍之, 圉 瞷 食者, 而 與 良 情 飲 得 産 曰:『孰 是故 人 事 其 食 之 盡 則 者 乃 所 齊人 富 辭 必 人 所 則 哉 之 得 畜 主 必 E 幸 則

辭 且文章豈有繁簡 故 劉器之曰: 其事多 鬱  $\sim$ 邪? 而 新 不 唐 明 昔人之論,謂 書》敘 此 作 事 史之病 好簡 如 略 也。 風 其

意 行 句也。」〔楊氏曰〕大凡意見最害事。 表》云:『其 新唐書》所以不及古人者,其病 於繁 水上,自然成文』。 簡 則 事 失之矣。 則增於前,其 若不 當日 出於自然, 文則 子京立意尚 進 省於舊 正 新 在 唐 此 簡 而 遂, 有 兩

有不當簡而簡者。

要之、新

唐書》體例自

乎? 爲滑 人也。 是知文不可以 百家矣,然則『事』之一字其 史》曰:『母,韓 公省之久矣 曰:『下蔡史舉學百家之説。』似史舉自學 史記》多有 :『母,韓女也。 稽 《甘茂傳》、《史記》曰:『甘茂者,下蔡 黄氏 事下蔡史舉,學百家之説。』《古史》 矣。 日鈔》言:「蘇子 不當,如《樗里子傳》、《史記》 然 省字爲工。字而 則 女 《樗 也。 樗里子滑稽多智。』《古 里子》三字 滑稽多智。」似 由《古史》,改 可 可省,太史 省乎?」 其 可 以 以 省 母:

## 文人求古之病

之語。 之不能 復成義例乎? 《漢》中文法以爲古,甚者 古之異,虯以爲「時有今古,非文有今古」。 表》曰:「且辭之繁簡以事, 之於文,殊爲不稱。 此至當之論。 《後周書·柳虯傳》: 時 [楊氏曰]《宋史》又太繁,一帝之紀,乃至九 爲《尚書》、《左氏》。 夫今之不能 〔原注〕元阿魯圖《進 而文之今古以時。」蓋 獵 爲二漢,猶二漢 其 人論 乃 一二字 勦 文體· 取《史》、 余宋 用 句 有今 卷,豈 柳 史 用 虯

俚淺也。
 但淺也。
 日之官爲不古而借古官名,舍今日恒用之日之官爲不古而借古官名,舍今日恒用之以今日之地爲不古而借古地名,以今

唐書》:「鄭餘慶奏議類用古語,如

人訾其不適時。」「仰給縣官」、『馬萬蹄』,有司不曉何等語。

白謂 不以 近 之太息, 書以爲後 古人讀書多,故 一時 乃或 爲工 Ι. 宋陸務觀《跋 一妙,不 鈔 , 亦 掇《 知 自 有笑之者。 史》、《漢》中字 作 不 生戒。」 前 知 文 漢 時 孰 通用古字韻》 偶 爲 古、 用一二古字, 偶 孰 見 人 文 爲 此書,爲 辭 今 Ď 中, 也 : 初 0

當從 監 司 、太守,是亂其官制,久遠莫可考矣。」 實。 兀 陶宗 如 儀《 廉 訪 報 使、總管之類,若改之曰 耕録 ₩ E : 凡 書官 銜 俱

京兆 間 縣 必 且. 易 於 著 必 王曰 此,何 事復有 用 以 何孟春《餘冬序録》曰:「今人稱人姓 前 世 代 望,稱官必 琅邪, 益 一碗矣。 郡 於工 邑名,欲 鄭 拙? 李姓 日 用 滎陽,以一姓之望 以爲 前 者 此 代 稱 不 異。 職名, 隴 惟 於理 西公,杜 不 知 稱 無 文字 府 取, 而 日 州

> 黔。 宗 稱 第二 不 三年十一月, 概衆  $\Box$ 事 之建置,代 昔人之號而 公』、《冷齋夜話》稱 孫 之,後將 日 伯 官 Ш 復有礙者也。」「沈氏 光憲輩始。 一條云: 陰、歸 諸如 北 及地方,不曰 不 人,可乎? 直、  $\Box$ 此類,沿 户 德,不曰 南 何 部 南京都察院 真 所考焉? 郎 有 概同 戒 浙 中、工 襲已久,必竟當以 吏 沿 沿  $\wedge$ 高 江、雲貴, 北夢 部 襲。 拱、 革, 姓 尚 此 部 張 右 書、 如 , 尤是可 陶 員 今必 強言》 其失,自 都 居 稱 外 日》神 穀爲『五 禮 而 īE. 御 此 輔 部 史蔡應科《乞正 丽 臣 日 所 用 而 侍 日 燕、 爲 不 稱 日 宗實録 郎, 謂 前 鄙 度 Ė 戒。」 新 唐 吴、 馮 支郎 Ŧ. 於 代 柳公」,類 而 鄭、 末、 家 涓 豫 日 理 名 官 屏 江 章、 大冢 將 爲『 五. 萬 無 號 職 陵。 作 沈 越、 疏 曆四 長 宰、 季 官 取 而 郡 體 鯉 又 滇 屬 疏 而 稱 邑 以 樂 間 少 或 而

于慎行《筆麈》曰:「《史》、《漢》文字之

卷

<sup>■ 「</sup>韻」字下,影印文淵閣《四庫全書》本《渭南文集》

苟。 敢 Ι. 淆 但 文 施 佳 今人慕 如 於官 如 本 文 失 記 於今,此 此。 尋常小 辭 實 其 欲 自 名、地 實邪? 文之雅俗,固不在 復古,何不 其文之雅 無 無 有 所 以 應爲古 在 作, 模 , 名 示 非 擬 或 以 遠,大家不爲 謂 ,至於名義之微 以三代官名施 古易今。 有 人笑 往 其 遷 往 官 就 也 取 名、 金 其 《史》、《漢》 官 前輩名家,亦 石之文,斷 地 也。 名、 名之古 於當 此,徒 則 地 子 名 素 H 不 . 也 不 敢 混 之 以 不 而

## 古人集中無冗複

他 祭文,則不復見于誌; 文。 集之中 古人之文,不特 後之人讀其全集,可 亦無冗 複。 且 見于 篇之中 如 誌 稱 以 人之善,見于 則 互. 無 見 不復見于 冗 也。 複 也, 又

> 亦 陽公自信己與范公之文並 祭文已言之,可 有 魯誌》,不言 可以 互. 見 見古人之重愛其言也 于 他 近 人之文者, 日 以 古文自 互見,不 如 師 歐 魯始, 可 必 陽 傳於後 重 公作 出 以 爲 世 蓋 尹 范 也 歐 師 公

《誌》若《祭文》在。」又 厚名 之出於己也。 氏 劉 夢得 與 仕 與 作《柳子厚文集序 年 暨 行己之大方,有 可見古人不 日 : 必 退 其文 之之 凡 子

## 書不當兩序

先生之 首, 府 且 如 州 副主考序其 或 會 縣者 齒 初 試 尊 時 録》、《鄉試 也。 而 府 有 後, 請 州 文者序之,不 者必當其人,其 職 縣 也。 録》,主考試 志 書 凡 成, 書 亦猶 則 必 官 人 推 官序其 是矣。 亦 于其 其 心 鄉

紀歲 于鄉 優,其 四 之先生,其文優,其于是書也有 止 敢作矣。 自 序 ~; 非 篇,或 月 與官矣。 其 而 職 於 不止者矣。 而 無 也。 是 義取 無 可 别 書 院者。 讓 世之君子不學而好多言 有發 也 凡 于 而 有 此 獨 後 明, 今則 功 者,所 斷, 爲之。 兩序,非體 則 則 ·則有· 有 爲 不 謂 官于是者,其 兩序矣,有累 譲于 後 自爲之 職 序。 也 也;不當 功,則官 鄉 矣。 而 亦 故 也 有 其 不 讓 其 但 序 不 鄉 文

但紀 成 凡 書 書 有 之歲 所 發 月 明, 叮 序可 也。 也。 人之患 無 所 在 發 好爲 明

也。」 並生 者,皆後世宗師 今世 讀 **婁堅《重刻元氏長慶集序》曰:「序者,** 唐 杜牧《答莊 此言,今之好爲 一, 欲 序 其 足 人 充書》曰: 下 而 未 人序者 爲之。 已之文, 「自古 可以 今吾與 古 止 [序其 不 足 口 文

> 有託 最 其 或 之不吾知 甚著,求序於皇甫謐。 敘 此言,今之好爲古人文集序者可以止矣。 好事,多設游 述者,非 序之,●是宜敘 漫 後 爲 所 劉 以 漶 於人以 雅 馴 向 作之指 不 追論 矣。 也。 以 叮 傳者, 校 讀 昔賢,妄爲優劣之辨, 揚之辭,皆我 左思 書爲 也。 至於其 有 所以 皆 繕 賦《三都》成,自以名不 職,每 蓋始於子夏之序《 刻之意 寫 汲 傳 自 而 汲 既 是綴文之士,多 於名,而 重 久 所不 可 編成,即 刻 刻 也 之, 取 本 惟恐 也。 即 而 則 之 有序, 詩》。 存 過 今 人 Ż 人 讀 復 者 稱

## 古人不爲人立傳

傳之名始於太史公,蓋史體也。不

列

之。

文士作傳,凡

爲圬者

種

樹

之流

而

린

其

人既

稍

顯

而

義

不

同

劉

先

生

云 :

古之爲

達

官

名人

傳

者,

史

官

謂 始 誌 當 蕃 之傳。 有有 於東 》、《圬者 作史之 狀 方 而 韓文公集 朔 職 Ξ 無 作《 承 傳 無 非 福 爲 **≫**, 梁 有 中 人 先 任 立 毛 傳三篇: 生 昉《文章緣 穎 傳者, 傳》,是 **%** 〔原 《太學 故 以 注 有 起》言 又 寓 碑、 生 言 有《下 何 有 傳 而

王 赤 宋 承 清 福之輩 宗、《郭 蝜 蝂 皆微 **槖駝** 何 》、《童 者 蕃 僅 而 謂 採 品 之 其 寄 傳、毛 **∀**, 事 丽 梓 穎、李赤 謂 人》、《李 之傳,

邳

侯

革

華

傳

是

僞

作

柳

子

厚

集

中

傳

六

篇

子 耳 厚 之不 若 段 敢 太 傳段 尉 則 太 尉, 不 E 以 傳 不當 日 史 逸 任 事 也 狀 自

蝜

蝂

則

戲

耳

而

謂之傳,

蓋

比

於

稗官之屬

例,豈 宋 以 氏曰》段 可 後 云 乃 1傳乎 太 有爲 尉 姚 逸 事 人立 刑 狀, 部 傳  $\exists$ 此 欲上之史館 者,侵史官之職 傳 狀 類 者, 雖 則用 原 於 行 史 狀之 矣。 氏

> 之文,並 實 也。 即 定 事 文,史 録 不當爲之傳,爲之行狀 品官乃賜諡 書 雖 館 人臣卒,必 然 紀兹義, 凡 古之國 仕 非 賜 使後之文士得 然則 諡 撮 史 立 及 序 史之傳者亦無幾 傳 死 平. 上史氏 事 不 生 者 甚 賢 擇之。 拘 不 否。 而已。」余謂 得 品 爲 位 或 傳。 朝 矣。 所 實 紀 乾 録 余録 事 先 隆 不 猶 生 四 古 紀 之言是 詳 + 臣 傳 年 狀 F 又

之「别傳」,所以别於史家。《太平御覽》書目列古人别傳數十

種

謂

## 誌狀不可妄作

者 言,故不讀其人一生所著之文,不可 傳 大 其 而 \_, 不 在 事 人生而 之後人,爲史之本。 監 誌 悉 不 狀 司、守令之位者,不 一司之掌故 可 在公卿 在文章家爲 以 作。 大臣 其 不 之位者,不 人 史之流 史以記 生 可 悉 而 以 在 作 事,亦以載 上之史官 方之地 曹 悉 其 署 以 朝之 之 作 位 形 牛

之,是 乎此 之者」,其謂 土 以 而 因 妄 牴牾 革 爲 利 是 不合。 人 病 與? 作 不 誌 可 子 以 史 日 家 作 蓋 又 有 今之 不 不 考 知 人 而 未 而 承 作 用 通

之宗匠,乃欲 誌者,必一 父書者,不必 有不識字之子孫,而文章家 子孫之狀云 ,嗟乎,若是則盡 名臣碩德之子孫,不 時 能 爾,吾則 文 使 苑 通 籍談 有司 名士,乃不 、伯魯之流爲文 因之」。 天下而文人矣 掌故。 必 不 皆讀 能詳 若夫 可 夫 大 有 父 究, 臣 不 爲 書 人 通 家 而 人 任 作 今 可 日 讀

## 作文潤筆

如 胡 碑,至於袁滿 廣 蔡 伯 陳 喈 寔 集 各 中 來年 碑 爲 + , 橋 時 五 貴 玄、 一、胡 碑 誄 楊 根 賜 之 年 作 七歲,皆 胡 甚 碩 各

> 得 獨 傳 爲 爾, 生》曰: 之作 韓 以 不若與 退 其 之「谀 名 碑 「劉义持韓退之金數斤去,曰:「此 、劉君爲壽。』愈不能 重 自 墓 隱 非 金 而 利 哉哉 其 不 言 潤 耳。 筆 止。」今此 原 不 注〕李商 文人受 至 事 載 爲 諛墓中 隱 唐 此 賕 記 書 人所 齊 岢 史

長門 於晉、 皇后復得幸。 后 百斤,爲文君 無復幸之事,此 宫, 王 宋。 楙《野客叢 聞 觀 司 文蓋後人擬作,然亦漢人之筆 取 馬 陳 此風 酒 皇 相 書》曰:「作文受謝 后 如 西 相 失 天 漢 如 寵 下 已然。」「原 因 Ι. 於 爲 漢 爲 文 文,奉 武 以 帝, 注 悟 也 主 按 黄 别 非 陳 金 在 起 皇

隧 計。 麟 謁 注 表 選本 織 滿 劉 阡, 成 其 杜 傳 禹 罽。 門, 甫 錫《祭韓 「長於碑 作《八哀詩》,「李邕」一 字之價,輦 碑 紫騮 版 頌,人奉 照 隨 愈 四 劒 文》曰: 裔 ·金帛 几,義取 金如 請 豐 其文,前 Ш 公 屋 無 鼎 珊 篇 可 虚 後 瑚 侯 H 謂 歲。」「原 所 鉤 碑 受鉅 辛 露 志 麒

若唐寅之直以爲 載 時 逢笑曰: 真 唐子畏有一巨册 利市』。」〔原注〕今市肆 風 逢友善。 贓 之《法言》,而 俗 者矣。 可見矣。 「適見人家走馬呼醫,立可待也。」」此雖戲言,當 每 責 〔原注〕《侯鯖録》: 逢 昔揚子雲猶不肯受賈人之錢 궁: 杜 利 『貧 乃謂之「義取」,則 自録 也。 帳簿多題此 不可 堪, 所作文,簿 《 戒 何 唐 菴漫筆》言 不 Ŧ 二字。 仲舒 尋 碑 誌 爲 面 郎 相 又不 題 中, 救?  $\vdash$ 與

詔

爲 萬 [是?]]今之賣文爲活者,可 縑 請 新 唐書 譔先銘。 • 韋 答曰:『 貫之傳》言:「裴均 吾寧 以 餓死, 媿 贵 子 能 持

亦

Ŀ 也 盡 絹 父子雅重之,數餽遺,弗受。 。」既 ,是又其次 數 國。 干。 司空圖傳》言:「隱居中條山,王重 高頻爲制 不 有 啚 其 也 置 贈 戲 虞 日 〔趙 而受之,何居? 鄉 氏曰 「筆乾。」荅曰: 市,人得 〕隋鄭譯 嘗爲 取 拜 出 爵 之**,** 作碑 沛國 典方岳,杖 不得 公,位 楽 己 H 贈

> 公拜相 字餽遺 遺,若黽 士真碑》, 俛辭曰: 「王承宗事無可 于泉寄 私受,特奏取旨。 益公《玉堂雜記》: 我胸中 宋時并著爲令甲。 策言歸,不得一文,何 潤筆 時 《歸 特奏取旨。 西碑》、憲宗以石本賜韓弘、弘寄 刻 有餽贈,更不待 送 石 田 而 綵絹三百匹,亦特 錢幾及萬緡,賜硯尤 事」,例外贈百金。 麻 於金人院,每 而遺人督索者,此又乞文吝餽者之陋 勉 録 詞》,有 辭與受俱 受之,則 記 杜牧譔《韋 館 能 閣 又作《王用碑》,用男寄 言 「湯思退草《劉婉儀 沈括《 奏請 非 譔文,例 斷大事,不拘小節」,萊公以 朝 平 以 唐時 謝日 《筆談》記: 生之志。 潤筆?」此 丹 ,則已爲朝野 奏聞。 日 雖 江西 奇。」草 移 有 「例外」,則 未有 文督 潤 遺愛 穆宗 筆。 書。 帝 定 「太宗立潤 絹 制 之。」楊 「潤筆」二 從 碑 制 通行之例 進 詔 Ŧi. 又譔 尚 及其後 其 》**,** 江 位貴妃 有常例 蕭 鞍馬 百 然韓 有 請 俛 兀 恩 進後 大年 西 昌 字 也 譔 并 昌 賜 筆 矣。 以 觀 制 미 則 遂 白 爲 黎 作 錢 所 例 成 黎 區 察 知 譔 īĒ. 數, 玉 由 又 品 德 使 未 臣 高 寇 得 **平** 帶 昉 敢 周 文 貺 許 下 得  $\pm$ 萊

淮 例 賜

#### 文 非 其 人

依 公

元史》: 姚燧 以文就 IE. 於 許 衡 衡

七四 九

之來 之,亦 拒。 節。 記 陸 爲 草 罪 哉 然先 又 迹太 子 融 立 戒 貴 議 奏 游 懲 之日 元 īE. 也 ? 是皆「 知微 見譏 李 曲 直 有 至 近 晚 顯 於 非 輕於恥 非 將 乃 年 所 古 能 録 恐 是 鄧 其 待 周 清 之君子矣。 儉 羞 再 尚 内 人而 弓 氏 身 又 非 爲 世之名,將 議 德 書, 出 不不 外 作《大 矢 辱 斯 其 有 徐 含 與之,與 並 爲 文章 爲 世之道 欲 人 力 朱文 敢復 廣 章 必 執 物 者 韓 使 而 爲 將 不 下官 其 侂 公嘗言 古 所 百 與之」者 祠 違 得已, 軍 以 何 牽 用 胄 僚 也。」 發 非 部 忤 待 西 禮 以 有 譔 挽 聞 致 其 郎 埶 第 盜 應人之見役 ^ 先 與 敬, 士子 家, 廣 時 吾 南 不 頌 也。 也 乎 其 常常 丽 其 觀 得 袁 臺  $\approx$ 遂 會 之利 拒之, 此 與 能 爲 閱 前 全 内 使 夫 爲 稽 以 者 也 愧 太 古 其 盜 禍 梁 使 此 代 王. 恨 高 泉 均 冀 者 則 寧 晚 廣 世 馬 患 頗 得

實 天子 閤 强 魄 年 租 每 録 坊、百二十司 無 未 臣 作 日 曰 : 奏 愎 : 喪, 以 見 税 下 青 不 一不以介意,方務 一、不顧 來,不 皆 書「 對 威 ^ 親 草 有 可 實 少 愈來 影 韓 輒 年 德 勝 臨 赤 不 諂 滅 貶 昌 而 心 其家,老姦 數,皆能守官 免, 未 京 文法。 旦 事 其 京 跡 雨 黎 盜 事 達, 李 師 、六軍 何 绝。 人窮 者 兆 集 今年 賊 Ŀ 齊 ,於今十五 能 百 | 有《 投 一,憂 尹 不 運 是 及 至 非 有 知 雖 李 ·、 二 十 敢 聚 時 或 此 宿 閣 壞 驟 餘 早 求 實 Ŀ 起 斂 春 \_! 奉 贓 如 下 遷 屋 日 丽 爲 京 見 夏旱, 徴 職 家 穀 條 四 賣 承求; 至 銷 年 至 穀 通 之 兆 種 如 價 縣 瓦 京 其 理 甚 無 縮 文 州 尹 所 不入土 閤 木,貸 不 鎮 之 以 好 京 兆 爲 摧 過 長 亦 李 下者。 見 敢 人, 給 畿 尹 服 沮 失而 史」, 不 順 公 實 乏食 進 麥苗 宗 皆 恃 布 魂 卿 書 由 可 奉 寵 則 實 官 百 野 今 大 輕

與前 文 公原本矣。 不 不 黜 以 露 何之,實 一行,用 **一**, 而 應官。 聊 縮 朝 朝 此 生。 所上之書, 廷 不自覺其 爲 由 疑。 此處或有已甚,所謂溢惡溢美,自古爲然也 韶書徵之 畏忌之。 至 陵轢公卿已下,隨喜怒誣 閒 譴, 贵. 道 非 獲免。」「楊氏曰」《順宗實録》非 失言者邪? 迥若天 市 嘗有 少 里 如 年 懽 初。 淵 未 呼,皆 詔 達, 矣。 免畿 勇 於殺 後之君子, 投 〔原注〕《隺林 袖 内 知 瓦 害,人 逋 求 礫 租 奏遷 見之 遮 吏 口 道 實 文 玉

## 假設之辭

以

、爲戒。

以 作者,實祖 公、烏有先生之文,已肇始 爲點綴,不必一一 古人爲賦,多假設之辭。 此意。 謝莊《 符同 月 賦 也。 於 \* 相 序述 「陳王 子 如 虚、亡 矣,後 往 初 事, 喪 之 是

> 王。 多寓言,便不論 年卒,安得言孝武 者,亦本無其事, 爲桓玄侍中,桓大司 守,乃復有桓大司馬,亦同 庾信《枯樹 逝,亦是歲 十二年春道 仲宣。」按王粲以建 應、劉,端憂多暇。」又曰:「抽毫進牘,以 叔敖」,又云「莊子見魯哀公」,年代闊 矣。〔原注〕《長門賦》乃後人託名之作。 湊合成文。 此樹婆娑」之言,桓 豈. 可 而《長門賦》所云「陳皇后復得幸 掎摭 也。 賦 也 病 皇 》,既言 史傳, 卒。 馬則玄之父温也。 帝 玄子有「木 至 俳諧之文,不當與之莊 哉。 明帝 安二十一年從征吴,二 徐、 以議 [楊氏曰]《莊 殷 陳、 猶 太 仲 此 如 此 和 文出 應、 此 賦 绝。 例。 六 此乃 之歎, 之不合 年 劉 子》孔 相 古 爲 「原 如 大 人作文,既 東陽 遂以 植 以 殷 注〕仲、 子 元 仲 時 封 文有 見 狩 二事 論 太 俱 陳 孫 文 Ŧi.

謂「屈平適樂國,介推還受禄」也。陳后復幸之云,正如馬融《長笛賦》所

七五

## 古文未正之隱

 $\pm$ 師」,下篇謂之「彊寇 陸 機《辨亡論》,其稱晉軍,上篇謂之

完者 鑑》至二百八十卷石 有 統天下,而諱之不書,此有 宋」,其下闕文一行,謂蒙古滅金取宋,一 契丹之事,而云「自是之後,遼滅晉,金 「顔」。 羽《西臺慟哭記》,本當云「文信公」,而謬 字也。❶ **五「顔魯公」、「楊氏曰」本文但云「唐宰相魯公」、不云** 待於後人之改正 也。 文信國《指 本當云「季宋」,而云「季漢」,凡此皆 後 漢人言《 人 不 南 知 録 其 春秋》所 敬 者也。 意,不 序》中「北」字皆 瑭 以 待 能改之。 貶 Ш 胡 損 於後人之補 後 身之注 大 十六州 人當 謝 鹵 世 破 賂 通 皋

> 注》溪漢 習其讀 況於易姓 日 「不知其人,可乎? 書・ 而 藝文志》。 改物, 不知,無爲貴君子矣。 制 故定、哀之閒 有華夏者乎?❷ 是以 論 多 其 微 **盒** 世 辭 也。 子 矣

直斥彼 自序 者所改。 相」,又自稱『天祥』,皆非公本語。 本末,未有 鄭所南《心史•書文丞相事》言:「公 酋名。」母然則今之集本,或 稱 彼 曰『大國』、❸日 皆 舊 傳書 本皆 『丞

自 臣 唐慶等往來議 以 北 輿 《金史·紇石烈牙吾塔傳》「北 中 逃 地 圖 巴 指 和」、《完顏合達 北 示之」、《完顔 中」二字不成 賽 傳》 不 傳 文,蓋「鹵 中亦 》一按 北 中 大 遣

6

0

首」,據《校記》,鈔本作「虜」。

君

臣、有威權勢力者,其事皆見於書」、「原

<sup>0</sup> 0 鹵 彼」,據《校記 華夏」,據《校記》,鈔本作「中華」。 據《 校 記 》,鈔本作 本作

中」也,●修史者仍金人之辭未改。

《通鑑》並改從本名。《晉書》「劉元海」、「石季龍」,作史者

日

知録集釋卷十九終

「鹵」,據《校記》,鈔本作「虜」。

七五三

# 日知録集釋卷二十

崑山顧炎武著 嘉定後學黃汝成集釋

## 非三公不得稱公

是也。 後,列 而 官,子孫因 公、州公,或 公、毛公、蘇公是也。 王者之後稱公,宋公 後稱公。」天子三公稱公,周公、召公、畢 後, 「周平王命武公爲公。」東遷以後,諸 《公羊傳》曰:「天子三公稱公,王者之 國諸 列 杜氏《通典》曰:「周制,非二王之 或 其 侯 諸 因 號耳,非 其 侯皆僭 殷之舊 爵 無 至 稱 周 爵 一公者。 之典 公。 ,或嘗爲 ′ 梁 制 侯於其國 春 氏 也。 ム 天 秋 子 東 有 衛 皆 遷 之 虞 稱 世

+ 秋 書 復稱伯,又稱子者,如桓二年 始 依 則 稱 男皆書公、惟桓十七年書「癸巳葬蔡桓侯」。 爲公,所謂《春秋》天子之事也。 秋》,凡會盟征伐,必據本爵書之,不以其僭: 公,其稱侯、伯、子、男者,不 下之大法昭矣。〔左暄 於是天子之事與人臣之禮並見於書,而天 生不公,葬則公之,列國不公,魯則公之。 夫子作《春秋》而筆之於書,則 公,從未有 杞伯來朝」, 本爵。 而 之,以見非禮也。 侯,蓋蔡季之賢,請諡於王 云 「杞伯來朝」,僖二十三年書「杞子卒」,文十二年 》隱七年 年 稱 「諡曰某侯」,諸國 書 侯、繼而稱伯者,如 春秋之時 一薛伯 書 天子命 襄二十九年又書 滕侯卒」,桓二 卒」是也。 諸 葬 又有始而 侯爲公者。 既 史因而記之,故 不 隱十一 有始 請 書 也。」凡諸侯請諡,王之策 年 過 日〕春 稱 王命,因 「杞子來盟」是 「杞侯來朝」,莊二十七年 而 書 諸 而於葬,則 侯, 武公蓋· 年 稱 小 滕 秋 書 侯 繼 或 時, 子 而 西周 「薛侯來朝」,昭三 繼而 而 耳。 來 人爲 私諡 或公或否: 諸 稱子 朝 凡侯、伯、子 諸 啖 公也 大國皆僭 稱 夫子 王 爲 助 者, 也 是 侯紀 伯 公, 卿 曰:「其 也。 而 作 如 稱子, ± -復書 傳 從 稱之 杜. 春 耳。 有 征 皆 而

南、楊 温 之諸葛公亮、魏之司馬公懿、吴之張公昭 則 公,天下寧有是邪?」是御史大夫得 相 謂夫子以意進退予奪之,則非矣。 華、王公導、庾公亮、陶公侃 顧公雍、陸公遜,《晉书》若 公爽、皇甫公嵩、董公卓、曹公操,非其 公融、袁公安、李公固、陳公寵、橋公玄、 禹、吴公漢、伏公湛、宋公弘、第五公倫、 三公之位,則無有書公者。《三國志》若漢 公寵、崔公烈、胡公廣、王公龔、楊公彪、 通稱 徒,公一人。司空,公一人。 久、朱子以爲或困于大國之責 置三公。<br/>
〔原注〕《續漢·百官志》:太尉,公一人。 五公」,「原注」《西 劉公裕之類,非其在三公之位,則 氏 也。」按 士: 勛 劉 《後漢 氏 敞、 書 葉 都 氏 獻 賦 夢 **| 李善** 帝 得 謂 史家之文如鄧 賦 以 御 注 而自 漢之西都有「七 爲 史 稱公也。 、謝公安、 衛 公,御 或 大夫都 貶,皆不 時 公瓘、張 E 慮 所 史大夫、將 而光 黜, 可 日 : 無 桓 知,而 程 郗 公 在 荀 牟 公 武 有 公 劉 氏

可

中

軍

部郎中傅公、員外郎 公墓表》、户部 川集》有 臣記》至無人不稱公,●非史體矣。 何其 書公者。 孫公、侍御史王公《墓志 乎 濫 今日 《兵部員外郎知 與! 史至 誌 郎 中贈 狀 何 之文, 於 郭公、 其 諫 唐 制 爲 議 郎 而 大夫曾公、太常 與! 人人得 中 書公, 周 公、 錢 原 不 郎 稱 氏日 注 中葛公、 一若 之矣。 必 博士  $\Xi$ 皆 鄭端 曾 介 尊 司 待 公、工 簡《名 甫 封 制 臨 郎 常

可

洎

之爵。 皆褒其君爲公。」《詩》曰:「乃命魯公,俾 稱 于東。」「公」者,魯人之稱。 「侯」者,周室 君曰公。」《白虎通》曰: 《大雅》「古公亶父」箋 一臣 三 三 : 子 諸 於 其 侯 之臣 或 侯 中

夫《 伯」,不已異乎? 秦誓》之書「公」, 秦誓》:「公曰:『嗟 曰:「《春秋》以道名分, 與《 我 春 士 秋》之書「秦 聽 無 譁。」

0 若」上,據《校記》,鈔本有「本朝」二字。

之媚子,從公于狩」,亦秦人之詩也。誓》,本國之書,孔子因其舊文而已。」「公五等之爵,班之天子,不容僭差。若《秦

公復奉其社稷。」
《左傳》鄭莊公之言曰:「無寧兹許必專於本國者矣。《碩人》之詩曰:「譚公必專於本國者矣。《碩人》之詩曰:「譚公平王以後,諸侯通稱爲「公」,則有不

君、春秋》書之,通曰「諸侯」也。王之誥》及《詩》之《雲漢》。此猶五等之王之誥》及《詩》之《雲漢》。此猶五等之

有 公、鄖公、蔡公、息公、商公、期思公,並邊 公。』《淮南子》「魯陽公」注:「楚之縣公也。 注》《漢書》「沛公」注 年所謂 之,其君已僭爲 縣大夫皆稱公。」《傳》中如葉公、析公、申 左傳》自王 諸 侯 孟 縣 卿 王,則臣 康曰:「楚舊僭稱 公皆慶寡 而 外 無書「公」者,惟 亦僭爲公,宣十 人」者也 楚僭號稱王 王, 其縣 宰 「原 楚 爲

> 也。 城公。 御 中 之曰公、《傳》即因而言之。 故縣尹稱公。 春秋時齊有棠公。 之遺名。〔原注〕《左傳》齊亦有邢公、棠公。〔汝成案〕 薛公、郯公、蕭公、陳公、魏公、留公、方與 史失其姓名。」楚、漢之際有滕公、戚公、柘公、 注》《吕氏春秋》楚又有卑梁公、《戰國策》 公,高祖 史監郡者亦稱 國,白公邊吴,蓋 邢公之稱,義亦猶彼。此縣公之公也。 而秦有麃公,〔原注〕《索隱》曰:「蓋 初稱沛公,太上皇父稱豐公,皆楚 齊不僭號,亦邑長稱公者,蓋其家 「監公」,見《曹相 襄二十五年《傳》正義曰: 尊 猶伯有之臣云 吾公在壑谷 其 或 名 世家》。 以 》楚人有宛公、新 重 邊 楚僭 〔原注 鹿邑公 臣僕 號  $\pm$ 呼 原

《留侯世家》東園公、夏黄公,〔汝成案〕《索隱 單父人吕公、新城三老董公,《孝文紀》太 公、齊人丁公、《 倉令淳于公、《天官書》甘公、《封 紀》侯公,《項 有失其名而公之者。《史記 羽紀》樅公、侯公、《高 曹相 國 世家》 膠 秦始皇 禪 西 祖紀》 書》申 蓋

傳》故 机一蓋 公潔己。 翟公、然酷 南守吴公、《張 宋公、《信陵君傳》毛公、薛公、《賈生 聲,因從其 某某,似非失其名而公之者。 年遠説繁,或出 朱公、任公、《漢 鼂錯 翔之言,或亦因其自號誤爲姓云。 濟難。」是二人又姓 自序》: 相爲大司 干一 號 夏黄 陳留志》云:『園公,姓庾,字宣 卷 傳 楚令尹  $\Box$ 即 暴秦之世,高 世。」洪 「圈公,爲秦博士,避地南山,惠太子以 自號書之,以著高 影謁 夏黄公。」」是二人自有姓名與字,非失之也 公,姓 徒,孝 園 吏 也。 附會,然《史》云 傳 者 氏 《會稽 惠 崔,名廣,字少 薛 僕 敖傳》中 《隸釋》有 時 書 河 卷 公,《 射 祖 未 與 東 • 即 典 有 鄧 (黄。 作,不 録 高 是名, 守 公、《 季 豊太 史公 以四 人皆 樂 遯 尚 》載虞仲翔云: 卷 第漢 勝 帝紀》終公、《藝文 耶? 四 大 布 通。 能 卷 公神 人前 屠 鄭 夫 傳 哀 《穰 稱 又圈 齊人,隱居 致。 明。居園中, 公,《貨 當 帝 **\*** 泄公、《黥 所 對,各言名 坐, 「 母 時 元壽二年 侯 述,恐不 惠 稱 弟 (傳)(其 傳》下邽 鄞 陳 帝 圈 一傳》 爲司 殖 1 恭 公神 大里 留 夏 足 姓 讓 里 始改 苔 因 據 徒 客 河 祚 潛  $\Box$ 修 以 出 黄 而 《漢書·

仲

丞

則

傳

至

稱

爲

道

故

公。」注家發其例於此,餘 高帝紀》「吕公」注 公之,若「鄭君」、「盧生」之比。本 傳》故人吕公、茂陵守令尹公,皆失其 傳》方進父翟公、《 馬公,是史之闕文,非正書 録》於孝慈高皇后之父亦不知其名,謂之 江公、食子公、淄 九江被公、《于定國傳》其父于公、《翟 方與公、《武五子傳》瑕丘江公、《王褒傳 歆傳》 魯國 公、《張耳 志》蔡公、毛公、樂 高 帝紀 陳 桓公、 注, 餘 ,崔浩云:「史失其名,但 傳》 應 趙 劭 Ш 儒 范陽 人 並 國貫 不 任 林 竇公、黄公、毛公、 注 「樅公者,不 公、皓星公、《 傳》免中徐公、 《公,《周昌傳》趙 令徐公、甘公,《 也。 「原 舉 知 姓 注》史記 其 而言公。」 名,故 朝 游 名 博 方 皇 實 劉 而 俠 進 士

之,非專爲尊其父也。 公之也。 太史公」者, 「錢氏 《史記 日]太史公,官 可 馬 褦 遷 自 稱 敘 名, 其 影前 遷 父 半及《封 父子 談, 相 故 禪 繼 尊

多疑之。 中 右 漢官儀 有 非職 偁 其 任尊于丞 書 子 父爲「太史公」者,其 謂 位 位 在 相 丞 在 相 也 丞 <u>L</u>. 相 上」者 宏,漢人,其 餘 謂 皆 遷 殿 自 中 稱 言 班 叮 位 信 又 在  $\Box$ 水 而 相 後 衛 之 人 宏

也。」《 秦、 人皆 之號。」《元后傳》「元 莊 老者也。』《吴志 大夫白公」,師 何衆辱我」是也。 項 馮 日 隴 籍 公有親 有尊 呼程公。」《方言》:「凡 眭 謂之公。」《晉書 傳》「南公」, 『公莫。』古 弘 老而 傳》「東平 乎」、《史記》文帝 古曰: 公之者 •程普傳》:「普最年長,時 《漢 人 服 相 城 嬴 蓋 虔 , ~ 樂志 書 呼曰 公, 建公」,服虔曰:「 日 戰 • 相 公。 或 溝 師 呼 ₹: 尊老, 謂 策 古 南 尊 洫 馮 **>** 志》「 曰 方之 老之 項 孟 唐 周 伯 嘗 一、晉、 公 老 趙 Ę 稱 君 語 柰 年 老 人 中 問 項

公。《後漢書 漢 書 • 何 李固 武 傳 傳》:「京師 號 爲 煩 咸 碎,不 歎 日 稱 是 賢

公也。

汝成案〕洪

氏

隸以

釋

漢吴仲

Щ

碑》云:

漢故

民

人。』」是知南

北

朝

前

人語,必三公方得

稱

吴仲

Ш

碑

文稱『吴公仲

<u>П</u>

則

無官

者

亦

稱

公也。

周

復爲 鄉 티 : 志·王粲傳》:「蔡邕聞粲 賓客曰: 『今身爲 在 馬,曰:『公在此。』」 何 世不乏公矣。』《王猛 矣。』《陸曄 寢者爲誰,曰: 意,不過 父矯曰:『主 從父太常變嘗問 常已作 ,單馬出行, 緣拜也?』《北 『此王公孫也。』《晉書 李公矣。』《宦者傳 不作公耳。』」《 傳》: 公否?』答 上 忽有騎 明 史 從兄機 魏 7聖,大 公,乃曹 光 公舒。 禄 陶 傳》: 者數 鄭 魏 淵 大 人 舒 述 每 夫 明 在 常 「父老曰 傳 大 祖 种 百,見述 稱 舒 劉 ^ 門,倒 侍 傳》: 臣 陳 暠 此 孟. 之 耽 自 力焉。』《 一,今若 騫 「夜 長 爲 本 日 知 傳》: 『孟君若 司 屣迎之, 史傳》: 是 : 當 祖 聞 少 徒 皆 時 我 爲 不 王 当對 問 魏 口 下 在 家 公

書 爲子孫永業。』乃封長壽縣公,邑一千户。」 之辭,非爲貴爵之號。 臣 嘗 曲 聞 姚 荷 先 僧 殊 帝 垣 私 呼 傳》:「宣帝嘗從容謂 , 實如聖旨。 』帝曰: 公爲 姚公,有之乎?] 朕當爲公建國開 此 僧 是尚 對 垣 曰  $\Box$ 战 : :

郢

日

見呼爲公?』《北 公,❷又非 之曰『顔公』。延之答曰: 『身非 之行。《史記 失其名之公,而「太史公」又父子之辭也。 不足遣,乃公自 三事大夫」。 宋書・顔延之傳》: ●「何 戰國策》:「陳軫將之魏,其子陳 鄭公鄉」,以 育嘗戲之才爲『師公』。 孔融告高密縣 田舍之公,又非 • 留侯世家》:「 此是曲説。 爲「公者、仁德 行 齊 耳。」此 爲 書 鄭玄特立一鄉, •徐之才傳》:「 之才曰:『既 據 君家阿公,何以 偃 皆謂 其 之 路 吾 Œ. 所 中 惟 父 應 引,皆 一號,不 三公之 遥 豎子固 止其 爲 呼 公。 延 公 史 必 鄭 日

> 汝師,又爲汝公,在三之義,頓 居其兩。』

考東郡 君卒」。 稱公。 徇俗。 薨; 曰〕《格論》云:「竊以爲在今日與人書札詩辭,不妨一二 人,亦不一概稱公,古人之謹 康五年夏四月丙 也 維 君墓誌》,每 州 陸雲作祖父誄, 其無 曰《故 若爲誌 牧、左都 赤烏八年二月粤 君 王沈祭其父 位 狀 則 散  $\Box$ ,則非己之先 張 騎常 先 稱 護、 生可 説 申 必 作其 丞 曰 , 晉故散 侍 也。」此正名之義,作史者所 曰「孝子 日《吴丞 陸 「君」,然則 相、 人及官 父《 之卯, 府 江. 君 贈 騎 於分 誄 陵 吴 相 丹 沈 常 品 郡 故 以 敢 陸 雖 州 侍吴郡 也 日 上者,不 侯 公誄 使 昭 己 刺 維 陸 之先 〔沈氏 告 持 史 先 節 當 烈 陸 太 公

府

0 宋 是「南史」之誤 書 顔延之傳」,按《宋書》無《顔延之傳》,「宋書」應 知

公」,原作「位」,據《南史· 顔 延之傳

ø

人 錯 爲公,蓋以官稱之。」 徐孚遠曰:「御史大夫,三公也。 П 日 上初 議多怨公者。」是以父 史記 量錯 即位、公爲政 傳》: 錯父從 用 事,侵 耐 呼子爲公。 潁川 錯父呼錯 削 來,謂 諸 侯,

日: 之,是未嘗 實不盡然,如支道林名遁,道林其字也,而 聲於後」,皆名也。 沙門皆稱名。 安公,道安也,什公,鳩摩羅什 慧隆也, 誌公, 實誌也, 澄公, 佛圖 相與字之,字之則不復公之矣。〔張大令曰〕其 也,生公,道生也, 猷公,道猷 人嫌於直斥其名,故加一「公」字。 「支郎眼中黄。」謂高僧支謙也,是僧又可 法深 沙門亦有 不以字稱 也,林公,道 《世説》言「安、汰吐珠玉於前, 梁、陳以下,僧乃 稱公者,必以其 公, 豈 必 梁、 林 也; 陳 以 下 也。 遠公,惠遠 名冠之。 有字,而 人以 也,隆公, 哉 呼 斌 「原 當 林 澄 郎 又 亮 注」古 時 公 也 矣 魏 振 深 呼 人 之 諺 金

> 公厲聲叱之曰 公者,須耆宿大臣及鄉黨有德之士。」 口。〔原注〕孫升《談圃》:「有朝 今之宦豎而 宋史》豐稷駁宋用臣 "「是何人!」 稱公,亦不可出 即 出 爲監當。」 1: 在中 諡 於士 議 書 曰: 稱李憲 大夫之 然 凡 」,荆 則 稱

# 古人不以甲子名歲

爾

雅

疏

≫ ⊟

· 甲

至

癸

爲

+

H

日

爲

以前, 陽。 若。」後人謂 辰謂從子至亥,月謂 閼逢至昭陽十名爲歲陽,攝 有二辰、十有二月、十 十二名爲歲名。 名,古人用以紀日,不 寅至丑爲十二辰,辰 初不假借。《史記·曆書》:「太初元 甲 子歲、癸亥歲,非古 〔原注〕《周 從陬至茶,歲謂 有二 歲 之號 以 紀 禮 注 爲 提格 歲。 陰。」此二 硩 從 日 簇 攝 提 謂 氏》二十 歲 也。 至 從 格 赤 則 甲 至 <u>+</u> 自 奮 自 十 至 赤 漢 若 有 奮

之年 年, 衰 庚辰 歲 畢 予舍。」許氏 如 年 起著雍 天馬 單閼 ·, 年 此 聚 觚 歲 · 兵 ·, 孟 心之歲 不 徠 不 趨 在 名 攝 日 若《 誅 提 執執 觚 與 簡 唨 涒 得 焉 格 之 大宛 便, 兮 日 吕 灘 甲 「原 ⋛説 徐 盡 此 同 秋 氏 月 四 子 玄 注 時 乃 之 春 之證 也 文 默 月 即 ۰, 朔 甲子 謂 以 夜 木 0 後 孟 秋 謂 閼 「原 矣 甲 敦 H 半 敘 夏, 武 朔。 字。 子 甲  $\sim$ 朔 注 ¥ 序 亦 帝 漢 子 庚 至 用 旦 意》篇 逢 資 太 書 古 ္ဝ 癸亥 子 賈 冬至 粤 法。 治 攝 初 亦 在 H 誼 通 提 四 代 鑑 皆 永 斜 ^ 自 郊 年 鵩 • 兮 其 用 維 經 元 周 祀 賦 服 學 歲 歲 木 秦 辨 月 纪 歌 **>** 子 在 陽 集 名 H 頓 晰

乎 紀 前 之。 後 逮 宋 自 劉 是 周 恕《 則 厲 新 王 歲 通 始 之 鑑 也 疑 稱 外 年 甲 紀 王 茫 莽 子 目 昧 録 下 也 借 序 書 借 日 言 **>** 曰 也 名 始 甲 建 何 子 庖 或 始 以 犧

 $\wedge$ 

之語 之文, 己中 天 角 歲 歲 始 于 也。 集 書 亦以之紀月 庚 在 Ŧī. 曹娥 蜀 <u>†</u> 也 下 訛 蒼 戊 辰 中 年 」,荀悦《 • 郡 州 則亦 則 律 大吉」,以 言 辰 分 河 趙 造 碑 龍 自 歲 亦以之紀歲矣。 濟 蒼 野 Æ 曆 厥 以之紀時 橋 甲 此 矣。 矣。 在 日 又言「 志 明 亦云「元 庚 又 《後 碑》云「維 漢 寅 》天文 天 壽 辛 年 日 漢 律  $\pm$ 己死 紀》言 華 星 白 漢 書 曆 矣。 Ш 莽 歲 天 志 龍 志》又 朱 • 土 書 以 填 銅 在 鳳 嘉 Ŧī. 此 建子、建 西 在 書 黄 穆 • 在 延 行 權 實 七 漢 皆 元 有 己巳, **I**: 傳 張 Z 志 京 天 明 熹 在 銘 沈 年 年, 太 元 癸 海 \* = 新 城 純 有 堂 當 龍 Ή. 歲 常 外, 日 年 莽 倉 歲 青 寺 傳 Ш 立 日 在 在 建 以 歲 丙 倉 歲 龍 **学**言 在 以 門 加 子」、「太 龍 明 實 甲 前 寅之異 1 次 歲 北 龍 巳 在 辛 大 江 及 在 Z 年 不 辰 實 在 癸 大 E 梁 淮 州 辛 未 1 攝 得 則 H 其 歲 海 沈 甲 梁 西 謂 又 郡 亥 卯 也 提 朔,則 倉 而 加 在 岱 子 É 分 之 是 官 張 之 未  $\mathbb{H}$ 龍 隋 德 龍 莽 西己 戊

府,皆作「甲子」字矣。

用 注〕李暠上表,亦云「臣去乙巳歲」,暠當時 歲 以 類 稱 言「臣以壬申歲見 Η. 制 元 庚子皮毛」,亦皆下詔之日。 晉 水嘉 ?,皆日 也 年 ,如《己亥格》、「庚 歲 詔 年 癸 必曰元年、二年,其 、章奏、符檄之文、皆未 以 · 號。 後代 西 Ŧi. 甲 也。 子 晉 年 即 書 辛未 名 之人無 「原 位 崇 歲,雖自 注〕《宋書・武帝紀 以甲 中 爲 用爲 間 大故 劉 子名歲者 聰 戌制」、「壬午兵」之 鄱 惟《晉書》王 東漢 年 所 稱 而 陽内 無 執、愍帝 日 效之,非 僅 以下, 嘗 主 乃 此 ]史」,按 有「癸卯梓材」、 兩 Œ 用 改元 故 見 一用之,: 甲子、 然其 言 廙 以 也 庚子,不 建 懷 上 壬 帝 其 申 興 疏 時 原

賦 詩 : 舍 年 自 號 「方今歲在己巳,將次四仲。」陸機《愍 龍 集 而 或 甲 稱 鼎 字, 甲 立, 子。 四 天 時 魏 光 成 分 程 歲 曜 \_\_ 曉 ^ 晉 而 贈 張 後 傅 華 文 休 感婚 人 奕 多

> 月。」 《自祭文》:「歲維 至 信《哀江 懷太子誄》: 日當言辛亥,而冒用歲陽歲名,則又失之。 文》:「旃蒙協洽之歲,月次陬訾之舍,日 十年,太歲在 祭從弟敬遠文》: 杜 預《左 而 梁 南 陶 傳 賦 隱 「龍 集 壬戌」矣。 **\*** 居 解 集 丁卯, ^ 「歲 後序》則追 粤 真 庚戌,日 以 誥 在辛亥,月 [原注]《吴後主國 戊 律中無射。」後  $\Rightarrow$ 亦 辰 月 之年, 書「己 言 惟 改 重 度。」 魏 惟 光 建 卯 大 哀 仲 淵 Ш 亥  $\pm$ 歲 周 秋 陶 獻。 封 之 庾 潛 禪

之歲。〔汝成案〕《儒 壬子,元康二年,賈后 晉 惠 帝 時 廬 林 江 杜 杜 夷傳 弑楊太 嵩 》一嵩 作《壬 作 后 崧 子 于 金 春 秋》。 墉 城

又禘 書 四 月 • 稀,至 至. 禮 ,至辛卯年十月又給。」其「辛巳」以 唐 儀 人 丙 志》日 有 辛巳 戍 以 年 豫 十月 年 書 + 請 而 又 月 以 不 洽。 袷。 開 稱 元二十七 年 至 至 號 己 甲 者 Н. 申 年 年 年  $\sim$ 舊 四 四 己 月 月 卯 唐

子,揚 當 元 不言  $\Box$ 時 IE. 武 朝 屢 開 州 改 貢。」其「癸未」 德 元 總管 年 某 Ŧī. 號 年,歲 年。 府 故 造 也。 又《 青 次 銅 王: 亦不言 此 博 鏡 午, 古 鑑 八 啚 面,充癸未 武德六年 而 月 **>** 載 有 + IE. 唐 Ŧi. 書有 鑑 H 年 甲 銘

豫

書

之不

同

· ; 亦

變例

忧

之以 商 作 商 鼎 仲 月者。〔原注〕六經中亦有之, 之文 Ŧ 母 建 母: 甲子名歲, 即 乙卣 或 Z 史家之文必 則 位 彝 始 \_\_\_\_ 之三年,則鑿矣。 不盡 於 其文曰 丙 庚 寅 戌,歷 然,多有 而欲以 (者,日 以 \_; \_\_ 日 十七 丙 繫 追加之古人乎? 也。 如 月 寅,王錫 月**,** 《詩》「吉日 年 而 豊 非 ^ 以 而 博 不 月繫 年、 有 古 迷於後 庚午」是 丙 啚 日 貝 年。 寅, 乃 朋 而 也 在 世 謂 用 不 鍾

言, 而 爲言者,若 或參 春 秋之世 互. 而 曰 不 一,各 一會 易 或 曉 於 皆 沙隨之歲」,「叔 則 自紀 有 舉其 其年, 年 之大 發之於 仲 事 惠

> 之口」者。 癸亥也,是 注〕「如湨梁之明年」亦是。 晉韓 一歲 會 郤 五及 宣子爲 成子 從後人言之,則 知 鶉火」、「歲及大梁」、「歲在 于 古 政,聘于 承 人不用 王 一之歲 又 諸 以 有舉歲 侯 紀 之歲」是 何不曰 歲 鑄 也 刑 星而言, 書 甲 之歲 也 子 娵 也 | 原 訾 若

日

伯

又太祖命 陳 之初不稱楚懷王元 功 注〕今《續 下,書「至正 正 故有言當紀「龍 不合古法。 臣 + 之歲」是也 侯 有 太祖 御御 表序》「 綱日》書 四年」,竊 實 製 太祖當 」,正合《 滁 録》自吴 至正。 漢 州 鳳」者。 興 意 龍 自秦二世元年之秋,楚 年, 時 其 又有 (史記 潭 實 元 時 碑 而 考之《史記》,高帝 奉 年 天下尚 文》云「元 兼 稱秦二年、三年 参書 宋 以 書者、《漢 小明 前 秦之例。〔原 皆 是 王之號 書 元 末 干 之天 書 帝 支, 至

#### 七六四

# 史家追紀月日之法

故 月 以 孫段 縝密處。 不直言正月、二月乎? 上,正 云 變其文而云,古人史法之密也 撫之」,追紀 齊、 主正 則嫌於一歲之中 卒」,「其明 或 紀 燕平之月」,又曰 曰 月,暨齊平。 鑄 史之文有正紀,有追紀。 也; 刑 此 也。 月,子産立 書之歲 日 「齊 追 前 二月戊午, 曰 **:** 燕 有 紀 \_**,**是 二其 平 兩 而 之月, 公孫洩 此 正月、二月也 再云 明 則 戶, 正 然 一史家 正月、二 矣, 壬寅, 盟 及良 其 則 于 上 文字 其 何 濡 止 以 日 下

東陽, 堞。 年《傳 及杞桓公卒之月,乙未,王湫帥 脯 左傳》追紀之文不 遂 鄭子 崖 萊。 國 之來聘也。 甲 j, 堙之,環城 止 此。 四 月,晏弱 如 襄 師 傅 公 及 於 城

追紀。 六年, 七年《傳》 襄宫。 郟。 于諸 入萊。 之月,罕朔殺 伯以如晉。」昭公七年《傳》:「齊 晉。」三十一年《傳》:「公薨之月,子 愬諸晉而廢之,子罕止之。」十九年《傳》: 莒,莒人殺之。 楚,亦不禮焉。 及其元年,朝 正 一十五 齊人城郟 於四月丁未,鄭公孫蠆卒,赴於晉大夫。」 輿子、棠人 其五月,秦晉爲成。」二十六年《傳》: 侯之歲,婤 與子罕適晉,不禮焉。 晏弱 又如《書 萊共公浮柔 年《傳》:「會于 **>** 之歲,其夏,齊烏餘 「鄭僖公之爲太子也 圍 罕 軍 棠,十一月 四月,陳無宇獻萊宗器于 ·齊師 魋。」又「晉韓 姶 金縢》「既克商二年,王 生子,名之曰 奔 齊 棠, 夷 師 儀 丙 IE. 大 之歲 輿子、 辰 (敗之。 宣 于晉,子豐欲 又 元。 子 於 與 以 師 而 齊 爲 廩 子 王 還 産 成 滅 政 1 fr. 人城 豐適 湫 自 相 之十 之。 聘 奔 奔 燕 鄭

# 史家月日不必順序

拘,而· 事 卯」、「丙辰」爲正 書「五月癸亥」,後書「乙卯」、「丙辰」。 事 昭公十三年平丘之盟,先書「甲 午」爲正書,而「癸巳」則因 陵之戰,先書「甲午晦 故 既 楊氏曰〕有終言之者 癸酉」。 而追 而竟書也。 有 而 悔之」之類 追 古 事不得以 書也。 書,有竟書。 人作史,取 「甲戌」爲正書,而「癸酉」則因 蓋 昭公十三年楚靈王之弑 相連 其 書,而「五月癸亥」則 史家之文常患爲 其 日 屬,故古人立此變例 月本闊绝,并終其事于此 事之相 左傳》成 」,後書「癸巳」。 後 屬 事 不 公十六 而追 戌」,後 論 月 書也。 月 日 大 年  $\bar{\mathsf{Z}}$ 甲 :; 先 日, 如 如 書 所 前 後 鄢

> 滻 九 年 水」於壬戌、癸亥之前是也 <u>+</u> -有 先書以起 月,先書 事 「是月 者,《 戊 通 辰 鑑 王 唐 文 守 澄 宗 葬 太 和

#### 重書日

追書。 史,凡一 者,二事皆當繫日。 伯、盟于武父。 後外也。 ^ 即 春 書者,紀事之職; 日 秋》桓公十二年 「原注 再 ·書,則 邵 丙戌,衛侯晉卒」。 國賢 云「是日 追 曰:「二丙戌,一是即 先書「公」者,先 書者,承赴 書「丙戌,公會 之體。」後 重 書, 内 人 書 作 而 日 鄭 是

# 古人必以日月繫年

月,以 自《 月 繋 春 《時,以 秋》 以 下,紀 時 繋 年,此 載 之文 史 家 必 之常 以 日 法 繫

七六五

則不 客 奔。 於吴、楚二《世家》,故其文從省 也 傳 年而 庚辰,吴 史記 四 月, 月 伍 史家之變例 王 丙子 子胥 人 ', 光 郢。 傳 伏 則 甲 也 不 己卯 士: 月 於、 蓋 而 窟 楚 日 事 室 昭 已 中 王 ^ 見 刺 出

明,以 之日 月 句》 也 以 論古人不以甲子名歲,且 大夫同 節」者, 年 爲 降 百二太 庚寅 天 而 下 唨 屈 楚辭》:「 非 官 母 子 攝 止 非 歲 言 言 也。 歲 生. 之 以 提 也。 書 月 體 己 在 寅 刻 **>** 屈 歲 所 贵 日 以 寅 年 攝 而 子 印 也; 之云 謂 有 者 太 日 寅 提 生 章 使 自述 貞于  $\Box$ 哉 歲 攝 月 直 孟 庚 屈 是 維 庚寅 在 提 寅 子 陬 斗 也。 者 其 庚 格。 孟 生 寅 杓 寅 於 原 世 月 陬 H 正 日 吾 注 庚寅, 所 或謂 也 系 孟 兮, 也 以 三長 月 生 指 降, , 始 生 ; 始 使 至楚 維 洲 以以  $\pm$ 庚 辰 攝 以 文 春 意謂 也 庚 逸《 歲 寅 懷 待 乃 建 庚 言 寅  $\pm$ 與 詔 章 星 寅 正 不 時 H 吾 被 屈 徵 無

> 執 於秦壬 戌 之歲, 年 僅 三 十 有 Ξ, 何 以  $\overline{Z}$ 老 冉 冉 其 將

一乎?

# 古無一日分爲十二時

俎 宋 言 其 範》言 惟 日 日所直支干推 氏》「掌十有二歲、十 耐 H ,二十有八星之位 年、月、日,不 生年月日,不及時。 後,乃并其 御 後 古 周 歲、 事 無 惟 蘇 綽 月、 時 以 人禍 作 、時參合之,謂之「八字」。 大語 日 福 ·及時。 日 生 土死, 不 分  $\stackrel{>}{\exists}$ 有二 爲 言 一,不言 百 Ī. 不失 吕 + 原 時 省 注 月,十 才《禄命書》 惟 李 時。 歲, ^ 時 初 虚 周 卿 見 之説。 不 中 有 禮 屈 謝 1: 以 用 肇 惟 子 人 時 辰, 淛 月 生 也 亦 自 馮 ^ Ŧi. 庶 止 序 相 洪 71 É 月 雜

年: 四 時 古 時 , ~ 無 不害。」皆謂 所 左 謂 氏 傳 時 之二三 春夏 凡 言 秋冬也。 時 時 若 原 故 堯 注〕桓 士文伯 典 公六 之

月 對 蓋 下,曆法 物 晉 不 知 侯, 不 始 荀 勝 漸 以 於何 子 時。」 密 . ∃ 歲、 於 亦 時 丽 是 謂 積 日 至今遵 以 春 微 月、 一日 夏 月 秋冬也。 星、 不 用 分 勝 不 辰 爲十二 H 廢 謂 自 時 漢 不 時 勝 六

朝」,曰「昬」,曰「日 鳴 中 日」,曰「逮日」, 爽」,曰 朝 日 東 亡, 曰 人後二刻半 方未明」,曰 時 夜 」,曰「夕」, 曰  $\exists$ 晝 日 旦, 朝,  $\Box$  $\Box$ 日 之中 日 「夜 爲昬。」曰 下昃」, H  $\exists$ 日 曰「宵」,見於《詩》。 「會朝」,曰 所 見 中 中 日 質 日 九於《禮 以 出, 明」, 日 曰 中 分 日 見 雞 · ...
... 昃」,見 紀 日 鳴 於 日 夕 其 旰 ^ 「日之方 大 「原 見 時 春 日 日 時 於《 於《易》。 注》 秋 側 昕 日 者 日  $\exists$ 傳 書 爾 中一, 日 中  $\vdash$ 雅 日 日 雞 疏 見 初 昧 H  $\Box$ 日  $\vdash$  $\vdash$ 曰

邑王 紀晝 南 曰》《公羊傳》定八年「至乎 鼂 日 隅 賀 時 蕭 而 夜 夜 行 王 或 日 發,晡 安傳 食從 志》 不 旦 則 傳 産 漏 晨 則 吕 日  $\Box$ 計 用 用 辨 擊 下 后 是 出 星,《詩》之言「三 日  $\approx$ 夜 事 薄 星 西 漢 日 + 紀》 時 星在户」、《春 也 北 中 日 , ~ 暮 則 漏 + 軍 刻 至 日 時 受 史記 分言 餘 未 乃 定 日下 餔 八 而 原 食、從 詔 日 盡 人 出 陶 月 時 東 注 Ħ 後 其 晡 H 黄 庚 至彭 , ~ 若 日 刻 後 遂 項 夜, 周 東 昬 時 食 申 時 東 明 秋 擊 羽 禮 北, 而 復 者 日, 時 以 城 曰 星 方 人 傳》之言 産 紀 出 見 司 在 火 上」,《漢 至 朔 過 Ш 平 日 夜 寤 天」、 於 傳》「 發 半 日 下 武 穀 陽 中 項 中 氏 彭 書 中 晡 梁 Ŧi. 侯 大 楚 王 <u>`</u>, 傳 是 微 越 時 以 子 降 其 書 破 乃 辭 窋 傳 莊 沈 星 也 行 復 星 淮 昌 婁 見 漢 西 分 七

晡

Ŧi.

相

軍

從

夜

中

在

紀

以

中

率更」, 夜,相 鼓鳴 皆以 閉。 禮 官 夜,五更爲戊夜。」〔左 者之間 短 曉則指午矣。 夜、丙夜、丁夜、戊夜,亦云一 早,若今甲乙、至戊。」「原注」《顏 分 鄉 參差, 其 晨 Z Ŧi. 「左右 則 傳 更之名 夜何故 司 變 夜,街 一爲節 夜, 起, 更爲甲 然辰 盡 是 而 更,歷 寤 古 Ŧi. 録 街 鍾 注 也 而 更。」 使以騎卒循 間 氏》「掌夜時 使,掌 疑 其 鳴 自 所 Ŧi. 也,經 夜,二更 不始 遼 言 時 掌 則 更? 寅至午,凡歷 以然者,假令正 而 闊, 分言 息。 則 甲、 分察六 知 於漢、 漢 暄 也,故曰 盈 夜 漏 答 曰: 衛 日」按《 爲 書 刻 不 中 Z 其 行嚻謼,武官暗探。 矣」。 ± Z 至 街 魏 , 故 更、二更、三更、 夜 甲 夜,三 一六,縮一 徼 百官公卿 」注:「夜 漢、 也。 五更爾。二沈氏 Ŧi. E 《漢儀》: 丙、丁、 乙徼 巡。 而 辰。 月 率 日 魏  $\mathcal{Z}$ 建 更 更。」秦時 不 不至四,  $\mathbb{H}$ 以 相 寅,斗 冬、夏之月, 爲 暮,鼓 日
| 詳 夜 來,謂 傳 凡 表》秦官有 丙 戊 1,於是 半, 氏 時 甲 中 夜 ·柄夕則 唐 進 已以 四 家 者。 謂 八 日》 五更一 爲 夜 官 四 書 退 更、五 訓 百 毕 甲 漏 日 更 常 雖 聲 率 夜、乙 夜 有 通 「太子 夜 指 ^ 復 百 更 傳 爲 而 在 可或 點 更 鑑 盡 寅 周 夜 晚 Ŧi. Z 官 T 長 Ŧi.

傳》: 皆然 傳 志》: 投 《三國志·曹 《天文志》「本始 持兒與 夜 節 鼓 日 云:「漏上 隋志 晝漏 夜 自 》杜 而 内 刀于地」、《晉 元年正月戊午乙夜」,「六月戊戌甲 内 漏 夜 不詳 浸 發。 **>** 欽 上十刻 漏 微 未 故 舜  $\Box$ 日 是 行 漏未 會東交 上 盡 籌,以 ,於是有言 几 更之有 素 「斥 書 + 以 七 刻 而 爽傳》「自甲 問 有 夜, 四 半, 盡三刻,有 候 刻 書 崩。」又云:「夜 鼓 元 點 朝, 掖門。」自《 刻 士: 曰 漏 亦 • 乃頗 聲爲 年 鍾 行 由 五 趙 有 四 漏 來 鳴 臨 分  $\pm$ 禺, + 有光。」《 久 月 應 上 日 到。」《 受賀。」《 夜 也。 倫 刻 夜至五 <u>Ŧ</u>: 幾 兩 有 擊 南、北 傳》「 是 迺 戌甲 刻者。 中,有 夜 月 也 刁 漢 漏 外 出 禮 重 Ŧi. 斗 期 書 鼓, 夜 史》 戚 上 儀 東 見。 分之」, Ŧi. ĮΨ 自 • 晡,有 傳》: || 志 || :: Ŧi.  $\pm$ 方 月三  $\pi$ 分 爽 夜」, 守 西 刻 尊 又 行 其 乃 地 朔 域

言。 夕,夜 綽 坐。 按 于巳。」《 申」,又言「時 子、酉、午、卯。 北 辰巳」,又言「時 目 杜 節,卒于丑」,而下文却 也。 」,又云正 》有景時、午 天文志》始有子時、 若紀 而《吴越 于前, 有甲、乙、丙、丁、戊」,而 唯《曆 周 事 髀經》 日 北、正 時。 之文,無用 春秋》亦云:「 加 書》云「雞三號,卒明 時 ,加未」。 《漢 景 卯。 加某, 莽旋 時 亦  $\pm$ 西、正 者 書 时、亥 有 丙 ^ • 王. 《翼 時 八時。 此 加 Ŧi. 南、正 云 也 莽 今 者。 卯 行志》言 奉傳》言 ^ 傳》:「天 席 朔旦冬至 北 日 無 齊書 「原 東,不直 甲 隨 十二時 加 字 注 斗 西之 二《南 南 時 柄 文 撫 日 H 陽 言 Œ 郎 加 加 + 之 加 而 Ŧ. 齊

即 時 故 今之所謂 有 雖不立十二支之目,然 十時 左 氏 \_\_\_\_ 傳 子 \* 丽 也,「鷄 \_ |-杜 元 -楚丘 鳴」者丑 凱 注 曰 其 則 : 二日 曰「夜半」者 以 也,「平旦」 爲 之 一 十 二 數十,

者,注 者寅 注 出, 티 : 此。 未也, 越 内牙城 法 人; 昳」,「日昳至 論》「考之史記」以下 昬」者戌 一、「沈氏日」《格論》「十二」下 鎮 隅中」者 春 時 悪 日 冰 云:「土王,是今人所 與 考之《史記 也,一日 秋  $\Box$ 論 〔沈氏曰〕《 晉、 加 注 城 晡時」者申也,「日人」者 》有 曰「 申 以 H 宋 内 也,「人定」者亥 有 爲晡 巳 日昳爲 時 兵 中  $\exists$ 鬥 也,「日 謂 出」者 餔 通 之金 中 時 鑑 H. 夜 土王,下晡爲 日 晡,正 • 無。 **\***: 攻 天官 城。 加 半 餔 卯 其 晉 :中」者 謂 日 旦 H Ļ, 申 丑 金 安帝義 亦 至下餔」,「下餔 也,「食 昳 出, 時 注 城。 書》  $\exists$ 辰、未、戌 也。 Ĺ, 至 有 也。 云。 金王。 午也,「日 熙八年冬十月 時 自 E 食 日 平 申  $\sim$ 食 (時」者 末爲 時 素 下 字。 日 時 又有 (沈氏 四 日 酉 加 間 至 時 F 晡 也。」《 食 中 鷄 始 也,一 日 晡 分 • 昳」者 日 辰 日一人格 见凡 晡 爲 鳴」, 至 見 藏 四 至 己 也, (原 吴 未, 黄 日 H 日 於 氣 城 注

出 日 木 年 晡 甫 賜 傳》: 陵 動。 有之矣。 至昬 時 竇武 來歙傳》: 。』《宋書 陳 嵩 王 營室,宿 川 時,大破之。」《晉 黄骨 加 傳》: 一胥傳 其 蚤 潰 月庚辰,禺 傳》: 時 日 \constant
\text{\text{N}}
\text{\text{\text{N}}} 以 遂 昳 時 《史記 鷄 **\*** 食時,復動。」《漢 羽 潰 夜勒 「臣夜人定後,爲何人所賊 鳴 白 月 符 弇 林 韋 爲 奏 蝕, 時 日 傳 瑞 • 中時,有大風 兵, 時 酒 孝景. 加 》:「人定時,步果引 皆 至食時,兵降 志 , ° \_ | « 熒惑 書 鷄 齊 禺 用 至 • 鳴,馳 武 後 紀 中 此 延延 鷄 過 戴 + 王 漢 洋 鳴 書 傳 書 二時 則 康 <u>一</u> 五 人定 赴 傳 時 起 **\*** • 此 元年九月 其 界盡 罷。」《 自 武五 月 隗 + 陳。 時 「永昌 至 東南,折 嚻 丙 食 戌, 傳 名 熒  $\pm$ 子 戰 傷。 去。 時 惑 皇 莽 + 至 廣 地 古 元

于 扶桑,是 淮 南 子 謂 晨 日 明 出 于 登 暘 于 谷, 扶 桑之上,爰 浴 于 咸 池,

拂

于泉隅 谷,是 爲 此, 泉, 謂 食。 亦自然之理,豈人之所爲乎? 定之也。 爰止義 臨 始 + 將 Œ 于 是謂 自 時 臻 曾 行 中。 晨 謂 和 于 泉, 是 是 明 黄 晡 楊 未 爰 衡陽, 靡 是 唇。 謂 謂 至 時 知 氏日]今之十二 于 定昬 朏 高 謂 息 今之所 鳥 明。 渝 春 是 六 早 迴 次, 螭, 謂 食。 爲 于 于 頓 至 蒙谷, 女紀, 禺 謂 +是 是 于 于 中。 次 Ŧi. 時 + 謂 謂 連 曲 于 時 則 是謂 小 是 懸 石 阳 據 對 桑 時 1,是謂 遷 謂 而 車 十二支定之耳 于 野 者 是 定 1 大 昆 謂 至于 遷。 唇。」按 薄 楚 自 吾, 下 朝 謂 丘. 于 何 明 悲 虞 是 經 宴

書以 時 從己說,未免陋 者 素問 皆後 人僞譔 中 有 也 言 人之 歲 也 甲 子 「楊氏 者 E 有 」此又抑 言 寅

午」是

也

此

目

子」之

稱

所

自

起。

若

史家

年

月癸卯 日 有 選》陳琳《檄吴將校部曲文》「年月朔 也 碑》云「光 日 孔子廟碑》云「元嘉三年三月丙子朔,廿 繫之干支,故 月之下 子」,李周 某甲詔 初二之類是 7稱夜 辛酉」、《史晨 壬寅」,又云「永興元年六月甲 《周禮》「職 今人謂日,多曰「 朔七 必 半 書」,或言甲,或言子,一也。 繋以 翰注 · 爲子 和二年十二月 也。 日 曰「朔日子」也。 曰:「子、發檄時也。」漢人 時者、誤矣。 己 孔 朔,必言朔之第 内」注 子 酉」、《樊毅 子 者, 廟 日 曰:「若言某月 碑》云「建 甲子、 子。 庚午朔 古 復 乙丑之 日 如《魯 幾 人文字,年 華 十三日 者 寧 辰 日,而 下 朔 初 年三 某 類 民 + 相 ^ 未 文 日 干: 租 八 瑛 又 日 是

> 日 死 言。廿一 之文,則有 《後漢書》隗 而 魄」、「哉生明」之文見於《尚 書者矣。 H 嚻 檄 子 然在 文日 而 一朔言 無 "「漢復元年七月己酉朔己巳」,不 日 一朔,在 春 秋 晦 》是 言 書》,則 也 晦 而 「原 注 旁

省一「甲」字耳 令某甲下。」此古文移之式也,陳琳檄 宋書・禮志》:「年月朔日甲子,尚 文 旧 書

《隋書》袁充上表 酉,郎 《漢書》,稱『永平 文「還共誕 壽,歲月日子,還共誕聖之時。」〔汝成案〕表元 並 下 ·疑脱字,不爾當以 南史》:「 班 聖之時 固。 並 丽 劉之遊 同,明 今本 十六 稱:「寶曆之元,改 「並同 合天地之心,得仁壽之理」, 無 年 與 绝句 上 Ŧī. 張 書 月二 纘等參 年月 + 校 日 元 子。 日 古 己 本

有十二,而但稱「子」,猶之干支有

七七一

時

H

六十,而但稱「甲子」也。

古曆合朔 寅 民 <u>궁</u> 日」者。 朔 校 「熹平五年 日 尉 漢 不 熊 人之文, 廣漢太守 專 「楊 丙 君 在 寅 碑 氏 <u>\*</u>  $\Box$ 日 ·五月辛 有 故 朔 此 沈子 即 又云 是合朔,古人有 則 建 朔 繁 西 安廿 之日 H 琚 朔 而 ^ 無 綿 而 用,不若 日 年 日 竹 必 辛 食在 + 江 重 西 晦 堰 書 後 者 月 碑 綏 丙 則

### 年號當從實書

孔 秋 年 僞 與 子 IE. 號 魏 之 魯 則 朔 正 吴 書 無 統 自 史 之爲 之論 所 也, 不 或 從,而 相 耳 據 魯 闘 始 其國之人所 隱 其 故 自 於 公之元 論 習 周 編 平 乃 年 鑿 紛紜 王 之 齿 年 書 四十 稱 不 矣。 何 出 而 调 也? 書之, 九年 夫 而 帝 年 疑 漢 故 春 而 號 於 而

年爲

一大事,而

論世之學疏矣。「楊氏日

一最

得

不

以

紀

年.

', 非

帝

之也。

後

作

書

乃

以

編

建

或

天鳳、

地

皇之號

用

以

紀

年,

蓋

不

表 號

卷。

Н.

王

莽

篡

漢,

而

班

古

作

傳

其

於

始

推

之南

北

朝、五代、遼、金,並

各

自

用

其

年

";此

之謂

從

實。

「原

注〕若病

其

難

知

只

須

别

如《三 年, 傳 鄭子 少 二年」、「 年,我寡君 而 武王之十九年矣。觀《左傳》文公十七年 元 中 年 ΙË 其 公孫 年矣; 家與晉韓 也。 則 自 下 或 自 文 用 [志》則: 我 僑對 稱 晉之《乘 曰 魏 四 於 楚之《檮杌》存, 其 年 年」, 是 晉之辭 宣子 漢 或 十二年」、「 號,吴人 即 之 人 · 存, 則 位, 傳 年 書 兩 中 日 日 也 則必 稱 而 傳 「在晉先君悼公九 自 其 寡 + 中 其下文遂曰 襄 用 則 或 君 以 四 自 漢 公二十二年 之年: 即 必 是 年」、「 用 年 以 年 位三年」, 吴 號, 也。 是 爲 年 十五 魏 年 鄂 我 X 故 侯

錯  $\Box$ 莫如十 《明 六國,當 太祖 紀》當以 欲 作 龍 年 鳳 表, 紀年,可 頃 與 無 方 疑 陵 言 也 之。 錢 氏

六年」。 公之二年, 鄋 士子孔卒」,注云「鄭 鄭簡元年,魯襄八年」。 春 「僖之四 秋 (傳))亦 瞞 伐 年,子然卒」,「簡之元年, 有 齊」, 用 僖 他國之年者,「 注云「魯桓公之十 四 年,魯襄六年」, 齊 襄

之年 注》一楚 鍾 記 南 節 侯王表》「楚王戊二十一年,孝景三年」,「原 元年」,又曰「淮南 》、《漢書》者矣。 元 元年」之類 也。 年冬,太一在 漢 惟王五十六祀」之論,正 元王傳》亦 時諸 注者不達,乃曰「淮 侯王 是 芸。 也。 一得自 丙 「原 王僭號」,此 楚王延壽三十二年, 子」,謂  $\wedge$ 注〕趙 淮 稱 同 此 南 元年、《漢書 明 失。 淮 誠 天文 南 南 爲未 金 王作書  $\pm$ 石 訓 録 安 讀《 始 有 諸 中 之 淮 文 地

又考漢時不獨王也,即列侯於其國中

年者 二十一年也。」 申 昌 鍑 表 嗣位之年數也。《文選 四。」〔原注〕吕大臨 重 奇元年」是 惠六年,靖 亦 、》「高 + 殿前有 銘》曰: 得 龍 1,曹操 八斤 自 次大火,五月 祖 稱 鍾,其銘曰 六 周 六 元 侯窋 也。 爲 兩。 年, 年。 魏公之四年, 陽 EI : 吕氏《考古圖 元年」、「孝文後 平 侯 侯 ^ 「「侯治國五年」者,自以 陽 家銅三習 史 丙 治 『惟 魏 懿 寅, 記 或 都 侯 Ŧī. 作姓 賦 曹 魏 高 年 漢獻帝之建 》劉 甗 四 參 • 周 祖 Ŧi. 賓 年,歲 鍑容 四 元 良 功 月 鍾 年 年 注 或 陽 臣 侯受侯 Ŧi. 魏 次 侯 簡 鑄 侯 斗 文 安 丙 第 甗 侯 年 JЦ

下,書曰「後一年」,曰「又一年,四月丙戌,明洪武元年也,●直書二十八年。 自是以《元史・順帝紀》「至正二十八年」,乃

❶ 「明」,據《校記》,鈔本作「大明」。

體 國公即位,召不至,自 深得 猶 帝 公之能守古法也。 書 殂 然其他傳復有書 史 于 元 法。 主 應昌」, 曰 帝,且 疑 此 是 至 元者 罷 出 時 不 〔原注〕《宋史・馬廷鸞傳》: 相 於聖 明 以 歸,又十 太 明 裁,不 祖 朝 七年 之年 即 位 獨宋、 而薨。」甚爲  $\equiv$ 號 年 加 , 0 之, 王二 得 而

元 順帝至正二十七年」,不書「吴元年」。 英宗 命 儒 臣 修 ^ 續 通 鑑 綱 目 ×, 亦 書

#### **史書一年兩號**

紀》上 月壬午」。 未嘗追改 元年十月壬辰」。 太平三年 古 書「嘉平 時 以 人 《晉 書 十月己 前 主 之月 六年十 改元,並從下詔之日爲始 《 吴 ・武帝紀》上書魏「咸 卯」,下書「永 日 志 月庚寅」,下書「正 也 三嗣主 《魏志·三少帝 安元 傳》 年 E 熙 + 書 元

> 朔。 六 《文帝紀》上書「景平二年八月丙 寅」。 己 年十二月庚寅朔」,下書「開元元年十二 子」,下書「 元年七月己巳」。 紀》上書「景龍 二月丙寅」。 光元年十二月庚申朔」,下書「泰始元 六月甲子」,下書「永 「元嘉元年八月丁酉」。 三年十一月」,❸下 年二月乙未」,下書「龍朔  $\sim$ 《宋 中宗紀》上 韓文公《順宗實録》上書「貞元二 書 景 <u></u> 龍 四 唐 武帝紀》上書「 年 元 書 《玄宗紀》上書「先天二 書「泰始 七月己巳」,下書「景 年 書「神龍 初元 九月 高宗紀》上書「 《明帝紀》上書「 甲 年 元 元 三年 辰」。 六 晉 年 年三月 月 + **申**、下 元 九 熙二 1  $\sim$ 睿 月 顯 卯 月 丙 年 月 雲 宗 永 書 景 庚 + 年 申 慶

0 0

0

<sup>「</sup>明」,據《校記》,鈔本作「本」。「明」,據《校記》,鈔本作「我」。

<sup>「</sup>三」、《晉書・武帝紀》作「二」。「明」,據《校記》,鈔本作「本」。

末後 温 丑. + 公作《通 年八月庚子」,下書「永貞 若此 號冠 鑑 之類, 並 諸  $\approx$ 春正 患 其 是 月」之前 據 乃 實 而 當 剙 書 元 新 時 年 例 Ē 至 八 月 有 必 司 辛 譏 取 馬

然有 是 此 不 方 此 未 即 於秋、冬改元,史於春、夏即 日 有 歲 可 以 年爲昭公三十三年。及六月既改之後 位 改之日 一、必不 「公即位 故入年即 因於古也。」按温公《 半 而 不 元 春秋 即 可 年 年 書「定公元年」者、昭公已薨於上 從 必承前 通 紀 改元 》定 者。 事。 前 在 公元年 六 稱 半  $\sim$ 及史官定策, 君之年,於是春、夏當名 月故。」《 而 元 春 年從後,雖 年 於 秋》於昭 春、夏 不 也。 書「 通 正 漢、魏 鑑 義》日 以 即 正 公三十 則 》是 元 須 月」。 稱 年 年冠之, 有 用 以 : 元年者, 初 「公未 一統, 來,雖 此 亦 杜 例 年 統 H

> 魏文黄 舊君 爲 始 年之十二月矣。 禪 史者顧 于 尚 初之號 在 魏 乃追奪之乎 常時之人皆禀 而 IE. 則 月之初 若 非《 漢 春 獻 漢 秋 帝 其 帝 》之義矣。 延 正朔,而後之 尚 康 存 元 年 即 十月 豈 加 有 以

號,甚 冠以 尊帝 矣,豈有以太上 十三年,煬 宇文化及等作亂,上崩于 寧」,而 兩從其實,似亦未害 煬帝 年十一月景辰 義 爲 史家變亂 寧也 紀》 爲 下即書云: 太上 無 書十 作 帝 皇 理 皇,立代王 而 史者 在 三年, 年號,始 紀年號者乎? 一楊 江 唐公人京 . 二年三月,右 氏 都, 唐 日]史家已云尊 於《恭帝紀》書二年, 臣 侕 自 一, 不 蒙 侑 温 隋書》,「 近於言之不順 以 爲 室。」按 得 師 代 帝,改 不  $\pm$ 屯衛 帝 爾 辛 大業 爲 長 此 然於 酉, 太上 元 安之 大業 將 故 義 遥 軍 + 必 皇

書「天 惠宗。 其 太子廟 事 與 建文年 禮 帝之末,而 御 號 是 高廟 英宗實 景 官 史牛應 實。 史臣 後 元 泰不 三云然。 聖安 「萬曆二十三年九月,禮官范謙等因 實 年,若依 追上 0 明 號, 諡 順 人因謂之「革除」 録 下 元請 且. 日 宜 朝 實書, 存其年 紀 輯爲《少帝本紀》。』詔 元 録 景 終, 興宗孝康皇 附 事 如 萬曆十 ^ 年 **>** 皇 改 録 太 <u>\*</u> **L**: 摘 洪 萬 帝 īE. Œ 温 並 號。 與前 洪 宗 書 革除建 廟 曆 奏。 武 六 武三 月 崇 公例, 號 實 年,司 成 三十 四 景 帝,上 <u>Ŧ</u>: 代宗。 禎 代 F. 祖 十二年 録 + 文 午 泰 + 初 從 合, 業王 **>** 七年 禮 年 取 八 , 當有 Ŧi. 旬 建文帝 八 Ŀ 蓋 耳。 號, 臣 以建文事跡 但 泰 年 逮三十 祖 七月 年 有 年 書 從 沈 旨稱 覆 嫡以 禮 昌 八 沈 不 六 六 正 鯉 諡 戊子, 奏: 臣 之號 四 月 明 日 議 月 月 日 建 建 Ŧi. 給 顧 氏 「宜命 讓 年 文不 文爲 以 年 辛 事 書 庚 改 追 日 錫 附太祖 遺 皇 中 浸神 冠 後 復懿 正 而 E 畘壽 建 午 六 帝 宜 少 事, 楊 史 附 所 於 爲 不 帝 文 月 革 天民 擬。 局 宗 廟 文 録 復 高 下 除 几 没 泰 故 年 正 己 號 皇 皇 稱 于 宵

> 禮 : 履,宜 <u></u> 類,其 督 傳 之發祥 纂修正 爲 録 È, 附 八 以後不稱泰 曆 追 + 月 而 于 四 헰 正 改 八 如 未 紀, 漏 德宗貞 朔至十二 十八年,熹宗既即 「萬曆 貴 光宗之紀 遵 萬 一, 不 年 踰年,不 史。 巨 勿 古 曆 賤 前 且. 奸。 春 例, 並 當 使孫蒙祖號, 廿二年 四 以 議 昌,則 上 元後之例。 列 正 列 + 至 冠 月 本 改 誣 則 八 《高廟紀 月之前 美惡 于《 終,俱 如 元。 紀 光宗之紀年 年 先 直 年 八 以 世 》則 稱 下 月 皆 皇 方 明 兩 位 廟 弟 元 稱 注 癸 正學 書, 建 代遵 首 楊氏 明歲 號、 矣。 本 西 年八月。 泰 襲兄 云「八 文、景泰 則 不 昌 紀 爲乞哀 耐 禮 之。 E 》,以 得 廢 年。 元 當 韶令文移 獻 故 年 科 月 序 矣。 ĪĒ. 皇 改爲天啟之元 號 光宗 紀年 左 (沈氏 以 達 兩 體 其 當 帝 于 如 爲 給 後 朝 于 官 分注 追 廟 德 事 唐 爲 肅 宜 是 嫌 而  $\pm$ 貌 月 之法 又 懿、 中 順 愍爲 泰 之心 雖崇 用 遺 詳 而 日| 還 宗 孫 昌 卑. 熙、仁 稽 廷 崩 以 永 羽 迎 沈 故 年, 秩 元 臣 神 神 侯 貞 猶 初 Ì, 年 從 皆 議 實 氏 議 褒 器 四 宗 條 號 年 登 在  $\Box$ 古 當 列 祖 創 之 未 奏 爲 號 白 極 萬

<sup>■ 「</sup>明」,據《校記》,鈔本作「本」。

#### 年 號 古今相 同

廷太和中」,元魏孝文帝之太和也 和 水 Ŧi. 經 年」,曹魏明帝之太和 注》「穀水」下「千 也; 金 場」, 後云 前 朝 云

漢

則

#### 割 并 年 號

字與元 帝 是不敬 必 永宣」、「成弘」、「嘉隆」,合兩 熙豐」、「政 而 全書 稱之者;又必 唐 祐 朝 ,然猶一帝之 無 無 割 帝 别 宣」、「建 取 故 故 改 年 用 字 用上一字, . 號 下 號自 紹」、「乾淳」之語 用之者。 者 字。 十餘, 相 本 連 帝 朝 惟 屬 至宋,始 其 之號 文 元 見 無合 人 豐以 於 有 而 文 已 有 爲 稱 元 兩

犍

奉旨: 字,而 稱 列 「原 聖 稱 注 年 「慶 天 號 昭 啟 曆」、「啟禎」,更爲不通 然 六 年, 如 何 部 説二 疏 稱 Œ 正?近又 統、 IE. 德 爲二二正 有 去

岱之間 璩《華 牂」,是犍爲、牂牁 《漢書·王 碣之間 **碪碍於青霄」,是恒** 巴郡宕 爲、廣 人已 可 地 陽 有之。 如「真 名 ,氣皆黑 漢 或 渠 都 割用一字,如「登萊」,如「温台」, 志 莽 縣 。」魏、 會也。」注 郡 傳 》「分巴割 順 ^ 史記 》:「成命於巴宕。」注 」、「廣大」,則不通矣。 山、碣 左思《 晉以 《貨 郡。 • 云:「勃 殖 蜀 天官書 下,始多 石二 蜀 傳》: 魏 都 以 Ш 都 賦 成 一》「勃 夫 海、 賦 犍 此 跨 廣 碣 燕 語 碣、 躡 恒 石。 亦 云 然 碣 常 勃 犍 海

水爲 帝、老子爲「黄老」、「原注」《曹 皥 人名割用 濟」,(原注)僖二十 字者,《 年。 左傳 相 或  $\forall$ 世家》,張釋之、 以 史記 太 》以 皥、 黄 濟

七七七

知

録集釋卷二十

管 田 灌 喬 叔 松 魏 . ] ,(原) 「原 原 其 注 注》、賈 鄭 注》《蔡澤 當 鄒 生傳 時 陽 **参**列 傳 傳 傳 以 以 以 絳 伊 王 侯、 尹、 喬、 灌 管仲爲 赤松 嬰 爲 子 一伊 絳 爲

#### 孫氏西齋録

大義 正 配天皇」,「條高后 録》乃是私 凜 而 唐 然, 人作 抑 且過之矣。 史,至於「起王氏 視孔子之溝 書 無 所囘 擅 政之年,下繫中宗」, 避。 昭墓 孫 已廢 樵 道,不書「定 所 之魂, 作《 西西 上 齋

名諱 并 稱 孝 天后於《孝和紀》,每 ,人宫之由,歷位之資,及才藝智 和 在 此 説 而 房陵,太后行某事,改某 事 本之沈既 述太后 濟《駁吴兢史議 名禮 歲 書「某年春 兩 得。 制」,則 至 於 IE. 姓 謂 月, 略 紀 氏

> 云 年 祖 庶人之下, 禹 辰 作《唐鑑 崩 事 葬, 雖 温》, 竟用 不行, 題 别 纂 其 此 而 篇 人《皇后傳》, 書法 史氏 曰「則 稱之。 天 順 「原 列 聖武 注 於廢 ]其後 皇 后 宋范 后  $\pm$

#### 通鑑書改元

晉書

載

記》,十

六

或

時,

嗣

位

改元

十 年 其實皆改明 者皆在本年,此史家 改元者,如 王皆不 踰 苻 生 年 年元 是 而 也。 改元者也。 也。 亦 取便序 必 不容十六國之中,數 有 踰 年 事, 〔楊氏曰〕内 而 稱 連 元 屬 者 書之, 直 自 史 有

與《 從《帝紀 建 西門豹 武六年, ^ 金石  $\forall$ 祠 則 绿》 歲 殿 建 據《趙横 在 武 基記》皆是「庚子」,以 庚子」, 六年當是己亥。 Ш 與《 李 君 載記》合。 神 碑》 今 此 此 石 若 虎 知 碑

不

· 致耳。

亦不 《帝紀》之失,此是差一年之證。 盡 合。 昔人作 月也 :史,但 存 其 年 然《 號 載 而 記》

初

不屑屑於歲

口

當同 下, 年 在 祥 元 明 興「元年」,非 此 年正月己 耳 續 改 綱 史家 元 目》景炎三年五月以 祥 酉朔, 興 省 也。 文,即 蓋亦是即位之初 黄溍《番禺 以 此 繫 推 於 十六 前 客語 後爲 年 或 月 淡 事 H 改 帝 之 景 必 明 元

#### 後 元 年

乃承 年」,則自名之爲「後」。 爲 元 年」,當時只是改爲「元年」,後人追紀之 「中」、爲「後」耳。 征 漢文帝 和 而言,本云「征 「後元年」,景帝「中元年」、「後 和 後 若武 元年」耳。 〔錢氏曰 帝之「後元 其説可 〕吴仁傑謂後 元 光 元

> 年」、「中 武之「中 例 論 大同 元 也 元 元 年」, 年 梁 則 武 自 帝之「中 名之爲「中 大 通 元

人追紀之,則日 元 順 帝至元元年, 「後至元元年」。 重用 世 祖之號,後

#### 李茂貞稱 秦王用天祐年 號

自稱。 號, 茂貞 王, 述 門寺碑 李茂貞爲秦 止,亦與 前 自 此 則 事 稱 碑 〔錢氏 》**,** 天 前 岐 之 史不合 則 Ŧ. 乎 末 並 者 曰]茂貞 王。 。 祐 同 誤 亦 以 光 + 也。 天 書 比 之二 九 於唐昭宗時已封秦王、通 復 天 得 又史言茂貞 年 紀 祐 薛昌 年 建 年, + 一, 而 矣 。 九年, 序 至天復 其 所 蓋 文已 譔 奉 而 必 茂貞 天 篇 鳳 稱 +中 祐 翔 鑑 年 歷 年 》謂 所 秦 法

通

**強** 

「後唐莊宗同光二年,

封

岐

 $\pm$ 

碑 稱 人以 而 元 則 不 天 天 (祐,遷 復。」《前蜀世家》則 <u>完</u> 知, 爲天祐之號 岐 代 人亦稱天復,史失之也 故 於 史 仍 東 • 稱 都 李 天復。」 非 爲 彦 唐 威 梁 所建,不復稱之, 傳 所 云: 其 **\***: 迫 説 一建 不 是 而 同 與 時 晉 唐 昭 按 隔 宗 此 绝 但 蜀 改

祐 地 龍 者。 本 泉禪院記 又今陽 屬 梁 城 此 》**,**内 記 縣 有後 述「天 乃 追 周 削 祐 顯 梁 Ŧ 德二 號 九 年」。 而 年 改 徐 稱 綸 按 天 此 譔

#### 通鑑書葬

年 陵。」不言 春秋》之文,愚 九 月 通 下云: 鑑 魏 書 葬」, 外 以 甲 或 爲 寅 而 之 非 言 葬 葬 也。 魏 葬 如 主 魏 **奉** 晉 珪 紀》 1秋》書 或 於 以 盛 義 爲 樂 熙 葬 六 倣 金

> 卯 葬」,如《宋紀》「景平元年 言葬。」若 葬 葬明元帝於金陵」,「元嘉二十九年三月辛 宋穆公」、「 故 魏葬太武 爲 南 此文。 北 葬衛 皇帝於金陵」,則 朝 原原 時,本 桓 注]徐邈 公」之類 國  $\tilde{\exists}$ 自 十二月庚子, 葬 凡 皆 得之矣。 魯 書葬者, 則 遣 當 其 書 據 臣 我 魏 魏 會 丽

#### 通鑑書閏月

然 皆 IE. 則 案]其説詳 在歲終者。〔錢氏曰〕春秋 春 惟 月壬 後 可 秋》之法, 之讀 置 ^ 高宗 通 寅,如 閏 見 鑑》書閏 者必 四 顯 若 卷 洛 慶 不 非 閨 費 陽 著 也。 月」條。 月 於 宫 年 其 而 追 正 爲 ^ 不 春 尋 時 月 何 自 著其 矣。 閏 秋 無 月 太 不 事 皆在 初 時 或 爲 新 曆 乃 F. 何 歲 閏 書 唐 月 行 餘。 月 未 日 書 無 ′汝 每 有 謂 》亦 閏 月 不 倣 成

公未入國,稱「公子」,已入國,稱「公」。 史記》漢高帝未帝,稱「漢王」,未王,稱 史書人君未即位之例。 《左傳》晉文

爲 侯及將相相與 侯、柴將軍在皇帝後」; 至其下文乃 不 順 五年,將戰垓下,而曰「皇帝在 矣。 共請,尊漢王爲皇帝」,於言 日「諸 後,絳

順 此 王」,而前第八卷明帝泰始四年七月庚申, 昇 以 書「以 明 也 下,「齊王」之號累  $\equiv$ 沈約作《宋書》,於《本紀》第 年四 [原注]蕭子顯《南齊書》亦同 · 驍騎將軍齊王爲南兖州刺史」,自 月壬申,始書「進齊公爵 見於篇,此言之不 此例 十卷 爲 順 齊 帝

#### 史書 人先後歷 官

稱 「將作大匠許商」,後稱「河隄都尉 漢書·溝洫志》先稱「博士許商」,次 許

此 書一人而先後歷官不同之法。

書·君奭》:「我聞在昔,成湯

既受命

衡,至太甲時始爲此官,故變文以稱之也 若保衡。」伊 時則有若伊尹,格于皇天。 尹、保衡,一人也,湯時 在 太甲,時 未爲 則有 保

### 史書郡縣同名

稱「小邾」是其例 燕國有二,則一 北、上、下字以 漢時,縣有同名者,大抵加東、西、南、 稱北 爲别,蓋本於《春秋》之法, 也。 燕」; 若 郡縣 邾國 同名 有二,則 而不同

日

知録集釋卷二十

省 江. 州 名於各省 彼 中 所 河、 多 有 陽 兩 Z 陵 治 地 耿 新 有 省 縣 屬 定縣稱 地 故故 混 永豐之類 相 面 弇傳》、《馬 以 江. 恐, 皆 晉 龍 昌 有 並 則 有 書 故 省 縣 泉 新 有 祀 今地 書 薊 相 於 縣 者 有 城 者。」「謝 永 「小保定」,寧 同 時 而 丹 縣, E 陶 書沛縣 縣 豐 理言之,如大名、 而 故書 之印 法當并 浙 面 寧縣 如 難 陽縣 巳 縣 辨 武 必 江 浙 ൬ 江. 無 傳 ·, 倘 傳》。 亦 直 中 江. 省 其 易 加 前 廣 别 》、《吴志 有 爲「小」 隷 載 派 爲 有 印 滋 姧 貴 奉天 陽縣爲「小 新 其 矣。 國  $\mathbf{E}$ 寧 弊 徒 信 小 Ш 小 州 府, 丹 昌 二伏 府 州 端 假 篆 東 所 縣 四 陽 太平 丹陽 借 寧 文 耐 沛 屬 見 沈 浙 JII ൬ 吕 至 可 郡 《宋史 江 國之類法 字。 以 皆 江. 氏 江. 陝 縣 範 此 廣 省 西 不 有 此 西 所 傳 稱 外 東 字 廣 有 省 龍 屬 》闕焉 縣 廣 治 江 德 所 雲 樣 小 沛 吉安、 陽」。 泉 所 皆 陽 格 原 化 省 當 屬 南 丹 縣。 用 後 太平」。 郡 有 論》于 注 皆 州 縣 直 或 所 共 故 印 陽, 新 廣 人 三今 不 書 有 屬 在 ( 錢 信 再 縣 而 有 不 城 信 長 其 作 治 皆 此 順 福 如 又 朦 縣 治 治 氏 寧 縣 省 人 錢 天府 建 江 有 有 混 下 史, 沛 府 縣 清 日 宛 廣 之 又 省 江. 寍 可 於 而 Æ 亦

今天下 撫 直 縣 東 江 州 建 可 州 同 府 安 州 此 與 寧 石 廣 有 昌 與 同; 徽 影 縣 縣 昌 州 隷 直 廣 蘇 德 府 直 城 趙 府 保 州 淮 海 廣 縣; 縣, 同 府 與 射 化 同 隷 而 隷 永 州 定 豐 與 府 安 與 東 廣 各 隔 名 縣 順 貴 順 而 寧 縣 鳳 江 府 府 湖 者 Щ 可 瓊 西 省 省 直 天 天 州 Ш 臺 州 東 與 與 南 省 江 同 府 州 Ш 隷 府 府 併 更 西 亦 湖 縣 河 石 青 有 省 辰 東 府 與 與 Ш 與 州 無 亦 有 有 門 州 興 南 州 有 州 南 安 武 雲 同 湖 西 江 從 府 有 永 縣 安仁 安 府 河 常 則 縣 府 南 徽 定 廣昌 汾 蘇 與 南 辨 寧 南 縣 口 德 同 同 寶 有 鳳 府 大 永州 浙 州 同 府 察 縣。 名 縣 府 府 忠 陽 豐 理 與 縣 江 司 耐 府 清 永 同 州 者 皆應 府 廣 縣 府 開 廣 嘉 名 廣 而 府 與 其 安 溪 同。 不 與 州 東 江 東 者,如 興 廣 四 西 湖 他 縣 龍 縣 河 止 廣 Ш 惠 别 省 廣 府 川 各 亦 南 西 直 門 南 縣 此。 東 西 州 州 四 有 改 福 與 與 隷 有 桂 省 亦 縣 豣 汝 則 羅 澤 府 石 府 嘉 111 建 大名 湖 之州 興 有 廣 林 如 有 徒 定 州 城 同 直 州 司 延 雅 名 南 安 安仁 西 府、 府 有 縣 州 會 與 Ψ. 府 也。 隷 州 澧 府 南 縣 與 同 則 意 瀘 百 H 貴 同 府 官 府 州 與 寧 而 縣 安縣 溪 有 作 州 縣 肅 與 與 州 貴 江. 化 可 府 廣 太平 汝 新 桃 弊, 同 縣 廣 府 貴 寧 湖 安 省 州 東 江 可 安 成 名 源 東 江 東 與 州 夏 順 則 江 南 貴 有 亦 省 縣 縣 案 府 廣 惠 西 安 思 西 府 靖 府 陽 借 縣 通 永 有 有

靈 廣

海

縣

盛

廣 府 咸 廣 府

東 與 寧

嘉

應 11

州

四 縣

綏

縣

浙

江

東

廣

州

府

縣、安 南 紹 京 北 蘇 州 南 淮 泉 同 定 寧 同 ī 同 可 與 康 奉天府與 興 武 松 安 府 長 府 府 安 太 縣 四 徽 府 府 府 昌 江. 與 沙 棄 `東 武 江. 建 大 清 和 JII 廣 寧 可 府 與 廣 府 府 與 Ш 始 寧 寧 Ψ. 縣 鄉 縣 龍 或 蘇 Ш 東 與 東 陝 與 西 與 .縣 . 縣 縣 縣 縣 安 唐 揚 浙 西 廣 陜 羅 甘 Ψ. 直 府 Ш 安 西 府 大同 縣 州 江 湖 州 西 江 定 肅 定 與 西 江. 商 Ш 隷 徽 Ш 同; 府 台 西 州 平. 州 汾 府 西 東 浙 西 州 北 西 深 潁 直 與 安 同 州 府 同 同 涼 州 可 施 隰 南 東 州 江. 撫 州 隷 清 陜 府 同 府 府 府 南 州 昌 昌 與 台 州 府 保 興 河 廣 鎮 同 海 西 口 可 同 州 府 府 與 府 貴 府 與 寧 寧 平. 縣 定 Ш 陽 延 府 雲 與 四 與 與 州 與 縣 寧 縣 西 縣 建 縣 安 水 新 府 直 貴 几 JII 湖 四 南 安 縣 盛 遠 噬 寧 Ш 湖 昌 與 府 ]1] 州 河 111 Ш 隷 夔 南 大 順 縣 縣 縣 四 縣 河 同 夔 陝 南 京 綏 東 理 廣 州 常 都 南 府 平. 直 湖 湖 直 南 Ψ. 州 西 郴 德 錦 登 府 勻 南 定 府 同 陽 石 南 邠 州 隷 陽 南 隷 府 州 南 州 府 府 府 府 口 百 府 泉 永 州 府 寶 府 府 樂 陽 承 府 與 宣 可 同 同 디 縣 州 龃 Ш 與 慶 龃 化 龃 Ψ. 74 府 德 龃 Ш 江 今異 府、 亦 制 奉 縣 可 府 吉 可 慶 江 州 重 廣 府 疏 肅 天。 江 而 安 無 乃 同 陽 杭 百 慶 74 與  $\pm$ DЦ 建 安 者 府 慮 無 府 州 府 柳 府 西 有 JII 定 德 E 直 與 府 宣 州 贑 敘

華

- 亭縣 東嘉 江. 綏定

與

甘

東肇

慶 肅 江.

府 西

湖

廣 縣 JII 可 府

應州

西

饒

府

同

甘 肅 、雲南 貴 江 如 縣 樂 縣 化 湖 隷 與 府 鞏 西 寧 州 縣 縣 廣 司 昌 南 安 陝 州 思 而 楚 陜 府 澧 東 直 徽 西 福 雄 有 南 西, 甘 定 州 瓊 同 延 隷 池 建 Ш 府 府 遠 同 ; 肅 州 安 西; 宣 州 可 司 福 懷 廣 縣 慶 府 府 府 化 州 昌 安徽 遠 陽 永 同 安遠 永寧 與 永 府 與 府 縣 縣 福 府 Ħ 定 與 浙 與 與 縣 安 縣 直 縣 鳳 安 廣 縣 肅 江 湖 化 雲 隷 鞏 西 陽 徽 江. 江. 福 嚴 福 北 縣 易 南 府 昌 南 鳳 州 建 西 西 宜 建 臨 州 與 陽 府 寧 湖 [吉安 府 福 汀 贑 B 安 與 陝 府 п 府 口 州 南 州 州 府 江 府 西 與 同 府 府 府 E 府 西 同 安 漢 陜 廣 與 沙 龃 而 龃 與 建 福 昌 中 西 謝 東 河 疏 廣 湖 府 湖 昌 縣 化 府 榆 嘉 14 南 乃 疏 與 北 南 縣 府 林 河 無 之 應 桂 江 澧 Ħ 荆 Щ 同 府 南 Ħ 與 州 林 西 州 肅 浙 門 111

寧

湖

與 鄉 東

江 縣 潮

西

太平

廣

州

府

陽

縣

江

蘇

陝

興安

府

州

司

Ħ

蘇

淮 西 府

安

府

同

攷之于: 姦徒之作 州 縣 今, 之同 弊矣。 皆 名者, 不 合 印 相 文 各 去 百 加 年 省 名 沿 某 革 某以 攸 殊 别 之 而

是

今

州

府

與

四

JII

敘

州

府

廣

東

惠

州

府

同

疏

乃

又

有

永

廳

同

疏

乃

有

貴

州

而

無

河

南

几

111

長

寧

#### 七八四

#### 郡國改名

之密也 十月 月 陵」,見名也,下言「舂陵」, 云: 室,不可因 丙 「乃悉爲春陵宗室起 辰,改 甲 後 申, 漢 縣 書 幸 春 名而追改之也。 陵 章 光 鄉 陵 武 爲 修 紀 章陵 **\*** 袁 祠堂。」上言「章 廟 縣 本 建 祠 春 此 武 史家 + 六 陵侯之宗 宅。」 七 年 用 年 春 字 又 冬 正

興,田 未 十一年冬, 此 爲 未當,當曰「東垣人」。 杜陵, 史記 何 以 蓋 齊 更 》:「南越王尉佗者,真定人也。」 東 史家追言之也 田 徙 垣 爲真定。」《儒 杜 陵。」 《盧綰 師 古  $\exists$ 林傳 傳》:「高 初 徙 漢 時 帝

公。 初,魯共王分魯西 漢 書 夏 侯 勝 傳 寧鄉 \* 以 夏 侯 封 子節侯, 勝,字長

> 傳》: 或 分 陵。」 蠡 也,小顔於音注姓字「文穎」下 曰〕每見稱建安爲魏,此恐未然。 字曼倩, 别 改 厭 吾人也, 屬 名之 大河, 次 夏侯湛《東 劉祐 趙廣 以 平 例 爲 漢 大 **中** 故 原 樂陵郡 傳 河後 厭 屬 Ш 方 \* 次 安國 河 朔 更名東平, 人 間。」《後 畫 趙 故 也。 人也,安國後別屬 像 廣 又爲郡人焉。」 亦云「魏建安中 贊》:「大夫諱 漢,字子都 孝若爲妙 魏 建 漢 故 書 安 勝 才曾 中、一人楊 爲 孫 此 黨 涿 東 則 猶 朔 非 郡 博 錮 郡 平 氏

### 史書人同姓名

左氏傳》襄公二十五年,齊崔杼 則 日 别之曰 韓  $\pm$ 史記 信 或 師 漢 ^ 劉 漢 高 歆 書 帝  $\approx$ 時 王. 有 此 莽 兩 其 時 韓 法 信 本 有 弑其 於《 兩 則 劉 君光 春 别 歆 之 秋

事,中有兩賈舉,則別之曰「侍人賈舉」。

中婁室」,曰「小婁室」。 板 子 訛 金 可。 史》有 有三婁室, 訛 可, 日 曰「大婁室」, 草 火 訛 可, 曰 曰

#### 述古

有作。」
爲己説也。《詩》曰:「自古在昔,先民古人又述古人之言,則兩引之,不可襲以古人又述古人之言,則兩引之,不可襲以

可與進於學。 之言,而亦不敢没其人,君子之謙也,然後而曰:「斯義也,聞之成都隱者。」是則時人而曰:「斯義也,聞之成都隱者。」是則時人

### 引古必用原文

都王即帝位之事,古人不以爲嫌。 作,而記中 其後未幾,龍飛江漢矣。」注 西,忽有一洲自生,沙流 宗滅身屠。 鼎之志,乃增一 引盛弘之《荆州記》曰:「江中有 楚諺云:『洲不百,故不出王者。』 桓玄有問 凡引前人之言必用原 所指「今上」,則 及其傾敗,洲 洲,以 充百數。 迴薄,成不淹時, 亦消毁。 万北 文。《水經 南宋文帝以 僭號數旬, 九十九洲 魏酈道 今上在 注》 宜 元

#### 引書用意

德。予有亂臣十人,同心同德。」《左傳》引《書·泰誓》:「受有億兆夷人,離心離

深 釣 同』者 争隈。」此 潭 於 則 相 河 衆 日 子。 濱 皆略其 也。」「原注 期 太誓》 爾 年 雅 而 文 注》引 二成 所 漁 而 謂『 用其意也 者 年。 之,則 争 商 處  $\sim$ 兆 湍 淮 民 日 南 瀨 : 離 子 以 漁 周 者 曲 十 舜 喂 不 人

### 文章推服古人

爲序 文宜 古 前 次,有榮耀焉。」李太白 杰 錢 自古· 人、翻 獨 氏日 有景 黄 不屑爲,而其《 韓 一、帝、 二機 在昔,先民 且. 道 退之文起八代之衰,於 曰 : 駁 老子未見非耳。」 訶古人,始於宋儒。 不 舊 . 得 作 竊喜載 者,其 崔 有 滕 顥 作」者也。 名 題 王. 人之宅 黄 曾子固云:「介甫非 其 閣 詩 鶴 上 記 在 樓 》 推 上 詞 駢 今之好 心 詩 頭 列 偶 許 可 0 日 王. 聲 知 王 所 律 譏 勃 矣。 前 之 之 訶 謂 眼 所

> 於文公 記 如 如 藍 哉 此 田 記 邁 宋 縣 · 豈 告之日 洪 而 派 邁 宜 以 廳 從 爲 壁 犯 : 孫 犯 不 記 不 他 倬 韙哉 談故 文 派 韙,昔人之謹 尚 也 \_! 宣 可 城 隨 蓋 夫 力 以 以 自 Ι. 題 韓 作 拙 目 文 ^ 下 厚 之 公 題 百 有 何 名

### 史書下兩曰字

子》書 書 也。  $\exists$ 文 中 高子曰」、「公孫丑曰伊尹曰」、「公孫丑 以 又 多有兩 多方》周公日 便 引 若史家記載 注 讀 書 疏 也,此 家 則  $\Box$ 凡 字,如 下 引書,下一 出 之辭 「云」字。 於《論語 一公都 王若曰」是也 可 子曰 下 **学**牢 日 告 云、 兩 子 日 日 字 ; 日  $\Box$ 日 詩曰 字,《 子云 「公孫 原 引 義, 注》孟 書 H. 是 戀 之 尚 問

#### 例

左傳》中言「凡」者,皆凡例 二卦「用九」、「用六」者,亦凡例 古人著書,凡例即 隨 事 也。 載 之書 也 《易》乾 中。

#### 分 題

第一 篇題 公》、《去私》是也。 名》、《講武》、《旌族》、《吕氏春秋・孟春紀 名》、《月陽》、《月名》、《風雨》、《星名》、《祭 天》一篇下列《四時》、《祥災》、《歲陽》、《歲 標題上文之事,「若『周公踐阼』及《詩》篇 》下列《正月紀》、《本生》、《重己》、《貴 於首,而 古人作書,於一篇之中 列 分題於下。 疏家謂之「題上事」,謂 有 如《 分題,則 爾 雅 標 釋

> 皆著其名於本章之末,《安世房中歌》「桂 記 監刻本皆改之。 姊妹」之後,「妻黨」二字在「爲姒婦」之後, 字在「晜兄也」之後,「母黨」二字在「從母 華」、「美芳」二題,傳寫之誤,遂以冠後。 祀歌》「練時日一」、「帝臨二」,凡十九 連於本文也。又如《漢書・禮樂志》、《郊 記》篇有曰「子貢問樂」,亦同此例,後人誤 也」、有曰「教世子」、有曰「周公踐阼」、《樂 章句,皆篇 昏姻」二字在「吾謂之甥也」之後,今國子 文 王 《爾雅・釋親》一篇,石經本「宗族」二 世 末 子》篇 題之,故此亦爾」。 有 日 「文王之爲 今按《禮 世

日 知録集釋卷二十終

七八七

日

知録集釋卷二十

#### 七八八

史多

求

理

道,始知文章合爲

時

而

著

歌

詩

# 日知録集釋卷二十

崑山顧炎武著 嘉定後學黃汝成集釋

#### 作詩之旨

也。 詩之旨失之遠矣。 乎 情 往者,其言有文焉,其聲有哀焉。」此詩 制 齊、梁,所謂 也。 《荀子》論《小雅》曰:「疾今之政,以 「命太 舜 故詩者王者之迹也。 日 :「詩言志。」此 師 陳詩 「辭人之賦麗 以 觀 民 詩之本 風。」此詩 以 建安以下, 淫」,而 也。 於 之 <u></u> 作 洎 之 用 王 思

長,閱事漸多,每與人言多詢時務,每讀書唐白居易《與元微之書》曰:「年齒漸

支持 之「諷 又 謂:「好其詩者,鄧魴、唐衢 於上邪?」嗟乎,可謂知立言之旨者矣 合爲事 困 邪? 躓,豈六義 諭詩」,自比於梁鴻《五 而 作。」又自 又 不 知天意不欲使 四始之風,天將 紋其 詩 關 俱死,吾與足下 噫》之作, 下 於 美刺 破 人病苦聞 壞 者 不 可 而 謂

有益而貴。今詩純虚譽,故有損而賤。」晉葛洪《抱朴子》曰:「古詩刺過失,故

## 詩不必人人皆作

之上 先倡 人 不肯爲雷同之辭、駢拇之作也。 各 ī 有能 泉 而 古人之會君臣朋友, 意 陶 己 有 賡 盡 不 歌 , 則 能 **,** 而 <del>,</del>不 亦 禹、益 無 作 庸 . 詩 更 不 無聞, 何 續 ·必人 害 古之 是 人人作 柏梁之 若 以 聖人 虞廷

宴,金谷之集,必欲人人以詩鳴,而蕪累之

言始多於世矣。

不 諸 在 孔 詩,不聞後世之人議 暇」與? 作 六經,而 子以 堯命 何 斯文自任,上 寥 曆 所 寥 而無歌, 自爲 也 ! 歌 其不能 止 接 其 文 於 劣於 文 Ŧ. 龜  $\pm$ 演《易》而不作 與? 之統 舜 山 與周 」、「彼 「夫我 , 乃 公也。 其 婦 則 事

陽 退之與 也 無 翱、皇甫 湜皆韓 之不議 退 而不作,賢於世之不能 永 之、 篇存者,計 叔、梅 永 宋邵博《 孟 也。 叔 東 東 與 野 聖 野 退之高弟,而二人獨不傳其詩,不應散 〔原注〕《石林詩話》:「人之才力有 或 聖 唱 聞 善。 俞 非 俞 柵 見後 善。 其 所長 而 傾 唱 習之於文,退之所敬 强 栅 一時,習之獨 録》曰:「李習之與韓 師 爲之者也。」尹 故不作耳。 傾 魯 時, 於文,永 二人 師 師 無 魯 以 叔 魯 詩 非 獨 所 與 限,李 所 也。 敬 退 無 歐 長 Ľ

詩,永叔不議也。」

章,此又後人之見耳。 《五子之歌》適得五章,以爲人各

韓侯, 無 詩不以無和答爲 烝民》之詩以 言。 渭陽》,秦世子送 而三人者 尹吉甫 贈 嫌 不聞 仲 作《崧高》之 Ш 其有答,是知古人之 甫, 舅 韓 氏 也,而 詩 奕》之詩 以 贈 晉公子 申 以 伯, 贈

#### 詩題

《巷伯》,自此而外無有 皆 武》,美宣王也,若《勺》,若《賚》,若《般》, 無 字、二字、三四字 廟之樂也。 一題,《雅 「三百篇」之詩人,大率詩 **>**∕ 其後 頌 人取以名之者一篇, 以名篇,故「十五  $\Rightarrow$ 中 也。 閒 一有之,若《 〔原注〕《雨 成,取 無 或 IE. 其 溢 常 中 曰 並

法, 首》 有《 祀 興 王 韓 歌 詩 雑詩 曹皆 也 始 而詩學衰矣。 **∀** 》篇 自 首 唐人以詩 有《七哀》而 鐃 漢、魏 有 而不必 歌 雨 曲》 無 其 而 同其義,則 各 極 取 ^ 以 十 傷 士,始有 不 篇 九 我 必 稼 首 首 同 穑 字 其 亦猶之《 並 命 爲 情,六 句 無 題分 題。 題 五. 韻 + 言 子 又 九 之 皆 如 郊 之

之體。 皆取首二字 則 遁 名篇;「客從 歷」名篇; 李生久」,則 以「往在」名篇; 逃」,則以「近聞」名篇; 杜子美詩多取篇 「自平宫 以「不見」名篇,「近 爲 南 題,全 溟 來」,則 中昌 歷 中字名之,如「不 歷 無 太 開 意義, 以 一,則 一往 元 「客從」名篇 事」,則 在 頗 聞 以「自 西京時 得 犬 以 古 戎 平 人 歷 遠 見

詩 有題 而 之詩, 後有 詩。 有 詩 有 而 詩 後 而 有 後 題。 有 題 今人 者, 其 之

> 乎 詩 物。 本 乎 情 有 題 而 後 有 詩 者, 其 詩 徇

# 古人用韻無過十字

古人但 趨 晉以 人之變化自 巧,于是有 上亦 .謂之「音」,不謂之「韻」,今姑從 三百篇」之詩 然。 然 强 宋、 也 用 齊 句 以 韻 下, 多 到 則 底者,終不 韻 必 學 俗 轉 名之耳。 漸 韻 興, ·及古 人文 原 魏 注

轉 章 以 不 吏 我 乃 部 可 韻。 從 用 古人 未 以 + = 免 韻 成 是 用 此 者 章 • 知 字。 韻 病 今人之詩 而 也 以 無 於 韻 使 過 義 從 就 + 必 字者 我 此 也。 有 者,古人之詩 不 韻 獨 達, 自 引 杜 悶 而 故 拾遺、 宫 伸 末 学之 之, 四 也 韓 句 非 四

葉少蕴《石林詩話》曰:「長篇最難,

耳,不 去,僅 魏、 不 邕』、『蘇 集 傳,此固古 懷 志 知者言也。」「楊氏 晉 初 - 論轉 高 各取其 北 以 不 作 韻 征 源 前 以 今绝 . | |諸 而 詩 明 古 序 半, 詩惟《焦仲卿 世多尊 無 事 篇 詩 唱 過十 傾 方 中 窮極 日二石 爲 盡 極 · 韻 稱之不 然《八哀》八篇,本 盡 爲 多 筆 妻》一 者 林此論 善。 累 工. 「, 蓋 力, 句, 敢 篇最長, 是 使 然 如太史公 至 言 議 余嘗 此 人 老 詩 以 後人不 不 不 杜 如 宜 可 痛 意 ^ 過 李 非 紀 爲 刊 述 逆 敢 長

韻 用 者 ,皆是立意以 韻中字 詩主性情,不貴奇巧。 幾盡 者,有用 此 見巧,便非詩之正 險韻者 唐以下人有 1,有次 格 强

措手。

古 不 有 協 人 多 作文之法, 有 則竟單行。 且. 少 如 、未嘗 孔 子作《易 聖 律,亦 韻 人「無必無固」,于文見 • 無字 彖 有  $\approx$ 則及 無 象 韻 傳 他 者。 》**,**其 韻 他 可 用 知 韻

### 詩有無韻之句

寧無韻。 用之字,然後旁通 則 詩 無韻不 以義 苟其義 **孫**爲主, 害 。 之至 漢以上往往 他 音從之。 韻 當, 又不得 而 必盡 有之。 不 可 於 他 以 韻 韻 他 無 字 則 可

易,

也。 《石壕吏》詩。 棲莫近吴宫燕」,無韻 韻 葵持作羹」二句,無 至當不可易。〔錢氏曰〕「真文」至「元寒」通,非 有「白雲 老翁踰牆走,老婦 ; 古辭《紫騮 野 暮投 田 在青天,丘 黄雀行 石壕村,有吏夜捉人」,「原 兩 韻 馬 也, 歌 》首二句「游 韻 学 出 至當不 陵 ; ; 門看」,則 《行行且 有「春穀 李太白《 遠 崔 ·可易。 莫逐 嵬 游 天 持 無 韻矣, 獵 炎 馬 作 下 洲 句 注 歌 》篇首 飯 句 二杜  $\Rightarrow$ 無 無 中 採 亦 云 韻 甫

二句「邊城兒,生年不讀一字書」,無韻

## 五經中多有用韻

矣。 矣。 之中 不入 上有 韻 也 雖 天之命》《昊天 格 有 水泱泱」之類是矣。 論》 者 韻 無 説者以 無將大車之首章」七字。 Œ 又有 ,如《思齊》之四章、 三百 有二三句 之文而 韻 瞻彼洛矣」二句作 古人之文,化 文, 之文 全篇 篇」之詩 此 爲 時 而 則 當 有 不用 亦 往 無 所 有 成 不 往 韻 工 謂 命》 「我徂東山,滔 餘 用韻,終不 者 韻 有 也, 不 有韻之文也, 聲,然以 者, 韻 篇之中 以 時 周 自 《 召 五章、「沈氏日」《救 如 韻 苟 邁》《武》諸 然 頌 旻》之 而 瞻彼 其 而 滔不歸」, ·以韻 餘 有全章 害意 不 合 清 聲 浴 然 於 乃一 廟 四 相 而 者 矣, 音 協 篇 章 思 不 害 則 也 齊 是 用 維 章 意 是 維 雖 則 而 文

誓 之百 謨洋 嘗有 伐 天眷 謨 望 王之義。 萬 有韻之句。 成女」,「 雨 然 言》、《繫辭 Ŧī. 孔子 用  $\stackrel{\cdot}{\approx}$ 》一帝 日 日 篇 邦 0 亦間有一二,如「鼓之以雷 張 我 祥 洋 命 贊《易》十 惟 心于用 用 此 月 . , 嘉言 作, 作 于 武 慶。 德 韻 君 奄 所謂 運 《尚 無 惟 廣 湯 有 子 》、《説卦》、《序卦》 不 行 然 韻 爾 有 揚 運 書》之體,本不 有 化 知 善降 四 孔 其 篇 也。 作 惟 海,爲 寒 光 微 工之文,自 彰,惟 侵 乃 中 不 好, 知 其《 之百 〔錢氏曰〕《文言》、《繫 于 聖 無 德罔大 彰 之疆 洪 乃 韻 遵 天下君」、《 彖》、《象 暑, 上帝 殃。 神, 王 範 者 知 乾 亦 一之道 然 柔 不常 乃 用 爾 取 隊 十之一 道 霆 無 而 五. 知 韻 武 傳 彼 厥 惟 合者 潤 成 篇 偏 剛 伊 **∀**, 乃 宗 男 M 德 而 不 無 無 作 之以 訓 文。 萬 詞 殘 图 用 ; 雜 陂 有 善 大 固 坤 夫 》亦 桂 作 太 Ż 文 遵 我 降 聖 皇 未 禹 道 風 名

食,饑 兄弟, 作 思 身 綱 謂 有 神 其怒 祜」、《樂記》「夫古者,天地 列 在 後 直 黨 惡 遵 知 不 德 與與 堂 玄武,左青 大 其 無 常當 人不可 琴瑟, · 澄 皆 可 」、《禮運》「玄酒 而 中 偏 以 者弗食 其 王 以 方 五穀 用 庸 一之路。 先 齊 酒 命 王 然 不 韻 影故 上 祖 管 以 在 後 道 虐 事 昌 勞 龍 以以 磐鍾 下,夫 下。 不 聖 「, 疾 民, 親, 又 平. 君 而 無 者 知 人 IE. 如 平. 右 疢 飲 思 子 鼓 偏 作 陳 弗 天」,《孟 ^ 0 君 婦 食若 在 白 事 不 不 曲 無 爲 息 其 修 無 臣 有 虎,招 室 親 禮 可 黨 作 父子 犧 其 反 所 流 不 以 以  $\Rightarrow$ 醴醆 睊 而 順 牲 祝 王 子》 無 篤 可 不 行 睊 君 無 是 而 摇 嘏 道 側 備 父子 流 以 修 胥 妖 臣 四 在 在 謂 師 前 蕩 身, 以以 時當, 連 不 祥 其 户,粢 讒 L 承 王 以 朱 行 蕩 荒 知 鼎 思 天 道 民 而 爲 此 以 降 急 鳥 俎 修 之 醍 13 糧 紀 之 民 睦 上 繕 正 無 而

> 文格 漢 書 爲 諸 並 論 有之。 樂府 侯憂」,凡 着 「至東 詩 太 反 漢 史公 以 有 此 下 不 之 始 用 作 類 以 韻 贊 在 有 者。 韻 秦、漢 亦 無 韻 時 沈 爲 氏 詩 以 旦 用 文之别, 前 此 韻 諸 下 子 而 截 救

#### 易韻

然爲二,而文亦日

以

衰

《春秋 繁者 《震》之虩、啞、《艮》之身、人是也。 孫文子之陵、雄 師 渝、羭,蕕、臭,伯 辭 國語》所載晉獻公之骨、猾、捽、《史記 ,丘、孤、弧、姑、逋,家、虚 愈 繁而 時用 傳》 所 韻 愈 載 多 《蒙》之瀆、告、《解 懿 用 ,衛侯之羊、亡,實、踰 姬之衁、 氏之鏘、姜, 韻 疑 古 駅、 ト解 償、相,姬、 鄢 卿、京,驪 陵之쨃、 當 》之復、夙 至周 用韻 姬之 公則 又 所 旗 載 如

《易》之有韻,

自

文王

始

也

凡

桂

辭

之

注 注 漢文帝之庚、王、光、《漢 人述而 史之雄、乘、崩、興,皆韻 象傳》用韻、蓋本經有 《爾雅 楚詞• 不作,以古爲師 釋訓 卜居》《漁父》篇,亦用韻 》篇,本經有 韻 韻 而 注亦 書 也 不 而 用 ·苟 傳 元后傳》所 故孔子作《 韻。 也。 亦韻,此見聖 錢氏曰 [原注]郭 載 彖  $\pm$ 晉 逸 璞

之箋注於字 句 以 而 爲 彖》、《 通 訓 論之也,故其體不同。 也 象 句 《繋辭 明 傳》猶今之箋注者,析 白之後,取一 》、《文言》以 章 下, 篇 全書 字 猶 分 今

#### 口詩用韻之法

句 詩之首句用韻者源於此。 鍋 連 雎》之首章是也,凡 用韻 古 詩 隔 用韻之法,大約 第三句 而 漢 於 以下 第 有三。 四 起 詩 句 即隔 及 用韻 首句、次 唐 句 律 用

至末, 唐人 章、二章、三章、四章、五章是也,凡漢以下 《還》、《著》、《十畝之間》、《月出》、《素冠》 然亦莫非出于自然,非有意爲之也。 諸篇,又如《卷耳》之二章、三章、四章,《車 韻 承之,若《有瞽》之篇者。 民》之卒章者。 攻》之五章者。 有首末自爲一韻,中閒 首章、《魚麗》之前三章、《卷阿》之首章者。 是有上下各自爲韻,若《兔罝》及《采薇》之 用之别, 而變則轉韻矣。 詩若魏文帝《燕歌行》之類源於此。 攻》之一章、二章、三章、七章、《長發》之一 者 ~ ~ 律詩之首句不 句 卷 而 句用 耳》之首章是 錯綜 韻 有首 變化,不可 有 者,若《考槃》、《清 轉韻之始,亦 隔 用韻者 提 半 也 章 自爲一韻,若《 此 韻, 自 以 凡 源 皆詩之變格 爲 而 漢 於 有連用、 體 韻,若《生 下 以 此 分二節 下 拘。 自 自首 詩 車 隔 於 是 及

皆馴 其 沈 古 周 帝 遠 篇 詞 風 史,諭書名,聽聲音」,所以 IE. 本 而 而 ·, 千 約 賦 人之音 公之繫, 俗者,又不 于 音已漸 舜之歌 非 爲 成文,謂之音。」 前 日 化 人之所能 詩,詩成然後被之樂,此 數 自《商 繁,而 而《周禮》大行人之職 于 書,其 几 百 泉 中和 書 戾于古, 聲 年 無 頌 也 之譜 後 敢 人 弗 陶之賡,箕子之陳,文王 之久, 》, 下 爲 名之日 略 皆 同 而 魏、 也。 作。 至東 也。 者。 發 出 . 逮 夫 晉 而 之爲 于 陳靈 有 三代之時,其 是以《詩》三百 京 然 韻 以 其音未嘗有異 故「三百五 族 文 至 益 自 下,去古 音 黨 以以 斯 甚。 宋 庠 有音 九 道 上皆出 無 十五國 序, 漢之文, 周 德 而休文 歲 不 類、梁 日 協 文 而 屬 其 于 比 遠 之 天 瞽 干 百

生《

音

學五

書

序

 $\forall$ 

曰 :

**^** 

記

 $\exists$ 

子

用、獨 今韻 作 氏旦」古 紹 譔 行 祐之際,微有 韻 學之一 人之賦,曹、 例 并 ,以成 H 而 作 始 用 爲定本。 譜 會 江 韻之咎歸 稱 用之法小有 :< 韻 之注 訛 併 以 唐 北平 》始 乃不 韻 此 變。 韻亡,爲音學之再 陸 二百六韻 并爲一 分二百 不 江. 會》因之,以 水 一<del>,</del> 而 法言《 南 劉 之劉 刊 道之亡蓋 能 下 及 劉 氏淵 于是今音行 監 其 之典 百 更易。 六部 異 上 淵 本 以下諸 同, 介部 t 免 據 《壬子新 切 韻 唐 唐、 爲 今淵 而部分無改。 解 韻 蓋 而 代, 雅 進 、宋相 一百七 未 二千有餘 迄于今。 理 通循用平 **>** 人之 書已不傳 僅 ± 刊 × · 営 改 爲 三宗末 以 禮 毛 丽 按 承,雖 ^ 變。 準 部 氏 詩 水 古 詩 南 班 韻 晃 韻 也。 元初黄公紹《古 年, 韻 先後 音 雖 賦 、張以下 》,旁摭 所用之音, 略 《增 據 次第 世 于 歲 黄 取 有 4 修 次第 平. 矣。 是 元 至 H 八氏《韻 有 後 獨 士 黄 水 宋 遠 宋 增字。 部 人 及 騒 (錢 其 韻 公 劉 景 而 亩

淵

同

傳

以

凡

韻二。 音,注「三百五篇」,爲《詩本音》十卷,注 不 始 聲廿九,去聲三十,入聲十七,皆與今韻同。 門黄孝廉丕烈家見元槧本《平水韻略》,卷首 失,而三代以上之音部分秩 正 今考文郁韻 韻 淵之前,則謂 氏書也。 意淵竊見文郁書,刊之江北,而去其序,故公紹以 有三年,其時金猶未亡,至淳祐壬子則金亡已久矣。 古序,乃知爲平水書籍王文郁所譔,後題「正大六年 而 不同,爲《音論》二卷,考正三代以上之 丑季夏中旬」,則金人,非宋人也。 并四聲爲一 每 可亂。 宋人之失,據古經 發悟于中而旁通其説,于是據 炎武 韻 則淵 所 〔又曰〕王氏平水韻并上下平聲各爲十五,上 增 潛心有年,既得《廣韻》之書,乃 不過刊是書者,非著書之人矣。予嘗于吴 上聲拯等已并於迥 之字,於毛云「毛氏韻」, 乃列古今音之變而 并韻始于劉淵者,非也。 百七韻,陰 時夫又并 以 正 韻,則亦不始于時 考己丑在壬子前 沈 上聲 氏 如 論者又謂平水 於 究其 拯 至 劉 韻 文郁 唐 唐人 有 云 河 三平 所 賾 人 迥 爲 閒 在 之 以 以 而 韻 夫 劉 ė 劉 廿 許 水

《詩》「王姬之車」、「君子之車」皆與華韻,遂疑車 送于野二云「協句,宜 詩音》,于今韻有不合者謂 彦倫、沈休文輩分别四聲, 狐、烏爲韻 敷、《詩》「有女同 尺奢切。 相反,實則劉是而韋非。 居音。」此古今音殊之證。 聲近舍。」韋昭辯之云:「古皆音尺奢反,漢以 熙《釋名》云:「古者車聲如居,所以居人也。 文,必有聖人復起,舉今日之音而還之 離合有之,而不甚 自是而六經之文乃可讀,其他諸子之書 淳古者。 卷;綜古音爲十部,爲《古音表》二卷。 而一一以古音定之,爲《唐韻正》二十 協句,乃林反」。 (易》,爲《易音》三卷;辨沈氏部分之誤; 不知讀 ,則車之讀居 〔錢氏曰〕古今音之别,漢人已言之。 車 華爲呼瓜切,亦非古音也。 所云協 與 音 (華、琚、 時 , 斷可識 蓋宏嗣生漢季, 遠 句,即古音也。 預反」,二章「遠送于 但劉、韋皆言古音,而 之協 以制 也。天之未 都爲韻、攜手同 句, 韻譜,其後沈 矣。 如 自齊、 《燕 漸染俗 燕 陸德 梁之世 古讀 重作 今日 首 來始有 喪斯 明《 南 車 章 當 説 華 車 遠 釋 周 與 因 如 讀 īF.

聲

相

字 IE.

而 初 及

與 難

> 顧 諄

輒 協

降,方俗遞變, 文字而定聲音,因聲音而得 之時已有韻書,故于今韻 文 韻之所 顧 大有 之音。 尊 而 相 近 有 偏 羣經、傳記、諸 宗,强古人以合之,不知古人自 師 」、《釋文》: 字 ,未嘗緩 》剙 旁 古注 讀, 相 人 近,故 假 定 可 爲古 功于 借 而轉 相 近 齊 自出矣。 信 白 此 諧 韻 4 乎? (漢書),又謂之合韻 故 儺 也 人 無方。 謂 用 | 蓺林 顧氏 謂之正 从 韻 春 通 非 耐 徐音古,此 緩,不 難 而 使 達 一、騷 協 者 講 聲 然言叶韻不如言古音,蓋 謂 秋 沈 不 而 無 也。 傳 歌 正音可 音 求 音、文字 旬 重音尚 通 入歌 礙, 齊一 煩 亦 古 語 伯 它字。 賦 但 音, 改字之説,于沈 謂 而不知「三百篇」之音諧 言清 不收者謂之協韻 宗或 具 韻。 古人 部之字盡 分别部居 亦 之協 計訓 存,較之吴才老 其 在 漸 協 濁 , 合猶協 作 難 其 識 學者讀 不 八亦有 韻 韻。 相 以 高 又 相 其 伯 也 有 近 應, 與 聲 尊。 合于 轉, 出 理 後放 鄰 謂 正 轉 字 泥 毛 也 賴 其文可 之轉 音 音 所 者 寒、桓 奇 貫。 臨 相 而 ,是吴才 風》「寧 則 有 也。 叶 此 協與叶  $\bar{Z}$ 與 近, 龄 異 叶 如 音。 三百 。」陸 協 祇 韻 漢、 隆 讀 輩 韻 故 得 古 以 難 就 也 句 相 者,文 萬 不 音之 今韻 與 其 魏 人 老 豈 暢 者 元 倍 篇 同 近 最 從 因 那 字 以 叶 朗 我 明 不

顔

簡

故

尤中 不可 義轉 鞏與 此《介疋・ 灣與增皆曾聲,毛傳于《 作,又不可 謂真、先之字盡合東、鍾 與天爲韻、《易 夫《七月 人正音多 續之古文,非陽、庚之字盡 衆也」。 説文》「潧水出 指 氏 爲 《毛詩 則 《雲漢 2者,如 肯 後 因 爲方音,固 據《説文》糾 傎 繁,後 類,耕、 韻 謂 倒 》末章已有岐 文異 》作溱者 談詩 一而轉 Ŧi. 釋訓》 執漕、 甚 躬 非 方之音,雖聖 以 矣。 有作者,莫出 義 音 謂 臨 而 清 震》「不 鄭 失,而于音之正 爲身 溱 魂、侵、 少,則 義不 讀 與 爲 īE. 《詩 顧 或 相轉 立,而 躬 潧 氏 -, 引 》之失韻 音 即 異,不獨 韻 類 謂 謂 如 也。 而謂 魯 侯之字盡 于 藻,以 讀 轉 其範 于《小 人 而 鞏 清 頌 詩 合屋、 ,其躬,于 躬 字 音 不 孔 烝、真之字盡 賡義爲續 》《烝 與 廟 》「漕與 如 據 假 止 爲 者斟 圍 諧 能 子 固 身。 改. 雅》「室家溱 沃 協 其 韻耳。 贊 也。 合于東 徒 相 詩》 什 酌 音 固 音 也。 其鄰」與 近,故 增增 《易》,往 洧 此 詩 半 可,如 (又曰)音 允當 《説 , 并 疑 Ŧ 溱 》無 疑 溱 Z 古 假 《説 鍾 П 孔 本當 無 即 此 文 膽 其 以 其 通 隣 人 也。 之見 溱 往 韻 文》之妄 衆 潧 是 淡 遏 印 異 字。 也。 論 正 韻 作 轉 Œ. Ч. 韻 爾 非 亦 讀 音 也 其 詩 賡 用 音 音 也 潧 真 躬 無 爲 古 云 夫 非 以 以

而

者,不 形、 平. 獻字者矣。 西 敬 韻 成 讀 舉 求 蔚 以 ൬ 清》之禋、成、禎、《烈文》之訓、刑,夫子亦 韻 革 漢 釋名》: 與 凡 ,文公疑 應韻中、 如 民 兩 也 律 成、《文言》以韻情、平,讀天如汀也。 īĒ. 轉 君 相 便 如 部 「虨,虎 象》以 相敬 過 讀 古 古訓 冥 注假借,非 諧 也。 混 近。 淵 民、 音 「膺,壅也。」《蒙彖》以 也。 而一 愛謂 作敬 告威 窮,亦讀應爲壅 如營 **豫** 《廣 淵 平、天、淵 久 炳、蔚、君 膺爲胸,有壅音。 文彪 而 炳 之。 平、便 而 音 之亟。 姑 也。 雅 近環,與營聲相 失 也。」 顧 達人不能 象 獻 民 傳 氏以 聲相 威 天、 聲 爲韻 諸字, 耳。 以 、冥聲相近,故《屯· 與 則 好者. 呕 亦 汀聲 朱説 **易** X 非 近, · 敬 相 也。 按 依 通變。 與 韻置之。 此 故《觀・象》以 》義 近 君 形 非 相 也。」《方言》: īE. 古人雙聲 ジ説 《未濟 《説文》: 姑 應韻中、功、《比 蓋 尋 無稽,但不必 近, 韻 近,故 相 文》: 也」,君、 所 聲, **中** 應, 讀 子 故 疑于《彖》 炳 雖 是 《 乾 「莙,讀若威。」 謂極 念訟 象 IE. 如 假借之例 此例本于《維 象》以 「膺,胸 猶行古 常 易易 本雙聲 獻 威 淡以 · 彖 韻賓 從 X 白 彖》以 同 破字耳 当 也 極 可 呕 音 》以 韻 之道 也。 娲 與 民 以 有 彖 字 呕 傳 Œ. 則 説 非 作 ൬ IE. 韻 韻 讀 推

貞、 平. 議之,非 《象傳》不韻之句,獨此三卦,今以雙聲通之,則 夷 名 韻 瓦 詞 與 也。 也。 矣。 也 病切,于《姤 亦 定命」亦疊韻 時 艮 、挺、扃、 猶是。 上六: 證 韻,不與裼韻 周之命」與 正韻,是有兩音。 傳》兼用之,此 大招 顧 如實,神質切,亦讀如滿。 繋解 詩》「題彼脊令」 籀 地 象》「以 氏不. 也。 文 愚謂 定韻、《節 「三百篇」多以 「不明 》以命與盛 底 地 <u>.</u> 知轉 • 也 顧 中 此 作 此 象 我徂 氏 正 「廣 晦 隆, 。 引 傳 諦 本 音,有扞格不入者 命可 謂 正不拘方音之證。 也, 非 也。 南 大配 ,初登于天,後 **元** 易 讀 古 維 定韻 《説文》命从令聲。 與鳴、 韻 Ш 网 求 亦 音 彌 皆 命與 即 淡 命 各切 讀 定」爲 天地,變通配 繫 與 地 ,此令可 不 躬 以 也。 包》云: 詞 如 征韻,逸《詩》「講事不令」 韻騁,《 申 取 韻 》 俯 沱,《詩 ,亦兼用 久,讀如九,亦讀如 終 韻,《 从 《乾·彖傳》讀 求 韻、《易傳》則以 韻 入于 兩 也 ,則謂之方音,不 則 桑扈》以 烏 抑 民、平、 之音。 讀 則 地, 知 觀 地。」 二音。 四 也 正 法 載 令本真、先 不 時。 易 與 于 寢之地 X 《周 謨 韻 天、淵, 以 也。」《 物 地 可 易 屏,《 又 以 命 涣 地 疊 頌 韻 命 與 然釋 Z 卦 韻 方 爲 几 韻 巡 也 明 釋 協 宜 與 音 眉 楚 類 與 義 然 晦

于坎 室韻 人志 曹地忍之」,亦讀 公自 音之字甚多、《七月》之陰、《雲漢》之臨、《蕩》之諶、《小 難」之類,然「三百篇 順之轉音,《禮記》「**頎** 其隱切爲正 从斤,乃援《詩》「會言近止 秦本紀》琅 知崇禮 氏 从青,而與 自相矛盾者。 有糾、鬼二音, 》始讀爲徒二反者,誤。 原道 但以所見者爲 「三百篇」用 壇 韻 序 顧氏不知 恢从奴,而 鄭 》「維昔黄帝、法天則地」、《漢 卑,崇效天,卑 何耶? 訓 ,其讀 邪刻 康 、盼韻 成 九有二音,乃謂 之理 故 如 地 石 韻之字不及千名,烏 讀 凡字有正音、轉 與 如幾者,轉 旅、沂、 文以 正,宜 相 爲 《關 (逑韻。 顒 中 施 乎其 近 弟 从禺 雎 法 亦 爲禳 四 地 也。 其組 地。」 》以 顧 , 圻皆从斤, 爲古音, 則 海, 不 與 皆非 ,而與公韻。 至」讀爲懇 」與偕、 也。 氏論古音以 不帝、 過 祈。 顧 仇 仇 龉 四 氏謂 當 韻 之解際天地」、《 矣。 Œ 0 如 與 祈 音,近既从斤, 通韻,謂 Ŧī. 鴻、兔 有 音。 懈 《碩人》「其頎」,亦 時 字 未 書 二音 司 能 仇 者,乃正 辟 • 丙 必 韻 而 《禮 馬 从 盡 偏旁得 實从貫 不 己。 「, 如 置 相 九 天下之音 古音記,改 易 記 可 吉傳》一西 如《子 與 聲,古讀 淡以 韻 母 子 讀 音 聲 卑. 當以 相 近 太 仇 謂 戎 爲 愐 《淮 耳 韻 興 近 中 轉 與 亦 亦 虚 韶 近

倩

南

有 賦

也。

菁

逵。 九 顧

> 稷字本 異。 从就音。 皆轉音也。 者, 聲,故字之从 景者皆 渠之切,鳩爲居 爲渠之切,觩 求、裘一字、顧氏析而二之。 渠之切之音。 義轉,無不可 音。 未嘗不轉音。 戎》之驂、《車 載芟》之「匪且 (生民》之稷、《北門》之敦、《召旻》之頻、《正月》之局 韻。 轉 求本裘字,借爲求與之義,求、祈聲相 《瞻印 音也 ·在職 讀環者, 睘之正音; 《鴛鴦》之「秣之摧之」,訓 》之「無不克鞏」,訓鞏 德韻 毛公《詁訓傳》,每寓聲于義, 絲 讀之詩 攻》之調、 《小旻》之「是用不集」,訓集爲 簡 後 求切,不知 爲 有 一分》以 而 人于 巨 Н. 矣。 鳩 在 \_, 訓 生民 求加 同 翟與籥 切。 Ш ·《桑柔》之瞻,《文王》之躬· 識字當究 且 首 仙 求九元有二音也。 衣, 讀榮者, 同 爲 Ħ. 韻 、爵韻 章稷與 此,即 司 仍 · 何 从 爲 一从求之字,而 取 其源 摧 九之字,而 、君子偕 獨 求 **睘之轉音** 古 (夙、育 轉 爲莝, 小聲,非 即 从 源 雖不 此 轉 近,故 韻 即 口 音。 从 讀 破字, 老 衣 就 瞏从 二,乃 也。 讀 則 轉 聲 固 从 即 聲 则 如 仇 讀 又 流 音 也 有 苹 與 謖 黍 與 袁 隨 轉 耐 爲 俅 不

紀》。 秦本 紀 據《史記 》,下引 琅 邪 刻 石 文 載 始

0

八00

義轉 説 讀如 與咎 禮 義 有 髱 顧 義不講 古文作賡。」丱之正 音 矣」,毛訓弔爲 詩 从正音,舊从轉音 協 之妹」、《韓詩 于《易》之音也。 孰爲轉,然後 小雅》「外禦其務」、《左傳》務作侮,而 氏 如 出 蘭 是翟 デ 雖 揥 庚, 于王 以 **丱人》借丱爲礦,《説** 無 侮 韻 丱、 謂 作 韻 爲 萠, 矣。 讀 而 申 亦 有 狎 磺以 肅。 無韻、《考槃》、《干旄》、《既醉》告字並古沃切 毛、未盡得 知 者 與 考 《書》「 兩 毛亦 《鄭風》「方秉萠兮」,毛訓 能 音 動多窒礙 》,便 首 褕 萠 聲轉, 肅 至,與質韻,是讀爲至也。 也。 讀 知古音。 翟 《毛詩》不破字,有轉音、《大雅》「俔天 乃 欲 訓 阜 作磬,而 也。 如 賡 與 韻。 闕 音近貫、齊風 爲 此古經轉音之例。 舊與舅皆从臼聲,「三百篇」中 蘭 鄭 毛旨 翟字 狎 載 知 矣。 也。 立異,故于鄭所 歌 舊 知 即 文 ※: 也。 毛 或 與 《大雅》「訏 字不妨數音,辯 《衛 「三百篇」之音 讀 亦 作 時 从 「磺或: 如 試以 訓 續 狄 韻 風》 狎。 爲磬,即 音。 》與 亦 狄 它經證之,賡,正 尒小 能 作 變、弁韻, 萠 與 有 毛亦訓 《説文》:「續 謨定命 魏、晉以 破字必别 - 丱。」 賡、 爲 毛無破字,其 不 里 剔 ·雅》「神之弔 我 蘭,《説 讀 ,然後無 其孰爲 音, 哉 甲 爲 爲 韻 正 後,此 侮,即 磬矣。 74 而《周 續 爲 與 句 文 Œ 以 新 疑 舅 舅 髭

> 三百篇 母 以 轉 職、 讀 雅 音 條理秩然不紊。 母聲,惟母有姥音,故 知古音讀 嗣 茨》云不入韻 訓 雙 與 日月告凶」、《漢書 聲。 上與 讀。「 切 如穀者正音,讀如亟者轉音。 則 故于此類未甚 題韻,則告有亟音 師 釋訓》以 音不 度、 楚茨 惟《䗖 韻。 育 小子有 侮 懼、故韻,是有二音,要當以滿以切 如 相 「虎通》: 顧氏論 》以 字 蝀 每, 近、《説 ()于《抑) 告 四 告韻 造 此 韻芯、食、 顧氏不知音有 見 洞 章 爲正 《詩》,母字凡十七見,其十 「譽者,極也。」亟與急通,故譽 文 \*: 與 皆 **》**引作 曉 與 》則 備、戒、 侮 1: 又何疑焉。 與今音同。 雨韻,而 音,其 可 韻,「 直 「譽,急告之甚 則、慝、職, 鞠 人 云 位,《 語 部 無 蹻 讀 ĪĒ. 韻 易 顧氏拘于定音 姥 蹻王之造 如 有 抑 而 · 豈 部 故从告之字,亦 侮 轉 今音者, 《釋訓 》以 皆 从每 其 繋詞 輒 也。」「急 然乎! 讀 因 告 疑轉 告爲 聲 流 韻 夢亦 與 爲 六皆讀 轉 泝源,其 則 每又从 如臨 晦、 音 以 Ē 音 于《楚 呕 告 鞠 有 詩 也 也 介 不 爾 父 爲 滿 與 П 極

### 古人不忌重韻

杜子美作《飲中八僊歌》用三「前」、二

也。 林 子》:『道可道,非常道。 節,下失節。」《晏子》引諺:『非宅是卜,惟隣是卜。』《老 諺:「匹夫無罪,懷璧其罪。」曹子臧引志:「聖達節,次守 祭侯辭:『惟若寧侯,毋或若女不寧侯。』《左傳》虞叔引 日 維羆,男子之祥。 故有四韻成章而唯用二字者,「胡爲乎株 疑以爲題下注,不知古人未嘗忌重韻 無杜鵑,雲安有 先之矣。「東川有杜鵑,西川無杜鵑,涪萬 二韻成章而惟用一字者,「大人占之,維熊 押韻無害也。 「治」、二「哉」、二「時」、二「來」、二「材」,已 遂欲分爲八章,以爲必分爲八而後可以 船」、二「眠」、二「天」。宋人疑古無此體, 日 :,從夏南。匪適株林,從夏南」是也。有 新,又日 有三韻成章而惟用一字者,「苟日新 新」是 不知《柏梁臺詩》三「之」、三 杜鵑。」求其説 維虺維蛇,女子之祥」是 名可名,非常名。』《史記·天官 也。〔原注〕湯獲曰: 而不得,則 《儀 也。 禮 重

> 《陌上桑》詩三「頭」字,二「隅」字,二「餘」 字,二「由」字,二「母」字,二「取」字,二 章起用「露」字,末用「露」字,又如《簡兮》卒 旻》卒章連用二「百里」字。又如《行露》首 當其時,深而少實。」皆古人以本字自爲韻者也。」如《采 末三見。《焦仲卿妻作》三「語」字,三「言」 字,二「夫」字,二「鬚」字。〔原注〕羅敷字在下句 章連用三「人」字、《那》連用三「聲」字。其 字,《文王有聲》首章連用二「有聲」字,《召 章連用二「自口」字、《十月之交》首章連用 薇》首章連用二「玁狁之故」句、《正月》一 而多實,無雲有風日,當其時,淺而多實,有雲風,無日, 書》:「欲終日有雨,❶有雲,有風,有日。日當其時者,深 重一字者,不可勝述。 二「而微」字,《車舝》三章連用二「庶幾」 漢以下亦然。 如

● 「有雨」、《史記・天官書》無此二字。

字。 重韻之有忌,其在隋、唐之代乎。 字。梁武帝《譔孔子正言竟述懷》詩二 沅 葉》一首二「人」字,《結髮爲夫婦》一首二 反一字。 生学。 情」字。 「靈」字,二「鳴」字,二「成」字,二「寧」字。 時」字。 一「門」字,又二「言」字。蘇武《骨肉緣枝 「子」字,二「歸」字,二「之」字,二「君」字, 籍《詠懷》詩《灼灼西隤日》一首二「歸 張協 謝靈運《君子有所 任昉《哭范僕射》詩二「生」字,三 沈約《 陳思王《棄婦詞》二「庭」字,二 ^ 雜 詩 鍾 山》詩二「足」字。 黑 蜧 躍 重淵》一首一 思行》二「歸 然則

古冶氏」,失之矣。 晏子」,用二「子」字。 古人但取 田 而已,初不避重字也。今本或改作「田 疆古冶子」,又云「誰能爲此謀,國 諸 葛 孔明《梁父吟》云「問是誰 文 理 家墓, 明 相 疆 當 齊

> 自省。」用二「省」字。〔楊氏曰〕此二「省」字不 展轉於華省。 一「省禁」之「省」,一「省身」之「省」也。 潘 岳《秋 興賦》:「宵耿 悟 時 歲之遒 盡 介 兮, 慨 而 不寐 挽首 而

《詩》曰「王命南仲、往城于方」,其下文又 意氣由 用,若此詩之二「相」,固 意》「别 曰「天子命我,城彼朔方」,有何異義哉 「相」字。今人謂必字同而義異者 初 來排灌夫,專權 唐詩最爲嚴整,而 有 豪 華 稱 將 相,轉 判不容 盧 日 無 照 巳 異 蕭相 鄰《長 天不 義 方可 也。且 川用 相 安古 重

「草」字、《寄狄明府》二「濟」字、《宿鑿石一首二「省」字,二「境」字、《園人送瓜》二一首二「省」字,《八哀詩》「張九齡」二「長」字。杜子美《織女》詩二「中」字,二「長」字。杜子美《織女》詩二「中」字,二

師 浦》二「繋」字。 一「狂」字,二「江」字。 〔原注〕王 "光」字,二「鳴」字,二「更」字,二「城」字, 徐公輓歌》重用二「名」字,施之律詩,則爲 韓 退 之《此 日足 摩詰《故太子 可 非 惜》 體 詩二 太

若 轉 心 夕, 鍾 聲」,「有杕之杜 嚶 一,於樂 者,不容别换 傷 「公無 其 見 悲。 詩有 鳴矣,求其友聲。 此 渡 辟 良 以 卉木萋止,女心悲止」,「於論 廱。 河 意 轉 公竟渡 字。 子兮子兮, 於論 · 其葉萋萋。 王事 丽 韻 鼓 須 河 相 鍾 重 一,於樂 彼 者 如 此 鳥兮,猶 皆 ··, 如 此 辟 承 良 今 **靡** 盬 上 廱 人 文 何 求 夕 而 又 鼓 我 何 友

#### 七言之始

只,即 昔 人 是 謂 七言 招 詩。 魂 \***`** 余考七言之興,自 大 招 去 其 些」、 漢

> 章, 視其 篇 以 氏曰》《道德經》已有之,如 徐 其氣存。」宋玉《神女賦 來 前 極服 所在 致 凡 古 其 妙采 多 刺 迎之界。 神,門户 有 小 照 之。 邪 萬 日 方。」此 己閉 以 如《 凡 「視之不見名日希 大, 刺 靈 》: 「羅 氣 寒邪 補 樞 皆七言 不分, 其不 經 日 紈 以 足 虚 刺 之祖 綺 是 温 乃 實 繢 節 也 , 徐 無害 盛 得 真 文 調 往 邪

雲,故 言 聞。 日》成成 不必存。」其文绝似《荀子 傑 目明心 相 《素問 日 視 篇》體 神。 獨 · 八正 不如 開 見適若昬, 而 是 部 志先,慧 神 九 明論》: 候 昭 爲 之原, 然 然 成相篇 「神乎神,耳 獨 獨 悟,口 明 九 若 鍼 之論 弗 〔楊氏 風 能 不 吹

#### 言

緇衣》三章,章四句,非也。「敝」字

八〇四

詩也?則言之不順矣。且何必一言之不可爲則言之不順矣。且何必一言之不可爲一句,「還」字一句。若曰「敝予」、「還予」,

是一言之詩。吴,九州都。」「楚」字一句,「吴」字一句,亦《吴志》:歷陽山石文:「楚,九州渚。

# 古人未有之格

是也。 乎,出 傳》,「 合爲 邪,天乎人乎」是也。三章,章各二句,而 韻,古未之有也,始見於《莊子》,「父邪 一韻,古未之有也,始 語 長 無 助之外,止用四字成詩,而 鋏 車 歸 來 乎, 鋏歸 食 無 來乎,無 魚 三,「長 見於《孟 以 鋏 四 爲 字 嘗 歸 家 來 君 13: 皆

亦不工者,何也?

意多冗

也,字多

懈

也。

# 古人不用長句成篇

百僚師 章法 也。 矣。 也。 已。 是也。 聲度闡緩,不協 又如李長吉「酒不到劉伶墳上土」之類,則 也,長則意多冗,字多懈,其於文也亦 調之曰:「祥瑞不在鳳皇麒麟,太平須得邊將忠臣。 意之冗、一字之懈而 有九言者,「凛乎若朽索之馭六馬」 〔原注〕《正義》引顔延之云:「詩體無 以是知古人之文,可止則 然無用爲全章者,不特以其不便於歌 可 古詩有八言者,「胡 長 知矣。 〔趙氏曰〕《舊唐書》: 肝 膽, 金石。」知 不 用三 七言排 軍 此 羅 綺 律所以從來 義者,不 「盧羣在吴少 金銀。」此則 累 瞻 吾作 爾 庭 特 止,不 不過 有 詩 誠 九言者, 句 少 通 縣 席上,作歌 之本 作,作 首 法 貆 難之 肯 八言。 將 句 但 兮 也 義 以 是 由 得 而

成 所 爲 數 以 七 `則「金天白帝」九言,「大昊青帝」八言 難 言 ||者必 之也 使 人楊 其 氏 不 日 可 漢人《郊祀樂歌 裁 而 後 I. 也 》,享 此 Ŧi. 漢 帝 人 用

#### 詩用疊字

自 袁 紅 厭 揭 北 庶 然。 中 粉 流 賾 柳 活 詩 粧 而 姜 下 活 用 不 孽 纖 此 盈盈 疊 孽」, 纖 字 施 即 出 樓 罛 最 無 連用 素手」,連 濊 上女,皎皎當 古詩 難 人可 濊 0 六疊字, ^ 繼 「青青 鱣 衛 鮪  $\Rightarrow$ 用 詩 發 六 河 可 窓 八疊字 發 畔草 河 謂 牖 水 複 葭 洋 亦 娥 鬱 菼 而 洋, 極 娥 鬱 不 揭

其 馳 經 左 逶 右。 移之焉 屈 罔芒芒之無 原《九 氾 岸 潏 章 潏 • 漂 其 悲 紀。 翻 前 日 翻 後 風 軋 其 **\***: 兮,伴張弛之信 洋 上 下兮,翼 洋之無從 紛 容容之無 遥 兮, 遥

> 載雲旗 衙 蒼龍之躣 兮,歷羣靈之豐 之摶摶兮,騖諸神之湛湛。 期。」連用六疊字。 疊字。 衙 之委蛇 前 後 躣 輕 人辭賦 0 輬 兮,扈. 屬 之 豐。 雷 鏘 亦罕及之者。 宋 師 鏘 屯騎之容容。」 左朱 之闐 玉 兮, 九 後 雀之茇茇兮, 闐 驂白 辩 輜 兮,通 乘 霓之習 之從從 連 飛廉之 乘 用 精 + 右 習 氣

#### 次韻

定五 平聲 他 而 爲 牽 巧。 韻 必 於韻 字, 無 可 通 今人作詩,動 他字 吾謂 易。 用 爾」,意或未滿,則曰「東於 而  $\equiv$ 以上文湊足之,文或未順 可易。 其 + 易 韻 韻 之 而 數 必 名爲易,其 百 中,任 拙 次 也 字之中, 韻 0 用 以 H. 此 以 實難矣。 任 韻 律 爲 押 難,以此 詩言之, 韻 而 五. 爾 則 必 先 無 日

破 詩 其 用 實 事 而 而 易 遣 次韻之風 拙 矣。 辭 於 小 自 夫 見 言 其 可少 新 者 巧 巧 於 也 衰 和 即 也 故 人 口 者 擅 難 場 易 其 巧 胸 名 拙 中 爲 之 本 難 無

八 陸 古 本 九 人 和 梱 嚴 朝 者 唱 滄 諸 不 浪《 賢乃 次 (詩話 韻 以 此 **>** 此 日 風 而 鬭 始 和 盛 I. · 遂 韻 於 完 最 至 害 往 白 人 復 皮、 詩 有

愛驅 詩 首 相 韻 過 百 口 之, 體 尾 倣 門 斆 律 駕 蓋 生 按 往往 韻 唐元 詩 白 文 欲 或 而 百 字 居 以 司 意 力 戲 以 稹《 易 難 不 相 窮 等 文者考變雅 排 友 相 Ŀ 足 極 投 舊 善。 不 挑 寄 聲 韻 則 異 耳 韻 狐 居易 至 前 别 小 相 或 於 篇 江 創 生 公啓》 之由 爲 雅 顛 湖 新 自 亦 千言 能 倒 閒 詞 審 目 爲 語 ?,名爲  $\Box$ 往 爲詩 不 爲 言 詩 往 能 或 歸 者 有 就 稹 元 重 爲 次 咎 和 或 以 與 復 Ŧī. 中

> 爲 於 而 戲 稹 不 厭 而 ,又元、白之所 是 當 知 時 元 即 已 白 取 作 譏 詩 鄙 於 次 而 人。 不 韻 屑 之 今人乃 者 初 本 爲 自 以

然 名 閒 日 後 : 馮 和 歐 世 宿 原 者牽於强 注 陽 然 : ||(唐書) 馮 公《集古録 定、 詩 皆 李 作。」可 「薛苹,河 不 紳 及 · 皆 論 苹 謂 唐 中 唐 知 寶 顯 蓋 言 鼎 薛 人,長於詩 苹《 倡 者 靈 倡 得 澈 和 於 以 詩 自 其

不 坡 爲 費 乃 高 正 正 篇 力,然已失其自 朱子《答謝 篇 在 句 不 句 待 依 成 安 韻 之 排 然之趣 而 書》 和 胸 謂 之, 中 自 雖 淵 然 其 明 流 高 詩 出 才 所 似 東 以

其 束 疏 上 不 不 韻 而 者千 意 凡 然, 詩不 不 則 盡 萬 束 月. 寧 也。 於韻 疏 或 故 無 無 韻 而 密 其 能 律 意 之 盡 文 而 其意, 能 道 牽 發 疏 X 意 勝 他 密 於 則 意 滴 爲 韻 中 以 爲 足 韻 雖

#### 柏梁臺詩

城,梁: 鼎 薨。」《文三王傳》同。 《史記》及《漢 與 年 年,薨。 月,梁王薨。」《諸 城 太 始 年, 封 二年春, 王 母 爲 五年,薨。 漢 又 餘 而 襄 武《柏 争 年 元 按 尚 孝 建元 無 樽 封 平 起柏梁臺。」是爲梁平王之二十 有 王 良 八公卿 三年。 梁臺詩》本 一之薨 書·孝景紀》:「中六年夏 王 十 前 師 Ŧi. 孝景 城 襄 傅 考之於 年, 侯王表》: 之十 請 至 又按 「原 故 後元年, 廢 平 此 又按《孝武 注》《漢書》言 陷 年爲 爲 史, 已二十 王 出 平. 不義。」 庶 Ė 襄 則 人。 元 一襄,元 梁 共 嗣 秦記 多 孝王 九年, 朔二年  $\pm$ 天 削 乃 紀紀》: 不 四 買 Ŧi. 削 · 符。 \*, \( \tilde{\t 子 朔 + 縣 嗣 武 又七 梁 中  $\exists$ 元 僅 <u>立</u>, 四 按 是 來 八 以 有

年冬十 大將軍 書於元 武 臚 朝 矣。 災之後,又半歲 曆 中 年 帝 風。」凡此 尹 左 初 元 , 左内· 以 六年更名都尉 内 帝 更 太 封 元 其三十六 史、 年 反 正 太 治 名 初 時 更名 復 初 青則薨於元 粟 月 封 元 大 史更名 右内史,武 考證 又按《百官公卿 六官,皆太 年 月 之 元 内 爲 行 執 更名 時。 年 史, 歲 Z 令, 年 金 更名大司 首 酉 景 左 爲 而 無 武 武 吾。 光 又 帝後 柏梁 馮 太 始改官名。 (按《孝 帝 封 禄 定官名。」 初 帝 帝 初 合者 翊。 之五年,距 内 太 勳 太 太 四 以 臺災。 史, 農。 元 初 表》: 初 武 初 年,來朝 後 主 年 典 元 元 景 紀》: 元 爵 更 之名,不 中尉,武 客 蓋 年 則 年 而 年 帝 夏 中 名大農令, 「, 景 郎 是 更 是 更名 更名 二年 此 太太 大司 尉, 当皆 <u>Ti.</u> 中令,武 後 柏 名 己二年 帝 月 帝太 景 分 大 初 應 右 京 中 不 鴻 擬 既 兆 IF. 元 預 扶 帝

八〇八

舛也 作, 乘 輿 剽 駟 取 馬 武 二之事 帝 以 來 以合之,而 官 名 及《 不悟 梁 孝 時代之乖 王 世 家

車 輿 表 一駕駟 駟 》孝景: 馬 按 馬。」此 前七年。 《世家》:「梁孝王二十九年〔原注 迎 梁王 一時異數,平王安得有此 十月入朝,景帝 一於闕 下。」臣 瓚曰:「天子副 使使持 節 乘

#### 詩體代降

合格 用 降 辭》之不能不降 一代之體,則必 而六朝,六朝之不能 三百篇」之不能 而漢、魏,漢、 似一 不 不降而 降 代之文,而 而 《楚辭 魏之不能 唐也,勢也 **≫**, 後 爲 不 楚

代之文,沿襲已久,不容人人皆道此語。詩文之所以代變,有不得不變者。一

之詩所 其所以 未嘗似也。 而 今且千 摹倣之,以是爲 以 爲 數百年 獨 詩,似 高 知此者,可與言詩也已矣。 矣, 於 則失 唐 詩 而 人者,以其未嘗不似 猶 其所以 可 取 乎 古 ? 人 爲我。 故 之 不 陳 李、杜 似 言 則 失 而

### 書法詩格

所 之律詩不足爲 之《文章正宗》,凡 詩,如人名、藥名、郡 《宋文鑑》殊多律體,顧氏言之鹵莽。 者,是今之真 八分,繇 文粹》,吕祖謙之《皇朝 賤者,而求其所最工,豈不難 南 北 律 朝以 詩 以 書不足爲字也。 前, 詩 名詩皆入選,近於村 學古 也。 金石之文無 近 體 體之詩皆 今人 文鑑 是 是 將 》,「楊氏 從 [又日]嘗 事 繇 不皆八分書 陋 姚 不 於古 真 鉉之《 收 日 書 真 病 日日 伯 是 德 以 恭 成 秀 窺 唐 公 選

學後生無不爲七言律,似 嚴 律 專 興,而詩一大變,後學之士可 · ', 無 對 ,其終身不得窺此道藩籬 攻者也。 鄞 一偶貴整,音節貴響,不易作 律不七言。」又曰:「七言律 人薛千仞 近日之弊,無人不 岡。 曰 **:** 反 自 以 無怪也。」 兼 唐 此 詩 爲 人 爲 也 之 法 無 而 入門之 近 詩 今 度 不 初 貴 不 口 體

盌

」,亦同

此

病

### 詩人改古事

謝 鴻 趙 高 秦 與嵇茂齊書》: 本適 靈 亦 所 以 運 趙 犒 濟 陳 詩 : 者 思 吴, 而 其 姓 秦師 難 Ŧ. 弦 故 上 以 互 注 書 高犒 而 「梁 爲 文 謂 改 绝 越者,吴 以 晉 生適越,登岳 爲 避 師 赦 晉,以 纓盜馬之臣赦,楚、 仲 上 盜 秦字也。」趙 馬,秦穆公事 爲 連 避下秦字 卻 越 秦軍 長謡。」梁 所 滅 也。 弦 至 則

> 將 唳 舛 閒。」改 》 詩 : 詎 而 可 陋 矣。 聞, 「黄犬」爲 「昨日 上 李太白《行路 蔡蒼鷹 玉 魚蒙 「蒼鷹」, 安足道。」杜子美《 葬 地 改「玉 难》詩: -, 早 . 時 盌」爲「 金 盤出 華亭鶴 諸 金

改作 行益 祖 法。 得夫子而名益彰。 [梁氏曰]余考《樊酈滕 也 太史公《伯 驥 顯 自 漢 。」本當是 尾, 以 使 來,作 後 夷 灌傳 人 附 傳》:「伯 文者 爲之,豈 顔淵 夫子 論 亦 即 雖篤學,附 耳, 有 有 夷、 附驥之尾」句 不 避 囘 爲 上 叔 避 人 文 齊 驥 假 譏 雷 雖 借之 尾 謂 笑。 賢 司 而

### 庾子山賦誤

按《史記》:「武帝太初元年冬十一月乙酉,庾子山《枯樹賦》云:「建章三月火。」

陽 陽 又 厭 賦 别 賦 柏 漢志 || 説 名 亭有 離 秦之阿房,非 火祥。」是災者柏梁, Ŧi. 梁 篇。」 栩陽 别 文 臺 》有「别 柏梁既災,越 離 賦 災。 邑部 也 詳 别 栩 一,以 按《漢 郷 其 之賦。」《 陽亭賦」,那假借。」似今本《漢書 春二 上下文 漢 爲 |字解「南陽舞陰亭」,徐鍇《繫傳》: 離別、 也。 月**,** 書 巫 夜 • 《哀江 例,當 陳 起 之别 藝 聽 非 方, 建 文 擣 建 章宫。」《 志 衣 南 章,而 又 是 建 \*: 曲 非 賦》云:「 人 章是經, **三**云: 姓名, 也。 三月 别 影脱 〔梁氏 西 栩 亭 栩 火 用 姓 京 陽 栩

### 于仲文詩誤

字,子

Ш

不

誤

氏、 燕。」 屈氏、景氏、懷氏、齊 按《漢書 隋 于仲、 文詩: 高 帝紀 景差方人楚,樂 田 徙 氏 齊、 Ŧi. 姓關 楚 大 毅 中 • 族 始 昭 遊

> 姓也, 族三姓,曰 與 之人,但 駒 名。」王 利 田宅。」〔原注〕「景駒」 而 一逸《楚 事 仲 辭 文 昭、屈、景。」然則景差亦 章 以 辭 爲「人楚」,豈非梁、陳 而 章句》: 不詳 典據 注,文穎 「三間 故 邪 曰 之職 : ? 楚 楚 族 之 掌 景 同 王 氏 下

之罪 此 宣 一 類。 致 貶。 梁武 而 帝天 此 不 用《 知 監 宣 孟 元 王 子》「殺 年 乃 詔 田 曰 氏, 其 : 麋鹿 非 雉 姜後 兔 者 有 如 也 刑 殺 與 人 姜

### 李太白詩誤

言匈 妃。 奴「左方王 李 太白 上 玉 歸 詩 : 道 將直 一、天涯 漢 家 上谷以 去 秦 不 地 歸。」 東,右 月, 按《 流 方王 影 史記 照 將 明

塞」,「原注」今在 直 漢 Ŀ 書》言 文 言 郡 以 西, 天 呼 河 子 韓 而 套 遣 邪 單 内 使 單 于 後 送 于 之庭 單 單 自 于 于 請 直 竟 出 留 代、 北 朔 居 歸 雲 方 光 庭 雞 禄 中 乃 鹿 塞

當 矣。 陵, 西 康居、大宛、月氏, 長 北 域 但 恨 注 其論梁簡文《雁 相 顔 歌 黄 云「情往上 通 (龍,東  $\approx$ 氏 峨 家 自 眉 訓 是 流 Ш 公主 白 郡 謂: 下 蕭 馬 門 少 心 嫁 子 人 太守行 留 文 鳥 暉 行 沈 章 雕 孫  $\stackrel{\cdot}{\sim}$ 二,謂 門 存 隴 地 所 影而 中 頭 理 經 峨 論 而 水 言 眉 必 太 白 玉 日 白 須 歸 在 樂 而 逐、  $\overline{Z}$ 嘉 天 愜 誤 與

西 上 域 之 抵 梁 或 樓 徐 蘭 悱《登琅 在 玉 門 谷 邪 歸 在 城 外 居 **》詩**: 庸 即 之 此 北 Ħ 泉警烽 而 句 樓 之中 蘭 候 爲

州

非

幸

蜀

路

文

人

之

病

蓋

有

同

者。

一楊 文 理 氏 己 琅 自 邪 不 城 通 在 建 康 其 此 不 言北 切 琅 魏 來侵,烽火告警, 邪 城 又 無 論 É 也 北

而

西

也

### 郭璞賦誤

朔

方

明明

妃之行

亦必出

此

故

江.

淹

之賦

李

知

漢

與

匈

奴

往

來之道

,大抵從雲中、

Ŧī.

H 泗 郭 括」、「包」本不言入。 並 璞《 不 江. 江 賦 · 贵 **\***: 大 總 ^ 括 孟 漢 子 泗 **>** 而 兼 誤 包 邪 淮 ? 湘 楊

氏

淮

### 陸機文誤

廟。 陽 媪 高 來 帝 追 歸 陸 本 尊 母 機《漢 ´, 兵 紀 先 乃 媪 不 起 高 爲 時 攷 帝 五 昭 史 死 功 年 靈 書 臣 小 夫 即 之誤 黄, 頌 人。 皇 × 後 帝 侯 則 位 於 ^ 漢 公伏 其 于 小 儀 黄 先 氾 輔,皇 注 Ľ 作 水 口 之 陵 :

婦乎? 知 乃與漢約中分天下。 **並無皇媪** 崩」之誤,文重 而 漢書 + 年 [楊氏日]高 有「太上皇后崩」,乃「太上 項羽傳》云: 書而 未 祖母則死矣,太公能禁其 「歸漢王父母、妻子。」 九月,歸太公、吕后, 删 也。 侯公説 羽,羽 皇

#### 字

之誤。 語。 也 名,謂正書字也。古者曰名,今世曰字。」《禮 與?〔錢氏曰〕孔子曰"「必也正名乎?」鄭注云"「正 上。」此則「字」之名自秦而立、自漢 謂之文。形聲相益,謂之字。文者物象之 文爲字,乃始於《史記》秦始皇琅邪臺石刻 與文字之義稍近,亦未嘗謂文爲 名以上,則書之於策。」孔子見時教不行,故欲 注:「孫亮時,有山陰朱育、依體像類,造作異字千名 云:「名,書文也,今謂之字。」〔原注》《三國 云:「古曰名,今曰字。」《儀禮• 本,字者孳乳而生。」「原注〕《孝經援神契》亦有此 曰「同書文字」。《説文序》云:「依類象形, 名不正則事不成」之語。 禮記・ 正名乎」。 《周禮》外史「掌達書名於四 後魏世祖始光二年,初造新字千 郊 此漢儒相 特性》「冠 承之訓 江式《論書表》亦引孔子曰「必 而字之, 詁 敬 餘, 字 其 詔 聘禮 記 方 書 而 名 正其文字 也。 引 顯 也 ※注 孔 志 也 注 以 以

許氏《説文序》:「此十四篇,五百四十

謂之「字」。張揖《上博雅表》: 「凡萬八千 千四百四十一字。」以篆書謂之「文」,隸 部,九千三百 七十六部,四百廿一文。」則通謂之「文」。 百五十文。」唐玄度《九經字樣序》: 「凡 五十三文,解説 凡十三萬 書

韻矣。 程 「音」不言「韻」,周顒、沈約出,音降而爲 貌 出,文降 三代以上,言「文」不言「字」。李斯、 而爲字矣。二漢以上,言

#### 古 文

枚」,「二十」字作「丰」。 作「十十」。 銘 三,「二十」字作「廿」。 曰「汾陰供官銅鼎 古時文字不一。 鼎銘 曰「汾陰供官銅 蓋二十枚」,「二十」字 如漢汾陰宫鼎,其蓋 其末曰「第二十 器之銘,三見而 鼎二十

> 三不同。 律,而· 古書之不復通者多矣。 自唐以 後,文字日繁,不 得 不

歸

説 文〔汝成案〕《説文》容有拘牽譌 闕, 然其

恉 精微,音轉 ,則牴牾生矣 通, 既 古經,

訓

義

從

復多互文,未達

其

馬 文》有孔子説,楚莊王説, 等十餘人之説,〔原注〕楊慎《六書索隱序》曰 中世,所本者不過劉歆、賈逵、杜林、徐 諸儒之訓而未必盡合,況叔重生於東京之 羊、穀梁之《傳》,毛萇、孔安國、鄭衆、馬 亦有不盡 者,一點一畫,莫不奉之爲規矩,而愚以 之本者,許叔重《説文》之功爲大。 後之學 三代之文尚存於今日,而得 相如 自 説,董仲舒説,京房説,衛宏説,揚雄説 隸書以來,其能發明六書之指,使 然者。 且以六經之文,左氏、公 左氏説, 韓 非 以識古人制 説 淮 南 劉 子 : 「《説 説,司 巡 融 爲 作

掔 」。 鄭玄常駮許慎《五經異義》。《顏氏家訓》亦云:「《説 説,尹 亂 遇 無 救孱功」,「卺」下引《 者,〔原注〕如「汜」下引《詩》「江有汜」,「洍」下引《詩 書所收率多異字,而以今經校之,則《説 得古人之意,然與 澝 桑欽説 「江有洍」、「逑」下引《書》「旁逑孱功」、「孱」下引《書》「旁 所 有援引經傳,與今乖者,未之敢從。」流 嚴說、爰禮説、徐巡説 「免」字,以「絻」字當之。 遺 脱 」字,後 彤 無,别 漏 邕等正定之先,傳寫人人各異,今其 脱 短。 説,張林説 杜 後之讀者將何所從? ? 人以 林 不可悉究。 説 又一書之中有兩引而 指 即 賈 鎦」字當之。 徐 一字以當之,「原 《詩》「赤舄己己」,「掔」下引《詩》「赤舄 ,黄顥説,周盛説,逯安説,歐 逵説 鉉 亦謂 ,傅毅説,官溥説,譚 否 莊 今謂此 都 改經典而就《說文》, 與? 無 説 篆 「由」字,以 ,張徹説。」而 書 書所闕 堙 二也。 也。 注 替, 傳 其文各 一号」字當之。 如 既 長説, 《説 者 日 Ŧi. 以 久, 豈 「原 陽 文》無 久錯 必 經 爲 僑 Ē 文》 注 古 異 説 未 盡 育

乎 ? 支離 持弓 爲 能退,是以亡國」,不幾於勦説 爲「故廬」,「普」爲「日無色」,此 改爲「棐」,訓爲「 从「辛」爲辠,此何理也?《費誓》之「費」 宜禾」,亦已迂矣,「宋」从「木」爲居,「 秦、宋、薛,皆國名也。 不宜有也、《春秋》書『日 狗,叩也」,豈孔子之言乎? 貉之爲言,惡也」,「視犬之字如畫 施」改爲「拔」,訓 束縛捽抴」,「罰」爲「持 郭」則曰「齊之郭氏善善 姑」、「也」爲「女陰」、「殹」爲「擊聲」、「困」 「男有辠」、「襄」爲「解 會歐禽」,「辱」爲「失 囘 「居」爲「法古」,「用」爲「卜中」,「童」 **与**。  $\equiv$ 也。 惡米」。「武王 今舉 爲「臿 「秦」从「禾」,以 衣 刀罵詈」、「勞」爲 其 不 耕 耕」,「弔」爲「人 有 土。 一二評之。 能 時 食之』」。 訓「有」 间 進,惡一 何 失其 載施」之 理 史 爲 威 本指 惡 則 狗 也? 」爲 薛 地 訓 曰 如

也。 之而 各不同。 景熙亦傳習之,頗與許氏有異。」可見魏、晉以 崔玄伯受字義,又從司 景熙其從祖廣,太武時 能 多 連 氏曰〕《説文》本謂參、商皆星名,非訓參爲商。 觴 井」,不幾於穿鑿 口 火 冥」爲「十六日 文,古書往 謂 闕 於許氏者矣。 取 燒 略 書中所引樂浪事數十條,而 爲「京兆 制 其 善學《説文》者與 門」,「宰」爲「辠人在 此 [楊氏曰]許氏之書,大要有功于小學。 字, 大 而 往 采摭之失 荆公廣之 如 棄其 此。 杜 若夫訓「參」爲「商 陵亭」,此地 爲 月 而 小,擇 徒 此天文之不合者也 尚書郎,善古學,嘗從吏部尚 崔 遠 、始虧」,「刑」爲 其當者也。 **浩學楷篆**。 而 ! 於理情 其 作書,不 [原注]《後周書》: 是而 乎 屋 理之不合 自是家傳其 違 今之學者 下 可 他 其 來,傳 執 星 經籍 注 謂 武 非,乃 一, 後 刀 與 曌 非 事 受亦 本字 法 者 訓 守 反 濫 師 書

正月剛卯,金刀之利,皆不得行。」「原注〕《食貨《王莽傳》:「劉之爲字,卯、金、刀也。

字也。 志》亦 也。 公孫 斌之舞。」魏去叔重未遠,是古未嘗無「斌」字 於文『文武』爲『斌』,臣等謹製樂舞,名曰 和 云「从竹、劉聲」,是本有 並立 今按《漢書》卯金刀之讖及古印流傳者劉姓不下數十百 西方太守而乙绝卯 天祝文引《讖記》曰 氏之德 作「劉」,無 初,公卿奏言:「夫歌 [原注]徐鉉較定 云。 述引《援神契》曰 (原注)趙宧光曰: 也。 又曰:「受命之日丁卯。 鎦 卯, 字。 劉姓 錢 《説文》,前列 「劉」字,傳寫失之。 氏日》 金 ::「卯金修德,爲天子。 「《説文》無「劉」字,但 所以 : 「西太守 也。 以 説 爲字也。」光武 詠 「斌」字,云是俗書 是古未嘗 文·竹 德,舞 之卵 部 魏明 丁,火,漢 ~ 以 無 作「鎦」。」 金。」謂 象 藰 帝太 劉 字 章 面 告

等 者,特李燾所 者,徐鉉等所定 所校《説文》原本, 説文》原 編《五 本 音 自 也。 韻 次 譜 至亥,五百 第不 ′汝 **耳**,非 成按]顧 口 徐 見,今以 四十 鉉 氏 等所定 部 所 之書 見 也。 以 四 白 四 聲 今鉉 毛氏 聲 列 列

言,如 所 名冠之,方不混于前人耳。」 衆人之手審矣,安得不蕪穢 下云:「《説文》直作『牟』。」趙宧光曰: 者」、〔原注〕「瀰」下。 加 反切,與《唐 文》反切乃朱翶以孫愐《唐韻 反切,許氏《説文》、鄭氏箋注但曰『讀若某』而 竹 汲 古 君則以毛本重刻,今不啻家有其書矣。 也。 加 閣 也。 刊 杜 又 行 預、 韻 以 云「諸 原注〕趙古則《六書本義》曰:「漢以 》反切 來,更 裴光 不同,趙古則非是。 有 遠、李 家 小字 亦 鉉 不 也? 宋 》所加。」〔錢氏曰〕朱翶自 等加 收, 本、 陽 凡 大字宋 今附 冰之類,亦 参訂 也。 詳 旁引後 經傳,必以本人 本之刻。 [原注]「眸 之 此則本書 切字,鉉 字 己。 前 儒之 韻 鉉 未有 雜 而 末 等 出 朱

始 不必 二,不 」,若用此解,必從男乃合耳。 之然,而 始」字、《説文》以 知 經 徐 文 鉉釋之以「至哉坤元,萬 乃是「大 爲「女之初 哉 乾 元, 萬 也, 物 物 資 資 已

## 説文長箋

者 勝 此 書之指不無管闚, 子》「虎豹出号♥」。 成 之「衿」。 有「衾」字,「抱衾與禍」,「錦 奔之詩,而 慧,以求異於先儒。 箋》,將自古相傳之五經肆 「衮,大被」,此 誦 十餘條正之。 是,爲後學之害不淺矣。 書乃盛行於世。 萬 而 曆末,吴中趙凡夫宧光作《 引《論 如 此類 謂 「抱衾」之「衾」也;裣,「交衽也」, 「衿」即「衾」字。 語》「 者非 虎兕 及今不 而適當喜新尚異之時 [原注] [兕]下。 0 乃以「青青子衿」 衾爛兮」。 出 其實 辩, 於柙 意 故舉其尤 〔錢氏曰 刊 〔原注〕《詩 四 恐他 改 」,誤作《孟 然其於六 書 好好 説 日習: 尚 此 ||《説 文長 刺 子 爲 未 行 崇 衿 文 謬 能 非 淫 小 元

舊唐書 • 文宗紀》:「開成二年,宰臣

字 行,大書「開 法。」今此 經字樣》亦 經》,又云:「張 見 雅》,其 判 春秋》三《傳》,又有《孝經》、《論語 ->,唐 在 卷。」 或 西 子 九 安 監 玄 實乃十二經,又 石 度《九 經者,《易》、《書》、《詩 祭 府 附 酒 經 成 學。 鄭 末 蜀 參《五經文字》、唐彦升《 經字樣 有 年丁 覃,進《石 本之後,但 凡夫乃 年月一行,諸 已歲」,凡 》,皆刻 有 指 壁 張 此 九 可 参《五 爲《蜀 之於石, 作蜀 經 夫豈 臣 **>** 姓 本 經 未之 經 名 禮 百 九 字 石 文 爾 六

遺 川 則 皆分,獨上聲合一 分,上 ,文、殷上聲之合則有 並分,無併 又云:「 去 則 孫愐《唐韻》文、殷二韻 合。」按今《 咸嚴、 之,咸 廣 治業 韻 嚴、 即 洽 韻 孫 業 愐 平. 則 之 聲

見

而

妄指

爲

孟蜀

邪

?

「切」者,兩字相摩以得其音,取其「切

凡夫所以自名其學者邪?近」。今改爲「盜竊」之「竊」,於古未聞,豈

字》云:「突,徒兀反,作『蹇』者訛。」「汝成 者,古人皆不識 瓜 然。』《鹽鐵 書 (漢書》「竈突」,直誤作「突」耳 説文》突、突音義 漢 突」當作「突」, 剖 書 賈誼 而 瓜 • 豆分」、魏 論》: 分」字見《 霍 傳》。 光 隔 俱 傳 [原注]《戰國策 、别,張 然 绝羌胡 字邪? **%** 玄 則 史記 同 參蓋指 鮑 今云「 瓜 昭《 疏 分其 所 突」, 按 蕪 地。」「 注: 瓜 謂 虞 張 城 非謂 瓜 多《 「分其 卿 賦 當 竈 》所 傳 突 分 作 突 Ŧi. 地 × 瓦 謂 瓜 也 如 經 字 文 案 竟 見 漢 若 瓜

號 也 原 蜺 象山 注〕「飀」下。 下。 而 顧 先生。 以 野王 《梁書 爲 宋之「 王 顧 王筠 陳 筠 長 人也,而 康 象 傳》: 梁 爲 Ш 人 虎 「沈約以 也, 頭 0 將 以 「原 軍 而 爲 郊 注〕「乙」下。 以 晉 陸 居賦 爲 之「虎頭 龜 崇示 「原 陸 唐 九 注 淵

爲 梁人,安得 雌 南 與! 霓 連 朝 践, 與 晉人語 約 原 撫 注」「稱」下 掌 欣 哉 忭。 ||今引  $\pm$ 此 禹 此 真 偁,宋 事謂之晉 所謂 人也, 不 王筠,約 · 學 牆 而 以 面 既

者

虞侍 親 下 明 亂 閒 遂 中 夫 非 以 閒 愛,侍飲大醉,拜不能起。 著書之人,乃 人 有「孝武 按《晉 爲 中。」嘯父 看 有 晉 分 貢 書不 獻帝,而 之賜 獻 書 帝 獻」之「獻 帝」字, 看 醉,虞侍中 所 曰: 虞 首 猶 不 嘯 尾,只 不敢當。』帝 如 悟晉之 引書者 一臣 父傳 此 」,適 位 命扶之。」「原 看 \* 無 未 未曾全讀,但 與「帝」字 中 「爲孝 獻 及 帝顧 閒 甚 帝 扶 兩 悦。 也。  $\vdash$ 武 醉 注三 ,相接 行, 傳 萬 帝 不 扶 見 及 扶 所 曆 凡

也 諱 詢」,〔原注〕 恂 衍」字箋:「漢平帝諱。」 字箋: 荀 悦 漢 ⊟ : 宣 詢 帝 之字 諱 日 而 而 謀。 不 不 非 知平帝 知 何恂 宣 帝

> 諱 П 早 衎 一反。」非 原注]荀 行 悦 也 ⊟ : 衎 之字日 樂。 師 古  $\Box$ 衎

劫 幺 | 石「後漢尾敦路 敦路」爲 州之首竟歸之於王莽 虞首歸 後漢 葬之。」「原 人名, 書 劉虞傳 丽 劫 又 劉 注〕注: 以 虞首 也! 「葬」爲 尾 故 歸 吏 姓,敦名。」 之莽」, 尾 敦 引 若 於 之 路 劉

則 畝 下引《左傳》「身横九野」,不 二字通 字 民 」,又《穀梁傳》之文,而 愁、民 兩引之, 左氏成六年《傳》: 用 也。 愁則墊隘 而 箋乃云「未詳 作 「阨」者,古 。」《説 韓 非《左氏》也 獻 文》 知 何 子 其當 出 氨 隘」、「 曰 \_ 爲 易 野 墊 阨 九 覯

爾 本 非 之《爾雅 後 雅 人语。」「驠馬, 鵲 • 釋 鶪 •釋畜》「白州、驠」,注:「州、竅 醜 鳥》文。 了, 其 飛 箋乃 也 白 | 愛 。 州 日 也。」〔原注〕「騙 原 訓 注〕「愛」下。 詞 未 此

也 謂 馬 之白尻者。 箋 乃云「未詳, 疑

之夏 州 中 國之 地 鄰 稱 於 「夏」尚矣,今以 夷,故 華 夷 對 稱 爲 華 起 夏」。 於

唐

勃勃 已有 原注」「夏」下。 云「夷狄之有君,不如諸夏之亡也」, 夏 建都於此 州 乎? 然則《書》言「蠻 自 又 號 按 日 夏 夏,後魏滅之, 州 本 夷猾 朔 方 夏」、《語 郡 其 而 赫 置 時 連

夏

亦不

始

於

唐

也

禰

衡

爲

鼓

吏,作《

漁陽

摻

**%** 

摻

府對 簿正 已云「沈 漢 馮 孫 異 寶傳》「御 祭器 輿 云「唐 簿」、《張 [原注][譜 傳 服 迷 ~ ~ 志》「毎 簿 光 中 史記 領 武 晚詩 史大夫 下。 湯 書 署 傳》「使使 出 異 文始見『簿』字,前 不知《孟子》言「孔 巳 李廣 爲 大僕奉 張忠署寶主簿」、《 巴 主 自 一簿 。 傳》「急責 唇亂 八 駕 輩 而 矣 上鹵 簿 劉 責 公幹 廣 簿」, 湯」, 之莫 此 子 續 先 無

> 書, 「負毦帶鈴。」 略》:「劉備性好結 則 升」,注:「繫於背,若今將軍 Ш 不 風 則 載者多 亂采毦 此 毦」字,云「字不見經」。 字 亦非 矣,何獨 初景 梁劉 隱 孝儀 麗 毦。」《吴志 僻 文 毦」字? 彩和 轅 晉 昭 負 明 語 • 若言 太子 甘 毦 若傳 矣。」《 寧 被 五經 .傳》: 羽 記 魏 先 史

傳》作 杵 後周 昬 新 乃『操』字。」〔原注〕「操」下。 反, 乃 陵音,參寫 方爲《漁陽參撾》,蹀蹈 急 綬始 月 庾 應 漁 「漁陽參搥」。 信詩:「玉 暗 陽 曲 欲 摻 縫 奏之名。 漁 誰 細 陽曲」, 隋 見倡 錦 煬 一
増
風 行 帝 樓前,心悲不 後 王 詩: 須 自 轉急,長 人 篸 僧 而 注 按《後 「今夜 添「手」 前。 孺 云 聲 詩 撾 「參,音 注 漢 長 煩 城 굸 成摻。」 書》: 三引《文 作「摻 廣 雪 城 散 下,雲 陵 應闇 七 度 散 唐 紺 + 衡 廣

李頎 非 文,不知漢 暗。」正音 此 詩: 也 七紺 忽然更 人書「操」固有借作「摻」者, 反,今以 作漁陽摻,黄雲蕭 爲 操 字, 而 又 條白 倒 而 其 日

牛不相及者。 府 故 屬 从口 一之類 叩,京 而 。」〔原 也 京口 兆 注 藍 則今之鎮江 凡 叫 田 此書中 下。 鄉。 夫 箋云: 會意之解,皆「京 藍 府,  $\mathbb{H}$ 此 乃今之西 地 所 近 謂 京 風 口 安 馬

爲 分,十分 寸,十分 「析寸爲分,當言十分尺之一。」「原 夫古人之書,豈可意爲增改哉 爲 也。 寸。 : 漢 書 本 • 無 律 . 曆 可 志 疑 而 增 其 黍

### 五經古文

趙古則《六書本義序》曰:「魏、晉及唐

《尚 恐斯 身。 書• 文。 務,然願諸生無悔所學。」宏、巡益重之,於是 傳之,是道竟 又曰 詔 字 能 經》,而不言其所出。 書古文經》四十六卷」,又曰 之,其説殆不然。 「東萊費直傳《易》,授琅邪王横,本以古字,號《古文易》。 一篇」,「《論語古》二十一篇」, 篇」,皆出孔氏壁中。 以隸 破 書者輩出, 書》一卷,常寶愛之,雖遭 而赤 出 經 杜林傳》曰:「林前  $\overline{ }$ 碎,然猶 將 以 禮古經》五 法寫六經,於是其道盡 绝,何意 示 眉 衛宏、徐巡 之亂,則已 賴六經之篆未易。 不 但 一點畫 墜於地 按《漢書 東 十六卷」,「《春秋 海 一波折, [原注]《後漢 曰 衛 也。 於西 焚燒 又曰「有《 子、 逞其 《孝經古孔 林 1州得 古文雖 艱 藝文志》曰「《 濟 無 但言古,不言 流 木 南 廢。」以 遺。 至天 姿 離 漆 儒 徐 握持 中古文易 媚 古經》十 兵 書古 林傳》言: 不 生 <u></u> 寶問 亂 後 愚考 合 復 不 而 尚 時 能 漢 離 文 文

邠 義,前 藏之書 於後 以古先所制,有異於當今, 唐 惟 經。 出 是古體文字,並 卷,(原注)注云:「梁有十二卷。」則他經 書·儒 失淳法,因科斗之名,遂效其形。」「原注」《後 有《三字石經尚書》五卷,《三字石經春秋》三 古文遂 ₩, 而 虞 載 於邯鄲淳。 府元龜》: ≪ 晉 學。 而 林傳 代或亡;而六體奇文,舊規 上古遺 討 不聞 唐 府。」 行。」是東 》誤以 初 永言刊 論 魏徵 有 是玄宗所 衛 墳 唐玄宗天寶三 三體書法爲熹平所刊。 書,實 至正始中,立《三字石 他 依今字 典。 恆傳》言:「 革,必 等作《隋 京古文之傳,惟《 經 也。 以 稱 改,亦 繕 爲先王令範,莫 在從 於 夫諸 寫 訓 書 魏 傳寫浸訛 施 一載詔 誥。 宜 • 止 經古文之亡, 初傳 行 經 未 於古文《尚 其 《尚 亦不存矣。 雖 曰 籍 猶 知 尚 古文者 一:「朕 百篇 舊本 經》, 志》, 在 所 有 書》而 越 立 仍 於 欽 轉 應 疑 但 奥 仴 幾

之以今,豈其然乎!其已久矣。今謂五經皆有古文,而玄宗

改

IE. 字,久已不傳。 者,不過隸書之近古, 以 定其 人 就古文體而從隸定之,故曰隸古,以 無能 始之書法 竹簡寫之。」是則 口 孔 知者。 知 安國《書序》曰:「科斗書廢已久,時 者 也 爲『隸 以 玄宗所謂「六體 所 西 聞伏生之書攷 古定」、「原注」《正 而 漢之時 共王 雖 隸 所 所 间 奇文」,蓋 得 云「古文」 猶 論 古 科斗文 義 文義 也 更更  $\Box$ 

刻諸 也。 其石當已不 者 於學宫,乃延士張泉,做吕氏 城,作《石 ,附於石經之列。」「原注 石,方 世無好古之人,雖金 宋晁公武《古文尚書序》曰:「余抵 經考異》之餘,因得 將 存, 配《孝經 而 摹本  $\approx$ 亦 一末書 周 石,其 未 易》經文之古 所鏤本書丹 「乾道庚 見 此古文全編 能 傳之人閒 保 寅」。 與? 少

爲之,不必有所受也。〔原注〕今有廣信楊時喬所刻《周易古文》,恐亦後人以意

#### 急 就 篇

故有 宗即位元 篇》爲《悟蒙章》,又書家亦多寫《急就 諷《急就》,習甲子。」《魏書》崔浩表言:「太 晉夏侯湛:「 (急就) [原注]晁氏《讀書記》曰:「自昔善小學者多書。 鍾 漢、魏以後,童子皆讀史游《急就篇 繇、 篇 續注 皇. 年, 象、 抵疑鄉曲之徒,一介之士,曾 衛 音 勑 夫人、王 義 臣 證 解 》三卷,陸 羲 急就章 之所 書 - 》。」劉 傳 暐 于 擬《 世。」《 《急就章》, 篇》。 芳 急 就 魏 譔

> 學者。 揚 微。 幾,遂 將 若趙高《爰曆篇》,胡毋敬《博學篇 有 中 字盡,奉旨用 歲未入學,伺 急就篇》,月 王伯 所引 篇》,亦《急就篇》之意。 雄采《倉頡 〔原注〕 厚 司 通《急就章》。」「李鉉 注。 馬 相如 明初武官誥 漢《急就 作 伯 原又自: 《訓纂篇》。 説,淮南 餘便通。」自唐 伯 :姊筆 章 学。 作 勑用二十八宿編 而《急就篇》唐 宋蔡舞嗙喻 今其 姓 牘 **汝** 氏 之閒 急就 書 》, 司 成 雖 案』《 九 皆 馬 以 篇 之類,大氐 有顔 不傳,若 相如《凡 號。❶ 下,其 歲 輒 急 皆 就 人 竊 師 所 篇 永樂 古 學 用 以 許 將 》以 學 出《凡 注,宋 ', 便 氏 中 漸 前 未 小 書

#### 千 字 文

傳》曰:「高祖以三橋舊宅爲光宅寺,勑興《千字文》元有二本。《梁書·周興嗣

篇》,家人覺其聰敏。」《北齊書》:「李繪六

章

· », 從

少

至

老,

初

不

憚

勞,

所

書

蓋

以

百

書

崔

浩

傳

**\*** 

「浩既

工書,人

多託

寫《

急

就

數。』《儒

林

傳》

劉

蘭

始

人

小學,書《急

就

卷,周 甚 之。』《蕭子範傳》曰: 檄 所 嗣 籍 籍志》:「《千字文》  $\pm$ 卷 則 注 注。」《梁書》本傳謂子範作之,而 嗣 注 注》陳 文》,而子範 一解。」是又不 户 》、《 次 |美,命記 譔。 製 與 梁 異 釋 志》云:「《千字文》一卷,梁給 **糸給事** 者 一个分以 曹屬 陸 矣。 書 興 《千字文》一卷,梁國子祭酒 倕 郎 自 韻 沈 〔臧 嗣 製 從 周 室蔡 獨與嗣、子範二人矣。 衆 是《 爲 王 譔。」是 所製 碑。 興 氏 傳 事 義 嗣 子雲 日 銅 中 譔。 遠 之書千字》, 是 及 者 郎 表 隋 注。 注 令 干· 成, 一時梁武 一卷,蕭 銘 興 又一《千字文》 志》「小學類」: 使 子 釋之。」《 字 \*<u>`</u> 嗣 俱 製《千 文》 子雲乃 範除 奏。 帝製《千字詩 所 栅 次 子 卷,梁國子 乃《隋 塘 並立 舊 字 大 高 範 者一《千 碣 子範之弟, 「《千字文》」 使 蔡遠 譔。 文 事 唐 司 祖 **₹** 書 書  $\approx$ 馬 興 蕭 也。 用 郎 祭酒 衆爲之 嗣 北 爲 子 又 其 南 興 唐 • • 「原 之 字 伐 雲 經 經 辭 平. 爲 嗣 興

> 梁 多爲 字 以 繇 史 胡 子雲注。 非 嗣《千字文》中語。 志》又有《 日 原注〕《隋書・文苑傳》:「秦王俊令潘徽爲《萬字文》。」 皆 学 章帝, 書 :「章草,言 爲鍾繇 • 人作,誤矣。 注 此 破 李至傳 堂 語 周 淳化帖》有漢章帝書百餘字,皆周 《千字文》一 碑 語,而 考索》同。 書。 然亦前 耳。」歐 Ŧ ,則又異矣。《隋書》、《舊 演千字文》五卷,不 蕭 ·餘字, 子 後 範 口 卷,胡 代 本 陽 黄 譔《千 村 「《千字文》乃 命周 人作 以 公疑 傳 魯 ^ 劉 東 肅 以 通章奏耳。」非章帝 直 字 氏 注。」則 興 觀 爲 以 文》則 ^ 但 遂 跋 嗣 餘 王 爲 録 謂《千字文》非 次 周 論》 章草千字文》 - 義之, 「漢 别 書 氏所 韻 梁 著 者 曰:「此 時 而 本 武 譔爲 何 集 也。 而 學書者 唐 成 帝 人作 成《 本, ~。」〔原 此 書 得 蕭 宋 千 書 興 又 鍾

八二

書

也

#### 草書

首。 後漢 動静 於 劉 皆 其 者 文,而孝 通 矣。 章 草 編 廙 有 次 尤可 北 輒 奏者謂 書 傳 序 意 褚 海 問 于 之。 爲 0 \*  $\pm$ 分绝,文字之上下,簡 先 原 武 左 漢 睦,善 人莫之 注 則 牛 魏 乃 方。」 轉五 時 之「章 漢 補 、箋啓用 詔特草上 史 詔 書, 書 魏 史記 官 即 是 能 草 及 草 之 郄 將文學,文帝器之,令廙 己 則 - 書之證。 寢 表 知 鑒 閒 用 疏,以 病 褚 傳》: 箋啓之文有  $\equiv$ 草 帝 先 謹 Ŧ. 驛 從簡易。」「孫氏 「帝以鑒有 書 生 論 故 馬令作 世 也。 之 親 次 草 家 參 其 書 見 **>** 草 差 器 日 魏 簡 真 之 書 用 望 長 尺 : 口 志 策 草 草  $\Box$ 牘 萬 短 一案 通 書 之 詔 至 • +機

人發地得木簡,字皆章草,乃永初二年發夫趙彦衛《雲麓漫鈔》言:「宣和中,陝右

章。 逮 右 雖 解 門令史游 自 以 故 奏。 討 散 大 張 軍 然 隸 畔 日 隸 旭、懷 之勢。 作 草 篆 蓋 爲 今 羌 體 所作 變 小 攷 草, 繁 檄 而 漢 學家 小小篆, 之 素輩 俗簡 也。 隸 則 猶 「原 既 米 筆 章 是 注 惰 王 流 出 用 元 仍 小 愔 張 奏 其 漸 章 云『漢 於 自 在 文移 篆 以 則 懷 典 檄 帖 行之』是 瓘 古 變 此 刑 良 元 言 以 書 悉 法 隸 繇 則 帝 斷 降 故 掃 以 時 去 也。」此 章 理 **∀** ∃ 史游 地 不 章 比 隸 日 草 容 矣 勝 「章草 草 其 未 趨 作 概 乃 又 爲 久 读 從 於 《急就 施 章 説 者 也, 冗 故 事 簡 於 奏 章 >>, 漢黄 筆 便, 也 故 復 章 之 亦

疑,是 於 弟 弟 不敬他 書 書 疏 字皆楷 北 以 似 及 齊 人,是自不 必 相 吏 趙 須 輕 曹 仲 正,云:「 易 隸 簿 將 筆。」 若 領 學涉 未 未 與 敬也。」或 唐 當 草 羣 嘗 席 家 不 書, 草 豫 中 可 書。 性 善 日: つ 卑 不 草隸, 謹 解,若 幼 謂 此 雖 又 與子 事 恐 施 雖  $\exists$ 其 其 之 與

張觀 朝 人。 44 之,不識草 廓 安 邪 南 細 一玄道 流萬州。」夫草書之釁,乃至是邪 爲 世 北 ! 卿 古人之謹重 終 幽 平生書 諸 柳 何 身 史,「 州 附 仲 介意?」豫 字,疑 都 不 書 郢 作草 必 皆 督, 與 手 爲 楷 其 鈔 其 李 如 楷 字 小 九 從甥房玄齡  $\Box$ 玄 謀己,懼 此。 字 書,尺 精 經、三史,下及 : 道 ·, 無 真, 《舊 細 爲 牘 一行草,類 無 猶 長 而 唐 未嘗 行 不謹 史。 奔叛。 書》:「 字」。 君 使 廓 君 魏 耐 人代。 其 宋 玄道 廓  $\Xi$ 晉 私 況巨 · 劉 君 爲 發 人

#### 金 石 録

景公。《漢 人。」今考《左傳》宋元公之太 史記 金石録》有《宋公絲餗 世 書・古今人表》有宋景公兜樂 家》,宋公無名絲 者,莫知 鼎銘》,云:「按 子 欒 嗣 其 位 爲 何

立」,是「兜樂」之音訛爲「頭曼」,而宋公緣而《史記・宋世家》「元公卒,子景公頭曼

即

景公也

者宗 《黨 注:「宗資字叔都,南陽安衆人。 事 宋 與 錮傳》,即《南 本傳 均 宗均」之誤爲「宋」,不 其誤顯 聽悉受降 合。 然, 而《 注 蠻傳》云:「會援病卒,謁 南 爲 未 蠻 置. 及 傳 吏司,羣 祖父均,自 Ē 》作「宗」,本傳 「原 ·必證 注 艫 有 一《黨 傳。 之碑 遂 平。 錮 及 作

食郁 云: 壯武 碑 封宋昌爲 侯,子孫 紀 後漢志》: 作 人伐 秩、 莊 房彦 【夷』是・ 壯 武 承 故 壯 謙高 \_\_\_ 襲。 武 出 城 武 等 也 按 在 侯。 祖 武 魏、 六縣。」 一。」《賈 漢 萊 ,故夷 法 念 正 膠 州 隋、 壽 東 即 復傳 國 義 唐 自 晉 或 墨 **>** <u>=</u> 宋 有 張 曰:《括 **\*** 縣 《左傳》隱 歸 壯 華 西 書 武 魏 封 六十 亦 了, 封 皆 縣 膠 封 東侯, 文帝 地 同 壯 里。」 壯 元 武 年 獨 武

日知録集釋

作「莊」。 侯,字並作「壯」,獨此碑與《左傳》杜氏注

# 鑄印作減筆字

紀》: 合戦 注 : 縣 平 渦 理 驛。」「原 南,又西 宋史 水 ∵志》: 北 定 水。 經》 州 于 Ŧi. 太 劉 天 原 冰注∭五: 壽 此 洞 里 琨 曹彬 到 太 復 陽、 水 府 渦 洞 之 洞 晉 原 出 徐 元 渦 代 爲 傳 渦 榆 陽 即 樂 郡 溝 史 年 水出 并 河 次 縣 是 有 平. 縣 四 州 至徐 唐 「爲 水 南 縣 府 有 沾 其 本紀 月,氏 也, 也。」《舊 西 百 前 十 縣 西 陽 溝 八,其 劉 **|** 四 戈 軍 北 人 有 縣 淵 驛 + 都監 叔 Ш 於 洞 人 ^ 引兵邀擊之, 里 琮 唐 汾 汾。 新 其 西 渦 陡 誉 書 戰 日 唐 名 過 村 泉嶺, 于 酈 今徐 本 洞 書 • 榆 洞 是 洞 昭 道 渦 溫 次 取 也 宗 地 渦 元 縣 溝 經 洞 河

> 之訛 按:上 登於印文,又不 戈」字, 出 河。」〔原注〕 北 合道,故 木瓜 .° \_ | 耐 嶺, 文 漢 日 른 而 止 同 世 四 今鑄 過。 出 唯《魏 家 水,或 沾 **\***: 嶺, 西 印 書 但 南 有 遂 脱 人 李 馬 出 地 、汾。」 作 漏 繼 文淵 大 形 志》「 廉 則又 勳 同 後 Ш 所言 戈, 敗 人 晉 作 繼 減 陽 出 同 恩 成 以 原 下 筆 過」,字 泉 洞 兵 減 借 祠 印 借 於 書 下, 異。 司 點 之 洞 過 Ŧi. 字 百 書 渦 又 水 水

名 京 考古正之。 壬辰,以天下驛傳之名多 П ,故以水名之。 |驛,凡 今驛多用 改者二百三十二。 如 揚 古地 州 府 名者。 日 廣 大 陵 洪 俚 驛 武 徐 俗, 九 溝 鎮 命 年 無 江. 翰 四 古 府 林 月 地 日

#### 畫

古人圖畫皆指事爲之, 使觀者可法可

道

啚

王

定

臣

+

几

置

閻

立

本

畫

秦

成

公

主

降

蕃

圖

列

漢

Ŧ.

元

昌

畫

逮

平.

隋

唐

尚

賦

圖

「原

注

世

風

啚

畫

列

女

之容, 景景 琦 府  $\mp$ 踞 成 楚 之 原 朝 桀、 ₩, 畫 × 沿 説 + 瑋 之 漢 + 注》《宋 辭 妲 ^ Ė 王 時 ^ 諸 范 其 本 章 僪 八 賢 廟 紂之象 玉 Ŧ 己 啚 侯之圖 長 之 句 意 傳 草 佹 則 學 華  $\pm$ 及 啚 弘 壽 類 **%** 洁 訓 宫 啚 公 士 傳 及 ^ 秦、 , 原 畫 猶 戒 唐 未 啚  $\approx$ 卿 明堂 啚 注》霍 古 言 有 原 0 漢 圖 風 × 閻 有 祠 • 戴 賢 注 成 周 以 ^ 原 俗 立 藝 無 堂 逵 聖 之 慶 光 公 凌 〔原 鬭 下 注 敘 啚 德 啚 文 傳 大 書 四 煙 相 雞 傳 見 怪 啚 注 × 志 ^ 門 書 而 孔 非 閣 南 成 於 物 書 啚 ^ ^ 貞 > 子 作 成 墉 成 醉 文 所 史 功 都 屏 行 天  $\pm$ 觀 慶 梁、 象 啚 試 臣 寒 YV. 將 八 及 校 尚 大 啚 啚 原 高 府 尉。 方令。 開 諸  $\approx$ 馬 啚 食 嬰 學 注 寺 祖 陳 元 ^ ^ 兒 啚 st啚 1:  $\pm$ 開 丞 館 太宗諸 殷 安禄 原 Ŀ 啚 置  $\approx$ 姚 × 啚 畫 隋 穀、 元 注 黨 直 人,字 ^  $\wedge$ 宋 陳  $\forall$ ₹,  $\approx$ 寧 佳 + Ш 武 武 韋 ^ ^ 原

慶

 $\check{\hspace{1cm}}$ 

「原

注

所

畫

也

 $\sim$ 

紂

醉

者

如

周

公負

事

,。」〔原

注

Ĭ.

逸

地

Ш

Ш

神

靈

負

斧泉南

面

以

語

楚

有

先

有

堯、

舜

戒

自

代

檀 智 敏 畫《 游 春 皇 戲 藝 啚 啚 × 原 ^ 注 振 祖 武

太 無 宗 忝 畫 自 定 辇 朝 Ŀ 九 啚 聖  $\approx$ ^ 開 高 元 +

子 德、 貞 觀 ^ 永 徽 間 ^ 朝 臣 ^ 啚

重

照。

曹

元

廓

書

後

周

北

齊

注

開

元

人。

董

萼

畫

盤

車

圖

后 左 啚 尚  $\approx$ 方 令。 秦 府 楊 學 昇 1: 畫 啚 ^  $\approx$ 望 賢 凌 宫 煙

按 真  $\forall$ 揭 張 鼓 萱 圖 畫  $\approx$ ~ 伎 鞦 女 轣 啚 啚  $\forall$ ^ 乳 原 注 1:

談 皎 畫《 武 惠 妃 舞 啚 × ^ 佳 麗

及 王 麗 安 調 伎 禄 馬 女 Ш 打 啚 啚 毬 ~ 啚 韓 相 幹 馬 畫 原 啚 注  $\forall$ 龍 大 玄 梁 朔 入 宗 功

宏 九 畫《 瑞 安 啚 禄 Ш 原 注 鄙 山永  $\pm$ 玄 府 長 宗 史。 馬 Ŧ 射

畫 鹵 簿 啚 田 琦 畫 ^ 洪 崖 子 橘 木 啚

念記 圖〔原注〕 傳》: 竺胡 主三 秦王 易善,於是 者集樂 之,曰:『此《霓裳 啚 對 撲 原 雉 注 蝶 府 漢 人有 閣 僧 德 諮 **∀**, 鬭 公 Ï 宣字 通 平 議 圖 渡 羊 卿 子 按 景玄。 鑑 按 相 水 \*° 白 或 得 祖 筝 汝 翔 之, 放 録 描 南 皆 **∀**, 鳳 事 牧 奏 各 太 Ш 無 蜀 指 疏 參 ()第三 守。 游 樂 楊 圖 水之畫 差。」 嘉 軍 事 啚 卷。 麟 真 圖 州 封 竇  $\approx$ 圖 疊 象 人  $\approx$ 司 陵 自 原 師 陽 舒 降 第 物 馬 興,而 注 實 不 唐 綸 公。 變 真 原 之 劉 元 知 體 文 書 注〕字 贊 拍 輿 子。 作 其. 粹 難 韋 古人之意 内 也。」 ^ 学有 Ι. 名 鷃 獻 五. 养 言、 記 周 ~ 庫 畫 星 王 空 維 陳 桃 昉 好  $\pm$ 瑞 太宗 墓 事 視 維 藹 等 書 後 源 天 錦

尚

之。

愷 稚 之、 子 宋 陸 高 邵 探 貫 博《 方 微、宗處 聞 墓 見 碑 後 多 土 録 刻 畫 尝云 Ш 尚 林 有 觀 人 其 物 漢 遺 李 法 乃 翕 知 至 顧 Ŧ.

> 減 吴 矣,況 道 玄 绝 其 藝 下 者 人 神 此 然 口 始 爲 用 知 巧 者 思 道 也 而 古 意 少

韻 以 不 高 倣前 宋 簡 徽宗崇寧 爲 人而 工。 物之情 此 三年 近 於 態 立 形色俱若自 空 畫 摹 學,考畫 之格,至 一之等, 然、筆

農 輩 若 晉 實 竇 意 城 事 未 皆 ||今人 播 陽 事 建 而 郭 有 其 德、 考 種 謝 Ш 止 無 華 書 訂 他 在 也。 任 Ш 故 神 堯 清 安 杭 人 如 事 意 佛 形 民 宫 禄 懿 余 師 者 五. 變相 物 勢 擊 避 山 宗 觀 心 雜 壤 向 衣 蓋 暑 射 張 有 背 俎》 冠 鹵 有 星曜 老 兔, 僧 不 ',皆不 制 何 莽 故 曰 : 子 繇 度,宫 足 貴 滅 事 真 度 而 自 畫 妃 展 裂, 便 形 得 關, 足 上 子 須 草 室 唐 而 動 虔、 宣 馬 草 規 立 至 以 皆 上 輒 尼十 下 模 意 前 如 寫 閻 之 後 託 筆 大 結 石 則 主 其 之 立 名畫 略 神 本 幸 故 寫 丰

洪 成 人 F 爲 移 之 之, 居 則 商 轉 如 Ш 相 此 采 沿 芝,二 題 倣 目 疏 今 蓋 祖 繇 人 道 卻 所 重 不 元 在 肯 達 此 書 鏁 諫 習 而 以 古 葛

#### 古 器

風

要

亦

相

傳

法度

易

於

循

習

諸 寶 世 啚 璜 出 古 不 分器 守 之屬 魯公、 , 封 · 知 三 而 出 也 陳 重 洪 父之 代 之, 之, 氏 河 唐 而《 陳 逸《 然 繁 隨 叔 如 設 則 春 原 而 書》 之 郜 筆 於 弱 古 注 來 官》有「典 》謂 或 鼎 成 去 前 之目 密 左 王. 而 不 乎 紀 傳 須 之顧 影昭 恆 赤 甗 之 此 彝 湯 刀、 矣。 之 器 鼓 庸 成 有《 命 + 類 之 器」之職,祭 弘 虧 者, 闕 四 故 傳 典 壁、 歷 有 年 鞏 夏后 寶 又天子 數 歷 春 之 天 九 口 秋 甲 球、 氏 鼎 是 武 數 以 之 之 0 淪 以 河 班 祀 有 來

> 言 年, 毁 虞 悉 年 所 泗 盧 去吴 命 平. 生毛 0 必 IF. 詔 武 蓋皆 毁 有 月 陳 事 庫 毁 則 之。 所 者 T 之 平. 殿 恣 得 西 知 劍 遼、 睢 前 而《 秦漢 隋 歷 穿 之鍾 以 不學之主, 宋 書 世 屋 大 平. 三大 所 》:「文帝 久 金 圃 感 陳 八遠,能 得 飛 或 Ш 所 鍾 古 志 得 而 , 越 原 而 器 響 古 爲 開 注 載 古 二大 器多 神 皇 銅 亦 器 海 越 九 怪 人 如 绝 之 陵 鼓。 爲 亦 年 人 書 銷 隋 IE. 夢 淤 禍 几 亡 文 隆 理 變, 載 爲 之 鍾 湛

其 事 孫 今 裕 又 其 説 之[原注]好 胡 以以 孫 永 欵 足 曰 讀李易 爲「有 道 寶用」, 豈聖人者 識 ? 故 在,不 問。 聚 安《題金石 代 有 未 鼎 作 散,乃 嘗 E 鍾 談故 不 『永 其 物 歎 理 録 超 用 初 譜 其言之達。 之常,人亡 然遠 引王 享 出  $\approx$ 於 獨 一涯、元 覽 聖 則 以 人 爲 日 而 一一子子 之制 不 載 不 耐 然。 能 元

可

惜

矣

忘情於一物邪! 自莊周、列禦寇之説出, 忘情於一物邪! 自莊周、列禦寇之説出, 忘情於一物邪! 自莊周、列禦寇之説出, 忘情於一物邪! 自莊周、列禦寇之説出, 忘情於一物邪! 自莊周、列禦寇之説出,

日知録集釋卷二十一終

#### 鳴 謝

儒藏》精華編惠蒙善助、共襄斯文、謹列如左、用伸謝忱。

本焕法師

智海 企業集團董事長 馮

付

剛先生

張貞書女士

NE·TIGER 時裝有限公司董事長 建新先生

張志峰先生

壹佰萬元 壹佰萬元 壹佰萬元 壹佰萬元 壹佰

萬 元

北京大學《儒藏》編纂與研究中心

本册責任編委本 册 審 稿 人

李 媛 姗

劉宗永

